





John Carter Brown
Library
Brown University


The John Carter Brown Library


Brown University

Purchased from the
Louisa D. Sharpe Metcalf Fund



Nov IV 22.





APPARATUS ERUDITIONIS

AD JURISPRUDENTIAM, PRÆSERTIM ECCLESIASTICAM,

In quo

Præter Juris Universalis Principia,
JUS NATURÆ, GENTIUM, DIVINUM,
APOSTOLICUM, & PONTIFICIUM, JUS SYNODALE
OECUMENICUM, NATIONALE, AC PROVINCIALE,
Unacum

Provinciarum ac Regnorum Ecclesiastico & Politico Statu,
Disciplina Ecclesiæ, Hæresibus exortis &c. continua Sæculorum serie ad
præsens usque tempus deductum, insertisque pro re nata multis
observationibus criticis, ac controversiis Juridicis,

Publicis, ac Polemicis,

*METHODO HISTORICO- DOGMATICA COLLIGUNTUR,
ET BREVI AC CLARA IDEA DELINEANTUR,*

In utilitatem eruditionis amantium, quibus vasta Conciliorum, Decretorum,
Historiarum &c. volumina perlegendi aut occasio aut tempus deficit,

AUTHORE

P. JOSEPHO BINDER, S. J.

SS. Theol. & SS. Canonum Doctore, horumque in alma Cæsareo-Leopoldina
Universitate Oenipontana, ac in celeberrima Episcopali Academia Diligana
antehac Professore Ordinario ac Publico.

PARS VII.


De Jure Synodali, Publico S. R. I. & Provinciarum Statu, Seculo XVI.


Editio quinta.

CUM FACULTATE SUPERIORUM.

Augustæ Vindelicorum & Friburgi Brisgojæ,

Sumptibus Fratrum IGNATHI & ANT. WAGNER Bibliop. MDCCLXVIII.







PRÆFATIO.

Tam arcta est statum inter Ecclesiasticum & Politicum connexio, ut alter ab altero dependere consueverit. Argumento sit Sæculum XVI. quo Religionis mutatio magnam quoque in Republica mutationem traxit, adeo quidem, ut novum tunc Jus Publicum, novumque veluti mundum surrexisse complures scribant. Quare prolixius aliquanto de præcipua mutationis causa, religione videlicet, hic diffêrere oportet, ut, dum innumeri prope Scriptores Protestantici, Jus Publicum, & Historiam Sæculi XVI. pertractantes, minus sincere rerum ideas imprimere nituntur, catholica Juventus apparatus quendam candidioris eruditionis ad manum habeat.

Quoniam autem in parte hac VII. præter Jus Synodale, & utriusque Reipublicæ statum, etiam fontes Juris Publici Romano-Germanici, uti Pacem Publicam, erectionem Cameræ Imperialis, Capitulationes, Comitia, Transactionem Passaviensem, Pacem Religiosam recensêbo, æqui bonique consulet Lector Benevolus, quod Dissertationem de *Bulla Aurea* præmittam, aliaque, prioribus sæculis omissa, aut leviter duntaxat tacta, hic suppleam.

DISSERTATIO

Præliminaris de Bulla Aurea.

SUMMARIUM.

- | | |
|---|---|
| 1. Quid sit. Cur rogata. Exemplaria tria. | 3. Observatio in hoc caput. |
| 2. Caput I. Qualis debeat esse conductio Electorum, & a quibus. | 4. Caput II. De Electione Romani Regis. |
| Pars VII. | 5. Observatio in hoc caput. |

A

Quæ-

Quæstio I. An eligi possit in Imperatorem A Catholicus?

6. *Argumenta Catholicorum.*

7. *Argumenta Protestantium, eorumque solutio.*

Quæstio II. An Exterus possit eligi?

8. *Argumenta in utramque partem.*

9. Caput III. *De Sessione Moguntini, Trevirensis, & Colonienfis.*

10. *Observatio in hoc caput, de Furibus Moguntini.*

11. *De Furibus Trevirensis, & Colonienfis.*

12. Caput IV. *De Electoribus in communi.*

13. *Observatio de antiquitate Archiepiscoporum.*

Observatio de origine Septemviratus.

14. *Prima sententia originem refert ad B. A.*

15. *Altera ad Concilium Lugdunense II. sub Greg. X. & Rud. I.*

16. *Tertia ad Concil. Lugd. I. sub Innoc. IV. & Frid. II.*

17. *Quarta ad tempus Interregni.*

18. *Quinta ad tempora Greg. V. & Ottonis III.*

19. *Tribuitur omnibus aliquid.*

20. *Observatio de Electoratu Bavarie, Palatino & Hannoverano.*

Caput V. *De Fure Comitum Palatini, & Saxonie Ducis.*

21. *Fura Vicariorum Imperii.*

22. *Observatio de Vicariis.*

23. Caput VI. *De comparatione Electorum ad alios Principes.*

24. Caput VII. *De Successione Principum Electorum.*

§. 1. *De Testamentaria tutela Electorum.*

25. *Argumenta pro sententia affirmativa quod possint.*

26. *Pro negativa probabilior, quod non possint tutorem dare.*

27. §. 2. *Aliæ Observationes ad hoc caput.*

28. Caput VIII. *De Regis Bohemie immunitate.*

29. Caput IX. *De auri, argenti &c. mineris.*

30. Caput X. *De Monetis.*

31. Caput XI. *De Electorum immunitate.*

32. Caput XII. *De Congregatione Electorum.*

33. Caput XIII. *De revocatione privilegiorum.*

34. Caput XIV. *De auferendis feudis.*

35. Cap. XV. *De Conspirationibus.*

36. Cap. XVI. *De Pfallburgeris.*

37. Cap. XVII. *De Diffidationibus.*

38. Cap. XVIII. *De Litteris Intimationis.*

39. Caput XIX. *Formula mandati Procuratorii.*

40. *Reliqua capita de unione Principatum, Processione, Benedictione, Integritate Electorum, curia Imperiali &c.*

41. Caput XXVII. *De Officio Electorum in Curia.*

42. Caput XXVIII. *De mensis Electoralibus.*

43. Caput XXIX. *De feudorum receptione.*

44. Caput XXX. *De Institutione in Bul.*

Bulla Aurea est Sanctio Pragmatica, a Carolo IV. anno 1356. Imperii ejus secundo, partim Norimbergæ partim Metis edita & promulgata, assidentibus omnibus Principibus Electoribus, Ecclesiasticis & sæcularibus, ac aliorum Principum, Comitum, Baronum, Procerum, Nobilium, multitudine numerosa: in qua præprimis Electio Imperatoris, deinde Jura & Privilegia Electorum, Vicariatus item Imperii firmantur.

Finis proin est, ut contentionibus, violentiis, noxiisque Interregnis eatur obviam, atque Electoribus sua jura illæsa maneant. Dicitur *Aurea*, ab aureo sigillo appenso; quod uno latere effigiem Imperatoris Regalem cum insignibus, altero castrum magnum refert.

Bulla ipsa in 30. capita dividitur, lingua latina scripta, ac tria exemplaria originalia superesse dicuntur, unum Heidelbergæ primo asservatum, ac dein Romam translatum, alterum Moguntiæ, tertium Francofurti, non tamen ejusdem omnino tenoris. Juvat primaria illius capita ex occasione in hoc apparatu eruditionis hic summatim attexere.

C A P U T I.

Qualis debeat esse conductio Electorum, &
a quibus?

Quando Electores ad electionem Romanorum Regis aut Imperatoris juxta antiquam laudabilem consuetudinem habent proficisci, omnes Principes, Comites, Barones, per terras suas liberum eis transitum permittant, & saluum conductum præstent, victualia communi pretio vendant, &c. sub gravissimis pœnis perjurii, rebellionis, & amissionis feudorum, non obstantibus quibuscunque inimiciis & dissensionibus, inter eos exortis. Elector vero alteri Electori conductum non præstans, præter pœnam perjurii, voce in electione pro illa vice facto ipso est privatus. Principes, Comites litteris & juramento promittant hæc omnia bona fide implere.

Nominantur deinde, qui singulos Electores ad locum Electionis conducere debeant, uti *Regem Bobemia S. R. I. Archipincernam Moguntinus*, *Bambergensis*, *Herbipolensis*, *Burggravius Norimbergensis*, *Hohenloenses* &c.

Coloniensem S. R. I. per Italiam Archi-Cancellarium Moguntinus, *Trevirensis*, *Palatinus* &c. *Trevirenses S. R. I. per Galliam & Regnum Arelatense Archi-Cancellarium Moguntinus*, *Palatinus*, *Spanheimenses Comites* &c. *Comitem Palatinum Rheni S. R. I. Archidapiferum Moguntinus*.

Saxonie Ducem S. R. I. Archinavescallum Rex Bohemæ, Moguntinus, Magdeburgensis, Bambergensis, Herbipolensis, Marchio Misnensis, Landgr. Hassiæ, Fuldensis, & Hirschfeldensis Abbates &c. Denique hi ipsi per territorium suum conducant etiam Marchionem Brandenburgensem S. R. I. Archicamerarium. Hi autem Septemviri mature adventum suum significant, & conductum exposcant. Imo etiam non nominati, si fuerint requisiti, debent eosdem per terras suas conducere.

Moguntinus singulis Electoribus per nuntios suos patentibus litteris electionem intimet, ut a die, in litteris expressa, infra tres menses continuos singuli Francofordiæ sint constituti, vel suos legatos eo mittant *cum plena & omnimoda potestate*: suisque patentibus litteris, majori eorum cujuslibet sigillo signatis ad eligendum Romanorum Regem in Cæsarem promovendum.

Si Cæsar obiit, Moguntinus intra mensem, a die, quo obitus in ejus Diocesi innotuerit, obitum ipsum, & intimationem prædictam Septemviris declaret. Si ille hoc facere negligat, nihilominus Electores motu proprio Francofurti ad electionem conveniant intra tres menses.

Electior aut ejus nuntii tantum cum 200. equitibus, ex quibus 50. solummodo possunt esse armati, Francofurtum ingrediatur. Si autem rite vocatus Electior vel per se vel per legales nuntios non compareat, aut Cæsare necdum electo recedat, procuratore legitimo non relicto, eligendi pro illa vice jure careat.

Francofordia Electores eorumque comitatum ab omni injuria securos præstet, neminemque alium, cujuscunque sit dignitatis, civitatem intrare permittat. Et si quis eo tempore ingressus esset, ejus exitum procuret.

3.
Observatio.

Nota 1. ex eo, quod Imperator dicat, Electores ad eligendum Imperatorem debere proficisci juxta antiquam laudabilem consuetudinem, omniumque septem officia tanquam rem antiquam commemoret, manifestum argumentum sumi contra eos, qui dicunt, Electorale Collegium primum per Bullam Auream fuisse institutum. Idque magis etiam confirmatur ex cap. 4. n. 2. ubi Carolus IV. ait, Moguntinum ab antiquo habuisse potestatem Electores convocandi.

Nota 2. Moguntinum, etiam necdum consecratum, aut investitum posse ac debere Electores convocare, eos quoque, qui necdum sunt consecrati aut investiti. Sede tamen Moguntina vacante id muneris competere capitulo negat Vitriarius Inst. Jur. Publ. lib. 1. tit. 6. n. 5. eo quod sit personale. Quare tunc monendum capitulum, ut quantocius Archiepiscopum eligat, vel Trevirensi convocationem &c. competere, vel sua sponte Electoribus conveniendum

dum pari modo nec ad electionem vocandum esse capitulum, eo quod etiam hoc jus sit personale, ad Archiepiscopi personam restrictum. Quamvis, si Elector secularis sit minorennis, ejus tutor aut administrator sit vocandus.

Nota 3. Si Elector Legatum mittit, instructum esse debere mandato cum libera, ad nullam personam restricto. Potest etiam Elector uni ex presentibus Electoribus votum suum committere, non tamen per litteras mittere.

Nota 4. Quamvis A. B. Francofurtum pro loco electionis determinet, id tamen non ita precise observari; nam Ferdinandus I. electus est Colonia, Rudolphus II. & Ferdinandus III. Ratisbonæ, Ferdinandus IV. & Josephus Augustæ. Sic etiam quandoque dispensatum in eo, quod omnes personæ publicæ tempore electionis Francofurto excedere debeant.

C A P U T II.

De Electione Romani Regis.

Postquam Electores Francofurtum sunt ingressi, altero mox die in Ecclesia S. Bartholomæi in omnium ipsorum presentia Missam de S. Spiritu faciant decantari. Eaque finita omnes Electores accedant ad altare, & juramentum, juxta præscriptam formulam, emittant, quod secundum omnem discretionem & intellectum suum eligere velint temporale Caput populo Christiano, id est, Regem Romanorum in Cæsarem promovendum, qui ad hoc existat idoneus, absque omni pacto, stipendio, pretio, vel præmissio, seu quocunque modo talia valeant appellari.

Tum vero ad electionem procedant, nec amplius separentur a dicta civitate, nisi prius major pars eorum temporale caput populo Christiano elegerit. Quod nisi intra 30. dies præstiterint, a die juramenti numerandos, amodo panem manducent, & aquam bibant.

Postquam autem in eodem loco ipsi, vel major pars eorum elegerit, talis electio perinde haberi & reputari debebit, ac si foret ab ipsis omnibus nemine discrepante concorditer celebrata.

Si autem Elector serius adveniat, attamen ante electionem perfectam, admittitur ad eam in eo statu, in quo adventus tempore consistit.

Electus statim Electoribus & reliquis Principibus Ecclesiasticis & secularibus universis, qui propinquiora S. Imperii membra esse noscuntur, omnia ipsorum privilegia, litteras, jura, libertates, concessionem, antiquas consuetudines, dignitates, possessiones, absque dilatione & contradictione confirmare debet, ac postquam Imperialibus Infulis fuerit coronatus, rursus innovare & approbare.

Confirmationem hujusmodi Electus ipse cuilibet Principi Electori in specie primo suo nomine Regali faciet; dein sub Imperiali titulo innovabit.

Potest Elector sibi ipsi votum dare, & sic facere majora.

5.
Observatio.

Nota 1. Hodie presentibus Electoribus in loco electionis dies electionis pridie singulis Electoribus a Directorio Moguntino indicitur. Altero die Electores congregantur in curia, habitum ibi suis in conclavibus Electoralem induunt, consensisque ante curiam equis, ordine suo ad Ecclesiam procedunt bini & bini, Moguntinus & Trevirensis, Colonienfis & Bohemus, Bavarus & Saxo, Brandenburgicus & Palatinus, cum Hannoverano. Si legati adfunt, præcedentiam presentibus Electoribus cedunt. Ante Electores eorum Mareschalli hæreditarii erectis in altum gladiis equitant.

Nota 2. Usque ad electionem Ferdinandi IV. Roman. Regis Electores Protestantes sub Missæ Sacrificio secesserunt in sacristiam, contra morem Majorum, & expressum Bullæ Auræ tenorem. Postea autem mansuetiores facti etiam ipsi rursus interfunt Missæ.

Nota 3. Finita Missa, & præstito juramento, Electores se conferunt in sacristiam, consuetum electionis conclave; ubi, postquam sæculares promiserunt observationem capitulationum, si quis eorum eligeretur, Moguntinus inquit vota, primo a Trevirensi, deinde a Colonienfi, & sic deinceps: reliqui vero exquirunt a Moguntino suum. Requiritur autem vota, non tantum respective, sed absolute majora; ut adeo hodie, ubi novem sunt Electores, quinque requirantur suffragia.

Nota 4. Cum quis vel omnia vel majora Collegii vota obtinuit, Moguntinus in conclavi electionem enuntiat, & adhibitis Notariis ac testibus refertur in litteras, quæ appositis Electorum Sigillis muniuntur. Promulgatur publice in Ecclesia S. Bartholomæi ab eo, quem Moguntinus ad hoc delegerit. Denuntiatur Electo, si sit absens. Offertur capitulatio. In quam si consentiat, juramento se ad ejus observationem adstringit.

Si autem præsens sit Electus, deducitur ab Electoribus, ex conclavi ad altare, factisque precationibus, ab electoribus in altari collocatur. Cantatur Hymnus Ambrosianus. Ascendit thronum, fit proclamatio ad populum.

Nota 5. Licet Aurea Bulla tantum exprimat, quod Electus Electoribus aliisque Principibus jura & privilegia sua confirmare debeat, hodie tamen vi capitulationum reliquis etiam Imperii statibus illa confirmat.

QUÆ.

Q U Æ S T I O I.

An eligi possit in Imperatorem A catholicus?

Ex eo, quod A. B. hoc cap. 2. decernat, ut Electores, *Missa de Spiritu Sancto* decantata, ex ejus inspiratione eligere valeant hominem justum, bonum, & utilem in Imperatorem pro salute Christiani populi, atque jurare debeant, quod velint eligere caput Christiano populo, id est, Regem Rom. ac Cæsarem, qui ad hoc existat idoneus, ex hoc, inquam, Catholici inferunt, non alium vi Aureæ Bullæ posse eligi quam Catholicum. 6. Argumenta.

Neque enim per Christianum populum alium posse intelligi, quam talem, qualis fuerat tempore Bullæ Aureæ a Carolo IV. conditæ; nullum autem tunc temporis in Germania fuisse Christianum populum, nisi Catholicum. Huic eligendum caput idoneum, pro hujus Christiani populi salute designandum Imperatorem, justum, bonum, & utilem. Huic populo Catholico non esse idoneum caput A catholicum: pro salute populi Catholici nullum esse bonum & utilem, nisi Catholicum.

Adhæc inter *Missæ* solennia invocandum Spiritum S. ut indicet, quem elegerit. Hoc autem non convenire Electioni Imperatoris, qui Missæ Sacrificium idololatriam & superstitionem reputat. Sicut propterea illi non congruunt ea, quæ A. B. cap. 23. statuit de Benedictionibus Archi-Episcoporum, & Missarum solemnibus.

Quemadmodum igitur per A. B. excludatur Atheus, Ethnicus, Mahometanus, Judæus, Anabaptista, Arianus, Nestorianus, Eutychianus, Socinianus; quia non esset idoneum caput populo Catholico: aut bonus & utilis pro ejus salute; sic etiam propter eandem rationem excludi quemcunque a Sacris Catholicis alienum, eo magis, quod eo tempore tam parum exstiterit populus Lutheranus, aut Calvinianus, quam parum exstiterit Anabaptisticus, Münzerianus, Socinianus, Servetianus, Quackerianus, Janfenisticus &c.

Verum non sola A. B. A catholicum a Cæsareâ dignitate excludit, sed etiam aliæ Imperii Constitutiones ac perpetua consuetudo. Nam non tantum jam inde ab instauratione Occidentalis Imperii, ejusque in Carolum M. translatione, facta per Leonem III. Romanum Pontificem, nullus unquam electus fuit, nisi Catholicus, sed juramenti etiam, perpetuo usitati formula manifeste exhibet, quod Imperatores debeant esse Patroni, Defensores, & Advocati Romanæ Ecclesiæ: sic enim jurarunt Carolus M. Ludovicus Pius, alique post ipsos Impera-

peratores, uti videre est apud Pfeffingerum *ad Vitriar. Inſtit. lib. 3. tit. 2.* aliosque Scriptores Proteſtanticos.

Rurſus jam in Capitulatione prima ſolenni Carolus V. juravit, quod Pontificem & Eccleſiam Romanam tanquam ejus Advocatus velit defendere; quod juramentum, defendendi nempe Papam, ac Romanam Sedem, omnes deinceps Electi Imperatores in primo capitulationum articulo inſtaurarunt.

Denique ex antiquiſſimo uſu Electus ante coronationem ab eo Electore Eccleſiaſtico, cui competit jus coronandi, interrogatur: *Viſne Sanctiſſimo in Chriſto Patri ac Domino Domino Pontifici & Sacroſanctæ Eccleſiæ Romanæ debitam ſubjectionem & fidem reverenter offerre?* Rex vero tactis SS. Evangeliiſ reſpondet: *Volo.*

Jam vero hæc omnia, tot capitulationibus munita, tamque diuturna conſuetudine firmata, Imperatori, a Catholica fide alieno, nullatenus congruerent. Siquidem nec poſſet nec vellet hæc jurare, ac præſtare.

Non poſſet. Quomodo enim poſſet jurare Advocatiam & protectionem Romanæ Sedi, quam ſecundum Evangelium Lutheri aut Calvinii credit, eſſe cathedram peſtilentiæ, aut meretricem illam magnam Babyloniam? quomodo defendet Romanum Pontificem, quem politum ſyſtema novatorum Anti-Chriſtum publice proclamat? quomodo illi tanquam *Sanctiſſimo Patri ac Domino ſubjectionem ac fidem offeret?* Quomodo defendere poſſit Romanam ac Catholicam Religionem, quam idolomania & ſuperſtitionis tabe manantem novellum Proteſtantium dogma proponit?

Sed neque vellet Advocatum & Protectorem ejusdem Romanæ Sedis, ac Defenſorem Papæ & Papiſtarum, ut loquuntur, agere; tum propter inſinuatæ rationes, tum quia Acatholici Electiores ſatis dilucide ſignificarunt, quo ſint in hac re animo; dum jam anno 1562. in Capitulatione, Maximiliano II. propoſita, atque deinceps ſæpius aperte ſunt proteſtati, ſe nolle, Imperatorem eſſe obligatum ad defendendam Romanam Eccleſiam & Papam: *mentionem, aſebant, quod ſpectat de Romana Sede & ſanctitate Pontificia, Proteſtanti Principes eſſe conſentientes nolunt, aut Cæſares obligatos.*

7.
Reſponſio.

Ex quibus haud obſcure apparet, quam frivola ſit Acatholicorum exceptio, dum ajunt, etiam Proteſtanticum Imperatorem protectionem Romanæ ac Catholicæ Eccleſiæ exhibiturum: hoc enim, ut ex dictis pateſcit, ſecundum Lutheranas & Calvinianas ideas facere nec poſſet nec vellet: multo minus ſubjectionem & fidem Papæ eſſet oblaturus. Quare & Bullam Auream, & conſuetas Capitulationes

Cæſa-

Cæsareas, & antiquissimas Imperii consuetudines oporteret subversum iri.

At, inquit, per Instrumentum pacis Westphalicæ derogatum est catholicorum juri, si quod ipsis per B. A. aut alias Imperii leges fuisset quæsitum: dum inter trium religionum aſſectas exacta in omnibus æqualitas est sancita. Verum cum omnis derogatio sit odiosa, illa vero maxime, quæ adversus fundamentales Imperii leges, & antiquissimas ejusdem consuetudines grassatur, æqualitas illa, per P. W. asserta, ultra illa, quæ in ipso Instrumento sunt comprehensa, non est extendenda. In omnibus igitur ibidem expressis sit æquiparatio; quoad quietem nempe, tranquillitatem, immunitatem a pœnis, & infestatione. Quod autem expressum non est, exclusum esse merito censetur. Alias dicere oporteret, etiam quoad numerum Electorum, suffragia Principum &c. scitam fuisse æqualitatem. Cum ergo neque in pace Religiosa, neque in Westphalica quidquam in hoc electionis cæsareæ puncto fuerit mutatum, standum est Aurea Bulla, Capitulationibus Cæsareis, & antiquissima consuetudine, atque possessione Catholicorum, a Carolo M. ad nostra usque tempora perpetuo continuata. Certe etiam post transactiones illas, ex fatali bellorum necessitate initas, stat immotus capitulationum Cæsarearum primus articulus de obligatione protegendæ Romanæ sedem, summumque Pontificem, jurantque in coronatione Cæsares, se sanctissimo Patri ac Domino Pontifici & sacrosanctæ Romanæ Ecclesiæ debitam subjectionem & fidem oblaturos.

Sufficiebat nempe Protestantibus pro illo tempore, quod eorum religio novella, toties in Comitibus Imperii antea proscripta, fuerit tolerata, & quoad usum pacis, quietis, tranquillitatis, & impunitatis, cum remissione ad annum normalem, civitate donata. Remisso simul edicto Restitutionis eorum bonorum Ecclesiasticorum, quæ a tempore Pacis Religiosæ contra Reservatum Ecclesiasticum Catholicis abstulerant. De acatholico in Cæsarem eligendo nec cogitatio. Nullatenus vero approbata est eorum religio, vel ipso teste Conringio *oper. tom. 2. in Bullam Innoc. X.* ubi ait, nullo pacto sacra (Protestantica) fuisse laudata, sed tantum a civili infamia fuisse liberatos eorum cultores. Item: an sacra Protestantium sint hæretica, nec ne, non aggressam esse Germaniæ Rempublicam definire per pacem. Hæretici appellari in Imperio Lutherani & Calvinistæ non debent; quid sint, modo non disputo. Hoc certum, secundum B. A. capitulationes Imperii, Juramenta Cæsarum consueta, & antiquissimas consuetudines, neminem, a fide Catholica alienum posse in Imperatorem

eligi, neque iis per pacem Religiosam & Westphalicam quoad hoc esse quidquam derogatum.

Neque obstat, quod olim Palatinus & Saxo, dum adhuc Protestantium Religioni adhærebant, Imperio vacante potuerint esse fuerintque Vicarii Imperii. Nam hæc potestas ac dignitas est multo inferior & restrictior quam Cæsarea, brevique tempore durat, neque electione ad eam assumuntur, sed vi Aureæ Bullæ erat illis quodammodo innata. Contra vero a summa Cæsarea dignitate & advocatia Romanæ Ecclesiæ, ut abunde probatum, per A. B. Capitulationes, Juramenta Cæsarum, & consuetudines Imperii arcentur omnes alieni a Catholica Religione, quæ in antiquissima ac nunquam interrupta est possessione.

Sed neque refert, quod Protestantes possint Imperatorem eligere. Nam etiam Ecclesiastici Electores possunt eligere, non tamen eligi. Nihil nempe est novi, quod quidam voce gaudeant activa, careant passiva. Dein argumenta ex A. B. capitulationibus, juramentis Cæsareis, jure advocatiæ, obligatione protegendæ sacram sedem ipsumque Papam, ac consuetudine, deprompta solummodo militant adversus vocem passivam, non autem activam.

QUÆSTIO II.

An Exterus eligi possit Imperator?

3. **M**agnam hæc res controversiam excitavit post mortem Maximiliani I. dum Franciscus I. Rex Galliæ competitorem coronæ Imperialis se offerebat. Pro eo eligendo in Collegio Electorali peroravit Trevirensis, commoda Imperii ostentans, si Germania & Gallia rursus sub eodem capite unirentur.

Ejus orationem confutavit Moguntinus; neque ex usu neque ex re Germaniæ esse, exterum Principem, aliis moribus & Monarchicæ gubernationi assuetum, Imperatorem deligere: adducendam in discrimen Germaniæ libertatem, timendum Electorum ac statuum juribus, dissensiones ob diversum nationum ingenium vix evitandas fore. Magna esse Domus Austriacæ in Imperium merita. Teutonicæ Nationis Principem ex innato patriæ amore salubrius ad salutem publicam populorumque solatium gesturum Republicam. Germani proin sanguinis principem evehendum ad apicem Germani Imperii, in persona Caroli M. & postea Ottonis I, ad solos Germanos translati.

Legi.

Legibus insuper & jurejurando impediri Septemviros, ne Imperii decus transferatur ad externos.

Quamvis autem ad leges & juramenta Moguntinus se hic referat, sintque non pauci, qui a Gregorio V. & Ottone III. interdictum pronuntient, ne alius quam Germanus dicatur Cæsar, alii tamen legem hujusmodi latam negant: juramentum autem non aliud imponi Electoribus, nisi quod Aurea Bulla exhibet, eligendi videlicet *temporale caput populo Christiano, id est, Regem Romanorum in Cæsarem promovendum, qui ad hoc existat idoneus.* Neque alia lege Imperii prohiberi Electores, quo minus, si e re publica visum fuerit, ad exterum Principem falces deferant. Nec deesse exempla, quæ id factum demonstrent. Alphonsum Hispanum, Richardum & Eduardum Anglos, septemvirum suffragiis fuisse designatos. Fridericum II. natum esse in Sicilia, Carolum V. in Belgio, Ferdinandum I. in Hispania &c. Romanum Imperium non concludi solis Germaniæ finibus, universo Christiano populo caput eligi, totique Ecclesiæ advocatum; virtutem prom spectandam, fidem, integritatem, fortitudinem, ac rerum usu collectam prudentiam, non Nationem.

Sed replicant alii; quamvis expressa Imperii sanctio non existet, qua a culmine Imperii arceantur exteri, haud obscure tamen id eruit ex bulla aurea, quæ *idoneum & utilem* præcipiat eligi. In comparatione autem tot præcellentium Germaniæ Principum, quos generis splendor, sanguis avitus, virtutis ac potentiæ prærogativa ad externos etiam thronos passim evocet, exterum Principem, peregrini moris hominem, Germaniæ rebus, quæ suis vivere consuevit legibus, non videri utilem atque idoneum: nec cessurum gloriæ Nationi potentissimæ, ac toto orbe celebratæ, si corpori suo, tam inclito, tot eminentibus membris ornato, peregrinum caput imponat. Ad corporis siquidem ignominiam pertinere, si de se ipso desperet.

Hanc esse mentem Bullæ Auræ, perpetuo usu firmatam: ubi res ordine acta, Teutonicos semper assumptos fuisse Principes, ac præsertim ex Augustissima ac potentissima Domo Austriaca. Neque enim huc facere exempla Alphonsi & Richardi, quos tempore interregni ac perturbato Imperii statu discordantia vota nec satis sincera intrudere sint conata, & hoc ipso caruisse effectu.

Minus adhuc obstare exempla reliqua. Ad hoc enim, ut Germanus quis habeatur, ad obtinendum jus passivum, neutiquam requiri, ut in Germania sit natus, aut in Germania eo tempore degat, sed sufficere, ut origine sit Germanus, aut domicilium ibi fixerit, aut feudum Imperii ad Germaniam pertinens possideat, aut status

fit Imperii. Sic Fridericum II. fuisse quidem in Sicilia natum, sed origine Germanum, utpote ex Henrico VI. patre Germano natum. Carolum V. Gandavi in Belgio primam lucem aspexisse, sed ex Majoribus Germanis; Austriaci sanguinis, prognatum; præterquam quod ipsi etiam Belgæ sint Germani, utpote Germaniam inferiorem incolentes, atque ad circulum Burgundicum pertinuerint. Ferdinandum I. Caroli fratrem in Hispania natum, sed origine Germanum, ex Progenitoribus pariter Germanis, Philippo patre & Maximiliano avo ortum. Denique Principes istos magnas in Germania Provincias jure hæreditario possedisse.

Ex quibus denique colligunt; cum per tot sæcula Romanum Imperium per solos Germanos prudenter ac juste fuerit gubernatum, atque adversus gravissimos hostes fortissime defensum, tantaque hodie illius sit potentia, ut si sibi consentiat, externa ope non indigeat, nunquam e re Germaniæ futurum, ut tam eminentis Majestatis fastigium devolvatur ad peregrinum Principem, cujus potentia plus periculi quam spei esset allatura.

C A P U T III.

De Sessione Moguntini, Trevirensis ac Colonienfis.

9. **U**T omnis litium & contentionum de prioritare loci occasio præcidatur, in Imperii Comitibus aliisque conventibus Trevirensis ex opposito Cæsaris versa ad eundem facie sedeat, Moguntinus in Germania ad dexterum latus Imperatoris (excepta Diocesi & Provincia Colonienfi) Colonienfis vero in sua Provincia seu Archiepiscopatu, uti etiam in Italia & Gallia ad dexterum ejusdem latus.

Observatio

De Electoribus Ecclesiasticis.

10. **N**ot. 1. præter sessionis prioritatem Moguntinum variis aliis fulgere prærogativis; nam quatenus est *Electo primus seu Decanus Electoralis Collegii perpetuus*, dirigit electionem Cæsaream, Electores convocat, vota exquirat, enunciat, capitulationem secundum vota majora concipit. Convocat Electores ad diatras Electorales, proponit; secundum majora decretum format. Convocat insuper

per comitia circulatorum universalia, & conventus Deputationum Imperii, anno 1555. institutos.

Quatenus vero est *Archicancellarius Imperii* per totam Germaniam (ne Trevirensi quidem & Colonienſi Provincia excepta) trium Imperii Archivorum, & Cancelliarum est Director, comitiorum nempe, Judicii aulici, & cameræ Imperialis, ſolusque Reviſiones decernit. Cancellariæ Officiales conſtituit, alendos ſumptibus Imperii; aſta Imperium concernentia in Cancellaria expedit: perpetuus eſt cameræ viſitator. Omnium aſtorum, litterarum, matriculæ, monumentorum & documentorum eſt cuſtos. Sigilla Imperialia aſſervat, ſubſcribit per ſe vel ſuum Imperii Vice-Cancellarium, quem in aula Cæſarea habet, decreta Imperatoris & Imperii. Directorium habet in Imperii comitiis, aliisque conventibus; Cæſari reſpondet nomine ſtatuum, ac Cæſar per ipſum Electorum mentem exquirat. Soli ipſi omnes legati Electorum, aliorumque ſtatuum in Conventibus Imperialibus ſe ſiſtunt, & mandatum ac *credentiales*, ut vocant, offerunt, ac diſceſſuri ante ſinem conventus veniam ab eo petunt. Soli ejus Directorio traduntur ſtatuum memorialia, ſupplicationes, petitiones, proteſtationes, quæ inferi petuntur protocollo Moguntino. Exteri etiam legati cauſas & negotia ſua eidem primo exponunt. Eſt præterea protector & director Poſtæ Imperialis.

Quatenus eſt *Archiepiſcopus & Metropolitanus* Provinciæ Moguntinæ novem habet ſuffraganeos, omnes Imperii ſtatus; gaudetque jure coronandi Imperatorem in ſua Archidiœceſi; & in tertia cum Colonienſi alternat: Jus primarum precum nomine Imperatoris exercet. Eſt Director circuli Rhenani Inferioris. Habet jus ſtapulæ, juſ ſuper Mœno navem privilegiatam habendi, juſ de non appellando, maleficos perſequi poteſt etiam in alieno territorio.

Porro primus Moguntinæ Epicoſpus fuit S. Creſcens, S. Petri Apoſtoli diſcipulus. Primus Archiepiſcopus S. Bonifacius, a Zacharia Pontifice renunciatus anno 744. Primus Archicancellarius Imperii Wilhelmus Ottonis M. Cæſaris filius ſæculo X. fuiſſe dicitur. Primus Elector Willigifus carpentarii filius, Ottonis III. antea Præceptor.

Not. 2. quod in A. B. ſtatutum eſt circa ſeſſionem Trevirenſis e regione Cæſaris, accedente octavo Electore fuit mutatum; nam ſedit a ſiniſtro Imperatoris latere; ſed nono accedente prior ordo ſedendi rediit. Eſt autem Archicancellarius Imperii per regnum Arelatenſe, & Galliam (Belgicam). Primum in electione habet votum. Cauſas Moguntinum concernentes in Camera expedit. Moguntina ſede

II.

fede vacante Directorium in Imperii Comitibus prætendit, protestante tamen Saxone.

Jus Metropolitanum exercet in Metensem, Tullensem, & Virodunensem Episcopatum, licet jus temporale ad regem Galliarum sit devolutum. Est Abbas natus Prumiensis. Gaudet jure de non appellando, sicut reliqui Electores; sed sponte in utilitatem subditorum illud concessit, si summa litigiosa transcendat mille florenos. Præten- dit dominium in partem Mosellæ. Jus habet, a se proscriptos, nisi intra annum se purgent, in bannum Imperii declarandi. Plura alia recensentur a Pfeffingero in *Vituar. illustr. lib. 3. n. 28.*

Cæterum primus Trevirensium Episcopus fuisse traditur S. Eucharis, a S. Petro missus ad prædicationem Evangelii, qui obiit anno Christi 66. Primus Archiepiscopus S. Agricius Patriarcha Antiochenus anno 330. qui Christi tunicam secum attulisse fertur. Primus Elector Ludolphus Dux Saxoniarum Sæc. XI. sub Ottone III. ut multi existimant. Originem hujus Archicancellariatus aliqui rejiciunt ad tempora Henrici VII. sed vix dubium est, esse antiquiorem.

Not. 3. Coloniensis Archicancellarius est Imperii per Italiam. Quod munus exercere posset, si Imperator in Italia versaretur. In electione secundum fert votum. In sua provincia & extra Germaniam ad dexteram Cæsaris incedit & sedet. Habet jus coronandi Imperatorem in sua provincia, in aliis (excepta Moguntina) alternat cum Moguntino. Ditionibus potitur amplissimis, & jure de non provocando; cum statibus tamen suis Provincialibus convenit, ut in possessorio nunquam, in petitorio autem, si summa ultra mille florenos ascendat, concedenda sit appellatio.

Primus Episcopus finiente primo sæculo fuit S. Maternus, mortuus an. 128. quem tradunt viduæ Naimiticæ fuisse filium. Primus Archiepiscopus S. Agilulphus a S. Bonifacio Sæc. 8. inauguratus. Primus Elector Heribertus tempore Ottonis III. Sæc. XI. Archicancellarii Officium serius accessit, a temporibus Friderici I.

CAPUT IV.

De Electoribus in Communi.

12.

1. **I**N quibuscunque conventibus a dextro latere Imperatoris, immediate post Moguntinum (vel Coloniensem) sedeat Rex Bohemiæ, & post eum Palatinus. Ad sinistram vero partem immediate post illum, quem ex prædictis Archiepiscopis ex illo latere sedere

dere contigerit, primum locum occupet Saxo, & post eum Brandenburgus alterum.

2. Quoties Imperium vacare contigerit, Moguntinus habeat potestatem prædictos Principes ad electionem litteratorie convocandi, sicut habuisse dignoscitur *ab antiquo* (ecce! tunc jam erat antiqua institutio septem Electorum.)

3. Quibus omnibus, seu his, qui potuerint & voluerint interesse, congregatis, Moguntinus vota inquiret.

4. Primo quidem a Trevirensi, prout *hactenus* factum. 2. a Coloniensi, cui competit Officium Romanorum Regi primum diadema Regum imponendi. 3. a Rege Bohemiæ. 4. a Palatino. 5. a Saxone. 6. a Brandenburg, deinde hi sex Electores a Moguntino petunt, ut suum ipsis votum aperiat.

5. In celebratione Imperialis curiæ Brandenburgus aquam Cæsari ministrabit pro lavandis manibus: Bohemus primum potum offeret; Palatinus cibum alferet: Saxo Marefchallatus Officium exercebit, ut solitum est fieri *ab antiquo*.

Nota 1. Horum Archi-Officiorum originem esse valde dubiam; Ideam aliquam jam Carolus M. induxit, qui varia officia aulica distribuit, & Ecclesiastici quidem aulæ negotia expedientes dicebantur *Apocrisarii*, seu Capellani, & deinde *Cancellarii*, qui archivo aulico præfecti fuerant, & diplomata recognoscebant ac subscribebant. Similiter sæcularia officia aulica Pincernæ, Dapiferi, Comitibus palatii, stabuli &c. paulatim invaluerunt.

Arbitraria autem, & pro voluntate Cæsaris ambulatoria erant hæc officia sub Carolingicis, qui hæreditaria successione & paterna dispositione provincias obtinebant, & Cæsaream etiam dignitatem. At vero postquam electione Conrado I. & Henrico I. delatum fuit Imperium, istique Duces, Marchiones, Landgravios &c. Provinciis præficerent, honoraria ejusmodi aulæ Officia, Provinciis annexi creperunt; & postquam Provinciæ certis familiis factæ sunt hæreditariæ, officia etiam facta talia.

Quando autem hodierna Archi Officia præcise cœperint, & possessoribus certarum Provinciarum fuerint annexa, valde incertum est. A. B. ad morem antiquum se refert. Archicancellariatus Moguntini per totum Imperium jam ab Ottone I. institutus dicitur Sæc. X. reliqui duo ad tempora Friderici I. ab aliquibus referuntur; archidapiferatus Palatino-Bavaricus ad Henrici II. Pincernatus Bohemiæ, & Marefchallatus Saxonie, ad tempora Conradi II. Camerariatus Brandenburgicus ad Friderici I. ævum. Verum hæc satis incerta.

DIS-

DISSERTATIO

De Origine Septemvирatus.

Non minus dubium ac controversum est, quando & a quo' septemvирatus Electorum fuerit institutus. Nam certum quidem videtur, Carolingicos non electioni sed sanguini potissimum debuisse successionem, Romanos tamen Pontifices suam interposuisse auctoritatem. Nam Carolum M. Leo III. Imperatorem renuntiavit; Joannes VIII. Carolum Calvum Ludovico Germanico fratri seniori, & Ludovicum Balbum Caroli filium Ludovici liberis Carolomanno & Carolo Crasso prætulit, prestante parte utraque favorem Pontificis, præteritis dein Balbi liberis Carolum Crassum idem Pontifex coronavit.

Certum etiam videtur, post extinctam in Ludovico Infante stirpem Carolingicam in Germaniâ, Conradum I. & Henricum Aucupem a toto populo, atque a Principibus præsertim, fuisse electos in Reges Germaniæ, Cæsareo titulo varios inter Principes Italiæ & Galliæ distracto, donec Cæsarea dignitas a Joanne XII. Ottoni M. collata, atque stabili lege Germaniæ firmata fuit.

Porro Ottones partim jure sanguinis, partim electione libera videntur successisse, posteriores vero Cæsares electione, per Principes Germaniæ facta; donec partim necessitate suadente, ad tollendas dissensiones & factiones tot Principum ac Procerum, partim prævalente Archi-Officialium dignitate & potentia, partim sedis Apostolicæ auctoritate interposita Septemvирatus est institutus, & accedente consuetudine, ac constitutione Imperii stabilitus.

14.
Prima
sententia.

Quinque autem hac in re sunt sententiæ. *Prima* tenet Septemviratum primum per Bullam Auream a Carolo IV. fuisse stabilitum Sæc. XIV. verum hæc sententia est improbabilis. Nam ipsa Bulla se refert ad antiquam consuetudinem. Exhibet etiam Herwartus in *Descriptione Ludovici IV. Imperatoris* adversus Bzovium Cap. 2. litteras, a quinque Electoribus, qui Ludovico suffragium dederant, ad Pontificem scriptas, in quibus asserunt, ad Moguntinum, Trevirenses, Coloniensem, Bohemum, Palatinum, Saxonem, & Brandenburgensem, *tam de jure, quam consuetudine antiqua & approbata jus eligendi Romanorum Regem, in Imperatorem postmodum promovendum pertinere.* Scriptæ autem sunt hæc litteræ 42. annis ante Bullam Auream.

Altera

Altera proin sententia altius aliquantum ascendit, contenditque, Septemviratum a Gregorio X. in Concilio Lugdunensi paulo post electionem Rudolphi Habsburgici fuisse institutum, *Sæc. XIII.* ^{15.} *Secunda.* Hanc sententiam tenent Aventinus & Onuphrius; eo quod nulla sit antiquior mentio, & eo tempore diuturnum Interregnum annitente Gregorio X. fuerit sublatum. Verum nec hæc sententia est satis verisimilis. Nam præterquam, quod nulla de hac re exstet Gregorii X. constitutio, aut aliud documentum, jam ante septem Electorum exstat mentio, ad quos de jure antiquo pertinuerit electio, uti apud Albertum Hostiensensem anno 1240. in *cap. venerabilem §. verum*, & Albertum Stadiensem, qui eodem tempore ante Gregorium X. scripsit in Chronico, ad annum nempe 1240. ex *prætatione Principum* (inquit) *& consensu eligunt Imperatorem, Trevirensis, Moguntinus, & Coloniensis, Palatinus, Dux Saxoniæ, Margravius de Brandenburg, Rex Bohemiæ.* Sic etiam Martinus Polonus jam ante Greg. X. testatur de 7. Electoribus.

Constat insuper ex litteris Urbani IV. *ad Richardum*, eundem Richardum Anglum & Alphonsum Castellæ regnum tempore Interregni a septem Electoribus fuisse electos, & quidem Richardo vocem dedisse Moguntinum, Coloniensem, Palatinum, accedente postea Bohemo, Alphonso vero Trevirensensem, Saxonem, & Brandenburgum.

Ex eo vero, quod per electionem Rudolphi Habsburgici sublatum sit Interregnum, nullatenus arguitur, quod Gregorius X. in Concilio Lugdunensi II. instituerit Septemviratum; nam Rudolphus jam ante initium illius Concilii electus fuerat. Electus enim est anno 1273. Concilium vero cœpit anno sequente. Sed id fecit Gregorius X. teste Windeckio; monuit electores Germaniæ, ut cum jam diu Imperium certo capite destitutum fuisset, ei idoneum Ecclesiæ advocatum & Cæsarem præficerent pro potestate, qua valeant, secus se rationem initurum, quis rerum potiri debeat. Ubi non dat eis eligendi potestatem, sed eam præsupponit.

Tertia sententia est trium doctissimorum Cardinalium, Baronii, ^{16.} Bellarmini & Sfondrati, Septemvirorum Collegium institutum esse *Tertia.* circa medium Sæculi XIII. in Concilio Lugdunensi I. ab Innocentio IV. Testem adducunt Matthæum Parisum, qui in Historia Anglicana scripserit, ex actis Concilii Lugdunensis I. constare, Fridericum II. fuisse excommunicatum, ac definitos septem Electores, Ducem Austriæ, Bavariæ, Saxoniæ, Brabantæ, item Archiepiscopum Coloniensem, Moguntinum, & Salzburgensem.

Verum solus Parisius homo exterus non videtur esse testis sufficiens ad plenam rei tantæ probationem, quam utique non tacuissent scriptores coævi domestici, Germani nempe & Galli, si in Concilio Lugdunensi Generali re ipsa fuisset peracta. Imo scriptores Sæculi XIII. testantur oppositum. Nam Stadiensis & Hostiensis, loco supra citato jam anno 1240. adeoque 5. annos ante inchoatum Lugdunense I. scripserunt, electionem esse penes septem Electores, non illos peregrinos, de quibus Parisius, sed illos, quos hodie primos septem veneramur.

Deinde ipse Innocentius IV. cum in Concilio Lugd. I. Fridericum II. excommunicasset, & Imperio privatum declarasset, adjecit: *illi autem, ad quos in eodem Imperio Imperatoris spectat electio, eligant libere successorem. Cap. ad Apostolicæ. 2. de sentent. & re jud. in 6.* quæ verba manifeste videntur indicare, in illo Concilio non fuisse institutos Electores, sed jam ante institutos supponi.

Accedit, quod nemo alius, nisi Anglus iste, alias sublestæ fidei scriptor, testetur de Electoribus Austriaco, Brabantino, Salisburgensi. Num tanti Principes passi fuissent sibi eripi jus quæsitum tam excellens, aliosque sibi substitui? Quis ipsis hoc jus ademit? Quomodo Carolus IV. referens in B. A. septem alios Electores se ad antiquam consuetudinem potuisset referre? Quare satis mirum, quod sapientissimus Bellarminus, qui antea communem sententiam de institutione Septemviratus sub Gregorio V. & Ottone III. amplexus fuerat, propter testimonium unius Parisii in recognitione librorum suorum eandem recantavit, & Baronii opinionem secutus fuerit.

17.
Quarta.

Quarta sententia est Conringii, Cocceii, Struvii, Vitriarii, hujusque illustratoris Pffinggeri, atque aliorum Protestantium, quos ex Catholicis sequuntur plures recentiores præsertim Galli, uti Maimburgus, Alexander Natalis, Pagius &c. Opinantur isti, institutionem, septem Electorum non esse antiquiorem magno Interregno, aut certe temporibus Friderici II. adeoque illam ab anno 1220. usque ad annum 1273. quo cessavit interregnum, factam putant.

Quamvis autem negent, Pontificem illius institutionis esse auctorem, in causa tamen non conveniunt; nam alii aum Maimburgo, Natali, & Vitriario putant, perturbatis illis temporibus reliquos Principes Germaniæ ultro jure suo cessisse, & eligendi potestatem septem Principibus detulisse. Pagius existimat, septem illos Principes potentes reliquis exclusis per usurpationem potestatem illam ad se traxisse. Conringius ait, institutionem illam consuetudini deberi, reliquis Principibus jura sua negligentibus, vel tacite consentientibus.

Pro

Probant assertum hoc suum. 1. Quia antiquior mentio Septemviratus apud scriptores non exstat, nec alius modus est, quo ad paucos illos sit devoluta eligendi potestas. 2. Quin imò scriptores antiquiores testantur, post mortem Ludovici Infantis Imperatores promiscue ab omnibus Principibus fuisse electos. 3. Quia tempore Friderici II. & secuto post eum Interregno immanes in Germania circa electionem Cæsaris ortæ sunt turbæ, dissidia, ac bella civilia. Unde status Imperii tot calamitatibus fessi, ad paucos detulerunt potestatem, vel ultro passi sunt, ut privative Imperatorem renuntiarent, ut hac ratione quieti publicæ consulatur.

Sed respondent alii ad hæc Argumenta. Licet ante medium sæculi XIII. apud scriptores non exstet expressa & specifica enumeratio Septem Electorum, exstare tamen eorum mentionem implicitam & æquivalentem. Sic apud Gewoldum exstat Diploma Rudolphi I. Imperatoris, quo dicitur Septemviratum & electionem, ex antiquo, ratione Bavarie ad Principes Boicæ stirpis pertinere, & olim pertinuisse. Vide *Adlzreitterum in Hist. Bavar. part. 1. lib. 25. n. 2. ad annum 1275.* Et apud Leibnizium *Cod. J. G. diplom. p. 14. prodr.* epistola Urbani IV. ad Richardum Anglum, in qua ait, *Electores numero septem* habere quasdam consuetudines observatas a tempore, cujus memoria non existit. Rursus Gewoldus in *Comm. de septemv.* 1616, edito, & Windeckius in *Comm. de Elect. Imp.* adducunt testimonium ex MS. *Welberti & Anandi*; quorum ille Conradi III. Sacellanus ad an. 1140. de electione Lotharii II. scripserit, mortuo Henrico V. multos Principes Moguntie fuisse congregatos, quorum plerique nude & simpliter illum optabant eligi, & tamen ipsos non elegisse, quia non habebant vices *suffragiorum realium*: pauci autem *spirituales & temporales Primates* eum votive elegerunt. Anandum autem Friderici I. secretarium ad an. 1152. in actis MS. hujus Imperatoris annotasse, convenientes Francofurti plurimo numero Principes *ad sex aut octo Principes officiatos*, residentes in arcano loco curiæ Regaliæ, dixisse: *Nos & tota patria testatur, nullum aptiorem esse regno regendo, quam Fridericum de Waiblingen & Stauffa &c. quem per vos DEUS in regnum sublimare dignetur*, cumque dein Officiati in secreto conclavi eundem elegerint, omnium ordinum applausum esse consecutum.

Et hoc sensu intelligendos esse scriptores, qui ab omnibus Principibus electos Imperatores memorant, inquit Gewoldus, videlicet, reliquos Principes elegisse in sensu latiore, certam Personam proponendo Electoribus, commendando, expetendo, Testimonium dando de eo, quem optabant eligi, ac dein electioni factæ assentiendo,

electum agnoscendo, approbando, applaudendo, electionem vero proprie dictam a solis Septemviris esse peractam, ex *prætaxatione* reliquorum Principum, ut loquitur Stadiensis l. c. ad exemplum nempe antiquarum electionum Papalium & Episcopaliū; nam licet dicatur ab omni populo, vel a toto clero fuisse peractas, non tamen omnes semper proprie elegerunt, sed aliqui nominando, commendando, testimonium dando, electum acceptando &c.

Hoc ex eo etiam magis confirmant, quod Chronicon Belgicum ad An. 1194. testetur, Ottones per successionem generis regnasse, postea tamen fuisse institutum, ut per Principes Officiales Imperii Imperator eligeretur. Henricum IV. autem conatum fuisse, jus successionis hæreditariæ reducere.

Adducunt etiam Browerum in *anal. Fuld.* l. 2. c. 6. ad an. 1181. testantem, quod Reginaldus Colonienſis Episcopus circa litem præcedentiæ cum Conrado Abbate Fuldensi dixerit: *Cedo Abbati Archiepiscopus, Monacho Princeps Elector &c.* ex quo pateat, non omnes Principes Sæculo XII. fuisse Electores, sed tantum aliquos.

Sic etiam Radevicum Sæculi XII. scriptorem ad an. 1180. testari, quod Fridericus I. in proſcriptione Henrici Leonis dixerit: *ab eo, illiusque generationis hominibus auferimus jus eligendi Cæsarem, qua laudis prærogativa ipse & pater ejus splendidus exstitit &c. in Bernardum Principem Anhaltinum conferimus tractum saxonicum, & munus Electorale.* Ex hoc rursus patere, munus Electorale non omnibus Principibus fuisse commune; alias Princeps Anhaltinus illud jam ante proſcriptionem Henrici Leonis possedisset, & otiose ipsi fuisset collatum.

Et in hoc sensu etiam loqui Innocentium III. cum lis de electione Philippi & Ottonis IV. verteretur, dum cap. *venerabilem* 33. electionem Ottonis approbans Carinthiæ Duci rescripsit, quod in illis Principibus jus & potestatem eligendi Regem, in Imperatorem postmodum promovendum, recognoscat, ad quos de jure & antiqua consuetudine noscitur pertinere, præsertim cum ad eos jus & potestas hujusmodi a sede Apostolica pervenerit, quæ Romanum Imperium in persona Magnifici Caroli a Græcis tranſtulit in Germanos.

Quinta igitur sententia est, quæ institutionem Electoralis collegii refert ad finem Sæculi X. quo a Gregorio V. cum consensu Ottonis III. illam susceptam dicit, aut factam ab Ottone, & a Gregorio confirmatam. Hanc sententiam præter allegatos tenent scriptores omnes usque ad Aventinum, qui primus illi contradixit, & post eum eandem amplexi sunt plurimi, non tantum Catholici, sed etiam Protestantes, quos diligenter collegit Gewoldus comment. cit.

Sic

Sic Magdeburgici centuriatores *cent. 10. c. 10. colum. 546.* scribunt: Gregorius suam patriam insigni aliqua dignitate ornaturus, sanxit, ut penes solos Germanos jus esset eligendi Regem, qui post diadema, a Romano Pontifice acceptum, Imperator & Augustus appellaretur. Idem Claverius testatur *Hist. Epit. in vita Ottonis.* Irenicus exeg. *Gerin. l. 3. c. 33. & 39.* ait: ex constitutione Gregorii V. ac Ottonis III. lege cautum erat, ut, qui virtute excellerent, Imperio potiretur. Item: translato Imperio ad Germanos Gregorius V. electionem fecit de septem electoribus. Sleidanus: quia propter successionem Imperii perpetuae erant turbæ, constituit Otto, adiutore Pontifice, ut certi Germania Principes jus & potestatem deinceps haberent eligendi Cæsarem. Idem Simon Schardius integro libello de *Instit. Elect.* evincit. Accedunt Reinckings, Fabricius, Balæus, Münsterus, multique alii Protestantes.

Ut adeo Gewoldus in *comment. de septemv. c. 5.* asserere non dubitet, communem hanc semper fuisse ab Ottonis III. & Gregorii V. Pont. ævo annos ultra quingentos sententiam, non solum Historicorum, sed etiam Theologorum, Jureconsultorum, & Politicorum, quos a tot sæculis prodixerint Germania, Italia, Gallia, Hispania, aliæque Nationes; neminemque hac de re dubitasse, donec hoc sæculo, ad novandum omnia, & in dubium revocandum, plus nimis prono, aliqui contradixerint.

Ex quibus sic arguunt sententiæ hujus patroni: in quæstione facti, qualis est ista, standum est autoritate. Atqui hæc est multo maxima, adeo, ut teste Gewoldo, singulis adversariis viginti & plures opponi possint.

Congruentiam asserunt istam, quod, cum Otto III. prolem masculam esset destitutus & multis manifestisque exemplis, tam Crescentii, quam aliorum didicisset, quantæ & quam perniciosæ factiones vacante Imperio circa successiones enatæ fuissent, prospicere insuper volens Germaniæ patriæ suæ, & Imperialis excellentiam fastigii isti Nationi in perpetuum accommodare, auctore & suffragatore Gregorio V. pariter Germano, consilio Principum Regni sanctionem, ab ipso Pontifice roboratam, tulerit, & juxta hanc sanctionem primum a septem viris electum fuisse S. Henricum, aliosque deinceps Cæsares.

Quidam volunt, eam institutionem a Gregorio V. factam fuisse in synodo Romana, cujus tamen acta injuria temporum interciderint.

Opponitur equidem huic sententiæ, grave in criticis argumentum, a silentio scriptorum coævorum petatum, videlicet 250. integris annis, nempe ab initio Sæculi X. usque ad dimidium Sæculi XIII. neminem unum ex scriptoribus synchronis rei tam magnæ fecisse

cisse mentionem : apud Anselmum Lucensem, Bernonem, Glabrum, Hermannum Contractum, Bertholdum Constantensem, Lambertum Schaffnaburgensem, Marianum Scotum, Bodechinum, aliosque Sæculi XI. scriptores altum de hac re esse silentium. Nec minus tacere scriptores Sæculi XII. Sigebertum Gemblacensem, Ottonem Frisingensem, Gratianum, Gothefridum Viterbiensem &c. ; similiter scriptores Sæc. XIII. Steronem, Helinandum, Conradum Urspergensensem, usque dum circa medium ejusdem Sæculi Martinus Polonus, scriptor alias non admodum accuratus, scripsit : *licet tres Otto- nes per successionem regnaverint, postea tamen fuisse institutum, ut per Officiales Imperii Imperator eligeretur, qui sint septem &c.*

Argumento huic negativo addunt positivum, quo ex Frisingensi, Gemblacensi, Schaffnaburgensi, Urspergensi, aliisque scriptoribus probant, ab Ottone III. usque ad Interregnum Imperatores ab omnibus Principibus fuisse electos.

Sed respondent patroni quintæ sententiæ, silentium antiquiorum scriptorum non esse universale, ut ex adductis testibus contra priores sententias constat, Stadensem, Hostiensem, Welbertum, Amandum, Radevicum, &c. esse antiquiores Polono; deinde quoad alios silentii posse dari rationem, licet enim Septemviratus jam fuerit tempore Gregorii V. & Ottonis III. institutus, tamen hanc institutionem non statim potuisse in praxin plene deduci, contradicentibus aliis Principibus, qui ægre ferebant, se ab electione Imperatoris excludi; ac propterea scriptores de hac institutione, tanquam re delicata, odiosa, & velut suspensa, silere maluisse; sicut hodiedum scriptores res varias, licet certas, silere coguntur, quia sunt odiosæ, & possent offendere.

Et hinc respondent etiam ad Argumentum positivum; nam quia ea institutio non potuerit tunc in plenum usum deduci, reliquos etiam Principes, aut elegisse Cæsarem, aut *prætaxasse*, nominando, proponendo, commendando, electum acceptando, & sic in sensu latiore eligendo, ut supra dictum.

Probabilior Opinio.

19. Ex quibus apparet, quam incerta in hac re sint pene omnia. Censeo ego, sententias istas verosimiliter aliquo modo combinari posse. Nam fundamentum primum posuit Leo III. dum Carolum M. nativitate Germanum, Imperatorem Occidentis renuntiavit; necdum tamen stabiliter Imperialis dignitas ad Germanos fuerat translata; dum Ludovico Pio succederet Lotharius, & huic Ludovicus II. qui Italiæ dominabantur, tum Galliæ Reges, velut Carolus Calvus,

&

& ejus Filius; dein rursus Italiae Principes, Berengarii, Widones, Lamberti &c. eandem ad se traherent. Stabiler vero ad Germanos translata est a Joanne XII. in persona Ottonis M. quem Romæ contra Adalbertum, Imperatorem dixit, ac coronavit, ubi simul statutum, ut Rex Germaniæ semper simul esset Imperator; quod etiam effectus deinceps demonstravit. Otto II. & III. partim sanguini partim electioni totius populi successionem debebant. Otto III. cum improlis esset, & turbæ metuerentur una cum Gregorio V. Romæ tractasse videtur, ut potestas eligendi Imperatorem ad paucos Germaniæ Principes devolvatur, ac potissimum ad eos septem, qui erant Archiofficiales Imperii. (Neque enim probari potest, tunc necdum viguisse illa Officia.) Et hoc probare videntur argumenta quintæ sententiæ.

Effectum tunc quidem eum institutio illa habuit, ut populus excluderetur a suffragio; nihilominus tamen, cum reliqui Principes se opposerent, Septemviri eos diu adhuc admittebant, si non ad electionem, saltem ad consultationem, nominationem, & propositionem eligendi, & approbationem electi, usque dum crescente paulatim Septemvirorum auctoritate, & intervenientibus Friderici II. & Interregni tempore gravissimis turbis ac bellis civilibus, soli Septemviri electionem peregerint. Et hoc concedendum quartæ Recentiorum sententiæ; quæ ad ea tempora institutionem Septemviratus refert.

Quia autem durantibus illis Imperii tumultibus etiam Romani Pontifices, præsertim Innocentius IV. & Gregorius X. remedium afflicto Imperio asserre omni ope conabantur, Septemvirorum studia auctoritate sua adjuvabant, ut potestas a Gregorio V. & Ottonis III. ipsis concessa, plenum effectum obtineret. Et eatenus admittenda videtur tertia & secunda sententia.

Ne autem imposterum Septemvirorum jus privative eligendi Cæsarem turbaretur, Ludovicus Bavarus in Comitibus Francofurtensibus & Carolus IV. in Aurea Bulla Imperiali diplomate illud confirmarunt, ac perpetuum robur addiderunt. Et in hoc sensu etiam vera est prima sententia.

Observatio

De Electoratu Baviaræ.

Electoralement dignitatem jam ante Auream Bullam fuisse possessam a Baviaræ Ducibus constat ex Archiepiscopatus Officio, ab iis gesto. Exstatque apud Gewoldum diploma Rudolphi I. Imperatoris.

ratoris, quo diferte pronuntiatur, Septemviratum & electionem ex antiquo ratione Bavarix ad Principes Boicæ stirpis pertinere. In electione Ludovici Bavari Rudolphus Ludovici Severi Filius primo gemitus votum electorale dedit Friderico Pulchro contra fratrem suum Ludovicum. Anno subin 1329. pactioe Ticinenfi alternatio suffragii inter Lineam Rudolphi Palatinam & Ludovici Bavaricam fuit statuta. At vero Carolus IV. Domui Boicæ infensus, & Palatinæ per matrimonium cum Rudolphi Cæci Filia affinitate innexus, per Bullam Auream & sententiam contra Stephanum Fibulatum latam jus Bavarix evertit, & Electoralem dignitatem Palatinis addixit, qui manserunt in possessione usque ad Fridericum V. hoc enim victo & proscripto Ferdinandus II. Imperator Maximiliano I. Bavarix Ducianno 1623. pristinam dignitatem restituit, plaudente orbe Catholico.

At vero Protestantium Principes, Saxoniæ præsertim Septemvirum ægre resista cum haberet, Moguntinus conventu Flussingæ habito adductis gravissimis rationum momentis eundem placavit. Cæsari, inquebat, non esse vertendum victo, quod usus jure suo, Electoratum delicto commissum, Catholicorum Electorum consensu, qui Comitio Ratisbonensi aderant, Principi meritisimo contulerit, ne Collegium Septemvirum diutius uno Electore maneret vacuum, & Cæsarea Majestas per impunitatis exemplum vilesceret. Similem esse causam Friderici Palatini & Joannis Friderici exauctorati a Carolo V. Saxoniæ Electoris, nisi quod illius facinus sit enormius, cum Saxo nullam Cæsari Provinciam, nullum regnum, coronam nullam ademerit.

Septemviratum equidem Saxonicum non migrasse in Domum extraneam, sed nec Palatinum mutare stirpem, cum Bavari Principes eosdem cum Palatinis progenitores habeant, & Septemviratus, a prima sui origine Bavaricus, postliminio revertatur ad pristinos suos possessores, a quibus per injuriam fuerit avulsus, adversus Papiensem transactionem, a geminis totius Familiæ capitibus, Ludovico videlicet Imperatore, & Ruperto Comite Palatino, legitime initam. Non potuisse Bullam Auream, nulla extante causa, nulla adhibita cognitione, jus quæsitum Boiis detrahere. Adjectam fuisse Ticinenfi transactioni eam conditionem, & quidem juramenti religionem firmatam, ut, si pars alterutra violata juris alternativi pactioe, a transactione descisceret, hoc ipso omni Electorali jure, citra ullam sententiam, excideret.

Rupertum Palatinum ejusque successores eam pactioem violasse, haud bona fide, reclamantibus Bojarix Ducibus, & ad Papien-

piensem transactionem assidue appellantibus, ac proin omnem præscriptioni viam fuisse præclusam.

His aliisque argumentis motus Saxo Maximilianum Collegii Electoralis consortem habuit, accedente haud paulo post etiam Brandeburgo.

Agitata dein rursus fuit hæc controversia in pace Westphalica. Qua Maximiliano ejusque Posteris confirmata fuit Electoralis dignitas cum Archidapiferi Officio, instituto pro Palatinis Octavo Electoratu, tamdiu duraturo, quamdiu ex linea Wilhelmina Bavarica supersit Princeps.

Accessit anno 1692. nonus Electoratus, Ernesto Augusto Duci Hannoverano a Leopoldo Imperatore collatus, reclamantibus Imperii Ordinibus ob defectum Comitialis consensus, qui tamen postea anno 1708. est subsecutus.

C A P U T V.

De Jure Comitum Palatini, & Saxoniarum Ducis.

I. **C**omes Palatinus Rheni in partibus Rheni, Sueviæ, & ubi olim vigeat Jus Franconicum vacante Imperio, ratione Principatus seu comitatus Palatini Privilegio debet esse *Provisor Imperii*, cum potestate judicia exercendi, ad Beneficia Ecclesiastica præsentandi, colligendi redditus & proventus Imperii, investendi de feudis (exceptis feudis Principum, & Regalibus, quæ futuro Imperatori reservantur) juramenta fidelitatis vice & nomine Imperii recipiendi, quæ tamen postea per Imperatorem innovari debent, præstito eidem novo juramento. Nihil tamen Comes Palatinus de rebus Imperii alienet aut obliget.

2. Eodem Provisionis jure fruatur Dux Saxoniarum in illis locis, ubi Saxonica jura servantur, sub omnibus modis & conditionibus prædictis.

Et quamvis Imperator super causis, pro quibus impetitus fuerit, habeat, sicut consuetudine introductum dicitur, coram Palatino Electore respondere, illud tamen judicium non alibi quam in Imperiali curia, ubi Imperator est præsens, poterit exercere.

Observatio

De Vicariis Imperii.

22. Nota 1. Vicarii antiquorum Imperatorum dicebantur *Præfecti Prætorio*, apud Francos *Majores Domus*, apud Germanos *Comites Palatini*, seu comites Palatii Imperialis, ac jus dicebant vivente Imperatore, tanquam ejusdem Vicarii. Unde paulatim consuetudo invaluit, ut mortuo etiam Casare negotia Imperii curarent. Tales plures erant; inter eos tamen eminuit Comes Palatinus Rheni, quia in illo tractu antiqui Imperatores frequentius regiam sigeant. Vix proin dubium est, Vicariatum Palatinum Aurea Bulla esse antiquiorem, de Vicariatu autem Saxonico id magis est anceps, cum certa monumenta de antiquiore tempore non producantur. Ratio tamen id videtur suadere, cum Casar etiam in tractibus Saxonie habuerit palatium, & Palatinus Rheni non legatur ibidem exercuisse judicia.

Nota 2. Vicariatum Palatini Rhenani se extendisse in eas provincias, quæ jure olim Franconico utebantur, videlicet ad tractus Rhenanos & Danubianos, Sueviam, Franconiam, Bavariam, Austriam, Styriam, Carinthiam, Tyrolin &c. Saxonicum vero ad eas, in quibus vigeat Jus Saxonicum, ad regiones nempe septentrionales, in quas circuli Saxonie Superioris & Inferioris, aliæque Provincie exporriguntur.

Nota 3. Post mortem Ferdinandi III. renovata est controversia, jam antea pluribus scriptis hinc atque inde editis ventilata, inter Bavaros & Palatinos de Vicariatu, tempore Interregni gerendo. Illi dicebant, in Electorem Bavarie translatum fuisse Electoratam cum omnibus juribus, Officiis & Dignitatibus; imo in *Investitura* Maximiliani Electoris a Ferdinando II. Imperatore accepta, expresse etiam contineri translationem Vicariatus, qui jam olim Domui Boicæ competierit propter Electoralem Dignitatem prius eidem illatam; neque potuisse Bojos absque causa spoliari. Adhæc Vicariatum connexum esse cum Archidapiferi officio, ac proin una cum isto translatum.

Palatini vero reponunt, Vicariatum esse connexum comitatui Palatino, non vero Electoratu, aut archidapiferatu, eo quod sit isto antiquior, & Bulla aurea diserte dicat, quod Palatinus sit Provisor Imperii ratione comitatus Palatini; etiam cum Imperatores Italiam fuerant ingressi, Vicariatum Imperii a comite Palatino gestum. Electorem Palatinum per Instrumentum P. O. art. 4. §. 6. esse

esse restitutum in Palatinum Inferiorem, & omnia eidem annexa, ac proin etiam in Vicariatum, cassatis omnibus, quæ in contrarium acta sunt. Verum hæc tantum de terris Palatinatus & juribus illis annexis intelligenda existimant Bavari, non autem de Vicariatu annexo Electorali & Archidapiferi dignitati, Domui Bavaricæ restitutæ; cum plura, quæ in Bulla aurea dicuntur, sint mutata.

Post Ferdinandi III. obitum, quod dictum, controversia ista vehementer fuit agitata, & uterque Elector ad Imperii status litteras dimisit. Post mortem Caroli VI. Imperatoris uterque Elector communi consilio Vicariatum administravit.

Nota 4. Haberi exempla, quibus Imperatores etiam se vivis constituerunt Vicarios Imperii, sic Sigismundus constituit Moguntinum, Carolus V. Ferdinandum suum Fratrem, reservato tamen Electori Palatino suo jure. Vicarius Imperii perpetuus per Italiam est Sabaudus; cui, olim saltem, jus dubium fecerunt Mediolanensis & Mantuanus.

C A P U T VI.

De Comparatione Electorum ad alios Principes.

IN celebratione Imperialis curiæ Electores ante omnes alios Principes, cujuscunque isti sint dignitatis, antecendant; eo signanter expresso, quod nominatim Rex Bohemiæ in celebratione curiarum in quibuscunque actibus ante quemcunque alium Regem præcedat.

23.

C A P U T VII.

De successione Principum Electorum.

Prinicipi Electori Sæculari in Electoratu succedit filius primogenitus, legitimus, laicus. Hoc præmortuo succedit avo nepos ex primogenito. Si vero primogenitus absque hæredibus masculis legitimis laicis decederet, jus, vox & potestas electionis ad ejus fratrem seniore, per lineam paternam descendantem devolvatur.

24.

Si Electorem, aut ejus primogenitum, aut filium seniore mori contigerit, relictis masculis laicis legitimis hæredibus, defe-

D 2

ctum

Etum ætatis patientibus, tunc Frater senior ejusdem primogeniti defuncti tutor eorum & administrator existat, donec senior ex eis legitimam ætatem attigerit, 18. videlicet annos compleverit. Tunc enim tutor jus, vocem & potestatem cum officio, omniaque inde dependentia totaliter protinus resignet.

Si vero aliquem ex hujusmodi Principatibus vacare contingeret, Imperatoris est de eo providere, tanquam de re ad se & Imperium legitime devoluta. Salva tamen (*spectando Bullam Auream*) libera electione Regis Bohemæ, in casu vacationis per Regnicolas facienda.

§. I.

De Testamentaria tutela Electorum.

25.
Pro affirmativa.

EX dicta aureæ Bullæ dispositione gravis oritur Controversia, an patri Electori adempta sit potestas Filio per Testamentum dandi tutorem? Bachovius, Treutlerus, Gothofredus, Freherus, Vatriarius *Instit. Jur. Publ. lib. 3. tit. 11. n. 5. &c.* pluresque alii apud Pfeffingerum, censent, Testamentariam tutelam non esse sublatam, ex his rationibus,

1. Quia omnia jura, jus naturæ, jus gentium, & jus civile parentibus permittunt, ut filiorum immaturæ ætati per providum tutorem consulant. Unde etiam tutor a patre datus omnibus aliis præfertur, eo quidem privilegio, ut satisfacere non cogatur, cum fides ejus ac diligentia a patre approbata videatur. Hæc autem potestas per B. A. Patri expresse non est adempta, cum Carolus IV. per eam jura & privilegia Electorum non minuere, sed omnibus modis augere studuerit. Non igitur verosimile est, quod illis jus, nobilibus juxta ac plebeis concessum, adimere voluerit, ut quoad hoc deterioris sint conditionis quam infimus rusticus.

2. Quia Carolus IV. per eam dispositionem plus non voluit decernere, quam quod pro casu, quo Elector filio per Testamentum nullum tutorem designarit, proximus Agnatus tutelam gerere debeat. Siquidem constitutiones Imperii a Jure communi interpretationem accipiunt, ut quam minime ab isto recedant, nec juri tertii præjudicent.

3. Afferunt exempla Testamentariæ tutelæ prævalentis legitimæ. Sic Ludovicum III. Electorem Palatinum An. 1436. Ludovico IV. filio

filio Ottonem Fratrem suum natu minimum tutorem dedisse, præteritis Joanne & Stephano fratribus Senioribus, & re ipsa Ottonem tutelam gessisse. Ipsum etiam Ludovicum IV. An. 1449. Philippo filio tutores dedisse Moguntinum & Wirtembergensem, præteritis agnatis. Ludovicum VI. noluisse, ut solus Frater Joannes Casimirus tutelam gerat Friderici IV. sed An. 1583. adjunxisse contutores tres alios. Similiter An. 1610. a Friderico IV. constitutum tutorem filii Friderici V. Joannem Bipontinum, præterito agnato proximior Philippo Ludovico Duce Neuburgico. (Quo tempore pro utraque sententia varia scripta prodierunt.) Talia etiam præjudicia afferunt ex Domo Saxonica, videlicet Christianum I. An. 1591. proximo agnato adjunxisse Electorem Brandenburgicum.

Ex quibus inferunt, tunc tantum vi aureæ Bullæ tutelam ad proximum agnatum spectare, quando nullus a patre designatus fuit tutor Testamentarius.

Contrariam, eamque probabiliorem, mea opinione, sententiam propugnant Zeschlinus, & Fridenreich de tutela Electorali Palatina Anno 1613. Arumæus, Befoldus, Hoppius, Limnæus, Harprecht ad *Instit. de legit. agnat. tut. ad §. 2.* ubi multos alios adducit pro hac sententia, multisque rationibus eandem firmat, uti etiam Pfefingerus in *Vitr. illust. l. 3. tit. XI.* 26.
Pronegativa

Ratio præcipua est Sanctio Pragmatica aureæ Bullæ, quæ cap. 7. §. 4. diserte decernit, si Principem Electorem, seu ejus Primogenitum, aut filium Seniore laicum mori, & hæredes masculos legitimos laicos, defectum ætatis patientes, relinquere contigerit, tunc frater Senior ejusdem primogeniti tutor eorum & administrator existat, donec Senior ex eis legitimam ætatem attigerit. Ubi sane absolute & illimitate statuitur, ut pro casu, quo Elector moritur, & filios relinquat, frater Electoris defuncti senior eorum tutor existat. Ergo locum non habet Testamentaria tutela, cum nullus Elector contra leges Imperii Publicas & Fundamentales quidquam possit constituere.

Neque quis dicat, in Bulla aurea tantum denominari fratrem Electoris defuncti, adeoque in ejus defectu non extendendam esse hanc dispositionem, a jure privato exorbitantem, ad ultiores agnatos. Nam imprimis ex ipso Bullæ aureæ sensu facile colligitur, proximos agnatos esse comprehensos. Deinde idem Carolus IV. Imperator Anno 1376. de jure & successione Electorum Saxonie constitutionem edidit Francofurti, in qua expresse sancit, quod si Elector moriatur, & masculos hæredes legitimos laicos relinquat, de-

bitæ patientes defectum ætatis, ex tunc Senior Frater, nepos, au-
Consanguineus proximior, in linea genitura, si Frater non existat ejusdem
defuncti, Laicus duntaxat, dicti pupilli tutor esse debeat, & curator, do-
nec debitam ætatem attingat.

Hæc eadem repetiit Sigismundus Imperator edita Constitutione
 Imperiali Anno 1413. & 1434. uti existat apud Goldastum Tom. 1.
 Pag. m. 398. n. 7.

Per has igitur Constitutiones, cum consensu ipsorum Electorum
 publice editas, certa quædam tutelæ Electorali forma est præscripta,
 quæ per contrariam testatoris dispositionem mutari nequit; cum for-
 ma det esse rei, nemoque juri Publico contravenire possit; a fortio-
 ri, quod in memoratis Bullis sancitum sit, ut jus hoc Electoralis tu-
 telæ perpetuis temporibus valere & observari debeat.

Verum equidem est, quod quandoque providentia & dispositio
 hominis prævaleat, sed tunc tantum, quando lex non præcise obser-
 vandi necessitatem imponit; alias quisvis testator posset sua volunta-
 te efficere, ut Testamentum absque solennitate, & præteritis etiam
 hæredibus, ex lege necessariis, valeat, firmumque maneat.

Accedit Argumentum a paritate; nam, quando Bulla aurea
 eodem Cap. 7. statuit ordinem Successionis in Electoratu, Primo-
 genituram nempe, vi cujus jus in linea primogenita maneat, hæc
 autem extincta ad secundam lineam transeat, & sic deinceps, quan-
 do, inquam, hunc ordinem statuit, adimitur Patri Electori pote-
 stas per Testamentum aliter disponendi: ergo etiam, quando statuit,
 ut proximus agnatus sit tutor, adimitur Patri potestas, alium tuto-
 rem constituendi. Præsertim cum constitutio de tutore sit accessoria
 dispositioni de successione.

Et plane, nisi dicamus; Testamentariam tutelam fuisse exclu-
 sam, frustranea omnino atque inutilis fuisset illa Auræ Bullæ de
 tutore dispositio; cum jam alias, ex jure videlicet privato & com-
 muni, certum sit, quod, ubi nulla est Testamentaria, locum ha-
 beat agnatorum tutela. *Inst. de leg. agn. tut. pr. ibi: Quibus autem*
Testamento tutores dati non sunt, his ex lege 12. Tabularum agnati sunt
tutores, qui vocantur legitiimi.

Addunt, proximo agnato exclusionem ab Electoratu per tute-
 lam & administrationem tempore pupillari compensari; meliusque con-
 sultum esse pupillo & Reipublicæ per tutorem agnatum, quem ipse san-
 guis & nascendi conditio fidei ac providæ curæ admoneat; neque ex-
 pedire, ut extraneus, nescio quis, arcana Domus ac Familiæ inspi-
 ciat.

ciat, & ab Electorali Collegio ad tractanda publica Imperii negotia admitti debeat, aut etiam ad gerendum Vicariatum Imperii.

Suffragatur usus & consuetudo; nam proximus agnatus passim Electoralem tutelam gerit; & si aliquando pater in Testamento alium tutorem nominavit, proximus agnatus illico jura sua opposuit, & tutelam sibi vindicavit. Sic anno 1449. Fridericus Palatinus, non attenta dispositione Testamentaria Ludovici IV. Fratris Electoris, Philippi nepotis sui tutelam gessit; uti etiam Joannes Casimirus defuncto Fratre Ludovico VI. licet hic aliter ordinavit Anno 1583. Cum autem postea Fridericus IV. Philippum Ludovicum Ducem Neoburgicum proximum agnatum a tutelæ Administratione excludere moliretur, Rudolphus II. Cæsar rescripsit, rem esse perniciosi exempli, & Electori Palatino minime convenientem. In eundem sensum de hac causa scripserunt Electores, Moguntinus, Trevirensis, Colonienfis, & Saxo, videlicet absque læsione Bullæ aureæ Philippum Ludovicum, utpote proximum agnatum, non posse excludi a tutela Friderici V.

Quibus probe expensis non videtur arduum respondere ad sententiæ contrariæ fundamenta. Nam

Ad 1. Ut ex allatis liquet, Aurea Bulla Caroli IV. & Constitutio Sigismundi soli proximo agnato tutelam concedunt, & quidem consentientibus Electoribus; nec illis fit præjudicium, quod proprius eorum sanguis præferatur alieno & extraneo.

Ad 2. Constitutiones Imperii a Jure communi interpretatiorem accipiunt, quando sunt obscuræ & dubiæ; non autem, quando sunt claræ, putamus autem citatas dispositiones esse satis claras.

Ad 3. Exempla allata sunt facti, non juris; non enim omnia, quæ fiunt, jure fiunt. Dein passim proximi agnati tutelam Electoralem gerunt, etiam tunc, quando in Testamento paterno alius fuit nominatus, ut exempla mox recitata perhibent, & si quando in Testamento nominatus tutelam invasit, id nunquam factum legitimum absque protestatione proximi agnati. Et, si aliquando contigerit, ut alius quispiam tutelam pupilli Electoris quiete administrasset, id cum consensu Cæsaris, Electorum, & proximi agnati pro eo casu particulari factum esse dicendum foret.

§. II.

Aliæ Observationes ad hoc caput.

27.

Nota 1. Bulla aurea dicit, quod proximus agnatus tutor esse debeat in administrando Electoratu, voce, jure, potestate, omnibusque ab his dependentibus. Si igitur Elector alias insuper provincias possideret, quæ ad Electoratum non pertinent, neque ab eo dependent, non apparet, cur pater quoad administrationem istarum provinciarum, uti etiam bonorum allodialium, non possit Testamento tutorem dare filio, etiam extraneum. Imo videtur in Bavaria tutelam Electoralem Ferdinandi Mariæ administrasse Albertus, ejus patruus, Maria Anna vero ejus mater Provinciam Baviaræ, ut ex R. J. de Anno 1654. eruere se putat Pfeffingerus. Verum hoc refundendum esse videtur in consensum, saltem tacitum, Cæsaris & Electorum, ac præsertim ipsius Alberti Ducis, cui per B. A. jus tutelæ quæsitum fuit non tantum quoad Electoralem potestatem, sed etiam quoad Administrationem Provinciæ, cui Electoralis Dignitas est annexa.

Nota 2. Licet B. A. exigat, ut qui in Electoratu succedit, sit legitimus, adeoque excludatur non tantum naturalis, sed etiam adoptatus aut arrogatus, vel legitimatus per rescriptum Principis, sufficit tamen, ut sit legitimatus per subsequens Matrimonium; nam talis feudorum est capax. Ex quo tamen nullatenus sequitur, quod Fratri juniore quidem, sed ante legitimationem legitime nato, esset præferendus. Probari enim non potest, quod talis legitimatio sit retrahenda ad tempus nativitatis, præsertim in præjudicium Fratris, jam ante legitimi, adeoque jus absolutum nacti.

Nota 3. Olim multa erat disceptatio, an nepos præferendus sit patruo. Sed quoad Successionem in Electoratu B. A. controversiam decidisse videtur, quod primogenitus cum tota sua posteritate masculina excludat secundogenitum, hic cum omnibus suis descendentibus tertio genitum, & sic deinceps, ita, ut ad posteriorem lineam non transeat successio, nisi prior sit extincta. Acerrime tamen hac de re disceptatum est, postquam Carolus, ultimus e linea Simmerensi Elector Palatinus, Anno 1687. improlis fuit mortuus, inter Comites Palatinos, nempe Philippum Wilhelmum Ducem Neuburgicum, qui prioritatem lineæ suæ propugnavit, & Leopoldum Ludovicum Veldentia Ducem, qui jus succedendi in Electoratu a prio-

prioritate sui gradus, quo defunctum contingebat, derivavit. Pronuntiatum a Cæsare pro prioritate lineæ.

Neque amplius nunc disputatur, an sit præferendus is, qui natus est patre necdum in dignitate constituto, an is, qui postea natus est; nam pro eo pronuntiatum, qui primo natus est, sive pater tunc jam fuerit Elector, sive non. Olim tamen hæc quæstio valde agitabatur apud varias gentes, præsertim apud Persas, & Græcos, qui multum tribuebant suis Porphyrogenitis. Imo etiam in Germania hæc lis ventilabatur inter Ottonem I. & Henricum ejus Fratrem, Patre jam Rege natum; contra edictum Justiniani, qui in quæstionibus, ubi de statu liberorum est dubitatio, semper tempus nativitatis inspicere voluit, nisi forte tempus conceptionis inspicere ipsius esset utilius. *l. II. c. de natural. liber.*

C A P U T VIII.

De Regis Bohemiæ & Regnicolarum ejus Immunitate.

Confirmatur Privilegium, ab Imperatoribus ac Regibus concessum, atque immemoriali consuetudine roboratum, ut nullus Princeps, Baro, Nobilis, Miles, Client, Civis, Burgensis seu Rusticus, nulla denique Persona ejusdem regni, ad cujusunque actoris instantiam extra Regnum ad quodcunque tribunal, seu alterius, præterquam Regis Bohemiæ judicium citari possit. In quacunque causa, sive criminali, sive civili, sive mixta, seu super quocunque negotio, omniaque, quæ contra comparentes aut non comparentes a quocunque iudice extra Regnum attentata fuerint, irritantur & cassantur, uti etiam omnes Appellationes Bohemorum ad externum quemcunque iudicem, sub pœna perditionis causarum, ipso facto incurrenda.

28.

C A P U T IX.

De auri, argenti, & aliarum specierum Mineris.

Decernitur, Reges Bohemiæ, omnesque Electores posse in Principatibus, terris, dominiis, ac pertinentiis suis, tenere ac possidere universas auri & argenti fodinas, atque mineras,
Pars VII. E Stanni,

29.

stanni, cupri, ferri, plumbi, & alterius cujuscunque generis metalli, atque etiam salis, tam inventas, quam inveniendas: nec non Judæos habere, telonia in præterito statuta & indicta percipere.

CAPUT X.

De Monetis.

30. **A**fferitur Regibus Bohemiæ jus, ab antiquis temporibus possessum, cudendi monetas auri & argenti in quovis loco Regni, & subditarum eis terrarum: item emendi a quibuscunque Principibus, Comitibus & Personis aliis quascunque terras, castra, possessiones, prædia, ac bona, aut ea in donum vel obligationem recipiendi, salvis tamen juribus Imperii pristinis in ea bona. Hæc jura extenduntur ad omnes Principes Electores, eorumque successores.

CAPUT XI.

De Immunitate Principum Electorum.

31. **S**tatuatur, ut nullæ Personæ Colonienſi, Moguntinæ, & Trevirensi, Ecclesiis subjectæ, cujuscunque status aut conditionis existant, ad cujuscunque Actoris instantiam extra territorium, ac limites earundem Ecclesiarum, & pertinentiarum suarum, ad quodcunque aliud tribunal, seu cujusvis alterius, præterquam Archiepiscoporum, Moguntini, Trevirensis & Colonienſis, judicium citari possint, pro quacunque causâ, criminali, civili, vel mixta, ita, ut comparere ac respondere nullatenus teneantur, ac citationes, processus, sententiæ, tam interlocutoriæ quam definitivæ sint irritæ, nullique Personæ, prædictis Ecclesiis subjectæ, Processibus & Sententiis ac præceptis Archiepiscoporum ad quodcunque aliud tribunal liceat appellare (quamdiu in Archiepiscoporum judicio ei justitia non fuerit denegata) factæque Appellationes tanquam irritæ & cassæ sunt rejiciendæ. In defectum vero justitiæ ad Imperialem duataxat curiam & tribunal appellare liceat.

Eadem constitutio extenditur ad Electores Sæculares, Comitem nempe Palatinum, Ducem Saxonie, & Marchionem Brandenburgensem,

genſem, eorumque hæredes, ſucceſſores & ſubditos, ſub omnibus modis & conditionibus.

C A P U T XII.

De Congregatione Principum Electorum.

Electores, qui ſunt baſes & columnæ Imperii, per ſingulos annos ſemel, tranſactis quatuor ſeptimanis poſt paſcha in aliqua civitate Imperiali perſonaliter congregentur de rebus Imperii cum Cæreſare conſulturi. 32.

C A P U T XIII.

De Revocatione Privilegiorum.

Revocantur omnia Privilegia, quibuſcunque perſonis conceſſa aut concedenda ab Imperatoribus, quæ ſunt adverſus libertates, juridiſctiones, jura, honores, & dominia Electorum; eaque Privilegia caſſantur, licet in iis cautum ſit, ut ſint irrevocabilia, niſi de Juribus Electorum, & toto in eis comprehenſo tenore fieret de verbo ad verbum ſpecialis mentio. 33.

C A P U T XIV.

De his, quibus ut indignis auferuntur bona feudalia.

In plerisque partibus vaſalli feuda, quæ a Dominis acceperunt, per fraudem verbotenus reſignant, & facta reſignatione hujusmodi, Dominos ipſos malitioſe diffidant, ſuasque inimicitias eis denuntiant, ac feuda ſic reliſta rurfus invadunt & occupant. Quare ejusmodi reſignatio irrita declaratur, niſi libere, vere & realiter facta fuerit, ita, ut Dominis feuda vere & corporaliter ita reſignent, ut nullo unquam tempore eos diffidant, aut in feudis reſignatis per ſe vel alios ullo modo perturbent aut moleſtent; ſecus facientes feuda hoc ipſo amittant, infames exiſtant, & banno Imperiali ſubjaceant. 34.

ant, & nullus eis ad feuda hujusmodi pateat regressus, nec de novo concedi valeant ullo modo.

CAPUT XV.

De Conspirationibus.

35. **S**ub gravi pœna prohibentur omnes conspirationes, conventiculæ, confœderationes & colligationes illicitæ; illis duntaxat exceptis confœderationibus, quas Principes, & civitates pro generali pace provinciarum inter se firmarunt. Quas Cæsar suæ declarationi reservat.

CAPUT XVI.

De Pfsalburgeris.

36. **N**onnulli cives & subditi Principum, Baronum, & aliorum jurgum originariæ subjectionis quærentes abjicere in aliarum civitatum cives se recipi procurant, & nihilominus in priorum dominorum terris residentes, civitatum, ad quas hoc modo se transferunt, libertatibus gaudere, & ab eis defensari contendunt, (qui *Pfsalburgeri* vulgo appellantur) quia autem nemini fraus & dolus patrocinari debent, sancitur, ut tales subditi dominorum frui non debeant libertatibus civitatum, nisi vere & corporaliter in illas trans-eant, domicilium ibi figant & onera civitatis subeant. Secus ejusmodi receptio est irrita, non obstantibus quibuscunque; pœna centum marcarum auri in receptores statuta. Dominorum pristinorum salvis juribus.

CAPUT XVII.

De Diffidationibus

37. **P**rohibetur, ne quis alterum diffidat, aut diffidationis prætextu invadat per incendia, spolia vel rapinas, nisi triduo ante diffidatio personaliter fuerit intimata diffidato, vel in loco, quo iste habitare consuevit, possitque de intimatione hujusmodi per testes

testes haberi plena fides, qui secus quempiam diffidare vel invadere præsumpserit, infamiam ipso jure incurrat.

Nota. Ex hoc titulo patet, quod diffidationes, seu privati belli denuntiationes, dictis limitibus circumscriptæ, illo ævo adhuc fuerint permiffæ; postea autem per pacem publicam, aliasque Imperii constitutiones, merito fuerunt penitus interdictæ, erectis Imperialibus juri dicundo tribunalibus.

CAPUT XVIII.

Litteræ Intimationis.

CONTINET hoc caput litteras, quibus Imperator Electores vocat ad electionem Romanorum Regis, ex rationabilibus causis faciendam. Sequens vero 38.

CAPUT XIX.

EXHIBET formulam mandati, quo Elector Procuratorem mittit ad electionem Romanorum Regis, cum plena libertate faciendam. 39.

CAPUT XX.

De Unione Principatuum Electorum & jurium connexorum.

DECIDITUR hic, Electoratum esse dignitatem realem, cum terra Principatus connexam, atque ab ea inseparabilem, ut adeo ad eum pertineat, qui terram Principatus legitime possidet. 40.

CAPUT XXI.

De ordine processionis inter Archiepiscopos.

IN processionem seu deambulationem solemni Trevirensis in directa linea præcedat Imperatorem vel Regem Rom. solique inter eos medii incedant, qui insignia Cæsari aut Regi præferunt. Si vero nulla præ-

præferantur insignia, Trevirensis immediate incedat ante Cæsarem, vel Regem: aliis duobus Archiepiscopis loca sua, circa sessionem superius declaratam, servaturis, nempe ab utroque latere Imperatoris.

CAPUT XXII.

De Ordine processionis Principum Electorum, & per quos insignia deportentur.

Quando in processione deferuntur insignia, Saxo cum ense immediate præcedat Cæsarem vel Reg. Rom. ita, ut inter eum & Trevirenses sit medius. Palatinus vero a dextro latere Saxonis Pomum Imperiale portet, & Brandenburgus a sinistro sceptrum. Rex autem Bohemiæ immediate sequatur Cæsarem.

CAPUT XXIII.

De Benedictione Archi - Episcoporum.

Quoties in præsentia Imperatoris vel Regis Rom. Missam celebrari vel Benedictionem mensæ fieri contigerit, prima die omnia peraget ille ex Electoribus Ecclesiasticis, qui primo fuit consecratus, secunda die alter, & tertia tertius, secundum antiquitatem consecrationis.

CAPUT XXIV.

Sequentes leges promulgatæ sunt Metis ab eod. Carolo IV. anno 1356. in præsentia omnium Electorum, Nuntii Apostolici, ac Galliæ Delphini. Hoc capite statuuntur pænæ gravissimæ in eos, qui conspirant in necem cujuscunque Electoris; nempe, ut majestatis rei gladio feriantur, bonis omnibus fisco addictis, filii, vita relicta, ab omni hæreditate excluduntur, fiunt infames &c. filiabus sola falcidia relinquitur. Post mortem etiam judicari & infamia notari possunt, adimique bona hæredibus relicta. Possunt in hac causa etiam servi torqueri in caput domini &c.

CA-

CAPUT XXV.

De Integritate Electorum servanda.

Ditiones Electorum non imminuantur, nec dividantur in plures filios, sed primogenito jus ad dominium competat; nisi forte mente captus, fatuus, seu alias famosi & notabilis defectus existeret. Quo casu successio ad secundo genitum devolvitur, vel alium proximum agnatum.

CAPUT XXVI.

De Curia Imperiali & Sessione.

Die, qua solemnitas curia habenda, hora prima Electores ad habitationem Imperatoris veniant, eoque insignibus Imperialibus induto, ascensus equis procedant ad locum Sessionis insignia præferentes. Ante Trevirenses duo Principes inferiores coronam Aquisgranensem & Mediolanensem præferant. Post Regem Bohemiæ Imperatrix suis Augustalibus amicta insignibus, sequatur, suis comitata proceribus & virginibus.

CAPUT XXVII.

De Officio Electorum in solenni curia
Imperatoris.

Imperatore sedente in folio, Dux Saxonix, gestans manu baculum argenteum & mensuram argenteam, equo insidens, ex cervo avenæ, ante curiam posito, & usque ad equi pectus pertingente, mensuram avena implet, & famulo, primitus venienti tradet. Infixo dein baculo in avenam recedet; & ejus vicemarschallus de Pappenheim accedens avenam distribuet, aut eo absente Marschallus curiæ.

41.

Archiepiscopi ingresso Imperatore ad mensam benedicant. Sigilla Imperialia, baculo argenteo appensa, ante Cæsarem in mensa collocent; quæ tamen a Cæsare eis mox restituantur; ac unus eorum sigillum

gillum majus collo appensum gestet tempore mensæ, & usque dum illa finita ad hospitium suum pervenerit equitando. Tum vero baculus & sigilla cancellario Imperialis curiæ debent tradi.

Dein Marchio Brandenburgensis Archicamerarius adequitet, gestans manibus argenteam pelvim (12. marcarum) cum aqua & manutergio, equo descendens affundet aquam Imperatori lavandis manibus.

Comes Palatinus pariter insidens equo & gestans manibus quatuor scutellas argenteas, cibis impletas, quarum quælibet tres marcas habeat, accedat, & ubi ab equo descenderit, cibos in mensa Cæsari apponat.

Denique Rex Bohemiæ archipincerna equo vestitus intrabit, portans in manibus poculum argenteum, ponderis 12. marcarum, coopertum, & vino cum aqua permixto impletum. Tum ab equo descendens Imperatori porriget ad bibendum.

Peractis his Electorum officiis Falckensteinus subcamerarius equum & pelvim Brandenburgici pro se recipiat: Magister coquinæ Nortenbergius equum & scutellas Palatini, vicepincerna Limpurgius equum & scyphum Regis Bohemiæ, vicemarecallus de Pappenheim equum, baculum & mensuram Saxonis. Si vero hi subofficiales Imperii a curia abessent, quotidiani curiæ ministri officia eorum peragant, equos & prædicta instrumenta accipiant.

Nota. Hodie hæreditaria ista officia pleraque ad alias Illustres Familias videmus translata; nam Archipincernæ subofficiales sunt comites Althanenses, Archidapiferi vices obeunt comites Waldburgenses; Vice-Camerarii sunt Principes & comites Zollerani; Archithesaurario Vicarii dati comites Sinzendorffii: Marecallatus solus adhuc ornat Familiam, cui per B. A. attributus fuerat.

CAPUT XXVIII.

De Mensis Imperialibus & Electoralibus.

42.

Mensa, ad quam solus Imperator sedet, sex pedibus sit altior reliquis. Mensa vero Imperatricis, a latere parata, tribus pedibus sit demissior quam mensa Imperatoris, tribus vero altior quam mensa Electorum. Pro istis mensæ sint instructæ, in eadem omnes altitudine, tres a latere dextro, & tres a sinistro, & septima directe versus faciem Imperatoris: ut supra dictum. Nullus ve-

ro alius, cujuscunque sit dignitatis, inter eos sedeat, vel ad eorum mensam. Nulli vero ex Electoribus licet assidere, donec omnes coelectores officio suo sint functi; sed ad mensas suas stando expectent, & tunc omnes simul assideant.

Ex antiqua consuetudine electio Regis Rom. futuri Imperatoris celebretur Francofurti, & prima coronatio Aquisgrani: prima autem Regalis curia Norimbergæ habeatur, non legitimum impedimentum obstat.

Licet autem legitime absentis Electoris Legatus sit admittendus, in mensa tamen vel sede sui principalis non sedebit.

C A P U T XXIX.

De Juribus Officialium, dum Principes feuda ab Imperatore recipiunt.

Cum Electores feudum recipiunt, nihil tenentur solvere. Ceteri Principes, Ecclesiastici & sæculares, nisi privilegio se tueri possint, officialibus Imperialis curiæ pendant 63. marcas argenti, a Magistro curiæ Imperialis distribuendas, ex quibus decem marcas sibi reservet, decem cancellario curiæ dabit; sub officialibus quatuor Electorum itidem, singulis decem, tres vero reliquas Magistris, Notariis & Dictatoribus. Si autem Sub-officiales Electorum non forent præsentés, eorum portio cedat ordinariis aulæ officialibus. Si vero Princeps equo insidens feuda sua ab Imperatore recipit, equus ille debetur archimareschallo, nempe Duci Saxoniae.

43.

C A P U T XXX.

De institutione Principum Electorum in linguis.

Cum Romanum Imperium diversarum nationum, legum, ac linguarum homines moderari debeat, Electores diversorum idiomatum linguas calleant; curent igitur filios suos præsertim in Italica & Sclavica lingua instrui, vel eos peregre mittendo, vel domi per instructores edocendo, & pueros consocios, in his linguis peritos, eis adjungendo.

44.

LIBER I.

De Jure Synodali, Comitiali, & statu
Imperii Ecclesiastico & Politico, atque Jure
Belli & Pacis Sæculo XVI, &c.

CAPUT I.

De statu Imperii sub Maximiliano I.

SUMMARIUM.

- | | |
|--|--|
| <p>45. Bellum cum Lud. XI. propter Burgundiam & Artesiam,</p> <p>46. Cum Flandriæ civitatibus rebellibus.</p> <p>47. Adoptatus Maximilianus a Sigismundo Archiduce Tyrolis possessionem adit. <i>Comitia Francofordiensia</i> celebrat. Auxilia contra Carolum VIII. & Mathiam petit.</p> <p>48. Pax cum Carolo VIII.</p> <p>49. Austriam Inferiorem mortuo Mathia recuperat.</p> <p>50. Turcas, Germaniam invadentes, magna cum strage repellit.</p> <p>51. Bellum cum Carolo VIII. propter sponsam interceptam, & filiam repudiatam parat, ejusque conditiones.</p> <p>52. Ratisbona Imperio restituta.</p> <p>53. Fœdus contra Carolum VIII. qui Reg. Neapolis occupaverat.</p> <p>54. <i>Comitia Wormatiensia</i>.</p> | <p>55. <i>Pax Publica</i>, ejusque articuli.</p> <p>56. <i>Judicium Camera Imperialis</i> erectum ejusque prima ordinatio.</p> <p>57. Bellum Helvetum, ejusque causæ, ac finis.</p> <p>58. <i>Comitia Augustana</i>. Decretus Imperii senatus.</p> <p>59. Germania in <i>Circulos</i> divisa.</p> <p>60. Goritia ad Domum Austriacam.</p> <p>61. Bellum Bavaricum, mortuo Georgio Divite.</p> <p>62. Fœdus Hagenoense cum Lud. XII. Sponsalia Principum.</p> <p>63. Bellum Geldricum cum Carolo Egmondano.</p> <p>64. <i>Comitia Constantiensia</i> pro adoranda professione Romana ad coronationem.</p> <p>65. Bellum Venetum.</p> <p>66. Fœdus Cameracense contra Venetos.</p> |
|--|--|

67. Vens-

- | | |
|---|---|
| <p>65. Venetorum clades ad Ghie- raddam, & consternatio.</p> <p>68. Legatio supplex ad Imperato- rem.</p> <p>69. Julius Papa Venetis concilia- tus fœdus cum iis init contra Lud. XII.</p> <p>70. Lud. XII. Synodum Turo- nensem & Pisanam cogit contra Julium.</p> <p>71. Pugna ad Ravennam.</p> <p>72. Galli ab Helvetis Italia ex- puli, restituto Maximiliano Sfortia.</p> <p>73. <i>Comitia Colonienſia</i>. Tres Re- cessus Imperii.</p> <p>74. <i>Judicium Aulicum</i> in novam formam redactum.</p> | <p>67. Constitutio Cæsarea de <i>Nota- riis publicis</i>.</p> <p>76. Bellum Burgundicum cum Lud. XII.</p> <p>77. <i>Pax Noviodunensis</i> univerſa- lis; ejusque conditiones.</p> <p>78. <i>Comitia Augustana</i>, pro ad- ornando Bello Turcico.</p> <p>79. Obitus Maximiliani Cæsaris, & Elogium.</p> <p>80. Ejus Mausolæum Oeniponta- num.</p> <p>81. Nuptialibus fœderibus Do- mum Austriacam in immensum auxit.</p> <p>82. Hippolythi a Lapide calum- niæ adversus Maximilianum Im- peratorem.</p> |
|---|---|

CAPUT I.

De statu Imperii, ac Jure Belli, & Pacis sub
Maximiliano I.

TRISTIOR nunquam, sicut Europæ ferme universæ, ita Germaniæ fuit status, quam hoc, de quo loquimur, Sæculo XVI. Ab Hæresi, funesta illa Provinciarum ruina, origo mali. Per intima viscera grassata perniciēs. Scissum in partes Imperium, civis cum cive collisus, armata in caput membra. Oriens & Occidens effusus in ejus exitium. At stetit tot inter procellas ac turbines, tot inter externa internaue bella Germania, sedentibus ad rerum clavum Navarchis fortissimis, qui autoritate, sapientia, virtute, constantia sustentarunt nutantem Rempublicam. En rerum sche-
ma!

ARTICULUS I.

Gesta Maximiliani I. ante Imperium.

Magnus hic bello & pace Princeps, natus orbi anno 1459. vastæ per Europam Austriacæ potentæ fundamentum posuit ducta nuptiali fœdere *Maria*, Caroli Audacis, potentissimi Burgundiæ Ducis filia & hærede unica. Allata proinde in opimam dotem Burgundia, cum Belgii Provinciis.

45.
Bellum cum
Lud. XI.

Ussit Ludovicum XI. Galliæ Regem invidia, tantum terrarum tractum a Sponsa Principe, ex Regio Francorum sanguine oriunda, in exteram Domum transferri. Quare bello moto, Burgundiam & Artesiam diripuit. At ingenti prælio a Maximiliano in Artesia victus pacem petiit, redditoque Cameraco aliisque urbibus obtinuit (anno 1482.) Utque pax esset firmior, Margaretha Maximiliani filia desponsa fuit Carolo Delphino; missa propterea Parisios, ut in Galliarum Reginam educetur: promissa in dotem Burgundia & Artesia.

Verum Carolus VIII. non cessavit per Cordæum, Picardiæ Gubernatorem, bellum Archiduci in Belgio facere, & Flandriæ præsertim civitates adversus eundem concitare.

46.
Turbae Belgicæ.

Hæ civitates sæpius, abjecto parendi obsequio, arma adversus Maximilianum sumpserant; nato comprimis Philippo Archiduce, cujus tutelam a patre in se transferre conabantur. Cumque seditiosi accito Germano milite non raro essent compescendi, eo usque Flandrorum furor exarsit, ut non contenti filium patri eripere, ipsum Maximilianum, Romanorum tunc jam Regem, absque militum præsidio Brugas ingressum, detinerent captivum (anno 1487.) & cum eo præcipuos aulae Ministros Gandavum abductos; donec jurato promitteret, Germanis dimissis filii tutelam se positurum. At Fridericus Cæsar, intellecta filii captivitate, cum exercitu Flandriam ingressus, pactionem iniquam rescidit; declarantibus Theologis, iuramenti, vi aut metu iniusto extorti, vim nullam esse.

Rebelles proin civitates, Gandavum præsertim & Brugæ, uti potentia conspicuæ, ita frequentioribus seditionibus famosæ, correptis rursus armis, bellum per omnes propemodum Provincias circum-

cumtulerunt; augente hinc flammam Cordæo Gallo, inde Philippo Clivenſi, quia Maximiliano ad rebelles defecerat.

Maximilianus interea, prosperis adverſisque diu exercitus, poſtquam Albertum Saxonem armis præfecit, Belgio exceſſit, res Germanas cum Patre, jam ſenio fraſto, curaturus. Ac primo quidem, recto itinere Oenipontum delatus, a Sigismundo Archiduce (*Friderici proſcripti filio, & Leopoldi ad Sempachium caſt*^{47.}*adoptatus nepote*) in filium adoptatus, Tyrolim in fidem recepit. Tum a Sigismundo ad Comitum *Fræncoſurtenſia* progreſſus, in iisdem per Wolkenſteini-^{do.}um propoſuit, quemadmodum a multo jam tempore Domus Auſtriaca tum a Rege Galliarum in Burgundia & Belgio, tum a Mathia Rege Hungariæ (*qui Inferiorem Auſtriam cum ipſa Vienna adhuc dum ſub poteſtate habebat*) multa damna ſit paſſa, pertinere ad Imperium, Provincias Teutonicas communi conſilio & auxilio ab injuria vindicare. Timendum alioquin, ne impotens exterorum ambitio ulterius ſerpat.

Imperii Ordines in tres claſſes diſtributi (*nam Electores antea cum Principibus unam tantum conſecerunt*) pro communi cauſa ſubſidia decreverunt (anno 1489.)

At brevi poſt pax compoſita cum Carolo VIII. expeditionem Neapolitanam parturiente. *Hæc ſumma.* Maximilianus Provincias Belgii tanquam Philippi Tutor porro adminiſtrato. Brugæ, Gandæ^{48.} Pax cum Ca-
vum, & Ipræ, ſeditionis Principes, lugubri habitu ſupplices ve-
niam rogant a Maximiliano, eique pro belli impenſis trecenta flore-
norum millia perſolvunt. Clivenſis alique rebelles in gratiam reci-
piuntur. Tractatus autem Brugenſis, ſuperiore anno inique extor-
tus, abolitus eſt.

Finito hac pace feliciter bello Gallico ac Belgico, ſupererat re-
ducenda Inferior Auſtria, quam, occupatam a Mathia Corvino Hun-^{49.} Auſtriam re-
gariæ Rege, Fridericus Cæſar eidem permiferat, ea tamen condi-
tione, ut poſt mortem Mathiæ ad priſtinos ſuos Dominos redeat.
Poſtquam igitur ille anno 1490. Viennæ obiit, Maximilianus qua
armis, qua deditioe eandem recepit, poſtquam quinque annos in
Hungarorum manibus hæſerat.

50.
Turcas cæ-
dit.

Electus tum quidem Hungariæ Rex Uladislaus, Rex Bohemiæ ; verum Maximilianus, contra domus Austriacæ jura, & conventionem cum Mathia Rege initam, se præteritum questus, bellum Hungariæ intulit, eo tandem pacto finitum, ut Uladislaus sine hærede defuncto Maximilianus succederet : interim vero titulus *Hungariæ Regis* utrique sit communis. Cum dein altero post anno Turcæ ingenti numero per Croatiam in Carniolam, Styriam & Carinthiam irrumperent, omniaque populatione, cædibus, incendiis vastarent, amissis in pugna decem suorum millibus repulsi sunt.

51.
Bellum cum
Carolo VIII.

Vix compositus erat Oriens, cum nova mox procella ab Occidente incubuit. Nam Carolus VIII. anno 1492. Annam Britannicæ hæredem, post mortem Mariæ Burgundæ Maximiliano desponsam, intercept, atque matrimonio sibi junxit, abdicata Margaretha Maximiliani filia, quam eidem desponsatam diximus. Unde rursus bellum in Belgio : quod anno sequente hac *Sylvanectensi* pactione finitum : pacta dotalia inter Margaretham & Carolum sublata sunt : uti etiam ea, quæ pace anno 1482. sunt sancita, ac proin Carolus Burgundiam & Artesiam restituito. Possessio Comitatus Antistodorensis, Matifconensis, & Barrensis ei permittitor, donec judiciali sententia ea lis definiatur. Exules in integrum restituuntur. Post hæc pacta Margaretha post decennem in Gallia commorationem est Patri suo restituta. Collocata subin primum Joanni Hispaniarum Principi, eoque mox mortuo, Philiberto, Duci Sabaudicæ. Hoc pariter brevi amisso, Belgii Gubernatrix consenuit, vidua felicior, quam conjux.

52.
Ratisbona
restituta.

In ipsis etiam Germaniæ visceribus his temporibus variis turbis occasionem dedit Ratisbona, quæ antiquitus Baviaræ Ducibus subdita, postmodum libera Imperii Civitas effecta, anno 1486. se rursus Alberto IV. Baviaræ Duci subjecit. Proscripta propterea a Friderico Imperatore, ac tandem anno 1492. Imperio rursus restituta,

ARTICULUS II.

De Pace Publica, Camera Imperiali & Circulis Imperii.

Rebus ita tum in Germania tum in Oriente & Occidente compositis obiit anno 1493. Fridericus Imperator, plenus diebus & meritis. Successitque Maximilianus I. Filius, jam anno 1486. electus & coronatus Romanorum Rex, Patrique in regendo imperio Adjutor, omnibus apprime charus ac summo in pretio habitus; propterea novo exemplo omnium primus vivente Imperatore Rex Romanorum a Septemviris electus.

Cum eo tempore Carolus VIII. Rex Galliarum Regnum Neapolitanum, pluresque in Italia civitates occupasset, Pontifex, Imperator, ^{53.} Ferdinandus Rex Hispaniarum, Ludovicus Sfortia Dux Mediolanensis, ac ^{Fœdus contra Carolum} Veneti commune fœdus adversus eundem inierunt. Et Cæsar quidem ^{VIII.} ea de causa *Comitia Imperii Wormatiæ* indixit. Decretum bellum Italicum ad vindicandas civitates & Jura Imperii statuta in singula capita contributio nummaria (*der gemeine Pfennig*) Comes Eberhardus primus Wirtembergiarum Dux renunciatus. Ludovico Sfortiarum confirmatus Ducatus Mediolanensis. Plerique Electores *Investiti* ibidem.

Præcipue vero duo sunt, quæ Maximilianus Cæsar anno 1495. his in *Comitiis Wormatiensibus* cum immortalis nominis sui gloria atque ad perenne totius Imperii emolumentum gessit; ^{54.} *Pax* videlicet ^{Comitia Wormatiæ.} *Publica*, & erectio *Judicii Camerae Imperialis*.

Nempe Germani veteres non legibus, sed armis jus dicebant. Hinc etiam post constituta *Judicia Purgatio vulgaris* per Duellum aut ignes remansit. Hac per Jus Canonicum sublata, vigeat adhuc *Jus Manuarium*, quo vi privata lites definiebantur, interregni præsertim temporibus. Hinc ortæ illæ *Dissidationes*, duella, bella privata, invasiones, rapinæ, cædes innumeræ. Bella hæc, si tri-duo ante invasionem indicta fuerant, legitima censebantur, & ab ipsa etiam Aurea Bulla permissa.

Pernicioso huic malo Pontifices remedium quærebant per *Canones de Treuga & Pace*, Imperatores per Constitutiones de Pace Publica, imbecilliores Feuda potentioribus offerendo, ipsique Status per varia inter se fœdera. Tale erat *fœdus Suevicum*, anno 1488. a Sue-

a Suevis primitus erectum, cui tamen multi alii etiam Principes ac Nobiles se adjunxerunt.

Hæc tamen omnia non sufficiebant propulsandæ injuriæ, donec Maximilianus Imperator vindictis privatis felicius finem imposuit *Pace Publica* (quæ etiam *Profana* dicitur). Illius hæc epitome.

55. Pax Publica.
1. Nemo alterum bello aliove modo violente invadat. Lites autem Judiciali Processu finiantur.
 2. Qui contra hanc Pragmaticam Sanctionem egerit, Imperii *Bannum* seu Proscriptionem Jure ipso & facto incurrat: atque cuivis prædæ esto.
 3. Suspecti de damno illato possint a læso Principe &c. citari, ut Juramento se purgent.
 4. Receptores ac Defensores turbatorum pacis eidem pœnæ subjaçant.
 5. Vagi milites & grassatores per Imperium non tolerandi.
 6. Ecclesiastici lædentes a Prælatiis &c. ad damni compensationem adstringuntur.
 7. Proscripti non absolvantur, donec læso sit satisfactum.
 8. Nulla Privilegia patrocinentur violentibus hanc pacem.
 9. Comitia Imperii sint annua, & per mensem durent. Nec ante quisquam discedat absque urgente causa.
 10. Nec Cæsar bellum aut fœdus, quod Imperio noxium esse posset, ineat absque Ordinum consensu.
 11. Ditiones communi opera & sumptu acquisitæ Imperio accrescant.
 12. Plura alia statuuntur de violatoribus hujus pacis. Subscripserunt Electores, Principes & alii Status.

56.
Camerae Im-
perialis Judi-
cium.

Ut autem pax ista certius firmissimeque servaretur, præter Judicium Aulicum (quod cum Cæsare per Provincias ambulare consueverat) fixum aliquod summum tribunal Imperii erigendum putavit Imperator providus, quod *Judicium Camerae Imperialis* appellare placuit. Simulque *Ordinationem Cameralem* confecit; qua disposuit, ut hoc Judicium constet uno Judice Illustri, & 16. Assessoribus, Notariis Publicis, Juratis Nuntiis Camerae, qui citationes denuntient, Procuratoribus & Advocatis, per quos causæ agantur.

Ut nulla appellatio admittatur, nisi *gradatim* sit facta.

Ut citationes & litteræ Judiciales nomine Cæsaris fiant.

Ut

Ut in *Prima Instantia* nemo in hoc jus vocetur, nisi Imperatori & Imperio sit *immediate* subjectus (aliud esset in casu denegatae justitiæ a Judice inferiore.)

Ut in litteris citationis causa sit expressa, ut reus præparatus comparare possit.

Determinatur taxa *Sportularum* Judicialium.

Si Actor contumaciter absit ante litis contestationem, condemnandus est in expensas, & reus absolvendus ab instantia judicii. Si autem res non amplius est integra, procedi potest ad cognitionem causæ & sententiam judicialem. Condemnandus tamen actor contumax in expensas, licet sententia pro eo fuisset lata.

Si autem Reus foret contumax ante *litem contestatam*, ad petitionem Actoris condemnandus est in contumaciam, & actor immitendus in bona *ex primo Decreto*: vel, si actor velit, procedendum ad discussionem causæ & sententiam; reusque condemnandus in expensas, licet causam obtinuisset.

Appellatio ab *Interlocutoriis* sententiis non admittatur a Camera, si gravamen per appellationem a definitiva est reparabile.

Ter in hebdomade Jus dicatur. Procuratoribus & Advocatis pauperum causæ gratis agendæ, usque dum per pinguem forte sententiam ditefcant.

Quia autem hoc Judicium Camerale supremum est Imperatoris & Imperii Tribunal, habens jurisdictionem concurrentem in causis civilibus cum ipso Judio aulico, adeoque nulla ab eo datur appellatio, idcirco Status immediati, ne omni appellationis jure privarentur, petierunt a Maximiliano, ut salva *Immedietatis* prærogativa sibi Judices constituerentur, coram quibus in prima quasi instantia lis ventilaretur, & a quorum sententia appellari dein posset ad Camera; Imperator petitis eorum annuit, & hac ordinatione Camerali *Ausregas*, seu Judicium *Ausfregale* ipsis concessit, statuitque, ut *Ausfregas*, qui Principes *Ausregas Conventionales* jam haberent, iis uterentur. Si vero tales non haberent, Princeps ab actore conventus quatuor vicinos Principes designet, ex quibus dein Actor unum deligat, qui tanquam Cæsareus Commissarius causam judicet: cum jure tamen appellationis ad Camera vel ad Judicium aulicum.

Et hoc quidem statutum pro casu, quo Actor & Reus sunt Principes. Quando vero inferior aliquis Actor Principem vult convenire, Princeps novem ex suis præcipuis Consiliariis proponat, ex quibus Actor unum Judicem eligat, reliqui vero sint velut Assessores, omnes tamen Juramento, quo Principi sunt adstricti, pro hac causa soli

luti, & novo Juramento ligati, absque respectu personarum administrandi Justitiam. In hoc Austregali judicio Actor reconveniri non potest; conceditur tamen ab eo appellatio ad Cameram. Et, si Princeps interpellatus ab actore nollet hoc Judicium Austregale subire, posset actor immediate in Judicio Camerali adversus eundem agere.

Per hanc tamen Ordinationem nihil derogatur Superioritati territoriali, tribunalibus particularibus, aut privilegiis (qualia vi Bullæ Aureæ habent Electores, ut ab eorum sententia non appelletur) quamvis autem a Judicio Camerali non detur appellatio, dantur tamen alia remedia, uti Supplicationis, Revisionis &c.

Cæterum huic primæ Ordinationi Camerali alia postmodum accesserunt, præsertim anno 1548. & 1555. in Comitibus Augustanis. Locus etiam hujus Judicii sæpe mutatus. Nam 1. designatum fuit Francofurtum. 2. Wormatia. 3. Augusta. 4. Norimberga. 5. Ratisbona. 6. rursus Wormatia. 7. Spira. 8. Wezlaria.

In iisdem Comitibus Wormatiensibus anno 1495. edita est Constitutio pœnalis contra blasphemos. Et secundo post anno in Friburghensibus Comitibus contra eos, qui vinum aqua, sulphure, aliisque modis corrumpunt.

57.
Bellum
Helveticum.

Ortum brevi post, anno videlicet 1498. est bellum *Helveticum*. Haud æquis siquidem oculis aspicere poterat Cæsar tum clades præteritas, tum novas semper ad fœdus Helvetorum accessiones, tum etiam auxilia Gallis ab eis missa. Petebat proin, ut fœderi Suevico accederent, & communia Imperii onera ferrent. Recusabant hoc Helveti. Paulo post inter Tyrolenses & Grifones propter limites ad arma ventum. Utque auxiliis se munirent isti, fœderi Helveto accesserunt anno 1488. Constantienses etiam ad illud accedere meditabantur.

Cæsar proin bello utrosque aggressus est, Helvetos nempe & Grifones, confusus Suevico fœderi. Complura admodum cruenta prælia sunt commissa, plerumque Cæsareis magis infausta; donec anno sequenti Basileæ pax coaluit, mediatore Ludovico Sfortia Mediolani Duce. Effectus hujus belli vix alius fuit, quam regionum vastatio, & hominum cædes: quolibet, quod ante bellum habuit, habere jussit. Cessa tamen Helvetis sub certis conditionibus Turgoia; Basilea & Scaphusia paulo post in fœdus ascitis.

Maximilianus Cæsar ad ordinandum statum politicum reversus anno 1500. in Comitibus Augustinis novam Regiminis formam, quam Imperio aptiorem credidit, introduxit, erexitque novum *Imperii Senatum*, quater singulis annis Norimbergæ congregandum; qui

qui constaret ex Imperatore aut ejus legato tanquam Capite & Præsidente: ex uno Electore (per vices seu *turnum* sublevando) ex duobus Principibus, altero Ecclesiastico, Sæculari altero: uno Prælato, & uno Comite: duobus legatis Civitatum Imperialium: sex députatis a circulis.

58.
Comitia
Augusti-
na.

Nam eo tempore sex tantum Imperii Circuli a Maximiliano erecti fuerant: Franconicus nempe, Suevicus, Bavaricus, Rhenanus, Westphalicus, & Saxonicus: quibus postea quatuor addidit, Austriacum videlicet, & Burgundicum: Saxonico propter amplitudinem in duos diviso, uti etiam Rhenano. Burgundicus autem præter Burgundiam complectebatur etiam Belgium & Lotharingiam. Bohemia etiam & Prussia invitata, ut duos Imperii Circulos conficerent.

59.
Imperii
circuli.

In iisdem Comitibus Augustanis confirmata & magis declarata fuit *Pax Publica* Wormatiæ sancita. Facta nova *Ordinatio* Camere Imperialis. Rex Monetaria ordinata; proscripta ebrietas, luxur vestium, multaque alia, ad *politiam* spectantia, saluberrime sunt decreta, ac curæ novi Senatus Imperialis commissa. Decreta etiam subsidia ad bellum Turcicum; verum cum Status parce contribuerent, res effectu caruit; sicut etiam propterea Senatus ille Norimbergensis non diu subsistit.

Eodem anno 1500. nova accessio facta Domui Austriacæ, Comitatus nimirum Goritiensis, defuncto Leonardo ultimo Comite, ad Maximilianum Cæsarem jure hæreditario devoluti. Contra vero anno sequente Imperium detrimentum est passum, Basilea & Scaphusia Helvetico fœderi accedentibus. Unde anno 1502. in Comitibus Norimbergensibus de iis reducendis actum, uti etiam, an & quænam auxilia sint mittenda Magistro Ordinis Teutonici adversus Polonos, Borussia invadentes. Quomodo confirmanda *Pax Publica*, Ordinanda Camera, Res monetaria &c.

60.
Goritia.

ARTICULUS III.

Bellum Boicum, Gallicum, Venetum, Fœdera.

Ortum (anno 1503.) bellum in ipsis Germaniæ visceribus, & quidem inter Principes ejusdem stirpis. Nempe Stephanus Fibulatus.

Ludovici Bavari Imperatoris filius Bavariam ita inter tres suos filios diviserat, ut Stephanus primogenitus Ingolstadii, Fridericus Landshuti, & Joannes tertio-genitus Monachii resideret.

61.
Bellum
Boicum.

Ingolstadiensis linea ultra alteram generationem non fuit protensa. Landshutana paulo ulterius producta defecit in Georgio Divate, qui generum suum Rupertum Palatinum (Philippi Electoris filium) heredem scripsit. At intercessit huic ultimæ voluntati Albertus IV. Monacensis, & inaugurationem (seu *investituram*) a Maximiliano Cæsare obtinuit. Ac præterea Principum etiam Senatus Provinciam Ducis Georgii eidem ac fratri Wolfgango addixit, tanquam feudum Imperii: nixus Albertus insuper pacto *successivo*, lineam inter Landshutanam & Monacensem inito.

Cum autem Rupertus ejusque Pater Philippus Elector non acquiescerent, Cæsar eos proscripsit, armisque Provincia Georgii fuit invasa, cæsis Bohemorum copiis, quæ Palatino venerant auxilio. Palatinatus etiam Superior a Norimbergensibus, & Inferior a Wirtembergensi & Veldenfi discerptus. Mortuo autem altero mox anno (1504.) Ruperto, Cæsar ea conditione pacem imperavit, ut aliquot urbes & oppida, ad Danubium sita, Ruperti filiis cederent, sub titulo novi Ducatus (qui exinde *Ducatus Neoburgicus* fuit appellatus, atque etiam *novus Palatinatus*) Kuffsteinium, Rattenberga, aliaque, quæ ad Tyrolin olim pertinuerant, cum quibusdam oppidis versus Austriam Superiorem, & in Suevia sita, aliaque jura Domui Austriacæ obtingerent pro belli sumptibus. Data etiam portio Norimbergensibus, Wirtembergicis, Oetinganis Comitibus, aliisque finitimis, qui bello se immiscuerant. Quæ accisæ hac ratione Georgii Provincie supererant, Bavarie Ducibus sunt relicte.

62.
Fœdus Ha-
genoense.

Dum hæc in Germania geruntur, nova pax fœdusque conflatur. Blesis primum in Gallia, dein vero *Hagenæ* in Alsatia (anno 1505. Maximilianum inter Cæsarem, Philippum ejus filium, Belgii Principem, & Ludovicum XII. Franciæ Regem. Claudia Ludovici filia despondetur Carolo Philippi filio. Ludovico vero promittitur *infeudatio* in Ducatu Mediolanensi: utrinque vero mutuum auxilium.

At sequenti mox anno Ludovicus hanc pacem fregit, dum Claudiam Francisco Engolismensi Comiti, tunc Gallie Delphino, despondit, & cum Venetis ac Principe Carolo Egmondano clam fœdus iniit.

inuit. Hujus Egmondani avus Geldriam Carolo Audaci vendiderat: cum reliquis proin Belgii Provinciis jure primum dotali ac deinde hæreditario ad Domum Austriacam fuit devoluta. Verum hic Carolus Egmondanus, adjutus a Gallis, & seditiosis Belgis, atque ab ipsis etiam Geldris, ultra 40. annos pro Geldria bellum gessit, incredibili molestia Maximiliani, Philippi, & Caroli V. qui anno 1537. eum tandem possessione penitus dejecit. 63.
Bellum
Geldri-
cum.

Cæsar in Comitibus Constantiensibus anno 1507. amare conquestus, quod Ludovicus fidem fregisset, atque cum Venetis a Coronatione Romana Imperatorem impedire conaretur, auxiliares copias ad professionem Romanam, contra Venetos & Gallos (Ducatum Mediolanensem tunc obtinentes) vi armata aperiendam, ab Ordinibus Imperii petiit, uti etiam ab Helvetis. Utrique addixere. 64.
Comitia.
Constant.

At Cæsar, per Legatum Pontificis Tridenti insigni cum solemnitate publice declaratus Imperator, Venetis, quia transitum negaverant, bellum indixit (anno 1508.) quod magna rerum ac fortunæ vicissitudine per octo annos continuatum fuit. 65.
Bellum
Venetum.

Et initio quidem Cæsareæ copiarum montium claustra Vicentiam versus perrumpentes, tractum illum occuparunt. At melior fortuna Venetis affulsit in Foro-Julio, aliisque ad Adriaticum plagis: nam prælio felici ac victoria feroces non tantum amissâ recuperarunt, sed insuper Forum-Julium, Tergestum, Istriam, Goritiam partim ferro partim auro expugnarunt. Cum autem etiam valli Athesinæ imminerent, de induciis in triennium conventum est, eo pacto, ut Veneti interim occupata possiderent.

Cæsar, ira in Venetos succensus, conciliandum sibi duxit Ludovicum Regem Galliarum, & ex socio hostem reddendum Venetis. Missio itaque Matthæo Langio, Episcopo tunc Gurcensi (ac postea etiam Cardinale) celeberrimo ea tempestate viro, in Galliam, Cæsar Regi proposuit, coercendam esse Venetorum ambitionem, qui nullos fines dominatus sui ponentes in dies magis se dilatent, ac Principum vicinorum provincias discerpant. Multas eos urbes ditionesque a statu Pontificio, a Regno Neapolitano, ab Imperio, ab Istria, & Foro-Julio, atque a Ducatu Mediolanensi abstraxisse: interesse omnium, ut ad commune velut incendium restinguendum accurrant, ne impotens dominatio ulterius serpat. Cæsarem paratum se offerre non tantum ad confirmandum Regi Ducatum Mediolanensem, tradendasque feudales litteras, sed etiam ad urbes eas, quas Veneti inde avulsissent, reducendas.

Non ingrata fuit Ludovico Legati oratio, cupiditate flagranti, confirmandi sibi, occupatum nuper, Ducatum Mediolanensem, eumque redintegrandi. Et aliunde jam averso a Venetis erat animo, quod eas, quas diximus, inducias cum Cæsare inissent, nulla Caroli Egmondani, cum Philippo Belgii Domino, bello commissi, ratione habita.

66.
fœdus Ca-
meracen-
se.

Cameraci itaque fœdus initur adversus Rempublicam Venetam Cæsarem inter & Regem Gallia; cui postea etiam Julius Papa, & Ferdinandus Hispania; Rex, cum Mantuano Marchione & Ferrariensi Duce, accesserunt. Displicuit tamen Germaniæ proceribus, quod absque eorum consensu fuisset initum. Unde negarunt auxiliares copias.

Hæc autem erant fœderis capita: Communibus fœderatorum armis invadendos Venetos, nec prius a fœdere aut bello desistendum, donec omnes fœderati a Venetis ablata recuperassent, videlicet Pontifex Ravennam, Cerviam, Cesenam, Immolam, Faventiam, Ariminum, aliaque oppida, ditiones ac jura: Imperator Roveretum, Veronam, Vicentiam, Patavium, Tarvisum, Forum-Julium, Patriarchatum Aquilejensem, omniaque alia a Venetis nupero bello occupata: Rex Christianissimus Pergomum, Brixiam, Cremam, Cremonam, omniaque ea, quæ antiquitus ad Ducatum Mediolanensem pertinerant: Rex Hispaniæ Trantum, Brundisium, Hydruntem, Gallipolim, omniaque, quæ Veneti a Regno Neapolitano decerpserant.

67.
Veneto-
rum cla-
des.

Primus, transmissis cum exercitu Alpibus, Martis campum aperuit Ludovicus, ac Venetos ingenti prælio fudit *ad Gbieraddam*, prope *Addam* fluvium, cæsis in acie octo hostium millibus, captoque Liviano, altero Venetorum Duce. Tantaque ex hac clade Venetiis fuit trepidatio, ut de continente omnino relinquendo Senatus deliberaret. Incredibilis certe victoriæ mox secutus est fructus: nam fœderati brevi temporis intervallo omnes paulo antememoratas provincias, urbes, oppida, aliaque plura, tum armis, tum deditione receperunt, adeo ut in Italia præter Insulas & Tarvisum nihil admodum Venetis maneret reliquum.

68.
Legatio
ad Cæsa-

Potentissima paulo ante per orbem Respublica in tantas ruinas una clade repente præcipitata, atque a tantis undique hostibus in angustias conjecta Antonium Justinianum, Patritium Venetum, ad Maximilianum Imperatorem, Bassiani ad Brentam tunc commorantem, Legatum misit, qui supplici oratione ad Cæsaris genua prostratus & veniam & pacem rogavit, qualem ipsi Cæsari imperare place-

placeret, ad restituenda omnia, quæ a Venetis Imperio aut Domui Austriacæ fuissent unquam subtrahæta, atque ad tributum annuum pendendum se nomine Reipublicæ offerens.

Maximilianus, singulari licet mansuetudine & clementia Princeps, tam alte in animum demiserat negatum sibi a Venetis innoxium transitum, fœdus cum Gallo, tunc hoste suo, initum, & illata pluries damna, ut flecti non posset negaretque, se ab inito fœdere recessurum.

Igitur Veneti, desperata pace ad arma rursus conversi, primo Tarvisium per cives fortiter defenderunt; dein Patavium (inverso ex condito ad portam plaustris, quod rustici sæno onustum adduxerant) astu occuparunt, frustra a Germanis postea oppugnatum. Redeuntibus animis ulterius progressi Vicentiam, & Bassanum expugnarent, aliasque circum urbes: gesto etiam in Istria æquali ferme fortuna bello.

Hæc detrimenta Cæsaris debebantur tum negato ab Ordinibus Imperii auxilio, ut ipse in *Comitiis Augustanis*, paulo post celebratis, fuit conquestus, tum languenti jam fœderi. Postquam enim Julius, Ludovicus, & Ferdinandus sua receperant, parce admodum Imperatori, quem unum ferme Venetorum arma petebant, succurrerunt. Imo fœdus mox ruptum est.

Primus ab eo recessit Julius, postquam Veneti supplices pacem ab eo petierant. Conflata est ista Bononiæ anno 1510. his conditionibus.

69.
Julii fœ-
dus cum
Venetis

Veneti nemini Officia Ecclesiastica conferant: Pontificiis decretis illico morem gerant. Causas Ecclesiasticas ad Sedem Apostolicam remittant. Bona Ecclesiastica nullis contributionibus onerent, a Pontificiis subditis nullum in Adriatico vestigal exigant. Nullum hostem Romanæ Sedis recipiant. Omnem pecuniam ex bonis Ecclesiasticis collectam restituant. Pontifici omnia damna compensent, rescissis omnibus contrariis pactioibus.

Ægre hæc abscessio fœderatos habuit, ruptam fidem, Camera ci datam, conquestos. (Unde etiam a quibusdam Imperii Statibus decem Gravamina adversus Curiam Romanam anno 1510. in *Comitiis Augustanis* fuerunt proposita.)

At reposuit Julius Pontifex, jam fuisse fœderi Cameracensi satisfactum. Recepisse omnes a Venetis ablata, excepto Tarvisio, quod traditate Cæsaris non fuerit receptum: ejusdem culpa amissum rursus Patavium, quod modicum præsidium imposuerit.

Contra
Gallos.

Ultra Julius progressus, fœdus adversum Gallos, quos Italia ejectos volebat, cum Venetis iniit, Cæsare etiam, Hispano, & Anglo in societatem vocatis; conductisque (opera Schineri Episcopi Sedunensis) Helvetorum sex millibus, aggressus est clientem suum *fiduciarium* Ducem Ferrariæ, eo quod Ludovico adhereret. Mutinam igitur, Concordiam, & Mirandolam præfens in castris occupat: conatus etiam gemina classe Gallos Genua depellere.

70.
Synodus
Turonen-
sis.

Ludovicus vero, ut terreret Romanos, *Synodum, Turonibus* primum, ac dein *Pisis* adversus Julium Pontificem congregari voluit: misitque in Italiam Trivultio duce, novo exercitu Ducem Ferrariæ restituit, simulque Bononiam, Pontificiæ ditionis urbem expugnavit. Contra vero Julius cum Venetis, & Ferdinando Hispaniæ Rege, novum fœdus iniit, pro abolendo inauspicato Pisano Concilio, & defendendo statu Pontificio. Frustra vero Cæsarem a Cameracensibus pactis abstrahere conabantur. (1511.)

71.
Pugna
Raven-
nam.

Anno sequenti Gasto Foxius Germanorum & Gallorum opera quindecim intra dies Bononiam obsidione liberavit, Venetos bis acie vicit, Brixiam & Pergomum recuperavit, ac paulo post Pontificium & Hispanum exercitum *ad Ravennam* ingenti prælio superavit. Verum dum fugientes incautius perlequitur, lapsus in fossam ab ignobili milite confossus occubuit. Mox nihilominus Ravenna, Imola, Riminum, Cesena victoribus se dederunt.

Audita tanta victoria, Ludovicus Julio rursus pacem obtulit, ea conditione, ut Bononiam aliasque ablatas urbes recipiat; Rex Synodum Pisanam (Mediolanum interea translatam) abroget & Ducem Ferrariæ ad Pontificis obsequium flecteret, Julius vero eundem Ducem, ab anathemate absolutum, in fidem clientelarem reciperet, Cardinalibus vero & Episcopis, qui conventui Pisano præsentess erant, indulgeat veniam.

Ratos initio Cardinalium hortatu hos articulos habuit Julius. At cum Maximilianus Cæsar inducias cum Venetis esset pactus, & Henricus Angliæ Rex, fœderi, Julium inter, Hispanum, & Venetos contracto, accederet, ac præsertim cum viginti Helvetorum milia a Schinero Cardinale Sedunensi ad Pontificis obsequium in Italiam adductos audiret, reiecta pace, in spem rediit, Gallos tota ejicere di Italia.

72.
Galli Ita-
lia depul-
si.

Nec sua eum spes fefellit. Galli enim mox non tantum urbes Pontificias & Venetas, quas recens occupaverant, sed etiam Ferrariam, Genuam, totumque Ducatum Mediolanensem (arcibus duntaxat aliquot exceptis) deserere sunt coacti ab Helvetis, qui vocabulo

cabulo quodam ab Ludovico offensi conjuraverant, pedem se non elaturos Italia, donec vel unus Gallorum ibidem supereffet: moxque Maximilianum Sfortiam, ab exilio retractum, Mediolano restituerunt: qui propterea, præter annuam pensionem, illis quatuor Præfecturas cessit, Luganensem videlicet, Locarnensem, Mendrisianam, & Madiam, a Julio vero summo Pontifice ob præstitam egregie operam *Defensores Fidei* sunt appellati. (anno 1512.)

Maximilianus interea Cæsar grandes has rerum in Italia revolutiones indifferente veluti oculo spectaverat: nam licet cum Venetis inducias duntaxat contraxisset, nolletque eorum vires reviviscere, tamen haud admodum dolebat, quod Gallorum victoriæ atque potentia, toti Italiæ formidandæ, essent fractæ. Unde & Helvetis transitum permisit, & copias suas a Gallis sejunxit, & Sfortiæ Mediolanum in feudum concessit, & abdicato Conciliabulo Pisano Lateranensi Concilio adhæsit, & per Gürcensem novum cum Julio Pontifice contra Venetos fœdus iniit, ac denique Ludovico Regi, ob detentam Burgundiam, & auxilia Carolo Egmondano, Geldriæ adhucdum incubanti, præbita, bellum indixit; ascitis etiam in societatem Anglo, Hispano, ac Helvetis.

ARTICULUS IV.

De Comitibus, Judicio, Aulico, Notariis Publicis, Pace.

Comitia insuper Imperii *Coloniam* convocavit, in quibus de Ludovico conquestus, deque fœdere non satis fideliter servato, ad Comit. Co. xiliares adversus eundem copias petiit, ad reducendam Burgundiam ac Geldriam.

Porro in his *Comitiis Colonienfibus* plures *Recessus Imperii* anno 1512. sunt concepti. Nam statuitur, ut sedes Apostolica & Romana Ecclesiæ ab Imperatore tanquam supremo illius advocato defendatur. Pax Publica confirmetur. Camera Imperialis, ferme collapsa, restauretur. Imperatoris & Imperii Jura contra quemcunque aggressorem communi Ordinum opera protegantur. Determinatum, quantum viritim Imperii cives debeant contribuere in sex annos, pro ratione annuorum proventuum. Statutum, ut decretis, secundum

Part VII.

H

majo.

majora præsentium in Comitii Statuum suffragia conceptis, omnes, etiam absentes, stringantur.

Sex Circulis adhuc quatuor additi, Austriacus nempe, Burgundicus, Rheni Inferioris, qui quatuor Rhenanos Electores completeretur, & Saxoniz Superioris, cujus Electores, Saxonicus & Brandenburgicus essent capita. Ad conservandam Pacem Publicam in singulos annos unius mensis Comitia decreta.

74.
Consilium
aulicum.

Sub pœna gravi prohibita blasphemia, ebrietas, provocatio ad æquales haustus, monopolia. In altero Imperii Recessu datum initium *Consilio Aulico* reformando. Cum enim illud hætenus cum Imperatore per Provincias ambularet, nulloque certo loco consisteret, & Imperatores sæpe extra Germaniam bellis abstracti jus litigantibus dicere non possent, stabile aliquod fixumque tribunal constitui placuit. Attributi itaque Cæsari (id petenti) octo *Consiliarii*, quatuor nempe ab Electoribus, & quatuor a reliquis Principibus. Qui sumptibus Imperii alerentur, & partibus litigantibus nomine Imperatoris jus dicerent. Constitutus etiam centurio, qui cum 100. equitibus Paci Publicæ invigilaret. Imperatum urbi Francofordiensi, ut solennes Paschales nundinas a sancta hebdomade in aliud opportunius tempus transferat. Aliaque ad *politiam* spectantia salubriter ordinata.

75.
Recessus de
Notariis.

Tertius Imperii Recessus ad *Notarios Publicos* pertinet. Ne scilicet hoc munus, quod summam fidem requirit, committatur indignis, infamibus, imperitis, infidelibus, excommunicatis, proscriptionis, aut iis, qui legitimi testes in judicio esse non possunt.

Ut *formam* præscriptam observent in Instrumentis, invocato videlicet Divino nomine, exprimantur annus salutis, indictio, nomen, ac annus Principis, mensis, dies, hora, locus, loci locus, dein facti seu actus gesti series, testium nomina. Tum instrumentum a Notario proprio sigillo signetur, & subscribatur. Addatque, se specialiter rogatum instrumentum confecisse. Salvis tamen aliis, quæ loci cujusvis consuetudine requiruntur.

Quilibet Notarius Protocollum habeat, cui propria manu de verbo ad verbum inserat omnia instrumenta, a se confecta, ut si originalia amitterentur, aut corrumperebantur, apud Notarium integra inveniri possint.

Instrumentum confectum coram partibus & testibus relegat. Postquam vero ab illis Instrumentum relectum fuerit, & approbatum, addi, detrahi aut mutari nihil amplius potest, etiam de partium consensu. Si tamen postea partes quid mutari vellent, Notarius rursus

rursus rogatus novum Instrumentum conficiat, priori manente in Protocollo, novoque pariter inserto.

Possset tamen Notarius scripturæ, a contrahentibus coram testibus sibi oblata, & coram relectæ subscribere, testarique, ita coram se fuisse contractum: atque copiam ejusmodi instrumenti suo Protocollo adjungere.

Notarius non potest renunciare suo officio, nisi in manu Principis, cujus auctoritate est creatus.

Nullas *cifras* aut notas apponat, sed integra vocabula clare & distincte scribat; lingua Latina, vel Alemannica in pergameno, non vero papyro.

Præcipue vero sit accuratus in scribendis testamentis. Ad quæ requiruntur septem testes, specialiter rogati, incluso inter istos Notario: ad codicillos vero, quibus legata & fideicommissa, uti etiam ad donationem mortis causa, & ad testamenta rusticorum, si plures haberi non possunt, sufficiunt quinque: ad testamentum autem parentum inter liberos, ubi aliud testamentum non obstat, uti etiam ad testamentum militis, in castris confectum, requiruntur duo testes. Si autem miles in actuali sit expeditione bellica, sine omni solennitate & teste quomodocunque potest suam ultimam voluntatem significare. Caveant autem Notarii, ne testes adhibeantur, qui de Jure sunt inidonei, uti sunt mulieres, & regulariter omnes, qui active aut passive sunt intestabiles.

Additur testamenti scripti forma: nimirum producit testator coram septem testibus, ad id specialiter convocatis & rogatis, viris, liberis, pueribus, omnibus simul præsentibus scripturam clausam, sive testatoris, sive alterius manu scriptam, offertque illam istis testibus, a singulis subscribendam, & sigillis propriis signandam: modo aperte dixerit, suum in ea contineri testamentum, ibique coram testibus sua manu propria subscripserit, vel si ipse scribere nesciat, vel tunc non possit, alterius octavi testis manu subscribi faciat; dein eodem tempore, nullo intervallo per singulos septem testes subscribitur, & propriis sigillis signatur. Si autem unus vel plures testes sigillo proprio careant, alterius testis sigillo utatur.

Subjungitur etiam forma testamenti *Nuncupativi*: in quo nempe testator hæredis & legatariorum nomina coram septem testibus exprimit, suamque ultimam voluntatem palam & dilucide manifestat. Hæc omnia Notarium probe scire oportere.

Conqueritur Imperator, quotidie ad Cameram venire Instrumenta procuratoria defectuosa. Unde sciendum tabellionibus, quomodo ea conficienda, cum expressione, quale mandatum. *Procuratoribus ad litem sit datum, an generale tantum, an speciale & cum libera* si plures sunt constituti, an omnes in solidum &c. Monendos a Notario Principalem litigantem & Procuratorem, quod & quomodo iurandum de calumnia.

Notum sit insuper Notariis, quod appellatio gradatim facienda, nec concedatur in camera ab interlocutoria, si gravamen postea per appellationem a definitiva est reparabile. In appellatione a definitiva non esse necesse, causam aut gravamen exprimere, bene vero, si appellatio fiat ab Interlocutoria, ubi causa appellandi & gravamen exprimendum, & quidem scripto.

Commendatur denique Notariis, ut sint Juris periti, requisita ad contractus habeant perspecta, Instrumentorum formam cum debitis clausulis bene calleant &c.

76.
Bellum Burgundicum.

His per Recessus Colonienfes ita constitutis, confirmatoque in decennium Suevico fœdere, Cæsar, ut Burgundiam Gallis eriperet, ac Carolo Nepoti suo assereret, cum Anglo ac Helvetis fœdus iniit. Verum plus fulguris quam fulminis emicuit; Anglo post victoriam atque expugnatum Terovanum ac Tornacum trans mare in hyberna concedente, Helvetis vero, dum Divionem obsiderent, auro expugnatis a Trimolio, & in privatam pacem euntibus. Nec major effectus victoriæ, quam ad Vicentiam Cæsarei a Venetis reportarunt.

Cum subin Franciscus I. Galliæ Rex Ducatum Mediolanensem rursus occupasset, Imperator Maximilianus ultimam in Italiam expeditionem suscepit; jamque Mediolano exercitum admoverat, cum Helvetis, quos secum adduxerat, adversus populares suos pugnare detrectantibus, re infecta in Germaniam rediit.

77.
Pax Noviodun.

Tandem pertinax hoc bellum, quod totam ferme Europam in partes traxit, miraue fœderum ac fortunæ inconstantia per ostentum gestum fuerat, per *Pacem Noviodunensem* anno 1516. finitum est, his articulis conclusam.

Cæsar Veronam restituit: pro ea vero Veneti centum aureorum millia solvant, totidem Rex Galliæ, simulque debitum 300000. Aureorum, ex mutuo contractum, Imperatori remittat. Idem retineat Roveretum, aliaque oppida & claustra ad Athelin & Brentam, uti etiam in Istria & Foro Julio, quæ tunc possidebat: Venetis pariter in possessione eorum, quæ tunc habebant, remanentibus, donec Reges Hispaniæ & Galliæ, (tanquam arbitri compromissarii) limites de-

termi-

terminarent. Veneti omnibus urbibus & portibus Regni Neapolitani, quos antea occupaverant, in perpetuum renuncient.

Rex Galliae Ducatum Mediolanensem tanquam feudum Imperii retineat, usque dum Imperator & Imperium ea super re pronunciet.

Carolus Rex Hispaniae Regnum Navarrae (quod Ferdinandus Catholicus Caroli avus occupaverat) Joanni Albretano restituat. Francisci Regis filiam ducat, venientibus in dotem juribus aut praetensionibus Galliae in Regnum Neapolitanum. Si vero Carolus ex Gallica conjuge liberos nullos susciperet, pars ea Regni Neapolitani, quae in divisione, cum Ferdinando Catholico inita, Gallis fuerat attributa, eisdem restituitur. Caeterum pax esto perpetua. Exules restituantur. Captivi absque lytro liberi dimittuntur.

Discordiis Europae hac pactioe compositis, Leo X. Pontifex in id consilia sua cum Christianis Principibus contulit, ut arma in communem omnium hostem convertantur, & crescenti in dies Turcarum potentiae, qui nuper Aegyptum etiam sibi subjecerant, eatur obviam. Visum proinde, ut Imperator cum Germanis, Hungaris, Bohemis, & Polonis terrestri itinere per Bosniam, Serviam, & Thraciam Constantinopolin moveat. Gallus cum Italis & Helvetis navibus transvectus, in Albaniam & Graeciam irrumpat, Pontifex cum Hispanis, Anglis, & Lusitanis, immissa classe, navali oppugnatione Constantinopolim invadat.

Maximilianus Caesar in hunc finem anno 1518. *Comitia Augustana* indixit, atque pro conscribendo valido exercitu in singula hominum capita decimam floreni Rhenani partem in Triennium impetugustavit.

Verum tam salubre consilium effectum caruit, Christianis per Europam Nationibus dissidentia, invidia, aemulatione distractis, & cum plures se remotiores a periculo crederent, privatas rationes communibus & publicis praehabentibus.

Aderat in his Augustanis Comitibus, praeter multos Regum ac Principum Oratores, Cardinalis Cajetanus Pontificis legatus, qui bellum Turcicum-vehementer urgebat. Non ea tamen, qua oportuit, severitate Lutherum, ibidem praesentem, coercuit, Germaniam bellis, Ecclesiam discordiis impleturum.

ARTICULUS V.

Maximiliani obitus, Mausolæum, defensio.

79.
ObitusMaxi-
mil.

ANno sequente (1519.) pientissime, uti vixit, mortem, ad quam dudum se paraverat (sandapila etiam in hunc finem per itinera secum devector) oppetiit Maximilianus Welsii, Imperii 25. ætatis sexagesimo. Natus 1459. Rex Romanorum 1486. Imperator 1493. primis decem ætatis annis blæfæ fuit linguæ; postea insigni eloquentia, pluriumque linguarum peritia excelluit: litterarum ac litteratorum amator & æstimator eximius. Fide, religione, integritate, clementia, facilitate, liberalitate, studio in Rempubicam singulari, omnium amorem sibi conciliabat. Uti juvenis per rupes obrepens (non sine vitæ servatæ prodigio) feras confectabatur, ita reliquam ætatem bellis exercuit, quæ gessit pro Imperii ac Domus suæ Juribus contra Gallos, Belgas, Hungaros, Helvetos, Palatinos, Bohemos, Turcas, Venetos; ita tamen, ut pacis tranquillæ studia nequaquam seponeret. Tot Imperii comitia, ad componendam Rempubicam collecta, pax publica, camera imperialis, judicium aulicum, in meliorem formam redactum, Germania in decem Circulos opportune divisa, tam opulentum ejus, filii, & Nepotum conjugium &c. perpetua sunt monumenta, quibus & Imperii tranquillitati providit, & Austriacam potentiam in immensum provexit, & gratam posterorum omnium memoriam sibi devinxit.

80.
Mausolæum.

Magnificum ejusdem Mausolæum visitur Oeniponti in medio templi aulici ad S. Crucem, a Ferdinando I. ex alabastro exstructum, circumstantibus 28. metallinis statuis, quæ totidem Personas Principes exhibent. In ipso Mausolæo, præter insigne epitaphium, 24. marmoreis tabulis rara omnino ac mira arte insculpta cernuntur præcipua illius gesta: videlicet, nuptiæ cum Maria, Burgundiæ ac Belgii Domina (1477.) victoria a Gallis victis reportata ad Guinegatum (1479.) Electio & coronatio in Regem Romanorum (1486.) Pax cum Carolo VIII. & recuperatio Artesiæ (1489.) Recuperatio Inferioris Austriæ, & Expugnatio Albæ Regalis in Hungaria (1490.) Victoria de Turcis relata in Sclavonia. (1492.) Expugnatio Atrebatii (1493.) Nuptiæ secundæ cum Blanca Maria, Galeacii Mariæ Ducis Mediolanensis filia (1494.) Fædus cum Pontifice, Hispano, & Venetis contra Carolum VIII. & recuperatio Neapolis (1496.) Philippi, ipsius filii

fili, cum Joanna Hispaniarum hærede conjugium (1497.) Victoria a Bohemis devictis relata in bello Boico : & expugnatio Kueffsteinii (1504.) Fœdus cum Pontifice ac Regibus Gallæ & Hispaniæ adversum Venetos (1509.) Fœdus cum Pontifice & Helvetis, atque expulsio Gallorum ex Ducatu Mediolanensi (1512.) Fœdus cum Angliæ Rege, & victoria, de Gallis cæsis reportata in Artesia (1513.) Congressus cum Regibus Hungariæ & Poloniæ nexusque geminus per gemina sponsalia (1515.)

Licet autem Maximilianus multa omni ferme ætate bella gesserit, multo nihilominus plura per opimas nuptias est consecutus. Nam primo quidem per Mariam Burgundam conjugem suam Burgundiam totumque Belgium, per conjugium filii sui Philippi cum Joanna Hispana universam Hispaniarum Monarchiam, per utrumque orbem late diffusam, per nuptias Ferdinandi Nepotis cum Anna Hungarica Regna Hungariæ & Bohemiæ, Augustissimæ Domui Austriacæ intulit.

Nam etiam hæc debentur providis Maximiliani consiliis. Siquidem Philippi Archiducis, jam anno 1506. demortui, filiis Carolo & Ferdinando Nepotibus suis, consulturus, anno 1515. Uladislauum Hungariæ & Bohemiæ Regem, cum ejus fratre Sigismundo Poloniæ Rege, Viennam invitavit, ubi actum de pace inter Polonos & Moscos componenda, de bello Turcis inferendo, ac præcipue magna cum solennitate conventum est, ut Anna Uladislai filia Carolo aut Ferdinando desponderetur. Unde factum, ut Ferdinando postea nuberet, mortuoque Ludovico fratre utrumque Regnum in dotem afferret, atque hoc pacto antiquæ conventiones de successione Austriacæ Familiæ, si mascula Uladislai progenies deficeret, facilius implerentur.

In eodem trium Regum augusto congressu contracta sunt sponsalia inter Ludovicum Ladislai filium, & Mariam, Maximiliani Cæsaris ex Philippo neptem, reliquis tribus Mariæ sororibus summis pariter per Europam Principibus in matrimonium postea datis. Jam tum auditus ille versiculus :

Bella gerant alii, tu felix Austria nube.

Sub finem breviter refutare juvat, quæ meritissimo huic Imperatori objicit Hyppolithus a Lapide seu potius sub hoc fisco nomine latens Joachimus *Rusdorsius* Calvinista, Romanæ Ecclesiæ & Domus Austriacæ hostis infensissimus, sæculi superioris Scriptor damnatæ memoriæ, qui ad Ordines Batavos legatus Palatinus Hagæ Comitum obiit anno 1640.

Hic

81.
Felices Nu-
ptiæ.

82.
defensio.

Hic infamem librum scripsit *de ratione status in Imperio Romano-Germanico*; & uti Domus Austriacæ universim se hostem profiteatur, ita gloriosissimos ex illa Imperatores indignis sane modis proscindit.

Et Maximiliano quidem objicit, quod multa bella gesserit, non tam ad publicum Imperii bonum, quam in privatum suum Domusque suæ commodum; ac propterea negata ipsi fuisse a Statibus subsidia. Quod majoribus suis altiora spirans Archiducis titulum primus in Domum suam invexerit, ut super alias Principum familias emineret.

Verum has esse calumnias exinde sit perspicuum, quod bella sua Maximilianus gesserit adversus Turcas, Gallos, Helvetos, Venetos. Quicumque autem temporum illorum conditionem, hostes istos undique incrementos, bellorumque causas vel obvio etiam oculo intuetur, facile intelliget, quantopere hæc cum rebus & rationibus Imperii conjuncta fuerint. An enim nihil ad Imperium pertinere arbitremur, Turcam non tantum in vicinis provinciis dominari, sed in ipsa etiam Germaniæ viscera immensi populatione grassari, Burgundiam, Belgii Provincias, Mediolanensem Ducatum a Francis invadi, Basileam, Scaphusiam ab Imperio separari, & ad fœdus Helveticum transire, Constantiam nutare, fines Tyroleos a Grisonibus infestari, Principem Imperii ab iisdem graviter violari, non tantum plures Italiæ urbes, ad Imperium olim pertinentes, a Venetis possideri, sed eorum dominium semper ulterius in Istriam, Insubriam, & Tyrolis fines protendi ipsumque Cæsarem a consueta expeditione Romana armata manu prohiberi? Profecto cogitanti ista facile succurrer, Romanum Imperium magnam Maximiliano Imperatori debere gratiam, quod suis armis, curis, vigiliis, irruenti undique hosti aggerem opposuerit; & si aliquando sapientissimis consiliis effectus defuit, retardatis id aut omnino negatis subsidiis esse tribuendum.

Quod vero larvatus Hyppolithus dicat, Maximilianum novo exemplo arrogantiae impulsu Archiducis titulo usum fuisse, id ejus aut inficitiam, aut calumniandi voluptatem prodit. Licet enim de origine præcellentis hujus tituli diversa sit scriptorum opinio, aliique eum ad Fridericum III. alii ad Albertum I. alii ad Rudolphum I. alii ad Fridericum II. alii adhuc altius ad Fridericum I. tempora referant, omnes tamen in eo conveniunt, illum Maximiliano I. antiquiorem esse. Et licet forte priores Austriaci Principes illo usi non essent, arbitrarie id omissioni, non juris defectui foret adscribendum.

CAPUT II.

De Statu Imperii Ecclesiastico & Politico sub Carolo V.

ARTICULUS I. CAROLI INITIA.

SUMMARIUM.

- | | |
|--|--|
| <p>83. Caroli V. Initia, Potentia, Regimen.</p> <p>84. Electus Imperator adversus æmulum, Galliae Regem.</p> | <p>85. Prima solennis capitulatio Cæsarea, ejusque Articuli.</p> |
|--|--|

ARTICULUS II.

Dissertatio in Capitulationes Cæsareas, an Majestati aut Monarchiæ derogent.

- | | |
|--|---|
| <p>86. Argumenta eorum, qui Imperium Monarchicum esse negant, propter potestatem Statuum.</p> <p>87. Quid Cæsar non possit sine consensu Electorum & Statuum.</p> <p>88. Jus Superioritatis territorialis, quo Status fulgent.</p> <p>89. Argumenta pro Regimine Monarchico.</p> <p>90. Reservata Cæsarea.</p> <p>91. Judicium Aulicum.</p> <p>92. Electorum prærogativæ augent splendorem Majestatis,</p> | <p>93. Uti etiam Comititia Statuum Imperii;</p> <p>94. Eo quod non ipsa potestas, sed usus potestatis limitetur, & leges in Comititiis latæ Cæsari adscribantur.</p> <p>95. Monarchicam esse Imperii formam;</p> <p>96. Sed tamen aristocratice temperatam.</p> <p>97. Protestantium probra adversus Cæsaream Majestatem,</p> |
|--|---|

ARTICULUS III.

Ordinatio Imperii.

98. Coronatio. Bellum primum Gallicum cum Francisco I. Comitibus Wormatiensibus. Proscriptio Lutheri. Gallos ex Navarra. & Italia pellit.
99. Provincias cum fratre Ferdinando dividit. Wirtembergæ mutationes. Comitibus Norimbergensibus. Centum Gravamina.

ARTICULUS IV.

Observatio in Gravamina Nationis Germanicæ.

100. Decem Gravamina, jam Maximiliano I. proposita. A Lutheranis usque ad centum aucta.
101. Lutherus multo plurium & majorum gravaminum fuit causa.
102. Recensentur multa prætensa gravamina.
103. Non a Comitibus, multo minus ab Ecclesiasticis Ordinibus
- in medium allata: sed a Lutheranis compilata, & aucta: Cæsare primum inscio, deinde invito Testes hujus rei.
104. Crisis circa prætensa gravamina.
105. Reformatione, ab Adriano VI, Clemente VII. Paulo III. & Concilio Tridentino, instituta, maximam partem sublata.

ARTICULUS V.

Ulterior descriptio Status Imperii.

106. In Comitibus Norimbergensibus Cheregatus frustra urget executionem Edicti Wormatiensis. Rex Galliarum captus. Roma expilata.
107. Vienna obsessa. Comitibus Spirensibus. Protestantium nomen. Coronatio Italica, Ducatus Italiae erecti aut restituti.

ARTICULUS VI.

Observatio in Confessionem Augustanam.

§. I.

Priores 21. Articuli crisi subjiciuntur.

108. Recensentur Articuli & errores circa peccatum Originale, justificationem, operum merita, contritionem, Sacramenta, vota. &c.
- 109.

- | | |
|---|--|
| 109. Gratia actualis & habitua- lis explicatur: uti etiam operum meritum. | 111. Falso dicunt, confessionem suam esse conformem S. Scri- pturæ, & Ecclesiæ Romanæ. |
| 110. Invocatio Sanctorum. | |

§. 2.

Posteriores septem Articuli ad Crisin vocantur.

- | | |
|---|---|
| 112. Prætenſi abusus. De usu ca- licis, & conjugio sacerdotum. | 114. Falso asserunt, doctrinam de fide fuisse neglectam. |
| 113. De Missa, confessione, tra- ditionibus. | 115. De voto continentiæ, pote- state Ecclesiastica, disciplina. |

§. 3.

De fraudibus & variatione confessionis Augustanæ.

- | | |
|--|---|
| 116. Recensentur C. A. falsitates, & fraudes. | 117. A. C. sæpe variata: sibi que contraria. |
|--|---|

§. 4.

Edictum Imperiale.

- | | |
|---|--|
| 118. Edicto Imperiali condemna- tur Confessio Augustana. | |
|---|--|

ARTICULUS VII.

Historica Relatio de statu Imperii ab anno 1530. ad 1540.

- | | |
|--|--|
| 119. Ferdinandus Rex Rom. Co- mitia Ratisbonensia. Suspendio Edicti Wormatiensis. Res Bo- russicæ. Ordinatio pœnalis. | de convocando Concilio. Lu- therani detrectant. |
| 120. Bellum Wirtembergicum. Pax Cadana. Anabaptistæ. | 122. Parma ad Farnesios. Mors Georgii Ducis Saxonie, secuta mutatio. Sacrum fœdus. Gan- davi seditio. |
| 121. Prima Expeditio Africana. Bellum Mediolanense. Agitur | 123. Postulata Protestantium, a Cæsare rejecta. |

ARTICULUS VIII.

Dissertatio de avtonomia seu Religionis libertate.

§. 1.

Argumenta Theologica contra Libertinos.

- | | |
|-------------------------------|---------------------------------|
| 124. Argumenta Libertinorum. | 126. Item Argumento Theologi- |
| 125. Confutantur argumento ad | co. |
| hominem. | 127. Principis jus & obligatio. |

§. 2.

Argumenta Politica contra Libertinos.

- | | |
|-----------------------------------|------------------------------|
| 128. Quies publica ab unitate Re- | 130. Fructus novi Evangelii. |
| ligionis. | Lutherituba Turcica. Scripta |
| 129. Hæresis omnis turbulenta. | ejus seditiosa. |
| Patet ab experientia, & exem- | |
| plo Lutheri. | |

§. 3.

Diluuntur Argumenta Libertinorum.

- | | |
|------------------------------------|----------------------------------|
| 131. In quo stet Christiana liber- | 133. Signa veræ Ecclesiæ. |
| tas. | 134. Aliæ objectiones solvuntur. |
| 132. Principum leges contra se- | 135. Cur aliquando tolerentur |
| ctarios. | sectæ. |

ARTICULUS IX.

De Statu Imperii usque ad finem belli Smalcaldici.

- | | |
|----------------------------------|-------------------------------|
| 136. Lutherani pactiones infrin- | gnatur. Brunsvicensis provin- |
| gunt. | cia spoliatur. Comitia Ratis- |
| 137. Altera expeditio in Afri- | bonensia, Spirensia, Worma- |
| cam. Bellum quartum cum | tienfia. |
| Gallo. Geldria occupata. Pax | 139. Colloquium Ratisbonense |
| Crespiaca. | inter Theologos. |
| 138. Tridentum Concilio desi- | |

ARTI

ARTICULUS X.

Disertatio de bello Smalcaldico, aliorumque bellorum Civilium in Germania caussis.

- | | |
|--|---|
| <p>140. Protestantici scriptores causam Pontifici & Cæsari assignant.</p> <p>141. Sed falso. Nam Luthero ejusque affectis est adscribenda.</p> <p>142. Recensentur factiones & tumultus Lutherici.</p> | <p>143. Protestatio Cæsarea ante bellum Smalcaldicum; ex qua patet, quis belli tubam inflavit.</p> <p>144. Confutantur Protestantium exceptiones.</p> |
|--|---|

ARTICULUS XI.

Historica Relatio de Statu Imperii usque ad pacem Religiosam.

- | | |
|---|--|
| <p>145. Comitia Augustana celebratissima. Constitutio <i>Interim</i>. Belgium Imperio innexum. Electoratus in Mauritium translatus. Causa Brunsvicensis: & Borussia. Latæ Leges politicæ. Censuræ Germanicæ. Decreta Concilia Provincialia. Causa Magdeburgica, & Constantiensis.</p> | <p>146. Comitia Augustana altera. Confirmata priora. Imperata restitutio ablatorum. Expeditio in Africam tertia. Bellum Parmense, & Senense.</p> <p>147. Transactio Passaviensis, ejusque Articuli.</p> <p>148. Alberti Brandenburgici tumultus. Lix in Saxonia mortuo Mauritio.</p> |
|---|--|

ARTICULUS XII.

Pax Religiosa.

149. Recensentur illius articuli.

ARTICULUS XIII.

De Reservato Ecclesiastico.

- | | |
|---|---|
| <p>150. Protestantes more suo initio contra illud sunt protestati. Dein autem omnes absolute subscripserunt.</p> <p>151. Reservatum est æquissimum.</p> | <p>152. Conforme Verbo Dei, & juri naturali.</p> <p>153. Protestantes illud gravissime violarunt.</p> |
|---|---|

ARTICULUS XIV.

Observatio circa ea, quæ Carolo V. a Protestantibus
objiciuntur.

- | | |
|--|---|
| 154. Objiciunt ei varias aliena- tiones. | 158. Crisis de Roma capta & ex- pilata. |
| 155. Respondetur, primo per re- torsionem, deinde directe. | 159. Cur edictum Wormatiense lentius sit executus, & Mühl- bergensi victoria mitius usus. |
| 156. Objiciunt Religionem, eam- que sibi vendicant. Respon- detur, | 160. Mors pietissima Caroli V. |

CAPUT II.

De statu Imperii Ecclesiastico & Politico: Jure Belli
& Pacis,

SUB CAROLO V.

ARTICULUS I.

CAROLI V. INITIA.

83.
Initia Caro-
li.

Maximus hic orbis domitor natus est Gandavi in Flandria An.
1500, ex Philippo Austriaco, Maximiliani Cæsaris filio, &
Joanna Hispana, Ferdinandi Catholici & Isabellæ primoge-
nita, signaturus orbem terrarum victoriis, & utrumque mundi
complexurus cardinem.

Ab avo paterno Maximiliano Cæsare omnes per Germaniam
Austriacæ Domus Provincias hæreditate accepit, a patre Philippo
Burgundiam ac Belgium, ab avo materno Ferdinando Catholico
Arragoniam, Neapolin, Siciliam & Sardiniam, ab avia materna Isa-
bella veterem ac novam Castilliam, totamque Hispaniæ Monarchiam.
Ducatum Mediolanensem, Regnum Navarræ, & Americam armis
sibi afferuit, devictis ibidem octodecim Regibus ac duobus Impera-
to.

toribus, atque in Africam etiam Asiamque prolatis victoriis; ut adeo haud ex vano diceretur, solem nunquam occidere Carolo.

Sexto jam ætatis anno amisit Patrem, qui (quod mirum) Ludovicum XII. Franciæ Regem ei tutorem dedit, a quo Wilhelmum Croium & Adrianum Florentium Magistros accepit, Regiis virtutibus ac disciplinis instituendus.

Mortuo itaque anno 1506. Philippo patre, Burgundiæ ac Belgii Provincias per Croium Præceptorem suum administravit. Cui anno 1513. Margaretha Maximiliani Cæsaris filia successit. At anno sequenti Belgii regimen ipse suscepit: uti etiam Hispaniarum anno 1516. quo mortuus est Ferdinandus Catholicus; qui primo testamento Ferdinandum Caroli fratrem, in quem majori affectu ferebatur, hæredem scripserat. At turbas veritus, mutata voluntate, Joannam filiam, Caroli ac Ferdinandi matrem, instituit, administrationem autem Carolo commisit.

Tribus post annis mortuo etiam avo paterno Maximiliano Imperatore, hæreditariæ quoque Austriæ Provinciæ, (sedato mox tumultu, quem quidam ibidem, optimatum quoddam regimen appetentes, concitaverant,) ad eum sunt devolutæ. Nihilque ad potentiam & magnitudinis fastigium deesse videbatur, quam corona Cæsarea, quam in Francofordiensibus Electorum comitiis ipsi præripere omni ope connixus est Franciscus I. Rex Galliæ; pro quo Trevirensis suffragium tulerat, alios etiam Septemviros in sententiam suam conatus pertrahere.

84.
Cæsar.

Nihil pugnare cum legibus Imperii, si Rex Galliæ dicatur Imperator: Francos Germanicæ esse originis: primos Occidentis Imperatores fuisse simul Reges Germaniæ & Galliæ: usucapione & consuetudine potius ad Germanos devolutum esse imperium. Magno incremento auctum iri potentiam & Majestatem Imperii, si Germania & Gallia sub eodem capite conjungerentur.

At postquam Moguntinus Trevirensis orationem solide confutarat, revocatis etiam in memoriam Domus Austriacæ in Imperium meritis annitente pariter Saxone, omnium, etiam Trevirensis, voto electus est Carolus (anno 1519.) nec ratio habita legationis Romanæ, quæ Regem Neapolitanum, clientari jure devotum Ecclesiæ, ab Imperatoria dignitate legibus arceri contenderat. (*Quod ad pactum a Clemente IV. cum Carolo Andegavensi initum refertur.*)

CAPITULATIO

Caroli V.

85.
Capitulatio. **N**E autem vasta Caroli potentia Germanicis iuribus & libertati sit formidanda, concepta fuit a Septemviris *Capitulatio quædam*, aliquot complectens Articulos, quibus Imperio atque Ordinum Privilegiis cautum voluerunt.

Videlicet: ut Rempublicam Christianam, Pontificem & Ecclesiam Romanam, cuius sit advocatus, defendat. Jus æquabiliter administret, & paci consulat. Leges Imperii, & præsertim Auream Bullam observet. Senatum in Imperio constituat, ex Germanis delectum, qui Rempublicam gerat. Jura, Privilegia, dignitatem Principum & Ordinum Imperii minime convellat, aut imminuat. Electoribus liceat, cum opus erit, inter se convenire, deque Republica deliberare; nullum autem, quo minus id faciant, impediat, nec in malam partem accipiat. Multitudinis & Nobilitatis fœdera vel Societates initas adversus Principes aboleat, & ne tales in posterum fiant, lege prohibeat.

Derebus Imperii nullum fœdus aut pactum faciat cum externis, nisi de Septemvirorum assensu. Facultates Imperii neque distrahat, nec oppugnet, nec alio quovis modo deteriores reddat, & quæ sunt ab aliis Nationibus occupata, vel ab Imperio divulsa bona, primo quoque tempore recuperet, sic tamen, ne quid fraudi sit illis, qui Privilegio vel jure nituntur. Si quid etiam vel ipse, vel ipsius Familiæ quispiam possideat, quod sit Imperii, non acquisitum legitime, reddat interpellatus a Septemviris.

Cum vicinis Regibus aliisque pacem & amicitiam colat: neque pro rebus Imperii, nisi de Ordinum omnium, præcipue Septemvirorum, voluntate, bellum suscipiat ullum intra vel extra fines Imperii. Peregrinum militem nullum in Germaniam adducat, nisi consentientibus illis. Quodsi autem bello petatur ipse vel Imperium, liceat uti quibuscunque præsidiis. Conveniunt Imperii nullum edicat, neque vestigial aut tributum imperet, nisi de consensu Electorum.

Negotiis Publicis non præficiat externos, sed Germanos, ex Nobilitate delectos. Litteræ omnes conficiantur Latino vel populari sermone. Extra fines Imperii nullum Ordinem in jus vocet. De operam apud Pontificem, ne qua fraus fiat Privilegiis aut Imperii libertati adversus pacta inita. Quomodo mercatorum monopolia, Germania

maniae valde pernicioſa, coerceantur, rationem ineat cum Electoribus.

Si quam habet actionem in Ordinum aliquem, legibus expe-riatur, vim autem nullam adhibeat iis, qui ſe cognitioni legitime ſiſtunt. Neminem indiſta cauſa proſcribat, ſed juris ordinem in eo ſequatur. Imperii bona, quæ forte vacabunt, nemini conferat, ſed ad publicum patrimonium referat. Si quam alienam provinciam auxiliis ordinum acquirat, Imperio conjungat. Si publicum quid ſuis copiis recuperabit, Reipublicæ reſtituat. Quod Interregni tempore Palatinus ac Saxo publice egerint, ratum habeat.

Conſilium nullum ineat, quo dignitatem Imperii ſuæ Familiæ peculiarem & hæreditariam faciat, ſed liberam & integram permittat Septemviris eligendi facultatem, juxta Caroli IV. legem & Juris Pontificii præſcriptum: quod ſecus factum fuerit, irritum habeatur. Ubi primum licebit, in Germaniam ſe conferat inaugurationis cauſa.

Cum iſta legati Caroli per juſjurandum ipſius nomine probaſſent, ſingulis Electoribus ejus rei teſtes litteras obſignatas dederunt.

Quod de Jure Pontificio dicunt, ad Innocentii III. Epistolam Decretalem referendum videtur, qua decernit, Electores Principes Germaniæ juſ habere creandi Cæſaris liberum, & Imperii dignitatem non a ſucceſſione pendere, ſed ab electione.

Atque huc refertur prima ſcriptarum ſolemnium *Capitulationum Cæſarearum* origo; quales poſtea in omnium Imperatorum electione fuerunt conceptæ, ſæpius tamen mutatæ auctæque, poſt pacem præſertim Religioſam & Weſtphalicam.

Inſtiterunt quidem non raro reliqui etiam Status Imperii, ut & ipſis communi cum Electoribus conſilio atque conſenſu Capitulationes ſas ſit concipere. Sæpiusque de perpetua aliqua Capitulatione ſtatuenda in comitiis eſt actum. Verum Electores hætenus in poſſeſſione manſerunt.

ARTICULUS II.

DISSERTATIO

In Capitulationes Cæsareas,

De Forma Imperii.

Cum per Capitulationes quoad plures effectus restricta sit Cæsaris potestas, Ordinum vero ampliata, non desunt ex A Catholicis Publici Juris Doctores, qui contendant, regimen Imperii Romano-Germanici non esse Monarchicum, sed in Aristocratiam deflectere, aut etiam in Democratiam, ac systema civitatum. Quin etiam Majestatem eidem detrahere cum Bodino præsumunt, ac si Imperator in Imperio non plus posset, quam Dux Venetorum in illa Republica.

86.
Contra
Monar-
chiam.

Nam, inquiunt, *Monarchiam* ex ipsa vocis etymologia eum esse Principem, qui solus imperat, nullumque regiminis consortem habet. Qui solis instar subjectis populis Majestatis suæ radios dispensat; qui solus & sacra moderetur & profana; penes quem unum illimitatum jus ferendi & abrogandi leges, constituendi pro arbitrio Magistratus, irrogandi pœnas, imponendi tributa & vectigalia, cudendi monetam, ejusque æstimationem universim taxandi, omnes conferendi dignitates, honores, officia, plena cum potestate resideat. Qui solus absolutum nulloque restrictum vinculo, jus judiciorum, munitionum, fœderum, belli, ac pacis possideat, atque pro lubitu exercere queat.

Tales olim Monarchas fuisse Assyriorum Imperatores ac Persarum Reges, hodieque esse Galliæ, Hispaniæ, Lusitaniæ Principes, Turcarum atque Moscorum Imperatores &c. Ipsos etiam post Augustum Romanos Imperatores, quamdiu Oriens & Occidens sub unius imperio acquiesceret, potestate ejusmodi Monarchica usos esse, eandemque, extincto etiam per alienigenas gentes Occidentali Imperio, in Oriente continuatam, atque per Carolum M. in Occidente resuscitatam, in ejusdem posteris ad Ludovicum usque Infantem perseverasse.

At

At verò extincta Caroli Germanica progenie, postquam non amplius sanguine, sed electione creabantur Cæsares, postquam paulatim procures provinciarum, quibus pro Imperatore administrandis præfetti fuerant, proprias fecere, postquam Jus illud *Territoriale* apud eos invaluit, postquam in unum Ordinum Statuumque corpus coaluerunt, postquam tum propria usurpatione, in magno præsertim illo Interregno, tum per Bullam Auream, & Instrumentum pacis Westphalicæ, tum maxime per Capitulationes introductas, immensa propemodum potestate fuerint aucti, Cæsares vero tot undique limitibus circumdati, Monarchicum non amplius dici posse Imperium, in quo tot alii coimperantes jus dicant, in communionem Majestatis assumpti.

Per Capitulationes etenim aliasque pactiones non posse amplius Imperatorem, absque consensu Statuum, aut saltem Electorum, majoris momenti negotia solum tractare; sic non posse eum novas leges condere, aut antiquas abrogare, mutare, interpretari, neque Imperii nomine mittere legatos, inire fœdera, bellum decernere, pacem concludere, delectus aut hospitales militum præcipere, extruere munimenta in provinciis Ordinum, aut iis præsidia imponere, nova tributa, vel vestigalia imperare, Statum a communi taxa eximere, aut proscribere, seu in bannum Imperii declarare, aut sessione & voto privare, aut ex matricula Imperii expungere, eximere a Judiciis supremis Imperii, aut ista mutare; modum mensurarum aut ponderum universalem præscribere, defectus monetarios corrigere; concedere jus stapulæ, aut erigendi nova telonia, monopolia, aut jus cudendi monetam; de Imperio aliquid alienare, aut oppignorare; neque conferre feuda vacantia, seu Imperio aperta absque consensu, Electoralia sine consensu Electorum, Principum sine consensu Electorum & Principum, urbium sine consensu Electorum & Urbium; neque admittere vel assumere aliquem in Statum Imperii, nisi dominio sufficiente sit provisorius, & Circulo alicui sit adscriptus, ac taxam communem possit solvere, atque adsit consensus illius Collegii, in quod assumitur, neque in numerum Principum, Comitum &c. aliquem referre, nisi cum dignitate talem titulum sustinere possit; neque convocare judicia generalia, seu Comiticia, transferre, prorogare, concedere vestigalia sine consensu Electorum. Uti ex variis Capitulationibus atque DD. colligit Linckius *Stamin. Jur. Publ. tab. 81.* Vitriarius *Instit. Jur. Publ. lib. 3.* P. Ignatius Schwarz in *Collec. Hist. part. IV. quest. 3. §. 3. pag. 34. & seq.* Contra vero Status Imperii non esse meros consiliarios, nec vere subditos, sed a temporibus Ottonum *coim-*

87.
Quid Cæ-
sar non
possit sine
Statibus.

peran-

38.
Jus terri-
toriale
Statuum.

perantes, voto decisivo in Comitibus pollentes, ac *Dei gratia* Con-regentes; eos ditiones suas cum jure *superioritatis territorialis*, atque Regalium, & cum omnimoda ac summa jurisdictione, majestatis æmula, velut pro arbitrio gubernare, jus vitæ & necis exercere, recipere homagium, constituere magistratum ac judicia, dare rescripta moratoria, aliaque privilegia, leges ferre; tributa imponere, quin Imperator possit intercedere; gaudere eos jure condendi urbes ac munimenta, legendi militem, mittendi legatos, pangendi fœdera tum inter se, tum etiam cum externis, & gerendi bellum, modo non contra Imperium & Imperatorem id faciant; pertinere ad eos, vi ejusdem superioritatis territorialis, jus fisci, archivi, vestigialium, mineralium, monopolii, postarum, eudendæ monetæ, chartæ signatæ, jus fluviale, & sylvestre, jus acquirendi bona vacantia, caduca, commissa, aut indignis erepta; jus concedendi veniam ætatis, aggratiandi, restituendi famam, dispensandi, nobilitandi pro suo territorio, & Ordines Equestres instituendi &c. Frui aliquos jure de non evocando subditos ad cameram Imperialem & Judicium Aulicum &c.

Ex quibus inferunt, Statum Imperii in provincia sua plus posse, quam Cæsarem in Imperio ac nomine Imperii, uti leges ferre; etiam contrarias jure Communi civili, (non tamen Publico Germanico) tributa & vestigalia imperare, fœdera inire, bella gerere, munimenta exstruere ac præfidiis firmare; defectus monetarios corrigere, mensurarum ac ponderum modum præscribere, politiam ordinare &c. Quin imo non desunt ex A catholicis, qui asserere audeant cum Limnæo *1. p. Tom. 1. c. 12.* Cæsarem merum esse Administratorem Imperii, ad rationes reddendas Statibus obligatum, posseque ob male gestam Rempublicam deponi; atque in eam rem exemplum Caroli Crassi, Henrici IV. Adolphi Nassovii, & Wenceslai afferunt.

Ac proin Imperium Romano-Germanicum non esse Monarchicum, sed Rempublicam Aristocraticam, in qua Cæsar, instar Ducis Veneti, sit primus titulo, ordine, & dignitate, potestatem vero & Majestatem penes totum Imperii senatum residere. Ita Puffendorfius sub ficto nomine Monzambani latens, Limnæus, Bodinus, Burgoldensis, Hyppolithus a Lapide, qui *p. 1. c. 18.* scribere non veretur: *Domini nomen adhuc Imperatori tribuitur, cum tamen re ipsa nihil minus, quam Dominus sit, mansitque Imperatori hoc vestigium, & quasi umbra quadam antiquæ potestatis; nam ipsa Imperatoris dno, autho-*

authoritas & potestas hodie est umbra, nomenque Imperii non Imperium. Sunt enim hæc mera Imperii simulacra.

Altius ac reverentius de Imperiali Majestate sentiunt, qui non obstantibus Capitulationibus, aliisque pactioibus ac Ordinum juribus Imperium vere Monarchicum esse, summaque Majestate fulgentissimum asseverant; nihilominus enim Imperatorem non modo nullum Superiorem in terris agnoscere, sed insuper omnibus Imperii Statibus, civibus, populis, ex plenitudine potestatis imperare, tanquam Caput ac supremum Judicem, ac vere summum Imperantem, adeo quidem, ut omnes ipsi parere, ac rationem reddere debeant, ipse vero nemini.

Atque hinc omnes Ordines tanquam vassallos præstare ipsi homagium, jurare fidem & obedientiam, Dominum Clementissimum appellantes, atque Majestatis insignia, Pomum Aureum, Sceptrum, Coronam, summa cum reverentia eidem deferentes. Eo pertinere plus quam regales illas solennitates in coronatione Imperatoris adhiberi solitas, illa Electorum Principum Imperatori suo inserviendi officia, delata illa sui muneris obsequia, politica ac militaria &c.

Neque Germanis duntaxat Principibus eam Majestatis & Monarchicæ Auctoritatis persuasionem inesse, sed exteris etiam Europæ Regibus & populis, qui propterea extra controversiam Imperatori ejusque legatis primas deferant; ab ipsis adeo Turcis, Persis, Moseis &c. Monarcham salutari; & quid certius, quam *sacram Cæsaream Majestatem* passim ab omnibus appellari?

Supremum hoc Majestatis decus nequaquam minui aut depri-mi, quod Electores Imperii regali velut dignitate, auctoritate, & potestate fulgeant; nam eo altius atque gloriosius esse Cæsareæ Majestatis fastigium, quo majoribus & potentioribus Principibus imperet, eoque eminentius, quo sublimioribus superemineat.

Neque hanc eminentiam dignitatis stare in solis ceremoniarum, honorum, ac titulorum ornamentis, sed in eminenti etiam potestate & auctoritate, vi cujus multa solus, tanquam *Cæsarea Reservata*, absque Ordinum interventu possit, ut creare Reges, Duces, Principes, Comites, Barones, Nobiles, Doctores, Notarios publicos pro toto Imperio; erigere, confirmare, & privilegiis munire Academias; Status investire in suis feudis; concedere veniam ætatis; liberos ex impari matrimonio morgenatico natos æquare patri; legitimare spurios; aliis dignitatem & potestatem comitivam largiri; restituere famam; concedere litteras moratorias, publicas & solennes

89.
Pro Mo-
narchia.

90.
Reservata
Cæsarea.

nes nundinas; dare jus civitatis, ordinare postas, bellum defensivum pro necessitate gerere, & quidem hæc omnia pro toto Imperio.

91.
Judicium
aulicum.

Præterea constitui a Cæsare Judicium Aulicum, cum Præside & Assessore, atque per illud judicare causas controversas de feudis Regalibus, de vestigalibus, Statuum privilegiis, præcedentiis, negotiis Italicis, iisque, quæ concernunt Jurisdictionem voluntariam ac gratiosam; & hæc quidem privative; reliquas vero causas civiles jure præventionis ob concurrentem Jurisdictionem cum Camera Imperiali, in qua Cæsar constituit Judicem, quatuor Præsides & duos Assessores. Ab his duobus supremis tribunalibus non quidem appellationem concedi, sed tamen supplicationem, ad Cæsarem, & *Revisorium*.

Ad hæc admittere universim Appellationem in casu denegatæ justitiæ; exteris delectum concedere; promulgare conclusa Imperii; ex plenitudine potestatis varia disponere; eaque omnia agere, quæ per Capitulationes aliasque pactiones non fuerunt expresse limitata aut restricta.

92.
Electo-
rum præ-
rogativæ
augent
majesta-
tem.

Quamvis igitur magna sit Imperii Ordinum potestas, titulo Superioritatis Territorialis indulta, & per varias Capitulationes ac pactiones successive magis magisque ampliata; quamvis adhuc majore Electores polleant, possintque libera electione soli Caput Imperio vacanti dare, Romanorum Regem, etiam invito Imperatore, eligere, Capitulationem præscribere) donec stabilis aliqua & perpetua a Comitibus statuum sit decreta) monere Cæsarem de indicendis Comitibus, eoque etiam reclamante Electorales conventus celebrare; singuli duos ad minimum Assessores Camera Imperialis designare; jure de non Appellando, aut non evocandis eorum subditis gaudeant; pro Investitura nihil solvere teneantur; in actibus ad curiam Imperialem spectantibus ipsos etiam Reges præcedant, & extra curiam Reges soleant eosdem, tanquam æquiparatos, Fratres appellare; præterquam quod singuli, præsertim Moguntinus, tanquam Collegii Electoralis Decanus, & Archi-Cancellarius Imperii, specialibus prærogativis potiantur.

Nihilominus tamen sacram Cæsaream Majestatem tanto esse Augustiorem, atque eminentiorem, quanto gloriosus est, tantis Imperantibus imperare, tantosque Principes, quos inter quatuor hodie Reges sunt, habere Archi-Officiales; & tres quidem ex iis Archi-cancellarios, per Germaniam videlicet, Italiam, & Galliam, quartum Archi-Pincernam, quintum Archi-Dapiferum, sextum Archi-Mareschallum, septimum Archi-Camerarium, Octavum Archi-The-
sau-

aurarium. Tantorum igitur Principum Archi-Officialium, aliorumque Imperii Statuum potentiam, jura, dignitatem, non tantum non minuere Majestatem Imperatoris, sed plurimum eandem adaugere; eo etiam præsertim ex capite, quod eorum potestas Cæsari tanquam supremo Imperanti sit subordinata, sub lege fidelitatis & homagii, supremo & directo dominio in Imperatoris Majestate radicato.

Elucere hoc etiam ex ipsis Imperii Comitibus, quæ tamen vel maxime Imperatoris limitare Majestatem aliquibus videantur; nam hæc, de consensu Electorum, a solo Cæsare convocari, a solo tanquam Præside regi, & ita quidem, ut absque ejus voluntate nihil possit confici.

Quamvis enim post propositionem a Cæsare aut ejus Commissario factam tria Collegia, Electorum videlicet, Principum, & Civitatum, in suis conclavibus deliberassent, conclusum concepissent, atque omnium vota conspirassint, si tamen Imperator solus dissentiat, ejusmodi placitum Statuum non posse in *Recessum Imperii* aut legem abire, imo ne quidem in *conclusum Imperii*, manifesto argumento, quantum vel in ipsis Imperii Comitibus Cæsaris potestas legislativa, atque in conficiendis Imperii negotiis auctoritas emineat.

Quin imo Cæsarem non tantum ea se solo posse, quæ *Reservata Cæsarea* appellantur, sed etiam ea, quæ vigore Capitulationum & transactionum accedente consensu Ordinum statuit; nihilominus enim verum esse, quod solus Cæsar legem promulget, edicta publice, legatos mittat, fœdera ineat, bellum indicat, pacem sanciat, Statum proscribat, cum nullus Status pro toto Imperio hæc possit facere, sed solus Imperator; & quamvis consensus Statuum ad hoc requiratur, nihil tamen propterea Majestati aut Monarchicæ potestati detractum iri, cum per Capitulationes & pactiones non potestas ipsa radicalis sed ejus usus duntaxat & exercitium restringatur.

Aliunde autem multis exemplis constare, quod potestas radicalis possit plena subsistere, licet quoad usum sit ligata, atque effectus impediatur. Sic pupillum plenum habere dominium proprietas suorum bonorum, plenamque potestatem radicalem de iis disponendi, licet sine auctoritate tutoris hanc suam potestatem, hocque suum dominium actu ipso exercere non possit.

Idem patere in aliis, quibus bonorum suorum administratio est interdicta, aut restricta: in filiofamilias respectu bonorum adventitiorum; in sacerdote, accipiente per Ordinationem potestatem absolvendi a peccatis, quam tamen usu ipso exercere non possit, nisi

93.
Uti etiam
Comitia;

94.
Nonpote-
stas sed u-
sus limita-
tur.

nisi Jurisdictio ordinaria aut delegata accedat : ipsas etiam causas phycas pollere virtute agendi , quin tamen illam semper proxime possint exercere.

Nequaquam autem ad Majestatem & Monarchicam potestatem requiri , ut ad usum & exercitium omnium dispositionum se extendat ; alias nullam fore in orbe Monarchiam , nisi tyrannidem aut despoticum Imperium quis amens ea nomenclatione velit honorare. Persarum Reges haud dubie veros fuisse Monarchas , quin tamen edicta sua potuerint mutare. Cancellos , quos ipsa potentia sibi circumdedit , non limitare potentiam , sed exercitium solummodo potentiae restringere. Possit Monarcham etiam cum subditis suis & Statibus Provincialibus pacta inire , iisque obligari , quin tamen Majestas aut Monarchica potestas detrimentum patiatur.

Talem esse potestatem Cæsaris ; respectu illius Capitulationes aliasque cum Statibus conventiones esse pacta , non vero leges ; has ferri in subditos , illa summis etiam Imperantibus esse communia , ipsam adeo infinitam DEI Majestatem promissionibus ac pactis cum creaturis suis initis , obligari posse , quin tamen eidem quidquam decedat.

Apposite in hanc rem Jeremias Linckius in *Stamin. Jur. Publ. tab. 55.* Imperatorem cum sole comparat , Status vero cum radiis : *Centrum Majestatis* , inquit , *apud solum Imperatorem , ut centrum lucis apud solem , residet. Status vero sunt totidem radii solares , qui de solari quidem Majestate necessario participant , sed quia ex centro fluunt , & ad id recurrunt , a solari quoque Majestate dependent : uti autem radii solares , quamvis solis individui sint comites , ejus tamen Majestati nihil demunt , quin potius eum magnificant , ita Statuum splendidus ordo Majestati Imperatoriae plus addit , quam detrahit.*

Et alibi addit , Imperatorem esse Caput totius Imperii , summum Principem ac Dominum , semper Augustum , Clementissimum , Sacrum , Serenissimum , Potentissimum , Invictissimum , Gloriosissimum , Supremum Advocatum & Protectorem Ecclesiae , supremum Judicem , summum Imperantem , cui omnes reverentiam & obedientiam debeant , fontem , scaturiginem & centrum omnium Dignitatum.

Ex quibus jam ita colligitur : cum tamen multa sint , tamque eminentia *Cæsarea Reservata* , tot augustissima ac summa jura , tamque sublimes praerogativa , soli Imperatori competentia ; cum ea etiam , quae vigore Capitulationum & pactuum Comitiorum consensum

sensum requirunt, solus agere dici possit; cum Statuum jura, quantumvis excellentia, Cæsareæ auctoritati sint subordinata, cum non ipsa potestas summa, sed exercitium tantum quoad aliqua sit restrictum, cum Capitulationes & Conventiones non per modum legis, sed per modum pacti Cæsarem obligent; cum Status Imperii terras suas tanquam feuda recognoscant, & ab Imperatore recipiant, homagium præstent, fidelitatem jurent, servitia militaria per se vel per substitutos exhibeant, pœnas legitimas patienter ferant, seque dominio directo, ac supremæ Jurisdictioni in omnibus subordinatos esse intelligant (Linckius *Stam. Jur. Publ. tab. 58.*) cum denique nihil ad Majestatem augustius esse possit, quam tam magnis Principibus tamque potentibus imperare, Majestatem Cæsaris esse plenam ac summam, Regimenque Imperii Romano-Germanici omnino Monarchicum esse dicendum.

Atque hoc ipso confutata existimant illorum opinionem, qui formam Imperii *Mixtam*, ex *Monarchica*, *Aristocratica*, aut etiam *Democratica*, adstruunt. Nam licet magna omnino sit Electorum & Principum, tanquam Optimatum potestas; licet civitates Imperiales, quæ populum videantur referre, superioritate territoriali, & post Pacem Westphalicam Comitiali etiam voto gaudeant, tanti nihilominus ponderis esse putant, quæ pro forma Monarchica sunt allata, ut nullam formam *Mixtam* adstruendam censeant. Alii tamen, iique non pauci, dicendum existimant, Regimen Imperii esse simpliciter *Monarchicum*, sed tamen *Aristocratia temperatum*. Hac enim ratione optime combinari posse credunt ea, quæ pro diversis sententiis afferuntur, argumenta.

Nam rationes allatas probare quidem, formam Imperii esse simpliciter Monarchicam; eam tamen esse Statuum ac præsertim Electorum sublimem potestatem, tum Territorialem respectu suarum Provincia-
 96.
 Sed tamen Aristocratie temperatam.
 rum, tum Comitalem respectu totius Imperii, ut negari non possit, eos in Regiminis partem venire, licet illud multo eminentiori modo Imperatori competat, & in hoc sensu locutos esse, qui Rempubl. Aristocraticam dixerunt.

Quæstio est de nomine; nam de ipsa ac Juribus cujusque sufficienter constat ex legibus fundamentalibus Imperii, quas salvas esse oportet. Mihi pro hoc *Apparatu Eruditionis ad Jurisprudentiam* suffecerit, aliorum sententias retulisse, ac suum cuique pretium, quod meretur, reliquisse.

Pars VII.

L

Illud

Illud tamen asseverare non dubito, aperte illos errare, qui formam Imperii nihil aliud esse dicunt, quam *systema civitatum*, tam arcto nexu collectarum, ut licet singulae summo Imperio potiantur, nec una alteri sit subdita, unam tamen Rempublicam praeferant, qualem in Helvetia, & Batavia cernimus. Nam hac ratione nullus esset Imperator, aut nulla illius præcellens potestas atque Autoritas, Status omnes essent æquales.

Neque *Oligarchiam* potest quisquam comminisci, quæ est Aristocratia corrupta, dum pauci ex optimatibus regimen ad se trahunt, privato potius quam publico bono intenti. Qualis olim fuit Romæ apud Triumviros, dum primum Pompejus, Cæsar, & Crassus, postea Octavius, Antonius, & Lepidus, regimen sibi vendicarunt.

97.
Protestan-
tium probra

Sed neque absque injuria Imperii dici potest cum Monzambano *de statu Imp. Germ. c. 6. §. 9.* Imperium esse corpus aliquod irregulare & monstro simile, exitiabili morbo, intermisque convulsionibus perpetuum fomitem prædens. Neque absque despectu & contumelia Imperatoris cum Limnæo *l. p. t. 1. c. 12.* Imperatorem æque Imperii Vassallum capacem criminis læsæ Majestatis in Imperium, Imperii Ministrum, puniendum & deponendum exemplo Wenceslai.

Quæ verba plane probrosa sunt & relatu indigna, nisi ut appareat, quanta reverentia A catholici quidam scriptores de Imperatore & Imperio loquantur, qualesque ideas de iisdem efformant.

ARTICULUS III.

Imperium ordinat Carolus.

98.
Germaniam
ordinat.

Carolo V. ea, qua dixi, ratione electo Septemviri missa legatione, quam Fridericus Palatinus obibat, Cæsaream coronam deferunt, atque ad eam acceptandam eundem in Germaniam invitant. Ratam Electorum voluntatem habuit, moxque composito, quoad fieri poterat, tumultu Hispanorum Procerum, qui indigne ferebant, complures Belgas tanquam Administratos admoveri regni gubernaculo, iter ingressus, anno 1520. Aquisgrani more Majorum est coronatus.

Quamvis autem haud modicas interea Hispani cierent turbas, & Gallus Carolum Austriacum Francofordiæ sibi prælatum acerbè ferens, Navarram, expugnata Pompejopoli, diripuisset, nihilominus

Cæ-

Cæsar, ut Germaniam ordinaret, an. 1521. prima Imperii *Comitia Wormatiæ* indixit. Ubi de Ordinum consensu novum Imperii senatum constituit, qui ex 22. senatoribus conflatus præside Cæsaris absentis Vicario Rempublicam gubernaret, majoribus tamen causis Imperatori reservatis.

Confirmavit Pacem Publicam, a Maximiliano avo jam promulgatam, pluribus saluberrimis legibus ordinavit Judicium Imperii Camerale. Lutherum denique Germaniæ incendiarium publico Edicto proscripsit. Prout *part. 3. cap. ult.* in descriptione Concilii Tridentini prolixius exposui.

Imperii rebus sapienter adeo dispositis in Belgium abiit, at- Et Hispanique expugnato Tornaco in Hispaniam profectus non modo illius montium. tus composuit, Belgis quibusdam a clavo remotis, & Adriano Florentio, Præceptore olim suo, quem Regni Vicarium constituerat, commendatione sua ad summum Pontificatum promotum, sed Gallos vinetiam felici Marte ex Navarra Regno ultra Pyrenæos montes eiecit; cit. promotaque in Italiam victoria eosdem memorabili prælio victos a Mediolanensi Ducatu depulit, quem Francisco Sfortiæ sub feudali cum Imperio nexu restituit, Parma & Placentia Pontifici, Genua vero, quam Galli pariter occupatam tenuerant, in libertatem asserta (anno 1521.)

Hoc eodem anno Carolus Cæsar Provincias cum fratre Ferdinando partitus hæreditarias Austriacæ Domus terras eidem proprio ^{99.} Diviso Pro-jure possidendas tradidit: atque in his etiam Ducatum Wirtenber- vinciarum-gicum, quem a suevici fœderis sociis coemerat.

Hi etenim Ulricum Ducem, quia Reutlingam urbem, fœderis sociam, ob famulorum quendam in ea interemptum, hostili manu invaserat, Ducatu spoliarent, eumque anno 1519. Carolo V. venderunt, qui eundem, prout mox dictum, una cum Austriacis Provinciis fratri Ferdinando cessit. Vixitque Dux in exilio ad annum usque 1534. quo Hassus, expulsis Ferdinandi copiis, eundem restituit, Beneficiario tamen jure Austriacis obnoxium. Anno 1522. Cæsar in Angliam trajectus adversus Gallos fœdus iniit cum Henrico VIII. qui mari transmissis in Picardiam irrumpens Francorum vires distraxit.

In Germania *Comitia Norimbergensia* sunt celebrata; in quibus constitutum, quomodo in Circulis Imperii cum proscriptis procedendum. Promissa Ludovico Hungariæ Regi adversus Turcas auxilia, sed ob tergiversationem Novatorum non missa. Cheregatus Legatus Apostolicus frustra urget executionem Edicti Wormatiensis.

sis, in Lutherum lati, Novatoribus *centum Gravamina*, quæ propter locum conventus, exinde *Norimbergensia* dicta sunt, contra curiam Romanam & Ecclesiasticum Ordinem opponentibus.

A R T I C U L U S IV.

Observatio

In Gravamina Nationis Germanicæ.

QUANTOS motus sacerdotum inter Regnumque humani generis hostis diversis temporibus in Ecclesia excitaverit, nemo eruditorum est, qui ignoret. Compositis funestis illis circa inaugurationes discordiis, cum Romani Pontifices varias Beneficiorum Reservationes Annatasque inducerent, in querelas rursus effusa fuit Germania, in Synodo præsertim Constantiensi & Basileensi propositas. His pariter per Concordata Germaniæ utcunque pacatis, cum morum dissolutio varique abusus magis magisque irreperent, ac laici detractum sibi existimarent, quidquid Ecclesiasticis accresceret, in varia rursus itum murmura.

Quapropter jam anno 1510, cum Julius II. a fœdere, adversus Venetos inito, recessisset, atque propterea Maximilianus Imperator alieniore a Pontifice crederetur esse animo, decem querelæ seu Gravamina in Comitibus Augustanis eidem fuerunt proposita.

100.
Gravamina
decem.

1. Pactis & Privilegiis per crebras dispensationes ac revocationes derogari.

2. Electiones Prælatorum quandoque reiici.

3. Electionibus Præpositurarum, quas Capitula quædam imperarunt, contraveniri.

4. Beneficia & Dignitates majores Cardinalibus & Protonotariis reservari.

5. Gratias expectativas crebro concedi.

6. Annatas absque dilatione exigi, etiam Episcopis intra paucos annos mortuis.

7. Ecclesiarum Regimina minus dignis committi.

8. Indulgentias novas, cum revocatione aut suspensione veterum, laicis contra clerum murmurantibus, ad corradendas pecunias concedi.

9. Decimas sub prætextu expugnandorum Turcarum exigi, nulla expeditione secuta.

10. Causas, quæ in Germania terminari possent, indistincte ad tribunalia Romana trahi.

Hæc Gravamina postea Lutherani maligno in Romanam Curiam totumque Ecclesiasticum Ordinem animo tantopere mutarunt, exaggerarunt, atque auxerunt, ut decem in centum excreverent; quæ *centum Gravamina Norimbergensia* ab ipsis sunt appellata, ac si a Comitibus Norimbergensibus legato Apostolico fuissent proposita, atque ad Adrianum VI. Pontificem transmissa ab integra Natione Germanica.

Mire sibi applaudunt Heterodoxi scriptores his gravaminibus, tanquam iustissimam illa causam dederint separationi a Romana Ecclesiâ. At pessime in ruinam suam hallucinantur. Quamvis enim abusus irrumpant in Ecclesiâ, & disciplina morum remedium possit, nunquam tamen causa esse iusta potest, se separandi ab unitate Ecclesiæ, quamdiu doctrina fidei est integra. Probare autem nunquam possunt Novatores, hanc in Ecclesiâ Catholica fuisse corruptam.

Neque etiam quoad disciplinam tanta fuit Romanæ curiæ & Ecclesiastici Ordinis corruptio, quantam Lutherani in præsentis gravaminibus maligno livore depingunt, & per immensas auxeses exaggerant. Imo omnino evanescent, si cum immani fidei ac morum corruptela, quam Lutherus induxit, comparentur.

Certe in publico Edicto Wormatiensi prætensa Lutheri reformatio dicitur *hæresis* abhinc triennio *cæpta*, per concilia dudum *rejecta*, *damnata*, *rursus ex profundis inferni faucibus retracta* - - *morbis*, *miserabilem ruinam*, & *interitum omnis virtutis*, *bonestorum morum*, *pacis fideique christianæ jacturam allaturus*. - - *doctrina*, quæ *reprobatis dudum hæresibus & blasphemiiis scateret*. - - Lutheri scripta, *seditionum*, *distraktionum*, *bellorum*, *cædium*, *rapinarum*, *exultationum*, & *occasus fidei Christianæ*, *materiam causamque præbentia*. - - Lutherum cunctis *permittere*, *ut laxent habenas omnibus cupiditatibus*, *ut dissolute effractis legum repagulis pecudum more vivant*. - - *Hominem præfracti & inquieti ingenii omnia vetera instituta*, *legesque repudiare*, *conculcare & opprimere* - - *debachari in summum Pontificem*, *Christi Vicarium*, *multiplicibus*, & *inauditis hostilibus famosisque maledictis*. - - *complures eum extreme damnatas hæreses*, quæ jam diu obsoleverant, in unam quasi *Lernæam paludem coegisse*, *multasque præterea novas & recentes*

101.
Lutherus
plura &
majora cau-
sat.

excogitasse, hoc prætextu, quod fidem prædicet, ut veram sinceramque fidem destruat, ac sub nomine fucosque Evangelicæ doctrinæ omnem Evangelicam pacem & charitatem, bonarum rerum harmoniam extinguat.

Hæc aliaque adhuc acerbiora continentur in publico illo Edicto comitali; atque deinde Lutheri condemnatio & proscriptio unanimi consensu & voluntate Imperatoris præsentis, sacrique Imperii Electorum, Principum & Ordinum decernitur. Eadem ferme in posterioribus etiam Imperii Comitibus sæpius repetita.

Quam vere autem hæc fuere tum Caroli V. Imperatoris, tum Ferdinandi Locum-tenentis, tum Electorum, Principum ac Statuum Imperii Publicis in comitiis, sicque nationis Germanicæ de Lutheri reformatione sententiæ ac decreta, tam falso assertitur, gravamina illa centum Norimbergensia fuisse a Comitibus Imperii Norimbergensibus aut Natione Germanica ad Pontificem directæ.

^{172.} Nam probari nulla ratione potest, quod omnes Imperii Ordines
Re. censentur. in ea gravamina aut compilanda, aut Pontifici transmittenda consenserint, aut ea iusta censuerint. Imprimis enim prorsus incredibile est, quod Status Ecclesiastici, quales in Imperio sunt multi, consenserint, cum plurima ex iis recta tendant in grande ipsorum præjudicium.

Siquidem *cap. 20.* (prout Goldastus *tom. 1. pag. 457.* illa distinguunt) divitias Ecclesiasticorum sine restrictione in Germania livido dente proscindunt, ideoque annuas pecunias extraordinarias adversus Turcas, atque pro rebus Imperii eisdem a Pontifice impetrandas decernunt. *Cap. 21.* horrendum in modum detonant in Ecclesiasticorum universum scelera; atque ut privilegium fori eisdem adimatur, postulant. *Cap. 22.* lamentantur, quod homines etiam ab Archiepiscopis & Episcopis ob causas profanas non nisi ob quæstum turpem & pecuniam excommunicentur. *Cap. 23.* conqueruntur, etiam innocentes ab Ecclesiasticis excommunicari pecuniæ acquirendæ causâ. *Cap. 24.* adversus privilegium canonis insurgunt. *Cap. 27.* dicunt, laicos ab Archiepiscopis, Episcopis, & Prælatibus inique premi. *Cap. 28.* Jus Retractus in Ecclesiasticorum bona laicis concedendum decernunt. *29.* Episcopis jus spoliî denegant. Gravamen *30.* plenum est vituperii in Episcopos aliosque Ecclesiasticos, quod tueantur adversus laicos rem longe iniquissimam. *Cap. 31.* Episcopos primam collationem Beneficii Patronati sibi usurpare. *32.* Beneficiorum fundatores supra modum exfugî ab Ecclesiasticis; *33.* & præsentatos ab Episcopis. *34.* ordinari ab Episcopis prorsus ineptos. *35.* immodicas

dicas impensas infumi in consecrationibus Ecclesiarum. 36. cœmeteria superflue consecrari. 37. In celebritate alicujus novi Sancti Episcopos & Prælatos exigere oblationes, pro conducendis militibus melius applicandas. 38. Episcopos ab Abbatissis pecunias exigere: Abbates inutiliter consecrari. 29. Officiales Ecclesiasticorum nihil nisi pecunias appetere. 40. Laicos iniquos trahi ad tribunal Ecclesiasticorum. In sequentibus quatuor gravaminibus eadem audiuntur lamenta. 45. per violentiam novas institui decimarum præstationes.

Deinde usque ad gravamen 63. rursus in Judicia Ecclesiastica universim acerbissime invehuntur: causas profanas sub prætextu præscriptionis aut denegatæ justitiæ ad forum Ecclesiasticum trahi: delinquentes duplici pœna affici. Ecclesiasticos auri sacra fame pellectos usuras, & illicitos concubinos concedere. Synodales Judices census annuos a domibus laicorum exigere, uti etiam ab opificibus, iniquos arrestos indici. Litigantes ad iniquas transactiones compelli. Externos causarum Patronos & Procuratores inique a judiciis repelli.

A gravamine 63. iterum in omnes ordines Ecclesiasticos atrocissima accusatione grassantur, quod pauperibus Sacramenta negent. Quod non ferendis oneribus plebem vexent, & pro Sacramentorum administratione gravent; Missa abutantur; scandalose vivant; publicas exerceant tabernas, illicita corradant lucra; legitimos hæredes defraudent &c.

Jam vero quis sibi persuadeat, Ordines Imperii Ecclesiasticos hæc gravamina, potissimam partem contra ipsos prolata, ipsisque summopere perniciofa, atque probrosa, censuisse vera, æqua, atque sua compilata. 103. que suo suffragio decrevisse, ad sedem Apostolicam esse dirigenda. Quid hoc aliud esset, quam si de gravissimis criminibus insimulatus rogaret, ut ad judicem illa deferantur, ac pœna pro iis debita sibi irrogetur.

Quid multa? cap. 76. apud Goldastum aperte dicitur, a laicis ea gravamina fuisse proposita. Ab omni proin veritate alienum est, quod complures Protestantés scribunt, eas querelas fuisse totius Nationis Germanicæ, omniumque Imperii Ordinum consensu illa Pontifici fuisse oblata.

Imo neque omnes laici Status ea omnia justa & æqua censebant. Certe Catholici Ordines nec consentiebant, nec consentire poterant, cum plura ad evertendum Primatum summi Pontificis, ad abolendam Ecclesiasticam jurisdictionem, ad subruendam Hierarchiam, ad Concordata Germaniæ, pactiones, & transactiones convellendas, ad

fidem

fidem publice ac solennissime datam infringendam, atque ad Ecclesiam Catholicam deprimendam, opprimendamque tendant.

Reprehenduntur præcepta Ecclesiæ, ritus, ceremoniæ, & consuetudines antiquissimæ, ut inventa mere humana, avaritiæ Romanæ aucupia, Pontificiæ tyrannidis onera non ferenda; culpantur Ecclesiæ jejunia, abstinentia a carnibus, nuptiarum solennitas certis temporibus interdicta, matrimonii impedimenta, indulgentiæ, sanctorum cultus.

Quis autem credat, talia ab Ordinibus Catholicis, etiam laicis, fuisse concepta, ac proposita? Certe Carolo V. Imperatore in scio (cum tunc in Hispania versaretur) sunt compilata: neque postea unquam ea probavit, aut justa esse existimavit, sed omnino rejecit. Testis locuples est ipsius Cæsaris epistola, ad Clementem VII. anno 1526. scripta: in qua ait, se centum gravaminibus *nusquam aures præstitisse, nec illis animum adjecisse*. Id solum ille petiit, ut Annatæ aliaque quædam subsidia, ad quadriennium sibi concedantur adversus Ecclesiæ hostes.

Cæsare invito.

Sed neque Ferdinandus Locum-tenens alique catholici Ordines laici centum illa gravamina ad Cæsarem aut Pontificem dirigenda censuere. Quod ex eo manifeste elucere arbitror, quia Ferdinandus Archidux post Norimbergensia Comitia mox cum Ordinibus Catholicis, quos inter erant Guilielmus & Ludovicus, Bavarie Duces, alium conventum celebravit, in quo præsentem etiam Campegio Legato Apostolico convenerunt, quænam gravamina ad Pontificem essent dirigenda.

Dicamus, quod res est: Gravamina decem, multo modestiora jam anno 1510. Maximiliano I. in Comitibus Augustanis proposita, & in Wormatiensibus anno 1521. renovata, sequenti etiam anno in Norimbergensibus fuerunt repetita, decretumque ab Ordinibus, ut ea ad Pontificem pro remedio dirigantur. Nec incredibile est, Status, aut jam Lutheranos, aut Lutheri turbulentis scriptis faventes, in Comitibus Norimbergensibus varia alia gravamina proposuisse; quæ cum non convenirent cum Catholicis, isti separatim conventum Ratisbonæ instituerunt, & hac super re deliberarunt.

a Lutheranis aucta.

Lutherani autem deinde gravamina ita auxerunt, ampliarunt, atque Lutherico calamo maligne adversus Romanum Pontificem & clerum Germaniæ exaggerarunt, ut centum omnino prodirent, quæ posteriores Protestantes Comitibus Norimbergensibus, totique Nationi Germanicæ falso adscripserunt.

Optime in hanc rem Gretserus in *defens. Bellarm. de transl. Imp. libellus*, inquit, *centum Gravaminum*, quem Lutherani etiamnum *cudunt & recudunt*, & nunquam non in ore habent, quemque Illyricus suo catalogo, & Ortbuinus Gratus suo fasciculo illigavit, nec ab Imperatore, nec jussu Imperii compositus, sed a Lutheranis fabrefactus, & non alio consilio dispersus est, nisi ut, quod a paucis tenebrionibus fraudulentè actum erat, id Augusto Imperii nomine gestum censeretur, sicque ad id, quod Lutherani volebant, obtinendum accommodatius esset.

Idem testatur Surius in *comment. ad ann. 1523*. ubi ait: *proditum liber centum gravaminum, Autoribus Lutheranis*, ut nihil intentatum relinquerent, quod faceret ad *conflandam invidiam Pontifici & Ecclesiasticis*. Testes.

Idem Cardinalis Bellarminus *lib. 1. cap. 2. de transl. Imperii: Illyrio teste*, inquit, *exstat vere aureus libellus centum importabilium gravaminum, a toto Imperio in comitiis Norimbergenfibus anno 1523. Papæ Adriano oblati*. Mendacium hoc hominis impudentissimi detexit Joannes Cochleus in *Actis Lutheri anno 1523*. ubi scriptum reliquit, nullum ejusmodi libellum in Comitiis Imperialibus editum, sed cum in eo conventu *proposita fuissent quædam gravamina, quibus gravari videbatur Natio Germanica non solum a Romana curia, sed etiam ab Episcopis & Prælati Germaniæ, ea occasione Lutheranos edidisse librum centum gravaminum, omnia in Papæ odium augentes, aut maligne interpretantes*.

Audiamus ipsum Cochleum, scriptorem illius temporis, qui *loc. cit. sub finem* ait: „absente tunc procul in Hispaniis Carolo, Cæsare celebrabantur comitia Imperialia Norimbergæ a Vicario Imperii fratre ejus Ferdinando &c. In quibus sane multus variusque tractatus fuit in negotio fidei. Nam & Adrianus VI. R. P. quandam eo miserat Archiepiscopum Franciscum Cheregatum, virum disertum, cum plenissima instructione, & Paterna oblatione ad mitigandos animos Germanorum &c.

„At quanto benignius sese offerebat Pontifex, tanto ferocius agebant Lutherani - - maxime quiritantes contra abusus Romanæ curiæ, de quibus tamen abolendis Pontifex ipse benignissime omnem operam suam ultro pollicitus fuerat.

„Proposuerant quidem Imperii Principes gravamina quædam, quibus inique gravari videretur Natio Germanica, non solum a curia Romana sed etiam ab Episcopis & Prælati Germaniæ. Et *Par. VII.* M „pro-

„ proposuerant ea non modo Norimbergæ in Comitiiis, verum
 „ etiam Wormatiæ prius coram Cæsare.

„ At Lutherani omnia ad sinistram & iniquam intentionem
 „ detorquentes ac depravantes, sumpta inde occasione ediderunt
 „ librum tum latine tum germanice, cui titulum fecere: *centum Gra-*
 „ *amina Germaniæ*. In quibus sane recensendis non solum maligne
 „ in odium Papæ & Cleri omnia exauebant, & in peiorem partem
 „ interpretabantur, verum etiam impie plerisque antiquissimis cere-
 „ moniis Ecclesiæ, quibus Episcopi & Clerici in suis functionibus ri-
 „ te utuntur, derogabant, & abrogatas volebant. Atque ut odium
 „ in Papam adhuc magis adaugeretur in populo, adjunxerunt etiam
 „ summas omnium Annatarum, quas totius orbis Episcopi loco pri-
 „ mitiarum summo Pontifici in confirmatione sui adnumerare solent,
 „ ut longe gravissima exactio, & infinita prorsus pecunia videretur
 „ quotannis a Papa exigi inique.

104.¹
 Crisis circa
 Gravamina.

Certum proin indubitatumque est, centum ea Gravamina ne-
 quaquam a comitiis existimata esse legitima, sed privatum esse Lu-
 theranorum partum, *Lutherano veneno inquinata, alia per calumniam*
in sedis Apostolicæ invidiam detorta, alia malitiose exaggerata; ut scri-
 bit Odoricus Raynaldus in *Annal. ad ann. 1523*.

Nec alia sententia est Ludovici Maimburgi, Romanæ curiæ pro-
 fecto non nimium additi. Is etenim in *Histor. Luther. tit. 1*, pariter
 testatur, ea gravamina composita fuisse a Lutheranis; quædam enim
 manifeste ad destruendam totam Pontificis auctoritatem, disciplinam
 Ecclesiasticam, & sanctissimas quasque consuetudines Christianissimi
 ab immemorabili tempore observatas, tendere.

Præter tot testimonia evidens argumentum, quod centum illa
 Gravamina non sint opus Comitiorum Imperialium, sed in privato at-
 que domestico Lutheranorum camino excocta, exinde deducitur,
 quod ne quidem Lutherani Scriptores audeant centum Gravamina
 Comitiiis Norimbergensibus adscribere, sed 75. duntaxat; ut videre
 est in Goldasto, qui pluribus constitutionum tomis latina ac germa-
 nica lingua illa inseruit. Sed nunquam ultra 75. progredi sustinuit.
 Sed nec ista omnia in Comitiiis agnita fuere iusta ac legitima, ut ex
 adductis hactenus argumentis ac testimoniis abunde constat. Sed
 neque postea anno 1530. in Comitiiis Augustanis ausi sunt hæc Gra-
 vamina proponere. Imo negare videbantur. Nam in Comitiiis Au-
 gustanis per Melanchtonem dixerunt: *Nullum dogma habemus diver-*
sum a Romana Ecclesia; levis quædam dissimilitudo rituum est. Ecce!
 quomodo centum ingentia Gravamina decreverint! Subjungunt: *ad-*
hæc

bes Romani Pontificis auctoritatem & universam potestatem Ecclesiasticam reverenter colimus; modo non abiciat nos Romanus Pontifex. Aliud nempe est publicis in Comitibus coram Imperatore loqui: aliud clanculariis in circulis, in quibus Gravamina fuerunt procusa.

Per hoc tamen nullatenus negamus, nullos fuisse abusus in Romana curia aut apud Clerum Germaniæ; neque diffitemur, aliqua Gravamina pluribus in Comitibus fuisse proposita, & ad ea tollenda petitum remedium. Sed tria dicimus: primum, abusus illos ab heterodoxis scriptoribus in immensum ultra omnem veritatem augeri, ac maligne exaggerari. Alterum, quædam Gravamina fuisse a Comitibus iudicata legitima, atque ad Cæsarem & Pontificem dirigenda, decem nempe illa, jam Augustæ & Wormatiæ proposita, atque alia nonnulla. Tertium, adhibitum fuisse ab Ecclesia ad abusus extirpandos remedium, tum per Pontifices Romanos, tum per Concilia, præsertim Tridentinum.

Nam imprimis Adrianus VI. teste Panvinio apud Raynald. ad ann. 1523. advocato Joanne Petro Caraffa Episcopo Theatino, & Marcello Gazelio Cajetano, viris integerrimis reformationi manum ^{105.} ^{Facta refor-} ^{matio.} admovit, atque ut *promissum de corrigendis Ecclesiasticis etiam re, non verbis præstaturus videretur, multa protinus Romæ in statum alium vertit &c.*

Clemens VII. Adriani successor illico curas suas ad reformationem applicuit; nam cum Ferdinandus Locumtenens, Duces Bavaricæ, & 12. Ecclesiastici Principes Ratisbonæ post Comitibus Norimbergensia convenissent, edita est per Campegium legatum Apostolicum constitutio pro reformando Germaniæ Clero, tollendisque abusus. Triginta reformationis capita complectebatur; quæ extant apud Bzovium ad ann. 1524. Interdicti abusus, ab Indulgentiarum quæstoribus industi. Sepulturæ sumptus imminuti. Prohibitum, ne pecunia reciperetur pro absolutione a casibus reservatis. Veta exactio pro consecratione templorum & altarium. Prohibitum, ne Episcopi ex pensionibus Beneficiorum decimas exigant: ne Parochi consueta quædam subsidia a Parochianis petant. Præscripta diligens ac fidelis bonorum ad Ecclesias pertinentium administratio: aliaque ejusmodi plura, ut & Ecclesiis sua constet integritas, nec tamen laici nimium graventur.

Paulus III. qui Clementi VII. successit, novos censores constituit, qui reformandæ cameræ Apostolicæ, Rotæ Romanæ, Cancellariæ, & Pœnitentiariæ operam impenderent. Capita reformationis alia spectabant Ecclesiam Romanam, alia Ecclesiam universalem,

pertinebantque ad cohibendas dispensationes, ad tollendas gratias expectativas, cessionum pensiones, pluralitatem Beneficiorum, concessionem absentiarum, ordinationes indignorum, laxitatem disciplinæ Monasticæ, collationem Beneficiorum indifferetam &c.

Accessere plures Provinciales synodi, in quibus, reformandis Ecclesiasticorum moribus, ordinandaque disciplina strenue desudatum, ut postea dicitur.

Et quam multa, quam salubria decreta de Reformatione facta sunt a Concilio Tridentino. Plena illi a Pontificibus concessa libertas reformandi disciplinam Ecclesiasticam, etiam in curia Romana. Testem habemus Pallavicinum, qui ex pluribus Pontificum epistolis ac monitis, legatis suis datis, id demonstrat. Additque lib. 9. cap. 10. *Hist. Conc. Trid.* nunquam eo deventum esse, ut Pontifex impediret legem, quam plerique Patrum condidissent: libertatem vero publicis in confessibus obloquendi in ipsius etiam (Pontificis) facta, atque in ejus potestatem, fuisse ejusmodi, quam in neminem reliquorum Principum ausi fuissent exercere. Profecto qui Decreta Concilii Tridentini de Reformatione æqua mente perpenderit, fateatur necesse est, per ea melioris orbis votis ita fuisse satisfactum, ut nulla Lutherana reformatione opus fuerit; nisi quis dicere velit, Divinissima Evangelii Oracula, sanctissimas Christi Leges, Primatum Sedis Apostolicæ, S. Petro datum, atque in hunc usque diem propagatum, convellere, omnem obedientiam & subjectionem erga eandem sedem Apostolicam abjicere, esse Ecclesiam reformare. Cur non comparuerunt Protestantes in Concilio, ad quod toties provocarunt, ad quod toties fuerunt invitati, quod tot sumptibus, tanto labore, industria, difficultate ipsorum causa fuit congregatum? cur Gravamina sua in eo non proposuerunt? cur separatam a veteri Christi Ecclesia, ac novam conlarunt? Fateamur veritatem. Gravamina toties ingesta, fucus erant, oblinendi prætextum schismatis, ad quod humanis ex rationibus naturæ infirmitate, & humani generis hoste inspirante ferebantur.

ARTICULUS V.

Ulterior descriptio status Germaniæ.

106. **A**Nno 1523. bellum adversus Gallos strenue continuatum, Anglo premente Picardiam, Cæsareis vero Boniveturum ab Insubria arcentibus. In Comitibus Norimbergensibus executionem edicti Wormatiensis adversus Lutherum cum Ferdinando Locumtenente urgebant Ordines Catholici, obstrepentibus Lutheranis.

Urgetur executione editi.

Sequen-

Sequente anno 1524. idem Norimbergensium comitiorum effectus fuit, quare Catholici Status cum Ferdinando Archiduce Ratisbonam secedunt, edictique Wormatiensis observationem decernunt; atque cum Laurentio Campegio Clementis VII. Legato de reformatione tractant. Editi in hanc rem 30. de quibus ante, articuli. Actum pariter de convocando Concilio.

Viſtis ad Eporediam Gallis, atque ex Italia ejectis, Cæsarei in Provinciam Duce Borbonio irrumpunt; at Aquis Sextiis occupatis, a Massiliæ obsidione depulsi, in Italiam redeunt. Sequitur Franciscus Rex cum numeroſo exercitu, brevique Ducatum Mediolanensem aut deditione aut vi capit, arce duntaxat Mediolanensi & Pavia exceptis.

Hanc dum obsidet, prælio cum Cæsareis inito vulneratus, vi-^{Rex captus.} ſtus captusque in Hispaniam abducitur anno 1525. In Germania vero Anabaptistæ ac Rustici, a Luthero concitati, omnia susdeque vertebant. Prout hæc aliaque ad Lutheranam sectam pertinentia *parte 3. cap. ult.* prolixius exposui.

Anno 1526. sub certis conditionibus liber dimissus Rex Galliarum, ^{Dimissus.} pactis non stetit; sed inito cum Pontifice, Anglo, Sfortia, & Venetis fœdere, Cæsarem impugnare non destitit. In Germania habita sunt *Comitia Spirensia*. Confirmatum edictum Wormatiense, Saxone licet & Hassio reclamantibus. Contra Turcas, cæso Ludovico Rege Hungariam devastantes, vix aliquid impetratum subsidii. Judicium camerale Spiram translatum.

Ægerrime Cæsarem habuit initum Pontificis cum Gallo fœdus; ^{Roma vasta-} quare, cum Romani Cæsareos transitu prohibere niterentur, duce ^{ta.} Borbonio urbs capta & direpta est, Pontifice in Arcem S. Angeli confugiente; nec inde dimisso, nisi ejurato fœdere in difficiles conditiones consentiret *anno 1527*. In Germania frustra habita sunt *Comitia Spirensia & Ratisbonensia*, Lutheranis jam ad arma respicientibus.

Anno 1528. Galli, quam facile totum propemodum Regnum Neapolitanum occuparunt, tam facile rursus amiserunt; deficiente ad Cæsarem Andrea Auria Genuensi, a Gallis offenso: ac præterea peste & ferro in eos grassantibus; similisque hæc expeditio fuit illi, quam Carolus VIII. susceperat.

107.
Viennæ ob-
fidio.

Proximo dein anno 1529. tandem *pax Cameracensis* coæluit, pacatusque est Occidens. At major ab Oriente procella incubuit. Dum Solymannus ex Hungaria in Germaniam effusus, Viennam obsedit, at cenatu irritò, propugnante strenue urbem Philippo Palatino, Turcasque magna cum clade retundente Cæsareo milite. Minitatus quidem est Barbarus, se brevi cum majoribus copiis redituum, ac Viennam expugnaturum; sed, Domino custodiente civitatem, vanæ fuerunt minæ. Celebrata *Comitia Spirensia*, in quibus cum rursus urgeretur executio edicti Wormatiensis, intercesserunt Saxo & Hassus, cum aliis paucis Lutheranis; quibus propterea *Protestantium* nomen adhæsit, aliis deinceps etiam sectis communicatum. Exinde Luthericolæ in varios cætus collecti consilia clancularia inierunt. In doctrina tamen convenire inter se non poterant, teste Struvio *periodo* 10. §. 42. prolusumque his synedriis fœderi ac bello Smalcaldico. Prodiit hoc anno Constitutio a Carolo V. qua statuit, ut fratrum aut fororum liberi soli exstantes, succedant *in capita* patruo vel amitæ.

Italia.

Anno 1530. Carolus V. ex Hispania in Italiam profectus, a Clemente VII. coronatus Imperator, Marchonem Fridericum Gonzagam primum Mantuæ Ducem creat. In gratiam Pontificis Medicæos, triennio abhinc a Florentinis expulsos, restituit, & ablata iisdem libertate Alexandrum Medicæum primum Hetruriæ Ducem nominat; eique Margaritham filiam suam despondet. Francisco Sfortiæ Mediolanum restituit, Ferrariensi vero Duci Mutinam, & Rhegium adjudicat, reclamante licet Pontifice. Ordini S. Joannis, Rhodo depulso a Turca, Melitam concessit.

Sed nulla re celebrior est hic annus, quam *Confessione Augustana*. Nam Cæsar compositis Italiæ rebus, in Germaniam ad Imperii Comitia, quæ Augustam indixerat, se contulit, ubi porrectam sibi a Lutheranis Confessionem damnavit. Cur & quomodo id contigerit, descripsi *part. 3. cap. ult.* Placet nihilominus hic quædam de illa annotare.

ARTICULUS VI.

OBSERVATIO

In Confessionem Augustanam.

§. I.

Priores 21. Articuli excutuntur crisi debita.

Carolus V. ut morbis Germaniæ, a quibus ipsa ejusdem in-
testina erant infecta, felicius mederetur, jussit Protestantes ^{108.} Confessio.
ulcera sua detegere. Quapropter illi ex Lutheri potissimum
libris 28. Articulos, fuso tamen a Melanchtone vase illitos, con-
scripserunt. Quia autem Confessio illa pluries mutata, aliter aliter-
que cusa & recusa fuit, profuerit illius, primitus Carolo V. obla-
tæ, epitomen hic adnectere.

Primus Articulus tractat de unitate Divinæ essentia, & Perso-
narum Trinitate. Nihilque hic continetur alienum a doctrina Ca-
tholicæ Ecclesiæ. Hoc unum adverto, Protestantes ex suis princi-
piis nunquam posse ea probare, quæ in hoc primo Articulo profiten-
tur, nisi ad principia & interpretationem Catholicæ Ecclesiæ deve-
niant, ut speciali libello de Verbo DEI demonstravi.

In 2. continentur peccatum originale. Sed male illud consti-
tuunt in concupiscentia & carentia metus Divini, & fiducia erga DEUM. Hæc enim aliquando dantur etiam in hominibus ba-
ptizatis, nec tamen datur in illis peccatum originis. Concupiscen-
tiæ rebellio est effectus peccati, non ipsum peccatum. Deinde infan-
tes non sunt capaces, actum timoris, aut fiduciæ eliciendi.

In 3. continentur Incarnationem Verbi Divini, more Catholico.
Ut tamen hoc Mysterium adversus Arianos, Photinianos, & Samo-
satenianos hæreticos defendant, necesse habent ad nostra principia
& interpretationes Conciliorum ac Catholicorum Patrum recurrere,
ut pariter loco citato ostendi. Ubi tamen dicunt, quod Christus nos
defendat *adversus vim peccati*, melius dicerent, Christum sufficien-
tia nobis suppeditare media, ad evitandum peccatum, & ad resur-
gendum a peccato. Nam quamdiu manet peccatum, Christus ejus
vim

vim non tollit. Male proin supponitur, remissionem peccati consistere in mera non imputatione.

Justificatio.

Quarto de Justificatione hunc errorem inferunt, quod homo justificetur per solam fidem, per hoc nempe, quod credat se in gratiam recipi, & peccata sibi remitti. Inepte. Hoc idem est, ac dicere, invenire thesaurum nihil aliud esse, quam credere, se eum invenisse. Crede, remissum tibi a creditore debitum, & remissum est. Quam laxa lataque sic foret porta cæli! quam facilis pœnitentia! Ruite in scelera mortales; sed credite, remissa vobis esse peccata; & res est salva. Imo ne quidem peccare potestis, & amittere gratiam, modo semper credatis vos esse in gratia, & peccata vobis non imputari. Vah! portentum doctrinæ. Aliam David pœnitentiam egit: aliam Scriptura præcipit. Justificatio autem fit per collationem gratiæ nobis inhærentis, quæ diffunditur in cordibus nostris per Spiritum sanctum.

Meritum.

Quintus videtur excludere meritum bonorum operum; & adhuc patentius sextus. Sed aliud rursus loquitur Verbum Dei. *Mercedem* copiosam fore in cælis spondet: reddendum cuique secundum *opera* ejus: reddendam *coronam justitiæ*: vocandos *operarios*, ut *mercedem* accipiant. Cui merces hic promittitur, nisi merito bonorum operum? ubi nullum est meritum, neque merces locum habet. Aliud est merces, aliud donum. Et quam luculente S. Jacobus in Epistola sua Catholica ait: *Quid proderit fratres mei, si fidem quis dicat se habere, opera autem non habeat? nunquid poterit fides salvare eum?* v. 14. *Abraham pater noster nonne ex operibus justificatus est?* v. 21. *Vides, quoniam fides cooperabatur operibus illius, & ex operibus fides consummata est?* v. 22. *Vidētis, quoniam ex operibus justificatur homo, & non ex fide tantum.* v. 24. *Sicut enim corpus sine spiritu mortuum est, ita & fides sine operibus mortua est.* v. 26. Cæcum esse oportet, qui tantam lucem non videat. Verum Luthero Epistola S. Jacobi tunc erat straminea. Ejus autem Discipulis postea facta est aurea.

Septimus Articulus videtur dicere, quod tantum Sancti pertineant ad Ecclesiam. Evangelium vero comparat Ecclesiam decem Virginibus, ex quibus quinque erant fatuæ, & quinque prudentes. Sagenæ, missæ in mari, & ex omni genere piscium congreganti. Agro, in quo inimicus superfeminavit z'zania in medio tritici. Ubi est Ecclesia Lutherana, si soli Sancti illam constituunt?

Octavus asserit, Sacramenta esse efficacia, licet per malos administrantur. Catholica est hæc assertio. Sed ex qua clara Scriptura

ra eam contra Donatistas probare possent Confessionistæ, cum S. Cyprrianus cum integris Conciliis adeo vehementer contrarium propugnaret adversus Stephanum Pontificem, ad Ecclesiæ Traditionem se referentem?

Nonus orthodoxe de Baptismo sentit, & contra Anabaptistas decernit, pueros esse baptizandos; omittitque prudenter ridiculam illam ineptiam Lutheri, quod infantes, dum baptizantur, actum fidei eliciant.

In Decimo de Cœna Domini docent, quod corpus & sanguis Domini vere adsint, & distribuuntur vescentibus. Ecce! quomodo in principali fidei Articulo contradicant Lutherani fratribus suis Zwinglianis & Calvinistis. Sed quid tum? discordia in pluribus fidei Articulis confraternitatem non tollit: modo in primario eorum fidei Articulo conveniant, quod Papa sit Antichristus, & Ecclesia Romana Babylonica meretrix. Lutheranis Evāgelium asserit præsentiam Christi, Calvinistis negat; nihilominus sunt membra unius corporis Evangelici.

In XI. de Confessione docent rursus contra Zwinglianos & Calvinistas, quod absolutio privata in Ecclesiis retinenda sit; non tamen necessariam esse omnium delictorum in confessione enumerationem, cum hæc sit impossibilis. Atqui etiam Ecclesia Catholica non alia delicta confiteri præcipit, nisi quæ post diligentem conscientiæ discussionem memoriæ occurrunt. Hæc autem enumerare non est impossibile.

In XII. docent quidem, quod Ecclesia redeuntibus ad Contritio. pœnitentiam debeat absolutionem impertiri. Sed male addunt, contritionem consistere in *terroribus incussis conscientia agnito peccato*. Melius cum Concilio Tridentino dicerent, quod contritio sit animi dolor de peccato commissio ejusque detestatio cum proposito non peccandi de cætero. Male insuper dicunt, pœnitentiam tantum duabus partibus constare, terroribus nempe conscientiæ, & fide, remitti peccata. Melius dicerent, pœnitentiam consistere in materia, quam constituunt tres actus pœnitentis, nempe contritio, confessio, & satisfactio, & in forma, quæ consistit in verbis Ministri.

In XIII. pessime errant, dum dicunt, Sacramenta esse mera Sacramen- signa ad excitandam & confirmandam fidem, quæ credit promissioni- bus: præsumuntque damnare eos, qui docent, quod ex opere operato justificent. Aliud Scripturæ, Concilia, Patres loquuntur: quod videlicet non sint mera signa promissionum, sed gratiam Dei ex institu-

tione Christi contineant, eamque digne fuscipientibus conferant. Ita de Baptismo ad Titum 3. v. 5. act. 22. v. 16. De Confirmatione act. 8. De Eucharistia Joann. 6. De Pœnitentia Joann. 20. De extrema Unctione Jacob. 5. De Ordine 2. Tim. 1. De Matrimonio ad Ephes. 5. De Sacramentis universim Concilium Milevitanum can. 2. Arausicanum I. can. 25. Florentinum in Decreto Eugenii pro instructione Armenorum. Tridentinum sess. 7. can. 8. ibi: *Si quis dixerit, per ipsa legis novæ Sacramenta ex opere operato non conferrri gratiam, sed solum fidem promissionis ad salutem sufficere, anathema sit.* Idem Patres, Cyrillus Hier. in præf. Catech. Greg. Nyss. in orat. de Bapt. Justinus in Apolog. 2. Ambrosius l. 2. de pœnit. c. 2. Augustinus tract. 10. in Joann.

In XIV. recte dicunt, quod nemo debeat in Ecclesia publice docere, aut Sacramenta administrare, nisi rite vocatus. Verum Præcones Lutherani non intrant per ostium, sed aliunde.

Vota.

In XV. Vota & traditiones de cibis & diebus institutas ad promerendam gratiam, & satisfaciendum pro peccatis inutiles esse & contra Evangelium. Hoc Confessionistæ dicunt absque omni probatione; contra disciplinam totius Christianæ antiquitatis, ac contra Evangelium, quod verbis & exemplo Christi jejunium commendat, & vota reddere jubet Domino. Philautiam & curam cuticulæ hic Articulus nimium sapit.

In XVI. damnant Anabaptistas, qui interdiciunt Christianis civilia officia. Hoc bene. Sed addunt, se eos etiam damnare, qui Evangelicam perfectionem non collocant in timore & fide. Ignaros omnino esse sancti Evangelii necesse est istos Evangelicos, qui nesciunt Evangelicam perfectionem in executione primi & maximi mandati, perfecta videlicet DEI dilectione consistere: eumque, qui diligit, legem implere: ignaros, quid S. Paulus 1. Cor. 13. v. 13. dicat: *nunc autem manent fides, spes, charitas, tria hæc, major autem horum est charitas: ignaros quod perfecta charitas foras mittit timorem: quoniam timor pœnem habet: qui autem timet, non est perfectus in charitate: ignaros illius Christi oraculi: si vis perfectus esse, vade, vende, quæ habes &c.*

In XVII. Catholice sentiunt de extremo Judicio, æternitate pœnarum & gaudiorum.

In XVIII. Constituntur liberum arbitrium ad efficiendam civilem justitiam, & deligendas res rationi subjectas: imo etiam ad efficiendam justitiam spiritualem cum adiutorio Spiritus sancti. Quod enim homo non habeat vim efficiendi justitiam spiritualem sine Spiritu sancto

sto, orthodoxa doctrina est. At longe aliud de libertate arbitrii docuit Lutherus, aliud Zwingliani, aliud Calvinistæ, absolute illam negantes.

In XIX. bene dicunt contra fratres suos Calvinistas, quod voluntas malorum sit causa peccati, non vero DEUS.

In XX. certas ferias, certa jejunia, peregrinationes, cultum Sanctorum &c. crude appellant *opera puerilia*. Melius nempe isti hesterni Mystagogi sapiunt, quam SS. Patres, quam sacra Concilia, quam tota antiquitas, quam ipse Christus. Quid? Num opus puerile appellabitis jejunium Christi, ac peregrinationem ex Galilæa in Judæam ad templum Jerosolymitanum? Et hos operum Christianorum calumniatores Christi sectatores atque imitatores credamus?

Recoquunt deinde ea, quæ Articulo VI. de fide & bonis operibus dixerant, sola fide hominem justificari, per opera nos non mereri; Christi gratiam aspernari, qui confidunt in operibus.

Instruantur tantisper veræ doctrinæ ignari. Certum est, fidem ad salutem absolute esse necessariam, imo illam esse radicem & fundamentum omnis justificationis. Hoc nullus nostrorum negat. Certum etiam est, nos primam gratiam actualem nec de condigno nec de congruo mereri posse per nostra opera, hoc ipso, quod sit prima ac supernaturalis, ad quam opera naturalia nullam habent congruitatem. Unde certissimum apud Theologos est axioma, *primam gratiam non cadere sub meritum*.

Sed neque gratiam perseverantiæ finalis de condigno possumus mereri, utpote quam DEUS nobis non promisit. Denique neque primum gradum gratiæ habitualis, seu sanctificantis de condigno possumus mereri. Et in hoc sensu est verum, quod justificationis gratiam nemo mereri possit, sed quod tam justificatio quam consequens inde salus & vita æterna sit gratia & donum, sicque nos *gratis*, ut Apostolus ait, justificari. Quia nimirum primam gratiam ad justificationem nullo modo meremur, nec de condigno gratiam finalem, aut primam gratiam justificantem ac sanctificantem; & quia prædestinatio, vi cujus ex infinita sua misericordia & amore peculiari eas nobis gratias ab æterno decrevit largiri, quas cooperationem nostram tracturas, adeoque efficaces fore prævidit, est donum DEI ac summa gratia.

Nihilominus tamen ipsa salus & æterna beatitudo, quam dependenter a gratia Christi & nostra cooperatione consequimur, non est merum donum, aut pura hæreditas, sed, ut Apostolus loquitur, *corona justitiæ*, qua DEUS juxta sanctissimam ac benevolentissimam

suam promissionem præmiatur bona nostra opera ac merita, quæ Divina gratia præveniente & adjuvante fecimus, prout Divina scripturæ mille in locis nos consolantur, alloquendo e.g. bonum operarium: *euge serve bone & fidelis, quia super pauca fuisti fidelis, supra multe constituam, intra in gaudium Domini tui: & invitando electos in extremo judicii die ad possessionem regni propter exercita bona opera. Matth. 25.*

Nequaquam tamen propter bona opera superbire, sed servos inutiles nos dicere oportet, tum, ut exerceatur Christiana humilitas; tum quia absque gratia Christi nullum opus bonum, æternæ vitæ meritorium, valemus exercere, adeoque nostra bona opera DEO potius ejusque gratiæ quam nobis sunt adscribenda; tum quia infinitam DEI gloriam intrinsecam nulla ratione augere possumus, cum in se ipso, & per se ipsum infinite perfectus & beatus sit; tum quia DEUS nullam mercedem deberet operibus nostris, nisi illam benevolentissime promississet.

Non est proin, quod Confessionistæ nobis objiciant, nos confitendo in operibus aspernari meritum & gratiam Christi. Quia profitemur, nos absque gratia & meritis Christi nullum actum salutarem, nullum opus ad salutem conducens posse efficere. *Non ego sed gratia DEI mecum, ait Apostolus.*

Quando vero Scriptura dicit nos absque operibus per fidem salvari, de operibus mere naturalibus, aut operibus legis Mosaicæ, uti de circumcissione, esu agni paschalis, aliisque abolitis ritibus, & ceremoniis antiquæ legis manifeste loquitur, ut ex epistolis S. Pauli ad Corinthios, Romanos, Galatas &c. evidenter patet, in quibus dum contra Gentiles & Judæos ostendit, fidem in Christum ad salutem esse necessariam, intelligit fidem vivam, seu animatam charitate aliisque virtutibus, unde Apostolus ad Galat. 5. scribit: *in Christo Jesu neque circumciso neque præputium aliquid valet, sed fides, quæ per charitatem operatur.* Optime in hanc rem loquitur S. Augustinus cap. 14. *de fide & oper.* ubi ait, jam temporibus Apostolorum, non intellectis quibusdam subobscuris sententiis Apostoli Pauli, quosdam existimasse, ad obtinendam salutem sufficere solam fidem, ac propterea aliorum Apostolorum, ut Petri, Joannis, Jacobi, Judæ, epistolas ad eximendum hunc errorem intentionem direxisse, fidem nempe, operibus vacuum, nihil prodesse: ipsumque Paulum requisivisse fidem non qualemcunque, sed salubrem, Evangelicam, charitate aliisque virtutibus animatam. En Christianam Theologiam Ecclesiæ Catholicæ! quam si Confessionistæ intellexissent, non adeo im-

perite omnia confudissent, neque tot falsas doctrinas nobis affinxissent; nisi quis dicere velit, eos ex malitia hoc fecisse.

In XXI. de cultu Sanctorum docent, quod Sanctorum memoria ^{110.}proponi possit, ut imitemur eorum fidem & bona opera; non ^{Invocatio}autem docere nos Scripturam invocare Sanctos; cum unum Christum ^{SS.}nobis proponat Mediatorem, Propitiatorem, Pontificem, & Intercessorem.

Verum Christum Dominum invocandum ab omnibus esse tanquam unicum nostrum Redemptorem ac Salvatorem, tanquam Mediatorem DEUM inter & homines, a quo & per quem omnia habemus, quæ habemus, in eoque spem omnem ac fiduciam esse collocandam, nemo Catholicorum est, qui neget. Per hoc tamen non prohibemur invocare Sanctos, ut apud DEUM pro nobis orent & intercedant, ut per merita Christi nobis largiatur gratias, quas rogamus. Neque hoc quidquam derogat meritis Christi: quia profite-mur, Sanctos propria autoritate & virtute nihil nobis dare posse, sed, quod dictum, rogare pro nobis possunt DEUM, ut nos exaudiat per Christum Dominum nostrum. Quæ oratio & invocatio tam parum derogat Christo, quam parum eidem derogat imploratio, quæ homines adhuc viventes imploramus, ut pro nobis DEUM orent.

Neque hæc oratio & invocatio aliena est a S. Scriptura. Nam Salomon oravit DEUM per merita sui patris David. 2. *Paral.* 6. Onias & Jeremias post mortem oraverunt pro populo Hebræo 2. *Macchab.* 15. Angelus Raphaël orationem Tobie Domino obtulit *Tob.* 12. Angelus oravit, ut DEUS Judæos e captivitate liberet. *Zach.* 1. Patriarcha Jacob Angelum invocavit *Gen.* 48. & *Job.* 5. dicitur: *ad aliquem sanctorum convertere.* item *Jobi ult.* *Job autem servus meus orabit pro vobis, faciem ejus suscipiam, ut non vobis imputetur stultitia.* Et quoties S. Paulus invocavit fideles; ut pro se orent, ad *Rom.* 15. *Ephes.* 6. *Coloss.* 4. *Thessal.* 6.

Post istos 21. Articulos Confessionis Augustanæ subjungunt falsissime, doctrinam suam nihil discrepare a Scripturis, vel ab Ecclesia Catholica, vel ab Ecclesia Romana, quatenus ex scriptoribus sit nota. Totam dissensionem esse de paucis quibusdam abusibus, qui sine certa autoritate in Ecclesiam irreplerint, in quibus licet esset aliqua dissimilitudo, tolerandos tamen esse confessionistas, quia ne Canones quidem tam duri sint, ut eosdem ubique ritus postulent.

Falsissime, inquam, hæc dicunt; nam licet errores suos dealbare, fucare, & abscondere studuerint, tamen ea, quæ tradunt de peccato originali, de justificatione, de sola fide justificante, de bo-

nis operibus, de pœnitentia, de sacramentis, de præceptis Ecclesiæ, de libero arbitrio, de invocatione Sanctorum, manifesti sunt errores contra fidem. Quomodo ergo dicere possunt, doctrinam suam nihil discrepare ab Ecclesia Catholica aut Romana? Si nihil discrepat, cur ergo illam tantopere reprehendunt? cur ab illa se separant? cur coitionibus, conjurationibus, seditionibus, bellis, adversus suum Imperatorem omnia miscent? Si tota dissensio est de paucis quibusdam abusibus, cur in tot fidei Articulos sunt grassati? Sustulissent abusum, & reliquissent usum. Ad quid necesse cum barba etiam mentum imo caput amputare?

§. II.

Posteriores septem Articuli ad crisin vocantur.

112.

UT autem sciamus, de qualibus abusibus loquantur, septem Articulos de illis subjungunt, atque ita præstantur: *cum Ecclesiæ apud nos de nullo fidei Articulo dissentiant ab Ecclesia Catholica, tantum paucos quosdam abusos omittant, qui novi sunt, & contra voluntatem canonum vitio temporum recepti, rogamus, ut Cæsarea Majestas clementer audiat, quid sit mutatum, & quæ fuerint causæ &c.*

1. Utraque species laicis datur: quia hic mos habet mandatum Domini Matth. 26. *bibite ex hoc omnes*. Sed, quinam fuerunt isti omnes? Nunquid præsentés, Apostoli, jam ordinati sacerdotes, quos alloquebatur? Addit Evangelium Marci 14. *& biberunt ex eo omnes*. Quinam omnes? An etiam absentes? Sacerdotes præsentés biberunt. Sacerdotibus præcepit Dominus bibere, si consecrant, non vero laicis, nec sacerdotibus, quando non ipsimet consecrant.

Ufus calicis.

Quoad laicos varia circa hoc diversis temporibus fuit Ecclesiæ disciplina. Primis quatuor Sæculis liberum erat Christianis sub una vel bina specie Sacramentum sumere. Sæculo quinto propter errores Manichæorum præcepta fuit sumptio calicis, ut hæretici isti, vinum tanquam diaboli creaturam detestantes, a Catholicis discerni possint. Extincta hæresi ista integrum rursus erat fidelibus sub una tantum specie synaxim sumere, a sæculo undecimo laici sub specie vini non amplius communicarunt, usque dum sæculo decimo quinto Hussitæ in Bohemia docuerunt, sumptionem calicis esse necessariam & a DEO præceptam. Quem errorem damnavit Concilium Constantense, laicis-

Laicisque calicem prohibuit. Concilium deinde Basileense Bohemis & Moravis calicis usum sub certis conditionibus indulxit, sic tamen, ut nemo invitatus ad illum adigatur. Cum autem sæculo 16. Lutherus alique Novatores rursus docerent necessitatem calicis, tanquam a DEO præcepti, Concilium Tridentinum Sess. 21. can. 1. rursus eorum errorem damnavit: & can. 2. eos, qui dicunt, Ecclesiam non iustis de causis Sacramentum Fidelibus sub una tantum specie præbere.

Causæ autem iustæ ad duo capita revocantur, tum ut excindatur error, Christi sanguinem sub specie panis non contineri, ac sumptionem utriusque speciei præcepto Divino esse necessariam: tum, ut evitentur variæ irreverentiæ, quæ aucto in immensum Christiano populo caveri satis non poterant.

Imperite autem loquuntur Confessionistæ, dum dicunt, morem sub una specie communicandi non esse veterem. Nam S. Augustinus lib. 3. de consensu Evang. c. 25 testatur, Christum ipsum duobus Discipulis in Emmaus Eucharistiam tantum sub specie panis præbuisse: videturque hoc indicare Evangelica hystoria. Constat insuper prima Ecclesiæ ætate frequentius accidisse, ut fidelibus Eucharistia tantum sub specie panis fuerit porrecta, domum deferenda, ibique sumenda, viris quidem in manus tradita, a fœminis vero mundo linteolo excepta. Particulæ etiam specierum panis residuæ pueris manducandæ sunt datæ. Consuetudo quoque, Eucharistiam die Parasceves sub specie tantum panis sumendi jam ultra 1300 annos tenet in Ecclesia.

Et merito; nam certum est, totum & integrum Christum cum corpore & sanguine sub una etiam solummodo specie contineri, atque a fidelibus sumi. Falsum proin est, fideles aliqua parte Christi defraudari. Certum pariter est, etiam sub una specie digne communicantibus promitti vitam æternam: *qui manducat hunc panem, vivet in æternum.* Joan. 6.

In II. de Conjugio sacerdotum ajunt, ad evitanda scandala se sacerdotibus concedere conjugia, a Christo ipsis permessa, imo præcepta. Amplum hic spatium foret de materia ista differendi: verum cum prolixè id præstiterim part. 5. ad sec. X. art. 5. speciali Dissertatione de cœlibatu clericorum, eo lectorem remitto.

In III de Missa dicunt, se falso accusari, quod Missam abolèant; retineri enim apud se, & summa reverentia celebrari. Servari quoque usitatas ceremonias fere omnes, præterquam quod latinis cantionibus admisceantur alicubi germanicæ, ad docendum populum. Ad hoc enim præcipue opus esse ceremoniis, ut doceantur imperiti, 179.
Missa.

Ad

Addunt tamen, privatas Missas apud eos defuisse; eo quod eas solum celebratae sint ob mercedem, stipendium, & quæstum. Verum isti homines non perpendunt, quid suadeat æquitas, quidque Scripturæ ipsæ loquantur: dignum esse operarium mercede sua: qui fervit altari, de altari posse vivere. Sustentatio præbetur sacerdoti sacris operanti. Quid æquius?

At sit, abusus quoad hoc irrepsisse, an propterea statim Missa, a Christo in memoriam suæ passionis & mortis instituta, qua Divinissimus Agnus cœlesti Patri quotidie incruento modo immolatur ac fumitur, abolenda fuit? Res omnes sanctissimas aboleas necesse est, si omnibus abutibus præcautum velis. Misera profecto religio, quæ caret sacrificio infinito, latreutico, Eucharistico, propitiatorio, & impetratorio, quo DEUS cultu se digno, quia infinito, honoratur, nobis vero emolumentum multo maximum comparatur!

Confessio.

In VI. de *Confessione* asserunt eam apud eos non esse abolitam, nec corpus Domini porrigi, nisi exploratis, & absolutis: ornari potestatem clavium &c.

Verum hanc assertionem absurdis rursus erroribus inficiunt, dum toti sunt in commendanda sola fide absolutionis, quasi totum Confessionis negotium vertatur in sola fide, qua credant, quod per illam fidem vere consequantur & accipiant remissionem peccatorum. Neque ad hoc necessariam esse enumerationem delictorum.

At quomodo explorare possunt, an ad corpus Domini sint ad mittendi (ut se facere asserunt) si enumerare non debent sua gravia delicta, quorum conscientiam habent? Quomodo absolutionis sententiam ferre possunt, si conscientiam & statum animæ non habent perspectum?

114.
Fides.

In V. de discrimine ciborum & traditionibus plura omnino falsa Catholicis asserunt; uti, obscuratam esse doctrinam de gratia & iustitia fidei per traditiones humanas. In pœnitentia nullam mentionem factam fuisse de fide. In solis operibus satisfactoriis totam pœnitentiam consistere existimatum fuisse. Per has Traditiones obscurata fuisse præcepta Dei, ac longe prælatas Traditiones fuisse præceptis DEI. Christianismum totum collocatum fuisse in observatione certarum feriarum, rituum, jejuniorum, vestitus, mandata DEI nullam laudem habuisse. Traditiones magna pericula attulisse conscientiis.

Falso, inquam, hæc nobis asserunt, legantur posteriorum etiam sæculorum Doctores Catholici, S. Bernardus, Hugo & Richardus de S. Victore, Petrus Lombardus ex sæc. XII. S. Thomas Aquinas

nas, S. Bonaventura, S. Albertus M. ex Sæc. XIII. Joannes Duns Scotus, Nicolaus de Lyra, Gregorius Ariminensis, ex Sæc. XIV. S. Vincentius Ferrerius, S. Bernardinus Senensis, S. Laurentius Justinianus, S. Antoninus, Alphonsus Tostatus, Dionysius Carthusianus, ex Sæc. XV. alique plurimi Doctores nostri; & ad oculum patebit, quam falso Confessionistæ ista nobis affingant.

Semper Ecclesia fidem summopere æstimavit, prædicavitque tanquam radicem & fundamentum justificationis: semper fidem prædicavit absolute necessariam adultis ad salutem; sine qua impossibile est placere DEO. Semper mandata DEI præ traditionibus humanis habuit. Nunquam Doctores nostri dixerunt, nos per opera nostra mereri primam gratiam actualem, aut de condigno primam gratiam habitualem ac justificationem. Quod autem homo jam justificatus per gratiam DEI sanctificantem, possit deinde per bona opera, cum adjutorio Divinæ gratiæ exercita, mereri augmentum gratiæ sanctificantis, est certa veritas, quæ, ut antea dictum, non derogat meritis Christi, sed illa vel maxime commendat; cum omne meritum nostrum fundetur in meritis & gratia Christi.

Quod autem ad traditiones spectat, magno selesu Ecclesia catholica illis utitur; neque enim quaslibet traditiones nobis commendat, sed eas, quæ sunt Divinæ, Apostolicæ & Ecclesiasticæ; quas qui contemnit, ipsam DEI vocem, per Apostolum nobis eas proponentem & commendantem, contemnit, totamque venerandam antiquitatem condemnat. Prolixe hac de re tractavi speciali opusculo de Verbo DEI.

In VI. *de votis Monachorum* fuscè invēhantur in vitam Monasticam ac Religiosam, contenduntque, vota esse irrita, eo quod sint contra mandata DEI, quæ præcipiunt, ut propter fornicationem unusquisque suam uxorem habeat; melius enim esse nubere quam uri. 1. Cor. 7.

Verum mandatum universale & absolutum in verbis istis contineri, dici nullatenus potest; alias enim Apostolus aperte sibi ipsi contradixisset, utpote qui eodem capite septimo pluribus vitam cœlibem commendat, ac præfert conjugali: *qui matrimonio jungit virginem suam, bene facit, & qui non jungit, melius facit &c.*

Igitur S. Paulus respondet ad quæstionem, quam ipsi proposuerant Corinthii, an conjugati possint uxorem suam retinere, & actum conjugalem exercere? ubi affirmative respondet S. Doctor. Nam verbum *habeat*, ut ex quæstione proposita & subiecta materia, uti

Pars VII.

○

etiam

115.
Vota.

etiam ex modo loquendi Scripturæ constat, hic non significat *accipere* uxorem, seu nubere, sed jam legitime nuptam sibi, *retinere*, & pergere in actibus conjugii. Quando vero dicit, melius esse nubere quam uri, sensus est, quod a voto & impedimento liberis melius sit nubere, quam uri, hoc est, quam tentationi carnis succumbere & fornicari aut adulterari. Hæc interpretatio, præterquam, quod sit communis PP. & DD. optime combinat hunc locum cum iis, quæ Apostolus in eodem capite adducit ad commendationem continentiae ac vitæ cælibis. Plura de hac re vide *part. 5. ad Sæc. X. Art. 5.* & de antiquitate Status Monastici ad Sæc. IX. in fine.

Denique in VII. Articulo *de Potestate Ecclesiastica*, imprimis blandiuntur Principibus & Magistratibus laicis, dum Potestatem Ecclesiasticam restringunt; deinde lamentantur, quod Episcopi condant traditiones contra Scripturam, relicta doctrina de fide, & de justitia fidei: plures inductas esse ferias, jejunia, ceremonias novas, ordines novos institutos. Contra mandatum DEI peccatum collocari in cibis, diebus, & similibus rebus, onerari Ecclesiam servitute legis; quasi oporteat apud Christianos ad promerendam justificationem cultum esse similem Levitico. Hinc esse illa onera, quod peccatum mortale sit, in feriis laborare manibus, quod certi cibi polluant conscientiam, quod peccatum mortale sit omittere horas Canonicas, quod peccatum in casu reservato non possit remitti, nisi accesserit auctoritas reservantis. Quærunt deinde, unde habeant Episcopi jus istas traditiones imponendi Ecclesiis ad illaqueandas conscientias? cum Petrus vetet jugum imponere Discipulis; cum Paulus dicat, potestatem ipsis datam esse ad ædificationem non ad destructionem. Cur igitur augeant peccata per has traditiones, quæ sint contra Verbum DEI; retinendam doctrinam de libertate Christiana.

Discipli-
na.

Verum hæc omnia valde Lutherum redolent, eoque tendunt, ut excussa & protrita Ecclesiastica disciplina, & Ecclesiæ præceptis, frænum prorsus laxetur licentiæ, & sub specioso nomine Christianæ libertatis corruptæ mortalium naturæ indulgeatur, quidquid sensibus & ad malum proclivi genio blanditur; ut per ruptis legum repagulis se effundat morum dissolutio, nullumque sit pratum, quod non pertransseat effrænis cupiditas.

Hinc casuum reservatio Potestati Ecclesiasticæ negatur, ut nullum tam grande sit scelus, quod non illico per solam fidem remissionem obtineat. De charitate, aliisque virtutibus altum apud ipsos silentium, quia sunt arduæ. Omnia ad nudam fidem referuntur, atque in hanc rem aliquos Scripturæ textus, aut male intellectos, aut

Luthe-

Lutheri exemplo corruptos afferunt, neglectis iis Scripturæ locis, qui de spe, de charitate, aliisque virtutibus, loquuntur, ac si nunquam legissent, justificationem non minus spei ac charitati tribui: *Spe enim salvi facti sumus Rom. 8. remittuntur ei peccata multa, quoniam dilexit multum: cui autem minus dimittitur, minus diligit, Luc. 7.* Igitur sacræ litteræ nostram justificationem modo ad fidem, modo ad spem, modo ad charitatem, modo etiam ad virtutes morales referunt; quia scilicet juncta manu hominem ad justificationis gratiam præparant.

Abjiciuntur Ecclesiæ jejunia, exemplo Christi sanctificata, atque ad macerandum corpus rebelles subigendumque comprimis opportuna. Abstinencia statis diebus ab esu carnis exploditur, ne lascivienti carni desit materia. Dies festi ad cultum Divinum introducti abrogantur, Status Religiosus despectui habetur, Horæ canonicæ carpuntur; quia hæc omnia difficultatem secum afferunt, molli doctrinæ novitiæ minus accommodam. Salem nempe præferre decreverant, quo cupidam hominum turbam pecorum more philodoni isti attraherent.

§. 3.

Mendacia & fraudes Confessionistarum.

Atque ut hoc efficerent, plurimis falsitatibus confessionem suam infarferunt, ut Religionem nostram catholicam denigrent: 116.
quarum aliquas jam attulimus, aliquas adhuc subjungemus. Falsum est, quod apud catholicos altissimum de fide fuerit silentium, & doctrina fidei diu jacuerit ignota, quod tantum doctrina operum versata sit in Ecclesiis; quod juxta nos homo possit humanis viribus & sine Christi gratia promereri justificationem; quod catholiciparum docuerint de præceptis Decalogi, officiis & operibus, quæ in quavis vocatione DEO placent, sed tantum urserint opera puerilia; ut certas ferias, jejunia &c. quod catholica Lutheranis admodum hæc dedidicerint. Quod non proposuerint ex Evangelio consolationem; quod mandata DEI nullam laudem habuerint.

Falsum, quod doctrina de confessione & poenitentia a Lutheranis bene sit tractata. Quod impossibilem peccatorum enumerationem exigamus. Quod in Germania primum ante 400. annos sacerdotes sint coacti ad cœlibatum. Quod sacerdotes capitalibus poenis excrucientur contra Canonum voluntatem, Quod Pius Papa dixerit, reddendum esse sacerdotibus conjugium. Mandato DEI præcipi sacerdotibus

tibus nuptias: eas prohibere esse doctrinam dæmoniorum. Catholicos dicere, Monasticam professionem longe meliorem esse baptismo, & quæ sunt alia adhuc multa ejusmodi mendacia.

Fraudes.

Neque tantum his scætet illa Confessio, sed etiam fraudibus. Nam præterquam, quod teste & versute plura proponant, non quidem asserendo expressim, sed tacite lectorem inducendo in falsas & odiosas de doctrina catholica persuasiones, multos sectæ suæ articulos dissimularunt, vel saltem secundum suam Confessionem Augustanam non credunt, nec vivunt.

Nihil enim dicunt de principali suæ videi Articulo, Papam esse Antichristum, nihil de purgatorio; nihil de precibus & suffragiis pro defunctis; nihil de cultu imaginum, & reliquiis Sanctorum; nihil de duobus tantum vel tribus Sacramentis; nihil de absoluta impossibilitate servandi mandata; nihil de illa sua doctrina, Corpus Christi tunc solummodo esse in sacra hostia, quando actu sumitur. Hæc aliaque doctrinæ ac fidi suæ placita altum silent; unde facile est colligere, imo palpare, quam accuratus, quam fidelis, quam perfectus sit primarius Lutheranorum liber symbolicus, utpote ex tot falsitatibus & fraudibus compactus.

Quid? istæ non tantum patent legenti, sed ipsemet Lutherus illas ingenuè fassus est: nam epistolæ suæ anno 1550. die S. Augustini ad Melanchtonem scriptæ, hæc verba inseruit: *Si vim evaserimus, pace obtenta, postea dolos, mendacia, ac lapsus nostros facile emendabimus*; ut expresse testatur celeberrimus Lutheranus David Chytræus in Hist. August. Confess. Francofordiæ impressa anno 1578. Idem testatur alter Lutheranus Georgius Cœlestinus Tom. 3. Historiæ Comit. fol. 24. qui 4. voluminibus Historiam Comitiorum Augustanorum anni 1530. scripsit.

117.
Variata.

Egregium enim vero sanctumque fidei symbolum, ipso fatente & attestante Luthero, ex dolis, mendaciis & lapsibus contextum, quod pro certa fidei & conscientiæ regula servire debet!

Et utinam emendassent lapsus suos! at correctionis loco Confessio Augustana pluribus erroribus postea adhuc magis fuit deturpata atque corrupta, ut testatur Jacobus Marchio Badensis in motivis suæ conversionis a fol. 271. Selneccerus ait, multos scandalizari propter Confessionem toties & tantopere variatam. David Chytræus Lutheranus Professor integrum librum scripsit de Confessione Augustana variata & depravata anno 1599. Videatur præsertim fol. 771. Andreas Musculus, unus ex triariis Lutheranorum fatetur, Confessionem Augustanam duodecies fuisse mutatam. Jacobus Andreae, sive Schmidlinus

linus, faber libri Concordiæ, ait, Naumburgi nullum exemplar cum altero concordasse, ut legere est in colloquio Herzbergenfi fol. 92. ut adeo mirum non sit, Laurentium Forerum ex 20. exemplaribus Augustanæ Confessionis (aut potius confusionis) nullum alteri simile invenisse. Et tamen, quod insignis impudentiæ est, omnes istas Augustanas Confessiones sibi ipsis adeo dissimiles non mutatas prædicant. Nec crimine falsi se teneri existimant, licet ipsi fronti Confessionis passim mutata ac corrupta inscribant *ungeänderte Augspurgische Confession*. Hoc est: *invariata Augustana Confessio*. Leopoldus a Kollonitsch in libro, cui titulus: *Augustana & Anti-Augustana Confessio* quatuor editiones, in Bibliotheca Cæsarea asservatas, in quatuor columnis uno intuitu conspiciendas proposuit, ut ad oculum pateat, quantum a se invicem discrepent. Et tamen singulæ se jactant pro invariatis & authenticis: estne autem hoc Verbum DEI, toties mutatum, veriatum, correctum, corruptum, sibi ipsi adeo dissimile, contrarium? profecto non confessio sed confusio melius vocanda. Verbum DEI manet in æternum.

Jam ipsa prima duo exemplaria, quorum unum lingua latina, alterum germanica scriptum Carolo V. Augustæ offerebantur, sibi ipsis erant discordia; ut comparanti Articulum octavum, nonum, duodecimum, vigesimum primum &c. patet.

In ipsis etiam Comitibus Augustanis tota ferme Confessio rursus eversa fuit, dum selectis utrinque septem viris in colloquio 16. Augusti habito Lutherani ferme in omnibus ad Romanam accesserunt Ecclesiam, ut videre est in epistola a Melanchtone ad legatum Pontificis scripta, quam Cælestinus Lutheranus in Historia sua recenset.

In hac epistola scribit inter alia Melanchton: *Dogma nullum habemus dive sum a Romana Ecclesia - - Parati sumus obedire Romanæ Ecclesiæ, sibi.* Contraria
modo illa pro sua Clementia, qua semper erga omnes homines usa est, parva quædam dissimulet vel relaxet - - - Adhæc Romani Pontificis auctoritatem & universam politiam Ecclesiasticam reverenter colimus, modo non abjiciat nos Romanus Pontifex - - - levis quædam dissimilitudo rituum est, quæ videtur obsistere posse concordiæ; sed ipsi Canones fatentur, concordiam Ecclesiæ in hujusmodi rituum dissimilitudine retineri posse.

Et nominatim admiserunt eo in colloquio in quarto articulo, ne amplius diceretur, nos justos reddi per solam fidem, quod hoc effectum in sacris litteris non reperiatur, sed: per fidem & per gratiam. In 6. necesse esse, ut bona opera, quæ DEus præcipit, efficiamus. In 7. in Ecclesia non solum esse electos ad Gloriam, sed etiam præ-

scitos æternum puniendos. In 18. inesse homini liberum arbitrium, tametsi nequeat absque Divina gratia justiciam assequi. In 21. Cælices pro nobis DEum deprecari. In 22. Christum integrum secundum corpus & sanguinem sub utralibet specie contineri. In 26. admiscere Ecclesiæ jejunia. In 28. comprobarunt Episcoporum jurisdictionem. Videatur Pallavicinus in Hist. Concil. Trid. l. 3. c. 4. n. 4.

Interfuerunt autem huic colloquio utrinque duo Principes, duo Jurisconsulti & tres Theologi, videlicet ex parte Catholica Christophorus Episcopus Augustanus, Henricus Dux Brunsvicensis (cui obeunti suffectus Georgius Dux Saxoniae) duo Cancellarii, alter Coloniensis, alter Badensis. Ex Theologis Eckius, Wimpina, & Cochläus. Ex parte Lutherana Joannes Fridericus Saxoniae Electoris filius, Georgius Marchio Brandenburgicus, Pontanus & Hellerus legumperiti, ex Theologis Melanchton, Brentius & Schnepfius.

Licet autem ab his Lutheranorum primipilis in hoc Augustano colloquio Confessio ipsorum Augustana, paulo ante Cæsari oblata, penitus ferme everteretur, quia tamen conjugium sacerdotum, & communionem sub utraque specie dimittere nolebant, Cæsar eandem condemnavit, prout Melanchton l. 1. epist. ad Joannem Obenbur. erum Imperatoris Secretarium scripsit: *in Comitibus Augustanis tristi & atroci sententia damnati sumus.*

§. 4.

Edictum Imperiale:

118. **P**atetque ex edicto, quod Cæsar coram Imperii Ordinibus promulgavit, atque apud Sleidanum lib. 7. ad an. 1530. & Georgium Cœlestinum exaratum exstat, ac sic habet:

Quinto post die, præsentem Cæsare, decretum recitatur in omnium Ordinum cœtu, & post multam enumerationem totius actionis, Cæsar statuit, ne tolerentur, qui de Cœna Domini, secus, quam hucusque servatum sit, docent. Ne quid in Missis, vel communi vel privata mutetur. Chrismate pueri confirmentur, & ægrotantes oleo consecrato inungantur. Imagines atque statuæ minime removeantur, & quibus locis ablatae sunt, restituantur.

Eorum opinio, qui liberum negant arbitrium, nequaquam recipiatur. Nihil omnino doceatur, quod ulla ratione Magistratum imminuere possit dignitatem. Dogma illud de sola fide justificante locum non habeat. Ecclesiæ sacramenta sint eo loco & numero, quo

anti-

antiquitus. Ceremoniæ omnes Ecclesiæ, ritus, exequiæ mortuorum, & id genus alia servantur. Sacerdotia, quæ vacant, conferantur idoneis. Sacerdotes vel Ecclesiastici, qui ante hoc tempus facti sunt mariti, priventur Beneficiis, quæ statim ad hoc conventu conferantur aliis &c. Sacerdotum vita sit omnis honesta, vestitus etiam decorus, & vitetur omnis offensio.

Si quibus in locis Ecclesiastici redacti sint ad aliquam iniquam conditionem atque pactum, si quid etiam bonorum sacrorum iniqua ratione venditum sit, aut in alium usum profanum applicatum, id omne sit irritum. Ad docendi munus nemo recipiatur, nisi qui doctrinæ simul & vitæ probatum habeat ab Episcopo testimonium.

In docendo sequantur omnes hanc præsentem formulam &c. temperent a scomatis atque contumeliis. Hortentur populum, ut Missam audiat, ut diligenter oret, ut Virginem Mariam cæterosque Divos imploret, ut dies festos peragat, ut jejundet, ut a cibis vetitis abstineat, ut subveniat egenis. Monachis autem demonstrent, non licere professionem ac Ordinem deferere.

Breviter in iis, quæ pertinent ad fidem & DEI cultum, nihil quidquam immutetur. Qui contra fecerint, corporis, vitæ suæ ac bonorum discrimen subeant. Quidquid ablatum est Ecclesiasticis, restituatur. Quibus in locis domicilia Monachorum, & id genus alia ædificia sacra diruta sunt, reædificentur, in iisque ceremoniæ fiant atque ritus usitati. Qui sunt in adversariæ partis finibus antiquæ Religionis atque fidei sectatores, & hoc decretum approbant, in Imperii tutelam recipiuntur, eisque licebit, quo volent, emigrare, nullo cum detrimento.

De Concilio Pontifex appellabitur, ut intra sextum mensem illud ad locum aliquem idoneum indicat, ut deinde primo quoque tempore, & ad summum intra spatium anni fiat ejus initium. Hæc omnia rata sint atque firma. Et si quæ sunt oppositæ, vel opponentur etiam, exceptiones, aut appellationes, locum nullum habeant. Ut vero decretum hoc valeat & fervetur, quantum quidem ad fidem & religionem pertinet, quidquid omnino virium atque facultatis, concessit DEus, id omne, vita etiam atque sanguis, huc impendetur &c. In cameræ judicium nemo admittatur, nisi qui hoc decretum de religione factum approbarit: alioqui removeatur loco.

Subscripserunt huic edito ipse Carolus V. Imperator, sex Electores Imperii, omnes videlicet, excepto Saxone, triginta Principes Ecclesiastici, triginta tres sæculares Principes, viginti duo Abbates, triginta

triginta duo Comites & Barones, & triginta novem civitates Imperiales.

Contra vero Confessioni Augustanæ Cæsari oblatae subscripterant tantum unus Elector, nempe Saxo, quatuor Principes sæculares, videlicet Georgius Marchio Brandenburgicus Onolsbacensis lineæ, Ernestus Dux Lüneburgensis, Philippus Landgravius Hassiæ, Wolfgangus Princeps Anhaltinus, cum duabus civitatibus, Norimberga & Reutlinga.

Argentina, Constantia, Meminga, & Lindavium Zwinglianam Confessionem in his Comitibus offerebant, Christi præsentiam in Eucharistia absolute negantem. Verum hæc ab omnibus Ordinibus, etiam Lutheranis rejecta fuit.

ARTICULUS VI.

Historica Relatio de Statu Imperii ab anno 1530.
ad annum 1540.

Finitis Comitibus Augustanis, factoque, quem diximus, *Recessu Imperii*, quo rejecta fuit Confessio Augustana, Protestantes eodem adhuc anno *Smalcaldicum fœdus* cuderunt adversus Catholicos. Hassus insuper peculiare fœdus iniit cum Tigurinīs, Basileensibus, & Argentinensibus, licet Sacramentariis.

119. Anno 1531. Cæsar indixit *Comitia Colonia*, ubi ejus commendatione Ferdinandus Archidux electus fuit in Regem Romanorum, protestante Joanne Electore Saxonie, & aliis quibusdam Principibus, Smalcaldici præsertim fœderis focis, ipsum etiam Cæsarem postea hujus, consilii pœnituisse visum est, cum filium suum Philippum sufficere cogitaret.

Suspensio
Edicti. Carolo anno 1532. in Hispaniam regresso, Ferdinandus Rex in Comitibus *Ratisbonensibus* ut auxilio adversus Turcas, Hungariam devastantes, & Austriæ jam imminentes, obtineret, concessit, ne religionis causa cuiquam modestia inferatur ante Concilii definitionem, suspensis interea edictis Wormatiensi & Augustano. Hoc *mandatum Ratisbonenense* Protestantes appellarunt *primam pacem religiosam*. (idem statutum in transactione Norimbergenſi per Intercessores Moguntinum & Palatinum facta.)

Comparuit etiam in his Comitibus legatus Sigismundi Regis Poloniae, cui nuper Albertus Brandenburgicus Ordinis Teutonici Magister, a Religione ac fide desciscens, in clientelam se dederat, Dux Borussiae ab eo creatus, ac propterea a Camera Imperiali urgente Ordine Teutonico proscriptus, protestante Sigismundo, Borussiae ad Poloniam spectare causante, at contra excipiente Cronbergio, novo Ordinis Magistro, & executionem proscriptionis urgente.

Hoc anno Solymannus erumpens Lincium usque vastabat Austriam. At cum Carolus collecto ad Viennem exercitu ei obviam processit, terrore perculsus retrocessit, bellum in Persas conversurus. Caesar vero in Italiam abiit, de convocando Concilio cum Pontifice consulturus. Prodiierunt hoc anno Caroli V. *Leges Capitales* seu *pœnales constitutiones* ducentæ decem ac novem; quo numero apud Goldastum sunt annotatæ, atque in totidem capita divisæ.

Annus 1533. legationibus ad Smalcaldicos fœderatos a Pontifice & Cæsare directis consumptus. Agnitus tandem a Protestantibus & Bavariæ Ducibus Guilielmo & Ludovico fratribus Ferdinandus Rex Romanorum. Decretum a Pontifice Concilium, Bononiæ, aut Placentiæ, aut Mantuæ, urbe Imperiali celebrandum.

Verum mox apparuit, Protestantes videri tantum voluisse Concilium postulare; re ipsa enim nihil magis fugiebant. Unde tales conditiones apposuerunt, quas miri a Pontifice non posse facile perspiciebant, modum formamque in Ecclesia inauditam præscribentes. Emortua fuit hoc anno Marchionum Montisferrati in Italia familia in Joanne Georgio, atque ad Fridericum II. Gonzagam Mantuæ Ducem translatus est Marchionatus, qui neptem Georgii habebat conjugem. In Germania Cæsar fœderi Suevico finem imposuit. Quo obice, ne vis inferretur, submoto, varii tumultus orti sunt; nam

Secutum est mox bellum *Wirtembergense*; cuius causam supra exposui. Ducatum videlicet Wirtembergensem Suevici fœderis socii Ulrico Duci ereptum Carolo V. vendiderant; qui eundem in divisione provinciarum Ferdinando fratri cessit. Agerrime Ducis propinqui exilium habuit Philippum Hassiæ Landgravium. Quare, ut eundem restituat, ad Regem Franciscum in Galliam abiit, eique pro certa pecuniæ summa comitatum Montisbellicardum nomine Ulrici oppignoravit, ea lege (teste Sleidano ad an. 1534.) ut, si intra triennium eundem non luat, Regno Galliæ cedat.

Sic comparatus Landgravius militem conscribit, atque, Ferdinando frustra ad juris ordinem & Imperii leges provocante, contra

Pars VII.

P

pacem

120.

Bellum Wirtemberg.

pazem publicam, contraque edictum Ratisbonense in agrum Wirtembergensem irruit, casisque Regis copiis Ducatum occupat, eumque Ulrico restituit. Tandemque pax Cadani in Bohemia convenit ea lege, ut Ulricus ejusque masculi hæredes sint Austriæ Beneficarii, extinctaque familia Wirtembergica Austriaci regionem illam obtineant. (anno 1534.) Gallis vertente anno restituta pecunia.

Anabaptistæ.

Sub idem tempus Anabaptistæ Monasterium Westphaliæ urbem occuparunt, abrogatoque Magistratu Joannem Leidensem, antea factorem, regem creant, totiusque orbis dominium sibi vendicant. Polygamiæ omniumque communionem prædicant, atque Lutheri exemplo ad sacram Scripturam identidem provocant. Et, quod mireris, turbam per Germaniam & Belgium sequacem hi sycophantæ sunt nacti. Post acerrimam oppugnationem urbs tandem ab Episcopo Monasteriensi, Imperialibus copiis adjuto, fuit expugnata; atque Rex Monasteriensis cum aula sua pœnæ commeritæ subjectus.

121.
Expeditio
Africana.

Annus 1535. gemina re memorabilis, Cæsaris expeditionem in Africam, & obitum Francisci Sfortiæ vidit. Siquidem *Muleasses* Rex Tunetanus, a Barbarossa Algerii Rege, Solymanni Architalasso, atque atrocissimo pirata, regno pulsus a Carolo V. auxilia petiit. Is miseratus sortem asperam Regis exulis, & alioquin haud æquis oculis Tunetum in Turcarum manibus aspiciens, Barcinone in Africam cum classe profectus, primo quidem Goletam, munitam admodum arcem, vi cepit, ac Barbarossam Tunetum fugere compulit, quam urbem mox obsedit, ac Christianorum captivorum ope expugnavit. Tunetum direptioni militum concessum, in libertatem asserta viginti Christianorum millia, Muleasses regno restitutus, sub conditione annui tributis. Postea a filio visu, ab Hispanis opibus privatus, a Cæsare obtinuit, ut in Sicilia publicis sumptibus aleretur, Rex mendicus. Barbarossa Hipponem, ac inde Algerium fuga arrepta, ac classe ibi refecta, Minorem Balearem vastavit, cum pluribus aliis oris maritimis; & tanquam re bene gesta Constantinopoli exceptus est. Cæsar autem Neapoli verum triumphum egit de Africana victoria, & exule rege restituto.

Bellum pro-
pter Mediol.

Obitus *Francisci Sfortiæ* Ducis Mediolanensis, absque prole defuncti, novo bello occasionem dedit. Nam Rex Franciscus proavia suæ Valentiniæ hæreditatem sibi deberi ratus, Carolo III. Sabaudia Duce, qui expeditionem Italicam impedire nitebatur, ditionibus suis spoliato, in Insubriam irrupit. At Cæsar ea tanquam feudo vacante sibi & Imperio vindicata fortiter obstitit, simulque in Provinciam expeditionem suscepit; quæ tamen tentata potius, quam fructum suum est con-

consecuta, Gallo terram propriam devastante, ut inedia hostem perimeret. Ardebat etiam bellum in Belgio, ubi Gallus Flandriam & Artesiam prætendebat. Sed præter mutuum oppidorum quorundam direptionem nihil admodum actum. Intercessit tandem Paulus III. Pontifex, atque Niceam profectus inter duos istos summos Christianos Principes, cum pacem non posset, inducias decennales composuit, manente Cæsare in possessione Infubriæ, ac filium suum Philippum inaugurante.

In Germania Vergerius legatus Pauli III. Pontificis cum Saxo-
 Agitur de
 Concilio.
 ne aliisque Smalcaldici fœderis sociis de Concilio congregando frustra egit; cum nihil præter despectum & probra in Papam ejusque curiam reportarit, nihilominus Pontifex Concilium Mantuam indicit. Atque curiam suam reformaturus, præstantes in eam rem integerrimosque viros creavit Cardinales, Simonetam, Caraffam, Contarenum, Polum, Sadoletum &c. (an. 1536.) Cardinales isti cum aliquot Episcopis in abusus, qui irrepsierant, inquisierunt, & quid circa disciplinam reformatum videatur, exponunt Pontifici. Qui ad eam emendationem animum curamque intendit. Cum Protestantes audissent, indictum a Papa Mantuam Concilium, atque ad illud fuissent invitati, conventum ipsi Smalcaldiam indixerunt, accersito etiam Luthero cum Melanchtone, Bucero, Osiandro; aliisque multis, novi Evangelii Præconibus, qui novam ibi Confessionem cudunt, Augustinæ prorsus contrariam. Ibi dicebant, se in nullo fidei Articulo dissentire a Catholica ac Romana Ecclesia; totam dissensionem esse de paucis quibusdam abusibus. Hic vero dicunt, certamen esse non
 Lutherani
 de levibus erratis, sed de doctrina fidei, deque vera DEI cognitio-
 detrectant.
 ne; extinctum fuisse hoc dogma, vitæ Christianæ & sinceri cultus præcipuum caput, novamque doctrinam investam, magna cum Christi contumelia. Multos præterea reprehendi errores, impiosque cultus, Pontificem esse partem accusatam, non judicem; reum illum agi de idololatria & hæresi. Contra illum proin celebrandum Concilium, & quidem in Germania. (Sleidanus *ad ann.* 1537.)

Alexander Medicæus Caroli V. gener Dux Florentiæ interemptus a Laurentio Medicæo propinquo suo. Qui fugitivus misere per-
 122.
 Ducatus Parmensis.
 riit. Margaritha, Cæsaris filia, quæ Alexandro marito Ducatum Florentinum pepererat, nuptui tradita Octavio Farnesio, Pauli III. nepoti, Ducatum Parmensem & Placentinum Domui Farnesiæ intulit, ac si non tantum Alexandri Farnesii, herois incomparabilis, sed etiam Ducatum mater esset. Nec multum tunc disputatum, an dominium directum penes avum mariti aut patrem uxoris esset.

Annum 1528. nobilem fecit familiaris congressus Caroli V. & Francisci I. pactæque in decennium induciæ; quæ tamen ultra quadriennium non durarunt.

Mors Georgii.

Rei Catholicæ magnum vulnus anno 1539. inflixit mors Georgii Ducis Saxonæ, ferventissimi Ecclesiæ defensoris, quem Lutherus propterea probriis petulantissimis onerarat. Hæredem scripsit Henricum fratrem, Mauritii & Augusti parentem, Lutheranum, ea tamen lege, ut in Religione nihil mutetur, secus si fecerit, Cæsarem ac Ferdinandum Regem a se substitui. Verum eo defuncto nihil servatum, accitus Lutherus Lipsiam, & brevi admodum temporis spatio tota Misnia perversa fuit; quam Dux Georgius eo usque severe in officio continuit.

Sacrum fœdus.

Cumque alias etiam plures identidem provinciæ deficerent, & fœdus Smalcaldicum augerent, passimque bona Ecclesiastica invaderent, Moguntinus, Salisburgensis, Duces Bavariæ, Henricus Brunsvicensis, aliique Catholici Principes inter se & ipsi pro defensione rei Catholicæ unionem Norimbergæ inierunt, quam *sacrum fœdus* nuncuparunt.

Gandavum.

Cum anno 1539. *Gandaverfes*, communia tributa detrectantes, seditionem moverent, prout sæpius antea fecerant, Carolus Cæsar per mediam Galliam ad eos compescendos profectus, auctorum aliis capite plexis, aliis proscriptis, civitatem, adeptis privilegiis, ad officium revocavit; atque, ne deinceps in Principes suos amplius insurgeret, arce exstructa & præsidio imposito, coercuit.

123.
Postulata,

Habitus conventus Francofordiæ, in quo Protestantes rursus pro concedenda religionis libertate instabant, atque postulabant, ut Cæsar Augustanæ Confessionis sociis indulgeat inducias 15. mensium. Interea religionis causa nemini facessatur negotium. Pacificatio Norimbergensis & edictum Ratisbonense interim rata maneant. Forenses actiones Protestantibus intentatæ, & proscriptio Mindensis, sint suspensæ. Si quid contra fiat, sit irritum. In neutrum fœdus interim plures recipiantur. Ecclesiasticis, ubicunque habitent, Protestantibus census suos annuos permittant. Utriusque Religionis Theologi Norimbergæ conveniant, ac placide & amice conferant.

a Cæsare rejecta.

Conventionem istam Cæsar ratam habere noluit, quia indignum existimabat, imo etiam (seclusa maxima necessitate) illicitum, permittere, ut vera Religione Catholica abjecta, quam Majores jam inde a prima sua ad Christianam fidem conversione puram semper atque illibatam conservarant, novi ritus, novaque, in Ecclesia eo usque inaudita, dogmata inducerentur, piæ foundationes ac bona Ecclesiastica diripiantur, ac Germania, natio omnium fortissima ac potentissima, in partes adversas scissa, a se ipsa enervetur.

Et

Et quoniam his annis in omnibus ferme conventibus Protestantes vehementer urgebant, ut religionis libertas sibi concedatur, & absque ea concessione subsidia in bellum Turcicum, aliaque communia Imperii onera negabant, quin etiam in privata irent fœdera, ut armis extorquerent, quod pace non possent, contra vero Carolus Cæsar, Ferdinandus Rex atque Ordines Catholici universim religioni sibi ducerent permittere, ut tantum Religioni vulnus infligatur, ac propterea, quantum poterant, se opponebant, juvat in hanc rem aliqua differere pro defensione Principum Catholicorum, quos scriptores Protestantes hodieum perquam frequenter reprehendunt, & læsi Divini humanique juris reos agunt, quod religionis libertatem negaverint.

ARTICULUS VIII.

Differtatio: An Religionis libertas jure fuerit negata?

§. I.

Argumenta Theologica contra Libertinos.

ANtequam Protestantes firmum in Germania pedem fixerant, Lutheri disciplina eruditi nihil magis ingeminabant, quam Religionis libertatem: omnes Christianos esse liberos; religionem extra humanum imperium esse positam: tyrannidem esse in conscientias vel le dominari; fidem in mente esse reconditam, de hac uni DEO cordium scutatori reddendam esse rationem, Christum ipsum religionem cuius reliquisse liberam, dum dixit: *finite utraque crescere, oportet esse barefes.* Ipso etiam jure naturæ & gentium cuilibet permissum, ut eligat, quæ sibi bona videntur, & rejiciat, quæ mala apparent. Suo cuique standum judicio; conscientia suæ dictamini cuius parendum, non humano imperio, quod in actus mentis internos nullam vim habeat, sed externa jurisdictione ad conservandam publicam tranquillitatem definiatur. In statu juris naturæ quemlibet coluisse DEUM modo sibi placito, proin etiamnum id permittendum; non enim placere DEO extortum obsequium.

Nullum esse in mundo populum, in populo civem, qui non judicet, veram esse suam religionem, falsamque contrariam: si ergo oporteret contrariam exscindere, actum fore de pace & tranquillitate publica, totumque orbem perpetuis implendum bellis. Contra vero omnia esse tranquilla, si religio cujusvis permittatur arbitrio. Vastissimum ac potentissimum esse Turcarum Imperium, quod va-

rias sectas toleret: florentissimas Belgii Fœderati provincias, quamvis pluribus sectis permixtas: ipsam Germaniam non ante fuisse pacatam quam per pacem Religiosam & Westphalicam libertas fuerit inducta.

Adhæc quæstiosa commercia, artes, ac disciplinas tum maxime florere, cum omnibus cujuscunque Nationis & Religionis hominibus promiscuus conceditur aditus. Denique aliqui addunt, neminem alterius religionem damnare debere; quemlibet in sua salvari posse: sufficere in DEum credere, & Christum, dicente ipso Domino: *Hæc est vita æterna, ut cognoscant te solum verum DEum, & quem misisti, JESUM Christum.* Joan. 17. nam, *qui crediderit, & baptizatus fuerit, salvus erit.* Marc. 16.

Ad summum illa esse credenda, quæ in Symbolo Apostolorum continentur, reliqua, quæ inter catholicos & acatholicos sunt controversa, ad salutem esse indifferentia; ac proin credi vel non credi posse pro lubitu. Si enim DEus illa voluisset credi, clarius in Scripturis revelaturum fuisse, ac omne dubium exempturum. Quare propter dissensionem non rejiciendam partem alteram, sed Christiana charitate tolerandam. Etiam in primitiva Ecclesia fuisse dissensiones, inter ipsos adeo Apostolos Petrum & Paulum, sanctosque Patres. In ipsa etiam Ecclesia Catholica multas esse dissensiones, nec constare satis, quinam Articuli sint necessarii ad salutem. Sufficere proin Articulos fundamentales credere. Reliqua tanquam adiaphora cujuslibet arbitrio relinquenda.

Ita enim vero multi pseudopolitici, indifferentistæ, ac libertini, nullius religionis homines, terræ filii, humanis rationibus cuncta mentientes, & arctam salutis æternæ semitam in immensum laxantes.

125.
Consutantur. Verum hæc argumenta, quantumvis speciosa auctoribus suis videantur, nullius tamen ea roboris esse fateri debent ipsi etiam Confessionistæ, omnesque Lutheri, & Calvini affectæ. Si enim quid probarent, evincerent plane nimium, quod neque ab ipsis concedi potest. Inducerent siquidem plenam licentiam cujuscunque hæresis, etiam Arianæ, Nestorianæ, Eutychianæ, Donatianæ, Pelagianæ, Manichææ, Priscillianæ, Anabaptisticæ, sectarumque omnium colluviem, imo libertatem Mahometismi, Ethnicismi, Indifferentismi, plenique Libertinismi, quin & Atheismi.

Si enim jura naturæ cuilibet volunt religionem esse liberam, si illa extra humanum imperium est posita, si cujusque arbitrio relinquenda, si tyrannis est religionem præscribere, si credere cuique licet, quod lubet, si ea libertas ad florem commerciorum, atque ad rationem status est necessaria, profecto nulla amplius erit hæresis, nulla secta, quæ civitate non sit donanda.

Si

Si quilibet quoad fidem suo permittendus arbitrio, cur Lutherani in pace Religiosa excluderunt Calvinistas, Zwinglianos &c. Cur Protestantes in pace Westphalica omnes Religiones ex Imperio proscriptas voluerunt, præter Catholicam, Lutheranam & Calvinianam? Cur Catholicis religionis exercitium negant in provinciis suis, etiam illis, in quibus Princeps est Catholicus? Ad quid tot proscriptiones, tot feralia edicta? ad quid tot compedes, carceres, catastræ, equulei, patibula, enses, ignes, rotæ, quibus tot innocuos sacerdotes catholicos immaniter vexarunt, torserunt, occiderunt, in Anglia, Gallia, Belgio, Germania, Suecia? Cur Servetus, Gentilis, Anabaptistæ &c. religionis libertatem morte luerunt?

Solvite hic vestra argumenta autonomicæ libertatis Patroni, vindicate vestra jura naturæ, pronunciate: sed videte, ne in vos ipsos feratis sententiam.

Conditus est a DEO orbis terrarum ad honorem, ad cultum, ad gloriam suam. Nec aliter condipotuit. Finis hic est ultimus atque intrinsecus humani generis. Sive igitur considerentur homines seorsim extra alterius potestatem viventes, sive in cætum quendam & communitatem coadunati, ad eum finem tendant necesse est. Beatæ proin esse non possunt humanæ per orbem Respublicæ, nisi ad hunc finem bene sint comparatæ. Huc collimant, huc dirigunt sacrosancta naturæ jura; quæ aliud non sunt, quam leges Divinæ necessariæ, quibus tum homines singuli, tum omnes universum societates adstringuntur vinculo, nunquam solubili, ad cultum Numinis.

Ex quo sane consequitur, Principes ac Reges, DEI velut Vicarios, humanis rebus esse præpositos, ut commisses sibi populos regant ad æternas summi Imperantis leges, ac proin non politica duntaxat gubernatione ad publicam tranquillitatem dirigant, sed ad verum etiam Numinis cultum adstringant: hoc enim & recta, mortalium animis insita, ratio persuadet, & sine eo consistere non potest humanorum cœtuum felicitas, quam curare ac tueri tenentur Principes.

At vero cultus iste Dei nequaquam est arbitrarius, sed esse debet placitus dominantium Domino, conformis videlicet sanctissimis ejus legibus, iisque non tantum naturalibus, quæ natura sua bona præcipiunt, ut adorare supremum omnium Dominum, ac vellent ea, quæ ex se ipsis sunt maligna, uti blasphemiam, Dei despectum, sacrorum contemptum, sed iis etiam, quas *positivas* dicimus, atque libero Dei beneplacito sunt latæ; prout sunt illæ, quæ in novo Testamento sacramentorum necessitatem, administrationem usumque definiunt.

Ædificavit videlicet Dominus noster Iesus Christus suam in terris Ecclesiam, quam certa ac definita fidei morumque doctrina constituit. Una hæc est arca, extra quam nulla salus. Hanc omnes oportet ingredi, ejusque legibus, a fundatore ipso Jesu Christo præscriptis, vivere. Hic unus cultus est, qui DEO placet: hæc una Religio, quam Christus præcipit. Summo huic Imperanti obediat necesse est humanum genus, hæc una mortalium vera felicitas, sine qua bene constituta esse non potest Respublica, utpote ad finem suum ultimum, ad conditorem videlicet suum, Optimum Maximum, non bene comparata.

127.
Principis
obligatio.

Cum igitur Princeps, vi suæ potestatis, a Deo concreditæ, teneatur veram felicitatem subiecti sibi populi, quoad fieri potest, procurare, prohibendo blasphemias, superstitionem, idololatriam, hæreses, aliaque scelera, adversus Deum, creaturæ rationalis finem ultimum, insurgentia, præciendo contra, ut summo Imperanti omnes morem gerant, veram Christi Ecclesiam ingrediantur, illius religionem, doctrinam fidei, morumque disciplinam, ab ipso præscriptam ac promulgatam, sequantur, cum sine istis vera felicitas rationalis Reipublicæ non possit subsistere, & Principis sit secundum Dei, summi Imperantis, mandata populos regere; sequitur dilucide, eos, qui humanis cœtibus præfunt, obligatos esse, unam ac veram Christi Ecclesiam protegere, hostes illius coërcere, contraria dogmata, a Deo vetita, vetare, in subditis suis veram Religionem ac Christi fidem conservare, & Evangelici illius patrisfamilias exemplo intrare renitentes compellere.

Neque propterea humanum arbitrium se læsum potest conqueri; felix enim necessitas, quæ ad meliora compellit; quæ gladium eripit, ne te ipsum ferias; quæ foveam occludit, ne præceps eas; quæ aberrantem in salutis æternæ reducit semitam, quæ etiam reluctan-tem Divinis mandatis subjicit, ut sis beatus. Profecto alias plenæ scelerum licentiæ aperiendus aditus, ne lædatur arbitrium, laxandum frænū lascivientibus ingeniis, indulgendum facinorosis hominibus, ut, quod lubet, liceat; frustra Princeps portaret gladium; nullus scelerum vindex, nulla Dei injuriæ opponenda auctoritas.

Quis non videt, quam male comparata esset Respublica, in qua hæc ethica haberet locum. Et, si Magistratibus vindicanda est injuria, homini illata, quanto magis Deo irrogata? Quid autem cum Dei contemptu atque injuria conjunctius, quam deserta Christi militia, ejusdem hostis castra sequi, repudiare Christi Ecclesiam, abjicere veram fidem, ut orco obtemperes?

§. 2.

Argumenta Politica contra Libertinos.

Altioribus ex principiis argumentum repetivimus hætenus, atque Rempublicam ad Deum omnium auctorem retulimus, quæ felix esse non possit, nisi per sincerum verumque Dei cultum, nobis omnibus præscriptum, ad finem suum ultimum bene se habeat. Officium proin esse Principis, eum cultum religionemque protegere, nec permittere, ut in provincias potestati suæ subiectas alius, Deo ac veræ Religioni contrarius, inducatur.

Jam vero si humanos per orbem cætus etiam nude secundum ^{128,} ^{Argumenta politica} meras rationes politicas spectemus, communis Reipublicæ felicitas nihilominus exigit, ut Princeps invigilet, nec ulla falsæ religionis lolla in agro suo sinat succrescere. Non enim hic solus agitur honor cultusque Dei, eaque salus communitatum, quæ ex recta habitudine ad Deum, finem ultimum ac necessarium omnis rationalis Reipublicæ, confurgit. Sed agitur etiam pax, tranquillitas, socialis amor, amicitia, candidaque civis cum cive agendi sinceritas.

Ita enim ego statuendum existimo: tum demum floret communitas, cum hæc civilis ac socialis vitæ studia amæno usu in praxin eunt, cum viget alma pax, concordia, charitas; animorum consensus: cum cives, velut unius corporis membra, se mutuis colunt officiis, si caput suum amant, si ei succurrant, obtemperant, ac fidei obsequio famulentur; si nullis partium studiis abstracti publici potius emolumenti, quam privati rationem habent, si conjunctis animis & viribus Principem ducem sequantur, ubi vis hostilis ingruit.

Ain vero, ubi hæc Reipublicæ decora & ornamenta certius sperari possunt, an in populo labii unius, unius religionis ac fidei, in quo omnes ejusdem matris Ecclesiæ filii unam velut familiam constituent? an vero in gente quoad præcipuam partem, sacra nempe, cultum Dei & religionem discorde? ubi non tantum fidei, rituum, ceremoniarum, feriarum, in civilem etiam vitam redundans confusio: ubi unus clamat, ego tum Pauli, alter Zephæ, tertius Apollo, certe, sacra attestante Pagina, omne regnum, in se ipso divisum, desolabitur.

Utinam hoc non docuisset nimium frequens experientia! heu! ^{129,} ^{Ab exemplo.} quod funesta ab omni retro mundi ætate exempla sunt præstolo.

ties electus ille Dei populus ad spurios cultus desciverat, pœna a tergo illico sequente, hostibus in prædam datus est, nec ab eis liberatus nisi ubi ad veram religionem reversus fuerat. Stetit Jerosolyma, quamdiu religio stetit.

Quot turbas, motus, seditiones non tantum in Ecclesia, sed etiam in Republica excitarunt Ariana illæ, Donatiana, Nestoriana, Eutychiana, Albigenfæ, Hussitica procellæ!

Sed quid vetustiora commemoro? habet hoc, de quo loquimur, Sæculum XVI. quo memor cohorreat animus. Neque Scoticas aut Anglicas tragœdias exhibeo, Regali etiam sanguine, & exilio funestas. Vix error, a Christi fide devius in florentissima illa regna iruperat, heu! quæ mox rerum facies! quot tumultus, quot armatæ acies non solummodo in propria Regnorum viscera, sed Regum etiam capita grassantes! Taceo Belgium, tot cladibus attritum, & civium sanguine ferme demersum; Galliam sileo, per furores Hugonoticos propemodum deletam; Helvetiam domestico cruore toties redundantem.

Unam aspiciite Germaniam, florentem olim in pace, tranquillam domi, formidandam foris, sub Cæsarum tutela, Ordinum præsidio, fide, integritate, consensu jucunde acquiescentem.

At vero vix Lutherus facem ventilavit, novosque credendi modulos, philantiæ molliter adblandientes, occinuit, quam aliam mox faciem induit! animorum concentus, voluntatum harmonia, membrorum inter se & cum capite suo conjunctio dissoluta; contra vero discordiæ, dissensiones, bella intestina, innumeræque calamitates pleno agmine sunt inveciæ.

a Luth.
ros

Strenue sane turbas immensas concitavit fovitque novum Lutheri Evangelium de *Christiana libertate & captivitate Babylonica*, omnia rumpens legum vincula, quibus populi Principibus ac Magistratibus sunt adstricti: Christianos ita esse liberos scribit, ut nulla lege vinciri possint: nulli legi subjectos esse, nisi Divinæ; Tyrannos esse, qui hanc libertatem lædant.

Qua ex doctrina, passim per ejus libros sparsa, quos fructus nasci pronum sit, intelligi facile potest. Quin gloriatur ipse, gratulaturque sibi, Germaniam in seditiones concitatam. *Hoc Deus avertat*, inquit *Tom. 2. Wittemb. lat. in assert. Art. 13. ut Evangelium sine seditione prædicemus. Nam si non turbas concitarem, omniaque pacata essent & tranquilla, actum jam esset de nostro Evangelio. Oportet Evangelium turbas excitare, quocunque venit.* *Hoc si*

se non faciat, non est verum Evangelium. & Tom. 7. Germ. Witt. fol. 147. ait, nihil omnium rerum ita sibi visu jucundum esse, quam cum propter Evangelium dissensiones & tumultus exoriuntur.

Hoc gaudio ut fruatur, pro! quanto conatu tubam inflat, & Principes ad arma vocat libro, anno 1520. scripto ad Cæsarem omnemque Germaniæ Nobilitatem; & libro de sæculari potestate ann. 1523. edito, quo Principes appellat injustos subditorum depeculatores, carnifices, impios Herodes, tyrannos &c. quibus obedire non oporteat; cum ipsorum potestas liberas mentes ligare nequeat; non passurum amplius populum Principum tyrannidem; mundum non amplius esse, sicut olim: omnes homines esse æquales: deponendos Potentes de sede.

Profecto qui scripta Lutheri legerit, ea non tantum in summum Pontificem omnemque ordinem Ecclesiasticum scurrilibus prorsus atque inauditis probrorum ac maledictorum plaustris ubique infarta atque inspissata fatebitur, sed in Cæsaream etiam Majestatem; Ferdinandum Archiducem, Regem Angliæ, Wilhelmum & Ludovicum Duces Baviaræ, Georgium Ducem Saxonæ, Albertum Brandenburgicum, Electorem Moguntinum, Henricum Ducem Brunsvicensem, aliosque Imperii Principes, adeo maligna, turbulenta atque seditiosa comperiet, ut classicum merito dicas, quo non modo subditi in Imperatorem, Status in Statum, sed plebecula etiam, libertatis effrenatæ avida, excusso parendi obsequio, in Principes suos ac Magistratus fuit vehementer concitata.

Et certe mox patuit novi hujus Evangelii fructus; nam Lutherus mox nactus incentores, aut verius incendiarios affectas, subditis adversus Principes ac Magistratus, rusticis adversus dominos suos novi Exitiales faces subdidit, omnemque cum Hutteno, Münzero, a lliisque seditiosis suis discipulis in se ipsam armavit Germaniam.

Nam signo velut dato vidisses rusticos aratro ac stiva sua relictis arma corripere, & bachantium furiarum instar discurrere omnemque Germaniam ad rebellionem concitare: dignitate omnes esse æquales, omnesque liberos, Principes ac Magistratus esse tyrannos mactandos. Evigilandum tandem & excutiendum jugum; Christianis nullam legem esse positam, & quæ alia sunt id genus pulchra principia, ex Lutheri schola, libris & concionibus deprompta.

Atque hic fuit cantus, quo ita accensus ubique fuit Mars rusticanus, ut innumera cædes, rapinæ, Monasteriorum arciumque

ruinæ, incendia, populationes, provinciarum vastationes, inaudito crudelitatis exemplo, ex furore isto Evangelico sequerentur.

Verum non plebeas duntaxat manus in dominos ac superiores armavit nova hæc credendi agendique libertas, Nobilium etiam, civitatum, ac Principum animos pervasit, cum extrema afflictæ Germaniæ calamitate. Nulla amplius Imperii Comitia pacata: nulla Edictorum atque Recessuum observatio: nulla pacis publicæ, Judiciorum Imperialium, communisque boni apud novos istos libertatis festatores cura, nulla denique ipsius etiam Cæsareæ Majestatis reverentia.

Wormatiense Edictum, quo Lutherus anno 1521. fuerat proscriptus, ab omnibus Imperii Ordinibus, nullo excepto, conceptum fuerat, ejusque executio pluribus in Comitibus decreta, sed semper elusa. Succedebant protestationes spirense, coitiones privatae, minæ, fœdera, bellaque Smalcaldica subditorum in suum Imperatorem, & cum iis deploranda Germaniæ devastatio.

Atque, ut nihil ad ruinam deesset, evocati in Germaniam exteri Reges, Gallus, Danus, Svecus &c. Heu quanta inde publicarum calamitatum seges!

Neque a Christianis solummodo internis externisque conjurationes in Imperatoris & Imperij perniciem; ipsa Turcia in Germaniæ fines prolata. Si quæras, quo tempore Solymanus Belgradum, Budam, Strigonium, omnemque Hungariam diripuerit, in Germaniam se effuderit, Viennam obsederit, omniaque terroribus ac barbara Christianarum provinciarum vastatione compleverit? respondebunt annales, id eo tempore factum, quo Lutherani facti sunt *Protestantes*; quo subsidia adversus Turcam negabant; quo in privata fœdera adversus Imperatorem coibant; quo statum in statu constabant, quo seditionibus, turbis, bellis Germaniam mifcebant; quo Turca bonum Advocatum, fidumque amicum in Luthero habuit.

Lutheri
tuba.

Certe, si lingua, si calamus non dubius est index mentis, si campanam ex sono, si avem ex cantu dignoscimus, quo animo in Turcam Lutherus fuerit, ex scriptis ejus facile comperimus. Audiamus unam vel alteram oden hujus Turcicæ cantantis aviculæ.

In scripto de duplici & discordi Cæsareo Mandato, edito 1524. in quo in Christianos Principes ac præsertim in Imperatorem horrendum in modum detonat, ac fulminat, suos aëcles sic Christiane adhortatur: *ne temere consentiamus ad suscipiendam expeditionem, aut*

conferendas pecunias adversus Turcam, cum Turca decies prudentior, consilio, integritate, moderatione Principes nostros antecellat.

Tom. 2. *Jen. lat. fol. 310.* rogat omnes Christianos, ne pugnent contra Turcam, neque ad tale bellum quidquam contribuant, sed ab hoc bello abstineant, quamdiu Papæ nomen sub cælo aliquid valet.

Art. 34. a Leone X. damnat. ait: præliari adversus Turcas est repugnare DEO, visitanti iniquitates nostras per illos.

Tom. 6. *Wittenb. fol. 589.* Christiane ad ædificationem sic scribit: nullum pulchrius regimen est, quam apud Turcas, qui legibus Alcorani gubernantur: nullum autem turpius, quam apud Christianos, qui jure canonico & civili gubernantur.

Testatur etiam Erasmus in *epist. ad frat. Infer. Germ.* jactasse hos Evangelicos, Lutheri disciplina eruditos, se male pugnare pro Turca non baptizato, quam pro Turca baptizato, seu Cæsare.

Nunquid piæ, devotæ, Christianæ sunt hæ strophulæ? nunquid Reipublicæ Christianæ salubres? bella religio, ex cujus placitis ab ipso auctore illius occinuntur! an juratus Germaniæ, nominisque Christiani hostis aliter loqueretur?

Hoc scilicet erat reformare Christianam Ecclesiam, non tantum antiquissima illius dogmata, ritus ac ceremonias evertere, sed etiam juratissimo illius hosti eandem devovere.

Quis jam miretur, hanc Lutheri reformationem dissensionum, turbarum, seditionum, atque ingentium discordiarum causam fuisse, cum etiam Turcis tantopere faverit? neque exempla tantum id demonstrarunt; sed gravissima quoque testimonia.

Certe Carolus V. Imperator in Recessu Imperii, omnium Or-
dinum assensu in Comitibus Wormatiensibus anno 1521. concepto, ^{seditionis.} testatur, quod Lutheri scripta universaliter nihil aliud spirent, quam
seditiones, bella, cædes, rapinas, exustiones, & occasus fidei Christianæ materiam. In eodem edicto, uti apud Goldastum *Constit. Imp. Tom. 4.* extat, idem imperator ait: Obedientiam & regimen omne prorsus tollit. Unde populi ad defectionem & rebellionem a suis tam spiritualibus quam temporalibus dominis faciendam, ad rapinas, cædes, incendia, cum magno & manifesto Christianæ Reipublicæ discrimine, provocentur. Quin imo cum vitam quandam solutam, licentiosam, atque ab omni lege explicitam, & vere ferinam inducere conetur, ita exlex homo Leges omnes damnat & contemnit &c. & R. I. Spirensi anno 1544. §. 77. ait, ex dissidio, a Luthero induto,

sto, nisi Deus avertat, nihil aliud quam perniciem & interitum Romani Imperii, & Nationis Germanicæ posse expectari. Idem in aliis Comitibus, iis temporibus habitis, passim repetitur. Quis autem Cæsarem Ordinesque Imperii arguat, quod hominem talem, talemque doctrinam in Imperio minime tolerandam duxerint?

Rex etiam Angliæ Henricus VIII. apud Cochlaeum de Scriptis Lutheri, & Bzovius *ad annum 1523.* testatur, quod scilicet in odium Principum Lutherus, nova sua doctrina concitet populum, leges omnes abroget, Magistratus enervet, nec aliud molitur, quam ut Germaniæ primum populus tanquam pro libertate bellum indicat Proceribus, deinde ut Christiani contra Christianos, spectantibus & irridentibus Christi hostibus, depugnent. Idem constat ex testimoniis Erasmi Rotterodami, Cochlaei, Sleidani, aliorumque, qui Luthero fuerunt coævi. Sed quid plura? Patet abunde ex seditionis ejus scriptis.

Repeto proin, quod ante dixi, prorsus immerito a Protestantibus scriptoribus redargui Carolum V. Imperatorem, ejusque fratrem Ferdinandum, Reges Galliae, atque Hispaniae, ac cæteros Catholicos Principes, quod nascenti ejusmodi religionis diffidio se opposuerint, atque in omnibus Imperii Comitibus illud sublatum voluerint, utpote quod non tantum innumeros mortales a Deo, sine suo ultimo, & æterna salute averteret, sed pacem quoque, tranquillitatem, concordiam, regimenque politicum tantopere turbaret.

§. 3.

Diluuntur argumenta Libertinorum.

131.
Christiana
libertas.

At Christianam libertatem oggerunt, permittendam religionis electionem cujuslibet arbitrio, soli Deo de ea reddendam rationem; in mentis penetralibus eam esse reconditam, quo humanum imperium se non exporrigat; imo nec posse quenquam bona conscientia amplecti religionem Catholicam, quam falsam, superstitionis, totque abusibus sylvescentem videat.

Ego vero ad hæc jam respondi. Sequeretur enim, nullam esse hæresin, quæ non relinquenda esset libera, nullamque unquam potuisse prohiberi. Quod adversarii admittere nec volunt nec possunt, quamdiu sunt Lutherani aut Calvinistæ, nec degenerent, quod pronum est & usu frequens, in Libertinos, qui nullam habent religionem.

Neque

Neque in ejusmodi effræni licentia stat Christiana libertas, sed tum in immunitate ab innumeris propemodum ceremoniis, legibusque judicialibus Mosâicis, tum præcipue in liberatione a diaboli servitute per baptismum aliaque Sacramenta nobis a Christo Redemptore collata, uberioribusque legis gratiæ beneficiis per merita Christi nobis donatis; per quæ in libertatem filiorum Dei sumus asserti. Quando vero Christus Matth. 13. dixit: *finite utraque crescere usque ad messem*, non prohibuit absolute evellere zizania, alias neque fures aut homicidæ possent plesti, cum sint inter zizania. Noluit igitur præmaturam eradicationem, quando zizania a tritico necdum satis discerni possunt. Unde ait: *ne forte colligentes zizania, eradicetis simul cum eis & triticum*. Sic etiam, quando S. Paulus dixit, *operere hæreses esse*, non voluit, hæresibus liberum aditum concedi; sed per hoc significavit, propter infirmitatem, levitatem, novitatum pruritus esse quandam necessitatem, ut in tanta hominum multitudine oriantur hæreses; sicut Christus ait, necesse esse, ut eveniant scandala: veruntamen vix homini illi intentat, per quem scandalum venit.

At fides, inquiunt, in mente est recondita; ac proin nulla in eam humana jurisdictio; sed soli Deo de illa reddenda ratio.

Sit hoc verum, quamdiu fides in animo latet abscondita. At quando in apertum erumpit, quando voce, calamo, actuve alio externo se prodit falsum dogma, quando contagium scriptis tot libris, quot Lutherus edidit, in mundum spargitur; tunc & Divinæ & humanæ potestati reddenda ratio. Tunc Ecclesiæ Pastor a Christo constitutus, dum dixit, *pascite oves meas*, bona pascua a venenatis discernit, noxia subtrahit; lupos arcet ab ovili Christi, gregem quoad fieri potest, integrum servat.

Potestas vero sæcularis ad frangendam contumaciam Ecclesiasticæ jungit operam, atque una in obstinatos animadvertit, vetatque, toxicum spargi in publicum, nemine impuni, qui ausit contraire.

Fuit hæc omni tempore Ecclesiæ disciplina, postquam Sylvester 132.
Papa in Concilio Nicæno Arianam, in Arelatensi Donatianam hære Principum
sin damnavit, Constantinus M. eandem prohibuit. Postquam Cælegs.
Iustinus I. in Concilio Ephesino Nestorium damnavit, Theodosius M.
eundem cum hæresi sua exulare jussit. Postquam Leo M. in Concilio
Chalcedonensi Eutychianam hæresin cum ejusdem contumaci fau-
tore Dioscoro damnavit, Martianus Imperator eundem cum hæresi
sua proscripsit. Pelagium, ab Innocentio & Zosimo damnatum Hon-
noriu

norius Imperator cum hæresi sua & hæreticis in exilium eiecit. An Jura naturæ aut Divina violarunt pientissimi isti Imperatores? an potestatem suam sunt supergressi?

Gravissimas adversus hæreses & Hæreticos leges tulerunt non solum summi Pontifices ad titulum de hæreticis &c. sed summi quoque Imperatores, Constantinus M. Valentinianus, Gratianus, Theodosius, Arcadius, Honorius, Justinianus, Fridericus I. &c. ut passim videre est in toto titulo de *summa Trinit. & fide cath. & titulo de Hæreticis &c.*

Primus statim titulus codicis ab Imperatore Justiniano inscribitur hac rubrica: de *summa Trinitate & Fide Catholica, & ut nemo de ea publice contendere audeat.*

L. 1. c. hoc tit. Gratianus, Valentinianus, & Theodosius publico edicto præcipiunt, ut omnes in ea religione versentur, quam Divus Petrus Apostolus Romanis tradidit, quamque Pontifex Damasus tenet, adduntque; *banc legem sequentes, Christianorum Catholicorum nomen jubemus amplecti: reliquos vero dementes vesanosque judicantes, hæretici dogmatis infamiam sustinere, Divina primum vindicta, post etiam nostra plectendos.*

L. 2. eod. statuunt iidem Imperatores: Nullus hæreticis ministeriorum locus, nulla ad exercendam animi obstinatiois dementiam pateat occasio. Sciant omnes, etiamsi quid speciali quolibet rescripto, per fraudem elicitum, ab hujusmodi hominum genere impetratum sit, non valere. *Arceantur cunctorum hæreticorum ab illicitis congregationibus turba &c.*

L. decere 3. §. 3. eod. Theodosius & Valentinianus mandant, ut scripta hæretica comburantur, & sub pœna ultimi supplicii prohibent eorum lectionem.

L. nemo 4. Marcianus Imperator sub gravissima pœna vetat, nequis de fide, publice turbis coadunatis tractare audeat, additque: *injuriam facit Reverendissimæ synodo, si quis semel judicata ac recte disposita revolvere. & publice disputare contenderit.*

L. cum recta 5. in præf. Justinianus ait, fidem Catholicam nullo modo innovationem recipere: sequendum dogma sanctorum Apostolorum, & eorum, qui post eos in sanctis Dei Ecclesiis conversati sunt. *Et l. cognoscere 7. in præf.* idem Imperator Epiphaniæ Patriarchæ Constantinopolitano rescribit, conservandum esse absque mutatione statum Ecclesiasticum, *in omnibus servato statu unitatis Sanctissimarum Ecclesiarum cum ipso sanctissimo Papa veteris Romæ - non enim patimur, ut quidquam eorum, quæ ad Ecclesiasticum spectant*

sta-

statum, non etiam ad ejusdem referatur Beatitudinem, cum ea sit caput omnium Sanctissimorum Dei Sacerdotum, vel eo maxime, quod, quoties in eis locis hæretici pullularent, & sententia & judicio illius venerabilis sedis coerciti sunt.

L. 8. eod. rursus expresse fatetur, quod Pontifex Romanus sit caput omnium Ecclesiarum, atque ad eum referendum, quod ad Ecclesiarum statum pertinet.

Toto etiam titulo de *Hæreticis & Manichæis &c.* per 22. leges Imperatores omnes hæreses, omniaque dogmata, Catholicæ Ecclesiæ contraria, severe prohibent, dictata pœna confiscationis omnium bonorum, proscriptionis, & aliquando etiam mortis. Hæreticorum autem nomine intelliguntur omnes, qui a judicio *Catholicæ Religionis*, & tramite detecti fuerint deviare; ut expresse dicitur L. omnes 2. eod. de Hæret.

Jam vero quis eo impudentiæ deveniat, ut omnes istos gloriosissimos ac pientissimos Imperatores, ipsumque Jus Civile, jam dudum receptum, reprehendat, quod potestatis suæ limites supergressi præceperint aut prohibuerint ea, quæ humano non subjacent imperio?

Sed non potest quis, inquirunt, amplecti religionem, quam falsam, superstitiosam, & abusibus horrentem credit. Verum Catholicæ Ecclesiæ ejusque Religio tanta luce se signat, totque notis, & ut vocant, signis, & *motivis credibilitatis*, tanquam civitas supra montem, & lucerna supra candelabrum posita, se reddit conspicuam, ut excutiat necesse sit, qui eandem non videat.

Profecto in hanc unam Ecclesiam conveniunt, quæ sanctum Jesu Christi Evangelium, quæ sancti Apostoli, quæ sacra concilia, quæ sancti Patres, eidem attribuunt. Hæc una a Christo fundata, ab Apostolis prædicata, continuo propagata, perpetuo visibilis, ut inveniri possit, constanter in iis, quæ fidem concernunt, infallibilis, in articulis fidei semper una, in doctrina semper sancta, Catholica & Apostolica, tot Martyrum sanguine insignita, tot miraculorum splendore illustrata, totque aliis ornamentis decorata, ut, si quis supplici prece lumen a Deo petat, atque mente pacata, a præjudiciis & humanis rationibus vacua, hæc probe ponderet, nunquam futurum sit, quin veritatem videat, prælucente præsertim superna illustratione gratiæ, quam Deus facienti, quod est in se, non denegat; cum omnes velit salvos fieri, & ad agnitionem veritatis venire.

Quapropter nunquam continget, ut casus eveniat, in quo homo, faciens, quod est in se, dictamine conscientiæ impellente falsam

ſam religionem amplecti debeat, cum erroneum iudicium poſſit corrigere, modo non claudat oculos, aut cœleſtibus radiis valvas opponat.

Probe enim expendenti facile apparebit, quod ſuperſtitionem putabat, ſincerum ac genuinum Dei cultum eſſe, ſacrarum Scripturarum ſuffragio, totiusque antiquitatis uſu comprobatum, facile etiam ſuccurret, prudentis eſſe, privatæ ſuæ opinioni in interpretandis Scripturis non nimium fidere, ſed eandem publico Eccleſiæ iudicio ſubmittere, ad quam, tot promiſſis Evangelicis munitam, pertinet iudicare de vero ſenſu & interpretatione ſacrarum Scripturarum.

Abuſus.

Abuſus, ſi ſcrupulum moveant, uſus ſunt complura, quæ abuſus exiſtimas. Deinde optima quæque abuſibus patere novimus. Agrum cogita, in quo cum optimo frumento ſuccreſcunt zizania. Tu cura, ut bonum ſis triticum, & nihil tibi nocumenti afferet lolium. Mundo exeas neceſſe eſt, ſi locum velis, in quem abuſus nullus irrepit. Proteſtantium ſpineta reſpice, in quibus non tantum quoad diſciplinam ſed etiam quoad doctrinam fidei ſpiſſis abuſuum loliis plena ſunt omnia. Egregii enim vero reformatores, qui, ut arborem putent, totam excindunt; ut menti pilos radant, caput demetunt; ut morbos ſanent, occidunt. In nullo fidei Articulo ab Eccleſia Catholica ſe diſſidere in Auguſtana Confeſſione ſunt conteſtati, totam differentiam eſſe in paucis abuſibus. Remedium his erat parandum, ſed verum, genuinum, in Eccleſia conſuetum, per Sanctiones Apoſtolicas, per Concilium, per legitimos Canones, non per Lutheri, hominis privati ac ſclerati, inſanos furores quibus non tantum immenſam abuſuum graviffimorum colluviem induxit, ſed in ipſos etiam fidei Articulos, Verbo Dei traditos, ab Apoſtolis promulgatos, ac continuo uſu cultuque in Eccleſia propagatos, impie ac ſacrilege eſt graſſatus.

Sed actum eſſet, ajunt, de tranquillitate publica, bella mundum implerent, ſi oporteret contrariam religionem excindere.

134.
Aliæ Exce-
ptiones dilu-
untur.

Ego vero nunquam dixi, obligari Principem in alterius Principis aut Reipublicæ provinciis contrariam religionem excindere. De ſubditis loquor, de propriis Principis ditionibus. Jure optimo egiſſe Imperatores, Reges ac Principes Catholicos, dum naſcenti & adoleſcenti in ſuis provinciis Religionis diſſidio magno conatu ſe oppoſuerunt, ut Divino honori, mortalium ſaluti, ac Reipublicæ tranquillitati pro munere ſuo conſulant. Quantum enim turbarum, ſeditionum, rapinarum, bellorum, ſtragum Lutheri, Zwinglii, Calvinique pulchra reformatio ſecum invexerint, quantamque animarum diſſen-

diffensionem, ac litium segetem perpetuo nutriant, nemo, opinor, est, qui ignorare possit.

At quæstuosa commercia, artes, ac disciplinæ, minus florent, si alienæ religionis hominibus aditus sit interclusus, minus proin Imperator & Ordines Catholici Germaniæ consultum volebant, dum nullam religionem præter Catholicam tolerandam contenderunt.

Verum hoc Argumento, si quid evinceret, id omnino probaret, omnes promiscue sectas esse admittendas. Quod, ut supra animadvertum, *Evangelici* ac *Reformati* (prout se ipsos appellant) concedere nec volunt, nec possunt. Quin imo ipsum Instrumentum Pacis Westphalicæ omnes alias ab Imperio Romano exclusas voluit: utique prudenter, & absque detrimento commerciorum artiumque.

Certe hæc ratio summis Imperatoribus, Constantino, Gratiano, Valentiniano, Theodosio, Arcadio, Honorio, Marciano, Justiniano, Carolo M. Ludovico Pio, Friderico I. multisque aliis Imperatoribus, Regnisque hodiedum florentissimis, non est visa tanti, ut alias propterea religiones, a Catholica alienas, donarent civitate.

Neque impedimento fuit, quo minus Ferdinandus ille Catholicus Mauros ac Judæos tota ex Hispania, Ludovicus XIV. vero Calvinistas tota ex Gallia ejiceret.

Dein Catholici etiam Principes ad littora sua, & portus, ad nundinas, ad commercia acatholicos mercatores admittunt, atque ad rem militarem, nauticam, fabricam, Protestantium etiam operas conducunt, quin tamen religionis alienæ exercitium, jus civitatis, aut stabile domicilium ipsis concedant.

Quod adversarii dicunt de diffensionibus in Ecclesia nostra gliscentibus, atque inter Apostolos etiam & sanctos Patres exortis, nihil probat. Non enim diffensiones illæ versabantur circa articulos fidei, (in quibus omnes Catholici sunt concordēs) sed vel circa disciplinam, ritus, ceremonias legis Mosaicæ, aut circa eas quæstiones, quæ materiam fidei non contingunt, sed innoxie in utramque partem ventilari possunt, aut saltem ea concernebant, de quorum revelatione iis temporibus, quibus disceptabatur, necdum satis in Ecclesia constabat; qualis erat diffensio inter S. Stephanum Papam & S. Cyprianum de valore Baptismi, ab Hæreticis collati.

Quod denique ad inducendam Religionis libertatem objicitur, hominem in quavis secta salvari posse, integro libello *de Indifferentismo* refutavi. Ubi ostendi existere DEUM, atque ab eo certum sui cultum nobis præscribi; eumque ultra ea, quæ *Naturalismus* aut *Philosophismus* ratione dictante proponit, assurgere: *Gentilismum* seu *Ethnicismum*, *Mabometismum*, & *Judaismum*, prout hodie extat, absurda multa, atque cum jure naturali pugnancia comprehendere: inter baptizatos esse aliquos hæreticos, ab Ecclesia Christi extorres, ac proin extra viam salutis, cum teste Apostolo sit unus Dominus, una fides, unum baptisma: Protestantes nunquam scire posse, quinam Articuli sint fundamentales, quinam sint necessarii ad salutem *necessitate medii*. Credenda omnia, a DEO revelata, & quidem, de quorum revelatione sufficienter constat, *explicite*, reliqua *implicite*, sive magna illa sint, sive parva: quia autoritas DEI loquentis, utpote infinita, universaliter de omnibus fidem meretur. Hanc tamen fidem solam non justificare, nisi sit viva, spe nempe, charitate, aliisque virtutibus, a DEO in sacra scriptura præscriptis, atque observatione omnium mandatorum, animata. Ecclesiam etiam audiendam (nam qui illam audit, Christum audit) alioquin tanquam Ethnicum & Publicanum habendum. Existere pariter Verbum DEI traditum, cui non minus quam Verbo scripto debeat fidei obsequium &c.

^{135.} Denique ultimo pro fidei libertate permittenda objiciunt, dicuntque, quod si Religionis electio non posset relinqui cujusvis arbitrio libera, male fecisse Catholicos, quod in pace Religiosa & Westphalica eandem Protestantibus reliquerint liberam. Hoc autem dici nullatenus posse; cum illi tractatus pacis sapientissime fuerint conclusi; consequenter Imperatorem & Principes Catholicos nullo jure antea se opposuisse.

Respondetur, prudentis esse, tolerare minora mala, ut evitentur majora, relinquere pallium, ut tunicam serves, dimittere partem, ne totum pereat. Necessitas aliquando licitum facit, quod per se est illicitum. Quamdiu Protestantium sectæ necdum ad eam potentiam devenerant, spesque supererat, ad unitatem fidei pristinae easdem reducendi, sui muneris & obligationis esse censebant Imperatores & Principes orthodoxi, ut nascenti dissidio se opponant.

At quando adversæ vires cum deploranda Germaniæ ruina tantopere invaluerant, ut frangi amplius non possent, ne provinciæ adhuc in fide integræ pariter eodem impetu abripiantur, summam esse

esse necessitatem censebant, ut non quidem approbaretur, sed tamen toleretur id, quod evitari jam non amplius poterat. Verum de hac quaestione, de qua tempore Pacis Westphalicæ multum in utramque partem disputabatur, satius est abstrahere; cum scopus præsentis dissertationis unice fuerit, ostendere, quod Carolus V. Imperator, Rex Ferdinandus aliique Principes, & Catholici Ordines jure optimo se opposuerint nascenti Protestantium dissidio; nihilque ab officio suo & prudentia alienum egerint, dum anno 1521. in Comitibus Wormatiensibus novellam Lutheri doctrinam, & Confessionem Augustanam anno 1530. Imperiali edicto proscripserunt, & anno 1539. in Comitibus Francofurtensibus religionis libertatem negarint.

ARTICULUS IX.

Historica relatio de statu Imperii ab anno 1540.
usque ad finem belli Smalcaldici.

Lutherani, Smalcaldico fœdere connexi, spretis Comitiorum edictis & Cæsareis mandatis, non tantum Religionis libertatem extorquere conabantur, sed novos insuper socios interea in fœdus suum asciverant: ipsis etiam Galliæ & Angliæ Regibus sollicitatis, missis ad eos legatis & litteris. Quin imo nec conventionibus contenti, quæ ipsis favebant, Norimbergensi & Ratisbonensi, quibus cautum fuerat, ne cui ante definitionem Concilii aut Comitiorum propter Religionem molestia inferatur, pluries eas omnino transgressi sunt. Nihilominus enim Episcopos, Capitula, Monasteria bonis suis spoliabant. Cumque propterea ad Cameram Imperialem citarentur, aut contumaces secundum Imperii leges proscriberentur, prout Mindensi civitati contigit, reclamabant, pacificationem Norimbergensem & edictum Ratisbonense violatum iri, eo quod iis statuatur, ut in causis Religionem concernentibus camera jurisdictio suspensa maneat. Quasi vero ad Religionem eorum pertineat, legitimos dominos rebus suis spoliare, & aliena rapere. Etsi hæc causa religiosa foret, pacem ipsi jam prius spoliando Ecclesiasticos violassent, cum illa expressim caveat, ne cui propter religionem molestia inferatur. Variis dein colloquiis Hagenoræ & Wormatiæ, ac Conventu Ratisbonensi annus 1540 & 1541 frustra fuit consumptus, Lutheranis pertinaciter erroribus suis inhærentibus, & religionis

136.
Lutherani
pactiones
infringunt.

137.
Altera expe-
ditio in Afri-
cam.

gionis libertatem extorquentibus. Carolus Imperator ab hoc Conven-
tu in Italiam profectus expeditionem alteram in Africam adversus
Algerianos, maria omnia ferme infesta reddentes, suscepit. Et ever-
tisset Algerium harpyarum nidum, nisi tempestas classe disiecta eum
repulisset, magno rei Christianæ detrimento. (anno 1541.)

Bellum quar-
tum cum Gal-
lo.

Sequente anno 1542. ortum est quantum bellum inter Carolum
V. & Franciscum I. cujus non una dantaxat causa fuit. Sperabat
Rex, Mediolanum sibi Beneficiario jure possidendum traditum iri, &
hoc, dum Cæsar biennio abhinc per Galliam iret, promissum sibi
putabat. Jam vero hac spe dejectus erat. Wilhelmi insuper Cli-
viæ Ducis causa non parum incitabat. Is a Carolo Egmondano anno
1538. Geldriæ hæres institutus fuerat; cum autem Carolus V.
Imperator ob cessionem, Carolo Audaci factam, Geldriam vindica-
turus timeretur, Clivenfis ad Gallos se applicuit, ut eorum ope
possessionem firmaret, accepta in pignus sponsa Joanna Albretana,
Francisci I. ex sorore nepte. Tertia causa fuisse Fregosus & Rinco,
Gallici ad Sultanum legati, secundo Pado defluentes, a Vastio,
Mediolani gubernatore, capti ac capite plexi.

Rex igitur Cæsarem pluribus simul locis aggreditur: in Comi-
tatu Ruscinonensi, ubi Perpinianum frustra oppugnat: in Italia, ubi
victoriam reportat sine fructu: in Belgio, ubi ducatum Luxembur-
gicum expugnat, mox rursus amittendum, Turcicam etiam Algerio
classem evocavit, quæ Niceam usque Liguria devescæ, Gallisque
juncta, urbem illam, non tamen arcem, occupavit.

Geldria ad
Carolum.

Imperator primo Clivensem aggressus, Clivia, Julia, & Gel-
dria occupata, anno 1543. pacem cum eo inivit, iis legibus, ne Re-
ligionem Catholicam deferat. Fœdus Gallicum & Danicum abdicet,
Geldriam Imperatori cedat, Juliacensem vero & Clivensem Duca-
tum rursus recipiat. Atque hoc pacto Carolus V. omnes 17. Belgii
provincias conjunxit. Franciscus vero Rex audita hac pace sponsam
Wilhelmo negavit: qui postea Ferdinandi Regis filia nupsit.

Pax Crespia-
ca.

Cum dein Cæsar, idcirco cum Anglo fœdere, non tantum amissas
civitates recuperaret, sed in Parisinum usque agrum victor excur-
reret, Pax Crespiaca coaluit, his rata articulis: omnia post Nice-
nas inducias ablata utrinque restituantur. Communi studio & opera
antiqua Religio defendatur. Rex promittit Regi Ferdinando 600.
equites & 1000. pedites adversus Turcas: simulque cedit omni jure
in Arragoniam, Neapolim, Flandriam, Artesiam, ac Geldriam.
Carolus vero cedit jure in inferiorem Burgundiam, & civitates in
Picardia ad Somonam sitas. Tractatum etiam de sponsalibus inter
Ca.

Carolus Francisci filium, & Mariam Caroli filiam, atque dote, ab hac afferenda. Quem in casum Rex omni in Mediolanum jure se abdicaturum promittit. Sabaudus restituatur. Hesdinum vero Regi concedatur.

Quod de sponsalibus conventum fuit, effectum non habuit; quia anno sequente Carolus Francisci filius fuit mortuus.

Dum hoc bellum Imperatorem alio abstraheret, Rex Ferdinandus varia Comititia celebravit. Et imprimis quidem anno 1542. ^{133.} Tridentum ^{Tridentum} ^{Concilio} ^{destinatur.} *Spirensia*: in quibus Pontificis legatus Joannes Moronus Tridentum pro Concilio celebrando assignavit; tum quia Dux Mantuam, & Veneti, Turcam veriti, Vicentiam negabant, tum quia Protestantes in Germania Concilium celebrari postularant. Sed nihil magis abhorrebant, quam Concilium, quod antea toties importune adeo postularant. Urbs displicuit & legati oratio.

Cumque Ferdinandus de Bello Turcico ad Ordines referret, Protestantes non ante auxilia addicebant, quam Rex caveret, Ratisbonense edictum saluum, neminique religionem fraudi fore. Delectus belli Præfectus Joachimus II. Elector Brandeburgicus, qui a patre suo & majoribus degener ad Lutherum defecit.

Proposita etiam querela Julii Pflugii, qui, legitime electus Episcopus Naumburgensis, ab Electore Saxoniae rejectus fuerat, intruso Amsdorffio, quem Lutherus inauguravit.

Certe mirum est, Smalcaldenses socios in omnibus Comititiis vehementer postulasse, ut edictum Ratisbonense ac Transactio Norimbergensis (*de anno 1532.*) servantur. Cum ipsi passim eandem infringere. Nam non tantum Ferdinandum Regem vi & armis e Wirtembergia expulerant, Ecclesiasticorum bona rapiebant: illorum loco Lutheranis intrusis. Sed novam insuper gravemque violentiam hoc ipso anno 1542. in Henricum Ducem Brunsvicensem exercebant.

Hunc etenim Principem, quia apprime erat Catholicus, & Brunsvicensis. Smalcaldensium injuriis se opponebat, bello aggressi Ducatu spolia ^{sis.} Hoc scilicet erat servare Comitiorum decreta, & Recessus Imperii, tam provide caventes, ne vis fiat, ne ob religionem cuiquam molestia inferatur. Si laesos se putabant, cur non jure, legibus, judiciis Imperii actum? Cur contra pacem publicam, contra tot Cæsarea decreta, & Ordinum conventiones, revocatis illis privatis bellis, propria auctoritate ad arma provolarunt?

Cum decreta Spiræ auxilia adversus Turcam, qui Budam jam diripuerat, pro Germaniæ, lente se moventis, more, tarde convenirent,

Varia Comitia.

nirent, nec numerum conventum implerent, Ferdinandus Rex nomine Cæsaris alia *Comitia* indixit *Ratisbonam*, ubi executionem decreti *Spirensis* urgebat. Transactum etiam cum Antonio Duce: *Lotharingia* liber Ducatus pronuntiata, sic tamen, ut Dux ob aliquas terras, ad Imperium spectantes, feudali jure Imperio sit obnoxius, atque propterea ad onera Imperii debeat concurrere. Quam Transactionem Cæsar anno 1544. in *Comitiis Spirensibus* ratam habuit.

In *Comitiis Ratisbonensibus* anno 1543. deliberatum de locis quibusdam in *Turcarum* finibus muniendis, & sumptibus in hanc rem conferendis: prout etiam de Ordinatione *Judicii Cameralis*, reclamantibus pro more *Smalcaldicis*.

Anno sequente 1544. in *Spirensibus* rursus actum de bello *Turcico*, Religione, causa *Henrici Brunsvicensis*. Decretum tributum in singula capita per Imperium pro bello *Turcico*. Vetitum, ne quis Gallo militet. Actum de *Protestantibus* admittendis, ut pariter sint assessores *Camera*. Confecta pax Cæsarem inter & Regem *Daniæ*. Confirmata pacta successionis inter *Saxonem* & *Clivensem*, si hic sine prole mascula esset decessurus, magnas in futurum datura controversias.

In *Wormatiensibus* 1545. invitati *Protestantes* ad Concilium *Tridentinum*. Cum autem comparere detrectarint, indicta sunt in annum sequentem *Comitia Ratisbonam*, ubi instituendum esset rursus inter *Theologos* utriusque partis colloquium, ad componendam toties frustra tentatam de religione concordiam.

Recruduit hoc anno bellum *Brunsvicense*; in quo Dux *Henricus* a *Smalcaldicis* victus est; cumque *Landgrayio* se dederet, ab eo in *Hassiam* & carcerem abductus est, & *Guelferbitum*, præcipuum ipsius munimentum, solo æquatum.

^{139.} Colloquium. Colloquium subin *Ratisbonam* indictum anno 1546. initium habuit, inter *Malvendam Hispanum*, *Billichium Carmelitam*, *Hofmeisterum*, *Cochläum* ex una, & *Bucerum*, *Brentium*, *Georgium Majorem*, *Schnepfium* ex altera parte. Sed pro more nihil actum, *Saxone* suos revocante.

Imo *Smalcaldici* socii privatum *Francofordiæ* coegerunt conventum, ubi consultabant de repudiando Concilio *Tridentino*, de renovando fœdere *Smalcaldico*, de juvando *Hermann*o *Electore Coloniensi*, qui ad eos defecerat.

Secutum est dein anno 1546. bellum *Smalcaldicum*, & an. 1547. *Saxonicum*; quæ breviter descripsi *part. 3. cap. 4. §. 6.* Juvat tamen de hoc bello prolixius aliquanto differere.

DISSER.

ARTICULUS X.

Differtatio de Bello Smalcaldico, aliorumque Bellorum civilium in Germania causis.

Protestantici Scriptores passim bella civilia Germaniæ, turbas, ac calamitates inde secutas, summo Pontifici ac Carolo V. Imperatori adscribunt; quorum ille consilio & hortatu, hic manu & ense eorum causa exstiterit; totam etenim malorum sequelam inde duxisse originem, quod injuste religionis libertati se opposuerint, tyrannidem in conscientias exercuerint, transactiones infregerint. Monarchiam novam a Cæsare, oppressa Statuum libertate, intentam: ne igitur omnem Rempublicam eversum eat, inevitabili eorum temporum necessitate coactos fuisse Protestantes arma capere, ut jugum Papale Ecclesiastici, jugum Hispanicum sæculares possent excutere. 140; Protest. causam Cæsari affingunt.

Simulare equidem Cæsarem, velleque credi, eum id solummodo intendere, ut inobedientes quosdam Status in ordinem & parendi obsequium reducat, sed re ipsa Religionis & Reipublicæ jugulum peti. Hoc enim ejus esse consilium, ut obducta specie quadam rebellionis, & tanquam in paucos aliquot vindicare velit, socios fœderis Smalcaldici dividat, ut tanto facilius paulatim omnes evertat, atque ad cæcam obedientiam Concilio Tridentino præstandam compellat. Non esse obscura Granvellanii, Navii, aliorumque ministrorum, ipsiusque etiam Cæsaris verba; cum in Comitibus Augustanis anno 1530. Confessionem Augustanam damnaret, & profiteretur, non posse se ferre hanc sectam & doctrinam Lutheri, sed ad eam funditus extirpandam omne suum robur, vitam etiam atque sanguinem velle impendere. Id proin agi, ut extincto Evangelii lumine monachi, & id genus reliqua colluvies restituatur.

Jam inde ab inito Magistratu semper illum eo spectasse, quomodo puram doctrinam excinderet & Germaniam in servitutem adduceret. Hanc esse causam, ut Hispania cæterisque relictis provinciis, toties in Germaniam redierit, tantosque sumptus fecerit, opportunam expectans occasionem, qua inita cum Gallo pace, factisque cum Turca induciis cum Romano Antichristo ejusque sectatoribus iniret fœdera, & Smalcaldicos socios obrueret.

De cætero causam nullam esse, cur bellum suscipiat; quod enim contra edictum Spirense sint protestati, Wirtembergensem restituerint, Brunsvicensem bello victum in custodia detineant, Pflugium Episcopatu Naumburgensi dejecerint, Monasteria in meliores usus converterint, Hermann Colonienſi aliſque evangelicæ doctrinæ confessoribus protectionem addixerint, fœdera propterea inierint, camerale judicium tanquam suspectum sibi iniquum declinaverint, id totum se jure suo atque ex ordine fecisse; nosse se, quid Principes Cæsari, quid Cæsar Principibus debeat. Et si quid offensionis esset datum, id facta sæpius reconciliatione a Cæsare fuisse remissum; nullo proin jure, quin contra juratam in electione fidem bellum sibi moveri. *Ita ferme Sleidanus, aliique posteriores scriptores Protestantici.*

141.
Lutherus
causa, ejus-
que affectu.

Verum novum Lutheri Evangelium omnium barbarorum bel-
lorumque civilium, quibus ultra centum annos afflictæ fuit Germa-
nia, causam fuisse, non tantum habetur ex seditiosa Lutheri do-
ctrina, testimonio Imperatorum pluribusque Imperii Recensibus,
quibus dicitur, certam radicem, & principalem causam omnis mali,
& calamitatis Germanicæ Nationis fuisse Religionis mutationem, ut
supra in *dissert. de Religionis libertate* demonstratum est, sed ex ipsis
etiam Germaniæ annalibus rebusque gestis constat.

Quamprimum enim Lutherus adversus Ecclesiam tonare cœpit,
in turbas orbis abiit, voce & calamo perstreperantibus. Sed non diu
intra clamores & animorum dissidia res stetit. Ventum est brevi ad
turbulenta facinora; dum & subditi obedientiam negarent Magi-
stratibus, & Pax Publica privatis invasionibus & direptionibus
ex Lutheri disciplina haud parum infringi cœpisset.

Proscriptus est propterea Lutherus cum exitiali sua doctrina an-
no 1521. in Comitibus Imperii Wormatiensibus a Carolō V. Impera-
tore, omnibusque omnino Imperii Ordinibus. At pœnæ subtracto
per Saxonem Luthero tam salubre ac providum Imperii Edictum
effectū frustratum est. Urgebatur quidem in sequentibus Comitibus
sæpius executio, at semper elusa; nullo jam amplius loco habi-
tis mandatis Cæsareis & Imperii Recensibus.

Secutum est anno 1525. bellum Rusticum, plebeis hominibus
Lutheri doctrina ad libertatem pellectis, & non solummodo subje-
ctionis jugum passim excutientibus, sed igni quoque ferroque Ger-
maniam miserrime devastantibus.

142.
Factiones.

Anno 1529. jam audaciores facti Lutheri affectu contra Wor-
matiense Edictum aliaque saluberrima decreta in Comitibus Spiren-
sibus

bus aperte sunt protestati; nihilque amplius cum illis ex ordine & Imperii usu agi poterat. Convulsa lex illa fundamentalis, ut Statuum suffragia maiora valeant, & accedente Imperatoris voluntate in Imperii Recessum abeant.

Cum anno sequente 1530. in Augustano Imperii conventu Augustana Confessio ejusque Apologia a Cæsare & Ordinibus esset rejecta, mox Protestantes secessione facta contra Imperii leges fœdus suum Smalcaldicum, jam ante conceptum adversus Imperatorem & Status Catholicos procuderunt, contra Reipublicæ ordinem introducto statu in statum. Nec desierunt postmodum plures semper pluresque in hoc fœdus asciscere, sollicitatis etiam externis Regibus, ut majorem potentiam Cæsari possint opponere.

Hoc fœdere munitis in tantum crevit animus, ut omnia fusdeque vertere impune se posse crederent. Bello appetitus ab Hassio Rex Ferdinandus Cæsaris frater, Ulricus armata in Wirtembergiam manu inductus, ejeçtis Austriacis. Henricus Dux Brunsvicensis, quod esset Catholicus ac sua defenderet, bello illato provincia spoliatus, una cum filio in carcerem a Landgravio abductus, & in eo pertinaciter detentus. Georgii Saxonæ Ducis Catholici testamentum eversum: Cæsar ejusque frater jure hæreditatis sibi delatæ, spoliati. Pflugius Episcopatu dejectus a Saxone, ut Amsdorffio Luthericolæ locum cedat. Bona Ecclesiarum, Monasteriorum, Abbatiarum, Episcopatuum, passim direpta ac profanata.

Catholici tot contra pacem publicam, contraque omnia Divina & naturæ jura injuriis & oppressionibus afflicti Camerale Imperii tribunal appellabant. Excipiebant Protestantes, hoc judicium, utpote ex Pontificiis conflatum, sibi merito esse suspectum; eoque rem deduxerunt, ut Cæsar Camerae Jurisdictionem in causa Religionis suspenderet. Cum autem Camera adversus rapinas bonorum Ecclesiasticorum, privatasque invasiones, per pacem publicam tam severe veritas, nihilominus, prout jure poterat, procederet, negant injusta spolia, rapinas, invasiones ac direptiones rei alienæ ad religionem pertinere, Cæsar, premente hinc Turca, inde Gallo, Protestantibus vero subsidia negantibus, imo in ipsis Germaniæ visceribus postulationibus, minisque perstreptentibus, coactus est, usque dum per Concilium Religionis dissidium esset compositum, Judicium Camerale quoad causas Protestantium omnino suspendere, ut adeo per viam juris, sive rapta retineant, sive plura rapiant, nihil amplius agi posset; cum Judicium etiam Aulicum aliunde jam repudiassent.

Jam vero abrogatis judiciis, spretis legibus, ipsa summi Judicis potestate enervata, quam Reipublicæ formam enasci necesse sit, quam justitiam administrandam, cum administrare sit interdictum, quam pacem & tranquillitatem conservandam, facile quivis sanæ mentis intelligit.

Unum supererat remedium, Concilium Ecclesiæ, ad cujus usque decisionem suspensio actionum judicialium permessa fuerat. Verum & hoc elusum est refugium.

Initio, dum Lutheri affectu adhuc pauci essent & infirmis viribus, ad Concilium identidem provocabant, non, quod illud animo serio expeterent, sed ut interea Wormatiense editum sufflaminarent, atque rebus suis firmatis ad vim adversus Cæsarem & Catholicos se compararent, satis gnari, Concilium tam facile tamque brevi non posse colligi.

Aucti dein majori ad sectam suam accessione, rejecto Mantuano aliove Italico Concilio, appellarunt ad liberum in Germania celebrandum. Hoc pariter impetrato, indistinctoque Tridentum Concilio cum plena proponendi ac loquendi libertate, cum rem serio agi viderunt, rursus exceperunt, non esse hoc Concilium sibi promissum: Tridentum Italicam potius esse civitatem; non esse illud indicendum a Papa, neque præsidere eum oportere aut votum ferre, cum non sit Judex, sed Reus, tot abusuum, quin & errorum in fide postulatus; Protestantibus etiam Doctoribus concedendum liberum suffragium; & si quid contra eorum votum & sententiam concluderetur, Protestantes eo non obstrictos fore &c. Verbo: tale petebant Concilium, quale nunquam fuit habitum, & quale sibi concedi non posse, præviderant.

Confecto dein bello Smalcaldico, captisque ejus auctoribus, miserunt quidem Protestantes, aut potius mittere simularunt suos Tridentum, ut fucata hac specie belli consilia tegerent, atque Imperatorem, dimissis ex Germania copiis, inermem, nihilque tale a cliente Mauritio opinantem, repente obruerent.

Extorta tunc equidem Transactio Passaviensis & Pax Religiosa, sed eum Pacis Articulum, qui *Reservatum Ecclesiasticum* complectebatur, omnium Ordinum, etiam Protestantium, subscriptione firmatum, passim transgressi, multos Episcopatus, Prælaturas, Ecclesias, Monasteria, fundationes sacras diripere ac profanare perrexerunt; eaque injusta spolia firmari sibi postularunt; quod, cum Imperatores non illico facerent, novis coadunationibus, foederibus, invasionibus, bellis,

bellis, accitis etiam in Germaniæ perniciem Danis, Suecis, Batavis, Gallis, extorserunt.

Ex iis, quæ ex Historia illius ætatis recensita sunt hætenus, facile colligi posse arbitror, quanam pars dissidiorum, turbarum, seditionum, bellorum civilium, ortarumque ex iis ingentium calamitatum, causa fuerit & auctor: an ea, quæ more Majorum Germaniæ in pace vivendum putabat, an vero ea, quæ protritit veterum institutis, legibus, moribus, novam Religionem, discordiarum omnium fontem, novam Reipublicæ formam induxit, schisma Lutheranum conflavit, Germaniam scidit: an ea, quæ Imperatori supremo suo Magistratui morem gerit, iisque, quæ a Comitibus Imperii ex ordine conclusa sunt, an vero ea, quæ Majestati Cæsareæ refractaria Comitiorum edicta, Imperii Recessus contemnendo & abjiciendo, bases ac fundamenta Imperii subruit; adversus caput fœdera colligit, atque externos etiam Principes concitat: An ea, quæ antiquissimam suam possessionem tuetur; an vero ea, quæ eandem adimere omni conatu adlaborat: an ea, quæ sua retinere, an vero ea, quæ aliena rapere, & sacra omnia profanis miscere contendit.

Sed quid opus pluribus in causas tumultuum bellorumque civilium inquirere, cum ipsum edictum Cæsareum, quo Joannem Fridericum, & Philippum proscripsit, gravissimum hujus rei documentum afferat?

In eo Imperator initio prolixè commemorat, quantos hucusque ^{143.} sumpsit labores, ut Germaniam in univèrsam pacaret, cujusmodi Protestatio Cæsaris, fecerit ejus rei decreta, quibus cautum sit, ne qua vis cuiquam fiat, quacunque de causa, verum ut legibus atque moribus agatur; deinde quomodo sibi devincti sint, & quam fidem præstare debeant Ordines Imperii.

Sed his omnibus neglectis Joannem Fridericum Electorem Saxonie, & Philippum Hassiæ Landgravium, temerario quodam ausu studium atque laborem suum omnem, pro Republica susceptum, singulis temporibus, quantum in ipsis fuerit, impediisse, neque dicto fuisse audientes, & non modo sese opposuisse, sed alios etiam Ordines, ut idem facerent, & illicitas cum ipsis inirent conjurationes, impulisse.

Et Landgravium quidem superioribus aliquot annis bellum instituisse in quosdam primi nominis Ordines Imperii, & in eorum fines progressum, pecuniæ vim magnam extorsisse; deinde ambos simul quemdam Imperii Principem, indicta causa, bello petitem, finibus expulisse, occupata provincia; sed & Episcopatus ac Præfecturas,

tam sacras quam civiles, quarum domini veteri consuetudine sint ditionis Imperii, & onera publica sustineant, & in Ordinum confessum locum obtineant, in suam ditionem perduxerint, & adhuc quidem illos, licet sæpius in Comitibus Cæsaris fidem imploraverint, in ea servitute detineri; multos quoque suis facultatibus & proventibus annuis spoliatos, & alienæ ditionis homines in eorum clientelam receptos; nuper etiam audacia quadam singulari sollicitatos quosdam Ordines, ne ad Ratisbonensia veniant Comitibus, ut videlicet actionem omnem impedirent, Cæsarisque contemptum excitarent.

Et hæc quidem omnia tanto eos facere liberius atque licentius, quod judicia contemnant, nec Magistratum agnoscant aut revereantur. Nam ipsorum culpa supremum Imperii tribunal esse sublatum, tacere leges, & multo jam tempore jus nullum dici, magno sane cum dispendio plurimorum, & novo prorsus atque inaudito exemplo; quodque omnium sit gravissimum, hæc omnia eos agere specioso illo & dulci nomine Religionis, pacis, atque libertatis; his enim eos uti tanquam palliis, ut suas illas tegant machinationes, cum interim nihil minus quam Religionis conciliationem, aut Germaniæ pacem atque libertatem expetant.

Certe nullo scripturæ loco doceri posse, quod ipsis liceat, summo Magistratui suo quovis modo pertinaciter sese opponere. Contrarium omnino doceri posse tum sacris litteris tum probatis historiis, nempe priscos illos Christianæ fidei professores, profanis quoque Regibus obtemperasse. Quo certe minus licere istis, officium suum Cæsari negare specie Religionis; & cum denegent, aperte eos declarare, ipsorum esse consilii, ut diadema, sceptrum atque potestatem omnem Cæsari adimant, sibi que usurpent, & conturbatis omnibus, Religionem, jus, pacem, atque libertatem opprimant, & aucti novis honoribus, facultatibus, & fœderibus, in suam tyrannidem omnes cogant. Hoc enim eorum verba testari, plena minarum, libellos atque picturas famosas, passim disseminatas & in vulgus sparsas, magno cum Cæsarei nominis ludibrio atque contemptu.

Præterea non solum fœdera iniisse adversus Cæsarem suis illis in conventiculis, verum etiam externos Reges in odium ejusdem concitasse, & clanculum ope consilioque juvisse. Non deesse etiam, qui testari possint, quid moliti sint, ut Turcam in Germaniam excitarent. Quod eo magis credi possit, quoniam ad eorum institutum ea res perquam fuisset opportuna. His ergo factis fidem esse violatam, qua Cæsari sunt devincti, & muneris ejus dignitatem

con-

convelli, & decreta omnia labefactari. Hæc etenim ab eis non aliter accipi, quam, ut ipsis solis permiffum fit cuilibet vim facere, aliis vero vim a fe repellere non liceat.

Quamobrem in graviffimum illud læsæ Majestatis crimen, & in pœnas eo nomine dignas, legibusque præscriptas eos incidiffe: & quia nota sint ipforum facinora, non opus esse ea ulterius demonstrari. Quamvis autem Cæsari pro authoritate sua multo ante licuerit in eos pro ipforum merito animadvertere, tamen studio pacis, & motus vitandi causa, plurimum illis indulgisse, multa sæpe concessisse, magis etiam, quam deceret, in eoque conscientiam suam non semel læsisse, & authoritatem suam minuisse, & aliis parum bene consuluisse.

Sic ante quinquennium Ratisbonæ cum Landgravio, ante biennium vero Spiræ cum Saxone clementissime actum, ea spe, futurum, ut hac immodica Cæsaris lenitate & tolerantia victi desisterent tandem aliquando a suis illaudatis consiliis, nec opus esset violentius aliquod remedium adhibere. Cum autem ipsa re nihil esse profectum, & verba duntaxat sibi data comperiat, eo quod suis & Imperii decretis contemptis, & violatis pactis, obstinate pergant, & effræni quadam dominandi cupiditate facultates aliorum diripiant, neque legibus teneri velint, sed eo tendant, ut omnem reipublicæ statum evertant, & vero, nisi coerceantur, non modo non religio conciliari, sed nec reliquæ etiam reipublicæ partes possint constitui atque sanari, cogi se adversus eos uti ea, qua sit præditus, potestate.

Et quia, subdit Cæsar, de rebellionē constat, ita quidem, ut ipsi negare non possint, deinde quia violenter agunt, neque judicium ullum subire volunt, equidem illos, ut perfidos rebelles, seditiones, læsæ Majestatis reos, & communis otii perturbatores proscribo, & statutum habeo, in illos, ut meriti sunt, animadvertere; quo per ipsos mihi liceat, rempublicam constituere, & ea facere, quæ proprie sunt mei muneris.

Mandat deinde, ne quis opem eis ferat, aut partibus eorum se adjungat, sibi vero auxilia subministrent. Populo autem eorum ditionis fidem ac jusjurandum, quo ipsis devincti sunt, remittit, &, si morem gerant, publica fide cavet.

En fontes! en causas belli! neque tamen propterea, quod hoc edicto Saxonem & Hassum proscripserit, & vindicare in eos constituerit, bello initium dedisse dici potest Cæsar; cum hæc acta sint primum, postquam tota jam Germania armis Smalcaldicis pertrepebat; postquam in Tyrolin jam, Ehrenbergensi propugnaculo capto, Schertelio duce, irruperant; postquam Donaverdam
jam

jam aliaque oppida vi expugnaverant; postquam centum jam ferme millium exercitu, omni apparatu instructo, adversus Cæsarem, ferme inermen, nec plus quam octo millia apud se habentem, armati processerant. Ex quo ipso etiam facile est colligere, quis primus bellum intulerit; an is, qui nullo ferme milite & apparatu bellico erat succinctus, an vero illi, qui collecto ex omni Germania milite innumerabilem prope multitudinem in Cæsarem, adeo imparatum, ducebant.

At vicit nihilominus Divinis auspiciis causa melior. Disturbatus ingens ille exercitus: traductæ in Saxoniam Cæsareæ copiæ; victus hostis, captusque. Patuit tunc, quam vanæ fuerint falsæque criminationes illæ Smalcaldicæ, jactæ in Cæsarem, id ejus esse consilii, ut, eversa libertate, Germaniam in servitutem adducat, ac jugo Hispanorum subdat, aut Ordines juribus suis privet, ut novam Imperii formam constituat.

Si enim hoc unquam Cæsari fuisset animi propositum, quodnam tempus ad id perficiendum fuisset opportunius, quam ubi victis captisque hostibus victicia per Germaniam signa circumtulit, ubi jam nemo hostis esse audebat; ubi Principes & civitates adversæ factionis supplices factæ Cæsaris arbitrio se permiserant. Profecto, si unquam, tunc certe potuisset plenam Monarchiam constituere.

Verum tanta fuit Cæsaris victoris moderatio, ut vim in memo senserit, nisi armatus, ut pristina steterit Germaniæ libertas, Ordinibus sua jura, cunctis, si voluissent, tranquillæ pacis possessio. Hinc ut rempublicam constituat, morbosque consueto Majoribus pharmaco sanet, Augustana indixit Comitia, ubi aliqua etiam ad Catholicorum invidiam Protestantibus indulgit; tantaque usus est clementia, ut non deessent, qui dicerent, Carolum nosse vincere, sed non uti victoria.

Sed caro ei stetit hæc indulgentia, bonaque de Protestantibus in futurum existimatio. Mox enim collectis rursus viribus, cum Cæsar copias suas, ad eximendam omnem suspicionem ex Germania dimisisset, moto repente novo bello eundem sunt aggressi, & inermem vix non opprefferunt; & quidem, quod auditu indignum, Mauritio Saxone, & Alberto Brandenburgico ducibus, quorum alterum paulo ante captivitate liberaverat, alterum non tantum ditionibus suis restituerat, sed Electoratu etiam magnisque accessionibus auxerat.

At in Concilio Tridentino, inquirunt, Religionis causam definire voluit, ejusque decreta omnibus haberi rata. Ita est; non vi, non

non armis, sed more Majorum, ex usu Ecclesiæ & disciplina veteri per Concilium componi voluit dissidium, ejusque sententiæ standum. Quid hic a munere suo alienum voluit: an non & Constantinus Arianum dissidium per Nicænam Synodum, Theodosius M. Macedonianum per Constantinopolitanam, Theodosius Junior Nestorianum per Ephesinam, Marcianus Eutychianum per Chalcedonensem, alii Imperatores alias hæreses, alia schismata, per alias Ecclesiæ Synodos extirpari voluerunt, earumque sententiis standum? si enim cuius liberum esset, Conciliorum definitiones pro lubitu acceptare vel rejicere, frustra convocarentur; sicut alia supervacanea & enervia essent judicia, si iudicis sententiam partes pro arbitrio possent abjicere.

Sed DEO magis obediendum quam hominibus. Quid? Si erret Concilium, si contra Verbum DEI definiat, si superstitionem foveat, prout Tridentinum erravit, definivit, fovit? Verum hæc Protestantium criminatio est omnibus sectariis communis. Ariani Nicænam, Macedoniani Constantinopolitanam, Nestoriani Ephesinam, Eutychiani Chalcedonensem Synodum, alii alias, a quibus condemnati sunt, erroris arguerunt. An bene? An ex vero?

In Spiritu Sancto congregantur sacra Concilia, illius ductu & influxu reguntur: errare non possunt in fide: ad Verbum Dei Canones formant. Non est privati spiritus Scripturas ad arbitrium interpretari. Ad Episcopos & Ecclesiæ Prælatos, totam Ecclesiam representantes, gravissimum hoc negotium pertinet. Hos Spiritus Sanctus posuit Episcopos regere Ecclesiam DEI: hos audire, his obedire Divinæ præcipiunt Scripturæ.

At Papa præsidere non debuit. Cur non? Præsedit semper, in Orientalibus per Legatos, in Occidentalibus plerisque per se ipsum. Cur jure & possessione vetustissima dejiciatur? Cur munus Pastorale in persona Petri a Christo sibi commissum abjiciat? An non & Arius, & Macedonius, & Nestorius, & Eutyches, & Dioscorus, & Photius idem eodem jure dicere poterant? Ipsi Protestantes ante conclusum fœdus Smalcaldicum petierunt a Cæsare Concilium, a Pontifice indicendum. Post bellum Smalcaldicum anno 1548. consenserunt in Concilium, secundum Cæsaris voluntatem celebrandum.

Nihil ergo iniquum præcepit Imperator, dum Concilii Tridentini definitionibus standum decrevit; sed gravissimo officio supremi Advocati & Defensoris Ecclesiæ functus est: prout in *Capitulatione* jurato promiserat. Si vero ex hac protectione Protestantes ansam captarunt, turbas ac seditiones concitandi, idem fecerunt, quod

Ariani, Donatistæ, Nestoriani. Sibi adscribant suæque imprudentiæ, quod rem optimam occasionem esse voluerint rei pessimæ. Num leges Divinæ humanæque sunt causa scelerum, quod mortalium perveritas eas transgrediendo peccet? An propterea saluberrima præcepta abroganda putabimus?

Quod dicunt, passionem Norimbergensem & Ratisbonensem, qua cautum erat, ut actiones forenses in causis Protestantium sint suspensæ, a Cæsare & Camera Imperiali fuisse infractam, alienum omnino est a veritate; nec causam querimoniarum ullam possunt sibi inde accerere; nisi forte existiment, sibi per pacem licere spoliare, rapere, prædari, Germaniamque omnem turbulentis coitionibus, conspirationibus, violentis direptionibus miscere, Cæsari vero contra nec hiscere.

Non Cæsar sed Smalcaldici, quietis impatientes, passionem illam infregerunt, dum Religionis prætextu nova invaderent raperentque bona Ecclesiastica, plures pluresque in fœdus suum pertraherent alienos etiam ab Augustana Confessione sectarios in pace comprehensos vellent, ipsosque adeo Galliæ & Angliæ Reges sollicitarent adversus suum Imperatorem; ut hic non raro, vel ipso Sleidano teste, ad Ordines conquestus est. Accedebat, quod appellando ad Concilium, atque ad illud usque suspensionem actionum pacti, Cæsarem & Catholicos Ordines turpiter deluderent, cum Concilium indictum repudiarent, taleque postularent. quale nunquam fuerat, quodque concedi sibi non posse videbant.

ARTICULUS XI.

Historica Relatio de statu Imperii a bello Smalcaldico usque ad Pacem Religiosam.

^{145.}
Comitia
Augustana.

VICTIS Smalcaldici fœderis sociis, eorumque Capitibus in captivitate abductis, Cæsar, ut distortam Rempublicam in ordinem reponat, atque constituat, anno 1548. *Comitia Augustana* indixit. Quæ fuerunt admodum frequentia, præsentibus per se ipsos omnibus Septemviris.

Præter Religionis negotium, & Constitutionem *Interim* promulgatam, imperatæ Ordinibus pecuniæ ad instruendum publicum Imperii ærarium, & bellum Turcicum apparandum. Belgii Provinciæ
(inter

inter quas etiam Geldria nuper occupata, cum Ultrajecto & Transilana, quæ anno 1528. se Carolo V. subjecerant) Imperio innexæ sunt; ad communes Imperii sumptus tantum iustæ contribuere, quantum duo Electoratus solebant conferre. Mauritius publice dictus Saxonix Elector, præsentē & inspectante Joanne Friderico exaugurato.

Henricus Dux Brunsvicensis post prælium Mühlbergense liber e Causa carcere dimissus, ac provinciæ suæ restitutus, plures gravesque ad Brunsvicum versus Smalcaldos querelas proposuit, sibi quæ satisfieri petiit. Agitatus etiam causa Alberti Brandenburgici, qui Borussia Ordini Teutonico, cujus ante Magister erat, postquam ad Lutherum secesserat, rapuit, & sub protectione Poloniæ retinebat, postulante Polono, ut tollatur illius proscriptio: reclamante vero & absolutioni in Borussia. tercedente Melchingerō, Magistro Ordinis. Consultis Ordinibus respondit Cæsar, causam judicio definiendam; Gedanum vero & Elbingam, quas Sigismundus Rex Polonici juris esse iusserat, Imperiales esse civitates, ac proin jure ad Comitata fuisse vocatas.

Conditæ etiam his in Comitibus novæ Leges Christianæ politices Leges politice contra blasphemias, capitali supplicio plecti iussas. Contra dejectiones, quæ continuatæ carcere puniendæ, aliisque modis pro qualitate culpæ. Contra computationes & ebrietates. Contra luxum vestitum. Contra fornicarios & adulteros. Contra nautas & aurigas aquam pro vino extracto vasis infundentes. Contra usurarios, exercentes monopolium, & annonæ flagellatores. Contra otiosos mendicos, moriones, scurras, satyricos, spargentes famulos libellos, picturas &c.

Si pupillis testamento non sint dati tutores, a Magistratu dandos decernitur: qui inventarium conficiant, cautionem præstent, fidem jurent, ac solertiam, & quidem sub hypotheca omnium suorum bonorum. Judices, Advocati, & Procuratores lites & causas non protelent. Abstineant a convitiis sub gravi pœna. Magistratus invigilent, ne aurifabri decipiant, aut opifices nimis cara mercede operas locent.

Confirmata etiam Pax Publica, a Maximiliano I. sancita, additæque novæ pœnæ in transgressores, & leges contra proscriptos, seu declaratos in *bannum* Imperii.

Capite 17. hujus Recessus enumerantur varii modi, quibus illicitæ usuræ tunc temporis exercebantur: & quidem §. 1. dicitur, aliquos creditores in syngrapha multo plus ponere, quam sit mutuum, ex quo plus *3^o super quinque pro centum pendantur.* Quibus verbis

Census
Germanici.

videtur supponi, quod quinque pro centum annuatim exigere liceat, non vero plus. §. 8. vero hæc habentur: *centum florenis quinque tantum & non amplius annuatim, velut usitatum est, floreni emanantur.* Ergo illa jam ætate census Germanici erant usitati, & supponebantur liciti. Denique in his Comitibus Cæsar cum Statibus Ecclesiasticis decrevit, ut plures Synodi Provinciales & Diocesanae celebrentur, ad disciplinam Ecclesiasticam, multis partibus deformatam, pristino nitore restituendam. Quare plura dein habita sunt Concilia, ut postea dicetur.

Finitis Augustanis Comitibus, anno 1549. Cæsar Constantiam & Magdeburgum, quia Constitutionem interim recipere detestabant, proscripsit; & illam quidem expugnatam atque libertate civita is Imperialis privatam, Domui Austriacæ asseruit, hanc vero oppugnamdam Mauritio novo Saxonie Electori commisit; at maximo suo in futurum damno. Nam is hac potestate abusus militem conscripsit, & fœdera inivit clanculum adversus ipsum Imperatorem suum, & Patronum maximum.

146.
Comitia
Augustana altera.

Imperator vero, debellatum existimans, securus sui, in Belgium abiit; ubi Philippo filio suo homagium a Provinciis præstari voluit. Inde vero cum eodem filio suo anno 1550. in Germaniam regressus, altera *Augustæ Comitia* celebravit; factumque decretum, ut ad Augustanum, biennio abhinc conceptum religionis edictum, omnia componantur, contumaces puniantur, & bona Ecclesiis ablata restituantur. Actum etiam de præstandis subsidiiis ad ulteriorem Magdeburgi oppugnationem. Denique Cæsar in his Comitibus, prout etiam antea Ferdinandum fratrem persuadere conatus est, ut Romanorum Regis dignitatem in Philippum transferat, quod tamen is facere recusavit.

Hoc eodem tempore Dragutius, insignis pirata, Ottomannicæ classis præfectus, cum Sicilia & Hispaniæ oras infestaret, Cæsar adversus eum Joannem Vegam Siciliæ, & Petrum Toletanum Neapolis Prorogem cum Andrea Auria misit; qui barbaro superato Mahumediam, ipsius regiam, expugnarunt. Quæ res novo bello Turcico occasionem dedit.

Bellum
Parmense.

Hanc expeditionem excepit bellum *Parmense* anno 1551. nam Octavius Farnesius Cæsaris gener, cui in bello Smalcaldico tam fidam navarat operam, existimans, patrem suum Petrum Aloysium eodem conscio interfecit, cum Placentiam Ferdinandus Gonzaga Dux Cæsareus ipsi eripuisset, Henricum II. Galliæ Regem imploravit, qui auxilium protinus addixit, inito jam alias cum Mauritio Saxone ad-

ver.

versus Cæsarem fœdere. At res tandem ita fuit composita, ut Osta-
vius præter Parmensem Placentinum etiam Ducatum reciperet.

Haud multo post, anno videlicet 1552. secutum est alterum in
Italia bellum, nempe *Senense*. Quippe Senenses Gallorum instinctu *Senense*
expulso Hispano præsidio, receptoque Gallico, in libertatem se af-
ferere sunt conati, Draguto etiam Turcicæ classis præfecto, qui Me-
diterraneum oberrabat, eorum conatus adjuvante. Cæsarei nihilo-
minus & Florentini urbem, arcta obsidione cinctam, fame potissimum
ad deditionem compulere; Portu etiam Herculis e Gallorum mani-
bus erepto (1555.) postea Philippus II. Senas Mediceis vendidit, re-
tento statu Præsidii.

Sed gravius multo eodem ferme ac priora tempore exarsit bel-
lum geminum contra Cæsarem, Mauritianum nempe ac Gallicum;
quod *part. 3. cap. 6. §. 9.* descripsi. Et illud quidem subito intulit
anno 1552. Mauritius Saxo Septemvir, summis beneficiis devinctus
Cæsari; quo *Transactio Passaviensis* fuit extorta; cujus hæ sunt con-
ditiones, prout apud Sleidanum lib. 24. extant & apud Struvium in
Hist. Imp. period. 10. §. 94.

Confœderati Principes ab armis discedant, & copias ita dimit- 147.
tant, ut Ferdinando Regi adversus Turcam militent, aut liberi abire Trans-
sinantur. Landgravius liber dimittatur, postquam cautionem præsti- *actio Pas-*
terit de servandis conditionibus, Halæ Saxonum a Cæsare latis, salvo *saviensis.*
tamen jure Cassellam muniendi &c. in quam rem renovata sponsio-
ne Mauritius & Brandeburgus se rursus obligant. Controversia, quæ
Landgravio est cum Nassovio comite de ditione Cattorum, recogno-
scatur per Principes Electores, & eos, quos Cæsar designaverit.
Intra sex menses Cæsar Imperii conventum aget, in quo deliberetur,
qua ratione dissidium Religionis componi debeat: an Concilio gene-
rali, an Nationali, an Colloquio, vel communi etiam Imperii con-
ventu. Pacem interea colent omnes, & propter religionem nulla
cuiquam exhibebitur molestia.

Ad Imperialis Judicii confessum seu Cameram admittantur ii
etiam, qui sunt Augustanæ Confessionis. Reliqua omnia, quæ per-
tinent ad Germaniæ decus & libertatem, in Imperii Comitibus tra-
ctari debent.

Ottoni Henrico Palatino suæ regionis Neoburgensis dominium
atque possessio libera permittitur. Confœderati sui juris erunt, ut
antea.

Quibus damnum hoc bello datum est, nullam eo nomine litem
movebunt iis, qui dederunt. Cæsaris tamen & Ordinum erit in pro-
ximis.

ximis Comitibus rationem aliquam inire, quomodo sarciantur iis, quod passi sunt damnum.

Ad Galliæ Regem quod attinet, quoniam Imperii res ad ipsum nihil pertinent, licebit, ut quas cum Cæsare habet privatas actiones, eas exponat Mauritio, ut post ad Cæsarem omnia referantur.

Proscripti recipiuntur in gratiam, modo nihil posthac in Cæsarem ac reliquos Ordines faciant: modo etiam illi, qui Galliæ Regi militant, intra tres menses redeant in Germaniam, illo deserto.

Albertus Brandenburgicus comprehenditur in hac pace, modo discedat ab armis, & militem dimittat.

Hanc pacem qui violaverit, hostis iudicabitur.

148. Displacuit hæc transactio Alberto Brandenburgico, Marchioni
Albertus Culmbacensi. Quare is non desit immanitate plus quam barbara in
Branden- Franconiam, Provincias Rhenanas, Alsatiæ, Lotharingiam, atque
burgicus. eos præsertim, qui Ecclesiastici sunt ordinis, furere, & immensis
exactionibus, cædibus, incendiis omnia complere, viginti millium
secum circumferens prædonem exercitum. En novi Evangelii fructus!
hoc nimirum erat reformare Ecclesiam.

Post vastatas Germaniæ provincias Princeps hic reformator se cum Gallo conjunxit. Mox eo deserto, Cæsaris partes secutus est. Soluta dein obsidione Metensi, ac Cæsare in Belgium abeunte, regressus in Germaniam anno 1553. Provinciarum vastationes instauravit, tanta crudelitate, ut eum a Cæsare & Camera Imperiali proscribi necesse fuerit, executione Saxoni commissa, qui victor in acie cecidit.

Albertus altero prælio cæsus ab Henrico Brunsvicensi, in Galliam fugit, ac inde redux mortem appetiit 1557. homo, si quis unquam, ferox, ac turbulentus, atque ad reipublicæ perniciem natus, abundabat enim militibus, utpote quibus omnem prædandi furendique licentiam permiserat.

Saxo. Mortuo Mauritio Joannes Fridericus Electoralem dignitatem cum provinciis, quas amiserat, petiit. Verum intercedente Dano Augustus Mauritiæ frater in possessione remansit, traditis duntaxat aliquot urbibus, cum centum florenorum millibus, ac stabilita lineæ Ernestinæ successionem, si Albertina deficeret.

Anno 1554. Carolus V. filio Philippo Ducatum Mediolanensem cessit; anno vero sequente Belgii provincias, & brevi post universam Hispaniæ Monarchiam, in utrumque orbem late exportatam, reservatis sibi duntaxat in annos singulos centum florenorum millibus.

ARTICULUS XII.

Pax Religiosa.

ANno 1555. Carolus V. qui, abdicatis hæreditariis provinciis, Casaream dignitatem tantisper adhuc retinebat, per Ferdinandum fratrem *Comitia Augustana* indixit; concessa eidem plena agendi libertate. Post multam concertationem pax tandem decreta his 22. Articulis.

1. Tolluntur omnes privatae invasiones, diffidationes, bella &c. & Pax Publica observari jubetur.
2. Propter Augustanam Confessionem nullus Status Imperii violetur, aut impetatur, aut ad eam deferendam cogatur, permessa quiete. Diffidia vero per amicam & pacificam conventionem componantur.
3. Similiter antiquæ Religioni addicti in omnibus suis juribus, possessionibus, ritibus, ceremoniis &c. quiete ac pacifice relinquuntur.
4. Hac pace gaudent soli antiquæ Religioni & Confessioni addicti, exclusis omnibus reliquis.
5. Si quis Archiepiscopus, Episcopus, Antistes, aut alius Ordinis Ecclesiastici a veteri Religione deficiet, is continuo Episcopatum suum aut Beneficium relinquat cum omnibus fructibus, ac Ecclesiæ cedat, cui integrum est alium ejus loco constituere, qui sit veteris Religionis, salvis nempe per omnia electionis, institutionis, præsentationis, confirmationis, aliisque id genus juribus. Ei tamen, qui ad Augustanam Confessionem sic deficeret, ad nullam infamiam id cedat. Hic Articulus *Reservatum Ecclesiasticum* appellatur.
6. Quia nonnulli Ordines Imperii quasdam præfecturas Ecclesiasticas, Collegia monachorum, & alia id genus bona sacra sibi sumptuerunt, non interpellentur hoc nomine: nec in jus propterea vocentur, sed ejusmodi bona, quæ non pertinent ad Ordines Imperii, vel alios Imperio plane subjectos, & quorum possessionem tempore transactionis Passaviensis Ecclesiastici non habuerunt, suo loco permaneant. Neque Camerae Judicibus propter hæc ab illis usurpata & alienata bona jure quidquam adversus illos experiri liceat.

7. Ju-

7. Jurisdīctio Ecclesiastica adversus Augustanæ Confessionis confortes maneat suspensa, quoad sublatum sit dissidium. In cæteris rebus religionem A. C. non concernentibus, exerceatur more ac jure veteri ab Episcopis &c.
8. Census, redditus, decimæ &c. solvantur, sicut ante religionis dissidium, salvis cujusque juribus.
9. Lites desuper exortas decadat unus vel alter ex utraque parte designatus. Si autem hi non convenirent, tertius arbiter commissarius, qui neutrius sit partis, eligatur.
10. Ad neutram religionem quis cogatur.
11. Jus emigrationis valeat. Liceatque alio migrare volentibus, sua bona vendere, distrahere, &c. salvis tamen magistratuum, superiorum, ac dominorum pristinis juribus in taxas ordinarias &c.
12. Hæc pax fervetur, usque dum per Concilium Generale, aut Nationale, aut per Colloquium, aut Imperii Conclusum religionis dissidia sint sublata. Si controversiæ non componantur, nihilominus hæc pax firma maneat.
13. Imperii Nobilitas, Imperatori & Imperio immediate subiecta, huic paci sit inclusa.
14. Ubi veteri Religioni & A. C. additi sunt commixti, uti in pluribus urbibus Imperialibus, pacifice & quiete inter se vivant; nec altera pars alterius religionis exercitia, ceremonias &c. impediatur aut turber.
15. Hic pacis tractatus derogat omnibus prioribus Imperii Recessibus & Ordinationibus, quæ sunt aut videntur contrariæ. Nec ullæ declarationes, aut aliud quid, quo hæc pax impediretur, fiat aut admittatur; secus illud omnino irritum fore.
16. Cæsar promittit, quod neque ex plenitudine potestatis, vel alio quocunque prætextu velit huic paci derogare.
17. Id & promittunt Ordines Imperii.
18. Repetuntur mandata de non turbando & offendendo.
19. Præsidi & Assessoribus Cameræ Imperialis, ut in judicando huic paci se conforment.
20. In Comitibus post sex menses Ratisbonæ celebrandis tractandum de componendis Religionis controversiis.
21. Ordo sessionis, voti, & subscriptionis nullius juribus præjudicet.
22. Sequitur iterata contestatio servandi hanc Pacem, cum omnium Statuum subscriptione.

ARTICULUS XIII.

DISSERTATIO

De Reservato Ecclesiastico.

Reservatum Ecclesiasticum, quo statuitur, ut si quis Episcopus, 150.
Prælati, aut alius quispian Ecclesiastici ordinis a Catholica Omnes sub-
fide deficiat, Episcopatum, Prælaturam, aut Præbendam, scribunt.
cum omnibus redditibus & proventibus Ecclesiasticis illico amit-
tat, novusque ex Catholicis substituatur, cui omnia jura obve-
niant, hoc, inquam, Reservatum magnam excitavit in Comitibus
Augustanis controversiam.

Nam Protestantes initio vehementer repugnabant: Religioni
id suæ probrosum rati, eamque tacite condemnari. Verum cum
Ferdinandus Rex nulla ratione induci posset, ut eam Reservationem
remitteret, sed ex plenitudine potestatis, sibi a Cæsare delegatæ,
Articulum illum paci infereret, omnes absolute subscripserunt, abs-
que ulla adjecta conditione aut limitatione, approbando omnes Ar-
ticulos, omniaque illius puncta, adeoque etiam Articulum illum,
ut sinceriores ac veraciores ex Protestantibus Scriptores facile agno-
scunt; & candide fatentur cum Struvio *Hist. Imp. tom. 2. Period. 20.*
§. 101. n. 14. ubi ait, Protestantes toti paci absque protestatione &
reservatione subscripsisse, adeoque etiam illi Articulo.

Incredibile distu, quoties & quam importune quidam Protestan-
tes variis in Comitibus contra hoc Reservatum insurrexerint, illudque
abolitum voluerint, negatis etiam ad bellum Turcicum subsidis, nisi
penitus expungatur. At constanter obstiterunt Imperatores, id au-
thoritate sua efficientes, ut pax Religiosa absque exceptione ab Ordini-
bus non raro confirmaretur. In ipsis etiam electionis Capitulationi-
bus Electores a subsecutis Imperatoribus exigebant, ut jurarent,
se pacem Religiosam integre servaturos.

Sed neque per hoc Reservatum ullo modo derogatur transactio-
ni Passaviensi, sed illi quam maxime est consentaneum. Siquidem
illa religionem alterutram gravari aut vexari vetat. Quantum au-
tem gravamen foret, si personæ Ecclesiasticæ antiquissimas fundatio-
nes evertere, Ecclesias bonis, Capitula suis juribus privare, & tam
opima spolia ad uxores possent afferre. Profecto sic cupidus homini-

bus licitum foret totum statum Ecclesiasticum turbare & fortunis suis evertere, contra transactionis Passaviensis placita.

Unde falsum omnino est, quod Protestantes dicunt cum Linnæo *in addit. ad l. 1. c. 3.* clausulam illam, quæ Reservatum condinet, non pertinere ad substantiam pacis; nam id, sine quo Ecclesia Catholica non potuisset secure juribus suis ac bonis frui, sine quo Ordines Catholici absolute detestabant inire pacem, utique pertinet ad substantiam pacis, quæ utriusque partis securitati & tranquillæ possessioni consultum voluit. Accedit, quod Pax Religiosa quoad omnes articulos, clausulas, & puncta sit observanda, sive dein dicantur pertinere ad substantiam, sive ad accidentia referantur. Atque quoad omnia puncta servanda Imperatoribus noviter electis proponitur, uti Ferdinandus II. in Edicto Restitutionis asserit, & capitulationes Cæsareas inspicienti patet.

152.
Conforme
Verbo DEL.

At cum Divinis Scripturis, inquit, cum jure naturali pugnat Reservatum Ecclesiasticum, eo quod libertatem hebetet Evangelicam religionem amplectendi, Verbi Divini oraculis adeo dilucide assertam.

Hic jam olim fuit, & etiamnum est clamor Protestantium, ab omni veritate multo alienissimus. Quænam sunt illæ Scripturæ, quænam oracula, quibus Lutheri sphalmata comprobentur? Insignis hæc est fraus Scriptorum A catholicorum, quos inter Sleidanus videtur eminere; ubique ad nauseam recoquunt, Lutherum ejusque affectas ex Verbo DEL themata sua demonstrasse, Papistas vero nunquam ex sacris litteris eundem impugnasse, sed ad humanarum duntaxat inventionum & traditionum miserum præsidium confugisse.

Apertum hoc est mendacium. Nunquam Doctores nostri detestantur, etiam ex sacra Scriptura cum Luthero ejusque progenie disputare, & argumenta sua frequentissime desumpserunt ex sacris litteris, ut facile videre possent, si veritatem amarent, Scriptores A catholici, ex disputationibus & scriptis Eckii, Cochläi, Pflugii, Gropperi, aliorumque, qui veritatem Orthodoxam adversus Lutheranos propugnarunt.

Quod autem in explicandis controversis Scripturæ locis etiam ad interpretationem Conciliorum, Patrum, Ecclesiæ, atque ad traditiones, Divinas, Apostolicas, Ecclesiasticas appellarint, profecto a nemine prudente vituperari debet. Cum enim quæstio oritur, quomodo sensum textus quispiam controversus sacræ Scripturæ habeat, cui potius credam, an ei, qui eundem explicat in eo sensu, quem nos docuerunt SS. Concilia, SS. Patres, sancta mater Ecclesia, cujus est judicare de vero sensu & interpretatione sacrarum Scripturarum, an

vero

vero illi, qui secundum cerebri sui libidinem sacros textus ad sensus in Ecclesia inauditos contra totius antiquitatis sententiam petulanter detorquet? quænam hæresis non esset donanda civitate, si arbitraría ejusmodi Scripturarum interpretatio locum haberet? (*videri potest opusculum meum de Verbo DEI*)

Falsum proin est, novitiam Lutheri doctrinam sacris Scripturis juri naturæ niti; nec alio sensu dici potest *Evangelica*, nisi, quod sanctum JEsu Christi Evangelium eversum eat. Falsum, quod Reservatum pugnet cum naturæ legibus. Quid enim actum? Pars catholica certat de damno vitando, pars Lutherana de lucro captando. Illa vult sua retinere: hæc aliena rapere; illa antiquissimas fundationes fartas testasque conservare: hæc evertere; illa cultum DEI, Ecclesiarum ornamenta, Ordinis Ecclesiastici decus propugnare: hæc pessundare, & sacra omnia profanis miscere. Cui jam parti jura naturæ suffragantur?

Et hinc, cum Lutherani dicerent, se bona conscientia non posse Reservatum admittere, Ferdinandus Rex fidenter respondit, id sibi relinquerent ac suæ conscientiæ, se DEO propterea rationem redditurum. Atque sic acquieverunt, & toti tractatui absque ulla exceptione aut limitatione simpliciter & absolute omnes subscripserunt, contenti, quod revocatis priorum comitiorum decretis sectæ suæ libertatem sint adepti.

At probrosum est, inquiunt, religioni A. C. eos Ecclesiasticos, qui eandem amplectuntur, Beneficiis Ecclesiasticis privari: hoc pacto eandem erroris tacite condemnari.

Verum, si per Reservatum secta Lutherana fuit condemnata, nihil aliud sequitur, quam eam sectam, quæ jam pridem a Comitibus Wormatiensibus aliisque sæpius fuit damnata, in his Comitibus Augustanis ab ipsis etiam Statibus Lutheranis fuerit condemnata; cum ipsi non minus quam Catholici absolute & illimitate subscribendo Reservatum approbarint. An hoc Religioni ipsorum sit probrosum, ipsi viderint.

Ferdinando certe Regi Ordinibusque Catholicis gloriosum, & æterna commendatione dignum fuit, sistere ruentem impetum, & opponendo aggerem lascivienti cupiditati, miserrimam pereundi facilitatem eripere.

Porro hanc pacem Religiosam ad amissim observarunt Catholici, non vero Acatolici. Sola Augustana Confessio per illam permissa in Imperio ac tolerata fuerat, exclusis sectis reliquis. Sub hoc vero fuco Calvinistæ etiam alique sectarii sunt ingressi, ut majus

153.
Non serva-
runt Acatolici.

Corpus Evangelicum conflarent. Contra Reservatum Ecclesiasticum Episcopatus passim Ecclesiis Catholicis sunt erepti ac profanati.

Cum autem hæc contra initum pacis tractatum esse cernerent, omni ope adlaborarunt pluribus in Comitibus, ut Reservatum aboleretur: Imperatoribus pientissimis pro munere & auctoritate sua strenue se opponentibus, & pacis observantiam urgentibus; tunc etiam, cum anno 1566. in Comitibus Augustanis Nobiles Luthero additi Maximilianum II. rogarunt, ut sibi ad Episcopatus & Prælaturas Ecclesiasticas, utpote ad conservandas Illustres familias a Majoribus fundatas, aditum concedat. Quasi vero Majores apprimè Catholici Ecclesias fundarint pro secta, quam nunquam noverunt, quæque avitam eorum Religionem totis viribus oppugnare & extinguere nititur.

Neque hic stitere conatus, sed ulterius progressi, Religionis libertatem etiam ad *Landssassios*, ut vocant, seu ad omnes subditos Imperii mediatos extensam volebant, adeoque universalem *Autonomiam* inducere moliebantur; cum tamen Pax Religiosa tantum Statibus Imperii eam libertatem permittat, vetetque molestiam illis propter C. A. inferri. Unde speciali Articulo Nobilitas Imperii immediata huic paci fuit inclusa; quod superfluum omnino fuisset, si omnibus universum libertas fuisset concessa. Igitur tantum illis, qui sunt Status Imperii, & Nobilitati Imperii mediatis. Quare frustra nobiles & civitates, Principi Fuldensi subiecti, anno 1575. Pacis Religiosæ titulo Religionis licentiam extorqueri nitentur; uti etiam subditi Domus Austriacæ.

ARTICULUS XIV.

OBSERVATIO

Circa ea, quæ Carolo V. ab Heterodoxis obijciuntur.

Quamvis summa sint gloriosissimi atque invictissimi Imperatoris Caroli V. in Imperium & Religionem Catholicam merita, non desunt tamen calami heterodoxi, qui cum Sleidano, Thuano, & Hippolytho a Lapide, personato illo Domus Austriacæ mastige, varia in eo reprehendunt.

Atque

Atque imprimis dicunt, quod plures Imperii ditiones aut alienaverit, aut Domui suæ appropriaverit: retinuisse enim sibi Ducatum Mediolanensem, ac dein in filium suum transtulisse, cum Imperio fuisse vindicandum. Neque Florentinum uniisse Imperio, sed Medicæis concessisse, contra inita Capitulationis pacta; Senas contra datam fidem libertate privasse, ac Philippo filio donasse. Parmam & Placentiam tradidisse Pontifici: Ducatum Wirtembergicum primo quidem Duci Ulrico ademisse, ac dein feudum Austriæ constituisse: Constantiam, liberam Imperii civitatem, Austriacis propriam fecisse.

Sed respondent alii, imprimis telum hoc in Protestantes retorquendo, quorum fœderibus, cum exteris Regibus contra potentissimos Cæsares initis, tot urbes, ditiones, provinciæ, in Gallorum & Suecorum manus fuerint delapsæ, tot Episcopatus, possessiones, jura, ac dominia Catholicis Statibus erepta, hoste extero in ipsa Germaniæ viscera adducto tot damna & clades illatæ, quorum vel sola recordatione horrescat mens Germana.

Dein magnam adhuc eamque geminam esse disparitatem inter alienationes, Protestantium fœderibus & auxiliis Imperio extortas, & eas, quæ Cæsari obiciuntur. Nam ditiones Galliæ cessas, dissoluto omni cum Imperio nexu, esse avulsas. At vero Ducatum Wirtembergicum, Mediolanensem, Florentinum, Senensem ditionem fuisse concessos, conservato, quo prius Imperio cohærebant, feudali nexu, atque directo Imperatoris ac Imperii dominio.

Longobardiam dudum in exteræ præpotentis Nationis potestatem fuisse concessuram, nisi Austriaci Cæsares, & præsertim Carolus V. suis sumptibus, suis armis, suo milite, sibi eandem & Imperio vindicassent. Ducatum Mediolanensem a Ludovico XII. & Francisco I. occupatum sæpius, Senas pariter in Gallorum manibus hæsisse, Florentinis etiam turbis eisdem se immiscuisse: unum obstitisse Carolum, ne Gallia Cis-Alpina (quod olim habebat nomen) in Galliam Transalpinam abiret. An perdat, qui recuperat; an alienet, qui conservat?

An nulla tot in Imperium meritis gratia, tot bellorum sumptibus compensatio; nulla dotis, a Blanca Maria Galleacii Sfortiæ filia, Maximiliano I. allatæ ratio?

Medicæos, in gratiam Clementis VII. tam inclementer antea Romæ habiti, non tam institutos, quam restitutos, inquirunt. Parmam etiam & Placentiam non tam datam, quam restitutam Ecclesiæ. Wirtembergiam Suevico fœderi iusto titulo obvenisse, & ab hoc Ca-

rolo venditam; non tamen propterea mutasse nexum, quem antea cum Imperio habuerat, ne quidem tunc, cum restituto Duce Carolus illam Sub-Feudum Domus Austriacæ constituit, salvis Imperii iuribus. Constantiam denique, urbem tunc Zwinglianam, in penam contumaciæ libertate privatam, & in compensationem sumptuum Domui Austriacæ fuisse attributam, in libertatem filiorum DEI hac ratione assertam.

156.
Cur Lutherani eum sibi vendcent.

Obiiciunt deinde Carolo Religionem. Nam, quod sane mirum, complures ex Scriptoribus Lutheranis eundem sibi vendicant, eo quod apud Pontifices ferventer institerit, ut gravamina Nationis Germanicæ, præcipuæ reformationis causæ, collantur; atque ipsemet per Constitutionem *Interim* reformationis negotium susceperit tractandum, concessis iis, quæ Romana Ecclesia non concedat. Quod Pontificiam auctoritatem per omnem Hispaniam abrogarit; ipsumque Pontificem Clementem VII. per Fronsbergium, Borbonium, Aurium, Lanoyum, aliosque suos Duces ac milites gravissime affligerit, Roma capta, expilata, sacrisque ac profanis omnibus violatis inter inaudita crudelitatis exempla.

Et licet Carolus, qui in Hispania tunc morabatur, audito eo nuntio, ingemuisse scribatur, abjectisque spectaculis & festiva lætitiæ signis, ob natum recens Philippum Principem adornatis, lugubres vestes indutum supplicationem, ea propter institutam, fuisse comitatum, publicis de cathedra pro liberando Pontifice imperatis precibus. Hunc tamen totum apparatus fuisse scenicum, ad simulationem doloris compositum.

Cur enim, inquit, si serius fuisset mœror, Pontificem non illico liberasset carcere? cur eum cum tot Cardinalibus septem integris mensibus permisisset in illo squalescere? cur in auctores tantæ vastationis non animadvertisset Protector & Defensor Romanæ Ecclesiæ ac sedis Apostolicæ? cur non saltem sacrorum Romanensium violationem vindicasset? cur mandata liberationis adeo perplexa misisset, ut a Ducibus facile eludi possent? cur conditiones durissimas præscripsisset, ac grande adeo redemptionis pretium, ut colligi ac solvi non posset? cur, si Romanæ Ecclesiæ serio fuisset addictus, hæc omnia acta fuissent in Christi Vicarium, eo ipso tempore, quo Lutherani Germaniam implebant, & Pontifici oppresso insultabant? & cur Edictum Wormatiense impune contemni fuisset passus? cur securum domicilium Protestantibus per edictum Ratisbonense & Norimbergense, per Transactionem Passaviensem & pacem Religiosam concessisset?

Denique.

Denique addunt, Carolum Lutheranis more obisse, non in propriis meritis, aut Sanctorum patrocinis, sed in Christi sanguine fiducia posita. Familiariter etiam ad mortem usque usum fuisse Doctoribus Lutheranis, uti Joanne Egidio & Constantino Pontio, suis confessoribus: qui omnes ab Inquisitione tanquam hæretici sint damnati. Bartholomæum etiam Carranzam, Archiepiscopum Toletanum, ultimum Caroli confessorium, qui morienti adstitit, ob vehementem suspicionem de pravitate fidei ad ejurandum fuisse coactum. Hæc autem omnia, simul præsertim ponderata, haud obscurum præbere argumentum, Carolum V. non tantum Lutherice vixisse, sed etiam mortuum esse.

At respondent scriptores Catholici, magis saltem periti, nec nationali spiritu, minus benevoli, afflati, aut in partium studio. 157.
Responso. dia abrepti hæc omnia, partim conficta, partim exaggerata, tantum abesse, ut Carolo Cæsari Catholicam Religionem eripiant, ut ne quidem dubiam faciant.

Ita est: institit apud Adrianum VI. suum olim moderatorem, dein Patrem, & Christi Vicarium, ut gravamina quædam, quibus oneratam se querebatur Natio Germanica, auferantur. Sed institit modeste, reverenter, prout filium Ecclesiæ decet. Nunquam autem passus est, ut ipsi Ordines in hac re quidquam decernerent, sed ad Pontificem & Concilium reformationis negotium remisit. Unde in litteris, ad Clementem VII. anno 1526, die 17. Sept. Granata datis (prout apud Goldastum Tom. 1. existant) scripsit, nunquam se aures præbuisse postulatis circa gravamina.

Constitutio *Interim* nihil a dogmatis & fide catholica alienum continet. Retardato Concilio Tridentino quieti Germaniæ sic interea consulendum putabat, ut, cum omnia, quæ ad disciplinam Ecclesiæ spectant, acceptanda fore & servanda a Protestantibus sperari non posset, quoad dogmata saltem cum Romana Ecclesia convenirent.

Quod Carolus omnem auctoritatem Pontificiam per totam Hispaniam abrogarit, mendacium est Præconum Tigurensum, aliorumque heterodoxorum; ut legere possent vel in ipso suo Goldasto; qui *Const. tom. 3. ad annum 1526.* litteras Caroli ad Clementem VII. scriptas exhibet, in quibus ait, leges non nullas per Hispaniam latas eo solum spectare, ne Jura Patronatus, ab Adriano VI. concessa, Romæ revocentur. Estne autem hoc totam auctoritatem Pontificiam per Hispaniam abrogare?

158.
De Roma
expilata.

Direptio & expilatio Romana absque dubio valde crudelis fuit & barbara, sed a Cæsare neque imperata, neque probata; imo eo infcio, & in Hispania absente, patrata. Ducum hæc culpa fuit, & præsertim militis gregarii, magna ex parte Lutherani, ex disciplina Lutheri in Pontificem & Romam, sibi invisam furentis.

Quæ, ut perspicua fiant, altius nonnihil repetenda est historia. Postquam Ticinensi parta victoria Rex Franciscus in Hispanias captivus fuit abductus, pluribus Principibus suspecta atque invisa esse cœpit tanta Cæsaris potentia, acsi ad universalem Monarchiam adspiraret. Itali præsertim libertati suæ metuebant. Quare Francisco Rege liberato initum est fœdus inter Pontificem, Regem Galliæ, Franciscum Sfortiam Ducem Mediolanensem, & Venetos, adversus Carolum Cæsarem, sollicitato etiam Angliæ Rege.

Fœderis istius hæc capita fuisse dicuntur; ut Regii Principes, in Hispania pro patre obsides, in libertatem afferantur: Regnum Neapolitanum jure avito Lotharingis vindicetur; Franciscus Sfortia in possessione Mediolanensi, reliqui Status Italiæ in sua libertate & juribus firmentur.

Hoc fœdus ubi Cæsari per Marchionem Pischariæ, qui simulato eidem accesserat, innotuit, ocus exercitum, ex Germanis & Hispanis conflatum, in Italiam misit, Ducibus eo mandato dato, viderent, ne res Cæsaris detrimentum ibidem patiantur.

Erant autem Duces, exercitui huic præpositi, Carolus Borbonius, ex Gallia profugus, in locum Sfortiæ, feloniam damnati, Dux Mediolani a Cæsare destinatus; Lanoyus Neapolis Prorex; Hugo Moncada, legatus Cæsareus, reliquis ditionibus, quæ Cæsarei juris in Italia erant, præficiendus. Omnes isti dignitates suas, & emolumenta maxima, atque spes amplissimas erant amissuri, si fœdus illud adversus Cæsarem prævaleret, cujus Pontificem auctorem esse putabant. Jam vero, qua mente animati Duces isti, quorum fortuna omnis tantopere vertebatur, ad bellum istud accesserint, facili conjectura licet assequi. Adde Columnios odio Pontificis efferatos, Auriacum, & Alarcum militari ferocia frementes, adde Georgium Fronsbergium, Sueviæ Dynastam, qui duodecim millia Germanorum, potissimum Lutheranorum, spirans minarum & cædis, atque odio & furore in omne Romanum nomen flagrans, ad excidium Pontificii dominatus, ut loquebantur, adduxerat.

His

His jam Ducibus hoc animo imbutis, a furioso milite, tum odio, tum spe prædæ ebrio, secuta est immanis illa abominatio desolationis in loco sancto : vastatus ager Romanus, Roma capta. directæ, templa omnia spoliata ac profanata : Pontifex in Adriani mole cum Cardinalibus inclusus, eaque acta, quæ calamus horret scribere.

Quis autem credat, Carolum V. Imperatorem ac Regem, tam magnanimum, pacis amantem, filiali in sedem Apostolicam amore & reverentia præstantem, Ecclesiæ Romanæ Protectorem juratum, tantæ laniæ, furoris plus quam barbari, atque in ipsum summum Pontificem, quem, licet iratus, nihilofcius tamen, ut ex epistolis ejus elucescit, magnopere venerabatur, tantæ crudelitatis fuisse auctorem ?

Mandatum profecto nullum ab eo ita saviendi miles habuerat. Ipso ignaro funesta hæc tragædia fuit instructa, imo, cum inaudit, lugente, ac publice mœrente.

At cur Pontificem non illico e custodia liberum dimitti jussit, si serius fuit dolor ? Jussit. Sed temporis ac rerum conditionem attendamus. Frendebat miles ; stipendia inclamabat ; ad manum non erant ; seditionem movebat ; nulla Ducum imperia audiebat. Indulgendum isti putabant præsentī necessitati ; ac cedendum furori. Stipendiorum solutionem a Pontifice & Cardinalibus petebant ; Pontifex exhausto ærario dare non poterat. Hinc moræ : hinc rapinæ continuatæ ; licentia efferi militis protracta ; quin Cæsar, tot terrarum mariumque intervallo abstractus tantis malis protinus mederi posset.

Adhæc metuebat, ne Pontifex liberatus, tantam vindicaturus injuriam, hostibus se adjungeret, renovaret fœdus, populisque in se concitatis, ira stimulante, majorem procellam cieret. Secutum proin se reddere voluit. Complures arces locaque munita fidei suæ petiit concedi, donec æstus ille bellicus deserberet. Id genus pactiones tempus captivitatis protraxerant. Reliqua, quæ in personam Pontificis, Cardinalium, Ordinem Ecclesiasticum & populum universum crudeliter atque indignissime acta sunt, furori militari sunt ascribenda, qui stipendiis non solutis compefci non poterat ; præsertim, cum tam multa pectora Lutherana rabies haberet occupata.

Celum ipsum visum est digito demonstrare infandæ impietatis auctores ; nam Fronsbergius, qui laqueum secum ad jugulandum Papam attulisse fertur, Romam non attigit, sed Ferrariæ periit. Borbonius in ipso urbis assultu cecidit. Lanoyus eodem adhuc an-

no Neapoli peste extinctus. Moncada paulo post navali prælio victus flammis combustus est; Columnneses capti, spoliatique. Philibertus Auriacus brevi post cæsus in Florentino agro occubuit. Ut adeo cælo vindice nullus ex Ducibus, tragœdiæ illius feralis auctoribus, triennio superstes fuerit. Miles gregarius, ad quem pars maxima injuriæ pertinebat, luxu, libidine, pestilentia eo usque defluxit, ut, cum viginti quatuor millia armatorum Romam intrassent, ne dimidia quidem pars inde redierit. Sed & hi prædandi licentia enervati, feralique otio torpentes, ne quidem pugna aleam, a Lautrechio oblatam, subire ausi sunt, sed noctis beneficio Neapolim fugerunt, ut murorum auxilio se defendant. Navis vero sacris spoliis onusta, cum in Hispaniam trajicere tentaret, tanta tempestate fuit jactata, ut, verso in religionem periculo, in Sardiniam appulsi, sacro furto eam exonerare coacti fuerint.

Equidem, dum Romam Christiani expilant, Turca Hungariam diripit: dum Catholici orbis Principes inter se colliduntur, crescenti in Germania spatium est nactus error novitius, easque agendi radices, quæ vix amplius evelli deinceps queant, deploranda sane rei Christianæ jactura. Cujus culpa? Deus novit.

Hoc certum, & Pontificem & Cæsarem Religionis Catholicæ semper fuisse amantissimos. Testantur id tot decreta pro ejusdem conservatione concepta, tot curæ, molestiæ, labores gravissimi exantlati, novellæ sectæ, obnitentibus & protestantibus non raro magnis Principibus, toties Wormatiæ, Spiræ, Augustæ &c. in Comitibus Imperii rejectæ, tot sollicitudines ac studia intensa in congregando Concilio Oecumenico, tot pro Religione nostra Orthodoxa contra potentissimos hostes certamina; ea denique filialis observantia, qua Carolus Clementem, aliosque Pontifices, semper complexus est, se filium compellando, illum patrem, Vicarium Christi, supremum sacrorum Antistitem, caput Ecclesiæ, ut prolixè constat ex epistolis, quas ad eundem etiam iratus scripsit. Erant profecto Protestantes, animi credo vitio, qui, ubi aliquid controversiæ, super jure sæpe dubio, Pontificem inter & Principem quandam oritur, ocus istam suæ sectæ fautorem proclamant.

159.
De Executione edicti.

Verum minus calide Carolus Cæsar urgebat executionem decreti Wormatiensis, in Lutherum lati: neglecta scintilla, quæ in tantum deinceps excrevit incendium. Neglecti fructus Smalcaldiæ vi-
torix.

Storix. Libertas data errori, ut impune serperet. Ita enim vero arguunt, qui omnia Principum culpæ tribuunt: qui id solum intuentur, quod fit, aut omittitur, non autem, cur fiat, aut omittatur, considerant. Sæpe necessitas excusat, quod vitio vertitur. Iniquis non raro ac fatalibus temporum conditionibus tribuendum, quod solutior lingua illis adscribit, qui rebus humanis præsumunt.

Mitiores calami, qui suam Principibus reverentiam dependunt, æquius respondent; magnam esse Ordinem Imperii libertatem, non posse a Cæsare statim omnia confici, prout confecta vellet & optaret. Complures potentes Status Lutherum jam imbibisse; sine seditione & tumultu severiora media adhiberi non potuisse. Quoties Imperator & Ferdinandus frater acriusurgerent illam executionem, toties seditiosas voces fuisse auditas, quibus gravamina, abusus, reformationem aulæ Romanæ & Ecclesiastici Ordinis occlamarint, protectantes, consueta subsidia negantes, in privatos cœtus, & fœdera abeuntes. Adhæc Carolum Cæsarem assiduis ferme bellis adversus Turcas, Gallos, aliosque fuisse distractum; necesse proin habuisse, ut Germania quieta conservetur.

Cum autem bellis externis se liberasset, vehementius instituisse, ut saluberrima edicta usu ipso in praxin deducantur, & ea quidem severitate, ut pervicaces etiam bello ad officium revocaret. Quod vero Smalcaldica victoria mitius sit usus, persuasisse spem, per Concilium Tridentinum, cujus definitioni se staturos Protestantes promiserant, dissidia componenda fore. Nec defuisse metum, novum bellum constatum iri, si Cæsar severius ageret; cum etiam clementia nimis rigida ipsis sit visa, eo usque, ut rebellem contumaciam quidam opponerent, novumque dein exitiale bellum concitarent, percussio etiam cum exteris fœdere; quo Transactionem tandem Passaviensem extorserunt, permitta a Rege Ferdinando credendi libertate, ut majora evitentur mala, quæ dira temporum conditio minabatur.

Quod autem Carolus Lutherana morte obierit, prorsus falsum est. Quasi vero mori cum fiducia in Christum sit mori Lutherice, omnis spes nostra in Christi meritis est reposita. Ipsa etiam Sanctorum intercessio in illis fundatur. Quod Joanne Ægidio, Cacalla, aut Constantino Pontio Confessariis usus fuerit, falso asseritur. Caranza Archiepiscopus ipsi adstitit, sed probari non potest, eum ulum dogma contra fidem Catholicam fovisse. Quamvis enim de

160.

quibusdam erroribus fuerit accusatus in Hispania ac Romæ, ita tamen se purgavit, ut condemnari nunquam potuerit. Cæterum aperte constat, Carolum in monasterio S. Justi, postquam sibi ipsi inter Missæ sacrificia parentavit, morientium sacramentis ritu Catholico susceptis, pientissime obisse, in complexu crucifixi Domini.

C A P U T III.

De statu Imperii sub Ferdinando I. Maximiliano II.
& Rudolpho II.

S U M M A R I U M.

ARTICULUS I.

Sub Ferdinando I.

- | | |
|--|---|
| 161. Carolus V. abdicat Imperium. | 168. Centuriatores Magdeburgici. |
| 162. Ferdinandus Rex Hung. Boh. & Rom. fit Imperator. | 169. Synodus Naumburgica Protestantium, ob tot sectas plena discordiis. |
| 163. Sectariis in Austria Inferiore religionis libertatem negat. | 170. Comitia Francofurtensia. Maximilianus eligitur Rex Rom. |
| 164. Goldasti crimen falsi adversus Cæsarem. | 171. Grumbachius, occiso Episcopo Herbipolensi ex Lutheri disciplina in Ecclesiasticos furens, proscriptus. |
| 165. Comitia Ratisbonensia. Protestantes negant auxilia, & adversus Reservatum Ecclesiasticum excipiunt. | 172. Cassander, dubiæ religionis homo, edit librum, neutri parti probatum. |
| 166. Colloquium Wormatiense dissolutum, ob Protestantium, in plures sectas abeuntium, dissidia. | 173. Obitus Cæsaris. Ejus liberi, Parthenon Halensis. |
| 167. Comitia Augustana. Protestantes horrent Concilium, | |

ARTICULUS II.

Sub Maximiliano II.

- | | |
|--|---|
| 174. Comitia Augustana. Decreta auxilia contra Turcas, dudum antea a Protestantibus negata. | 177. Mors Philippi Landgravii, polygami, magni sæculi hujus Actoris. Titulus <i>Magni Ducis</i> <i>Hetruriæ</i> . |
| 175. Causa Electoris Palatini Calvinistæ proposita. Sed contra Pacem Religiosam permixtus est monasteria diripere. | 178. Aliæ invasiones Protestantium, & direptiones adversus Pacem Religiosam. Hugonotis in Galliam, & Geusiis in Belgium auxilia mittunt. |
| 176. Bellum Saxonico-Gothanum, a Grumbachio proscripto, & Duce Joanne Friderico, aliisque Lutheranis, per conjurationes perfidas, & sanguinolenta consilia ad ruinam Imperii conflatum. Gotha occupata. Perduelles prædones puniti morte. Joan. Frid. Viennam abductus captivus, in 28. annorum carcere contabuit. | 179. Comitia Spirensia; in quibus latæ leges politicæ, & actum de morborum Imperii, a Luthe-ro investorum, remediis, atque ut pax Religiosa religiosius observetur. |
| | 180. Obitus Maximiliani II. Ejus liberi, Erga Protestantes fuit indulgentior. Obiit tamen Catholicus. |

ARTICULUS III.

Observatio circa controversiam, post electionem Maximiliani II. cum Pontifice ortam.

- | | |
|---|--|
| 181. Pii IV. petitio: Maximiliani Regis exceptio. | 182. Pii replica: Maximiliani duplica. |
| | 183. Finis controversiæ. |

ARTICULUS IV.

Status Germaniæ sub Rudolpho II.

- | | |
|-----------------------|--|
| 184. Initia Rudolphi, | 185. Causa Aquisgranensis cum Calvinistis, |
| X 3 | 186. Eo. |

186. Eorum furor in Senatum & Ecclesiasticos.
187. Tandem post 30. annorum turbas a Spinola, urbe expugnata, domiti.
188. Causa Coloniensis. Truchsessius Archiepiscopus deperit Mansfeldiam. Eamque uxorem ducit, retenturus Archiepiscopatum, ex Lutheranorum consilio, contra Reservatum Ecclesiasticum. Bonnam capit. Eligitur Ernestus Bavarus. Bellum. Vincitur Apostata, & in Hollandiam fugit; ubi misere periit.
189. Causa Argentinensis, ratione Episcopatus, inter Lotharingum & Brandenburgicum controversa. Bellum. Transactionetan-
- dem finitum. Ita nempe Lutherani contra Reservatum Ecclesiasticum inhiabant nostris sacerdotiis.
190. Comitia Ratisbonensia. Decreta auxilia Turcica. Pluraque alia in medium allata; sed non conclusa.
191. Mortuo Ferdinando Tyrolis & Anterior Austria ad Rudolphum devoluta. Wirtemberg a dominio directo Austriacorum exempta, jure tamen succedendi, illis reservato. Ratisbonensia Comitia. Querelæ Protestantium contra Judicium Aulicum. Nova Bellorum Civilium semina a Protestantibus jacta.

C A P U T III.

De statu Imperii sub Ferdinando I. Maximiliano II.
& Rudolpho II.

A R T I C U L U S I.

sub Ferdinando I.

161.
Carolus ab-
dicat Impe-
rium.

POSTquam Carolus V. Hispaniæ Monarchiam Philippo filio suo cesserat, Cæsaream etiam dignitatem abdicare constituit. Quare anno 1556. primum quidem ad Ferdinandum fratrem, Romanorum Regem, Oeniponti tunc commorantem, Legatos misit, qui hoc animi sui propositum eidem significarent, peterentque, ut Imperii curam ac regimen in se suscipiat. Deinde vero per litteras monitis de eodem suo consilio Statibus Imperii, & Camera Imperiali, administrationem Imperii Ferdinando commissam intimavit.

Denique

Denique missis ad Imperii Septemviros Legatis (qui tamen pri-
mo anno 1558. Francofurtum advenerant) Imperium abdicavit.
Electores ibidem congregati ægre quidem hanc renuntiationem ha-
bebant ratam, nihilominus tamen Ferdinandum, jam pridem an-
tea electum Romanorum Regem, post conceptos Capitulationis Ar-
ticulos, Imperatorem enuntiarunt.

Ferdinandus anno 1503. Compluti in Hispania natus, ibidemque
educatus sub disciplina Alvari Oforii, & Adriani, postea Pontificis,
facti etiam Cardinalis Ximenii, acceptissimus Hispanis fuit, quia apud
eos natus, & indole ea fuerat præditus, quæ gratum omnibus &
amabilem redderet, nec una duntaxat corona dignum.

Quare Carolus, frater senior, mortuo Ferdinando Catholico ^{162.}
avo materno, ne Ferdinandi apud gentem gratia sibi officeret, an-^{Ferdinan-}
no 1518. eundem in Germaniam ad Maximilianum Cæsarem, avum ^{dus.}
paternum, misit.

Ducta subin anno 1521. Anna, Hungariæ & Bohemiæ hærede,
omnes Germanicas Domus Austriacæ Provincias, a fratre Carolo si-^{Hug. &}
bi cessas accepit, cæsoque ad Mohatium anno 1526. Ludovico, con-^{Boh.}
jugis fratre, Hungariæ quoque & Bohemiæ coronam; & anno 1530.
a Carolo Cæsare sub nexu clientelari insuper Ducatum Wirtember-
gicum. Quod, qua ratione contigerit, alias memoravimus.

Cum autem Carolus Imperator propter regna sua longinqua re-
bus Germaniæ non semper posset præsens intendere, Ferdinandus ^{& Rom.}
anno 1531. Coloniam Romanorum Rex fuit electus, atque Aquisgrani ^{Rex.}
coronatus; vehementer licet reclamantibus Saxone & Brandebur-
go Septemviris. Quæ tamen controversia postea anno 1534. per con-
ventionem *Cadamensem* ex integro fuit composita, omnibus Ferdinan-
dum Romanorum Regem agnoscentibus.

Quamdiu Carolus frater Imperium moderabatur, multum ne-
gotii ei in Hungaria facessiverant Joannes de Zapolia ac Turcæ, in
Germania vero dissidia Protestantium, donec anno 1552. nomine
Cæsaris transactionem Passaviensem cum iis iniit; & anno 1555.
Pacem Religiosam.

Hac Religionis libertatem sibi concessam interpretabantur Lu-
therani Inferioris Austriæ. Quare cum Ferdinandus Rex subsidia ad-^{163.}
versus Turcam peteret, detrectabant illa suppeditare, nisi plena li-
bertas sibi addiceretur. ^{Seclis in}
^{Austria li-}
^{bertatem}
^{negat,}

Respon-

Respondit Rex, per pacem Religiosam id potius iis fuisse mandatum, ut sui sequantur Religionem Principis, nec aliam libertatem concessam, quam emigrandi, si sequi nolint. Quod dicant, Deo magis obediendum quam hominibus, id esse verissimum, sed gravissime eos hallucinari in eo, quod Dei mandatum sibi confingant. Non esse hominis privati, Scripturas interpretari pro lubitu. Se more majorum Ecclesiam magistratam sequi, ad quam pertineat illa interpretatio, quamque audire Christus ipse jubeat. Hac regula neglecta promovendi libidine innumeras orituras hæreses, ac religionis perturbationes: omnes enim undique hæreticos atque sectarios blandiri sibi de Verbo Dei: falso sane ac perverse; suæ proin esse conscientia, nunquam committere, ut, repudiata Catholica Ecclesia, quam Christus fundarit, Apostoli prædicarint, Patres docuerint, Majores continuo propagarint, novella secta, nunquam antea visa, nunquam audita, cum æterna tot animarum ruina in hæreditarias Domus suæ Provincias introducat.

164.
Goldasti crimen falsi.

Ex his, quæ etiam Sleidanus *de statu relig. & reip. lib. 26. ad annum 1556.* testatur, aperte detegitur crimen falsi & impostura Goldasti, qui *tom. 3. consil. Imper. folio mibi 561.* epistolam affingit Ferdinando Regi, ad Lutherum scriptam, cui hanc rubricam præfigit: *de veritate doctrinæ Evangelicæ, per Lutherum repurgatæ.* Atque in ipsa epistola mire commendantur Lutherus, ejusque doctrina, Pontifex vero & Catholici Doctores vituperantur, tanquam impares Luthero resistere; & seductores, qui *paleas pro tritico præbuerint & vendiderint.* Inserit etiam fabulam de Confessario Ferdinandi, qui ante mortem falsus sit, se eundem seduxisse, nec veram semitam ad cælum monstrasse.

Totum quantum hoc scriptum est confictum & supposititium, atque Ferdinando, Catholicissimo Principi proterve, impudenter, ac impie affictum. Dignum enim vero opus Goldasto auctore, non tantum acta publica corrumpere assueto, sed integras etiam Constitutiones, Diplomata, Bullas confingere; prout in Apologia adversus Tigurinos Præcones *part 2. observ. 8. a fol. 328.* etiam Protestantium testimoniis ex professo demonstravi.

165.
Comitia Ratisb.

Anno 1556. Ferdinandus Comitia Ratisbonam convocavit; in quibus decreta subsidia adversus Turcam, stabilita Pax Publica & Religiosa, Protestantibus adversus Reservatum Ecclesiasticum excipientibus; cum tamen priore anno Paci Religiosæ simpliciter absque exceptione subscripserint. Decreta insuper Imperialis deputatio ad exami-

aminandum Judicium Camerale. Denique conventum, ut Colloquium de Religione Wormatiæ institueretur ad componenda dissidia.

Ad hoc Colloquium Wormatiense anno 1557. ab Ordinibus 24. ^{166.} Theologi sunt deputati, 12. videlicet Catholici, & 12. Protestantes, Colloquium Wormatiense. Præside Julio Pflugio. In hoc colloquio multo major inter ipsos Protestantis erat dissensio atque contentio, quam cum Catholicis. Nam cum hi solis Catholicis & Augustanæ Confessionis assensu per pacem Religiosam Religionis libertatem concessam dicerent, solisque illis duabus partibus comitali decreto colloquium esse demandatum, necesse proin, ut Protestantes prius inter se & cum Augustana Confessione sua conveniant, ut norint Catholici, cum quibus ipsis sit negotium; alias enim tot inter sectas rem infiniti laboris fore, per singulas certamen circumferre.

Tum enim verogravissimæ inter collocutores Protestantes ortæ sunt discordiæ, aliis Augustanæ Confessioni renuntiantibus, aliis eandem huc, aliis illuc, ferræ instar trahentibus & retrahentibus. Siquidem Schnepfius, Strigelius, Stöffelius, Morlinus, Sarcarius, protestati, cum Zwinglianis, Osiandristis, Majoristis, Synergistis, Adia-^{Protestan-}phoristis se nullam partem velle habere, multo minus cum eorum si-^{tium dissidia.} dei Confessione, discesserunt, re prorsus infecta. Cum reliquis autem septem Protestantibus collocutoribus, quia Confessioni Augustanæ pressè inhærere detrectabant, & diversas alias sectas profitebantur, in Romano Imperio non toleratas, Catholici Doctores, in hoc colloquio nihil sibi negotii esse merito credebant, utpote quod a Ferdinando Rege & Statibus præcisè inter Catholicos & Augustanæ Confessioni adhærentes, verti voluerant; cum hi soli per Pacem Religiosam in Imperio essent tolerati. Atque sic non alio fructu discessum est, nisi ut Protestantes suas in fide discordias aperte demonstrarent, seque ludibrio exponerent.

Ægre tamen Paulum IV. Pontificem habuit, hoc publicum de Religione negotium se non consulto fuisse susceptum, eumque aliunde, propter initam Transactionem Passaviensem & Pacem Religiosam, permissumque interim Austriacis usum calicis, haud satis æquo in Ferdinandum esset animo, Imperatorem eundem agnoscere, quoad vixit, recusavit. (Carolus se infcio non potuisse Imperium abdicare causatus) licet post mortem Caroli V. quæ anno 1558. contigit, non tantum ab omnibus Imperii Ordinibus, sed Nationibus etiam & Principibus exteris agnosceretur. At, mortuo mox anno sequente Paulo, Pius IV. Antecessoris morositatem emendavit.

167.
Comitia Au-
gustana.

Protestantes
horrent
Concilium.

Hac igitur facta conciliatione, Ecclesiæ tam optata, Ferdinandus Cæsar alacrior, Religionis quoque in Germania conciliationem rursus tentandam existimavit. Indictis proin anno 1559. *Augustanis Imperii Comitibus*, quam irritò conatu decretum fuerit Wormatiense colloquium, præfatus, ad Concilium Generale causam illam remittendam edixit, cujus definitione componeretur.

Optima sane propositio, modusque tollendi Religionis dissidia consuetus semper in Ecclesia. At cum Protestantibus nil agi poterat. Cum enim Concilium ipsis esset exosum, ut illius sententiæ se subtraherent, eas rursus condiciones præscribebant, quas, ab usu Ecclesiæ & more majorum prorsus alienas, acceptari non posse perspexerant: ante omnia irritanda esse ea omnia, quæ eo usque acta sint in Concilio Tridentino; Papæ nullam in eo partem permittendam nisi Rei; votum decisivum laicis etiam hominibus permittendum; nec ad majora vota concipiendum decretum, sed ad ea, quæ sint magis conformia Verbo DEI. Sed si utraque pars appellet ad Verbum DEI, si majora ac plura suffragia decernant, hanc vel illam propositionem esse Verbum DEI, hoc ita esse intelligendum? Quibus tunc standum votis? Pluribus, an paucioribus? illis, inquit, qui melius probant ex Verbo DEI. Sed cui ferenda sententia, quis melius probet? an secundum majora hoc judicandum, vel minora?

In his Comitibus Augustanis ab utraque parte propositæ sunt querelæ de violata pace Religiosa; eo quod Protestantes jam inciperent rursus plura bona Ecclesiastica invadere, contra Reservatum Ecclesiasticum, in Pace Religiosa contentum, Catholici vero juris sui tenaces, his violentiis sese opposerent.

Factus etiam in hoc conventu Recessus de petitione, ut Gallus Metas, Tullum, & Virodunum restituat.

Denique, præter Ordinationem de moneta ejusdem generis in toto Imperio introducenda, Wilhelmus Grumbachius Nobilis Franco proscriptus fuit, atque in Bannum Imperii declaratus. Quia is anno superiori Melchiorem Zobelium, Episcopum Herbipolitanum, per 15. sicarios publica in via interemerat. Causa tanti in Episcopum odii allegatur, quod is eundem, Alberti Brandenburgici in provinciarum vastationibus socium, bonis privasset, & legatum quoddam, ejus conjugii delatum, exsolvere recusasset. Hinc etiam contra ejusmodi invasiones violentas in his Comitibus, confirmata Pace Publica, saluberrima decreta sunt concepta.

168.
Centuriato-
res.

Sequenti dein anno 1560. Centuriatores Magdeburgici, quorum primipili Flacius Illyricus, Joannes Wigandus, Matthæus Judex, Ba-

Basilii Faber, alique permulti, centurias suas excudere cœperunt, Elisabethæ Anglicæ quoad partem nuncupatas, quibus Historiam Ecclesiasticam corruerunt. Exorsi sunt hoc opus malignum (ab Heretodoxis *Aureum* dictum) a centuria quarta, & ad 13. Tomos pro-
vexerunt. Sed unus Baronius tot gladiatoribus superior erat pugil.

Annum 1561. famosum reddidit Protestantium *Synodus Naumburgica*.^{169.} Ad hanc frequentes convenerant Protestantium Principes, cum suis Præconibus. Quippe aderant Electores Palatinus & Saxo, Duces Brunsvicensis, Mechlenburgicus, Wirtembergensis, Landgravius Hassiæ, Marchio Badensis, Comes Hennebergensis, Schwarzburgicus. Per legatos comparebant Elector Brandenburgicus, Dux Pomeraniæ, & Holsatiæ, Principes Anhaltini; Duces vero Luneburgici, ac Rex Daniæ officiosas litteras misere.

Tanti conventus causa erat Confessio Augustana, illo jam tempore toties adeo ac turpiter variata, ut Catholici eis exprobrarent, quod ab eadem, Carolo V. anno 1530. Augustæ oblata, omnino recesserint. Hoc probrum, ut interpretabantur, non ferentes, hanc Synodum coegerunt, ut deliberarent. Qua via & arte tot corruptiones Augustanæ Confessionis possent emendare. Sed non minor quam in Colloquio Wormatiensi tot inter sectas erat confusio.

Palatinus & Saxo ultimam editionem commendabant, utpote prolixiorum reliquis & clariorem. Reclamabant reliqui Principes, primamque, Carolo V. exhibitam, retinendam censebant, ac subscribendam. Alii addendam putabant novam præfationem, qua contineretur, etiam reliquas editiones, quamvis primæ multum difformes, esse bonas: alii additos volebant Articulos Smalcaldicos, alii Confessionem Saxoniam, alii Recessum Francofordiensem.

Sed frustra laborabant in cudendo fidei systemate, quod omnibus probaretur; quin eo usque dissensiones excreverant, ut aliqui cum Joanne Friderico, Saxoniam Duce, se ex sacro hoc Concilio proriperent, atque discederent, aperte contestati, non posse se subscribere doctrinæ, quæ Verbo DEI & Augustanæ Confessionis repugnaret. Cum igitur transactio non procederet, unione frustra tentata soluta est Synodus; omnibusque licuit perspicere, quam impossibile sit, unitatem fidei conservare, aut dissidentes conciliare, ubi nullus Controversiarum Judex agnoscitur. Quilibet clamabat: *hic est Christus, hoc est Verbum DEI*. Quis verè? Quis falso clamavit?

Ne tamen nihil actum videretur, legato Pontificio ac Cæsareo, ad hunc conventum missis, ut Protestantes ad Concilium Tridentinum, quod hoc anno reassumptum fuerat, invitarent, responde-

runt, Synodum illam a Papa fuisse congregatam, cujus nullam jurisdictionem agnoscerent, atque id genus hominibus constare, qui iuramento Pontifici sint obstricti, ac proin non esse Concilium liberum, ac legitimum.

170.
Maximilianus Rex
Rom.

Anno 1562. Ferdinandus Imperator *Comitia Francofordia* celebravit; in quibus ejus filius Maximilianus Rex Romanorum a Septemviris fuit electus. Bannum dein, quo Carolus V. Magdeburgum proscripserat, sublatum. Prolatum in his Comitibus scriptum Protestantium, in quo causas allegabant, cur in Concilio Tridentino non comparerent. Sed futiles erant prætextus, prout *part. 3. in fine* ostendi.

171.
Grumbachius

Grumbachius, a quo Episcopum Herbpopolitanum occisum diximus, anno 1563. collecta mille equitum turma, violente in urbem Herbpolim irrumpit, eamque miserandum in modum devastat, in Canonicos præsertim & Religiosos grassatus. Cumque igni & ferro urbem delere minaretur, ingentem pecuniæ vim, aliasque crudelissimas condiciones extorsit, tragœdias adhuc funestiores deinceps exhibiturus, adeo nempe religiose Protestantes Pacem Religiosam & Publicam colebant.

proscriptus.

Cæsar, intellecta hac barbara invasione, condiciones, violente adeo extortas, irritas esse declarat, ac Grumbachium cum sociis, turbarum auctoribus, rursus proscribit. Unde Elector Moguntinus anno 1564. conventum Deputatorum Wormatiam indixit, ad firmandam pacem publicam. Obtulit Grumbachius Deputatis scriptum, quo probare conatus est, se, ut sua reciperet, id genus mediis uti fuisse compulsū: proscriptionem non subsistere, quia in Hungaria a Cæsare factam, absque præscitu Electorum, & quidem post transactionem cum Herbpolensibus jam initam. Verum Episcopus Herbpolensis futile hoc scriptum facile confutavit. Statutumque, ut nomine Imperii 1500. equites communibus sumptibus alerentur, ad tranquillitatem publicam conservandam.

172.
Cassander.

Scriptit hoc anno 1564. Georgius Cassander, Brugensis Belga, a Cæsare invitatus Viennam, libellum *de Officio viri boni, in hoc Ecclesiæ dissidio*, nec probatum Catholicis, & heterodoxis valde odiosum. In hunc enim Calvinus suum virus evomit, & in Franciscum Balduinum, quem auctorem putabat, cum primum absque nomine auctoris prodissset. Sed & Ecclesia eundem proscripsit, ac libris in prima classe prohibitis annumeravit. Obiit Cassander haud multo post Colonia; qua fide, dubium. Mirum studium præferre visus est, varias Religiones inter se conciliandi; sed per modum transactionis,

tionis, alio dato, alio retento. Certiore fato Ingolstadii obiit
Fridericus Staphylus, annis decem Lutheri comes, sed post
exentem illum exorcismum ab eo separatus, calamum strenue in
Lutheranos acuit.

Eodem anno 1564. mors orbi abripuit Ferdinandum I. Im-
peratorem, in Ecclesiam & Imperium meritis plenum. Difficul-
tatis prorsus temporibus gessit Rempubicam, insigni sapientiæ &
prudentiæ laude; litterarum etiam amator & fautor eximius,
thesauros se perdere malle inquit, quam litteras nescire. Con-
cilio Tridentini decreta in provinciis suis hæreditariis, promulga-
ti & executioni dari sedulo curavit. Solennis illi gnome: *fiat*
justitia, ne pereat mundus. Obiit pientissime festo S. Jacobi, uti
prædixerat, ætatis 61.

Conjugem habuit Annam Uladislai Hungariæ & Bohemiæ Re-
gis filiam, quæ, præter geminum regnum, 15. ei liberos peperit,
nimirum quatuor filios, Maximilianum, postea Cæsarem, Ferdi-
nandum, cui Tyrolis & Anterioris Austriæ provinciæ obtige-
runt, Joannem primis infantie annis mortuum, & Carolum Sty-
riæ lineæ felicem fundatorem: filias vero omnino undecim,
Elisabetham videlicet, Sigismundo Poloniæ Regi nuptam; qui
post hujus mortem Catharinam ejus sororem, Francisci Mantuani
Ducis viduam, sibi conjunxit: Annam Alberto Baviaræ Duci, Ma-
riam Duci Juliacensi, Eleonoram Wilhelmo Mantuæ Duci, Barba-
ram Alphonso Ferrariæ Duci, Joannam Magno Duci Florentiæ,
nuptiali fœdere desponsas. Magdalena, Margaretha, & Helena
Regio Parthenoni Halensi initium dedere, atque in eo sanctissime vi-
tam finierunt, Ursula primis vitæ annis in cælum fuit translata.

ARTICULUS II.

De statu Germaniæ

Sub

MAXIMILIANO II.

Natus est Viennæ anno 1527. sed in Hispania educatus, conju-
gem duxit patrualem suam Mariam, Caroli V. filiam. An. 1562.
Rex Romanorum electus, Bohemiæ etiam coronam accepit;
An. 1563. Hungariæ, & an. 1564. Imperii. Dissidii tunc aliquid cum Pio
Y 3 IV, 174.

IV. intercessit, eo quod Maximilianus, in Romanorum Regem electus, *obedientiae juramentum* nollet deponere. At Helffensteinio Romanam legato res fuit composita. Sed mox alia inter eos orta fuisse contentio a Protestantibus scribitur, eo quod Caesar libertatem matrimonii pro sacerdotibus petierit, Pontifex vero eam negarit.

Comitia Augustana.

Anno 1566. *Comitia Augustana* convocavit. Promissa in iis auxilia contra Turcam; factaque decreta pro correctione Judicii Cameralis, & rei monetariae. Grumbachius, quia Episcopum occiderat, & Herbpolim diripuerat, rursus proscriptus. Augustus Saxoniae Elector, alique Principes in feudis suis investiti. Protestantes proponebant gravamina adversus canones & decreta Concilii Tridentini; sed a Catholicis strenue sunt confutati.

175.
Causa Palatini.

Agitata etiam in his Comitibus fuit causa Friderici III. Electoris Palatini; qui primus Germaniae Principum ad Calvinianam sectam transiit, eamque in suas ditiones introduxit, atque reformationis nomine monasteria Catholicis subtraxerat. Cum autem per transactionem Passaviensem & pacem Religiosam sola Religio Catholica, & Confessio Augustana essent permixtae in Imperio, iussus fuit monasteria restituere, & Calvinismum abjicere, aut Electorali dignitate se abdicare. Verum cum Elector conventum intrasset cum filio suo Joanne Casimiro (acerrimo deinceps Calvinista) Biblia secum portante, & perorasset, monasteria ablata in territorio, jurisdictioni suae subiecto, esse sita, quoad Religionem vero nihil se adversus conscientiam posse committere, Status Augustanae Confessionis decretum mutarunt, & Electori Religionem liberam permiserunt. Adeo nempe sanctae transactionem Passaviensem & pacem Religiosam, qua Calvinismus proscriptus ex Imperio fuerat, colebant.

Opponebant se equidem cum Commendano Pontificis legato Status Catholici, imo Praecones etiam quidam Lutherani cum Tilmanno Heshusio, Jacobo Andreae &c. (quia Lutherani & Calvinistae necdum in unum Corpus Evangelicum erant conflati, sed tanquam haereticos se mutuo insectabantur) sed Maximiliano con-nivente confici nil poterat. Atque ab eo tempore plures semper pluresque Principes & populi a Lutheranismum in Calvinismum degenerarunt, utpote deteriore, contra apertas Pacis Religiosae sanctiones, quas inter fundamentales Imperii leges ipsi Protestantes recenserent; nec desierunt, plura & plura bona Ecclesiastica diripere, imo integros Episcopatus & Archiepiscopatus, contra expressum tenorem *Reservati Ecclesiastici*.

Gestum est paulo post *bellum Saxonico-Gothaicum*. Nam Grumbachius, propter violentiam, in Episcopum & civitatem Herbipolensem exercitum, sæpius proscriptus, confugit ad Joannem Fridericum Ducem Gothanum, Electoris ad Mühlbergam victi, capti, & exauctorati filium, eumque, alias iratum, in spem erexit recuperandi avitas ditiones, & Electoralem dignitatem, totius Nobilitatis, quam concitaverat, spondens auxilium.

Tractis igitur in conjurationis societatem compluribus Nobilibus, consilium ineunt non tantum Saxoniae, sed toti Imperio exitiale. Nam ut ex transfugis & interceptis litteris cognitum est, in id conspiraverant, ut vere ineunte octo millibus peditum, & quatuor turmis equitum bellum gereretur. Duæ turmæ per Westphaliæ, & Franconiam ad Rhenum usque Episcoporum provincias expilarent, ac pecuniam colligerent, duæ vero per utramque Saxoniam idem facerent, præcipue vero per Electoris Augusti ditiones vim ac populationem circumferrent.

Tum vero populis terrore perculsis enunciarent, se vindices Religionis Evangelicæ hæc agere, ne Cæsar & Catholici Episcopi, cum quibus Augustus colludat, eandem, prout ipsis sit constitutum, perditum eant. Hac ratione totum septentrionem in armorum consortium acciri posse. Ericum, Sueciæ Regem, jam fœdere sibi junctum esse. Promulgandum rebus ita compositis Wirtembergæ Joannem Fridericum, primum quidem Electorem, dein etiam, exercitu juncto, Imperatorem; non tantum pristinas Patris Electoris clientelas, sed omne Evangelicum nomen convolaturum, ut novum Cæsarem demereantur obsequio.

Si qui Principum se opponere audeant, tollendos e medio, totamque Germaniæ Nobilitatem plenæ libertati restituendam, nemini, nisi novo Imperatori Joanni Friderico obnoxiam. Tum autem rebus sic firmatis totius Imperii regimen in novum ac meliorem ordinem digerendum. Cæsarem atque Germaniam in bellum Turcicum abstractos rei ex animi sententia gerendæ occasionem offerre optimam, totum negotium, antequam se colligant, posse confici.

Nunquid? bella hæc scena, a Lutheranis adornata: an ex Lutheri disciplina, quietæ, tranquilla?

Neque vero lector quispiam, minus eruditus; hæc ex unguibus exfugi existimet. Ipsi etiam Lutherani scriptores hæc ita constituta fuisse testantur: Languetus in *Hist. bell. Gothan.* Tenzelius in *Hist. Gothan. sect. 2. pag. 817. 826. 827. 828.* Struvius in *Hist. Imp. Period. 10. de Maximil. II. §. 8.* Gleich. in *Hist. Numism. succincta §. 31.*

Schle-

176.

Bellum Gothanum.

Joannis Friderici &

Grumbachii conjuratio.

Schlegel. *de Nummis Gothan.* quibus accedit Thuanus, Lutheranis & Calvinistis in primo gradu affinis, lib. 41. &c.

Et re ipsa cum Erico Sueciæ Rege fœdus inierunt; ad Galliam Reginam Catharinam litteras dederunt, de Casare & Imperio questu. Ingerebant enim Joanni Friderico eam spem, fore, ut repudiata uxore sua, Mauriti Electoris vidua, prædictam Reginam sibi despondeat. Quin emissi sicarii ad interimendum Electorem Augustum; atque ad ipsas adeo artes magicas & incantationes descensum.

Vis publica.

Cum igitur insana hæc cohors in dies magis insolesceret, delictus undique haberet, Electoris terras hostili populatione invaderet, Cæsar, Electores, Saxo & Palatinus, Hassus, alique Principes Joannem Fridericum graviter sunt hortati, ut ab ejusmodi violentis consiliis absteret, & proscriptos extraderet.

Gotha occupata.

At ille ingentibus spebus turgidus monita ac minas sprevit, telam, quam orsus fuerat, certus pertexere. Quare Augustus Elector, cui executio in proscriptos jam in Comitibus Augustanis fuerat commissa, admoto ad Gotham exercitu, urbem obsidet. Cives, cum nulla venirent auxilia, resque in dies arctiores fierent, Ducemque suum non possent flectere, ut proscriptos tradat, primo tumultuari, dein armis correptis in arcem irrumpere, proscriptos conquirere, & in vincula dare, ac mandare custodiæ.

Cæsareis vero legatis & Electori significant, captos a se proscriptos, atque extradendos, ipsamque etiam urbem cum arce dedendam, modo æquis conditionibus id fieri sustineant. Legati & Elector has pacis leges præscripserunt:

Dux Joannes Fridericus urbem & arcem cum omni apparatu bellico, atque etiam se ipsum Casari dedat, absque omni conditione; proscripti vero cum rebellibus subditis Electori tradantur. Cives possessione bonorum suorum fruuntur, eo tamen pacto, ut per octo legatos flexo genu veniam precentur a Casare aut Electore. Joannem Wilhelmum, Joannis Friderici fratrem, Ducem Vinariensem, deinceps Dominum suum agnoscant, eique tanquam subditi homagium præstent. Liberi vero Joannis Friderici a regressu in perpetuum sint exclusi.

Sancita his legibus pace, Elector urbem ingressus est, & in proscriptos, totius mali auctores, executionem suscepit. Grumbachius, & Brückius, Joannis Friderici Cancellarius, in quatuor partes distracti, Brandensteinus arcis præfectus, qui directionis Herbi-

polensis particeps fuerat, gladio addictus, Bejerus saqueo, uti etiam
ier, quo ad magiam fuerant abusi. Alii fuga evaserunt.

Divisa dein inter Electorem & Vinariensem tormenta bellica,
orum 160. inventa. Cessaque eidem Electori pro belli sumptibus
uatuor praefectura. Joannis Friderici subditi a juramento, quo ei-
em obstricti fuerant, a Caesare liberati, Vinariensi fidem & subjecti-
nem jurarunt. Arx Grimmensteinensis, urbi Gothanae adfita, eo
uod rebellium fuisset receptaculum, decreto Comitiorum Ratisbo-
ensium, solo aequata.

Denique Joannes Fridericus, omnibus bonis exutus, Viennam ^{Dux captus.}
captivus abductus, in carcere Neostadiensi adhuc viginti octo annos
nam deploravit insaniam, anno 1595. ibidem defunctus. Hæc cata-
strophe excepit hanc tragædiam, quæ anno 1566. & 1567. acta est,
ecidentibus telis in auctorum capita.

Durante obsidione Gothana obiit Philippus Landgravius, ma- ^{177.}
nus sæculi hujus actor in theatro vitæ humanæ. Dispensante Lu- ^{Mors Land-}
hero, vel Evangelium declarante, per novem annos duas simul uxo- ^{gravi.}
es habuit, Christinam Saxoniam, & Margaretham Salensem. Ex
rima legitima decem liberos genuit, ex altera octo.

Anno 1567. Cæsar Maximilianus Statibus Provincialibus Austriae
berum Religionis exercitium permisisse dicitur, accitis Lipsia Joa-
himo Camerario, & Rostochio Davide Chytraeo.

Anno sequente 1568. Trevirensis Elector Trevirim obsedit, ob
enegatum parendi obsequium, sed, interveniente Cæsare & Electo-
ribus Rhenanis, lis fuit sopita, & ad Imperii Judicia remissa.

Lentius composita est vetustior controversia, Ducem inter Flo-
rentinum, & Ferrariensem, quis eorum videretur esse major; quæ
anno 1569. rursus exarserat. Cosmus ad Pium V. referebat arbitri-
um. Ferrariensis ad Cæsarem, & Judicium Aulicum. Pontifex
Cosmum *Magnum Ducem* appellavit, reclamante Cæsare; qui ta- ^{Magnus Dux.}
men ipse postea, ubi soror ejus Cosmi filio fuit nupta, titulum illum
atum habuit.

Heterodoxi, postquam perpetuas turbas atque etiam bella cru-
enta ultra 30. annos in Imperio excitant, usque ad Pacem Religio-
nam, qua ipsis contra antiquitatis atque Imperii morem concessa fuit
Augustanae Confessionis libertas, nihilominus tamen etiam istam pa-
cem multoties fregerunt, exemplo inter alia sunt tot Abbatiæ, Mo-
nasteria, Episcopatus abrepti, cædes Episcopi Herbipolitani, ex-
pilatio urbis, Gothana conspiratio, illiusque violenta in Cæsarem &
Episcopos consilia.

178.
Protestan-
tium invasio-
nes.

Et hoc ipso etiam tempore, sub annum videlicet 1569. per milites Wolfgangi Comitis Palatini terras Episcopi Spirensis, & per exercitum Principis Auriaci Alsatiam afflixerunt. Quod autem in Germaniæ Catholicæ perniciem facere non poterant, in extremis provinciis, Gallia præsertim & Belgio, turbatis ibidem Religionis rebus, effecerunt. Missis eo numerosis militum copiis, ut violentam Calvinii sectam erigerent. Quod sane fieri non poterat, sine multifaria in conductione & transitu militum Germaniæ injuria.

Igitur, ut tantis incommodis afferretur remedium, Daniel Elektor Moguntinus Septemviros Fuldam convocavit, ubi statutum, ut Pax Religiosa sancte observetur. Dein Francofordiæ celebratus est conventus Deputationis Imperialis, ut tantis malis iretur obviam.

179.
Comitia Spi-
rensis.

At cum omnia ista remedia morbo tanto non sufficerent, anno 1570. *Comitia Imperii Spirensia* fuerunt indicta, in quibus fuit deliberatum, qua ratione Pax Imperii, tum Publica, tum Religiosa conservari, effrænata licentia exteram militiam sequendi coerceri, antiqua militaris disciplina restitui, urbes Hungariæ finitimæ adversus Turcam muniri, justitia in Camera Imperiali promoveri, Matricula Imperii, ne quis nimium gravetur, ordinari, res monetariæ emendari, nimia licentia Bibliopolarum cohiberi aliaque ad Imperii florem & decus perducere possint.

Porro in his Comitibus Batavi rogabant auxilia adversus Regem Hispaniæ, legitimum suum Principem ac Dominum. Proposita etiam gravis controversia inter Ducem Holstiæ & Hamburgum agitata ratione superioritatis territorialis, quam Dux prætendebat, urbs negabat. Anno 1571. in Conventu Deputatorum rursus actum de emendatione rei monetariæ, & ordinatione Matriculæ Imperii.

180.
Obitus Cæ-
saris.

Cum subin anno 1572. & 1574. thronus Polonicus vacaret, Maximilianus Imperator multorum suffragiis in Regem fuit electus. Verum cum moram interponeret, filiumque suum Ernestum commendaret, aliis corona fuit imposita; primo quidem Henrico Valesio, dein, eo in Galliam regresso, Stephano Batorio. Denique anno 1576. suas etiam coronas deposuit Maximilianus Cæsar, in ipsis Comitibus Ratisbonensibus, quæ ob bellum Turcicum aliaque Imperii negotia indixerat, defunctus, anno ætatis 49. Imperii 12.

Huius liberi.

Conjugem habuit Mariam, Caroli V. filiam, quæ 15. ipsi liberos peperit, novem videlicet masculos, Rudolphum, Ernestum, Matthiam, Maximilianum, Ordinis Teutonici dein Magistrum, Albertum, primo Cardinalem, Belgii postea Principem, Wenceslaum, & tres alios in prima ætate demortuos; & sex filias, Annam nimirum, Phi-

Philippi II. Hispaniæ Regis conjugem, Elisabetham, Carolo IX. Galliæ Regi nuptam; Margaretham, Christo cælorum Regi in Regio Halensi Parthenone desponsam. Tres alias mors præmatura demessuit. Multum laudatur Maximilianus præsertim a Protestantibus, erga quos erat indulgentior; quæ res multum sane molestiarum ejus successoribus facescivit in extirpandis ex provinciis hæreditariis errorum zizaniis. Et ipse Maximilianus expertus est, quam non satiet acatholicorum ingluviem, quidquid ipsis conceditur. Quo enim plus capiunt, eo plus cupiunt, & quod ajunt, si digitus porrigitur, manum apprehendunt. Plura sane Catholicis abstraxerunt sub ejus Imperio, & tamen in ultimis Comitibus Ratisbonensibus adeo morosos ingratosque se gerebant, ut negarent, se auxilia contra Turcam imminentem præbituros, si non finantur plura Ecclesiarum bona abripere & *secularizare*. Quæ res adeo alte in animum Cæsaris descendit, ut credatur ei supremum morbum & mortem accersisse.

Cæterum licet fuerit erga Protestantes indulgentior, alienum tamen prorsus a veritate est, quod eorum nova fidei systemata unquam probavit, aut amplexus fuerit. Neque unquam adduci potuit, ut Reservatum Ecclesiasticum ex Pace Religiosa eradi pateretur; sed Pacem Religiosam totam ac integram confirmavit.

Scribunt quidem aliqui, quod anno 1567. Statibus Provincialibus Austriæ, subsidia bellica præbere recusantibus, Religionis libertatem permiserit, accitis novi Evangelii Præconibus, Joachimo Camerario Lipsia, & Davide Chytræo Rostochio. Alii tamen testantur, eum postulata iniqua rejecisse, postquam a Pio V. per Commendatum Cardinalem fuerit monitus. Et licet junior adhuc conciones Lutheranas Sebastiani Fauseri audisset, meliora tamen dein amplectum consilia, sincera mente easdem repudiasse.

ARTICULUS III.

OBSERVATIO

Circa controversiam post Electionem MAXIMILIANI II.

ortam.

Postquam Maximilianus II. in Regem Romanorum electus fuerat, dissidii aliquid, ut supra insinuavi, ortum est inter eum & Pium IV. Pontificem. Quod cum non satis fideliter referatur, sed ultra veri-

tatem ex odio in Pontificem exaggeretur, operæ pretium fuerit, hic illud ex Cardinalis Pallavicini *Hist. Concil. Trid. lib. 22. cap. 6.* in epitomen redigere. Res ita se habet.

181.
Romano-
rum peti-
tio.

Electio Maximiliani vitiosa dicebatur a Romanis, 1. Quod duobus tantum suffragiis esset facta; cum tres Septemviri fuerint hæresi infecti, Coloniensis vero necdum confirmatus. 2. Quod Pontifex non admittat potestatem in Septemviri absque suo consensu destinandi successorem Cæsari adhuc viventi, sed solum subrogandi Cæsari jam defuncto; præsertim cum ipsius parens coronam e Pontificis manu non acceperit. 3. Quod Maximilianus coronam suscepit Francofurti, & non Aquisgrani, secundum Caroli IV. Constitutionem, a successoribus perpetuo custoditam.

Quia autem hæc Romanæ aulæ cunctatio temporibus illis minime opportuna, sed Ecclesiæ obfutura timebatur, eo quod ad offensionem Regis & ipsius etiam Imperatoris Ferdinandi pertinere sit visa, & Protestantibus occasionem præberet, Pontifici apud Germanos, etiam Catholicos, invidiam conlandi, Pontifex significavit, haud difficilem se præbiturum ad supplendos defectus, modo Maximilianus id peteret, Catholicorum parti omnino adhæreret, juramentum pro fide & sede Apostolica ederet, ex scripto illi tradito, pro eo ac varii Cæsares jurassent, & oratorem ad exhibendam obedientiam Romam mitteret, de more aliorum Principum, & sicuti Ferdinandus ejus parens fecisset.

Exceptio
Maximilia-
ni.

His Pontificis postulatis difficilem præbuit animus Maximilianus, etiam ex Ferdinandi patris sensu: quippe recusabat confirmationem petere, nisi ea ostenderetur petita a decessoribus. Jusjurandum non aliud fuisse præstitum inquiebat, quam tuendi fidem Catholicam. Nec minus obedientiæ exhibendæ repugnabat, opponens, id a patruo suo Carolo V. & a proavo Maximiliano peractum non liquere: & quamquam patris orator in eo consensisset, actum tamen id fuisse extra limites mandati.

182.
Replica
Pontificis.

Contra vero pro Pontifice afferebatur: quamquam, sive ob recentem Romæ direptionem, sive ob socordiam in tabulis custodiendis, non reperirentur juramenta, & obedientia, a Maximiliano I. & Carolo V. præstita, tamen id actum esse credendum. De juramento haberi formulam *can. tibi Domino 33. dist. 63.* quæ licet postea variata, semper tamen usitata fuerit, uti constet ex summario Othonis IV. Friderici II. Rudolphi, Alberti I. Henrici VII. & Caroli V.

Quod vero ad obedientiam spectet, præsumi non solum, exhibitam illam fuisse a præteritis Imperatoribus, ex cunctorum Regum, Prin.

Principumque Christianorum exemplo, sed scriptum quoque reperi-
ti, Carolum V. eam fuisse pollicitum disertis verbis, & oblatam a
Friderico III. legi in oratione, ab Ænea Sylvio Piccolomineo typis
edita. Præterea de Maximiliano I. referri ab antiquo ceremoniarum
libro, ab eo obedientiam fuisse præstitam.

Significatum etiam fuit Nuntio Apostolico, ut Cæsari in memo-
riam revocet suspiciones de filio conceptas, tum quia hæreticum con-
cionatorem a se depellere noluisse, tum ob alia majoris momenti
ab eo gesta, adeo, ut ipse Cæsar sæpe conquestus de eo fuerit apud
Pontificem. Hinc moneri Pontificem & Purpuratos Patres, ne satis
haberent universalem quandam declarationem, qua polliceretur Rex
conservationem Catholicæ Religionis, sed ut poscerent voces, de-
clarantes, quid ipse nomine Catholicæ Religionis intelligeret.

Ad quæ reponerent Cæsarei: juramentum ea forma, qua pe-
teretur, videri novum. Vetera juramentorum exempla varia esse
& abolita, & fortasse accommodata illius temporis Cæsaribus, Apo-
stolicæ sedis sæpe infestis, a quibus par fuerit, ut Apostolica sedes
exigeret hujusmodi cautiones, non tamen a veris illius defensoribus.
Jusjurandum illud canonis, *tibi Domino*, fuisse in usu, cum Cæsar
coronam suscepturus Romanum territorium ingrediebatur, adeoque
præsentibus temporibus non aptari, & fortasse illi juramento aliud
sucecessisse, quod Reges Romanorum habebant in prima coronatione,
& quod Maximilianus Francofurti emisisset solenniter in conspectu tot
potentissimorum Protestantium, frementium propterea. Si talia ju-
ramenta fuissent emissâ a Carolo V. aut Maximiliano I. non
esse credibilem tabularum jacturam in direptione Romana, utpote
quæ conservari soleant in arce Ælia, quo Clemens VII. & se & pre-
tiosissima quæque recepisset.

Sed neque satis probari usum postulatæ obedientiæ. Æneam
Sylvium plura scripta sua retractasse. In veteri ceremoniarum libro
differta verba Maximiliani I. non reperiri: & fortasse *obsequium* ob-
latum pro obedientia fuisse habitum.

Quibusdam visum, mittendum Romam exemplum authenticum
jurisjurandi a Maximiliano Francofurti emissi, in quo habebatur hæc
interrogatio, qua illum Archiepiscopus diadema imponens percon-
tabatur: *visne sanctissimo in Christo patri ac Domino Domino Roma-
no Pontifici & Sacrosanctæ Romanæ Ecclesiæ debitam subjectionem & fidei reverenter offerre?* Rex vero responderat: *volo*, ad hæc &
alia a se promissa obstringens se jurejurando super Evangeliorum li-
bro,

183.
Finis Con-
troversiæ.

Et re vera Pontifex ad Nuntium suum Viennensem scripsit: si ab initio, hoc iusjurandum, Francofurti a Rege præstitum, ad se fuisset missum, minime opus fuisset futurum tot controversiis, vocabulorum potius quam rerum.

Quas ut abrumperet Pontifex, ad Ferdinandum Cæsarem totius rei arbitrium detulit. Misit igitur Maximilianus Rex per Comitem Helffensteinium Legatum ad Pontificem litteras in hanc sententiam: *Beatissime in Christo Pater, Domine Domine Reverendissime, post decessum commendationem & continuum incrementum meæ filii observantiæ, mitto ad sanctitatem tuam Georgium Comitem Helffenstein, qui pro meorum Decessorum more a te reverenter petat, ut ea peragas, & concedas post meam electionem in Regem Romanorum, quæ sanctissimi Romani Pontifices agere & concedere consueverunt. Itaque dum ego profiteor, præstari a me sanctitati tuæ, & sanctæ Apostolicæ sedi, nunc & in posterum, quicquid reperietur præstitum a Majoribus meis, ac præcipue a Divis Maximiliano & Carolo V. atque a serenissimo Ferdinando, Domino ac Parente meo, non dubito, a sanctitate sua vicissim declaratum iri in præsentia benevolam erga me propensionem suam. Me quidem semper reperiens in officio observantissimam sanctitatis tuæ, sanctæque sedis Apostolicæ, cui DEUS immortalis prospera cuncta concedat.*

Subinde Pontifex ex consensu consilioque Cardinalium electionem confirmavit, decrevitque, ut Maximiliani orator in senatu exciperetur tanquam Regis Romanorum orator. Is vero consuetam orationem habuit, pollicens in ea amorem, reverentiam, observantiam, & obsequium. Atque sic illætabilis ista controversia conquievit.

ARTICULUS IV.

Status Germaniæ sub Rudolpho II.

184.
Initia.

Natus anno 1552. in Hispania apud Philippum II. educatus, 1572. Polonii Rex Hungariæ, 1575. Pragæ Rex Bohemiæ, atque in Comitibus Ratisbonensibus eodem anno Rex Romanorum creatus, anno sequenti patri Maximiliano Imperator successit; ac mox anno 1577. Francofordiæ conventum Deputatorum convocavit, qui novam ordinationem politicæ præscriberet; & an. 1578. Comitibus Wormatiæ, in quibus actum de turbis Belgii componendis, missi-

missique eo a Cæsare sunt legati, quos inter Coloniensis & Trevirensis Septemviri. At apud Batavos confici nil poterat.

Neque in Belgio tantum ingentes turbas excitarunt Calvinistæ, 185.
sed etiam in vicinis Germaniæ provinciis, præsertim Aquisgrani. *Causa Aquis-*
Nam eam in urbem irrepentes, cum numero essent aucti, religionis *granensis.*
libertatem a senatu postularunt. Quamvis autem hæc eis esset negata, pergebant nihilominus pervicaces heterodoxos suos cætus publice celebrare.

Hoc ad Pacis Religiosæ injuriam pertinere arbitratus Cæsar, Ernesto Baviaræ Duci electo nuper Leodiensi Episcopo, & Wilhelmo Clivensi committit negotium. Hi proin ex Cæsaris sententia Calvinianos Præcones urbe facessere jubent, omniaque in integrum restitui, addito mandato, ne quem, qui non sit Catholicus, in senatum adlegant.

At factio Calviniana, omnes Magistratum sanctiones spernere assueta, sectæ suæ homines elegit consules, novumque senatum constituit. Ubi vero Cæsar solos illos, quos Catholici elegissent, pro consulibus & senatoribus habendos ediceret, in eam sunt acti rabiem, ut armis correptis Canonicos aliosque Catholicos ex urbe ejicerent. (*anno 1582.*)

Imperator per Judicium Aulicum adversus tumultuantes sententiam pronuntiat, ut omnia in eum statum reponantur, quo fuerant tempore pacis Religiosæ, soli Catholici in senatum assumantur, Protestantes omnia damna illata resarciant. Nihil æquius esse poterat hac judiciali supremi tribunalis sententia, a Cæsare confirmata. Sed armatæ Protestantium preces pro more executionem impediabant. (*anno 1593.*)

Tandem autem, cum Protestantes Aquisgrani omnia fusdeque verterent, ac Catholicos omnes, senatu ejectos, atrociter vexarent, Imperator eos proscripsit, executione Trevirensi & Coloniensi Septemviris, & Cliviæ Duci demandata. Sed mitius quam pro meritis actum. Ministri Acatolici jussi urbe excedere, reliqui senatu publicisque officiis moti; sumptuum refusio imperata (*an. 1598.*) At, cum contumaces neque istis conditionibus starent, Præcones urbe pulsi sunt (*anno 1605.*) Verum

Protestantes, pro inquieta ac turbulenta sua indole, nova seditione mota, armisque correptis, in senatum insurgunt, collegium Calvinista-
Societatis invadunt, Patres expellunt, nihilque barbaræ crudelitatis *rum furor.*
intermittunt. (1611.)

Deni-

187.
a Spinola
domitus,

Denique Ambrosius Spinola tot rebelliones, tot violentas invasiones ac direptiones, totque spreta mandata Casarea ulturus, cum Hispano milite urbem obsidet, expugnat, atque Catholicis sua jura restituit. (1614.)

Hæc temporibus disjuncta, conjungere hic placuit, ut Protestantæ turbæ, quæ ultra 30. annos miseram urbem acerbissime afflixerant, sub unum aspectum cadant.

188.
Causa Colo-
nienfis.

Eodem ferme tempore *Colonienfis Electoratus* a sectariis fuit turbatus, & in magna conjectus discrimina. Nam *Gebhardus Truchsessius*, Cardinalis Augustani nepos, anno 1577. electus archiepiscopus Colonienfis, cum non absque laude initio illam rexisset Ecclesiam, oculos suos conjecit in Agnetem Mansfeldiæ comitem, cœtui parthenio Girschemiensi addictam, tantamque in flammam exarsit, ut turpiter cum illa vivere non erubesceret. Cum autem fratres Agnetis Mansfeldici comites hoc familiæ suæ probum non ferrent, impulerunt Gebhardum, ut eandem matrimonio sibi jungeret.

Truchsessius Agnetem ducit.

Vincente igitur rationem libidine an. 1582. sacrilegas cum ea nuptias attentavit, & sacerdos, & Episcopus consecratus. Cum vero tenui esset patrimonio, & Agnes dote careret, suaserunt ipsi Lutherani, ut eorum religionem profiteatur; sic enim futurum, ut utramque sponfam, spirituales & carnalem retinere possit, ad exemplum tot aliorum, non tantum in Dania & Suecia, sed etiam Germania: si Catholici se contra hanc intentionem sint opposituri, omnes Protestantes consilio, suffragio, & armis etiam, si res eo deveniat, ipsi adfuturos, quorum vel maxime interfit, quantum habere Electorem de suo gremio, qui in Electione Imperatoris majorem votorum numerum faciat.

Difficile haud erat, homini mulieroso, & amore lascivienti, omnia persuadere, quantumvis recta ratio refragaretur. At opposuit se iniquis conatibus Rudolphus Cæsar, Pacem Religiosam & contentum in ea Reservatum Ecclesiasticum observatum volens. Partes etiam Catholicas strenue tuebantur Capitulum Cathedrale, præeunte Fridrico Saxo-Lauenburgico, nullum recognoscens Lutheranum Episcopum, & urbs Colonia, quæ in carcerem conjecit ministellos, qui permittente Gebhardo spargere novellum errorem in civitate & vicinis locis præsumperant, omnesque Protestantes urbe exegit: non attenta Palatini & Bipontini intercessione.

Arma igitur corripuit Gebhardus, inito fœdere cum Principe Auriaco, vicino in Belgio tumultuante; conductoque in Westphalia

lia milite; Bonnam, Magistratui tunc parentem, capit, ac publice Bonnam ca-
Agnetem conjugem suam promulgat. pit.

Pontifex Gregorius XIII. Apostatam anathemate percellit, & Ernestus eli-
Archiepiscopatum vacantem declarat. Capitulum proin eligit Erne- gitur.
stum Bavarie Ducem, jam ante Episcopum Frisingensem, Hildesien-
sem, & Leodiensem; quem Imperator, positis armis, ab omnibus
acceptari jubet. (1583.)

Sed Protestantes nihilominus arma ac bellum varia fortuna cir- Bellum.
cumferunt, in Ecclesias maxime & monasteria pro more suo deba-
chantes. Quare Ernestus, acceptis ex Belgio ab Alexandro Farne-
sio, & ex Bavaria a fratre Guilielmo auxiliariis copiis, plerasque civi-
tates aut vi aut deditione recipit, ac (anno 1584.) denique etiam Bon-
nam, Gebhardo cum Agnete sua in Hollandiam ad Auriacum profu-
gente; ubi ab omnibus derelictus misere vitam egit. Enituit hoc bel-
lo maxime bellica virtus Ferdinandi Bavari, qui pro fratre Ernesto
supremus erat belli Imperator.

Non solummodo autem Colonienſi Archiepiscopatu inhiarunt 189.
Protestantes, sed etiam Argentinensi. Nam cum anno 1592. Joannes Causa Ar-
Manderscheidus obiisset, pars Canonicorum catholica Tabernis Alſa- gentinensis.
elegit Carolum Lotharingum Cardinalem, Lotharingæ Ducis fra-
trem, pars altera Argentinæ Joannem Georgium Electoris Brande-
burgici ex fratre nepotem.

Hujus partes ut firmaret senatus Argentinensis, Dachsteinium
aliasque arces Episcopales occupavit, impositis præſidiis, reposcente
illas Lotharingo. Cum autem detrectaret senatus illas reddere, ven- Bellum.
tum ad arma, pluribus velitationibus commiſſæ copię: varia a Car-
dinale occupata oppida. Nutantes Brandenburgi res per Anhalti-
um rursus aliquantum erectæ.

Miserat equidem Rudolphus Cæsar ad componendas turbas fra-
trem suum Ferdinandum Archiducem; at excipientibus A catholicis;
negotium hoc ad totum Imperium pertinere, confici illud non pote-
at. Quare Imperator auctoritate sua utendum ratus, jubet arma
ponere, & litem per arbitros compromissarios dirimere.

Tandem anno 1603. post multas dimicationes, pluresque divi- Transactio.
sionum vias tentatas, in id conventum, ut Brandenburgus Lotharingo
totum Episcopatum cedat, receptis ab isto centum triginta aureo-
um millibus, a Wirtembergensi vero Duce, ob cessam ditionem
Obernagenssem triginta aureorum millibus, cum annua pensione 7000.
ureorum; ut tamen integrum sit Episcopatu post 30. annos urbem
lam ac præfecturam, solutis 900000. aureis, redimere.

190.
Comitia Ra-
tisbonensia.

Pendente hac controversia Cæsar *Comitia Ratisbonam* indixit. In quibus pro gerendo bello Turcico in medium annum concessa subsidia 80. mensium, per modum expeditionis Romanæ in matricula taxatorum. Varia in medium allata de iudicio camerali, re monetaria & matricula Imperij: sed in annum sequentem ad conventum Deputatorum dilata. Ernestus Elector Colonienfis solenniter a Cæsare inauguratus. Religionis etiam variæ controversiæ ventilatæ, sed non compositiæ. Tractatum de eligendo Romanorum Rege. Sed quia id Cæsari displicere visum, nihil actum.

191.
Tyrolis ad
Rudolphum.

Anno 1595. obiit Ferdinandus Archidux, Ferdinandi I. filius. Cui Tyrolis & anterior Austria obvenerat; quæ ad Rudolphum sunt devolutæ. Is hoc anno tenuit dominium directum in Wirtembergiam, reservato tamen devolutionis jure in casum deficientis stirpis Wirtembergicæ.

Anno 1597. in Comitibus Ratisbonensibus rursus decreta sunt subsidia adversus Turcas; sed cum magna contradictione Protestantium; qui varias contra iudicium aulicum querelas proponebant, illudque sublatum volebant.

Et ab hoc tempore fervebant rursus ingentia de Religione certamina, ad 50. annos cum immeni Germaniæ calamitate ac pernicie protracta. Et primo quidem Protestantes in privatos iterum cœtus secesserunt, fœdusque, quod *Unionem* dicebant, percusserunt, quod tandem in fatale illud tricennale bellum erupit.

Verum, quia hæc pleraque ad sæculum XVII. spectant, eo perstringenda remitto, ut sub unum velut aspectum cadant.

C A P U T IV.

Status Ecclesiasticus ordinatus per Concilia in
Germania Sæculo XVI.

S U M M A R I U M.

192. Tristis Germaniæ facies.

193. A Conciliis quæsitum re-
medium.

ARTI-

ARTICULUS I.

Concilium Colonienſe I. anno 1536.

94. Pars I. De munere Episcopali.
 95. - - II. De officio, vita ac moribus Clericorum.
 96. - - III. De Ecclesiis Metropolitanis, Cathedralibus, & Collegiatis.
 97. - - IV. De Parochis, eorum Vicariis, aliisque Ministris.
 98. - - V. De vita ac moribus Parochorum.
 99. - - VI. De prædicatione Verbi Divini.
 00. - - VII. De administratione Sacramentorum, ubi de singulis Sacramentis utilissima doctrina exponitur.
 201. Pars VIII. De victu Parochi.
 202. - - IX. De constitutionibus, & consuetudinibus Ecclesiasticis.
 203. - - X. De vita monastica.
 204. - - XI. De hospitalibus aliisque piis locis.
 205. - - XII. De scholis, typographis, & bibliopolis.
 206. - - XIII. De jurisdictione Ecclesiastica.
 207. - - XIV. De Visitatione & Synodis.

ARTICULUS II.

Concilium Augustanum anno 1548.

08. Occasio hujus Concilii, Dilingæ in arce Episcopali celebrati. Initium. Oratio Olavii &c.
 09. Canones 33. editi: de fide catholica, constitutionibus, electione, renuntiatione, qualitate ordinandorum, Clericis peregrinis.
 10. De officio Archidiaconi, Parochis aliisque curatis, officio Decani & Canonicorum, vita & honestate Clericorum.
 11. De pluralitate Beneficiorum, statu Monachorum, officio Concionatoris, & Verbi Divini prædicatione, cultu Divino.
 212. De administratione Sacramentorum, Baptismo, Confirmatione, celebratione Missarum, & Sacramento Eucharistiæ, Extrema unctione, Matrimonio; eorumque gratuita administratione.
 213. De consecratione, benedictione, & ceremoniis Ecclesiasticis, festis Sanctorum, orationibus Ecclesiæ, magistris, & scholis instituendis, hospitalibus &c.
 214. De majoritate & obedientia, visitatione, censuris, precibus

bus pro Principibus, pœnis, | 215 Absolutio synodi.
synodis celebrandis &c.

A R T I C U L U S III.

Concilium Diœcesanum Trevirense I. anno 1548.

- | | |
|--|--|
| 216. Initium Concilii. Oratio vehemens Pelargi. | & desertores monasteriorum. Mandatum synodale Archiepi- scopi. |
| 217. Decem Canones, præcipue contra concubinariorum Clericos, | |

A R T I C U L U S IV.

Concilium Colonienſe II. Provinciale anno 1549.

- | | |
|---|---|
| 218. Causa & occasio synodi. Editi 6. Canones pro resti- tuenda Ecclesiastica disciplina. | 222. De visitatione septem Ca- nones. |
| 219. Pro restauratione studiorum præscribuntur decem media. | 223. De celebratione synodorum tres Canones. |
| 220. De examine Ordinandorum decem puncta. | 224. De jurisdictione Ecclesiasti- ca tres Canones. |
| 221. De functione officiorum de- cem puncta. | 225. De censuris & decreto pro abusum & vitiorum abolitio- ne, 38. Canones. |

A R T I C U L U S V.

Concilium Moguntinum Provinciale anno 1549.

§. I.

Canones ad fidem pertinentes.

- | | |
|---|---|
| 226. Hoc Concilium pro illo re- rum statu sancivit imprimis 47. Canones ad fidem & sacros ri- tus pertinentes. Qui sunt ve- luti compendium Theologiæ adversus Protestantium errores lectu dignissimum. | 227. Subjunguntur deinde 55. capitula de moribus & discipli- na, pariter præcellentia, atque illis præsertim temporibus ne- cessaria. |
|---|---|

ARTI-

ARTICULUS VI.

Concilium Trevirense Provinciale anno 1549.

228. Conditio 19. Canones de doctrina & disciplina Ecclesiæ.

ARTICULUS VII.

Concilium Salisburgense anno 1569. & Colonien-
se in causa Gebhardi, anno 1582.

CAPUT IV.

Status Ecclesiasticus ordinatus per Concilia in
Germania Sæculo XVI.

NUnquam Ecclesia tot tantisque ab hostibus pressa, tot insul-
tibus impetita, totque artibus, conjurationibus, bellis, in
ruinam impulsæ fuit, quam hoc Sæculo XVI. Aliis temporibus
cum uno hoste configendum fuit, cum uno errore depugnandum;
jam vero, ruptis velut repagulis, orcus omne suum virus in orbem
terrarum effudisse visus.

Neque hæreseos duntaxat genus omne despumatum, in ortho-
doxæ doctrinæ excidium: sed morum quoque corruptio passim gra-
fata in disciplinæ sacræ ruinam, tonsio etiam vertice, quod sane de-
plorandum, vi mali infecto.

Quapropter non tantum pientissimi Cæsares incumbantibus tot
hostibus obviam eundum putarunt, sed Ecclesiæ quoque Præsules, ^{192.} Tristis Ger-
mania facies.
pro muneris sui ratione, tantis Germaniæ morbis remedium, quoad ^{193.} Conciliis
fieri poterat, solerter afferre conati sunt, per sacra nempe Concilia,
quorum auxilio & hæresum lues extinguatur, & ignorantiae tenebræ
dispellantur, & morum disciplina reformetur.

Et quidem omnium celeberrimum in hanc rem celebratum est
Tridentinum, de quo part. 3. sub finem tractavi. Sed quia ob tanta,
quæ ibi diximus, obstacula, generalis illa Synodus tam cito, ac
morbus requirebat, colligi non poterat, & cœpta etiam, ob varias
causas fuit interrupta, Caroli V. Cæsaris hortatu Episcopi plura Con-
cilia Provincialia ac Diocesana celebrarunt, ut distortam disciplinam
in ordinem reponant.

ARTICULUS I.

Concilium Colonienſe I. anno 1536.

Post tentatam frustra per tot conventus & colloquia Religionis concordiam, anno 1536. celebratum est hoc Concilium provinciale sub Hermanno Archiepiscopo, opera maxime Grop-
peri Ecclesiæ illius Archidiaconi, ac postea Cardinalis.

Actum de instructione Parochorum, quomodo populum docere debeant: de reformatione cleri, & defensione ceremoniarum Ecclesiæ: de regimine Ecclesiastico universim, dignisque ac probatis viris eidem præficiendis.

Decreta autem in 14. partes seu classes sunt distributa, quarum singulæ complures comprehendunt Canones.

P A R S I.

De Munere Episcopali.

194.

Quod præcipue consistit in prædicatione Verbi Divini, conferendis sacris ordinibus & Beneficiis Ecclesiasticis, atque visitatione Ecclesiarum. Ad certum titulum ordinandi clerici: nec nisi digni. Beneficia Ecclesiastica, antequam vacent, nemini promittenda. Dignis tantum conferenda, seposito omni humano affectu, ac simonia. In eligendis Prælatis ætas, mores, litteratura, ordo, cæteraque idoneitas spectanda. Patroni idoneos Archidiacono præsentent, is autem diligenter in eorum idoneitatem inquireat, & negligentiam Patronorum suppleat; indignos rejiciat, aliosque præsentandi spatium Patronis relinquat. Vicarii in Pontificalibus sedulo examinent ordinandos, de ætate, testimonio vitæ, doctrinæ, idoneitate, quo affectu ad sacros ordines adpirent. Ab examine neminem eximendum. Ab ordinandis nihil exigendum. Nec litteræ dimissoriæ temere dandæ. Titulus ordinandi diligenter discutiendus. Peregrini Clerici non admittendi, nisi exhibitis litteris. Idem Clericus ne plura habeat Beneficia. Dispensationes sint cautæ, examine-
tur, an rite impetratæ. Resignationes & permutationes Beneficio-
rum

um absque simoniaca pravitate fiant. Melius est, paucos habere sacerdotes dignos, quam multos indignos & inutiles.

P A R S II.

De officio, vita, ac moribus Clericorum.

Qui in sortem seu partem Domini sunt vocati, intenti sint suo officio: quod est duplex, docendi nempe populum, & pro eo orandi ac sacrificia offerendi. Sacram Scripturam diligenter legant. Horas Canonicas devote persolvent. Breviaria & Missalia reformanda, non tamen a privatis pro lubitu, prout sæpius factum sit. Summa devotione Missæ sacrificium celebrandum. Nec decurtandum aliquid propter musicam: quæ nihil profanum, nihil lascivum, aut leve redoleat. Diebus Dominicis Missa de eadem celebratur, sublato abusu de SS. Trinitate aut Spiritu sancto iis diebus eandem celebrandi. Præcipuæ causæ omnis mali, fastus, luxus, & avaritia Clericorum. Non licet Clerico cauponem agere, neque tabernam intrare, excepta necessitatis causa. Servanda in vestibus modestia. Suspecta cum mulieribus cohabitatio prohibetur. Clerici faminis in capellanos & quasi famulos se non addicant. Honesto ac necessario artificolo sustentare se liceat Clerico, exemplo S. Pauli. Non tamen sint mercatores, superstitiosi, scurræ, mimi, leviculi.

195.

P A R S III.

De Ecclesiis Metropolitanis, Cathedralibus, & Collegiatis.

Decanorum officium est, Clericos suos ad observationem rituum, omnemque vitæ honestatem perducere. Præpositus, decanus, archidiaconus, scholasticus, cantor, custos, canonici, vicarii, officio suo graviter fungantur. Canonici mensuram nominis sui impleant, hoc est, sint regulares, cum prima eorum origo monasticæ fuerit disciplinæ. Meminerint Canonici, se non quietis, inertiae, aut luxus causâ canonicatus acquisisse, sed ut per se ipsos rebus Divi-

196

Divinis diligenter interfint, devote psallant, morum honestate præluceant, habitum & tonsuram decenter gestent. Ut hæc fiant, decani invigilent: transgressores puniant. Negligentes subtractione distributionum mulctentur. Vicarii quoque, qui legitime absentium vice funguntur, hæc pariter observent.

Quorum fundatio personalem residentiam requirit, proventibus careant, in alios pios usus convertendis, si non ipsi resideant; nisi abessent reipublicæ causa. Lucri tantum causa sacris interesse indignum est. Capitula circa disciplinam diligenter habeantur. Contentiosi ac dissoluti a decanis coercendi. Statuta Capitulorum indecentia tollenda; nec cogendi, ut recens adlecti eorum observationem jurent. Fabricæ aliisque necessitatibus ex communibus redditibus succurratur. Tribunalia fori contentiosi extra Ecclesiam collocentur, ut domus DEI sit domus orationis, unde nec ullis theatris sit in ea locus. Processiones devote more antiquo peragantur. Laici res sacras ad missam pertinentes non contingant. Ministri altaris superpelliceis sint induti.

P A R S IV.

De Parochis, eorum vicariis, aliisque ministris.

197. **P**arochorum officium in duobus consistit, prædicatione verbi Divini, & administratione Sacramentorum. Quibus ut bene fungantur, ob oculos sibi ponant epistolas S. Pauli, quibus Timotheum & Titum instruit. Rogandus Dominus, ut mittat operarios in messem suam; hoc præsertim tempore, quo tot venerunt pseudo-prophetæ in vestimentis ovium, intrinsecus autem sunt lupi rapaces; qui non introierunt per ostium in ovile, sed aliunde tanquam fures & latrones; quos ad vivum depinxit præfagiens Judas Apostolus in sua epistola, Petrus *ep. 2. c. 2.* Paulus in *ep. ad Timoth. & Titum*. Suborituros homines perversa loquentes, se ipsos amantes, cupidos, elatos, superbos, blasphemos, criminatores, incontinentes, protervos, reprobos in fide, errantes, seductores, prurientes auribus &c.

Ut ergo ejusmodi lupi arceantur ab ovilibus, nemo admittendus ad prædicationis officium, nisi debite vocati, ac missi, atque ordinaria auctoritate approbati. Quomodo enim prædicabunt, nisi mittantur? Tales sunt Parochi legitime constituti. Qui personaliter
apud

apud commissum sibi populum residere debent; nisi magna ratio, ab Episcopo examinanda, excuset.

Aliquot retro sæculis in Ecclesiam accepti quatuor mendicantium Fratrum Ordines non repellendi a Verbi ministerio, modo a superioribus suis missi, & a Vicario Episcopi idonei fuerint inventi, ne tamen popularem auram captantes Religiosi Parochos, aut Clerum sæcularem in concionibus traducant, sed eosdem, in partem laboris vocati, adjuvent. Eleemosynam colligentes, quos *Terminarios* vocant, quamprimum possunt, ad monasteria sua revertantur. Monachi parochias, monasteriis suis incorporatas, per sæculares presbyteros ordinarie administrent, iisque de proventibus Ecclesiæ tantum attribuant, ut & congrue vivere, & jura Episcopalia possint persolvere.

P A R S V.

De vita ac moribus Parochorum.

Floruit Ecclesia, quamdiu Parochi verbo & exemplo commissum sibi gregem pascabant. Qui autem vitam agit doctrinæ contrariam, plus destruit exemplo, quam ædificat verbo; similis Phariseis, qui dicunt, & non faciunt &c. Avaritiam autem compemis eos vitare oportet, non opes, sed animas venantes, non auri sed hominum piscatores. Alioquin ex pastoribus fient mercenarii. Domui suæ sint bene præpositi; & testimonium habeant etiam ab his, qui foris sunt. Procul sint ab omni luxu, commestatione, computatione. Præcipue vero fugiant omnem libidinem atque luxuriam, sed serviant DEO in omni castitate. Neque implicent se negotiis sæcularibus.

198.

P A R S VI.

De Prædicatione Verbi.

Hæc ministerium summopere commendat Apostolus. Vivus enim est sermo DEI & efficax &c. Et si eo non pavisti, occidisti. Sit igitur Parochus fidelis dispensator, quem constituit Dominus super familiam suam, ut det illis escam in tempore. Charitatem.

199.

Pars VII.

B b

tatem.

tatem DEI & proximi maxime commendet, atque pœnitentiam. Media via incedendum. Temperandus sermo, & populo accommo-
dandus.

Sit concionator Scripturæ peritus, pius, discretus, eloquens, fervens; quomodo enim desideria æternarum rerum in aliis accendat, qui ipse domi suæ totus friget? Nihil alienum a catholica doctrina proponat. Aniles fabulas, loquacitatem, scommata, convitia, devitet. In vitia invehatur, non personas. Severitatem benignitate temperet. Vitanda etiam manifesta reprehensio potestatis Ecclesiasticæ & Civilis; quin potius, docendus populus obedire Magistratibus etiam discolis, atque pro iis orare.

Plebs erudiatur in præceptis Decalogi, articulis fidei, qui in symbolo Apostolorum continentur, in Ecclesiæ sacramentis, oratione Dominica &c. Epistolam & Evangelium ejus diei concionator prælegat, dein breviter illa exponat, populumque ad pietatem, dilectionem DEI & proximi inflammet. Declaret etiam, quid Ecclesia in orationibus Missæ eo die precetur.

Historiis aut miraculis narrandis ne diu immoretur, nisi ex sacra Scriptura sint petita. Expositiones Scripturæ ex SS. PP. colligat. Sub finem brevi anacephaleosi dicta repetat. Finita concione recitandus decalogus cum symbolo fidei, & publica confessione, dandaque benedictio, atque ad sacrificium Missæ facienda præparatio.

P A R S VII.

De administratione Sacramentorum.

200.

Parochus instruat populum de vi & efficacia, quam septem Sacramenta habent ex institutione & meritis Christi, conferendi videlicet Divinam gratiam digne suscipientibus. Per *Baptismum* omne remitti peccatum. Patrinos esse sponsores ac fidejussores pro infante, cum obligatione, eum in vita Christiana instituendi, nisi aliunde sit provisum. Explicandæ ceremoniæ. In Ecclesia suscipiendus Baptismus, nisi aliud necessitas postulet.

Exponat, per sacramentum *Confirmationis* conferri gratiam, qua tyro firmatur adversus satanæ tentationes, roboraturque, ut, quod corde credit ad justitiam, ore confiteatur ad salutem: quid significet chrisma, cur ex oleo & balsamo mixtum. Suadet Concilium,
ut

hoc Sacramentum non conferatur infantibus, sed expectentur anni discretionis, ut preparatus accedat.

Dolet sacra synodus, Eucharistiam, unicum illud pium mentium delictum ac solatium, hac deploratissima tempestate passim fatidiri. Docendus populus, in hoc sacramento verum corpus & sanguinem Christi cum anima & Divinitate unita contineri, & sumi, & quidem sub una etiam specie. Unde synodus ait:

„Ubi sunt, quibus contra Ecclesiæ consuetudinem persuasum est, oportere laicos participare corpus & sanguinem Domini sub utraque specie, ibi docebit Parochus, corpus & sanguinem Domini in altera tantum specie perfecte consistere, adeo, ut laicus, qui sub specie panis communicat, non tantum corpus, sed & sanguinem Domini non minus recipiat, quam qui capit sub utraque specie. Ecclesiam quoque laicis unam speciem dare, quod pro reverentia sacramenti & salute fidelium sic viderit expedire. Nam cum nullatenus ambigendum sit, sub specie panis non tantum carnem, nec sub specie vini sanguinem tantum, sed sub qualibet specie totum Christum contineri, cur laicus iudicio Ecclesiæ, quam Dominus audiri voluit, se non submittat? quæ non temere, sed multis rationibus permota, decrevit salubrius esse, ut non tantum populus, sed & sacerdotes non sacrificantes Christum sub una tantum specie perciperent. *Quid enim panis vique species aliud sunt, post consecrationem, quam species sacramentales & accidentia sine subiecto?* Ut non habeat laicus, cur queratur, sibi alteram subtrahi speciem, cum totum, quod sub utraque specie continetur, accipiat.“ Ita Concilium.

Ubi obiter potes advertere, quam proterve agant novi illi Philosophi atque Theologi, qui ex mera novandi libidine tam frequenter Concilio, ex omnibus Episcopis & Doctoribus totius Archidiececesis Colonienſis collecto, in faciem præsumunt contradicere, negando, in Eucharistia accidentia existere sine subiecto.

Pergit deinde sacra synodus cohortari ad summam reverentiam, Divinissimo huic sacramento exhibendam, præsertim quando in Missa sacra elevatur hostia, vel ad infirmum portatur a sacerdote, præcedente lumine, in signum, adesse præsentem, qui est candor lucis æternæ. Hæc denique sacrosancta hostia semper reponatur in loco singulari, mundo & clauso.

Doceatur insuper populus, hoc sacramentum valide confici etiam a malo sacerdote; quia non in merito consecrantis, sed in verbo efficitur Creatoris, & in virtute Spiritus sancti. Nam sicut ipse est, qui

baptizat, ita ipse est, qui panem & vinum in corpus & sanguinem suum convertit. Malus autem sacerdos sibi tantum nocet, indigne tantum mysterium tractando. Sicut etiam suscipiens iudicium si manducat & bibit, qui indigne accedit. Quare per exhomologesin, aut si hæc fieri non possit, per contritionem & peccatorum detestationem se prius probare debet.

Parochiani saltem semel in anno confiteantur, & Eucharistiam percipiant, examinandi ante de articulis fidei. Qui alteri quam suo proprio Parocho confitentur, testimonium factæ confessionis afferant. Missæ primum post concionem celebrentur, ne populus dilabatur.

Instruatur populus, quid in Missa agatur, ut intelligat, nihil in ea esse, quod non sit pium venerandumque. Reprehenditur abusus discedendi ante finem Missæ. (*Hic dicitur, communionem esse præcipuam Missæ partem.*) Instruatur populus, quod Missa sit representatio illius sacrificii, in cruce peracti, quo Christus se ipsum semel obtulit sacrificium & hostiam pro peccatis nostris: ipso præcipiente, ut hoc faciamus in ejus commemorationem.

Exequiæ ac Missæ pro defunctis celebrandæ, non tamen die Dominica. Debet quoque plebs doceri, pium esse, quemadmodum jam inde ab Apostolorum temporibus Ecclesia (quæ est firmamentum veritatis) & docuit & observavit, pro defunctis Dominum exorare. Non tamen ad exequias monachi & cohors levium clericorum extra urbem evocandi. Neque post sepulturam convivia instituenda.

Penitentia sacramenti tres ait esse partes, contritionem, confessionem, & satisfactionem, potissimum tamen in absolutione sacerdotis consistere, quæ virtute verbi & clavium remittantur peccata. Quanquam autem nemo convertatur, nisi tractus a patre, nemo tamen excusationem prætexat, quod non trahatur, cum semper stet ad ostium & pulset. Per internum & externum verbum, contritis tamen cordibus monstrandus Samaritanus ille, qui vulneribus infundit vinum & oleum.

De *Matrimonio* doceant, quod sit sacramentum, institutum a DEO, quo & gratia habitualis augetur, & gratiæ actuales conferuntur, ut proles honeste suscipiatur & educetur, fides conjugalis servetur, & onera annexa patienter ferantur. Clandestina matrimonia graviter illicita. Non facile Parochus conjungat sponso invitis parentibus: conjunctio fiat in templo inter Missarum solennia; tribus proclamationibus de more præmissis: nisi causa cognita fuerit dispensatum. Peregrini non copulentur, nisi a Parocho proprio facultatem habeant, ac testimonium, quod nullo laborent impedimento. Di-

spen-

penfationes examinentur. Ludicra illa confuetudo post conjunctionem pulsandi sponsum in templo penitus tollatur.

De sacro Ordine parte I. dictum.

Extrema unctio adhibetur, ut vel convalescat æger, vel ad lucem supremam roboretur. Soli hæretici, excommunicati, publici latrones, & qui se ipsos occiderunt, & quos in peccato lethali, nullis pœnitentiæ signis præcedentibus obiisse constat, sacra sepultura careant.

P A R S VIII.

De vi&tu Parochi.

Sacramenta gratis ministrentur, neque pro sepultura aliquid accipitur, nisi ultro offeratur. Quia tamen sacris ministris congrua debetur sustentatio, vicariis ea ex redditibus Ecclesiæ assignetur. Si redditus non sufficiant, duæ Ecclesiæ uniantur. Singuli Parochiani denarium consuetum, sed duplicatum offerant quater in anno, videlicet in Natali Domini, Paschate, Pentecoste, & Assumptione B. V.

201.

P A R S IX.

De constitutionibus & consuetudinibus Ecclesiasticis.

Traditiones & consuetudines aliæ sunt universales, toto orbe Christiano receptæ, quæ ab ipsis Apostolis vel plenariis Conciliis descendere censendæ sunt: uti: quod passio, resurrectio, ascensio in cœlum, adventus Spiritus S. quadragesima, solennitate annua celebrentur, quod die veneris a carnibus abstinenceatur, atque alia multa, quæ ab omnibus observantur, & observanda sunt. Aliæ vero sunt particulares, quæ pro loci cujusque more laudabiliter custodiuntur.

202.

Abstinentium autem statis jejuniorum diebus etiam a carnibus, non, quod caro sit immunda, ut veteres quidam hæretici delirabant, sed ut corpus rebelle maceretur, & carnis concupiscentia subigatur spiritui. Similiter Litaniarum ac Processionum solennium usus antiquissimus diligenter continuandus: ut conjunctis precibus Divina benedictio exoretur. Festi quoque dies, ab Ecclesia statuti, pie observandi,

vandi, & sanctificandi. Ut autem abusus, qui festo Dedicationis Ecclesiæ solent contingere, aboleantur, omnes Ecclesiæ festum Dedicationis eadem die agant, qua videlicet Cathedralis Colonienfis Dedicationem Ecclesiæ suæ celebrat. Benedictiones etiam & consecrationes templorum, altarium, calicum, campanarum &c. retinendæ, cum sint internæ unctionis & ablutionis symbolum.

Ecclesia, per copiosam ac violentam sanguinis effusionem publice polluta reconciliari debet gratis, solis itineris sumptibus Vicario in Pontificalibus solvendis a delinquente.

Immunitas Ecclesiastica res est vetustissima, jure pariter *Divino* ac humano introducta. Quæ in duobus potissimum sita est. Primo, ut Clerici, illorumque possessiones & bona a vestigalibus & tributis, aliisque muneribus laicis libera sint, deinde ut rei criminis, ad Ecclesias confugientes, inde violente non extrahantur, exceptis publicis latronibus, grassatoribus, & nocturnis populatoribus agrorum, iisque, qui immunitatis spe in Ecclesiis aut cæmeteriis delinquant.

Fraternitates sive sodalitates tollendæ, aut earum saltem abusus.

P A R S X.

De vita Monastica.

203.

HÆc non multo post Apostolorum tempora cœpit, tanquam ad perfectionem Evangelicam valde accommoda. Nemo tamen ad illam compellendus, propter periculum incontinentiæ. Doceantur meditari in lege Domini, prædicetur verbum DEI. Aliquis ad Universitates mittendi, ut Theologiæ studeant, in communitate tamen degant. Tollendi abusus, servanda disciplina. Visitatio faciendæ. Communi mensa utantur. Semper aliquid operis faciant, ut eos diabolus semper occupatos inveniatur. Vagabundi ad claustrum reducantur tanquam fugitivi. Epistolæ Superiori tradantur. Canonici reformari oportet, quia vitam agunt nimis licentiosam.

PARS

P A R S XI.

De Hospitalibus aliisque piis locis.

Oportet frequentia habere nosocomia & hospitalia; quia pauperum curam præcipuam nobis esse Christus voluit. Non tantum corporum, sed vel maxime animarum salus procuranda. Nullæ admittantur personæ præter miserabiles, & quidem loci illius, præ aliis. Viribus pollentes non recipiantur, nec quidem loci illius, præ aliis. Viribus pollentes non recipiantur, nec mendiicare permittantur; sed ad laborem adigantur. Præfecti caveant, ne Judam imitentur, qui fur erat & loculos habens; quare singulis annis coram Magistratu loci & Parocho administrationis rationem reddant.

204.

P A R S XII.

De Scholis, Typographis ac Bibliopolis.

Summopere refert, ut pueritia bene instituatur & educetur. Quare clancularii illi magistrelli, qui in conventiculis vicatim docent, prohibeantur, & adolescentes ad gymnasia publica mittantur. His autem præficientur præceptores inculpatæ vitæ & doctrinæ; ne forte hæreseos virus teneræ ætati instilletur.

205.

Salubriter sacris canonibus constitutum, ut in qualibet Cathedrali & Collegiata Ecclesia habeatur magister idoneus, qui Clericos instruat, & in Metropoli Theologus, qui sacerdotes aliosque sacris litteris imbuat, & iis quam maxime, quæ ad salutem animarum spectant. Singulis autem magistris unius Præbendæ proventus assignentur. Hujus autem saluberrimæ constitutionis vix vestigium superesse, ingemiscit synodus. Nam scholas quidem reperiri, didascalum autem eruditum ac pium vix ullum; quod nihil pene stipendii illi præbeatur. Unde magna opus esse emendatione; cum ab hac re totius propemodum reipublicæ salus aut perniciēs dependeat. Providendum itaque de idoneis magistris, ac sumptibus necessariis.

Instaurandæ Academiæ, quæ per hæreson colluviem misere pereunt. Pauperibus Scholasticis ex Ecclesiasticis stipendiis prospiciendum.

ciendum. Eruditioribus spes præmii faciendæ. Parochiæ &c. illis conferendæ. Canonici ad studia mittendi, percepturi toto quinquennio Beneficiorum suorum fructus. Optimi libri in singulis disciplinis prælegendi statis diebus. Vivendi discendique regulæ scholasticis præscribendæ.

Cum per abusum artis impressoriæ plurimum malorum emergerit, vetat synodus, ne typographi aut bibliopolæ librum quencunque aut chartam imprimant, aut vendant, nisi a deputatis censoribus recognitus & approbatus fuerit, & typographi nomen & cognomen, ac locum editionis contineat. Typographi autem, Bibliopolæ, ac reliqui librorum institores, & geruli, qui huic ordinationi contravenerint, præter confiscationem librorum, pœnis etiam legalibus, ac pragmaticæ Constitutioni Augustanæ subjacebunt. Contra quos in territorio Colonienfi fiscalis acerrime inquirat, & ad pœnarum declarationem procedat.

P A R S XIII.

De Jurisdictione Ecclesiastica.

206.

Excommunicationis usus tam antiquus est, quam ipsa Ecclesia Christiana. Siquidem ipse Dominus *Matth. 18.* illum, qui Ecclesiam non audierit, vult haberi sicut ethnicum & publicanum. Ex mox subjungit: *quæcunque alligaveritis super terram, erunt ligata & in calo: & quæcunque solveritis super terram, erunt soluta & in calo.*

Magistri doctrinam ac voluntatem implevit S. Paulus *1. Cor. 5.* ubi Corinthium publice cum noverca peccantem tradidit satanæ in interitum carnis, ut spiritus ejus salvus fieret. Et cum publico peccatore nec cibum sumi voluit. Hanc disciplinam in usum revocari optat synodus, ad coercendam mortalium proterviam, & frangendam contumaciam: simulque commendat usum denuntiationis Evangelicæ.

Cavebit tamen Judex, ne censuras ex injustis vel levibus causis, vel juris ordine non servato; vel ex odio unquam intorqueat. Cum tantum adversus graves & publicos peccatores, qui monitis contumaciam opponunt, locum habeat.

Neque Fiscalis inquirat, nisi quem legitima ac frequens gravat infamia. Quam si non probaverint delatores, condemnentur in expensas.

enfas. Ne passim pœnæ pecuniariæ pro criminibus imponantur. Aliquando persona delinquentis vel qualitas criminis hanc mulctam imponat, in pios usus convertatur, ne magis avaritiæ quam correctionis causa exacta videatur.

Clerici publice ac graviter delinquentes publice juxta sanctiones canonicas puniantur.

Hæredes non implentes voluntatem testatoris ab Episcopo jure hæreditatis priventur. Testamenta, præsertim Ecclesiasticorum, intra anni spatium executioni mandentur. Sacerdotis ab intestato mortui persona, deducto ære alieno & funeralibus, in piam causam convertantur pro anima defuncti. Excipiuntur tamen bona illius patrimonialia, quæ hæredibus cedunt.

Multiplex illa ac facilis juramentorum exactio in judiciis improbat: nisi nempe gravitas causæ aut necessitas exigat.

P A R S XIV.

De Visitatione & Synodis.

Um frustra sint in civitate leges & in clero sanctiones canonicæ, nisi sint, qui exequantur, visitatione opus est Episcopi; quæ inchoanda a Cathedrali, dein ad collegiatas & monasteria (non exempta) ad parochias, scholas, bibliothecas, hospitalia &c. promovenda.

207

Prima autem sit cura in reformandis Ecclesiarum Prælati, maxime Decani. Quod enim ab illis committitur, facile ab aliis trahitur in exemplum. Dein cleri dissolutio coerceatur.

De paroco investigetur, qua ratione Verbum Divinum disseminet, ac Sacramenta administret; an omnia calleat, quæ ad ejus officium spectant, qualis sit vita, moribus, doctrina, an victum habeat. Exploranda eruditio, habitus, tonsura, familiaris conversatio, honestas familiæ, libri, qui omnes inspiciendi. Inquirendum, num parochia sit hæreticus, aut schismaticus; num hæresis aliqua aut periculosa doctrina serpat. Atque apponenda securis ad radicem. Num invaluerint superstitio, divinatio, fortilegium, blasphemiæ, adulterium, & similia crimina. An sit, qui Sacramenta negligat, paroco obedire detrectet, censuras spernat. Num dies festi & Ecclesiæ jejunia rite observentur. Quinam abusus irrepsierint. Quo-

Pars VII.

C c

modo

modo & a quibus pueri instituantur. Qua satisfactione parochus munere pastoralis fungatur. Quomodo se habeat in templo, an sacramenta Baptisma, SS. Euchristiam, chrisma secure & decenter custodiat. Num vestes sacræ sint mundæ, templum factum tectum, altaria ornata. Qualis domus parochialis. Num alienationes aliquæ factæ &c.

Ut autem omnia efficacius atque universalius executioni dentur bis per singulos annos celebrandum est Concilium Provinciale a Prælati Ecclesiarum cathedralium, collegiatarum, monasteriorum, archidiaconis & decanis ruralibus. Fiatque diligens disquisitio quænam reformatione opus habeant. Decani autem, quæ in Conciliis Provincialibus statuta fuerint, in synodis suis particularibus promulgent, & in usum deducant.

ARTICULUS II.

Concilium Augustanum anno 1548.

208.
Occasio.

Quia Carolus V. Imperator post devictos Smalcaldicos socios in Comitibus Augustanis voluntatem suam significaverat, ut usque dum Concilium Tridentinum reassumeretur, particularia Concilia per provincias, & diœceses celebrentur, Otto Truchseus Cardinalis & Episcopus Augustanus saluberrimæ voluntati obsecutus, postquam Algoiam Smalcaldensium furore misere afflictam ordinaverat, Prælatos, Abbates, Præpositos, Decanos tam collegiales quam rurales, camerarios &c. anno 1548. ad synodum Dilingam evocavit.

Ad diem igitur præscriptum convenerunt multi, ex captivitate velut respirantes, atque præclaram animi magnitudinem ad ædificandam domum Domini afferentes. Alii tamen exemptione a jurisdictione Ordinarii absentiam excusarunt; alios profani magistratus timor, alios libertatis amor, aut neglecti muneris pastoralis conscientia subtraxit.

Initium.

Initio ad Ecclesiam parochialem Dilinganam ordine processum Prælati, quibus jus competeabat, mitras & pedum pastorale cum Pontificali habitu gestantibus, reliquo clero vestimentis Ecclesiasticis decenter ornato. Missam de Spiritu S. solenniter celebravit ipse Cardinalis Episcopus.

Quia

Quia autem templum tantam multitudinem non capiebat, ad regem Episcopalem redierunt Patres, atque in aula amplissima conederunt. Ad quos Martinus Olavius Theologus Hispanus, Caesaris acellanus, elegantem orationem habuit, de horum temporum statu, de officio Pastorum & cleri, de moribus omnium reformandis, atque disciplina Ecclesiastica restituenda.

Finita hac oratione Cardinalis causas synodi uberius explicavit, atque ad omnimodæ reformationis curam omnes cohortatus, se ipsum etiam obtulit synodali judicio reformandum, rogavitque, libere ac sincere proloquerentur, nihil sibi futurum gratius. A Cancellario dein Episcopi statuta sequentia, ordine in Jure Pontificio conueto, prælecta sunt.

STATUTA

Synodi Augustanæ.

I. De Summa Trinitate & Fide Catholica.

Cum a Christo per suos Apostolos eorumque successores una fides Catholica in universum orbem, cujus primatus Romanæ Sedi ex S. Petri prærogativa jure tribuitur, derivata sit, omnes in ea constantes firmique permaneant; eandem observent, credant, & doceant. 209.

II. De Constitutionibus.

Sacrorum Canonum & Conciliorum Decreta, ac Provinciales Moguntinæ sedis synodales constitutiones, uti etiam Augustanas, omnes observent. Constitutio Caesaris de Inter-religione hoc anno in comitiis Augustanis edita, in ea parte, qua ad status Catholicos pertinet, acceptatur & innovatur, cum adhortatione, ut omnes, novationibus abjectis, ad unitatem Ecclesiæ redeant. Constitutiones etiam Laurentii Campegi Cardinalis, Ratisbonæ anno 1522. editæ observentur. Præfens vero libellus synodaliū constitutionum ubique publicetur.

III. De Electione.

Ad Episcopatum Ecclesiæ Augustanæ posthac nullus, nisi Presbyteratus ordine insignis, aut qui se gradus omnes, quos nondum habet, quamprimum adepturum promiserit, eligatur aut assumatur.

IV. De Renuntiatione.

Ad dignitates, curam animarum, aliaque beneficia nullus coadjutor, aut resignatarius admittatur: nisi prius examinatus & approbatus fuerit. Secus si irrepperint, amovebuntur.

V. De qualitate ordinandorum.

Ordinandi examinentur de fide, quid super hæresibus hoc tempore jactatis, & Romana Ecclesia sentiant. Nullus ordinetur, qui non publicum testimonium de moribus probatis, a primario sacerdote, vel magistratu patriæ suæ signatum attulerit. Scientia examine exploranda. Eadem ratio habenda in admittendis ad Prælaturas & parochias. Examinanda etiam ætas. Pro examinibus autem nulla exigenda pecunia. Cardinalis ipse examini coram vult adesse & præesse, pascale quidem & pentecostes tempore Augustæ, reliquis vero anni temporibus consuetis Dilingæ.

VI. De clericis peregrinis.

Ignoti ac vagi sacerdotes ac monachi absque Prælatorum suorum testimoniis seu formatis ad conciones habendas & sacra peragendas nusquam admittendi, multo minus, si sint de fide suspecti, flagitiosi, fugitivi. Debent autem formatæ testari de ordinibus susceptis, & honestate morum. Requiritur insuper, ut ab Episcopo, in cujus diœcesin veniunt, aut ejus in spiritualibus vicario admissorias obtinuerint, & exhibeant.

VII. De Officio Archidiaconi.

Quos Græci *Chorepiscopos*, hoc est, certarum regiuncularum in qualibet diœcesi speculatores, alii *Archidiaconos*, alii *Archipresbyteros* vocant, Augustæ & certo districtu adjacentes *Archidiaconi*, in reliqua vero diœcesi *Decani rurales* appellantur. His mandatur, ut

ut decreta hæc synodalia parochis publicent & exequantur. Capitula sua ruralia pro more congregent, ad synodos veniant. Invigilent, ut parochi officio suo rite fungantur. In dubiis non respondeant nisi peritiores consuluerint. Ab exactionibus fordidis, & illis abstineant. Libertatem Ecclesiasticam tueantur. Sexto quovis mense districtum suum visitent. Si quid emendare non possint, ad synodum, aut si periculum est in mora, ad Episcopum referant. Intrusos in beneficia, aut suspectos de surreptione dispensationis moveant, ne administrationem sacrorum usurpent; si parere noluerint, ad Episcopum oculus deferantur.

Ne in templis, sacellis, aut oratoriis imagines pingi aut sculpiant, Episcopo aut ejus vicario inconsulto: ut in his veteris Ecclesie decorum, sacrarum historiarum veritas, & imaginum honestas conservetur. In inquirendis libris hæreticorum, aut de hæresi vel schismate suspectis, nullam diligentiam prætermittant.

VIII. De Parochis aliisque curatis.

Parochi populum de fide & religione diligenter instruant. Sacramenta administrent, eorum gratiam exponant. Publicos peccatores canonice, occultos occulte arguant. Contumaces Episcopo aut ejus Vicario indigent, aut vel publica satisfactione curentur, aut communionem Catholica arceantur. Parvulos quoque & rudes certis temporibus doceant symbolum fidei, orationem Dominicam, salutationem Angelicam, & decalogi præcepta, aut ea diebus Dominicis ex suggestu diserte pronuntient.

Viri graves & idonei ad curam animarum assumantur, & anniversaria de eorum vita & moribus inquisitio instituantur. Quia clerici non raro in beneficia involant absque institutione Ecclesiastica, nulla ligandi aut solvendi potestate præditi: abusus iste tollendus. Quare decani hanc rem in proximo capitulo examinent, & ad Episcopum deferant, si quis ita irrepserit.

Curati omnes quatuor libros penes se habeant, nempe *baptizatorum*, *stato tempore confitentium* & *communicantium*, *matrimonio junctorum*, *mortuorum*, cum expressione nominum, cognominum, diei & anni, quia hæc notitia ad multa est utilis.

Capellani & primissarii parochis suis debitam reverentiam exhibeant, ac omnia debita officia; nisi vi foundationis expresse sint privilegiati.

Omnes presbyteri, præsertim curati, certam notitiam habent eorum, quæ ad essentiam sui officii pertinent; veluti sunt formæ sacramentorum.

Quoniam plurimum interest, ut pueri & rudes rite instituantur, omnes parochi legant & doceant catechismum, sive libros de *Institutione Christiani hominis* Petri de Soto, ex Prædicatorio Ordine Theologi Hispani, Cæsaris confessoris, viri doctissimi ac religiosissimi. De hæresi autem aut schismate suspecti penitus tollantur.

IX. De officio Decani & Canonicorum.

Decanus collegii sui clericos in officio contineat. Exemplo præcedat. Vitæ morumque honestatem, ad disciplinam in Divinis officiis ac ceremoniis exigat. Ebrios, aleatores, percussores, scortatores, & officii sui immemores corripiat, sacris abigat, & pro jure sibi competente mulctet.

Scholasticus juventutem, Ecclesiæ ministeriis destinatam, doctrina, pietate, ac morum honestate imbuat. Aut per idoneos & probos pædagogos institui curet. Atque ordinandorum examini diligenter intendat.

Canonici Decano suo obediant. Divinis omnibus intersint, quæ decet, modestia, gravitate, pietate. Eleemosynas pauperibus distribuunt. Populum exemplo ædificent. Deambulatio omnis in templo sub Divinis esto vetita.

Capitulum bonis studiosis in Academia Catholica de sumptibus necessariis provideat, qui redeuntes testimonium ab Universitate ferant.

Horas Canonicas decenti modulatione persolvant. Et hanc curam ad conductitios tantum succentores minime rejiciant.

Canonici etiam juniores Theologum, qui in singulis collegiis frequentioribus haberi debet, certis horis prælegendem diligenter audiant.

X. De vita & honestate Clericorum.

Clerus in habitu, tonsura, incessu decorum servet. Superior vestis sit talaris: mensa frugalis. Abstineat ab omni levitate, luxu, avaritia, sordido quæstu, superstitione, venatione clamorosa, profanis negotiis. Cauponas computandi causa non ingrediatur, secus multandus quatuor florenis, quorum duo fabricæ templi, duo delatori

ori cedant. Pœnam festus dies graviolem efficiet. Jejunia fervet. Caste & continenter vivat.

Quare sacerdos, diaconus & subdiaconus de fornicatione, adulterio, aut suspecta familiaritate convictus, ab officio suspendatur, & beneficii fructibus ad certum tempus pro scandali gravitate privetur. Incurrigibilis beneficium amittat. Concubinæ autem clericorum excommunicentur. Clerici vero minoribus tantum ordinibus initiati eadem privationis fructuum pœna plectantur, & a ministerio Ecclesiæ arceantur. Neque fœminis cohabitent, nisi ætate provectis, aut castimonix laude publice commendatis.

Clerici domos fundosque dotales beneficiorum suorum collapsos instaurant, quantum necessitas postulaverit, ac reparata conservent.

XI. De pluralitate Beneficiorum.

Qui plura Beneficia possidet, uno retento, cætera intra annum resignet, aut privilegium exhibeat. Quod si illegitime impetratum fuisse compertum fuerit, ejusdem revocatio a sancta sede procurabitur. Si vero dignus dispensatione fuerit, nihilominus jura Episcopalia & Archidiaconalia solvat, aliaque communia onera ferat. Eos etiam, qui ex dispensatione Pontificia plura Beneficia obtinent, hortatur Cardinalis, ut uno retento, reliqua resignent, & sic severitatem & coactionem synodalem, provincialium aut generalium decretorum antevertant.

Monasteria vero & collegia, quæ Ecclesias cum decimis & censibus incorporatas habent, idoneos sacerdotes illis præficient, eisque congruam suppeditent. Alias Episcopus ex Ecclesiæ illius bonis providebit. Neque Ecclesiis ejusmodi unitis præficiendi, nisi ab Episcopo aut ejus Vicario tanquam idonei fuerint admittantur. Religiosi vero Ecclesiis ac Beneficiis curatis a Prælato suo præfecti, non obstante quacunque exemptione, (*quoad curam animarum*) Episcopo sint subiecti.

XII. De statu monachorum &c.

Monasteria secundum Regulam ordinis reformari, monachos in obedientia & disciplina conservari. Capitula circa disciplinam frequenter institui, vitia castigari ac corrigi, cultum Divinum reverenter exerceri, habitum & tonsuram servari, res custodiri, præcipit synodus, reformationis impatientes severa coercionem castigantura.

Inter-

Intermissa litterarum studia restaurent, aut ad alias scholas aliquos mittant, a rerum profanarum exercitio abstineant, absque iusta causa extra septa monasterii non egrediantur: semper honesti aliquid agant. Sæculari pompa abstineant, vanisque sumptibus. Quæ necessitati supersunt, in pauperes & studiosorum educationem dispendent. Monasteria excisa aut deserta, quoad fieri potest, instaurantur.

Moniales intra claustrum se contineant, a virorum conspectu remotæ. Viri in earum monasteria non ingrediantur, nisi inevitabilis necessitas id exigat: per œconomum honestum ac fidum res suas externas procurent.

Canonissæ, continentiæ studium, nulla voti solennitate obstructum, sectantes, commune habeant dormitorium. Habitu modesto, castitatis indice, utantur. Optandum etiam, ut communi mensa uterentur.

XIII. De officio Concionatoris & Verbi Divini Prædicatione.

Concionandi officium nemo assumat, nisi vocatus, & ab ordinaria Ecclesiastica potestate sit admissus. Possunt tamen pastores animarum alios idoneos assumere, si ipsi hoc munus explere nequeant.

Sacra Scriptura SS. PP. sensu exponenda. Nihil profani, fabulosi, suspecti proferatur. Sermo sit ad captum auditorum. Concionator nunc catechistam agat, nunc interpretem S. Scripturæ, nunc vitiorum reprehensorem, nunc doctorem mysteriorum, a quæstionibus perplexis & difficilibus, omni eruditionis ostentatione abjecta, abstineat, uti etiam a convitiis & injuriis. Clerum præsertim, Magistratum, & absentes non traducat, ne ejus lingua sit fax seditioni. Sed sit oratio modesta, sobria, gravis, & Verbi Divini nervis compacta.

Misericordiam, bonitatem, & charitatem Dei tempore opportuno prædicet, ut anxii spe & amore Divino inflammentur. Neque justitiæ tamen Divinæ obliviscatur, ut spei salutaris timor Domini admisceatur. Eleemosynas, satisfactiones, & pietatis opera commendet, quibus Christianæ fidei paries liniendus. Adversus grassantium hæresum tempestatem auditores muniat. Decalogi præcepta sæpius explicet. Verbum Dei etiam traditum ostendat, Christi & Apostolorum sermonibus communicatum.

Præterea hortetur populum, ut Verbum Dei attente audiat, hæresi abhorreat, Missæ sacrificio diligenter interfit, frequent confessione se expurget, mundo corde Corpus Christi sumat, sacramentis secundum Ecclesiæ traditionem religiose utatur, diestos colat. Exemplo denique & morum probitate concionator se præluceat.

XIV. De cultu Divino.

Cultus Divinus observetur peragaturque iis modis & ritibus, quibus per manus sanctorum Patrum nobis traditus, & per majores nostros in sacrificio altaris, officiis defunctorum, canonicis, catechisque Divinis laudibus, atque ceremoniis observatus fuit.

XV. De administratione Sacramentorum.

Ut confusio & schismata vitentur, & Apostolicis traditionibus, 212. sacrisque canonibus ac legibus reverentia debita habeatur, Parochi ceremoniarum, orationum, rituumque receptam uniformitatem in omnibus sequantur.

Doceatur frequenter populus, quid in cujusque sacramenti collatione agatur. Lingua latina in Sacramentorum administratione aliisque Ecclesiasticis officiis retineatur, & exclusa alicubi reprobetur. Quæ vero lingua germanica more antiquo consueverunt pronuntiari, porro eadem pronuntientur.

XVI. De Baptismo.

Solennes ceremoniæ & orationes in baptismo non omittantur, nisi necessitas exigat; earumque significatio populo sæpius declaratur, ut professionis suæ, quo Christo initiatus est, admoneatur.

Susceptores seu sponsores parvulorum sint ætatis provectæ, atque in fide probe instructi, ut non ore tantum sed etiam mente ad interrogata respondeant, suumque munus intelligere, & parvulos, ubi res postulaverit, in fide possint instruere.

XVII. De Confirmatione.

Parochi suo tempore de confirmationis origine, & chrismatis signi-

significatione suos doceant, eosque ad ejus desiderium accendant, ut, cum Episcopus aut ejus suffraganeus ad confirmationis sacramentum conferendum advenerint, prompti & parati sint illud suscipere, atque intelligant, quid ibi agatur.

XVIII. De Celebratione Missarum & Sacramento Eucharistiæ.

Canon Missæ submissa voce more veteri pronuntiandus; in reliquis etiam Missæ partibus nihil innovetur. Evangelia vel Epistolæ Dominicis & Festis in Parochia germanice exponantur; neque Missa ulla tunc celebretur. Missæ celebratio neque sit nimium præcipitata, neque nimium proluxa; unde servanda mediocritas. Undique autem ex celebrantis gestu & compositione decorum & devotio eluceat. Melodiæ lascivæ, aut alio pertinentes, ac profani rythmi procul absint; quia populum a devotione avocant, atque vanæ levitatis memoriam ingerunt. Omnia proin sacram devotionem spirent. Decentius esset, ut veteris Ecclesiæ exemplo elevationis tempore populus prostratus Deum in summo silentio adoraret.

Ignoti sacerdotes, aut sceleribus infames, aut solum quæstum sectantes a celebratione hujus sacri repellantur. Sacra hostia pro infirmorum viatico in loco mundo & honorato, accenso ad eum perpetuo lumine, asservetur. Quando solenni processione circumferretur, ludi profani omnes absint, & quidquid a devotione avocatur. Quando ad ægros deferretur, lumen præcedat, & campanula signum detur. Duæ minimum hostiæ ad ægrum ferantur, ne populus in redeuntis manibus inane vasculum adoret.

XIX. De Pœnitentia & Remissione.

Parochi in quadragesima singulis Dominicis capitulum *omnis utriusque sexus* publicent in Ecclesiis, quo videlicet decernitur, ut omnes fideles, postquam ad annos discretionis pervenerint, omnia sua peccata saltem semel in anno confiteantur sacerdoti proprio, & injunctam sibi pœnitentiam impleant, & saltem in paschate SS. Eucharistiam sumant: alioquin viventes ab Ecclesiæ ingressu, & mortuos a sacra sepultura arcendos.

Subjunguntur dein casus plures, in quibus Sacramentum Eucharistiæ personis certis criminibus irretitis negandum, aut saltem ad tempus differendum asseritur: uti excommunicatis, interdictis, publicis & habituais peccatoribus &c.

XX. De

XX. De Extrema Unctione.

Unctionis extremæ Sacramentum, cum litanis & orationibus, a majoribus acceptis, totaque Ecclesia servatis, infirmis impertientum. Sacerdos infirmum consoletur, ad spem salutis æternæ erigat. Diabolum contemnere, Christique misericordiam sperare jubeat. Præsentibus ad preces pro infirmo fundendas hortetur.

XXI. De Matrimonio.

Sacerdos non alibi, quam in Ecclesia nuptias benedicat. Nec nisi tribus proclamationibus præmissis, diebus festis continuis; ut constat, sponfos nullo impedimento laborare. Admonendi, qui coniungi volunt, ut parentum potius & amicorum consilia sequantur, quam privata sua desideria, & exemplo Tobiae jejuniis & orationibus se præparent, sciantque, matrimonia in peccato mortali contracta, esse quidem valida, sed tamen illicita: ut adeo Sacramenti gratiam non conferant.

XXII. Sacramenta gratis administrantur.

Pro reconciliatione poenitentium, aut alterius Sacramenti aut Sacramentalium administratione sacerdos non paciscatur de pecunia vel alia re sibi danda; sed requisitus ea sine mora administret. Quod tamen ex consuetudine debetur, potest exigi.

XIII. De consecratione, benedictione & ceremoniis Ecclesiasticis.

Consecrationes & benedictiones Ecclesiæ, altaris, cæmeterii, vestium & vasorum sacrorum, aquæ, salis, palmarum, cereorum &c. 213. solenne suum teneant, sicut ante istam Catholicæ Religionis perturbationem. Doceaturque populus, cur res e. g. fructus, agri &c. benedicantur, videlicet, ut orationis & benedictionis scuto adversus magias, incantationes, maleficia, aliasque diaboli & malorum hominum nocendi machinationes defendantur, atque ut mentes nostras benedictionis recordatio ad DEUM gratiarum omnium fontem erigant.

Sacræ ceremoniæ retinendæ, tum quia in Ecclesia ab antiquissimis temporibus fuerunt usitatæ, tum quia mentem ad DEUM & res

Divinas trahunt. Significationem autem ceremoniarum declarari populo oportet, veluti cereos ad laudem & gloriam ejus, qui lux est mundi, omnemque hominem in hunc mundum venientem illuminat, accendi, Thura incensa indicare orationes & desideria nostra cum odore bonorum operum ad DEUM ascendere oportere &c. Cavendum tamen, ne sacræ ceremoniæ in abulum & superstitionem degenerent.

XXIV. De Feriis & Festis Sanctorum.

Circa festos dies celebrandos nihil innovetur, sed antiqua diœcesis consuetudo, ac publicata decreta observentur. Enumerantur hic festa solenniter celebranda, uti præter omnes Dominicas, Festa Natalitia, Paschalia, & Pentecostalia, quatuor festa B. V. Mariæ, nempe Purificationis, Annuntiationis, Assumptionis & Nativitatis, Natalitia Apostolorum, Circumcisionis, Epiphaniæ, Corporis Christi, Joannis Bapt. Magdalenæ, Laurentii, Georgii, Martini, Nicolai, Michaëlis, omnium Sanctorum, Catharinæ, Udalrici & Afræ Patronorum diœcesis &c.

XXV. De orationibus Ecclesiæ.

Præter innumeras novationes in fide, moribus, ritibus, etiam oratio Dominica, salutatio Angelica, Symbolum Apostolorum, ac Decalogi præcepta, a majoribus nostris in linguam germanicam religiosissime conversa ac nobis tradita, a novatoribus fuerunt inversa, e. g. quod antea semper in oratione Dominica dictum est: *Pater noster, qui es in cœlis*, ab istis novis interpretibus dicitur: *Noster pater in cœlis*. His aliisque novitatibus abjectis insistatur pristino venerandæ antiquitatis mori, atque Parochi singulis Dominicis finita concione orationem Dominicam, Angelicam salutationem, symbolum Apostolorum, & Decalogi præcepta, distincte præeant, populo singula repetendo subsequente.

XXVI. De magistris & scholis instituendis.

Districte prohibetur, ne quis ex Augustana diœcesi ad scholas aut gymnasia, de schismate aut hæresi suspecta, nuperque natis de religione perversis opinionibus contaminata, discendi docendive causa, accedat. Academiis autem Catholicis sit potestas viros litera-

teratos ad regendas Ecclesias idoneos Episcopo Augustano significandi, quorum in conferendis Parochiis specialen rationem habendam, & commendationem etiam apud Paulum III. summum Pontificem is pollicetur.

Collegia Canonicorum scholas instaurent. Iis præficiantur magistri incorruptæ vitæ, qui & Christianæ vitæ principiis, & literarum studiis juventutem imbuant. Atque ad hæc idonei libri prælegantur. In reliquis etiam oppidis, in quibus collegia non sunt, scholæ instaurentur. Ubi frequentiora sunt Canonicorum collegia, Theologus constituatur, qui certis diebus & horis interpretetur Biblia, ac de re Theologica Canonicos, Vicarios, & alia Collegii membra doceat; uniusque Præbendæ proventus in stipendium accipiat.

XXVII. De Hospitalibus.

Hospitalium proventus in nullos alios usus convertendi, & alienati sunt revocandi; si alicubi cum aliis fuerint confusi, ex æquo pauperibus prospiciendum. Personæ miserabiles loci recipiendæ. Peregrini refectorem duntaxat accipiant. Administratores rationem reddant.

XXVIII. De majoritate & obedientia.

Magnates seculares in executione horum Synodaliū sint auxilio. Jurisdictionem, libertatem, & immunitatem Ecclesiasticam, Episcopis & clero ab Imperatoribus & canonibus tributam, tueantur atque conservent. Protectionis & advocacy nomine Ecclesias ne premant. Sed clerum & præcipue animarum suarum pastores venerentur. Diebus festis & dominicis ad Divina conveniant, concionem audiant. In Missa ad finem usque perseverent. Confessionis & communionis Sacramenta frequentent.

Parentes liberos etiam domi instruunt. A vitiis coërceant. Libros periculosos, & imagines turpes amoveant. Novorum dogmatum auctores aut profeminatores, alique criminosi, ex diœcesi jubentur facessere.

XXIX. De Visitatione.

Episcopus per se vel per Suffraganeum quotannis, aut quoties res postulaverit, diœcesin visitabit, & examinabit, an hæc Synodalia observentur, suffraganeo etiam vel Vicario Generali norma visitationis præscribetur, uti etiam decanis ruralibus.

XXX. De Censuris.

Excommunicationis, suspensionis & interdicti sententiæ a nemine contemnantur, aut quoad publicationem & executionem impediuntur. Propter causam tamen levis momenti nulla censura feratur; sed ad sanitatem magis, quam ad interitum contumacium respiciendum.

Excommunicati, & denunciati, ab omnibus vitari, & a nemine in consortium recipi debent; neque ante satisfactionem absolvi, aut ad Sacramenta vel fidelium communionem admitti.

XXXI. De Precibus pro Principibus fundendis.

Omnes subditi in Missis, orationibus, & concionibus precantur pro Paulo III. Pontifice, Carolo Imperatore, Ferdinando Rege, ac aliis Principibus Catholicis, & populum, ut idem faciat, adhortentur, ut orthodoxam fidem & auctoritatem sedis Apostolicæ, ut hætenus factum, tueantur. Pro lapsis vero orent, ut ad unitatem fidei revertantur.

XXXII. De Pœnis.

Cum porro sine coercitione jurisdictio sit inefficax, & absque pœnis non modo leges vilescant, verum etiam quælibet civilis societas in deterius facile abeat, statuitur, ut pœnæ canonicæ, tam in corpore juris clausæ, quam synodalibus statutis, alias editis, annexæ, transgressoribus horum statutorum, infligantur.

XXXIII. De Synodis.

Cum synodorum celebrandarum ratio in tanta rerum perturbatione plerisque ignota sit, synodi anniversariæ decernuntur. Quæ autem in synodalem confessum recipiuntur, juramenti Episcoporum præstiti memores, detrimenta, defectus, vitia gravia grassantia, persecutiones &c. in medium proferant, a synodo absque respectu corrigenda.

Appellationes quoque legitimæ ad synodum, absentium gravamina, & laicorum querelæ, ad causas Ecclesiasticas pertinentes, audiuntur, uti etiam, qui crimina, disciplinam & quietem Ecclesiasticam

cam

cam perturbantia, denuntiare voluerint, ad quam denuntiationem
 seu Evangelicam faciendam omnes invitantur.

Petit Episcopus, ut deputentur a synodo commissarii, qui re-
 formationi Episcopi ejusque officialium intendant. Materiam de
 corrigendis vitiis, quæ in Breviarium irrepperunt, de Missis aliis sub
 solenni officio non legendis, de excommunicatione non ferenda,
 nisi ob causas valde graves, de pluralitate Beneficiorum,
 de uniendis Beneficiis tenuibus, de visitatione exemptorum,
 ad synodum provincialem, aut œcumenicam, atque ad S. Sedem,
 remittit.

Absolutio

Synodi Augustanæ.

Postquam prima die memorati 33. articuli a cancellario Episco-
 pali coram synodo prælesti fuerant, jussi sunt Patres altera die
 convenire rursus, & de iis suffragium ferre. 215.

Dicta igitur sequenti die per decanum Augustanum solenni Missa
 de SS. Trinitate, Cardinalis gravi oratione synodum adhortatus, ut
 sepositis privatis rationibus, in unam DEI gloriam oculos inten-
 dentes, pro reformatione salutari irent in suffragia. Nullus erat
 ex tanto numero, qui non omnes articulos maximopere collaudaret, &
 libero suo voto comprobaret. Cumque Episcopus iterum iterumque de
 sua ipsius ac officialium suorum reformatione synodi sententiam pe-
 tiisset, illa vero aliud non responderet, quam lectos articulos tan-
 quam synodales ab omnibus observandos, gravamina, causas, &
 defectus Ecclesiasticorum & laicorum ad synodum referri voluit.

Die tertia Nov. 14. cantato per Abbatem Ottoburanum de B.V.
 solenni officio Cardinalis ad diligentem synodalem observationem
 cohortatus præsentis, absentes, per promotorem fisci accusatos,
 condemnavit, ac contra eos tanquam contumaces juris ordine pro-
 cedendum decrevit.

ARTICULUS III.

Concilium Trevirense I. Diœcesanum

Anno 1548.

216.
Initium.

In convocationis mandato memorat Joannes Archiepiscopus & Elector, Carolum V. Cæsarem statuisse in Comitibus Augustanis, particulares interim, dum Concilium Tridentinum resumeretur, celebrandas esse synodos, cui saluberrimæ ac divinitus inspiratæ voluntati, se satisfacturum, Diœcesis suæ Trevirensis archidiaconos, Abbates, præpositos, prælatos, archipresbyteros, decanos, parochos aliosque Ecclesiasticos convocare in Basilicam majorem Trevirensensem.

Oratio.

Orationem ad Patres congregatos eloquentem habuit Pelargus Doctor Theologus, de oblitterata jam diu re literaria restituenda, & disciplina Ecclesiastica repurganda. Atque in prima parte demonstrat, literarum neglectui hæreses, undique ingruentes, ac vitiolorum colluviem esse adscribendas. In altera dein parte ostendit, desperatam esse ovium salutem, nisi pastor ipse bono exemplo præluceat. Oratio tam libera, tamque temporibus illis afflictis congrua vix unquam publico in consessu dicta.

Cum deinde Archiepiscopus per suum in Pontificalibus & spiritualibus Vicarium se ipsum etiam reformandum obtulisset synodo, decem sanciti sunt canones contra sceleratos clericos.

217.
Canones.

In primo demonstratur, quam turpe atque abominandum sit in sacerdote *ebrietas* vitium; eique deditos ab officio & beneficio removendos esse decernit.

In secundo graviter invehitur synodus in clericos concubinos, ac severe commonet, ut abactis concubinis, propudiosis fœdisque incontinentiæ latrinis, pœnitentiam agant, purioresque deinceps sacram ad aram manus afferant.

In tertio decernitur, ut, qui fornicationis vitium non deserunt, bonis omnibus Ecclesiasticis spoliuntur, scorta vero procul pellantur.

In quarto excipitur casus, quo concubina parentes in eadem parochia habet; huic enim permittitur ad eos redire.

In

In quinto statuitur, ut si clericus ad dimissam redierit, officio & beneficio ipso facto sit privatus; concubinam vero extra edes paternas procul abigendam.

In sexto fortilegiis, incantationibus, & divinationibus, anathematis & carceris poena decernitur.

In septimo Apostatæ ad monasteria sua redire jubentur.

In octavo sub censura prohibetur, ne quis ejusmodi Apostatarum patrocinium suscipiat.

In nono imponitur officialibus, ut, si quos deserto monasterio ad nuptias convolasse deprehenderint, Archiepiscopo eos castigandos, & emendandos sistant: promittitur tamen iis, qui ad Ecclesiam ultro redierint, cum iis tanquam perditis oviculis & filiis prodigis paterne actum iri.

In decimo inquisitum fuit in regularem disciplinam, tunc valde collapsam; in eos, qui palam vel occulte hæreses disseminarent, aut ipsi foverent; qui sceleribus essent dediti &c.; hos omnes sibi denunciari petiit Archiepiscopus. Clerum dein omnem gravissimis verbis adhortatur sacra synodus, ut sublimi statui suo vitam dignam ac muneri tanto congruam ducat.

Subjungitur mandatum Archiepiscopi contra concubinariorum, in quo dicitur, causam præcipuam, cur ea tempestate sacerdotes passim contemnuntur, & odio habeantur, esse effusam vitæ licentiam, sædamque concubinitatis labem, cum nihil magis deceat hominem, Divinis rebus militantem, quam ea, quæ carnis sunt, sectari, ac proin, ut tanta ignominia a statu Ecclesiastico removeatur, intra novem dies omnes concubinæ, suspectæ pudicitiae, atque petulcæ ætatis feminae procul amoveantur: qui secus facerent, officio & beneficio, lata in eos suspensionis sententia, submovendos, feminas vero ejusmodi, ni recederent, a locorum decanis excommunicandas, & publice denunciandas.

Utque hoc mandatum eo certius executioni detur, constituti sunt commissarii, qui suspectos de incontinentia ad Archiepiscopum deferant, uti etiam eos, qui Ecclesiasticam lædunt immunitatem. Hæc postquam per decem dies acta sunt, soluta est synodus, indicto in proximum provinciali Concilio.

ARTICULUS IV.

Concilium Colonienſe II. Provinciale

Anno 1549.

218.
Cauſæ Sy-
nodi.

Depulſo ab ovili lupo, Hermannſe infelice, cum Colonienſis ager hæreſeon vitiorumque zizaniis magnopere horreret, Adolphus ſuffectus Eccleſiæ illius Metropolitanae verus Paſtor, tum ſuapte propenſione, tum ut Cæſari & Auguſtaniſ Comitiis morem gerat, ſynodum Provincialeſ indixit, præfatus in eam rem, tantis Eccleſiam Colonienſem procellis hæreſeon fuiſſe agitatum, ut in ea jam actum fuiſſe de fide Catholica potuerit videri: ideo ſe, ad paſtorale officium aſſumptum, lupos, concionatores ſectarios, omnis mali originem, ab ovili Dominico abigere, atque ditone ſua ejicere, quamvis non ſine difficultate, ſategiſſe, ſubſtitutis Catholici Verbi Divini prædicatoribus. Qua re tantum eſſe profeſtum, ut cancri hujus progreſſum ſtiterit, & Catholicis reſpirandi rurfus fenestram aperuerit. Non tamen hos ſcopos ſuffeciſſe penitus ad ſœces illas everrendas.

Corruptos etiam cleri mores & abuſus offenſioni fuiſſe laicis, ut de religione male ſentirent. Plurimum autem ſiduciæ fuiſſe ſibi in Concilio Tridentino, feliciter inchoato, ſed inexpectata Patrum de transferenda ſede contentione pene intercepto, atque in longum tempus protracto. At vero rebus afflictiſ adfuiſſe DEUM, qui Carolo Imperatori dediſſet nuper victoriam, ut hoſtes validiſſimos non tam viribus, quam conſilio frangeret; & quod mirandum magis, victoria parta modeſte ac clementer uteretur, ac rebelles filios caſtigaffe magis, more boni patris, quam bello petiſſe videatur.

Ejuſdem Cæſaris animum a DEO fuiſſe impulſum, ut ad reparandas religionis ruinas certam formulam, qua cleri mores reformarentur, piis quibusdam & eruditiſ Theologiſ conſcribendam demandaret. Hanc a Cæſare traditam, univerſis Eccleſiaſtici Ordiniſ Statibus, qui eandem probe expenderent, quidque in ea recipiendum repudiandumve videretur, candide aperirent. Multis igitur conſultationibus ac deliberationibus privatim & communiter habitis, quibusdam in formula expunctis, aliis mutatis, vel additis, communi

tan-

tandem consensu eandem approbatam, atque Cæsarea Majestati promissum, ad ejus normam reformationem se aggressuros, salva summi Pontificis autoritate, quæ ut eis accederet in Articulis quibusdam, necessarium arbitrabantur.

Addit deinde Archiepiscopus, se propterea celebrasse in eam rem synodum Diocesanam, suoque hortatu comprovinciales Episcopos in suis Diocesibus.

Verum per hoc vix quidquam aliud fuisse promotum, quam ut sciret quisque, quod alioquin nemo ignorabat, quomodo sibi vivendum esset pie & canonice. Proinde ad efficacem reformationis executionem pertingendum fuisse, indicendumque provinciale Concilium. Cumque satis appareret, rigorem antiquorum canonum statim in usum revocari non posse, ad media quædam, sacris tamen canonibus consentanea, fuisse confugiendum, visaque opportuna sequentia sex media:

1. Instauracionem studiorum, potissimum sacrorum.
2. Examen ordinandorum, ad ministeria vel Prælaturas instituendorum.
3. Officiorum sedulam perfunctionem.
4. Visitationem Archiepiscopalem, Episcopalem, Archidiaconalem, & eorum, quibus hoc incumbit.
5. Synodorum frequentem celebrationem.
6. Jurisdictionis Ecclesiasticæ, jam propemodum collapsæ, & abusu depravatæ, restitutionem.

C A N O N I.

De studiorum Instauracione.

PRæfatus Archiepiscopus de studii Theologici & Canonici necessitate, eorumque temporum crassa ignorantia, hæresum aliorumque vitiorum sæcunda matre, ad litterarum restaurationem decem media synodo proposuit.

1. Cum post nupera Comitia præcones aliqui hæretici cathedris essent dejecti, scholarum nunc ministeriis inhiant, ut juventutem corrumpant. Ne igitur ejusmodi lupi irrepant, quibus institutio committitur, diligenter prius examinandi sunt de moribus & doctrina.
2. Magna est querela, quod plures ludimagistri, dum omnia simul instillare volunt, sciolos potius quam solide doctos faciant. Quare

219.

re deinceps in trivialibus scholis artes tantum doceantur, velut grammatica, poetica, rhetorica, dialectica, arithmetica &c. diebus vero Dominicis & Festis ex Evangelio &c. sacra instructio pro ætatis captu proponatur. Superiores autem disciplinæ in Academiis doceantur, & Theologia etiam in monasteriis.

3. Libri non nisi pii doctique, atque a decano artium vicinæ Academiæ, aut saltem erudito aliquo Prælato approbati prælegantur.

4. Parochis & concionatoribus, aliisque fidelibus sub anathemate interdicitur, ne libros legant hæreticos, ut Lutheri, Bucerii, Calvinii, Oecolampadii, Bullingeri, Lamperti, Melanchtonis, quos constat, omnia sua scripta ad decipiendum & seducendum homines a vera fide edidisse. Fugiant etiam Corvinum, Capitonem, Brentium, Pomeranum, Pellicanum, Musculum, Sarcerium, Hegendorphi- num, Osiandrum, Spangenbergium, Oldendorpium, Bonnum, Hedionem, Chronicon Sebastiani Franck, & quidquid ejus est farinæ, donec pleniori catalogo libri contagiosi fuerint indicati.

5. Bonæ spei juvenes Canonici ad Academias mittantur a collegiis, qui fructibus Præbendæ suæ, exceptis distributionibus quotidianis, fruuntur ad triennium, aut diutius, si expectationi satisfaciant.

6. Tales juvenes, majoribus Ordinibus necdum instituti, cautionem præstent, se Statum Ecclesiasticum non deserturos, aut subsidia a collegio accepta restitutos.

7. Si Academia in eadem urbe est, uti Coloniae, non est necesse Canonicos ad exterarum mittere.

8. Qui profectum speratum in Academia non faciunt, privilegiis & fructibus priventur.

9. Ut autem etiam reliqui clerici occasionem discendi habeant, collegia constituent Theologum, Præbendæ unius canonicalis salario eidem attributo.

10. In Academia Coloniensi lectiones diligenter habeantur ab iis, qui propterea Præbendis fruuntur.

II.

De Examine Ordinandorum.

220.

Cum promovendorum ad sacros Ordines, & Ecclesiastica officia magna sit habenda ratio, accuratum prius eorum examen instituendum; de quo decem pariter canones sunt promulgati.

1. Exa-

1. Examinandi de fide, quam teneant, de affectu, quo ducantur ad SS. ordines, de scientia, quæ sufficiat ad ordinis, quem petunt, ministeria explenda, de moribus, ordinem decentibus, de ætate.

2. Cum Scholasticus alique, quibus examinis provincia demandata fuit, salariis quidem & titulo fruantur, munere autem non fungantur, sed alios æque negligentes substituant, examina perfunctorie admodum solent institui. Igitur Episcopi id genus examini- bus ne fidant, sed vel ipsimet, secundum primævum institutum, examini præsent, vel doctos, diligentes, fidosque viros sufficiant, nisi aliunde certo eis constaret, Scholasticum aliosve examinatores munere suo gravissimo rite fuisse perfunctos.

3. Ne autem quidam examen possint subterfugere, nemini (seclusa iusta causa) detur licentia, extra suam diœcesin sacros ordines suscipiendi, nisi in sua diœcesi ante fuerit examinatus.

4. Quoniam non oportet sacros ordines quasi furtim surripere, quemadmodum matrimonio jungendi, ita etiam majoribus ordinibus initiandi, trina proclamatione populo sunt denuntiandi in parochia, quam inhabitat. Sique impedimentum se prodatur, id Episcopo aut ejus officialibus a paroco indicetur.

5. Promovendi afferant testimonia non modo suorum Parochorum, sed etiam præceptorum, aut proborum virorum, per examinatores discutienda.

6. Nullus electus confirmetur, aut præsentatus ad dignitatem aut beneficium curatum instituatur, nisi prius ab Episcopo aut ejus vicario, aliisve deputatis sit examinatus, & approbatus idoneus, vetique formulam reformationis exequi.

7. In permutationibus etiam & resignationibus præter alia diligenter examinetur, an non labes aliqua simoniaca lateat.

8. Pro diversitate statuum, graduum, & officiorum conscribenda examinis formulæ.

9. Episcopo liceat, qualitercumque & a quibuscumque ad parochias promotos examinare.

10. Collatio Patroni absque canonica institutione est omnino irrita,

III.

De functione Officiorum.

221. 1. **N**il prodest pastores animarum fuisse examinatos, approbatos & canonicè institutos, nisi præstent officium, ad quod sunt vocati.

2. Quod passim tam indocti & inutiles sacerdotes Ecclesiis sint præferti; quodque tam turpiter in concubinato, ebrietate, aliisque infamibus vitiis vivant, negligentia Episcoporum & Archidiaconorum illis, qui turpem quæstum ex munerum suorum locatione, in acceptis ferendum, quare deinceps vices munerum suorum non delectent hominibus levibus, vitiosis, conjugatis, sed tantum Ecclesiasticis, gravibus, & probatæ existimationis viris.

3. Nullus Prælatus suam jurisdictionem pro pecunia, aut annuo censu committat, aut vendat.

4. Ne poenitentia loco pecunia emungatur, nec propter munera poena remittatur.

5. Collegiorum præpositis poena dictatur, nisi munere suo diligentius fungantur, & Ecclesiarum jura melius defendant.

6. Decani apud suas Ecclesias personaliter resideant, & neglectam hactenus disciplinam in clero melius curent.

7. Uti etiam Abbatissa in collegiis nobilium virginum.

8. Abbates intra monasteriorum septa habitent, nec moram longam extra ea trahant.

9. Pluralitas beneficiorum curatorum improbat.

10. Vicariis collegiorum aut monasteriorum congrua præbeatur.

11. Ne monasteria vel alia collegia regimen Ecclesiæ cum prædiciis, agris &c. locent plus offerenti, sub annua pensione tanta, ut ei non supersit congrua.

12. Vicarii seu capellani in Ecclesiis collegiatis officiis suis diligenter fungantur, cum Canonicis horas persolvendo &c.

VI. De

IV.

De Visitatione.

222. **b** visitationes neglectas, aut abusibus deturpatas tot hæreses & vitia irrepperunt, quare Episcopi etiam ipsi visitent, ut ac ratione inferiorum visitorum ipsæ etiam visitationes visitentur.

2. Adhibendus Notarius, qui sit sacerdos, aut saltem clericus non conjugatus.

3. Visitandi omnes subjecti, ut exempti etiam visitari possint, Cæsarem in se recepisse, quod ea super re cum Pontifice velit agere.

4. Idem observandum circa hospitalia.

5. Visitatores muniendi auctoritate coercitiva, armandique agello, ut ementes, vendentes, scorta, omnemque turpitudinem e domo DEI valeant ejicere.

6. Conscribendæ formulæ inquirendi in visitatione.

7. Visitatores sumptus moderentur: unde nullum superuum famulitium assumant, & victu mediocri sint contenti, præsertim vero parcant Ecclesiis pauperibus, parochos in vicinum locum evocando &c.

V.

De celebratione Synodorum.

223. **S**alus Ecclesiæ, terror hostium ejus, fidei Catholicæ stabilimentum ac nervi sunt synodi, quibus incisis aut neglectis Ecclesiasticus ordo diffuit, ut tristis experientia docuit. Quare synodus diocesana quotannis bis celebretur, sed religiosius: in Diœcesi autem Leodiensi propter ejus latitudinem semel. Synodus vero provincialis quolibet triennio.

2. Decanis collegiorum ipsa collegia, decanis vero ruralibus parochi sumptus synodales conferant.

3. In Synodis decernatur de tollendis abusibus, & corruptis moribus, de disciplina Ecclesiastica conservanda, aut restituenda. Canones veteres, si opus renovandi, aut novi in novis casibus, juxta sacram scripturam, Patrum sanctiones, & rectæ rationis judicium condendi.

VI. De

VI.

De Jurisdictione Ecclesiastica.

224.

1. **H**æc sextum est medium tanquam supremum refugium, ad reformationem, etiam contra contumaces inducendam. Hanc jurisdictionem Christus in Petro Ecclesiæ promissit: *Tibi dabo claves regni celorum: quodcunque ligaveris super terram &c.* Quæ promissio non ad solum Petrum, sed ad alios etiam Apostolos pertinebat: *Amen dico vobis, quodcunque ligaveritis &c.* Quisquis igitur Ecclesiæ claves contemnit, Christi auctoritatem contemnit. Præsertim, cum addat, pro ethnico & publicano habendum qui Ecclesiam non audierit. Hac Ecclesiastica Jurisdictione usus est Paulus, quando Corinthium novercæ suæ stupratorem tradidit sathanæ.

Judicia igitur Ecclesiastica in primis reformanda, & curiæ Episcopales, ad normam, tempore Hermanni Archiepiscopi præscriptam. Ad quam observandam curiæ Coloniensis officiales jurando adstringuntur.

2. Sub anathematis pœna interdicitur sæcularibus magistratibus, præfectis &c. ne judicia Ecclesiastica, aut sententiarum executionem impedian. Sed potius tanquam justitiæ patrocinatores judici Ecclesiastico petenti brachium sæculare præbeant non obstante exceptione a reo proposita.

3. Sub excommunicationis pœna prohibetur, ne magistratus aut judices sæculares, in matrimonialibus aut aliis quibuscunque causis Ecclesiasticis, ad cognitionem solius judicis Ecclesiastici spectantibus, inter suos subditos aut alienos judicent; sed id genus causas omnes ad judicem Ecclesiasticum remittant.

VII.

Censuræ & Decreta pro abusuum & vitiorum abolitione.

225.

1. **N**ulla re magis per hanc tempestatem fœdata est Ecclesiæ Christi facies, quam profugorum monachorum & monialium perfidia atque flagitiis; quorum ut erat vitæ institutum arctius prius & sanctum, ita, eo abjecto, absque omni fræno, in omni flagi-

flagitiorum genus sunt prolapsi; his enim auctoribus natæ hæreses, sacrilegia, incestuosa connubia, & sacrorum omnium profanatio. Quare, ne plures ab iis pervertantur, nemo monachos aut monachas, fugitivos, extra superiorum suorum obedientiam vagantes, recipere, fovere, aut ad Sacramenta vel Ecclesiastica ministeria admittere auit, sub pœna excommunicationis, ipso facto incurrendæ.

2. Magnæ ad Synodum querelæ perlatae sunt, apostatas illos varia vitæ genera sectari. Quosdam enim sæculare institutum in omnibus assumisse, & pudicitia, quam DEO consecraverant, prostituta, monachos monialibus duplicato incestu, sub conjugii prætextu adhærere. Quo vitio etiam sacerdotes & majorum ordinum clerici se contaminarint. Quosdam vero viduis & feminis sæcularibus se copulasse &c. Quæ nuptiæ omnes declarantur illicitæ, profanæ, sacrilegæ, incestuosæ, execrabiles, nusquam tolerandæ, & anathemati omnes, qui ita contraxerunt, innexi, prolesque susceptæ illegitimæ, ac spurix, proindeque nullo jure hæreditario parentibus posse succedere.

3. In tertio genere versantur monachi apostatæ, qui ministeriis Ecclesiasticis perfunguntur, & concubinis adhærent. Quorum quidam religionis suæ habitum penitus abjecerunt, quidam non integrum, sed partem tantum retinuerunt. Hi omnes severiori ordinis disciplinæ subiciantur. De sacerdotibus vero & beneficiatis, qui concubinas habent, id observetur, quod nuper in synodo Diœcesana statutum. Quodsi qui libidinis furiis correpti instar equi & muli, quibus non est intellectus, suspensione a beneficio & officio non emendentur, ad beneficii privationem, aliasque graviores pœnas deveniendum.

4. In quarto genere sunt monachi profugi, alii in habitu, alii eo abjecto extra obedientiam & ordinis sui disciplinam, regimini Ecclesiarum & Sacramentorum administrationi se immiscentes; cum sint excommunicati, & absolvendi potestate careant. Sub anathemate igitur prohibetur, nequis tales adhibeat.

5. Cum quædam moniales ordinis sui habitu abjecto sæcularem induerint, sub anathematis pœna prohibetur, ne id porro fiat.

6. Apostatæ, quoad fieri potest, reducantur.

7. Absolutionem ab hæresi a sede Apostolica petant. Permissio Caroli V. circa communionem sub utraque specie, non concernit provinciam Coloniensem. Quare omnes una specie utantur.

8. Apostatæ reversi ne statim involent in sacra ministeria: sed prius Ecclesiæ reconcilientur.

9. Benigne tamen ac paterne recipiantur, tanquam oves errantes & filii prodigi.

10. Principes requiruntur, ut refractarios apostatas potenti manu reducant, suisque superioribus tradant.

11. Apostatæ quidam extra monasteria degunt, superioribus suis rebelles, & alios ad rebellionem sollicitantes, sub prætextu dispensationis Apostolicæ, quam vel in curia, vel a pœnitentiariis, aut Nuntiis Apostolicis ob aut subreptitie impetrarunt, ac deinde Judicibus conniventibus examinandam tradiderunt. Hi omnes suas dispensationes Archiepiscopo aut Episcopo suo exhibeant.

12. Administratores bonorum Ecclesiasticorum diligentius rationes reddant. Et quidem Ecclesiarum provisores laici suo plebano bis in anno; nihilque absque ejus consilio disponant.

13. Campanarii seu æditui superpelliceis in Ecclesia utantur, linteamina servant munda. Barbam ne nutriant.

14. Nati instante paschate aut pentecoste afferventur baptizandi ad vigiliam horum festorum; si nullum vitæ periculum immineat.

15. Tollatur abusus, magnatum filios domi baptizandi, aut post baptismum epulandi.

16. Religiosi neque sint patrini, nec intersint nuptiis.

17. Comœdi ne admittantur in Virginum monasteria; nec extra spectent comœdias.

18. Ut religiosius populus intersit Missæ, requirendi præfecti locorum, & conscribendæ pro captu plebis piæ meditationes & orationes.

19. Tempore solennis officii non facile aliæ Missæ privatæ celebrentur, ne populus ad plura distrahatur.

20. Oblationes altissimæ in Ecclesia originis revocentur in usum.

21. Fiant oblationes pro defunctis, sed absque pompa & epulis.

22. A processionibus absit, quidquid vanum & profanum est, ut sint compositæ, graves, modestæ atque devotæ.

23. Clerus in iis devotione & exemplo præluceat.

24. Distributione careant, qui non interfunt decenter Divinis officiis integris.

25. Quando instituitur processio ruralis, ne vagi & incompositi per campos discurrant.

26. Parochi decanis suis ruralibus obediant.

27. Magistratus seculares ne impediunt Ecclesiasticos in exercitio sui officii & ministerii.

28. Cum graves querelæ ad Concilium sint delatæ, præfectos quosdam monasteriis magnas molestias intulisse, sub anathemate præcipitur, ut servetur immunitas Ecclesiastica.

29. Sub eadem pœna prohibetur, ne contra juris dispositionem coloni Ecclesiarum servitiis & impositionibus a magistratibus & præfectis graventur, sed juxta Cæsareæ Majestatis reformationem, sacros canones, & Imperatorum leges, libertatem, privilegia, & immunitatem Ecclesiasticam conservent eis illibatam.

30. Ne sæculares judices ab Ecclesiasticis majores taxas judiciales exigant, quam a laicis.

31. Clandestine contrahentibus matrimonia negentur Sacramenta, donec ab excommunicatione sint absoluti.

32. Præcedat trina proclamatio, nec ab alieno pastore conjungantur.

33. Extra Ecclesiam non conjungantur. Nec dispensandum in hoc absque causis gravissimis, & urgente magna necessitate.

35. Singuli semel in anno a suo Pastore communionem, & quidem sub una tantum specie accipiant, & eidem prius confiteantur, aut testimonium factæ alibi confessionis afferant.

35. Ne fratres ordinum mendicantium confessiones audiant, nisi sint approbati ab ordinario.

36. Denominantur Pœnitentarii, qui a casibus reservatis possint absolvere.

37. Monialibus datur potestas bis vel ter in anno alteri confitendi.

38. Qui extremam unctionem contempserit, Ecclesiastica careat sepultura.

Denique hæc omnia judicio sedis Apostolicæ & œcumenicis conciliis submittuntur.

ARTICULUS V.

Concilium Moguntinum Provinciale

Anno 1549.

Eodem anno celebratum fuit concilium provinciale Moguntinum sub Sebastiano Archiepiscopo, Mauritio Episcopo Eustettenfi per se ipsum, reliquis Episcopis comprovincialibus per legatos comparentibus. Conditi sunt 104. capitula, 47. pertinentia ad doctrinam fidei, reliqua ad disciplinam morum.

§. I.

Capitula ad fidem pertinentia.

226.

1. **M**ysterium SS. Trinitatis populo exponatur secundum tria symbola, Apostolicum, Nicænum, & S. Athanasii.
2. DEUM omnis boni, non autem culpæ auctorem esse.
3. Creasse hominem rectum, iustitia originali ornatum,
4. Per peccatum autem corruptum &c.
5. Primum illud peccatum in omnes transire &c.
6. Ab eo nos redemptos per Christum, sanguine ejus per baptismum nos abludente &c.
7. Justificationis initium provenire a gratia DEI ante omne nostrum meritum &c.
8. Fides per dilectionem operatur. Opera autem a gratia meritum accipiunt &c.
9. Mandatorum DEI observationem per gratiam esse possibilem.
10. Christianam libertatem non consistere in effræni licentia, sed in eo, quod a dæmonis servitute liberati, volentes, prompti, & alacres legem DEI impleamus.
11. Per septem Sacramenta gratiam nobis conferri, quæ non ex rerum externarum virtute, aut merito ministri, sed ex operationis Divinæ virtute procedat. Nec tamen Sacramenta esse ritus simpli-

ces

es, sed efficacia signa, ad nostram sanctificationem divinitus instituta.

12. Dōceatur porro populus, per baptismum omne prorsus peccatum originale & actuale remitti. Concupiscentiam vero relictam ad agonem non esse proprie peccatum, sed tale appellari, quod ex peccato relicta sit, & ad peccatum inclinet.

13. etiam in parvulis per baptismum aboleri peccatum originale. Nec iterari posse baptismum, licet ab infideli in forma Ecclesiæ cum recta intentione esset collatus.

14. Baptismi ceremoniæ juxta ritum Ecclesiæ adhibeantur.

15. Et, si fuissent propter periculum mortis omissæ, postea cauere & pie a sacerdote suppleantur.

16. Quantum fieri potest, tempore matutino Baptismus sobrie & devote administretur. Epulæ vero post Baptismum abolendæ.

17. Sacramento Confirmationis, ex institutione Christi & Apostolorum praxi nobis relicto, novam gratiam baptizatis conferri, qua adversus tentationes dæmonis muniantur.

18. Licet hoc Sacramentum initio sola manuum impositione fuerit exhibitum, eo quod Spiritus Sanctus signo visibili se manifestarit, mox tamen sub ipsis temporibus Apostolorum, & ex eorum traditione Chrismatis unctionem fuisse adhibitam.

19. In Baptismo & Confirmatione unus tantum patrinus adhibeatur propter impedimentum cognationis spiritualis.

20. Partes integræ & utilis pœnitentiæ esse contritionem, confessionem, & satisfactionem.

21. Non enim remitti peccatum, cujus eum, qui admisit, non pœniteat.

22. Et cum Christus Ecclesiæ ministris potestatem ligandi & solvendi reliquerit, necessariam esse enumerationem peccatorum, ut munus suum rite exercere possint.

23. Satisfactionem præstandam ad redimendam pœnam temporalem residuam.

24. Absolutionis formæ plane, simpliciter & absolute pronuntietur.

25. Confessionibus audiendis viri integri & periti præficiantur. Fratres etiam prius approbandi.

26. Omnibus parochis & fratribus mendicantibus rite approbatis conceditur ab hoc concilio potestas absolvendi a casibus occultis Episcopo reservatis, exceptis homicidis, hæreticis, & excommunicatis.

27. Religiosi laicis non præbeant Eucharistiam sine speciali consensu parochi; nec parochus alienis parochianis.

28. Nemo admittatur ad Eucharistiam, nisi suo paroco fuerit confessus, aut factæ confessionis testimonium habeat.

29. Magnam cautelam adhibere debent confessarii, ne inquirendo peccati alicujus, prius non tentati, occasionem ingerant penitenti. Sigillum strictissime servandum.

30. Usurarios, fures, raptores, defraudatores non absolvant, nisi injuste ablatorum restitutionem promittant. Secundum qualitates peccatorum penitentias imponant, veluti, avaris eleemosynam incontinentibus jejunia &c.

31. De veritate corporis & sanguinis Christi in Eucharistia plebem doceant ex ipsis verbis Christi: ac sub alterutra specie integrum Christum contineri; sub una proin specie tantum sumi, quantum sub utraque.

32. Illum sub una specie communicandi morem esse antiquissimum, atque ad salutem fumentium æque utilem & efficacem, quam alterum sub utraque, morem itaque servandum, quem Ecclesia propter rationabiles causas pro temporis ratione elegerit.

33. Extra casum necessitatis Eucharistia nemini præbeatur, nisi jejuno.

34. Sacram unctionem esse præsidium, a Christo institutum Apostolis jam usitatum, contra corporis & animi infirmitates; dum & leviora peccata tollit, & graviorum restantes reliquias expurgat.

34. In collatione ordinum conferri gratiam ad Ecclesiasticæ officia rite obeunda.

36. Matrimonio junctos separari non posse nisi per mortem; & si propter fornicationem separatio facta sit, debere manere inuptos aut rursus conciliari inter se. Matrimonia sine consensu parentum inita non debere rescindi.

37. Liberi tamen insciis aut invitis parentibus matrimonium non ineant.

38. Clandestine non ineatur, sed in facie Ecclesiæ, cum celebritate consueta, præmissa trina proclamatione. In quo absque articulo & necessaria causa dispensari non debet. Qui præsens tacuit post nuptias ad accusationem non amplius admittendus. Levitilla in pulsando sponso omittenda. Comeffationes & saltationes, tolli non possunt, saltem moderandæ.

39. Benedictiones salis, aquæ, aliarumque rerum esse conferendas; dummodo populus doceatur, effectus, qui inde petuntur non

on ipsarum rerum efficaciam, sed Divinæ virtutis operationi per formam Divini nominis invocationem tribuendos esse, & caveatur, ne talibus rebus ad superstitionem abutantur.

40. Conservandas etiam reliquas sacras Ecclesiæ ceremonias, quæ in cultu Divino ornatum augent, & ad pias cogitationes excitant &c. quales sunt, quæ in sacramentorum administratione & Divinis officiis ex antiquissimo usu in tota Ecclesia observantur.

41. Imaginum usum, pro erudienda plebe & animis excitandis utilem, in Ecclesiis retinendum: dummodo moneatur populus, imagines non ad id proponi, ut adoremus aut colamus eas, sed ut quid adorare aut colere, aut quarum rerum utiliter meminisse debeamus, per imagines recordemur. Procaces vero imagines e templis eliminantur.

42. Omnis abusus simplicis plebeculæ circa imagines tollendus. Nulla fiducia in iis ponenda &c.

43. Reliquias etiam Sanctorum in Ecclesiis proponendas & venerandas, ut per eas fideles moniti discant virtutem & fidem Sanctorum imitari.

44. Propterea etiam peregrinationes sacras permittendas ad sacras reliquias, aut certa templa; modo caveatur omnis abusus.

45. Sanctos, velut ejusdem corporis membra, per communionem Sanctorum nobis sociatos, colendos & invocandos.

46. Defunctos vivorum pietate & orationibus adjuvari. Contentientem esse Ecclesiæ doctrinam Scripturarum collatione & evidenter firmitatem, existere medium quemdam decedentium Statum.

47. Servanda Ecclesiæ jejunia, cum ciborum delectu.

§. 2.

Capitula ad mores spectantia.

Constitutiones & consuetudines Ecclesiæ non sunt traducendæ tanquam traditiones mere humanæ, quales erant Pharisaicæ, sed observandæ tanquam leges a superioribus latæ, quibus obedientiam præstari ipsum præceptum Divinum diserte jubet.

2. Ignoti, qui ab Episcopo suo non habent testimonium, aut a su-

a superioribus suis, ad prædicationem verbi Divini non admittantur.

3. Qui non prædicant secundum SS. Patrum sensum aut juxta Ecclesiæ consuetudinem sacra administrant, ordinario loci denuntiantur, movendi munere.

4. Visitentur libri parochorum & concionatorum.

5. Præfecti locorum tempore concionum & Divinorum officiorum ex tabernis, foro, & plateis turbam abigant, & rei sacræ interesse compellant.

6. Divina officia a clericis devote persolvantur. Aliis psallentibus nemo aliquid aliud, ne quidem horas canonicas legat.

7. Nemo Missam celebret absque uno vel altero præsentem, qui populi nomine respondeat sacerdoti.

8. Ex hesternæ crapula adhuc ebrii non celebrent. Omnisque alia etiam indecentia ac levitas evitetur.

9. Ut probet se ipsum homo, & sic de pane illo edat, & de calice bibat, celebraturus confessione Sacramentali conscientiam prius expurget.

10. Tempore concionis aut solennis officii privatæ Missæ non celebrentur.

11. Plebs instruatur devote audire Missam, mente ad mysterium, quod geritur, intenta, & si non ore, corde saltem spiritualiter communicare.

12. Populus reverenti corporis habitu, præsertim post inchoatum canonem, assistat &c.

13. In primitiis sacerdotum omittantur choreæ, convivia sumptuosa, & sæculares pompæ.

14. Dominicis & festis celebrioribus mercimonia, salutationes, & profana spectacula non permittenda.

15. Libri Missales & Breviaria repurganda, ut concursus sit Divinorum officiorum celebratio.

16. Antequam ad prælaturam aut dignitatem quis investiat & confirmetur, examinandus est de doctrina & moribus, omnibusque iis disciplinis, quæ ad regimen sunt necessariae.

17. Qui plura habet beneficia curata, intra trimestre reliqua dimittat, uno retento, aut legitimam dispensationem Episcopo exhibeat.

18. Cum in hac misera rerum perturbatione studia litterarum propemodum in universum perierint, in totius Christianæ reipublicæ ruinam, incumbendum sane in eorum restorationem, ne parentes
filios

Filios suos ad hæreticorum scholas cogantur mittere, nunquam satis deplorando religionis periculo.

19. Capitula aliquot mittant ad studia præsertim theologica, qui per quinquennium fruantur omnibus fructibus suorum beneficiorum, exceptis distributionibus quotidianis. Reliqua etiam circa præceptores & studiosos præcipiuntur, quæ supra in concilio Coloniensi sunt statuta.

20. Collegia Theologiæ professores constituent.

21. Digni solummodo atque idonei præsententur & instituantur, absque pactione.

22. Nemo ad regimen Ecclesiæ admittatur, nisi canonicam institutionem aut provisionem exhibuerit. Nemo beneficium resignet, nisi in manus Episcopi aut ejus vicarii. Secus ordinarius pro arbitrio conferet illud.

23. Perniciosus abusus est, quod Canonici, etiam non residentes, potissimam proventuum portionem capiant, vicariis vix tenui censu ad sustentationem relicto. Tollendus hic abusus, & vicariis honestus victus deputandus.

24. Dignitates obtinentes per se ipsos fungantur suis officiis.

25. Distributione quotidiana careant, qui non intersunt integris officiis Divinis: non obstante quacunque contraria consuetudine, quæ potius corruptela censenda est. Decani non facile indicant capitula in eam horam, qua officia Divina peraguntur.

26. Nec in Ecclesia nec foris instituantur confabulationes tempore Divinorum officiorum.

27. Clerici omnes ad vitæ honestatem, statui suo congruam, mores suos component. Habitus sit decens, non varii coloris, aut virgatus, non brevis, sed talaris. Nullus arma gestet, nisi peregre proficiscatur. Nullus barbam nutriat. Coronam & tonsuram ferant. Tabernas publicas evitent, choreas, spectacula publica, ebrietatem, ludos prohibitos, & quid quid offensioni esse posset, fugiant. Tabernarios aut caupones non agant, nec se immisceant negotiationibus sæcularibus.

28. Decimæ majores & minores solvantur, uti etiam personales, ubi consuetudo viget. Quatuor insuper offertoria, & alia jura parochialia præstentur.

29. Laici servant immunitatem Ecclesiasticam, bona Ecclesiarum non invadant; causas Ecclesiasticas ad se non trahant. Actor clerico coram judice sæculari actionem intendens, hoc ipso tota causa cadat. Judex vero causam ad Ecclesiasticum forum spectantem judican-

dam assumens ipso facto excommunicatur. Similiter iudex Ecclesiasticus causas laicorum ad forum sæculare spectantes non iudicet: nisi tales sint, quæ de jure vel consuetudine etiam ad forum Ecclesiasticum pertineant.

30. Episcopi & Archidiaconi, quando officiis suis ipsimet fungi non possunt, viris gravibus, idoneis & peritis vices suas demandent. Crimina subditorum non multa pecuniaria plestant, sed aliis pœnis, a jure constitutis.

31. Monachi alique religiosi vagantes ad monasteria sua redire compellantur: Prælati eos benigne recipiant, nec ultra canonicas pœnas adversus eos procedant. Religiosi in tanta penuria idoneorum sacerdotum ab ordinariis requisiti operam suam non denegent.

32. Moniales nec ipsæ egrediantur monasterio, nec alias personas intromittant.

33. Pastores, qui ipsimet non possunt oves pascere, idoneos vicarios substituunt, eisque pro victu congruam portionem assignent.

34. Nemo ordinetur nisi prius confessus; ac nisi titulo beneficii aut proprii patrimonii ei sit provisum.

35. Ordinum candidati Episcopi & plebis iudicio comprobentur, ita, ut Episcopus doctrinam examinet, plebs vero de moribus testimonium ferat. Ordinandus itaque litteris sigillatis a prælati Ecclesiasticis seu parochis, atque etiam a senatu aut iudicio loci, in quo majorem vitæ partem egerit, testimonium afferat, quod gratis illis concedendum.

36. Inquirendum, an ordinandi cum solennitatibus & unctionibus in Ecclesia semper consuetis sint baptizati.

37. Litteræ dimissoriæ sine gravi causa nemini concedantur. Nec admittantur ad sacra ministeria, nisi de susceptis rite ordinibus fidem faciant.

38. Prælati Ecclesiæ debita reverentia exhibenda.

39. Juniores Canonici seu Domicellares non statim in capitulum recipiendi, sed mores & idoneitas prius exploranda.

40. Juramenta non temere a capitulis exigenda.

41. Ecclesiarum supellex quot annis visitetur.

42. Procuratio fabricæ Ecclesiæ non solis laicis committatur, sed plebano velut principali, atque una clavis ad ærarium & supellectilem apud eundem asservetur.

43. Simoniaci excommunicantur ac deponuntur. Nullus inceptor clericus ad beneficium aut dignitatem admittendus, nisi juraverit, quod in ejus adeptione nullam commiserit simoniam, aut fecerit pactionem illicitam.

44. Pro

44. Pro administratione Sacramentorum nihil exigatur, nisi quod pia consuetudo permittit.
45. Collegia & monasteria rectoribus Ecclesiarum sibi incorporatarum congruam præbeant.
46. Peregrini clerici ad sacra non admittantur &c.
47. Nec capellani in castris nobilium, nisi de consensu ordinarii, & salvo jure parochiali.
48. Cum religio in integrum restitui non possit, nisi litterarum studia restaurentur, idonei & probati magistri scholis præficiendi.
49. Testamentarii (*executores testamentorum*) defunctorum voluntates diligentius deinceps impleant. Et ante omnia coram notario & testibus inventarium conficiant.
50. Dominicis & festis abstinence a mercatu & opere servili.
51. Innovatur constitutio, ut nullus liber edatur aut ematur, nisi certi auctoris, ac loci nomen sit expressum, ipseque liber a constitutis censoribus approbatus.
52. Dictantur pœnæ clerico, qui alium clericum injuria verbali aut reali afficit.
53. Utile etiam iis, qui sortilegia exercent.
54. Clericis concubinæ eripiendæ.
55. Excommunicationis sententia non facile feratur, nec nisi præmissa monitione, & in præsentia testium.

A R T I C U L U S VI.

Concilium Trevirense Provinciale anno 1549.

Celebrata est hæc synodus præside Joanne archiepiscopo Trevirensi, præsentibus procuratoribus ac nuntiis Episcoporum Virdunensis, Metensis, & Tullensis, Suffraganeorum; conditique 19. Canones. 228.

1. Ostenditur, fidem Catholicam Romanæ Ecclesiæ perpetua successione ad nos inviolatam pervenisse, solamque esse tenendam.

2. Quoniam prædicatores verbi Divini missos esse oportet, prout DEUS misit Prophetas Isaïæ 6. & Joannes *fuit homo missus a DEO.*

G g 2.

Joan.

Joan. 1. atque Apostoli a Christo: ite, ecce ego mitto vos. Matth. 10. (quomodo enim prædicabunt, nisi mittantur? ad Rom. 10.) ideo nemo præsumat publice prædicare, nisi ab Episcopo aut ejus vicario fuerit admissus.

3. Explorata prius sana doctrina.

4. Exponitur, quid prædicatores in concionibus observare debeant. Videlicet, ut ab apocryphis, ludicris, sinistris affectibus, convitiis &c. abstineant; Evangelium pacis sincere annuntient; simpliciter exponant decem præcepta, orationem Dominicam, sacramenta, ceremonias, ac ritus Ecclesiæ, traditiones catholicas. Cohortentur ad pœnitentiam: obstinatos timore salubri percellant; animo dejectos in spem erigant: torpentes excitent; voluptuariis brevitate vitæ & æternos ignes ingerant. Ad bona opera hortentur; fidem per dilectionem operari doceant. Ecclesiæ jejunia, confessionem & communionem paschalem, Sanctorum cultum &c. commendent.

5. Psalmodia a SS. PP. Ambrosio & Augustino commendata, ut præter cultum internum etiam externus DEO exhibeatur.

6. Horæ Canonicae devota & collecta mente persolvantur.

7. Sub re Divina absit a templo omnis deambulatio, confabulatio, strepitus, irreverentia &c.

8. Duæ tabulae in Cathedralibus & collegiatis appendantur, in quibus tempus & ordo rei Divinae, & cujusque officium descriptum sit.

9. Ordinantur ea, quæ ad peragendum devote & religiose Missæ sacrificium faciunt.

10. Cum dies festi ultra modum creverint, devotio autem & fervor fidelium decreverit, hunc augeri, illos autem oportet minui. Nominantur propterea dies, festive celebrandi, dies SS. Innocentum, Cinerum, Cænæ Domini, Parasceves, Sabbati sancti, Marci, tres Rogationum, commemorationis animarum, usque ad meridiem jubentur festive agi.

11. Circa Religiosos pro illorum temporum necessitate varia sanciuntur: veluti, ne quis ante 15. ætatis annum ad novitiatum admittatur, aut ante eum completum ad professionem. Bene instruantur. Ad ordines non nisi digni præsententur. Ad professionem admittantur absque pretio & pactione. Sæcularibus negotiis se non im-

nisceant; extra monasterium non vagentur, sed clausuram servant. Si necessitas aut honesta causa egressum exigat, socium apud se habeant, ac decentem habitum. Moniales præsertim intra claustrum contineantur: nec accessus ad eas pateat. Ejusdem ordinis confessorium habeant. Regulares convivia externorum non frequentent. Domi mensa frugali, sacra lectione condita, sint contenti. Nemini offenculo, omnibus bono sint exemplo. Terminarii nullam elemosynæ partem sibi vendicent, sed omnia in commune conferant.

12. Laici ne gravent monasteria sub pœna excommunicationis. Ad parochialium Ecclesiarum gubernacula non admittantur Regulares sine consensu ordinarii, & superiorum suorum, qui eos ad monasterium revocare possint. Sic autem ad curam animarum adhibiti parochialibus sacerdotibus se conforment, nihilque novi introducant. Mendicantes vero in Verbi Divini prædicatione, audiendis confessionibus, sepulturis & funeralibus sacris Canonibus se accommodent. Casuum, Episcopo reservatorum, decisionem nemo sibi arroget, nisi sit designatus. Nullus alienum parochianum absolvat, nisi de licentia ordinariorum aut proprii parochi.

13. Statuitur, quantum quisque curatus aut beneficiatus pendere debeat.

14. Cum autem plura beneficia curata sint adeo tenuia, ut curatus inde sustentare se congrue non possit, determinatur, quantum exigere possit, quando educit seu benedicit puerperam, quando SS. Eucharistia ad ægros defertur, quando extremam unctionem ministrat, quando offertorium quatuor festivitatum occurrit, quando nuptiis benedicit, quando funeralia celebrat.

Neque propterea Sacramentorum venditionem causentur isti, qui omnia sinistra in ordinis clericalis confusionem interpretantur. Dignum enim & æquum est, ut, qui serviunt altari, de altari vivant. De cætero pro baptisimi & pœnitentiæ sacramentis prohibetur aliquid exigi. Liberaliter oblatum permittitur recipi. Denique additur, si quaestio de competentia & collatione necessaria oriatur, eam a loci ordinario de plano decidendam, & primo ad decimas parochiæ recurrendum, sive decimator sit Ecclesiasticus sive laicus: his deficientibus ad plurium Ecclesiarum unionem; si autem ne sic quidem provideri posset, parochianos ad debitam parochi sustentationem compellendos.

15. Singula collegia scholas instaurent. Magistri idonei ac probi iis præficiantur. Libri probati prælegantur. Capitula finitis tribus expectantiarum annis (quorum primus Archiepiscopo, secundum quotidianæ præsentiae, tertius fabricæ Ecclesiæ debetur) Canonici aliquos ad academias mittant, præbenda eis assignata.

16. Nullus clericum ad iudicium sæculare præsumat trahere. Si laicus hoc fecerit, causa cadat: sententia sit irrita. Et iude ex tunc omni potestate iudicandi sit privatus. Clericus vero actio excommunicationem ipso facto incurrat: uti etiam iudex sæcularis qui clericum coram se litigare directe vel indirecte compellit, aut impedit, quo minus clerici in foro Ecclesiastico libere agere aut defendere possint.

17. Nullus clericis aut eorum bonis contra libertatem Ecclesiasticam pedagia, telonia, collectas, aut exactiones imponere præsumat. Quinimo si quis aliquid extorserit, Canonica monitione præmissa, per ordinarios locorum, juxta Ecclesiasticam centuram, restituere cogatur.

18. Irritantur omnia statuta & consuetudines, quæ pugnant cum libertate Ecclesiastica.

19. Cum reformatio Cæsarea, prælatis Ecclesiarum ad deliberandum tradita, tanquam sacris canonibus consona, fuerit acceptata (sedis Apostolicæ auctoritate semper salva) ac propterea in diocesana Trevirensi synodo promulgata, Archiepiscopus nunc toti provinciae eandem proponit observandam, & nominatim ea, quæ contra clericos concubinos, simoniacos, sortilegos, ebriosos, usurarios, fuerunt sancita.

20. Jubentur hæc statuta per provinciam promulgari; atque ut omnia monasteria, collegia, decani, & plebani copiam eorum perpetuo apud se habeant, atque retineant; eademque inviolabiliter observent.

ARTICULUS VII.

Synodus Salisburgensis anno 1569.

Cum Tridentinum generale concilium feliciter tandem absolutum tot præclara fidei morumque documenta promulgasset, Episcopi per diversas provincias apud subiectos sibi populos illam usum & praxin deducere omni ope pro pastoralis suæ cûræ collaborabant. Hos inter fuit Joannes Jacobus Archiepiscopus Salisburgensis, qui accitis provinciæ suæ Episcopis, cœnobiarchis, præsidibus, aliisque sacrorum curionibus, sacram synodum anno 1569. eum in finem celebravit, formata in ea opera Ninguardæ Theologi, & Ficlery Jurisconsulti saluberrima decreta (typis Dilinganis anno 1574. edita) pro eliminandis erroribus, proscribendis hæresibus, emendandis corruptis moribus, reducenda collapsa disciplina, instituendis paræciis, monasteriis instaurandis &c. *Adlzreiterus in Annal. Boicis part. 2. lib. 11. ad ann. 1569.*

CONVENTUS

Capituli Colonienfis in causa Gebhardi Archiepiscopi an. 1582.

Cum Gebhardus Truchsessius Colonienfis Archiepiscopus infano amore Agnetem Mansfeldicam deperiret, atque sacrilegas cum ea nuptias attentaret, Gregorius XIII. Romanus Pontifex gravissimas ad eum litteras dedit, quibus in præcepsruentem a lapsu revocaret: cogitaret etiam atque etiam Truchsessianæ familiæ decora, Ottonis patris purpuram, spes de se conceptas. Haberet rationem famæ suæ, turpiter adeo projectæ flagitiis, tam sublimi loco prorsus indignis, quæque citra ruborem ne commemorari quidem possint. Reputaret secum, quid fedi Apostolicæ, quid Christiano nomini, quid patriæ, quid generi, quid sibi, quid DEO deberet. Eadem ferme Cæsar inculcabat.

At cum frustra apud furem essent monita, sed usque in peris iret, adeo quidem, ut ipsam quoque cum pudore religionem abjiceret, & autonomiam inducere moliretur, cathedrale collegium cum Colonienfis ordinibus conventu celebrato rationes iniit, quibus cavere, ne respublica & avita Religio detrimentum patiantur. Ac
primo

primo quidem rogatæ sententiæ, quid censendum de Gebhardo, qui collegio Archiepiscopali & provinciæ ordinibus inconsultis, contra datam fidem externum militem scripsisset, Bonnam hostiliter habitam præsidio alendo vexasset, census capituli usurpasset a Romana Ecclesia defecisset, tentaret sacram infulam ac pedum colo peploque per sacrilegas nuptias copulare: qui cum externis Principibus clandestinas conspirationes iniisset, Alenconio videlicet, Bipontino, Casimiro, & aliis: qui peregrinæ terræ & religionis homines, exclusis indigenis & orthodoxis, & consiliis & provinciis præficeret, atque adversus pacta conventa contraxisset, ingens æs alienum, dilapidatis Ecclesiæ opibus. His aliisque ponderatis

Synodi exitus is fuit, ut ordines Metropolitano collegio arctiori nexu unirentur, & pro Religione atque republica adversus novellas machinationes sibi depugnandum decernerent, ac depulso ab ovili lupo meliorem illi pastorem præficerent.



LIBER II.

De Statu Ecclesiastico & Politico Bohemiæ, Hungariæ, Transylvaniæ, Poloniæ Sueciæ, Daniæ, Helvetiæ, ac Mediolani Sæc. XVI.

CAPUT I.

Schema Bohemiæ circa Statum Ecclesiasticum & Politicum.

SUMMARIUM.

ARTICULUS I.

Status Bohemiæ sub Ducibus & Regibus ex Primislai Agricolæ stirpe.

- | | |
|---|--|
| <p>1. Post varias gentes Slavi sub Duce Zecho in Bohemia stabilem sedem figunt.</p> <p>2. Libussa Pragæ minorem condit. Primislao Agricolæ nubit. Ex iis longa Ducum Regumque progenies.</p> <p>3. Borzivoius & Ludmilla conjux convertuntur, & Religionem Christianam inducunt.</p> <p>4. Drahomira impia mater. Wenceslaus sanctus filius.</p> <p>5. Boleslaus I. impius frater; Boleslaus II. sanctus filius.</p> <p>6. Bretislaus Moraviæ adiicit, Poloni tributum impetrat, Victor ubique.</p> | <p>7. Bella domestica inter cognatos Principes, & cruentæ cædes.</p> <p>8. Episcopus Pragensis tot inter turbas Dux Bohemiæ eligitur. Synodum Pragensem celebrat, ad restaurandam collapsam disciplinam.</p> <p>7. Ottocarus I. a Frid. II. Cæsare Rex creatus, cum stabilitate Regiæ dignitatis, & privilegiis Bohemiæ. Pontificis osor, & omnis cleri. Ottocarus II. emendat vitia patris. Tartarorum victor.</p> <p>10. Ottocarus III. quo altius elatus victoriis ac summa potentia, eo profundius depressus a Rudolpho I. Cæsare,</p> |
|---|--|

Pars VII.

H h

11. Wen-

- | | |
|---|---|
| <p>11. Wenceslaus IV. filius, a Rudolpho Cæsare Elector Imperii, & Archipincerna, a Polonis & Hungaris Rex electus.</p> | <p>12. Wenceslaus V. filius, ultimus Rex ex Primislai & Libusæ stirpe, perfide interemptus.</p> |
|---|---|

ARTICULUS II.

Status Bohemiæ ab extincta Primislai stirpe usque ad Hussitæ & concilium Constantiense.

- | | |
|---|---|
| <p>13. Henricus Dux Carinthiæ & Rudolphus Alberti Cæsaris filius de regno disceptant.</p> <p>14. Tertius gaudet Joannes, Henrici VII. Cæsaris filius, ducta sorore Wenceslai V. bellis Europam implet, licet cæcus in pugna Cressiaca occumbit.</p> | <p>15. Major patre filius Carolus IV. Imperator, sacerdotii vindex, Ecclesiarum Patronus Bohemiam ad apicem felicitatis evehit. Archiepiscopatum Pragensem fundat, & Academiam Novam Pragam condit, & pontem.</p> |
|---|---|

ARTICULUS III.

Status Bohemiæ a concilio Constantiensi usque ad Basileense.

- | | |
|--|--|
| <p>16. Quid Carolo IV. vitio detur.</p> <p>17. Wenceslai inertia, lascivia, crudelitas.</p> <p>18. Academiæ Pragensis Hussio insignante mutatio.</p> <p>19. Hussitarum furor duce Zisca.</p> <p>20. Sigismundi regis infausta adversus eos bella.</p> <p>21. Procopius Ziscæ succedit.</p> | <p>Furit in Ecclesiasticos; a Nobilitate cæsus perit.</p> <p>22. Pax tandem composita. Hussitæ ad compastata Concilia Basileensis remissi.</p> <p>23. Uno tantum anno Sigismundus in pace Bohemiam possidet.</p> |
|--|--|

ARTICULUS IV.

Status Bohemiæ a Concilio Basileensi usque ad Tridentinum.

- | | |
|---|---|
| <p>24. Breve Alberti & Ladislai regnum.</p> | <p>25. Podiebradii utraquistsæ gubernatio ac regnum.</p> <p>26. Cum</p> |
|---|---|

6. Cum ex Rockizanæ Hussitæ consiliis regeret a Pontifice sacrorum communione motusest. At ille per compactata concilii Basileensis se defendit.

7. Aliis regni competitoribus præfertur Uladislaus Polonus, sub conditione servandi compactata concilii Basileensis.

8. Bellum, & pax cum Matthia Hungariæ rege.

9. Ludovici regnum, paradoxa fata.

30. Tandem stabilem sedem fixit corona Bohemica in Domo Austriaca, ad Ferdinandum I. devoluta. Illius solennis receptio, Archiepiscopus reducio.

31. Post bellum Smalcaldicum leges statuit. Circa Eucharistiam nihil immutari præcipit. Sacerdotibus conjugium vetat. Novam Academiam condit. Societatem Jesu introducit. Concilii Tridentini sanctiones observari voluit.

ARTICULUS V.

Status Bohemiæ a Concilio Tridentino usque ad finem Sæculi XVI.

32. Ferdinandus Archidux Prorex Bohemiæ.

33. Maximilianus II. rex. Dynastarum pro religione zelus.

34. Rudolphi II. pro religione fervor. Litterarum æstimatio; Majestas. Tycho Brahe accitus.

ARTICULUS VI.

Status Ecclesiasticus per sacras synodos ordinatus Sæc. XVI.

35. Secundum concilii Basileensis compactatus usus Calicis permissus, etiam Catholicis. Sed spe frustrata.

36. Concilium Olomucense I. ejusque acta.

37. Lutherani & Calvinistæ Rudolphum nolunt regem agno-

scere, nisi eorum sectæ permittantur libera.

38. Concilium Olomucense II. Concilium Trid. promulgatum. Episcopus Calicis usum prohibet.

39. Conciliabula sectariorum.

CAPUT I.

Schema Bohemiæ quoad Statum Ecclesiasticum
& Politicum.

PAUCÆ quidem Ecclesiasticæ synodi in Bohem'ia sunt celebratæ, quia tamen magnæ rerum conversiones in Ecclesiasticis æque ac Politicis eo in regno factæ sunt, in hoc apparatu eruditionis præteriri non debent. Et quoniam status Politicus cum Ecclesiastico arctissime est connexus, eos in hac synopsi non separabo; sed utrumque conjungam, & primo quidem relationem brevissimam rerum gestarum usque ad sæculum XVI. præmittam, deinde copiosius aliquanto ævum postremum subjungam.

ARTICULUS I.

Status Bohemiæ sub Ducibus & Regibus ex Primis-
lai Agricolaæ stirpe.

I.
Zechus.

EUM terrarum tractum, quem Bohemi hodie incolunt, variæ ab antiquissimis temporibus gentes occupaverant; nam Suevos, septentrionalis Germaniæ populos, Boji (a quibus nomen) expulerant, Boios Marcomanni, istos Slavi, qui duce *Zecho* (Lechi & Russi fratre) ex Illyrico progressi, firmum deinceps pedem ibidem fixerunt.

Et primo quidem per tria ferme sæcula Ducibus parebant; quorum primus erat, quem diximus *Zechus*. Quo tempore autem is eas in terras devenerit, magna est scriptorum varietas, adeo quidem, ut ultra quinque sæcula aliqui discrepent, & hi ad finem sæculi tertii æræ Christianæ epocham figant, alii vero usque ad initium sæculi noni eandem rejiciant. Utrosque hos refutat Balbinus noster in Historia sua Bohemica, & medium quoddam tempus sæculi V. aut VI. statuendum existimat.

Zechus castrum *Pſarii* (*Wissebradum* postea dictum) exstruxisse dicitur, nobile hodie, ac ultimo bello egregie firmatum, Novæ Pragæ munimentum. Post mortem *Zechi* ad *Lechum*, ejus fratrem, Poloniæ Ducem, delatum est regimen. Verum is *Crocum* Bohemis commendavit. Cui successit *Libussa* filia, cedentibus ultro duabus fororibus natu majoribus.

Libussa

Libussa, ob prudentiam & vaticinia Bohemiæ Sibylla dicta, mitatem & animosam gentis indolem agricultura, ac civilis vitæ studiis, atque oppidorum extruptione pacavit. Inter alia Praga Minor eamuctorem habet. Celibem agere vitam decreverat, sed a proceribus ad eligendum maritum adacta, *Primislaum* agricolam elegit. Iste post mortem *Libussæ* multum negotii fecerant fæminæ, a Vasta *Libussæ* famula, ob negatas a Primislao cum ea nuptias, ad arma concitata. Plures annos fæmininum hoc bellum tenuit, donecastro earum expugnato ad sexus sui conditionem sunt redactæ.

Ex Primislai & *Libussæ* progenie successerunt continua serie 40. um Duces tum Reges Bohemiæ, usque ad annum 1306. septimus ex is Vogenus *Pragam majorem*, quam hodie *antiquam* appellant, condidit. Primus vero Christianam religionem suscepit *Borzivoius*, duodecimus Dux Bohemiæ, circa annum 864. cum ad Radislaum Moraviae Regem Christianum inviseret, a sanctis viris Cyrillo & Methodio instructus. Conjugem habuit *Ludmillam*, quæ cum ipso fuit baptizata, ac postmodum in sanctorum numerum relata. Corpus ejus in Ecclesia sanctimonialium, ejusdem nomini dicato, in minori Praga prope Cathedralē Ecclesiā asservatur.

Bohemi gentiles, cum *Borzivoium* ab idolorum cultu recessisse intellexerant, Principatu eum dejecerunt; sed brevi restitutus, eundem ultro cessit filio, privata deinceps vita cum S. conjugē uni DEO serviens.

Spitihnæo *Borzivoii* filio brevi defuncto successit frater *Wratislaus I.* Hunnorum is initio socius adversus Bojos fuit, dein illorum pro Moravis hostis. At pejorem multo hostem domi habuit, *Drahomiram* nempe conjngem ethnicam, Christianæ, quam amplius promiserat, religionis odio flagrantem: in ejusque excidium toto nisu incumbentem.

Duos ex ea *Wratislaus* nactus est filios, *Wenceslaum* & *Boleslaum*, quos tenera ætate vernantes reliquit, anno 916. defunctus. Cujus tumulus apud S. Georgium in arce Pragensi hodie dum visitur, *Beati* titulo inscriptus.

Filiorum Principum tutelam & Ducatus administrationem *Ludmillæ* matri suæ commendaverat. Verum *Drahomira* crudelitate ac fraudibus ad gubernationem provecta cædibus Christianorum provincias implevit, immisissis etiam sicariis, qui S. *Ludmillam* Tetti- ni interficerent. Allisa ibidem est saxo, quod ejus sanguine conspersum etiamnum visitur.

2.
Libussa

3.
Borzivoius
& *Ludmill*
la.

4.
Drahomira.

3. Wences-
laus.

Tandem *Wenceslaus*, sub sanctissima prius *Ludmillæ*, aviæ suæ, disciplina Tettini educatus, pubertatis annos vixit adeptus, ut reipublicæ ac religioni, in ruinam impulsæ succurreret, Christianorum procerum ope matri impiæ abrogavit imperium. Quæ non multo post tremenda morte scelerum pœnam luit. Nam cum auriga, prope templum eam prætervehens, ad orandum DEum Missæ consecratione oblatum, ex curru descendisset; illa furore æstuans, horrendas in cœlum blasphemias evomit. Quare dehiscens tellus eam cum curru & equis vivam absorpsit, ad stygem recta devehendam. Auriga vero rediens præter scuticam nihil invenit, terra in se ipsam redeunte. Funestum casum testatur columna eo in loco erecta in *Ratisbino*, non procul ab arce.

Cum *Drahomira* rem Christianam in Bohemia iret perditum, *Henricus Auceps*, Rex Germaniæ, cum exercitu movit in Bohemiam, ac confirmato in Principatu *Wenceslao*, & religioni & reipublicæ consuluit. Mox eundem Erfordiam ad Imperii comitia invitatum primum *Regem Bohemiæ* appellavit, atque S. Viti brachium eidem donavit, cuius honoribus in arce Pragensi magnificam Basilicam excitavit, pluribus sanctorum corporibus hodie venerandam.

Tandem sanctissimum Principem impius frater *Boleslaus*, *Drahomira* matre jam ante instigante, *Boleslaviæ*, quo eum ad convivium invitaverat, media nocte in aditu templi propria manu perfide interemit, anno 938. ætat. 30. 28. Sept. quæ dies a toto Ecclesia in ejus honore festivo colitur. Corpus ejus primo sepultum *Boleslaviæ*, dein Pragam advectum in Ecclesia S. Viti, a se condita, religiose asservatur. Vita ejus plena est sanctimonia, cultu in DEum Eucharisticum singulari. Quare innumeris decoratum prodigiis eum merito sibi Bohemi Patronum patriæ gratulantur. *S. Podivimus*, ejus servus, ac operum priorum socius, pariter a *Boleslao* interemptus, Pragæ in eadem Cathedrali S. Viti Ecclesia publice colitur.

5.
Boleslaus I.

Sceptrum Bohemiæ, fraterno sanguine sædatum, *Boleslaus* arripuit, regio tamen titulo abstinuit, ob metum Cæsaris, Ducis russum nomine insignitus. Otto M. Imperator, ut eadem S. *Wenceslai* vindicaret, Bohemiam invasit, gestoque 14. annorum bello evicit, ut *Boleslaus* fraternam cædem, illatasque Christianis injurias detestatus, totusque in alium virum mutatus, Religionis deinceps defensor esset; data etiam filia sua *Daumbravia* *Micislao* *Poloniæ* Duci, ea conditione, ut is Christiana sacra fusciperet. Qua occasione conversa est Polonia. Scribunt aliqui, *Boleslaum*, cum *Ottone* in gratiam reversum, *Ratisbonæ* *Dapiferi* Imperialis dignitate

e fuisse ornatum, ahenopro insigni attributo. At alii id eo inter-
retantur, quod ei a Cæsare fuerit injunctum, ut in pœnam parricidii
henum super ignem gesseret.

Patris & aviæ vitia emendavit *Boleslaus II.* patrui S. Wenceslai *Boleslaus*
exemplum secutus, fana evertit, idola contrivit, lucos succendit, II.
entiles rebelles subditos pluribus præliis fregit; DEO autem plus
o. Ecclesias extruxit, Episcopatum Pragensem fundavit. Cujus
primus Episcopus fuit Ditmarus, alter S. Adalbertus, Bohemiæ, Po-
loniæ, Hungariæ ac Prussiæ Apostolus, qui frequenti cleri convoca-
tione religioni ac morum disciplinæ invigilabat. At non domi tan-
tum pius fortisque Boleslaus fuit subditis domitis, & Ottone II. Cæ-
sare a Bohemia rejecto, sed per exterarum etiam provincias victricia
signa circumtulit, expugnata in Polonia Cracovia, in Saxonia Mis-
nia. Obiit anno 999. Pius cognominatus. Novæ vero Boleslaviæ
nomen ipse suum impertivit.

Reliquit tres filios, a patre degeneres, Boleslaum III. qui ignavia
sua rursus amisit, quæ pater in Polonia Misnia occupaverat. In
Poloniam invitatum rex oculis privavit. Jaromirum vero (a quo
Jaromiria) alterum fratrem Udalricus, tertius frater, excæcavit, &
rei inclusit, ac proin Bohemia duos simul Duces cæcos habuit, eos-
que fratres, tertium vero fratrem usurpatorem principatus; qui ta-
men insignibus vitiis virtutes miscuit bellicas; nam Polonos, qui
Pragam jam ceperant, Bohemia ejecit, Saxones magna clade affectit,
Lusatia Marchionem in prælio occidit, Thuringios, Misnios, alios-
que vestigales fecit. Obiit 1037.

Bretislaus I. ejus filius Juditham illustrem virginem ex Parthe-
none Ratisbonensi abduxit, gladio discissa catena ferrea, cœnobio-
bratenſi. Quam injuriam vindicaturus Conradus II. Cæsar, cum
exercitu in Bohemiam irruit; jamque ad pugnam paratæ stabant
utrinque acies, cum progressa in medium Juditha, uterum ferens,
pacem composuit. Tantas autem deinceps Bretislaus res gessit, ut
Bohemiæ Achilles appelletur. Nam Moraviam Polonis ereptam Bo-
hemiæ junxit, Uratislaviam in Silesia, Cracoviam, Gnesnam, &
Posnaniam in Polonia expugnavit, annumque tributum Polonis im-
posuit; at inde adversus Hungaros victoriam promovit. Gnesna
corpus S. Adalberti Pragam avexit; quamvis Poloni illud sibi adhuc
vindicerent, aliudque Pragam abductum scribant.

Anno 1058. obiens quinque filios Principes ex Juditha reliquit,
assignata Spitihnæo Pragensi provincia, Wratislao Olomucensi, Con-
rado Brunensi, Ottoni Znoymensi, Jaromiro Reginæ - Gradecia.
Ve.

Verum Spithnæus, ferox juvenis, fratres paterna hæreditate spoliatos in exilium eiecit. Sed post sex annos præcoce morte abreptus, Principatum *Wratislao II.* fratri, relinquere coactus est. Hic Henricum IV. bellicis obsequiis adeo sibi devinxit, ut an. 1086. eam Regem crearet, & Lusatiam Bohemiæ adiceret.

Ad personam tamen *Wratislai* (sicut prius ad *S. Wenceslai*) restricta fuisse videtur Regalis dignitas; nam Conradus ejus frater, pluresque successores Ducis rursus titulum assumerunt. *Bretislaus II.* *Wratislai I.* filius, adactis Polonis ad solvendum annuum tributum, quod ipse avo *Bretislao I.* promiserant, in venatione fuit occisus. (anno 1100.)

7.
Bulla Co-
gnatorum.

Florebant ad illud usque tempus res Bohemicæ domi forisque, satisque tranquille & ex ordine processit successio Ducum; verum cum ad initium sæculi XI. magnus esset Principum agnatorum numerus, ex tot *Bretislai I.* filiis prognatorum, eos inter non raro domesticæ oriebantur discordiæ, alterque alterum dignitate ac provinciis exuere conabatur. Qua re factum, ut *Henricus V.* Cæsar modo hunc, modo alium Bohemis Ducem designaret. Sic *Borzivoius II.* *Svatoplucus*, *Wladislaus I.* *Sobieslaus I.* magna inter se contentione Ducatum attrahebant & retrahebant; unus *Borzivoius* ter Bohemiæ Princeps fuit, toties dejectus, demum in exilio mortuus, manifesto argumento, Principatibus ac Regnis nihil esse ad domesticam tranquillitatem salubrius, quam si *primogenituræ* jure filius succedat patri: nec ad secundam lineam transeat successio, quamdiu ex prima superest masculina progenies. Prout etiam in Bohemia observatum usque ad *Boleslaum III.* ejusque fratrem *Jaromirum*, excæcatus, quorum jura *Udalricus* frater tertio genitus invasit.

Sobieslaus I. magnopere laudant scriptores Bohemi, quod Pragæ ac Bohemiam universim multis Ecclesiis, aliisque ædificiis exornarit, ligneis Pragæ domibus in lapideas mutatis; ac præsertim, quod ipsum Imperatorem *Lotharium II.* in Bohemiam moventem, ac prælio victum, captumque cum pluribus Imperii Principibus (inter quos *Albertus Ursus Brandenburgi Marchio*) liberalissime exceperit, ac liberum dimiserit.

Successit *Wladislaus II.* anno 1140. vehementer obsistentibus Principibus agnatis, contra quos ei auxilio venit *Conradus III.* Imperator, cum quo deinde expeditionem in Palæstinam suscepit; cum *Friderico I.* adversus Mediolanenses, ubi Bohemorum virtus ita enituit, ut insignibus Ducis *Leo* cum gemina cauda fuerit a Cæsare additus, atque *Wladislaus Rex Bohemiæ* fuerit declaratus, Cum vero postea

Postea Fridericus a Romano Pontifice anathemate fuisse percussus, ab eo se reduxit. Quare irritatus Cæsar in Lusatiam eum compulit, ubi mœrore contabuit (1174.)

Post illius fata effervebant rursus cruenta Principum agnatorum certamina, altero alterum detrudente. Nam Sobieslaus II. a Friderico I. Cæsare obtrusus, ex carcere solum scandit. Sed brevi ab eo reiectus a Friderico, Wladislai II. filio, pugna ad Pragam victus. Fridericus a Conrado Znomeni depulsus hic rursus a Friderico. Conradum III. cum Henrico VI. in Italiam profectum, ad Neapolin mox rapuit, tum Wenceslaus principatum invasit: post tres menses in Lusatiam captivus abductus.

Quare Bohemia, tot bellis civilibus fessa, Pretislaum Henricum, Episcopum Pragensem, priorum Ducum agnatum, Principem sibi constituit, ut & Ecclesiastica auctoritas & sæcularis potestas in unum collecta, mutuis officiis opportunius se adjuvarent. Isigitur, ut fatiscientem tot dissidiis rempublicam componeret, qua conventibus Ecclesiasticis, qua procerum comitiis patriæ consuluit. Petitionem a Cœlestino Papa legato Apostolico, celebrataque synodo collectam morum disciplinam restituit. Verum triennio necdum exple-^{8.} Synddus Prag.

Succesit Uladislai III. qui raro modestiæ exemplo fratri principatum Bohemiæ cessit, Moravia sola sibi reservata. Igitur *Primislai II. Ottocarus*, Uladislai II. filius, qui prius in Bavaria exul Ratisbonæ mercenario labore se sustentaverat, habenas capeffens, in conati sanguinis Principes sævit, Czerninis, ex eadem Ducum prosapia oriundis, Bohemiæ expulsis. Cum dein Otto IV. & Philippus Imperium discernerent, primo Philippo adhæsit ab eo Moguntia Rex^{9.} Ottonem ejus^{9.} salutatus. At litteris acrioribus a Philippo offensus, ad Ottonem ejus^{9.} emulum transit, ejusque partes tam obnixe secutus est, ut *Otto* rus 1. *carus* diceretur; idque cognomen etiam filio ejus & nepoti adhæsit. Postea nihilominus Ottone etiam relicto, Friderico II. Imperatori se totum dedit, eumque militaribus officiis ita sibi devinxit, ut foederis diplomate Bohemiæ *Regni* titulum in perpetuum addiceret. Primus proin est Primislai II. qui Regium titulum ad omnes successores transmisit. Addidit Cæsar alia privilegia: quippe Bohemos a contributione Imperiali exemit, Regemque ab obligatione compendi in Imperii Comitibus, nisi in Bohemiæ confinibus, Bambergæ, Norimbergæ, aut Ratisbonæ celebrentur, adjectis insuper pluribus conditionibus Regno Bohemiæ.

Hoc quidem pacto Primislaus Bohemiam & dignitate & amplitudine auxit magcopere; de cætero non tantum in omnem partem erat versatilis, ut tot transitus ad contrarias Imperatorum partes satis demonstrant, sed domi insuper in agnatos Principes sævus, qui ne oculis privarentur, exulatum abiverant, tributis immanibus populum vexabat, clerumque omnem, Friderici Cæsaris, fidelium communione a sede Apostolica privati, defensor, implacabili odio persequabatur, tanto etiam sacerdotum vertici tributo imposito, quin imo, ut nihil deesset ad sorditiem, scholarium etiam atramento & calamis.

Quare Guttensteinus Episcopus, Ecclesiastica libertate sapius incassum monitum anathemate perculit, atque Bohemiam Ecclesiastico interdicto subjecit. Septem illa annis sacris caruit: ob unius noxam Principis, donec tandem resipiscens obiit anno 1230. Regni 31. octogenario proximus.

Ottocarus II.

Ex arbore mala fructus bonus prodiit *Wenceslaus III. Ottocarus*, jam in cunis a patre coronatus. Dicitur fuit *monoculus*, quia oculorum alterum in venatione amiserat. Sub eo refluoruit religio, regnumque, quod sacris ante septennio caruit, multiplicata pietate defectum compensavit. Patris avaritiam liberalitate ac lenitate emendans, amorem subditorum ditissimum provinciarum tributum, meruit, quin exterorum etiam æstimationem, singulari cum honoris significatione Augustanis in comitiis a Cæsare & Imperii Ordinibus exceptus. Sed nihil ad commendationem augustius, atque ad Christianæ rei tutelam salubrius, quam bellum præclare gestum adversus Tartaros, qui immensa propemodum multitudine e finibus suis prorumpentes, Hungariam, Poloniam, Silesiam inundaverant, castrisque Christianis exercitibus, populatione compleverant. At stitit ruinam bellis duratum Bohemorum robur, commissaque ad Olomucium pugna barbarorum ingenti clade absterfum Europæ periculum, ipso Tartarorum Imperatore a Jaroslao Sternbergio, Christiani exercitus duce, in acie obtruncato. Taceo minora Wenceslai cum Friderico Bellicoso, Austriæ Duce, certamina. Obiit anno 1253. ætatis 47. regni 23.

10.
Ottocarus III.

Successorem habuit *Primislaum III. Ottocarum*, famosum in hoc mundi theatro sæculi sui actorem. Jam in patrem arma corripuerat; quæ melioribus postea auspiciis in gentiles adhuc Boruffos vertit, hortatu Pontificis cruce signatum ducens exercitum. Devicta ea gente, Regiomontem pluresque alias ibidem urbes arcesque condidit. Egra dein Bojis erepta, cum Bela Hungariæ Rege commissus,

nissus, ingentem ejus exercitum gemina clade pene delevit, præ-
 erque magnam vim auri Bosonium postmodum in prædam cessi. Ob-
 antas res gestas Bohemi *viñtoriosi* cognomine eundem appellant. Sed
 nec potentia & terrarum amplitudine quisquam ante eum Bohemiæ
 Principum eo effurrexerat; siquidem post mortem Friderici Bellicosi,
 bsque prole mascula defuncti Austriam Styriamque Interregni tem-
 pore occupaverat, sive, quod crederet, eas provincias conjugii suæ
 Margarethæ, Friderici forori (quam tamen postea repudiavit) dotis
 ure esse debitas, sive, ut Bohemi scribunt; quod eas a Richardo
 clientelari jure legitime sibi concessas putaret. Carinthiam & Car-
 iolam quoque, ab Ulrico Duce aut donatam, ut vult Balbinus,
 ut pecunia, quod alii scribunt, emptam accepit, ut adeo a mari
 Balthico ad Adriaticum usque per ingentes terrarum tractus vastis-
 simam dominationem exporrigeret. Adhæc summa in orbe dignitas,
 Cæsarea videlicet, ab Electoribus illi fuerat delata; quam cum su-
 perbius rejecisset, Rudolphus Habsburgicus, qui olim Ottocarum mili-
 taverat, electus est.

Hic Imperator Ottocarum ad Comitum Imperii Norimbergam
 evocavit, ut rationem reddat, quo jure Austriacas provincias pos-
 sideat, quæ, tanquam Imperii feuda alienari nullatenus potuerint,
 præsertim Interregni tempore. Eandemque conditionem esse Carin-
 thiæ. Cum autem is parere detrectasset, & arrogantius respondisset,
 ventum ad arma. Jamque in adversa Danubii ripa paratus ad
 prælium uterque stabat exercitus, cum pactioibus in id conventum,
 ut Ottocarus eas provincias tanquam feuda Imperii agnosceret, &
 a Cæsare acciperet, liberi vero utriusque jungantur nuptiali fœdere.
 Cum autem sub papilionibus Rex Cæsari quinque vexilla obtulisset,
 quibus Bohemiam, Moraviam, Austriam, Styriam, & Carinthiam
 designabat, Rudolphus, solo Bohemico & Moravico restituta, reli-
 qua tria se retenturum respondit, donec nuptiæ promissæ impleren-
 tur, interim vero se ipsum tres illas provincias administraturum,
 moxque sublati repente papilionis tapetibus, utrique exercitui pa-
 tuit Rex genibus subnixus coram Cæsare, plaudentibus Germanis,
 Bohemis infremtentibus.

Ægerrime res utraque Ottocarum habuit, & quod relinquen-
 da interim essent provinciæ, & quod ludibrio publico, ut interpre-
 tabatur, fuisset expositus. Cumque ira alioquin ardenti flammam
 subjiceret regina, bellum Rudolpho intulit, sibi suisque fatale. Nam
 ingenti prælio fusus in acie occubuit. Hæc nempe est variantis for-
 tunæ indoles; procos suos ad summum elevat potentiæ & gloriæ api-

cem, ut lapsu graviore profundius detrudat. Cecidit Ottocarus anno 1278. regni 25.

11.
Wences-
laus IV.

Moderate Rudolphus Cæsar usus est victoria : nam Austriacas quidem provincias feudali jure Alberto filio suo concessit (qui Elisabetham ex antiquis Austriæ Ducibus oriundam duxerat) Bohemiam vero reliquit *Wenceslao IV.* Ottocari filio, puero tunc octenni, cujus tutelam invasit Otto longus Brandeburgi marchio, qui Ottocari sororem habebat conjugem. Sed avare & crudelitar eandem gessit, inducto Germano milite, qui effræni licentia per Bohemiam grassabatur. Rex ipse pupillus cum matre velut carcere fuerat conclusus, ac dein in Brandenburgiam deportatus.

At invenit liberatorem patronumque imo patrem clementissimum in patris hoste, Rudolpho Cæsare; qui Wenceslao Bohemis restituto Juditham filiam suam dedit conjugem, simulque Electoralem dignitatem, munus *Archiepiscopatus*, Vicariatum Imperii per Misniam, Egregensem circulum, Uratislaviæ Principatum, Lusatiam quoque aut confirmavit aut contulit.

Atque ut ad felicitatem ac potentiae incrementum nihil deesset, Poloni quoque ac Hungari eundem sibi Regem elegerunt. Hungariam tamen, quo filium præmiserat, asportata secum corona, deseruit, ob gentis dissidia.

Obiit, ut vixit, pientissime anno 1305. regni 27. ætat. 35. Præter alia sapientissime instituta, suadente Episcopo Academiam Pragensem orsus est, quod tamen salubre negotium procerum factione corrui.

12.
Wences-
laus V.

Hæredem regni reliquit *Wenceslaum V.* 17. annorum juvenem, quem optimis disciplinis institutum triplex corona expectabat; sed altero mox regni anno Olomuci a sicario Thuringo confossus occubuit. Atque in eo Primislai Agricola & Libussa stirps mascula, quæ perpetua serie per tot sæcula in 32. Ducibus, & 8. Regibus floruerat, exaruit anno 1306.

ARTICULUS II.

Status Bohemiæ ab extincta Primislai stirpe usque ad Hussitas & Concilium Constantiense.

3.
Henricus
& Rud.

Quare Bohemiæ sceptrum ad exterarum familias translatum est, per feminas tamen principes cum Primislai stirpe connexas. Et imprimis quidem Wenceslaus V. duas sorores reliquit, *Annam*, Henrico Carinthiæ Duci ac Comiti Tyrolis nuptam, alteram

am *Elisabetham*, adhuc cœlibem. *Henricum* igitur eligunt regni Ordines, ut per illius ex *Anna* progeniem stirps Regia Primislai propagetur. At opposuit se exercitu in Bohemiam misso, *Albertus I.* Imperator, atque, ut filium suum *Rudolphum* Regem dicerent, effecit, *Henrico* in *Carinthiam* fugiente.

Verum *Rudolpho* jam altero regni anno morte sublato, *Albertus* Cæsar alterum filium *Fridericum* Statibus, apud regni primam Pragensem Episcopum congregatis, obtulit. Cruenta fuere comitia; prævalente tandem *Henrico*, & ex *Carinthia* revocato. Contra quem cum bellum appareret *Albertus* Cæsar, subito a nepote suo interemptus fuit. *Henricus* vero adeo avare & severe regnavit, ut Bohemi tam sævæ dominationis pertæsi, legatis ad *Henricum VII.* *Luxenburgicum* missis, filium ejus *Joannem* in Regem sibi expeterent, promissa in conjugem *Elisabetha*, altera *Wenceslai V.* sorore. Placuit Cæsari conditio, præsertim quod *Henricus* necdum fuisset inauguratus a Cæsare, aut præstitisset homagium. Celebratis igitur *Spiræ* nuptiis, *Joannes* cum nova sua conjuge in Bohemiam profectus, Pragam occupavit, & *Henricum* in *Carinthiam* fugere coegit anno 1311. regni 3.

14.
Joannes.

Plures scriptores *Rudolphum* & *Henricum* extra seriem Regum ponunt, præsertim Bohemi, merumque Interregnum fuisse existimant, varias rationes in hanc rem adducunt. Quas referre nolo.

Joannes Rex coronatus, a *Moguntino* iugenti cum pompa, purto prædonibus regno, domitisque seditiosis proceribus, per *Eupam* arma circumtulit, ut de eo diceretur proverbio: *nullum bellum sine rege Bohemiæ*. Atque imprimis mortuo patre *Ludovici Bavarici* Imperatoris partes secutus, & *Mühldorffensis* victoriæ socius, *Austriacos* persequebatur. A *Teutonici Ordinis* Equitibus in *Prussiam* cersitus, per mediam, hostilem tum *Poloniam*, penetrans, auxilio venit, *Prussosque* ethnicos victos Christo adduxit. *Lusatiam* atque *Silesiam* *Bohemiæ* adjunxit, promotum etiam in *Poloniam* bello. Quamvis autem utroque oculo cæcus erat, nihilominus unam adhuc expeditionem sibi suscipiendam putavit in *Galliam*, ut *Gallos* adversus *Anglos* defenderet. Verum in *Cressiaca* pugna, cum fugere regi *Bohemiæ* probrosum diceret, cæsus est anno 1346. regn. 36. ætat. 50.

Magni erat animi Princeps, ac præcipuæ observantiæ in summo Pontificem, quem non tantum defendit in Italia contra *Gibellinos*, sed etiam *Avenione* cum *Carolo* filio invisit, impetravitque, ut *Episcopatus Pragensis*, *Moguntino* Metropolitano eo usque subiectus, Archiepiscopatum commutaretur; & quamvis externo Ecclesiarum

splendori non multum tribuisse sit visus, fidei tamen Catholicæ puritatem sincere colebat, summoque studio promovebat; ut non solum expeditio Prussica adversus infideles, est argumento, sed Bohemia etiam ab hæreticis expurgata, dum Dulcinianos, qui ex Germania advenerant, Praga publico in foro comburi iussit. Bohemid ei dant vitii, quod averso ab eis fuerit animo, tributumque gentis, quod stabili lege ante definitum fuerat, incertum reddiderit Germanicæ Nationis hominibus arario præfedis.

Tres filios reliquit, Carolum, (qui *Wenceslai* nomen, in Baptismo acceptum, in gratiam Caroli Pulchri Galliæ Regis, apud quem educatus fuerat, mutavit) Joannem, & Wenceslaum, ac primo dedit Bohemiam, alteri Moraviam, tertio Luxemburgum. Joanne matrimonio junctus fuit cum Margaretha Maultaschia, Henrici Carinthiæ Ducis & Tyroleos Comitis, quem Bohemiæ Regem fuisse diximus, filia. Quæ tamen ipsum repudiavit, ac nupsit Ludovico Ludovici Bavari Cæsaris filio, ex quo suscepit Mainhardum IV. Joannes vero sibi despondit Margaretham, Ducis Troppaviensis filiam, quæ Jodocum ex eo genuit, Imperatorem postea electum. Necessum est igitur dicere, inter Joannem & Maultaschiam sponsalia duntaxat intercessisse, aut impotentiam respectivam, aut certe, nunquam matrimonium illud fuisse consummatum; alias enim dissolvere nequaquam potuisset.

15.
Carolus.

Carolo primogenito Bohemiam, quod dixi, dedit Joannes Rex nec Bohemiæ, quin orbi terrarum, plus dare potuisset, quam Carolum. Is siquidem omnes ante se Bohemiæ Principes tam alte meritis est supergressus, ut *patriæ patrem* appellent Bohemi. Et juventutem quidem bellis Italicis, contra Gibellinos pro sede Apostolica gignis, informaverat. Qua re tantam apud Clementem VI. Avinionem tunc sedem figentem, gratiam inivit, ut exauctorato Ludovico Bavaro Electores quinque Imperii eundem ejus hortatu Cæsarem dicerent. Sed non nisi post mortem Ludovici plenam Imperialis dignitatis possessionem adiit.

Incredibile dictum est, quanta deinceps hic Princeps gesserit, quot monasteria & ecclesias fundarit, dotaritque, quot urbes, arces, & opera publica construxerit. Negotium de Archiepiscopatu Pragenfi, a patre ceptum, ipse absolvit, attributis in annos singulos centum aureorum millibus, multisque privilegiis eidem concessis & impetratis, atque exstructa nova Cathedrali Basilica, cui corpus S. Sigismundi Burgundiæ Regis, ex Vallesia asportatum, intulit. Vi-que est in tota Bohemia, quin toto Imperio, celebrior Ecclesia, quam
suis

is non cumularit beneficiis. Immunitatis Ecclesiasticæ cultor erat
 defensorque acerrimus, remissis oneribus, quibus aliqui ante eum
 ges, & proceres clerum premebant, ut adeo nunquam florentior
 erit ecclesiarum status, quam sub hoc inflexibili sacerdotii vindice.
 gentem Balbinus noster in *Hist. Boh. sect. 2. c. 2.* catalogum textit
 andium beneficiorum, quibus ecclesias ornavit.

Sed nec minus omnigenam felicitatem status politici promovit.
 academiæ Pragensem, toto orbe celeberrimam, ad normam Pari-
 ensis, ipse fundavit (*Caroliam* ab eo dictam) bonarum artium
 entiarumque amator & æstimator eximius, maxime recreatus,
 ando scholarium disputationibus interesse poterat, vide-
 etque, confluyente undique ad novam academiæ ingenti discentium
 umero, scientiarum florere disciplinas. Pons etiam Pragensis,
 Moldavæ impositus, amplitudine & firmitate præcellens, auctorem
 abet Carolum; cui ad summum ornamentum postea accesserunt 28.
 ægrandes statuæ, aut saxo incisæ, aut ære fusæ, atque pilis vi-
 ndis insistentes, ad utrumque latus ex ordine collocatæ.

Et hoc quidem ponte Pragæ Minorem cum Majore commisit.
 trique vero *Novam Pragæ*, cujus ipse est conditor, adjunxit, ut
 tri regio palatio (*Wischerado*) proprios haberet cives; tan-
 que triurbi suæ conciliavit ex omni natione hominum frequen-
 am, ut ii, qui coram hanc spectarunt, scribere non dubitarint,
 tra diei spatium ultra 50000. militum potuisse colligi,
 in aciem educi, absque civitatis detrimento: atque
 niversam Bohemiam fuisse omnis felicitatis emporium, cui Ca-
 olus Lusatiæ etiam atque Silesiæ, a patre jam assertam, regno
 bohemiæ stabiliter univit, conventionem cum Polonis inita; quibus
 opterea remisit annum tributum, quod Bohemiæ Duces ac Reges
 o iis ante exegerant.

Constitutiones optimæ Regni legumque ordinationes pariter de-
 entur Carolo; uti etiam successio, secundum diploma Friderici II.
 mperatoris, ad fœminas quoque devolvenda, perpetua lege firmata.
 ed nihil ad Bohemiæ decus, totiusque Imperii, ejusque præsertim
 electorum emolumentum illustrius, quam Bulla Aurea, qua, ut Bal-
 binus loquitur, universa Imperii œconomia continetur, tamque gran-
 e in Nationem Germanicam meritum complectitur, ut per eam ha-
 enus steterit, ne Imperatoris ignitas, Imperii salus & libertas,
 i aut fraude convelleretur.

ARTICULUS III.

Status Bohemiæ a Concilio Constantienſi uſque ad
Baſileenſe.

16.
Caroli nã-
vi.

Quamvis Carolus IV. immortalẽ nominis ſui gloriam apud Bo-
hemos præfertim, & Eccleſiaſtici ordinis homines ſibi com-
paraverit, non deſunt tamen, qui palam pronuntient, vi-
perniciuſum magis fuiſſe Imperio, propter inciuſos aerarii publici ner-
vos, remiſſa telonia, acciſa veſtigalia, artus, ad capitis decremen-
tum, in immenſum auctos, largitione immodica obtruſum Eleſtori-
bus Wenceslaum filium, ventrem pigrum & inertem, alterum ve-
lut Copronymum aut Heliogabalum, qui anno 1361. Norimberga
natus ipſas jam ſalutis undas, quibus ablatus fuerat, aramque po-
ſtea ipſam, dum vagiens bimus infans coronaretur, fœdaverat.

17.
Wenceslaus.

Imperii gubernaculo admotus, primo quinquenio ſpem bonam
præbere viſus eſt. At poſtea belluonibus & projectæ vitæ hominibus
ſe totum dedens, in turpem ſegnitiem, laſciviam, & crudelitatem
defluxit.

Cum ex S. Joanne Nepomuceno elicere non poſſet, an Joanna
Regina præter ſe alium amaret, in Moldavam projectum ſuffocavit
anno 1383. mox in alios Canonicos, Proceres, cives, carniſice,
quem compatrem ſuum appellare conſueverat, latus ſemper ſtipan-
te, graſſata eſt immanis crudelitas.

Bohemiam tyrannidem & ſcurrilem levitatem non ferentes,
Sigismundi Regis Hungariæ, ejusdem fratris, & Jodoci patrui, Mo-
raviæ principis, conſilio, carceri eum incluſerunt Pragæ anno 1394.
At ex eo fuga elapſus, cum ſe ipſo non fieret melior, iterum captus,
ac Viennam deportatus eſt. Verum ope funiculi ſerici, a piſcatore
porrecti, ex hac etiam cuſtodia evadens, barbaralania in Bohemos
ſaviit.

Imperium, cujus curas neglexerat, tam ignavi ac ſclerati ca-
pitis pertæſum, Eleſtorum Principum omnium ſuffragiis Francofurti
eundem exauſtoravit, quod Longobardiæ jura alienaſſet, juſtitiarum
auro vendidiſſet, latronibus liberas habenas laxaſſet, in ſacerdotes
& honeſtos viros ſavieſcit, monitus non reliquerit &c. Et re ipſa
præter alia Imperii jura diſſipata Joanni Galeacio Vice-Comiti Vica-

ria

iatum Italiæ pro pecunia, Norimbergenfibus libertatem pro [quatuor
vini Rhenani plaustris vendidit.

Gravissimum infuper Academiæ Pragenfi, a patre Carolo fun- 18.
data, vulnus intulit. Hæc tanto concursu studentium floruit, ut Academia
mutatio.
ad 44000. eorum numerarentur. Quia autem horum pars multo
maxima erant exteri, tres isti classes cum trium votorum jure con-
stituebant, una duntaxat classe, cum unō suffragio Bohemis relicta.

Ægre hæc res Bohemos habuit, quiritantes, fundatam a Carolo
uisse Academiæ Pragensem ad normam Parisiensis, in quatuor classes
distributæ, ita quidem, ut Galli tribus suffragiis potiantur, quarto
advenis relicto: in Pragenfi vero tria exteris esse concessa, in haud
leve Bohemorum dedecus, qui frequentibus a Germanis notentur in-
uriis, numero capitum & votorum confisis.

Wenceslaus, his querelis per Joannem Hussium, Professorem
Academicum, ad se perlatis, decrevit, ut deinceps Bohemisi tria
concederentur suffragia, exteris vero unum duntaxat. Qua muta-
tione irritati exteri ad conditum tempus 40000. Praga discesserunt.
Qua occasione Academia Lipsiensis in Misnia fuit fundata a Friderico
Bellieofo.

At majorem multo pestem Bohemiæ invexit Wenceslai ignavia 19.
per Hussiticam hæresin, cujus originem & errores descripsi part. 3. Hussitarum
furor.
rt. 8. n. 33, & seqq. ubi acta concilii Constantiensis exposui. Et
uia in hoc concilio Hussus cum Hieronymo Pragenfi ad necem con-
demnatus est, Hussitæ in rabiem acti eas deinceps seditionum,
rebellionum, bellorumque atrocium ventilantur faces, quibus Reg-
um florentissimum vix non penitus conflagravit.

Ac primo quidem duce Zischa nobili Bohemo anno 1419. in
uriam irrumpentes tredecim senatores per fenestras præcipitarunt.
Quo audito Wenceslaus ira exæstuans, & apoplexia tactus, in-
ter horrendos ejulatus & rugitus interiit. Natus an. 1361. an. 1363. co-
ronatus Rex Bohemiæ, an. 1376. vivente adhuc patre, electus Rex
Rom. an. 1686. coronatus Aquisgrani Imperator, an. 1394. a Bo-
hemis in carcerem detrusus, an. 1400. Imperiali dignitate exutus,
an. 1402. rursus mandatus custodiæ, iterumque a Bohemis rece-
tus, Regis umbram præsetulit ad annum usque 1419.

Post ejus mortem Sigismundus frater, jam antea Rex Hun- 21.
ariæ & Rom. Imperator, Regni Bohemici possessionem aditurus, co- Sigismundi
bella.
itia Brunam indixit. Quiete primo acta omnia. Sed cum Pragen-
bus, qui lue Hussitica maxime laborabant, severius respondisset,
Grafam, civem Pragensem, ob eam hæresin Uratilaviæ occidi
Pars VII. K k man.

mandasset, eorum animos a se avertit, ac difficillimum 16. annorum bellum sibi accivit; in quo sacra omnia ab Hussitis violata, nullumque barbaræ crudelitatis genus omisum.

Ac primo quidem Sigismundus collecto 140000. ex Germania exercitu an. 1420. Pragam obsedit, at conatu irrito. Pluribusque deinceps cladibus affectus a Zischa; donec funesta hæc patriæ suæ pestis anno 1434. peste extingueretur. 13. victorias ab eo relatas memorant, 150. Monasteria vastata. Pellem suam post mortem in tympanum expandi iussit, ejus enim vel sonitu hostes in fugam avertendos. *Zisca a calice* cognominari voluit, a calicis usu, tot sanguinibus præliis propugnato, nobilitatem accersens.

21.
Procopius.

Detulerant quidem Bohemi coronam Jagelloni, Regi Poloniae, sed eo recusante, orphanos se dixerunt, creato belli præfecto *Procopio*, Joannis Zischa avunculo. Qui per 10. adhuc annos bellum, incendia, expilationes, populationes agrorum, vastationes urbium circumduxit, non tantum per Bohemiam, sed etiam per Silesiam, Moraviam, Lusatiam, Saxoniam, Austriam, Bavariam, Frangoniam.

Sigismundus quidem novos semper novosque, etiam cruce signatorum, immisit exercitus, sed victi recedere compulsi sunt.

Anno 1433. concilium Basileense Bohemos invitavit ad conciliandum religionis negotium, prout exposui prolixius *part. 3. art. 9. n. 18.* in recensenda historia concilii Basileensis.

22.
Fax.

Sequenti dein anno 1434. Procopius, cum ab armis nollet discedere, a Nobilibus Bohemis, Meinhardo præsertim a Nova Domo, & Ulrico Rosenfi, acievictus occubuit; & quia sic Bohemia per se ipsam erat devicta, tandem anno 1436. pax coaluit, Hussitis ad complata concilii Basileensis remissis, quibus usus calicis eisdem permissus fuerat, modo ad salutem necessarium non crederent.

Uno duntaxat anno Sigismundo Regno Bohemico frui licuit. Nam anno 1437. Znoymæ obiit, ætatis 70. Imperii 26. regni Hungarici 51. Bohemici a coronatione 17. a quieta possessione 2.

23.
Obitus Sigism.

Princeps erat Sigismundus de religione, concilio Constantensi, & sublato schismate optime meritis. Sed bello adversus Bohemos infelix, felicior adversus Turcas. Erroris politici eum arguunt, quod perturbato regni statu immitius Bohemos initio habuerit; quos tandem, cum ferro non posset, clementia vicit.

Status Bohemiæ a concilio Basileensi usque ad Trident. 259

ARTICULUS V.

Status Bohemiæ a concilio Basileensi usque ad
Tridentinum.

Sigismundus Bohemiæ hæredem reliquit *Elisabetham*, Alberto II. 24.
Archiduci jam anno 1421, desponsam, concessa in dotem Mora- Albertus,
ria. Mortuo Sigismundo Albertus tres coronas eodem anno ac-
cepit, Cæsaream, Hungaricam & Bohemicam, solo Thabore, mu-
nita ab Hussitis urbe, obsequium detrectante. Sed spes magnas,
de Alberto II. præclaro Principe & Imperatore conceptas, mors ni-
mis matura abscidit. Jam altero enim Imperii & Regnorum anno
(1439.) obiit, magna Religionis ac Reipublicæ Christianæ jactura.

Filias duas susceperat Albertus ex Elisabetha, ex qua gravida Ladislaus,
relictæ natus est *Ladislaus Posthumus*, Commorini in Hungaria, quar-
to post mortem patris mense. Bohemi eum Regni statum versari
arbitrabantur, ut consultum non sit, infanti, sub tutoribus consti-
tuto, habenas committere.

Alberto igitur Baviaræ Duci sceptrum offerunt, & eo recu-
sante, Friderico III. Imperatori. Verum pientissimi isti Principes
nolebant cum detrimento pupilli crescere. Quare Bohemi duos Re-
gni Gubernatores eligunt, Meinhardum Novadomensen, & Ge-
orgium Podiebradium, illum apprime Catholicum, hunc additum
Hussitis, hominem callidum, qui capto & sublato Meinhardo, totius
Regni gubernationem ad se traxit.

Ladislaus interea apud Fridericum III. Cæsarem, cognatum &
tutorem suum, educabatur, nec illum Bohemis reposcentibus resti-
tuere voluit, nisi impleto ætatis anno 13. quo Pragæ coronatus est
ab Olomucensi Episcopo. Cum ad annum ætatis 17. pervenit, so-
lenni legatione ad Carolum VII. Galliarum Regem missa, Magdalenam
ejus filiam in conjugem sibi petiit. Sed dum sponsa ad thalamum
argenti apparatu properat, Pragæ Ladislaus infertur tumulo anno
1457. grandi rerum humanarum exemplo. Venenum ipsi mistum
quidam existimant, sive ab Hussitis, sive a Podiebradio.

Comitia Regni dein habita pro sufficiendo Rege. Competitores 25.
erant præcipui Europæ Principes. Sed a Rokizana, Hussiticæ factio Podiebra-
nis mysta, persuasi Bohemi ad Podiebradium, nobilem Bohemum d ur.
ex illustri Berneggiorum in Germania familia oriundum, qui Regni
gubernacula hæcenus pro Ladislao non sine politica laude modera-

batur, vota inclinarunt. Anno 1458. coronatus is fuit ab Hungaris Episcopis, Pragensi sede vacante, & Olomucensi a sede Apostolica necdum confirmato.

Celebratur Georgius a Bohemis magnis encomiis, tanquam magnanimus, bellorum admodum peritus, iustus, in subditorum comoda, regnique curam sedulo intentus. Ad liberandum etiam Friedericum III. Imperatorem, a Viennensibus suis in arce obfessum, cum exercitu accurrit. Sed Rokizana, pseudo-Archiepiscopo Pragensi obnoxius, *Calixtinorum*, seu *Utraquistarum* sectæ adhæsit, cælicis usum per *compactata* concilii Basileensis Bohemicæ nationi concessum, & ab Eugenio IV. approbatum, dictitans.

Contra vero Romani Pontifices eum usum tanquam ab usum volebant abolitum, allegantes juramentum, quod in coronatione Georgius præstitisset, defensurum se Religionem Catholicam, & Romano Pontifici obedientem futurum &c.

26. Anathema. Missi in hoc contentionis conflictu ultro citroque legati, instituti Ecclesiastici conventus, plures Europæ Principes pro Rege Georgio apud summum Antistitem intercesserunt. Verum cum nec monita nec minæ proficerent, Paulus II. teste Balbino *in hist. Bob.* eum ad causam dicendam citavit Romam, & non comparentem, communionem Ecclesiæ movit, ac Regno privavit, subditis a juramento fidelitatis solutis.

Georgius insistens *compactatis* Basileensibus, negansque hæreticum ea quidpiam continere, primum a Pontifice male informato ad melius informandum, deinde ab eodem ad Concilium universale appellavit. Immissi subin cruce signati exercitus; Matthias Corvinus Hungariæ Rex in Georgium concitatus, bellum movit; Moravia, Silesia, Lusatia, obsequium detraxerunt. Bohemiam tamen suam defendit, hostes vicit, & provincias illas recuperavit, immani tamen vel inter victorias Bohemiæ strage, Ecclesiasticorum maxime & Nobilium Catholicorum bonis injuriam passis.

Tandem curis & laboribus fractus obiit anno 1471. ætatis 51. Regni 13. retractatis, ut plures scriptores referunt, quæ contra Pontifices egerat, promissaque Canonicis Pragensibus erga Sedem Apostolicam obedientia; a quibus proin in Ecclesia Metropolitana Catholicos inter Reges sacram sepulturam obtinuit.

Candidatos inter Regni tunc eminebant 1. Matthias Corvinus, vivente adhuc Georgio in Moravia coronatus Rex Bohemiæ. At Bohemi negabant, se eum electuros, qui patriæ bellum intulisset. 2. Wilhelmus, Misniæ Marchio, qui Annam natu majorem Alber-

ti II.

II. Cæsaris filiam, Ladislai sororem, nuptam habebat. 3. Uladislaus Princeps Poloniæ, ex Elisabetha, juniore Alberti II. filia generitus, annorum 15. tunc juvenis.

Hic reliquis prælatus coronam obtinuit, sub conditione, ut compactata concilii Basileensis rata maneat. Pacis, quam belli artibus ^{27.} Uladislaus. uit felicior. Bohemiam, Wenceslai inertia, bellis Hussiticis, brevi Alberti & Ladislai regimine, Georgii, bellis nati, neglectu, haud parum distortam, ac legum vinculis dissolutam, erectis tribunalibus, legumque placitis prudenter temperavit, & in ordinem suum reponit.

Bello cum Matthia Hungariæ Rege, cui Silesia adhærebat, colatus, collecto ex Bohemia 20000 exercitu, & 60000, quæ pater Camirus ex Polonia miserat, Uratislaviam obsedit; sed tanto armorum apparatu, quem Europæ expugnandæ sibi sufficientem fore Matthias dicebat, adeo parum actum est, ut ne quidem urbis portæ clauderentur. Tandem pars utraque belli pertæsa, primo biennies inuicias, dein vero anno 1479. Olomucii in stabilem pacem consensit, ^{28.} is ratam articulis. 1. Uterque Regis Bohemiæ titulo ornatur. 2. Pax cum Bohemiam retineat Uladislaus, Moraviam, Silesiam, & Lusatiam Matthias. 3. Si hunc prius mori contingat, tres illæ provinciæ cororæ Bohemicæ rursus uniantur, solutis Hungariæ Nationi quadringentis florenorum millibus. 4. Si Uladislaus absque prole prius defunderet, ad Matthiam omnia devolvantur. Hoc autem anno 1490. defuncto, provinciæ illæ rursus Bohemiæ fuerunt unitæ, & Uladislaus, qui etiam in Regem Hungariæ fuit electus, attributæ.

Sed ratione Hungariæ novum ipsi bellum cum Maximiliano I. Rege Rom. qui armis eandem sibi vendicavit, conventionibus initis mixtus. Facta autem pace Uladislaus Hungariam interim retinuit, omni vero jure in Austriam superiorem, quam Matthias antecessor possederat, in perpetuum cessit.

Quamvis autem Uladislaus Princeps erat mitissimus, & in omnes æquissimus, multa tamen ab Hussitis, quos unire cum Ecclesia Romana omni ope satagebat, adversa tulit, adeo quidem, ut plebs, furore percita, non tantum senatores occideret, sed ipsum quoque Regem in propria Pragensi arce obsideret, & ad mortem deposceret, Picardicis præsertim mystis ex suggestu tubam adversus eum instantibus.

Obit pientissimus Princeps anno 1516. ætatis 60. Regni Bohemici 45. Hungarici 26. Regnum utrumque relinquens Ludovico filio unico, decenni tunc puero, cui tutores Status Regni dederunt Ma-

ximilianum I. Imperatorem, & Sigismundum Poloniae Regem, fratrem Uladislai.

29.
Ludovicus.

De Ludovico sic Balbinus : ante legitimum tempus natus, & sine pelle : Ungariae & Bohemiae Rex electus & coronatus infans (trium annorum) ante tempus loqui cepit, sapiens supra aetatem puer : ante decennium Rempublicam tractare aggressus est, (conciliata inter Nobiles & civitates pace, quam S. Wenceslai conventionem appellant, ante legitimum tempus conjugem sibi despondit (Mariam Caroli V. sororem) anno aetatis. 15. eandem sibi duxit (in celebri illo trium Regum, Maximiliani I. Imp. Uladislai Regis Hung. & Boh. & Sigismundi Regis Poloniae, conventu, Viennae celebrato) ante tempus mentum barba vestitum ostendit : ante annum 20. canuit : ante tempus cum Turca conflixit ; ante tempus periit (ad Mohacium anno 1526.

30.
Ferdinandus.

Ad Augustissimam inde Domum Austriacam devoluta Bohemia sub optimo ejusdem regimine hodieum floret. Et quidem, mortuo Ludovico absque liberis Ferdinando I. qui Annam illius sororem habebat conjugem, obtigit, delegatis Regni prudenter vota sua ac eum inclinantibus, quem jura successionis vocabant, totaque ferme Nobilitate Regni Iglaviae eundem excipiente. Cumque postea anno 1558. Imperator fuerat renunciatus, Ordines Bohemiae cum 3000. equitum ei obviam processerunt, 11000. cives armati, 1500. pueruli armati, et candido, quos 12. cives Pragenses, barbati sed pumiliones, nihilo pueris majores, ducebant, 1000. cani senes, 800. viduae, 2000. virgines Pragam ingredienti occurrerunt, quolibet horum agmine latina oratione eundem salutante, inter triumphales apparatus, & festi vos applausus.

Certe optatius nihil esse poterat ad publicam Regni salutem, quam Ferdinandus, qui fatiscientibus prope rebus sapienter adeo fortiterque succurrit, ut & pacem Nobiles inter ac cives componeret, & exactis, quantum fieri poterat, Hussitis, Religioni avitae consuleret.

Id certe ad pietissimi Regis perennem memoriam praclarum, quod Metropolitanae Praeagenses Ecclesiae, post 131. annorum desolationem Catholicum Archiepiscopum restituerit, & novam Academiam orthodoxae veritatis arcem, condiderit.

Requirebant nempe ea tempora id genus praesidia. Tristis ubique squalebat rerum facies ; dominabatur haeresis ; templa Dei profanata, ac deformata, monasteria aut everfa, aut cultoribus vacua ; sacerdotes necati, aut, quod infelicius, ex parte

toribus in lupos transformati; Carolinæ Academiæ Doctores universim Hussitica tæbe infecti animarum cladem spargebant. Religio Majorum, tam pulchre olim efflorescens, spreta ubique, abjecta, ac deserta jacebat. Contra vero per centum & ultra annos tanta Hussitarum, Orbitarum, Picardorum, Taboritarum, Orphanorum, Calixtinorum, atque ut ad plenam stragem nihil deesset, Anabaptitarum, Lutheranorum, Zwinglianorum, Calvinistarum, aliarumque sectarum colluvies Regnum inundavit, ut vix trigesima pars populi esset Catholica.

Equidem priores aliqui Reges Religioni reducendæ operam dabant, sed spreta jacebat auctoritas, furore hæretico, minis, seditionibus, tumultibus, bellis omnia miscente. Nec multo melior erat Moraviæ, Silesiæ, & Lusatiæ status.

Subventum tandem laborantibus rebus a benigno Numine, comona stabili nexu Augustissimæ per orbem terrarum Familiæ illigata, in cujus tutelam depositam gaudemus Religionis decus.

Ac primo quidem Ferdinandus Rex legum severitate agendum ^{31.} Leges. putavit; cum enim in bello Smalcaldico Bohemi ac Silesii ipsi militare detrectarent adversus Saxonem, quin imo huic plures venirent auxilio, Ferdinandus confecto bello in Bohemiam duxit victorem exercitum, atque a rebellibus, Pragensibus maxime & Uratislaviensibus, quorum culpa major, poenas exegit, severas quidem, sed iustissimas; non parum etiam promotum Religionis, propemodum exulantis, negotio.

Sed quia timor non diuturnus esse solet magister officii, mitioribus deinceps mediis cum gente facile irritanda, agendum ratus, tranquillæ pacis artibus Religioni providit efficacius; dum videlicet, quod dixi, & ovibus pastorem restituit, & cum ab infecta Academia Carolina bona sementis sperari non poterat, novam fundavit, *Ferdinandam* a nomine suo appellatam, eamque Patribus Societatis Jesu, Roma in Bohemiam accitis, attribuit, cum Dominicanorum ad S. Clementem monasterio (peramplo hodie collegio) eo deinceps proventu, ut & Religio & bonæ Mulsæ, in senium quoddam deformæ prolapsæ, ad bonorum omnium solatium, & Regni decus reflorescerent.

Allaboratum etiam sedulo, ut concilii Tridentini; nuper finitum, placita in usum & praxin eant. Quia autem in Regno, novitiis erroribus constricto, tanta res ad fastigium brevi tempore deduci non poterat, multum laborem ac sudorem, atque præsertim multam in adversis patientiam impendere oportuit. Nam ea fuit Hussitarum

tarum protervia, ut in ædium vestibulis, ac templorum porticibus calicem pictum aut sculptum defigerent: in Bibliis autem suis hæc verba: *bibite ex eo omnes*, aureis litteris exprimerent.

ARTICULUS V.

Status Bohemiæ a Concilio Tridentino usque ad finem sæculi XVI.

32.
Prorex.

Vivente Ferdinando I. Cæsare, filius Ferdinandus Archidux, cui Tyrolis postea & anterioris Austriæ provinciæ obtigerant, pro patre administravit Regnum Bohemiæ, idque munus continuavit (etiam postquam Maximilianus frater senior anno 1562. Rex Bohemiæ coronatus fuerat) usque ad mortem patris, insigni reipublicæ & religionis, ejusque defensorum emolumento. Nam uti clerum omnem, a novatoribus oppressum, ita vel maxime nascentem tunc in Bohemia Societatem nostram, quæ Lutheranorum & Hussitarum odiis atque injuriis acerbius petebatur, singulari magnanimitate & constantia protexit; probe gnarus, quantum intersit ad messem, operarios in vinea Domini defudantes, ab adverbo incursum securos præstare.

33.
Max. II.

Quamvis autem Maximilianus II. res Religionis remissius, quam pater, & fratres, tractaret, induci tamen non potuit, ut confessionem Augustanam publico decreto in Bohemia civitate donaret, Maria præsertim Regina feliciter dissuadente. Magnum etiam Ecclesia præsidium habuit in Antonio Archiepiscopo, & præcipuis Regni Dynastis, Lobkowiciis, Rosensibus, Pernsteiniis, Berkanis, Haugviciis, Kolowratæis, aliisque, summis in Regno muneribus præfæctis.

34.
Rud. II.
zelus.

Sed clarior multo lux affulsit, cum anno 1575. Pragæ coronatus est Rudolphus, Cæsaris filius. Prima quippe illius cura Religio, quam in Hispania educatus, pientissima etiam matre inspirante altissime animo impressam gerebat, Laurentio Magio usus confessorio. Cum adhuc juvenis a patre aliquando ad concionem Lutheranam ductus fuerat, in qua præco bilem in summum Pontificem & Ecclesiasticos ordines licentius expuebat, expectato ægre fine, tonantem calumniatori colaphum infixit, reprehensusque propterea a patre factum constanter defendit.

Sceptro admotus, quamvis Imperator esset, regiam sedem regae constanter fixit. Præcipua per Regnum officia Proceribus catholicis contulit. Piccardos, insolentissimum Hussitarum genus, veris decretis coercuit, nulloque loco passus est aperte furere. Templorum nitore, cultuique Divino intentus, nihil omittebat, quo obiectos sibi populos ad Numinis æterni obsequium poterat flectere.

Sacrorum curæ accessit præcellens litterarum æstimatio, quam obutus doctos viros ex omni Europa Pragam attraxit, & copiose uteque habuit, Matheos præsertim disciplina eruditos. Argumento sit Ticho Brahe, quem grandi sumptu ex Uranoburgo suo attraxit: Litterarum præter ingentem multitudinem omnis generis artificum, pictorum, atuariorum, gemmariorum, chemicorum &c. tantumque auri ac gemmarum in Bohemia congestum fuerat, ut Salomonis tempora renata viderent; legatis etiam Tartarorum, Persarum, Moschorum, Turcarum, omniumque ferme Nationum ad Rudolphum Cæsarem Pragam confluentibus.

Verum quam gloriosa fuerunt tempora prima ac media, tam tritia & acerba ultima, florente ac præpotente paulo ante Imperatore apud populos vilescente, atque provinciis exuto. Quæ cum id sæculum XVII. pertineant, eo referenda sunt.

ARTICULUS VI.

Status Ecclesiasticus in Bohemia & adjunctis Provinciis per synodos sacras aliosque conventus ordinatus
saeculo XVI.

ANTE sæculum XVI. vix ulla inveniuntur in Bohemia celebrata sacra concilia. Visum nihilominus fuit schema aliquod rerum præmittere, ut sacrae ac politicae Reipublicae status appareret. eam synodi & conventus, eo in Regno & adjunctis provinciis celebrati, breviter sunt referendi.

Et quidem, quæ ratione Nationis Bohemicae in concilio Con-Compactatae constantiensi ac præsertim Basileensi fuerant statuta, parte 3. retuli. Ex huius posteroris synodi compactatis, varias tamen inter, quas dixi, turbas, motusque, vivebant Bohemi, a Romanis ritibus passim desistentes. Quamvis autem Romani Pontifices compactata illa rejicerent,

Pars VII.

L I

cerent,

Calix per-
missus.

cerent, urgerentque, ut Bohemi in sumenda sub una specie sacra-
cœna reliquæ Ecclesiæ se conforment, nihiloscuius tamen Ferdinan-
dus I. Hussitas ad fidem orthodoxam facilius reducidos ratus, *Com-
munio sub utraque* iis permetteretur, paulo post concilium Tri-
dentinum, anno videlicet 1574. a Pio IV. facultatem impetravit
ut per Bohemiam is ritus liber evaderet.

Magno hæc concessio plausu Pragæ fuit excepta; conventuque
a Catholicis habito decretum, ut per omnes Ecclesias promulgetur
adjecta tamen ex voluntate Pontificis gemina conditione, ut mor-
veteri apud legitimum sacerdotem deponatur peccatorum confessio
nemoque crederet, utriusque usum ad salutem esse necessarium, au-
laicis a Christo præscriptum, ac proin nemo ad illum cogatur.

Mens optima erat Principis optimi; sed spei non respondit even-
tus. Nam conditiones non implebantur. Confessione peccatorum
non præmissa, illoto ore calicem sitiebant: unio nulla secuta: plu-
res in Hussitas, quam in Catholicos mutati. Tenuit tamen ea ritu-
istius licentia ad annum usque 1622. etiam in templo Societatis no-
stræ, ad evitanda majora mala, sacello eidem destinato.

36.
Synodus
Olomucensis.

Quia autem non minus Moraviam quam Bohemiam Hussiticus
lues infecerat, novique sectarii agrum Domini, dormientibus culte-
dibus, zizaniis complerent, Guilielmus Olomucensis Episcopus, ut
excitaret oscitantes, anno 1568. *synodum Olomucensem*, ex concilii
Tridentini decreto indixit. Convenere sacerdotes 260. quos in-
ter Laurentius Magius, alique Societatis Patres, fundato Olomu-
censi & Brunensi Collegio, in patrem laboris vocati.

Quatuor orationes ab iis habitæ in concilio de *calamitatibus*
quas hæresis Ecclesiæ intulisset: de *Primatu summi Pontificis*: de *in-
stitutione & utilitate synodorum*: ac denique de *fructu Theologiæ*. Tri-
bus diebus concilium tenuit. Prima, invocato per Missæ solen-
nia, ab Episcopo celebrata, sancto Spiritu, prælecta decreta de *fi-*
summa omnium voluntate comprobata, uno duntaxat curione, quæ
hæresis jam corripuerat, obnitente.

Alter die lecta secunda statutorum pars, de *Sacramentis*
omnium sententiis rata & acceptata, Episcopo Sacramentorum dig-
nitatem eleganti oratione commendante. Tertia die tractatum de
morum disciplina & reformatione cleri. Non eodem consensu hæ-
vox excepta, pluribus in luxum, & lubricæ vitæ illecebras diffuen-
tibus. Et Episcopus gravi oratione de vita & honestate clericorum
differens, obstrepentibus injecit pudorem sui. Atque ut cuilibet
quod luberet, opponendi daretur occasio, Adalbertus Bauffekius no-
ster

oster cathedram conscendit, sponſione facta, se reſponſurum, ſi quis contra ſtatuta iſta ſynodalia quidquam vellet promere.

Quamvis autem ad Tridentini normam canones & decreta fuerint compoſita, frequens ejusdem concilii, nuper ſiniti, ſit facta mentio, ne tamen ulla Cæſari Maximiliano daretur offenſio, omiſſa eſt illius publica promulgatio, aut decreto firmata receptio, reſervato in meliora tempora tam ſalubri opere.

Cum anno 1575. in publicis Regini comitiis de Rudolpho in Regem promovendo tractaretur, per ſex meſes graviffima, atque diſcriminis plena, de Religione fervebat contentio. Lutherani, Calviniani, alique ſectarii, quamvis in doctrina maxime diſcordes, & capitibus in diverſa tendentes, caudis tamen, ceu vulpes illæ Samſonica, colligati, in exurendum Eccleſiæ Catholiçæ agrum conſpirabant. Cum autem minus proficerent, privilegia, Catholicis & *Utraquiſtis* conceſſa, communia ſibi eſſe volebant. Alioquin novum Regem ſe non admiſſuros.

Numero ſiquidem & audacia ſua freti, atque exemplo Acatholicorum in Austria, qui liberum Confeſſionis Auguſtanz exercitium ante ſeptennium a Cæſare Maximiliano obtinuerant, animati, confeſſionem quandam, quam *Evangelicam* dixere, obtulerunt. Catholici, quibus in hac cauſa Huſſitæ ſe junxerunt, poſtulato iniquo ſe opponebant; neque enim nomine *Utraquiſtarum* Lutheranos, aliosque ejusmodi Novatores poſſe intelligi, qui nihil propemodum commune cum illis habeant.

Veritas autem ut pateret maniſeſtius, Patribus noſtris ab Archiepiſcopo mandatum eſt, ut novam illam ſectariorum confeſſionem apta confutatione reſellerent, quæ typis data, & comitiis exhibita, approbationem non tantum a Catholicis, ſed etiam Huſſitis tulit. Atque ita fraſta in præſens Novatorum audacia Cæſareo edicto ſancitum, ne quid in Religione mutaretur, ac cauſa iſta in tempus aliud differatur. Quo pacto coronatus eſt Rudolphus, præmiſſa exomologeſi, & Eucharſtia ſub una ſpecie publice ſumpta, ingenti recte ſentientium ſolatio, hauſto ex tam ſanctis auſpiciis felici omine.

Nec ſpes ſeſellit, ut dictum ſupra; nam, ut cætera hic taceam, ſub optato regimine Religioſiſſimi hujus Principis celebratum eſt an. 1591. concilium II. Olomucenſe, ab epiſcopo indiſtum. Magna in eo res aſta. Promulgata nempe publico decreto concilii Tridentini placita, ac recepta, una cum *Breviario* Romano, juſſu Pii V. Pont. Max. edito: cætera item, ad ritum cultumque Divinum, & ad mores Eccleſiaſticorum pertinentia, 24. articulis ſalubriter conſtituta.

Præceptum quoque parochis, ut explicant, & in scholis suis tradiderent parvum P. Canisii Catechismus, adhibito etiam Catechismo Romano.

Sublatus præterea in omnibus pagis & oppidis, dominio temporali Episcopi subiectis, usus *utriusque speciei* quoad laicos; nolentesque obtemperare huic decreto suis extorres sedibus pronuntiavit Episcopus. Sed vix ullus erat, qui mutare domicilium, quam animus mallet: exemplo salubri ituro ad posteros, ut quoad ritus etiam externos cum Ecclesia Romana in toto regno reducatur conformitas.

39.
Concili-
abula.

Præter has, quas dixi, orthodoxas synodos, etiam hæretici conciliabula sua cgebant; nam in primis Conradus Archiepiscopus Pragensis ad Hussitas desciscens conventum indixit, in quo quatuor articuli, in concilio Basileensi postea ventilati, rogati sunt. Primus est de Verbo DEI libere ab omnibus docendo. Secundus de Communionem sub utraque specie ministranda. Tertius de opibus & dominio temporali ab Ecclesiis auferendis. Quartus de peccatis publicis puniendis.

Deiù plura alia conventicula ab Hussitis fuerunt conflata, ut numerosam illam diversarum sectarum colluviem, Taboritarum nempe, Horebitarum, Orphanorum, Calixtinorum, Picarditarum, Hussitarum, Wiclephitarum &c. ad unitatem fidei reducerent. At conatu irritò; quælibet secta errori suo privato insistebat. Omnes clamabant: *Verbum DEI! ecce! hic est Christus.*

CAPUT II.

Status Hungariæ Ecclesiasticus & Politicus adumbratus.

SUMMARIUM.

ARTICULUS I.

Schema rerum sub Regibus Andegavenfibus.

40. Dum plures competitores de regno disceptant, Carolus Robertus tandem coronatur, Pur- | gationem vulgarem sustulit, victus a Valachis.

41. Re-

- | | |
|---|--|
| <p>1. Reliquit filium Ludovicum M. sub quo utraque res publica apicem felicitatis attigit. 12. bella gessit; primo quidem contra rebelles, & finitimos.</p> <p>2. Dein vero bellum Neapol- contra Joannam, quæ ejus fra- trem strangulaverat.</p> <p>3. Et Venetum, Dalmatia af- ferta.</p> | <p>44. Ejus pietas, & Religionis ze- lus. Reliquit duas filias.</p> <p>45. Turbæ sub Maria ejus filia, cum Carolo parvo, & Banno Croatia.</p> <p>46. Sigismundus Mariæ conjux Rex proclamatus.</p> |
|---|--|

ARTICULUS II.

Schema rerum sub Sigismundo, Alberto & Ladislao.

- | | |
|--|--|
| <p>7. Sigismundus rebelles vincit. Sed vincitur a Turcis ad Nico- polim.</p> <p>8. In comitibus a subditis captus, & in carcerem missus.</p> <p>9. Albertus brevi extinctus, re- licta conjuge Elisabetha (Sigis- mundi filia) Ladislao posthumo gravida. Quæ filium & coro- nam Regiam secum Viennam deferat ad Frid. Casarem, La- dislai tutorem.</p> <p>10. Hungari vero eligunt Uladis- laum, Jagellonis & Hedvigis filium. Hunniadis laudes.</p> <p>11. Clades Varnensis atrox.</p> | <p>52. Cæso Uladislao Episcopi & proceres conventum celebrant. Sanctiones. Ladislaum post- humum regem declarant: Hun- niadem regni gubernatorem.</p> <p>53. Quia Frid. Cæsar Ladislaum Pupillum non dimittit, Hun- gari Hunniadem, Bohemi Po- diebradium, Austriaci Cilium, gubernatores præficiunt.</p> <p>54. Hunniadis clades, a Turcis illata. Diffidia cum Cilio.</p> <p>55. Belgradum strenue propugnat, Turca profligato. Capistrani laus.</p> <p>56. Cilii, & Ladislai Corvini cæsi tragœdia.</p> |
|--|--|

ARTICULUS III.

Schema rerum sub Matthia rege.

- | | |
|---|---|
| <p>57. Matthias Corvinus, alter Hun- niadis filius, e carcere Bohemi-</p> | <p>co ad thronum Hung. Zilagil opera. Hujus fata.</p> |
|---|---|

- | | |
|---|--|
| 58. Bellum cum Frid. Cesare. Pacis articuli memorabiles. Corona reddita. 59. Bellum recrudescit. Nova pax. 60. Tertium bellum. Occupata Vienna cum Austria inferiore. 61. Bellum Bohemicum cum Po- | diebradio fozero, instigante Pontifice. Moraviam & Sille- gam occupat. Rex Bohemia salutatus. 62. Bellum Polonicum. Labes Matthiæ. 63. Bonfinius Matthiæ alumnus & encomiastes. |
|---|--|

ARTICULUS IV.

Synodi Budensis sanctiones anno 1468.

- | | |
|--|---|
| 64. Recensentur decreta circa sta- tum Ecclesiasticum & Politicum | reformandum. Hussitæ vivi in terram defossi. |
|--|---|

ARTICULUS V.

Schema rerum sub Uladislao & Ludovico.

- | | |
|---|--|
| 65. Mortuo Matthia ingens de re- gno contentio inter quatuor candidatos. Electus Uladis- laus Boh. Rex non sine capitu- latione. 66. Albertus Polonus fratri bel- lum infert. 67. Et Maximilianus Rex Rom. Magna Hung. pars occupata. | 68. Pax, ejusque articuli memo- rabiles. 69. Bellum Turcicum. Rusticum. Conventus Viennensis trium re- gum. Sponsalia. 70. Ludovici II. fata. Belgra- dum amissum. Infelix pugna ad Mohazium. |
|---|--|

ARTICULUS VI.

Schema rerum sub Ferdinando I. Maximiliano II.
& Rudolpho II.

- | | |
|---|--|
| 71. Contentio de regno inter Fer- dinandum & Joannem Zapolia. 72. Qui armis inferior Turcas in- vocat. Hi populata Hungaria Viennam obsident. | 73. Pax cum Joanne. Articuli memorabiles. 74. Joannes Sigismundus pacem fraagit. Ingentes Turcarum progressus. Cædes Martinucii Cardinalis. |
|---|--|

- | | |
|---|--|
| <p>75. Continuatio belli cum Joanne Sigismundo, & Tercis sub Maximiliano II. Sigethi expugnatione. Serinii fortitudo.</p> <p>76. Bathorius Princeps Transylvaniæ. Sigismundi ejus nepotis inconstantia.</p> | <p>77. Novum ac diuturnum bellum Turcicum sub Rudolpho II. varia fortuna gestum.</p> |
|---|--|

ARTICULUS VII.

Status Ecclesiasticus ordinatus per concilia & alia media.

- | | |
|---|--|
| <p>78. Hæresis in Hungariam per illas turbas regni.</p> <p>79. Sacerdotia direpta, ac monasteria.</p> <p>80. Misera religionis facies.</p> <p>81. Reges se opponere nituntur.</p> <p>82. Synodus Tyrnaviensis I. sub Olaho Archiepiscopo.</p> | <p>83. Synodus Tyrnaviensis II. pro reformando clero.</p> <p>84. Adventus societatis JESU.</p> <p>85. Concilium Jaurinense sub Draskovitio Cardinale.</p> <p>86. Collegium Hungaricum Romæ erectum.</p> <p>87. Miraculum circa Eucharistiam.</p> |
|---|--|

CAPUT II.

Status Hungariæ Ecclesiasticus & Politicus adumbratus.

Quamvis posterioribus sæculis pauca inveniam in Hungaria celebrata concilia; juvat tamen in hoc apparatu eruditionis Regni etiam istius schema aliquod subjicere.

ARTICULUS I.

Schema rerum sub Andegavensibus Regibus.

Sub initium sæculi XIV. magni competitores Hungariam in partes traxere. Et quidem defuncto Ladislao III. Nicolaus IV. Romanus Pontifex Carolum Martellum, Caroli Andegavensis Neapolitani Regis filium, Ladislai sorore natum, Hungaris magnopere commendatum coronavit. At pars magna illorum *Andream Venetum*, antiquæ stirpi Regiæ innexum prætulit. Extincta vero in isto (anno 1301.) S. Stephani mascula stirpe, aucta votorum discordia,

quidam *Wenceslaus V.* Bohemiæ Regis filium, 13. annorum adolescentem, advocarunt. Verum cum adversæ factiones Hungarum miserent, Wenceslaus an. 1303. cum Regia S. Stephani corona in Bohemiam abductus est; primoque dein Regni anno perfide interceptus (anno 1306)

Pars altera elegit *Otonem* Ducem Baviaræ, *Belæ IV.* filia genitum; cui Wenceslaus anno 1305 ius suum cessit, & coronam asportatam restituit. At vero a Transylvaniæ Palatino captus, regnoque coactus renuntiare in Bavariam rediit (anno 1308.)

Tertius competitor erat *Carolus Robertus*, *Carolus Martelli* filius, qui anno 1309. in possessionem missus, legibus optimis regnum distortum composuit; Christianæ etiam disciplinæ intentus, abolita superstitione *purgationis vulgaris*, quæ in iudiciis per candens ferrum, ignitos vomeres, aut bullientes aquas fieri consueverat, legitimum ordinem processus judicialis induxit.

Carolus Robertus.

Quamvis autem magna laude regnaret, non desuit tamen perfidus satro, qui in cœnaculum irrumpens, stricto ferro fœralem istum Regi intulisset, nisi feliciter aberrans dextera, levi duntaxat vulnere manum perfrinxisset. Altero istu in Reginam intentato quatuor ei digitos præcidit. Cumque in Regios etiam Principes vellet irruere, ab accurrentibus famulis confossus periit, tota ejus familia excisa.

Alterum periculum simulque damnum ingens regni subit, ubi Valachiæ Palatino bellum intulit. Nam exercitu fame pereunte ad turpem pacem compulsus est; qua nihilominus fracta, Valachi Hungaros ad internecionem ferme ceciderunt, Rege mutato habitu vix elabente.

47.
Ludovicus
M.

Obiit is tandem suo fato anno 1342. regni 33. pace quam bello felicior, multo vero felicissimus pater in filio *Ludovico M.* qui summa omnium confessione ipsi in Regno successit.

Exorsus a Religione Imperium, antistitutis ope restauravit morum disciplinam, pietatis ipse virtutumque omnium idea. Nec minus Rempubicam, multis locis turbatam atque imminutam in prævalidum corpus adunavit; & alios quidem, qui parendi obsequium subtraxerant, humanitate & animi magnitudine fregit; alios bellis, quorum 12. feliciter gessit, subegit: repressisque ex Transylvania Tartaris, domitis Croatis ac Bulgaris, Valachiæ Regulo, victoria, quam diximus, a patre reportata, superbo, ad tributum servitutem reducto, Hungaricæ gentis gloriam in immensum auxit, finesque protulit.

Sed nullum ipſi bellum magis memorabile, quam Italicum. Cum nim Robertus, Rex Neapolis, *Andream* Ludovici fratrem cum ^{bellum} *Joanna* nepte ſua, diſpenſante in conſanguinitatis impedimento ponſice, juſtis nuptiis conjunxiſſet, ac ſucceſſorem in Regno designaſſet, impia mulier *Andream* conjugem truculente ſtrangulavit.

Quare Ludovicus fratris necem ulturus, delectu Hungarorum abito, valido ac victoriis aſſueto cum exercitu in Italiam movit; & occupata Calabria & Apulia triumphantis more Neapolin eſt ingreſſus, ibidemque Siciliæ, Neapolis, & Jeruſolymæ Rex publice proclamatus, (anno 1349) Regina *Joanna* in Galliam profugiente; ſibi vendito Clementi VI. Avenionenſi comitatu, conductoque novo milite, Italiam repetiit, ac ſaventibus Italis, externum militem aud æquo animo ferentibus, maxime autem interveniente apud Ludovicum victorem ſummo Pontifice in Regnum eſt reſtituta.

Gravi dein bello colliſus cum Venetis Ludovicus, Dalma-^{43.} *am* illis eripuit, & Regno Hungariæ junxit. Mortuo Caſi-^{Venetum.} ſiro III. cujus ſorore genitus fuerat, cuique adverſus Bohemos & Lituanos auxilio venerat, etiam Poloni eum elegerunt regem (anno 1370.) tandemque de utraque Republica præclare meritis obijt anno 1382. ætatis 56. Regni Hungarici 40. Polonici 12.

Sedis Apoſtolicæ ſemper fuit obſervantiſſimus, dum poſt geminam expeditionem in Italiam pluresque victorias reportatas in gratiam Pontificis *Joannæ* Regnum Neapolitanum juſtis armis ſibi aſſertum, reſtituit.

Incredibili inſuper flagrabat ardore Chriſtianam Religionem ubique propagandi; cumque tota Hungaria eſſet Catholica, ſolis Ju-^{46.} *re*is pertinaciæ ſuæ in hærentibus, eos omnes Regno exegit. Ere-^{Pietas.} ditarum S. Pauli ordinem introduxit, & cœnobiis donavit, templis pluribus DEO erectis, & ſacerdotiis ample locupletatis, Cumanos ad veram Religionem perducere omni ope contendit, immiſſis fidei magiſtris, per quos etiam Sclavoniam & Boſniam ab erroribus purgari curavit.

In eo duntaxat magnus hic Princeps infelix viſus eſt, quod filio careret, cui tot provincias ac regna transmitteret. Filias autem reliquit duas, Mariam & Hedvigem. Illam Hungari, hanc Poloni Reginam coronarunt.

Maria, Sigismundo, Caroli IV. Imperatoris filio deſponſa a Ludovico patre, cum nuptiis adhuc eſſet immatura, ſub tutela *Elizabethæ* matris, & Nicolai Garæ, Hungariæ Palatini adoleſcebat. Verum cum omnia hujus miniſtri arbitrio agerentur, Proceres con-

43.
Turbæ sub
Maria.

spiratione inita, anno 1384. *Carolus Parvum*, Ludovici M. ex fratre Andrea nepotem (ut scribit Bonfinius) qui Neapolis Regnum pulsa Joanna, nuper occupaverat, per Zagrabiensem Episcopum ad coronam invitant.

Accurrit illico, & occupato solio Rex Hungariæ coronatur. Verum haud diu triumphare ambitioni licuit. Siquidem Gara Palatinus, collato cum Elisabetha Reginae matre consilio, per Blasium Forgatschium, robustum militem & audacem, regi, Budæ mensa affidenti, ad oculos usque caput diffidit; quo vulnere paulo post misere obiit, (anno 1385.) ne quidem sepulturæ sacrae locum inveniens, quod anathemate ligatus periisset. Itali ad necem quæstus fuga sibi consuluerunt.

Maria solennibus acclamationibus Rex iterum salutatur. Secundum velut triumphans cum matre Hungariam lustrat, Joannes Horvatus Croatiae præfectus (quem *Bannum* vocant) Caroli necem ulturus collecta tumultaria multitudo, sui securas aggreditur, cæsoque Forgatschio, & Gara Palatino, qui vim avertere conati fuerant currum, quo Reginae vehebantur, invertit, Elisabetham matrem, Ludovici Regis conjugem, capillis abstractam, & in flumen projectam suffocavit, Mariam Reginam in carcerem conjecit, ac gynæceum Regium, indignissime habitum, furori ac libidini militum exposuit.

46.
Sigism.

Sigismundus interea comparato ex Bohemis exercitu ad liberandam sponfam accurrens, a Proceribus Budæ ingenti gratulatione excipitur. Quo comperto Horvatus, sibi metuens, Reginam, Sacramenti prius religione adactam, quod nec matris necem, nec suam captivitatem sit unquam ultura, liberam dimisit.

Budam effuso populorum gaudio ingressa, atque inde Albanum cum Sigismundo conjuge profecta, coronam eidem & sceptrum concessit. Sigismundus Rex proclamatus, & a Strigoniensi Episcopo inauguratus, Reginae injurias ut persequeretur, Horvatum parricidam primum Possægæ, dein Dobore obsedit, fugaque elapsum cepit, a curru impositum ad contumeliam circumvexit, atque in frusta concidit mandavit.

ARTICULUS II.

Schema Rerum sub Regibus Sigismundo, Alberto & Ladislao.

Sigismundus Rex coronatus sumpta de parricida sceleris vindicta, Bosnienses, Croatas, & Dalmatas, qui a regis fide defecerant, d Pannoniæ Regnum reduxit; tum vero Transylvanos, & Valachos, pertinacius resistentes, Turcarum etiam, qui tunc primo partes illas infestaverant, auxiliis fretos.

Mortua subin anno 1391, absque liberis Maria conjuge, Jagello Rex Poloniæ Hedvigis uxoris nomine Pannoniam sibi vendicavit. Nec deerant ex Nobilibus plures, qui Polono favebant; quos Sigismundus, cum humanitate & gratia non posset ad obsequium flectere, fracta cervice sustulit.

Sed nihil Sigismundo infelicius altera expeditione in Valachos; qui tributis obsequium negantes, Turcas rursus adversus Ungaros invocarunt. Sigismundus bello in eos moto, cum ingenti exercitu, ex omni ferme Europa collecto, Nicopolim usque penetrat. Ubi colatis cum hoste signis, immani clade, 20000. Christianorum amisit, affectus, atque ob rem male gestam ab Hungaris sibi metuens, Constantinopolim fugit, indeque Ægeum Joniumque mare emensus, exploratis Pannonum in se animis per Dalmatiam & Croatiam Hungariæ se reddidit.

Inquieti quidam, rerumque novarum cupidi, Ladislaum Neapolis regem, Caroli Parvi filium, in Pannoniam interea d ultionem paternæ cædis, atque ineundam regni possessionem advocarant. Verum is intellecto Sigismundi reditu copias, quas in Dalmatiam jam miserat, revocavit, apud volubilem & inter se discordem gentem paterni fati calamitatem reformidans.

Cum autem Sigismundus in Regni comitiis ab Hungaris anno 1401. fuerat captus, & in carcerem detrusus, ob cæsos rebelles Nobiles, & cladem Nicopolitanam, Ladislaus rursus invitatus ad se intrum, in Dalmatiam trajecit, rei eventum ibidem expectaturus. At vero cum Sigismundus viduæ, quam Gara cæsus reliquerat, opera e carcere fugisset, & cum valida Germanorum ac Bohemorum manu rediisset, regnumque recuperasset, Ladislaus in suam Apuliam ediiit. Rebelligum vero Hungarorum capita debitæ pœnæ fuerunt subiecta.

47.

Cæsus a Turcis.

48.

Captus.

Quæ autem deinceps, postquam anno 1410. Imperator fuit electus, pro Republica, pro convocando concilio Conitantiensi, pro extirpando Ecclesiæ schismate, atque contra rebelles Hussitas in Bohemia egerit, alias sunt recensita.

Obiit tandem, utramque fortunam expertus, pientissime anno 1437. ætat. 70. regni Hung. 50. Boh. 17. Imp. 27. relicta, ex secunda conjuge (Ciliæ comitis filia) *Elisabetha*, Alberto II. Archiduci nupta: quem a Sigismundo commendatum Hungari coronarunt.

49.
Albertus &
Ladislaus.

Alberto II. propter conjugem suam Elisabetham ab Ordinibus Hungariæ in regem cooptato, Amurathes Tyrannus Turcarum anno 1439. Serviam invasit; ad quam servandam dum Albertus accurrit, lue exercitum corripiente, & ipse in morbum incidit, quo præmaturo extinctus est, dum Viennam rediret, anno 1439. relictis duabus filiabus, & uxore uterum ferente, ex qua dein natus p[er] *Ladislau Posthumus*; quem quarto mense mater coronari curavit.

50.
Vladislau.

Quia autem Pannonia in duas factiones erat scissa; altera *Ladislau* pro rege habente, altera *Vladislau III.* Jagellonis filium, Poloniæ regem, ad coronam evocante, Elisabetha, ut discrimen evitaret, cum *Ladislao* filio Viennam ad *Fridericum III.* abiit, asportata secum astute Regia S. Stephani corona.

Hunniades

Vladislau igitur, factione adversa pugna superata regnum auspicatus cum *Amurathe II.* qui ad utramque Istri ripam magnis progressibus augebatur, bello committitur, eique supremum exercitus ductorem præficit *Joannem Hunniadem* (a pago in Valachia sito *Corvinum* dictum) præstantissimum ea ætate belli imperatorem, quem alterum velut *Machabæum* aut *Epaminondam*, difficillimis illis temporibus, quibus Pannonia civilibus discordiis fatiscebat, & a Turca occasione illa nimis solerter uso; undique infestabatur, provida Superum cura submisit.

51.
Cadea Var.
Inassie.

Et profecto fortissimus hic heros tot secundis præliis victoriisque viribus ferocem barbarum attrivit, ut anno 1443. pacem circumspiceret, & a rege *Vladislao* impetraret. Quam tamen hic, a *Juliano* Cardinale, ut fertur, persuasus, altero mox anno fregit; vindicante Numine violatam fidem. Quippe *Vladislau* victricibus armis ad Pontum Euxinum usque progressus, in Bulgaria ad *Varnam* ingenti prælio est fusus, quo 30000. Christianorum vitam, & suam amisit.

Ferunt, *Amurathem*, dum Rex, fortissime pugnans cum *Joanne Hunniade* initio pugne validissimo impetu Turcarum aciem adeo turbaverat, ut victoriam jam in manibus habere visus fuerit, instrumentum pacis, manibus prehensum, ad cælum sustulisse, & exclamasse: *Vindica Christe, si Deus es, banc Christianorum perfidiam*, atque

atque hac voce animatos turcas fugam stitisse, & in prælium reversam ingentem illam reportasse victoriam: insigni documento, non impune etiam infidelibus datam violari fidem. Cecidit in hoc prælio cum Rege etiam celeberrimus ille Cardinalis Julianus Casarinus, Eugonii IV. Legatus, concilii Basileensis initio Præses, bellique hujus infelicitas (ut fertur) inceptor.

Ad nuntium infelicitis cladis orbis Christianus ingemuit, Pannonia præsertim ac Sarmatia Uladislai, Regis omni virtute multo ornatissimi, funestum casum luctu publico deploravit. Ne autem vacante throno in regno, alioquin factionibus turbato, bellum erumperet, Episcopi & Procures conventu celebrato saluberrimis monitis ac decretis de vi; de dolo malo, de latrociniiis, cædibus & rapinis &c. provide caverunt.

Ne autem geminum potentissimum hostem cervicibus suis imminentem habeant, & Fridericum Imperatorem, Ladislai pupilli jura persequentem, & Amurathem, victoria Varnensi tumidum ferocemque, comitiis indictis, uno consensu *Ladislauum*, annum quintum tunc agentem, regem declararunt. Quum autem regno per ætatem esset immaturus, Joannem Hunniadem, Transylvania ab Uladislao præfectum, de Pannonia omnique Christiana Republica præclare meritum, regni gubernatorem designant (anno 1445.) missaque ad Casarem legatione *Ladislauum* in Hungaria educandum, & coronam, ab ejusdem matre ablatam repetunt.

Respondit Fridericus, electione Ladislai opus non fuisse, quem jus hæreditarium & natura Regem genuisset, negavitque, se coronam aut pupillum, cujus tutela ad se ceu proximum agnatum spectaret, extraditutum, donec in ætatem Regno maturam adoleret.

Quæ res Pannonum animos tantopere irritavit, ut per Hunniadem gubernatorem Austriam, Styriam, & Carynthiam populatione & rapinis ferociter vastarent: Casare in proposito suo constante, ac potius ferente, ut postea Hunniades Hungariam, Podiebradius Bohemiam, Ulricus Comes Cilius, Ladislai avunculus, potissimam Austriæ partem, ad *Ladislauum* pertinentem, administrarent. Qui etiam in hoc munere sunt confirmati, postquam Ladislaus Roma redux, quo Casarem ad coronationem comitari debuerat, anno 1452 a Friderico ad regna sua fuerat dimissus.

Hunniades autem, ut cladis Varnensis ignominiam vindicaret, pluribus secundis præliis Turcas a Pannoniæ jugulo submovit, frastisque Ulrici Cili, gubernatoris potestatem eidem invidentis, motionibus, ac regulorum Valachia & Mysia seu Russia seditionibus,

anno 1448. adversus Amurathem II. gravissimum bellum gessit. Commissa in Bulgaria finibus acerrima pugna, quæ, licet barbarus 80000 Hunniades vero tantum 22000. sub signis numeraret, triduo tenuit. Tandem Hungari, cæsis 34000. Turcarum, amissis vero ex suis 8000. multitudini cedere coacti, qua via cuique patebat fuga, evaserunt.

Hunniades fuga elapsus, primo in latrones incidit, atque ab illis spoliatus, per solitudines variasque ambages, terra marique oberans, tandemque in Dalmatiam evadens, suis restituitur.

Hoc periculo externo defunctus, in domesticum incidit. Urebat Ulricum Cilius rursus invidia, atque Hungaricæ administrationis munus sibi potius, ceu Ladislai propinquo, deberi ratus, regni affectati Hunniadem postulavit. Verum cum hic munus suum apud Ladislaum vellet deponere, in eo confirmatus est; Cilius vero, cum etiam Austriaci graves contra eum querelas proponerent, gratia regis excidit. Verum, ut facile mutantur aularum venti, præsertim ubi regum immatura ætas deceptioni est magis obnoxia, Cilio in gratiam recepto, Corvinus variis insidiis est appetitus; quas ille caute declinare noverat.

55. Non tamen his motus Hunniades, ultimum patriæ ac Christianæ rei impendit obsequium. Cum enim Mahometes II. Amurathis filius, expugnata Constantinopoli victorica arma per Serviam ac fines Pannoniæ circumferret, ad Albam Græcum (Belgradum hodie appellatam) exercitum admovit, (anno 1456.) quam, cum clavem Hungariæ esse sciret, omnibus viribus expugnandam sibi esse putavit, ut inoffenso deinde velut pede barbarum dominatum in occidentem exporrigat.

At in scopulum impegit ferocia. Qui plurimas urbes munitas, ipsamque adeo Constantinopolim expugnaverat, Belgradum expugnare non potuit: propugnante Hunniade, victis navali prælio in Istro Turcis, in urbem cum valido præsidio & annona penetrante. Quot conatibus actum! quot assultibus! quoties supra cadaverum struem, ac murorum ruinas, nutante & anticipiti victoria dimicatum: in ipsam urbem jam penetrarant barbari, in ipso foro pugnatum acerrime: cumque Turca in altam turrim eluctatus vexillum tentaret defigere, Hungarus insequens Turcam apprehendit, & quia aliter prohibere non poterat, se cum illo ex alto vertice dedit præcipitem, reiectus ex urbe barbarus fugam simulat, ut obsessos ex urbe in insidias pelliciat. Sed Corvinus ea occasione usus, castra hostium incendit, machinas aneas alias clavo adacto obstruit, inutilesque reddit, alias in hostes convertit. Quare Mahometes expugnatione desperata, amissis suorum 40000. dolore amens, turpi fuga se proripuit.

Hun-

Hunniades servato hoc Christianæ Reipublicæ propugnaculo gentium ubique clarus, in cælos ex victoria triumphans ingressurus, ex febris obiit anno 1456. ingenti nominis fama orbi relicta, simulque relicto dubio, fortiorne fuerit, an sanctior.

Sed neque sua laude frustrandus *Joannes Capistranus*, qui e Samnitibus oriundus, cum suis e S. Francisci familia sociis, concessa a Pontifice peccatorum venia, ex Germanis, Bohemis, & Polonis cruce signatum adduxit exercitum; & quod Hunniades manu, exemplo, ductu, id ipse ore, hortatu, precatione, effectum dabat: haud diu & ipse superstes victoriæ, ad Superos translatus est, sanctos inter cœlites terrestris militiæ recepturus stipendia.

Joannes Hunniades duos reliquerat filios, Ladislaum & Matthiam, præstantis animi juvenes, & paternæ virtutis æmulos. Qui ob gratiam patris memoriam populi amore, clientelis, amicitiiis, opibus, & potentia, cæteris proceribus facile præstabant, ac patris munere & potestate adhuc potiebantur. Ferre hæc æquo animo non poterat Ulricus Cilius, regis avunculus, veteri in Corvinam gentem flagrans odio. Ut igitur structæ patri insidiæ feliciori eventu filios sternerent, suadet Ladislao regi, ut Hungariam visat. Cum igitur Rex lustrato regno Belgradum ingrederetur, Ladislaus Corvinus, urbis gubernator, armatis militibus portas occlusit, quod interceptæ Cili litæ structas vitæ suæ insidias nuntient.

Cilius iræ impotens stricto ferro in Corvinum irruit. Sed Hungari accurrentes Cilium confodiunt, Regemque adeunt, regni hostem, ac discordiarum omnium auctorem a se interfectum exclamant, ut & Pannoniæ reddatur quies, & Rex, Cili velut captivitate liberatus, jam libere regnare queat.

Rex ira pressa interfectores in gratiam recipit, promissa, etiam Sacramento, Corvinis venia: quam confirmat, dum eorum mater regi supplex accedit. Verum postquam eundem Budam comitati fuerant, Rex a Cili amicis incensus eosdem cum pluribus proceribus capi & in carcerem duci mandat. Tertio die Ladislaus Corvinus capitali supplicio a Prætoribus addictus, quinto ictu a lictore capite minuitur. Matthias vero primum Viennam captivus abducitur, dein vero Podiebradio Pragæ custodiendus traditur.

56.
Cili & Co.
vini cædes.

ARTICULUS III.

Schema rerum sub rege Matthia.

57.
Matthias
Rex.

AT ecce veras rerum humanarum vices ! Ladislaus Hungariæ & Bohemiæ Rex, præcellentibus corporis animique dotibus ad miraculum cultus, atque ad spes summas natus & educatus, dum ingenti pompa totiusque propemodum Europæ concursu cum regis Galliæ filia solennes Pragæ nuptias apparat, in ipso ætatis verantis flore succiditur. Matthias Corvinus e carcere ad Pannoniæ solium elevatur. Hungariæ Bohemiæque regna ex altissimo regali genere ad mediocris fortunæ manus ambo devenerunt : hoc ad Podiebradium, quem nulla majorum stemmata decorabant : illud ad Corvinum recidit, cujus olim genus a Romanis fertur oriundum, sed nimia vetustate jam exoleverat, & in Valachia nativa patria a barbaris obrutum ad obscuritatem sane pervenerat.

Audita namque Regis Ladislai morte, in Pesthi suburbanis pro more comitia sunt habita, quæ Michael Zilagius Matthiæ avunculus armatis copiis circumdedit, & oratione habita, qua eloquentia, quam inis proceribus persuasit, ut eundem Matthiam, 17. tunc annum agentem, posthabitis aliis competitoribus regem eligerent.

Podiebradius, Rex Bohemiæ, ubi per litteras eam electionem intellexit, primo loco Matthiam mensæ adhibuit, eaque finita nihil tale opinantem regem salutavit, desponsata eidem sua filia ; atque eundem ad Bohemiæ fines deduxit, ubi ab Ungaris splendido cum apparatu, atque faustos inter plausus exceptus est, ac Budam deductus, confirmatisque ordinibus privilegiis, jurataque impunitate fratris sui Ladislai interfectoribus, Rex proclamatus ; constituto tamen interim, donec ad maiorem ætatem perveniret, gubernatore Zilagio.

Verum haud multo post Rex Zilagium, virum integerrimum, cui sceptrum debebat, perfide captum, iussit interfici ; sive ob correctionis impatientiam, sive propter æmulorum insimulationem, sive ut aliis Proceribus metum sui incuteret. At Zilagius a coquo suo pio astu e carcere liberatus cum nepote reconciliatus fuit, ac rursus inferiori Hungariæ adversus Turcas præfectus ; quos postquam altero prælio vicit, tertio ipse victus, captusque Constantinopolim ductus, capite plexus est. Post domitos Moldavos rebelles, & Transylvanos, qui proprium sibi regem elegerant, deinceps primum Matthiæ bellum fuit cum Friderico III. Imperatore, quem Hungarici quidam proceres, coactam Matthiæ electionem causantes, atque Corvina-

norum,

norum, ignobili ad ea usque tempora in Valachia familiæ tantum fastigium invidentes, regem advocaverant. Variante fortunæ alea id gestum; donec tandem anno 1464. pax in hæc placita coaluit.

Cæsar sacram Hungariæ coronam (quam 24. annos jam detinuerat) Pannonis reddito. Pro ea 60000. aureorum accipito, Mathiam filii loco semper habeto. Jus omne regni illi cedito. Contra vero Mathias Cæsarem tanquam parentem agnoscito. Si absque legitimis liberis obierit, Pannonici regni jus Cæsaris mox esto. Almannus & Ungarus absque ullo discrimine ab utroque Principe tractantor. Hoc fœdere ista sancta corona festiva solennitate a septemviris, in hunc finem creatis, in Hungariam est deportata, & velut missum de cœlo decus excepta, eaque Matthias a Strigoniensi Metropoli redimitus anno 1464. regni 6.

Per 13. deinceps annos patrem inter filiumque adoptivum pax ista tenuit. Anno autem 1477. Matthias Cæsari bellum indixit, causatus frequentes Austriorum in Hungariam irruptiones, agrorum populationem, & abacta pecora: nec satis ex fide servatas promissiones. Cum autem numerofo exercitu in Austriam ducto, varia opida caperet, ipsamque Viennam obsideret, Cæsar missis oratoribus hanc pacem iniit.

Cæsar regi ob belli impensas 150000. aureos ad præstitutum tempus solvat. Facta solutione Matthias omnes urbes captas & castella restituat. Si facta non fuerit, Austriam occupare, & in Pannonici regni provinciam redigere ipsi liceat. Pia interim patris filiique nomina, & antiquæ pactioes ratæ firmæque maneant.

Hac conventionem inita Rex omnia, quæ occupaverat, ultro restituit, copiasque in Hungariam reduxit, adversus communem Christiani nominis hostem melius ducendas. Verum non desiere Pannoniæ Austriæque vicinæ gentes mutuis incursionibus sese lacessere, altera in alteram culpam rejiciente. Initæ sæpius induciæ, renovata fœdera. At incassum omnia.

Nam anno 1481. Mathia importunius exigente promissa 150. aureorum millia, Friderico vero moras trahente, recrudit bellum funestum, cum ingenti Cæsaris & rei Christianæ detrimento, Turca interim, qui unitis Christianorum viribus ex Europa rejici poterat, multis incrementis aucto.

Sed Christianum (quæ perpetua labe est atque deploranda calamitas) cruorem fundi placuit: Christianæ a Christianis vastandæ provinciæ. Quippe Matthias, ducto in Austriacum agrum exercitu, primo Hamburgum, Fruechum, Coinamburgum, Hyppoliti fanum,

58.

Pax cum
Cæsare.

59.

Bellum re-
crudebit.

60.

Rursus bel-
lum.

Vienna
capta.

Eberstorffium, aliaque circum Viennam munita oppida urbesque expugnat; dein vero ipsam urbem principem Viennam semestri obfusione, fame pressam, ad deditionem adigit, (anno 1485.) sequente dein post acerrimam defensionem Neostadium, ut adeo totam Inferiorem Austriam usque ad mortem teneret occupatam, protensa non raro in Styriam, Carinthiam & Carniolam prædatione.

6r.
Bohemicum
bellum.

Alterum Matthias bellum cum *Bohemis* gessit. Et primo quidem Bohemos, quos Gísera duce Elisabetha Regina pro filio suo Ladislao Posthumo in Hungariam acciverat, variisque locis, etiam munitis, imposuerat, in latrocinia deinde sub *Fratrum Bohemicorum* nomine, effusos, ac Hungariæ infestos, bello devictos, aut regno exegit, aut sibi deditos recepit.

Moravia.

Sed majus multo bellum eum inter & Georgium Podiebradium, cujus filiam uxorem duxerat, exarsit anno 1468. Belli causa erat sacra. Nam cum Georgius propter Hussiticam hæresin a communione fidelium esset motus a Paulo II. Pontifice, hic Matthiam ad invadendum regnum accendit. Quare, comitante Apostolico legato, motis in Moraviam castris a Brunensibus & Olomucensibus admissus est; expugnatisque vi adfistis arcibus, aliisque munitioribus locis, qui Hussitarum præsidio tenebantur, a Moravis & Catholicis Bohemis Rex Bohemiæ & Moraviæ Marchio est salutatus.

Dum Matthias Spilbergensem ad Brunam arcem obsideret, Georgius cum eo congressus, *siccine*, inquit, *fili, patrem regno spoliare contendis?* ad quæ Matthias: *reliquisce pater, & de fide sacrosancta rectius senti, atque Christianæ Reipublicæ hostis esse desine.*

Cum in tabernaculis, inter utraque castra tentis, reges colloquium & convivium celebrarent, quidam ex satrapis duos pigmæos, alterum Hussitam Bohemum, alterum Catholicum Ungarum, inter se certamine commisit, ut veræ Religionis periculum facerent. Cumque diutius jam fuissent luctati, Catholicus Hussitam sublime elevatum, humum erat inversurus, nisi Bohemus quidam manu objecta obstitisset. Obortus confestim clamor; correpta utrinque arma; interventu regum tandem deposita. Sicque re infecta discessum.

& Silesia
capta.

In Silesiam dein Matthias castra promovit, quo Uratislavia eum invitaverat. Atque omnes civitates se ejus potestati permisere. In Moraviam redux, Victorinum, Georgii filium, victum capit, atque ut fratrem habet. Iniquiore autem in Cæsarem erat animo, quod stipendia, in Religiosum hoc bellum promissa non numeraret. Quæ non modica erat causa orti deinceps belli Austriaci.

Mor.

Mortuo interim Podiebradio, Matthias alios inter competitorum Bohemicam Coronam petiit. At prævalente Hussitarum multitudinem, cui erat exosus, repulsam passus electo Uladislao, Regis Polonia filio, 15. vix annos nato. Quare Hungari, Bohemis irati, incendiis ac prædatione plures ad obsequium flexere.

Sed dum Matthias alienam Coronam prensat, propriæ subit periculum. Siquidem Hungariæ Proceres, tum tributorum mole gravati, tum ægre ferentes, quod Rex omnia suo solius arbitrio ageret, adversus eundem conspiratione inita adjectore Strigoniensi Metropolitâ, qui Ecclesiarum bona invadi indigne tulerat, *Casimirum*, alterum Poloniae regis filium elegerunt. Qui cum exercitu in Hungariam veniens, *Polonicum bellum* excitavit (anno 1471.)

Matthias, reconciliato Strigoniensi, mox omnes, pro inconstantiæ gentis, ad officium revocavit, Polonosque cum Casimiro eiecit. Strigoniensem vero contra fidem datam carceri mancipavit; quo tamen eum paulo post rursus liberavit.

Pacata tunc equidem Pannonia, sed in Poloniam & Silesiam translatum bellum, ibi populatione & incendiis, hic Uratislavia propugnatione gestum, donec tandem amica pace finitum est, cujus conditiones supra in rebus Bohemicis recensui, atque ex eo tempore amicitiam se se inter coluerunt Matthias & Uladislauus, & adversus Cæsarem arma sociarunt.

Et hæc sane labes est Matthiæ, quod versis in Christianos armis adversus juratum orthodoxi nominis hostem segnius bellum gesserit, Jaizam in Bosnia expugnare, munimentum, quod Turcæ novum extruxerant, demoliri, atque fines aliquibus præliis defendere, contentus. Neque hæc alio pacto egit, nisi grandi stipendio a Pontifice & Venetis numerato. Quo cessante, acinacem vaginæ reddidit.

Obiit Viennæ anno 1490. horrendos inter ejulatus & rugitus, vel ipso Bonfinio Italo teste, qui hunc heroem suum, in cuius domesticos largo stipendio assumptus fuerat, ceu Principem incomparabilem, & alterum Alexandrum, omni ornamentorum genere reddit celebrem atque conspicuum. Vixit annos 49. regnavit 32. Primam conjugem duxit Podiebradii, alteram Ferdinandi Neapolis Regis filiam. Sed nullam ex iis prolem suscepit, relicto duntaxat filio, illegitimis natalibus orto.

Bene tamen de Hungaria est meritum, quam in Austriam & Bohemiam protulit, civilibus moribus imbuere, & Episcoporum Procerumque ope optimis institutis temperavit, indistincto anno 1486. Budam cele-

celeberrimo Ordinis utriusque conventu, cujus placita operæ pretium videtur, breviter referre.

ARTICULUS IV.

Conventus Budensis sanctiones anno 1485.

64.

Quia per absentiam Regis, in externa bella distrahi, Pannonenses in latrocinia aliaque scelera passim ruebant, cuius comitatu in flagitiosos, fures, prædones animadvertendi potestas facta est. Constituta judicia, ultra quæ causarum definitiones prorogare non liceat. Potiores autem ex nobilitate sint iudices.

Sacerdotibus de perjurio aut crimine falsi convictis gravis pœna statuta. Nam sacro extemplo munere abdicari jubentur. Abbates & præpositi, severiori vitæ innexi in nulla re a religionis suæ institutis desciscant. Episcopi bis quot annis Diocesim suam visitent. Si abfuerint, per vicarios boni pastoris officio fungantur.

In judiciis non reo, ut hætenus, sed actori & testibus iuramentum deferatur. Si diversa sint testimonia, penes iudicem esto, cui parti deferendum. Cum Ungaris mos esset, deficientibus probationibus singulari certamine causam definire, hic abusus antiquatur. Qui privilegium impetrarunt, ut a solo rege judicentur, jurisdictioni ordinariorum iudicum subiaceant, Comitibus tantum quibusdam exceptis.

Dolo malo nihil impetretur. Donationes, præter morem regni factæ, rescinduntur. Oppignorata bona dominis, facta solutione, sine fœnore reddantur. Pro usuræ autem multa fœnerator tantum solvat, quanti oppignorata olim bona æstimantur.

Matronarum dotes ratæ semper ac salvæ sunt. Ne actor reum Nobilem anathemate feriat. Damna nobilibus & proceribus inferri vetantur. Milites pabula & commeatus vendentibus solvant: si vi rapiant, apud iudices aut Regem luant. Et præfectus, si licentiam non represserit, ipse satisfaciat. Ne quis soluto jam exercitu & data missione, in alienis possessionibus immoretur. Et quicumque ex militari mora detrimentum acceperint, a militum præfectis præstentur indemnes. Si præfecti aut iudices in dicendo jure ignaviam aut negligentiam commiserint, ad Regem provocare liceat, qui læsum indemnem præstare debet.

Polonis aut Venetis nemo bonorum quidquam vendere aut oppignorare potest. Si clientes a patronis in aliquo munere constituti alios læserint, patroni satisfacere debent. Sin vero in munere non sint constituti, ipsimet luant, nullamque opem a patronis accipiant. Patronis vero datur potestas, clientes facinorosos in vincula conjiciendi, atque ad satisfactionem adigendi. Si vero hi inique secum æstum causentur, vocato in jus patrono, causa judicetur. Si cliens alterius servitio se addicat, is eum ocius dimittat.

Ne portoria plus æquo exigantur, comitatum præfecti invigilent. Ne quis gubernator aut præfectus provinciæ, Palatinusve, in Basilicas, Abbatias, & Præposituras, a Regibus quondam fundatas, donatasque aliquid audeat aut disponat. Qui facinorosum captum dimiserit, aut villicum abduxerit, aut invitum remoratus fuerit, luito. Decimarum controversiæ ad Regale iudicium revocantur.

Rex neminem ex prima querela aut delatione, Procerumve consilio damnet, donec a conventus præfecto, ejusque Nobilibus rem liquido fuerit edoctus. Reum violatæ Regiæ fidei per dies 15. licet relinquere, & pro eo apud Regem agere. Sin aliter fecerit, Reipublicæ hostis habeatur. Fures, sicarios, homicidas, latrones, incendiarios, litterarum aut monetarum falsatores, domi nemo excipito: sed præfecto aut judici tradito. Qui contra fecerit, ejus domus & fortunæ fisci sunt. Qui pro his arma sumpserint, pœnas, quas illi debent, pendunt.

Fodinas auri argentique, item salis ac metallorum, quæ in privatis possessionibus inveniuntur, Rex citra æquam compensationem non accipito. Si nihil rependere voluerit, earum jus omne fructusque possessoris esto. Quicumque hominem interfecerint, capitalis esto. Ubicumque deprehensus fuerit, ex Regni consuetudine conventus præfectus iudicesque de eo pœnas sumunt. Si vero ex inopinato quem necaverit, reo, cæsisque cognatis causæ componendæ jus esto.

Ad inhibendas futiles frivolasque appellationes edictum: quicumque ad Regem provocarit, si succubuerit, geminatas litis expensas pendito. Qui autem injusta judicia queritur, ad Regem aut Prætorem provocato; si succuberit, eas, quas iudices damnati debuissent, pœnas expendito. Convictus in iudicio capitis, mox ad iudicem ductus in vincula conjicitor: dies tres concordiæ gratia detinetor: re non composita, in adversarii manum traditor, ut legitime ab eomet pœnæ exigantur, quæ a corpore & rebus in eo de-

prehenfis jure dari poffunt, in uxorem, liberos, forores, cognatos poffeffionesque nihil ultra animadverti poffit. Filius pro paterno facinore nec corpore nec re pœnas ullas luito. Vicis facris absque privilegio Regis poffeffiones tenere non licito.

Qui fedem judiciariam violaverit, mox aureos centum expedito. Per conventus omnes, qui juri dicundo præfint, difponuntor. Confulto fenatu Rex præfectos ex proprio quemque conventu deligito, qui una cum judicibus ex nobilitate delectis jus dicat.

Nullus miles templorum oftia perfringere, aut quidquam hinc rapere audeto. Si qua facellis vis illata fuerit a milite, præfectu turmarum pro his pœnas dato, poffeffionesque illius ærario cuncta cedunto. Si inopia jufferit, accito statim pagi judice, sacerdoteve condita in templo cibaria præftituto æquo pretio militi venduntor Archidiaconorum & Plebanorum nemo, præter ufitata funeralia, ultra quidquam pro fepultura exigere audeto. Si exegerit, facris ex templo beneficiis abdicator.

Conventus cujusque impenfæ collatitia pecunia perfolvuntor Neutra litigantium pars armata judicium adito; quin & nundinæ mercatus, fora funto inermia. Quicunque optimatum nobiliumve judicem in dicendo jure, aut exequendo impederit, infidelis efto. Qui villicos fervosque habuerit, qui judicium interceperint, eosque quamprimum in manus præfecti non tradiderit, centenis aureis multator.

Judices ordinarii legitimique definiti, videlicet Palatinus, Prætor, quem judicem curiæ nominant; fecretarium feu cancellarium: Prætor autem post Palatinum Regis perfonam refert; & cum Protonotariis juri dicundo præeft. Vaivodas autem Bannosque Sclavoniæ inter ordinarios Regalis fori judices numerandos non effe decernitur. Quincunque temere & inaccerfitus curiam judicum intraverit, centum auri nummos folvito. Causidici ultra 14. non funto.

Qui Privilegia populatione, raptu, incendiove amiferit, ad 60. annos actionem habeat. Nullus judex injuratus fuum munus obito. Præfcripta infuper jurisjurandi formula. Præfcriptus redimendis litteris curialibus modus &c.

Neque tantum leges iftæ in conventu Budenfi funt latæ, fed rex etiam ipfe post Beatricis Neapolitanæ adventum mores ac vivendi normam mutavit. Nam prius populariter absque omni pompa, aulæque apparatu familiariter vivebat, prandeatque, permiffio facili cuivis acceffu. At poftea fplendidiora omnia & magnificentiora ex Regiæ voluntate effe voluit. Eximios artifices ex Italia magno

sum-

sumptu evocavit, pictores, statuarios, cælatores, aurifabros, lapidarios, architectos, cultores hortorum, musicos, grammaticos, poetas, rhetores, philosophos, mathematicos, jurisconsultos, & cum iis liberales artes scientiarumque disciplinas rudi antea genti in-
vexit.

Ad Religionis etiam curas conversus Matthias, induci nunquam potuit, ut fides, a septingentis jam & ultra annis in Hungaria constantiter conservata, per novos errores inficeretur. Irreperant equidem eo regnante ministelli quidam & præcones Hussitici furfuris; sed vado tantum tentato; cum transitum nimis difficilem reperissent, quiescendum sibi statuerunt.

Cum enim liberum sectæ suæ exercitium a Rege petissent, interrogati, quænam esset illa Religio, quam afferrent. Dicentibus, illam esse, quam DEUS sanctissimis viris, Joanni Hussio, & Hieronymo Pragensi revelasset, ergo, inquit Rex, nova est illa religio, quam in Regno meo disseminare cupitis, & contraria illi, quæ in hoc Regno semper viguit, ab eo tempore, quo Christiana fides S. Stephano Regi primum annuntiata fuit: uti etiam illi, quam Catholica Ecclesia per totum terrarum orbem amplectitur? Atqui ferre ego nec possum, nec debeo, ut populum meum seducatis. Nec mora iubet istos novos Evangelistas Buda educi, & cum libris suis in terram vivos defodi. Cujus supplicii severitas id effecit, ut id genus homines eo vivo deinceps Hungariam ingredi non auderent.

ARTICULUS V.

Schema Rerum sub Uladislao & Ludovico.

Mortuo Matthia quatuor magni competitores diadema ambiebant. ^{65.} ^{Uladislao.} 1. Fridericus Cæsar pro se aut Maximiliano filio, successione pacto nixus, cum Matthia inito, ubi hunc absque legitima prole mori contingeret. 2. Albertus Casimiri Poloniæ Regis filius. 3. Uladislao Alberti frater Rex Bohemiæ. 4. Joannes Corvinus Matthiæ filius, haud dubie successurus, nisi natalium vitio laborasset. Certe Procures quidam etiam armis correptis, illatque bello ejus partes sustinere nitebantur.

Electus nihilominus est plurium suffragiis Uladislao Bohemiæ Rex, Ladislai Posthumi ex sorore nepos, hoc pacto, ut privilegia
Capitulatio
Pro

Procerum confirmet, ad Regni leges & consuetudines regat. Tributa nimia, a Rege Matthia imposita, moderetur. Austria Moravia, Silesia, Lusatia, a Matthia coronæ Hungariæ unitæ, absque consensu optimatum ne alienantur. Si provinciæ illæ redimerentur, pecunia in publicos Regni usus expendatur ex senatus consulto. Rex maxima ex parte in Hungaria resideat. Regni officia Hungaris & non exteris committantur. Et quæ sunt id genus plura.

66.
Bellum
fraternum.

Reliqui tres competitores ipse suas bello sunt persecuti. Corvinus cum factione sua amplissimis promissis fuit tandem placatus. Albertus, quem prima comitiorum die quidam ex vulgo tumultuaria exclamatione Regem dicebant, cum Polonico exercitu in Pannoniam adversus fratrem venerat, pluresque urbes vi aut deditioe ceperat; sed dum utriusque fratris exercitus ad prælium accinctus stabat, amico denique colloquio res fuit composita, persuasusque Albertus, ut cum copiis suis rediret.

67.
Cum Max.

Potentissimus competitor erat Maximilianus Rex Rom. qui pacta cum Matthia Rege de successione inita postulavit impleri. Cumque iis se non teneri legato respondissent Pannonæ, jus suum armis asserendum ratus, delectu habito, iisque, quæ ex belli usu sunt, apparatis, primo Austriam, ejusdem Hungarorum præsidis, recepit, tum vero in Pannoniam descendit, ubi occupatis compluribus munitis urbibus, ipsaque Alba Regali, Uladislau ad petendam pacem adegit.

68.
Pax.

Cum enim is undique bello peteretur, ab Oriente & Meridie a Turca, Hungaricis discordiis in rem suam solerter uso; ab Occidente a Maximiliano, a Septentrione a Polonis, quos Albertus adversus fratrem, violatis ter pacis conditionibus, reduxerat, seditione etiam interna passim per Regnum flagrante, cum Maximiliano in has leges pacem iniit: ut Regnum Hungariæ, Uladislao sine filiis legitimis mortuo ad Maximilianum, ejusque hæredes legitimos recidat: ut interea Regis Hungariæ titulus penes utrumque resideat: ut pro belli impensis Uladislau Maximiliano centies mille nummorum aureorum pendat: ut Palatinatus, Provinciarum præfecturæ, ac munia tam sacra quam profana, non nisi interposita amborum auctoritate, & jurejurando utrique dato, capi possent: ut eosdem uterque amicos, rebelles, hostesque haberet, jureque societatis alter alterum bello juvaret; Germanos Hungarosque eodem loco ac honore haberet. Ne Hungaris ullis fraudi esset, quod ad Maximilianum se contulissent: ac denique, ut omnes antistites, proceres,

ceres, Præsides, civitates, cum universa Nobilitate has fœderis leges se servaturos jurarent.

Hac pace, indignantibus initio Hungaris, promulgata, copia in Albertum ductæ, prælio victum, Hungaria ejecerunt. Mortuus est paulo post Casimirus pater, qui eo consilia sua intenderat, ut tres filios Reges relinqueret, primum Bohemiæ, alterum Hungariæ, tertium Poloniæ. Successit Albertus, Uladislao fratre seniore, ultro jus suum in Poloniam abdicante. Supererant Turcæ, qui Christianorum istis inter se bellis, ac nativo in eos odio incitati, ubique crudelem in modum sæviebant. Tractum dein cum iis bellum fortuna varia, jam ad hanc, jam ad illam partem inclinante victoria.

Finem hic (ad annum videlicet 1495) Historiæ Rerum Hungaricarum imposuit Antonius Bonfinius, Asculanus Italus, quam ab origine gentis Scythicæ inchoavit voluntate Mathiæ Regis, atque eo mortuo continuavit jubente Uladislao, cui opus suum, stylo, pro illa præsertim ætate, terso ac nitido conscriptum dedicavit.

Cæterum Uladislai, Principis optimi, uti initium, sic etiam reliquum regimen turbulentum omnino fuit, non tantum propter frequentes Turcarum incursiones, sed etiam propter crebras Procerum Nobiliumque seditiones, ac rebelliones; qui clementiam Regis ignaviam interpretati, anno 1505. votis comitialibus statuerunt, ut nullus deinceps exterius in regem assumatur.

Rustici quoque ad 40000. in arma ruentes adversus Regem ac Procere anno 1514. conspirabant, auctore Zecklero Transylvano nomine. Incredibile dictu, quantas clades inaudito crudelitatis exemplo intulerint Hungariæ; donec armis victi, captoque eorum Rege Zecklero, sub jugum missi sunt.

Anno sequenti celebratus Viennæ fuit celeberrimus trium Regum congressus, Maximiliani videlicet Cæsaris, & duorum fratrum, Uladislai Hungariæ & Bohemiæ ac Sigismundi Poloniæ, Regum. In quo desponsa fuit Anna, Uladislai filia, Carolo aut Ferdinando Cæsaris nepotibus, Maria vero, eorum soror, Ludovicò, Uladislai filio. Proximo vero anno (1516.) obiit Uladislau ætatis 60. Regni Boh. 45. Hung. 26. relictis duobus, quos dixi, liberis.

Ludovicus II. filius, anno 1506. absque cute natus, successit, sub tutela Georgii Marchionis Brandenburgici, qui juvenem Principem ad luxum educasse scribitur. Unde, neglecto rei militaris usu, Solimannus anno 1521. Belgradum, Hungariæ clavem, facili opera eripuit, ingenti rei Christianæ detrimento. Rascianorum proditione id factum dicitur. Expugnata dein Rhodo (anno 1522.)

Pars VII.

O o

Soli.

Solimannus redux, cum Hungari oblatam pacem respuerent, bellum illis rursus intulit.

Turcarum ultra 200000. sub signis fuisse memorantur, Pannorum non ultra 25000; nihilominus isti, licet adeo pauci, & Duce idoneo destituti (nam Monachum quendam bello præfecerant) prælio decernendum statuunt. Et hæc fuit infelix illa atque funesta *ad Mohazium* pugna; in qua Christianus exercitus ad internecionem ferme deletus fuit, 20000 eorum, ut fertur, cæsis, ac Rege ipso Ludovico, dum fugiens paludem cum equo transmittere tentat, in limo hærente, ac misere pereunte (anno 1526.)

Illud in hoc Principe memorabile, quod in eo natura omnia prævertisse videatur. Nam natus fuit ante eutem natam. Altero vitæ anno Rex coronatus. Decennis successit patri. 14. anno barbarus est nactus. 15. anno desponsatus. 18. crines canitiem induerunt. 20. ætatis anno extinctus fuit.

ARTICULUS VI.

Schema Rerum

Sub

FERDINANDOI. MAXIMILIANO II. ET RUDOLPHO II.

71. Ferdinandus & Joannes. **J**US Regni pertinebat ad Ferdinandum Archiducem, tum propter pacta, jam inter Fridericum III. Cæsarem, & Mathiam Regem in coronæ restitutione inita, atque anno 1515. in solenni illo Conventu Viennensi ab Uladislao Rege rursus confirmata, tum maxime, quia conjugio sibi habebat junctam *Annam*, Ludovici Regis, absque prole defuncti, sororem unicam; ex qua omnes posteriores Archiduces, Germanicæ lineæ, descendant.

Nihilo tamen secius Hungari quidam *Joannem de Zapolia*, Comitem Scepusium, Transylvaniæ gubernatorem (Vaivodam dicunt) Regem elegerunt (anno 1526.) pars autem major & sanior Ferdinandum Regem promulgavit (1527.) qui jura sua armis prosecutus occupata Buda, cum pluribus aliis urbibus, atque reportata insigni victo-

Victoria, Joannem in Poloniam fugere coegit (eod. anno 1527)

ubi a Sigismundo Rege frustra auxilia petiit.

Ad Turcas igitur, hortatu Hieronymi de Lasco, Poloni, con-
versus, a Solymanno opem implorat, qui eo pacto addixit, ut Re-
gnum tributarium clientelari jure a se accipiat. Hanc turpem cor-
ruptionem ubi ratam Joannes habuit, barbarus, jam alias a repetito-
ner Ferdinandi legatos Belgrado irritatus, turbinis instar totam Pan-
noniam emensus, irrupit in Austriam, ac Viennam obsedit (anno
1529.)

In secundum mensem tenuit illa obsidio; 70. assultus tentati. At
urbem strenue propugnante Philippo Palatino, amissis viginti Turcarum
millibus recedere coactus est. Culpa in Ibrahimum Vizirium conje-
cta, quod Sultano persuasisset, urbem non admodum munitam abs-
que tormentis majoribus expugnari posse, modo celeritate usi impro-
visi invadant. Ut tamen sui memoriam relinqueret, vineas agrosque
populatus, multa Christianorum millia in servitutem abstraxit. Con-
firmato subin Budæ Joanne Rege precario, Vizirio vero strangulato,
Byzantium rediit.

Trahebatur interea bellum inter Ferdinandum & Joannem: ille
per Rogendorfium incautum Budam obsedit, hic Strigonium; non
ulio operæ pretio, quam ut provinciæ vastarentur, ac multa morta-
lium millia in captivitatem Turcicam abducerentur (anno 1530.)

Sequenti anno Solimannus, ut partes Joannis labantes fulciret,
manum rursus 300000 in Hungariam duxit exercitum. Sed cum
Carolus V. 90000 peditum & 30000 equitum ad Viennam collegisset,
soluta Strigoniensi obsidione præcipiti fuga in Thraciam se recepit.
Ut tamen more suo sanguinea relinqueret vestigia, 15000. immisit,
qui provincias vastarent; quos prope Lincium deprehenso Frideri-
co Palatino ita concidit, ut ne nuncium quidem cladis relinqueret.
(anno 1532.)

Cum autem Joannes cerneret, societatem suam cum Turca
Hungaris esse invisam, atque ad nihil aliud proficere, quam ut re-
dicto sibi regis simulacro, Christianorum cladibus ac servitute Maho-
metani increfcerent, anno 1535. cum Ferdinando Rege his conditio-
nibus pacem iniit. 1. Uterque Regis nomen retineat, & in possessi-
one eorum, quæ habet, relinquatur. 2. Post mortem Joannis tota
Hungaria Ferdinando, aut ejus hæredibus obtingat. 3. Si Joannes
vilius relinqueret, illi Principatus Transylvaniæ cum aliis quibusdam
bonis ad sustentationem tradatur.

73.
Pax cum Jo-
anne.

Duobus ante mortem annis (1538.) Joannes nuptiali foedere sibi junxit Isabellam, Sigismundi I. Poloniæ Regis filiam; ex qua genuit Joannem Sigismundum, magnarum deinceps discordiarum turculum. Huic pater paulo ante mortem, quam oppetit anno 1540. testamento tutores dedit Georgium Martinucium, Episcopum Waradinensem, & Petrum Petrovicium propinquum suum. Testamenti autem executorem designavit Solimannum, hostem professum Christiani nominis.

74.
Turcarum
progressus.

Optata hæc erat barbaro occasio nutriendi diffidia & diripiendi Hungariam, præsertim ubi Georgius (ut fertur) Isabellæ persuaserat, ut filium suum Turcarum protectioni committat. Cum igitur Ferdinandus instaret, ut Isabella ex pacis conventionione, cum Joanne inita, sibi Hungariam cedat, atque, ea detrectante, Budam obsideret, Turcæ accurrentes obsidionem solverunt. Tum vero Solimannus infantem Joannem Sigismundum, sub prætextu eum videndi, in castra deferri voluit. Qua occasione Turcæ irrumpentes, urbem dolo ceperunt: adhibitis mandatis, ut mater cum filio in Transylvaniam se recipiat, Hungariamque in Turcarum manibus relinquat, donec iste adolescat.

Neque hic stitit barbarorum furor; nam anno 1542. præter plura minora loca occuparunt Strigonium, Quinque-Ecclesias, & Albam Regalem, præcipua tunc Hungariæ munimenta, præsidii ubique immaniter trucidatis. Anno 1544. Vicegradum periit. Anno vero 1545. factæ sunt induciæ. Quibus denovo ruptis anno 1551. Segedinum, sequenti vero Agria frustra tentata, Temesvariam, Lippam & Zolnocium expugnarunt. Anno 1554. Busbequius Constantinopolim missus ad componendam pacem, non eo, quo deceuit, honore fuit exceptus.

Solimannum quippe inflabant victoriæ, quas Christianorum ei pepererant diffidia. Cum enim Joannes de Zapolia in Hungariam adversus Ferdinandum eundem accivisset, eique moriens filium suum Joannem Sigismundum velut in tutelam obtulisset, abeuntem in partes Hungariam facile & suis & civilibus armis vincit. Præsertim cum accederent Isabellæ cum Turcis foedera, & Georgii Martinucii factiones, quibus Pannoniam versabat.

Martinucius.

Nam is modo Isabellæ, modo Ferdinandi partes secutus, cum adversus hunc, (cujus favore Archiepiscopatum Strigoniensem & Cardinalis dignitatem affecutus fuerat) rursus res novas moliri putaretur, jussu Castaldi, qui Cæsareanum exercitum ducebat, est interfectus; jure an injuria id factum, utrinque disceptatum. Erat tunc

tenui admodum fortuna natus. Dein Monachus, subin Episcopus Varadinensis, postea Archiepiscopus Strigoniensis, ac S. R. E. Cardinalis, religionis tutela, idemque bellidux peritissimus, cæsis sæpius Turcis inclitus, Hungariæ ac Transylvaniæ veluti gubernator, maximæ in utraque authoritatis, ut adeo Ferdinandus & Solymanus certarent, quis ejus amicitia frui queat.

Exacta subin Isabella e Transylvania, in Poloniam ad patrem Sigismundum fugit; verum anno 1556. inde cum filio revocata Ferdinando Transylvaniam denuo eripuit, eamque ad mortem usque detinuit. Obiit autem anno 1560.

Cum vero post mortem Ferdinandi Cæsaris Joannes Sigismundus ^{75.} fracta pace Zatzariam occupasset, Maximilianus II. misso Lazaro ^{Max. II.} Svendio plura Transylvaniæ atque Hungariæ munimenta recuperat. Quod cum Solymanus ferret agerrime, ultimam in Hungariam expeditionem suscepit. Verum dum Sigethum obsidet, apoplexia tactus, periit, anno 1566. ætat. 70. Imp. 46. juratus, si quis alius, Christianorum hostis, quos gravissimis cladibus afflixit, prolato in omnem partem Ottomanorum Imperio.

Bassa interea, seu Præfectus Ottomannici exercitus, morte Sultani clam habita, obsidioni Sigethi vehementer instat, eamque amissis 20000. Turcarum tandem expugnat, Nicolao Serinio strenue eandem propugnante, donec cum paucis residuis præsidiariis eruptione facta Hungari omnes concisi sunt, cruenta omnino barbaris relictæ victoria.

Pactis dein in octo annos cum Selymo II. Solymani filio induciis, hic Cyprum Venetis eripuit. In Transylvania autem, in quam variorum hæreticorum, Ariænorum præcipue, colluvies sub Joanne Sigismundo, vecorde Principe, irruerat, hoc (anno 1571) mortuo ad Principatum evehctus est Stephanus Bathorius. Qui anno 1574. electus Rex Poloniæ Transylvaniam reliquit Christophoro Bathorio fratri suo. Cui anno 1581. successit filius Sigismundus, cujus incessans plane & turbulenta vita fuit.

Initia quidem laude sua non carent; nam duxit Christiannam Archiducis Caroli Styriæ Ducis filiam, atque cum Rudolpho Imperatore ^{76.} foedus adversus Turcam iniit. Quod cum improbarent Ariani ^{Sigism. in-} alique hæretici, convocatis Claudiopolim comitiis 14. eorum capitis ^{constantia,} damnavit.

Tractis subin in fœderis societatem Valachiæ & Moldaviæ Principibus, anno 1595. Turcas aggressus, 5000. eorum cecidit, totidem Christianis captivis in libertatem assertis.

Pertæsus postea turbarum, quas seditiosi hæretici identidem movebant, anno 1596. Pragæ profectus, Transylvaniæ Principatum Rudolpho Cæsari obtulit, atque pro eo Oppelensem in Silesia Principatum anno sequenti recepit, coactis Transylvanis Rudolpho præstare homagium. At vix bimestri in Silesia exacto mobilis Princeps in Transylvaniam regressus, reclamantibus nequicquam Legatis Cæsareis ab Ordinibus est receptus.

Verum vix annus abiit, cum homo versatilis Principatum Andree Bathorio Cardinali, patrueli suo, cessit, sub ea conditione, ut 25000. aurei annuatim sibi pendantur, remissaque in Styriam conjuge, in Poloniam secessit (anno 1599.)

Displicuit ea res Cæsari & Valachiae Principi. Quare Andream bello adorti, commissa ad Cibinium pugna, victoriam reportarunt, cæso ipso etiam Andree, anno ætatis 33. cum vix trimestri spatio fasces gestasset.

Dum autem victores de Transylvania contendebant, redux e Polonia Sigismundus tertio Principatum adiit. Sed prælio fufus a Basta, Cæsarei exercitus Duce, Transylvaniam Rudolpho cedere coactus est, reservata sibi pensione 50000. aureorum (anno 1602.) abductusque in Bohemiam, cum res novas rursus moliri crederetur, Pragæ in custodiam datus, anno 1613. ibidem obiit, rerum humanarum vivum exemplum.

77.
Rud. bellum
Turc.

Interea novum sub Rudolpho II. Cæsare bellum Turcicum in Hungaria erupit, per 15. omnino annos sub tribus Sultanis gestum, ab anno videlicet 1591. ad annum usque 1606. quippe Amurathes III. finito Persico bello, ex finitimorum Croatiae & Dalmatiae offensionibus occasionem captans, bellum Cæsari indixit, ejus legato contra jus gentium ad triremes abducto.

Et quidem anno 1593. gemino memorabili prælio cæsi sunt Turcæ, altero in Bosnia, ad Albam Juliam altero. Sequenti vero anno Mathiæ archiducis ductu Vicegradum illis ereptum, Strigonio frustra tentato, & Jaurino amisso. Hardeckius & Perlinus Viennæ ob præproperam deditionem capite plexi. Fortius & constantius Comorra resistit.

Anno 1595. Duce Mansfeldio cæsis 14000. Turcarum expugnatum Strigonium. Multa quoque millia eorum confusa a Transylvanis & Valachis. Dux utriusque exercitus, Mansfeldius nempe & Sinan Bassa, eodem anno extinctus, ille profluvio, hic tædio & rei male gestæ dolore.

Igitur

Igitur Mahometes III. fortius acturus, anno 1596. 200000. adduxit exercitum, eoque Agriam expugnat. Christianus autem miles, Duce Maximiliano Archiduce, insignem victoriam jam in manu habuit, cæsis in acie 20000. Turcarum. Verum dum nostri prædæ cupidine hostium castra & tentorium Sultani diripiunt, Turcæ a fuga reversi, atque imparatos adorti ingentem stragem edunt, cæsis 10000; atque hac ratione victoribus prædam, gloriam, & victoriam extorquent.

Maculam anno 1597. eluit Schwarzenbergius, astu & virtute recepto Jaurino, fortissimo Hungariæ propugnaculo. Non tamen eadem felicitate anno 1599. cæpta Budæ ac Albæ Regalis obsidio. Vices Turcis Varadinum redhibuit, ad quod frustra obsessum confracta sunt cornua.

Infeliciores Christianis fuit annus 1600. amissa Pappa Gallorum culpa, & (quod ingens detrimentum) Canisia, noxa Paradisi, quam Viennæ capite luit. Neque anno sequente Canisia obsessa recuperari poterat, per centum ferme annos in harpyarum unguibus hæsuræ. Recepta tum quidem per Ducem Mercurium Alba Regalis, sed prodicione Germani præsidii altero mox anno (1602) in barbarorum manus relapsa. Frustra etiam rursus tentata Buda. Annum vero 1603. feliciorē reddidit victoria, cæsis 70000 Turcarum relata.

Tractum subin bellum, datis & acceptis cladibus; donec amisso Strigonio anno 1606. pax tandem est subsecuta, Rudolphum inter Cæsarem, & Achmeten I. Sultanum.

ARTICULUS VII.

Status Ecclesiasticus Hungariæ ordinatus per Concilia & alia media.

Hungaria, in immensam atque perpetuam planitiem diffusa (nisi qua Poloniam ac Transylvaniam respicit) uti soli fertilitate, pecorum copia, metallorum venis, ac martia gentis virtute præcellens, regiones alias omnes aut æquat, aut superat, ita jam inde a S. Stephano Rege, religione orthodoxa, ac præcipuo in cælitum Reginam (quam *Magnam Dominam* appellant) cultu per quingentos & ultra annos eximie floruit.

At

78.
Hæresis in
Hung.

At vero sæculo XVI. dum hæresis alias provincias misere devastavit, in hanc quoque grassata, calamitosas animarum strages edidit. Occasionem fecere tum Ottomanni irruptiones, tum interna, quæ dixi, dissidia, ac bella civilia, tum milites, ex infectis Germaniæ provinciis conscripti, atque adversus Turcæ in Hungariam ducti.

Quippe, dum cæso ad Mohacium Ludovico Rege, dissidentibus Procerum studiis Regnum pars ad Zapolyam, pars ad Ferdinandum desert, atque ille Solymannum in opem evocat, (recrudescente etiam sub Joanne Sigismundo impio facinore) immensa bellorum seges assurgens, utramque Rempublicam in supremum discrimen adduxit.

79.
Sacerdotia
direpta.

Nam & Turcæ maximam Hungariæ partem barbaro jugo pressit, & Novatoribus facile fuit torrentis instar irrumperere, ac miserandam Religioni faciem inducere. Mox etenim Lutheri exortu per Michaelem Statium, Melanchtonis discipulum, error irrepsit; qui per diuturna illa intestina bella in immensum crevit; dum extinctis Episcopis, veteranis Ecclesiarum custodibus, sacerdotia diriperentur. Quinque Ecclesiensi, Agriensi, Varadinensi, Chanadiensi, Nitriensi, ac Jaurinensi, a profanis hominibus & militaribus in prædam raptis, aut in firmamentum novarum sectarum traductis. Eandem ruinam subierunt sacra cœnobitarum domicilia; constatque tum ex iis, tum ex Episcopopatibus aliisque Ecclesiarum fundis plus quàm decies centies mille florenorum fuisse alienata.

80.
Miseræ fa-
cies.

Cum igitur pauci amplius superessent Pastores, qui luporum irruentium rabiem ab ovili Christi repellerent, iique turpi infcitia laborantes, atque sacrilego concubitu inquinati, susdeque cunctibus rebus nostris, brevi tempore hæreticam se Hungaria, tot quondam sanctorum altrix, est mirata.

Ministellorum contra greges undique volitabant, aureum libertatis nomen, novique Evangelii dulcedinem, velut escam hamo præfixam, objectantes. Erectæ errorum scholæ. Biblia corrupta ab iis in patriam linguam versa. Missi in Saxoniam pueri, ut insanire discerent, atque inde reversi eandem insaniam populares docerent. Immissi pestiferi codices. Militares quoque copiæ, perpetuis urgentibus bellis ex infectis quoque provinciis collectæ, atque Hungariæ infusæ, perversa secum dogmata, & sacrorum stragem inferebant. Quod tum maxime factum est, cum Mauritius Saxo, Lazarus Sventidius, Tieffenbachius, alique Lutherani professionis Duces, acatholicum militem, sacra omnia sacrilego furore devastantem, Hungariæ induxerunt; & expulsis passim Catholicis Pastoribus Lutheranos intruferunt.

Qiu.

Quibus sane rebus effectum, ut non plebejæ duntaxat mentes, sed nobiles quoque, duce Perennio, passim abjecta religione, nova commenta sectarentur. Præsertim, ubi ad Lutheranam, Calvinianam etiam & Ariana lues accessit, ne una tantum peste immortales animi perirent.

Et hæc erat fatiscantis Hungariæ sæculo XVI. tristis undique facies. Opposuit equidem Rex Ludovicus surgenti ruinæ suam auctoritatem, bonorum proscriptionem & ignes minitatus. Sed eo sublato, conversis ad arma animis, nemo erat, qui rogos accenderet. Rex quoque Ferdinandus omni, quæ poterat, ope ruentem sustinere est nisus Rempublicam, decretis interpositis severe cohibens movendi licentiam; sed inter perstreptentium armorum fragores haud facile exaudiebantur legum voces, vim apertam aut ad hostes transitum minitantibus sectariis.

Aliam igitur viam ingressus Princeps, restaurandæ Religionis ardens desiderio, communicato cum Nicolæ Olaho, Strigonienſi Antiquitate, consilio, accedente etiam summi Pontificis hortatu, sacras Synodos, consuetum arduis in rebus remedium, convocari curat.

Geminas Olahus vir probitate ac doctrinâ singulari, Tyrnaviam convocavit; primam anno 1560. in qua actum de clericorum corruptis moribus, unde religionis ruina, ad honestatem, catholica sanctimonia dignam, revocandis, atque deinceps non nisi integris pastoribus atque optimis pascendo gregi catholico præficiendis.

Alterum parochiorum omnium & sacerdotum Concilium, cui etiam nonnulli Episcopi intererant, celebravit, ibidem anno sequente; sancitque sunt canones adversus clericos concubinos, Paucis quidem ex sacerdotibus & curionibus erant, quibus non sua domus muliercula esset. Jussi proin a sacro Concilio, exturbatis pellicibus castius vivere, morem gessere, uno duntaxat refragante; quem, ut exstaret severitatis exemplum, quo cæteri coacerentur, Olahus Archiepiscopus de gradu dejectum, & fidelium communione motum, Diocesi jussit excedere.

Concepta pariter decreta in eos de clero, qui hæresi erant infecti, quorum multi in illa vivendi licentia vagabantur. Denique, cum quidam conscientia maculas Sacramento pœnitentia nunquam eluerent, quod existimarent, sacerdotibus sufficere illam confessionem, quam, dum sacris operantur, initio Missæ quisque pronunciat, his quoque erroribus & abusus salubriter itum est obviam.

Cum autem saluberrima hæc instituta in tanta religionis ac morum corruptela non admodum proficerent, redeunte post medicinam Societatis.

81.

Reges se opponunt.

82.

Synodus Tyrnavienſis I.

83.

Synodus Tyrnav. II.

84.

Adventus Societatis.

consumptam morbo. Aliud Ferdinandus cum Olaho inivit consilium, advocandi videlicet Patres Societatis Jesu, quorum labores, quos ex Instituti sui ratione suscipiunt, ad hæreses & scelera extirpanda, utiles in aliis provinciis noverant.

Communi igitur studio & opera collegium fundare Tyrnaviæ aggressi sunt. Verum cum post Ferdinandi mortem summa inopia premerentur focii, nullaque spes affulgeret, e variis difficultatibus emergendi, solutum est; nec eo rediere ante annum 1615. suscepta tamen, nulla stabili sede, in Hungariam altera profectio anno 1579. Georgii Draskovitii Jaurinensis Episcopi voluntate, qui postea anno 1586. collegium Selliense Societati fundavit, attributa ex Rudolphi Cæsaris voluntate Thurocienſi Præpositura; quæ labentibus annis ad collegium Tyrnaviense fundandum fuit translata.

85.
Concilium
Jaurinense.

Hic Præsul, quem præcellentia merita, uti ad alias in utraque Republica dignitates, ita ad sacræ purpuræ honorem evexere, Religionis & Ecclesiasticæ disciplinæ restituendæ ardore flagrans, eodem anno 1579. *Jaurinense concilium* indixit, quod 80. varii ordinis Præsules celebrabant. Actum in eo de sacerdotii augustio munere: de Ecclesiasticorum cœlibatu, de hæreticorum conversione, aliisque patriæ juvandæ remediis.

86.
Collegium
Hung.

Sed Hungariæ nihil hoc eodem anno 1579. accidit utilius, quam quod Romæ adolescentium Hungarorum collegium a Gregorio XIII. Stephano oratore nostro adnitente, est institutum; ut in ea litterarum & probitatis palæstra heroes formarentur, toti Hungariæ futuri emolumento multo maximo.

Monasterium quoddam prope desertum huic usui attribuire volebat Pontifex; sed cum hoc invidiæ fore obnoxium crederetur, collegio Germanico, nuper admodum fundato, adjectum est, quod deinceps collegium Germanicum & Hungaricum appellaretur, cura illius & administratione Societati nostræ commissa. Nec spes fefellit; cum ex eo plurimi prodierint Præsules, rebus deinceps pro Ecclesia gestis insignes.

87.
Miraculum.

Placuit etiam DEO veritatem Orthodoxam circa Eucharistiam evidenti miraculo signare. Nam anno 1591. mense Septembri Judæus quidam Leo nomine, ad Christianam Religionem se conversum simulans, Pragæ e templo Patrum Franciscanorum tres hostias consecratas abstulit, easque Posonium in Hungariam detulit, ibique duabus Judæo venditis, cum tertia Nickelspurgum perrexit, monitisque Judæis, qui frequentes convenerant, deliberatum, quid faciendum.

Tan-

Tandem unus illorum cultrum arripit, eumque in hostiam defigit, inquiens, si tu es DEUS, age, signo demonstra.

Vix istum intorserat, cum ecce! copiosus sanguis ebullit, & eodem fere momento domus, in qua erant congregati, fulmine tangitur, & una cum plerisque cœlesti igne absumitur. Tres tantum semiustulati evaserunt, Divino consilio & suæ malitiæ, &, quod viderant, miraculi testes. Quibus, crimen falsis, cutis detracta, & corpus stupiti suffixum fuit. Hostia vero cum mensa, cui erat imposita, in incendio illæsa ab igne permansit, cultri ictum præferens. Atque innumera populi accurrentis multitudine inspectante, collecta, & asservata fuit. Evidentia patrati miraculi nec a Sacramentariis negari poterat; & aperire debuisset mentis oculos, nisi ad tam claram lucem cæcutire ultro maluissent.

Ipsis etiam Turcis major in sacram Eucharistiam quam Sacramentariis hæreticis fuit reverentia. Sic Budensis Bassa hominem, qui in Quinque-Ecclesiensi templo S. Eucharistiam ad pedes projecerat, fustuario non leviter multari iussit. De cætero etiam apud Turcas Catholicis major erat securitas & Religionis libertas, quam apud hæreticos. Nam in urbibus a se captis templa & altaria integra relinquebant, nec sacra nostra prohibebant. Cum autem hæretici a Bassa Budensi religionem suam exercendi libertatem, & templa aliquot petiissent, interrogasse fertur, an forma ista religionis Mathiæ aut Ludovici Regum temporibus usitata fuerit in Hungaria? Negantibus, noster, inquit, Imperator & Dominus in suo Imperio nihil novi vult introduci. Vobis ego suaferim, ut ad pristinos ritus redeatis.

C A P U T III.

Status Ecclesiasticus Transylvaniæ, Poloniæ,
Sueciæ, Daniæ sæc. XVI.

S U M M A R I U M.

A R T I C U L U S I.

Status Transylvaniæ.

88. Dacia vetus.

89. Mutationes post obitum Ludovici II.

90. Hæresis irrumpit Cibinium.
91. Horrenda deformatio.
92. Arianorum potentia.

P p 2

93. Pe-

- | | |
|---|--|
| 93. Petrovitii tutoris impietas. | 102. Revocatur a Sigismundo. |
| 94. Stephanus Bathorius afflictæ Religioni succurrit. | 103. Fœdus Sigismundi cum Ferdinando opera P. Carillii. |
| 95. Societatem JESU introducit. | 104. Datus Transylvanis proprius Episcopus. |
| 96. Collegia ejusdem, & sacrae Missiones. | 105. Translatio Principatus in Andream Bathorium Cardinalem. Ejus occasus. |
| 97. Pestis atrôx operarios plerosque absumit. | 106. Moyſis Ariani furores. |
| 98. Stephani Bathorii obitus & elogium. | 107. Baſta reſtituit rem. |
| 99. Post ejus mortem hæreſis reſumit vires. | 108. Botskaii Calvinistæ Principatus. |
| 100. Conſilium de expellenda Societate. | 109. Altera Societatis proſcriptio. |
| 101. Proſcriptio Societatis, coactô Sigismundo. | 110. Ragocii, & Gabrieliſ Bathorii principatus hæreticus. |
| | 111. Conciliabula hæreticorum. |

ARTICULUS II.

Status Ecclesiasticus Sueciæ sæc. XVI.

- | | |
|--|---|
| 112. Guſtavus Erichſon eligitur Rex, & fit Lutheranus. | 117. Altera ſynodus pro afferendo Miſſæ ſacrificio. |
| 113. Eriſi fata. Ex Throno in carcerem. | 118. Joannes Rex a Poſſevino converſus. |
| 114. Joannes frater ex carcere ad thronum. | 119. Post mortem Reginæ reſapſus. |
| 115. Synodus Holmienſis. | 120. Sigismundus ejus filius deſoſitus. |
| 116. Adventus Societatis JESU. | |

ARTICULUS III.

Obſervatio de ſtatu Poloniæ Eccleſiaſtico ſæc. XVI.

- | | |
|---|---|
| 121. Hæreſum colluvies in Poloniam. | 124. Conciliabula ſectariorum ad fabricandum Syncretiſmum. |
| 122. Parallela inter Calviniſtas & Mahometanos. | 125. Ad unitatem inducendam de Papa inter ſe eligendo conſultant. |
| 123. Joanniſ Laſci conatus. | |

126. Au-

- | | |
|--|---|
| 126. Andreae Dudithii Episcopi infelix lapsus. | 128. Sectae frequentiores in Polonia. |
| 27. Et Jacobi Palaeologi Domini. | 129. Catholici tamen praevalent, & magis magisque augentur. |

ARTICULUS IV.

OBSERVATIO

De statu Ecclesiastico Daniae & Norvegiae saec. XVI.

- | | |
|--|---|
| 130. Deformatio Daniae, quibus mediis sit procurata. | lio gaudeant, ingentibus tamen diffidiis collisi cum Calvinistis. |
| 131. Lutherani, licet monopoli | 132. Norvegiae deformatio. |

CAPUT III.

ARTICULUS I.

Status Ecclesiasticus Transylvaniae, saeculo XVI.

Tetra saeculo XVI. Hungariae facies, sed Transylvaniae multo terribiliora. Juvat provinciae istius statum breviter adumbrare. 88. Dacia vetus.
Transylvania (sic appellata, quod sylvis ac montibus in modum insulae cingatur) pars olim fuit Daciae, quae praeter illam etiam Moldaviam, & Valachiam fuit complexa. Getas etiam ac Sauro-matas Romani incolae dixerunt. Victi quidem armis a Caesare Augusto, non tamen subacti; donec Trajanus *Decebal* eorum Rege bis profligato, Daciam in Romanam provinciam redegit.

Versis subin Romanorum rebus Gothi primum, dein Hunni eandem occuparunt. Postquam autem S. Stephanus Hungariae Transylvaniam adiecit, perpetuo nexu eidem adhæsit usque ad obitum Ludovici II. per Praefectos (quos Vaivodas dixerunt) a Rege gubernata.

Sublato autem Ludovico Rege, cum scissis, quod dixi, Processibus studii pars Joannem Zapolyam Transylvaniae gubernatorem, pars Ferdinandum Austriacum in Hungariae Regem elegisset, atque ille 89. Mutatio.
Otto.

Ottomanni ope implorata, diuturno ac funesto bello Pannoniam omnem involvisset, sancita tandem pace Ferdinandus Transylvaniam Joanni reliquit; quam post hujus obitum Solymannus Isabellæ viduæ Regioque pupillo permisit.

At Georgius Martinuzius Episcopus Varadinensis, ac postea Cardinalis, ex tenui fortuna ad gloriæ apicem eluctatus, vir religione potentia, ingenio, auctoritate maximus, tutor pupillo a Joanne datus, pertæsus Turcici fœderis, rebus Christianis perniciosi, & aliunde Reginæ offensus, Transylvaniam Ferdinando attribuit; Isabellæ cum filio in Poloniam ad patrem excedente. Classicum hoc erat, quod Turcicum Martem accenderet ad bellum, quod ultra sæculum non Transylvaniam modo, sed universam Pannoniam subverteret. Inita sæpius pax, quam tamen mox rursus exitialis turbo abruptit. Quid postmodum sub Stephano, Christophoro, & Sigismundo, Battonis Principibus actum, tum *cap. 3. hujus libri 2. Art. 6. tum part. 4. pag. 134. pro instituti ratione breviter recensui.*

Jam vero, cum status religionis ac disciplinæ cum politico conjunctus esse soleat, facili cogitatione licet assequi, quam tot inter vicissitudines, bella, ac Reipublicæ naufragia faciem ille induerit.

90.
Hæresis,

Et quidem jam Caroli M. tempore, pars magna Transylvaniæ Christianæ fidei lucem aspexit, a S. Stephani autem ætate, qui cum Hungaria totam Christo subjecit, aurea quinque Religionis sæcula fluxerunt: Lutheri dein ævo tempora plus quam ferrea.

Nam mox ab ejusdem defectione infamium libellorum mercatu Cibinium invecata pestis nobilissimam urbem invasit, atque inde in alias partes, ut velox contagii propagatio esse solet, grandibus incrementis transvecta, totam Transylvaniam infecit.

91.
Deformatio.

Ludovicus equidem Rex gravibus decretis mederi satagebat, sed conantem mors oppressit. Succedere bella cum Turcis cruenta, civium seditiones, sacerdotum idoneorum ac magistrorum solitudines, ac frequentes ad infantes sacrilegi transitus, juventutis erudiendæ & Christianis credendi vivendique legibus imbuendæ neglectus, procerum denique, Ecclesiarum spoliis inhiantium, ab antiquis sacris secessiones.

Contra vero ministrelli, iisque admixta hominum sceleratorum fæx per urbes & oppida impiis concionibus & tumultibus tanquam ex inferis emissæ furis sanguineis veluti flagris in Catholicos furere; sacras ædes diripere, cœlitum imagines proculcare atque comminueret,

re, tonsos vertices abradere, fronti crucis notam cauterio inurere, sacra omnia immanitate plus quam barbara polluere.

Neque hæc a Lutheranis duntaxat, patrata sunt. Nam accessit Calvinianus furor, quo nullus truculentior esse solet. Sociarunt operam Anabaptistæ, in unius Catholicæ Religionis excidium collaborantes.

Sed harum omnium longe & numero & potentia princeps fuit Arianorum secta; (quos *Antitrinitarios* vocant, quia Trinitatem Divinarum Personarum negabant) quam Georgius *Blandrata* Medicus intulerat, in Principum ac Procerum contubernia irrepens, ut, dum corporibus medetur, animas enecet. Nactus haud ignavos, sed ad malum strenuos commilitones, Faustum *Socinum*, & Franciscum *Davidem*, primo Catholicum, dein Lutheranum, tum Calvinianum, denique Arianum. 92. Ariani.

Has inter lamentabiles Religionis ruinas a Principibus, quorum erat sacra avita tueri, nihil aut parum præsidii. Joannes *Zapolia*, quamvis Catholicus, fœderi tamen Ottomannico innexus, bellorum adversus Orthodoxos majorem curam, quam sacrorum habuit. Joannes *Sigismundus* filius immatura ætate afflictæ Religioni opem ferre non potuit, adolescentior noluit; quin versatilis in omnem partem, modo Lutheranum, modo Arianum se profiteri non erubuit. 93. Petrovicius *Petrovicius* tutorum alter, fidei desertor, homoque plane impius, qui post Martinucii necem Principem gubernabat, furentibus faces subimpieciat. didit, & effrænem licentiam auctoritate roboravit. Archiepiscoporum *Strigoniensium*, quorum ad provinciam spectabat Transylvania, sacra fulmina risu ac despectu fuerunt excepta. Unus erat Georgius Martinucius Episcopus *Varadinensis* Principis alter tutor, qui, dum vixit, sectariorum furorem cohibuit, ne in apertum prorumperet; at eo sublato nemo erat, qui impietati sese opponeret. Quin *Albensibus* in Comitibus publico decreto plena sectis omnibus libertas fuit permessa.

Atque hic erat rerum status, cum Stephanus Bathorius, vir excellenti virtute, fide, prudentia, religione, ad Rempublicam gerendam accessit. 94. Bathorii. Altum ingemuit Princeps pientissimus ad lamentabilem aspectum; moxque ad opem ferendam intentus, in omnem partem circumtulit curam. Arianos, qui primis ante tuebant officiis, aula muneribusque publicis, quantum poterat, jussit abstinere, ac velut alter *Machabæus*, purgatis sacris ædibus, Divinum cultum instaurare conatus est.

Cum

95.
Adventus
Societatis.

Cum autem cerneret, defectu pastorum, & idoneorum sacerdotum potissimum tam præcipitem provinciæ defectionem contigisse, quod nemo ferme esset, qui juventutem instrueret, qui verbi Divinipabulo gregem nutriret, qui sectariorum commenta apte refelleret, Societatem Jesu, quam Viennæ noscere cœperat, sibi advocandam putavit, datis in eam rem Viennam ad Laurentium Magium Provinciæ Præsidentem litteris. Neque id negotium urgere desist, postquam Polonia ipsum ad coronam vocaverat. Sed una cum Christophoro fratre, non minori virtute Principe, in quem Transylvaniae habenas transtulerat, tamdiu institit, donec votis potiretur.

96.
Collegia.

Igitur anno 1579. duodecim focii e vicina Polonia in Transylvaniam profecti, pars Claudiopoli, pars Albæ Juliæ stationem, a Principe Christophoro assignatam, occupant, sacrisque laboribus dant initium; Lelesio, qui jam ante advenerat, ad Sigismundi Principis, quem mater Calviniana pervertere nitebatur, juventutem litterarum disciplina ac moribus Christianis informandam assumpto.

Missiones.

Jamque novis affluentibus ex Polonia, Austria, atque Italia sacris Colonis reflorescere cœperant res Transylvanæ. Claudiopoli & Albæ Juliæ (Principum sede) erectum stabat collegium, cum seminario juvenum, a Gregorio Pontifice & Rege Stephano fundato. Apertæ scholæ; adjecta Claudiopoli Academia: emissæ in omnes partes, quoad licuit, sacræ operæ, falces ad messum amplam gnæviter admotæ, sacræ Missionum expeditiones susceptæ, ad Siculos quoque, Temesvarinos, Valachos, & Moldavos excursum, Præfatis Turcicis haud ægre permittentibus. Ex ea, credo, politica ratione, quod metuerent, ne incolæ ob defectum Sacerdotum alio commigrarent, ac solitudinem locorum relinquerent. Imo ipse etiam Solymanus improbasse dicitur, in tot sectas scindi Transylvaniam; quod ea res non nisi ad turbandam quietem publicam spectaret.

97.
Pestis.

Affluentibus igitur magnis spebus, ex nova operarum cultura agrum illum ad optatam frugem revocatum iri, cujus præclaros fructus jam variis in locis spectare licuit, maligni hostis invidia cœpta feliciter gemina procella abruptit. Nam contagiosa lues, ex Hungaria in Transylvaniam grassata, tanta vehementia incubuit, ut innumeros ubique mortales sterneret; quibus cum Patres Societatis diu noctuque assisterent, & ipsi correpti, charitatis victima, occubuerunt, ea strage, ut ex 40. non nisi 10. in Transylvania manerent superstites.

Qua clade in Poloniam nuntiata Stephanus Rex vehementer indoluit, litterasque consolationis plenas ad residuos patres dedit, atque a Claudio Aquaviva, Societatis universae Praefide, novas auxiliares copias expetiit. Sed hæc dum ageret pientissimus multo Princeps, cuius unius vita Transylvaniae salus vertebatur, ingenti omnium bonorum luctu & ipse mortis faucibus subiit, magnus sane pacis bellique artibus Princeps; nec religione minor. Bello adversus Moschos feliciter gesto nullam subegit provinciam, quin catholica sacra eidem inferret. Cumque sancita pace Livoniam obtineret, indignum ratus, illam sibi antequam Christo subijci, Rigam usque profectus est, ut Romanum cultum, jam diu exulem, regio quasi comitatu reduceret. Accessere aliae optimi regis dotes; mens excelsa quovis eventu, vigorque animi periculis major: usu multo firmata prudentia: legum iustitiae constans tutela: vigilans cura in omnes Reipublicae partes exprorecta: morum nativa gravitas admirabili facilitate ita temperata, ut vivae maiestatis radios spargeret, & intuentium animos raperet.

Sublato hoc Religionis columine hæresis rursus surrigebat caput in Transylvania. Opportuna illi omnia: ætas pupillaris Sigismundi Principis, optime licet fide Orthodoxa imbuta, sub tutoribus alieno arbitrio obnoxia: Procures plerique a fide alieni, Arianis dominantibus, Gezius gubernator provinciae Calvinii affecta: plebs indomita, maximam partem a vera fide aliena.

Licet igitur peste sublati propugnatoribus fidei recentes ex Polonia aliisque provinciis fuerint surrogati, hoc tamen rerum articulo rem suam agendam rati sectarii in Societatis Patres conspirant, non quieturi, donec eandem ex tota Transylvania exterminent. Nunc tandem opportunum adesse tempus, vociferabantur, quo ab invisibilibus hospitibus se liberent, atque Jesuitas idololatriæ restauratores finibus suis exigant. Id nisi facerent, surrecturam rursus Romanam tyrannidem, sub ejusque jugum denuo mittendam provinciam; jam Claudiopoli & Albæ Juliae erecta stare numerosa impietatis seminaria; Varadini jam sedem occupatam; quaque versum inde spargi emissarios ad evertendum illatum nuper Evangelium; multos jam in eorum partes fuisse pertractos; neque destituros, donec totam Transylvaniam in veterem superstitionem pertrahant; plures pluresque in dies non tantum ex Austria & Polonia, sed ex ipsa quoque Italia, atque ultima adeo Hispania accurrere, ut provinciam depascantur, & accensa nuper fidei lumina rursus extinguant. Ne igitur majora detrimen-

98.
Stephani Ba-
thoril obitus
& elogium.

99.
Hæresis re-
viviscens.

Concilium
de pellenda
Societate.

menta patiatur res publica, excidendam malorum radicem, totumque hoc perniciosum hominum genus proscribendum.

His criminationibus velut facibus a ministris accensi Procerum, a fide alienorum, animi, proximis in Comitibus proscribendam Societatem decernunt.

Ad hæc Patres: se a Stephano rege & Christophoro fratre in Transylvaniam vocatos, iisque, quæ nonum jam annum possideant, in domiciliis absque ullius injuria aut justa offensione locatos, ut instituti sui muneribus fungantur, publico insuper Comitiorum decreto receptos. Nihil esse noxæ, ob quam possessionibus juste acquisitis dejiciantur, aut omnino ex provincia depellantur. Demonstraturos se qua voce qua calamo, non esse idololatriam, quam doceant, sed veram Christi religionem, jam a sexcentis & ultra annis in Transylvania receptam, cultamque Cur deteriori sint loco, quam Ariani, novi Judæi, Ebionitæ; quam Lutherani, Calviniani, Græci, Rasciani, Valachi, alique, quorum dogmata nuper primum sint nata, aut introducta? cur, quod illis liceat, pacatis in provincia degere, sibi non liceat, quorum fides & religio a Christo & ab Apostolis profecta, per sanctissimos Hungariæ Reges introducta, tot annorum præscriptione sit vallata? licere cujuslibet sectæ Proceribus sibi suisque liberis magistros, concionatores, & animarum pastores in Transylvaniam, quos lubet, assumere, cur solis Catholicis, cur ipsi Principi id non liceat?

Hæc aliaque, quamvis omni juri ac rationi consentanea furdus ad veritatem auribus dicebantur. Ratum erat sectariis non quiescere, donec Jesuitas ad unum omnes in exilium ejectos cernerent.

101.
Proscripta.

Sigismundus Princeps magno aliquoties animo iniqua postulata rejecit, sæpius contestatus, Societatem, quam pater patruusque tanto studio advocassent, sub cujus disciplina ipse esset educatus, aut retinendam, aut se una proscriptum iri. Verum cum tributa sectarii negassent, & Principem eum agnoscere detrectassent, ni proscriptioni annueret, a constantia defecit, & iniquo decreto subscripsit: ratus, cedendum ad tempus furori; rebus suis magis firmatis, revocari posse, quos modo retinere sibi non esset integrum.

Salutem ultimam dicentibus Patribus respondit, agnoscere se perutilem Societatis operam: huic adeo tribuere, quidquid in virtute & pietate, quidquid in litteris boni progressus fecisset, Causam ejjectionis esse incolas: obsistere se illis non amplius potuisse, ut quibus infinita potestas esset decreta condendi: de cætero se perpetuo in fide catholica perseveraturum. Abeuntesque largo viatico

ac publicis litteris est profecutus; quibus fidem faciebat, illos probe munere suo fundos, nec aliam ob causam, quam quod ferre eos Nobilitas nolisset, missione donatos fuisse.

Socii exules plerique in Poloniam concessere, aliqui in Austriam, quinque in Moldaviam, duo in Hungariam, (anno 1589.)

Graviter dein Sigismundus a Sixto V. admonitus, & hæretico-^{102.} rum factiones, ad extinguendum omne nomen Catholicum invale ^{Revocatio:} scere sentiens, Societatem paulatim revocare aggressus est, accersito mox anno sequente Claudiopolim P. Valentino Lado, impigro atque integerrimo Missionario, qui jam ante in Transylvania & adjacentibus provinciis præclaram animarum messem collegerat.

Anno vero altero (1591.) tres alios e Societate Sacerdotes postulavit, interque eos Alphonsum Carillum, spectatæ prudentiæ virum. Redditum illis Collegium, quod Albæ Juliæ habuerat Societas. Placuit nihilominus, ut abstinerent tantisper veste Societatis, & eam induerent, qua Canonici vulgo utebantur. Utque ex integro revocaret, eodem anno indixit Ordinum comitia. Spem evertit, qui minime debuit, Andreas Bathorius Cardinalis, Societati jam a puero infensus. Ut solent plures, qui magno labore ac tolerantia litteris instructi beneficiis ingratitude reponunt.

Clemens VIII. infestis religioni Procerum conatus inhære meditans, id enixe P. Carillio commendaverat, ut induceret Sigismundum ad feriendum cum Rudolpho Cæsare fœdus adversum Turcas. Persuasum facile, indignantibus sectariis Transylvanis: qui contra ipsum suum Principem fœdus cum Turcis inierunt, eumque illis tradere decreverunt. At non defuit sibi Sigismundus; comprehensos auctores impiæ conjurationis supplicio affecit, ac jure cæsos Transylvani publico decreto pronuntiarunt (anno 1594.)

Fraus perduellibus, metuque injecto cæteris, comitia Ordinum indixit (anno 1595.) in quibus fœdus cum Cæsare confirmatum: religio Catholica in libertatem vindicata: Societatis restitutio decreta. Redditum proin eidem etiam Collegium Claudiopolitanum. Societate pristinis sedibus restituta, id agebat Carillius, ut Transylvania proprium Albæ Juliæ habeat Episcopum, qui præsentia auctoritate ac vigilantia fidem Catholicam contineret. Cumque Sigismundus ipsum Carillum designaret, is dignitatem ex usu nostro fugiens, perfecit, ut Napragius eo munere ornaretur.

Et utinam Sigismundus non inconstantia fœdasset præclara initia! verum dum ille seditionum domesticarum tædio Principatum in Rudolphum Cæsarem transfert, & Oppolitana in Silesia solitudinis

^{103.}
Fœdus cum:
Ferdinando.

^{105.}
Datus Episcopus.

pertæsus, seque delusum questus, in Transylvaniam redit, a suis receptus est, sed ea lege, ut Societas Claudiopoli & Alba Julia pelle retur; quam tamen anno sequente rursus restituit (1599.)

105.
Andreas Bathorius.

Metu dein belli propter Transylvaniam a Cæsare inferendi, Principatum in patruelem suum Andream Bathorium Cardinalem, ab hæreticis minus, quam a Societate alienum transfert. Eratque periculum religionis penitus evertendæ. Sed mox a Valachis victus Andreas, in fuga ab agrestibus est obruncatus: indignus utraque purpura, quam induerat.

Resumere Gubernacula tertio conabatur Sigismundus, at victus a Basta Cæsareanorum Duce in Bohemiam abiit. Michael Valachus, licet belli adversus Transylvanos socius, crudelitatis in Catholicos & præsertim Jesuitas pœnam nece luit: vocatus etiam in suspicionem conjurationis de Transylvania sibi asserenda.

106.
Moylis furores.

At Moyfes quidam homo Arianus, e Sicilia Transylvaniæ Provincia Valachiæ finitima oriundus, collectis Arianis, fretus etiam Turcarum & Tartarorum auxiliis, bellum contra Cæsareanos redintegrat, & occupata Transylvaniæ parte, Claudiopolim portis patentibus ab Arianis admissus est. Primus mox furor in Collegii templum se effudit: sacra omnia comminuuntur. Emanuel Niger, e Societate frater adjutor, & ædis sacræ custos, dum obstare nititur, securi impacta fronti obruncatur. Tum versa in Collegium rabies. Obvii Patres fustibus excipiuntur, vulnérantur, ejiciuntur: ædesque direpta solo æquatur (anno 1603.)

107.
Basta relictus rem.

Haud impune scelus impiis fuit. Moyfes duplici prælio profligatus a Basta in acie cecidit, cum præcipua Transylvaniæ Nobilitate. Claudiopolis tertio post mense recepta. Alia ædes Societati data. Impiis venia a P. Argento exorata Catholicæ religioni libertas restituta. Corpus Christi, quod indignissime Ariani tractaverant, solenni supplicatione per urbem deportatum, lachrymantibus præ gaudio senibus Catholicis, qui ante 50. annos eandem ceremoniam a se visam prædicabant.

108.
Botscaius.

At versa rursus rerum scena. Transylvani Austriacum regimen non minus quam religionem exosi, pulso Basta *Stephanum Botskaium*, Sigismundi Bathorii propinquum, hominem Calvinianum, sibi præficiunt, quem etiam regem Turca dixit anno 1605. Hic mentitus, Papam cum Cæsare conjurasse in excidium omnis religionis, a Romana alienæ, fidem adhuc Austriacis reliquos Transylvanos, & multos etiam Hungaros ad defectionem concitavit. Cum igitur haud parum accisæ essent Cæsareanæ copiæ, & insuper gravissimo bello adversus Turcas

cas implicitæ, a Botskaio fusæ sunt. Præcipitata religio Ejecta
 rursum Societas, primum Claudiopoli, tum omni Transylvania (anno 1606.) Collegiorum ac templorum bona partim in amicos, partim
 in pauperes, quantum in sociis fuit, distributa. Cætera direpta, &
 fisco addicta. Remansere tamen aliqui clam in Procerum Catholico-
 rum arcibus, ut desertum religionis cultum utcumque sustentarent.

Altero Principatus anno mortuus Botskaius regimen Transylva-
 niæ reliquit *Sigismundo Rakocio*, nobili Hungaro, Calvinianæ pari-
 ter sectæ addicto, postulantibus Transylvanis, & Austriacis appro-
 bantibus; licet ad eos ex pacto anno 1606. inito rediret Transylvania,
 Botskaio sine liberis mortuo. Mathias tamen Archidux nihil prius a
 Rakocio postulavit, quam ut ejectam Societatem Jesu restitueret.
 Retulit ille ad Comitia; in quibus proscriptio fuit confirmata.
 (anno 1607.)

Principatum mox altero anno sponte deposuit, ac *Gabrieli*
Bathorio tradidit, homini pariter heterodoxo multoque ferociori &
 crudeliori. Nam is, ut omnem viam religioni & Societati restituen-
 dæ præcluderet, ipsos quoque proceres Catholicos perdere statuit.
 Edicere comitia properat, in quibus variis criminibus per calumniam
 onerati publica Ordinum voce tanquam perduelles damnarentur.

Non latuerunt Catholicos funesta consilia. Accedere comitia
 recusant; alii munitis arcibus se includunt; alii fugam, alii arma, ut
 injustam vim repellant, moliuntur. Procerum facile princeps Kor-
 nifus. Hunc fugientem Bathorius cum expedita manu affecutus, ac
 tumultuario certamine victum, vulneratumque, in carceres abdu-
 xit; atque solenni decreto pœnisque gravissimis propositis sanxit,
 ne quis deinceps sacerdos catholicus pedem Transylvaniae inferret,
 (anno 1610.)

Et hæc erat miseranda Transylvaniae sæculo XVI. imo etiam
 XVII. facies; non abstergenda, nisi sub finem ejusdem XVII. sæculi
 sub Leopoldo M.

Tantas inter turbas concilia sacra haberi non poterant, præfer-
 tim cum Pastoribus idoneis careret Transylvania. Hæretici autem
 dominantes compluribus conciliabulis unionem fidei inter se tenta-
 bant. At frustraneo semper conatu, qualibet secta verbo DEI ad er-
 roris sui tutelam abutente. Ubi illud lepidum: quod Lutherani &
 Calviniani, contra Arianos disputantes, identidem ad Patres & Con-
 cilia, eorumque interpretationem recurrerint, exprobante ipsis Fran-
 cisco Davide Ariano, quod Catholicorum arma, ab iis toties explo-

sa, arripere necesse habeant. Si Patrum & Conciliorum interpretatione standum, redeundum ad Romana sacra.

ARTICULUS II.

Status Ecclesiasticus Sueciæ sæculo XVI.

112.
Gustavus fit
Lutheranus.

POSTquam Christianus II. Daniæ, Norvegiæ & Sueciæ Rex cruenta illa, Holmiæ anno 1520. peracta, nobilium laniena se omnibus exosum reddidit (quod *part. 6. art. 7. §. 2.* memoratum) Sueci *Gustavum Erichsonium*, ex nobili Wäforum familia, sibi regem elegerunt (1523.)

Cum autem pecunia ipsum deficeret, Lutheranam sectam hæreticorum suasu inducere constituit, ut hoc pacto Ecclesiarum spoliis possit pinguescere: ostentata etiam proceribus spe in partem operæ prædæ veniendi. Quia vero Suecia ex integro erat Catholica timebatque, ne populus obstitet, accitis ex Saxonia ministris & nobilibus puerorum instructoribus, regnum pervertendum obtulit concessa cuivis religionis libertate.

Ubi hac ratione popularium animos inclinosos sensit, cœpi aperte reformare secundum Lutherum, hoc est, sacerdotibus offerre pellices, Ecclesias spoliare, diripere, prædari, sacra omnia profanis miscere. Non tulit impune scelus; nam mente dejectus miser periit anno 1560. relictis tribus filiis, quos fortuna aut calamitas memoria dignos reddidit.

113.
Erich factus.

Primus erat Ericus, qui patri in Regno successit, brevique thesauros, a patre inique collectos, qua in bellum Danicum, qua in vitam luxuriosam prodigamque dissipavit. Nec minus crudelitate insignis fuit; nam (præter plurimos neci datos) Joannem fratrem, Finlandiæ Ducem, ex vana insidiarum suspitione carceri inclusit, septemque annos in eo detinuit.

Qua rei indignitate Sueci vehementer commoti, cum alias Erici crudelitatem, & nuptias cum vili muliercula non ferrent, seditione mota eundem, Holmiæ occupata, armata manu captum in carcerem compingunt, in quem Joannem fratrem ante conjecerat, quemque pater Gustavus ex spoliis Ecclesiarum extruxerat.

114.
Joannes.

Vice igitur mutata Ericus in carcere contabuit, Joannes vero ad thronum erectus est, opera potissimum Ponti Gardii, hominis Galli,

Galli, qui artibus suis totam tragediam adornaverat. Promotus propterea a Joanne ad præcipuas dignitates, & copiis præfectus, quas adversus Moschos misit. Cumque Narvam eis eripuisset, Livoniæ gubernatorem renunciavit.

Joannes conjugem habuit Catharinam, Sigismundi I. Poloniæ Regis filiam, Principem apprime catholicam, quæ neque in carcere maritum deferuerat. Sed neque ipse a Catholicis sacris abhorruit; nam stata Ecclesiæ jejunia observabat. Sacram scripturam secundum unanimum sanctorum Patrum sensum interpretari voluit: nec raro pseudo-Episcopos & ministellos errorum ac fraudum convincebat. Per catholicos sacerdotes corpora sanctorum Erici Regis, & Brigittæ Upsaliæ in antiqua sede reposuit.

Synodus etiam *Holmiensem* indixit, in qua veritatem sacrificii 115. Missæ adeo dilucide demonstravit, ut dogma illud Missamque rece-Synodus. perint. Regina vero religionis Catholicæ cultum omnem etiam publice exercebat, filiumque Sigismundum in eodem sedulo educabat, rege Joanne non invito.

Cum igitur non procul abesse videretur a Regno DEI, Gregorius XIII. cui summopere cordi erat Sueciæ salus, P. Laurentium Ni- 116. Adventus colai, Societatis nostræ sacerdotem, ex Norvegia oriundum, eo ab-Societatis legavit. Quem anno 1576. benigne susceptum Rex monuit, ne pro sacerdote se gereret; hac enim ratione facilius negotium promotum iri.

Laurentius tempori & voluntati regis obsecutus, præcones Lutheranos adiit, ostenditque desiderium, doctrinam suam, quam in diversis scientiis acquisivisset variis in Academiis, patriæ suæ communicandi, accepitque ab eis, ut Rex securior esset, litteras commendatitias ad Regem, qui eum Theologiæ Professore renunciavit, jussis ministellis scholam ejusdem frequentare, & duobus renitentibus solum vertere.

Formam dein Missæ Rex edi curavit, correctam magis ea, qua Sueci post defectionem ut consueverant, cui cum hæretici se oppo- 117. Altera Syno- nerent, Episcoporum Synodus est congregata: in qua Rex facunda oratione in ministrorum fœcordiam, cultusque Divini neglectum fuit investus; squalere templa; sacros ornatus fordescere; domi ab eis adhiberi ad compotandum scyphos aureos, in ecclesia ad sacra mysteria luteos, & loco patenæ scutellam ligneam; quemvis pro libidine novas comminisci ceremonias; nihilque amplius ferme ex decore & usu veteri retineri. Jussit dein, eam formam Missæ recipi, quam ipse publicasset.

Missæ

Misit quoque duos legatos Romam ad Gregorium XIII. qui regis propensum ad Catholicam Religionem animum significarent, simul tamen proponerent difficultatem & periculum, quod subiret, si eandem palam profiteretur.

118.
Joannes con-
versus.

Timebat nempe Danum, aliosque heterodoxos Principes, per litteras ipsi arma minitantes, si religionem a patre illatam mutaret; maxime vero Carolum fratrem Sudermannia Ducem, ne Suecos ad seditionem concitaret, sibi que coronam eriperet.

Anno 1578. Holmiam venit tanquam Legatus summi Pontificis P. Antonius Possevinus, cum aliquot aliis societatis sacerdotibus; quos inter P. Stanislaus Varsevicius, Reginae a sacris confessionibus futurus. Possevinus rem eo deduxit, ut Rex edita clam professione fidei catholicae, & peccatorum confessione deposita, sacra Synaxi more Catholico resciceretur, promitteretque, se nunquam a religione modo suscepta recessurum.

Quibus peractis Possevinus Romam rediit, Pontificem edo-cturus simulque expositurus Regis preces, quibus petebat, ut Suecis Eucharistiam sub utraque specie sumere liceat, & sacerdotibus uxores concedantur, atque Missa lingua patria celebretur. His enim permissis multo faciliorem fore Sueciae conversionem Sequenti anno 1579. Possevinus, multis secum apportatis libris catholicis, in Sueciam regressus est, Regique, Upsaliae tunc commoranti Pontificis litteras tradidit, quibus eum ad constantiam & religionis defensionem hortatus est.

119.
Relapsus.

At Regem, ab haeticis continuo obsessum, metuque coronae amittendae perculsum, haud parum immutatum invenit: praesertim ubi intellexit, negari a Pontifice, quae petierat. Spem omnem denique abrupta mors Reginae. Atque hac ratione regem, meliora videntem, deteriora tamen ex rationibus humanis sequentem, mors oppressit anno 1592.

120.
Sigismundus
depositus.

Filius ejus Sigismundus, quinquennio ante mortem patris electus Rex Poloniae, successit quidem in regno Sueciae, negotium tamen religionis, quamvis piensissime a matre educatus, non est ausus urgere; cum facile cerneret, Suecos promptius regem, quam errores suos abdicaturos.

Quod haud multo post manifeste patuit. Cum enim Sigismundus in Polonia absens Sueciam per quatuor gubernatores regeret; Carolus ejus patruus Sudermannia Dux, concitato ad rebellionem haetico populo, Sueciae Rex dictus est, dejecto propter religionem

Sigis-

Sigismundo (anno 1600.) quæ atrox injuria diuturnum deinceps bellum Suecos inter & Polonos peperit.

De cætero statum Ecclesiasticum & Politicum Poloniæ exposui *Part. IV. cap. 4. art. 16.* ubi de novis Arianis, Antitrinitariis, Deistis, Atheistis, Tritheistis, ex Lutherana & Calviniana secta prognatis: item *part. 6. cap. 3. art. 5.* de Dania vero *art. 7. pag. 173.* Juvat nihilominus hic aliqua adhuc addere.

ARTICULUS III.

Observatio de Statu Ecclesiastico Poloniæ sæc. XVI.

Quam Miecislaus e Paganismo conversus Poloniæ intulit, religio catholica, ad infelix usque sæculum XVI. incorrupta permansit. Quamvis enim Hussitæ ex Bohemia tentarint aditum, nihil tamen adversus regnum, ex integro catholicum, machinationibus suis efficere poterant. Quin, ubi Hussitæ Vladislao Bohemiæ regnum per legatos obtulerant, is generoso fastidio respondisse fertur, nolle se hæreticis imperare; redirent prius ad Ecclesiam, tum coronam se accepturum.

Exorto vero Lutherano schismate, in Poloniam quoque irrepit contagium. Obstitit fortiter Sigismundus I. atque in publicis Ordinibus Comitibus decretum promulgavit, ut DEI ac Reipublicæ hostis loniam haberetur, qui avita Majorum sacra defereret. 121.

At filius Sigismundus Augustus ignavia perdidit, quod pater factum testumque conservaverat. Irruerant etenim tot sectæ, ut Heedio in epistola ad Malanchtonem 128. earum computet. Et quidem Calvinismi tam prona est via ad Arianismum, & Mahometismum, ut cum Blandrata, Gentili, Alciato, Ochino, Statorio, Amanuo, Neufero, Silvano, Gonesio, Gribaldo, Volano, Lissano, Davide, plures eandem triverint, sequente cum aliis Steinbergero, Lutheri discipulo. 122.
Nempe ubi semel a via veritatis aberratur, Calvinistæ Mahometani. Calvinistæ Mahometani.
avia quævis & in via prolabi pronum est. Nec defunt impii ex hac disciplina homines, qui in despectum Christiani nominis porcum ac vitulum, adhibitis ceremoniis, baptizarunt.

Plures certe ex Lutheranis cum Jacobo Andreae famoso illo Tübingensi cancellario scribere non dubitant, mirum non esse, quod multi in Polonia, Transylvania & Hungaria Ariani, quidam etiam Mahometani fiant, quibus Calvinus doctrina sua latam patefecerit fenestram.

fram. Et Adamus Neusserus, minister quondam Heidelbergensis, primum Lutheranus, dein Calvinianus, postea Arianus, denique Mahometanus, in epistola ad Stephanum Gerlachium anno 1574. scripsit, neminem se vidisse, suo tempore Arianum factum, qui non prius Calvinista fuerit. Adeo nimirum scite Calvinus in iis, quæ de Trinitate, Incarnatione, Eucharistia, Baptismo, Præscientia & Prædestinatione impie scripsit, infelicem hanc gradationem docet. Utque Præcones Tigurini devotionem suam erga Mahometismum toti mundo luculentius ostenderent, Alcoranum, imposturis, spurcitiis, & blasphemis plenum, dignum judicarunt, quem per Bibliandrum versione latina donarent. Demonstrare, credo, volebant, quale Evangelium populis annuntiarent.

Certe Florimundus Ramundus *lib. 4. de ortu hæres. cap. 9.* prælongam & exactam parallelam ducit inter Evangelium Mahometis, & id, quod novi isti Apostoli prædicarunt; ostenditque prolixè similitudinem quoad dogmata & doctrinam fidei, quoad propagationem violentam, armis & provinciarum incendiis peractam, quoad variationem suæ utriusque religionis, in sectas innumeras divisæ &c. Exhibet denique idem auctor conatus Protestantium, ut cum Turcis fœdere jungantur in Christianorum perniciem.

123.
Lascus.

Poloniam quod spectat, inter præcipuos deceptores, qui Calvinismum in illa profeminarunt, fuit Joannes Lascus nobilis Polonus, primo in Germaniam, tum in Angliam profugus, postea in Daniam delatus, ut Regem a Lutheranis abstraheret, mox Embdam in Frisiam excurrit, demum patriæ turbator periit. Cum autem hujus farinae homines cernerent, aperta ac manifesta in comprobationem Catholicæ veritatis fieri miracula, Polychronius quidam prædicantium de tribu impostor, ut prodigium patraret, hominem, qui mortuum se initio simulaverat, excitaturus ad vitam, ad mortem promovit. Alio, sed meliore miraculo, ministrelli calumniantis, ac subito obmutescentis, coram inspecto, Podoliæ Palatinus conversus est.

124.
Conciliabula.

Rege oscitante, Episcopi in Polonia, quorum magna est potentia atque auctoritas, aggerem torrenti opposuerunt, maxime Cardinalis Hosius, e Concilio Tridentino nuper reversus, fortissimus ille editis præclaris libris, hæreticorum malleus. Igitur sectarii, ut contra prædominantem catholicorum religionem se unirent, varia habuere Conciliabula. Memorabile est illud, quod Petricoviæ Calviniani & Ariani seu Trinitarii instituerant. Princeps quæstio erat, an Christus sit DEus. Ariani tertio quovis verbo textum aliquem ex S. Scriptura oggerebant, interpretatione, quam ipsi commenti fuerant, adje-

adjecta. Calvinistæ pariter scripturæ testimoniis personabant. Sed cum nullus esset controversiarum iudex, qui scripturæ sensum declararet authenticæ, post vanos clamores re infecta discessum est. Uti etiam anno 1567. Varadini, anno 1568. Sendomiriæ, Albæ Julix, Lublini, aliisque in conciliabulis contigit: desperato syncretismo toties tentato.

Quia igitur neque in doctrina fidei, nec disciplina morum, nec ritibus convenire poterant, in tantis autem turbis & dissensionibus suis catholicis ludibrio se esse cernebant, de uno quodam, penes quem summa esset in sacris potestas, diligendo consultabant, ut reliquos in officio contineat, & unitatem conservet, atque in delinquentes spiritualem gladium expomat. Hæc erant sectariorum in Polonia Papam optantium vota, penes quem primatus resideat. Ita enim vero quod una manu demoliebantur, altera ædificare nitebantur.

Quamvis autem apud sectarios mera erat confusio, non unum tamen ex castris nostris acceperunt transfugam, libertatis cupidine & carnis illecebra pelliciente. Hos inter fuit Andreas Dudithius Hungarus, Quinqueecclesiensis in Hungaria Episcopus, gravibus muneribus & legationibus sub Maximiliano II. perfunctus. Postremo cum in aula Sigismundi Augusti Poloniæ regis legatus versaretur, nobilis puellæ forma captus, Episcopatum, famam, pudorem, & religionem abiecit, ut ea potiri possit; postquam jam ante fœtens vapor ignem latentem prodiderat; dum in Concilio Tridentino omnia sua, qua pollebat, facundia persuadere Patribus conabatur, ut sacerdotibus conjugii libertatem concederent. Misera deinceps cum pellice & liberis in Polonia & Silesia vitam duxit: homo libertinus nullius religionis, postquam eam, quam solam veram scivit, libidinis impotens deseruit.

Non minus tristes annales augeat Jacobus Palæologus, ex antiqua Græcorum Imperatorum stirpe infelix surculus. Is Romam de latius sanctissimum Prædicatorum ordinem cum Pio V. postea Papa ingressus, adversa fidei dogmata propugnavit. Quare Inquisitioni traditus, atque ex carcere elapsus, in Germaniam profugit: inde vero cum nec Lutheranam nec Calvinianam sectam approbaret, in Poloniam illapsus Arianum induit, Christum DEum, Patri consubstantialem inficiatus. In Moraviam deinde cum appendice secundi generis profectus, Gregorio XIII. a Maximiliano II Cæsare fuit extraditus, pœnis canonicis, ut merebatur, puniendus. Cum autem Romæ Laurentius Magius, & Robertus Bellarminus, ejus examini adhibiti, peritiam invenissent, missus in carcerem, eductusque ad rogam, hæ-

resin abjuravit. Sed brevi relapsus, tandem degradatus, & sæculari brachio traditus, crematus est.

128.
Sectæ præci-
puæ.

Ex sectis porro innumeris, quæ sæculo XVI. regnum hoc apprimè antea Catholicum torrentis more inundarunt, frequentiores sunt, Ariani ac Trinitarii, Divinissimum negantes mysterium, in alios ramos rursus segregati, ut Tritheitarum, Socinianorum, Samosetanorum &c. Deinde Græci schismatis sectatores, cum Arianis per utramque Poloniam sparsi, atque cum Moscis Patriarchæ Constantinopolitano in sacris subjecti.

Post istos magnum numerum conficiunt Lutherani, in magna præsertim Polonia, Livonia, ac Prussia, Dantisci præsertim, Elbingæ, Regiomonte. Quamvis etiam Calvinistæ infæusta fecunditate succreverint, maxime Dantisci, Viinæ, & Posnanix. Anabaptistæ quoque frequentes irruerunt, potissimum in Silesiæ fines, Lublinum, in Gedani & Cracoviæ suburbia, atque viciniam. Adde Calixtinos ex Hussitica progenie, Adamitas, Fraticellos, ac Judæos, grandi numero, & opibus pollentes; atque ad Boristenis ripas Mahometanos.

Tres autem maxime causas devastati tantopere agri optimi adstruunt; cultorum habilium inopiam, Sigismundi Augusti ignaviam, & nobilium adolescentum ad exterarum scholas, zizaniis scatentes, accessum. His etenim miserandis erroris subsidiis tantopere aucti sunt sectarii, ut in Comitibus universalem quandam autonomiam concedere necesse fuerit.

129.
Catholici
brævalent.

Nihilominus tamen Catholicorum semper fuit pars multo maxima. Quod tum præsertim patuit, cum post mortem Sigismundi Augusti, ex Jagellonica stirpe ultimi, Catholicum Regem averfati, sectæ alicujus suæ hominem intrudere nitebantur. At prævaluit pars major & sanior; dum Henricum Valesium, ob contritos Hugonotos Protestantibus invisum, & post eum Stephanum, & Sigismundum, Principes eximie Catholicos, folio admoverunt, ringentibus hétérodoxis.

Effectumque dein sub finem sæculi, ut regum cura, Episcoporum sollicitudine, accitis sacris operis, erectis scholis, atque collegiis, ingens ad avitam fidem, nobilium præsertim, Dynastarum, Palatinorum, ac Castellanorum, fuerit facta accessio, numero electorum in futurum adhuc multo magis his præfidiis augendo.

ARTICULUS IV.

Observatio de Statu Ecclesiastico Daniæ & Norvegiæ sæculo XVI.

Quidem de istis quoque regnis parte VI. tractavi; placet tamen hic aliqua adhuc observare, ut imago sæculi XVI. omnium infaustissimi, sub unum aspectum cadat.

Christierno II. Sueciæ, Daniæ, & Norvegiæ rege potentissimo post Ianienam Holmensem expulso, Fridericus ejus patruus Daniæ & Norvegiæ Regnum obtinuit, Suecia avulsa, & Gustavo, quod upra dixi, commissa.

Fridericus a Smalcaldicis Sociis ad fœdus & Confessionem Augustanam invitatus, primum ad utrumque se ostendit, Episcoporum tamen auctoritatem veritus, lente agendum ratus, Lutheranos Ministellos accivit; qui ex Lutheri usu operi gnaviter insistentes, ostensa regi & proceribus opima Ecclesiarum præda, sacerdotibus conjugii illecebris, plebilicentia & festæ dulcedine, id efficere miraculi, ut saxum, ex innata gravitate ad lapsum facile, ex alto præceps ad ima rueret.

Tum enimvero multi abjecta sacra stola, & cucullis ad uxorios amplexus festinantes, carnis voluptatibus frui, quam solitariam & austeram vitam ducere malluerunt. Christianus III. vero, Friderici filius, a Bugenhagio Pomerano Lutheri apostolo, quo concionatore utebatur, coronatus, Religionem fluctuantem tanta vi in scopulum impexit, ut naufragium passa, non nisi modicas disjectæ classis reliquias posset colligere.

Eo autem promptius mergebatur in errores Dania, quod externum cultum nihil admodum immutari populus cerneret. Nam altaria, sacrae imagines, cerei accensi, ornamenta Ecclesiarum, & vasa sacra, Missæ ritus, aliæque ceremoniæ ex usu veteri conservabantur. Eoque externo rerum habitu decepta Dania, ex asse Lutheranam se mirata est, antequam id pro sua ruditate & ignorantia satis persentisceret.

Sola tempore aliquanto Lutherana secta monopolium erexerat; quum novi nundinatores merces etiam suas inferre nitebantur, Zwingliani, inquam, & Calvinistæ, interque eos ille mundi erro Joannes Lascus, Polonus, qui Maria ad Angliæ solum admota, cuticulæ

metuens, duas naves Calvinianis mercibus onustas ad Daniam ap-
pult, Regique venales exposuit. At Lutherani caute eum mon-
bant, peste summe maligna infectas esse. Ipsi etiam Papistis pe-
jū esse hoc hominum genus, horrendas in DEum blasphemias evomere
nec aliud nisi hæresum luem, adversus SS. Sacramentum, aliaque
Evangelica mysteria asferre.

Jurgia.

Lascus ac focii Reformati minime pigri has laudes in Lutheranos
nos retorquebant; hæreticos eos esse & seductores pessimos; caven-
dum ab eorum fermento, non ad Evangelicæ lucis radios, sed in atri-
averii furnis excocto, diu alterna hæc, se mutuo infectantium, &
tanquam hæreticos proscindentium, modulatio tenuit, & aures regi
verberavit; cum etiam Anabaptistæ, Trinitarii, & Schmidlinus cum
suo libro Concordiæ, in partem pulchræ harmoniæ veniunt: hære-
ticos esse reliquos, se solos veritatem canere prædicabant. Et ta-
men, quod mireris, hi omnes purum Verbum DEI in ore fe-
rebant.

Exitus is fuit, ut penes Lutheranos staret victoria; quia a Pro-
testantibus Germaniæ Principibus Rex plus sperabat. Ideo cantu
eorum magis placuit. Merces eorum approbatæ; exacti regno Cal-
vinistæ. Lutheranis monopolium relictum; usque dum sub Chr-
stiano III. Angli & Hollandi mercatores cum peregrinis mercibus Cal-
vinianam luem reducerunt: publico exercitio iis permissio. Ca-
tholici autem sacerdotes non nisi sæculari habitu disperso gregi clari
subvenire poterant.

132.
Norvegiæ
deformatio.

Eadem procella, quæ Daniam, Norvegiam quoque rapuit. Quip-
pe promulgata Ecclesiasticis personis uxores ducendi libertate, a
retinendi nihilominus interim Ecclesiarum proventus, qua data port-
ruerunt in præceptis, frustra obfistente Nidrosiensi Archiepiscopo. Po-
pulus tamen, si non exercitium religionis, memoriam tamen illius
& spem redeundi ad pristina sacra diu retinuit. Faxint benigni cœli
tes, ut Boreales illi populi, uti nivium frigoribus, ita corporis ro-
bore indurati, ad lumen veritatis aliquando rursus pertingant, du-
cente illo, qui illuminat omnem hominem, venientem in hunc mun-
dum, & neminem vult perire, sed omnes ad agnitionem veritatis
venire.

C A P U T IV.

Status Helvetiæ Ecclesiasticus & Politicus.

Helvetia gravissimas inter revolutiones, statusque sui mutationes, libertate tandem parta, fide, religione, candore, integritate, invicta fortitudine, gentium ubique inclaruit, domi arcto potentique fœdere sibi cohærens, foris bellicosa ac hostibus formidanda. Floruitque ad omnem amœnitatem hoc inclitæ Nationis inconcussum sedecus, quamdiu Religio Orthodoxa pietatem aluit, & animos pulchro nexu conjunctos tenuit. At vero postquam illa tetro schismate scissa est, diversam multo rerum faciem induta, euntibus in contraria studiis, in magnas calamitates fuit præcipitata; prout uberius aliquantum demonstratum imus.

S U M M A R I U M.

A R T I C U L U S I.

Status Helvetiæ Politicus usque ad sæc. XVI.

- | | |
|---|---|
| <p>133. Helvetia sub Romanis, Burgundis, Francis, Imperio, Austriacis.</p> <p>134. Præfectorum severitas dat initium fœderi trium Sylvestrium civitatum.</p> <p>135. Wilhelmi Tellii historia. Occidit Præfectum.</p> <p>136. Arces munitæ astu capiuntur. Alter gubernator proscribitur.</p> <p>137. Pugna ad Morgartam. Perpetuum fœdus, a Ludovico Bavaro Imperatore approbatum,</p> | <p>remanente nexu cum Imperio.</p> <p>138. Lucerna, quæ prius ad Abbatem Murbacensem spectaverat, deinde ab Alberto Cæsare emptâ fuerat, accedit ad fœdus: uti etiam Tigurum, libera Imperii civitas; Tugium, urbs Austriaca: Glarona, ad Seckingenfem monasterium primo pertinens, deinde ad Austriacos: & Berna, quæ prius Zâringenium fuit, postea libera Imperii civitas.</p> |
|---|---|

AR.

ARTICULUS II.

Continuatio.

139. Pugna ad Sempachium, Leopoldi cædes; hujus filii Friderici proscriptio: hujus filii Sigismundi, & Friderici III. Cæsaris, uti etiam Maximiliani I. irriti conatus. Pugna ad Basileam cum Gallis.

140. Bellum Burgundicum cum

Carolo Audace.

141. Friburgum, Solodorum, Basilea, Scaphusia, & Abbatiscella ad fœdus.

142. Helvetiæ Regimen.

143. Subditi Helvetiæ.

144. Socii confœderati.

145. Bella Italica.

ARTICULUS III.

Status Ecclesiasticus usque ad sæculum XVI.

146. Conversio Helvetiæ: ejusque Apostolice primi Episcopi. Octodurensis Sedunum, Vindonissensis Constantiam, Aventici Lausannam translatio.

147. Ordo S. Benedicti Religionem propagat.

148. Præsertim Patres Sangallenses, viri sanctissimi & doctissimi. Uti etiam Einsidlenfes, Murenfes, &c.

149. Cisterciensis Ordinis adventus in Helvetiam.

150. Et Canonicorum Regularium S. Aug.

151. Uti etiam Præmonstratensium

152. Lites circa Jus Advocatiæ. Episcopi Gebennensis cum urbe. Dux Zäringenensis a Vallesis victus.

153. Franciscanorum adventus.

154. Et Dominicanorum. Sabaudus victus a Vallesis. Primum fœdus cum Bernatibus. Arbona ad Constantiensem, Bruntutum ad Basileensem.

ARTICULUS IV.

Continuatio.

155. Vallesiani tumultus, Vallis Tellina ad Curientem. Abba-

tiscellana turbæ. Cusana. Collegiata ad S. Leodegarium.

156. Tog-

- | | |
|---|--|
| <p>156. Toggenburgum ad Monast. Sangallense.</p> <p>157. Bellum Sabaudicum. Vallesii victores Inferiorem Vallesiam subigunt. Vaudum ad Bernates.</p> <p>158. Jodocus Sillenon Episcopus Sedunensis expulsus.</p> <p>159. Cardinalis Dominicanus Helvetiam turbat.</p> | <p>160. Udalrici Abbatis Sangallensis laudes.</p> <p>161. Nicolai de Rupe sanctitas.</p> <p>162. Impositura Bernensis: male a Protestantibus nobis objecta.</p> <p>163. Cardinalis Schinerus cum Georgio Superfaxy & Vallesii collisus. Papæ & Cæsari ex integro addictus.</p> |
|---|--|

ARTICULUS V.

Status Ecclesiasticus Helvetiæ sæculo XVI.

- | | |
|--|--|
| <p>164. Zwinglius causa turbarum & bellorum civilium. Verbo Dei prætenso abusus.</p> <p>165. Conciliabulum Tigurinum.</p> <p>166. Monitum 12. Cantonum ad Tigurinos.</p> <p>167. Synodus Badensis ejusque canones. Proscriptus Zwinglianismus ab Episcopis & 12. Cantonibus. Zwinglius Disputationem declinat.</p> | <p>168. Varia Zwinglianorum conciliabula. Disputatio Bernensis umbratilis.</p> <p>169. Defectio Bernæ, Basileæ, Scaphusiæ, urbis Sangallensis &c.</p> <p>170. Bellum civile a Zwinglianis conflatum. Pugna Cappellenfis. Interitus Zwinglii. Catholicorum victoriæ. Pax. Conciliabula Ministrorum.</p> |
|--|--|

ARTICULUS VI.

Continuatio.

- | | |
|---|---|
| <p>171. Fœdus Vallesiæ cum 7. Catholicis Cantonibus pro defensione Religionis. Bellum Sabaudicum. Episcopus Geneva pulsus. Augia & Oeninga ad Constantiensem.</p> <p>172. Vallesia a Zwinglianis inficitur.</p> <p><i>Pars VII.</i></p> | <p>173. Pax cum Sabaudis. Vaudum Bernatibus concessum. Caballia restituta.</p> <p>174. Mors præcipuorum novi Evangelii Apostolorum.</p> <p>175. Collegium Mediolanense Helveticum a S. Carolo. Nuntiatura stabilis.</p> <p>176. Ad-</p> |
|---|---|

176. Adventus Societatis Jesu in Helvetiam, & Patrum Capucinatorum.

177. Catholicorum fœdera. Protestatio Zwinglianorum. Responsum Catholicorum.

178. Conciliabulum Montis Bellardi, & Bernæ. Turbæ ex iis ortæ. Dissidia Novatorum.

179. Abbatis cellensium regimen ob religionem divisum.

CAPUT IV.

De statu Helvetiæ Ecclesiastico & Politico.

ARTICULUS I.

Status Helvetiæ Politicus usque ad sæculum XVI. & mutationem Religionis.

133.
Sub Romanis.

Helvetii, ab antiquissimis temporibus liber populus, cum combustis ultro laribus suis in Galliam irrupissent, a Julio Cæsare (postquam Galli Romanos in auxilium vocassent) imminuto licet multum numero, in sedes suas repulsi sunt, & magnam partem unam cum Gallia in Romanorum potestatem redacti, præsertim ubi anno Christi 69. ab A. Cæcina ingenti prælio fusi sunt. Urbs eorum princeps Aventicum.

Burgundis.

Romanorum Imperio sæculo V. undique ab irruentibus Borealis populis distracto, Burgundiones, ex Pomerania prorumpentes, eum terrarum tractum, qui Rhenum inter & Rhodanum comprehenditur, invasere; fundato ibidem Regno Burgundico, cujus sedes Regia Viennæ ad Rhodanum. Verum illud sub quatuor duntaxat Regibus non ultra sæculum stetit. Sub tertio illius Rege S. Sigismundo magnam partem conversum.

Francis.

Sæculo VI. in Gallicam Provinciam redactum, Merovingicis & Carolingicis Regibus subiectum fuit. Quo tempore propiores Italiae Helveti, Uranienfes, Suicenses, & Subsylvani, ad depellendos ab Italia Saracenos progressi, pluribus a Ludovico Pio privilegiis sunt donati.

Post mortem Ludovici pars Regni Lotharici facta est Helvetia. Lotharii vero liberis absque prole mascula defunctis, in divisione Regnorum inter fratres Carolum Calvum & Ludovicum Germanicum

cum facta, potissimam partem Regno Germaniæ accessit. Carolo dein Crasso exauctorato, surrexit novum Regnum Burgundicum (*Transjuranum* appellatum) sub Rudolpho I. Sueviæ comite, cum Arelatensi postea conjunctum. Ad hoc Regnum potissima Helvetia pertinebat: regiones videlicet intra Rhodanum & Rhenum, uti Argoja, Nutionia, Vallesia, Sabaudia, Rauracia &c.

Cum subin, ut *part. 5. art. 1. §. 2.* prolixius narratum, Con-Imperio. radus II. Imperator Regnum Arelatense Romano Imperio vindicasset, Helvetia pariter ad illud rediit; ac 300. ferme annis sub eodem stetit. Quia autem Helveti jam a Ludovico Pio varias libertates acceperant, multo mitius a Præfectis Cæsareis cum iis agi oportuit, quam cum aliis provinciis.

Et quidem Tigurum, Basilea, & Geneva liberæ Imperii civitates fuerant declaratæ. Tribus provinciis, Urania, Suitio, & Sub, sylvaniæ (quæ sylvestres civitates dicuntur) sua initio rata fuerant privilegia, Præfectus tamen a Cæsaribus ipsis erat impositus, qui jus diceret. Præterea non pauci erant in Helvetia comites alique Nobiles, clientelari obsequio addicti Imperio.

Contigit autem non raro, ut Imperatoribus cum Romanis Pontificibus collis (præsertim tempore Friderici II. anathemate illigati) alius aliam partem sequeretur, & plebs adversus Nobiles, Episcopos, & Abbates insurgeret, hique illam rursus subjicerent. Ex quo sæpius turbæ gravissimæ ac bella domestica orta sunt; præsertim magni illius Interregni tempore, quo quisque in armis jus suum ferre videbatur.

Et licet Rudolphus Habsburgicus, cujus in Helvetia, in qua multas Austriacis. ditiones possidebat, magna erat auctoritas, postquam ad culmen Imperii evectus est, dissidia composuisse sit visus, stabilitatem tamen non tulit concordia; Præfectis præsertim potestate sua abusus. Quæ res tandem in magnam mutationem erupit, & Reipublicæ erigendæ occasionem dedit.

Cum enim post mortem Rudolphi I. inter Adolphum Nassovium & Albertum Rudolphi filium ferretur bellum, Helvetiæ civitates, ac præsertim Urania, Suitium, & Subsylvania Adolphi partes sequebantur, hoc subin casu, Albertus rerum potitus, injuriam, ut interpretabatur, sibi illatam vindicare, & Helvetiam domui suæ, tanquam novum Ducatum, asserere constituit.

Postquam igitur ditionibus amplis, quas jam ante Domus Austriaca in Helvetia possederat, plures novas, a Willisaviensibus, Rothenburgicis, Regensbergiis, Eschenbacensibus, emptione compara-

tas, adjecisset, Legatos ad Sylvestres tres civitates misit, qui ab eis peterent, ut aliorum exemplo Domui Austriacæ se subicerent; sic magis securas & potenti defensione munitas fore, atque privilegiis suis quiete ac constanter fruituras.

Verum civitates reponebant, se immediato nexu Imperio esse junctas, quem rumpere non possint. De cætero Imperatori se omne debitum obsequium exhibituras, omniaque facturas, quæ ex usu suarum provinciarum, atque ex more Majorum essent.

Albertus abrupto hoc responso accepto, non leviter eis succensuit; dissimulata tamen ira duos ad eos Cæsareos Præfectos more veteri destinavit, Gäslerum nobilem Equitem, qui Uraniensibus & Suicensibus præset, & Landenbergium, qui Subsylvanis jus diceret. Ille in arce Küssenacensi, hic in Sarnensi sedem fixit.

134.
Præfectorum
severitas.

Hi duo præfecti lenibus initio verbis gentem permovere conabantur, ut hæreditariis Domus Austriacæ ditionibus accederet. Cum autem nihil proficerent, crudeli eam servitute cœperunt premere; non paucis levem ob causam Lucernam aut Tugium, Habsburgicæ ditionis urbes, ad carceres abductis, bonisque eorum fisco illatis.

Fœderis ini-
tia.

His aliisque oppressiōibus irritati de excutiendo jugo cogitabant. Tres præcipue viri initium dederunt, Arnoldus Melchtalius Subsylvanus, Wernerus Stauffacherus Suicensis, & Waltherus Fürstius Uraniensis: singuli peculiaribus injuriis notati. Melchtalio a Landenbergio per servum boves abduci jussi, addito inhumano apophthegmate, rusticos ipsos aratrum posse trahere. Melchtalius servo verberibus excepto, in Uraniam aufugit. Patri verò ejus, bonis omnibus spoliato, eruti oculi. Stauffacherus, cum ei Gäslerus inter minas novam domum, absque Præfecti licentia ædificatam, exprobrasset, periculo caput subtrahiturus, se pariter in Uraniam fuga recepit: ubi tres memorati viri societate inita, postea anno 1307. prope Brunnam iſto fœdere, ad patriam servili jugo liberandam conjurarunt. Atque ex parvis his initiis surrexit deinde potentissima federatorum Respublica.

135.
Tellias.

Accessere plura alia, quæ animos tolerantia fessos ad vim vi repellendam concitarunt. Nam cum officialis quidam Landenbergii Conradi Baumgartneri uxorem ad turpia cogeret, a marito in balneo securi percussus periit.

Maxime vero memorabile est, quod cum Vilhelmo Tellio contigit, ac negotium fœderis haud parum promovit. Gäslerus, ut de gentis in se animo experimentum caperet, Altorffii, præcipuo Uraniæ oppido, pileum suum perticæ impositum erexit sublimem, jus

jussitque non minorem illi honorem & reverentiam deferri, ac ipsi præsentì exhiberent.

Cum igitur Tellius illic prætergrediens, vel ex incuria vel de industria, reverentiam pileo non exhibuisset, in carcerem abductus, & in id condemnatus est, ut pomum, filii sui capiti impositum, sagitta arcu emissà excuteret. Præstitum id innoxio filio, cum vero Præfectus quæreretur, cui usui alteram sagittam, in pharetra hærentem, reservasset, intrepide reposuit, si prima sagitta aberrasset, alteram in illius caput fuisse paratam, qui ad tam inhumanum facinus se adegisset.

Qualibet voce offensus Gäslerus Tellium vinciri, navique alligatum in Küssenacensem carcerem abduci jussit. Verum cum vehemens tempestas navem periculo naufragii exponeret, voluit Præfectus, qui una vehebatur, ut Tellius, nauticam artem apprime callens, vinculis solutus, atque gubernaculo admotus navem regeret.

Ufus ille opportuna hac occasione, cum navem secundum scopulum dirigeret, subito in eundem profiliens, impetu valido navi pede impresso, evasit.

Postquam dein navis Brünnam appulsa est, Gäslerus Præfectus equo conscenso reliquum iter ad Küssenacensum arcem terra conficere voluit; at Tellius re explorata, viarumque gnarus, haud procul ab ea arce, saltus frondibus tectus, venientem sagitta trajectum equo dejecit exanimem. Moxque in Uraniam ad fœderatos correpto itinere, narratoque rei eventu, ad absolvendum opus cœptum est adhortatus.

Ad hoc autem comprimis opus esse intelligebant, ut munitis arcibus potirentur. Astuque rem tentandam rati, calendis Januarii, cum pro more Landenbergio munera afferrent, expromptis armis Sarnensem arcem occuparunt, Landenbergio in vincula abducto. Rostenbergense vero castellum ceperunt, juvene quodam per Amasiam noctu resti attracto: qui dein socios pari modo in arcem traxit.

Hujusmodi artibus etiam Küssenacensem, aliasque arces suæ potestatis factas solo æquarunt. Landenbergium vero, ejusque, uti etiam Gäsleri familiam ac domesticos ad fines provinciæ deductos proscribere, jurare compulso se nunquam redituros.

Hac igitur ratione tres Sylvestres communitates in libertatem assertæ, anno 1308. commune fœdus in decem annos ineunt, vita & sanguine defendendi libertatem, Articulis fœderis a tribus primis conjuratis in medium allatis.

Albertus Cæsar hoc civitatum Sylvestrium ausu vehementer commotus, Lucernatibus & Tugiensibus suis omni cum eis commercio interdixit. Dumque bellum in eas pararet, a Joanne nepote suo perfide fuit interemptus.

Henricus VII. vero a Septemviris electus Imperator, fœdus earum ratum habuit; misso tamen novo Præfecto Cæsareo, qui simul Tigurinis, Turgois, aliisque Imperii populis jura ac jussa dispenseret. Ex quo facile apparet, communitates illas tunc necdum solvisse nexum, quo cohærebant Imperio, sed libertates suas duntaxat ac privilegia vindicasse.

137.
Pugna ad
Morgartam.

Dimicantibus postea Ludovico Bavaro & Friderico Austrio de Imperio fœderati Ludovici partes secuti sunt. Quare Leopoldus Gloriosus, Friderici Frater, Alberti Cæsaris filius, comparato 20000. exercitu, Helveticæ insuper Nobilitatis auxilio succinctus, bello ipsos aggressus est. Sed ad *Morgartam* prælio victus, & cladem ingentem passus, retrocessit; quamvis fœderatorum non plures, quam 1500. fuisse scribantur.

Hoc bellicæ virtutis edito specimine animatæ tres illæ communitates anno 1320. Brunnæ fœdus, quod ad decennium constrinxerant, perpetuum statuerunt.

Sed neque hoc fœdus eo collimasse, ut ab imperio se penitus eximerent, id argumento est, quod Ludovicus æmulo profligato novum ad eos Præfectum Imperialem miserit, & non tantum eorum fœdus, sed etiam privilegia confirmarit, aliisque novis, in recognitionem præstiti sibi obsequii, adauxerit. Posteriores vero Imperatores una cum suprema Jurisdictione concessa, potestatem ipsi dederunt, Præfectos ac Judices sibi deligendi. Quo factum, ut paulatim ab Imperio se subtraherent.

138.
Lucerna ad
fœdus,

Anno 1332. Lucernates, (Abbati Murbacensi olim subjecti, se commutatione facta in Alberti I. Cæsaris jura transgressi) bello inter Ludovicum & Fridericum flagrante multa passi, & a Præfecto acerbius habiti, ab Austriacis deficientes, fœderi accesserunt, primo loco ipsis concessio. A quo tempore *fœderati quatuor Sylvestrii civitatum* dicti sunt. Nobilitas equidem Lucernensis cum pluribus civibus hoc fœdus improbantes Austriacis portas urbis noctu aperire constituerant, sed ab adolescente prodiit pœnas dederunt. Nec plura armata manus proficiebat.

Et Tigurum.

Induciis dein factis, anno 1351. Tigurini (urbem pervetustam, Friderico II. liberam imperii civitatem declaratam, incolentes) finitima Nobilitatis, Austriacis addictæ, vexati incursionibus: atque cum senatu

senatu suo collisi, eundem dejectum urbe expellunt, ac Sylvestrium quatuor civitatum fœderi se se associant, permissis ipsis primo dignitatis loco, & Cantonum, ut vocant, *Directorio*. Cumque Albertus Friderici Pulchri frater, pluribus Imperii Principibus stipatus eos aggredere, victus recessit: neque trina obsidione postea Tigurum expugnare potuit.

Posteriore vero anno Tugienſes & Glaronenſes, a Fœderatis ex-Tugium. pugnati, in fœdus recepti sunt, concessis illis sexto, his septimo Glarona. loco. Receptum quidem ab Austriacis fuit Tugium, sed a sociis rursus expugnatum, in fœdere permansit.

Præsertim vero fœdus illud firmatum fuit, dum Berna, anno Berna. 1191. a Ducibus Zäringenſibus ædificata, libera dein Imperialis civitas a Friderico II. Cæsare declarata, cum varii proci eidem insidiarentur, fœderi anno 1355 accessit. Nacta propter amplitudinem & potentiam secundum inter Cantones locum; multis postmodum oppidis, urbibus, ac provinciis, ad Genevam usque protensis, summo opere aucta. Et hi sunt octo illi Cantones, quos *Veteres* appellant. Quibus postea quinque novi sunt adjuncti.

ARTICULUS II.

Continuatio Historiæ Politicæ.

AGerrime tulerunt Austriaci tanta incrementa fœderis; quare 1396. *Leopoldus Probus*, Alberti I. Imperatoris nepos, anno 1386. Pugna ad collecto exercitu, multisque ex Suevica & Helvetica Nobilitate co-Sempachum. mitantibus fœderatos bello aggreditur. Ad Sempachium, haud procul Lucerna, ventum ad arma, commissumque atrox prælium. In quo ipse Leopoldus cum Nobilitatis flore cæsus occubuit. Certe ex solis Nobilibus Equitibus ad 500. ceciderunt; fœderatorum, ut fertur, ducentis duntaxat desideratis.

Inducias proin concedere oportuit, sæpius postmodum renovatas; præsertim ubi sub initium sæculi XV. Leopoldus Crassius (ad Sempachium cæsi filius) ad Glaronam magna clade fuit affectus.

Infelicior adhuc fuit Austriacis annus 1415. quo Fridericus IV. Archidux, quod Joannem XXIII. ex Concilio Constantiensi abduxisset, a Sigismundo Cæsare proscriptus fuit. Tum enim vero fœderati, dato veluti signo, in Austriacorum ditiones, quarum adhuc multas

multas ac magnas in Helvetia possidebant, involarunt. Bernates circumcursantes, & insignia sua affigentes, tunc maxime aucti sunt. Lucernatibus ad Surseam seu Sariam diutius hærentibus. Alias inter urbes & oppida Badena, Mellinga, & Bremgarta quoque communem in prædam venit.

Sigismundus Friderici filius conabatur equidem ablata reducere; sed adhuc plura amisit, ipsa etiam Gentilitia arce Habsburgo in Bernatium manus dilabente. Præsertim vero cum Helvetis collisus est, postquam eum Pius II. Pontifex, ob Cardinalem Cusanum, Episcopum Brixinensem, militari manu captum & in carcerem detrusum, communiione fidelium movit.

Nec plus evincebat Fridericus III. Imperator, qui rogatus, ut privilegia sua confirmaret Helvetis, id se facturum negabat, nisi omnia Austriacæ Domui ablata restituerent. Quod cum detractarent, ad arma rursus ventum. Tigurini, indignantibus reliquis Cantionibus fœderatis, privatam societatem cum Cæsare tunc inibant, & adversus fratres suos pugnabant.

Cæsar vero auxiliares copias primo ab Imperii Principibus frustra petebat, dein autem a Carolo VII. Gallorum rege, qui pacem cum Anglis sanciverat, quinque millia. Misi is 40000. quibus filium suum Ludovicum Delphinum præfecit. Exercitu hoc ad Basileam admoto, disturbatum est conciliabulum, quod plures annos ibidem jam hæserat. Tum vero cum 1600. Helvetorum tam acriter confligit, ut 6000 Gallorum in acie caderent, Helveti vero multitudine obruti omnes cæderentur, 16. duntaxat exceptis, qui elapsi a popularibus suis prope occisi sunt, quod fugissent. Ludovicus expertus eorum fortitudinem retrocessit, nolens ita secundo vincere.

Denique etiam Maximilianus I. voluit tentare aleam, erecti nuper Suevici fœderis usus viribus. Verum ad Mayenfeldam in Grisonibus cæsus, aliisque præliis & velitationibus plerumque inferior, anno 1500 Helvetis pacem dedit, non amplius rumpendam.

Germani Gallique Helvetiorum vires experti, Burgundicæ Domui, tunc admodum potenti, eos debellandos obtulerunt. Carolus Audax, immensæ ambitionis Princeps, ac vicinis omnibus formidandus, ad hoc opportunus videbatur.

Nec occasio deerat. Nam Sigismundus Archidux, Tyrolis & Anterioris Austriæ Princeps (quem cum Cusano & Pontifice collisum diximus) bellis adversus Helvetos aliosque gestis exhaustus, Burgundo Suntgojam & Brisgojam pro mutuo 8000. florenorum oppignoraverat. Cum autem postea oblata solutione illas vellet redimere, Carolus pecuniam acceptare noluit. Ea igitur Basileæ de-

posita Sigismundus, remissis juribus iis, quæ prætendebat, cum Helvetiis fœdus iniit. Quam fabam adversum se causam arbitratus Burgundus Helvetiis exitium jurabat, ne quidem admissis eorum, quos miserant, legatis.

Qua superbia offensi, dum ille 1474. Ubios infestaret, auxiliares Cæsari copias miserunt, ac ferocientem repulerunt. Cum autem haud multo post Fridericus Cæsar privatam cum Burgundo pacem iniisset, soliique Helveti hostes ei essent relictî, hos ille uno velut halitu deglutiendos putabat, adductis curribus, onustis restibus, quibus eos suspendere cogitabat. At vero Germani Gallicque, qui Helvetiorum virtutem melius noscere didicerant, & utriusque partis crescentem in dies potentiam exosam habebant, expectatione suspensi hærebant, quo victoria inclinaret, mutuam utrisque cladem tacitis votis ominantes.

Primum prælium anno 1476. commissum est ad *Gransonium* in Verbigenis, quod deditione ceperat Carolus; sed præsidiarios inco-lumitatem pactos partim suspendit, partim aquis suffocavit. Victus ea pugna Burgundus ab irritatis, opes amisit; quas ad ostentationem immensas in castra advexerat. Ad tres miliones florenorum ab Helvetis victoribus collecti dicuntur.

Alterum prælium eodem anno confertum fuit ad *Murtam*, quo Carolus, ira vehementer exæstuans, 100000. milites adduxerat. Verum ab Helvetis, qui numero multo minore ad obsidionem solvendam accurrerant, ita exceptus est, ut 20000. Burgundorum in acie occumberent, 10000. aquis suffocarentur.

Carolus Genevam fuga elapsus, atque tadio ac pudore suffusus, vitato hominum consortio tantisper delituit. Tum vero in novos surgens ausus, reparato exercitu tertium prælium suscipiendum sibi puravit. Ac primo quidem Nancejum obsedit anno 1477. cum reliquam Lotharingiam jam ante Renato Lotharingo abtulisset. At Helveti, Renato fœdere juncti, allatis validis auxiliis, tertiam ac supremam ei cladem inferunt, caesis 7000. Burgundionum, ipsoque Duce Carolo occisorum numerum augente; Helvetiorum vero non pluribus, ut fertur, quam 30. desideratis: ut proin diceretur, Carolum Audacem primo ad Gransonium prælio amisisse supellectilem, altero ad Murtam gloriam, tertio ad Nancejum vitam.

Hoc tanto bello fortiter adeo gesto, tantoque hoste profligato, Helvetiorum virtus ac gloria terrarum ubique inclaruit. Eosque amicos, & socios habere omnes exoptabant. Ac primo quidem Friburgum

gum Nuitonum, a Bertholdo Duce Zäringenſi anno 1091. exſtruſta civitas, (poſtea ad comites Pſyrtenſes, & ab his ad Habſpurgi-
cos devoluta) cum a Nobilitate premeretur, anno 1481. ad
ſolodorum. ſœdus acceſſit, decimo inter Cantones loco illi aſſignato. Eodem
que adhuc anno Solodorum Imperialis atque antiquiſſima totius Hel-
vetiæ urbs, in Argoſa ſita, ſecuta eſt, undecimum ordine locum naſta.

Basilea, Finito dein bello Germanico Helvetico adverſus Maximilianum I.
geſto, Baſilea, libera ante Imperii civitas, ex ruderibus Auguſtæ
Rauracorum enata, & a Pio II. Pontifice publica Academia ornata,
ſœderatis Cantonibus, quibus jam ante auxilia præbuerat, anno 1501.
ſe adjunxit, honoris gratia nono ipſi loco conceſſo. Sequenti eo-
dem anno exemplum Scaphuſia; quam urbem anno 1330. Ludovicus
ſchafuſia. Bavarus Imperator Domui Auſtriacæ oppignoraverat. Sed paulatim
ab ea deſiciens, ſœdus auxit, duodecimum locum fortita. Tandem
etiam Abbatiſcella, Abbati S. Galli olim ſubjecta, eidem eſt aſſociata
Abbatiſcella. anno 1513. ultimo loco contenta. Ubi obſervare licet a primo trium
Urbium Sylveſtrium ſœdere 205. annos fluxiſſe, donec Helvetia in
13. Cantonum (quos pagos aliqui vocant) ſyſtema coaleſceret.

142.
Regimen. Qualibet autem ex his communitatibus, poſtquam per pa-
cem Weſtphalicam ab Imperio fuerunt exemptæ, ſupremam atque
independentem in territorio ſuo exercet juridiſtionem. Varium ta-
men apud eas eſt regimen, alicubi Ariſtocraticum, ut Lucernæ,
alibi Democraticum, ut apud tres Sylveſtres Civitates, uti etiam
apud Tugienſes, Glaronenſes, & Abbatiſcellenſes; rurfus alibi Mix-
tum, ut apud Tigurinos &c. Ariſtocratia tamen prævalente.

Quamvis autem quilibet ex 13 iſtis Cantonibus pleno jure terri-
toriali potiatur, quando tamen de bello, pace, ſœderibus, aliis-
que totam Helveticam Rempublicam concernentibus negotiis tra-
ſtandum, id in communibus Cantonum omnium comitiis (quæ Ba-
denæ, Aroviæ, aut Fravenfeldæ congregantur) eſt perficiendum;
ut adeo in una tredecim ſint Reſpublicæ.

143.
Subditi. Habent præterea 13. iſti Cantones ſuos ſubditos, vel ex integro,
vel ſaltem ex parte; quibus per Præfectos jus dicunt. Tales ſunt
verſus Orientem & Germaniam, Comitatus Badeniſis Comitibus olim
Pſyrtenſibus dein Habſpurgicis parens, cum Badena civitate, & li-
beris provinciis, (Comitibus olim Roreniſibus ſubjectis) in quibus
Bremgarta, Mellinga, Vilmerga, ſeptem veteribus Cantonibus uſque
ad annum 1712. ſubjectæ. Deinde Turgovia, Vallis Rheni, Tra-
ſtus Sargantinus, quibus octo veteres Cantones per vices Præfectos
mittunt. Verſus Occidentem & Galliam quatuor ſunt Præfecturæ,
Mu-

Muratum, Granfonium, Urba, Schwarzenburgum, Bernatibus & Friburgensibus olim alternatim subiectæ. Versus Meridiem & Italiam itidem quatuor Præfecturæ, nempe Luganensis, Locarnensis, Mendrisiana, Madiana, a Maximiliano Sfortia an 1512. 12. Cantonibus traditæ; quod eum in Ducatum Mediolanensem restituerint.

Porro Castra Rhætica, Uzenachum, Gamsum, Suicensibus & Glaronensibus parent. Bellinzona, Vallis Brupia, Riviera, tribus urbibus Sylvestribus: Werdenberga Glaronensibus: Arovia, Pons Areolæ, Zopfinga, Bernenses habent protectores: Steinium, Vitodurum, Tigurinos: Diessenhofium Tigurinos & Scaphusianos: Rappersvilla, seu Ruperti Villa, olim Uranienses, Suicenses, Subsylvanos, & Glaronenses Protectores agnovit: quid vero hic alibique post infelix bellum anno 1712. a Tigurinis & Bernensibus mutatum sit, suo loco referetur. Denique Episcopi-Cellæ Catholici subsunt jurisdictioni Episcopi Constantiensis, Zvingliani vero Tigurinorum. Omnia ferme ista præter multa alia Austriacis fuerunt erepta.

Sunt præterea plures urbes & spatiosæ provinciæ, quæ neque ad 13. Cantones pertinent, nec iis sunt subditæ, sed sociæ ac fœderatæ, uti Princeps Abbas S. Galli, qui jam olim cum Tigurinis, Lucernensibus, Suicensibus, & Glaronensibus fœdus inierat: Urbs S. Galli insuper Bernates & Tugios fœderatos habet. 144
Socii.

Rhœti seu Grifones, ad Imperium olim spectantes, atque in tria fœdera divisi, nempe fœdus *decem judiciorum*, ubi Mayenfelda, fœdus *Domus DEI*, ubi Curia, & fœdus *superius*, ubi Ilancium; pulsa Nobilitate, anno 1471. cum veteribus Cantonibus fœdere juncti sunt. Vallem autem Tellinam, & tractum Wormiensem, propter auxilium præstitum a Maximiliano Sfortia anno 1513. sibi donatas, tanquam subditas ditiones regunt. Et cum postea ad Mediolanenses redire cogitarent, ope Gallorum retentæ sunt.

Vallesiana Respublica, in septem Dissenos tanquam provincias divisa, anno 1533. cum septem Catholicis Cantonibus fœdus iniit. Inferiorem vero Vallesiam, quæ olim ad Sabaudum pertinuit, tanquam subditam regit.

Urbs Mühlhusium anno 1515. & Biela 1547. cum omnibus Cantonibus fœdus pepigit, Rotwila anno 1519. sub eorum protectionem concessit. Neocomensis Principatus, ad Borussia Regem hodie spectans, Bernates ab anno 1529. fœderatos habet: Geneva vero ab anno 1535. quo Episcopum suum eiecit, Bernates, ab anno vero 1584. etiam Tigurinos. Episcopus Basileensis anno 1597. cum solis Catholicis Cantonibus societatem fœderis contraxit.

Quin magni etiam per Europam Principes Helvetiorum amicitiam, & foedus amiebant, praesertim Gallicarum Reges. Initium fecit Ludovicus XI. qui eorum vires ad Basileam expertus fuerat. Cum enim haud æquis oculis aspiceret Domus Burgundicæ crescentem potentiam, anno 1474. foedere sibi junxit Helvetos, & cum Carolum Audacem contudissent, liberalissima eis dona misit.

^{145.}
Bella Italica. Ejus filius Carolus VIII. 8000. Helvetiorum ad expeditionem Italianam assumptis, anno 1494. *Regnum Neapolitanum* eorum opera expugnavit, & ne in reditu interclusus periret, effecit.

Ludovicus XII. quamdiu Helvetios amicos & socios habuit, prospero successu res ejus ibant in Italia; nam Ducatum Mediolanensem occupavit, capto Ludovico Moro (1500.) Verum cum poscentes augmentum stipendii rusticos montanos appellaret, ab eo alienati, atque a Julio II. in Gallos incitati, primo Alphonsum Ferrariae ac Mutinae Ducem eorum socium profligarunt. Dein totum Gallorum exercitum Novaram obsidentem, eruptione facta, in fugam conjecerunt, ac denique anno 1513. Maximiliano Sfortiae, pulsus Gallis, Ducatum restituerunt. Inito dein foedere cum Maximiliano I. Caesare & Henrico VIII. Angliae Rege, Comitatum Burgundiae invaserunt, nec nisi magna auri vi ab ulterioribus progressibus arceri poterant.

Cum postea anno 1515. Galli sub Francisco I. Maximilianum Sfortiam rursus Mediolano dejecissent, Helvetique eum restituere nitèrentur, biduano praelio ad *Marignanum* victi quidem sunt, 10000. suorum amissis, sed Galli eorum vires mirati, magnis deinceps praemiis annisque pensionibus eorum societatem sibi conciliabant.

Magnum profecto apud omnes populos eo usque erat Helvetiorum nomen, eximium decus, ingens gloria; quamdiu videlicet unius erant labii, fide, religione, interna pace, fraterna charitate conjuncti.

At vero, ubi antiqua religio, quæ a prima conversione apud eos pulcherrime floruit, a pluribus Cantonibus fuit protrita, sacra Romana abjecta, & infelix illud schisma mutuam fiduciam, concordiam & animorum concentum scidit, conversis in se ipsos armis, mutuisque cladibus attriti, Majorum gloriam, ne plus dicam, non amplius æquarunt. Certe quidquid acerbi deinceps Helvetia passa est, deformatae per novas sectas religioni debetur. Sed hæc luculentius ponenda ob oculos.

ARTICULUS III.

Status Ecclesiasticus Helvetiæ usque ad sæculum
XVI. & mutationem Religionis.

Haud ita pridem Joannes Jacobus Hottingerus, Tigurinus, Historiam Ecclesiasticam Helvetiæ scripsit, maligno in Catholicos odio, fraudibus & erroribus fartam; prout in Apologia mea *part. 2. observat. 11. & part. 3. de Ecclesia cap. 3.* adversus Tigurinos edita, ostendi, & passim in hoc Apparatu ejus lapsus annotavi. Juvat tamen hic prelixiorē aliquantō sinceriorēque rerum Ecclesiasticarum narrationem ejusdem mythologiæ opponere.

Japheti jam posteros in has terras immigrasse traditur, atque unius veri Numinis cultum secum intulisse; postmodum autem, aliarum gentium more in idololatriam Helvetos prolapsos, præter alia plurima idola, Deam Aventiam præcipuo cultu veneratos: usque dum Romani etiam suos Deos, a Græcis acceptos, uti Jovem, Apollinem, Mercurium, Minervam &c. invexerint: in monte Jovis dæmonem per oraculum sicut olim Delphis responsa dedisse, donec S. Bernardus de Menton eum catena monti alligarit; atque ab eo tempore montem S. Bernardi fuisse appellatum.

Quonam tempore & a quibus lex Evangelica primo fuerit Helvetiis promulgata, res est incerta. Sunt qui volunt, S. Barnabam 246.
Conversio, illis prædicasse. Alii S. Pauli discipulis id tribuunt. Alii SS. Herma-
goram, Maternum, & Eucharium a S. Petro eo ablegatos scribunt.

Exploratius tamen apud scriptores est, S. Beatum a Petro Apostolo Romæ ordinatum sacerdotem inter primos fuisse Helvetiæ Apostolos, uti *part. 3. Cathol. observat. cap. 3. §. 1.* adversus Hottingerum probavi. Sæculo dein secundo S. Lucium Rhætis Evangelium prædicasse Venerabilis Bedæ, & communis scriptorum est sententia. Nec refert, quod heterodoxi Historici, quos Hottingerus ad an. 205. adducit, hanc rem aut more suo inficiuntur, aut dissimulent.

Prout autem S. Lucium Curiensem, ita S. Pantalum primum Basileensem Episcopum sæculo III. fuisse traditur. S. Pelagium vero eodem sæculo Constantiæ pro Christi fide occisum: S. Mauritium autem cum Thebæa legione Agauni in Vallesia. Uti contra eundem Hottingerum l. c. §. 2. ostendi. Ubi etiam §. 3. SS. Felix & Regula, antiquissimi Tigurinorum Patroni, S. Verena, aliique Sancti pri-

ma Christianitatis adversus eundem Sanctorum hostem sunt vindicati.

Tempore dein Constantini M. uti alibi, ita etiam in Helvetia Christiana Religio magna incrementa cepit; & multo adhuc majora sæculo VI. sub Sigismundo Rege Burgundiæ converso. Tum etiam Episcopatus Vindonissæ, Octoduri, Curia, Aventiæ, Genevæ, jam prius coepti, distinctius determinati. Postquam autem Clodovæus Helvetiam, & Alemanniam, Hassiam nempe, Sueviam, & Bavariam sibi subjugaverat, multi cum eo Christianam fidem susceperunt: ædificatis pluribus Monasteriis, inter quæ celeberrimum fuit Agaunense in Veragri seu inferiore Valleis, a S. Sigismundo Burgundiæ Rege fundatum ad Divinum cultum, sanctorumque Martyrum. Sanctus quoque Fridelinus ex Sanctissimo ordine S. Benedicti negotium Religionis multum promovit.

Sub finem sæculi VI. Episcopatus Octodorensis Sedunum, Vindonissensis Constantiam, Aventicus Lausannam fuit translatus, ob commodiorem, post plures populos conversos, Diocesis administrationem.

147.
Helvetiæ
Apostoli.

Sub initium sæculi VII. venientibus sanctissimis viris ex Ordine S. P. Benedicti, S. Columbano, S. Gallo, S. Magno, S. Sigisberto, Helvetiæ & Rhetiæ Apostolis, sparsa ubique Christianæ fidei sementis in fructus uberrimos exerevit; præsertim ubi celeberrima Monasteria ad S. Gallum, Campidone, Disertinæ, Abudiaci &c. fuerunt condita, sanctitatis, & doctrinæ viridaria, virorumque Apostolicorum plantaria. Quodque supererat gentilis superstitionis, magnus ille Germaniæ Apostolus Bonifacius, ejusdem Illustrissimi Ordinis præclarum decus, sæculo VIII. eradicavit, proprio dein sanguine in Frisia confirmans veritatem, quam prædicaverat.

Socium, uti sacerrimi Ordinis, ita Christianæ Religionis propagandæ habuit S. Pirminium, Episcopum ante Meldensem; dein Helvetiæ & Germaniæ Apostolum. Qui, ut perpetui essent Divini cultus, ac veræ Religionis propagatores, complura condidit sacra cœnobia, uti in Augia Divite, ad Thermas Favarias ad fines Helvetiæ & Grisoniæ, Murbaci in Alsatia, ad Superiorem & Inferiorem Quercum in Bavaria, Hornbachii in Bipontinis, Gengenbaci, aliæque plura ad Rhenum, &c. His accessit eodem sæculo VIII. S. Othmarus, Abbas ad S. Galli, fulgentissimum pariter sydus Monasticæ Sanctitatis & Religionis Catholicæ universim.

Carolus M. cum Helveti in bellis, ab eo gestis in Germania contra Saxones & Bojos, in Gallia adversus Aquitanos & Vascones, in

Hi.

Hispania contra Saracenos, in Italia contra Longobardos, in Pannonia contra Hunnos, fidelem fortemque navassent operam, multos magnosque eis favores impertivit, atque erectis variis in provinciis pluribus magnificis Basilicis Ecclesiasticum decorem in immensum provexit. Ac nominatim Tiguri præter templum principale, a Theodoro Episcopo consecratum, Ecclesiam ædificavit honoribus SS. Martyrum Felicis & Regulæ, in loco, quo pro Christi fide vitam immolarunt. Postea vero Ludovicus Germaniæ Rex, Caroli M. nepos, ad augendum cultum eorundem SS. Martyrum Tiguri condidit celeberrimum cœnobium sanctimonialibus, illudque amplissime dotavit Tiguro & multis in Urania bonis ipsi attributis, fueruntque prius Antistites ipsius Regis Ludovici filiæ, Hildegardis & post eam Bertha.

Præsertim vero Ecclesiam Christi sanctitate & doctrina illustrant summi viri, qui ex Asceterio Sangallensi, scholisque ibidem, ^{143.} ^{San Gallens} ^{fcs.} orti etiam in Augia Divite erectis, sæculo IX. prodierunt, Hilperici, Vermberti, Walafridi, Rabani, Hartmundi, Isones, Salomones, Ratberti, Wettini, Notkeri, Tutilones, Landolini, aliaque plura. Prima ex Illustrissimo Ordine S. Benedicti fulgentissima sapientiæ ac veræ Religionis lumina.

Accefferunt sæculo X. ex tenuibus initiis plura alia celeberrima veritatis orthodoxæ & omnigenæ virtutis propugnacula, Monasterium nimirum in Eremita (*Einsidlense* appellatum) ubi S. Meinradus Eremita a duobus latronibus jam ante occisus fuerat, ab Hermanno Alemanniæ Duce, emptis a Rappesvilæ Comite fundis erectum; & S. Blasii, in sylva Hercinia a Reginberto, qui Ottoni I. a consiliis fuerat, primitus fundatum; utrumque ad Ecclesiæ ornatum, & animarum salutem amplissime augendum.

In Ecclesia Monasterii in Eremita hodieum exstat, magnaque ^{Einsidlensem} peregrinorum frequentia colitur sacellum B. V. M. cœlitus ab Angelis consecratum. Cujus cœlestis beneficii memoria septimo quoque anno singulari celebritate recolitur, per 16. dies habitis quotidie duobus concionibus; quarum una etiam mihi olim obtigit.

Ipsam cœnobium, grandibus a Sede Apostolica & Imperatoribus privilegiis munitum, pluribus sanctissimis viris fulget, uti Thietlando, Adalrico, Geroldo, Gregorio &c. variisque Diœcesibus Episcopos dedit, uti S. Wolfgangum Ratisbonensi, Warmannum & Rumoldum Constantiensi, Hartmannum aliosque Curienti; multique ex eo, quod eximiis viris viridique disciplina summopere floreret, in varia Monasteria ad Insulas sunt postulati; ac hodieum ex longin-

ginq̄is etiam regionibus accurrenti hominum multitudini prope innumeræ sanctissima pœnitentiæ ac communionis sacramenta jugiter dispensant sacri iudices & animarum medici peritissimi.

Murenſes.

Nec minus illustre est Monasterium Murenſe (a muris sic appellatum) quod Ratbodus comes Habsburgicus & Idda ejus conjux sub initium sæculi XI. fundarunt religiosissimis viris ex ordine S. Benedicti, cujus opera noverant, non tantum Germaniam omnesque ferme Septentrionales provincias ex gentilitatis tenebris ad Evangelii lucem fuisse perductas, atque in vera fide, cultuque Divino fuisse conservatas, sed præcellenti etiam virtute, florenti disciplina regulari, jugique psalmodia atque sanctissimis institutis Divinas laudes perficere. Vigetque etiamnum in Principali hoc Asceterio, viretque primævus ille disciplinæ flos, a Majoribus plantatus, atque sub vigili cura Abbatum, ac præsertim Geroldi, summi viri, nuper defuncti, religiosissime cultus.

Ad hæc tempora referunt aliqui foundationem Ecclesiæ Beronensis (aliqui antiquiorem existimant) ab Ulrico Comite Lenzburgensi susceptam, in loco, ubi olim Bero comes ejusdem familiæ cum urso luctatus, & bestię vitam eripuisse, & suam amisisse traditur. Hodie celebris est ac dives Collegiata Ecclesia, Divo Michaeli sacra, in ditione Lucernensi, 21. Canonicis constans, qui ex Nobilibus aut civibus Lucernensibus a senatu assumuntur, uti etiam eorum Præpositus.

Huic pariter sæculo XI. initium debet Monasterium Benedictinum Engelbergense, a Conrado Seldenbürensi in Subsylvania fundatum, & Petershusanum ad Constantiensem Rheni pontem, a S. Gebhardo Constantiensi Episcopo exstructum, atque dotatum.

Illud quoque memorabile, quod Hermenfridus Sedunensis Episcopus cum potestate legati a latere in Angliam ab Alexandro II. Papa fuerat missus, ut dissidia Regem inter Wilhelmum & sacerdotium orta componat : ubi Synodum celebravit.

Hoc denique sæculum illustravit Hermannus Contractus, in Augia Ordinem S. Benedicti professus, de quo dubium, doctiorne, an sanctior fuerit. De eo Bertholdus constantiensis ipsius continuator : *omnes tunc temporis viros sapientia & virtutibus præcellens.* Tantam autem doctrinam hausit in scholis Sangallensibus, Magistro usus Hilperico, ac præcipue Maria sede sapientiæ : cujus deinde honoribus antiphonam *Salve Regina* composuisse fertur.

149.
Cisterciens.
ses.

Sub initium sæculi XII. illustrissimus atque sanctissimus Ord. Cisterciensis, a S. Roberto sub severiore S. Benedicti regula jam prius

rior fundatus, a S. Bernardo, uti in provincias alias, ita etiam in superiorem Germaniam fuit illatus, ingenti cultus Divini & animarum salutis incremento. 160. Monasteria universim vivente S. Bernardo condita atque ex ejus disciplina Deiparæ Virgini dedicata. Hodie vero ejusdem Ordinis 1800. virorum, 1080. sanctimonialium monasteria numerari dicuntur.

Inter hæc primum in Germania fuit Luciscellense, in finibus Helvetiæ Alsatiæ inter & Burgundiam anno 1124. erectum ac donatum a tribus Burgundiæ Comitibus, ex Bellevallensi Burgundiæ monasterio ducta colonia, aliis deinceps per Germaniam copiosam daturum sobolem. Ex eo enim enatum est Casareense celeberrimum atque amplissimum S. R. I. cœnobium & ex hoc Stambense in Tyrol: cœlo fecundante Divinos satus. Istud etenim Stambense B. V. M. ad S. Joannem Baptistam inclitum Monasterium in primævo suo severæ disciplinæ flore jugiter persistens, virtutis & doctrinæ radiis provinciam illustrat, atque sub Rogerio moderno Abbate, uti disciplinæ Religiosæ custode vigilantissimo, ita studiorum Patrono singulari, viris excellenti doctrina conspicuis præclare fulget.

Lucellæ advocatia Comitibus Piretanis olim commissâ fuit. Ab anno 1467. Solodoranos Protectores habet: magno suo ad securitatem emolumento. Ubi adverte, monasteria olim aliasque Ecclesias potenti alicujus protectioni fuisse commissas, ut ab injuriis & invasionibus vindicentur. Sed hoc ipsum optimum de se institutum magnarum sæpe turbarum fuit occasio, dum protectores jure Advocatiæ abusi, atque in Ecclesiarum bona grassati, aut nimiam inde potestatem sibi arrogantes, loco protectionis exhibitæ maximas eis molestias inferre consueverunt.

Meliores Patronos invenit sub annum 1127. Greüzlingense prope Constantiam monasterium, ab Imperatore, Episcopo Constantiensi & illisque fautoribus Religiosæ perfectionis fundatum pro illustrissimo & sanctissimo Ordine Canonicorum Regularium S. Augustini; ut in distincta Ordinum varietate, & virtus omnigena respondeat pulchrius, & Helvetia omni ex parte ad utilitatem publicam circumdetur opportunius. Fuit Prælatus Status Imperii, insertus matriculæ; quamvis in Comitibus comparere non amplius soleat.

Agaunense etiam S. Mauriti cœnobium, hoc tempore ad Canonicos Regulares devolutum, pristino flori est redditum. Erecta eidem præclarissimo Ordini Basileæ & Interlaci sacra domicilia; quæ amen postea Zwinglianus & Calvinianus turbo rapuit. Ittingense

Pars VII.

U u

vero

150.
Canonici Regulares.

vero monasterium, Canonicis Regularibus primitus conditum, ad Carthusianos postea devenit.

151.
Præmonstra-
tenses.

Paulo post fundatum Ordinem Cisterciensem circa annum 1120. novum Ecclesiæ decus & ornamentum ingens accessit, illustrissimum nempe Ordo Præmonstratensis Canonicorum Regularium, duce ac fundatore viro Sanctissimo Norberto, Nobili Lotharingo, Archiepiscopo postea Magdeburgensi, profligata Tanchelini hæresi, aliisque rebus præclare pro DEI gloria, & animarum salute gestis, toto orbe celeberrimo.

Nec diu Helvetia novis istis militanti Ecclesiæ præfidiis caruit. Quippe Sigelandus, Præpositus Granfeldensis anno 1136. Bellelagii, medio inter Bruntrutum & Biennam loco, primum Ecclesiam, dein cœnobium condidit, atque Præmonstratensi Ordini tradidit; anno postea 1170. ab Ortliebo Basileensi Episcopo, assignatis ex quatuor parochiis decimis, locupletius dotatum; atque in Concilio Constantiensi a Martino V. & Sigismundo Cæsare, novis privilegiis & immunitatibus exornatum; ut proin hæc Abbatia inter Ordines Episcopatus Basileensis primatum teneat. Sicut autem Luciscella sub protectione urbis Solodoranæ floret, ita Alten-Reiffensis in Episcopatu Genevensi sub Advocatia urbis Friburgensis; cujus primus Abbas fuit Guarinus, factus postmodum Episcopus Sedunensis, a S. Bernardo summo opere æstimatus & amatus.

His sub finem sæculi XII. accessit monasterium ad S. Urbanum, Ordinis, ut Altenreiffense, Cisterciensis, in finibus Lucernatum & Bernatum situm, atque anno 1194. Deiparæ Virgini, sicut reliqua sacra hujus Familiæ domicilia, dedicatum ab Episcopo Constantiensi. Fundatores habuit tres fratres Langensteinios & Kapfenbergenses; floretque hodieum præclare sub protectione urbis Lucernensis. Equitibus pariter Rhodiis & Teutonicis suæ sedes assignatæ.

Florebat itaque in tota Helvetia sæculo XII. Catholica Religio, sub vigili Episcoporum cura, totque Religioforum fideli auxilio; neque ulla turbabant circa fidem dissidia, nisi quod Arnaldus Brixienfis, Romana fulmina effugiens, Tiguri conatus sit optimæ messi aspergere errorum zizania.

152.
Lites.

Aliæ tamen hinc inde fervebant controversiæ, uti circa jus Advocatiæ, fines ditionum, & jura profana. Sic monasterium in sacra Eremo collisum est cum Suicensibus, & dein etiam cum Uranianis & Subsylvanis: Episcopus Genevensis cum urbe, in quam dominium & supremam jurisdictionem sibi vindicabat, excipiente urbe & Comitibus Genevensi, eum quidem urbi præsidere, sed non aliter, ac Ducem Ve-

Venetorum aut Genuensium. Ex quo bellum satis diuturnum est ortum.

Anno 1157. in Comitibus Vefuntinis Fridericus I. Cæsar Jus Advocatiæ in Episcopatum Sedunensem, Laufannensem, & Gebennensem, cum aliis quibusdam juribus in dictas civitates Bertholdo Duci Zäringensi tradidisse fertur. Quod cum non ferrent Vallesiani, Dux trajecto per montes exercitu casus reiectusque est.

Cum etiam hoc sæculo XII. frequentes essent Cæsares inter & Pontifices discordiæ, Helvetia pariter, ut aliæ Imperii Provinciæ, in partes scissa est, aliis alteri adhærentibus.

Sæculo XIII. Deus Ecclesiæ suæ militanti novas misit suppetias, ^{153.} Seraphicum videlicet Ordinem S. Francisci, ductis deinceps innume- Franciscani. ris coloniis per orbem terrarum diffusum. Helvetia mox eum recepit, constructo monasterio primo Lucernæ, ubi fundatricem Patres nacti Gutam Comitem Rotenburgii, quæ spatium pro domicilio emit a Murbacensi Abbate, ad quem Lucerna spectabat. Extra civitatem illa degebat prope Crienstem in edito colle; quotidie tamen ad sacra in Ecclesia a se constructa audienda accessisse traditur. Quod iter dum pedes conficeret, interea temporis campanula pulsabatur; more in hodiernum usque diem continuato, ut diuturno ac sonoro strepitu vicinia resonet.

Accessere mox alia monasteria, uti Friburgi Nuitonum, fundatoribus Comitibus Kiburgicis; ad quos extincta Ducum Zäringensium masculina stirpe Friburgum aliaque in Helvetia bona per femineam lineam fuerant devoluta.

Idem religiosissimi Patres domicilium fixere Tiguri, Basileæ, Constantiæ, Mühlhusii, Bernæ, Campi Regii, Solodori, Scaphusiæ, & Burgdorfii prope Bernam, ubi eos locavit Eberhardus Comes Habsburgicus, ad quem per conjugem Elisabetham, Hartmanni ultimi Comitiss Kyburgensis filiam, translata sunt bona Domus Kyburgicæ. Taceo plura asceteria monialibus S. Claræ ejusdem Ordinis ædificata: uti etiam Eremitas S. Augustini eodem ferme tempore Friburgi, Constantiæ &c. magno animarum fructu introductos.

Cisterciensis quoque Ordo, propter disciplinæ vigorem, & sanctorum doctorumque virorum copiam plurimum ampliatus, in Helvetia monasterium Wettingense, (*Maris stella* appellatum,) ^{Wettinga.} in Comitatu Badensi ad Argojæ & Turgojæ fines, accepit ab Henrico Comite Rapperwilano, qui a peregrinationibus in Palæstinam, Syriam, Arabiam, Ægyptum, & Hispaniam ad S. Jacobum susceptis, peregrinator erat dictus, ac tandem ipsemet sacro huic Ordini

dini se addixit. Colonia ducta est ex Monasterio Salemitano, cujus Abbas Vicarius Generalis Ordinis per Germaniam est constitutus.

^{154.} Dominicani. Atque ut nihil sacri præsidii deesset, Dominicani pariter (in Gallia, quod templum S. Jacobo sacrum possiderent, *Jacobitæ*, alias communiter *Prædicatores* a concionandi munere appellati) hoc tempore in Helvetia sunt recepti, atque in ea Illustrissimus hic Ordo, viris eximie doctis insignis, primum monasterium obtinuit Tiguri, dein Basileæ, Lausannæ, Bernæ, uti etiam in vicinis urbibus, Argentina, Constantia &c. Zoffingæ quidem sedem fixerunt, sed prodicionis accusati ex mœnibus suspensi sunt, verso monasterio in Præposituram.

Petrus Comes Sabaudia, quam liberalem se exhibuit erga monasterium Agaunense, donata illi Valle Bagniensi, tam inique bello aggressus est Henricum de Raronia Episcopum Sedunensem, sed victus a Vallesiis recessit. Qua occasione Vallesia primum fœdus cum Bernatibus iniit (anno 1243.)

Anno 1273. Rudolphus comes Habsburgi, Kyburgi, Badenæ, Lenzburgi, Landgravius Alsatiæ, cum bello cum Episcopo implicitus Basileam obsideret, Francofurtia Septemviris electus est Imperator, ad singularem Helvetiorum gloriam: atque mox pax Episcopo placuit. Cum autem plures in Helvetia & Suevia hostes adversus Rudolphum insurgerent, vendita pro 12000. aureis Florentinis libertate, & pro 6000. Lucensibus, victor ubique omnes ad parendi obsequium reduxit.

Albertus ejus filius, novum in Helvetia Ducatum erecturus, multas ditiones coemit, atque imprimis Lucernam pro 2000. marcis seu libris argenti, aliaque in Argoja & Turgoja bona ab Abbate Murbacensi; Glaronam quoque ab Antistite Seckingana, attracto ad se complurium Ecclesiarum & Monasteriorum jure Advocatiæ. Bernam autem (quamvis irritò conatu) obsedit, quod Judæos ob concisum Rudolphum puerum ejecisset.

Sub finem sæculi XIII. Episcopus Constantiensis Arbonam ad lacum Acronium in Turgoja emptione accepit: Basileensis Bruntrutum, & Hombergam. Geneva, de qua Comes Sabaudia cum Episcopo contendebat, hujus dominium agnovit.

ARTICULUS IV.

Continuatio Historica Status Ecclesiastici Helvetiæ
usque ad sæculum XVI.

Postquam gravissima dissidia Suicenses inter & monasterium Einsid-
lense, sæpius sopita, iterumque in apertam vim propter fines
& jurisdictionem erumpentia ad 200. annos tenuerant, Suicenses
subita irruptione monasterium diripuerunt, abstractis in captivitatem
monachis, anathemate propterea ab Episcopo Constantiensi per-
cussi (sub initium sæculi XIV.)

Melliori pace fruebatur Vallesia sub Episcopo Aimone de Turri, ^{155.}
Comite ac Præfesto suo, qui Gerundæ, amœno colle prope sinum Vallesiæ
Carthusianæ sacre Familiæ monasterium condidit (anno 1330.) In
quod postea desertum Patres Carmelitæ immigrarunt. Quam pro
bus autem fuerat Aimo, tam impius alius ex eadem familia (Anto-
nius de Turri) qui circa annum 1375. Guitschardum ex nobili stir-
pe de Tavellia, Episcopum Sedunensem, avunculum suum, ex arce
Seona egit præcipitem.

Haud multo post (anno 1384.) Edoardus Sabaudix Còmitis
filius in Episcopatum Sedunensem iutrusus, a Vallesianis expulsus fuit.
Cumque Amodeus armis eum restituere tentaret, amissis 4000. suo-
rum in fugam coniectus est.

Post victoriam Sempachianam recrudit annosa simultas Einsid-
lenses inter & Suicenses, qui monasterium occuparunt. Res eo tan-
dem transacta, ut pagus aditus in fidem Suicensium reciperetur.

Sub idem tempus mira Constantiæ facta est commutatio. Ni-
colaus Episcopus factus est Præpositus, & Burcardus Præpositus
Episcopatum adeptus fuit. Simile quid contigit Basileæ; ubi Episcopi
perpetuis ferme bellis cum vicina Nobilitate erant impliciti.
Episcopus vero Curienfis a Barnabone Galeacio, apud eum Vallis Tellis
exulante, Vallem Tellinam, Wormium, Clavennam, & Plursium ^{na.}
(postea terra absorptum) dono accepit, Wilhelmus autem Monte-
nagus Episcopus Lausanensis, a proprio servo cultro confossus, vi-
tam amisit.

Sub initium sæculi XV. hæc acta sunt. Quo tempore Cuno Abbatis-
cellensis Abbas S. Galli ab Abbatis cellensibus, & urbe S. Galli, subditis suis, lanæ turbæ.
gravi ac diuturno bello appetitus Wilæ obsessus, atque indigne ha-

bitus fuit, monasterii bonis passim direptis; donec ad obedientiam redacti sunt. Quæ tamen a turbulentis Abbatiscellenfibus brevi rursus fuit subtracta. Cum autem venerabile illud monasterium a multo jam tempore undique ab hostibus impeteretur, sub protectionem Tiguri, Lucernæ, Suicensium, & Glaronæ postea concessit (1451.)

ValleGanz.

Adversus Wilhelmum II. de Raronia, ejusque nepotem & successorem, Episcopos Sedunenses, Vallesiani pariter insurrexerant (circa annum 1414.) præsertim postquam Episcopus Sabaudia Comitum adversus eos invocaverat. Berna Episcopi partes tuebatur; Lucerna vero, Urania, & Subsylvania Dissenis favebant. Episcopus cum Guiscardo parente suo primum in arcem Seonensem, dein Bernam aufugit, Archi-Episcopo Colotienfi a Concilio Constantiensi Episcopatus cura interim commissa. Tandem anno 1419. Lausannensis Episcopi & Ducis Sabaudia opera reducto Episcopo conciliata est pax; accusante clero Episcopum apud Pontificem, quod Dissenis nimium indulisset. Is proin Romam citatus in reditu obiit.

Cum anno 1415 Fridericus IV. ob Joannis XXIII. fugam a Sigismundo Cæsare fuisset proscriptus, Helvetii, qui Domui Austriae adhuc parebant, juramento fidelitatis soluti, a fœderatis, adversus Fridericum incitatis, direpti sunt; propioribus Rheno urbibus, Steinio, Dieffenhovio, Scaphusia, Frauenfelda, a Cæsare occupatis: & Episcopo Tridentino causam suam adversus eundem Archiducem acriter in Concilio prosequente. Huic ctm ablata restituta essent, sub finem Concilii Fridericus absolutus, ditiones suas recepit, iis exceptis, quæ fœderati Helveti occupaverant.

Anno 1418. finito Concilio Constantiensi Martinus V. secundo Rheno Scaphusiam, Badenam, Solodorum, Bernam, Friburgum, Genevam profectus, ubique magna reverentia exceptus, ordinabat Ecclesias. Quæ postea in Helvetia per Concilium Basileense ac Lausannense bene ac male gesta sunt, *part. 3.* prolixè recensui.

Lucerna, ut alias dictum, ad monasterium Murbacense pertinet, semperque ex eo quidam Religiosi in ea habitabant, etiam postquam urbs ad Austriacos pervenit, ac dein in libertatem asserta est. At vero circa annum 1455. Asceterium illud in Collegiatam Ecclesiam Canoniorum ad S. Leodegarium conversum est; quæ hodieum insignibus viris, ad omnem decorem & morum probitatem excultis eximie floret.

Quia in Helvetia & Suevia nulla erat Academia, in Rhenanis vero provinciis non alia, nisi Colonienfis & Heidelbergensis, anno 1459. Basileæ erecta, a Pio II. confirmata, & insignibus privilegiis ad

ad Bononiensis exemplum, ornata est. Produxit illa deinceps præstantes viros. Utinam, semper ad Religionis decus!

Cum circa annum 1460. Cardinalis Cusanus ab eodem Ponti-^{Cusanus.} fice Episcopus Brixinensis fuisset constitutus, isque varia jura prætenderet a Sigismundo, Tyrolis & Anterioris Austriæ Principe, in carcerem datus est. Quam ob rem fidelium communione ei interdixit Pius, atque Helvetios in eum concitavit; qui Vitodurum, & Turgosam occuparunt, ab octo veteribus confœderatis Cantonibus deinceps per Præfectos gubernatam. Vitoduro sub protectionem Tiguren-
sium concedente.

Post extinctam Comitum Toggenburgensium virilem stirpem Comitatus ille ad Hiltteprandum & Petermannum de Raronia Vallesia-^{156.} Toggenburg nos propter aviam Toggenburgensem est devolutus, atque 14500. florenorum pretio emptus ab Abbate Sangallensi, ad quem jam ante proprietas spectaverat. (anno 1469.)

Florebat eo tempore Jodocus Sillionius, oriundus ex Ura-^{Sillion.} Silenonia, natus vero Lucernæ, Præpositus Beronensis in Argoja, prudentia, auctoritate, ac rerum usu conspicuus; qui fœderis cum Sigismundo Archiduce & Ludovico XII. Galliarum Rege adversus Burgundum fandiendi confœderatis auctor existit; Episcopatu Gratianopolitano propterea donatus a Ludovico (1474.)

Waltherus Superfazo Episcopus Sedunensis tunc renovabat fœ-^{157.} dus cum Lucernatibus, Uraniis, & Subsylvanis. Quod cum ægre Bellum Sab-
ferret Ducis Sabaudiaë frater Episcopus Genevensis, satis negotii fœ-^{aud.} deratis cum Burgundo fore ratus, collecto suorum & Sabaudorum 10000. exercitu, superiorem Valleliam invasit, Sedunum obsidione cingens, & igni ferroque provinciam devastans. At Vallesii, Grisonum, & Solodoranorum auxiliis auxi, memorabili prope Sedunum prælio profligatis Sabaudis, inferiorem Valleliam eripiunt (anno 1475.) quam in hodiernum usque diem tanquam subditam per gubernatores regunt. Utque adversus potentem vicinum se magis munirent, Episcopus, consentiente Cathedrali capitulo & septem Dissenis, perpetuum cum Bernatibus fœdus iniit. Qua occasione etiam Vaudum (Pais de Vaux) amœnissima atque feracissima ad lacum Genevensem regio Sabaudis, ad Burgundi partes inclinantibus, a fœderatis Helvetis erepta est. Restituta equidem numerato ære paulo post, sed sæculo XVI. in Bernatum dominium relapsa.

Mortuo Walthero Jodocus, quem dixi, Sillionius Episcopat-^{158.} tum Gratianopolitanum cum Sedunensi commutavit (1482.) gratus Sillion. initio Vallesii; quibus petentibus, ut victoriae suæ, a Sabaudis re-
por-

portatæ, fructum percipere liceat, peculiari transaitione, Natriæ inita, imminuta Episcopi potestate temporali, plura jura in Vallesiam inferiorem, nuper subactam concessit, præsertim vero, ut unum ex gubernatoribus constituere fas sit Dissenis. Transaition ista dein Seduni in Majoria, arce Episcopali, confirmata fuit ab Episcopo, Capitulo, & Dissenis.

Collisus postmodum bello Jodocus cum Aronæ Comite, Insulbrium Ducis cliente, victusque, cum in Gallum esset propensior, odium Vallesiorum incurrit, eo usque, ut illum in propria arce obsiderent, atque Episcopatu & provincia cedere cogerent: substituto Nicolao Schinero Episcopo (1496.) Milibachio, in Gornesia prope Aragnum, oriundo; cui postea successit ejus nepos Mathæus Schinerus, vir per totam Europam magni nominis.

159.
Prædicator
turbar.

Antequam hæc contigerunt, haud parum Helvetiam turbavit Andreas, ex Dominicanæ Ordine ad Cardinalis dignitatem evectus. Hic enim turbulentæ indolis homo ex Italia Bernam profectus, coram senatu ibidem professus est, se Basileense instauraturum Concilium ad reformandum Pontificem, Sixtum IV. ex S. Francisci Ordine assumptum. Basileam ubi pervenit, Cæsaris legatum se mentitus, concessa Cathedra in Pontificem, velut hæreticum, grandiumque criminum reum, furenti similis detonuit, affixis ubique ad templorum valvas infamibus schediasmatis; quibus populos ab ejus obedientia abstrahere nitebatur, data etiam ad Cæsarem epistola, seditionis plena; qua eum ad convocandum Concilium adversus Papam incitabat. At ille, re cum Pontificiis legatis collata, furentem vinciri, & in carcerem dari jussit: ubi dein laqueo se suspendit, atque a carnifice cistæ inclusus inde ad Rhenum eductus est: haud leve probrum non modo Cardinalium Collegii, sed etiam Illustrissimi & Sanctissimi sui Ordinis toto orbe celebratissimi.

160.
Abbas Sangall.

Anno 1490. obiit Udalricus Abbas Sangallensis, vir singulari sapientia, virtute, probitate, ac constantia; quem alterum velut fundatorem veneratur celeberrimum cœnobium. Provinciam bellis exhaustam reparavit, Toggenburgensi comitatu auxit, subditos ad pacem composuit, apud Sedem Apostolicam eam æstimationem obtinuit, ut Cardinalis dignitas ei fuerit oblata; quam tamen viri modestia constanter recusavit. Impedire tamen non potuit, quo minus Abbatiscellenses, alique monasterii subditi novum ædificium, quod Roschaci ad lacum Acronianum exstruxerat, demolirentur, veriti, ne Patres antiquam sedem desererent.

Secutum est bellum Suevico-Helveticum cum Maximiliano I. Imperatore, parva scintilla ingens excitante incendium. Clerus in eo multa passus, maxime Episcopus Curiensis; qui relictis Grisonibus ad Cæsarem confugerat.

Singulari vitæ sanctimonia hoc sæculo XV. Helvetiam illustravit Nicolaus de Rupe, 1417. in Subsylvania natus, pieque educatus, ex iustis nuptiis decem liberos genuit. In septenni bello Turpino, & Turgojo, adversus Ducem Sigismundum gesto, castra secutus, Prætor (Landammanum vocant) a populo electus est. Sed rerum humanarum tædio, ut cœlestium contemplationi quietius vacaret, in solitudinem conjugis consensu se abdens, vitam eremiticam professus fuit, asperam admodum ac severam; ad 20. annos non alio cibo pastus, quam cœlesti pane Corporis Domini, quo singulis mensibus in templo reficiebatur. Et quamvis nec scribere aut legere nosset, altissima nihilominus sapientia Divinorum mysteriorum imbutus, omnes ad se accedentes, ad cultum Numinis, constantiam in fide catholica, pœnitentiam, & morum probitatem adhortabatur.

Cum Helvetios inter ob divisionem spoliolum, quæ a Burgundo ter devicto reportaverant, non levis orta esset controversia, post plures conventus habitos ad Nicolaum detulerunt arbitrium; qui ex eremo sua Stantium delatus in curia ad Cantones peroravit, eosque ad concordiam cohortatus est eo proventu, ut sepositis litibus fœdus renovarent, & Friburgenses ac Solodoranos, qui adversus Burgundum suas copias junxerant, in illud pariter assumerent. Quæ omnia Stantii in Subsylvania hodiedum depicta in curia visuntur.

Obit fidelis iste Christi servus, simplex & rectus, anno 1487. ætatis 70. ante & post mortem prodigiis clarus; Beatorum numero a Clemente X. adscriptus, cum facultate in tota Diœcesi Constantiensi Missam & Officium sub ejus invocatione celebrandi.

Sub initium sæculi XVI. (anno 1508.) evoluta est fabula, quam zelo non satis laudabili luserant Bernæ quidam non optimi filii Sanctissimi patris Dominici. Sententia de Immaculata Conceptione Deiparæ Virginis jam passim invaluerat, Ordine Seraphico ex disciplina Scoti strenue eandem propugnante. Ægerrime ea res habuit Bernenses illustrissimi Ordinis Prædicatorum alumnos, eoque impulit indiscreta æmulatio, ut fictis signis & prodigiis sibi & doctrinæ suæ auctoritatem conciliare attentarent.

Opportunus strophæ videbatur Joannes Jezerus, opificio sartor, recens in sanctissimum Ordinem adlectus, homo simplex, & decipi

facilis. Longum foret recensere protafin, epithafin, & catastafin hujus comœdiæ; quam dein hæretici variis epifodiis & affabulatio- nibus auxerunt. Sufficit epilogum in argumento tam illætabili bre- viffime attingere.

Post varias apparitiones, quibus sub eumentita specie sanctorum coelitus, ipfiusque etiam Deiparæ, Dominicani fe fratri Jezero præ- sentaverant, liquore quodam fopito quinque ftigmata impreflerunt, at- que ad fe reverfo perfuaserunt, DEI Matrem ipfi vulnera Chrifti im- preffiffe. Tum vero illum in altari collocant, Deiparæ imaginem, cui decedentes lachrymarum guttas appinxerant amplexantem; Pa- trum autem quidam absconditus per imaginem loquebatur. Ac- currit ad fpectaculum frequens populus: lachrymafse Deiparam, & fratrem Jezerum januis claufis per miraculum in altari collocatum fpargunt, nec poffe avelli, nifi prætori urbis ac tribus fenatoribus fignificaffet, quæ B. Virgo publice enuntiare fibi mandaffet.

Comparentibus illis in templo fartor frater edixit, quæ a Do- minicanis, perfonam Deiparæ fingentibus & per imaginem loquen- tibus, prius edoctus fuerat: videlicet, lachrymafse B. Virginem, eo quod urbs, fi fœderibus & penfionibus Gallicis non renuntiet, fit peritura: quod Francifcani non ejiciantur: & quod urbs credat, Deiparam fine macula peccati originalis fuiſſe conceptam.

Res pluribus fufpecta viſa eſt, præfertim ubi fartor Laufannam ad Epifcopum abductus, ibique examini fubjeftus apparitiones fuas, rei que feriem prodiderat. Senatus igitur Bernenfis custodia Mona- fterio appofita cauſam ad fummum Pontificem, Julium II. defert; qui eandem Epifcopis Laufannenfî & Sedunenſî delegavit. Quæſtio- ne proin ſevere habita, reque diligenter examinata, fraus tota pa- tuit. Atque anno ſequenti quatuor Dominicani, Prior, Sub Prior, Magiſter Theologiæ, & Procurator, ſcenæ hujus auctores, ſæcula- ri poteſtati traditi, ac palo alligati a carnifice, exuſti ſunt, Jezero, qui plures alios complices nominaverat, in perpetuum exilium rele- gato. Atque hæc authenticis aſtis a Notario Apoſtolico ſubſcriptis inſerta, jamque ſequenti anno (1709.) latinis litteris, orbi prædi- ta: a Doctore Theodoro Frickio ſenatore Bernenſi tunc vivente deſcripta, multorumque poſtea libris memorata ſunt.

male objecta.

Hanc paucorum labem etiam ultra veritatem ſutelis ſuis deni- gratam frequenter nobis objiciunt Heterodoxi, Religioſos Ordines accu- ſantes, quod fraudibus & impoſturis dogmata Romana fulcire atten- tent, pſſimoque exemplo nomen Chriſtianum inficiant. Verum non video, de quo fidei dogmate actum hic fuerit Bernæ. Dein, ſi ex eo priva-

privato aliquorum facto Religiosos Ordines sibi infectandos existimant, etiam cælum, paradysum, Collegium Apostolicum, primos Ecclesiæ Diaconos, accusant. Adhæc Lutheri sordes & olentem exorcismum, Zwinglii libidines & apparitionem, Calvini lilium cauteriatum, & miraculum primæ classis, in suscitatione mortui patratum, aliquantisper considerent. Si has purulentas tabes, tot testimoniis manifestas, negent, negabimus & nos eodem jure Bernense facinus.

Successerunt fœdera Helvetiorum cum Julio II. & bella contra Gallos in Italia, auctore comprimis Matthæo Schinero, Episcopo Sedunensi, Legato a Latere, ac S. R. E. Cardinale, qui magna apud Cantones auctoritate pollebat; sed cum suis Vallesianis, incentore potissimum Georgio Superfaxo, Glisensi cive, collisus est. Is etenim Gallo addictus, Vallesianos in fœdus cum illo attraxit, sequentibus exemplum Grisonibus. Quæ res adeo displicuit Cardinali, Gallos averfanti, & Cantonibus, ut Georgium Friburgenses carceri addicerent: Cardinalis vero anathemate eum feriret. Elapsus inde, ac Romam ad dicendam causam citatus, comparuit, atque Francisci I. intercessione e captivitate liberatus, in Vallesiam rediit. Nec quievit, donec Cardinalem patria extorrem faceret. Rependit is vices Georgio, paulo post pariter in exilium acto, in quo Vibisci ad lacum Genevensen prope centenarius obiit, relicta numerosa prole; ex cujus posteris plures ad Episcopi & Ballivi dignitatem promoti præclare Rempublicam gerebant. Uti autem per tractatum Sillenonium, ita per has turbas crevit rursus sæcularium potestas; rerum tamen summa penes Episcopum, Comitem & Præfectum Vallesiæ remanente.

Porro neque Cardinalis Matthæus patriam suam & Episcopatum, multa acerba passum, amplius vidit; sed Pontificibus Julio II. & Leoni X. atque Imperatoribus Maximiliano I. & Carolo V. ex integro devotus, tum Romæ, tum in aula Cæsarea, tum maxime in variis ad Helvetios Legationibus versatus, ad Episcopatum suum recuperandum, & militem contra Gallos comparandum intentus, laboriosam tandem vitam Romæ finiit, dum post mortem Leonis X. in Conclavi cum aliis Cardinalibus de novo Pontifice eligendo ageretur, votis pluribus ejus personam designantibus (anno 1521.) Ingenio fuit haud dubie ad res magnas nato; floretque hodieum in Nobili Familia, ad summos etiam honores in Vallesia evecta.

163.
Schiner
Cardinalis

ARTICULUS V.

Status Ecclesiasticus Helvetiæ sæculo XVI.

164.
Causa tur-
barum.

Helvetiorum gens, ut scribit Florimundus Ræmundus, non minus corporis robore, quam imperterriti animi magnitudine præstans, concorditer hætenus in pagis suis, quamvis separatas jurisdictiones habentibus, arctissimo tamen inter se fœdere connexis vixerat. Et quamvis exteris militans, pacem tamen domi colebat. Tandem vero mala quædam Erynnis, orco progressa, civili excitato bello, Rempublicam hanc, cui unitæ cæteroqui nulla exteri hostis vis est formidabilis, vehementer concussit, populosque in ea comprehensos ita commisit, ut sociorum ac popularium cruore terra passim sædata, & cælorum cadaveribus repleta fuerit: idque ob unius tantum, & quidem obsecuri hominis somnium, Ulrici scilicet Zwinglii; qui ab albo vel atro genio (colorem enim ipse internoscere non poterat) edoctus atque inductus, Lutheri æmulatione populis illis, novum annuntiavit Evangelium longe diversum ab eo, quod S. Galus Helvetiæ Apostolus majoribus ipsorum tradiderat.

Prout autem omnis in animarum corporumque perniciem fœcunda semper fuit hæresis, ita sectæ præsertim novæ, sæculo demum XVI. erumpentes, Lutherana, Zwingliana, ac Calviniana, more nequaquam Apostolico pacate introductæ, sed immani furore per cruentas cædes, incendia, urbium provinciarumque ruinas sunt grassatæ.

Zwinglius

Et quidem Zwinglius, homo sacerdotalis in Ecclesia Ordinis, sed inquieti turbidique omnino ingenii, cum Lutherum in Germania novantem ac tumultuantem cerneret, blandientique mendacio populorum turbas trahentem, alioquin cœlibatus pertæsus, & adhiñiens sociali thalamo, sacram stolam cum muliebri commutavit.

Ut autem libidinem, cujus potens non erat, & ambitionem religionis fūco tegeret, Verbum DEI aliorum novatorum more prætexens, in Romanæ Ecclesiæ tyrannidem, ut vocitabat, & abusus tonare cœpit: maxime, cum per id tempus in Helvetiam venissent quidam indulgentiarum præcones, qui potestatem aut mentiti aut supergressi, pecunias fordide corraferant libertatis insuper dulcedine aures demulcens, Tigurinos in præceps actos ab avita Majorum fide abduxit: in eo potissimum cum Luthero scurrilibus jurgiis commissus, quod abjurata Christi in Eucharistiæ sacramento præsentia Di-

vinisti.

vinissimum Mysterium, tam claris Verbi Divini eloquiis assertum, eversum iret.

Traxit mox, ut facilis est mali sequela, exempli vis erroris socios. Relicta Monasteria, abjectum sacerdotium, ductæ mulierculæ. Capito & Oecolampadius Basileæ; Hallerus Bernæ; Bucerus & Hedio Argentinæ; Myconius Lucernæ; Blaurerus Constantiæ, virus propinabant. Leo Juda Zwinglii Achates Biblia in Teutonicam linguam transfudit, ea fide, quam ipsi etiam Lutherani reprehenderent. Docti homines, sæculi vitio, pauci erant in Helvetia, qui errores ac fraudes redarguerent.

Equidem Hugo Episcopus Constantiensis, ut ruentem sisteret impetum, apud senatum Tigurinum graviter conquestus est, quod Zwinglius, non legitime missus, nec rite vocatus, novam & eo usque in Ecclesia inauditam doctrinam ovibus, curæ suæ Episcopali commissis, prædicet. Sed aliud responsum non tulit, quam videri illum proponere Verbo DEI consentanea. Ita nempe sibi blandiebantur indocti isti Verbi Divini iudices.

Hoc etenim astu, antiqui illius serpentis instinctu, veterator ille Verbo Dei usus est, ut pestiferæ suæ doctrinæ pietatis ac verbi Divini velum ^{abusus.} prætexeret, & fellis amaritiem frequenti Domini DEI ac Christi Salvatoris mentione, tanquam sesamo & papavere condiret. Qua fraude impostores hodieum libros & pestilentia cathedras implent, incautosque lectores & auditores fascinant. Cum tamen, ubi dubius aliquis, atque varias inter religiones controversus scripturæ locus, occurrit, nulla ipsis certa suppetat regula decernendi, quo sensu ille intelligendus veniat: nisi privato suo spiritui, aut potius comminiscendi libidini credi velint. Quasi vero DEUS certius ipsis veritatem inspiret, quam universis Patribus in conciliis congregatis, atque ei, cui ovilis sui curam commisit, ligandi atque solvendi potestate cum clavibus regni cœlorum tradita.

Ne tamen nihil agere videretur Senatus Tigurinus, suprema quadam auctoritate ad decidendas fidei controversias Ecclesiasticorum ^{165.} Synodus. Synodus anno 1525. indixit, invitato etiam per litteras Episcopo Constantiensi. Et hic quidem misso Joanne Fabro, suo in spiritualibus Generali Vicario, graviter monuit, rem tanti momenti, dogmata fidei concernentem, non esse ejus loci definire, sed ex Christi ordinatione & Ecclesiæ usu ad Concilii, legitime convocati, notionem pertinere.

Regressit Zwinglius cum suæ factionis turba complice, in re, quæ ad omnium salutem & singulorum pertineat, omnibus quoque

& singulis disquisitionem esse permittendam : perrumpenda tandem aliquando vincula, quibus ligatos populos tyrannis Romana teneat.

Dimisso conventu doctrina Zwinglii 67. Articulis comprehensa majori suffragiorum numero recepta fuit a senatu illo, quem describunt Römündus *lib. 3. de orig. hæres. cap. 3.* & Ægidius Albertinus *part. 3. cap. 3. num. 2.* ego vero ex reverentia tam illustris ac primi inter Cantones loci silentio prætereo.

166.
hortatio
Cantonum.

Cantones reliqui, errorum sibilis frustra hæcenus afflati, indito Lucernam conventu, missisque ad Tigurinos Legatis, demonstrarunt, quam male sibi, Ecclesiæ, & Republicæ consulant, quod a temerariis aliquot atque turbulentis hominibus quietem publicam turbari, & Religionem a majoribus acceptam, totque sæculorum possessione firmatam, everti paterentur, sparso in corpus universum Helveticum discordiarum semine.

Incaustum abiit amica fœderatorum hortatio. Altiores enim jam malum radices egerat, quam ut facili manu evelli posset. Quin eo impietatis deventum, ut pulsis cœnobitis, ac Christi sacerdotibus, Missam abolerent, aras everterent, icones sacras cremarent, & Ecclesiarum, quas pientissimi olim Reges ac Principes cœlitum honoribus fundaverant, opimis proventibus ventres profanos saginarent : Lucernatibus aliisque civitatibus necquicquam reclamantibus, atque meliora suadentibus.

167.
Synodus
Badensis.

Quare, ut nihil intentatum relinqueretur, Episcopi, Constantiensis, Basileensis, Lausannensis, ac Curienfis, quorum sacra jurisdictione per Grisoniam & Helvetiam late exporrigitur, accedente communi Cantonum decreto, Conventum Badenam indicunt (*anno 1526.*) in quo de controversis quæstionibus amice disceptaretur. Miserant eo, quos dixi, Episcopi suos quisque Theologos: quos inter doctrina eminebant, Joannes Faber, Episcopi Constantiensis Vicarius, Thomas Murnerus e sacra Divi Francisci Familia, Theologiæ & J. U. Doctor, religionis Lucernæ columen, & Joannes Eckius, palmis a devicto Luthero inclitus.

Zwinglii
absentia.

Ex parte Novatorum stabant, Oecolampadius, Studerus, & Hallerus. Zwinglius, quamvis, plena securitate promissa, sæpius invitatus, causæ tamen suæ diffusus, comparere noluit. Ita enim vero generosus hic miles, qui toties, dum nemo adesset, qui se opponeret, animose provocaverat, ubi res serio agi cœpta, lucem fugiens domi latitabat, prudenter judicans, facilius esse homines rudes, & libertatis appetentes, tumultuosis concionibus Tiguri pervertere, quam doctorum virorum aspectum subire, & adversus eos

malam

melam causam defendere. Non ita primi illi Christiani, gentiumque Apostoli. Qui bonitate causæ & mentis, innocuo testimonio freti, ubi fides agebatur, ad dimicationem se offerebant, & Christi nomen ubique professi intrepide, per medios ignes & flammæ ad palmam martyrii erumpebant.

Per plures tamen dies, absente licet & latitante Zwinglio, generoso illo quinti Evangelii Apostolo, disputatio tenuit, Eckio potissimum & Oecolampadio disceptante. Atque imprimis Catholici Theologi themata quædam, quibus Orthodoxa veritas demonstrabatur, proponebant: tum exceptiones Novatorum auditæ, atque utrinque discussæ. Penes quos vero steterit victoria, exitus palam ostendit. Communi enim duodecim Cantonum decreto septem illa Catholicorum themata, tanquam sacre Scripturæ consentanea recepta sunt & approbata.

Videlicet: 1. verum Christi corpus & sanguinem adesse in cœ-
na Domini, atque realiter & corporaliter percipi. 2. Christi corpus
& sanguinem in Missæ sacrificio pro vivis & defunctis offerri. 2. Vir-
ginem Mariam & reliquos Sanctos tanquam Intercessores esse invo-
candos. 4. De sacramentorum numero, virtute &c. vera hætenus
docuisse Ecclesiam, & adhuc docere. 5. Post hanc vitam locum esse,
in quo animæ, nondum omni macula liberæ, antequam cœlestis gau-
dii fiant participes, purgentur. 6. Infantes fidelium in peccato ori-
ginali nasci. 7. Non Joannis, sed Jesu Christi baptismo illud deleri.

Hoc igitur decreto Zwingliana doctrina condemnata in hoc con-
ventu fuit, vetitumque: ne quid in doctrina & cultu Divino novare-
tur: decretis in eos pœnis, qui secus facerent. Faber, qui Zwing-
lium provocaverat, ubi eum ex latibulo suo extrahere non poterat,
scriptis rem egit, in quibus enormes Zwinglii contradictiones, &
Oecolampadii in solo articulo de sacramento altaris 150. mendacia
demonstravit. Ejusque exemplo gloriosus ille pro Christi fide Mar-
tyr Fischerus, Roffensis in Anglia Episcopus, utriusque errores duo-
bus doctissimis liberis orbi palam exhibuit.

Triumphasset haud dubie ubique adversus Zwingliana somnia,
in lucem producta veritas, nisi cæcutire malentibus impietatis mini-
stri affudissent tenebras. Neque enim in Badensi conventu duntaxat
Zwingliani prorsus prostrati sunt, ut non haberent quid solidi, quod
opponerent; sed in Suevia etiam & Saxonia institutis synedriis con-
demnati sunt. Quin Lutherus ipse Zwinglium ejusque sectatores
tanquam hæreticos & diabolis omnibus pejores publicis scriptis est
inse-

infectatus : nec quidquam profecit Marpurgenfis conventus, a Landgravio ad componendam concordiam tanto studio adornatus.

168.
Conciliabu-
la.

At protritius licet virulentus anguis in omnem partem se gyrbat, ut disputationem Badensem, sibi tantopere infaustam, explo-dat, & fallaci sibilo aures, ad novitatem prurientes, demulceat. Quot synedria, quot conciliabula frequentata, Tiguri, Bernæ, Basileæ, Frauenfeldæ, Ilantii, Togenburgi, ut Badensis macula abster-gatur, & decretum comitiale 12. Cantonum evertatur.

Cumque hæc omnia molimine non sufficerent, anno 1528. novam Bernæ disputationem habendam decernunt, eam prætexentes causam, quod religionis dissidia in dies augeantur, nec eadem esset eorum etiam, qui Zwinglio adhærent, doctrina, & novæ passim sectæ emergerent. Leges dein disputationi præscribunt, atque ad Cantones litteras mittunt.

Bernense
conventicu-
um.

Lucernates, Uranii, Suicenses, Subsylviani, Tugieneses, Glareani, Friburgenses, Solodorani, prolixo scripto gravissime hortantur, ut nihil innovetur. Jam Badenæ negotium esse transactum, atque ab omnibus Ordinibus, Tigurinis folis exceptis, solenni decreto stabilitum; novas molitiones ad offensionem Reipublicæ, ac fœderis pactique violationem pertinere.

Bernates nihilominus, potentia suæ confisi, cœptis insistant. Tigurini, Basileenses, Schaphhusiani, Abbatiscelesenses, Sangallenses, & quatuor Sueviæ civitates, Constantia, Lindavium, Memminga, & Ulma, Zwingliano pure infectæ, Præcones suos mittunt : quos inter Oecolampadius, Musculus, Capito, Hallerus, Blaurerus, Bucerus, & ipse etiam Zwinglius, generosus jam miles, cum nullus adesset hostis. Nam Episcopi, quod causa hæc Badenæ jam esset definita; & alioquin non ad profanos homines, sed ad Episcoporum Concilium spectaret, neminem miserunt, ne ejusmodi conciliabulis auctoritatem addere viderentur sua præsentia.

Ex Catholicis igitur pauci aderant, iique parum docti, & obsecuri nominis, adeo quidem, ut ludimagister Zoffingensis Catholicorum loco disputaret, ut Ministelli umbratiles saltem qualescunque adversarios habuisse viderentur. Augustinianus quidem & Dominicanus Monachus initio aderant. Sed iis, perpetuum Catholicæ Religionis sine interruptione consensum demonstrantibus, silentium imposuerunt; quod lege cautum dicerent, ne quidquam præter S. Scripturam afferetur, reponunt illi, hoc ipsum maxime esse controversum, quo sensu S. Scriptura sit intelligenda in quæstionibus illis, de quibus sit præsens dissidium. Omnes ab omni tempore hæreticos

iden-

idem inelamasse: sacra Scriptura! Evangelium! Verbum DEI! sed ex eju malo intellectu, & perversa interpretatione omnes enas esse hæreses. Standum proin interpretatione Patrum, Concilio- rum, totiusque Christiani orbis consensu, quibus melius perspectus fuerit S. Scripturæ intellectus, quam novellis quibusdam & inquietis, qui non optima intentione ducantur, hominibus. Se proin, cum iudices ac Præfecti disputationis Patrum & antiquorum Doctorum interpretationes doctrinamque rejiciant, & privato suo, quem scri- pturæ assignant, sensu omnia definire velint, ex hoc Zwingliano Conventu, in quo nihil ex æquo & more Ecclesiæ agatur, exce- dere.

Sic ergo novi illi ministelli sine adversario alicujus nominis, sine ^{169.} vulnere & pulvere triumpharunt; atque Bernates, Basileenses, Sca- defense, Muhlhusanos, Sangallenses, Mühlhusanos, Bielenenses, multosque ex Glareanis, Abbatisellenfibz, Grisonibus, Toggenburgicis, Turgoiis, Rhodovallensibus, aliisque populis, jam ante infectos, ab avita majorum fide, & Ecclesia Catholica in æternum exitum abstraxe- runt, sparsa etiam Solodori infelici lolio, missoque, qui illud nutri- et, Hallero, Bernensi antea ministello. Ubi illud adhuc juvat ad- vertere, nusquam absque turbis atque civilibus discordiarum mo- ribz, & armorum non raro strepitu novas hæc sectas fuisse indu- ctas; more profecto a Christi Apostolis, & Christianæ Religionis Magistris multum alieno.

His accessionibus aucti quiescere diu non poterant Tigurini, ac ^{170.} Bernates, sed majoribus viribus freti, cum sociis civitatibus in arma Bellum civi- uunt (anno 1529.) facta tum quidem pax, cuilibet Cantoni cre- le-endi libertate permilla. Quæ tamen diu non tenuit, mox enim duobus post annis (1531.) bellum recrudit, Catholicis quinque Can- tonibus, qui quotidianis ferme injuriis provocati fuerant, ad sui de- fensionem compulsi.

Cum enim Zwingliani non tantum in suis provinciis, sed iis etiam regionibus, quæ communi potestate ab Helvetis regebantur, sacras aras passim subverterent, cultumque Divinum, per tot sæcu- la stabilitum, exterminatum irent, atque subritis communis fœde- ris basibus ad pluralitatem suffragiorum controversias nollent dirime- re, occupatisque viarum claustris, comitatum & annonam inter- cluderent, bellum illis denuntiant Catholici, graviter conquesti, quod contra pacta, & fœdera juramento confirmata, contra pacem pu- blicam, contra disciplinam & concordiam Christianam, contra fidem & charitatem, & quæ inter confœderatos esse debeat, ami-

citiam, atque adeo contra jus naturale & omnem æquitatem, Catholicorum subditos ad rebellionem incitarint, eamque solummodo ob causam, quod erroneam & larvatam eorum religionem amplecti noluerint, vias publicas obsideant, saltem & alia alimenta ad se devehire prohibeant. Cum igitur jus omne sibi denegatum videant, ac jam tanto tempore tot tantasque injurias, vim & insolentiam pertulerint, coactos se coram DEO omnipotente, quod ex usu Reipublicæ esset, providere, atque vim vi repellere.

Pugna Capellensis.

Ventum igitur ad arma meliorque causa placuit Superis. Nam quinque Cantones Catholici, Lucerna videlicet, Urania, Suitium, Subsylvania, & Tugium, Vallesiorum subsidiis auxi, ad *Capellam* memorabil prælio Tigurinos fuderunt, cadente etiam in pugna Zwinglio, galeato potius ac hastato milite, quam Apostolo aut animarum procuratore; homine certe Religioni & Reipublicæ graviter pernicioso; quem brevi post haud dubie ad inferos secutus est Oecolampadius alter in Helvetia novi Evangelii Apostolus; abjecto cucullo, fractisque sacris votis, DEO factis, ad id muneris, & sacrilegum concubinatum vocatus.

Auxere Catholicorum triumphum ac bellicæ virtutis gloriam quatuor aliæ victoriæ, quas brevi post quinque illi Cantones, pro causa DEI certantes, non tantum a Tigurinis, sed aliis etiam sectariis, qui suis auxilio venerant, reportarunt.

Accepto etenim cladis nuntio Bernates, quorum præcipua est potentia, cum Tigurinis, Basileensibus, Solodoranis, Scaphusianis, Sangallenibus, Mülhusanis, confiato, ut fertur, triginta millium exercitu adversus Catholicos, quorum vix octodecim millia fuisse scribuntur, in aciem procedunt. Victi nihilominus Bernates fugam arripiunt, octingentis in acie amissis, & totidem ferme flumine haustis.

Clades Novatorum.

Major autem multo fuit clades, quam 24. Octobris acceperunt. Nam diem jam bis iniquum sibi experti, noctem amicam magis crediderunt. Sed Catholici in armis parati stabant, atque ut se se internoscerent, candidis vestibus lineis induti, magnam Zwinglianorum stragem edunt, sex millibus eorum interfecit.

At illi contractis profligati toties exercitus reliquit, novisque copiis auxi, die ultima Octobris rursus tentarunt aleam: sed eodem eventu. Nam quarto prælio victi sunt, amissis suorum quinque millibus.

Cælo probatam Catholicorum causam videbant sectarii; hinc quasi Divos prius expugnare oporteret, adversus facellum in Eremo, Deiparæ Virgini sacrum, ad quod viris in acie stantibus, imbecillior Catho-

Catholicorum turba supplicatum iverat, malesani conjurant, illudque funditus evertere statuunt. Hoc eorum consilio cognito Catholici ita eos exceperunt, ut quinque rursus millia occiderent, multis eorum signis captis.

Quinta hac clade fracti tandem sectarii pacem rogarunt; quam benignam admodum dederunt Catholici, moderate suis usi victoriis, permissa victis in ditionibus suis religionis libertate, cum juribus pristinis: digni profecto, qui eandem erga se moderationem experiantur, si victoria in futurum mutaret vices.

Addita fuit illa conditio, ut Catholici renuntient foederi, cum Ferdinando Rege inito, Zwingliani vero foederi, quo se obstrinxerant Philippo Hassiæ Landgravio. Zwingliani enim in Comitibus Augustanis condemnati, & a foedere Smalcaldico tanquam hæretici a Saxone aliisque Lutheranis rejecti, post frustra tentatam Marburgi religionis concordiam, cum Hassio privatam armorum unionem pacti fuerant.

Cæterum bene notandum, in hoc tractatu pacis statim §. 1. Religionem Catholicam appellari, *veram, indubitatam, Christianam fidem*: & §. 2. *Antiquam, veram, Christianam fidem*; Zwinglianam contra sectam nominari *novam fidem*: argumento manifesto, quid ipsi etiam Zwingliani in publico pacis instrumento sint confessi. Sed nempe aliud est, veritatem confiteri: aliud, illam non sequi. Illud ingenuitatis est, hoc dementiae.

Multi tamen, præsertim in communibus Helvetorum provinciis, post eam pacem ad antiqua sacra redierunt, uti in Turgoia, Valle Rhenana, agro Sargantino, Badensi, Mellingenfi, Brengartenfi &c. præsertim vero Solodori Religio, per plures annos gravibus procellis agitata, in integrum restituta fuit. Quin Tiguri etiam non deerant, qui reditum ad agnitam veritatem meditabantur, nisi fraudibus Henrici Bullingeri, qui Zwinglio successerat, Leonis Judæ, Andreæ Carlstadii, Bernardini Ochini, Theodori Bibliandri, Conradi Pellicani, ac dein etiam Petri Vermilli, aliorumque, ex monasteriis profugorum hominum, mulierculas secum abducentium aut quærentium fuissent in errore detenti.

Utque hic magis firmaretur, Tiguri in annos singulos coacta sunt duo ministrorum Conciliabula. Bernæ vero anno 1532. ministelli 330. synodum constabant, accito etiam Basilea Capitone, ubi Myconius & Grynæus omnem industriam cum eo contulerunt, ne homines sapiant.

Pax-

Conciliabula.

ARTICULUS VI.

Continuatio Historiæ Ecclesiast. sæculi XVI.

171. **A**Nno 1533. Adrianus Sedunensis Episcopus, & septem Disseni cum septem Catholicis Cantonibus, quibus in nupero bello valida auxilia miserant, peculiare fœdus inierunt pro conservanda fide Orthodoxa. Anno vero 1536. Vallesiani Carolo III. Sabaudia Ducis, qui Genevam obsedit, tres Præfecturas eripuerunt, Bernenses Vaudum, Friburgensibus etiam in partem belli & prædæ venientibus. Defecit eo tempore Geneva, Lausanna &c. pulsus Episcopus. Joanni vero Episcopo Constantiensi, in Helvetia & Suevia annuis redditibus multum imminuto, indultu Pontificis, Augia & Oeninga accessit.

172. **V**allesia infestatur. Sub medium sæculi XVI. Zwingliana lues, tacite ulterius ferpens, plures etiam ex Vallesiis corripuit, quos inter Kaufmannus quidam, Parochus Vespia, non postremus fuisse traditur, illatum contagium per libros infectos, Tiguro submissos; perque litterarum alumnos, qui, cum in Vallesia scholæ publicæ necdum essent apertæ, Bernæ, Basileæ, & Tiguri studiis operam dantes, luem secum in patriam reportabant. At vigilantia Episcoporum, & zelus Catholicorum, præsertim Gomesianorum (unde hodiedum *Gomesia Catholica* appellatur) grassanti malo remedium postea attulit, purgata provincia; fœdere cum Catholicis Cantonibus ad conservandam veram Religionem, renovato, anno 1565. Ac postmodum rursus anno 1578.

173. **P**ax Sabaud. Quo tempore Catholici Cantones etiam cum Sabaudia Duce, & Friburgenses ac Solodorani cum Episcopo Basileensi, & urbe Vesuntione fœdere juncti sunt. Bernates vero paulo ante (anno 1564.) pace cum Sabaudis inita, Vaudum, & quicquid cis Rhodanum & lacum Gebennensem anno 1536. occupaverant, retinuerunt, restituitis, quæ trans Rhodanum in agro Caballico Sabaudis eripuerant. Lis tamen cum Friburgensibus, ratione religionis in quatuor communibus Præfecturis pluries recrudit; Bernatibus ubique veram fidem exterminatum euntibus.

Obierunt

Obierunt his temporibus plures in Helvetia famosi Grammatici ac Philologi (aut potius Mythologi) uti Bernæ *Joannes Hallerus* Canoniceus Apostata, Bernensis ruinæ Princeps auctor: Basileæ *Simon Grinæus*, Oecolampadii successor, semi-Lutheranus, magni apud suos nominis; *Andreas Carlstadius*, mundi erro, Sacramentariorum parens; *Sebastianus Münsterus*, monachus, maritus, Bibliographus, Cosmographus, *Erasmus Roterodamus*, quam cultioris litteraturæ gnarus, tam dubiæ fidei: Tiguri *Leo Juda*, & *Theodorus Bibliander*, Bibliorum non satis fideles transfusores; ut vel ipse etiam Lutherus iis exprobravit; *Conradus Pellicanus*, excucullatus monachus, primum Basileæ, dein Tubingæ adversus Lutheranos, rursus Basileæ, ac denique Tiguri adversus Catholicos declamator, linguæ Græcæ ac Hebraicæ doctor. *Henricus Bullingerus*, *Zwinglii* in Apostolatu Tigurino successor, a procusa nova Helvetica fidei Confessione famosus; cui Tiguri successit, quem honoris causa nomino, *Jacobus Breitingerus*; *Petrus Wernilius* seu *Martyr*, monachus Italus, singularis monialium amator, & raptor, quam acuti homo ingenii, tam pravi; *Josias Simlerus*, Historicus: *Joannes Stumpsius* Chronicus: *Joannes Frisius* Lexiciplastes: *Conradus Gesnerus* polyhistor, de profana eruditione non male meriti; utinam melius de religione! In urbe Sangallensi *Joachimus Vadianus*, Medicus Senator, eodem dignus elogio, aliis tamen modestior.

Taceo *Bernardinum Ochinum* ex sacro ordine & Italia profugam, mulierosum hominem, primo Genevæ, dein Tiguri, Basileæ, in Anglia & Polonia tumultuantem, denique in Moravia pereuntem. *Martinum Bucerum*, fœdisfragum pariter ac sacrilegum ex monasterio apostatam, Argentinæ perturbatorem & everforem, versatilem in fide ac fluctuantem Melanchtonis exemplo Protheum: frustra conatum Lutheranos cum Zwinglianis ad unitatem reducere, alteris alteros hæreseos insimulantibus, gravesque in Suevia, Palatinatu, Saxonia, & Argentinæ turbas cientibus. Omitto etiam *Farelum*, & *Viretum* cum Calvino Genevam & adfatas provincias subvertentes.

Hos omnes, quos brevi temporis intervallo mors rapuit, tanquam novos Helvetiæ ruentis Atlantes, & (*Erasmo* & *Vadiano* exceptis) verbi Zwingliani ministros, somniique interpretes ad cælum extollunt heterodoxæ pennæ. Sed dies, ulx scelorum, totque animarum perditarum vindex, lapsus infelices ostendet. Cultioris licet alicujus litteraturæ laus non sit iis

deneganda ; de religione tamen non aliam merentur famam posthueram, quam Herosttratus ille de templo Ephesino.

Cum autem Catholici cernerent, Zwinglianos amplis stipendiis, ex profanatis monasteriis & Ecclesiarum foundationibus collectis, publicas ubique scholas erigere, ac urbem didascalorum & præconum, qui ingenio valerent, attrahere, atque per eos rudes pervertere, cogitarunt & ipsi de mediis, abstergendi ignorantiae fuliginem, doctosque viros obtinendi, qui Zwinglianis se opponerent, atque veritatem contra testas eorum fraudes opportune defenderent.

175.
Colleg.
Helvet.
Mediol.

Igitur S. Carolus Borromæus, Cardinalis & Archiepiscopus Mediolanensis, qui miserandum Helveticæ Ecclesiæ statum præfens inspererat, re cum Catholicis Ordinibus collata, seminarium Mediolanum fundavit, in quo quadraginta circiter ex Helvetia, Vallesia, & Grisonia juvenes morum probitate & litterarum studiis imbuerentur, atque iis instructi populares dein suos erudirent.

Optimum sane consilium, & usu ipso comprobatum. Ex ea enim pietatis & litterarum palæstra, directioni Patrum Societatis Jesu a S. Fundatore concredita, prodierunt deinceps multi insignes viri, qui verbo & exemplo parœcias animarent, & felici scuto venenata adversantium tela retunderent.

Nuntiatura.

Usu quoque tunc receptum, ut Nuntius Apostolicus constanter apud Helvetios resideret, caveretque, ne quid Ecclesia, fidesque Orthodoxa in iis partibus detrimenti patiatur. Primus, cui hoc munus obtigit, fuit Bonomius, Episcopus Vercellensis, obstrepentibus, sed frustra, Zwinglianis & Calvinistis. Fuit autem huic *Nuntiatura*, ut vocant, provincia per Dioceses Constantiensem, Basileensem, Sedunensem; Lausannensem, & Curientem, assignata.

176.
Adventus
Societatis,

Utque in ipsa etiam Helvetia Catholica litterarum studia florescerent, erectæ sunt scholæ publicæ: advocati Patres Societatis Jesu: primo quidem Lucernam anno 1559. & paulo post Friburgum; anno 1588. Bruntrutum, 1646. Solodorum. Cumque non obstante diligentia cura, nihilominus inimicus ille humani generis nova identidem in agro Vallesiano superfeminaret errorum zizania, in eum quoque inductæ operarum coloniæ, mutata sæpius statione, sedem tandem stabilem Brigæ fixerunt.

& Capuc.
norum.

Atque ut nihil subsidiorum deesset in pagis etiam Helvetiæ, ejusdem S. Cardinalis zelo, & Catholicorum Cantonum liberalitate, magno animarum bono introducti sunt Patres Capucini, vel ipso habitu, & severa consiliorum Evangelicorum observantia, mollem ministellorum vivendi rationem condemnantes. Et primo quidem Altorfii

in

in Urania confederunt; inde vero Stantium, Sarnam, Svitium, Lucernam, Abbatiscellam, Badenam, Tugium, Rappersvilam, Frauenfeldam, Surseam, Bremgartam, Friburgum, Bruntrutum, Wilam, Arthum, atque in agrum Sargantinum, Oltensem, Schüpfensem, Glaronensem, felici fecunditate propagati, in sola Helvetia integram provinciam, eamque præstantem constituunt.

Et hæc quidem spiritualia erant præsidia. Quibus adjuncta fœdera; nam septem Catholici Cantones non tantum inter se Unionem ^{177.} Catholico-
pactumque renovarunt Lucernæ anno 1586. sanguine etiam & vita, rum fœdera,
si necesse sit, protegendæ Religionem Catholicam; sed cum Philippo II. etiam Rege Catholico, tanquam Mediolanensi Duce, in eundem finem, anno sequenti fœdus jurarunt. Quin imo conservata in Gal-
lia quoque Orthodoxa fides plurimum sane debet Catholicæ Helvetiæ,
quæ validissimis copiis subsidio missis, tot gravissimis in præliis, cum
rebellibus Calvinistis confertis, & Regem & Religionem invictæ ro-
bore sustentavit.

Lividis oculis res istas spectarunt Cantones Acatolici, acerbè per legatos conquesti, præter alia, adversus hæc cum externis fœdera: his enim compagem nexus interni dissolvi, nervosque Helvetici corporis, tanta fide animorumque conjunctione antea uniti, penitus incidi.

Responderunt Catholici, se deplorare labefactatam inter confœ. Et respon-
deratos Cantones unionem, tanto impendio stabilitam; verum omnis mali originem inde ducendam, quod unius, vilis & fœdisfragi homi-
nis factione (Zwinglii videlicet) commune ac sociale vinculum sit dis-
ruptum: fœdera a se inita ad nullius offensionem pertinere, sed ne-
cessariam sui defensionem adversus quoscunque injustos aggressores
spectare. Acatolicos Cantones diversas religiones in una civitate to-
lerare, parum sollicitos, cujus fidei sint, modo non sint Catholici:
hinc etiam emendationem Calendarii, licet optime factam, ab iis
repudiatam, eam duntaxat ob causam, quod a Papa sit profecta.
Voce *Hæretici* se quidem usos, sed non alio sensu quam S. Paulum.
Catholicam autem Ecclesiam ejusque summum Antistitem gravissimis
calumniis & opprobriis a Zwinglianis laceffi.

Addunt, Religionem suam in Verbo DEI fundatam; & extra
illam neminem salvari posse. Si veritatem amassent Acatolici, ean-
dem Tridento, quo invitati fuerint, petissent. Cum Genevensibus
(qui Acatolicis Cantonibus fœdere juncti erant) nihil sibi fore ne-
gotii. Fœderibus vero suis, cum aliis Principibus initis, se non re-
nuntiaturos, nec eorum legatos abacturos. Ab unitate Religionis pen-
dere unionem, pacem & tranquillitatem Reipublicæ. Illam nisi am-
plectan-

plectantur, nescire se, quomodo ista conservari possit. Sed id aēnos, quod e re & usu Reipublicæ videretur.

178.
Synodus
Mumpelgar-
densis.

Verum non tantum a Catholicis, sed a se ipsis quoque vehementer dissidebant A catholici. Nec Conciliabulo Mumpelgardensi, a Wirtembergico Duce indicto, quidquam profectum: quin majoribus discordiis & rixis collisi sunt, Beza, qui cum Zwinglianis ministris colloquio aderat, cum Jacobo Andræ, qua voce, qua scriptis infamibus, turpiter de doctrina disceptante: & Samuele Hubero cum Abrahamo Musculo in nova jurgia Bernæ insurgente.

Huberus etenim lectis Conciliabuli Mumpelgardensis actis Musculo exprobravit, quod a Bernensis Ecclesiæ, uti etiam a Tigurina Bullingeri Confessione perfide recesserit, ac novæ Tubingensium subscripserit. Articuli autem, quos Huberus propugnabat, erant: Christum pro omnibus mortuum esse. DEum omnes ad vitam æternam ordinasse. Prædestinatos posse a fide deficere & damnari. Etiam reprobos fuisse aliquando Christo unitos. Baptismum infantium validum & efficacem esse.

Et Bernensis
urbæ.

Ut hæc capita, Calvini potissimum doctrinæ (a Bernensibus prius rejectæ) contraria, definirentur, coactum est anno 1587. Bernæ Conciliabulum, vocatis ad illud Tiguro, Basilea, Scaphusia, & ex ditione Bernensi, præconibus, eo post trinas sessiones, & multas rixas, eventu, ut Huberus a Senatu, qui judicem agebat, condemnatus, & cum doctrinæ suæ constanter insisteret, proscriptus fuerit. Nec desit postea Tubingæ aliisque in locis Lutheranis Zwinglianos, & Calvinistas, strenue oppugnare; obscœnus scurra propterea ab illis appellatus. Sed is retorfit argumentum.

Dissidia No-
vatorum.

Certe ea erat inter sectarios discordia, ut Zwingliani non tantum a Lutheranis & Calvinistis dissentirent, sed qualibet ferme civitas propriam ac peculiarem confessionem ab aliis diversam, ederet, aliis ad Genevensensem, aliis ad Bernensem, aliis ad Tigurinam, aliis ad Basileensem, aliis ad Grisonicam, aliis ad Heidelbergensem &c. accedentibus; pulcherrimo sane argumento fraternæ unionis.

Tirani in Valle Tellina Catholicus Parochus hanc Calvini thesin, Christum secundum Divinam naturam esse mediatorem inter DEum & homines (*lib. 2. Instit. cap. 14. §. 3. contentam*) repro-
bavit. Quod cum Calvinistæ non ferrent, coacta est Synodus (*anno 1595*) jurgiis transacta. Deputati vero trini fœderis, ulteriore disputatione inhibita, Parochum multarunt, quod Calvinum aggredi ausus fuisset. Seq. eant anno Burcardus Lemannus, Tigurinus præco, cum pro concione diceret, sibi imprecatus, ut diabolus eum rapiat, nisi

nisi doctrina sua de cæna Domini sit vera, repente e cathedra abreptus traditur, jure an injuria, non discutio, affirmant alii factum, Tigurini negant: utique non sine causa.

Abbatiscellensis regio monasterio Sangallensi olim subiecta, dein anno 1513. in commune Helvetiorum sædus recepta, sicut alii Can-^{179.} Abbatiscel-
tones, per religionis mutationem vehementer concussa est. Dum lentes divisi.
enim alii antiquam fidem retinere laborant, alii in novos errores abripiuntur, eo usque per multos annos increverunt domestica dissidia, ut anno 1597. in duas eam communitates partiri necesse fuerit: quarum quælibet sui sit juris, proprium senatum, separatamque ab altera jurisdictionem habeat. *Interiorem*, in qua Abbatiscella, & *exteriorem Rbodenam* appellant; illa Christum, hæc Zwinglium sequitur.

Constantiensis Episcopus Andreas, Archiducis Ferdinandi filius, Cardinalis & Archiepiscopus Toletanns, tot millium animarum, misere seductarum, sortem miseratus, atque in omnem partem Pastoralem curam exporrigens, si qua via ad ovile Christi reduci possent, anno 1598. Legatos Tigurum misit, atque disputationis de Religione instituendæ eis copiam fecit; quam cum detractarent, eorum Confessionem fidei per Joannem Pistorium, virum excellentis doctrinæ, confutavit, plus quam 2000. erroribus in ea detestis. Patres etiam Capucini tum Abbatiscellæ, tum Thunontii in Sabaudia disputationem obtulerunt A catholicis; at isti satius duxerunt, non condicere. Agrum autem Caballicum, a Bernensibus prius perversum, insigni cum fructu excoluit S. Franciscus Salesius; Genevæ cultura nequicquam tentata.



CAPUT V.

Schema rerum Mediolanensium & Concilia a S.
Carolo Borromæo celebrata sæculo XVI.

SUMMARIUM.

ARTICULUS I.

De Statu rerum Mediolanensium.

- | | |
|--|---|
| <p>180. Antiqua Insubria, sub Romanis, sub Gothicis, sub Hunnis, sub Longobardis, sub Carolingis Imperatoribus, sub Italia Principibus, varia fatorum vicissitudine.</p> <p>181. Otto M. Mediolanum ad Imperium reduxit. Fridericus I. evertit. Guelphicis ac Gibellinis Factionibus jactatum.</p> <p>182. Vice-Comites Gubernatores primum dati ab Imperatoribus, paulatim Principatum ad se traxerunt.</p> <p>183. Hos inter potentissimus Joannes Galeacius, Dux primus Mediolani, Italiae, imo & Imperatorum terror, qui dominationem in omnem partem protulit, sed filii rursus amiserunt, quod pater acquisiverat.</p> | <p>184. Defuncto ultimo Vice-Comite ingens quatuor inter competitores de Mediolano contentio. Sed victoriam refert reliquis infirmior Franciscus Sfortia.</p> <p>185. Filius ejus minor Ducatum invasit. Sed a Gallis dejectus, in Gallicum carcerem abductus, est. Ejus filii sæpius dejecti a Gallis: sæpius restituti Donec Carolus V. Ducatum filio suo Philippo tradidit.</p> <p>186. Religionis status. Enumerantur Episcopatus ad Provinciam Mediolanensem spectantes, cum brevi descriptione tum urbis Archiepiscopalis, tum aliarum urbium Episcopali.</p> |
|--|---|

ARTICULUS II.

Concilia Provincialia Mediol. S. Caroli Borromæi.

§. I.

Mediolanense. I.

- | | |
|---|---|
| 187. Oratio S. Caroli de fine Conciliorum. | 194. De ministris Ecclesiæ. |
| 188. Pars I. de fide Catholica : prædicatione verbi Divini : imaginibus &c, | 195. De Divinis Officiis. |
| 189. Pars II. De Administratione Sacramentorum. | 196. De exequiis & sepulturis. |
| 190. De Collatione Beneficiorum. | 197. De bonis & juribus Ecclesiasticis. |
| 191. De Episcopis : de clericis. | 198. De Matrimonio. |
| 192. De parochiis, vicariis, visitatione. | 199. De meretricibus, histrionibus, aleatoribus &c. |
| 193. De Judiciis, causidicis, executoribus. | 200. De usuris. |
| | 201. Pars III. de piorum locorum administratione. |
| | 202. De monialibus. |
| | 203. De Judæis. |
| | 204. De pœnis & executione. |

§. 2.

Mediolanense II.

Titulus. I.

206. De fide, sacramentis & pastoralibus muneribus.

Titulus II.

207. De Missa, cultu Divino, & Ecclesiasticis.

Titulus III.

208. De bonis & juribus Ecclesiarum.

§. 3.

Mediolanense III.

209. De Festorum cultu.

210. De concionatibus & fide
tuenda,

Z z 2

211. De

- | | |
|---|--|
| 211. De Sacramentis & Sacra- mentalibus. | 215. De ornatu & cultu Ecclesia- rum. |
| 212. De Missa & Divinis Officiis | 216. De bonis Ecclesiasticis. |
| 213. De Parochiis. | 217. De Matrimonio. |
| 214. De Capitulis. | 218. De foro Ecclesiastico. |
| | 219. De Regularibus. |

§. 4.

Mediolanense IV.

- | | |
|---|---|
| 220. <i>Pars I.</i> De professione fidei, sacris reliquiis, miraculis & imaginibus. | 228. De Sacramento Ordinis. |
| 221. De indulgentiis, jejuniis, festis, & peregrinationibus. | 229. De collatione beneficiorum. |
| 222. De sacris locis, eorumque cultu. | 230. De Missa & Divinis Officiis. |
| 223. De Verbi Divini prædica- tione. | 231. De distributionibus, capitu- lis &c. |
| 224. <i>Pars II.</i> De Sacramentali- bus & Sacramentis. | 232. De parochiis & parochiali- bus juribus. |
| 225. De baptismo & confirma- tione. | 233. De Episcopis. |
| 226. De Eucharistia. | 234. De vita & honestate cleri- corum. |
| 227. De poenitentia & extrema unctione. | 235. De visitatione. |
| | 236. De synodis. |
| | 237. Admonitiones. |
| | 238. De foro Ecclesiastico. |
| | 239. De Regularibus. |
| | 240. De locis piis. |

§. 5.

Mediolanense V.

241. Oratio S. Caroli ad synodum.

Pars I.

- | | |
|--|---|
| 242. De fide tuenda. | 245. De votis, oratione, indul- gentiis, sacris reliquiis. |
| 243. De prædicatione Verbi DEI & doctrina Christiana. | 246. De Sacramentalibus & Sa- cramentis. |
| 244. De festis & sacris tempori- bus. | |

Pars II.

Pars II.

247. De cura tempore pestis. De Hospitalibus a S. Carolo exstructis.

Pars III.

| | |
|---|--|
| <p>248. De seminaris, & examini- bus ordinandorum, curatorum confessariorum, concionatorum 249. De Sacramento Ordinis. 250. De Ecclesiis, Synodis, Vi- sitatione.</p> | <p>251. De Episcopali jurisdictione & foro. 252. De Matrimonio. 253. De scholis, confraternita- bus, monialibus.</p> |
|---|--|

§ 6.

Mediolanense VI.

| | |
|---|--|
| <p>254. Oratio S. Caroli. 255. De fide. 256. De Reliquiis, festis, indul- gentiis. 257. De Sacramentis. 258. De capitulis, clero, Divi- nis Officiis. 259. De funeribus, processioni- bus, Ecclesiarum cultu.</p> | <p>260. De iuribus & jurisdictione Ecclesiastica. 261. De synodis, & beneficiis. 262. De foro Ecclesiastico. 263. De Matrimonio. 264. De disciplina militari. 265. De confraternitatibus, piis locis &c.</p> |
|---|--|

CAPUT V.

De statu & conciliis Mediolanensibus.

ARTICULUS I.

De Statu rerum Mediolanensium.

Quamvis de rebus Mediolanensibus tum antiquis tum recen-
tioribus multa pro temporum varietate in hoc apparatu sint Antiqua In-
deta; juvat nihilominus hic illa velut pugno constringere. Cir-
umfusa Mediolano regio Insubria olim, ac Gallia Cis-Alpina
fuit

fuit dicta, præcipua postea Longobardici regni provincia: si qua alia terrarum pars, frequenti varietate fatorum jactata.

Nam postquam Insubres ab antiquissimis temporibus eundem incoluerant, anno 366. a Roma condita Senones Galli Brenno Duce Mediolanum & circumjectum regionum tractum occupasse dicuntur. Verum crescente Romanæ Reipublicæ potentia, tandem etiam pugnantissima hæc Natio eidem succubuit. Eversa Republica Imperatoribus paruit ad sæculum usque Christianæ æræ quintum, quo primum Alarico Gothorum Duci in prædam cessit, tum ab Attila Hunnorum Rege vastata Mediolano funditus eversa.

Attila ex Italia recessit; Gothos Longobardi expulerunt, qui Alboino duce novum regnum erexerunt, sede Regia Ticini constituta (sæculo VI.) dictum ab ipsorum nomine Longobardicum: superstitè hodieum nomenclatura *Lombardia*. 206. annis illud regnum steterat cum a Carolo M. eversum est, Desiderio Rege ad Ticinum victo captoque (sæc. VIII.)

Romani igitur rursus Imperii provincia, sub nomine regni Italia, facta est Gallia Cisalpina, seu Longobardia, varia tamen fortunæ vicissitudine. Nam sub Carolingicis usque ad Caroli Crassi mortem utcumque quieta paruit; tum vero sub finem sæculi noni & initium decimi a Berengariis, Guidonibus, Lampertis, Adalbertis, Bosonibus, & Rudolphis distracta, Ottonis M. virtute in unum rursus corpus cum Imperio coaluit.

Sæculo vero XII. surgentibus Gibellinis illis & Guelphicis factionibus, sub Friderico præsertim Ænobarbo magnas calamitates Longobardia est perpeffa. Quippe Mediolanum, cum obsequio se subtrahere niteretur, prima Friderici expeditione domitum, altera funditus eversum est. Tertia vero expeditione devictus Cæsar, cum Pontifice Alexandro III. & Longobardiæ civitatibus transigere coactus est.

Sæculo XIII. sub Friderico II. factio recrudit: nec vinci ita Insubres poterant, ut non multum, quoad viveret, negotii eidem facefferent. Tempore Interregni sui juris erant. Postea gubernatores rursus ab Imperatoribus acceperunt; quos inter erat *Mattheus Vicecomes*, quem Henricus VII. Imperii per Italiam Vicarium dixit (sæculo XIV. anno videlicet 1310.) successit eadem potestate filius *Galeacius*, verum is a *Marco* fratre suo ad Imperatorem Ludovicum Bavarum delatus agitatae defectionis, cum filio *Azone* in custodiam datus est. At innocentia patefacta liberatus, Marcus vero a nepote suo *Azone*, Galeacii filio interemptus est. Huic absque liberis defuncto

functo successerunt ejus patru, primum *Lucinus*, tum *Joannes*, qui simul erat Archiepiscopus Mediolanensis, sacra simul ac profana jura dispensans, omnique ferme potitus Longobardia.

Joannes, anno 1354. obiens hæredes scripsit Stephan fratris sui filios; quorum tres erant: primus *Mathæus II.* sed hoc brevi decedente, ejus fratres, *Galeacius II. & Barnabas*, qui simul Principatum esserunt. Verum *Joannes Galeacius* Matthæi II. filius se præteritum indigne ferens Barnabam in carcerem conjectum veneno sustulit.

Hic igitur *Joannes Galeacius*, ingentium spirituum Princeps, extincto Barnaba patruo, non tantum regimen occupavit, sed etiam sub imperatore Wenceslao primus *Mediolani Dux* fuit renuntiatus, attributis ei multis Longobardiæ civitatibus, uti Alexandria, Bobbio, Brixia, Cremona, Laudo, Novara, Tortona, Vercellis, Placentia, Parma, Reggio, Bassano, Feltrio, aliisque pluribus. Præterea occupavit Tarvisum, Paduam, Tridentum; Scaligeris vero Veronam & Vicentiam eripuit.

Quamvis autem increscentem tantopere Galeacii potentiam equis oculis aspicere non poterant reliqui Italiæ Status, nemo tamen se eidem audebat opponere. Quare Rupertum Imperatorem vocarunt: sed is cum exercitu ad lacum Gardensem a Galeacio victus, in Germaniam redire compulsus est.

Cum Pontifice dein & Florentinis commissus, eos pariter acie percussit, & Bononiam expugnavit. Mantuanum vero Marchionem Franciscum Gonzagam arma ponere coegit.

Tandem post tot victorias morti in prædâ cessit anno 1402. ætatis 55. relictis tribus liberis, *Valentina*, Duci Aurelianensi nupta (unde postea bellorum seges) & duobus filiis, Joanne & Philippo.

Igitur *Joannes Maria* alter Mediolani Dux regimen auspicatus, patris sædavit victorias. Verona & Vicentia Venetis cessere, Bononia Pontifici, Pisa Florentinis. Obiit anno 1412. cumque nullam prolem relinqueret, successit *Philippus Maria* tertius Mediolani Dux, æque ultimus ex Vicecomitum familia; Conabatur is quidem amissas fratre urbes reducere, sed non minus infelix, Bergomum insuper & Brixiam Venetis cedere est coactus.

Mortuus Philippus anno 1447. vitæ 55. reg. 35. unica relicta ^{184.} *Blanca Maria*, ex concubina suscepta. Ingens mox orta de ^{Lis de Me-} Ducatu Mediolanensi magnos inter candidatos contentio. Quatuor ^{diolano.} eorum erant. Primus Fridericus imperator, qui Insubriam, tanquam Im-

Imperii feudum, extincta Vicecomitum Ducali Familia, ad Imperium reversam, eidem vindicavit.

Alter erat Carolus Dux Aurelianus, cujus mater fuit Valentina Joannis Galeacii legitima filia, Philippi ultimi possessoris soror. Accedebant pacta dotalia, quibus cautum erat, ut Valentinae poster in Ducatu Mediolanensi succedant, si Galeacii filii absque legitima prole decederent.

Tertius inter competitores fuit Alphonsus V. Rex Aragoniae quem Philippus testamento haeredem scripserat.

Quartus denique erat *Franciscus Sfortia*, Papiæ Comes, qui Blancam Mariam, ultimi possessoris filiam notham in uxorem duxerat. Et hic, licet omnium infirmissimus, opimam dotem in Domum suam importavit. Nam Mediolanenses externorum regimen abhorrentes, Blanca declarata haerede, Sfortiam Ducem renuntiatum in possessionem miserunt, fulcientibus etiam ejusdem partes Pontifici & Venetis.

Moriens anno 1466. Franciscus Sfortia Ducatum reliquit primo genito ex sex filiis *Galeacio Maria*. Cui anno 1476. interempto succedere debebat filius *Joannes Galeacius*. Sed quia is tenera aetate, & mente non satis firma, *Ludovicus Sfortia*, cognomento *Morus*, primum tutelae nomine administrationem arripuit: dein vero eundem Galeacium nepotem suum anno 1494. veneno extinxisse fertur. Reliquit equidem Galeacius quadrimum filium Franciscum. Verum is anno 1499. a Gallis captus, in monasterio obiit anno 1511.

Ludovicus Morus igitur, ducatu non satis ex fide parto, ut se tutum redderet, Gallos & Neapolitanos inter se commisit, primo Caroli VIII. socius, dein vero in eo Neapoli rursus depellendo, atque ex omni Italia eiiciendo hostis.

Non tulit perfidiam *Ludovicus XII.* successor Caroli: stimulatque Valentinae aviae haereditas. Cum igitur *Ludovicus Morus* cum Venetis bellum gereret, transmissis Alpibus viginti intra dies totum Ducatum occupavit, *Ludovicus Moro* cum filiis in Germaniam expulso. Verum Mediolanenses Gallorum mox pertaesi, Ducem cum Helvetorum exercitu venientem receperunt; nihilque Gallis, praeter arcem Mediolanensem & Novaram, reliquum fecerunt. At Gallus novis submissis subsidiis, cum Helvetii adversus populares suos, in exercitu Gallico militantes, pugnare nollent, Morum alieno habitu fugere conantem interceptit, captumque in Galliam abduxit anno 1500. ubi post octo annorum carcerem obiit.

Filios reliquit duos, *Maximilianum & Franciscum*. Qui Gal-
 lis Ducatum obtinentibus exulatum abiverant. Verum cum Gallo- Ejeſti.
 rum arma in Italia dominarentur, Pontifex Julius, & Ferdinandus
 Catholicus, rupto fœdere, adverſus Venetos inito, cum Anglis,
 Helvetiis (quos Ludovicus XII. a ſe alienaverat) iſiſque Vene-
 tis, bellum in Gallos verterunt. Qua occaſione *Maximilianus Sfor-*
cia, Helvetiorum maxime opera, Gallis expulſis, Ducatui eſt reſti-
 tutus, anno 1512.

Rex Ludovicus equidem novo exercitu miſſo, totam propemo-
 dum Inſubriam recuperavit, ipſumque Ducem Maximilianum Nova-
 ræ obſedit. At Helvetii eruptione ex urbe facta, tanto impetu in
 Gallos iſſeſti ſunt, ut eos ad internecionem ferme caderent,
 cladiſque reliquias tota Italia eſicerent. (anno 1513.)

Franciſcus I. biennio poſt novam in Italiam expeditionem ſuſce-
 pit, viſtiſque pertinaci ad *Marignanum* prælio Helvetiis, Maxi-
 mianum adegit, ut ſibi provincias cederet, & 30000. aureorum an-
 nuæ penſione deinceps in Gallia viveret: ubi cœlebs obiit anno
 1530. Redeunt.

Carolus V. Cæſar & Italiæ Status haud ferentes tantam Gallo- Iterum pul-
 um in Italia potentiam, iſiſ caſiſ pulſiſque, *Franciſco Sfortia*, al- ſi.
 ſeri Ludovici Mori filio Ducatum reſtituerunt (anno 1521.) Accepit
 utem illum Franciſcus a Carolo Cæſare ceu feudum Imperii, cli-
 elari jure poſſidendum. Minime tamen quieto eſſe licuit. Quippe
 anno 1524. Rex Franciſcus novum Boniveto duce immiſit exercitum;
 oque magnam partem repulſo, ipſemet anno 1525. novas adduxit
 opias, firmatoque Mediolano milite præſidiario, Paviam obſedit;
 bi commiſſo cum Cæſareis Ducibus prælio, victus, captuſque in
 diſpaniam abductuſ eſt: Gallis denuo tota Italia depulſiſ.

Madritenſi deinde pace, poſt 13. menſium captivitatem, Rex
 franciſcus omni in Ducatum Mediolanenſem jure ſe abdicavit. Sed
 um paſſionem iſtam extortam diceret, anno 1528. miſſo cum exer-
 itu in Italiam Odeto Lautrechio, illatiſ Inſubriæ armis, in Regnum
 ſque Neapolitanum progreſſuſ eſt, urbemque principem obſidi-
 ſteſtavit. Verum peſte in exercitum ſaviente, totam ruriſus Ita-
 am relinquere coactiſ eſt, tandemque, ut Rex filioſ ſuoſ, in Hi-
 pania pro ſe obſideſ, reciperet, anno 1529. in pace Cameracenſi
 omni denuo in Mediolanum jure, ſolemni abdicatione ceſſit.

Haud multo poſt, anno videlicet 1535. ubi improliſ obiit *Fran-* Ad Auſtria-
ſcus Sfortia, vitæ 42. præterito illiuſ fratre Joanne Paulo Sfortia ccs.
 a quo Comiteſ Carravacenſeſ deſcendunt) Caroluſ V. Cæſar Du-
 ca-
 Pars VII. A a a

catum Mediolanensem feudali iure possidendum tradidit Philippo filio suo, a quo deinceps ad Philippum III. & IV. atque ad Carolum II. transit.

Carolo II. anno 1700. extincto Philippus Dux Andegavenfis ejusdem possessionem cepit, retinuitque usque ad annum 1706. quo post cladem Taurinensem pactione inita Galli ducatum Augustissimæ Domus Austriacæ denuo consignarunt. Alexandria vero, Valentia, tractus Lemellinæ &c. Sabaudis accessere; quibus postea plures aliæ urbes ac regiones Ducatus Mediolanensis per alias pactiones restitæ sunt.

186.

Religionis
Status.

ambrosia

Religionem quod spectat, primus eam in Insubria S. Barnabæ Apostolus propagasse traditur, plurimumque deinceps pressa fuit primum a Genilibus, sub Imperatoribus ethnicis, postea vero ab Arianijs, præsertim tempore Constantii Cæsaris, a S. Ambrosio potissimum restituta. Tum etiam ab irruentibus peregrinis populis Gothijs, Hunnis, Longobardis multum perpeffa: denique cot inter revolutiones ac bella, quibus Mediolanum ultra 40. vices obsessum & ultra 20. expugnatum est, morum disciplina misere fuit afflicta.

Remedium quasitum cum per synodos Diocesanas, tum vero maxime per Provinciales, quarum 18. diversis temporibus Mediolanum sunt celebratæ: & ex illis sex a S. Carolo Borromæo, ex tota provincia Mediolanensi, quæ est amplissima, & 15. omnino Episcopatus numerat, convocatis Episcopis.

Archiepiscopi Sedes est *Mediolanum*, Insubriæ caput, quæ & Provinciæ & Ducatui nomen dedit: urbs amplissima, quam propterea *Grandem* appellant, 110. monasteria, ut fertur, complexa, 220. ecclesias, & inter has 96. parochiales. Cathedralis, eximia prorsus magnitudinis, media ferme in urbe prospectans, adhuc maritimo opere in altum surgit, supra tecta ingenti & artificiosa turrium mole duobus jam lateribus in cælum exposita. Subtus pavimentum Ecclesiæ sacellum S. Caroli religione populorum celeberrimum visitur, multis ardentibus ad sacrum corpus lampadibus. Præsertim vero Ecclesia S. Ambrosii multis antiquis monumentis est conspicua; inter quæ eminent corpora sacra Ambrosii, Gervasii, & Protasii. Exhibetur ibi serpens æneus a Moyse erectus: porta, ad quam S. Ambrosius Theodosium Imperatorem, prius exclusum, deinde poenitentem recepit; corona ferrea qua olim Imperatores ab Archiepiscopo Mediolanensi coronari consueverant. Solus circulus interior est ferreus, reliqua ex auro & gemmis constant.

Taceo templa alia plurima; antiquitate, aut venustate, aut amplitudine conspicua, sodalitatum & clericorum Collegia,

regia, Hospitalia (quorum unum in urbe, alterum extra mœnia quadrato opere ac stupenda magnitudine) 22. portas: gemina palatia, alterum Archiepiscopi, Gubernatoris alterum: arcem extra urbem præmunitam forma polygonæ per modum stellæ; Collegium Societatis Brerenſe, cum magnifica Academia: armamentarium in urbe instructissimum; Bibliothecam Ambrosianam, Musæum Sertalanum; liberales artes, commercia florētissima, fluvios ad illa opportunos, præsertim *Ticinum*, qui in monte S. Gothardi exortus, Bellinzonam prætervectus, in lacum Majorem seu Verbanum se exonerat, indeque egressus haud procul Ticino in Padum influit: & *Adduam*, quæ ex Rhoeticis Alpibus exurgens, per vallem Tellinam & lacum Comensem fluit, atque inde emergens, ac Pizzigionam & Ghieram intersecans, pariter in Padum prope Cremonam se effundit. Ex his enim duobus fluminibus geminus canalis Mediolanum ductus, hinc cum Rhoetia, Germania & Helvetia, inde ope Padi & Adriatici cum reliqua Italia ac toto Oriente & Occidente commerciis opportunitatem aperit.

Secundus Provinciæ Mediolanensis Episcopatus est *Dertonenſis*, Episcopatus. a Dertona seu Tortona Episcopali sede sic appellatus. Hanc urbem, Romanorum tempore celebrem, Fridericus I. Imperator vastavit. Inde reparata ac sæculo isto munita, atque duabus arcibus editiore loco positis firmata, anno 1706. a Cæsareis, anno 1734. a Gallis & Sabaudis expugnata, anno 1738. Regi Sardinia cum districtu Dertonenſi est tradita: qui eandem ultimo bello amissam recuperavit. In Cathedrali Ecclesia corpus S. Martiani Episcopi & Martyris colitur.

Tertius Provincialis Episcopatus est *Aquenſis* ab urbe cognomine dictus, sita in Ducatu Montis Ferrati, qui olim proprios Marchiones habuit: dein extincta virili stirpe Carolus V. anno 1536. eundem Friderico II. Mantuæ Duci, qui ultimi marchionis sororem habuit conjugem, feudali jure possidendum tradidit: anno deinde 1708. a Josepho Imperatore ad Duces Sabaudia translatus.

Quartus est *Brixienſis*, cujus sedes Brixia, ampla ac venusta civitas, quam S. Appollinaris ad fidem convertit. A Cenomanensibus Gallis ædificata, ad Romanos pervenit. Inde ab Attila vastata, Longobardis cecit; quibus erepta a Carolo M. pars Regni Italiae fuit. Libertatem postea aliquamdiu sectabatur: tum ab Henrico VI. Imperatore ad Imperium reducta. Vice Comitibus Mediolanensibus deinde paruit. Denique Venetis se subjecit; quibus eam Ludovicus XII. anno 1509. eripuit, sed brevi rursus restituta fuit. Cæ-

terum arce, rupi imposita, munita est, & officina armorum instructa: unde ab Italis *armata* dicitur. Episcopus illius Dux & Marchio appellatur. Circumsitus ager ab ea nomen habet.

Bergamum, a qua *Bergamensis Episcopatus* nomen, eadem ferme fata habuit, sub Romanis, Attila, Longobardis, Carolingis Scaligeris, Vicecomitibus, Sfortiis, Venetis. Arce & est ipsa munita. Ejus ager ab Ortu Brixienſe territorium attingit, a Septentrione Vallem Tellinam, a Meridie & Occidente Mediolanenſe dominium Bergamates lingua Italica omnium maxime abſona uti dicuntur.

Cremona, *Episcopi Cremonensis* sedes ad Padum seu Erydanum sita, urbs est ampla & pervetusta. Antonius Triumvir illam direptam misere vastavit: unde illud Virgilli: *Mantua heu misera nimium vicina Cremona*. Vespasianus reparavit. Sub Gothis, Longobardis, Guelphis & Gibellinis multa perpeſſa, ad Vicecomites Mediolanenſes & Sfortianos, translata, sæpius a Gallis expugnata, iterumque iisdem erepta; hoc sæculo, anno videlicet 1702. Eugenius Princeps suos per canalem immiſit, multisque Gallorum cæſis Villaregium Ducem cum aliis captivum abduxit.

Cæterum Cremonensis ager a Pado, Addua & Ollo includitur, & hic quidem a Brixiano & Bergamensi ditione eundem separat, Padus vero a Parmensi & Placentino Ducatu, in quos ex altissima turri, quam Fridericus Barbarossa ædificaverat, longissimus prospectus, trans Padum, ad ipsam etiam Placentiam conspiciendam patet. Ager ubique, sicut Mediolanenſis, est admodum fertilis, maxime frumenti & orizæ ferax.

Septimo loco est Episcopatus *Astensis*, cujus sedes Asta Pompeja, urbs ampla & munita ad Tanarum sita in comitatu Astensi, qui insuper Verucam & Cevam complectitur. Olim ad Ducatum Mediolanenſem, hodie ad Pedemontanum pertinet. Arma hoc præsertim sæculo magno strepitu circumſonabant.

Octavus est *Alexandrinus*; urbs tempore Friderici I. Imperatoris a Guelphis ædificata ad Tanarum, in honorem Alexandri III. Pontificis *Alexandria* dicta est; operibus postea & arce munita. Spectabat ad Ducatum Mediolanenſem; verum anno 1706. ab Eugenio expugnata, anno sequenti Sabaudia Ducis relicta est.

Conterminus Episcopatus est *Vercellensis*, a Vercellis pervetusta populosa ac munita Pedemontii urbe cognominatus.

Decimus *Albenſis*, cujus ſedes Alba Pompeja Montisferrari civitas ad Tanarum, poſt annum 1631. Sabaudo parens, per pacem Chierafcenſem eidem addiſta.

Undecimus *Vintimilienſis* in Genuenſi ditione. Urbs Vintimilia portu & arce inſtructa ad Genuenſes ſpectat, ager circumjectus vero ad Comites Vintimilienſes.

Duodecimus *Savonenſis*, pariter ad Liguriſticum mare expaſus, Savona, poſt Genuam facile princeps Genuenſium urbs, anno 1616. præclare munita, anno 1727. a Sabaudo eſt appetita. Ultimo bello occupata quidem, ſed ad priſtinos dominos rediit. Por- tum habet, ſed, ne commercia a Genua abſtrahantur, minus ex- cultus.

Decimus tertius *Calaſenſis*, quem rogatu Wilhelmi Palæo- logi Montisferrati marchionis anno 1474. erexit Sixtus IV. a quo tem- pore Caſale non tantum Episcoporum ſed etiam Marchionum facta eſt ſedes, & caput totius Ducatus. Sita eſt ad Padum, a Mantuæ Duce Vincentio egregie munita anno 1590. at vero anno 1681. a Ca- rolo IV. Mantuæ Duce Gallis vendita, novisque munimentis inſtru- cta: quibus tamen exuta eſt, poſtquam fœderati anno 1695. ean- dem occuparunt. Initio hujus ſæculi Galli eam rurfus munierunt; at anno 1706. Sabaudo ceſſit, cum toto Ducatu.

Decimus quartus *Viglevanenſis*; ſedes Viglevanum urbs, minu- ta quidem, ſed tamen munita, cum Viglevanenſi diſtrictu, ſæpius a Sabaudo petita, ac tandem obtenta. Episcopatus primum a Cle- mente VII. erectus eſt, rogante Franciſco Sfortia Mediolanenſi Duce.

Decimus quintus *Novarienſis*, cujus urbs primaria Novara, Pe- tri Lombardi patria, inſigniter munita, cum agro vicino, anno 1738. in manus Regis Sardinie devenit.

Hos Episcopos obiter commemorare placuit, quia illi omnes ad provinciam Mediolanenſem ſpectantes ſex Concilia provincialia ſub S. Carolo celebrarunt.

Sunt quidem alii inſuper Episcopatus in Ducatu Mediolanenſi, ſed non pertinent ad provinciam hanc. Sic Papienſis eſt exemptus, & immediate ſubjectus ſedi Apoſtolicæ. Comenſis ad Aquilejenſem. Bobienſis ad Genuenſem, Placentinus ad Bononienſem provinciam ſpectat, quamvis ad Concilia Mediolanenſia fuerit evocatus.

ARTICULUS II.

Concilia Provincialia a S. Carolo Borromæo Mediolani celebrata sæculo XVI.

187.

Decretum Tridentini de celebrando quovis triennio Concilio provinciali nemo diligentius & curatius executus est, quam S. Carolus Borromæus, S. R. E. Cardinalis & Archiepiscopus Mediolanensis. Quippe is undecim Synodos Diœcesanas, sex omnino Provinciales habuit, atque Ecclesiasticam disciplinam sanctissime restauravit. Ego illa, quæ magis videntur memorabilia pro instituto meo, in brevem summam contraham.

§. I.

Concilium Mediolanense I. anno 1565.

AD patres congregatos ipse sanctus Cardinalis Orationem ferventem habuit. In qua demonstravit, quam salubriter mos Concilia celebrandi, jam diu intermissus, in usum revocetur; ex quo Christiana Respublica uberrimos salutis fructus sit perceptura. Et quidem ipsa natura & ratione nos duci, ut in gravioribus rebus deliberandis aliorum consilia inquiramus. Instituti hujus auctorem ipsum esse Christum Dominum, qui congregatis in suo nomine præsentiam suam promisit: Apostolos autem, etsi doctore Spiritu Sancto uberem omnium rerum cognitionem sint consecuti, tamen, si quid gravius incidisset, hac consultandi ratione usos; innumerabiles deinceps sanctiones fuisse constitutas ac decreta promulgata, & a summis Pontificibus, & a Conciliis, tum œcumenicis tum provincialibus, de retinenda aut certe repetenda hac synodorum consuetudine. Hujus autem intermissio, difficile dictu esse, quantas calamitates in Christianam rempublicam invexerit.

Inde enim misere prolapsam Ecclesiasticam disciplinam, ipsosque, qui in officio continere alios debuissent, maxime ab officii semita deviasse. Nota esse Ecclesiæ DEI vulnera, quæ sine acerbissimo doloris sensu commemorari nequeant. Convenit igitur hunc provincialem, quam primum licuerit, a se indictum, ut, quod periit,

re-

requiratur, quod abjectum est, reducatur, quod confractum est, alligetur, quod infirmum est, consolidetur, quod pingue & forte, custodiatur. Hoc munus pastoris, hoc ducis officium, has partes gubernatoris, ut gregi, militi, navi prospiciatur.

Et quia tria præcipue sint, quæ ex Tridentini Concilii auctoritate in Conciliis provincialibus agi oporteat, ut delicta corrigantur, mores ad optimam disciplinam revocentur, dirimanturque controversiæ, primum illud esse jaciendum totius ædificii fundamentum, ut omnia & singula, quæ a Tridentino definita ac statuta sunt, ex integro recipiantur. Memorat deinde, quomodo curandi delictorum morbi, disciplina restituenda &c. proponit sanctorum Patrum exempla, cum ferventi adhortatione ad synodum.

PARS I.

De Fide Catholica.

Prima Pastorum cura fides Catholica, ejusque professio secundum formulam ad mentem Tridentini a Pio IV. præscriptam, in prima synodo a Beneficiatis omnibus edenda: item ab omnibus præceptoribus intra mensem. Suspecti de hæresi mox ad Episcopum vel Inquisitorem deferantur. Hæreticorum terras litterarum aut mercaturæ causa ne adeunto, idque sæculares Principes & Magistratus prohibento. Sacræ Inquisitionis officio favento, regulas Indicis de libris vetitis servari Episcopi jubento.

Prohibetur omnis abusus sacræ Scripturæ. Magistris idoneis & probatis juvenus instruenda committatur. Parochi singulis Dominicis & festis a prandio pueros instruant doctrina Christiana. Quæ Ecclesiæ Cathedralis vel collegiæ stipendium pro Theologo necdum habent assignatum, Præbendam proxime vacaturam eidem attribuant.

Prædicatio Verbi Divini præcipuum munus Episcoporum, per se ipsos, si fieri possit, secus per alios idoneos obeundum, & quidem in parochiis singulis saltem Dominicis & festis præcipuis, & diebus jejuniorum, quadragesimæ & Adventus quotidie, vel iis saltem diebus, quibus Episcopus jusserit. Parochi quovis mense unam saltem concionem ad Episcopum mittant, ut dispiciat, quomodo Verbum DEI prædicent. Si autem munus concionandi obire non possint, peritos implorent. Extra urbem vero singulis mensibus saltem semel Verbum DEI prædicetur. Concionatoribus autem præter victum etiam eleemosyna præbeatur.

Tra-

Traduntur præcepta concionatoribus ; sacram scripturam iuxta sensum Patrum interpretentur ; nihil leve aut futile proponant : sed præcipue in Evangelii, symboli, orationis Dominicæ, salutationis Angelicæ, decem præceptorum, Sacramentorum Ecclesiæ, & sacrorum rituum dilucida explicatione versentur. In scelera, pravas consuetudines & periculosas, non autem in homines, vitæ statum aut ordinem ab Ecclesia receptum invehantur, neque in Episcopos, Magistratus sæculares, aut Prælatos, sed præpositis etiam discipulis obedire doceant. Officia hominis Christiani erga DEum, proximum, & se ipsum inculcent. Non solum instruant, *cur* virtutes colendæ, & vitia fugienda, sed etiam *quomodo*. Qua ratione utendum talentis, animi dotibus, bonis fortunæ. Præsertim vero bono exemplo præluceant.

Neque pro se neque pro aliis in concione eleemosynam petant, sed in genere de officiis charitatis admoneant. Noctu nunquam habenda concio. Sub ea nec Missa nec horæ legantur. Episcopi ipsi studeant interesse ; uti etiam reliqui clerici. Loca virorum & mulierum sint distincta.

Circa imagines insolitas observentur decreta Tridentini. Nec aliæ proponantur, nisi quæ pietatem excitant. Quare pictores & sculptores nullam imaginem effingant, nisi Parocho approbante. Repræsentationes omnes vanæ tollantur. Reliquiæ Sanctorum religiose asserventur, vasculis decore conditæ : cum populo ostenduntur, accendantur lumina &c.

Sortilegia quæcunque acriter coerceantur, in blasphemos poenæ statuatur. Dies festi religiose colantur. Nulla officina sit aperta. Ne ludi equestres, spectacula ludicra, aut certamina, vel choreæ proponantur.

P A R S II.

§. I.

De Administratione Sacramentorum.

189.

Ut omnibus Sacramenta ministrari possint, loca valde dissita viciniore parochiæ uniantur, aut novus rector constituatur sumptibus matricis ecclesiæ, aut populi. Fines parochiarum dabil determinentur. Nihil exigatur pro administratione Sacramentorum.

Ri.

Ritus & ceremoniæ more Romanæ Ecclesiæ adhibeantur. Populus de virtute & usu instruat.

Baptismus in ecclesia ante nonum diem peragatur. Si in casu necessitatis domi infans sit baptizatus, ceremoniæ in templo supplæantur. Compadres eligantur, qui animæ sint profuturi. Christma solenniter consecretur, baptisterium & liber baptizatorum visitanda. Puerperæ, cum domo exierint, ad templum pergant, ad agendas DEO gratias, & benedictionem a parochio accipiendam.

Confirmatio septennio minori non conferatur. Parochi tempus populo denuntient. Susceptores nihil largiantur. Parochi confirmatos inscribant & compadres.

Eucharistiæ sumptionem tempore paschæ nemo differat. Negligentes ad Episcopum deferantur. Legitime absentes parochio si dem faciant de peracta communione paschali. Publici peccatores graves, semel admissi, si relabuntur, non admittantur, nisi emendatio fuerit perspecta. Si fieri possit, maribus seorsim ministretur. Statuuntur plura alia, jam alias nota & usitata.

Missæ nemo legere permittatur, in aliena Ecclesia, nisi scriptam licentiam ab Episcopo habeat. Hic autem illam non det, nisi iustis testimoniis proprii Episcopi, brevi ante datis. Notorie criminosi non admittantur. Facultates eadem die plures Missas legendi posthac sint irritæ. Nemo Dominicis & festis in oratoriis Sodalitatum aut sæcularium Missam dicat ante finitam concionem, quæ inter Missam in parochia habetur.

Missæ nec ante auroram nec post meridiem dicantur, nisi ex causis jure expressis. Nec in oratoriis privatis, nisi ab Episcopo sint approbata. Paramenta sint munda: ac propterea, si fieri possit, vinum album adhibeatur. Ineptiæ in primitiis tollantur. Ceremoniæ Romanæ Ecclesiæ sint solæ in usu. Varii abusus in Missa legendæ vetantur.

Sacramentum Penitentiae quivis saltem semel in anno a proprio parochio percipiat. Medicus curet, ut prius anima sanetur. In cathedrali sit proprius pœnitentiarius. Episcopi delectum habeant confessoriorum. Fœminæ ante ortum solis & post occasum non audiantur; nec in privatis ædibus absque necessitate fiat confessio. Qui superiori confessione iussi aliena restituere id neglexerunt, non absolvantur ante factam restitutionem. Publicis peccatoribus publica pœna imponenda.

Casus Episcopo reservati sunt: raptus Virginis. Violatio moralis. Abortus procuratio. Incestus in 1. & 2. gradu. Incendiarium.

Pollutio Ecclesiæ. Homicidium voluntarium. Percussio parentum. Expositio infantum in loco pio, si habeant, unde alant. Crimen Nartarii, qui legata pia non denuntiat. Magia & Superstitio. Stateræ, mensuræ, monetæ adulteratio.

Inter opera pœnitentiæ est *Jejunium*: quod observandum in quadragesima, quatuor anni temporibus, pervigiliis, triduo rogationum. Quibus abstinencia a carne servanda, & omnibus, quæ a carne trahunt originem, ut ovis, lacte, caseo, butyro. In provincia initium quadragesimale jejunium sumat a die cinerum, excepta urbe Mediolanensi, iisque Diœcesis partibus, in quibus ex S. Ambrosii instituto Divina officia celebrantur. Illorum vero damnatur ingluvies, qui primis quinque diebus quadragesimæ Mediolanum se conferunt, ut carnibus vesci possint.

Extrema Unctio ægroto, dum integris adhuc est sensibus, a parocho ministratur. Qui illum consoletur, & hortetur, ut a curis terrenis ad cœlestem vitam cogitationes erigat, ut abjecto mortis metu, gaudeat, se a DEO in æternam requiem vocari. Præsentes vero moneantur, ut preces pro ægro fundant.

Sacramentum Ordinis conferendum cum iis cautelis, quas Tridentinum præscripsit. Neque Episcopus neque ejus ministri quidpiam accipiant, etiam sponte oblatum. Omnium Ordinatorum nomina inserantur libro, qui apud Archidiaconum, & Episcopum custodiatur.

§. 2.

De Collatione Beneficiorum.

190.

Clerici ad Beneficia adaptari debent in *feminariis*. Ad hæc autem fundanda omnes Beneficiati decimam partem fructuum tribuant. Pro electione, præsentatione, nominatione ad Beneficium nihil omnino, etiam sponte oblatum, accipiatur. Neque ab Episcopo aut aliis ulla pars fructuum reservetur. Sed integre & absque diminutione conferantur. Alias jure cadant. Episcopus autem neminem instituat, admittat, aut confirmet, nisi juraverit, neque se, neque alium se sciente aut consentiente quidquam largitum, promississe, aut compensasse. Notariis, aliisque ministris pro litteris non plus detur, quam ad summum duo aurei.

Ne plaris vendatur res propter annexum jus patronatus. Ne quidem ad redimendam vexam, etiam in casibus a jure permissis, lice-

liceat aliquid dare absque consensu Episcopi. Qui Beneficium vacans multis, & ambitiosis precibus per se vel alium petit, ad illud & cætera omnia per biennium sit inhabilis. Idem, si quis Beneficium necdum vacans postulet.

Vacante *Ecclesia parochiali* affixo edicto omnes invitentur ad concursum; & examen, instituendum juxta formam a Tridentino præscriptam.

Promovendus ad Episcopatum imprimis examinetur a quinque viris doctis de *fide, vita, & moribus*: an sit bonæ existimationis? an suspectus de hæresi? An hæreticorum libros legerit? An cum eis conversatus? An statò tempore confiteatur &c.? An sacris Ordinibus initiatus? An infamia notatus? An inimicitias graves gerat in loco Episcopatus? An filios habeat illegitimos, & quot? An familiam suam prudenter regat? An bigamus? Suspendus? Excommunicatus? Apostata? an ei publica pœnitentia imposita? An insanierit? An a dæmone vexatus?

De *natalibus* vero, *ætate, gradu, corporis habitu*, a duobus vel tribus testibus, vel ex instrumentis publicis cognoscatur. An ex legitimo matrimonio natus? An hæretici filius aut nepos? An trigessimum annum impleverit? An Doctor vel Licentiatum Theologiæ, aut SS. Canonum aut saltem publico alicujus academix testimonio ad alios docendos ostendatur idoneus? Si Regularis fuerit, an a suis Superioribus similem fidem habeat? An aliquo vitio vel insigni deformitate laboret? An comitali morbo tentetur?

De *Doctrina* autem sic periculum faciat. Adhibitis tribus Theologis, & tribus Canonistis interrogetur: Quid differant Sacramenta veteris & novæ legis? quot sint, & quænam eorum materia, forma, minister? quod officium Presbyteri, Diaconi, Subdiaconi, quodve minorum Ordinum? quæ præcepta Divina, quæ Evangelica consilia? Duos item locos ei proponat interpretandos, alterum novi testamenti, alterum veteris, a mane ad vespèram dato spatio. Dein experimentum fiat, an etiam jure Canonico sit imbutus. Quibus confectis professionem fidei ex consueta formula emittat. Denique hæc omnia ad summum Pontificem mittantur.

Clerici universim nihil præ se ferant, quod non simplex, castum, integrumque sit, ut modestiæ, frugalitatis, benignitatis, & quæ eos tantopere cum DEO conjungit, sanctæ humilitatis, ac virtutum omnium exemplo cæteris præluceant. Episcopi & reliqui sacerdotes Dominicis & festis Missam celebrent. Curati præterea ter in hebdomade, aut etiam sæpius, reliqui vero clerici sæpius communicent.

§ 3.

De Episcopis.

191.

Alienum est valde a *dignitate* Episcopi, si in consuetudine Principum se deprimat, & abjiciat. Ne igitur accumbentibus illis stent. Principes vero eos honore debito prosequantur. Ut igitur venerationem sibi concilient facilius, nunquam profano *vestitu* compareant, aut cum apparatu. Unde non utantur serico, pretiosis pellibus, unguentis, stragulo equi serico, ephippiis, calcaribus, aut frænis inauratis. Lineum rochetum gestet in ecclesia & in publico. Sine talari tunica neque ex cubiculo exeat. In itinere quoque vestitum gerat, ex quo Episcopus appareat.

In *suppellectili* nihil auro argenteove ornatum: nihil sericum, aut colorum varietate distinctum: non aulae aut tapetia: nihil acupictum, aut varie textum, vel studiosius elaboratum. Simplici tantum corio vel panno mensæ sint stratae. Nulla signa aut tabulae profanae. Equos ne alat, nisi necessarios. In domo ejus nihil appareat, quod simplex & modestum non sit. Omnem vero splendorem ad templorum cultum & ornamentum conferat.

Mensa sit frugalis, tribus ferculis contenta. Bellaria, placenta, omniaque sacharo artificiose condita, cæteraque escarum lenocinia, & exquisita vinorum genera prohibentur; non obstante quocunque hospitum respectu. Mensa lectione sacra sit condita. Parasiti, sanationes, scurriles joci, maledicta procul absint.

Familia pariter ad omnem modestiam sit composita: modica; vestitus omnino simplex; ceteraque omnia ita ad ædificationem temperata, ut appareat illos esse ministros ministrorum DEI. (*Hæc erat aula S. Caroli, eamque omnium Episcoporum esse volebat.*)

§ 4.

De Clericis.

Clericus, *Divinum officium* negligens, fructus Beneficii non faciat suos: sed eos tanquam injuste perceptos ad fabricam vel in pauperes erogare debet. Si Canonice admonitus se non emendet, Beneficio privetur. Officium autem omittere, ut Beneficio privari possit, is jure dicatur, qui quindecim dierum spatio illud bis omiserit.

Li.

Lilros habeant & legant delectos, S. Scripturam, Tridentinum Concilium, Catechismum Romanum, constitutiones istas synodales; Directorium Diœcesanum. Parochi insuper *homiliarium*, summam Antoninam: atque in lectione Pastoralis S. Gregorii & S. Chrysostomi assidue versentur

Habitum clericalem omnes sacris initiati, aut quodcunque Beneficium obtinentes, gestent, ordini suo & dignitati congruentem: secus privandi primo fructibus, dein Beneficiis, tonsura insuper decenti sint insigniti. Comam & barbam ne nutriant. In habitu color tantum sit niger: nisi forte dignitas colorem alium requirat. Materia sit ex lana. Forma talaris. Pluraque alia circa vestitum, ad modestiam & decentiam pertinentia præscribuntur, a capite ad calcem.

Ædes pariter sint modestæ. Nullæ in eis feminae, ne quidem consanguineæ; nisi necessitas iudicio Episcopi aliud exigat. Domum, in qua degunt, vel degere debent, ne locent laicis, præsertim in urbe. Canonici habitent in ædibus canonicalibus, parochi in parochialibus. Clerici post primam horam (*nempe post primam horam a solis occasu*) domo ne exeant, nisi ex iusta causa, & cum lumine.

Arma clericorum sunt orationes. Venatione abstineant, uti etiam choreis, spectaculis, larvis, follis ludo seu pila inflata, aleis, tessæris, comestationibus, cauponis. Imo ne quidem ludorum, spectaculorum, chorearum sint spectatores.

Negotia secularia devitent. Coram Iudice sæculari advocatos aut procuratores ne agant, nisi ab aliis in iudicium vocatus suam, vel suorum, vel Ecclesiæ, vel personarum miserabilium causam agat, facultate prius ab Episcopo scripto concessa. Abstineant officio tabellionis in profanis negotiis, arte medendi, mercaturis, negotiatione, conductione alieni prædii lucri causa, tutela & curatela, fidei iussione, negotiorum procuratore, famulatu laicorum, etiam Principum, nisi ad officium sacerdote non indignum ab Episcopo scriptam facultatem habeat, singulis annis renovandam; præsertim vero omni famulatu & comitatu faminarum. Transgressoribus statuuntur pœnæ.

Residentiam curate servant. Secus fructus non faciunt suos; sed hospitalibus tradant, aut fabricæ Ecclesiarum. Plura statuuntur circa horum executionem; uti etiam contra obtinentes plura Beneficia; & studiorum causa absentes per quinquennium.

§. 5.

De Parochiis, Vicariis, Visitatione.

192.

In singulis parochiis Episcopus constituat certos viros probatos, qui investigent, & referant, quæ medicina indigeant. Parochus omnes Parochianos suos descriptos habeat. Observet novos inquilinos, cujus fidei, vitæ &c. Inquirat in pauperes, ægros &c.

Vicarii forenses constituantur per certas regiones Diæcesis, qui parochis & curatis, an officio satisfaciant, invigilent. Singulis mensibus presbyteros suæ regionis convocent, modo ad hanc, modo ad aliam Ecclesiam. Pridie conventus omnes confiteantur. Die ipsa omnes in Ecclesia illa celebrent; unus vero ex ipsis solenne officium cantabit, alter ad populum dicet. Habita dein processione circa cœmeterium in domo parochi prandebunt uno ferculo contenti. Tum vero conferant inter se de boni pastoris officio, de malorum remediis, casibus reservatis, constitutionibus synodalibus, casibus conscientiarum.

Præcipue vero de presbyterorum vita, diligentia &c. an omnia debite observentur. Certior fiat Episcopus. Cum in urbem venerint, primo Episcopum adeant, ac referant. Curati vero quicumque vicariis istis obtemperent. Alioquin ab Episcopo puniendi. Hi autem vicarii ab Episcopo amoveri semper possunt, puniendi & ipsi, si muneris sui defint.

Visitatio inter curas Episcopi præcipua. Verbi DEI prædicatione omnes ad cultum DEI, vitæ integritatem, pacem & concordiam, docendo, arguendo, obsecrando cohortetur. Confirmationis Sacramentum, ubi opus, ministrabit, a casibus sibi reservatis consistentes absolvat. De vita & moribus inquirat. Ecclesiæ omnes partes lustret. Altaria consecret. Ecclesias pollutas reconciliet. Paramenta exploret. Visitet Instrumenta, libros, inventarium &c. Examine, an clerici rite suis fungantur muneribus; quæ vitæ ratio, habitus, modestia domi forisque? An ecclesiæ jura defendant? Fructus recte dispensent? Pacem colant? Qualis populus in cultu Divino, moribus &c.

An parochi libros debitos habeant, in quibus nomina baptizatorum, confirmatorum, matrimonio junctorum, mortuorum. An rite Sacramenta præbeant? Quomodo Eucharistia, chrisma, oleum conferrentur, & suo tempore mutantur? Qua reverentia Eucharistia ad æ-

gros

gros deferatur? An matrimonia adhibitis denuntiationibus rite celebrentur? An & quomodo Verbum DEI prædicetur, pueri instruantur? An in populo sint hæretici vel alii facinorosi, aut inimici? An & quomodo ecclesiæ jejunia, dies festi, ritus sacri, confessio & communio annua, vigeant? Quæ executio piorum legatorum? Quæ liberorum educatio?

An, & qui Regulares munere prædicandi, aut confessiones audiendi fungantur? Quomodo hospitalia se habeant, & alia pia loca, quoad vitam, administrationem &c.? *De scholis*: quinam libri prælegantur? Quales magistri? quomodo doceant? *De Bibliothecis*: an nulli in illis libri prohibiti?

Comitatum non habeant nisi necessarium; in quo non plures quam 15. personæ, & 12. jumenta. Si plures duxerint, alant suis sumptibus. Mensæ duo tantum fercula inferantur. Si visitator inferior sit Episcopo, in comitatu octo hominibus ad summum & sex jumentis contentus sit. Visitatio non solum quam diligentissime, sed etiam quam celerrime conficiatur.

§. 6.

De Judiciis.

A foro Ecclesiastico omnis avaritiæ species amoveatur, & causæ quam minimis incommodis & sumptibus agantur. Quare Notariis & scribis certa taxa præscribenda, quam non possint excedere. *Notarii* probe examinandi, an sint idonei. Jurent, se munus suum diligenter & fideliter executuros: nihil accepturos ultra taxam, ab Episcopo præscriptam: se non intrusuros: nec procuratorem acturos. Omnia acta judicialia, & instrumenta in regestum seu protocollum fideliter relatueros: extractum inde daturos ex voluntate Judicis: secreta causarum, depositiones testium, ac sententiâs nemini patefacturos ante judicalem & legitimam publicationem: jussis Episcopi in omnibus absque fraude & dolo obtemperatueros.

Nullus Notarius Judicibus ordinariis, delegatis, arbitris, arbitratoribus processus judiciales originales tradat; sed copias duntaxat & exempla, ex regesto descripta: nisi Episcopus aliud jubeat. Hæc etiam a scribis & cancellistis observentur. Adduntur poenæ in transgressores,

Caufidici & Advocati fiscales non admittantur ad causas in foro Episcopali, priusquam Episcopo iurejurando se obstrinxerint, nullam causam suscepturos, quam a iustitia & æquitate alienam existima- verint. Hortantur etiam Principes & Magistratus, ut idem in la- corum causis fervandum curent.

Executoribus, ministris, & carceris custodibus certam taxam præscribant Episcopi, a captis solvendam. Captorum res tuto loco collocentur, absolutis integre restituendæ. Si quis aliquid furrupue- rit, duplo mulctetur. Visitentur carceres. Constituat Episcopus ali- quos, qui personarum miserabilium causas gratis agant. Idem agant laici Magistratus.

§. 7.

De Ministris Ecclesiæ.

194.

Initio cujusvis anni in cathedralibus & collegiatis tres deligan- tur Canonici, qui de eorum, qui creandi sunt Officiales & Mini- stri ecclesiæ, moribus & aptitudinæ inquirent, & ad Episcopum ju- rato referant. Ministri per se ipsos munus obeant. Quibus a Jure permissum est, ut aliquo tempore abesse possint, a chori Præsede, si intra triduum reversuri sint, si diutius absuturi, ab Ordinario disce- dendî facultatem petant: ne nimis multi simul discedant, & ecclesia ministris evacuetur. Nemo autem tempore absentia distributiones quotidianas percipiat: non obstante quocunque statuto, consuetudi- ne, pacto aut ultronea concessione: sed præsentibus accrescant. Ex- cipiuntur tamen ii, qui propter infirmitatem, vel aliam necessitatem aut manifestam Ecclesiæ utilitatem, a SS. Canonibus aut Tridentino excusantur. Tertia pars fructuum ex omnibus Dignitatibus, Cano- nicatibus, & aliorum redditibus, in quotidianas distributiones con- vertantur.

Chori Præsides invigilet diligenter, ne quid prætermittatur, ne- ve indecore quidquam fiat. Si qui suo officio non satisfaciant, eos graviter & amanter objurget. Si non emendentur, ad Episcopum deferantur.

Dignitates aut *Personatus* obtinentes aliis exemplo præeant in Divinis officiis. Ex Canonicis ordine constituatur hebdomadarius, qui Missam & Vesperas canat. Canonici celebranti Episcopo assistant. Tempore Divini officii ne celebrent capitulum: neque diebus festis.

Cere-

Ceremoniarum magister denuntiet ritum modumque, quo res Divina celebranda, omnesque sui officii admoneat. Adolescentes prius erudiat, vel erudiri curet. Tabellam in sacristia asigendam curet, in qua cujusque officia ac munera contineantur. Si magister deliquerit, a chori præside objurgetur.

Sacrista custodiat vasa sacra, totumque ecclesiæ thesaurum. Munditiam conservet. Necessaria ad Divina officia habeat præparata, uti cereos, oleum, vinum, hostias &c. Aquam benedictam singulis septimanis renovet. Altaria decenter ornet. Tempore congrua det signum campana. Tabellas, in quibus cujusque functio descripta sit, in sacristia habeat. In eadem silentium procuret. Laicos ibidem morari non patiat, nec permittat quemquam extra suum ordinem Missam dicere: sed ordinem tabulæ servandum curet.

Minorum Ordinum functiones ad usum revocentur. *Ostarius* suo tempore fores ecclesiæ aperiatur & claudat. Excommunicatos & infideles arceat. Nec populum, ad sacrificantem propius accedere patiat. Campanas pulset. Quietem in ecclesia turbantes moneat, pertinaces expellat, aut deferat ad superiorem. Mendicare ne sinat. Ecclesiam verrendam curet. Canes expellat: & quidquid dedecet, amoveat.

Lector prophetias in Missa, & lectiones in matutino pronuntiet. Pueros prima fidei rudimenta doceat. *Exorcista* memoriæ mandet exorcismos ecclesiæ, ut, cum res postulaverit, eo munere fungi possit, quod tamen non faciat, nisi consentiente Episcopo. Hic autem nemini, ne sacerdoti quidem hoc munus committat, nisi ejus aetatem & mores probarit, nullus intercedat quæstus, nulla curiosa percunctatio, præsertim quæ ad divinationem pertinet. Nemo hoc munus invadat ejiciendi dæmones, nisi exorcistæ ordine sit initiatus. *Acolythus* diacono & subdiacono ad aram inserviat. Lumina accendat, & deferat. Urceolos vini & aquæ ad Missæ sacrificium parat.

§. 8.

De Divinis officiis.

In his ritus Romanæ Ecclesiæ observetur: nisi alius a sede Apostolica sit concessus. Calendarium seu Directorium singulis annis pro omnibus diebus conficiatur a chori magistro cathedralis Ecclesiæ. Ho-

Pars VII.

C c c

ræ

ræ nunquam omittantur. Omnes compareant induti superpelliceo cum latis manicis, non angustis, instar rocheti. Cantus graves sint pii ac distincti. Cantores, quantum fieri potest, sint clerici. Omnis lasciva musica, & mollis canendi ratio abfit.

Tractat dein sacra synodus, quomodo ad Divina Officia in Ecclesia conveniendum: quomodo in choro versandum: atque inde recedendum, ut omnia cum decore, modestia, devotione, atque ad omnium ædificationem peragantur. Matutinum officium vel media nocte, vel eo saltem tempore instituendum decernit, ut sub ortu solis sit absolutum.

Missam diebus solennioribus Episcopus ipse solenniter cantet, cum Vesperis. Canonici eum ad Ecclesiam conducant, & reducant. Apponitur instructio, a quibus & quomodo Missa major sit cantanda.

In Ecclesia, dum Divina celebrantur, aut concio habetur, nemo audeat deambulare, nugari, colloqui, averfus ab Eucharistia sedere, aut quamcunque irreverentiam exhibere, in ecclesia, cœmeterio, porticu, atrio venale aliquid proponere; nec in ecclesia mendicare, nocturnas vigilas agere; confugientibus ad illam vim inferre contra SS. Canones. Summopere tamen cavendum, ne facinorosi, nisi necessario, ad ea quasi asyllum, in sacrarum constitutionum fraudem se recipiant. Consulendus igitur, antequam facinorosus admittatur, Ordinarius. Quod idem faciendum, antequam extradatur. Nihil ex sacra suppellectili ad profanos usus commodeatur. Neque campanarum sono populus ad spectanda reorum supplicia convocetur.

Processiones & supplicationes generales ex cathedrali, vel cujusque loci majori ecclesia proficiantur, & eodem revertantur, nisi aliud visum Episcopo. Eas Canonici & alii clerici, superpelliceis induti comitentur. Nemo ordinem deferat. Facestant in iis spectacula indecentia, & omne profanum commercium.

§. 9.

De Funeribus, Exequiis & Sepulturis.

196.

Episcopo mortuo vel morti proximo vocetur vicinus Episcopus, qui cum omni clero eum ad sepulchrum prosequatur; & quidem gratis. Fiant a capitulo certiores provinciales Episcopi, ut preces fundant, Missam in cathedrali solenniter celebrent pro anima defuncti, & electione novi pastoris. In ejus exequiis non plures accen-

dan-

dantur cerei quam 24. Anniversarium pro defuncto celebretur, quamdiu successor vixit, hujus & capituli sumptibus.

Ante solis ortum & post occasum nemo sepeliatur: non tamen sub Massa majore. Cerei omnes ad ecclesiam spectent, in qua mortuus sepelitur. Iis exceptis, qui clericis comitantibus in eleemosynam dantur: salva etiam quarta funeralium parochiæ persolvenda. Statuenda taxa ab Episcopo in mercedem pro laborantibus in exequiis. Pauperes sumptibus ecclesiæ sepeliantur. Exequiarum, sepulturæ, & anniversariorum nomine nihil licet pacisci aut exigere: pia tamen consuetudo servari debet. Absque consensu Episcopi nemini funebris oratio habeatur ad ejus laudem. Potest tamen haberi concio, quæ tota referatur ad humanam miseriam proponendam, omnesque ad vigilandum cohortandos.

Non ferendus ille abusus, quo cadavera in templo collocantur in excelsio loco, tanquam sanctorum corporum reliquiæ, circumque arma, vexilla & alia victoriæ monumenta suspenduntur; ut non jam Divina templa, sed castra bellica esse videantur. Tolerantur hæc, & sepeliantur ita, ut sepulchrum e solo non emineat.

§. 10.

De Bonis & Juribus Ecclesiasticis:

Quoniam Ecclesiæ multis rebus sunt privatæ, nec spes recuperandi superest, instrumentis perditis aut interceptis, ideo, ut in futurum saltem provideatur, omnes Ecclesiastici Ordinis homines omnium bonorum, possessionum, reddituum, ac jurium, ad Ecclesias vel loca pia pertinentium *Inventarium* conficiant, cujus unum exemplum, Notarii manu confectum, in Archivo, quod Episcopo & Capitulo est commune, asservetur: alterum ad Metropolitanum mittatur. In visitatione lustretur.

Si quæ bona Ecclesiæ, laicis concessa, caduca facta sint, caveant Episcopi &c. ne caducitatis pœnam ipsis remittant. Qui bona ecclesiæ in *feudum* obtinent, a successoribus investituram renovandam, tempore a jure præscripto, curent, eisque fidelitatis juramentum dabunt. Pari ratione hæredes investituram petant ab iis, qui ecclesiæ præfunt. Feudatarii in tali innovatione omnia bona singulatim publico instrumento describant. Nemini Beneficii bona propinquis suis usque ad tertium gradum in emphyteusim dare aut locare

liceat; nisi evidens & magna ecclesiæ utilitas iudicio Episcopi aliud exposcat. Recognoscantur omnes locationes ad longum tempus a 30. annis factæ: &, si non sint factæ secundum canonicas sanctiones, irritæ declarentur.

Succeffores in Beneficio ne fraudentur fructibus. Prima Dominica Adventus & quadragesimæ concionatores doceant populum, quid Tridentinum statuerit de solvendis integre *decimis*; recitentque decretum ejusdem Concilii contra occupantes bona, fructus ac jura ecclesiarum & piorum locorum.

Immunitas Ecclesiastica, Dei ordinatione, summorum Pontificum decretis, & sacrorum Conciliorum autoritate tributa, nulla ratione violetur. Neque enim Principes & Magistratus res Ecclesiasticas attentare, neque sacros & religiosos homines ad suum iudicium aut potestatem evocare, neque DEO additis bonis manum injicere, aut ullum onus imponere debent.

Commendatur Beneficiatis *hospitalitas*, maxime Episcopo, erga indigentes. Cum bona, quæ fidelium pietas DEO consecravit, alendis ecclesiæ ministris, reficiendis ecclesiis, earumque ornatui comparando ad Divinum cultum, vel pauperibus sustentandis addita sint, ubi primum bona ecclesiæ esse cœperunt, eam naturam & conditionem induerunt, ut in alium, quam in sacrum piisque usum eorum fructus converti sit nefas. Quare omnes Beneficiati meminerint, ea bona sibi non esse credita ad luxum, neque ad augendos consanguineos, sed ad vitam honeste agendam: ex eo vero, quod supererit, si necessaria pauperibus alimenta negarint, intelligant, se, quos non paverint, occidisse; atque ob violatam charitatis legem peccatum mortale commississe. Laici etiam rescisso luxu, vestium ac convivorum prodigalitate, pauperum necessitatibus pro facultatibus succurrant.

§. II.

De Matrimonio.

193.

Curate servanda, quæ Tridentinum de matrimonio statuit. Episcopus & parochus, si alteri cuidam sacerdoti facultatem assistendi concedant, scripto id faciant, & libro inferatur. Denuntiationes festis diebus fiant, qui Ecclesiæ præcepto coluntur, cum frequentior in Ecclesia est populus, Parochus finita Missa, cui sponsi interfiant, nuptias benedicat. Abusus autem ille in ecclesia tunc benedi,

bendi & cyathum frangendi penitus tollatur. Quæ Tridentinum de reformatione matrimonii statuit, in communem linguam conversa, omnibus parochis distribuuntur, qui tertio quovis mense ea populo recitent: nisi aliud visum Episcopo.

§. 12.

De meretricibus, lenonibus, histrionibus, cingaris, aleatoribus &c.

Ut meretrices ab honestis mulieribus discernantur, curent Episcopi, ut aliquem amictum palam indutæ sint, quo turpem earum vitæ conditionem omnes dignoscant. Non liceat illis in publicis cautionis pernoctare, etsi sint advenæ: sed in unaquaque civitate locus eis assignetur, ab hominum frequentia & Ecclesiis remotus, ubi omnes habitent, ea lege, ut si extra ejus loci fines domum ejusve partem conduxerint, & ipsæ & locatores severius puniantur. Omni gemmarum, auri, argenti & ferici usu eis a Magistratu sæculari interdicatur. Omnes, qui lenocinio quæstum faciunt, exterminentur: uti etiam histriones, mimi, & ejus generis perditii homines.

199.

Vagum & fallax cingarorum genus pariter arceatur, nisi certis sedibus collocati, vitam honestis artibus, & in omnibus, prout Christianos decet, agere velint. Ganeæ, & tabernæ meritoria, omnis nequitia sentina, tollantur. Prohibeatur taxillis aut alea ludi, gravi pœna in lufores & receptatores lata. Bonis artibus otia, quantum fieri potest, ex civitatibus eliminantur.

§. 13.

De Usuris.

Ex mutuo nihil præter sortem percipi potest: tametsi pecuniæ sint pupillorum aut viduarum, aut locorum piorum, vel dotales, nisi quatenus id jure nominatim permittatur. Si creditor oblatas sibi loco & tempore pecunias recipere nolit, neque ratione lucri cessantis, aut damni emergentis, vel alia ex causa, ultra sortem accipere aliquid possit.

200.

Ne fiant cambia, cum litteræ ad destinatum locum vere non mittuntur, & ibi non fit solutio, sed uno eodemque loco pecunia da-

tur & recipitur. Qui partim pecuniam partim nomina difficilia dat, non potest totum in pecunia exigere. Ne quis rem ob dilatam solutionem carius vendat iusto pretio. Neque ob anticipatam solutionem res minoris ematur iusto pretio. Ne res vendatur dilata solutione, ita, ut si pretium mercis interim crescat, plus solvatur, si decrescat, nihilominus nulla fiat solutionis diminutio. Ne frumentum, vinum, oleum aliudve detur, ut plus recipiatur. Ne quis mutuo det frumentum corruptum, ut integrum recipiat. Ne in societate, in quam alter pecuniam confert, alter operas, lucri distributio constituatur nisi per quotas partes: neque ultra eas certa summa solvatur. Ne fiat pactio, ut fors salva sit, fructus vero dividatur. Et quæ sunt alia ejusdem generis pacta usuraria.

PARS TERTIA.

§. I.

De piorum locorum administratione.

231.

Qui hospitalia aut alia pia loca in commendam vel administrationem accipit, aut ecclesiis suis unita, ædificia ruinosa reficiat, injuste alienata recuperet; aliaque juxta canonicas sanctiones ad officium suum spectantia diligenter præstet: alias ipsemet ad restitutionem pio loco faciendam obligabitur. Debitores pii loci ejusdem administratores esse non possint. Antequam administrationem adeant, juramentum deponant. Immobilia vel mobilia pretiosa alienare non potest, absque iusta causa & debita solennitate. Ne locentur debitoribus. Conductor det idoneum fidejussorem.

Collector eleemosynarum sit bonæ existimationis, ejusdem diocesis, in qua est hospitale. Ab episcopo quot annis licentiam colligendi petat. De eleemosyna nihil participet, sed vel gratis vel pro certa mercede operas locet. Circulatoribus aliisque nebulonibus hospitalia ne pateant. Morbum simulantes artifices applicentur, renitentes ejiciantur. Notariis scribisque ultimarum voluntatum sub pœna excommunicationis præcipitur, ut legata ad pias causas Episcopo significant. Retento eleemosynæ pio instituto tollantur omnes comestiones certis diebus institui solitæ. Episcopi omnem curam impendant, ut in civitatibus erigantur Montes pietatis, unde pauperes mutuas pecunias possint accipere: nec
in

in eis ultra fortem quidquam accipiatur, nisi pro ministris aliisque necessariis sumptibus, idque ex summi Pontificis auctoritate.

§. 2.

De Monialibus.

S. Carolus, ut in omnes partes sollicitudinem suam pastorem exporrigeret, plures Constitutiones pro Monialibus etiam exemptis secundum datam sibi potestatem a Pio IV. summo Pontifice, avunculo suo, edidit, quibus statuit, ut numerus sit pro facultatibus monasterii; non tamen minor, quam 12. Jura sua, ab Apostolica sede concessa, Episcopo exhibeant. Nulla ambiat præfecturam aut officium. Præfecta non sit minor 40. annis: quæ octo annis post professionem probe vixerit. Si talis non habeatur, ex alio monasterio ejusdem Ordinis postuletur. Præfecta duas tertias suffragiorum habeat. Vicaria, & Discretæ, seu matres consilii, absolute majora, omnia occulta. Præfectæ germana soror nullum officium habeat. Officium non duret ultra duos vel tres annos.

Commendatur pax, obedientia, diligens officiorum executio, capitulum, quot septimanis convocandum ad corrigendos defectus, clausura exacta, pluraque alia de capitulis, labore, susceptione, novitiis, ætate, professione, novitiarum separatione sub una magistra, Divino officio, oratione mentali, sacra lectione, votis, de puellis, quæ in monasterio educantur: de concionatoribus, confessoribus, visitatoribus, & capellanis, regulis &c.

§. 3.

De Judæis.

Judæi, ut dignoscantur, pileum crocei coloris, fœminæ panum ejusdem coloris capitis tegumento impositum gestent. Christiani non accedant eorum convivia, nuptias, dies festos, synagogas, neque cum eis ludant, multo minus choreas agant: nec sint eorum famuli. Si in diem vel horam eis operas locarint, cibum apud eos non capiant. Christianæ mulieres ne sint apud eos nutrices. Ne sint Christianorum medici. Ne utantur eorum opera in contrahendis matrimoniis.

Loca-

Locare Judæis bona Ecclesiarum, vasa, vestes &c. nefas esto. Diebus festis cum illis nullum contractum ineant. Tribus ante pascha diebus Judæi in publicum ne prodeunto. Nec quidquam palam vel occulte in contemptum Christianæ religionis attentare audento. Ne dignitatem vel publicum officium gerunto.

Rogat dein sacra synodus Principes, ut in singulis civitatibus locum constituent, in quo separati a Christianis habitent: in contractibus annotandis lingua vulgari utantur: avaritiam, fraudes, ac dolos coerceant. Instituantur in fide Conversi a Judæis separentur, & a Christianis flagitiosis: legitimam pater dare compellatur, adhuc vivens, vel, si mulier sit, dotem: aut si conjugata sit, maritus illam restituere.

§. 4.

De pœnis, & executione.

204.

Pœna pecuniaria non perveniat ad Episcopum, sed tertia pars ad delatorem, reliquæ duæ ad pia opera aut loca. Hoc intelligendum, si clericus puniatur: si vero laicus propter delicta fori Ecclesiastici aut mixti, tertia pars causæ piæ, tertia ad fiscum sæcularem, tertia accusatori detur.

Episcopi facultates, licentias, consensus, approbationes &c. dent gratis. Possint omnia, quæ pertinent ad potestatem jurisdictionis, agere per vicarios, nisi sint personalia privilegia, aut specialiter excepta. Si circa ea, quæ in his decretis continentur, ante alteram provincialem synodum aliqua difficultas oriretur, illa Metropolitanæ reservata esto: salva semper sedis Apostolicæ auctoritate.

Quidquid de sacramentorum administratione, Missæ celebratione, divinorumque officiorum ratione dicta sunt, id neque ad Ecclesiam Mediolanensem, quæ S. Ambrosii præscripto & instituto proprios ritus & ceremonias habet, neque ad cæteras, quæ eosdem ritus ex antiquissima consuetudine retinent, in iis, quæ expresse his ritibus adversantur, pertinere vult synodus.

Hæc decreta post duos a publicatione menses obligent. Publicatio autem fiat per publicam affixionem in valvis cathedralium ecclesiarum, in Dioecesana autem synodo prælegantur. Postaque sæpius eadem lectio repetatur.

Hac

Hac synodo finita S. Carolus Romam revocatus est a Pio IV. sed eo brevi post mortuo Pius V. approbatis his constitutionibus Carolum ad gregem suum dimisit.

§. 2.

Concilium Mediolanense II. anno 1569.

Hanc iterum provincialem synodum tertio post anno ad præscriptum Tridentini convocavit S. Carolus Borromæus, atque ad Patres congregatos eloquentem ac Spiritu Divino plenam orationem habuit. In cujus exordio, *jam scitis, inquit, qua in perturbatione reipublicæ Christianæ Status versetur; quam funesta hæreseos faces in finitimis provinciis jam dudum excitatæ; quam turbulenti inde in Gallia motus, quam multæ strages, quot pugnæ editæ sint. Quid? Quot templa vel augustissima diruta, religiosissimis imaginibus & ornamentis spoliata, vasa sacra erepta, reliquæ sanctorum dissipatæ, sacerdotes & religiosi viri interfeciti, sacra Virgines iniuriis tractatæ, Divina polluta, omnia denique prostrata jacent. Dein velut alter Jeremias sæculi sui mala deplorat, non modo ab hæreseos labe, sed a corruptis quoque Catholicorum moribus profecta. Imo ex depravatis moribus tot hæreses ortas lamentatur.*

Tot malis a Conciliis quærendum esse remedium; & quamvis in prima synodo multæ salubres constitutiones sint conceptæ, tamen fundamentum duntaxat esse jactum. Jam vero superstruendum ædificium consummandumque: solo DEI honore, animarum cultu, & Ecclesiæ conservatione præ oculis habita, contempnas illas populares mundi corrupti voces: *Non ferunt hæc tempora veterum canonum severitatem: sic jam diu vivimus, sic vixerunt, qui ætate antecesserunt; vitæ institutum nihil est, quod mutemus.*

Contemnenda ista, proponendamque ob oculos illam libertatem Spiritus, qua armati Apostoli, muniti Martyres, atque instructi viri sanctissimi, Athanasius, Chrysostomus, Ambrosius, alique Patres, non terroribus, Apostolico quodam animorum ardore flagrantibus, non minis, non furoribus fracti, pro DEI gloria, pro gregis commissi salute forti constantique animo adhibuerunt censoriam illam virtutem, scelerum vindicem &c.

TITULUS I.

De Fide, Sacramentis, & Pastoralibus muneribus.

296.

Graviter præcipitur, ut omnes, quomodocunque de hæresi vel doctrina minus sana suspecti, a quocunque confcio ad Episcopum aut Inquisitorem deferantur. Atque hoc decretum sæpius promulgetur. In oppidis instituat^r Doctrinæ Christianæ sodalitas, quæ parochos adjuvet in imbuendis pueris fidei principiis. Problemata & axiomata de scientiis prius non proponantur, donec ab Episcopo vel delegatis censoribus fuerint recognita.

Summorum Pontificum Bullas Episcopus, a Metropolitano sibi transmissas, promulgari curet duobus saltem mensibus post publicationem Romanam. Ad visitationis munus, si fieri potest, sacerdotes idonei adhibeantur. Episcopus non solum in administratione Sacramentorum, sed etiam in Sacramentalium explicet rationem mysteriorum. Sacrum oleum a sacro homine deferatur. Omnino rudes ne sint compadres. Commendatur iterum communio paschalis in propria parochia peragenda, ac frequentando cultu Divino.

Mandatum Pii V. ut medicus post triduum ægrotum deferat, si intra id spatium non confiteatur; executioni dandum. Usurarii, nisi re ipsa ante mortem restituerint, aut saltem cautionem idoneam præstiterint, Ecclesiastica careant sepultura.

Qui propter infirmitatem in quadragesima carne vescitur, in remotiori ædium loco id faciat.

Cum Episcopus aliquem excommunicavit ac publice denuntiavit, ejus nomen ad Cathedralis & propriæ parochialis ecclesiæ valvas affigi, atque ad parochos Diœcesis mitti curet, qui prima quavis mensis Dominica eum populo denuntient: neque hoc agere desistant, donec ab Episcopo reconciliationem cum ecclesia intelligant. Si tres menses in excommunicatione permanerit, eum Episcopus comprovincialibus & aliis finitimis Episcopis denuntiet. Quod si per annum inforduerit, jure Canonum contra eum procedatur.

Omnes Ordinati alicui ecclesiæ adscribantur, in qua sacras functiones obeant, seque ad ultteriores Ordines dignos reddant.

Matrimonium cum hæreticis ne contrahatur. Episcopus non det parochi facultatem jungendi peregrinos & vagos; nisi constet eos esse solutos, & vere catholicos. Denuntiationes tum demum fiant, cum sponsi eorumque parentes id postularint. Si in diversis

ha.

habitent parochiis, in utraque fiant. Eas denuntiationes nulla ex parte licet remittere, nisi de consensu Episcopi, & causis jure permisissis. Si ex diversis sint parochiis, non ante jungantur, quam aliter parochus testimonium miserit, quod ternæ denuntiationes sint legitime factæ, nullumque impedimentum appareat.

Fornicationem inter sponfos casum esse reservatum Episcopo decernitur. Parochus in nullo alio loco, quam in ecclesia sponfos matrimonio jungat, nisi Episcopus dispenset. Nulla autem cum musica eos ingredi patiatur. Si concubinarij moniti non dimiseriat concubinas, excommunicatione aliisque pœnis severe puniantur.

TITULUS II.

De Missa, Cultu Divino & Ecclesiasticis.

Abque speciali facultate Episcopi nemo Missam celebret in ecclesiis monialium, sub pœna suspensionis. Qui Beneficium obtinet, vi cujus certis diebus Missas celebrare debet, singulis mensibus saltem semel offerat pro fundatoribus. Quando in Missa conventuali aut parochiali corpus Christi sustollitur, signo campanæ absentes moneantur, ut tanti mysterii memores mentem ad Deum elevent.

Processionem in festo corporis Christi & octava eæ tantum ecclesiæ instituunt, quibus Episcopus permiserit. Cum synodus indicta fuerit, in cathedralibus, & collegiatis singulis Dominicis processio, in parochialibus vero feria quinta Missa de Spiritu sancto celebretur, usque ad finem Concilii.

Sexta quaque feria paulo ante horam nonam signum campana detur, ut fideles passionis ac mortis Christi pie memores, ter orationem Dominicam & Salutationem Angelicam devote pronuntient; concedantque Episcopi hoc facientibus 40. dierum Indulgentias.

In capitulo, quod singulis hebdomadis celebrandum a Canonici, quæatur, an superioris Concilii decreta de Divinis officiis, ceremoniis &c. observentur. Legatur pars aliqua ex constitutionibus illis de vita & honestate clericorum, aut ex Catechismo Romano, vel alio pio libro.

Canonici exequiæ sumptu capituli fiant. Conventualis Missa pro eo celebretur: singuli item sacerdotes illius Ecclesiæ Missam applicent.

Parochum ægotantem vicinior parochus frequentius inviset, sacris provideat. Ad funus totum capitulum rurale conveniat. Quis-

que mox sacrificium pro eo offerat. Missa etiam conventualis pro eo celebretur. Neque hoc nomine aliquid exigatur. Preces pariter fundantur, ut Deus orbatæ Ecclesiæ pastorem tribuat secundum consue-
sum.

Commendatur reverentia ecclesiis debita: visitatio seminariorum, tertio quovis mense ab Episcopo facienda. Examinandi mores, diligentia, profectus in litteris. Multandi clerici, qui concioni non interfunt. Clerici inferioris Ordinis instituuntur moribus, litteris, ceremoniis, ritibus &c. Conventus menstruos instituunt, in quibus necessariae & utiles quaestiones decidendæ proponantur. Quæ indecisa manent, ad Episcopum referantur. Negligentes in hac re Vicarius foraneus Episcopo denuntiet. Ubi plures sunt Sacerdotes in eodem loco, frequentius ejus generis conventus & disputationes habeantur. Si in propinquo sit doctus aliquis Regularis, illius etiam opera utantur.

Clerici nullas foeminas, quavis etiam dignitate illustres doceant legere, scribere, cantare, instrumentis musicis ludere; nisi Episcopus in id consenserit.

Episcopus clericum alienum, qui in propria diocesi deliquit, petenti Episcopo extradat, postquam de citatione, contumacia, aut condemnatione debite edoctus fuerit.

Qui impetrata facultate ab ecclesia discessit, redditum suum intra mensem Episcopo nuntiet; secus perinde habeatur, ac si non legitime abfuisset.

TITULUS III.

De Bonis & Juribus Ecclesiarum.

208.

Possessionem adeptus Beneficii titulum intra mensem Episcopo exhibeat. Caveant Episcopi, ne passim & indistincte omnes Beneficiorum cessiones admittant.

Omnes consuetudines, & statuta, etiam juramento firmata, quæ si non Simoniam, avaritiam tamen, & sorditiam redolent, antequam: uti, quod receptus in numerum Canonicorum sex menses choro inservire debeat absque distributionibus, etiam quotidianis, illæque reliquis accrescant. Statuit igitur synodus, ut quamprimum distributionibus quotidianis potiatur, aliisque residentie fructibus.

Bona

Bona Beneficialia non elocentur patronis neque illis, quorum cessio-
ne obtinentur, neque consanguineis in primo & secundo gradu, ne ad
breve quidem tempus; nisi Episcopus ecclesiæ utilitate cognita, scri-
pto concesserit. Qui secus fecerit, fructibus unius anni mulctetur.

Qui bona ecclesiastica illegitime alienarunt, contra detentorem
agat, compellatque, ut ea cum fructibus interea perceptis restituat;
quia alienatio prorsus irrita fuit. Detestantes anathemate aliisque
pœnis plestantur. Si is, in quem alienata sunt, ante superioris
consensum in possessionem ingressus est, irrita ab Episcopo declare-
tur. Si alienata ad ecclesiam redierint, non amplius ad longum tem-
pus locentur; nisi manifesta ecclesiæ necessitas vel utilitas versetur.
Si locatio ad longum tempus ab Episcopo sit facta, ad viciniorem
Episcopum cognitio spectet.

Ut bonorum Ecclesiasticorum, quæ in emphyteusm vel alio
quovis nomine ad longum tempus sunt data, memoria conservetur,
omnique præscriptioni locus præcludatur, clericus, cui quovis anno
eo nomine aliquis canon vel pensio solvitur, in prima solutione No-
tarium adhibeat, qui instrumento facto testetur, quid, quo titulo,
ex quo fuerit solutum.

Plura sæpe damna passæ sunt ecclesiæ ex locatione, ea conditio-
ne factæ, ut prædia meliorata conductor restituere possit, omnesque
sumptus in meliorationem factos ipsi a locatore solvantur. Ut igitur
præcidatur occasio magnas impensas in meliorationem faciendi, lo-
cator clericus cum conductore pacto conveniat, ne hic majores sum-
ptus in melioramenta faciat, quam sit canon annuus: ita quidem,
ut conductor tertiam hujus summæ partem quovis anno retinere
possit, quoad recuperet, quod erogavit.

Cum Episcopus subsidium charitativum a clero petere cogitur,
eiusdem cleri procuratores prius convocet, eisque causas exponat.
Summam tamen a Benedicto XII. *extravag. I. de censib.* statutam,
non excedant.

Sub excommunicatione prohibetur, ne quis mortuo Beneficiato
bona, ad ecclesiam ejusve ministros pertinentia, invadat.

Si hæres aut executor ultimarum voluntatum pia legata intra
annum, aut tempus a testatore præscriptum non exsolverit, ab Epi-
scopo pœnis jure constitutis adigatur, Episcopus vero non facile
tempus illud proroget. Notarii autem sub pœna excommunicatio-
nis deinceps teneantur episcopo intra tres menses a notitia mortis testa-
toris, indicare legata pia, in testamentis aut codicillis, quos ipsi scripse-
runt, relicta.

Administratores ecclesiarum piorumque locorum bona, census, proventus nulla ratione ad alios usus applicare possunt, quam institutum est. Si administrator ex bonis illis aliquid emerit, aut conduxerit, statim officio moveatur. Idem, si mutuum dederit, vel acceperit peculium ecclesiæ.

Ne quisquam pecuniam apud Montes pietatis deponat, vel mutuo det, ut inde aliquid lucri, aut ejus, quod interest, nomine accipiat. Qui vero titulo depositi vel mutui aliquid perceperit, cum eo tanquam usurario agatur ad pœnas canonicas.

Episcopus pecuniæ summam præscribat, quam puella ingrediens monasterio det alimentorum nomine, nisi census aut alia bona immobilia, quorum annui fructus ejusdem judicio ad ea alimenta satis sint, monasterio attribuantur. Ea autem pecunia apud virum fidelem deponatur, qui professione peracta illam statim monasterio tradat.

Adduntur alia circa publicationem & executionem horum decretorum, quæ in superiori Concilio.

§. 3.

Concilium Mediolanense III. anno 1573.

209.

Concilium hoc Provinciale, ob invaletudinem S. Caroli bis rogatum, rursus a facunda Oratione ejusdem sancti Archi-Præsulis initium sumpsit; in qua proponit, per priores duas synodos necdum omnibus provinciæ malis allatum fuisse remedium, neque eam fuisse ubique Decretorum executionem, ut ea contenti esse possint, perficiendum itaque DEO auspice, quod pro illius honore, & animarum proventu cœptum, habito ob oculos Christi exemplo, qui non destitit ab opere redemptionis nostræ, donec consummatum est. Editæ dein plures constitutiones, tum novæ, tum confirmantes, limitantes & explicantes antiquas.

§. I. De Festorum cultu.

In Festis absit servilis labor, nundinæ ac mercatus, contractus, collectiones. Prope ecclesiam nihil venale proponatur. Officinæ sint clausæ. Tonsores, pistores &c. melius colant festos dies. Fessant choreæ, tripudia, hastiludia, vana ac ludicra spectacula, gestulationes agyrtarum.

Missam

Missam omnes audiant: neque viduis aut puellis exceptis. Concioni intersint, uti etiam vespers, doctrinæ Christianæ, processionibus. Ægros visitent, aliisque piis operibus intendant: optimates exemplo præluceant.

§. 2. De Concionatoribus, & fide tuenda.

Ut dies festi religiose agantur, & Christiana doctrina frequentetur, concionatores persuadeant. Sermones suos festorum ac temporum rationi accommodent, ut populus fidei mysteria, præcepta, omniaque Christiani hominis officia condiscat, & in usum ducat.

Maxime vero ad Verbi Divini prædicatores pertinet tueri fidem. Quæ statuta a Tridentino de professione fidei, exacte servanda. Magistri integri, libri puri provideantur. Summopere cavendum, ne pestis cum libris hæreticis invehatur. Exacta proin sit visitatio ac censura. Index eorum, qui importantur a Bibliopolis, aut venales exponuntur, librorum visitatoribus offeratur. Si quos inferant, aut vendant, qui in indice illo non sunt comprehensi, severe puniantur. Exacta etiam censura adhibenda libris noviter edendis.

210.

§. 3. De Sacramentis & Sacramentalibus.

Sacra crux frequentibus & honestis locis erigatur, ad excitandam tanti mysterii gratam memoriam. Singulis Dominicis parochus aquam sale aspersam benedicendo renovet. Fons baptismalis in solis Ecclesiis parochialibus asservetur. Infans expositus, licet appensum collo scriptum habeat, quo baptizatus significetur, si tamen re diligenter perquisita dubium maneat, sub conditione baptizetur.

211.

Ad frequentem SS. Eucharistiæ usum parochi & concionatores diligenter populum hortentur, nascentis ecclesiæ exemplo proposito. Si concionator aliquid contra dixerit, munere dejiciatur. SS. Sacramentum parochus ad ægros deportet, si fieri possit, pluviali indutus, comitantibus etiam Clericis in superpelliceis.

Qui confessus fuerit sacerdoti cuicumque, non approbato ab Episcopo, illi negetur communio tanquam non absoluto. Vota ne commutentur in minus bonum. Regularibus non licet a casibus Episcopo reservatis absolvere, nisi ab hoc facultatem habeant.

Quamvis extrema unctio sit ministranda integris adhuc sensibus; si tamen æger omnem sensum amisisset, ut nihil plane intelligat, sacramentum hoc ei nihilominus esset conferendum, modo adhuc vivat,

vat, & dum usum rationis habebat, pii animi significationem dederit, ut inde judicari possit, eum sacramentum petiturum, si adhuc integra mente esset.

Sine Canonica dispensatione ordinati extra tempora, vel ante legitimam ætatem, vel absque dimissoriis Ordinarii sui, ab executione Ordinum, sic susceptorum, jure ipso sunt suspensi. Sique durante suspensione functionem aliquam sui ordinis obierint, statim incurrunt irregularitatem: ob quam etiam Beneficiis privari possunt.

In dimissoriis Episcopus testetur de vitæ probitate, doctrina, examine habito, ordine, qui est conferendus, natalibus, aut dispensatione: si majori ordine initiandus, de ætate insuper, & sufficiente titulo Beneficii, pensionis, aut patrimonii. Si tales litteras non habeat, non ordinetur.

Sicut Beneficiatus non recitans horas, fructus non facit suos, ita nec pensionarius, si omittat Officium B. V. Mariæ.

Clerici, qui certo ecclesiæ ministerio non sunt addicti, diebus festis ad ecclesiam parochialem conveniant ad Divina officia, licet Sacerdotes sint; processiones comitentur &c. ante primam autem tonsuram nemo clericalem habitum gestet. Clerici vero, si debite moniti illum non gerant, Beneficiis priventur, aut privati declarantur.

Clericus extra ecclesiam cum superpelliceo ne incedat, nisi in processione, aut sacramentorum ministerio.

Picturæ omnes, imagines, statux, minus pudicæ, non tantum ex locis sacris, sed etiam ex foro, hortis, plateis, comptis, domibus eliminantur: nec tales amplius effingantur. Adduntur plura de instructione, profectu, vita & honestate clericorum.

§. 4. De Missa & Divinis officiis.

212.

Missa conventualis in cathedralibus & collegiatis quotidie celebratur. Publice ac notorie criminosi sacris ne intersint. Missam flexis genibus omnes audiant, excepto Evangelio. Die cænæ Domini omnes clerici, qui non sacrificant, Eucharistiam fument a solenniter celebrante. Sabbatis sub crepusculum in parochiis Salve Regina vel alia Antiphona, temporis respondens, decantetur, in honorem B. V. Mariæ convocatis etiam signo campanæ fidelibus.

Restituatur mos diu intermissus anniversarium consecrationis Episcopalis diem ritu solenni celebrandi. Sacerdotes vero ordinationis

tionis suæ diem sacrificio & precibus recolant. Festum consecrationis Ecclesiæ solenniter agendum: tripudia vero tollantur.

§. 5. De Parochis.

Parochiali ecclesiæ præficiendus juret coram Episcopo, se Romano Pontifici & Episcopo obedientem fore, decreta Concilii Tridentini executurum circa residentiam, bona ecclesiæ non alienaturum, & male alienata revocaturum, juraque omnia pro viribus conservaturum.

213-

Canonicus, qui parochiam unitam habet canonicatui, in illa resideat. Post finitam rem Divinam Dominicis parochus populum moneat, ut ter orationem Dominicam & Salutationem Angelicam precando dicant pro fidei propagatione, pro summo Pontifice, Episcopo & reliquis pastoribus animarum, pro Principibus & magistratibus, pro peccatoribus & hæreticis, ac infidelibus, pro defunctis, ad avertenda mala & calamitates.

Parochus festis vespers cantet stata hora. Commendatur eidem diligentia concionandi, pueros in doctrina Christiana instruendi &c.

§. 6. De Capitulo.

Episcopus frequenter studeat, interesse capitulo, & explorare, an & quomodo cultus Divinus peragatur. An inter Canonicos dissidia. An leges servantur. An Canonici in Capitulo & aliis suis muneribus diligentes.

214-

Quando collegialiter incedunt, primi sint, qui dignitates obtinent, tum Canonici presbyteri, postea diaconi, denique subdiaconi. Hos inter autem in canonicatu seniores præcedant.

Canonici duo constituantur, qui Archivo præsent, ad quod uterque clavem habeat. Plura alia de Archivo, iustrumentis, & documentis in eo custodiendis sanciantur.

§. 7. De Ornatu & Cultu Ecclesiarum.

Locus Episcopi sit altior, ut conspici a populo possit. In ecclesia ab Episcopo consecrata absque hujus consensu ne fiat novum ædificium, sacellum, altare. Si quæ ædificia ecclesiæ nimis propinqua, aut alias præjudiciosa exstruuntur etiam a laicis, Episcopi est causam cognoscere ac decernere. Sine jure constructa amoveantur, præfer-

215-

tim si minus sint decentia, ut stabula &c. in atrio vero Ecclesiæ adificare nullatenus licet.

Fœminæ velato capite in Ecclesiis, & processionibus compareant.

Episcopus monasteria, in quibus non viget regularis disciplina, ex decreto Tridentini visitet, aliaque Beneficia, licet sint commendata.

§. 8.

De bonis Ecclesiasticis.

216.

Episcopus procuratorem & advocatum constituat, qui bona ecclesiarum tueatur, & ablata reducat. Graviter vetatur, ne quis clericus scripta aut documenta, ad ecclesiam pertinentia furripiat, aut occultet. Idem ad hæredes laicos aliosque extenditur.

Decimarum investituras, quæ laicis factæ sunt in perpetuum, Episcopus diligenter cognoscat. Si quis immunitatem a solvendis decimis prætendit, privilegium exhibeat: uti etiam si jus decimandi sibi vendicat, quia in hoc casu præscriptioni non est locus.

Quæ legati nomine relicta sunt pro certo pio usu, ea ne necessitatis quidem causa, nec hæredum ejus, qui reliquit, consensu, ad aliam causam æque piam applicentur, absque Episcopi consensu.

§. 9.

De Matrimonio.

217.

Episcopus perquirat, an in singulis parochiis decreta Tridentini de matrimonio sint promulgata. Denuntiationes ne fiant, nisi utroque sponso petente. Quid falsum aliquod impedimentum malitiose attulerit, excommunicetur. Parochus non assistat matrimoniis occulte extra ecclesiam ineundis sine Episcopi licentia, celebrentur tempore matutino post sacrificium missæ.

Parentes liberos suos ad catechesin mittant, instrui curent fidei rudimentis, & ipsi etiam instruant. Illos Christiane educent, totamque familiam verbo & exemplo ad cultum DEI permoveant. Non tolerant blasphemias, execrationes, verba obscœna, aliaque scelera. Sed si quid vitiosum pullulare cœperit, mature amputent. Parochus etiam, si quid scandali oriri audiverit, emendari illico curet. Ad orationem omnes domestici quotidie convocentur.

§. 10.

§. 10.

De foro Ecclesiastico.

Episcopus intra anni spatium fori sui judiciis, causis, iudicibus, procuratoribus, advocatis, notariis, & ministris, quibuscunque, certas constituat leges: illisque omnibus certam etiam taxam præscribat. Atque hæc leges & taxæ in cancellaria publice prostent.

218.

Causæ, quæ decem aureorum summam non excedunt, summarie ac de plano cognoscantur. Iudices &c. nullum genus donorum, ne quidem esculenta aut poculenta a partibus accipiant. Pro dimissoriis, aut testantibus susceptos esse ordines cancellarius non plus accipiat, quam decimam partem aurei. Si vero aliunde ei salario sit provisum, nihil omnino recipiat.

Acta omnia judicialia Notarius in codicem referat. Monumenta omnia in Archivo custodiantur: ad quod clavem unam Episcopus, alteram Cancellarius habeat. Attestationes in causis civilibus, a Notario seu actuario scriptæ, pariter archivo importentur: idem de actis totius causæ. Si Notarius publicus non haberetur, duo viri probati acta conscribant.

Procurator, qui causam iniquam sciens defenderit, munere privetur. Episcopus sæpius tribunal fori sui visitet: item carceres, curetque, ut iustum patrocinium detentis in iis non desit, nec Christiana corporis animique subsidia. Viduarum, pupillorum &c. curam gerat, ne opprimantur.

§. 11.

De Regularibus &c.

Sodalitas erigatur, quæ in fraternæ correctionis officium ex professo incumbat. Aut alteri sodalitati jam erectæ id muneris imponatur.

219.

Moniales servant ea, quæ Gregorius XIII. constituit, de earum numero, eleemosynis, ostiolo obstruendo, quo aditus ad exteriorem ecclesiam pateat, de clausura &c. Confessarius nullum ab eis donum accipiat, ne quidem nomine monasterii, sed annua sustentatione sit contentus. Adduntur aliqua de executione decretorum huius synodi, ut in superioribus.

§. 4.

Concilium Mediolanense IV. anno 1576.

220.

Concilium hoc provinciale sanctus Cardinalis in oratione ad Patres habita aperuit his verbis: Quousque tandem concilia provincialia toties convocata? quorsum & tot constitutiones & Decretorum vincula? vulgaris vox, Patres sanctissimi, ac sicut ne tacita cogitatione religiosæ mentis digna, longeque a sensu Episcopalis vestri animi aliena, ita hominum vel impiorum est, Ecclesiam DEI oppugnantium, vel Christianorum, Christianam disciplinam abhorrentium, vel imperitorum, planeque nescientium, quantas vires habeat frequens synodorum actio, atque usus, vel illorum sane, qui parvo angustoque animo omnia metiuntur.

Addit deinde, hominem naturæ imbecillitate sæpe labi, proinde plurimis opus esse conciliis atque decretis, quibus constrictus a recta semita non declinet, aut aliquando digressus, in viam salutis redeat. Proponit Christi Domini promissum, & Apostolorum exemplum, populorum expectationem, & pastorale Episcoporum, aliorumque Ecclesiæ ministrorum officium.

PARS I.

§. 1. De Professione fidei, sacris Reliquiis, Miraculis, & Imaginibus.

Apponitur hic in extenso consueta professio fidei, a Pio IV. ex mente Tridentini præscripta; quam ego in *part. 3. bujus appar. cap. 4.* in fine Concilii Tridentini integram inserui.

Sanctorum corpora ac reliquiæ per viros eruditos recognoscantur, inspectis tabulis, litteris, annalium codicibus, aliisque antiquis monumentis, testimoniis, traditionibus &c. tum vero tota recognitio in librum inferatur. Deinceps vero nullæ novæ reliquiæ exponantur, nisi ab Episcopo recognitæ & approbatæ sint. Non afferantur in privatis domibus, sed in ecclesiis. Raro exponantur, aut ostendantur, neque velis nudæ, neque extra capsas. Martyrium & vitæ historia breviter exponatur.

Nihil novum atque in ecclesia hætenus inusitatum proponatur. S. Crux & imagines non sculpantur in pavimento, neque in loco sordido. Effigies animalium ne sint in ecclesia: nisi historia sacra exprimenda: nulla procax imago, aut minus decens, sub pœna excom-
muni-

municationis. Vetustate obstita ac deformata renouentur aut delean-
tur, aut in ignem conjiciantur, & cineres sub pavimento ecclesiæ
collocentur.

Obstet Episcopus & clerus clamoribus vulgi, quæ facile aliquid
pro miraculo enuntiat, donec rei veritas sit examinata. Theologi
ac prædicatores exacte doceant fideles, quæ de cultu & invocatione
Sanctorum, & sacris reliquiis & imaginibus Tridentinum sancivit.
Omnia vero superstitio & abusus eliminetur.

§. 2. De Indulgentiis, Jejuniis, Festis, & Peregrinationibus,

Indulgentiæ, tanquam cœlestis thesaurus, magno in pretio ha-
beantur. Recognoscantur tamen, an re vera concessæ, & an legiti-
me. Conficiatur earum catalogus, in Archivo Episcopi asservandus:
in illum etiam noviter concessæ referendæ. In ecclesiis particulari-
bus pariter exstet earum catalogus.

Quatuor temporum jejunia Dominica præcedente denuntientur:
auditione missæ & concionis celebrentur. Nec eo tempore jus di-
catur.

Curati diebus festis Divina semper in loco celebrent. Si ad ali-
quam celebritatem evocati, comparere necesse haberent, per vica-
rium rem Divinam peragant. Si talis haberi non posset, populum
prius moneant de sua professione, ut alio ad sacra se conferre possit.
Festum S. Ambrosij per totam provinciam solenniter celebretur.

Nullus clericus peregrinetur sine dimissoriis & testimonialibus li-
teris Episcopi: his inserantur etiam viæ comites. Constituendus vi-
carius. Multas dein pie sancteque peregrinandi regulas præscribit sy-
nodus; quomodo in itinere, in loco sacræ peregrinationis &c. se ge-
rere debeant.

§. 3. De sacris locis eorumque cultu.

Nova ecclesia non ædificetur inconsulto Episcopo; cui dispicien-
dum, an locus decens, capax populi, disjunctus ab ædibus, an al-
tare versus orientem &c. Crux figatur in arcu fornicato chori. Nulla
in Ecclesia sit fenestra, per quam foris stans missam audire possit. Alia-
que plura statuuntur, de vase aquæ benedictæ, sacrario, lampade,
capellis, altaribus &c. quæ passim in nostris quoque templis videmus.

Altare non sit prope suggestum, aut januam, aut organum, aut
columnæ adhærens. Lapidum sit, vel saltem lateritium cum tabula

lapidea, si sit consecrandum. Septo ferreo aut lapideo cingatur. Petra sacrata ita mensæ inferatur, ut digito dignosci possit. Adduntur plura de ornatu altarium &c.

Nulli detur sepultura in Ecclesia sine consensu Episcopi, in capella majore vero seu choro nullo modo: nec prope altaria. Supra Ecclesiæ solum ne emineant. Ne crux aut imago inculpatur. Cœmeteria muro cingantur. In medio crux sit erecta.

Parochialis ecclesia si tres campanas, majorem, mediam, & infimam habere non possit, duas saltem habeat, distincto soni concentu inter se recte consentientes, pro varia officii divini ratione. Simplex ecclesia, & oratorium unam tantum campanulam habeat. Campanis autem nihil profanum inscribatur: sed crux & sacra imago patroni ecclesiæ, piave inscriptio. Antequam in turrim sustollantur, precibus & benedictione ab Episcopo sint consecrata.

Altaria contegantur tela cerata, & mappis tribus mundis, quarum una oblonga ex lateribus in terram defluat. Arborea, hederæ, rubi, vites &c. ecclesiæ non adhæreant, neque in cœmeterio tolerantur. Nihil in eo feratur, nec fenum succidatur, neque herba animalibus in pabulum. Nulla in eo sit lignorum strues aut lapidum: nihil denique, quod decori ac nitori officiat, aut loci sanctitati repugnet.

Nullæ schedæ profanæ ecclesiæ affigantur. Nullæ officinæ aut tabernæ adhæreant. Tecta nullus frumenti acervus, cubiculum, aut alia res profana oneret. In cœmeterio nullæ fruges expandantur, neque telæ, aut panni ibi exsiccentur: nullus labor profanus exerceatur. Nullæ bestię adducantur. Neque per ecclesiam veluti plateam communem onera deportentur. Absint scholæ profanæ.

Mos intermissus, ut viri a fœminis sint separati in templis, restitutus. Ad loca illa, quæ sub gradibus aræ summæ sunt exstructa, *Martyria* & *confessiones* olim appellata, viri aut fœminæ non ingrediantur. Nullum prorsus in templis toleretur profanum commercium; sed Divinis duntaxat laudibus resonent.

Ecclesiæ parochiales omnes cum ara majore consecrentur: sitque festus ille dies, anniversario cultu recolendus. Consecrationes ecclesiarum & altarium, atque cœmeteriorum, & campanarum benedictiones libro inferantur, ad perpetuam rei memoriam. Tabula insuper marmorea affigatur, in qua consecratio sit descripta.

Si templum diruendum, sacra prius, religiose a sacerdote asportentur, uti lapis altaris consecratus, reliquiæ, imagines, fidelium ossa,

Sacristia habeat oratorium, si fieri potest, separatum, ubi sacerdos ante & post missam orare possit, tabellas item, vestiarium, aliaque ad rem Divinam necessaria.

Antiqui præsertim codices & manuscripta in Bibliotheca ecclesiæ sedulo asservanda, cumeorum indice. In hoc notetur, si sciri potest, tempus, quo quilibet liber scriptus est. Clericus doctus præficiatur. Visitetur ab Episcopo.

Oratoria, ubi missa non legitur, nullum habeant altare; qualia sunt, quæ in viis ad excitandam prætereuntium devotionem, exstruuntur. Valvis & clave, a parochia asservanda, muniantur, vel saltem cancellis a parte anteriore sepiantur. Intus sit imago sacra; quæ per fenestellas possit aspici. Pilæ quoque in viis publicis structæ, cum sacra effigie imposita, conserventur.

Parochus populum in Ecclesiam ad vespertinas preces convocet signo campanæ. In pagis & vicis, a parochia remotioribus, constituat Episcopus ecclesiam, vel capellam, aut oratorium, aut denique crucem, sacramve imaginem, quo etiam sub dio ad vespertinam orationem convenire liceat. Si denique propter domorum dispersarum distantiam neque hoc fieri possit, unusquisque paterfamilias domi suæ cum domesticis preces illas persolvat quotidie. Cum ad depellendas tempestates campanæ pulsantur, fideles preces fundant, & si fieri possit, in ecclesia ad orandum conveniant.

§. 4. De verbi DEI Prædicatione.

Munus prædicationis sibi proprium Episcopus & parochus diligenter obeant, cujuscunque status homines instruendo, sui que officii admonendo, jam parentes, jam liberos, nunc viros, nunc uxores, modo servos, modo dominos. A vitiis deterreant, ad virtutes accendant, sacrarum litterarum, Patrumque testimoniis, exemplis, traditionibus, similitudinibus, arguendo, obsecrando, increpando. Tantoque plus fructus se relaturos confidant, quo sinceriori oratione, ab omni vel artificii, vel hominis sua spectantis suspitione aliena, officium suum exequentur.

Præcipue vero orationis nervos intendant ad rebellanda vitia magis dominantia, repetitis etiam frequentius vicibus, arborem annosam non primo ictu cadere persuasi.

Veteris Ecclesiæ instituto sacra concio inter Missarum solennia post decantatum Evangelium habeatur. Si Episcopus prædicet, mi-
tra,

tra, omnique sacro ornatu, quo missam celebrat, indutus sit, septem ministris, vestibus sacris ornatis, utrinque assistentibus.

Concionator in suggestu stet, aut sedeat, prout maluerit, capite operto. Celebrans vero in loco, aliquantum ab ara separato, cum ministris sedens concionem audiat. Si Episcopus concionatur, nullus alius ea hora in ea urbe concionetur. Populus adstringatur, ad prabendum victum aut eleemosynam solitam. Sub concione nulla missa in ea Ecclesia dicatur. Clerici superpelliceis induti servato ordine concioni intersint.

Non solum in parochiali ecclesia, sed remotioribus etiam pagis doctrina Christiana explicetur. Præstentque Clerici in hoc tam pio ac necessario opere parochi auxilium.

P A R S II.

§. I. De Sacramentalibus.

224.

Parochus, ubi olea nova receperit, vetera statim comburat in lampade, quæ ante SS. Sacramentum lucet, bombyce in sacrario plane exusto. Librum Ritualem omnes parochi habeant; neque a ritu cathedralis ecclesiæ recedant. Oleo deficiente, si aliunde tunc haberi non possit, consecrato misceatur non consecratum, in minori tamen semper quantitate, quam sit illud, quod prius aderat.

Nullus clericus energumenos exorcizet, nisi ab Episcopo scriptam facultatem habeat. Hac instructus examinet vitam moresque energumeni, consulat medicum, an non vi morbi aut atræ bilis agitetur. An non sponte simulet. Si vere energumenus sit per vexationem dæmonis, exorcismus fiat in ecclesia: præsentibus paucis viris gravibus: de die: nunquam duos simul exorcizet: jejuniis & oratione se præparet, peccata confessus. Si sacerdos sit, antea missam faciat. Energumenos pariter moneat, ut prius confiteantur, orent. Non aliis utatur ritibus aut precibus, quam illis, qui sunt in rituali.

§. 2. De Baptismo & Confirmatione.

225.

Baptisterium ex marmore aut solido lapide conficitur. Sepiatur cancellis, Sabbato Sancto & Pentecostes fontis baptismalis benedictio fiat solenni ritu, frequenti sacerdotum conventu, etiam exemptorum, si non speciale quoad hoc privilegium a Pontifice habeant.

Infantem peregrinum parochus extra casum necessitatis non baptizet, sed ad proprium parochum remittat; infantes a Sabbato sancto

sto usque ad sabbatum in albis, & a sabbato Pentecostes usque ad sabbatum sequentem nati in parochiis urbanis, ad conservandum aliquatenus usum veteris ecclesiæ, ad ecclesiam cathedralem deferantur ad baptismum, nisi mortis periculum urgeat, ut in propria parochia baptizentur antea.

Ritus accurate observetur. Ad aquam infundendam non manus, sed vas ad id paratum adhibeatur. Non imponantur nomina gentilium, aut ridicula. Grave atque immane facinus est, infantes per imprudentiam illorum suffocari, qui eos, ne quidem annum natos, in cubili nulla cautione collocant. Si igitur mulier infantem anno ætatis nondum expleto, secum in lecto jacentem, non ea cautione tenuerit, quam ab Episcopo præscriptam ei parochus demonstravit, excommunicationem ipso facto incurrat: nec absolvatur, nisi gravi, ad alios deterrendos, pœna imposita. Parochus vero sæpe moneat, ne infantes secum in lectum assumant, hocque decretum publicet.

Parochi, qui in urbe sunt, Dominica Pentecosten præcedente doceant, quanto religionis studio suscipiendum sit *Confirmationis Sacramentum*, cujus conferendi solus Episcopus ordinariam habet potestatem. Curent etiam, ne quis illud negligat.

Adulti prius confiteantur, & jejuni suscipiant, si ante prandium ministretur. Explicet parochus ea, quæ ad hoc Sacramentum recte suscipiendum pertinent. Idem præstent reliqui parochi per dioccesin, Dominica antecedente hebdomadem, qua Episcopus illud est collaturus. Qui alienæ diocesis hominibus illud non conferet sine consensu proprii Episcopi: nisi in sua diocesi jam domicilium fixissent.

§. 3. De Sacramento Eucharistiæ.

Tabernaculum serico intus sit ornatum; conopeo decenti contentum; bene clausum, ab omni alia re vacuum. Hostiæ, jam ante 226. dies consecræ, non consecrentur. Quamvis Sacramenti hujus Divinissima dignitas, virtus, & efficacia frequenter explicanda est, atque ad frequentem devotumque ejus usum populus commoneendus, non tamen omnia, quæ sublimissimo hoc mysterio insunt, percipiendi atque intelligendi est capax.

Occasione communionis, etiam paschalis, nihil omnino petatur. Ægrotantibus etiam absque mortis periculo Eucharistia a parcho est ministranda, si petant. Dum palam in majori hierotheca proponitur, sex ad minimum cerei ardeant, non tamen ultra decem. Et duo clerici in superpelliceis semper assistant. Quadraginta hora-

rum comprecatio die ac nocte continuetur. Horæ inter certas hominum classes distribuuntur. Fœminæ autem noctu non compareant. Si noctu continuari non possit, suppleatur die. Hæc comprecatio jugiter per Ecclesias circum ambulet. In Cathedrali solennius agatur, convenientibus ibi Regularibus etiam, qui supplicationibus interesse solent, & sodalitatibus, more processionum prælata cruce.

§. 4. De Sacramento pœnitentiæ, & extremæ unctionis.

227.

In confessionali hæc sint affixa: sacra imago, Bulla cœnæ, tabella casuum, quos sibi Episcopus reservavit, forma absolutionis, cum precibus præparatoriis ad audiendas confessiones. Ne prope confessionale sit capsa eleemosynaria. Qui absque Episcopi approbatione audit confessiones, ipso facto est excommunicatus. Regularium nomina & peritiam Superior Episcopo significet. Medici juramento se adstringant ad servandam Pii V. constitutionem. Casus restitutionis bonorum incertorum ex delicto Episcopo reservatus esto. Eorum, qui in paschate confessi sunt, nomina libro inscribantur.

Extrema unctio ministranda adultis periculose ægrotantibus, senio confectis, licet nullo alio morbo laborent, quam spirituum defectu: non autem pueris rationis usu carentibus, mulieribus in partu laborantibus, ad bellum proficiscentibus, navigantibus, mox ultimo supplicio mulctandis.

Parochus die noctuque sit paratus. Plures, si fieri potest, presbyteros in superpelliceis comitantes habeat, ac ministrantes. Vas sacri olei serico inclusum collo pendens reverenter ferat, superpelliceo ac stola indutus. Pia adhortatione ægrum soletur. Sæpius visitet &c.

§. 5. De Sacramento Ordinis.

228.

Qui clericali vitæ se adscribere cogitant, sub Ecclesiasticorum disciplina instruantur; ut habeatur mutua probatio, ac velut novitiatus. Extra statuta tempora sacri ordines nemini conferantur absque dispensatione Pontificia. Adduntur plura de testimonialibus & dimissorialibus litteris, quas oportet esse recentes.

Impedimento Ordinum irretiti sunt, carentes ætate, Sacramento confirmationis, rudes, criminosi, solenniter pœnitentiam agentes, neophiti, ebrietati & gulæ dediti, luxuriosi, lapsi post ordinem, perjuri, usurarii manifesti, infames, ratiociniis obligati, servi, corpore vitiati, insigniter deformes, illegitime nati, peregrini & ignoti, bigami

bigami, irregulares, suspensi, aut alia censura innodati, amentes, morbo caduco laborantes, energumeni, non exanimati & probati, titulo mensæ carentes.

Præmittantur sacra exercitia. Ordinandi nomen, cognomen, patria, parochia, parentes, domicilium, titulus, natales, ætas, vita, mores, doctrina, & cætera requisita testimonialibus litteris ad Episcopum mittantur. De initiando prima tonsura habeatur testimonium de confirmatione, de crebra in Ecclesia frequentia, de spe permanendi in vita clericali, de crebra communione.

Sacrum ordinem suscepturus testes litteras afferat, denuntiationes prævias esse factas in Ecclesia inter missarum solennia: titulum esse sufficientem, ætatem præscriptam; exercitia sacra præmissa, habitum gestatum, in ordine ministratum, SS. Sacramenta percepta &c.

Episcopus ipse in examinibus præsens esse studeat. In interstitiis ne passim & absque delectu dispensetur. Parochus clericum ad aram ministrum habeat, si aliter fieri non possit, populi sumptus alendum.

§. 6. De Beneficiorum collatione.

Licet jus eligendi, præsentandi, instituendi aliis competat, tamen Episcopi etiam autoritas interveniat necesse est. Alioquin provisio irrita censenda est. Si præsentati non sint idonei, rejiciantur. Liber sit in archivo Episcopali, in quo omnia Beneficia, provisiones cujuscunque generis sint descripta.

229.

Si Beneficium simplex, ad congruam sufficiens, possidens aliud cujuscunque generis est adeptus, vacat ipso jure primum. Et si census ex priore adhuc colligat, duplum restituat. Ne Clericus quispian minore ætate Beneficii provisionem & administrationem bonorum alteri committat absque facultate ab Episcopo impetrata.

§. 7. De Missa & Divinis officiis.

Episcopo sacris operante, uti etiam sub solenni officio non facile aliæ missæ dicantur. Non facile concedat facultatem missam legendi in oratorio privato. Moneantur fideles, ut Dominicis festisque majoribus in parochia ad officia Divina conveniant. Etiam capellani Missas fundatas per se ipsos celebrent. Omnes Missali Pii V. jussu edito utantur.

230.

Episcopus per se ipsum vel alios inspiciat, quo decore, reverentia, modestia, observatione rituum, ceremoniarum, ac rubricarum sacerdotes celebrent. Clericus ministret sacerdoti, superpelliceo mundo ac decenti indutus. Urceoli ex vitro sint confecti, ut facilius vinum ab aqua discernatur. Hostiæ pro Eucharistia non a laico, minus a femina conficiantur.

Præcipuis per annum festis Episcopus ipse pontificali ritu, solenniter celebret. De Sancto, cujus corpus, aut caput, brachium, crus, aut aliæ Episcopi judicio *insignes* asservantur in Ecclesia, Officium in ea fiat ritu duplici. De Beato, necdum in Sanctorum numerum relato, officium a nemine fiat, nisi cum facultate Sedis apostolicæ. Statuuntur plura alia de ritibus, de missæ sacrificio decenter peragendo, de processionibus, ac ordine in iis observando, de sacris exequiis, quæ in antecedentibus jam habentur, vel alias jam nota sunt.

§. 8. De Distributionibus, Capitulis &c.

§. I.

Si Canonicus in parochia residet, fructus annuos seu grossos sui canonicatus percipiat, non vero distributiones quotidianas. Constituuntur rursus *punctatores*, qui juramento se obligent, quod officium suum diligenter ac fideliter obire velint, omnium videlicet tum Canoniorum tum aliorum clericorum absentiam & errata notare, ac significare.

Si qui in servandis decretis synodorum Mediolanensium negligens fuerit, ab Episcopo mulsetur: si vero ipse Episcopus sit futurus negligens, norit, se in proxima provinciali synodo rationem redditurum.

Cum de rebus patrimonii Capitularis, de locationibus, de contractibus, de officiis conferendis, aut aliis rebus gravioribus in capitulo est deliberandum, in uno capitulo causa proponatur, in altero deliberetur: aut, si res moram longiorem non patiat, saltem capitularibus ante notificetur causa, de qua danda suffragia, ut eo melius perpendi possit.

Cancellarius acta capitularia atque ordinationes in singulos dies in libro annotet, Notarius autem ad causas, lites, instrumenta publica conficienda adhibeatur.

Juramentum, quo jurant canonici, se nihil eorum, quæ in capitulo aguntur, evulgaturos, non stringit, quo minus Episcopo actiones susceptæ manifestentur.

Non

Non licet canonico bona capituli conducere, ne ad modicum quidem tempus.

§. 9. De Parochiis & Parochialibus Juribus.

Ecclesiis parochialibus, inopia laborantibus, succurratur vel 232.
Beneficiorum unione, aut primitiis ac decimis, aut parochianorum contributione, aut alia via, prout videbitur Episcopo, commodiore. Adjuutores parochi in eadem cum parcho domo habitent. Vetus oblationum institutum revocandum in usum diebus Dominicis & festis, ut primo mares, dein sæminæ accedant; offerentium autem, prout consuetum, commemoratio fiat in missa post offertorium.

Parochi nullis aliis negotiis, ab officio suo alienis, se immisceant, ut animarum curæ, ægrorum solatio, puerorum catechesi, verbi DEI prædicationi, Divinis officiis, Sacramentorum ministerio, & universim cultui Divino se totos possint impendere.

PARS III.

§. I. De Episcopis.

In oratione sanctisque meditationibus frequentes eos esse oportet: certam igitur horam Divinæ contemplationi quotidie impendant. Ad vespertinas preces cum tota sua familia conveniant. Sacrum etiam faciant, antequam aliis negotiis se applicent. Preces horarias, pie, devote, ac decore persolvant; nec continenter, sed distinctis temporibus. Si obstet negotiorum moles, potius præveniant. Confessario utantur probo & docto, cujus consiliis juvari possint. Nec omittant, Theologiæ, SS. Canonum, & Ecclesiasticæ doctrinæ studio quotidie statis horis operam dare atque Scripturam sacram legere. 233.

Neque sint difficiles in audiendis iis, qui eos tanquam Judices, patres, adjuutores, adeunt. Nec infimos etiam homines arceant. Quæ ad spiritualem curam, & gubernationem, Divinumque cultum pertinent, per se ipsos potissimum præstare studeant: cætera per Vicarios ac ministros potius exequantur.

Divinis mane rebus, ac dein auditorio absoluto, a prandio reliqua perficiat. Quidquid autem temporis animi relaxationi aliquando ob valetudinem dabitur, id omne vel in spiritualium librorum lectione studiove, vel in colloquio piorum & eruditorum hominum, spiritualisque vitæ amantium ponere studeant. A nimia au-

tem laicorum familiaritate abstineat; eorum convivia fagiat. Lectio in mensa sit potissimum ex S. Scriptura, ex pastoralibus libris, & vitis SS. Episcoporum.

Sexta feria, ac diebus jejuniorum nigro vestitu, alias violaceo utatur. Familia, ecclesiæ sumptibus sustentata, vitæ & morum exemplis aliis præluceat. Cubicularii sint ætate graves moribusque. Omnes de familia servant Ecclesiæ jejunia: quot mensibus confessi ad S. mensam accedant; in adventu autem & quadragesima singulis Dominicis. In mensa & alias loco confabulationis pius liber prælegatur. Nemo sit otiosus, levis, loquax.

§. 2. De vita & honestate clericorum.

224.

Vestes etiam domi sint decentes clericum. In omni incessu, statu, gestu, vultu, clericalis animi ideam exprimat. Vox non nisi Divinas laudes resonet. Publica convivia vitet. Illud sæpe repetat, se non ad inertiam atque ignaviam, sed ad spiritualis atque Ecclesiastica vitæ labores vocatum esse. Si igitur tempus, ab officii negotiis vacuum nactus fuerit, Divinarum litterarum studio, & cœlestium rerum contemplationi impendat. Quare Episcopi in visitatione diligenter inquirent, quo modo clerici tempus traducant. Si otiosum aut in sæcularia diffluentem videant, rationem ineant, qua ad spirituales occupationes transferri possit.

Caveant clerici, ne dum sceleratos conantur convertere, ipsi lue aliqua afflentur. Librum nullum periculosum aut minus pudicum legant. Ne sint leves, ne rixosi, ne rerum novarum curiositates sectentur. Singulis mensibus juniores testimonium vitæ suæ Episcopo afferant. Provectiores etiam ætate sacris exercitiis ac meditationibus vacent.

§. 3. De Visitatione.

225.

Episcopi non plures quam decem homines, & septem jumenta secum ducant; alii vero visitatores inferiores longe pauciores homines & jumenta adhibeant. Et eatenus derogatum sit decreto, in primo provinciali concilio edito. Frugali prorsus mensa contenti sunt, nec sinant sibi opipara convivia instrui.

Episcopus visitationem a domo sua & familia inchoet, ut exemplo permoti alii facilius correctionem admittant: & jussa studiosius exequantur. Cæterum appellatio nulla correctionis executionem impedit aut moratur.

Vestium luxum, tot malorum incentivum omni modo temperare visitator studeat, præsertim in fœminis. Clausuram in monasteriis monialium, Hospitalia, loca pia, & sodalitates, Canonum & Tridentini jure sibi concessio visitet. Adventanti Episcopo fideles obviam procedant. Frequentes tum etiam compareant in Ecclesia, audituri sacra monita.

Præmittatur, qui visitationem indicet, aut alio modo significetur, ut adveniente Episcopo omnia sint parata. Visitationis tempore omnes consiteantur parochiani, & SS. Eucharistiam ab Episcopo accipiant. Omnia, quæ tunc benedicenda aut consecranda sunt, habeantur in promptu, uti etiam libri, instrumenta, monumenta, tabulæ, sacra suppellex, volumen rituum & consuetudinum, si quas peculiare habet illa Ecclesia: item inventaria SS. reliquiarum, indulgentiarum, ornatuum, documentorum, quibus bona, jura, privilegia, Ecclesiæ, capellarum, altarium continentur. Index denique dignitatum, Canonicatum, Beneficiorum, scholarum, confraternitatum, locorum piorum, monasteriorum, prædiorum, parochianorum, librorum, hominum criminoforum &c.

§. 4. De Synodis.

Singulis trienniis provincialis synodus ex præscripto Tridentini habeatur. Illam indicat Metropolitanus: eo autem impedito senior coepiscopus, in feriam quintam post Dominicam tertiam a paschate, ut adeo non opus sit alia significatione vel convocatione. Sed tertio quovis anno omnes, ad quos de jure vel consuetudine pertinet, Mediolani ad eam diem compareant.

Impediti causas exponant absentia, & procuratorem mittant. Omnes veniant parati ad exponenda, quæ synodi auctoritatem, sententiam, correctionem, executionem requirunt.

Die primæ sessionis fiat publica supplicatio per urbem, Officium solenne a Metropolitano, sermo latinus. Quod officium & sermo etiam posterioribus diebus continuetur. Nemini discedere liceat inconsulto præside. Illud maxime agatur, & Concilii Tridentini Decreta, & constitutiones synodorum Mediolanensium executioni dentur.

Finito concilio omnes Episcopi præsentis & absentium procuratores subscribant: tum factis solitis acclamationibus in osculo pacis discedent. Per hæc tamen non derogatur potestati Metropolitanæ, alio, si visum fuerit, tempore synodum convocandi.

Syna-

Synodus Diœcesana quovis anno celebranda est secundum Tridentini ordinationem. In ea Decreta concilii provincialis publicentur. Hoc synodi habendæ institutum nunquam negligatur.

In provinciali ex quavis diœcesi duo, in diœcesana septem testes *synodales* deligantur, viri ætate & moribus graves, qui jurent, se fideliter omnia, quæ correctione aut synodi cognitione indigent, delaturos.

Inquirant autem diligenter absque ulla jurisdictione, an clerici resideant: an curati invigilent: an in Sacramentis recte ministrandis, verbi DEI prædicatione, puerorum institutione, & cæteris curæ pastoralis officii muneri suo satisfaciant: an ecclesiæ factæ testæ, suppellectili & ornatu instructæ, mundæ, ab omni re profana puræ. An populus in via Domini ambulet, frequens adsit in Divinis officiis & sacris concionibus, cum modestia & devotione: an & quomodo festa colat. An jejunia servet: an decimas solvat: an sint in populo criminosi, de hæresi aut magia suspecti: an aliæ morum corruptelæ malæ consuetudines: an servantur Pontificiæ constitutiones, & synodalia Decreta? Hæc omnia in provinciali ad Metropolitanum, in diœcesana synodo ad Episcopum referant, scripto annotata.

§. 5. Monitiones.

237.

S. Carolus Borromæus, synodorum istarum Præses more majorum clero suo certa monita dedit, ut sanctæ vocationis suæ semper sint memores, cœlestemque in terris vitam velut angeli DEI moribus expriment, sæcularibus negotiis abstineant, totumque animum ad Divinum cultum, cœlestium meditationem, virtutis ac Christianæ pietatis decus transferant; quæcunque sunt vera, quæcunque pudica, quæcunque sancta ac religiosa, ea cogitent, eaque agant, ut exempli vis ad cæteros etiam emanet, omnesque Christo lucrificent.

Deinde hortatur ad devotam missæ celebrationem, decoram Breviarii recitationem, frequentem confessionem & communionem, ad preces, meditationes, lectionem sacram Bibliorum, SS. Patrum, piorum ascetarum, librorum S. Ambrosii de officiis, & sacerdotali dignitate. Pergi que quosque officii sui graviter & paterne admonere. Ut videlicet habitus sit modestus, mensa frugalis, familiaritas cum sœminis nulla: vitentur spectacula, ludi, cauponæ, compotationes, joci, fastus, luxus, ambitus, sæcularia negotia, contentiones, jurgia, discordiæ &c. Omnia denique illa ferme hic collectim memorantur clerico-

ricorum officia, quæ per plures constitutiones Canonicales & synodales sunt dispersa.

§. 6. De foro Ecclesiastico.

Omnes omnino mulctæ pecuniariæ piis locis & operibus applicentur, nulla omnino parte ad alios usus unquam reservata.

Constitutiones Pontificiæ, decreta synodalia, & edicta Episcopalia, in Ecclesia Cathedrali integre populo frequenti prælegantur, in reliquis vero Ecclesiis per capita summatim promulgentur: singulis autem mensibus aliqua ex iisdem, uti etiam ex Tridentinis decretis, & pastoralibus litteris evulgentur, ut ordine omnia diligenter promulgata, sæpiusque certis diebus repetita curatius in executionis usum deducantur. Concionatores etiam eadem cohortatione persuadeant.

Caveat parochus, ne dum sponsum voluntatem, ut denuntiationes fiant, explorat, ea occasione in consensum matrimonialem coram testibus inquirat: unde separatim & caute sponsum, & deinde sponsam interroget, an velint fieri denuntiationes.

§. 7. De Regularibus.

Si fœmina cujuscunque dignitatis virorum monasterium per interiorem portam intret, censuræ declaratione Episcopus severe contra illam agat. Intra clausuræ autem terminos etiam sunt horti, monasterio continenter adjacentes. Plura dein statuuntur de archidiaconali monialium clausura.

Moniali ne liceat iis, qui extra claustrum sunt, medicinas parare, aut præbere. Antiquus communis dormitorii usus, ubi fieri potest, restituatur. Communis vitæ ratio studiose introducatur. Monialium prædia Episcopus locari curet, idque sub hasta auctione facta. Puellæ ad professionem recipiantur occultis monialium suffragiis. Confessarii & capellani monialium præter annum ad sustentationem stipendium prorsus nihil accipiant.

§. 8. De locis piis.

Bonorum omnium, reddituum, juriumque, ad Ecclesiam aut loca pia pertinentium, inventarium accuratum perficiatur: ejusque triplex copia, publici notarii testimonio munita conficiatur: quarum prima sit apud administratores, altera apud Rectorem Ecclesiæ, tertia in archivo Episcopali custodiatur.

Pars VII.

G g g

Admi-

238.

239.

240.

Administratores muneris sui rationes sæpe ac diligenter reddant : quare diaria & codices rationum habeant ordine confectos ; ut inde facile ducatur omnis ratio accepti & expensi. Episcopus autem quolibet annis rationes recognoscat.

In pauperum delectu non egestatis modo sed etiam morum habeatur ratio. Universim vero eleemosynæ vere pauperibus distribuuntur, præsertim etiam iis, qui pudore retenti dominopria prementur, & publice mendicare erubescunt. Episcopus & parochus in id curam intendant, ut omnes eleemosynæ & hospitalium proventus recte impendantur. Eleemosynariæ collectæ in dies certos indicantur.

Invigiletur autem præcipue, ut mendici temporalium inopes animæ bonis sint divites. Quare attendatur, unde & quo migrent, quomodo vivant, quam fidem teneant, an missam audiant, confiteantur, communicent, tempore saltem paschali.

Subscripserunt huic concilio IV. S. Carolus Præses, Episcopus Laudæ, Brixienfis, Cremonensis, Bergomensis, Astensis, Casalensis, Alexandrinus, Vercellensis, Albenfis, Intimilienfis, Novariensis, procurator Episcopi Dertonensis, procurator Episcopi Aquisgranensis, procurator Episcopi Savonensis, Archiepiscopus autem *definiens* subscripsit, Episcopi *consentientes*, Procuratores *recipientes*.

§. 5. Concilium Mediolanense V. anno 1579.

241.

In concilii hujus ingressu S. Carolus orationem ad Patres congregatos pro more habuit; in qua demonstrat, quam misera fuerint superiora tempora, quibus tamdiu intermissa sunt concilia. Inde enim factum, ut multiplex malorum quasi sylva exiterit, basilicæ incultæ, ornamenta suppellectilis Ecclesiasticæ pene nulla, ceremoniarum ritus & usus vix cognitus, Divinorum officiorum ratio perturbata, chori disciplina relata, functionum Ecclesiasticarum munera contempta, stationes clericales desertæ, omnia demum disciplinæ officia abjecta; populi præterea institutio depravata, morum corruptelæ undique obortæ, festorum dierum veneratio multis peccatis violata, sacrorum locorum cultus multis partibus læsus, sacerdotalis ordinis dignitas pro nihilo habita, & cuncta denique ad eum statum deducta, ut lachrymis, luctu, commiserationeque digna essent.

Visam provincie faciem deformatam, nec plane a collachrimabili illo templi Hierosolymitani aspectu dissimilem; cum videlicet vastitatis ab Antiocho omnibus Judas Machabæus templi illius cultum eversum, altare violatum, januas exustas, & omnia prostrata aspexit.

Qra.

Gratias proin dicendas DEO, cujus Divino munere Tridentinum concilium, præter alia adjumenta Christianæ Reipublicæ subministrata, salutarem synodorum usum restituerit. Hinc enim firmissimum esse cujuscunque instituti præsidium, hinc rituum sanctorumque consuetudinum perennem conservationem, hinc disciplinæ omnis robor perpetuum, hinc rerum salutarium sanctissimum firmitamentum, hinc prompta omnium ad obediendum voluntas, hinc præclara illa bene agendi recteque exequendi contentio ac pulchra æmulatio. Proponit denique ferventis vigilantisque Episcopi, qui in conciliis comparet, ejusque decreta exequitur, & remissi atque languentis, qui cuticulam curat, dissimilitudinem, insignemque diœcesium in omnibus disparitatem.

P A R S I.

§. I. De fide tuenda.

Nemo omnino concionatoris officio fungatur, nisi professione fidei emiserit. Hoc idem de medicis & chirurgis cautum sit, de advocatis item & procuratoribus in causis sacre Inquisitionis agendis. Curatum Beneficium, Canonicatum, aut dignitatem consecuto Episcopus nullo modo frustus, quos suos non fecit, remittat, si tempore præscripto fidem non fuerit debite professus. 242.

Speratur, Principes & magistratus Mediolanensis provinciæ nunquam passuros, ut acatholici milites transeant. Bullæ Cænæ sanctiones & censuræ quoad hæreticos non recipiendos &c. observentur.

Judæi non permittantur in una civitate plures quam unam synagogam habere, nec, quam habent, amplificare, vel dirutam restituere, aut novam alicubi erigere. Signo ubique sint distincti; separato a Christianis loco habitent. Dominicis & festis nullum opus servile faciant. Nullus fidelis eorum ceremoniis intersit. Cingari penitus eliminentur. Congregatio, ex Theologis & Ictis constans, quot mensibus conveniat. Episcopo Inquisitores jurent, se arcana non divulguros, uti testes eorumque attestaciones, sententias &c. donec judex ipse publicet.

Librorum prohibitorum indicem omnes litterarum professores habeant. Libri omnes in lucem edendi, & jam editi, antequam venales prostant, accurate censeantur.

§. 2. De prædicatione verbi DEI & doctrina
Christiana.

243

Episcopi est concionatores constituere; qui sint viri graves doctrina & moribus. Auditores velut DEum sibi loquentem excipiant: sibi non aliis dicta putent; animum ad proficiendum paratum afferant: attente ac modeste audiant; absoluta concione ne statim ad profana dilabantur, sed orent, & audita altius in animum demittant. Domi cum domesticis & familiaribus spiritali colloquio audita repetant.

Christiana doctrina ubique diligenter in virtute sanctæ obedientiæ præcipitur rudibus tradi, præsertim vero in locis, quibus finitimi sunt hæretici, aut in quibus impune illis licet inter catholicos degere. In hoc tam necessario opere promovendo Episcopi, parochi, concionatores, ludimagistri, confessarii, magistratus sæculares, parentesque pie collaborent.

§. 3. De Festis & sacris temporibus.

244.

Clerici die festo absque urgente causa iter ne ingrediantur. Tolerendus abusus ipsis calendis Maii cum strepitu aliisque insolentis erigendi arbores. Contra vero diebus festis templa eximie ornentur. Ille item gravis abusus procul faceffat, quo primis quinque quadragesimæ diebus larvata hominum simulacra incendantur, inanes nuptiæ fingantur, concursationes nocturnæ tumultusque fiant. Pueri etiam maxime coercerantur.

Omnes servant stata jejunia, cujuscunque sint dignitatis. Carnes pro ægrotis ne publice tunc vendantur. Cessante morbo cessat dispensatio. Caupones & tabernarii vetitos cibos non vendant, aut apponant, ne quidem peregrinis, viatoribus &c. neque aliunde apportari permittant.

Quadragesimæ præsertim tempus omnes pie impendant ad penitentiam, orationem, mortificationem, eleemosynam, carnis macerationem, singularemque DEI cultum, per confessionem, frequentem communionem, concionem atque in Divinis officiis devotam præsentiam, ac virtutum peculiare exercitium. Tempore, quo verbum DEI prædicatur, tabernæ & officinæ sint clausæ.

§. 4. De votis, oratione, indulgentiis, sacris reliquiis.

245.

Ubi communitas de voto aliquo concipiendo deliberat, parochus Episcopum consulat, ejusque sententiæ omnes acquiescant. Pri-
die

die voti omnes adulti confiteantur & communicent; die ipso processio ad Ecclesiam instituatur: atque in ea ad aram votum nuncupetur inter missæ solennia sub offertorio, præmissa concione de voto ejusque causis &c. Voti autem formulam delegati totius communis nomine flexis ante aram summam genibus distincte pronuntient. Voti editi instrumentum authenticum ad Episcopum mittatur, in ejus archivo asservandum. Aliud voti instrumentum in Ecclesia custodiatur. Utque perpetua sit voti observatio, tabulæ lapideæ in Ecclesia inscribatur.

Nullum opus inchoetur, nisi præmissa oratione, & bona intentione. Atque ad hoc parochi & concionatores populum frequenter hortentur, ut & necessarium DEI adjutorium imploretur, & operi meritum inde accrescat.

Indulgentiæ non promulgentur absque consensu Episcopi. Ne indulgentiarum litteræ aut inscriptiones eo loco sint positæ, ubi est capsa ad colligendam eleemosynam collocata: doceatque concinator, ad consequendas indulgentias non esse necessariam eleemosynæ largitionem; ut cœlestem eum Ecclesiæ thesaurum non ad quæstum, sed ad pietatis exercitationem, & pro peccatis satisfactionem exponi omnes intelligant.

Ne sacræ Reliquiæ ex Ecclesia ad ægros exportentur, ne consuetudinis quidem prætextu.

§. 5. De Sacramentalibus & Sacramentis.

Benedictiones cereorum, candelarum, palmarum, cinerum, 246.
ceræ in agnōs DEI, ut appellantur, efformatæ, domuum ædiumque aspersa aqua benedicta, secundum præscriptas formulas, magna veneratione peraguntur, & in usum deducuntur: cum sint plenæ piis significationibus, & utilitatibus corpōri animæque per benedictionum preces conciliandis opportunæ.

Non sit compater, qui non est confirmatus chrismate; nec minor 14. annis. Parochus exquirat, an infans jam domi baptizatus sit, & si ita, qua verborum forma, & materiæ applicatione. Singuli seorsim baptizentur.

Episcopus ne sit negligens in conferendo Sacramento confirmationis. Ægrotos petentes etiam extra ordinem confirmet, si sit præsens in loco. Quamvis prioribus conciliis statutum sit, ut ante septennium ætatis non facile conferatur, relinquitur tamen id arbitrio Episcopi. Cum autem dein ad rationis usum pervenerint, instruantur de hoc Sacramento suscepto. Ritus omnes curate serventur.

Sacerdos S. synaxin distribuens extra Missam, superpelliceo sit indutus, & stola alba, ubi vero viget ritus Ambrosianus, rubra. Episcopus vero extra missam eandem ministrans pluviali sit indutus. In eodem omnino morbo ne sapius præbeatur per modum viatici. Capitis damnatus, quo die SS. Sacramentum pro viatico sumpsit, ne morte plectatur.

Ante quadragesimam parochus accedat domos & examinet, quinam ad Sacramentum poenitentiae & Eucharistiae obligentur, iique peculiari cura instruantur. Approbatio ad confessiones audiendas pertinet ad Episcopum. Quicumque a casu, Episcopo reservato, absque illius facultate absolvit, suspensionem ipso facto incurrat. Confessarii superpelliceo & stola sint induti, regulares vero eo habitu, quo in choro utuntur. Extra Ecclesiam aut oratorium absque urgente causa non audiant, neque stando, vel ambulando, sed sedendo pro tribunali.

Extrema unctio non detur pueris, necdum rationis usu præditis. Si alio oleo, uti Chrismate vel oleo catechumenorum per errorem usus sit, adhibeat oleum infirmorum, formamque iterum pronuntiet. Si æger inter unguendum moriatur, desistat alios sensus inungere. Si dubium sit, an adhuc vivat, conditionate absolvat. Minister ordinarius est parochus; qui in eo conferendo sit valde diligens; alias ab Episcopo multandus. Diligenter etiam alios quotidie inviset ægrotos & spirituali, imo etiam pauperes temporali solatio recreet. In visitatione examinetur, quomodo parochus in istis officio suo fungatur.

P A R S II.

De cura tempore pestis.

247

Superioribus annis funesta contagio primum urbes aliquot Italiae celeberrimas, deinde sensim longe lateque serpens, Mediolanum ejusque diocesis fere omnem corripuit. In hac publica calamitate diffugientibus pluribus aliis, nec malo obviam ire, aut afflictis desertisque opem afferre curantibus. S. Carolus in statione constanter persistens, pastorem curam opemque in omnem partem exporrexerat, perflueris ipse inserviens, omnique auxilio & solatio illis succurrens.

Igitur ut deinceps in repentino ejusmodi ac publico malo non amplius talis contingat perturbatio, utilissimas in hanc rem sanctiones in hoc concilio edidit. Atque imprimis ab omnibus attente perpendi

endi cupit, pestilentiam esse pœnam scelerum; causam proin omni
onatu amovendam, ut DEus misereatur, ac pœnitentia placetur.
Nisi enim Dominus custodierit civitatem frustra, vigilat, qui custo-
dit eam.

Nullatenus autem tunc animarum pastoribus, neque Magistra-
ibus fugiendum, sed in communem omnium animæ corporisque salu-
tem vigilandum ac desudandum, perstandumque in charitatis offi-
ciis. Neque omittenda Divina officia, sed multiplicata industria tan-
to devotius peragenda: supplicationes, litanix, sacrificia, sacra-
mentorum usus intendendus.

Episcopus curet, ut jejunio, eleemosyna, aliisque virtutum
exercitiis præparati fideles supplicationes publicas comitentur, sacco,
cilicio, omnique mœsto & lugubri amictu, gemitu, lachrymis,
capite aperto, pedibus nudis, omnique pœnitentiæ publicæ modo.
Quadraginta horarum preces celebret per urbis Ecclesias. Reliqui
quoque comprovinciales Episcopi, licet in eorum diœcesin lues nec-
dum irruerit, insolitas etiam supplicationes, & preces in-
stituant.

Imminente periculo pestilentix Episcopus indaget, quæ vitia ma-
xime grassentur, & iram DEI possint accerfere: atque in ea convel-
enda totis viribus incumbat. Rationes etiam iudicii sui Ecclesiastici
examinet, an non iniustitia aliqua indignationem Divinam provocet.
Synodum Diœcesanam convocet, aut saltem vicarios foraneos evo-
cet, ut cleri vulnera sanentur, & si quid Divinos oculos offendat,
amoveatur. Vocet in partem sollicitudinis confessarios & conciona-
tores, superiores item Monasteriorum. Potestatem denique sæcula-
rem quoque, si necesse, imploret, ut scandalis, corruptelis, ma-
lis consuetudinibus extirpandis auctoritatem suam & manum ad-
moveat.

Præsertim vero omnes adhortetur, ut in eo vitæ discrimine di-
sponat domui suæ per sinceram confessionem peccatorum, & sacram
communione, æris alieni expunctionem. Deligat ferventiores cle-
ri sæcularis & Regularis viros, qui urbem perlustrent, pestiferis in-
serviant, & omnibus omnia fieri contendant. Medicos quoque &
chirurgos provideat, medicamenta item, & ministros infectorum,
bajulos mortuorum, & vespillones. Confessariis amplam potestatem
concedat, & in multis, quæ alias ex ordine fieri deberent, quantum
potest, dispense.

Mendici non expellantur civitate, sed in unum locum colligan-
tur: sintque constituti, qui eleemosynas pro illis colligant. Ho-
spi-

spitalia publica apparentur, alia pro infectis, alia pro suspectis, alia pro convalescentibus, absque præjudicio tamen ecclesiarum.

Locus proin amplus extra urbem eligatur, qui sit sanus, siccus, prope aquam fluentem, loco editiore. Describit deinde totam fabricam; qualem ipse Mediolani extra mœnia extrui curavit. Ubi hodieum visitur ingens ædificium pro pestiferis, ingenti prorsus amplitudine, spatiosam aream circumdans, cubiculis ultra 300. distinctum, unius tamen contignationis. In medio areæ interjecta est capella, januis undique & fenestris instructa, ut per eas pestiferi possint omnes e suis cubiculis audire Missam. Circum totum septum ædificij in extremitatibus areæ est cœmeterium lapidibus stratum, ad quod etiam mortui in Hospitali amplissimo, quod est in urbe pro ægrotis omnis generis amplissimo censu constructum (cum instructissimo Pharmacopolio, multisque officialibus & ministris) sepeliendi deferuntur. Cujus Nosocomii urbici magnitudinem, structuram, ordinem, apparatus, decorem, & munditiem, ab omni fœtore puram, tot centenos inter ægrotos, per longas amplasque aulas, utroque ex latere longa serie in lectulis honestissime dispositos, admirari non satis potui; dum præsens inspexi, cum magna æstimatione prolixæ charitatis, quam Italica natio tot sumptibus, tantaque cura ac studio perpetuo exhibet omnium nationum ægrotis hominibus.

Plurimas insuper S. Carolus instructiones in hoc concilio edit, de officiis ipso pestilentia tempore ministrandis, constantique ministratione sacramentorum &c. de concionibus tunc habendis: de cautelis, quas adhibere debet sacerdos ministrans; de cautela adhibenda, cum ipse sacerdos de peste est suspectus, aut ea jam infectus: de cautelis in monasteriis adhibendis: de baptismo infanti pestifero conferendo: de officiis confratrum charitatis, collectione elemosynarum & distributione: de cura præstanda & exercenda pieta- te in hospitalibus, ac domibus occlusis: de cura disciplinæ morum in iisdem locis: de disciplina parochis & sacerdotibus in locis publicæ curationis tenenda: de speculatione in ministris publicæ curationis adhibenda: de visitatione locorum publicæ curationis seu hospitalium: de cura spirituali, singillatim unicuique peste infecto vel suspecto a sacerdote adhibenda: de cura a clerico homini peste infecto adhibenda: de cura adhibenda, dum quis convalescit a peste, aut ab ejus suspitione liberatur; de cura mortuorum: de præstandis peste restincta.

Addit

Addit denique sacerdotes, præsertim curator, non debere mortis metu stationem deferere, cum in superiori pestilentia pauci ex iis, qui pestiferis infervierunt, sint mortui, plures vero ex iis, qui fugerunt.

PARS III.

§. 1. De Seminariis.

Urgetur erectio seminarii in singulis diœcesibus; & annuus census, quantus esse debeat, taxatur pro singulis: videlicet Mediolanensis seminarii annuus proventus sint aurei 6000. Dertonensis 600. Aquis 400. Brixienfis 2000. Cremonensis 2000. Bergomensis 1000. Astensis 600. Alexandrini 400. Vercellensis 1000. Albensis 600. Vmtimillienfis 200. Savonensis 300. Casalensis 500. Viglevanensis 200. Novariensis 1200. Placentini 1500.

§. 2. De Examinibus.

Constituantur Examinatores viri doctrina & moribus graves: qui nulla spe, nullo metu ducti sincere examinent, judicentque. Atque imprimis fiat examen de vita, moribus, virtute: quomodo oret, quo fructu, ac meditari norit. Qui *primam tonsuram* petunt, aut *minores Ordines*, interrogentur: quare ad Statum clericalem animum applicent, quo direttore hoc consilium susceperint, an non laborent impedimento aut irregularitate, ex defectu ætatis, natalium, morum, scientiæ, lenitatis, famæ, integritatis corporalis. 248.

An miles fuerit, an cædes patrata, an in judicio criminali laico capitis sententiam tulerit, an notarii, advocati, procuratoris, accusatoris partes in eo egerit. An per saltum promotus. An vim, naturam & rationem Ordinis, quem petit, norit: an ritus, & eorum significationem: an functionum notitiam habeat. An sæcularis judicii declinandi causa clericatum petat; quo vitæ genere hactenus versatus. Qualem spem præbeat; an legere & scribere norit. An doctrinæ Christianæ rudimenta calleat, an confirmatus. Si minores Ordines petat, an saltem primordia Grammaticæ & linguæ latinæ calleat.

Majoribus iniciandi examinentur, an per omnes Ordinum gradus in vitæ spiritualis disciplina majorem progressum fecerint. An habeant Breviarium, Biblia, SS. Patrum volumina, Concilium Tridentinum, Catechismus Romanum, Rationale Divinorum officiorum, libros aliquos alcateticos.

Quæ sit Ordinum minorum & majorum differentia. An in minoribus probati sint. De voto continentiae, subdiaconatus Ordini annexo: de Sacramentorum doctrina saltem generatim. Experimentum aliquod hauriatur de concionibus.

Ex illis, qui *sacerdotio* initiari petunt, quærat, quomodo in ministeriis prioribus se gesserint; an pie, caste, ac integre vixerint. Quid sit Missæ sacrificium, quis effectus, partes, mysteria, sacramentorum vestium significatio: quæ requirantur ad illud; ubi & quando celebrare non liceat. An sacrae confessionis peritiam habeant. An ad alia Sacramenta ministranda & conciones idonei ac populum instruere ac docere norint.

De Præficiendis *parochiali curæ* exploretur, præter orandi, meditandi & vitæ spiritualis studium, an concionari norint. An ex tempore aliquid apte possint dicere, capiatur hujus rei experimentum. An norint impedimenta, propter quæ Sacramenta ministrari aut suscipi non possint. Quæ cujusque Sacramenti materia, forma, causa efficiens principalis, instrumentalis, causa finalis, effectus, ritus. Fiat periculum, quomodo in casibus conscientiae sint versati, constitutionibus ecclesiasticis, quos libros legant. Quinam casus Papæ, & Episcopo reservati: quinam a jure, ab homine. An SS. Canonum notitiam habeant, præsertim eorum, quæ Tridentinum statuit, de residentia, parochiis, Divino cultu, de clericorum honestate ac disciplina, de Sacramentis, sacris functionibus.

Speciatim *confessarii* examinentur de Sacramento poenitentiae, a quo, & quare institutum; quæ illius materia, forma, effectus, minister, conditiones. Quæ regulæ ad dignoscendum mortale a veniali. Quæ partes poenitentiae. Quid *contritio*; quomodo elicienda; quæ utilitas; quæ signa veræ contritionis. Quæ ipsius *confessionis* substantia: quæ circumstantiae mutant speciem: quænam exponenda. Quæ radices restitutionis. An suspectos contractus norint. Quibus criminibus annexæ censure: quam vim illæ habeant. Quibus casibus incurratur irregularitas. Quæ conditiones ex parte poenitentis necessariae. Quando iteranda confessio.

Circa *satisfactionem*, quis finis, fructus. Quanta imponi debeat. An norit agere iudicem, medicum, doctorem in sacro tribu-
nali. Examinetur de forma absolutionis, de sigillo. Quæ Tridentinum & constitutiones synodales de hoc Sacramento.

Concionatores examinentur de dogmatibus a Tridentino propo-
sitis, de peccato originali, justificatione, Sacramentis, Missa, pur-
gatorio, invocatione Sanctorum, indulgentiis, potestate Papæ, je-
juniis, festis &c. qualis sit concionator in Theologicis: quos libros
adhibeat. An Biblia cum commentario legat: an locos inde possit
apte depromere. An scripturam interpretari norit. An illam non
detorqueat pro suo lubitu. An traditionem Apostolicarum & Eccle-
siasticarum notitiam habeat. An & quomodo in SS. Patribus sit ver-
satus: quem ex illis in prædicatione maxime sequatur. An sacrorum
temporum mysteria, rituumque significationem calleat. An Eccle-
siasticæ historiæ conciliorumque cognitionem habeat. An Sanctorum
vitas legat. An Canonum notitia imbutus; an synodorum decre-
ta in promptu habeat. An casuum conscientiæ doctrina instructus,
an theologia mystica, quæ in spiritualis vitæ doctrina, purgandis
affectibus, & reformando interiori homine versatur. An orationis
mentalis usum habeat. Quos locos teneat, ad excitandos audito-
res ad amorem DEI, desiderium cæli, virtutum studium, detestatio-
nem & fugam scelerum.

An similitudinibus aptis utatur, e. g. ex agricultura, vinea,
seriente &c. Christi exemplo depromptis. An recta intentione fe-
ratur. An ordinate, distincte dicat; clare pronunciet. An verba pondus
habeant, ut non solum aures demulceant, sed cor tangant, & animi
medullas penetrent. An pro ratione rei, de qua agit, aptam, de-
centem, & congruam actionem adhibeat.

Examinatores hæc aliaque diligenter explorent, & quinque
classes*ificent, eorum, qui sunt optimi, supra mediocritatem,
mediocres, infra mediocritatem, infimi.

§. 3. De Ordinis Sacramento.

Afferant testimonia de natalibus, ætate, Ordine proxime susce-
pto, progressu in ecclesiastica disciplina, denuntiatione in ecclesia fa-
cta, ministerio in ecclesia, exercitio Ordinis suscepti, frequentis

249.

H h h a

la-

sacrae communionis, observantia erga superiores, interdictis servatis, litterarum studiis, titulo.

Abbates dioecesis absque Episcopi facultate non conferant primam tonsuram, aut minores Ordines. Tonsurae forma sit major aut minor pro ratione Ordinis suscepti. Beneficia curata per concursum conferantur. Nullus sacerdos plures Missas eadem die legat, neque necessitatis praetextu. Cum aliquis ex Humiliatorum olim ordine obierit, in ejus locum sacerdos alius surrogetur.

Soli illi absentes propter infirmitatem, necessitatem, & manifestam ecclesiae utilitatem distributiones quotidianas percipiant, qui antea non impediti personaliter in choro adesse consueverant. Neque peregrinantes, aut studiorum causa absentes easdem percipiant, licet a sede Apostolica absentiae licentiam habeant. Inculcatur rursus personalis residentia.

§. 4. De Ecclesiis, Synodis, visitatione.

250.

Potest Episcopus eum, qui in asylo Ecclesiae fugit, per suos satellites interim, donec statuatur, an asylo gaudeat, in carcerem abducere, atque in eo custodire: ubi vero decisum fuerit, quod asylo gaudeat, statim illum rursus Ecclesiae debet restituere. Quamdiu vero in custodia est, nulla quaestio aut examen de eo haberi debet.

Pulvinaria Missalium nullius unquam genibus substernantur. Lapidēs, & ligna ecclesiae diruta ad profanos quoque usus applicari possunt, non tamen ad fordidos. Pecunia vero inde collecta ad ecclesiae usum convertatur. Missae vero ad ecclesiam matricem transferantur.

In synodo dioecesana adornanda Episcopo maxime auxilium ferant Canonici, & Decani foranei, ac Regionarii civitatum. Constituatur promotor synodalis juris peritus, addito uno vel altero Ecclesiastico, qui absentium excusationes, controversas, querelas, accusationes audiant, & ad Episcopum referant. Ipsa die omnes superpelliceis induti in Ecclesia cathedrali conveniant. Veteri instituto triduum est praestitutum, quod tamen Episcopus pro ratione materialium, quae tractandae occurrunt, prorogare vel contrahere potest. A processione initium, dein Missarum solennia, tum sermo latinus, lectio variorum decretorum. His absoluti singuli nomina-

tim

tim vocentur. Professio fidei. Examinatores, punitores, testes synodales renunciantur ab Episcopo. Tertio sessionis die decreta synodi ex suggesto prælegantur. Sequuntur monitiones, indictio anni sequentis synodi, processio solennis, preces, acclamationes, benedictio Episcopalis, & osculum pacis.

Qui dignitates aut canonicatus in cathedrali obtinent, aut præfecturam in collegiata, pluviali induti in sessionibus compareant; reliqui superpelliceo: Episcopus pontificali habitu. Cancellarius omnia acta conscribat. Regulares etiam, qui curam animarum gerunt, conciliis diocesanis intersint.

Antequam a loco visitationis discedatur, scripta relinquantur decreta Ordinationum & reformationis susceptæ, eaque publicentur.

§. 5. De Episcopali Jurisdictione & Foro.

Si Episcopus aliunde veniat, apud comprovincialem Episcopum divertat. Archiepiscopo vero & legato Apostolico obviam procedat absque rochetto aperto. Coepiscopi tempore calamitatis publicæ mutuo succurrant precibus, consilio, solatio, eleemosyna. Episcopus æconomum Ecclesiæ cathedralis constituat juxta concilii Chalcedonenfis decretum.

Nellus Prælatus inducat alienum Episcopum ad sacrum oleum aut chrisma conficiendum administrandumve, aut consecrandam Ecclesiam, aut exercenda pontificalia. Regulares, quibus ex privilegio jus competit conservatores eligendi, ad quos in judicium vocentur, quos semel delegerint, ne mutant.

Quando conciliorum provincialium aut Tridentini decretis statutum est, de capituli clerique consilio aliquid agendum, non tamen propterea Episcopo necessitas est imposita illud sequendi, nisi nominatim cautum sit.

Quoties Episcopus etiam tanquam sedis Apostolicæ ex decretis Tridentini delegatus sententiam tulerit, iis in causis, in quibus ante concilium potestate ordinaria pronunciare poterat, non propterea Metropolitanis jurisdictioni in appellatione subterfugiat.

Quod Tridentinum statuit, ne a sententia interlocutoria appelletur, servandum est; nisi gravamen tale sit, quod per definitivam reparari nequeat, quale esset indebita incarcerationio. Attamen etiam

in hoc casu appellatio non habet effectum suspensivum, sed tantum devolutivum.

Non tantum in litis principio iuramentum calumniæ Iudex potest exigere, sed in omni ejus parte, cum expedire censuerit. Censurarum vim & potestatem parochus aliquando pro concione explicet; uti etiam, quod excommunicatus, qui monitus, ut sacerdote celebrante ex ecclesia discedat, parere tamen detrectat, absolvi non possit, nisi a summo Pontifice. Interdicta Episcopalia etiam a Regularibus servantur.

Cum parochos aliquos interdictos aut excommunicatos pronuntiarit, eos quamprimum ad Episcopum deferat. In Episcopali foro omnibus jus gratis dicatur. Si quis aliquid acceperit, poenam repetundarum lege Julia sancitam ipso facto subeat.

Qui in familia aut famulatu sunt Episcopi, causis, quæ in Episcopali foro aguntur, se non immisceant, ne quidem ulla commendatione, nisi ex officio adstringatur. ~~In~~ expedit, ut alienæ potius diocesis Vicarii Episcopales adhibeantur, ne ullo humano respectu a via justitiæ declinetur.

Ne avocentur parochi ab Ecclesiæ suæ cura. Piarum voluntatum executio, & jurium Ecclesiasticorum defensio jure canonum Episcopi curæ commissa est. Causæ incarcerationum quam celerrime finiantur.

Procurator fisci Episcopalis veritatem criminis inquirat: nullatenus vero potestate sua abutetur ad innocentem vexationem. Vigilet etiam cum Vicario, ne apparitores aut satellites quidquam extorqueant. Testes pro informatione curiæ, aut Inquisitionis excipere potest. Quæstionibus quoque interesse potest, & Judici interrogationes ad causam pertinentes in memoriam revocare. Denuntiationum quoque, quæ de legatis piis fiunt, indicem, a Cancellario communicatum, apud se habeat.

Cancellarius curiæ Episcopalis nullum prorsus munus accipiat. Neque dispensationes ullas expediat, nisi in quantum ipsius officium & mandatum Episcopi concedunt.

Hebdomadæ dies non gentilium more planetarum, Lunæ, Martis &c, sed feriarum nomine appellantur.

Cancellarius & Notarius causarum acta, instrumenta originalia, ac processus nemini asportanda tradant, sed in Cancellaria aut Archivo illa inspicienda exhibeant. Et ne hoc quidem sine Vicarii consensu.

Quæ de taxa, ministris tribunalium determinanda, statuta sunt, cum necdum ubique executioni sint data, omnino impleantur; alias Metropolitanus id faciat, ad abscindendam omnem avaritiæ occasionem.

In cancellaria conficiantur acta visitationis, litteræ testimoniales, dimissoria, attestations de alicujus aptitudine ad Beneficium: cessio Beneficii coram Ordinario libere facta. Processus de natalibus, ætate, aliisque conditionibus eorum, qui initiandi sunt, aut ad seminarium admittendi. Instrumentum jurisjurandi, præstandi ab iis, qui Beneficium obtinent, professionis fidei: facultatum, quæ monialibus sunt concessæ: facultatum erigendi confraternitates, scholas &c. absentiae studiorum causa: eleemosynam colligendi, absolvendi a casibus reservatis: celebrandi ubique vel certo loco: prædicandi: audiendi confessiones.

Litteræ item indulgentiarum; consecrationis vel reconciliationis ecclesiæ, cœmeterii, altarium, campanarum. Constitutio coadjutoris. Reductio Missarum. Commutatio bonorum operum. Facultas peregrinandi extra dioccesin. Litteræ, quæ ad Vicarios foraneos, parochos, aut alios scribuntur. Processus & acta omnia circa miracula examinanda, vel Reliquiarum veritatem. Facultas asportandi cadaver de loco ad locum. Decreta, ordinationes, statuta ab Episcopo vel ejus Vicario confecta. Constitutio Vicarii in quavis ecclesia. Dispensationes, litteræ & expeditiones quæcunque spirituales.

§. 6. De Matrimonio.

Decernuntur irritæ omnes leges & statuta, quæ libertatem matrimonii contra SS. Canones impediunt. Denuntiationes remittendi non alia videtur esse causa sufficiens, quam probabilis suspicio, ne matrimonium malitiose impediatur. Ne Vicarius quidem generalis eas remittere possit. Si post denuntiationes, in ecclesia factas, intra duos menses matrimonium non ineatur, repetantur.

252.

Pa-

Parochus ne jungat sponfos ante, quam rudimenta Christianæ fidei calleant. Qui testibus adhibitis, absque parcho (aut alio sacerdote, cui is, vel Ordinarius facultatem dederit) matrimonium de facto contraxit, cum aliis libere contrahere potest; cum illud factum ne sponsalium quod idem vim habeat.

Mon eat parochus contrahentes, pœnam excommunicationis esse propositam in gradibus consanguinitatis & affinitatis scienter contrahere præsumentibus: nec spem fore obtinendi dispensationem, ne quidem fornicationis causa.

Irritum declarandum matrimonium, quod non a parcho proprio contrahentium, sed a parcho loci, in quo initur, celebratur.

Excommunicationi latæ sententiæ sint irretiti, qui fascinationibus & veneficiis matrimonia impedire nituntur.

Sufficiens causa dispensandi in gradibus cognationis, & affinitatis est loci angustia, in quo alium cum competente dote mulier habere non potest: licet extra suum municipium tales habere possit.

Meretrices aut prostituti pudoris fœminas in nulla caupona licitum est tolerare. Sed in unam sentinam ea fœx compingatur.

Parochi speciale studium adhibeant, ut mulieres luxum, cincinnos, inaures, fucum, & vestes caudatas deponant.

Parentes liberos totamque familiam ad virtutis normam & vitam Christianam componant. Et universim petulantis juventutis effrœnis licentia coerceatur, præsertim in locis DEO sacris. Quare ratio aliqua cum statu Ecclesiastico & politico ineatur, ut efficax in hac parte remedium adhibeatur.

253.

§. 7. De Scholis, Confraternitatibus, Monialibus.

Nemo in scholas aut confraternitates admittatur Christianæ doctrinæ omnino rudis, nec facinorosi, nec turpis vitæ aut infamiæ labe notati: si vero jam admissi sint, nec moniti resipiscant, excludantur.

Contra moniales absque facultate sedis Apostolicæ clauistro egredientes censuris aliisque juris remediis procedatur. Neque religiosi
septa

septa monasterii, quamvis suæ curæ commissi, ingrediantur; ne quidem professionis admittendæ, vel confessionis audiendæ, vel Missæ dicendæ causa, sed in ecclesia exteriori, ubi SS. Eucharistia ad fenestellam ministratur; hæc illis præstentur. Idem de Episcopo, confirmationis Sacramentum conferente.

Nulla monialis atramentum, calamum aut alia ad scribendum instrumenta in cubiculo habeat. Si aliquid necessario scribendum, a Superiore arma scriptoria accipiat, moxque post usum restituat: & quæ scripsit, eidem ostendat. Libros nullos habeant, nisi quos Episcopus approbarit. Ante professionem Episcopus Novitiæ voluntatem ad crates exploret.

Adduntur consuetæ clausulæ circa executionem horum Decretorum. Subscripserunt S. Carolus Metropolitanus, cum 16. Episcopis comprovincialibus personaliter præsentibus, omnibus nempe iis, quorum Diœceses supra, ubi de seminariorum censu actum est, expressim nominavi, excepto unico Placentino. Præter Episcopos autem nemo subscripsit. Indictum futurum concilium pro more.

§. 6.

Concilium Mediolanense VI. anno 1582.

Ultimum hoc concilium provinciale biennio ante mortem S. Carolus celebravit; eique ardentem facundamque orationem pro more præmisit; in qua repetita conciliorum necessitate & utilitate ait, plurimos languentes esse sanandos, provincialem Episcoporum conventum esse velut medicorum collegium, in quo de curatione consulendum in medium. Enarrat dein, ingemiscens cum prophetâ, varia morborum genera, quibus provincia ceu magnum quoddam nosocomium repleta sit, aspernata medicamenta, & in medicos frendens pestiferis febribus phrenetica.

Hic hydropes laborantes, dæmonum impetu agitados, lepra fœda affectos, paralyticos, gibbosos, mutos, surdos, plurimos; claudorum, aridorum, cæcorum infinitum jacere numerum, lamentabili languentium miserandoque spectaculo. Hic multos superbia turgidos, luxu distentos, avaritia sordidos, luxuriæ ardoribus æstu-

Part VII.

l i i

antes

254.

antes, ira furentes, otio torpentes, invidia lividos, gula ventrisque ingluvie propemodum fatiscentes: &, ut nihil ad calamitatem, miseriamque deesset, ipsos medicos languere: ipsos sacrosatos myltas, aut febrium intemperiiis correptos jactari, aut lethargo torpentes jacere prostratos.

Ubi Decretorum executio? ubi morum corruptelæ creptæ? ubi peccatorum publicorum semina convulsa, vitiorum exempla sublata, disciplina introducta? ubi juvenum petulantia emendata, lenociniæ proscripta, prostibula amota? Ubi popularis concursus ad lubrica spectacula eliminatus, scurriles ac fescennini joci sublati, bachantium Christianorum effusa licentia repressa? Quare autem non est obdusta cicatrix populi? Nunquid, non est resina in Galaad? qui applicare deberent pharmacum, accidiæ lethargo habescunt & contabescunt.

Ita temporis sui morbos deplorabat, ceu alter Salvianus, sanctissimus Mediolanensium Præsul Carolus; & ob oculos proponi jubet probaticam illam piscinam, atque in ea multitudinem magnam languentium, cæcorum, claudorum, expectantium motum aquæ, agitandæ synodali consultatione & pastoralis officio.

§. I. De Fide.

255.

Ne concedatur ingressus in provinciam ulli hæretico ex vicinis infectis regionibus venienti. Si omnino impediri non possit, in publica caupona diversetur, atque ad Episcopum deferatur. Non permittatur intrare Ecclesiam, nisi tempore concionis.

Nemini licet bona sua vendere, ut in hæreticorum terras migret, ibique domicilium figat. Bibliopolæ & typographi fidei professionem edant. Nullus liber, etiam alias jam editus, recudatur absque debita licentia. Nullus liber ficto aut alieno nomine edatur. Nemo prædicatoris officium assumat sine approbatione Episcopi.

§. 2. De Reliquiis, Festis, Indulgentiis.

256.

Sine Episcopi concessione sacre Reliquiæ non transferantur ab una ecclesia ad aliam, multo minus extra Diocæsin. Sub excommunicatione etiam prohibetur, ne quis privatim particulam alteri donet, aut concedat.

Quia

Quia S. Barnabas Mediolanensem Ecclesiam primus erexit, & mysteriis fidei imbuit, ejus festum sub præcepto a clero populoque colatur. Licet festum in diem jejunii inciderit, nihilominus jejunium servandum.

Parochus indulgentias concessas diligenter promulget.

§. 3. De Sacramentis.

Fideles frequenter ad Ecclesiam parochialem conveniant, ad SS. Sacramenta percipienda, audiendum verbum DEI, & cultum DEO sub Divinis officiis exhibendum, Dominicis præsertim festisque diebus.

Regulares etiam exempti olea sacra non aliunde quam ab Ecclesia Cathedrali sumant.

Diem Baptismi celebrandi usus restituatur; dicente Ambrosio: *repete, quid interrogatus sis; recognosce, quid responderis. Renuntiasti diabolo & operibus ejus, mundo & luxuria ejus, ac voluptatibus: memor esto sermonis tui, & nunquam tibi excidat tua series cautionis.* Parentes igitur diem illum notent. Non tamen celebretur dies ille natalis luxu, conviviis &c. sed sanctis erga DEum gratitudinis & charitatis officiis.

Quivis paterfamilias audito campanæ signo cum cereo ad ecclesiam parochialem se conferat, ut inde SS. Eucharistiam ad agrum comitetur. Si autem impeditus sit, alium ex familia cum cereo mittat.

Episcopus ab audiendis confessionibus suspendat eos, qui id munus non exercent sancte, integre, & cum ædificatione.

Fideles confiteantur, quando præsens mortis periculum adendum: & SS. Eucharistiam sumant. Idemque faciant, quando periculum evaserint. Reliqua, quæ hic de extirpandis publicis sceleribus, de communione paschali, de approbatione confessoriorum afferuntur, jam sæpius repetita sunt; uti etiam, quæ de titulo mensæ dicuntur.

§. 4. De capitulis, clero, ac Divinis officiis.

Capitulum sede vacante aut veterem Vicarium confirmet, aut novum constituat, si fieri possit, Juris Canonici Doctorem. Ob

causam semel electum mutare licebit. Capitulum sede adhuc vacante rationem ab eo exigere possit: uti etiam novus electus Prælati.

Episcopi jurent manu ad pectus admota. Idem de reliquis Prælati: inferiores vero clerici tactis sacris litteris.

Sacerdotes a Missa suspensi frequentem sacram communionem sumant. Statuuntur poenæ in clericos concubinos, aut eo nomine suspectos

In quolibet altari, in quo Missa celebratur, crux adsit.

Quando summus Pontifex moritur, omnes campanæ compulsentur. In cathedralibus vero & collegiatis solennis Missa & officium defunctorum pro eo celebretur. Reliqui sacerdotes aut Missam, aut saltem statam orationem pro eo faciant.

Cum Episcopus graviter ægrotat, supplicationes & orationes pro eo instituantur.

Antiphonæ Breviarii ad novi officii rationem emendentur.

§. 5. De funeribus, processionibus, Ecclesiarum cultu.

259.

Clericus mortuus vestitu pro ordinis sui gradu indutus effertur. Laicum Ecclesiastici nunquam effertur: neque in altiori ordine constituti inferiorem clericum. Nisi necessitas aliud exigat, Episcopum obtinentes dignitatem & canonici sacerdotes: laicum laici.

Dominicis & festis nulla celebrentur anniversaria pro defunctis. Oratio pro defunctis quotidie sub crepusculum fiat a toto populo, campanæ signo admonito. Data in id Indulgentiæ.

Ne in posterum corpus aliquod sepeliatur, nisi duodecim saltem horis post mortem. Si vero quis repentina morte occumbit, 24. horis expectetur.

Statæ processionibus devote obeantur, prælato vexillo.

Si in ecclesia crimen aliquod patretur, id ocius Episcopo significetur. Mulieres omnes velato capite in ecclesia compareant. Prope baptisterium nullum fiat sepulchrum.

§. 6. De

§. 6. De Juribus, & Jurisdictione Ecclesiastica.

Locationes ad longum tempus ac perpetuæ examinentur. Legata pia diligentius inquirantur & in tabulas referantur, ut ad præstitutum tempus solvantur. Idem de decimis & primitiis. 260.

Episcopus duos sacerdotes, pietatis zelo flagrantibus deligat, quorum officium sit, eum privatim admonere, quidquid in eo desiderari vel opus esse viderint, ad Tridentini aliorumque conciliorum executionem. Ipsi etiam Episcopi provinciales hac de re inter se conferant. Atque sanctæ etiam sedi quot annis Ecclesiæ suæ statum exponant. Plura insuper statuuntur pro casu, quo Metropolitanus aut alius Episcopus provincialis ægrotat.

In rei frumentariæ publicæ inopia clerici frumentum & annonam ne abscondant, sed statim pretio vendant.

Quia sæpe accidit, de servitute aquæ, per alienos agros deducendæ, de oryza intra certos fines non ferendis, atque de aliis ejus generis causis & controversiis lites oriri ecclesiasticos inter & laicos, eas Episcopus ad SS. Canonum & æquitatis normam decadat.

Episcopus eas etiam capellas visitet, quæ ea conditione erectæ sunt, ut Ordinarius aliisque superior Ecclesiasticus eas non visitet. Nisi sedes Apostolica ejusmodi erectionem aut foundationem approbasset.

§. 7. De Synodis, & beneficiis.

Præscribuntur regulæ, quomodo Episcopi venientes ad concilium debeant urbem, & Ecclesiam Metropolitanam intrare, quomodo excipi & salutari debeant. Quod durante concilio quotidie unus ex Episcopis debeat sollemniter celebrare, & sermonem ex suggerito habere: quomodo orationes publicæ fieri; exercitationes, conciones, & disputationes sacræ institui; synodorum acta in unum volumen colligi. 261.

Beneficia, quæ per cessionem vacant, Episcopus nec suo, nec cedentis consanguineo, aut familiari conferat, prout Pius V. statuit.

§. 8. De Foro Ecclesiastico.

262.

Causæ Ecclesiasticæ celerius expediantur, quam in foro laico fieri consuevit; & si res dubia & intricata, transactio tentetur, vel amicabile compositio, Judex coerceat advocatos, procuratores, aliosque litium ministros, ne quæstus causa lites protelent.

Abbates alique inferiores Ecclesiastici causas matrimoniales, & criminales possunt cognoscere, quibus alias legitime talis jurisdictionis competit, aut de immemoriali consuetudine constet.

Antequam Episcopus clericis facultatem concedat, ut in foro laico interrogari possint, interrogationes, ipsis proponendas intelligat, ac perpendat.

§. 9. De Matrimonio.

263.

Antequam denuntiationes fiant in ecclesia, parochus ipse sponsum examinet, an non aliquo impedimento dirimente aut impediante ligentur. Viderit itaque, an non alteri fidem dederint: an non castitatis aut religionis voto teneantur: an non subsit aliquod impedimentum consanguinitatis, cognationis spiritualis, aut affinitatis.

Filiosfamilias valde cohortetur, ut parentibus inſciis aut invitis rem tanti momenti non suscipiant: simulque per orationem ad DEum prius confugiant.

Gravi pœna & censuris Episcopi sanciant, ut pessima illa consuetudo ante initum matrimonium coeundi extirpetur. Itaque prius nulla familiaritate aut commercio utantur.

Episcopi summopere invigilent, ut grande concubinitus crimen radicitus extirpetur. Et contra reos absque forma judicii, sola rei veritate inspecta, severe procedant.

Pastores animarum graviter verent, ne mas & fœmina, licet puerili adhuc sint ætate, simul cubent, ut omnis flagitii præſcindatur occasio: nec facile paupertatis & angustæ habitationis audienda excusatio: cum humi aut sub dio jacere satius esset.

Tollenda pariter nocturna rusticanæ plebis conventicula, tempore præſertim hyemali in stabulis fieri solita. Caupones etiam sæpe moneantur, ne domi suæ flagitia patrari patiantur, aut occasionem eisdem præbeant. Quare nullos proſtigati aut etiam suspecti pudoris homines in familia sua tolerent. Amotis omnibus procaci-
bus

bus picturis ac sculpturis, sacra imago singulis in cubiculis ponatur.

Hæreticos apud se divertentes caupo illico denuntiet; nec feria sexta & sabbato eis carnes apponat. Nec sinat mulierem cum viro cubare, quos suspicatur non esse conjuges. Hospite peregrino in morbum incidente, parochum moneat. In omnibus denique ita versetur, ne alienorum peccatorum se reum faciat.

§. 10. De Disciplina Militum.

Ad milites etiam, quorum disciplina Christiana multum colapsa est, Episcopalis cura se exporrigat; ut nullus sit hominum status, quem pastoralis sollicitudo non complectatur.

Ubi igitur milites sunt in præsidio, Episcopus cum eorum præfæctis paterne agat, ut secundum Christianæ vitæ instituta vivant: Christianæ doctrinæ rudimentis imbuantur, frequenti confessionis & communionis usu se communiunt. Quotidie mane & vesperi stata hora preces ad DEum fundant: Rosario B. V. quotidie utantur, ac litanias collecti in statione recitent: sacram imaginem in loco stationis habeant: sacerdote ab Episcopo delecto sit eis provisum, qui in rebus spiritualibus, & animæ salutem concernentibus eos exerceat. Libros obscenos ne legant, sed in otio militari Martyrum, præsertim militum, vitas legant, in quibus Christiana pietas cum virtute militari enituit.

Illud vero quam maxime Episcopus cum militum Ducibus agat, ut jejunia & ciborum delectum ex ecclesiæ præcepto servant, a blasphemis abstineant, uti etiam a furtis, rapinis &c. persuasumque habeant, ejus generis criminibus perpetuam inuri infamiam. Denique detractiones, mendacia, ingluviem, aleam, luxuriam abhorreant. Christianos contra mores induant, & consecretur virtutum decus. Ad quæ consequenda Episcopus, piam inter eos confraternitatem, Christianæ velut vitæ palæstram, curet institui.

§. 11. De Confraternitatibus, piis locis, & Monialibus.

Quælibet confraternitas sacerdotem habeat, vitæ spiritualis præsidem ac moderatorem.

Ut

264.

265

Ut omnes diffensiones de loci in processionibus prærogativa tollantur, illæ deinceps sodalitates priores incedant, honoratiorem loco, quæ habitu confraternitatis antiquiores supplicationes solebant comitari; licet aliæ tempore sint antiquiores, majoribusque privilegiis vallatæ.

Noctu nullas amplius processiones agant, nisi de licentia Episcopi. Episcopus inter sit administrationis rationibus, & administratorum mutationi.

Cum ea, quæ toties de Monialium clausura gravissime constituta sunt, necdum ubique in usum eant, acuntur pænæ in omnes, tam ecclesiasticos, quam laicos, qui earum Monasteria, quavis causa aut prætextu, accedunt. Multo minus quisquam ipsa septa ingrediatur, nisi peculiarem facultatem, eamque scriptam ab Episcopo habeat. Neque Vicarius generalis eam licentiam dare potest, nisi speciale mandatum ab Episcopo habeat. Qui contra hæc commiserint, ipso facto sunt excommunicati, absolutione summo Pontifici reservata.

Subscripserunt huic sextæ synodo præter S. Carolum præsidem, novem Episcopi provinciales præsentés. Quia vero Episcopus *Vercellensis*, apud Rudolphum Imperatorem Nuntius Apostolicus, *Laudensis* apud Philipum Regem Catholicum, *Savonensis* apud Avenionem Pontificius gubernator, *Aquensis* vero & *Novariensis*, propter alia impedimenta per se ipsos interesse non poterant, per procuratores subscripserunt; Placentinus vero & Albingaunensis neque per se ipsos, neque per procuratorem subscripserunt.

Septimam synodum provincialem S. Carolus indixit ad annum 1585. Sed antequam is veniret, evocatus fuit a DEO ad cœleste præmium & æternam requiem.



LIBER III.

Status Ecclesiasticus & Politicus Galliæ Sæculo XVI.

SUMMARIUM.

ARTICULUS I.

Status Galliæ sub Ludovico XII.

- | | |
|---|---|
| <p>1. Ludovicus solvit matrimonium, metu initum.</p> <p>2. Ducatum Mediolanensem Ludovico Sfortiæ eripit:</p> <p>3. Neapolin Friderico Regi, eamque cum Hispanis dividit. Rex uterque investitur a Pontifice.</p> <p>4. Galli a Gonfalso M. Neapoli ejiciuntur.</p> <p>5. Genuæ fata, & Venetiarum.</p> | <p>6. Discordia cum Julio Pontifice.</p> <p>7. Galli Italia pulsi, & Navarra.</p> <p>8. Initio cum Venetis fœdere Insubria recuperata, rursusque amissa.</p> <p>9. Clades Gallorum in ipsa Francia.</p> <p>10. Pacta cum Helvetiis.</p> <p>11. Ludovici mors.</p> |
|---|---|

ARTICULUS II.

Status Galliæ sub Francisco I.

- | | |
|---|--|
| <p>12. Expeditio Italica. Insubria denuo subacta. Pugna ad Mariganum. Maximilianus Sfortia ductus in Galliam. Concordatum cum Leone X.</p> <p>13. Fœdus cum Helvetiis, a Ludovico XII. abjectum, a Francisco instauratur. Pax universalis.</p> <p>14. Semina discordiarum inter Carolum V. & Franciscum I. primum inter eos bellum Navarrense, & Insubricum. Ab Hi-</p> | <p>spania & Italia depulsus Gallus. Ludovicæ matris & Boniveti factiones.</p> <p>15. Carolus Borbonius ad Casarem transit. Bonivetus omnia perdit. Expeditio Caesaris in Phocensem provinciam.</p> <p>16. Rex in Italiam. Pugna Ticinensi victus captusque. Consilia de rege capto.</p> <p>17. Pax Madritensis. A rege non servatur.</p> |
|---|--|

Part. VII.

K k k

18. Fœ-

18. Fœdus adversus Cæsarem. Romæ direptio. Alterum bellum. Magni Gallorum initio progressus in Insubribus & Samnitibus.
19. Mox omnia rursus amissa: Doria ad Cæsarem transeunte; & Genuam in libertatem afferente.
20. Pax Cameracensis: indignantibus Venetis.
21. Nova Francisci fœdera cum Anglo & Clemente. Contracta cum hoc affinitas.
22. Tertium bellum, ejusque tres causæ.
23. Franciscus Insubriam rursus præterdit & Pedemontium. Carolus III. Sabaudia Ducem provinciis spoliat. Genevam rebellem in libertatem asserit. Cæsaris in Provinciam infelix expeditio.
24. Induciæ a Paulo III. Nicia impetratæ, ut Concilium celebrari possit. Cæsaris iter per Galliam.
25. Quartum bellum, propter Clivensem & legatos caesos. Belgium & Ruscino theatrum belli. Classis Turcica Gallicas junctæ.
26. Clivensis subactus. Lucemburgum receptum. Bellum in Pedemontio. Pugna ad Cerisolum.
27. Pax Crespiaca. Angli bellum continuant in Belgio. Pax. Mors Francisci.

ARTICULUS III.

Status Galliaë sub Henrico II.

28. Aulae mutatio. Stamparum Ducissa cum Mommorantio ejecta. Diana Pictaviensis subintroducitur. Nuptiæ Principum.
29. Stirpis Lotharingicæ adumbratio.
30. Bellum Parmense, Lotharingum, & Alfatum. Tres Episcopatus erepti Imperio.
31. Obsidio Metensis. Sors melior Cæsaris in Picardia.
32. Bellum Belgicum. Senense. Corsicum. Senæ a Cosmo expugnata.
33. Induciæ. Mox iterum ruptæ.
- Bellum Hispanorum cum Paulo IV. cui Galli se miscunt. Guisus in Italiam nullo successu.
34. Hispani in Picardiam. Pugna ad Sanguintinum. Galliaë consternatio. Guisus ex Italia accitus restituit rem. Calcutum &c. Anglis eripit.
35. Factiones in aula inter Mommorantios & Guisios. Clades Gallorum ad Gravelingam. Res in Pedemontio.
36. Pax Cameracensis. Henrici infelix mors.

ARTICULUS IV.

Status Galliæ sub Francisco II.

37. Guisiorum in aula potentia. Adversa factio Borboniorum, Mommoranci, Colygniorum.
38. Malorum causa hæresis, & ambitio. Lutheranorum in Galliam adventus. Regis soror eos fovet. Geneva defectio.
39. Calvini juvenus. Institutiones. Doctrina impia in Galliam illata & Brasiliam. Andelotii facinus.
40. Post mortem Henrici II. hæresis inolefcit. Annæ Burgi supplicium. Guisiorum zelus pro religione. Ambofiana conspiratio.

ARTICULUS V.

Status Galliæ sub Carolo IX.

41. Catharinæ matris pseudopolitica. Synedrion seu colloquium Possiacense. Laynii oratio.
42. Triumviratus. Mommorantii religio. Partes Catholicæ. Primum Hugonotorum bellum. Antonii Navarri conversio, & mors. Drocensis pugna. Condæus & Mommorantius capti. Guisius victor a Poltroto interceptus. Prima pax.
43. Iniqua Catharina Tridentino Concilio. Sententia Pontificis in octo Episcopos, præsertim Cardinalem Castilionium, aperte hæreticum, & in Joannam Albretanam. Molinæus in carcerem. Proscriptus liber Casandri. Mors Calvini.
44. Alterum bellum Hugonot. Rex ereptus periculo. Pugna Sandionysiana. Mommorantii gloriosa mors & laus. Casimirus in Galliam. Rupellæ defectio. Pax altera. Ab Hugonotis non servata.
45. Tertium bellum. Pugna Jarnacensis. Condæi mors. Monturiana clades. Soria pirata. Tertia pax indigna victoribus.
46. Cædes Hugonotorum Parisina. Navarri & Condæi simulata conversio. Quartum bellum. Rupellæ obsidio frustra tentata. Sancerra expugnata. Quarta pax.
47. Quintum bellum. Mongomerius captus & Parisiis damnatus. Factio tertia Politicorum, Alenfonio duce. Conspiratio eorum detecta. Condæi fuga. Mors Caroli regis.

ARTICULUS VI.

Observatio in Parisiensem Hugonotorum cædem.

48. Hugonotæ impij in Religionem. Sacrilegi in templa : Sacerdotes : Catholicos universim : in Sanctos eorumque , uti etiam regum , sepulcra.
49. Proditores & eversores patriæ , ac regni : in regem rebelles. Senatus supremus jure cæsos pronuntiavit.

ARTICULUS VII.

Status Galliæ sub Henrico III.

50. Galliæ facies. Henrici e Polonia redeuntis torpor. Nuptiæ. Mombrunus captus ac condemnatus.
51. Alençonii fuga ad Hugonotos uti etiam Politicorum Catholicorum , ac Navarri. Ingens belli apparatus. Pax iniquissima a Regina inita.
52. Liga sacra Catholicorum , ducæ Guisio. Crisis de illa. Rex ipse Ligæ ducem se protitetur. Comitia Blesensia. Defensio religionis decernitur.
53. Bellum sextum Catholicis gloriosum. Sed pax secuta probrosa. Ordo S. Spiritus.
54. Bellum septimum , fortiter rursus a Catholicis gestum. Sed turpi pace ab Henrico conclusum.
55. Mollis ac variabilis regis indoles. Expeditio in Azores infelix : uti etiam in Belgium ab Alençonio iterum suscepta. Hujus morte augetur metus Catholicorum. Qui multas urbes occupant, regemque impellunt, ut hæresin prohibeat.
56. Octavum Hugonotorum bellum ; faustum initio Catholicis. Legati Protestantium ad regem. Bellum ei denuntiant.
57. Rex tres conscribit exercitus, Primum tradit Valetæ, quem Ducem Epernonium creavit, magnisque dignitatibus auxit. Sed parum egit: alterum Arquino, quem Joiosæ Ducem fecerat, ac pariter ad summos honores ac Regiam affinitatem evexerat. Hic pugna Curtracensi ab Hugonotis victus, captus, & contra jus belli interceptus est.
58. Tertium exercitum, multo minorem dedit Guisio, ob Ligam sibi infenso, ut Germanos & Helvetos transitu areceret. Quos ad Alnæum acie vicit, ac dissipavit.

59. Offensionibus præluditur tragædiæ. Guisus Parisios ingreditur, velut tutelarior Angelus a populo exceptus. Rex ejus mortem decernit. Civitas in regem. Fugit is Lutetia Carnutum. Per matrem cum Guisio transigit. Epernonius Guisii inimicus gratia regis excidit.
60. Comitior Blesensia. Postulata Ordinum. Infidiæ. Cædes Guisiorum. Conjunctorum & amicorum captivitas.
61. Multæ urbes & integræ provinciæ deficiunt a Rege ad fœderatos. Is conventu habito cum Navarro fœdus init. Mornei libellus de hoc fœdere oleum igni affundi t Maynius Parisiis ut Numen exceptus. Bellum per provincias sparsum.
62. Obsidio Lutetiæ. Regis cædes.

ARTICULUS VIII.

Status Galliæ sub Henrico IV.

63. Spes metusque Galliam suspendit. Deliberatio Catholicorum, qui Henrico III. adhererant. Fœderati Catholici Cardinalem Borbonium sub nomine Caroli X. regem enuntiant.
64. Bellum per provincias. Maynius Rothomagum obsidione liberat, & Lutetiam. Sixtus V. & Philippus II. ad fœdus. Juriacensis victoria ab Henrico obtenta.
65. Obsidio Lutetiæ. A Farnesio soluta. Obitus Cardinalis Borbonii, quem regem dixerant. Maynius confirmatus Vicarius regni. Bellum in provinciis Hispani consilia.
66. Gregorii XIV. interdictum, in Galliam missum. Ejusdem copiar fœderatis datæ. Sabaudus accedit fœderi; & in Provincia ac Delphinatu prætensiones suas persequitur. Vincitur a Lediguerio.
67. Caroli Guisii libertas. Tumultus Parisiensis in Maynium. Qui novem ex sexdecim viris trahi affigi jubet. Turrenius fit Dux Bullionii. Farnesius Rothomagum obsidione liberat. Ejus consiliis Maynius contrarius. Indicit comitia regni. Papa & Hispanus agunt de renuntiando rege. Philippus per feriam legatum proponit Isabelam filiam suam, nupturam Guisio. Receptum in Comitibus Concilium Trid.
68. Cur rex conversionem suam distulerit. Dubitatio de potestate absolvendi. Conversionis solennitas. Inauguratio Carnuti facta.
69. Lutetia, multæque urbes regi se dedunt: uti etiam Guisus, donatus Prætura Provinciæ, abdicato

- dicato Epernonio, Elbovius &c. Rex bellum indicit Hispanis, varia fortuna gestum.
70. Viget Romæ persuasio & apud plures in Gallia, regem non esse serio conversum. Hanc nutriunt Maynius & Hispani. Barrieræ impium consilium de necando rege. Castelliparricidale in regem flagitium.
71. Geretus tortus. Guignardus suspensus. Societas expulsa. Laborat apud Pontificem pro impetranda regis abolitione.
72. Absolutio solennis Romana. Ejus condiciones. Maynius regi conciliatus; uti etiam Nemursius, & Joiosa, factus rursus Capucinus. Ac tandem etiam Dux Mercordius: Estreæ opera. Nannetenſe edictum.
73. Bellum Hispanicum adversus Gallos fortites gestum. Cum Cameraco plures urbes captæ. Niverenſis obitus. Alberti Archiducis gloriosa initia. Cur Aumalius & Rosnæus regi non sint conciliati, sed Hispanis adhæserint. Ambianum captum receptumque.
74. Quamvis Henricus rex cum Anglis & Batavis fœdus inierit, illis tamen reclamantibus cum Hispano pacem Varvicensem iniit.
75. Causa Salutarum; quas Saubaudus Gallis eripuerat. Papa designatus arbiter. Arbitrium recusat. Dux ad regem. Omnia tentat, ne restituat. Rex bello eum aggreditur. Pax confecta datis Sebusianis proſalutiis.
76. Bellis succedunt variæ Principum nuptiæ, atque ipsius etiam regis. Nam Estræa pellice misere mortua, matrimonium cum Margarita irritum declaratum a pontificis judicio delegato; initumque novum cum Maria Medicæa.

ARTICULUS IX.

Observatio,

Quibus viis hæresis in Galliam iruperit, & Ecclesiam perturbarint.

77. Evangelium Calvinianum illatum & propagatum, per arma & rebelliones: per fœminas, Margaritam, Renatam, Stampensem. Per Grammaticos, & Philologos.
78. Regis Francisci I. periculum: ac dein zelus pro religione. Calvinistarum Martyrologium. Libelli famosi. Institutiones Calvini.
79. Calvinus Genevæ Pontifex, quomodo illam reformavit. Prima ejus synodus in horto. Ejus Missionarii.

80. Re-

80. Reformatio & purgatio Calviniana describitur: quoad cœlibatum, jejunia, libertatem, templa, imagines, missam, Eucharistiam, S. Scripturam, Traditiones, Sacramenta.
81. Dulce Calvinistarum melos. Plures in Synœdis de reditu cogitant, Quomodo in scholas irreperint, ut juventutem pervertant.

ARTICULUS X.

Status Ecclesiæ Gallicanæ reformatus per Synodos provinciales.

- | | |
|--|---|
| 82 Concilium Avenionense. | 100 . . §. 13. De Invocatione sanctorum. |
| 83 Conciliabulum Turonense I. | 101 . . §. 14. De sacris Imaginibus. |
| 84 Concilium Rothomagense I. | 102 . . §. 15. De libero arbitrio. |
| 85 . . . Lugdunense | 103 . . §. 16. De fide & operibus. |
| 86 . . . Bituricense I. | 104 . . §. 17. Decreta morum. |
| 87 . . . Senonense seu Parisiense. | 105 . . §. 18. Exhortatio Concilii ad Christianos Principes pro extirpatione hæresum. |
| 88 . . . Epistola encyclica, & præfatio de hæreticis. | 106 Concilium Narbonense. |
| 89 . . §. 1. De unitate & infalibilitate Ecclesiæ. | 107 . . . Viennense. |
| 90 . . §. 2. De Visibilitate Ecclesiæ. | 108 . . . Rhemense I. |
| 91 . . §. 3. De auctoritate Conciliorum. | 109 . . . Rothomagense II. |
| 92 . . §. 4. De libris Canonicis. | 110 . . . Melodunense. |
| 93 . . §. 5. De Traditionibus. | 111 . . . Burdigalense. |
| 94 . . §. 6. De Constitutionibus. | 112 . . . Rhemense II. |
| 95 . . §. 7. De Jeuniis. | 113 . . . Turonense II. |
| 96 . . §. 8. De cœlibatu. | 114 . . . Bituricense II. |
| 97 . . §. 9. De votis. | 115 . . . Aquisense. |
| 98 . . §. 10. & 11. De Sacramentis & Missæ sacrificio. | 116 . . . Tolosanum & Avenionense II. |
| 99 . . §. 12. De satisfactione, purgatorio &c. | |

ARTI-

ARTICULUS I.

Status Galliæ sub Ludovico XII.

1.
Divortium.

Mortuo Carolo VIII. Ludovicus XII. Dux Aurelianensis, proximi sanguinis jure ad regnum evectus, Joannam Ludovici XI. filiam Pontificis auctoritate repudiat, ad eam ducendam vi se adactum causatus; atque Annam Caroli VIII. viduam, Britaniæ potiundæ cupiditate substituit.

2.
Mediolanum.

Tum vero in Italianum animum curasque convertit, in Mediolanensem Ducatum maxime, quem tanquam debitum Valentiniæ aviæ suæ, & Familiæ Aurelianensi illatum, seu patrimonium, & propriam hereditatem sibi vindicabat.

Instaurata igitur cum Hispano & Anglo amicitia, adversus Maximilianum Cæsarem concitatis Helvetiis, cum Alexandro VI. (concesso ejus filio Cæsari Borgiæ Valentino Ducatu) & Venetis in Ludovicum Sfortiam (quem *Morum* cognominant) fœdus init, transmissisque Alpibus anno 1500. brevi tempore tota Insubria & Liguria potitur. Ludovicus vero Dux in Germaniam exulatum abiit. Cumque frustra a Cæsare, in Matthiam Hungarum abstracto, auxilia petiisset, ad Helvetios conversus, eorum ope totum Ducatum, arce Mediolanensi & urbe Novariensi exceptis, recuperavit. Sed mox ab iisdem desertus, captusque a Gallis in Franciam abductus, cum fratre Ascanio Cardinale, in tetro carcere per decem annos contabuit; Insubria interim ad Gallos relabente.

3.
Neapolis.

Subacto Mediolanensi agro Gallus ad Regnum Neapolitanum, pristino jure ab Andegavensibus vendicatum, animum applicuit. Sed timebat Ferdinandi Catholici potentiam, qui Neapolin sibi asseribat, quæsito jam inde ab obitu Conradini jure, per Constantiam Manfredi filiam ab Aragonis devoluto. Et quidem Alphonsus V. Ferdinandi Catholici patruus armis eandem Gallis eripuerat. Quoniam autem prole carebat, quæ justo thoro esset prognata, Ferdinando Notho suo reliquit. Cui filius Alphonsus successit, adversus quem Carolus VIII. Galliæ Rex expeditionem suscepit. Mortuo Alphonso ejusque filio Ferdinando, *Fridericus* alter Ferdinandi Nothi filius Regnum adeptus est, quo Ludovicus XII. Gallus, & Ferdinandus Catholicus, ejus propinquus, eundem privarunt.

Cum enim, quod dixi, timeret Ludovicus, ne Ferdinandus consiliis suis se opponeret, mentem suam fœderisque condiciones eidem

dem proposuit: vetustas esse difficilesque domum inter Andegavendem & Aragonicam de utraque Sicilia controversias, jam inde a Carolo Andegavensi, & Petro Aragonio enatas: gravissima propterea per tria jam sæcula bella gesta, totam Italiam non raro in partes excitam, torrentes sanguinis Christiani fusos: ad Fridericum, licet in possessione esse videatur, Neapolin non pertinere, eo quod ex patre, spuris natalibus infecto, sit natus; qui proin nihil juris in eum potuerit transferre. Ad se duos, ceu familiæ utriusque capita regnum Neapolitanum esse devolutum. Cujus stirpis potiora sint jura, tot bellis hætenus fuisse disceptatum. Quin igitur amica transactione litem annosam tandem dirimerent, & utrinque uno dato, altero retento finirent.

Haud multum Ferdinando, Regi sagacissimo, & futura animo conjicienti, ea oratio displicuit. Itum igitur in fœdus, & transactionem: cujus hæc pacta: Ferdinandus perpetuo maneat in possessione & dominio Siciliæ, ejus regni titulo Ludovicus abstineat: se Regem Neapolitanum & Jerosolymitanum, Ferdinandus autem se diceret Ducem Calabriæ, penes quem Calabria & Apulia Siciliæ vicinæ essent. Franco cætera cum Neapoli cederent. Quisque suam portionem sine alterius auxilio compararet. Quisque a Pontifice tanquam domino directo partem suam clientelari jure obtineret.

Contracto hoc divisionis pacto uterque Regum instruebat exercitus, simulata in Turcam expeditione, qui dudum Venetos bello vexabat. Ludovicus cum viginti peditum millibus, & 1500. cataphractis equitibus Romam versus profectus, totius Italiæ vota atque metum suspendit. Ubi Romam ventum est, Oratores utriusque Regis, larva deposita, traditionem possidendi Regni, quam vocant *Investituram*, a Pontifice postulant. Nec ille vota postulantium distulit, aliunde Friderico succensus, & duos potentissimos Europæ Principes pro regno uno, non admodum magno, habiturus clientes atque obnoxios.

Franci & classe e Phocensi provincia & terrestri itinere in Campaniam profecti, ultra arma victoriam promoverunt, atque metu undique sparsa intra mensis spatium portionem suam occuparunt rebus secundis primoque impetu ferocissimi. Consalvus autem Coridubensis, jam à Mauricis palmis clarus heros, Calabriam interim atque Apuliam in potestatem Hispanorum redegerat.

Fridericus autem tantis impar hostibus, primo in castella, deinde in Ischiam Insulam se abdens, tandem Gallis se dedere coactus, atque in Franciam abductus, triennio exacto captivitatem morte finiit. Ejus

vero filius Hispanis, Tarentina arce expugnata, est traditus, ut stirps miserrima utrique hosti & spoliū esset, & trophæum.

Sed regnum unum duos Reges & tantos non capiebat; nec confusi & incerti limites semovere poterant duas gentes, quas Pyrenæi montes vix satis dividunt. De finibus igitur utriusque portionis orta primum contentio, tum aperta vis atque bellum gravissimum. Et Consalvus quidem, Hispanorum ductor, rerum bellicarum multo peritissimus, castellis primum locisque munitis militem continebat, donec Gallorum æstus, qui vehemens initio esse solet, deferbesceret, atque ingenio usus per insidias & opportunas eruptiones victoriæ præludebat, capto etiam Albinio, Gallorum ductore celebri.

4.
Galli pulsi.

Tum vero in campum apertum eductis copiis, pugna copiam Gallis fecit. Conferta illa est anno 1503. ad Ciriniolam in Apulia. Cæsus cum flore exercitus Gallorum ductor Nemursus, Armaniacæ stirpis ultimus. Tantusque mox secutus est victoriæ fructus, ut Consalvus Neapoli totoque regno potiretur, arce duntaxat Neapolitana, Cajetana, & Venusina, cum aliquot in Samnitibus oppidis Gallorum præsidio adhuc retentis.

Ludovicus Rex dolore & indignatione perculsus, quatuor simul terra marique conscribit exercitus, quibus Ferdinandum in Hispania & Italia aggrediretur. Sed magnis conatibus eventus non respondit. Salsulæ obsessæ conatu irritō. Classis, milesque, accisus, reductus in Franciam, præter ignominiam, & opum detrimentum nihil reportavit.

Sed nec melior in Italia armorum fors. Nam cæsis ad Cajetam Gallis, totum regnum Neapolitanum a Consalvo occupatum. Similisque ferme hæc Ludovici XII. Neapolitana expeditio fuit illi, quam Carolus VIII. susceperat. Gallis in quæstōres & annonæ præfectos culpam conjicientibus.

Ludovicum certe gravis morbus corripuit, animo jam prius ægrum, & secum reputantem belli ignominiam; eo recidisse spes, conatus, & amplitudinem Franciæ, eo tot exercitus, tam immensam pecuniam, ut regnum tanta infamia sibi eriperetur, nec sibi aliud superesset, quam pudor, & opprobrium victi.

Publicis autem totius regni supplicationibus sanitati redditus dissolvit sponsalia Claudiæ filiæ suæ, cum Carolo, Philippi Archiducis filio, inita, ne Britannia a Galliæ corpore rursus avellatur. Desponsa autem fuit Francisco Inculismensi Delphino. Quæ res licet vehementer displiceret Philippo Archiduci, nihilominus (quod mi-
rum)

rum) hic ultima voluntate Carolo Ludovicum tutorem dedit, præterito avo paterno Maximiliano, & materno Ferdinando.

Obitus Philippi Archiducis Ludovico spatium dedit ordinandi Insubriam atque Liguriam. Nam Genua, ad Longobardicum olim Italiae regnum, tum ad Imperium pertinens, sui dein juris facta, denique Mediolani Ducibus subiecta, atque cum eo ad Ludovici dominium devoluta, dudum in varias turbas domesticas fuit distracta, Fliscis, Doris, Spinolis, Grimaldis aliisque patritiis in plebejos, his in Nobiles familias surgentibus. Postremo plebejorum factione prævalente non seditionem modo sed apertam rebellionem res spectabat, dejectis Franciæ insignibus, & Cæsareis substitutis. Quare Ludovicus in Italiam profectus urbem expugnat, & supplicem in gratiam recipit; barbarum auctoribus supplicio affectis. (anno 1507.)

Interea Ferdinandus quoque Rex, ut regnum Neapolitanum, nuper acquisitum, præsens inspiceret, in Italiam navigavit. Atque Neapoli digressus Savonam movit. Ubi celebris ille cum Ludovico congressus fuit habitus; certantibus Regibus, quis alterum majore benevolentia & amicitiae significatione vinceret.

Maximilianus quoque Imperator in Italiam moturus fuerat, Venetiæ nisi obtitissent Veneti, contra quos dein quadruplex illud solenne foedus Cameraci est initum, conventumque, ut Pontifex Flaminiae urbes, Faventiam, Ariminum, Ravennam; Cæsar Patavium, Vicentiam, Veronam, Tarvisum, Forum Julii; Ludovicus Cremonam, Cremam, Brixiam, Bergamum; Ferdinandus Brundisium, Hydruntem, Tranium, Molam, Monopolim, a Venetis abstractas reciperent. Qui urbes suas reduxisset, sociis opem ferat.

Primus, ut conventum, Ludovicus ad Adduam movet copias. Venetos Petilianus ducebat, & sub eo Alvianus, qui effervescente ad pugnam sanguine, invito & absente Petiliano in prælium ruit; quo & ipse captus, & exercitus caesus, & potentissima Respublica in summum discrimen fuit adducta. Brevi siquidem temporis intervallo tot tantisque urbibus fuit spoliata, quas per ducentos annos magno labore, cura & sumptibus comparaverat. Quæ deinceps cum Venetis gesta lib. 1. hujus partis, recensui.

Postquam Julius Papa Flaminiam receperat, deserto foedere Cameracensi cum Venetis reconciliatus fuit, atque adversus Ludovicum, cujus in Italia potentiam ferre non poterat, bellum paravit. Occasionem dedit Comachium, urbs Flaminiae, quam ab Alphonso Ferrariæ Duce, tanquam ad Ecclesiam pertinentem, recepocebat; Alphonsus Imperii urbem profitebatur. Ducis, foederati

fui, causam apud Pontificem tractandam Ludovicus suscepit. At is obfirmaverat animum; quin ut Genuam Ludovicus libertati restituat, postulavit.

6.
Discordia
cum Papa.

Confidebat nempe foederi, cum Ferdinando rege clam inito, atque Helvetiorum subsidii, quos Schinerus a Ludovico, plus stipendii negante, abstractos, Pontifici adjunxit. Jamque Mirandulam expugnaverat Julius, praesens ipse in castris, cum Ludovicus Episcoporum totius Galliae concilium Turonibus celebrari voluit, atque proponi, regem nulla sua culpa a Pontifice impeti; ab eo vim Ferrariensi Duci inferri, una de causa, quod Francis socius esset, simul statuisse Francos omnes ex Italia pellere. Regem adhibuisse omnem industriam, ut ab irato pacem exoraret; perstare iram Pontificis, bellumque iniquissimum palam indicere; regem flagitare, quid in eorum articulo sibi faciendum sit; an liceat vim inique illatam vi repellere?

Uno consensu responsum, licere illam repellere, nec metuentas diras, si adjungerentur; imo posse juxta concilii Basileensis decreta regi regnoque consuli more majorum. Postremo sancitum, ut haec significarentur Pontifici, atque is rogaretur, ut ab inferendo bello absteret. Si recusaret, compelleretur indicere concilium Generale, ut a Patribus Basileensibus statutum fuisset. Quibus constitutis vetuit Rex, ne quid pecuniae aut litterarum Romam deferretur.

Erepta subin Pontifici Bononia & restitutis Bentivoliis, conciliabulum Turonense Pisas transfert, ut propiorem eidem metum incuteret. Finem synodi Cardinales quidam praefurunt, ut concordia Principum Christianorum concilietur, bellum contra infideles appareretur, disciplina Ecclesiae reformetur, tam in capite, quam in membris, idque juxta placitum concilii Constantiensis. Orta dein Pisis seditione Mediolanum transfertur synedrion, atque ibi etiam rerum facie mutata, Lugdunum; tenente scena ludicra, quoad vixit Julius.

Quamvis autem Galli ductore Gastone Comite Fuxiensi 23. annorum Juvene, brevi tempore in Italia res magnas agerent; Bononiam obsidione liberarent, Brixiam, ad Venetos relapsam, rursus expugnarent, eosdem Venetos saepius caderent, atque insignem a Pontificiis, & Hispanis ad *Ravennam* victoriam reportarent, ipsamque hanc urbem diriperent, atque ad eum gloriae atque potentiae apicem ascendisse viderentur, ut omnem Italiam possent subvertere; nihilominus fortuna inconstans, inversa mox felicitatis rota, ad ima depressit, quos tot victoriis elevaverat. Amissa Flaminia, Bononia,

7.
Galli Italia
pulli,

Par-

Parma, Placentia, Genua, Mediolanum, ut adeo præter geminas arces nihil Gallis in Italia superesset.

Causa tantæ tamque subitæ cladis erat gemina: mors Gastonis, Gallorum ductoris post victoriam Ravennensem incautius hostem insequentis, & præcipue Helvetiorum, quos Ludovicus avaritia & contemptu irritaverat, in Italiam adventus. Restitutus ab exilio vocatus Maximilianus Sfortia, cui Schinerus Cardinalis, qui Helvetios adduxerat, Mediolani claves obtulit.

Neque amissa Italia circumscripta calamitas; Navarra quoque & Navarra. regnum Gallis ademptum. Ferdinandus etenim rex Catholicus, sagaci mente in omnem partem exporrectus, cum Francos in Italia cum adversa fortuna luctari cerneret, isto cum Anglis eorumque rege Henrico VIII. genero suo fœdere, Joanni Albretano, Gallicæ stirpis Principi, & uxorio nomine regi, primo Pompejopolim tum universum Navarra regnum eripuit, Ferdinando Albano Duce juvenilem tunc ætatem imbuente ad victorias, & supremi Ducis ita fungente officio, ut omnes Gallorum conatus dissiparet, attrito ad Pompejopolim eorum exercitu, & Francisco Delphino cum ignominia acto recedere.

Ludovicus destituit deinceps affinem & fœderatum regem exulem, tota cogitatione in Ducatum Mediolanensem intentus, quem velut patrimonium suum avitum, tot bellis partum, ac peculium suum velut castrense respiciebat. Sed quam spem conciperet, Pontifice, Imperatore, regibus Hispaniæ & Angliæ, Helvetiis, totaque Italia adversus se, tot cladibus attritum, corjatis? Venetos perterritat; quos, licet omnium calamitatum eis causa exstiterit, ad fœdus promptos invenit, quippe, omnem rimam circumspicientes, per quam ex præsentī turbine se possint evolvere.

Capita autem fœderis erant: Veneti ad recuperandam Insu-
briam regi commodarent decem millia peditum, equites mille & du-
centos: Cremona quoque & Adduanus ager ad eum pertinerent. Cæ-
tera ipsorum essent, quæ Cameracensi fœdere amississent: & Rex ad
ea subigenda arma adjungeret.

Trajecto igitur novo per Trivoltium in Italiam exercitu, Venetis junctus, quos Alvianus ducebat, mira celeritate Insubriam Liguriamque recuperat, præter Comum & Novariam, in quam Maximilianus Sfortia, Mediolano profugus, se abdiderat, patris tamen ea in urbe fata reformidans. At Helvetii, constantiori jam fide eidem adstricti, imprimis Gallos obsidionem solvere cogunt, digressosque in-
fecuti intempesta nocte ingenti prælio profligant, octo millibus in acie

cæsis, castrisque omni opulentia instructis, in victorum manus venientibus. Trimollius, Gallici exercitus dux supremus, hac labe pristinam gloriam commaculans rebus desperatis in Galliam recessit, amissis in Italia omnibus, præter arcem Genuensem. Adeo nempe Longobardia æmulabatur æstum maris, per alternos fluxus, & refluxus undas suas cientis & resorbentis.

9. Insubriam, Liguriam, regnum Neapolitanum, regnumque Na-
Clades Gal varra, cum pluribus exercitibus & immensis bellorum sumptibus,
lia. Ludovicus amiserat hætenus. Jam vero translato in ipsam Franciam bello, ipsa illius viscera petebant Cæsar, Anglus, atque Helvetii. Et Henricus quidem focii instinctu trajecit Caletum, atque inde Tervanam decem Anglorum millibus, pugnam conferuit, quæ Calcaria dicta est, quia Galli ferro vix tentato non nisi calcaria ad fugiendum attulisse sunt visi. Victoriæ præmium fuit Tervana capta, cum præcipuis Gallorum ducibus; quos inter Bajardus fortitudinis laude ea tempestate heros in paucis inclitus.

Jamque trepidatum Lutetiæ, omnium armis in Ludovicum, velut Ecclesiæ hostem, conversis. Et quidem Anglus imminabat Picardiæ, Helvetii justo cum exercitu Burgundiæ iufundebantur; focii, Scoti videlicet & Veneti cæsi, illi ab Anglis, hi ab Hispanis. Cum subito lux affulset, Anglus reflexo a Gallia itinere Tornaco intercepto in patriam rediit. Helvetii, dum Divionem obsident, a Trimollio Burgundiæ Gubernatore emoliti blanditiis & promissis, roganti pacem concedunt, ea lege, ut Rex 400000. aureorum sibi pendat. Concilium Pisenum abdicet cum Ducatu Mediolanensi; nihilque in Pontificem & Arragonium Regem moliretur. Sex nobiles pacis obfides daret.

10.
Pacta cum
Helvetis.

Hæc pacta Trimollius incio Rege iniit, ut fortissimam gentem a jugulo Galliæ, in extremum discrimen adductæ, averteret. Ludovicus autem non attento obsidum periculo, illa post Helvetiorum discessum rata habere noliit; quin novam expeditionem in Italiam adornavit, postquam cum Anglo, ducta ejus sorore, sedus pepigit, mutuum opem pactus, Tornaco apud Anglum persistente.

11.
Mors Ludo- Postquam vero Ludovicus cum Leone X. reconciliatus, abdi-
vici. cato Pisano conciliabulo, Lateranensem synodum admisit, sublatum fuit, quod Julius promulgaverat, Galliæ interdictum, cum belli sacri pro Ecclesia titulo. Brevisque post obiit ventris profluvio, anno 1515. ætatis 55. regni 17.

Sub-

Subditos impense amavit, imminutis etiam tributis, dicere solitus, *gregem pinguisimum optimi pastoris esse indicium*; pater populi propterea appellatus. Bene etiam de Gallia meritus, quod Paulum Æmilium Verona adduxerit, (qui 38. annos impendit Francorum Historiæ) sed bellis, quibus ætatem implevit, fuit infelix; dum multa fortiter aggressus, nullum secundo exitu finiit; plestente Deo contumelias in Pontificem sparsas, & contemptum, quo Helvetios ex amicis hostes fecit gravissimos.

Ex Anna Britanniae hæred e duas filias reliquit, Claudiam, primo Carolo Archiduci desponsam, dein Francisco I. nuptam, ut Britannia maneat unita Galliae; alteram Renatam, Herculi Estensi Ferrariæ Duci collocatam, celebrem Calvinistarum fautricem.

ARTICULUS II.

Status Galliae sub Francisco I.

Franciscus lege Regni evectus, ac more Majorum Rhemis unctus, fœdus instauravit cum Venetis, Anglis, atque dein etiam cum Carolo Archiduce, qui per Henricum Comitem Nassoviae pro Arthesia, Flandria, & Carolesio Regi clientelam præstitit, promissis Renatae nuptiis. Nassovius vero duxit Claudiam Orangiam; unde in posteros Oraniae principatus.

Compositis domi rebus Franciscus expeditionem Italicam suscepit, assumptis 43000. militum, sub præstantissimis ducibus Carolo Borbonio, quem comestabilem dixit, Alensonio, Palissa, Bajardo, ^{12.} Expeditione In-
Trimollio, Guisio, Trivultio, Lautreco, & Petro Navarro Can-
tabro. Fauces montium infederant Helveti, cum Maximiliano Cæsare, Ferdinando Rege, Maximiliano Sfortia, & Leone Pontifice juncti fœdere.

Igitur Franci per novas vias superatis montibus in Italia comstiterunt, antequam venientes conspecti sunt. Helveti, ubi se delusos videbant, ad defensionem Mediolani accurrerunt; & licet multo pauciores essent numero, non expectatis Hispanis & Florentinis sociis, accendente ad Martem Cardinale Sedunensi, prælio se paratos offerunt.

Et

Pugna Mari-
guana.

Et hæc est pertinacissima illa *ad Marignanum* pugna: quæ bi-
duo tenuit. Primo die anceps erat certamen, atque in densam no-
ctem excurrens modicam cessationem, quietem nullam indulxit,
stante in armis & collato veluti pede utroque exercitu. Primo di-
luculo tanta vi atque ferocia Helveti in Gallōs invehuntur, ut mul-
tis eorum cæsis, multis in fugam compulsis, jam victoriam in mani-
bus habuisse sint visi, cum Alvianus cum validis Venetorum subsidii
subito Cremona adveſtus, atque Helvetos a tergo aggreſſus, Gal-
lorum ſpem erexit, Helvetorum vero, univerſum Venetorum exer-
citu adventare reputantium, infregit.

Quare fortunæ cedendum rati, recipiunt ſe, ſed leonum inſtar,
ſtipatis in phalangem ordinibus, & verſus hoſtem, quoties laceſſeret,
frontem obvertentes. Qua occasione multi Venetorum cæſi ſunt,
qui ferroſos illos erinaceos aggreſſi præſumpſerant. Galli autem libe-
rum illis diſceſſum libenter permiferunt, non tam victis, quam non
vincentibus. Helveti vero ſe victos arbitrati ſunt, quod non vice-
rint, ſuffuſi pudore, quod primum orbi hic documentum dederint,
ſe vinci poſſe. Quatuordecim eorum millia globis maxime tormento-
rum (quibus ipſi carebant) ſolo aliſſa dicuntur.

Mediolanum
captum.

Reliqui Mediolanum regreſſi, cum Sfortia ſtipendia pendere non
poſſet, in patriam abierunt, fruſtra dehortante Sedunenſi: qui aſſum-
pto Franciſco Sfortia Ducis fratre Tridentum receſſit ad Cæſarem no-
vi belli conſilia cum eo collaturus. Maximilianus vero Sfortia dedi-
tionem pactus eſt ea conditione, ut arcem Mediolanenſem & Cremonenſem
cum jure in univerſum ducatum regi cedat: habitaret in
Francia, loco, quo ipſe vellet, in penſionem, quoad viveret, 60000.
Ducatorum in annos acciperet. Rex vero poſſeſſionem adiit, acce-
ptis a tota Italia, præterquam ab Hiſpaniſ, legatis, Venetiſ ad ex-
pugnandam Brixiam, aliasque urbes copias miſit.

Concorda-
tum.

Leo Pontifex, metu percuſſus, cum rege pacem iniit, institu-
to Bononia ſoleni colloquio, quo ſanctio Gallia Pragmatica abro-
gata, erectum vero fuit *concordatum*. Data regi poteſtas toto regno
deligendi Epiſcopos & Abbatē, eoſque Pontifici præſentandi. Da-
tum contra Pontifici, ut ad illas dignitates promovendi, ſacerdotii
fruſtus, quos primo anno colligerent, Pontifici penderent, quos An-
natas appellant; nova aſſimatione inſtituenda. Simulque Rex Medi-
cæ Domus & Florentinorum proteſtationem promiſit. Pontifici Bo-
nonia, regi Parma & Placentia aſſerta.

Redux

Redux inde Mediolanum nihil antiquius habuit, quam ut Helvetiorum, quos hostes porro habere nolebat, odium auro expugnet, ac fœdere sibi conjungeret iis conditionibus, quas Ludovicus XII. abjecerat: ut promissa ad Divionem pecunia iis solvatur, darentur pensiones antiquæ, justo stipendio Regi militarent, præterquam contra Pontificem, Imperatorem atque Imperium. Præfecto dein Insubriæ Carolo Borbonio in Galliam rediit.

Tentaverat equidem Cæsar Mediolanum; sed quia Helvetii in utroque exercitu militabant, adversus populares suos pugnare detestantes, recessit; initaque cum Venetis & Francis pace, Jani templum aliquamdiu claudi visum est, astumque de bello Turcis inferendo, quorum potentiam subacta Ægypto omnes formidabant.

Verum statuta salubriter ambitio & æmulatio Christianorum Principum disjecit. Mortuo siquidem Ferdinando Catholico, & paulo post Maximiliano Cæsare, in ipsâ electione Imperatoris, dum Carolus Francisco præponitur, dissidiorum jacta sunt semina, in summas Europæ calamitates, atque Religionis perniciem excretura. Carolus querebatur, aviæ suæ Mariæ abreptam a Ludovico XI. Burgundiam, Maximiliano avo subtractam a Carolo VIII. sponsam, remissamque Margaretham filiam: Philippum patrem delusum sæpius spe nuptiarum: sibi primum desponsam Claudiam, Ludovici filiam, tum Renatam, denique filiam Francisci in cunis vagientem, sponsione ubique illusa. Adhæc Insubriam, ad Imperium pertinentem, a Gallis insideri. Contra vero Franciscus crescentem in dies Austriacæ domus potentiam; illatum in eandem Belgium, Hispaniamque, abrepta Neapolis & Navarræ regna, invidis atque ægris oculis aspiciebat.

Nec diu ferrum vagina reconditum latuit. Nam incitatore præsertim Boniveto, primo in Navarram bellum traductum est, Henrici Albretani exulantis Regis nomine; quod Noviodunensi cum Carolo fœdere statutum esset, ut sex intrameses Navarra Henrico restitueretur, secus Francisco fas esset, Henrico ferre suppetias. Belli momentum una erat Pampelona (Pompejopolis) nam Ferdinandus occupato Regno arces diruerat, servata duntaxat primaria, ne rebellandi voluntati facultas accederet. Civitas admittit illico Asparrum Ducem cum Gallo milite, præsidio Hispano in arcem recepto, quam propugnabat Ignatius Lojola Nobilis Cantaber. Hac expugnata tota Navarra in Gallorum potestatem venit. Verum dum isti in reliquam etiam Hispaniam excurrunt, Velasques domitis Hispanis Carolo rebellibus, exercitum in eos ducit, confertoque prælio victor, Gallos ex toto Navarræ regno expellit (anno 1521.)

Pars VII.

M m m

Trans-

& Insubri-
cum.

Translatum dein bellum in Belgium, a Cæsare & Rege præsentibus gestum, verum dum Rex Castilioni, Franciæ Mariscalii consilio, opportunitatem prælii dimittit, & ne Fontarabiam, a Boniveto in Cantabria occupatam, restituere debeat, pacem ab Auglis propositam, repudiat, in extremam se Regnumque calamitatem induit.

Gallorum
clades.

Nam Carolus Cæsar totum ferme Mediolanensem ducatum occupavit, opem strenuam jungente Prospero Columna, Pontificiarum copiarum Duce. Cladis Gallicæ causâ Francisci Regis mater Aloysia seu Ludovica, avara & animi impotens sæmina, Galliæ fax, quæ ut bellum accendit, ita restingui noluit, ut Boniveti amassii ambitioni serviret. Quare offensa Lautrechio Mediolanensi Proregi, ut eundem perderet, Insubriam filio perdidit, retenta perfide pecunia, ad bellum sustentandum necessaria. Dum sæmina igitur hæc regnum versat, & Rex voluptatibus torpet, magnis passibus publica res ad interitum properat. Cæsus ad *Bicoquam*, tertio a Mediolano lapide, a Cæsareanis & Pontificiis Lautrechii exercitus, Helvetis primo ferociter loco iniquo prælium deposcentibus, dein vero multis suorum amissis, torpentibus & fugam circumspicientibus. Restitutus Mediolano, ita volente Pontifice, Franciscus Sfortia, Maximiliani in Galliam abducti frater. Parma & Placentia expugnata, ac Pontifici permissa. Cremona & Genua, ultimæ ex naufragio Italiae reliquæ, amissæ. Rex denique ipse, ad majora ostentanda, quam gerenda natus, gloriam, opes, exercitus, provincias, atque ipsam denique libertatem perdidit.

Neque Insubria duntaxat atque Liguria, tanto molimine partæ, in hostiles manus relapsæ; Fontarabia quoque, propter quam pacem Rex improvidus excusserat, ad Hispanos rediit. Cæsareani Anglique in ipsa Galliæ viscera e Belgio infusi. Ipsi denique Veneti, Gallis nihil ex consilio, & constantia agentibus, ad Carolum Cæsarem transeunt.

Atque ut nihil ad ruinam deesset, ipsi etiam Galliæ Proceres, matre Aloysia, invidiam, ambitiones & intempestivas æmulationes nutriende, in se ipsos conversi, & se ipsos & rem publicam præcipitabant.

15.
Borbonius.

Hos inter eminebat Carolus Borbonius comestabilis Franciæ, Regii sanguinis Princeps, stirpis Borbonicæ in plures ramos divisæ primarius stolo, rerum bellicarum Dux peritissimus; quem licet ad primam comestabilis & Insubriæ Proregis dignitatem elevatum Rex tanquam æmulum suum velut a puero oculo iniquiore respiciebat,

ciebat, ac propterea ejus consilia, quamvis optima, abjicere solebat. Animo jam alias ægrum exulceravit penitus mater Regis Aloysia, quacunque posset via, odium in eundem expromens, adeo quidem, ut lite mota fortunis, quas Susannæ Borboniæ uxoris nomine amplas habebat, eum evertere niteretur; quare obscuro habitu testus ad Carolum Cæsarem profugit: qui probe gnarus, quantum heroem acciperet, copiis suis illum præfecit: atque Mediolani Gubernatorem constituit, ostensurum mox Regi, quem virum alienaverit.

Franciscus ejus defectione, ut par erat, motus, cum propter magnas affinitates & clientelas ejusdem de plurium fide dubitaret, novos Provinciis gubernatores dedit, Picardiæ, hostibus magis obnoxie Trimonium, multarum palmarum Ducem; Burgundiæ Claudium Guisium, spectatæ virtutis Principem, plurimumque heroum parentem: Aquitanie Lautrechium, Campanie Orvallum. Copiis autem præfecit in Gallia Renatum Sabaudum, & Palissam. Bonivetus vero cum triginta millibus peditum & quatuor millibus equi- Bonivetus. tum, in Italiam misit. Sed Bonivetus, homo arrogans, militaris autem rei imperitus, non alio fine in Longobardiam venisse visus est, nisi ut Regi suo & pecuniam & milites frustra perderet, Lanajo Neapolitano Prorege, & Borbonio, viris militari arte subactis, cum indurato bellis robore militis, Germani Hispanique ubique prævalentibus. Quin imo Borbonius in Phocensem usque Gallie provinciam cum pedestri exercitu excurrit, Moncada classem admovente, expugnatum Tolonium, vetus Massiliensium colonia, cum Aquis Sextiis, primaria urbe Provinciæ.

Frustra tunc equidem obfessa Massilia, rejectusque in Italiam Borbonius, sed Regem cum robore Franciæ & flore Nobilitatis in ruinam traxit. Is etenim fugientes Cæsareanos infecutus, totam jam Italiam spebus magnis præoccupabat. Sed rejectis veteranorum Ducum consiliis, uni Boniveto, vano homini & bello rudi obsecutus, omnia pessumdedit; nam adulationis susurris ab eo demulsus, in plures turmas divisit exercitum, & alios ad expugnandam arcem Mediolanensem, alios ad Cremonam, alios ad Genuam, alios ad ipsam adeo Neapolim occupandam dimisit. Ipse vero cum exercitus reliquiis Ticinum, urbem & opere & præsidio munitissimam, obsedit.

Lanajus Prorex & Borbonius, in rei summam intenti, collectum servabant militem, prudenter arbitrati, fractis secundo prælio in Insubria hostium viribus, prona secutura cætera. Et ita sane evenit, Conserta ad Ticinum ingenti pugna victi Galli, atque Rex
M m m 2 ipse

16/
Rex captus.

ipse, ne in Borbonii, quem ceu proditorem oderat, manus incidere, Lanojo se captivum dedit. (*Anno 1525.*) Cæsi ipso in conflictu Gallorum octies mille, capti plurimi, atque inter eos præclarissimi quique Duces. Trimollius, Palissa, Franciscus, Lotharingæ Ducis frater, Suffolcius Anglus, Henrici Regis æmulus, Renatus Sabaudus, Lescunus, & ipse Bonivetus, cladis auctor occisi. Henricus Navarrae Rex, Borbonius Sampaulinus, Nivernensis, Mommo-rantius, Chabotus, Brio, alique multi Duces cum Rege capti. Reliqui dispersi in Galliam fuga evaserunt. Sicque terror ille Italix uno velut momento evanuit; omnibus victoris arbitrium prestantibus. Et hæc est illa clades Franciæ, a Pictaviensi sane maxima, iisdem prope causis, temeritate & arrogantia.

Franciscus primum in arcem Pisseonensem (*Pizzigetanam vulgo appellant*) abductus, dein in Madritensem (necdum enim Madritum in urbem surrexerat) a Carolo Cæsare aspectu prohibitus, donec in morbum lapsus invasit. Mirifice autem Cæsar gaudium in potestate habuit, supplicatione indicta, sumptaque Eucharistia, intra religionem lætitiâ continens, affirmansque victorias de christianis Principibus civiles esse, nec triumpho dignas.

Deliberatum interea, quo modo tanta victoria uti oporteat. Non deerant, qui in captivi gratiam dicerent: Turcam in Hungariam irrupisse, Lutheri hæresin diffeminari tota Germania; necessarium in utrumque hostem bello insurgendum: pacem proin inter Imperatorem & Franciæ Regem constituendam; hujus autem vinculum firmissimum fore, si mansuetudine conciliaretur, tamque beneficio vinceretur Regis animus, quam armis profligatus esset exercitus. Contra vero Ferdinandus, Albæ Dux, rigidioris semper indolis Princeps, negabat, Regis animum clementia vinci posse: perstiturum semper sensum opprobrii: eripiendam proin facultatem vindictæ, sicque infringendam, ut se porro non possit exerere. In hanc sententiam itum a cæteris.

17.
Pax Madri-
tensis

Quum autem conditiones pacis duriores Francisco viderentur, quam ut acceptari queant, ad matrem & Proceres scripsit, ut nulla sui amplius haberetur ratio; Delphinum Regem coronarent. Precibus autem Gallorum motus, in conditiones tandem a Cæsare propositas Madriti juravit. Earum hæc summa: ut Franciscus Burgundiæ ducatum, Carolesium, Matisconem, alique oppida Carolo cedat: clientela Flandriæ nulla in posterum esset. Jus nullum Gal-lis in Italicas ditiones &c. Delphinus cum duodecim Proceribus obfæs

obfes esto, vel horum loco alter Regis filius. Si conditiones non implerentur, Rex in potestatem Cæsaris se restituat. Desponsa dein sibi Eleonora Caroli sorore, cum duobus filiis suis permutatus, anno vertente in Galliam rediit.

Interpellatus a Legatis Cæsaris de implendo fœdere, querelas non servatur. reposuit, indigne atque inhumane in carcere Hispano se fuisse habitum: extortas a se per vim & metum conditiones fœderis, quas implere nec posset, nec vellet: prohiberi se juramento in unctione Rhemensis præstito, quod nullam regni partem sit distracturus. Regnum esse Francorum, Regis usum fructum: se absque assensu Comitiorum nec Burgundiam, nec ullum oppidum potuisse promittere. Idem responderunt Comitibus: irritam fuisse conditionem, per metum, & contra primarias regni leges extortam.

Anglus interea, vastam Cæsaris potentiam veritus, ad Francum se applicuit. Pontifex quoque Clemens VII. soluto Rege iuramentum religionis, cum Venetis, Francisco Sfortia, & Helvetiis, fœdere Gallo junctus, ad externos ab Italia pellendos, afferendam ipsius Italiae libertatem, Sfortiam Mediolano restituendum, & recipiendos regios Principes, in Hispania pro Patre obsides. Verum dum fœderati lente se movent, tota tempestas in Pontificem, & Romam a Borbonio captam detonuit (Anno 1527.) quæ in ealun. direptione crudeliter atque inhumane acta sunt, alias exposui.

Fœderati ea indignitate moti alacrius bellum gerunt. Galli sub Lautreco Genuam recipiunt, Alexandriam, Vigevanum, Ticinum. Ferrariensis a Cæsaris partibus abstractus conciliatus fœderi, Clemente promittente Mutinam, Francisco Rege Renatam in conjugem. Roma subin liberata, in Regnum Neapolitanum exercitum Lautrecus promovet, omniaque præter Cajetam & Neapolin subiigit. Visi a Doria navali prælio Hispani: cæsus ipse Moncada Neapolitanus post Lanoji mortem Prorex. Obsessa Neapolis: visaque est fortuna instabilis atque infida, obverso Cæsareanis dorso, sereno Gallos, eorumque fœderatos vultu respicere.

At vero perpetua hæc erat Gallorum sors, ut initia essent fortia ac gloriosa, finis infaustus & luctuosus. Amissa rursus tota Italia. Mali non una causa. Prima erat defectio Andreae Doriae Genuensis, rei maritimæ Ducis clarissimi, qui paulo ante prælio navali Hispanos vicerat. Is etenim Francisco Regi strenue militaverat, sed ab eo offensus, quod a se captum Principem Oranium post Madritense fœdus absque pretio dimiserit, Genuam patriam suam seve-

Doria.

Genua.

rius haberet, & Savonæ videretur subjicere. Igitur cum classe sua ad Carolum Cæsarem transit, pactus Genuæ libertatem. Erat tunc illa in Gallorum potestate, sed pestis favientis occasione usus Doria classem ad portum applicat, urbem occupat, arcemque, inquam Trivultius Præfectus se receperat, expugnat. Constituta Reipublicæ ratio, Adorniorum & Fregosiorum factionibus, quæ urbem tanto jam tempore turbaverant, extinctis. Penes Dorianam Patriæ liberatorem erat autoritas, titulo & honoribus ad senatum populumque traductis. Atque in posterum civitas illa, tot mutationibus ante obnoxia, anchoram fixit, stetitque procillas inter turbinesque incolumis, laude Andrea Dorici sane eximia, qui regiam propemodum potentiam ad patriæ libertatem convertit.

Neque in hoc viro duntaxat damnum ingens est passa Francia; sed morbi etiam exercitum, Neapolim obsidentem, acciderunt, Navarro Principe, Vademontio, præcipuisque tribunis, cum ipso Lautreco, supremo copiarum Duce, ea lue extinctis. Soluta proin obsidio, & abscedentes Gallorum reliquias Orangius, post Moncadam Prorex, toto regno ejecit. Ita enim tres continuo Reges, Carolus, Ludovicus, & Franciscus Neapolitanam expeditionem initio fortunatam, sub finem infaustam atque fatalem sunt experti.

Nec melior apud Insuabres Gallorum fors, incuria Regis, multa inchoantis, defectu autem constantiæ nihil perficientis. Victus a Leva Cæsareo Duce Borbonius Sanpaulinus, captusque, nec milite nec pecunia satis instructus. Reliquiæ in Galliam fugientes eva-
cuarunt Italiam.

20.
Pax Camera
censis.

Atque hunc finem accepit alterum Francisci I. cum Carolo V. bellum; nam primum per illius captivitatem & pacem Madritensem finiri visum est. Martem tam iniquum expertus Rex, Pontifice cum Cæsare in novum fœdus eunte, aliisque fœderatis dilapsis, pacem petere coactus est. Contracta illa est *Cameraci* (Anno 1529) & quidem, quod mirum, per duas fœminas, Margaritham videlicet Caroli V. amitam, Gubernatricem Belgii, & Aloysiam Francisci I. matrem; quæ eadem die Cameraci convenientes clam fœderatis in has condiciones pacem concluderunt.

Rex pro recipiendis liberis obsidibus duodecies centena aureorum millia pendat. Quadringenta millia Regi Angliæ Imperatoris nomine solvat; rursus eidem Regi quingenta millia, quæ sibi Carolus dixerat multam, nisi Mariam ejus filiam duceret conjugem. Li-

li florem ex auro puro pretiosissimis gemmis ornatum, a Philippo Archiduce oppignoratum Henrico, redimat, & Carolo restituat. Sponsalia cum Eleonora Caesaris sorore inita, compleat. Invito Caesare nullam in Germania societatem contrahat. Flandria, Artesia, Asta a feudali Galliae nexu liberae sunt. Jure omni in Mediolanensem Ducatum & Regnum Neapolitanum Rex cedat. Caroli Borbonii bona legitimis ejus haeredibus tradat. Naves Caesari Italiam petenti commodet. Venetis bellum indicat, si arces Carolo restituere detrectarent &c. Adjuncta alia, quibus Victor Franciscum in arctum construngebat.

Diu foederatos latuerunt haec pacta. Ubi innotuerunt, Venetis iaventi praesertim vehementer conquesti sunt, se a Gallis perfide proditos, & potestati Caesaris objectos: sancte Regem asseverasse ac promississe, se absque assensu sociorum cum Caesare nunquam conventurum. Rex paternum in filios amorem & pacis necessitatem obteudebat. Veneti irritati foedus postea cum Imperatore pepigerunt, a Francisco adeo in posterum averfi, ut nullis ipsius precibus minisve ad novam societatem flecti potuerint.

Pace conclusa necdum statim Francisco redditi liberi, quia Prætor cancellarius nummos ex auro impuro cufos Carolo miserat, deficientibus quadraginta aureorum millibus; quam fraudem eluere prius oportuit. Tum vero restituti Principes, contractumque inter Regem & Eleonoram matrimonium. Quamvis Rex alio suos amores verterit, praesertim in Annam Pisseleviam, puellam Aquitanam, quam Ducissam Stampensem dixerat.

Nulla etiam pacis foedera amicitiam Carolum inter & Franciscum colligare poterant, cum enim res Caesaris secundo cursu irent, ^{21.} Nova Foederat. ussit Regem invidia, & cladium acceptarum sensus, ut nova bella excoqueret. Nec desit novis foederibus se armare. Et primo quidem Anglum, in quo plus momenti, conciliavit: misso ad eum Bellaio Langæo, qui gratus Henrico, quod perfecisset, ut in Academia Parisiensi aliiisque pluribus matrimonium cum Catharina irritum pronuntiaretur, quod volebat, impetravit. Nam quingenta aureorum millia, a Carolo ipsi promissa, & lilium gemmeum, Henrico Francisci filio, quem sacro de fonte levaverat, dono dedit, & foedus iniiit; quod uterque Rex deinde ad Smalcaldenses socios, id rogantes, extendit, pro defendendis Principum Germanorum juribus.

Pon-

Pontificem etiam conciliandum ratus, nuptias inter Henricum filium, & Catharinam Medicæam celebrandas proponit. Clemens Regiæ affinitatis cupidus, & a Cæsare jam alienior, quod is Ferrariam, Mutinam & Rhegium, quas Pontificiæ ditionis urbes Clemens contendebat, suscepto arbitrio Alphonso Estensi adjudicasset, fœdus cum Francisco iniit, Massiliam usque devexa ætate profectus, ut cum Rege præsentem illud pangeret. Ubi etiam, quod dixi, conjugium celebratum fuit (anno 1533.) Quatuor Galli Cardinales creati. Inter quos Odetus Castilionius, undecennis puer, postea aperte hæreticus.

22.
Tertium Bellum.

Causæ.

Cum ita se muniisset Franciscus, tertio bello aggredi Cæsarem statuit; cujus causa remotior atque perpetua, invidia & amulatio, proxima ac nova triplex, a Sfortia Cæsaris cliente ad mortem damnatus Mervillius, propter tumultum excitatum, & homicidium patratum, primam dabat. Quippe Franciscus apud omnes Christianos Principes de atrocitate facinoris conquestus, violatum jus gentium in Mervillio Legato suo inique occiso. Jamque in bellum pruriebat; cum Carolus III. Dux Sabaudia & Pedemontii ejus avunculus, ad Cæsaris partes traductus, negat transitum in Italiam. En alteram belli causam. Denique mortuus anno 1535. Franciscus Sfortia absque liberis tertiam, eamque præcipuam occasionem dedit. Nam Pontifex & Veneti volebant, ut Ducatus Mediolanensis ad aliquem Italiae Principem devolvatur. Gallus, licet in Madritensi & Cameracensi pace juri in illum renuntiaverit, tamen eum modo liberis suis vendicavit, asserens, non potuisse horum juri derogari. Cæsar eundem sibi vindicavit, non eo tantum titulo, quod a Francisco scriptus fuerit hæres, sed eo maxime, quod cum clientum familia extincto feudali jure, dominium utile cum directo consolidetur, atque ad Imperatorem tanquam supremum dominum transeat, multa quoque ad Pontificem de Rege questus, quod in aula illius versaretur Legatus Solimanni, pactumque cum eo fœdus. Quod equidem, opprobrii pudore, negabant Galli, suspicionem tamen non inanem excutere non poterant. Verum, si illud fœdus tunc confectum non est, postea absolutum fuit. Quod ne ipsi quidem scriptores Galli sinceriores negare audent.

23.
Sabaudus.

Gallus a Sabaudis belli initium fecit; quippe Ludovicæ matris hæreditate adita, deposcebat universam Ducis ditionem, eo quod illa fratrem natu minorem Carolum excluderet. Præterea assererat Rex, Pedemontium, Nicæam, & Villafrancam appendices esse Phocensis Provinciæ. Cum igitur Genevenses prava hæreseos lue

corru-

corrupti, qua vicinorum Bernensium, qua Farelli Delphinatis afflati contagio, Episcopum suum cum sacerdotibus eiecissent, atque Sabaudus eum reducere conaretur, ac urbem, quam suam esse dicebat, obsedisset, Rex cum Bernensibus ad obsidionem solvendam accurrit. Quo pacto Geneva, hæresis propugnaculum, & defensorum asylum, in hodiernum diem potitur præmio sceleris.

Geneva.

Postquam his auspiciis prælusit Franciscus, Ducem primo Sabaudia, dein per Chabotum Admiralium Pedemontio spoliatur, ipsa etiam Taurino capta. Carolus Cæsar ab expeditione Tunetana rediit, omisso Pedemontio, bellum in Phocensem Provinciam, toties jam infelicitate tentatum, transfert. Transmisso igitur Varo, qui Galliam Italiamque interfuit, Antipolim (*Antibe*) Forojulium (*Frejus*) Aquas Sextias subigit, atque Massiliam obsidet. Cum autem Galli ductore supremo Anna Mommorantio, urbes & oppida munissent, & omnem circa regionem, ut hosti inedia facerent, vastassent, morbus exercitum Cæsaris vehementer afflixit, cadente etiam Antonio Leva, ex tenui milite ad summa belli muneris præclaris meritis elusato.

Cedendum igitur non tam hosti, qui in munitis castris se continuerat, quam morborum malignitati, ratus Cæsar, exercitus reliquias in Italiam transtulit, non ausis insequi Gallis, dicente Mommorantio, aureum pontem sternendum hosti fugienti. Cæsar in Italiam delatus Montisferratensem Ducatum, liti obnoxium, Gonzagæ Mantuano Duci adjudicavit, exclusis Sabaudis Duce, & Salussii Marchione.

Trajectum dein in Pedemontio bellum, alternante fortuna, Cæsare in Hispaniam digresso, & Vastio copiis præfecto. In Belgio pariter Mars tonabat ad urbes obsessas, majori aliquando Nassovii & Roëssii, Cæsareorum Ducum, felicitate.

Paulus III. Pontifex omni ope contendebat pacem conciliare, ut arma adversus Turcam convertantur, & concilio celebrando de-Induciæ.^{24.} tur occasio; evicitque tandem, ut Cæsar & Rex Niceam irent: separatim cum singulis ibi egit Pontifex; ut autem in mutuum conspectum venirent, exorare non potuit. Impetravit tamen, ut in decem annos sancirentur induciæ (*anno 1538.*) Sabaudis in exilio relicto. Convenerunt autem postea ad Aquas mortuas inter varias mutæ humanitatis & benevolentiae significationes. Sed nihil actum, quam impositum humano generi, credenti, ex animo instauratam amicitiam.

Cæsar per
Galliam.

Non tamen meram simulationem res ea habuit; nam cum paulo post Gandavenſes Legatos ad Regem mitterent, qui orarent, ut ſe iniquis tributis vexatos in clientelam & tutelam ſuam reciperet. Idem plurimum in Flandria civitatum eſſe votum: ſe Regi urbem ſuam offerre, Franciſcus negabat, quod petebant, eorumque litteras ad Imperatorem miſit. Cui ingenuitati is conſiſus per mediam Galliam in Belgium iter inſtituit, magnifice exceptus conductusque a Rege. (*Anno 1539.*)

Mommerantius.

Cum autem poſt domitos Belgas caſtigatosque, Galli Mediolani promiſſionem impleri peterent, negavit Cæſar, ſe id promiſiſſe. Quare Annas Mommerantius, ob excellentes dotes Regi a puero percharus, atque ab eo ad ſummas dignitates, & ipſum adeo comestiabilis ſeu Aulae Præfeſti ſupremum munus eveſtus, ab aula ejeſtus exulatum abiit, quod auctor antea Regi fuiſſet, ne a Cæſare tranſeunte ſcriptam Mediolani promiſſionem peteret. Nec, dum Rex viſit, receptus amplius in gratiam. Eundem ferme aulae ludum expertus eſt Chabotus Admiralius Franciæ, peculatus damnatus atque exauctoratus; Cardinale Turnonio & Annebaldo ad rerum clavum ſuffectis. (*Anno 1540.*) Chabotus poſtea ſamæ & bonis reſtitutus Duciffæ Stampenſis gratia, quæ Regis amorem & voluntatem in poſteſtate habuit; Poyetus vero Cancellarius, qui Chabotum accuſaverat, falſi convictus artibus ſuis in carcere periit.

25.
Quantum
bellum.

Ortum ſubin anno 1541. quartum Cæſaris cum Rege bellum; nam tertium per inducias Nicæas ſuſpenſum fuerat in decennium, ſed neque in quartum annum illæ conſtare poterant. Cauſæ, præter æmulationem antiquam, maxime fuerunt duæ. Primam obtulit Clivenſis patrociniſm, adverſus Cæſarem a Rege aſſumptum. Quippe Wilhelmus Cliviæ, Juliæ, & Montium Dux, a Carolo Egmondano Geldriæ hæres teſtamento inſtitutus, adverſus Carolum V. eandem ſibi vindicabat, iſto cum Gallo fœdere, qui, ut neſcus eſſet arctior, Joannem Navarræ Regis filiam eidem deſpondit. Quam rem ad gravem ſuam offenſionem pertinere Imperator arbitrabatur.

Altera cauſa Franciſcum impulit, duo videlicet Legati, Cæſar Fregofus Genuenſis, & Antonius Rinco Hiſpanus exul, ab eo ad Solimannum & Venetam Rempublicam miſſi, dum ſecundo Pado deveharentur, a Gualtio, Cæſareo Duce, intercepti atque necati. Exclamare Rex illico, appellare jus gentium, publicæ pacis violatas ſanctiſſimas leges, minari bellum, niſi injuriam Imperator ſarciat.

ciat. Ad ea Cæsar primo, injussu suo, dein jure cæsos respondit, ex Genua & Hispania exules, qui nautarum habitu induti, nihil minus quam legatorum speciem præferrent; imo speculatorum & proditorum instar sese occulerent.

Carolo igitur ex infelici altera expeditione Africana reverso Franciscus bellum indicit, Solimanno vastante Hungariam, & jam Austriæ imminente. In partes Europa tracta. Cæsar Anglum, & Germaniæ Principes Gallo eripuit: hic præter Solimannum, veterem fœderatum, Daniæ & Sueciæ Reges cum Helvetiis ad societatem pellexit. Quasi æmuli in odii supplementum universum orbem evocarent.

Francus in Belgio & Ruscinone bellum (*Anno 1542.*) orditur: missoque Aurelianensi minore filio, & adjuncto, qui regeret illius adolescentiam, Claudio Guisio (Francisci patre) excepta Thionvilla totum Ducatum Lucemburgensem cum urbe principe subigit, promotis etiam in Artesiam & Hannoniam armorum progressibus, captoque Landrecio; quod frustra dein Cæsareani obsederunt.

Non eadem fortuna Gallis in Ruscinonensibus. Obsessum duore Henrico Delphino numeroso exercitu Perpinianum, sed eruptionibus, Albani insidiis, morbis, discordiis, attritis copiis, re infecta discessum.

Spectatæ tunc sunt in mari Gallicæ ad opprobrium gentis classes geminæ, Francica, & Turcica, a Solimanno ex fœdere adversus Cæsarem Regi missæ. Ducebat eam, 110. triremibus, & 50. biremibus constantem, Ænobarbus, famosus ille pirata. Calabriæ ora direpta, Missiliam eandem appulit. Ubi Gallicæ junctæ ad Niciam arcem expugnandam ducitur. Sed eam Paulus Simon, Eques Melitenis, nomine Sabaudi tam strenue defendit, ut ad solvendam obsidionem hostes coegerit; frendente barbaro, & incusante negligentem Gallorum apparatus, ut globos pulveremque sulphureum e suo armamentario peterent, atque arma Turcica illam incurrissent ignominiam, ut nec unum scopulum expugnaverint. Hyeme dein Antipoli & Tolonii consumpta, appetente vere Constantinopolim rediit, stipato in naves ingenti Christianorum captivorum numero, quos in Calabria collegerat. Et hic fuit Barbarici fœderis fructus: sumptus plurimi, jactura famæ & gloriæ, ignominia Christiani nominis, & calamitosissima vincula tot innocentium Christianorum.

26.
Clivenfis.

Imperator interea Clivensem ad extrema adigit, profligatque. Qui amiffa Dura, Julianco, Venlone, Ruremunda &c. uti Gallorum auxilio, ita animo destitutus, ad clementiam Cæsarís confugere coactus est, feque suaque ejusdem arbitrio permittere. Receptus in gratiam ea lege, ut Ducatui Geldriæ, & Francico fœderi renuntiet. Et aliquanto post Ferdinandi filiam in uxorem duxit, matrimonio fœcundo equidem, sed ingentes pariter lites in posterum parituro.

Belgium.

Clivenfi perdomito, atque ad obsequium revocato, victorem exercitum Cæsar in agrum Lucemburgicum ducit, omniaque ferme cum urbe primaria recuperat, cæsaque Brissaci cohorte, Anglum interpellat, ut junctis armis, quod inter se statuerant, simul Lutetiam versus se conferant. Sed illo, dum Imperator integras provincias expugnat, ad unam Bononiam obsessam hærente, Carolus solus, admoto propius ad Parisios exercitu, trepidationem ingentem urbi immisit, adeo quidem, ut cives de fuga una solliciti, urbem patriosque lares turmatim relinquerent.

In Pedemontio.

In Pedemontio tamen Gallis faustius aliquid, aut minus improsperum accidit. Sustentabat eorum ibidem res consilio manumque Bellajus Langæus, uti artium politicarum, ita rei militaris apprime gnarus; de quo Carolum V. dixisse ferunt, eum lingua & calamo plures Regi suo peperisse victorias, quam cæteros Duces armato milite. Huic vita functo Rex Buterium primo suffecit: sed cum is bellum adversus Guastium infelicitè gereret, munimentis pluribus amissis, Aussuno capto, Engviennio Principi cedere munus coactus est.

Hic impetrata a Rege pugnandi copia, ad *Cerisolum* in Subalpinis cum Guastio congregitur. Vehemens erat pugna. In cornu uno Cæsarei vincebant (Enguiennio ad desperationem jam adacto) in altero, quod Helvetii compleverant, Galli, quorum tandem, Guastii fugientis culpa, victoria fuit, sed caro emptæ. Carinianum tamen cum aliis quibusdam Pedemontii urbibus præmium fortunæ fuit (*Anno 1544.*)

Quamvis autem spectata tota belli ratione Cæsar armis esset superior, jamque Meldas usque excurrerat, trepidante cum Lutetia universa Gallia; quia tamen hinc Protestantes in Germania, inde Turcæ in Hungaris erant infesti, ad pacem respiciebat. Hanc promovebant duæ in Gallica aula fœminæ, formæ æmulatione & ambitione

bitione certantes, Stampensis nempe ducissa, Regis Francisci dudum potens, & Diana Pistaviensis, quæ Henrici Delphini amores sibi mancipaverat.

Stampensis ad clavum sedebat hætenus; lividis proin oculis aspectabat æmulam, Delphini favore nixam, ad quem orientem veluti solem, respiciebant Franci. Quare, morbis jam langente & ætate Rege amasio, novum sibi paratura fulcrum, annorum robore duraturum, ad Aurelianensem, alterum Regis filium, se convertit, in vulgus Nobilitati percharum. Utque illum arctius firmiusque sibi adstringeret, per Longavallium clam Cæsari nuntiat, quæ in dies consilium Regium statuerat, rogatque, ut Aurelianensi filiam suam despondeat, Flandriam aut Insuliam in dotem allaturam. Id si faceret, pacem in ejus fore arbitrio.

Flagrans Aurelianensis id votum erat. Ut igitur vafra mulier telam, quam orsa fuerat, pertexeret, explorata Cæsaris mente Re-^{a7.} Pax Crespi- gem Franciscum, sibi alioquin obnoxium, aggreditur; nec diffi- culter pacem persuadet. Hanc anno 1544. Crespiaci sanxerunt Gonzaga & Granvella legati Cæsaris, cum Annebaldo & Baiardo, missis a Rege. Leges autem istæ utrinque placuerunt. Intra biennium Imperator filiam suam Carolo Duci Aurelianensi det in conjugem, cum Belgio, aut neptem ex Ferdinando fratre cum Medolanensi ducatu. Urbes post Nicentes inducias captæ restituantur. Rex in Turcam militem suo sumptu scriberet, aleretque. Ita pax conclusa, gaudente Francia, quod jactura levi periculum ingens redemisset. At ingenti luctu afflicta est anno sequenti per mortem Aurelianensis, extincta cum præcellenti Principe præsentis spe amplissimi matrimonii. Petiit tunc equidem Rex, ut everso fulcro pacis Crespiacæ novum fœdus constituatur, sed aliud responsum legati non retulerunt a Cæsare; quod, nisi provocetur, cum Rege illibatam pacem sit habiturus.

Crespiaca sancita pace Anglus, licet invitatus, bellum in Picardia est profecutus, ignominia plenus, quod nec unam urbem pos-^{Angli.} sit expugnare, Cæsare tam multas occupante. Tandem Bononiam cepit. Pluraque leviora prælia sunt conferta. In quorum uno Franciscus Aumalius, Claudii Guisii filius, lancea in vultu graviter læsus est, ictu valido, intra nasum & oculum accepto, usque ad occiput penetrante. Lethalis erat plaga. Sed provida cæli cura servavit Principem, per quem in Gallia stabit religio.

Terrestribus velitationibus parum proficientibus, mari placuit periculum facere. Instructa utrinque classis. Dum suam Franciscus

N n n 3

lustrat

lustrat, ad ostentandam potentia suae pompam in navi praetoria, totius oceani maxima, pulcherrima, atque validissima, aulicis foeminis epulum instruit: cum ecce! coquorum incuria flammam concipit, pilasque ejaculantibus tormentis (centum erant) in frustra discerpta, misere conflagrat, sparso etiam in naves vicinas incendio & ruina. Sinistro omine navigans dein classis nullum operae pretium tulit, Anglica certamen detrectante.

Tædio denique belli utrinque suborto, exhaustoque ærario, pax coaluit. Conventumque, ut Henricus Bononiam Francisco restituat. Hic vero illi, dum viveret, in pensionem annuam 95000. aureos solvat. Octavo vero post anno ipsi aut hæredi auri vicies centena millia penderentur, tum ob priora debita, necdum persoluta, tum ad refarciendos sumptus præsentis belli. Hoc pretio persoluto finitæ sunt nundinæ (Anno 1546.) Anno sequenti Rex uterque obiit.

Mortuus est itaque Franciscus I. ex ulcere maligno, octennio abhinc a medicis, dum mollius tractant, male curato, regno ad pacem composito, anno 1547. Regni 32. ætat. 53. relictis ex Claudia, Ludovici XII. filia (nam ex Eleonora Caroli V. forore prolem nullam susceperat) duobus duntaxat liberis, Henrico, & Margaretha, Sabaudia Duci postea nupta (nam reliqui ante patrem decesserant.)

Mors.

Fuit haud dubie præclaris animi corporisque dotibus ornatus Princeps, robore animi excelso, inexhausta liberalitate, magnificentiæ regia, clementia facili, religionis in suo regno cultu insigni, & vere magnus, nisi in Carolum V. incidisset. Scriptores Galli ad sydera usque laudibus eum extollunt; multi ex Germanis & Hispanis eum ad ima mergunt. Mei instituti non est, magnorum Principum maculas ostentare. Si quæ sunt, censendus est eas eluisse; dum in extremo morbo immani doloris sensu excosctus, Rambulleti ad proximam mortem christiano ritu se comparavit, & noxis sacramento poenitentia expiatis, fideique professione edita (ad quam omnes inconcusse servandam est adhortatus) sumptoque æternitatis viatico, pietissime decessit.

Nec absona videtur Historici cujusdam observatio, a nemine minus quam a litteratis objiciendos naves Francisco, quorum fautor, æstimator, & cultor fuit eximius. Certe sub eo litteratura, satis ante inculta in Gallia, refluuit, viris undique doctissimis conquisitis, & liberaliter nutritis. Nec minimam ex eo laudem meretur, quod sub finem vitæ, dum Protestantes Germaniæ opem ab eo ad-

ver-

versus Cæsarem flagitarent, eandem negarit; indignissimum ratus, si Rex christianissimus pacem nuper juratam infringeret, ut rebelles Ecclesiæ atque Imperatori suo propugnaret, ignominia Turcici fœderis necdum absterisa.

ARTICULUS III.

Status Galliæ sub Henrico II.

HENRICUS rerum clavo admotus, continuo magnas aulæ mutationes suscepit. Cardinalis Turnonius & Annebaldus amoti, cum Taisio, Villaregio, Bajardo, Biezio, Vallio, & ante omnes Stampensis ejecta, instigante Diana Pictaviensi, Bresæi conjugē; quæ, sicut illa Franciscum patrem, Henricum filium, conjugio pariter illigatum, amoris veluti fascino dementatum possidebat; verfabatque Regem & Regnum pro arbitrio. Quasi vero lex Francorum Salica solas Regias Principes a regno excluderet, propudiosas vero pellices, humili loco natas, formæ privilegio admitteret.

Non male tamen Diana Regno consuluit, quod Principes eos, quos Stampensis aula ejecerat, aut averſo animo persecuta fuerat, restituerit. Revocatus ad pristinam dignitatem Anna Mommorantius, atque ad intimam Regis gratiam admissus, & cum eo Guisfi, Franciscus, & Carolus, Rhemensis tunc Antistes, Cardinalis postea Lotharingus dictus. Santandreas in Mareſcalli munere Annebaldo suffectus. Quatuor viros istos nomino, quia illis conservatam postea religionem debet Gallia.

Rex Henricus lustrata Gallia, Sabaudia, & Pedemontio, geminis nuptiis posteritati providit. Antonio Borbonio Duci Vindocino juncta Joanna Albretana, Regnum Navarræ, & Henricum IV. Franciæ Regem eidem paritura. Franciscus Guisfi Herculis Ferrariensis & Renatæ filia data, innexa Guisiorum stirpe Regio sanguini, jam ante per Renatum Andegavensem in Lotharingos transfuso. Hæc stirps Guisfia cum Historiæ Franciæ utramque impleat paginam, juvat de illa aliqua annotare.

Per virilem stirpem, ordine non interrupto, multis sæculis decurrerat Lotharingiæ ducum series usque ad Carolum I. qui anno 1430. decedens, filiam reliquit Isabellam, nuptam Renato, Duci Andegavensi, ad quem etiam Barrensis ducatus, Mussipontum & Guisfia spectabant. Sed grave bellum Isabellæ movit Antonius Isabellæ patrue.

28.

Aulæ mutatio.

29.

Domus Lotharingica.

patruelis, cui Maria uxor Harcuriam, Aumaliam, & Mayennam attulit. Bellum igitur erat inter cognatas domos de Lotharingæ ducatu. Quod tandem extinctum est, cum Jolantha Renati & Isabella filia nupsit Friderico Valdemontii comiti, Antonii filio, nam hoc pacto utraque Domus rursus coaluit.

Ex matrimonio isto amplissimo natus est Renatus II. qui a patre Friderico accepit Valdemontium, Joanvillam, Meduanam, Aumaliam, & Elbovium; a matre vero Jolantha Lotharingiam, Barrensem ducatum, Mussipontum, Guisam, cum præensione in Neapolim, Siciliam, Ierosolymam, & Arragoniam. Postquam autem potentissimus hic Princeps Renatus a Carolo Audace tota ferme Lotharingia fuerat depulsus, eundem ad Nancejum ope Helvetiorum pugna vicit, & vita exiit. Decedens autem anno 1528. duos filios reliquit, *Antonium* & *Claudium*. Illi attribuit Lotharingiam, Valdemontium comitatum, Barrensem ducatum, & Mussipontanum Marchionatum; postea vero Mercordia in Arvernia per nuptias accessit. Atque is in hodiernam usque diem stemma Lotharingicum propagavit.

Claudius vero, de quo nobis potissimum hic sermo est, a patre Renato in hæreditatem accepit ditiones Gallicas, videlicet Guisam, Aumaliam, Meduanam, Joanvillam, Elbovium, Harcuriam, cum adhærentibus ditionibus. Secessit igitur Claudius in Galliam, atque Burgundiæ Gubernator constitutus, præclaram pace & bello Francisco Regi navavit operam.

Sed multo celebrior in suis fuit liberis, quorum anno 1550. defunctus sex reliquit superstites, nimirum Franciscum Guisæ Ducem; Carolum Rhemensæ Præsulem, qui Cardinalis Lotharingus fuit appellatus; Claudium Aumaliæ Ducem, Ludovicum, quem Cardinalem Guisium dixere; Franciscum magnum Franciæ Priorem; Mariam, Jacobo V. Scotiæ Regi nuptam; & Renatum Elbovium Marchionem, qui Harcuriam nuptiis accepit, & Lilebonam.

Henricus Rex, postquam severis edictis hæresin coercuit, & ^{30.} Bellum Par. duos pagos, in eandem lapsos, exussit, multis ad mortem damnatis, *Bellum Parmense* suscepit, adversus Julium III. Pontificem, & Cæsarem, qui Octavio Farnesio Parmam & Placentiam auferre nitentantur; ille tanquam feudum Ecclesiæ commissum, hic velut appendicem Ducatus Mediolanensis; paratus Julio iacturam in regno Neapolitano resarcire. Oblatis amplioribus in eo ditionibus pro ejus nepotibus. Jamque per Gonzagam Mediolanensem Prætorem Cæsar Carolus genero suo Octavio Placentiam eripuerat, & Parmam obsidebat, Pontifex vero Mirandolam, Ludovico Pico cum nepo-

nepote suo lite colliso, Galliae Regi ceu sequestro commissam, Gallicoque praesidio occupatam.

Ostavius igitur Henrici opem implorat. Quam ille continuo addicit; utque nexus cum Farnesiis esset firmior, Horatius Ostavii frater Dianam, Henrici ex Pictaviensi spuriam, accipit in sponsam. Brissacus igitur, Pedemontii pro Henrico Gubernator, bellum movet; quod tamen nullo majori facinore inclaruit, Gallo milite in arcibus se continente.

Sed ex hac veluti scintilla multo majus belli incendium erupit, Henricum inter & Caesarem, qui illum incusabat, quod Italiae se immisceret, Parmam & Mirandolam praesidio obtineret; Tridentinum Concilium inturbaret; amicitiam cum Turcis aleret: Protestantibus Germaniae foederatos haberet; triremes Caesareas invasisset. Henricus contra querebatur, Flandros naves Regias persecutos: Andelotum Mediolani captum teneri: Mercatores Gallos a Belgis spoliatos: Legatum Francicum a Maria Belgii Gubernatrice in custodiam datum: Mirandolam a Caesareis obsideri.

His querelis, odio veteri, æmulatione, & cupiditate accen-
sis, primus Henricus in bellum ruit, jussis Picardiae, Campaniae at-
que Pedemontii Praetoribus illud inferre; percussoque cum Mauri-
tio Saxone aliisque Protestantibus foedere, tres Imperii civitates,
Tullum, Metas, & Viridunum, ductore Mommorantio, diripit. Sim-
ulpue Rex in Lotharingiam penetrat, & intercepto Nancæio,
totam provinciam ad partes suas traducit, administratione com-
missa Nicolao Comiti Valdemontio Caroli II. Ducis patruo: ipsum
vero Ducem, novem annorum puerum, in Franciam abducit,
cum Delphino instituendum, ceu futurum Regis generum. Ma-
trem vero illius, Caesaris ex sorore neptem, in Flandriam jussit ab-
scedere. (*Anno 1551.*)

Tum vero per Lotharingiam in Alsatiam cum exercitu abiit,
& transitum ab Argentinenensibus petiit. At illi Metensium exemplo
edocti, quanto periculo id genus hospitum admitteretur, nec mi-
nis nec pollicitationibus se flecti sinunt. Quare Gallus Hagenoam
& Viceburgum occupat; cum intelligit, transactione Passaviensi
sancita foederatos Protestantes a societate recedere, Imperii Princi-
pum oratores excipit, rogantes, ne ulterius pergat; jam enim
nullum superesse Germanicae libertatis periculum; propter quod
avertendum contractum sit foedus. Henricus, quamvis vehementer
attonitus, politico responso dato, gaudere se, quod libertate Germaniae
reddita finem expeditionis suae sit affecutus, in Belgium recessit, plu-

ribus urbibus captis, & relictis ubique tristibus transitus sui vestigiis, Maria tamen Cæsaris sorore, Belgii Gubernatrice, quantum tunc poterat, resistente.

31. **Obfidio Me-** Carolus Imperator collecto exercitu Metim obsidet, quam
tenis. Franciscus Guisus propugnabat, præsentibus in urbe ejus fratribus, cum Condæo, Mommorantii comestabilis filiis, & Horatio Farnesio Duce Castriensi, Regis genero. Aumalius autem Guisii frater adversus Albertum Brandenburgicum temere in pugnam ruens, victus, captusque est.

Cæsar obsidionem inchoans centum millia peditum, & viginti equitum sub signis habuisse scribitur: inter quos Albanus Legatus Cæsaris, podagra laborantis, toti exercitui præfectus, Philibertus Emanuel Caroli Sabaudia Ducis filius, Brandenburgus, Holsatus, Avila Hispanorum ductor, Manriques rei tormentariae præfectus cum 7000. fossorum, & 120. majoris molis tormentis. Sed iniquissimum erat anni tempus, November videlicet, quo cæpta oppugnatio, pluviis, nivibus, gelu horrescens, ut morbis, lue, & eruptionibus Gallorum ad 4000. imminuto exercitu, sub initium Januarii 1553. obsidionem solvere coactus sit, magna Guisii gloria.

Sors melior In Belgium delatus, ex quo jam ante Roesius excurrens igne
in Belgio. ferroque vastaverat Picardiam, meliore fortuna usus Cæsar, Tervaniam, amplam munitampue in Artesia civitatem, sed Belgis maxime infestam expugnat, soloque æquat, ut vix rudera illius amplius appareant. Eadem felicitate Heddinum, situ & opere munita urbs, in Cæsaris potestatem redacta, cæsis multis e Gallia Nobilibus, & cum illis Horatio Farnesio Castriensi Duce Henrici Regis genero. Advenerat equidem cum ingenti exercitu Rex Henricus; sed a Cæsare ita circumductus est, ut re nulla acta inglorius in hyberna recesserit, emendante fortuna Metensem cladem.

32. **Bellum Bel-** Sequenti anno 1554. Galli quidem Dinantio aliquot arces ex-
gicum. pugnarunt, & prælio leviori Cæsareanos ad Rentiacum vicerunt; sed ad rei summam parum confectum. Et vices reddiderunt anno 1555. Belgæ in Artesia: exstructis etiam duabus arcibus Carolo-montio ad Mosam, & Philippopoli in Namurcensibus, ad retundendas Gallorum irruptiones.

Neque in Belgio solum decursus Martis campus; maria etiam classibus pressa. Quin per Principem Salernitanum (qui ob Proregis Neapolitani vexationem ad Gallum defecerat) Dragutus (Solimanni Archithalassus post Barbarossam) Constantinopoli cum classe exci-

excitus, Neapolim & Calabriam vastabat: simulque Franco Senas & Corsicam occupandi occasionem fecit.

Senenses, hæstenus liber populus, sub tutela Imperatorum Senense. suo ipsi regimine rempublicam administrabant. Nunc autem Cosmi Florentiæ Ducis suspecta potentia militare præsidium a Cæsare petierunt. Missus Mendoza arce exstructa civem acerbius habet, atque patritios armis exuit. Implorato proin clam Gallorum auxilio, cum Dragutus oram Italiæ legeret, a Mendoza impetrant, ut sibi ad portus suos propugnandos scribendi militis copia fieret. At illi milite introducto, & arce expugnata ac diruta Mendozam cum Hispanis urbe pellunt, Gallosque, a Termæo adductos, recipiunt.

Termæus urbe potitus, cum Hispani ad Dragutum Neapoli & Corsicum. Calabria depellendum essent avvocati, classem Gallicam Turcicæ junctam ad Corsicam applicat, eamque Insulam totam ferme Genuensibus eripit, ut navigantes in Tusciam Francos tuta statione excipiat. Verum postquam Dragutus ex Corsica discessit, Doria Cæsarea & Genuensi classe appulsa, totum ferme regnum pulsus Gallis recuperat, atque Genuensibus restituit.

Bellum vero Senense tractum diutius. Cum enim Cæsar Belgio atque Neapoli defendendæ esset intentus, Cosmum Medicæum Florentiæ Ducem in Senenses Gallosque incitavit. Victus prælio Strossius, nobilis Florentinus, Gallorum ductor, qui cum pluribus aliis Florentinis Medicæorum dominationem non ferentibus, exilium infra libertatem habebant. Obsidione dein a Cosmo cinctæ Senæ, atque fame ad deditionem compulsæ, strenue licet propugnante Monlucio; qui cum Gallis suis, & Florentinis exulibus, & octingentis civibus, quibus libertas charior erat patria, urbe excessit. (Anno 1555.)

Miserant equidem ad Henricum Regem Legatos, qui auxilium peterent. Et urgebant illud Guisii: agi de gloria Franciæ & utilitate. Admissam urbis oppressæ tutelam, Senenses ob unam Galliam miseros incurrissæ odium Imperatoris & Florentini, nihil Regis consiliis opportunius, quam pedem in Tuscia figere, quæ mari adjecta classem exciperet, & media inter Neapolitanos & Insubres, gentem utramque dirimeret, a mutua ope ceu claustro objecto abscessissam. Sed Mommorantius, rapiente in Guisium æmulatione, ad quem Senenses perfugerant, ab eo consilio Regem avertit, & urbis & fidæi jactura.

Meliori aliquanto sorte usi sunt Galli in Pedemontio (cui Brissacus Gubernator fuerat impositus) & Insubria; nam præter alias

urbes, ob Figueroæ (Gonzagæ suffecti) Gubernatoris imperitiam & incuriam, Brissacus Casalim vino sepultam occupat astu, Valentiam vero armis: at Albanus Dux surrogatus Mediolani Prætor cursum stitit. Quàmvis enim Rex ad famam Albani decem millia duobus Aumalio in subsidium mitteret, nihil tamen singulare gestum fuit.

33.
Induciæ.

Tandem anno 1556. cum de pace integra conveniri non posset, quinquennales pactæ sunt induciæ. Quarum lex præcipua, ut quisque in quinquennium possideret, quod tunc obtinebat. Libera essent utrobique commercia, ac fœderati, quos invicem dicerent, pace fruerentur. Captivi mutuo restituerentur. Has inducias Bruxellis coram Cæsare juravit Gaspar Colinius, Blesis coram Rege Lalinus.

Bellum cum
Pontifice.

Verum non alio fine pax ista videtur jurata, quam ut eo turpius mox iterum rumperetur, & in majus bellum exardesceret. Causam, vel saltem occasionem, dederunt, qui minime debuerant, Pauli IV. Pontificis nepotes, inquieti, & ambitiosi homines, qui in aula Romana dominantes patrum capularem senem pro libidine versabant. In Columnenses maxime provectus impetus: quorum amplissimum patrimonium fisco Ecclesiastico addidit. His opem Hispanorum implorantibus, in Hispanos ipsos (Paulo alioquin ab Austriacis averso) versa sunt consilia, & impulsus a nepotibus Paulus in spem regni Neapolitani obtinendi. At cum cupiditas sine Francorum auxilio frustra foret, nepotes, ut eos in desiderii partem atque emolumentum vocarent, rem Henrico proponunt, atque Cardinalem Lotharingum, Guisii fratrem, in mentem suam pertrahunt, ea spe ductum, ut hæc inter bella, Paulo brevi emorituro, Guisius ex Andegavensi Domo oriundus Neapolim avito jure sit obtenturus.

Induciæ ruptæ.

Licet igitur Mommorantius, Guisiorum crescentem potentiam veritus, Henrico persuadere niteretur, ne turbis Pontificem inter & Hispanos exortis se immisceat: juratas modo inducias: nec integrum esse a sanctissima re ista resilire. Obrutos esse calamitatibus populos; nisi respirandi spatium detur, deficientem esse sub onere. Si tamen bellum placeret: cur tam longinquum, incertum, & anceps? in extremam Italiam vires totas Franciæ ablegandas; at quo fulcro? depontano sene, qui spes cum vita statim sit extincturus; inexpertis & ambitiosis nepotibus, in sua solummodo commoda intentis, atque emolumentum ex Francorum prospera & adversa fortuna capturis.

Nihilominus tamen Cardinale perorante, bellum esse iustificum: inducias primum à Cæsare violatas, qui summum Pontificem, communem omnium patrem, per Columnam clientem, & Albanum, Neapolis proregem, vexari sineret: vim repelli. Nulla religione pacis aut sacramento vetari, quin tegendo capiti manum aut brachium quis opponat: Rex in hanc partem inclinatus, accedente præsertim Dianæ, in Guisios propensæ, pondere, bellum decrevit.

Missus igitur Guisius, supremus belli Imperator, post abdicationem Caroli V. anno 1557. rigente bruma per Alpes in Italiam, atque intercepta Valentia, ad Ferrariensem invisens, belli apparatus Guisius in Italiam. tum ab eo accepit, ad expeditionem Neapolitanam, quam animo destinaverat. Sed, postquam Romæ diutius moratus, hosti se colligendi spatium dedit, omnia adversa fuit expertus.

Ferdinandus Toletanus, Dux Albanus, Neapolis Prorex, a Flaminia, quam invaserat, redux, limites regni provide communivit. Octavius Farnesius recepta Placentia Hispanis adhæsit, uti etiam Cosmus Medicæus, postquam ipsi tandem Philippus Rex Senas cesserat. Evanuit etiam spes classis Turcicæ, offenso Solimanno voce superba oratoris Gallici. Baro Gardiæ autem, Archithalassus Galliæ, nihil solus tentare est ausus. Quare, cum nihil supplementi veniret ex Francia, Guisium spe dejectum, animoque hærentem, quid consilii caperet, Henricus post Sanguintinam cladem revocavit, copias in Galliam, ad proprios lares defendendos, deportare iussit, velut unicam post naufragium Franciæ tabulam.

Gallis digressis Pontifex pacem obtinuit. Oppida mutuo restituta. Albano propter invasionem Flaminie data venia, sed tota ira Pauli in Marcum Antonium Columnam, & Ascanium Cornium, ab Hispanis jam desertos, incubuit: diris a Pontifice damnatos. Albano vero Romam ingressio ii honores sunt habiti, quibus Guisius ante receptus fuerat. Ferrariensis quoque pacem ab Hispanis impetravit. Atque hoc pacto pax Italiæ rediit.

Sed vehementior multo belli procella Belgio atque Picardie incubuit. Nam dum Guisius exercitum in Italiam trajicit, Henri-^{34.} In Picardiam. Colygnium, post Annebaldum Franciæ admiralium, in Artesiam, Flandriamque jubet irruere. Is Duaco frustra tentato, direptione & incendiis in limites grassatus, in Picardiam se recipit, conquerentibus Hispanis, violatum jus naturæ & gentium; summa perfidia fractas inducias: prædonum instar Francos irruere, bellumque non indictum inferre innoxiiis, &

fide jurisjurandi securis. Sed Galli in Hispanos culpam rejecerunt: eos primos rupisse inducias: bellum Pontifici intulisse: Artesia praesidia impune grassari, atque in Picardiam excurrere: & quæ sunt ejusmodi.

Pugna ad
Sanquinti-
num.

Philippus Rex, ut injuriam vindicaret, exercitum instruit, eique praefecit Philibertum Sabaudia Ducem, adhucdum Sabaudia & praecipuis Pedemontii urbibus exclusum. Ille copias ad Sanquintinum, munitam admodum in Picardia urbem, obsidendam ducit. 35000. peditum, & 1200. equitum sub signis habebat, ductoribus praecipuis, Arseotio, Mansfeldio, Egmontano, Parlemontio, Hornio &c. quibus accesserunt haud multo post novem Anglorum milia, missa a Maria Regina, quæ hortatu Philippi conjugis pariter Henrico bellum indixerat.

Galli pauciores erant, quippe adhuc destituti Germanis & Helvetiis conductitiis copiis, quæ iis temporibus robur erant Gallici exercitus. Adhæc querelæ jactabantur in Colignium Admirallium, Picardiae Gubernatorem, quod parum solerter urbes, curæ suæ commissas, munierit. Quare a Mommorantio, supremo belli Imperatore, avunculo suo, missus in urbem obsessam, ut eam defendat cum Aneloto fratre.

Cum autem Galli obsidionem niterentur solvere, festo S. Laurentii anno 1557. confertum est ingens prælium, & decumana Gallorum clades secuta, ultra mediam partem exercitu cæso. Ex principibus occubuerunt Enguennius Condæi Frater, Turennius, multique alii. Capti Mommorantius comeftabilis, Dux Mompense-rius, Dux Longavilla, Santandreas Marefcallus, Ludovicus Gonzaga, Ducis Nivernensis gener, Ringravus Germanorum tribunus, comeftabilis filius, cum aliis plerisque ducibus; ex Hispanis vero paucissimi desiderati sunt.

Gallia con-
sternatio.

Certe tanta post eam cladem Gallia erat consternatio, ut Lutetiam facile occupandam fuisse scribatur, si Hispani, prout vincere, ita victoria uti novissent; referuntque, Carolum patrem, cum ei in solitudine sua tanta victoria esset nuntiata, interrogasse, an filius jam sit Parisiis.

Philippus Rex lento motu Gallis se colligendi spatio dato, quarto a pugna die in castra ad Sanquintinum venit, spectatoque spoli-
rum, tormentorum, captivorum, & cæsum numero, haud satis dignum tanta victoria fructum tulit. Sanquintinum vi expugnatum, cæsi Duces, civi parcitum, Colignius captus Andoletus per paludes elapsus. Capto dein Casteleto, Hamo, Novioduno, & Caunio, cur-
sus

us victoriae sistitur, discedentibus Anglis & Germanis, de inaequali praedae distributione adversus Hispanos quiritantibus.

Rex Henricus cladis magnitudine percepta, Termeum ex Pedemontio arcessitum Parisiis praeficit, Guisium ex Italia exercitum jubet reducere. Per Germaniam & Helvetiam ad conducendum militem Duces mittit, numerosam ex tota Gallia, Ecclesiastico etiam ordine contribuyente, pecuniam colligit, atque reparatum exercitum Guisio ducendum tradit.

Ille, ut grandi facinore Galliam dejectam erigat, atque ex-Guisi gesta, spectationem de se conceptam impleat, prima die anni 1558. dum hostis in hybernis esset, magna celeritate ad Caletum copias admovet. Urbs ea munitissima ad extremam Picardiae oram mari appositae, jam ante 220. annos post pugnam Cressiacam ab Eduardo Rege capta, ad hoc usque tempus in Anglorum potestate haeserat. Tanta autem peritiae & virtute Guisius urbi instabat, ut septimo oppugnationis die Angli eandem dederent, ea quidem lege, ut civi atque militi libertatis esset copia, Dunfortius vero Praefectus cum 50. ducibus se captivum traderet: atque commeatus omnis cum armis & tormentis victori cederetur. Guinae dein oppidum munitissimum unius diei spatio captum, atque, quod supervacaneum censeretur, penitus eversum est ac dirutum. Hamesium paulo post occupatum, adventante Guisio, diffugiente Anglorum praesidio. Angli per fretum Caletanum audito machinarum reboantium fragore appulsi fero renavigarunt in patriam. Philippus vero subsidia nulla miserat, infensus Anglis, quod a se discessissent.

Immensam ea res nominis famam, populi que benevolentiam peperit Guisio, ceu Franciae summa in calamitate conservatori, quin etiam glorioso finium propagatori; eaque laude spes suas ad apicem gloriae evekturo, maxime ubi ipsius ex sorore neptis Maria Stuarta, Scotiae Regina, Francisco Delphino fuit nupta, regni corona a Proceribus Scotis sponso oblata, ut proin *Rex Delphinus* diceretur. In ea pompa Guisius Magistri palatii munus obiit, absente in captivitate Mommorantio.

Molestissima acciderant ea Guisiorum incrementa, & apud Regem Delphinumque gratia factioni adversae, quam conflaverant Mom-^{35,} morantius comestabilis, ejusque filii, & ex sorore nepotes, Casti-^{Factiones au-} lionel fratres, Gaspar videlicet Colinius, Franciae admiralus, Andelotus peditatui Praefectus, & Cardinalis Castilionæus; qui Guisiorum crescentem in aula potentiam decrementum suum interpretabantur. Auxit molestiam Andeloti casus; quem, ubi Regi interrogan-
ti, i

ti, quid de Missa sentiret, abominabilem esse respondit, in carcerem duci iussit; mox dignitatem, nam Tribunus erat peditatus totius Franciæ, Monlucio, præclaro bellis viro, tradit.

Mommorantius ægerrime ferens Guisianam in aula factionem crescere, suamque imminui per absentiam, impetrato a Philippo Rege comiteatu, Henricum adiit; frigide primum ab eodem exceptus, propter rem ad Sanquintinum male gestam, adductamque in magnum discrimen Galliam; sed brevi captata benevolentia veteri, se in Regis animum penitus immisit. Utque factionem suam potenti fulcro muniret, se etiam absente valituram, Dianam Pistaviensem, sibi antea semper adversam, & Guisii faventem, conciliavit. Ambitiosa nempe illa, & potens Regis mulier, cum adverteret, Guisios, Reginæ Scotiæ in aula gratiosæ atque potentis favore confisos, non amplius illa, quæ soliti fuerant, deferre sibi obsequia, & alias experiretur, Reginam eandem sibi insensam, ex integro Mommorantio, ejusque factioni se addixit, data nepte sua ad roborandam constantiam ejusdem filio in conjugem. Quibus domesticis Mommorantius se Hispanis restituit; Philippo, perspicacissimo Principe, haud ægre ferente, aulam Gallicam in partes scindi.

Hoc aulæ æstu fervente continuatum est bellum; atque Thionvilla, præcellens ad Mosellam munimentum, Guisio & Nivernensi, æquali potestate ductoribus, est expugnata, magni ad Metim & Lotharingiam universam tuendam momenti. Sed cecidit in oppugnatione *Strossius*, nobilis Florentinus, Italicis palmis inclitus, vir fortissimus & bellicarum rerum peritissimus. Atlo paulo post se deditit.

Jamque Gallorum res, magnopere ante afflictæ, velut ad apicem rursus erigi videbantur, cum subitus turbo, prout belli potentes inter hostes variabilis est incoles, spes magnas rursus prostravit. Termeus Strossio Marefcallus subrogatus, ac jussus in Flandriam, qua ad mare spectat, penetrare, Dunkercum, Bergam, & Mardicum expugnat, omni circum provincia rapinis & incendiis vastata.

Ad miseros subditorum ejulatus excitatus Philippus Rex, Egmondano mandat ulciscendi provinciam. Et ille vir impiger coactis 12000. hominum, præter immensam rusticorum turbam, qui ad vindictam decerpendam accurrerant, ad *Gravelingam* se redeuntibus objicit, atque egregiam victoriam reportat, adjuvantibus Anglis, fortuito prætervectis. Plerique Gallorum cæsi aut capti, cum ducibus omnibus. Quos inter præcipui, Termeus, Annebaldus, & Villebonus, insignis prædo & incendiarius, qui rusticos populan-

Pugna ad
Gravelingam

pulando agros & testa in furorem egerat. Ex militibus captis ducenti in Angliam ducti, totidem rusticis ad ultionem dati. Clades hæc magnam Guisio invidiam peperit, incusantibus æmulis, quod moras nectens Termeo non succurrerit.

Nec melior Gallis belli alea in Pedemontio. Nam Brissacus deficientibus supplementis & stipendiis, amissisque eum ob defectum Helvetiis, urbes complures perdidit, ab Hispanis captas. Nec quidquam profuit classis Turcica, Ligusticum mare oberrans. Nam Genuensibus pecunia redimentibus incursionem Gallorum spes prostrata jacuit. Vocatique rursus Guisii in invidiam, quasi ex æmulatione cum Brissaco subsidia impedissent.

Excurrit etiam classis Belgica juncta Anglicæ in minorem Britanniam, sed in Oceanum reclusa gens nautica a provinciali milite, a Francico littore recessit. Delectibus autem magnis solerter habitis ingens utrinque paratus ad ultteriores dimicationes stabat exercitus; cum optatæ utrinque pacis nomen insonuit, quam Christiernæ, Caroli Lotharingæ Ducis mater, omni industria procurabat. Promovebantque ejus studia Philibertus Sabaudia Dux, Mommorantius & Santandrianus; ille ut ditionem suam, ab utroque Rege occupatam, hi ut libertatem recuperent. Et aliunde comestabilem urebat Guisiorum in aula potentia, per suam absentiam firmata. Remque totam urgebat Diana, rata extincto bello Guisios facile redactum iri in ordinem.

Convenerunt igitur in Cameracensi tractu Legati, Cardinalis Lotharingus, Mommorantius, Santandrianus, ab Henrico designati; Albanus, Gomeſius, Orangius, Granvellanus, a Philippo missi; præter Oratores Angliæ & Sabaudia. Gravissimum obicem Caletum posuit, quod restitutum volebant Angli, nolébunt Galli. Dilata proin pactio; cum magno bonorum luctu obiit ex hydrope Maria, Angliæ Regina, Philippi Regis conjux; quæ mors continuo novam rerum faciem induit, Elisabetha in averſas ab Hispanis vias abeunte.

Conventum nihilominus de pace (Anno 1559.) postquam præcipuæ duæ controversiæ, de Caletio videlicet & Meti fuerant compositæ. Sancitum nempe, ut Henricus intra octo annos Caletum cum Oyo comitatu Anglis restituat; sin minus, quingenta nummorum millia pendat. Tres Lotharingæ urbes, Metis, Tullum, & Viridunum ab Imperio Gallis permissæ. Reliquæ conditiones erant: ut pacta priora sint rata. Exulibus parcatur, exceptis Siculis, Neapolitanis, & Mediolanensibus. Henricus Philippo restituit

Pars VII.

P p p

Thi-

36.
Pax Camera-
censis.

Thionvillam, Marienburgum, Damvillerium, Mommedium, Valentiam in Insulribus omnesque arces ac urbes, quas is cis vel ultra Alpes possidebat; Carolesium insuper comitatum, atque Hesdinditionem: Bovinas & Bullionem Leodiensi Antistiti: Monferratum Mantuano Duci: Corsicam Genuensibus. Philippus vero Henrico reddat Sanquintinum, Hamum, & Castelletum. In Subalpinis Taurinum, Pinarolium, Cherium, Civasium, & Villanovam, pignoris loco Henricus retineat; dum de avitæ successionis jure ab selectis arbitris pronuntietur. Henricus prior fœdus impleat, Isabella ejus filia tredecennis Philippo in conjugem detur: Margaritha Henrici soror Philiberto Sabaudia Duci. Illi 50000. nummorum, huic 300000. in dotem numerentur.

Mors.

Displicuit ea pax Guisio, Brissaco & plerisque Gallis, indignantibus, trecentas propemodum arces pro paucis restituendas. Sed Henricus pacem omnino expetebat, a Diana sua & Mommorantio impulsus: atque a Martis apparatu conversus ad Hymenæi pompam nuptialem lætitiæ diem funestum habuit. Hastilium siquidem cum indixisset certamen, atque in tertium jam diem decurrisset, a Mongomerio comite, ad cursum provocato, ad dextrum supercilium graviter vulneratur, nulla deinceps voce edita, undecima a vulnere die extinctus est, epithalamio in funereum lectum commutato; rerum humanarum magno ludibrio.

Obiit infelix 9 Julii 1559. ætatis 41. regni 12. dotibus corporis erat eximiis, animoque facili ac benigno, nisi ubi religionis cultus agebatur: sed aulicis obnoxius, quorum blandientibus suffris fluctuum instarolvebatur; atque supra omnem modum ad dictus Mommorantio, & quod deterius, Dianæ mulierculæ, tam cæco & obstinato obsequio, ut vulgo creditus sit ab impura fœmina fasciatus.

ARTICULUS IV.

Status Gallia præsertim Ecclesiasticus sub Francisco II.

Henrici luctum consequentium temporum intestina calamitas auxit, quæ quadraginta continuos annos miseram Franciam discerpsit, atque in supremum exitii periculum impulit. Causæ ruinæ gemina, hæresis & ambitio (regnum Erinnyes haud insolita quæ

quæ sub tenera pupillorum ætate religionem & rem omnem publicam eversum ibat.

Reliquerat Henricus ex Catharina Medicæa conjuge, quatuor filios, Franciscum, Carolum, Henricum, omnes successu temporum Franciæ Reges, & Franciscum, Ducem postea Alençonium. Et quidem Franciscus eo nomine secundus annum ætatis decurrebat decimum septimum, cum raptus est pater, adolescens infirma valetudine, & animo impar tantæ moli.

Guisii, Franciscus, Carolus, Ludovicus (uterque Cardinalis) Claudius Dux Aumaliæ, & Renatus Elbovii Marchio Reginae avunculi, tanquam affines proximi, extemplo rerum clavum arripiunt. Et quidem Franciscus Guisius, rebus militia gestis clarissimus, Meti servata, Caletio capto, famam omnium gentium consecutus, doctibusque summis ornatus Princeps, quolibet dignus erat fastigio. Carolus Cardinalis consummatæ vir prudentiæ, & eloquentiæ, consiliis aulam regebat. Reliqui fratres, viri pariter præstantes ad duorum, natu majorum, nutus accedebant.

Regis edicto Catharinæ matri, quæ Guisii se admoverat, supremum in totum regnum defertur imperium, Duci Guisio belli administratio, Carolo Cardinali ærarii custodia; Cardinalis Turnonius, vir integerrimus, Mommorantio odiosus, in aulam arcessitus: Santandreas Marefcallus, filia uni ex Guisii filiis desponsa, arctius illigatus. Diana Picavienfis, regii cubiculi claves, gemmasque iussa tradere, ex aula ejecta.

Gravissime ferebat hanc Guisiorum in aula potentiam adversa factio; quam conflabant Borbonii Principes longa cognatione per Robertum Clarimontanum, S. Ludovici filium, sanguini Regio innexi. Horum quinque tunc erant. Tres nempe ex familia Vindocinensi fratres, Antonius, Carolus, & Ludovicus. Et quidem Antonius, post mortem Henrici Albretani Navarrae Regis soceri sui, uxorio nomine titulum illius Regni gerebat, Princeps militarium magis quam aulicarum artium peritus erat. Carolus Cardinalis Rothomagensis Archi-Episcopus vir simplex & rectus. Ludovicus autem Condæus, tertius fratrum, uti pusillo corpore & infirmis viribus, ita generosi animi, altique spiritus, aptus videbatur, ut factionis caput constituatur. Duo præterea fratres, Ludovicus Dux Mompenserius, & Carolus Rocasurionis Princeps: miti uterque indole, orthodoxæ fidei studiosissimi proximum ab iis, stirpis regni gradum obtinebant.

Augebant factionem, aut potius inquietis consiliis magno ardore præbant, Anna Mommorantius, Comeftabilis ante, seu fupremus aula Præfectus, magnæ authoritatis fenex, qui Guiflorum dominatum non ferens aula excefferat: ac præfertim tres ejus ex forore nepotes, Caftilionæi fratres, videlicet Gaspar Colygnius, Admiralis Franciæ, Odetus Cardinalis, & Andelotus peditatui antea Præfectus. Ex quibus Antonius Navarræ Rex, Condæus, & Caftilionæi fratres Calviniana hærefi erant infecti, magnæque pertinacia eandem protegebant. Omnes proin Hugonoti eorum factioni accedebant; nec cefferunt, Navarrum stimulare, ut tanquam proximus regii sanguinis Princeps, dejectis ab ufurpata administratione Guiflis, Regios pupillos, Regnumque moderetur. Cumque moderatoris eum indolis cernerent, ad Condæum ejus fratrem, vehementioris & acrioris animi Principem converfi, eas flammæ excitarunt, quibus Gallia ferme omnis deflagavit.

Quoniam autem ab hærefi, funefta illa Regnorum face, tanta calamitatum procella fuerat profecta, vocata in auxilium ambitione, quæ fola Borbonios Principes, ut Hugonotorum favore adverfus Guiflos potiantur, in præceps rapuit, operæ pretium fuerit, a prima origine mali cauſam arceſſere.

38.
Cauſa malorum hærefis.

Lutherus, ut everſa Chriſti Eccleſia, novum indigeſtumque religionis inaudita chaos orbi obtruderet, non contentus infeſciſſe Boreales plagas, magnamque partem Germaniæ; in Gallias etiam lucem diffudit: miſſis eo viris aliquot, Grammatica, linguis, & profana litteratura eruditis: qui aureo velut poculo venenum porrigerent: Rege etiam Francisco I. litteris, fucata pietate, officio, & obſequio plenè, pertentato.

Nec ſpes feſellit deceptores. Complures enim exteri, hac politiſſimæ doctri-næ larva teſti tacite ſe inſinuabant, & ſenſim virus inſtilabant, Meldeni præfertim decepto antiſtite, Guilielmo Briſſoneto, ut adeo morbus ante in viſcera graſſaretur, quam adverti poterat; inductis haud paucis, quibus ſacerdotum mores offenſioni erant. Et vero iis temporibus Præſulum atque ſacerdotum tam vita ſcandalo, quam ignorantia fuit contemptui, ut ſale inſipido, & luce extincta, cæteros caligo involveret, ac putredo corrumpere.

Nec parum hoc malum promovit Margaritha Valeſia, Regis Franciſci I. ſoror, Henrico Albretano Navarræ Regi nupta; quæ a Jacobo Fabro & Gerardo Ruſſelio (*Ruſſum* alii appellant) ſeduc-ta Novatoribus plurimum favebat; decima velut Muſa ab iis culta. Unde apud regem fratrem effecit, ut Coquium, Zwinglianos de Sa-

Lutherani.

cra-

cramento altaris errores prædicantem, audiret, & Melanchtonem ad restaurandam litteraturam, & Ecclesiæ disciplinam accerferet: verum a Turnonio Cardinale, viro cordatissimo, de periculo atque insidiis monitus, illum ad retractationem aegit, hunc vero regno prohibuit, atque ut toti Galliæ demonstraret suam in avita religione constantiam, insigni ad cultum celebritate SS. Eucharistiam per urbem Parisinam circumferri, Novatores vero igne exuri præcepit; reducta etiam ad veritatem catholicam forore Navarræ Regina cum ejus conjuge Henrico. Nec deinceps persequi cessavit sectarios; quorum aliqui in Germaniam, alii Genevam aufugerunt: alii flammis absumpti: quos sectarii velut martyres prædicant. Verum non tam mors quam causa mortis facit martyres. Alias etiam Servetus & Gentilis, a Calvinistis propter religionem exusti, forent Martyres.

Genevæ eo tempore circa annum videlicet 1535. sacra & profana omnia miscebantur. Nam parte civium, rei catholicæ & Sabaudia Duci tanquam Domino suo faventium, ope fœderatorum Bernensium, urbe depulsa, dominabatur pars altera; a Farello, Meldis profugo, & Vireto, atque ab ipsis Bernatibus in hæresin præcipitata, deferente tot inter turbas & vis armatas urbem Episcopo, ac Duci Sabaudia se adjungente.

Catholicis urbe jam pulsus venerat Genevam Joannes Calvinus, Novioduni in Picardia natus anno 1509. ex Gerardo Chauvino Notario: studiisque primis eruditus, a quodam affine suo duo sacerdotia impetravit. Carolus ejus frater, cum moriens SS. Eucharistia pasci recusasset, bestia instar sub patibulo sepultus est. Joannes vero, juventute jam prima malis moribus corrupta, absoluta Parisiis Philosophia, Aureliæ & Biturigibus Jurisprudentiæ studuit sub Andrea Alciato: ubi a Melchiore Volmaro (ad docendas græcas litteras a Regina Navarræ ex Germania accito) hæresi imbutus est. Theologiam nunquam didicit: unde tot illius in altissimis Religionis mysteriis errores absurdissimi, & rudissimi ignorantia partus.

39.
Calvinus.

Ut vero etiam documentum daret, qua virtute morumque probitate a juventute esset, duobus Beneficiis Ecclesiasticis Novioduni pro pecunia venditis, Parisios reversus est; per plures inde civitates vagus, ob infandum sodomia crimine stigmatem notatus Gallia excessit, ac Basileæ suas *Institutiones*, opus immensæ impietatis & maledicentiæ, in linguam Gallicam traduxit, ac Francisco Regi dedicare præsumpsit.

Inde excurrit Ferrariam ad *Renatam* Ludovici XII. filiam, Herculi Ferraria Duci nuptam; quæ ob paternas cum Julio II. collisiones

alioquin odio in sedem Apostolicam flagrans, hæresin alte inhibitam tota vita retinuit, refugium commune erronum, dum viveret in Italia; & dum post mortem mariti in Galliam rediisset, Hugonotorum.

Institutiones. Calvinus coram illa aliquoties concionatus, metu *Inquisitionis* Genevam profugit, ubi a Farello persuasus Theologiam docuit, quam, ut dixi, nunquam didicit. Verum cum Bernensium disciplinæ, Genevæ receptæ, se nollet subicere, velut publicæ tranquillitatis perturbator cum Farello proscriptus, Argentinam ad Bucero abiit. Cumque ibidem *Institutionem* suam *Christianam*, sæpius mutatam, rursus ad incudem revocasset, ducta uxore ejusdam Anabaptistæ vidua, cum Bucero ad congressum Wormatiensem ac Ratisbonensem abiit. Ubi non dubitavit, se pro Lutherano gerere, licet in præcipuis fidei articulis dissentiret.

Cum autem anno 1541. amica Calvino factio Genevæ prævaleret, regressus illuc Calvinismus stabilivit, in plures deinceps provincias disseminatum: quamvis quælibet natio, imo quodvis fere caput suo illum genio adaptasset; ut fieri consuevit apud Philosophos, quolibet ferme ingenio pro sentiendi libidine novum sibi systema procudente.

Doctrina im-
p. 2. Hoc Calvinus pariter Novatorum more attentavit; licet enim multa ex hæreticis a veteri Ecclesia jam damnatis, uti etiam ex recentioribus, ut Luthero, Zwinglio, Oecolampadio, Melanchtone, Bucero in congeriem suæ Institutionis intulisset, tamen, ut novæ sectæ dux haberetur, multos errores suo ingenio procusos adjecit: velut: Filium divinum non continuo generari a Patre; Christum in cruce de salute sua formidasse; majorem hominum partem a Deo creatam ea intentione ac fine, ut damnentur, ideoque damnari, quia eorum damnatio ante omnem prævisionem peccatorum decreta est; fidem & gratiam nunquam posse amitti; fidem semper debere commisceri cum dubitatione & incredulitate; opera etiam sanctissima meras esse sordes; Christi corpus non tantum in signo sed vere esse præsens in sacramento, nihilominus tamen, quantum cælum a terra, distare a sacramento. In quo non tantum Catholicis, Lutheranis, & Zwinglianis contradicit, sed etiam sibi ipsi.

Quamvis autem hæc aliaque Calvinianæ doctrinæ monstra horrore percellere quemvis christianum animum merito debeant, multos tamen prurientes ad novitates amafios nacti sunt. Quo factum, ut Calvinus velut oraculum non tantum Genevam haberet ab obsequio

sequio, sed etiam ex pestilenti sua cathedra quaqua versum, præfertim per Gallias, tum scriptis tum emissariis circulatoribus luem exitialem spargeret.

Quapropter, licet Franciscus I. excisa Waldensium sæce, quæ In Galliam ex Pedemontio in Provinciæ fines proserpserat, severissimis edictis, gravibusque suppliciis in hæreticos omnes animadverteret, & Henricus II. eadem edicta ac pœnas non tantum innovaret, sed etiam asperaret, impediri tamen non potuit, quo minus levis complurium Gallorum indoles in novitates prosiliens, psalmos, a Maroto Calvinista in linguam Gallicam perversè atque infideliter traductos, publice decantaret, horrescentibus ad inconditum, inauspicatumque melos auribus Catholicis.

Cum tamen Calvinistæ in Gallia sub Henrico II. res suas minus florere cernerent, ad deducendam in Brasiliam coloniam animum intenderunt; ut, cum in veteri orbe non satis possent, in novo felicius christianas mentes perverterent. Favit expeditioni ^{Brasiliam.} Gaspar Colygnius, admiralus, ut vocant, jam tum Calvinianum stomachum catholico nomine obtegens. At votis eventus defuit. Nam Calvinistæ, Richero Genevensi ministro comitante, in Brasiliam appulsi adeo in doctrina & ritibus inter se discordes erant, ut Durando eorum duce ad Catholica sacra reverso, in Galliam re-
duces Catholicorum risu sint excepti.

Sicut autem hoc pacto consilia Colygnii sunt frustrata, ita Andeloti ejus fratris, quem Rex peditatui præfecerat, insignis protervia est coercita. Cum enim, quod memini, Rex Henricus ex eo quæ ^{Andelotus.} reret, quid de Missa sentiat, impie respondit, abominandum esse hominum inventum. At vocem abominandam luit carcere: periturus, nisi Mommorantius avunculus & Diana Pictaviensis eum servassent. Non tamen ante ex carcere fuit dimissus, quam Missam coram se celebrari curaverat.

Confesto bello Hispanico, quo fervente hæresis aucta est, Henricus ad eam extirpandam mentem rursus convertit. At subito morte abreptus est, in nuptiali certamine ludicro, (quod dixi) hasta læsus a Mongomero comite.

Tum vero triumphabat impietas, despecta tenera pupillorum ætate, & lexu matris viduæ. Manuali sclopo trajectus in via pu-^{46.} Inflorescit. blica Mynardus rei monetariæ præfectus, fidei studio eximius: Proceribus Catholicis, ipsique adeo aulæ intentatæ ab Hugonotis minæ, ni carceribus emitterentur ipsorum contribules, liberumque sectæ relinquerent spatium, Hæc tamen adeo non terruere Judices, ut
An.

Burgus.

Annam Burgum, Parisinum senatorem, quem Henricus propter hæresin carceri addixerat, capitis condemnarent, atque ultimum de eo fumerent supplicium. Ipsa etiam aulæ edicta adversus hæreticos acuit, omnique severitate executioni dari voluit.

Guiforum
zelus.

Tanta religionis cura debebatur Guisii fratribus, præsertim duci Francisco & Carolo Cardinali; qui, cum Regina, Mariæ Stuartæ, essent avunculi, omnia apud Franciscum II. Regem poterant. Sed hæc ipsa eorum in aula potentia, & asperitas in hæreticos, aulam omnemque Galliam in partes scidit. Cum enim, quod antea memoravi, Principes Regii Sanguinis Borbonii, Antonius videlicet Rex Navarrae, & Ludovicus Condæus ejus frater, cum Colygniis, Gaspere classium Præfesto, & Andoleto, supremo peditatus tribuno, hæresi omnes imbuti, Guisios in aula dominantes ferre non

Ambosiana
conspiratio.

possent, famosa illa *Ambosiana* in Guisios regemque conspiratio, a Renaudio suscepta, ut Guisios, Regemque ipsum caperent. At feliciter detecta atque elisa. Sumptum de reis supplicium: Condæus datus in carcerem: disjecta in præfens Hugonotorum cruenta confilia,

ARTICULUS V.

Status Galliae sub Carolo IX.

41.
Catharina
pseudopoliti-
ca.

AT mox atrocius infremuit hæresis, altero regni anno immaturo fato abrepto Rege Francisco. Tum enim in Scotiam, hoc est, calamitatum abyssum, remissa Regina: a rerum clavo rejecti Guisii; Condæus libertati datus a Catharina. Borbonii Colygniique cumque iis hæresis in altum eveستا. Catharina Medicæa tutelam equidem decennis filii Caroli IX. ad se traxerat: sed ambitioni suæ magis quam regno aut religioni regnare visa. Nam factiones aulæ studiose nutrit; ut alteram alterius ope in officio contineret, & utriusque oculi ad se respicerent.

Verum arte ista politica & regnum & religionem, quin & se ipsam in præsentissimum discrimen adduxit. Cum enim ita foveret Guisios, ut Hugonotorum principes haberet ab arcanis consiliis, eorumque arbitrato multa ageret, eveستا etiam ad Cancellarii munus Hospitalio Calvinista, adeo viribus increvit hæresis, ut regnum totum subrutura videretur: regina aperte eidem favente, & ad cultum impium prope adducta, Gallia jam ante minitata convocare Natio-

Nationale Concilium, effecit equidem, ut Tridentina synodus reas-
 sumeretur. At cum esset congregata, neminem Regina, religionis
 studio torpente, ad illam misit; sed colloquium *Possiacense* coram
 se & Rege filio haberi voluit. Acciti ad illud Religionis utriusque
 Doctores, ex Catholicis quidem Cardinales Galli Turnonius, Castil-
 lionius, Lotharingus, Armaniacus, Guisus, & Borbonius, cum Clau-
 dio Espencæo & Sanctesio: ex Calvinistis vero comparuerunt Beza,
 Marloratus, Petrus Martyr, Joannes Malo, Joannes Spina, singuli
 ex ovili Ecclesiæ transfugæ, facti rapaces lupi, suis quisque insignes
 flagitiis, atque factionis capita.

Aderat etiam præsens Jacobus Laynius Societatis Jesu Genera-
 lis Præpositus, ex voluntate Pontificis Hippolytum Estensem, Car-
 dinalem Ferrariensem, ad colloquium illud comitatus. Gravi is
 oratione demonstravit, controversiam illam fidei ejusque judicium
 ad Episcopos sedemque Apostolicam pertinere. Incongruum & ab
 Ecclesiæ usu alienum esse, neglecto generali Concilio, quod etiam
 Galliæ voluntate esset reassumptum Tridenti, & in quo omnia, quæ
 cum Lutheranis & Calvinistis essent controversa, ad usitatam Eccle-
 siæ normam eo tempore examinentur ac decidentur, ad particulares
 & privatos cœtus dilabi: expectare & magnopere exoptare sum-
 mum sacrorum Antistitem, ac synodum Tridentinam, ut Gallia ab-
 ruptis privatis ejusmodi congressibus, Prælatos suos eo mittat, in
 publica illa orbis luce cum reliquis christianis Nationibus in com-
 mune consulturos, & Ecclesiæ etiam Gallicanæ provisuros. Tum
 vero Petri Martyris argumenta de SS. Eucharistiæ Mysterio docte
 ac solide Laynius confutavit.

Displicuit Reginæ ejus oratio ea parte, qua colloquium illud
 improbavit, totamque de fide controversiam ad concilium Triden-
 tinum remitti voluit. Eum tamen fructum tulit, ut nec Rex nec
 Regina illi amplius disceptationi interessent.

Pro Hugonotis dixerat Beza potissimum, de Ecclesia & Sacra-
 mento Cœnæ, cui ita responderunt Cardinales Turnonius & Lotha-
 ringus, cum Espencæo, ut catholica veritas, solidissimis sacra scrip-
 turæ nixa oraculis, facile ab omnibus potuisset perspicui, nisi hære-
 tica pertinacia voluntatem penitus obdurasset, & glaucoma adeo
 crassum obduxisset oculis, ut pleno in meridie cæcutirent, atque
 ferociiores omnia per vim agerent.

Cum igitur re catholica a Regina prodita, omnibusque in pe-
 jus labentibus, Anna Mommorantius, vir prisce moris ac Religio-
 nis

nis Catholicæ amantissimus, cerneret, hæresin passim dominari, suffultam Reginæ conniventia, Borboniorum atque Coliniurum patrocinio, utrosque utut amicissimos deferendos putavit, ineundumque sepelita domus utriusque æmulatione, cum Guisio, a quo semper antea sua eum consilia animusque sejunxerant, & Santandreano fœdus, ad vindicandam in Gallia avitam religionem. Acerbe Hugonotos, præsertim Colinos, admiralium & Andelotum, Mommorantii ex sorore nepotes, hoc fœdus habuit: quod per contemptum *Triumviratum* dixere. At hoc triumviratu religio stetit in Gallia.

Cum enim Catharina abolitis edictis pristinis, postulante interminas Gaspere Colinio, omnem prope Hugonotis libertatem permitteret, iisque jam publice etiam in ipsis Lutetiæ suburbiis armata vi furerent ac cœnam Calvinianam instruerent, passimque templa profanarent, tres isti heroes aula excefferunt, iisque passim adhæresere Catholici, non tantum plebeji, sed præcipua nobilitate, rebusque gestis clarissimi viri, Guisii fratres, Monpensierius, Nivernensis, Nemursius, Montlucius, Brissacus, ejusque frater Cossæus Marefcalli, Martigujus, Jojosa, cum Mommorantii comestabilis filiis, Marefcallo, ac Damvilla. Et quod bonorum gaudium maxime auxit, Antonius Rex Navarræ, Henrici IV. parens, primus post Henricum Valesium & Alensonium regii sanguinis Princeps ad Catholica sacra rediit, ac deserto fratre Condæo Coliniisque triumviratui se conjunxit. Simulque Regem Carolum, invita licet Catharina, Condæo ereptum, Parisios secum abduxerunt, applaudente urbe Catholica.

Primum bellum.

At tremens Condæus cum Coliniis, accitis ex Germania Angliæque copiis, cum Hugonotis ad arma convolat, ut regem, (sic agebat) a triumvirorum tyrannide liberet, re ipsa ut hæresin ac potentiam suam devictis Catholicæ fidei propugnatoribus stabiliat. Igitur Regem suum regnumque gravissimo bello adorti, Aureliam, Rothomagum, Lugdunum, Pictavium, Andegavum, Turones, Bituriges, aliasque urbes regni primarias occupant, eaque in templa, aras, sepulchra, sacerdotes, & Catholicos universim omnes edunt inauditæ crudelitatis, nefandorum scelerum, furorisque exempla, ad quæ Turcæ omnisque barbaries inhorrescant. Sed quos alios ex novo illo sanguine Evangelio fructus exspectes?

Navarrimors.

Catholici, ut Hugonotos ex urbibus, quas subito impetu ceperant, expellerent, collecto sub regis auspiciis exercitu, primo Rothomagum obsident, expugnantque; at jactura Navarræ Regis, qui lethaliter vulneratus Helvetiorum humeris in urbem portatus

glo-

gloriosa morte defunctus est anno 1562. Litarunt victores funeri regio Marlorati apostatæ suspendio, ignobili tantis manibus victima.

Commissa paulo post *Drocensis* pugna. In qua captus dux utriusque exercitus, hinc Condæus, inde Mommorantius. Cumque hæc *Drocensis* retici jam triumphum canerent, invicta Helvetorum virtus & *Francia* pugna. cisci Guisii ars militaris plenam reportarunt victoriam: capto tamen etiam Santandreano triumviro, & perfide interempto. Majori fide & humanitate in Condæum captum usus Guisius, eadem mensa & lecto excipiente, quos contraria studia perpetuo disjunxerant.

At parum apud Heterodoxos valere tam insignia humanitatis *Cades* Officia Francisci Guisii, sequenti anno, dum Aureliam obsideret, a *Pol-* troto sclopo manuali ex insidiis perfide interempti. Interceptus parricida fassus est, instigantibus Gaspare Colinio & Theodoro Beza, qui ea in urbe tunc fuerat, patratum facinus. Dux accepto vulnere ex latrone ad se adducto quæsit, num aliquam in se offensam vindicare voluerit; respondit, se nulla ab eo affectum injuria, sed religionis suæ zelo id consilii suscepisse. *Bene est*, reposuit Dux, *tua religio te docet illum ex insidiis occidere, qui te nunquam offendit: & mea religio juxta Evangelium tibi præcipit, veniam tibi tanquam inimico impertiri: vide, utra sit melior.* Obiit autem, ut vixerat, pientissime heros ævi sui incomparabilis, ac vere christianus, defensis Metis, recepto Caletto, restituta post Sanquentinam pugnam, re Francica, *Drocensis* victoria aliisque palmis, &, quod omnia superat, sustentata in Gallia religione Catholica, toto orbe celeberrimus, atque ingens Lotharingicæ stirpis gloria; quæ tot ferme invictos heroes, quot Principes numerat. Reliquit Franciscus tres filios, Henricum Guisii, Carolum Majennæ Ducem, & Ludovicum postmodum Cardinalem, famosa in Historia Franciæ nomina, atque defensa Majorum exemplo Religione in paucis inclita.

Post eadem Guisii, quam præcones Calvinicolæ editis libellis *Prima pag.* ac laudibus celebrarunt, Regina Condæum, quem ex *Drocensi* pugna captivum detinebat, ad pacem ineundam sollicitat. Coaluit illa quidem, sed nec firma, nec digna victoribus: sanctior ineunda, si Guisius viveret. Urbes regi restitui jussæ: permissum nobilibus privatum religionis Calvinianæ in ædibus suis exercitium: in qualibet Provincia in suburbio unius civitatis (Parisiensi excepta) concessum templum Hugonotis. Exteri regno exesse jussi.

Displacuit ea pax Regibus per Europam Catholicis, ac præsertim summo Pontifici. Quem ut ad alias curas Regina Catharina Concilium

Trid.

averteret, per legatum suum, quem cum Cardinale Lotharingo alii-
que Galliæ Prælati ad Concilium Tridentinum dimiserat, non tan-
tum plures molestias circa sedis prærogativam aliaque facessiverat
sed etiam institit, ut in alium aptiorem locum transferretur synodus,
in quo etiam Protestantes Galliæ commodius comparere possint.
Pluraque circa privilegia & immunitates tum regni tum Ecclesiæ
Gallicanæ jactaverat.

Sententia in
Episcopos.

Quæ sane causa fuit, ut Papa Pius IV. publicarit tandem sen-
tentiam, quæ in tribunali Inquisitionis Romano lata fuerat in octonos
Episcopos Galliæ, de hæresi accusatos, inter quos Joannes Monlu-
cus Episcopus Valentini, a quo protestationes illas ac tricas Reginæ
inspiratas esse crediderat, ac præsertim in Cardinalem Castilionium,
qui a fratribus suis Coliniis Gaspare, & Francisco Andeloto sedu-
ctus, atque in hæresin pertractus, tanquam hæreticus a Pontifice
Cardinalatu reliquisque dignitatibus privatus fuerat.

Castilionius.

At ille his auditis, purpuram, quam jam ante deposuerat, cum
Episcopi titulo resumpsit, locumque inter Cardinales occupavit in
Rothomagensi senatu (in quo Carolus IX. anno 14. ætatis nec-
dum expleto, majorennis est declaratus) & ut Ecclesiam turpius
sperneret, palam se uxorum professus est.

Joanna.

Citata etiam est ad dicendam Romæ causam Joanna Albretana
Navarræ Regina ac mater Henrici IV. propter hæresin, quam ma-
gnopere protegebat. Propter quas causas Galli privilegia sua & im-
munitates oggerebant: conquesti etiam, per decreta Reformatio-
nis, a Concilio Tridentino lata, easdem læsas. At Rex Carolus,
misso ad Pontificem legato professus est, paratum se esse ad de-
fendenda Ecclesiæ jura. Ac Carolus Molinæum Jurisconsultum
famosum, hominem hæreticum, propter librum pestiferum, quem
Consilium de non recipiendo Concilio Tridentino inscripsit, per sena-
tum Parisinum in carcerem dari mandavit. Proscriptus tunc etiam
ab Ecclesia, & inter libros prohibitos primæ classis relatus, libellus
Georgii Cassandri Brugensis Belgæ *de officio viri boni in hoc Ecclesiæ
dissidio*; neque Catholicis neque A Catholicis probatus, in indiffe-
rentismum quendam declinans. In eundem atque in Jurisconsultum
Balduinum, quem authorem illius esse primo putabat, acerbè

Cassander.

Mors Calvi-
ni.

invectus est Calvinus, anno 1564. Genève mortuus horrendos
inter ejulatus, dejectiones ac invocationes dæmonis, cujus mox
præda esset futurus: id elogium vel a Bucero amico promeritus,
ut rabidum canem appellaret. Caliphum Genève successorem ha-
buit

buit Theodorum Bezam, dignum didascale discipulum, incendio-
rum per Galliam fomitem.

Interea Catharina Regina caso jam Antonio Navarrao, Gui-
sio, & Santandreano, nihil amplius gubernationi suæ timens a Ca-
tholicis, iniquiore oculo respicere visa est Condæum, & Castilionios
fratres, reliquosque universim Hugonotos. Cumque filium regem
per regni provincias circumduceret, miserausta busta, ruinas & ca-
lamitates, a sectariis illatas, oculis objiceret, lachrymas juxta
iramque regis prolucit.

Quare Condæus, ut male sibi conscia est semper hæresis, cum
Admiratio Colinio, malorum fonte, rebus suis diffidens, fœdera, ^{44.}Secundum
nescio quæ, cum Hispano contra se suosque affectas inita suspicatus, bellum.
evocatis rursus exteris copiis, & Hugonotis suis ad arma concita-
tis, pacem frangit, bellumque alterum civile adversus patriam suam
regemque instaurat, non sine insidiis dolo plenis, in Regem Meldis
degentem, ut eum interciperet, adornatis; at feliciter superatis.
Nam cum rex media nocte Parisios properaret, invasus in via a
Condæo, Mommorantii cura ac Helvetorum, qui Piffero duce in
quadratum agmen distributi, regiam familiam in medium recepe-
rant, fidei fortique auxilio Hugonotis eripitur, agnus lupis. Rex ereptus.

Hunc cum elapsus cernerent, ipsi Lutetiæ exercitum admovent,
eamque cum rege obsident, Condæo rege salutato. Mommorantius
igitur cum regis copiis urbe egressus, ad *S. Dionysium pugnam* con-
ferit, refertque victoriam, hostibus cruentam & sibi: nam lethali. ^{Pugna.}
ter vulneratus paulo post magnam animam Deo reddidit jam octoge-
narius.

Glorioso hoc facto occubuit alter velut Epaminondas inter de-
cora vulnera, pro DEO, religione, rege, patria, magnus ille An-
nas Mommorantius, ex vetustissima Galliæ stirpe, aulæ ac rei mili-
taris Præfectus supremus, sub quinque jam Regibus expeditionum Mommoran-
prope omnium aut comes aut dux, triumvirorum ultimus, maximæ-tii mors.
que per Galliam pace belloque authoritatis (quamvis pacis artibus,
quam belli fortuna felicior) Guisio is ante ob eorum in aula re-
gnoque potentiam infensior, Borboniis Principibus Coliniisque nepo-
tibus suis adhæserat. At cum religionem avitam everti cerneret,
sepositis humanis rationibus, Guisio meliorique causæ se applicuit,
jurata in religionis defensionem fide, quam nunquam fefellit; ere-
ctaue hoc transitu suo Catholicorum fiducia ac spe, quam prolixè
implevit; alter religionis conservator, & orthodoxorum pater. Fu-
nus ejus regio honore elatum Parisiis.

Casimirus.

Hugonoti, licet ipsi etiam victoriam sibi vindicarent, post pugnam in Campaniam versi, recepturi octo equitum millia, tripeditum, quæ Casimirus Palatinus auxilio iis adduxerat. Tum vero direptis urbibus, vastatis provinciis, & ex sectæ indole contaminatis sacris, Rupellam in provincia Pictaviensi urbem munitissimam, proditione recipiunt, futuram deinceps perduellionis munimentum, hæresis asyllum, & scelerum caput.

Rupella.

Exultans hac præda Hugonotorum exercitus Carnutum obsidet. Cum Regina pacem obtulit, concessa rebellibus religionis ac pereun-
 Secunda pax non servata. di libertate, restitutis regi urbibus, perfolutis ab eo stipendiis Germano militi, eoque in patriam remisso.

Inierunt quidem conditiones istas hæretici, sed non servarunt: pluribus urbibus retentis, Rupella quoque Prætorem a Rege missum excluderat. Quin urbes passim qua vi qua proditione diripiebantur, eaque in catholicos præsertim sacerdotes, exercita infandæ crudelitatis flagitia, quæ gentilium tyrannorum mansuetudinem ac modestiam laudarent.

45.
Tertium bellum.

En tertii cum Hugonotis belli originem. Henricus Valesius Regis frater post Mommorantium dictus belli Præfectus; exautoratus Hospitalius cancellarius calvinista. Odetus Castilionæus, antea Cardinalis, Coliniorem frater, cum pellice in Angliam evadens, ut Elisabetham in Regem concitaret; Selymus etiam Turca sollicitatus ab hæreticis.

Pugna Jarnacensis.

Anno 1569. Henricus Valesius Dux Andegavensis, comitibus Henrico Guisio, Francisci perempti filio, & Brissaco, ad Jarnacum ingenti prælio vicit Hugonotos, cæso eorum capite, Ludovico Condæo, bono milite, sed malo christiano. Dispersi exercitus reliquias collegit, duxitque sub juvenum Principum Navarri & Condæi auspiciis Gaspar Colinius. Frater vero ejus Andelotus paulo post impiam animam expuit, sacrilegus templorum prædo & incendiarius, tortor immanis sacerdotum, ex quorum resectis auribus torquem collo appensam gestare consueverat.

Cæsi Hugonoti.

Advenere tunc Hugonotis cæsis auxilio Dux Bipontinus, Princeps Arausicanus & Comites Nassovii, Regiis vero Pontificii. His auctus copiis uterque exercitus congressus in Pictonibus, Hugonotico adeo cæso, ut sola nox intercederet, ne omnino deleteretur. At quatriduo tantum dilata ulterior cædes. Nam ad Monconjurium decretoria pugna hæretici ad internecionem ferme cæsi sunt: deletumque fuisset haud dubie perduelle Hugonotorum imperium, si Catho-

Conturniana.

ici, uti vincere, ita victoria uti novissent. Dum enim prosequi fugientes oportuisset, ne ullo loco tuti potuissent consistere, lenta Angulij obsidione spatium respirandi, seque colligendi augendique hostibus dedere: ut adeo hi cum prædone exercitu varias provincias rapinis, caedibus ac furoribus suis implerent, trucidatis etiam barbara immunitate per Soriam piratam cum Azevedio quadraginta Societatis Jesu hominibus, cum in Brasiliam tenderent.

Pax tandem, ab Hugonotis toties jam rupta, rursus tentata: Tertia Pax. multaque per illam Hugonotis, quamvis toties victis concessa; ut libera esset religionis facultas, juxta edicta superiora. Hugonoti, perinde atque Catholici, ad omnia regni officia, & publica commoda admittantur. Orangius in omnia jura restituatur. Tolofanus senatus, contra Hugonotos erectus, abrogetur. Quatuor urbes, Rupella, Montalbanum, Conacum, & Caritas obsidum loco in fidei pignus ipsis relinquuntur, dum ea pacta impleantur.

Dum autem nec bello attrita hæresis conquiesceret, nec pace limitibus se contineret; sed feralis hydra semper succresceret, ulteriusque magna ferocia virus spargeret, fessus tandem Rex tantis tot annorum calamitatibus, anno 1572. in nuptiis Margaritæ sororis suæ cum Henrico Navarræ Rege contractis, Gasparem Colygnium, rebellionis ac turbarum facem, cum præcipuis Hugonotis, occidi præcepit; transeunte etiam in alias provincias severitatis exemplo, ut compressa tandem perduellium pertinacia optata regnum pace conquiesceret. *Cædes Bartholomæa* dicebatur; quia festo S. Bartholomæi ad signum campanæ ex condicto fuit patrata.

Cum Admiratio occisi sunt Rupifocaldius, Tellinius, Renellus, Brionius, Lavardinus, Caumontius, alique plures; Mongomerio, Rohauio, Vidamo, & cæteris, qui in S. Germani suburbio hospitabantur, fuga elapsis. Navarrum vero & Condæum in conclave accessitos Rex alloquitur, ad bella civilia comprimenda eo opus fuisse remedio, ad eos quod spectaret, justam sibi esse materiam odii & vindictæ, quod se duces factionis deterime præbuisent. Attamen ea affinitati & sanguini dari, modo vitam & mores mutarent, atque catholicam Religionem amplecterentur. Viderent proin, ut ea in re sibi obsequerentur; alioqui ad ea ferenda, quæ passi essent eorum familiares & domestici, se pararent.

Ad ea Navarrus, salva vita & conscientia, se fore obsequentes. Condæus vero audacius: bona & vitam esse in potestate Regis, Religionis unum Deum esse Dominum. Quibus verbis Rex con-

46.
Cædes Hugo-
notorum Pa-
gina.

Nav. &
Cond.

concitatus, utrumque in custodia haberi iussit, atrociora minitans, nisi intra triduum a pertinacia desicerent. Neque Navarrum difficiliorem se præbebat. Ac tandem etiam Condæus simulate saltem consensit; Carolo Borbonio Cardinale, eorum patruo, abjuratorem hæresis admittente. Mox lite in Admiraliū instructa, læsæ Majestatis reus decreto senatus dictus est, ac damnatus.

Quantum bel- Hugonoti primum in urbes munitas Rupellam, Montalbanum, Sanceram; Nemausum profugerunt, alii in Angliam, Helvetiam, Germaniam, Genevam; tum vero collectis ex trepidatione animis, primo timore in vindictæ rabiem exurgente, atrocissimum bellum movent, odiisque majoribus ex sociorum cineribus exurgit factio. Invasione urbium, direptionibus, incendiis sævitum.

Maxime vero contumacem frontem Rupella ostentavit. Quare Rex Henricum fratrem cum exercitu ad expugnandam eandem misit. Fortiter ille obsidionem aggressus, omnia tentavit, ut hæresis nidum pertinacissimum destrueret. Sed tot invenit obices, ut obsidionem solvere fuerit coactus; ab ea ad Thronum Poloniæ evocatus, licet invitus (anno 1573.) In ea obsidione Dux Aumalius, Francisci Guisii, ad Aureliam a Poltroto cæsi, frater, præstanti pariter Princeps religione, ac fortitudine, tormento istus occubuit.

Quarta pax. Circumlato per provincias ferali bello, quarto itum in pacis conditiones. Permissa Hugonotis sua religio. Rupella, Nemausum, & Montalbanum, sancitæ immunes, atque a præsidio liberæ. Sanceram vero in Biturigibus urbem, jam quarto mense obsessam, Rex propter insignem pertinaciam beneficio pacis exclusit, extrema dein fame ad deditionem compulsam, atque munimentis murisque nudatam.

47. Verum pacem hanc Rupellensem respuerunt Hugonoti in Occi-
Quantum bel- tania, sequentibus turbulentum perniciosumque exemplum Phocen-
lum, sibus & Delphinatibus (omnes etenim Galliæ provincias hæresis per-
vaferat, tracta in ruinam infinita hominum multitudo) Quintum igitur bellum orsi, leges Salicas, a condito Regno stabilitas, ac Regia jura nituntur convellere. Calamis primo certatum, tum ferro. Monbrunus Delphinatum, Mongomerius Normanniam; Noya Pistones Santonesque invadunt, pluresque urbes occupant; Rupellani, portu amplissimo instructi, acta in oceanum classe, late toto mari, direptis mercatorum navibus, prædas agunt. Reliquæ pariter sedibus suis in bellum emotæ provinciæ.

Contra rebelles Rex trinum emittit exercitum: primum Mompenferio duce in Pistones, alterum in Delphinates sub ejus filio: tertium in Normanniam duxit Matignonius. Sed parum actum ad rei

rei summam, aula factionibus undique turbata. Captus tamen a Matignonio Mongomerius, qui Henricum II. in hastiludio occiderat, ^{Mongom-} malignus calvinista, & multarum turbarum incentor. Ductus Parisius. ^{ius.} ficos, damnatusque perduellionis reus, in publico foro capite plexus est: Lorgio ejus filio pariter capto, & patris fatum subituro, nisi catholici cujusdam ope fuga fuisset elapsus.

Bellum vero in provinciis trahebatur, modico Regiorum progressu. Quippe aula, turbis domesticis agitata, ad externa intentione ^{factio possi-} dere animum minus poterat. Tertia nempe exorta est factio ^{ticorum.} Catholicos inter & Hugonotos media, *Politico-^{rum}* dicta: quæ seposita religionis cura, uni bono regni publico esset intenta, re ipsa, ut dejecta ab administratione Regina, ejectisque ex Francia exteris (Guissios sibi invisos, Italosque designabant) privatae suæ ambitioni lenocinarentur. Ducem se præbuit, qui minime debuit, Alenfonius Regis frater, natu minimus, non animo deformior, quam corpore. Is a matre & fratre se contemptum ratus, plures ex proceribus dubiæ fidei in partes suas attraxit, uti Annæ Mommorantii filios, Marecallum, Damvillam, & Moraum, ac præ- ^{Alenfon.} terea Cossæum, Turrenium, atque ipsos etiam Principes Navar- rum & Condæum, qui adhuc in aula versabantur; in turbido, quod ajunt, piscaturi.

Hæc factio, jam ante confata, post Henrici in Poloniam discessum in lucem prodit. Quasi Franciæ in partes geminas scindi leve esset, nisi & tertia calamitas accederet, post aliarum turbidam messem ambitionis quæ spicas legeret. Hoc ut evinceret, Mommorantius a Rege postulat, ut Alenfonio fratri legataria in totum regnum præfectura, quam Henricus ante gesserat, tradatur. Obstitit Regina mater, filii indolem, variam, levem, turbulentam, Hugonotis addictam, novarum rerum machinatricem, Regi exponens. Simulque ad eam dignitatem insinuat Carolum Lotharingiæ Ducem, generum suum, Guissæ gentis caput.

Quia igitur hoc negotium trahebatur, Alenfonius moræ im- ^{Conspiratio} patiens, non tantum Politicæ factioni se ducem dedit, sed etiam, ^{derefecta.} quod turpe magis, Hugonotis, eorum viribus extorturus, quod petebant; & fortassis quid ultra. Iique urgebant cupidissime, ut abjecta larva ad ipsos accederet, regimenque tandem susciperet. Accedunt suasores Navarrus, Torraus, Turrenius &c. ut ab aula profugus se iis adjungeret: verum re tota ad Reginam delata, cum quæstione habita Alenfonius & Navarrus se conspirationis immunes

dicerent, Mommorantius & Cossaus, Marefcalli, palam in baſtil-
lam, publicum Pariſiis carcerem, abducuntur. Navarro & Alen-
ſonio custodes adhibiti. Condeus, Ambiani capiendus, in Ger-
maniam cum Torrao Mommorantii fratre profugit, nova ibidem
ligna collecturus ad nutrienda Gallicana incendia.

Mors Ca-
roli.

Et hic erat miserandus rerum status, cum Carolus Rex mor-
bo oppressus occubuit, anno 1574 ætatis 25. regni 14. Princeps
meliore regni statu dignissimus. Quippe habebat insignes a natura ad
regnandum dotes, sublimes spiritus, ingenium perspicax ac vivi-
dum, tenacem memoriam, eloquentiam firmam ac robustam, &
quanquam iracundiæ, & odiorum amorumque tenacis esset indolis,
simulandi nihilominus & dissimulandi sagacitatem incredibilem. Pri-
mus Regum Franciæ Prætorianum militem ad corporis custodiam
adhibuit, artes inter liberales amavit coluitque Poëſin & Musicam,
litteris in pueritia institutus ab Amioto, Antisiodorensi tunc Episcopo,
qui primus Franciam eleganter & erudite loqui docuit.

Elisabetha conjux, Maximiliani II. Cæsaris filia, suavissimos
& integerrimos mores in Germaniam retulit, anno ætatis vigesimo
vidua, atque repudiatis secundis nuptiis, ultro cœnobio Clarissarum
inclusa genuit Carolo Regi filiam, quinquennio post extinctam.

Quoniam autem Hugonoti præcoccem Regis mortem in hor-
rorem cædis Parisiensis & conscientiæ laniemam referebant, & hodie-
dum passim Protestantes calamos suos in cædem illam & Catholicos
acuunt, non abs re fuerit, de illa hic pauca differere.

ARTICULUS VI.

Observatio in Parisiensem Hugonotorum cædem.

Heterodoxi scriptores passim calamos acuunt in Carolum IX.
Galliarum Regem, non aliam ob causam, nisi quod Hugono-
torum furoribus se opposuerit, atque præsertim, quod cædem illam
Bartholomæam adornarit. Hanc enim balneum sanguinarium, cru-
entes nuptias, immanem laniemam, & tyrannidem plus quam bar-
baram appellant.

Non

Non equidem ego sum, qui facta magnorum Principum sub censuram vocem, aut cædem illam approbem. Cordate nihilominus pronuntiandum existimo, homines istos non considerare, quanta ipsi facinora consciverint in Religionem, in Regnum, & Regem ipsum, in illam impii, in istud hostili ferro & igne immantiter grassantes, in hunc rebelles nefarii.

Atque ut a religione exordiar, quam Regnorum cœtumque humanorum universum omnium animam esse oportet, quamque Calvinistæ jam inde a S. Clodoveo tota Gallia sancte coluit: eam novi isti homines penitus exscindere omni ope sunt conati. Et quidem Franci-^{48.} Calvinistæ impii in religionem, sci I. & Henrici II. tempore intratectas fraudes & occultas machinationes pœnarum meru consistebant. At vero iis sublati, ubi infirmam pupillorum ætatem, aulam factionibus scissam, Reginæ matris ambitiosam, versatilem, muliebremque tutelam conspexerunt, in apertam vim prorumpentes, incredibile dictu, quanto furore & atrocitate avitam majorum Religionem, ejusque cultores sint persecuti.

Factionis turbulentæ capita erant tres, quos dixi, fratres Castillionæi (æ Castillione sua in Gallia urbe ita appellati) qui ipsos etiam Borbonios Principes, in Guisios incitatos, seduxerunt. Et Gaspar quidem Colygnius, Admiralius, (ut appellant) Franciæ, fratrum primus, post colloquium Possiacense factus audacior, 2150 templa pro Hugonotis inter minas a Regina postulavit.

Moxque ad Lutetiam ingenti tumultu excitato catholicum templum violente invadunt; eunte per provincias impio crudelitatis & rapinæ nefariæ exemplo. Eaque deinceps acta sunt, ad quæ omnis barbaries cohorreat. Infinitus essem, si omnia luberet persequi. Ab uno vel altero facinore colligere licebit reliqua. Sacrata Deo templa passim expilata, everfa, concremata, in templa; Aræ dejectæ, imagines contritæ; aurum & argentum in nummos cufum, campanæ, aræ statuæ, in bellica tormenta fusæ; sacra omnia profanata, polluta, ac contaminata.

Major adhuc in sacerdotes & religiosos homines rabies. E. Sacerdotes, quorum caudis alligati passim lacerabantur. Effossi oculi, abscissæ aures ac nares. Cutis vivis detracta. In fervens oleum injecti, donec cutis & caro deflueret. In tonsos vertices aut clavus adacti, aut bulliens oleum affusum; aut cultris abrafa pellis. Lingua sub mento extracta, exsecti venter, avena injecta ad pascendos equos; viscera arboribus suspensa; adipe imbutæ ocreæ. Pedum plantis solæ ferreæ clavis impactæ; coacti aratrum trahere, inter

ter crepitantia flagellorum verbera, donec exanimis conciderent. Alii ex integro vivi sepulti, alii capite tenus, & in capita globis lufum.

Sacerdotem sacris vestibus indutum atque ad Missam accinctum, eo habitu templo extrahunt, impositoque capiti ad ludibrium probroso pileo, humerisque hasta, per plateas inter sannas circumductum ad portam vigilias agere cogunt. Alium, jam octogenarium, morbo decumbentem, fune collo injecto prope nudum per plateas trahunt, spineis virgis flagellant, glandeque trajectum ex arbore suspendunt. Multa alia patrata, quæ vel recensere pudor vetat.

Neque in sacerdotes duntaxat sævitum; in omnes etiam catholicos, tholicos promiscue effusa rabies. Aurelia, Incalissima, aliæque urbes, quas oppugnabant, deditionem fecerunt eo pacto, ut Catholici indemnes ferventur. At vix urbes eas intraverant, cum furiarum instar in omnes passim orthodoxos immaniter grassantur, mactant, perdunt, atque prorsus inaudita crudelitatis, impietatis, libidinis, & impudiciæ patrant exempla. Hoc nempe est, egregie reformare.

Sed neque tenellæ infantium ætati pepercit furor, quos ad experimentum, quam acuta sit gladiatorum acies, & validi lacerti, a capite ad calcem uno ictu diffidunt medios. Imo in mortuos etiam exprompta vāsana rabies. Spoliata & eruta sepulchra, excussæ urnæ, cineres in profluentem sparsi. Corpora sanctorum Irenæi, Martini, Eutropii, Juliani, Benigni, Aufonii, Agnani, Hilarii, Francisci de Paula, aliorumque, quos tota Ecclesia, & præsertim Gallia antiquis a temporibus coluit, ex hypogeis suis extracta & combusta, inter infanda sectæ impiæ ludibria.

At minus mirum est, a Calvinistis sacrorum omnium hostibus hæc fuisse patrata. Illud autem inauditum est, atque in nulla barbarie attentatum, Regum etiam, qui apud omnes gentes, eas quoque, quarum nulla est religio, sancti habentur, mausolea diruta, spoliata, omnique contumeliæ genere conspurcata. Cor Francisci II. corpus Ludovici XI. aliorumque indignissimis modis habita, atque ignibus cremata. Et hæc quidem impie ac sacrilege in religionem sunt perpetrata, sed non minus immania in Regnum univcrsum.

Repetenti etenim memoria pristina illa bella, quibus Romani Galliam subegerunt, aut Franci, aut quibus Clodovei posteriores se decertarunt, ludus quodammodo videbuntur, si cum hac Calvinistarum rebellionem, bellisque Hugonoticis comparentur.

49.
Proditores
& everiores
patriæ.

Circumspice te ipsam infelix eo sæculo Gallia, victrix olim in bellis, florens in pace: jam vero a filiis tuis ad intima usque viscera lacerata, discerpta, deformata. Corporis tui nervi incisi, solutæ compages, exhausta medulla, aspice conversas in se ipsas fraternas acies, confanguineos præliantes exercitus, cruore tuo tumefactos amnes; foedata flumina, Cadmeam veluti segetem demersam. Aspice, si potes, fumantia urbium busta, provincias incendiis depauperatas, plura centena civium tuorum millia in sanguine natantia, aut ruinis sepulta, regnum universum exitiis velut furiarum tædis ambustum, squalidum, ac propemodum extinctum. Fidem profecto negaret posteritas, tantum a Gallis in patriam suam consciri potuisse nefas, nisi tot testes tristem veritatem proderent.

Causam ne quæras; notior ac certior est, quam ut de ea dubitari queat. Pulchræ Reformationi hæc debentur. Ad Calvinianos ministros, eorumque turbulentas ac seditiosas conciones pars prima pertinet. Hæresis est, quæ sanguineis flagris, tædisque flammantibus armata, ac discurrens lymphata, & facies ventilat, & flammam subdit, & emotas sedibus suis provincias in bella accendit, & miserandam toti regno faciem induxit: & quasi non satis esset, civis discerpi a civibus, fratres a fratribus, ex Germania, Dania, Helvetia, Anglia, Hollandia evocat armatas acies, factionis suæ affleas, ut sociam jungant operam, ac Galliam, jam undique factiscentem, supremam in ruinam agant.

Atrox hoc equidem facinus, crudele, impium, civilem fundi sanguinem, hostem exterum acciri in perniciem patriæ, matris jugulum peti, communis patriæ discerpi viscera. Sed plus dico. Quid? si insuper subditi in regem suum perduelles insurgant? si adversus eum conjurent? si exitium eidem machinentur? si arma, si bella, si vim apertam inferant? quo nomine hoc æcelus compellabimus? aut qua pœna dignum judicabimus?

In Regem
belles.

Sacrofancta apud omnes gentes Regum Majestas est, & esse debet. Communis omnium Rex pater est. In omnes partes sollicitudinem paternam exporrigens, suis curis, suis vigiliis, filiis providet, fovet sustentatque Rempubicam. Omnium proin subditorum

R r r 3

ani.

animis fides inflexibilis, & sincerus in Principem amor innatus esse debet. Tum vero Gallicæ præsertim Nationi ea laus datur, quod præcipua quâdam in Regem suum fide & amore ferantur.

At vero hæresis, Frinnys illa malefausta, sacratissima natura amorisque innati rumpit vincula, disiectisque fidei juratæ legumque repagulis, rebellem effrænemque frontem ostentat, non destitura, si vires suppetant, donec ipsi vel insanire & impune grassari liceat, aut sacrata Regum capita in vincula coniciat.

Testis utinam non esset Gallia! heu! quæ non acta a Calvinistis, & præsertim a Colygniis in despectum Regum! quid dico in despectum? quæ non machinæ, insidiæ, substructiones in personam Regis adornatæ; quoties arma in eum sumpta? quot bellis; imo parricidiis, petitus?

Notæ sunt Renaudianæ conspirationes, incentoribus ministris in familiam Regiam conceptæ. Fugit Rex Franciscus II. Blesis Ambrosiam; nec Ambrosiæ tutus est; cingitur urbs a conjuratis, ut Regem capiant. Regem suum Carolum IX. Meldis conantur intercipere: tendunt insidias, vimparant, imo adhibent. Fugit Rex Lutetiam, Helvetiorum fideli fortique opera districtis eorum gladiis ereptus. Quid dicam ereptas Regi tot urbes, circumlata per regnum incendia & ruinas, excitas adversus Regem in Franciæ viscera hostiles copias? Heu! quot perfidiæ & prodicionis, quot perduellionis, quot læsæ Majestatis crimina? Et hæc impune patrentur? Rebellibus subditis omnia adversus Regem summo imperio gubernantem, liceant, Regi in perduelles toties subditos nihil? an mirum, quod tandem clementia fracta severitatem induerit?

Cum enim ad nuptias, quas Navarrus cum Regis sorore contrahebat, magna Hugonotorum multitudo conflueret, Gaspar Colygnius, Calvinistarum dux & antesignanus, turbarum, bellorumque auctor, Regi toties perduellis, jam ante a supremo fenatu majestatis damnatus, innumerarum cædium reus, dum per plateam Parisiis incedens litteras legeret, duobus globis ex ædibus explosis vulneratus est. Mox ingens Hugonotorum tumultus: graves minæ a saucio Colygnio sparsæ. Monetur Rex a primoribus urbis de gravitate periculi tot inter Calvinistas, urbem implentes, & exacerbatos.

Jubet igitur Rex, ut cives arma capiant, & altera die, ubi ad S. Germanum campana signum dederit, Hugonotos invadant. Primus Colygnius multis ictibus conciditur. Corpus per fenestras eje-

ctum

rum patibulo suspenditur. Sequitur aliorum cædes. Rex in senatu adversus Colygnium ejusque affectas gravissime questus demonstravit, supremam necessitatem extrema poposcisse remedia; nec alium superfuisset modum rebellionem compefcendi.

Senatus jure cæsos pronuntiat; actæque Regi gratiæ, quod Senatus detecta proditione tam provide regno, urbi, sibi que consuluerit, jure cæsos pronuntia-
vitursumque Colygnius, ceu hostis communis quietis, auctor per-
bellionis adversus Regem, ac Majestatis reus denunciatur; publi-
catis ejusdem bonis, & armis gentilitiis a lictore confractis, libe-
risque nobilitate exutis. Redditæ etiam publicæ Deo grates, quod
Regem Regnumque a conspiratione & malignis Hugonotorum con-
giliis præservavit. Exteri Principes plerique eam cædem approba-
runt, probe gnari, quanti interfit, ut Princeps rebellionem extin-
guat, & seditiosis machinationibus necessaria remedia adhibeat.

Hugonoti autem in rabiem acti scriptis etiam libellis Regem vehementer sunt infestati; qui tamen a doctissimis Jurisconsultis, Jacobo Cujacio, & Vito Fabro solide sunt confutati, & quod demum res evaderent, si Regibus non esset integrum, in rebelles subditos, quietisque publicæ turbatores animadvertere.

Nempe, ut volunt sectarii, licuit Calvinistis sacra omnia contaminare, Regnum evertere, conjurare, Regique insidias frueri, exterum militem in patriam armare, multa mortalium millia iniquissime interficere. At Regi scelerosos pestere non licuit, ut religionem & regnum servet. Quod Poltrotus instigante Beza & Colygnio Franciscum Ducem Guisium, religionis vindicem ceu sicarium & latro occiderit, laude non caret. Sed quod Rex eundem Colygnium, per duodecim jam annos toties perduellem, tot publicis criminibus reum sustulerit, ingens scelus est. Laudant Calvinistæ Henricum III. quod Henricum Guisium ejusque fratrem Cardinalem, sacri fœderis capita, trucidari præceperit. Sed quod Carolus IX. Gasparem Colygnium, Calvinistarum tunc caput, Galliæ incendiarium, ad penam vocarit, facinus ipsis est, omni dignum opprobrio. Proprium Regem, inaudito exemplo sententia velut judiciali condemnatum, carnificis manu obtruncant Calvinistæ in Angliā; & hoc laudibus eorum celebratum fuit. Solus Carolus IX. Rex Franciæ, rebelles subditos, proditores & everfores patriæ, toties Majestatis reos, tollere e medio non potuit; sed tolerare debuit, ut pergant conjurare, insidiari, mactare, perdere, totumque regnum in extremas calamitates conjicere.

ARTI-

ARTICULUS VII.

Status Galliæ sub Henrico III.

50.
Rerum facies.

Catharina post mortem Caroli regimen rursus invasit, Galliamque jam undique fatiscentem in scopulum impegit. Bellum Hugonoticum quintum adhuc furebat. Proceres ab ea erant averti. Quorum tamen præcipuos, factionumque duces habebat constrictos. Alenfonium & Navarrum luparæ regia Parisiis arce custodiebat, solo ad enervandos Principes ad Gynæceum aditu permisso libero. Mommorantius & Cossæus Mareschalli erant in vinculis; exulabat Condaus in Germania; Colygnii cum Mongomerio perierant, Damvillam Præfectura Occitanix dejecerat.

Sed hæc ipsa Procerum, Hugonotis faventium fata, eosdem in rabiem egerunt. Condaus ejurata rursus religione factionis dux ab iis dictus, ad delectus habendos Palatinum Rheni convenit. Damvilla, licet Catholicus, præfecturæ ereptæ sensu commotus, iisdem accessit, & regia velut jura in Occitania usurpabat. Moya & Mombrunus Calvinistæ per provincias prædonem circumferebant exercitum. Mompensierius Princeps a Regina cum exercitu missus, tot hostibus non sufficiebat; cum non tam cum hostili cordato exercitu, quam cum multis circumvagantibus grassatorum turbis ipsi res esset. Henricus III. Rex molitæ & socordia res inclinatas adhuc magis præcipitavit.

Is, cum Rupellam obsideret, a legatis ad Poloniæ coronam evocatus, mulierum Gallicarum amoribus irretitus, ægerrime ex Francia discesserat, nec nisi fratre Carolo Rege, quocum non bene ei convenerat, compellente. Cracoviæ coronatus, patriæ desiderio contabescens, cum paucis Gallis conclavi se abdidit lugens atque incusans fortunam, quod regnum amplissimum dedisset.

Audita autem Caroli fratris morte, nocte concubia an fugit, magnoque honore Viennæ ab Imperatore exceptus, per Tyrolim, Venetias, Ferrariam, Mantuam delatus, eosdem honores ubique expertus est. Taurini ad Margaretham amitam diutius divertit, atque ab ea & Philiberto Duce blanditiis captus Pinerolium, Savillianum, & Perusiam vallem, quas a postrema pace, cum Hispanis inita, Galli adhuc retinuerant, restituit, magno ob locorum situm in futurum detrimento.

Taurino per Allobroges & Delphinates Lugdunum progressus ingentem spem excitaverat, ob tot reportatas ab Hugonotis victorias, lustratas regiones, coronam jam gestatam, dotesque præclaras a natura concessas. At spes conceptas vehementer fefellit. Nam Sarmatico velut torpens frigore, extinctis, quibus ante flagraverat, martialibus ignibus, non nisi ad muliercularum & adolescentum amores calefcere videbatur. Quippe permiffa matri, cujus una dominandi cupiditas, regni administratione, conclavi cum juvenculis suis se abdens nugis vacabat; Condæam præsertim, licet conjugio vinctam, infano amore deperiens: in flammam videlicet surgente libidine, cum scintilla contemnitur. Adhæc in res levissimas ingentes sumptus profudit. In solis emendis & alendis catellis Melitenfibus centum aureorum millia quot annis insumpfit, in pit-tacis simiisque non minorem pecuniam.

Trahebatur interea bellum, Hugonotis provincias diripientibus. Mombro-
A copiis Regiis vix aliud collectum belli pretium, quam Mombrunus.
nus, paulo ante prælio victor, captus, & Gratianopoli a senatu perduellionis damnatus, & capite truncatus, unus ex præcipuis Hugonotorum incendiariis. Subrogatus ab illis Lediguerius, nobilis Delphinus, bonus miles in causa mala.

Regi interim Rhemis inaugurato a Cardinale Guisio (cujus Nuptiæ frater Carolus Cardinalis Lotharingus, vir summus, nuper obierat) data conjux Ludovica, Nicolai Valdemontii Comitis & Mercurii Ducis filia, novum Domus Lotharingicæ & Guisiorum fulcrum. Dum autem Lutetia nuptialibus gaudiis perfonat, Catharina aulam factionibus miscet, & Rex se ipso non melior, in languidum otium, luxum, & mollitiem diffiuit. Fuga elapsus Alenfonius, Bussiambo-
fii consilio & ope, recta ad Hugonotos contendit, ingenti plausu sonii ad Hu-
ab iis exceptus, haud ignaris, quantum Regius hic Princeps, co-
ronæ proximus, in partes suas propenderet. Nec minus latatur ea
fuga Politicorum factio, ducem sibi potentem præbitum. Rex autem frustra ad eum retrahendum Mompenserium & Nivernensem misit cum exercitu.

Quæ lætitia tum maxime aucta est, quando plures Catholici Apparatus
politice factionis, quibus invisa erat Regina administratio, & Gui Hugonoto-
riorum favor restauratus, cum Ventadurio & Turrenio, qui fidem
necum ejuraverant, ad Alenfonium & Hugonotos convollarunt,
& Condæus cum Casimiro Palatino novum Germanorum exercitum
in eorum castra adduxit. Erant tunc in exercitu, ex catholicis &

hæreticis conflato, triginta hominum millia. Supremum imperium auctore Condæo delatum Alenfonio.

Regium exercitum, qui haud paulo minor erat, duxerunt, Guisus Campaniæ Prætor, Maynius ejus frater, Bironius, Strossius. Prælio ab iis victus Torræus Mommorantii frater, qui ante Condæi reditum 2000. equites ex Germania adduxerat. Torræus pugna victus ad Alenfonium, Lavallius vero, Andeloti (qui misere perierat) filius, Argentinam fuga evasit. Guisus eo prælio gemino vulnere faucius, crure & gena glande confossis, ob cicatricem orthodoxis acceptior, non tam ea deformatus, quam caractere religionis signatus.

Pax quinta
iniquissima.

Magnum tamen Catharinæ terrorem iniecit tantus Hugonotorum & Politicorum conspirantium belli apparatus, præsertim ubi etiam Henricus Navarrae Rex, fuga Parisiis elapsus, se eis adjunxit, ejurata rursus religione, quam vi obtrusam simulato animo se coluisse dixit. Igitur vaserrima mulier, uni dominationi suæ retinendæ intenta, assumptis secum ex carcere Mommorantio & Cosæo, ad Hugonotos profecta, pacis conditiones proponit, quas viribus suis confisi hostes iniquissimas extorquent. (anno 1576.)

Alenfonio datæ urbes Biturigum, Turonum, & Andegavensium, cum pensione annua 100000. librarum in augmentum patrimonii: Condæo prætura Picardiæ cum usu libero, & Perona urbe munitissima, & centum librarum millibus. Contyo Principi, Condæi fratri, Noyæ, & Noclæ, singulis catephractorum equitum turmae; Turrenio præfectura Turonum. Casimiro, omnium pertinacissimo, immensa pecunia cum ingenti spe. Judicia omnia in Admiraliū, Mongomerium, Mombrunum, & cæteros Hugonotos irrita declarata, ac damnatorum memoria in integrum restituta. Hugonotis datæ urbes haud paucae, & eorum religioni plena per totum regnum libertas. En! quo ambitio & dominandi libido unius feminae, factiones instruendis, & nutriendis, christianissimum regnum deduxerit.

Ægerrime, prout par est, Catholicos habebat tam ampla atque effrænâ, qua luberet, vagandi grassandique hæresi data licentia, totque urbes in ejus sinum conjectæ. Nullum in Rege enervato præsidium: Mater Catharina, dum regnet, in ruinam Religionis laboriosa: res catholica semper in pejus lapsa: hæresis in dies magnis incrementis aucta,

Quare Catholici Religionis avitæ zelo accensi, in Henricum Guisum, Francisci a Poltroto interempti filium, oculos animos-^{52.} Liga sacra. que convertunt, tanquam unum superstitem fortissimum Religionis proditæ vindicem, ignito inter se arcto fœdere, quod *sacram Ligam* appellarunt. Tres illius præcipui erant articuli. Primo statutum, communi studio defendendam Religionem Catholicam. Secundo, Regem firmandum in throno. Tertiò, restituendam Regni & comitiorum libertatem: eligendumque ducem fœderis, cui omnes fœderati obsequantur in rebus Ligam spectantibus. Atque in hanc unionem vitam & sanguinem addicunt, polliciti, se hostium loco habituros, qui eidem se opponerent.

Scriptores Galli vehementer in hanc Ligam, quam factionem Galliæ quartam dicunt, bilem commovent, etiam Catholici, & religiosam vitam professi. Mirum sane. Hugonoti igne & ferro Religionem & Regnum per tot jam annos rebelles pessundant. Et eorum pennis vix non in cælum levantur. Nihil illis fortius, nihil prudentius. Sola aula solique Guisii peccarunt. Liga, cui summus Pontifex, Rex Hispaniæ, Dux Sabaudia, alique Principes ad conservandam in Galliæ Religionem avitam accefferunt, ipsis est lues ^{Causa de illa.} Galliæ, per contagium sparsa, a facinorosis, delatoribus, prodigis, & quibus malum publicum pro deperditis facultatibus foret, primum admissa: cui omnia deinceps Galliæ mala adscribenda.

Sed quid tandem in fœdere illo continetur, tanta vituperatione dignum? promittunt defensionem Religionis Catholicæ, in supremum discrimen adductæ. An hoc vituperium meretur scriptoris Catholici? promittunt defensionem Regis, Regni, tot tantisque procellis a rebellibus jactati. An hoc displiceat fidei subdito? Comitiorum ad publicum Regni bonum avitam libertatem defendere promittunt. An hæc tanta lues cordato civi? Si abusus aliquorum irrepsit postea, is non Liga, sed quorundam proterviæ, ac præcipiti atque indiscreto ardori est imputandus. Ea rerum humanarum conditio est, ut usus etiam sanctissimi quorundam abusibus sint obnoxii. Dicamus, quod res est. Adulatores isti non tanguntur præsentis tunc regni statu & illius religionisque periculo, sed considerant eos, qui ex Hugonotorum partibus tunc stabant. Superis grates! quod per Ligam conservata sit Religio, & eidem conciliata Domus Borbonica, columnen deinceps & firmamentum veræ Religionis.

Rex Ligæ ac-
cedit.

Rex ipse Henricus III. cum fœderatos ad Religionis incolamitatem incaluisse cerneret, Ligæ se adscripsit, ejusque ducem & auxilium professus est; utque Religioni consuleret, & regni calamitatibus mederetur, comitia Blesiam indixit. Aderant præter ambas Reginas, matrem & conjugem Regis, Cardinalis Borbonius Condæi patruus, Contius, & Sueffionensis, Condæi fratres, Monpensierius, ejusque filius Delphinus, omnes ex stirpe Borbonica Regii sanguinis Principes: adhæc Dux Mercurii Ludovicæ Reginae frater, Dux Maynius frater Henrici Guisii, Dux Uzatenfis, cum Parribus Franciæ, & tribus Regni ordinibus, Ecclesiasticorum, Nobilium, & Civium.

Comitia Blesia.

Rex auditis suffragiis, ad Navarrum, Condæum, & Damvillam legatos mittit, qui eos ad comitia invitarent, docerentque, omnium Ordinum calculos ad unius Religionis cultum suffragari. Navarrus respondit, fieri non posse, ut una duntaxat Religio colatur in Francia; ad se quod spectaret, eam se amplecti, quam sanctiorem crederet; si Deus aliud in mentem induceret, paratum se divinis nutibus obsequi. Condæus legatos non admittit, causatus, se hostium cætum non habere pro Comitibus Regni. Moxque ad bellum delectum habet, ac vim intemat. Damvilla, Annæ Momorantii filius, qui Occitaniam Hugonotorum ope pertinax insedit, Catholicam Religionem se tueri, respondit; negavit, legitimum esse Comitiorum conventum: hæresin bello, quod appareretur, adaugendam potius quam tollendam.

53.
Bellum sextum.

Rege obfirmato, ex comitiorum sententia nullam in regno publice religionem tolerare præter orthodoxam, Hugonoti ducibus Navarro & Condæo, Ministris vero instigantibus, in arma ruunt, bello jam sexto conflato. Rex duos instruxit exercitus, quorum alterum Alensónius frater, legataria in Regnum potestate donatus, modo infensus Hugonotis, alterum Dux Maynius duceret. Nolu it etenim Alensónius, ut alter exercitus Guisio, quem oderat, traderetur. Legatum tamen eundem suum, cum Nivernensi & Aumalio admittit, Birone tormentorum præfecto, & Chastrio castrorum. Damvillam pariter Rex occultis consiliis eripuerat Hugonotis.

Pax sexta.

Hac ratione instructis Regii exercitibus, captis multis urbibus Hugonotorum, eorumque copiis attritis, haud operosum fuisset, factionem undique afflictam extinguere; cum Rex, otii inertis cupidine, Alensónio expeditionem Flandricam parturiente, probrosam pacem (anno 1577.) iniit, iisdem ferme conditionibus, quæ superio-

periore pactione a Regina fuerant promissæ; nisi quod religionis exercitum archioribus aliquantum finibus fuerit circumscriptum. Pax ista in Occitaniam nuntiata diremit prælium, ad quod accinctæ stabant copię Damvilæ, & Castillonii, qui Gasparis Colygnii, Admiralli, patris sui, furores strenue prosequeretur.

Indignabantur Catholici fœdere colligati, rebus suis adeo florentibus, tam iniquam pacem esse initam, velut a victoribus Hugonotis, ubique profligatis, dictatam. Aucta est aversio animorum a Rege, propter gravia tributa, populo imposita, & in juvenes amassios profusa. Quorum tamen plures summo ejus dolore violente trucidati sunt.

His igitur rebus quanto magis marcescebat subditorum amor, tanto majora incrementa sumpsit Liga, cui novum potensque fulcrum substravit Rex Hispaniæ; dum Alenfonius, aulæ pertæsus, atque a Belgis quibusdam invitatus, expeditionem Flandricam suscepit. Dum enim Francus Calvinistarum partes fovebat in Belgio, Hispanus Catholicos tueri cœpit in Gallia. Captæ ab Alenfonio aliquot urbes; sed orta inter eum & Casimirum æmulatione aliquanto post in Galliam rediit; tentaturus postea expeditionem alteram, sed eventu nequitiam meliore.

Eos inter aulæ variantis æstus Rex ordinem S. Spiritus Nobilitati instituit; ordine S. Michaelis, cujus auctor erat Ludovicus XI. jam vilescente, ac traducto ad vilissima capita, ut adeo torquis equestris non amplius esset nobilitatis insigne, aut præstantium meritorum præmium, sed mercatorum ornamentum aut dedecus. Vilitatem nempe post Henrici II. tempora fecerat copia.

Tempus jam aderat, quo Hugonoti urbes, sibi obsidum loco datas, Regi debebant reddere. Ne id faceret Navarrus, persuasum. ^{54.} Bellum septi-
ferunt (quod prorsus absconum) proximi Regis, Catharina mater, mum.
factionum bellorumque nutrix, Alenfonius frater, pariter quietis osor, Margaretha soror, Navarri Conjux, insensa fratri Regi, quod ab eo ad maritum ab aula Parisina remissa esset. Vere inimici hominis domestici ejus.

Septimum igitur cum Hugonotis bellum erupit, a Navarro illatum, & quinque in provinciis gestum, in Piætonibus, Picardis, Occitanis, Delphinatibus, & Aquitanis, Hugonotis, Ministrorum assatu, dato signo ad arma convolantibus. Rex, ad belli fragorem tandem ab inertis otii sopore excitatus, tres conscribit exercitus: quorum unum Biro in Aquitaniam, alterum in Picardiam

Matignonius Marescallus, tertium in Delphinates Maynius duceret; Ludio cura data Pistones compescendi, Occitanos Damvillæ, fratris morte nunc Mommorantii Duci.

Faram in Picardia ubi Condæus ceperat, Picardi præ cæteris incense Catholici, cum Maynio provinciæ Prætoræ amare conquesti, in visceribus Provinciæ novam Genevæ erigi, Ligæ fidem implorant. Matignonius igitur cum Guisio, Aumalio, Valeta, urbem expugnat, Condæo in Angliam ad Elisabetham, in Belgium ad Orangium, in Germaniam ad Casimirum, Calvinianæ factionis homines, ad conquirenda belli subsidia excurrente. Maynius interea cum Mura expugnata totum Delphinatum recepit, Lediguerio Hugonotorum duce incassum obsistente.

Pax septima.

Et licet Navarrus Cadurcum in Aquitania magna prudentiæ, fortitudinis, & constantiæ laude expugnarit artisque militaris tyrocinium ibidem posuisse dicatur, nihilominus, cum a Bironio, aliisque Regiis ducibus ubique in arctum cogeretur, atque iterum Hugonoti in extremis agerent, levi impulsu agendi præcipites, Rex, & suus & catholici sæderis hostis, Hugonotis rursus pacem obtulit, superioribus transactionibus renovatis, explicatione duntaxat levis momenti adjuncta, (anno 1580.) quasi vero catholici exercitus ideo solum vincerent, ut hæresin auctoritate Regia stabilirent, aut saltem eum tantum in finem tot bella, tot subditorum sumptibus gerantur, ut innumerabilium mortalium sanguis & vita prodigantur.

55.
Regis indoles.

Rex bello gloriose confecto, & pace ignominiose composita, in veterum relapsus, sæminis & juvenibus imperitis, quos amabat, Regni habenas permisit; neglectis præstantibus viris, quos virtus, ætas, res gestæ, collectaque rerum usu experientia, dum dum erudierant. Quin juvenes illi, Sanlucius, Dojus, Arquius, Valeta &c. præcipuis muneribus admoti, ac Regis gratia abusi, superbi in Procures & avari in populos, & cunctis intolerabiles, comparabant in ipsum Principem immensum odium. Præcipue ubi Arquium & Valetam, qui totum Regem possidebant, Pares Franciæ & Duces creavit, illum Joiosæ, hunc Epernonii, & in illius cum Reginæ sorore nuptias incredibiles sumptus, subditorum sudore partos, effudit. Alteram Reginæ sororem Epernonio despondit, sed illa Christum sponsum prætulit.

Et hæc quidem odium populi, contemptum vero accersebat variabilis semper genius, a choreis etenim & nugis revolutus ad
extre-

extremæ probitatis cultum cœnobitam induit; accitis in luparam Monachis, canonicas inter eos horas concinere, cœtibus pœnitentium cucullo tectus candido interesse, cilicium induere, se flagellis cedere. Indole nempe cerea jam ad voluptates immodicas, jam ad pietatem extremam flexili. Quo fiebat, ut ficta crederetur religio, quæ fulguris instar evanesceret; pravo semper ad deteriora credenda mortalium sensu.

Promovebant indignationem catholicorum susceptæ in exterarum provinciarum adversus Regem Catholicum expeditiones bellicæ, dum proprii lares flagrant incendio. Nam Alenfonius alteram in Belgio tentavit aleam & classis Gallica in Azores pro Antonio Lusitano adversus Hispanum missa. Utraque expeditio male suscepta, dignum se eventum habuit: hoc est, infelicem. Alenfonius, magnis spebus decoctis, inglorius rediit. Strossius, classis Gallicanæ præfectus, ab Hispanis ad Terzeram victus, captusque. Abreptæ Francis octo naves, cæsa his mille hominum, capti trecenti, in quibus erant octoginta Nobiles; quos Marchio Sanctacrucius, classis Hispanæ Præfectus, veluti piratas & prædones publicos, in publico foro suspendio necari jussit. Nec tentata iterum expeditio felicius cessit; Chassio ductore classis a Sanctacrucio ad deditionem compulso, & remisso in Galliam. Ita nempe Franci domi victores victique, exterorum triumphum adornabant, longinquas expeditiones semper infaustas experti.

Ab expeditione Belgica Alenfonius Regis frater feliciorum suscepit in vitam alteram; melius mortuus, quam vixit. Tum vero fœderati catholici adhuc magis sunt accensi, metuentes, ne Henrico Rege, quem impotentem credebant, etiam mortuo, Navarrus, primus e Regio sanguine Princeps ad folium evaderet, eaque ratione ad Hugonotos Regnum devolvatur. Quare Guisus cum fœderatis varia in consilia abiit; designatusque Henrico successor Carolus Borbonius, qui linea quidem Henrico Regi erat remotior, sed gradu sanguinis uno proximior. Accessitque ad hoc consilium etiam Philippus Rex Hispaniæ, fœdere inito cum Guisio Ligæ duce.

Editis igitur geminis scriptis, adversus rationem regiminis, pro tutela religionis, plures (anno 1581.) urbes qua vi qua deditione fœderati occupant; & quidem Guisus Tullum & Virdunum, in Lotharingia, Catalanum & Meserias in Campania; Maynius ejus frater Divionem totamque Burgundiam, cum omni ferme Delphinatu: Aumalius, eorum patruelis, totam pene Picardiam: Entraqui-

Expositio in

Belgium,

Et Azores.

Alenfonii
mors.Metus Ca-
tholicorum.Bellum fœ-
deratorum.

quius Aureliam, Brissacus Andegavum : accessit Lugdunum arce diruta.

Pax.

Quamvis autem Epernonius, Jojosa, & Matignonius, Regii Duces, se opponerent, & aliquot fœderatorum cohortes cæderent, nihilominus Rex metu perculsus ad matrem, sacram velut ad anchoram, confugit. Illa Guisium conveniens, pacem impetrat, ea lege, ut Rex Hugonotorum religionem prohibeat. Ad eam Regno pellendam fœderatis Principibus committantur exercitus. Iisdem Ducibus obsides urbes dentur, Catalaunum, Rhemi, Sandesbrium, Tullum, Virdunum, Divio, Belna &c. Cardinali Guisio, Ducibus Mercurio, Guisio, Maynio, Aumalio, Elbovio, Ducibus fœderis (qui omnes erant ex stirpe Lotharingica) simulque Cardinali Borbonio, delignetur miles ad corporis custodiam. Tribuatur pecunia ad solvendum Germanis stipendium, & arcem Viroduni erigendam.

56.
Octavum
bellum,

felix initio.

Ea pactione Navarrus, Condæus, cæteraque Hugonotica factionis capita, velut fulmine afflata, vim vi repellere statuunt, abductisque a fœdere Nivernensi Duce, & Damvilla seu Mommorantio, octavum, omniumque gravissimum bellum inchoant, petitis etiam ab Elisabetha & Germaniæ Protestantibus subsidii. Et licet Lediguërius aliquas urbes ceperit, tamen Hugonoti sub Condæo, Turrenio, Trimollio, Castillonio Gasparis, & Lavallio Andeloti filio, in turpem fugam versi, atque a Regiis & fœderatis Ducibus, Jojosa, Guisio, Epernonio, Maynio, Aumalio, Brissaco, Birone, Chatrio, Matignonio, ferme penitus erant prostrati, exercitu eorum dissipato, Condæo in Angliam fugiente, Navarro in Benearnia sua se continente : Rege novis edictis, Pontifice sacris fulminibus in Hugonotica factionis capita tonante.

Legati Protestant.

Multi tunc ad Majorum Religionem reverti, quam patria extorres vivere maluerunt. Margaritha post Sixti diploma a Navarro conjuge, uti a Christianorum sacris abscisso, discessit. Sed Condæus ex Anglia cum classe & pecunia rediens spem Hugonotorum rursus erexit; quæ tunc maxime crevit, cum legati Protestantium Lutetiam ad Regem pervenerunt; postquam Navarrus per Bullionium, Fridericum Wirtembergicum, & Bezam, Geneva ad Helvetios missum, rogaverat, ut religioni oppressæ opem ferant.

Erant autem Protestantes, qui legatos miserant, Rex Daniæ, Electores Palatinus, Saxo, & Brandenburgicus, Principes Imperii, Archi-Episcopus Magdeburgensis, Dux Brunsvicensis, Landgravius Hæ-

Halliae, atque civitates liberae, Argentina, Ulma, Norimberga, & Francofurtum, cum Cantonibus Helvetiae acatholicis. Legati Germaniae scripto tradito acerbè conquerebantur, fidem subditis violatam. Rex ira exandescens, respondit, sui esse muneris edicta condere, abrogare, mutare, pro rerum temporumque varietate; mentiri eos, qui dicerent, se abrogando edictum fidem fefellisse. Qua voce offensus legati bellum minantur; ac Principes suos ad illud quantocius inferendum instigant.

Rex Germanorum atque Helvetiorum metu perculsus, pacem Hugonotis offerre cogitat; obstitente Guisio, qui telam coeptam pertexendam dicebat; atque foederatos suos ad hoc animat. Quare, cum Rex nosset, matrem propter arctam affinitatem propensorem in Lotharingos, Villaregium & Nivernensem in foedus propiores suspicaretur, Epernonium a Guisiis prorsus alienum sciret, nemini fudit, sed uno se ipso in consilium adhibito statuit, Catholicorum foederatorum, & Hugonotorum factionem, utramque sibi invitam, alteram per alteram infringere.

Quam ob rem tres intruit exercitus. Primo praeficit Epernonium, jam a puero sibi charum, Valetam antea nuncupatum; usque dum eum Epernonii Ducem creavit, ea dignitatis prerogativa, ut Ep^{er}monius. omnes duces antecederet, exceptis Principibus Regiis, ac iis, qui orti essent ex familiis, Longavilla (quae a Carolo Sapiente, Rege Franciae, sed impare thoro, descendit) ex Lotharinga, ex Sabaudica, uti Nemursius, seu Nemorosius, aut ex Nivernensi (ad Gonzagas devoluta) utque Epernonio, jam ita sublimato, adhuc majorem auctoritatem & potestatem adderet, eum Tribunum totius in Francia peditatus, atque Phocensis provinciae Praetorem renuntiavit, adjecta praefectura Caleti, Metis, Bononiae &c. Valetae vero ejus fratri Salussios & urbes transalpinas regendas dedit.

Epernonio igitur, tanta dignitate atque potentia valiato exercitum dedit, adversus Hugonotos in Delphinatum & Provinciam ducendum. Sed sortem adversarium ibidem nactus est Lediguegium; ut adeo prater urbes aliquot occupatas, & deperditum ad Caturigum exercitum, haud magnum operae pretium retulerit.

Alter exercitus traditus fuit Jojosa, alteri familiari Regis Jojosa. suavissimo, Duci jam ante in gratiam creato, & per matrimonium cum sorore Reginae affinitatem, atque innumeram pecuniam adepti. Nunc vero, ut omnibus facultatum & dignitatum ornamentis splendidus appareat, dictus Normanniae Praetor, praefecturis

arcium, magno pretio redemptis, & in eum congestis. Admiralli præterea præclarum officium resuscitatum, & in eum collatum: paterque ejus Franciæ Marescallus proclamatus, inundantis gratiæ exuberantia. Sed amplitudine illa potestatis mentem obruente, ut ferunt res humanæ, miserrime cecidit.

Nam exercitu in Avernos, Velaunos, ac Piëtones, quas provincias Hugonoti incurfabant, a Rege instructus, Laverdino dicto copiarum legato, oppida aliquot capit; in quibus Peyra arx, rupi imposita, inexpugnabilis visa. Delibata deinde fortuna quibusdam cum Navarri copiis, levioribus velitationibus, victor victusque, supremam aleam tentandam existimavit. Jussus equidem fuerat Matignonius auxiliares jungere copias; & adfuturas designata die is scriperat. At Jojosa victoriam animo præoccupans, nec illius consortem sustinens, ad Curtracum in Aquitania pugnae se offert præcipiti consilio.

Curtracensis
pugna.

Neque cunctatus Navarrus, in quatuor agmina divisit equitatum. Primum duxit Sueffionensis Condæi frater, cum Consoo item fratre, qui nuper conciliati fuerant Navarro, cum hæcenus Regias partes essent secuti. Secundum agebat ipse Navarrus, tertium Condæus, quartum Turrenius; peditatus tribunis commissus. Faustum erat Jojosa initium pugnae, sed tristis exitus. Nam relictæ Navarro insigni victoria, captus ipse est, atque contra jus gentium a duobus centurionibus necatus. Meliorem partem elegit Henricus Jojosa frater, qui, mortua conjuge, Epernonii sorore, generoso pede calcans splendentem mundi vanitatem, Capucinatorum ordinem ingressus est.

Licet autem memorabilis illa Hugonotorum fuerit victoria, cæsis Regiorum quinque millibus, quingentis captis; quos inter Laverdinus, Jojosa legatus, Sanlucius, multique alii nobiles. Nullus tamen alius victoriæ fructus fuit, Navarro, exercitu soluto in Benearniam, Condæo Rupellam regresso. (anno 1587.)

58.
Guifsi gloria.

Vices majori cum emolumento rependit Guifsi, quem, sibi propter fœdus invisum, Germanis Helvetiisque, per Lotharingiam in Galliam irrumpentibus, objecit, ut vel vita, vel militari laude populique amore excidat. Erant Germanorum atque Helvetiorum ultra triginta millia, ductoribus Donavio, quem Casimirus sibi substituit, Bullionio, ejusque fratre Marchio, quibus Contyus, Castellonius alique Hugonotorum Duces adhuc plura millia adduxerant. Guifsi, ut certius periret, modicas Rex copias dederat;

nam

nam licet Carolus Dux Lotharingae militem suum jungeret, & Parmensis ab Artesia suppetias mitteret, suosque amicos Guisus privato sumptu arcefferet, tamen non ultra duodecim millia sub signis habebat. Majorem multo exercitum, in quo Monpenferius, Nivernensis, Epernonius, Aumontius, Rhetius, Mareschalli, Olivierius Cancellarius, Villaregius, & Proceres magno numero, Rex ipse postea ad Ligerim ducebat, inter Navarrum & Guisum medius, ut Guisio caeso, Germanis se opponat, & cum Navarro conjunctionem impediatur.

Guisus cum quatuor duntaxat millibus (nam reliquas copias in Burgundiam & Picardiam dimiserat, ne Rex quid in foederatas urbes tentaret) Germanos equites ad *Alnaem* praelio aggressus, praclaram retulit victoriam, caesis 3000. captis septem vexillis, 2000. equis, 800. plaustris, & praeda ingenti. Post Guisii gloriam Sanpauli praefertim virtus ea in pugna enituit. Alios Epernonius cecidit: Helvetios pecunia persuasos Rex domum remittit. Reliqui conditiones, ab Epernonio oblatas, admiserunt: ut domum redeuntibus esset securitas, vexilla complicata in arculis deferrent, Francis impunitas foret. Atque ita ingens illa & formidanda moles disiecta est, summa Guisii gloria, Hugonotorum dolore multo maximo. (*anno 1587.*)

Prostratae tunc fuissent Hugonotorum vires, si in eos trepidatione attonitos ducere placuisset victrices copias, Contyo, Bullionio, Castillonio &c. fuga dispersis, Condæo mortuo; nisi æmulatione, invidia, odium, eversis mellioribus consiliis, tragediam adornassent multo tristissimam. Prælusum mutuis offensionibus. Rex odio Guisiae gentis Admiralii dignitatem cum Normanniae Praetura in Epernonium, Guisiorum inimicum, contulit, quam Guisus Brissaco amico suo petiverat. Picardiae Praefectura Aumalio erepta, & in Nivernensem collata, ut totus abstraheretur a foedere.

Verum Aumalius eam dimittere noluit; & interim Guisus, Nanceii cum Duce Lotharingae, aliisque suae stirpis, & foederatorum Ducibus de rei summa consilio inito, postulata ad Regem misit, ut is se arctius ad foedus applicet; eos a Præturis amoveret, quos designaverat; Concilium Tridentinum admittat; Inquisitionis tribunal inducat, urbes designandas in securitatem foederatis committat. Simulque graviter queritur, se ac familiam suam haberi despectui, suis inimicis impertiri omnia, Catholicam Religionem premi.

T t t 2.

Cum

59.
Offensiones.

Cum Rex de istis deliberando cunctaretur, & in graves iras surgeret, Parisienses vero Guisium, ceu Catholicæ fidei ac patriæ conservatorem, laudibus immensis celebrarent, in Regem autem, etiam ex publicis concionatorum cathedris, contumelias spargerent, atque in ejus perniciem consilia coquerent, alimenta urbi seditiosæ inferri vetuit. Parisienses per sexdecim, variis urbis regionibus præfectos, legatione missa Guisium rogant, ut urbi pressæ succurrat, illiusque tutelam suscipiat.

Guisius
Lutetiam.

Guisius, quamvis res in omnem partem plena esset periculi, nihilominus cum septem duntaxat Nobilibus Parisios inermis ingreditur, atque tutelaribus velut de cælo genius a populo excipitur. Ad ædes Catharinæ Reginæ primo divertit; quæ aspectu viri attonita, mittit ad Regem, qui adventum nuntiaret. Is improvisò nuntio percussus, atque cogitationum æstu jactatus, raptante hinc odio, illinc metu, anceps animi per aulam discurrit, ac tandem conceptum pridem mentis decretum de eo necando, impellentibus juvenibus aulicis, exequi statuit.

Accitus proin ad Luparam, solo animo fretus cum Regina accedit; hæc sella gestabatur, ipse pedes nudo capite comitabatur, advolante amplissima civitate, & frequentes inter applausus acclamante; vivat Guisius, vivat Ecclesiæ columen: quin genibus nixi prætereuntem salutabant.

Periculum.

Ad Regem in Luparam perductus, percontanti, quid venisset, a quo vocatus, tanta modestia respondit, ut Rex pacatior ad Reginæ ædes eum remiserit. At mox ira recrudescente, & fermento animi exæstuante, statuit extemplo vindictam exequi. Ad Reginæ domum insequitur, ubi cum Catharina in horto deambulantem rursus aggreditur, cur contra suam prohibitionem, litteris significatam, Parisios venisset. Jurat ille, se nullas ea de re accepisse litteras. Incalcescentibus animis Mater Regem abducit, & cum Guisio semotis arbitris colloquitur.

Interea Sanpaulus de Guisio sollicitus in hortum evaserat, & plurimi ex plebe circumstant Reginæ ædes, nec pauci supra horti muros intraverant. Quorum præsentia Rex a consilio dimovetur. Sequenti die nobiles ex Lotharingia & Picardia magno numero ad Guisium confluunt, cum 400. militibus, periclitanti opem qui ferant. Rex externos urbe jubet facessere; sex millia hominum ex legionibus Prætorianis, Francis atque Hælvætiis, advocat, & in variis urbis regionibus collocat. Infurgit civis: conclamatur

ad

ad arma. Luparae propius se admovent. Guisus absque custode, patentibus ædibus, solus obambulat; Rex tumultibus civis & peregrini militis territus, fugientis instar Lutetia se proripit. Dum Bi-
ro & Aumontius Prætorianum militem urbe educunt, Helvetiorum unus sclopetum explodit: mox cæteri saxorum grandine ex ædibus depluente maectantur. 70, qua necati, qua faucii furorem plebis expleverunt.

Guisus Regis fuga percussus, licet multas civitates, imo inter-
græ provinciæ ad eum fœdusque accederent, Lutetia ad quietem
composita, pacem a Rege, qui Carnuti substituerat, Catharina matre interveniente, impetravit, in has leges scriptam: Rex hæreticos Principes a spe Regni excluderet. Tridentinum reciperet. Præter probatos Catholicos nemini Præturas aut dignitates conferret. Privatis pactis Guisium militiæ *Francicæ summum Magistrum* dixit, abrogata *Coinstabilis* voce, Regi invisa. Picardiæ Prætura Aumalio confirmata, Lugdunensis Nemursio, Guisii fratri uterino, Parisiensis Brissaco. Multas urbes designatas, quæ darentur fœderatis obsidum loco. - Duos exercitus Rex instrueret; quorum alterum in Delphinates duceret Maynius, alter in Pictones adversus Hugonotos mitteretur. Jurejurando se Rex obstrinxit, ad has condiciones servandas. Fœdus vero, abrogato Ligæ nomine, *Unionem* catholicorum voluit appellari. Subscripserunt paci post Regem Principes. (anno 1588.)

Legatis dein Parisiensibus, rogantibus, ut Lutetiam rediret, respondit, habenda prius Blesiae comitia. Mox Carnuti Guisium excepit, a Catharina adductum summa benevolentiae significatione, tecto videlicet animo, ut certius feram in casses agat. Simulque Epernonium, Guisii inimicum, aula abscedere iussit, Normanniæ Epernonius Prætura spoliavit, suffecto Monpensiero, Guisii ex sorore nepote. Sic ingens illa in Epernonium gratiæ moles momento soluta, & potentiæ Colossus vel auræ statu excussus. Valeta frater parem ferme sortem passus. Epernonius Incolismam abiit. Quamvis nec ibi quieto vivere licuit.

Rex interim Regni comitia Blesiam convocat. Sedebant ad dextram Regis stirpis Regiæ Cardinales, Borbonius Navarri & Condæi defuncti patruus, Cardinalis Vindocinensis, Principes Contyus, & Sueffionensis, omnes tres Condæi fratres, Princeps Monpensierus ex eadem Borbonica familia, dein Duces, Nemursius ex Sabaudica stirpe, & Nivernensis ex Mantuana: Rhetius Marecallus &c. ad

lævam Cardinales, Guisius, Lenoncurius, & Gondyus. Duci Guisio peculiaris locus datus. Juratum a singulis, Rege præeunte in Unionis, nuper sancitæ, edictum. Postulabatur a Rege, ut Magistratuum infinitam turbam minuat, tributa ad eum modum reducat, quo tempore Ludovici XII. fuerunt exacta. Officia publica non vendantur. Navarrus propter hæresin a successione Regni renuntietur dejectus: adjecta alia, ex quibus constaret, Guisium & fœderatos in comitiis dominari.

Præterea duo alia magna contentione agebantur, causa nempe Salussiorum, & receptio Tridentini. Quippe Carolus Emanuel Sabaudia Dux, magnorum spirituum Princeps Philippi II. gener, cum res Franciæ adeo perturbatas spectaret, Marchionatum Salussiorum, qui solus in Italia post pacem Cameracensem Gallis remanserat, expugnata Caramaniola, eripuerat, urbibus reliquis, nullo præsidio munitis, facile se dedentibus. Rex graviter questus evicit, ut in comitiis bellum Sabaudæ denuntiaretur, Guisio suam operam ad id offerente. Sed intra verba bellum tunc hæsit.

Nec minus molestiæ comitiis attulit deliberatio de admittendo Concilio Tridentino. Quod cum flagitarent Ecclesiastici ab annis pluribus, Rex comitiis permisit. Contra illius receptionem dixit: Espeffius Advocatus Regius, de immunitatibus Ecclesiæ Gallicanæ multa prolocutus. Interpellabant hominis loquacitatem Cardinalis Guisius, alique Præsules. Sed eam inter contentionem cæcus solutus est; Rege alia consilia excoquente.

Insidiæ

Cum enim comitia urgerent tributorum remissionem, Navarri solennem abdicationem, comitiorum potestatem, qualis in Anglia, Suecia, & Polonia esset, ut Guisius cum summo in militiam imperio comestabilis appellaretur, aliaque, quæ Regiæ potestati officerent, Rex iræ impotens Guisiorum cædem decernit, præsertim ubi jam ardentem in flammam accenderent eorum inimici. Et ne ultor necis exurgat, designatur Ornanus, qui Maynium Lugduni comprehendat, Aumalium Parisiis Harlæus senatus Princeps, Lavardinus Chastrium in exercitu, Nivernensis Mercurium Nannetis.

Monitus de insidiis a familiaribus Guisius discedendi veniam a Rege petiit: at ille facinus patraturus, summa benevolentia eum retinet. Collocatisque in cubilibus suis sicarii virum incomparabilem jubet interim. At necdum satiata crudelitas, Ludovicum etiam Cardinalem Guisium, Henrici perempti fratrem, funus cruentum addidit. Mox variis in locis capiuntur Cardinalis Bor-

bo-

bonus, cum Archiepiscopo Lugdunensi, Nemursia caesi mater, Joinvilla filius, Nemursius, Elbovius, Brissacus, alique plurimi. (anno 1588.) Regi, ob Cardinalem casum a Nuntio Apostolico denunciata censura. Catharina mater audita Guisiorum caede, extincta est, anno ætatis 72. postquam Galliam factionibus miscuit, luxum peregrinum induxit, modestiam a foeminarum moribus ablegavit, Hugonotis crescendi occasionem dedit.

Nuntiata Guisiorum caede tota Gallia vehementer fuit commota, Hugonotica & Politica factione plaudentibus, foederatis Catho. Defectiones a Rege. licis, gravissima, atque justissima, ut putabant, ira in Regem fermentibus. Mox plures ac præcipuæ urbes a Rege (quem Henricum Valesium compellabant) defecerunt. Parisiis ingens tumultus. Concionatores ex cathedris tonant, civis in foro, plebs in compitis; in sacra etiam claustra pervadit indignatio. Sorbonia decreto sancit, Francos sacramento fidei & obsequii in Regem solutos posse in eum bellum suscipere. Sexdecim viri Harlæum primum senatus Præsidentem, cum Christophoro Thuano, Brissonio, & Seguerio Præsidentibus in Bastillam abducunt, sequentibus in eundem carcerem rel quis senatoribus. Juratum ab omnibus ordinibus Unionis editum, ad conservandam Religionem Catholicam. Maynius occisorum frater dictus urbis Gubernator. Tantaque erat exacerbatio, ut piaculum morte dignum haberetur, si quis Henricum Regem appellaret, aut tabulam ejus pictam domi haberet. Tota denique civitas sagum induit.

Lutetiæ exemplum secutæ aliæ urbes & provinciæ, fidem & obsequium Henrico renuntiarunt, uti Aurelia, arce ab Aumalio expugnata pulsoque Aumontio, Ambianum & Abbavilla cum Lauduno in Picardia, tota Campania præter Catalaunum, in Normannia Rothomagum parlamento expulso, Bajocæ, Falasia, cæteræque urbes ad Sequanam; Cænomanum, Pistavium; cum Divione tota Burgundia, Lugdunum, & cum Massilia, Arelate, & Aquis Sextiis tota Phocensis provincia, Valeta & Epernonio pulsus; Bituricenses cum urbe primaria, impellente Chastrio Gubernatore; Arvernii inferior. In Delphinatu Ornanus Gratianopoli a foederatis pulsus. Britanniam Dux Mercurius (seu Mercordius) a Rege abducit. Toluosa denique, ab Hugonotorum fermento immunis servata, foederari accessit, Duranto senatus Præsidente necato & in furcam acto. Burdegallam adversus Brissacum Matignonius Regi servavit, & aliqua in Normannia Monpensierius.

Rex

Conventus.

Rex conventu indicto, in quo comparuerunt Contius, Sueffionensis, Monpensierus, ejusque filius Dombensis, & Nivernensis. Principes: Biro, Aumontius, Marefcalli: admissio dein etiam Epernonio, adversus Maynium, Aumalium, Mercurium, Brissacum, Chastrium, Roissium, aliosque fœderis Duces, & urbes fœderatas, edicta promulgavit. Romamque ad Cardinalem Joiosam, & Pisanum Oratorem suum scripsit, ut ob Cardinalem Presbyterum cœsum absolutionem a Pontifice peterent. At Sixtus exorari non poterat, obfistentibus Maynii legatis. Spem tamen fecit, si Rex Cardinalem Borbonium, & Archiepiscopum Lugdunensem custodia dimitteret.

Petitio absolutionis.

Verum ea spes brevianuit, ubi Rex cum Navarropacem ac fœdus iniit. Tum enim vero excandescens Pontifex Monitorium, ut vocabat, Romæ, & in ipsa Francia Carnuti & Meldis affigi curavit, quo jubebat, ut Rex Cardinalem & Archiepiscopum liberos dimittat; quod nisi decem intra dies faceret, declarabat, eum censuras gravissimas incurrisse. Cunctante Rege & fœdus cum Navarro prosequente, Nuntius Apostolicus ex Gallia discessit, & Regis Orator Roma.

Regis fœdus cum Navarro.

Auxit averfionem fœderatorum a Rege libellus, cujus auctor Mornæus, homo doctus, sed malignus Calvinista, per quem Navarrus cum Rege fœdus inierat. Volebat hoc scripto Mornæus pacem & fœdus initum a labe purgare; sed cum plura in defensionem Hugonotorum inspergeret, Regem in hæresis suspicionem, & adhuc majus fœderatorum odium adduxit. Nam passim Regem hæreticum proclamarunt, nomenque ejus e sacrae liturgiæ precibus eraserunt, verbis substitutis: *pro Christianis Principibus nostris*. Mornæus nihilominus in præmium Salmurii Præfecturam accepit.

Mornæi libellus.

Maynium.

Maynium, ad quem capiendum Ornanus missus fuerat, tanquam Numen quoddam Parisiis exceptus est, throno velut Regio a civibus apparato. At ille regis titulo repudiato, urbe composita, dictus est regni legatus atque Vicarius; fractoque Regis sigillo, substitutum est aliud, his verbis inscriptum: *sigillum Regni Franciæ*.

Lutetia digressus cum exercitu Maynium, capto Vindocino, ad Turones, ubi Rex morabatur, copias admovet; & prope aberat, quin eum egredientem caperet. Rege in urbem regresso, pugnaque cum Regiis feliciter conferta, suburbium Maynium occupat. Verum Castellonio cum parte Hugonotici exercitus adveniente, & deinde Navarro cum parte altera, incendio suburbio, ad Vindecinos se recipit.

Au-

Aumalius interea Sylvanectum, quod Torraus Mommorantii frater propugnabat, obsidione cinxit, & ad extrema jam redegerat; cum Longavilla & Noya adductis Regiis copiis, commissaque pugna Aumalium in fugam agunt, cæsis fœderatorum duobus millibus, castrisque eorum direptis.

Conjunctis dein Hugonoticis Navarri copiis cum Regiis, per Helvetiorum adventum auctis, Rex & Navarrus exercitum, quadraginta hominum millibus constantem, ad Lutetiam expugnandam ducunt. Jamque dies secunda Augusti (anni 1589.) designata erat ad impetenda suburbia, cum pridie ejus diei Rex occiditur.

Perseverabant nempe Concionatores e pulpitis detonare in Regem; & inoleverat passim plurium animis tetra illa & in publicum noxia opinio, licere tyrannum occidere, cum e Patrum Dominicanorum familia ea opinione imbutus parricida exurgit Jacobus Clemens, nuper inauguratus sacerdotio. Is cum cultrum parasset, cui soli litteras a se tradendas dicebat, cultrum e manica eductum in ejus alvum abdit, visceribus cum sanguine prorumpentibus. Rex cultrum extrahit, eoque duo vulnera parricidæ infligit. Accurrunt aulici & impium percussorem pluribus plagis confodiunt.

Rex, ubi, se obsequentem Ecclesiæ filium professus, ob casum Cardinalem & vindictas Præsules veniam petit, a censura absolutus est, confessione etiam sacramentali deposita, aliisque Ecclesiæ munus præsidii, pie obiit, ætatis anno 39. regni 14. ultimus stirpis Valesiæ. Dotibus erat præclaris; sed eas obscurabat aulæ corruptela, & factionum confusio.

ARTICULUS VIII.

Status Galliæ sub Henrico IV.

Extincta per Henrici III. cædem Valesia familia, quæ per 260. annos solum tenuerat, luctus, gaudium, spes, metusque, prociisque animo, totam Franciam habebat confusam, & Europam omnem expectatione suspensam, quo demum res sit, evasura. Sola quippe supererat e Regio Hugonis Capeti, & ut multi opinantur, Caroli M. sanguine stirps Borbonica, per Robertum Claremontanum, S. Ludovici filium natu minimum propagata.

Pars VII.

U u u

E.

Et quidem secundum legem Salicam jure repræsentationis ac primogenituræ corona debebatur Henrico Borbonio, Duci Vindocinensi, ac Navarræ Regi (quem Navarrum hactenus appellavi) sed quia Calviniana labe erat infectus, Proceres Catholici, qui a fœdere alieni defuncti regis partes tuebantur, in cœtum collecti deliberant, atque in tres sententias abeunt.

63.
Delibera-
tio Regio-
rum.

Longavilla cum aliis sceptrum Henrico absque ulla conditione deferebat. Altera plurium sententia exigebat, ut illico Catholicam Religionem præstetur: id si præstaret, res tota ad regni comitia referatur. Tertia Mompenserii, & Pinæi, eaque media obsequium eidem statim addixit, ea tamen conditione, ut intra sex menses Catholicam Religionem se doceri curaret, interim vero Hugonoticam prohibeat, nullam illis Præturam aut præfecturam concedat, liceretque Nobilibus ad Pontificem legatos mittere.

In tertiam hanc itum sententiam, Nec abnuvit Henricus, eo solo excepto, quod de interdicensa Hugonotis religione petebatur. De cætero Catholicos in omnes urbes admittere, & Ecclesiasticis facultates restituere promisit, promulgato in hanc rem edicto. Vitrius nolens subscribere fœderatis accessit. Eperonius fœderatis & Hugonotis æque inimicus cum duobus peditum millibus & quingentis equitum discessit, Henrico frustra eum retinere conante.

Fœderati
Cardin.
Borb-

Contra vero fœderati, magno de Regis nece gaudio concepto, atque a Navarro hæresi infecto tota mente abhorrentes, duce Maynio Parisiis Borbonium Cardinalem, ab adversa parte adhuc in custodia detentum, tanquam uno gradu propiorem stirpi Valesiæ, Regem promulgant, sub nomine Caroli X. Maynio vero vicariatum generalem Franciæ confirmant.

Navarrus 36. tunc ætatis annum agens, postquam exercitum multorum secessione multum imminutum vidit, & Maynium de concordia frustra appellavit, deposita spe capiendæ Lutetiæ, in tres partes copias divisit; quarum unam Longavilla, Princeps Catholicus, in Picardiam duceret, alteram Aumontius pariter orthodoxus in Campaniam, tertiam non ultra septem millia constantem, ipse in Normanniam, opulentam provinciam, in qua Anglica auxilia expectaret.

64.
Maynius
Rothoma-
gum libe-
rat.

Erant cum eo Contyus, Damvilla, Castillonius, Rohanius, Forcia, Baquevilla. Accessitque Mompenserius Normanniæ Prætor, cum 200. Nobilibus, 1500. peditibus. Interceptis in itinere pluribus arcibus Rothomagum obsedit, quam Aumalius & Brissacus propug-

nabant. At Maynius cum exercitu accurrens eum depulit, & in tantas angustias conjecit, ut Parisios scriberet, se clausum habere Bernium, nec elabi posse, nisi in piscem versus insiliret in pelagus. Verum Henricus licet copiis inferior, pugna *Arcensi* conferta id effecit, ut Maynius in Picardiam recederet.

Instructus interea Rex ab Elisabetha 4000. militum, pecunia & largo ad bellum commeatu, recta ad occupandam Lutetiam progreditur, ac tribus in locis eam invasit. Ad primum suburbium occupandum designati Angli, duce Birone, cum filio & Guytrio: ad alterum Aumontius & Damvilla, Catholici: ad tertium Castillonius & Noya. Expugnata omnia tria suburbia. At veniente cum exercitu Maynio Henricus obsidionem solvit; captisque pluribus oppidis, & urbibus in Normanniam rediit.

Sixtus interea Pontifex misso in Galliam Cardinale Cajetano cum decem episcopis, & Roberto Bellarmino, cujus jam tunc magna erat auctoritas, foederi accessit, una cum Hispano, qui Galliam in tutelam suam deponi cupiebat. At Maynius modicas tantum copias, plures tamen pecunias petiit, atque a Parmensi ex Belgio 2000. militum impetravit, ductore Philippo Egmontio, Egmontii viri fortis filio, cui Albanus vitam ademerat.

Secuta est mox *Juriacensis* pugna; quam ab invito Maynio, duce peritissimo, Egmontius, militesque extorserant. Utrunque pertinacissime dimicatum. Sed tandem Regis victoria fuit, foederatis magno numero casis, atque inter eos Egmontio. (anno 1590.)

Tanta victoria dignum non aliud videbatur premium quam Lutetia, quam Nemursius omni ad defensionem apparatu instruxerat. Noya afflictam recenti clade urbem vi expugnandam censuit, Biro fame ad deditionem compellendam. Hoc consilium placuit. Jamque urbem extrema fames vexabat, multis hominum millibus inedia occumbentibus; cum jubente Hispano Alexander Farnesius Dux Parmensis ex Belgio exercitum duodecim millium adducit, cui copias suas junxerunt Maynius, Aumalius, Castrius, Balagnius, Sampaulus. Navarrus cum exercitu obviam procedit, pugnamque, cuius erat cupidissimus, offert Alexandro. At ille minore impendio Lutetiam liberaturus, traductis clam copiis Lagniacum, urbem ad Matronam munitam expugnat, perque flumen illud magnam cibarium copiam Parisiis invehit, urbis Salvator publice acclamatus, Navarri contra exercitum inedia coepit infestare, atque inde coegit recedere.

Et Lutetiam.

Sixtus & Philippus ad foedus.

Juriacensis pugna.

64.
Obsidio Lutetiae,

a Farnese soluta.

Tentavit tamen adhuc per Castillonium ex S. Jacobi suburbio scalis applicitis clam in urbem evadere. Nec procul a successu conatus abfuit, jam eluctante per scalas milite, nisi pauci Jelyitæ, qui forte eo loco dormientibus cæteris intendebant vigilas, ad arma conclamassent, excitique milites hostem abegissent. Hoc consilio frustrato Henricus in Picardiam, Parmensis vero, expugnato Corbolio, causatus Belgici belli necessitates, in Flandriam rediit, latera ejus velut stipante Navarro, ad fines Galliæ ventum ad arma, confertaque pugna, victoria penes Farnesium stetit.

Obitus
Card.
Borb.

Sub ipsis Parisiensis obsidionis exordiis Fontenæi, ubi captivus detinebatur, obiit Cardinalis Borbonius, quem fœderati Regem renuntiaverant. Confirmata Maynio vicaria in univ. Regnum Præfectura. Editum a Sorbona decretum, quo sanciebat, jure Divino nefas esse, Regem hæreticum admittere. Instituta supplicationes a cœnobitis, crucem læva, hastam dextra gestantibus. Incedebant longis ordinibus, in diversas sacras familias distributis, cincti gladiis, galeis, loricisque supra religiosas vestes armati, atque diversa armorum genera ferentes, concinebant preces, crebris sclopetorum explosionibus interpolatas. Nemursius vero, Aumalius, Duces, Tribuni, Magistratus &c. juramento se adstrinxerant ad Religionis defensionem, & Principis hæretici repulsam.

Bellum in
provin-
ciis.

Dum hæc toto anno ad primariam urbem gerebantur, plerique in provinciis Mars atrociter sævit, varia fortuna, Henrico tamen magis favente. In Andegavis, Cenomanis & Pictonibus Princeps Contyus urbes expugnabat. Aquitaniam Matignoni compescebat. Arverniam, parta ad Issoriacum victoria, Regi asserta. Lediguerius expugnata Gratianopoli in Delphinatibus & Phocensibus rem strenue gerebat. Britanniam Princeps Dombensis, Monpenserii filius, & Dux Mercordius lacerabant. At hanc provinciam Hispanus Isabellæ filiæ suæ, ob matrem Henrici III. sororem, vindicabat. Missis itaque cum classe copiis Mercordium juvabat. Rex iterum Lutetiam astu tentavit, centurionibus rusticorum habitu equos farina onustos ad urbem agentibus. Sed fraus patefacta & explosa est. Captum tamen a Regiis Carnutum. Pluresque ex Catholicis ad eum se applicuerunt, inter quos Ludovicus Gonzaga, Princeps Nivernensis magnæ in Gallia, licet esset exterus, existimationis, & Epernonius, qui post mortem Henrici III. se subdlexerat. Quo pacto non parum auctæ sunt illius copię, tot pugnibus & obsidionibus attritæ.

Jam

Jamque fœderatis superior erat viribus; cum illi ad Philip-^{Hispani} pum Hispaniarum Regem legatum mittunt, qui majora subsidia ^{consilia.} expeteret. Respondit ille, se immensam jam fœderatis in rem alienam expendisse pecuniam. Galliæ coronam filiæ suæ, a sorore Henrici III. prognatæ, esse debitam. Nupturam illam Alberto Archiduci, atque in dotem Belgii provincias allaturam; qua ratione multum augendam Galliam, si illa in Reginam adscisceretur. Et quamvis orator legis Salicæ normam, regnique consuetudines opponeret, tamen copias dedit atque pecuniam.

Perculit ea Hispani mens æque fœderatos, ac Regios. Sed ^{66.} nec minus summorum Pontificum animus varius. Sixtus sub vitæ ^{Interdi-} finem alienior visus a fœdere, Catholicis, qui Henricum seque-^{ctum.} bantur, aures dedit, inhibito legato suo, ne censura eos perstrin- gat. At Gregorius XIV. Mediolanensis in Hispanum ponior, gemi- num diploma mittit in Galliam. Primo Ecclesiasticos interdicat sacris, nisi ab Henrico Borbonio, hæretico, & relapso, recedant. Alte- ro laicos cum minis hortatur, ut eundem deserant. Verum sena- tus Catalaunensis & Turonensis ausus est utramque Bullam abroga- re. A Præsulibus etiam, qui Henrico adhærebant, Carnuti decla- ratum, irrita esse illa diplomata: reclamante tamen Cardinale Bor- bonio (antea Vindocinensi) quem frater Sueffionensis in spem re- gni adduxerat.

Sacrum fulmen cum non proficeret apud gentem, nescio qui Pontifici- bus libertatibus sibi blandientem, profanum Gregorius adhibendum copiæ putavit. Indicit delectum: quo scribuntur Helvetiorum sex mil- lia, Italorum duo, ac mille equites; iisque ducem præficit Her- culem Sfrondratum nepotem ex fratre, ærario, quod Sixtus con- gesserat, huc impenso.

Cum Pontifice & Hispano fœderatis accessit Carolus Emanuel ^{Sabaudus} Dux Sabaudia; cui satis non erat Salussios, vivente adhuc Henri- co III. eripere, sed eo interempto in Galliam universam jus exten- dit, quod ex Francisco I. avo materno prognatus esset. Præsertim vero in Delphinatum & Provinciam Phocensem, sibi vicinas, spes suas intendit: fuscitatio etiam jure ad regnum Arelatense, ad quod provinciæ illæ quondam spectaverant. Conciliatis igitur senatoribus, Aquas Sextias ad Comitæ properat; a quibus Provinciæ regimen cum titulo Proregis sub corona Franciæ accipit. Mox Salonio ca- pto Massiliæ excipitur, uti etiam Arelate, ac Berræ; receptisque a Philippo socero auxiliis, spes suas ulterius promoturus videbatur.

Uuu3.

Sed

Videtur.

Sed versa mox est fortunæ alea. Valeta & Lediguerius Regii Duces, nulla ope, nulla pecunia freti, sua industria, fortitudine summaque in Regem fide, Sabaudum in Provincia fregerunt; tum maxime, ubi Lediguerius ad *Poncharam* in Delphinatu Amedeum ejus fratrem nothum, atque Hispanos memorabili prælio vicit, cæsis eorum quatuor millibus, castrisque omni opulentia plenis direptis. Qua parta victoria in Phocensem Provinciam victor advolat, atque substitutus in demortui Valetæ locum, non tantum ex Provincia Sabaudum abigit, sed in Pedemontium quoque irrumpens, complures urbes arcesque expugnat, ac prædiis firmat.

67.
Guissii li-
bertas.

Prosperis his rerum eventibus Henricum recreatum duo perturbant, Guissii libertas, & Noyæ mors. Carolus nempe Guissius, Henrici ab Henrico III. Blesis cæsi filius, viginti nunc annorum juvenis, ex Turonensi arce, in qua captivus detinebatur, cytharædi opera sericum funem nactus, quem in ipsam cytharam indiderat, per fenestram demissus, atque a paratis equitibus exceptus, ad Chastrium evadit.

Turbæ Pa-
risiense.

Tumultuatum interea Parisiis, dum Maynium inter & sexdecim viros serpebat discordia. Quippe Maynii impatienter iserebat, civium turbam ac propemodum sæcem in auctoritatem summam assurgere. Quamobrem eam factionem suppressere satagebat. Illi autem, ut contra Maynii potentiam se tuerentur, ad Guissium, custodia liberatum, verterunt animos, nova condita juramenti formula, ad pellendam urbe factionem Politicorum (nam ita Regi faventes appellabant) simulque omnes Regii sanguinis Principes a regno excludebantur. Tres senatus principes, qui in Henricum propensiores videbantur, suspendio necati. Maynii occasionem nactus, qua sexdecim virorum potestatem usurpatam circumscriberet, novem ex illis per listorem trahi affigi jubet. Quo facto infinita illa tribunorum plebis potentia sic contrita est, ut deinceps vix amplius assurgeret; simulque senatum ad lubitum mutavit.

Henricus, cum Pontificem, Hispanum, Sabaudum, ac Galliæ fœderatos Catholicos adversum se insurgere spectaret, ad externa quoque auxilia animum intendit, accepitque per comitem Essexium tria Anglorum millia, & ex Germania 11000. peditum, equitum 5050. a Palatino, Saxone, Brandeburgo, Hassio, & civitatibus Protestantibus, impensis Elisabethæ scripta; imperio penes Anhaltinum existente.

Con-

Conductæ sunt hæ copiæ potissimum cura Vicecomitis Henrici Turrenii; cui Marscallo creato a Rege uxor data Catharina, hæres Bullionii Ducatus, a fratre instituta ea conditione, si Hugonoto sit nuptura. Quare rejectis nobilissimis, ex Mompenseria, Lotharinga, & Nivernensi familia, prociis, Bullionium (quod ad Ecclesiam Leodiensem olim spectaverat) cum Sedano Turreniorum domui intulit. Ex hoc Turrenio natus est magnus ille Gallici exercitus, sub Ludovico XIV, Imperator, Henricus Turrenius.

Henricus Rex cum Germanis, Anglis, Batavis, Gallisque, sibi adherentibus, Normanniam ex integro sibi asserturus, Rothomagum, provinciam caput, obsidet, strenue illam propugnante Villarsio. Cedere nihilominus hostium multitudini debuisset, nisi Parmensis cum exercitu veniens obsidionem bis solvisset, sicut antea Lutetiam liberavit. Et fregisset omnino summus hic belli Imperator Henrici partes, nisi Maynius, nolens Hispanos crescere, omnibus ejus prudentissimis consiliis se opposuisset. Ita nempe hostis emolumento socius socium turbat, cum ad diversos fines tendunt. Et imprimis quidem Alexander cæsis ad Aumaliam Hugonotis, captaque urbe cum pluribus arcibus & oppidis, Henrici ad Rothomagum munita castra aggredi statuit, ut pugna decretoria pertinacitandem bello finem imponat. Sed Maynio cum Gallis ducibus federatis obsistente, cum Villarius faustis eruptionibus hostem fregisset, in hyberna concessit. At cum Henricus mox ad obsidionem rediisset, atque ad desperationem jam ferme redeisset, rogatus Farnesius eandem denuo liberavit. Debellari tunc potuisse existimabatur, si Dux Maynius persuaderi potuisset, ut prælium ineat. At ille potestatis suæ finem metuens, nolensque, ut Gallia ab Hispanis subacta leges acciperet, induci non potuit, ut in prælium confertiret. Dato igitur Navarro spatio, quo exercitum suum, ad Rothomagum valde accisum attritumque, novis undique affluentibus Heterodoxorum auxiliis repararet, Catholicus exercitus in magnam cibariorum penuriam incurrit, & a Navarro velut conclusus tenebatur; sed Farnesius, licet brachio pila tactus graviter saucius, trajectis singulari arte per Sequanam copiis, hosteque prope metante decepto, rem totam restituit, pluribusque propugnaculis aut expugnatis aut deditione acceptis, in Belgium rediit, ubi interea Batavi magnis fuerant incrementis aucti. Et quamquam tam classe nuper in Angliam destinata, quam intercepto ab Anglis auro Indico, aut retardato, atque tot bellis in Gallia, Belgio, Aragonia gestis, ærarium Hispanum erat exhaustum, tertiam nihilominus in Galliam expe-

expeditionem adornavit, ut & fœdus vacillans sustentaret, & regni comitiis, pro renuntiando novo Rege armatus interesset. Sed in ipso apparatu Atrebatii obiit.

Comitia. Parmensi in Belgium regresso, caesoque magno Regis dolore Bironio Marescallo, Regem inter & Maynium pax tentata est, conferentibus consilia hinc Villaregio, inde Mornæo. Sed Hispani quaminis qua spebus negotium evertunt, atque Maynium ad comitia Regni indicenda compellunt; a quibus is potestatis amittendæ aut minuendæ metu abhorrebat. Sed accedente Clementis VIII. summi Pontificis, ipsorumque fœderatorum voluntate, tandem consensit.

Consilia de Rege. Finis erat, quem legatus Apostolicus proponebat, ut renuntietur Rex Catholicus. Orationem in eam rem ferventem habuit Genebrardus, uti probitate & religionis zelo, ita omnibus litterarum ornamentis vir clarissimus, ex Illustrissima S. Benedicti familia. Feria Hispanus Orator iis in comitiis, collaudatis Philippi in Galliam ac præsertim fœderatos beneficiis, Isabellam Claram Eugeniã, ex Henrici II. primogenita natam, Reginam Franciæ enuntiandam proponit, nupturam Alberto Archiduci. Cum hæc propositio comitiis displiceret, idem legatus nupturam Gallorum alicui, si vellent, asseruit. Magna tunc erat expectatio, quem ex Galliæ Principibus diadema illud involveret. Comitia autem, a senatu Parisiensi monita, eam etiam propositionem rejecerunt. Feria ulterius progressus, Carolum Ducem Guisium, nuper carcere liberatum, futurum Isabellæ conjugem nominavit, jamque ad Guisium, velut futurum Regem, frequens erat confluxus; cum Maynius indigne ferens nepotem præponi patruo, tot jam laboribus curisque pro fœdere exercito, id consilium disturbat, ipso etiam Guisio assentiente.

Receptum concil. Trid. Ne autem Maynius, inter odia Hispanorum & Henrici medius succumbat, trimestres ab hoc oblatas inducias acceptat. Sed mox rursus novam cum Hispanis unionem in tutelam fœderis paciscitur. Denique legato Pontificio urgente, admittit in comitiis Concilium Tridentinum. Idque saltem isthæc effecerunt comitia, ut conversionem Regis promoverent.

68. Cur dilata conversio. Dudum ille veritatem Catholicæ Religionis agnoverat; sed quia in tanto prioris aulæ fermento nihil certi sperare ab eadem poterat, apud Hugonotos verò, quorum plurimi erant, caput esse posset, eorumque potenti factione fulciri, differendam conversionem censebat. Post Henrici Regis eadem, aversis ab eo fœderatorum animis, Hispanisque regnum sibi quarentibus, per Hugonotorum,

Eli.

Elisabethae, Batavorum, Helvetiae & Germaniae Protestantium operam regnum sibi debitum comparandum putabat. Præterquam, quod minus decorum sibi duceret, si speciem præberet, quod aut regni terreni cupiditate, aut a subditis suis coactus religionem mutaret.

At vero ubi vidit per tot jam annos a Francis exterisque, a se ipso etiam suisque suum lacerari regnum, Philippum potentissimum Hispaniarum Regem omnes vires impensurum, ut filiam suam in his adversus se ipsam armatæ Franciæ turbis folio admoveat; faventem in hoc sibi habere Pontificem, atque Sabaudum generum; fœderatos a se velut hæretico abhorrere; quin eos etiam catholicos, qui ex suis stant partibus, discessionem minitari, nisi ad sacra catholicorum redeat; novissime Contium & Dombensem, Duces suos, in Britannia prælio a Mercordio victos, præcipuas Regni urbes adhucdum esse in fœderatorum potestate; æternum fore bellum, in extremam perniciem Franciam daturum.

His, inquam, aliisque apud animum suum probe expensis, spretisque Hugonotorum, Anglorum, Batavorum, & Germaniae Protestantium precibus ac minis, rejectis quoque Mornæi, a quo hætenus a catholica professione avocatus fuerat, hortationibus nihil amplius dissimulandum simulandumve ratus, Jacobi Perronii, ad Ebroicenses tunc insulas destinati, eloquentis & eruditi in paucis viri industria, doctrina de invocatione sanctorum, de peccatis sacerdoti privatim aperiendis, & Pontificis potestate (in quibus adhuc hæsitare videbatur) uberius instructus, ipsis etiam Hugonotis fatentibus, in catholica Religione salutem æternam comparari posse, diem professioni publice emittendæ designavit.

Disceptatum tunc equidem inter Catholicos, an Galliae Præfules Regem absolvendi facultatem haberent, pernegante id Cardinale Borbonio, flamma ambitionis, quam Maynius & Hispani studiose nutriverant, necdum extincta; major nihilominus consultantibus pars censuit, absolutionem in hoc rerum articulo impertiri posse, non appellato Pontifice.

Illuxit igitur tandem non solum Galliae universæ, sed rei etiam Catholicae optata dies 25. Julii (anno 1593.) qua Rex domo prodiens, candida veste, in Principum Procerumque magna frequentia, ad fores templi Sandionysiani progressus, occurrenti Bituricensi Archiepiscopo, astantibus Cardinale Borbonio, cæterisque Præsulibus, interroganti, quis esset, quidve inquireret, respondet, se Regem esse

Conversio.

esse, ac velle admitti in gremium sanctæ Ecclesiæ Catholicæ, Apostolicæ & Romanæ. Deinde procumbens in genua, fidei professionem ex scripto legit, traditque Bituricensi. Mox in Ecclesiam ducitur; concinitur sacre lætitiæ canticum; deponit peccatorum confessionem apud Bituricensem, ac solempni sacro præsentem se sistit, a prandio vespers & concioni interest, effuso omnium gaudio, maximaque Parisiensium frequentia, qui contra legati Pontificii & Maynii iussa advolaverant. Et vero illa conversione non tantum cælorum aditus patefactus est Regi, sed civitatum quoque & Provinciarum, quas hætenus Religionis studium occluserat.

Nam mox Vitrus, qui post Henrici III. mortem a Navarro propter religionem ad fœderatos defecerat, primus omnium ad Catholicum jam Regem se convertit, sequentibus exemplum Præfetti sui Meldis; dein Aquis Sextiis in Provincia, Genebrardo Archiepiscopo studio fœderis secedente Massiliam. Secutæ sunt Aurelia cum Biturigibus, quas Chastrius pro fœdere administratas ad Regem duxit. Lugdunum pariter, Nemursio prætore in custodiam dato, Regios admisit.

Inauguratio.

Suscepta mox Carnuti (nam Remos fœderati obtinebant) solennis Regis inauguratio a Nicolao Thuano, Carnutensi Episcopo, præsentibus Principibus, qui Pares Franciæ referrent, Contyo, Suesfionensi, Mompenserio, ac Ducibus Pinæo, Rhetio, & Ventadurio, Matignonio Marefcallo, Longavilla cubiculi Regii Præfesto, Cancellario, Episcopis & Optimatibus (anno 1594.) Secuta brevi Lutetiæ deditio per Brissacum, fortem eo usque fœderis socium, quem Rex extemplo Marefcallum dixit. Legatus Pontificius cum Feria oratore Hispano & copiis incolumes excessere. Urbi mox parta quies, festivisque gaudiis Rex exceptus, amnestia ubique promulgata. Universitas etiam, abrogatis prioribus decretis, obsequium fidemque Regi juravit.

69.
Lutetia,

aliæ urbes,

Tum vero multæ urbes, æmulatæ exemplum Lutetiæ, Regi sunt deditæ, Monterolium & Abbavilla in Picardia; Treca & Senones in Campania; Rionum in Arvernia; Aginnum, Villanova, & Marmauda in Aquitania; & præsertim Rothomagum in Normannia, a Villarsio Præfecto, Admiralii dignitatem, sacerdotia opulenta aliæque sibi pacto tradita. Lauduno dein vi expugnato, ad Regem accesserunt, Perona, Roya, Mondiderium, Ambianum, Bellovicum, Noviodunum, Sueffio, Hamum, Fara, Theodorici castrum.

Imo

Imo jam a Maynio deficiebat sua familia; Elbovius cum Picta- Principes.
vio Regi additus: & ipse Guisus pro foederatis Campaniae Guber-
nator, a Maynio dissidens, postquam cum rege contraxerat, Rhemos
eidem tradit, interempto Sampaolo eorum praefecto, fortissimo illo
milite, qui ejus patrem tam sollicitè adversus Henricum III. Parisiis
a nece vindicaverat. Guisus donatus pratura Phocensis Provinciae,
amato Epernonio. Similiter Lotharingiae Dux opera Bassompetræ
cum rege convenit, foedusque pangit.

Rex Henricus tantis incrementis auctus, recuperata tota ferme Rex bellum
Burgundia, quæ hætenus Maynio fida in foedere perstiterat, Hispa- indicit Hisp.
no bellum indicit, dissuadentibus multis, sananda potius Franciæ
vulnera existimantibus; magnoque aut libertatis aut etiam vitæ di-
scrimini se exposuit. Nam Bullionio in agrum Luxemburgicum mis-
so, Balagnio in Artesios, atque Hannonios, nihil præter rusticorum
prædationes relatum: atque pugnae avidus Rex ad Fontem Francicum
Maynium & Velasum Hispanorum Ducein aggreditur; cumque
Maynus jam delibasset victoriam (nam Velasus suo milite immo-
tus stabat) Rex cum centum tantum cataphractis in aciem prorum-
pit, seque hosti irruenti obicit, stricto ense in densam turbam se
abdens, prælium restaurat; & si non integram victoriam reportavit,
cladem saltem suorum audaci facinore evitavit.

Sed & duo alia gravissima sustinuit pericula a perditissimis duo-
bus hominum monitris. Nam cum Rex a Pontifice necdum absolutus
esset a censura, quia putabatur solummodo ad tempus, ut foedus
dissolvat, & regnum acquirat, religionis catholicæ simulationem
præferre, nutrientibus hanc Romæ persuasionem Maynio & Hispa-
nis, & aliunde constaret, Elisabetham, conversione Regis irrita-
tam, ejusdem excitatione fuisse placatam, atque Hugonotis sectæ
sue exercitum, cum facultate convocandi synodos, tum particu-
lares tum nationales permittere, non serio Regem conversum plures
existimabant.

Hos inter mortalium impiissimus Petrus Barriera, primum Au-
reliae navicularius, dein miles, de inferenda Regi nece nefandum
suscepit consilium (ex perversissima illa persuasione, quam post Hen-
rici III. cadem concionatores ex pulpitis detonabant) Varadeus Col-
legii Parisiensis Rector, cui consilium atrox Barriera aperuerat, gra-
vissimis verbis hominem reprehendit, ac dehortatus est, nec con-
fessionem ejus audire voluit, sed Regem de vesani hominis dementia
monuit, prout Rex ipse postmodum publice fuit testatus. Ca-
ptus proin nebulo Meloduni, meritoque supplicio affectus est.

Gravius alterum propiusque fuit periculum. Cum enim Rex apparatus bellum Hispanicum Parisios venisset, in turba procerum, cum cubiculum ingressurus erat, parricidalis ictu appetitur; lethalis erat futurus, quia in guttur directus, nisi se demississet Rex ad excipiendum Montignium, qui salutaturus accefferat. Cultro igitur in os impasto, labro inferiore scisso, & excusso dente fauciat. Ingens in re subita terror & consternatio. Circumspicitur, quis tanti patratore flagitii (nam is cultrum in turba projecerat) apprehenditur a Sueffionensi Principe juvenis incognitus: negat facinus, sed ad supremam curiam ductus fatetur.

Castellus.

Joannes Chastellus is erat; mercatoris Parisiensis filius, Juris prudentiæ tunc alumnus, annorum novendecim, sceleratissimus nebulo, stygia illa ex priore bello persuasione imbutus, flagitiorum veniam se non obtenturum existimans, nisi cæde Regis, quam adhuc hæreticum plures nuncupabant. Quæstioni subjectus, ut complices nefandi facinoris prodatur, constanter etiam inter tormenta, asseruit, neminem fuisse conscium, suo unius consilio id esse patratum.

Interrogatus de vitæ genere, se prius in Jesuitarum scholis Philosophiæ fuisse inscriptum respondit, jam vero ultra medium annum Jurisprudentiæ, Marcilio Professore, dedisse operam. Quamvis autem propior cadere potuisset suspicio in scholas juris, quas a septem jam mensibus adiverat, tamen inimici, Societatis pellendæ se nactus causam arbitrati, Jesuitas sceleris auctores divulgant, absque ullo indicio, sine ullo teste; pernégante Chastello, ullum ex Societate fuisse conscium, aut cum ullo ea de re consilium se contulisse. Gueretus Chastelli quondam in Philosophia Professor in carcerem abreptus, torturæ subjectus, quamvis neque scripto nec voce aliquid docuerat, quod culpæ dari posset, datus nihilominus in vincula, quia Professor olim rei fuerat. Quasi vero Professores omnia crimina deberent luere, quæ a discipulis patrantur.

71.
Guignardus
occisus.

Excussa dein omnia collegii scrinia. Inventum in cubili P. Joannis Guignardi Theologiæ Professoris scriptum, anno 1589: confectum, cum de nece Henrici III. Parisiis inter Theologos multa esset disceptatio, passimque de hoc argumento, Parisiis præsertim, disputare aut scribere, piaculum nemo duceret. Ipsaque Sorbona multo acriora edidisset, quam Guignardus privatim conceperat.

Is nihilominus tractus in carcerem & quæstioni admotus, confessus est, se illa, quæ sibi objicerentur, privatim scripsisse, sed tempore illo, cum eadem, & adhuc acriora, concionatores passim ex cathedra.

cathedris declamarent, & plurimi Doctores, Praefules, Parochi, & ex aliis Religiosis familiis viri docti & pii, scribebant, & in vulgus etiam iactabant; idque totum, plena indulta praeteritorum amnestia, clementissime a Rege condonatum. Quod vero ejusmodi scripta non combussisset, id oblivione factum & negligentia, non animo nocendi, aut iis unquam utendi. De caetero Chastelli facinus nulla ratione ad se pertinere. Nihilominus a senatu jussus est ex furca pendere; licet ejusmodi scripta, etiam post edictum ea lacerandi aut comburendi, passim adhuc in Bibliothecis & manibus versarentur.

Sed illud iniquius, quod Senatus ille Parisiensis (cujus caput ^{Societas} Harlaeus, vehementer tunc inimicus Societati) propter unius hominis ^{pulsa} noxam (etiam si illa excusari non potuisset) toti in Gallia Societati exilium indixerit. Quid, quaeso! humanis per orbem societatibus fieret, si unius culpam omnes oporteret luere? Num propter facinus Jacobi Clementis, qui Regem Henricum III. interfecit, totus ejusdem ordo, tot meritis inclitus, e Gallia proscribendus; sed invidiae, quae virtutis, laudis, bonique meriti solet esse comes, livori, atque odio quorundam, tristem id genus scenam adornantium condonandum fuit.

Obtemperarunt Patres; mox ab ipso rege maxima cum laude revocandi; quibus exilium non tam poena fuit, quam probatio; revocatio innocentiae praemium, non culpae venia: Rege ipso postmodum potenter vindicante honorem Societatis, quam antea vix aliter, nisi ex ore Hugonotorum noverat. Attamen supremæ curiæ (seu parlamenta) Tolosana & Burdegalensis, decreto Parisiensis curiæ, cui non subest, rejecto, Jesuitas in collegiis ditionis suæ conservarunt.

Chastellus parricida nefarius pro merito punitus (si ulla tanto sceleri poena par esse queat) membra candenti forcipe laniatus, discriptus trahentibus in diversum equis, atque igne consumptus. Domus ejus paterna funditus eversa, soloque æquata; & in area relicta pyramis erecta, cui insculptum legebatur senatus decretum, cum variis inscriptionibus, a Josepho Scaligero, homine hæretico, ut Societati probum inureret, compositis.

Gravissime accepit Clemens VIII. Pontifex Societatis e Gallia proscriptionem; firmatusque in opinione, jam alias ab hostibus Regis ipsi impressa, Henricum tempori duntaxat in amplectenda religione servivisse, Ludovicum Gonzagam, Ducem Nivernensem, a Rege ad petendam absolutionem missum, non admisit, significans

X x x 3

per

per litteras, se ab Henrico Borbonio Oratorem nullum admitturum. Tacita tamen legati appellatione cum Pontifice locutus, re infecta rediit in Franciam.

Societas la-
borat pro ab-
solutione Re-
gis.

Non cessabat autem Societas pro causa Regis apud Clementem agere, ac rogare, ut absolutionis beneficium eidem impertiat. Neque Galli solum in hoc negotio laborarunt, uti Sirmondus, Comolitus, Alexander Georgius, nuper Collegii Parisiensis Rector, cum Guereto, Castelli olim Professore, qui pedibus Pontificis advoluti, reconciliationis cum Ecclesia gratiam pro rege rogarunt; sed ipse etiam Claudius Aquaviva Societatis Generalis. Cui cum plerique auctores essent, ut inter conditiones, Regis in communionem Ecclesiae recipiendi, hanc apponi curaret, ut Societas in Galliam restitueretur, aut saltem Regis negotium retardaret, foveretque suspicionem, de parum sincero in Ecclesiam animo: quippe qui ordinem religiosum, religioni propugnandae ferventer addictum, regno exigeret, ipse neutrum fecit; sed per se suosque apud Pontificem laborare & rogare non destitit, ut causa Regis quantocius ad optatum exitum perducatur.

Accessit Toleti, e Societate ad purpuram assumpti, indefessam industriam. Qui licet Hispanus esset, pro auctoritate & gratia, quae pollebat apud Pontificem, ipsum adhortari, impellere, & propemodum cogere ad impertiendam absolutionem Regi, non cessavit. Tandem igitur inflexus Clemens, Doslatum & Perronium, Regis oratores, admisit; iisque agentibus negotium confectum est.

72.
Conditio-
nes.

Quippe causa ad Cardinalium collegium relata, indictisque per omnia urbis templa solennibus precibus, post revulsos omnes obices, quos hostes objecerant, in sexdecim conditiones conventum est. Quarum erant praecipuae; ut Rex in Bearnia instauraret Religionem intra annum. Condæm Principem ab Hugonotis reciperet, curaretque orthodoxa religione institui. Concilium Tridentinum admitteret, iis exceptis, quae observari in Gallia non possent, quin tranquillitas regni turbaretur. Cætera ad pietatem Regis stabiliendam, & palam omnibus contestandam pertinebant.

His constitutis, anno 1595. 16. Septem. Pontifice praesente in pegmate ante fores S. Petri erecto, & adstantibus Cardinalibus cum Absolutio. curia Pontificia, Perronius & Doslatus in ejus conspectum admissi, legunt primum libellum Regis supplicem, exhibito in eam rem mandato; mox lecto decreto Pontificis, quo priorem Regis absolutionem, a Bituricensi in Gallia impertitam, abrogabat, Procuratores Regis.

Regis nomine abjurant hæresin, ac catholicam fidem profitentur; cum prostrati ante Pontificem, ejus manu virga leviter percutiuntur numeros, dum psalmus *Miserere* concinitur. Tandemque Pontifex in solio confidens absolutionem pronunciat, faustis populi acclamationibus, & tormentis Adrianae molis gratulationem late intonantibus. Mox apertæ S. Petri valvæ: inducunt Procuratores ad sepulchrum SS. Apostolorum: finitaque sacra cæremonia. Perronius & Dossatus in numerum Cardinalium adlecti. Rex eorum negotium continuo ratum habuit, ac toto regno gratiarum actionem instituit.

Hac absolutione non tantum Rex Ecclesiæ, sed etiam subditi Regi sunt restituti, fœderis partibus abjectis prorsus, atque infractis. Nam Maynius, per septem jam annos fœderatorum caput, exemplo ad clementiam Regis conversus, largis conditionibus ab eo inter tergeminos amplexus receptus est; præter veniam præteritorum cum assecclis plurima consecutus. Debita ipsius a Rege persoluta; tres urbes ad securitatem ei concessæ, Sueffio, Cabilo, & Bellegarda; certante deinceps utroque alio multo armorum genere, Rege gratiis, Maynio fide atque obsequio: æmulorum altero injuriæ, altero auctoritatis ponente memoriam.

Maynio se junxerunt Nemursius ejus frater uterinus, & Jojosa, amplis similiter conditionibus recepti. Et Jojosa quidem, quem post fratris mortem ex Capucinorum ordine ad defendendam Religionem Catholicam Tolosates in Præfectum arcessiverant, Tolosam cum reliqua Occitania, a fœdere abjectam in obsequium Regis adduxit; atque Marefchallus ab eodem dictus impetrata a Pontifice votorum commutatione per Jojosam patrum Cardinalem, ut ea instar Melitenfium Equitum observaret. Lussitque per aliquot annos in ea mundi scena personam Ducis; donec aspirante Divina gratia, sponte abdicato potestatis & coruscantis vanitatis ludibrio, rursus se induit in Capucinorum pauperiem; repetita humilitate illustrior, atque uni Deo serviendo, mente pacatior, & perennis gloriæ securior.

Phocensis Provinciæ Præturam Guisio Rex concesserat; verum Epernonius vir magno animo, quem per multa jam utriusque fortunæ fata induraverat, eandem dimittere noluit, in pretium admiraliū eandem sibi datam asserens, aditamque hæreditario quasi jure, quam Valeta frater gessisset, ærumnis hosti abreptam, partamque. Sed Rex Guisium immisit in possessionem, ferro aperiendam. Exceptus is primo Aquis sextiis, Epernonium aggreditur. Qui cernens se parta tueri non posse, in Regis tandem clementiam se conjecit;

cit; donatus Prætura Lemovicensi, & centum aureorum millibus ad sarcinas impensas. Matiliam dein, duorum consulum tyrannide nomine fœderis pressam, Guisus Regi, sibi que Gubernatori conciliat, illustri Præturæ auspicio.

Mercurius.

Supererant ex fœderatorum reliquiis duo adhuc Principes, Mercordius seu Mercurius, & Aumalius, cum Rege necdum conciliati. Et Mercordius quidem magna constantia, aut pertinacia Britanniae inhærebat: Aumontii Marefchalli, viri fortissimi, in obsidione Comperii cæde, factus animosior, in plures adhuc annos dominationem porrexit; usque dum Rex ipse cum exercitu in Britanniam movens, urbium præfectos, qui Mercordio adhærebant, clementia ad obsequium flexit. Quare Dux Mercordius necessitate compulsus, Regis tandem gratiam per conjugem Mariam Luxemburgicam appellavit; exceptus proin a Rege plura impetravit, quam speraverat.

Estræa opera.

Promovebat hanc concordiam Ludovica Henrici III. vidua, Mercordii soror; ac præcipue Gabrielis Estræa, Regis Henrici IV. omnino potens, qui eam Ducissam Betfortiam dixerat; postquam ex ea liberos susceperat. Estræa summopere favebat Principibus, ex Lotharingica stirpe ortis, quia sperabat, per eos liberos suos, quos ex Rege genuerat, exclusis Principibus aliis Borbonicis, ad regnum promotum iri. Quare etiam Guisio, & Maynio optimas pacis conditiones a Rege impetravit. Et in hac ipsa cum Mercordio transactione ejus opera sponsalia sunt nuncupata, inter Cæsarem ejusdem filium (quem dein Rex pater legitimis natalibus restituit, & Vindocinensem Ducem atque Britanniae Prætorem creavit) & Franciscam Mercordii Filiam. Sponsus quartum, sponsa sextum ætatis annum agebat.

Nannerense edictum.

Ab hac pactione Rex ultra progressus ad ordinandam Britanniam, tot annorum bellis conquassatam. Nanneretis edictum sanxit in plura descriptum capita, quod *Nanneretense dictum*. Quo Hugonotis plura concessit, permittens in Bearnia & aliis quibusdam locis, sectæ libertate, atque promisso Ministris stipendio, non quidem ex decimis, uti postulaverant, sed ex Regis ærario.

Hugonoti nempe jam a conversione averso a Rege animo, inter se conspiraverant, præsertim ubi viderunt fœderatos, sibi infensissimos, in gratiam & amicitiam receptos. Negabant propterea adversus Hispanos auxilia, instigati, ut credebatur, a Duce Bullionio, Mornæo, Noya, & Trimollio, eorum ducibus.

Tan-

Tantæ proterviæ occasionem fecit bellum Hispanicum; quod interea acriter gestum est, non una Gallorum clade. Nam imprimis Parmensis, dein Mansfeldius & Velasus arma ex Belgio strenue inferebant; denique Comes Fontanus in Picardiam ruens, primo Castellum deditione obtinet; dein reportata egregia victoria, caeso Villarsio, Darlanium capit. Tum vero factus animosior, suadentibus Aumalio & Rosneo, Cameracum obsidet.

73.
Bellum Hispan.

Eam urbem ad Imperium spectantem, amplam & validam, Balagnius pro fœderatis tenuerat. Mox conventionem cum Rege inita, Marescallus ab eo discus, obtinuit, ut summo jure illam possideret, sub protectione Regis. At cum impotentius regeret, Cameracenses se Regi subjiciunt. Sed ille impulsu Etrea (quæ Balagnio favebat) jubet, ut Balagnio pareant. Qua repulsa irritati, Balagnii Imperium non ferentes, Hispani se dedunt: exposculante cum Rege Bironio, quod unius mulierculæ blanditiis urbem tantam amisisset.

Rex indignatione æstuans, statuit in consilio hostem victorem extemplo aggredi; quod cum dissuaderet Nivernensis, ob summum periculum emolumento nullo subeundum, Rex vultu obitus. *Revero, tibi sit, inquit, iste metus, qui ab hoste septima leuca semper absuisti.* Qua voce Princeps percussus decubuit, & paulo post obiit. Hanc mercedem ab aula retulit Ludovicus Gonzaga, uxorio nomine Dux Nivernensis & Retelensis propter inconcussam in Franciam fidem, & impensam perpetuam in militia & aula pro Regno sollicitudinem.

Venerat interea in Hispanorum castra (anno 1596.) Albertus Archidux, suscepto Belgii regimine; atque complures urbes, & inter eas Caletum per Rosneum capit, per palmas & adreas inaugurans principatus initia. Devictis Gallis, multisque in Batavos promovit victoriam, Hulsto expugnato, sed Rosneo in obsidione occiso. Gallus is fuit, vir belli peritissimus, fœderis & Aumalii comes perpetuus. Tentaverat quidem conciliationem cum Rege, sed quia Marescalli dignitatem petierat, de cætero nihil præter se ipsum allaturus, repulsam passus, totum se Hispanis applicuit, ingenti Galliæ detrimento.

Albertus.

Rosneus.

Omnes jam fœderatorum Duces aut mortui erant, aut cum Rege conciliati, solo excepto Duce Aumalio, Maynii patruele, cui senatus Parisiensis atroci atque indigna sententia redditum intercluserat; dum eum læsæ majestatis reum damnaverat, exauctoratum Nobilitate, quadrijugis discerpendum; pluraque addita cum ingen-

Aumalius.

ti infamia, idque in ejus effigie executus fuerat carnifex. Quare rei indignitate commotus Princeps totum se Hispanis addixit; nec post pacem etiam confectam rediit, sed anno 1618. Bruxellis est mortuus.

74.
Henrici fœ-
dus cum An-
glis & Ba-
tavis.

Ambianum.

Rex interim, magnifice Parisiis excepto Alexandro Mediceo Cardinale (postea Leone XI.) cui obviam miserat Henricum Condæum puerum, catholica fide institutum; cum Elisabetha & Batavis fœdus pepigit, ea conditione, ut neutra pars citra alterius consensum cum Hispano transigeret. Hoc tamen fœdus impedire non potuit, quo minus Hispani ductore Tellio Portocarrero Ambianum Gallis eriperent, ingenti Franciæ luctu; quem ut abstergeret Rex, cum præcipuis Ducibus, Maynio, Mompenserio, Carolo Nivernensi, Ludovici nuper defuncti filio, Montignio, Noya, Vico, atque selectis copiis, Ambianum rursus expugnat, & Vico administrandum tradit, Alberto frustra cum exercitu accurrente.

Dum hæc in Picardia agerentur, Guisus totam Provinciam cum adjectis insulis recepit; Lediguerius vero, ut Crequium generum, a Sabaudis in Morienna captum, vindicaret, Barausium castrum, quod in finibus Delphinatum maximo sumptu nuper Dux extruxerat, occupavit.

Fessa tunc tot annorum immani bello utraque parte, (anno 1598.) pax tandem *Vervinensis* coaluit, Gallorum provinciis misere laceratis, Hispanis vero in Anglis & Batavis assatim hostium habentibus. Tria autem potissimum obicem ponebant, Cameracum, Angli, & Sabaudis. Urgebat Gallus, ut Cameracum arce everfa aut Imperio aut Balagnio restituatur. Paci Elisabetha intercedebat; quia cautum priore anno fuerat, ne Rex ipsa invita pacem cum Hispano contrahat. Idem Batavi oggerant. A Sabaudis Salustios Henricus repetebat, quos ille negabat restituere; nec Philippus destituere poterat generum & belli socium.

Pax Varvi-
censis.

Tandem placuit Cameracum silere; quandoquidem Hispanus idem de Metis exigere posset, conventumque, Elisabetha invitata, sed repugnante, in has condiciones.

Pax Cameracensis anni 1559. observetur. Captæ urbes ultro citroque restituantur. Dimittantur mutuo captivi. Sabaudis Berram restituat. Quoad Salustios arbiter sit Clemens Pontifex; qui intra annum sententiam ferat.

Moxque ad executionem processum. Henricus Philippo comitatum Carolesium restituit. Philippus Henrico Caletum, Ardras, Mon-

Montulinum, Durlanum, Capellam, & Castelletum in Picardia, Blavetum in Britannia. Ex quibus sane apparet, tam cruenti tot annorum Gallos inter & Hispanos belli non alium fuisse partum, quam disceptas urbes atque provincias, & exundantes rivos humani sanguinis. Mirum certe videri possit, Philippum victorem tam multas urbes munitissimas restituisse. Sed ille senio confectus, & morti proximus, Alberto & Isabellæ Belgium, a Gallorum armis quietum, voluit relinquere.

Parta videbatur quies, cum mox bellum recrudit Gallum inter & Sabaudum, propter Marchionatum Salussiorum seu Salutarium, <sup>75-
Causa Salu-
tariam.</sup> quem Carolus Emanuel Dux Sabaudia durante in Gallia bello civili Francis eripuerat; delato in pace nupera ad Pontificem arbitrio: Rex per legatum ante omnia petebat restitui atque in possessionem mitti, quippe per vim spoliatus; nihilominus tamen etiam in petitorio, ut loquimur, iudicio Papæ sententiam subiturus, causam apud eundem instruit, instrumenta exhibet, *laudem* exspectat. Verum Sabaudus tergiversatus, arbitrum promissis pertentat, se Pontificis fratri Salutias traditurum, si eas sibi sententia addicat. At Clemens indignatus se corruptela peti, totam a se causam removet, sua jura alibi disceptanda partibus relinquens.

Igitur Dux bellum veritus, anno 1599. magno cum comitatu <sup>Dux in Gal-
liam.</sup> ad Regem in Galliam abit, amice transacturus. Certatur honoris significatione maxima, & muneribus, copiose in Proceres a Duce congestis. Causa Salutarium committitur arbitris utrinque delectis. Dux petit a Rege, ut Genevæ tutelam abjiciat; suam esse urbem, raptam patri Philiberto per summam injuriam; tam æquum, ut ipse Genevam repetat, quam Rex Salussios. At Rex imparem esse contendebat causam: quando jam plures Franciæ Reges protexissent Genevam, Salutias autem nuper primum Dux per vim eripuisset. (Quasi vero iniqua protectio per annos roboretur, ubi dominus continuo reclamatione) Dux Mediolani & Neapolis spem ingerit. Sed nec ea esca placuit Regi, asserenti, se sua petere, non incerta aut aliena. Denique ad preces Dux versus, rogat, ut uni ex filiis suis marchionatus detur in clientelam. Sed Rex restitutionem urget; tunc visum iri, cui traderet.

Cum igitur Dux & artes, & preces, & dona consumpsisset, novum fœdus compingit, ut in proximum Junium regi traderet vel Salutias, vel Sebastianos cum Pinerolio, atque optio penes Ducem esset. Veniente Junio variis excusationibus is moram necebat, atque in omnes partes se versabat, ne Salutias redderet, neque aliunde

detrimentum pateretur. Quandoquidem gravissimum ei acciderat, quod detracta spe Delphinatus, & Phocensis Provinciæ, in quam immensas jam pecunias insumperat, etiam Salutias amittere, aut alias suas ditiones deberet. Quid, quod Salustii traditis, janua perpetuo aperta, admitteret Francos in intima sua viscera, excepto non tam hospite quam hoste, clave Italiæ in Gallorum manibus hærente.

Bellum.

Rex contra jus suum armis profecuturus copias trifariam dividit; quarum unam partem Biro in Sebusianos, alteram Ledigverius Mommelianum versus, tertiam ipse Camberium duceret. Biro Burgum expugnat, Ledigverius Moriennam & Tarentasium; Rex Camberium, pluresque alias urbes, ac denique omnes conjuncti Mommelianum; eversa etiam ad Ledigverii, adhuc hæretici, intercessionem arce, quæ Genevæ erat infesta.

Pax.

Dux igitur, Hispano negante auxilia, ad pacem petendam compulsum, ablata recepit, & pro Salutii Sebusianos Regi tradidit; id in mœrore solatii consecutus, ut retento marchionatu Salutiarum cum Caromaniala, Francis Italiæ clavem eriperet; plaudente Hispano, Francos immensis alipum repagulis Mediolano secludi (*anno 1599.*)

**76.
Nuptiæ.**

Pace composita, ad connubia versi animi. Primum contraxit Henricus Caroli II. Lotharingæ Ducis filius cum Catharina, Regis Henrici IV. sorore, Calvinianæ adhuc sectæ addictæ. Altero & tertio Familiæ Nivernensis, & Maynia arctius junctæ sunt; quarto Mompenseria & Jojosea. Quintum Rex ipse adjecit.

Etrææ obitus.

Quippe jam diu Margaritam Valesiam, Henrici III. sororem, conjugis loco non habebat, sed Etræam, quam Belfortiam ducissam creaverat, ducere cogitabat. Hanc etenim fœminam infano amore deperibat, tresque jam liberos ex ea susceperat, quos per subsequens matrimonium legitimis natalibus donare statuerat. Verum ea res turbatura erat Franciam; quod Principes Regii sanguinis haud passuri essent throno destinari, quos plerique ex gemino adulterio natos accusabant.

Cum ecce! Belfortia quantum prægnans ipso parasceves die apoplexia subita corruens, inter horrendas membrorum convulsiones exspiravit, ore retro in tergum retorto, mira formæ venustate in extremam deformitatem repente conversa; animi turpitudine in corpus redundante. (*1599.*) Rex ad nuntium morbi Parisios properans, morte audita, exclamasse fertur, Deo Franciam esse curæ.

Igitur

Igitur de futuro hærede sollicitus, atque de conjugio serio Matrimo-
cogitans, Clementem Pontificem rogavit, ut matrimonium cum nium irritum
Margarita irritum declarat. Cumque ipsa etiam in hoc consensum declaratum.
præbuisset, Pontifex Jojosam Cardinalem, cum Nuntio suo, &
Arelatensi Episcopo Judicem delegat. Hi causa in Gallia cognita
matrimonium irritum censuerunt, ob quatuor potissimum causas:
quod sponsi tertio gradu affines essent; quod sponsus fuerit hære-
ticus, & sponsa nunquam in eas nuptias consenserit, quodque in-
ter eos versaretur spiritualis affinitas. Ac licet Carolus IX. post
cædem Hugonotorum Parisiis factam, a Gregorio XIII. dispen-
sationem petierit, atque impetrarit, illam tamen fuisse invalidam,
quod obtenta esset Margarita inscia, imo repugnante.

Pontifex ubi sententiam Judicii delegati approbavit, Mariam Maria Medi-
Rex duxit, ex Francisco Florentiæ Duce, & Joanna Ferdinandi I. cæa.
Cæsaris filia prægnatam, domo Borbonica novo nexu cum Austriaca
conjuncta. Matrimonium Rex contraxit primo Florentiæ per procu-
ratorem, Ferdinandum Magnum Hetruriæ Ducem, sponsæ patrum,
qui Francisco fratri successerat. Sponsa anno 1600. Massiliæ a Jo-
josa, Gondio, Giurio, & Sourdio, Cardinalibus, comestabili,
Guisio, aliisque proceribus excepta, atque ad Regem conjugem
deducta, sequenti anno Ludovicum XIII. peperit.

ARTICULUS IX.

Observatio,

Quibus viis hæresis in Galliam irrupere, & Eccle-
siam perturbavit.

Quamvis ex iis, quæ dicta sunt hætenus, facile sit perspicere, 77.
nova credendi vivendique dogmata non more Apostolico Per arma.
pacate & quiete fuisse introducta in Galliam atque propagata,
sed more, hæresi ubique consueto, per rebelliones, arma &
cruenta bella. Quantum enim sanguinis quadraginta intra annos
fusus ad Veras, Druidas, S. Dionysii fanum, Jarnacum, Mon-
conturium, Courtracum, Sanlisium, Jurium, aliisque plus quam cen-
tum præliis, infinita civium strage commissis? An ullus toto fer-
me regno locus, qui non captus, receptus, rursusque captus, at-

quæ omni belli genere misere fuerit vexatus, ultra decies centenis hominum millibus crudeliter absumptis?

Nihilominus tamen hæresis, exitialis illa regnorum fax, non solis armis, cadibus, ruinis Galliam miscuit, verum suggerente maligno generis humani hoste aliis quoque machinis in ipsos incautos mortalium animos sibi viam aperuit; & primo quidem per fœminas.

Velut enim feralis ille serpens per Evam olim primum nostrum parentem seduxit, totamque progignendæ sobolis, in stirpe vitiatæ, massam corripuit; ita non desit postmodum naturam, Redemptoris sanguine reparatam, per fœminas, qua sensuum illecebris, qua hæresibus propagatis in exitium dare.

Novimus etenim, jam olim Montanam hæresin per Priscillam & Maximillam, Samaritanam per Zenobiam, Priscillianam per Agapen, Pelagianam per Julianam & Demetriadem, aliasque hæreses per alias mulierculas fuisse profeminatas. Et sicut Arianos magno studio protexit Constantia, Constantini M. soror, ita Calvinistas in Margaritam, Gallia Margarita Francisci I. soror, Henrico Albretano Regi Navarrae nupta. Quæ pro genio muliebri, & innata Gallis indole, novitatis avida, a Jacobo Fabro & Gerardo Rufo, sectæ lutheranæ Grammaticis perversa, non desit auxilio, patrocinio, pecuniis numerosis, etiam Genevam ad Calvinum missis, nascentis hæreseos tutelam gerere, commune velut ejusdem Asylon.

Renatam. Accessit Renata, Ludovici XII. filia, Duci Ferrariæ nupta, quæ in ipsam Italiam luem intulit, & redux in Galliam eandem propagantes magnis favoribus est prosecuta. Nec parum opis in Stampensi Regis pellice. Ut adeo non procul abfuerit, quin Franciscum

Per Grammaticos. I. tres istæ fœminæ tæbe sua inficerent. Is quippe literarum amans, cum Galliam densis ignorantiae tenebris sepulta cerneret, peregrinos didascalos, Catholicam Religionem præferentes, sed venenum in-

78. Regis periculum. spargere omni studio laborantes, in aula sua jam fovebat, audiebat, eorum scripta legebat, ipsumque Melanchtonem, quem eruditum & in religionis negotio moderatum esse virum ex Bellajo Langæo, suo ad Protestantem Germaniæ Principes legato, intellexerat, scripta epistola jam accersiverat; motus præsertim libello, quem is de moderandis religionis negotiis ediderat, in cujus initio Papæ auctoritatem Monarchicam in Ecclesia esse concedit, ut unitas fidei ac disciplinæ contineatur; potestatem autem in Regna & Imperia nec ad Ecclesiam, nec ad Evangelium attinere. Neque parum ad permittendam se-

ctam

etiam Regem inclinabant Langæi fratres, Archiepiscopus alter Parisiensis, alter legatus, cum aliis politicis, regionem plus quam religionem curantibus: perverso prorsus consilio: quasi vero regio salva stare possit religione eversa.

At Cardinalis Turnonius Archiepiscopus Lugdunensis, magna virtute & doctrina Præsul, Regem cordate monuit, ex S. Irenæo, Galliæ Apostolo, exhibens, quantum sint fugiendi hæretici. Et sane Regem adhortatione sua ita immutavit, ut non modo invitationem Melanchtonis revocaret, sed severis etiam edictis, pœnisque sancitis, unam Religionem Catholicam in Gallia colendam gravissime decreverit: Præfensi, supremæ curiæ Præsidi, mandata strenue exequente. Quin Rex eam, quam supra dixi, solennem supplicationem omnium Ordinum instituit, quam cum liberis suis nudo capite cereum manu gestans est comitatus; eaque finita orationem ad populum habuit, qua omnes ad conservandam perpetuam Religionem Catholicam, a majoribus acceptam, graviter est adhortatus, illud inter alia pie ac fortiter edisserens, si ex filiis suis aliquem, aut membrum aliquod suum, hæreseos peste infectum esset, illico abscissurum. Acclamavit voce elata populus, se in Catholica Religione vivere velle & mori. Et eadem adhuc die sex hæretici igne sunt cremati. Quos cum aliis deinceps heterodoxi martyrologio suo intulerunt. At Westphalus Lutheranus, contra Lascum Calvinistam scribens, abominandos diaboli martyres appellat. Certe non mors sed causa facit martyrem. Alias etiam Servetus & Gentilis &c. forent martyres.

Verum ea esse consuevit pertinacia hæresis, ut nullis Principum edictis morem gerat, sed obdurata cervice qua vi qua fraudibus ad quidquid audendum projecta obducitur, jugumque omne excutiat. Quippe Hugonoti ad Protestantes Germaniæ Principes conversi, legationem ad Regem impetrant; libellos pestiferos omni lingua conscriptos spargunt, in cœnacula, & ipsum etiam Regis cubile injiciunt; cum libellis edicta portis affigunt, quibus interitum Regi rebelles minitantur, nisi novo Evangelio locum cederet.

Neque Benearniam duntaxat, Hispaniæ finibus imminentem, quæ ad Henricum Albretanum, Navarræ regem, tunc spectabat, Margaritæ, ejusdem conjugis opera, perverterant, sed omnem pene Aquitaniam, imo ipsas etiam Meldas, propinquam Lutetiæ urbem, Brissoneo Episcopo verborum lenocinio seducto; qui tamen postea fassus ignorantiam, atque meliora edoctus, ad Ecclesiæ gremium rediit.

Maxi-

Per Calvi-
num,

Ejusque In-
stitutiones.

Maxime vero mortiferum virus per provincias propagatum est, ubi Calvinus illud per emissarios suos Geneva sparsit. Is patris pluribus in Gallia sceleribus infamis, ut pœnæ caput subtrahat, ex patria profugus, in Helvetiam atque Argentinam ad Bucerum delatus, suas Institutiones conscribit, in quibus velut Pericles tonat, & livore, odio, maledicentia, animique impotentis intemperie plenus, quidquid quartana febris, calculi, hemicranîæ, hemorrhoidum dolor, & atrabilis ægro suggerebant, immani rabie expuit in Romanam Ecclesiam, Babylonem effrontem, prostitutam meretricem, idolis servientem, stygi devotam &c. compellans.

Virulentum hunc partum edidit anno 1534. Basileæ; alter velut Enceladus Ossam Olympo, & Pelion Ossæ superimponens, cœlum petiturus & everfurus, aut Herostrati instar ex incenso templo Ephesino sibi famam comparaturus. Accitus inde a Farello Genevam, jam prius ejus opera corruptam & legitimo domino abreptam, Catechismum ibidem conscribit, scatentem pariter furore & infandis erroribus.

At cum insolentius se gereret, Geneva cum Farello proscriptus, Bernæ, ut gratiam iniret, Zwinglium laudavit. Verum Zacharias Belga Theologiæ Doctor coram senatu schedam ei exhibuit, propria illius manu scriptam, qua Zwinglium execratur. Quare inde etiam fuga se proripiens, rursus Argentoratum ad Bucerum, illum in religione Protheum, & cum eo Ratisbonam concessit ad colloquium: diciturque aliam religionem in Gallia, aliam in Helvetia, aliam in Germania professus: in prima suam, in altera Zwinglianam, in tertia Lutheranam.

79.
Reformat.

Anno 1541. Genevam revocatus, per 23. deinceps annos ibi Pontificatum gessit; licet enim ipsa etiam Catholica nomina *Pontificis, Episcopi, Sacerdotis &c.* execraretur, re ipsa tamen summam in omnibus potestatem exercebat; ut adeo dici possit *Calvinus Pontifex Genevensis hujus nominis primus*. Qui vivente legitimo urbis Episcopo, nemini succedens, absque ulla legitima vocatione, missione, & ordinatione intrusus, a se ipso inchoavit, contra leges Evangelicas, & totius antiquitatis morem.

Imo ultra progressus, non solummodo Ecclesiastica omnia tanquam *Rex sacrorum* summo imperio moderabatur, ac pro libidine fus deque vertebat; sed Reipublicæ etiam fasces arripiens, politicum statum, quo volebat, versabat (etiam in criminalibus sedens Judex) illam sibi familiarem assumens tesseram: *cedo nulli*. Et quamvis

vis initio assumpto in societatem regiminis Farello (qui jam ante ipsum possessionem quandam inchoaverat) & Petro Vireto Sabaud, Carmelitano Apostata, triumviratum constitueret, atque Sectarii prædicarent Calvini scientiam, Farelli vehementiam, Vireti eloquentiam; hic tamen triumviratus, prout ille Romanus, haud diu tenuit, Calvino instar Julii aut Octavii collegas profligante, omniaque ad se rapiente. Quare Farellus & Viretus, Calvini dominationem despoticam, asperos mores, & mordacem linguam non ferentes, Geneva excesserunt: ille Neocomum, hic vero primo Laufannam, deinde in Bearniam.

Solus igitur Calvinus, velut Apollo Delphicus, Geneva funde Geneva Pontifex. bat oracula, totique Hugonotorum genti, per Gallias sparsa, responsa dabat: quæ velut a Numine quodam profecta adorabantur. In ipsam vero Genevam omnium profugorum, Apostatarum, & sceleratorum hominum colluvies confluit, ut apud Calvinum, sacram velut ad aram, asylum inveniat. Eos inter Onelphum Trecensem, & Spifanium, Nivernensem Episcopum, Genevam fugientes rursus ordinavit homo sacrilegus, omni ordinandi potestate vacuus.

Primum autem conciliabulum Calvinus in horto quodam celebravit, æmulatus serpentem, qui in horto genus humanum corrumpit. In hoc conventiculo sacrosanctam Eucharistiam abrogavit, tam disertis verbis in sacris litteris assertam; & cœnam quandam profanam, quam stando aut ambulando fumerent, introduxit, pane & vino, prout in caupona sumitur, definitam. Tum vero quasi remagna patrata *Ministros* (qua nomenclatione Pracones suos compellari voluit) per omnem Galliam, ceu totidem Joves ignem spirantes, distribuit, prius tamen ex disciplina sua probe excoctos.

Tonare isti debebant ac fulminare, ex Calvini præscripto contra vitia sacerdotum & abusus, & utinam eos sustulissent! sed dum putare debebant arborem, excindunt: dum barbam radere oportuit, & capillos scindere, caput abscindunt. An domus evertenda, ut everratur? an ager totus vastandus, ut evellantur zizania? egregii enimvero abusu vindices! qui ædes proprias opplent fordibus, dum alienas expurgare profitentur. Genevam cogitate; quam belle illam Calvinus purgavit! dum omnis fæcis cloacam fecit.

Et quos abusus dicitis purgatores nitidi, nidore vestro suaviter olidi? celibatum sacerdotum inquirunt. Bene habet. Ergo puritatem purgare cogitatis. Enimvero purgastis egregie: in cubilibus, nempe & impudiciis vestris. Hic scopus purgationis ac fragrantis reformationis. Evocastis devotas Deo virgines ex claustris ad ample-

plexus fœtidos, induxistis procaces muliereulas in asceteria Monachorum. Bella purgatio? Sustulistis Ecclesiæ jejunia, & carnis macerationes. Hæc enim ad vestram purgationem non faciebant. Negastis humani libertatem arbitrii, ut effrænem inducatis licentiam. Quis enim contra fatum? Deum (vah scelus!) fecistis auctorem scelerum. Sic enim purgastis mundum a scelere. Quam enim labem affricet facinus, cujus homini Deus est auctor?

Evertistis novi Donatistæ sacras aras, Divinis eloquiis toties commendatas; defecistis, contrivistis, exterminastis sacras imagines, toti antiquitati venerabiles; sola intacta diaboli imagine, & Judæ Iscariotæ. Sacrata Deo templa incendistis, diruistis, aut in stabula commutastis. Hæc vestra purgatio. Idola vos exterminasse dicitis. Itane vero? quid est idolum? an idola fuerunt Cherubini in templo Solymeo, Deo adeo grato, exhibiti? Docti vos estis homines, qui inter idolum & imaginem nescitis distinguere. Illud ad se ipsum refertur, hæc ad aliud, quod repræsentatur. Sic est: *non facies tibi sculptile, ut ardores illud.* Hoc sane observamus. Vos vero perfide & sacrilege hunc locum corrupistis, dum ita traduxistis: *non facies tibi imaginem.* Quid vero noxæ est, si Christum ipsum adorem, quem ejus imago mihi repræsentat? si sanctum honorem colam, quem imago mihi exhibet?

Missa. Sed necdum purgationum satis eliminastis Missam. Idololatria vobis est sacrosanctum, Divinum atque unicum legis Evangelicæ sacrificium, quo summus Deo cultus deferitur; quo id agitur, quod Christus præcipit, *hoc facite in meam commemorationem.* Quid hoc? quod Christus fecit. Quid fecit? se ipsum Patri Divino sacrificium obtulit pro mundi vita. *Hoc* quotidie in Missa facit sacerdotis ministerio. Nec aliud hoc est sacrificium, quam illud in cruce consummatum, sed idem omnino, sæpius repetitum in commemorationem passionis & mortis Christi. *Hoc facite in meam commemorationem,* quod ego feci. Num idololatriam dices, quod Christus fieri præcepit, quod tota Christiana fecit antiquitas? ita est: hoc fecit semel se ipsum offerendo in cruce cruento modo, sed incruento modo quotidie. Apage religionem, quæ omni caret sacrificio.

Cæna. Et quomodo habeant sacrificium, qui nec Christum habent in sua cæna? Dicit quidem Christus verbis adeo claris, ut plus quam solaribus radiis scripta videantur: *Hoc est corpus meum: caro mea vere est cibus: sanguis meus vere est potus.* At evangelium novum dicit: hoc est falsum: hoc non est corpus Christi: caro Christi non est

est vere cibus: sanguis Christi non est vere potus. Quæso? quid hoc? an hæc reverentia, quam Divinissimis Christi verbis mentes Christianæ debent?

Itæ somniantis Zwinglii & furentis Calvinii affectu; jactate, ^{S. Scriptu-} prædicate, clamate: Evangelium! Evangelium! Verbum DEI! ^{ra.} Verbum DEI! vos estis, qui honorem ei dependitis. Ubi illud affirmat, vos negatis, aut ad sensus improprios detorquetis. Hoc, si licet, nihil amplius certi ex sacris litteris haurietur. Donatistæ, Ariani, Nestoriani, Eutychiani, Pelagiani, Anabaptistæ, Sociniani, & singuli hæretici ad suos errores privatos easdem torquebunt, sicut vos ad vestros. Et certe nulla unquam exorta est hæresis, quæ non ad sacras scripturas appellaret, prout vos facitis. Imo ultra progressi estis. Corrupistis, truncastis, plures libros abjecistis.

Dicite aliquando, unde vobis certo constet, quibus libris in corruptum verbum DEI contineatur: quo sensu textus scripturæ, varias inter religiones controversus, sit intelligendus; in toto argumentario vestro nihil invenitis, quod respondere possitis, nisi ad sacras traditiones & Ecclesiæ auctoritatem recurratis. Plus dico: ne quidem summum Trinitatis Mysterium probare potestis, uti nec plu- ^{Traditio-} ra alia, quæ in symbolo Apostolorum comprehenduntur, nisi sacras ^{nes.} traditiones in subsidium vocetis; uti in Observationibus meis polemicis libro secundo de verbo Dei prolixius ostendi, atque ipsimet experti estis, quando cum Arianis in Transylvania de Trinitate disceptastis.

Quamvis autem homines isti sacra scriptura turpissime abutentur, nihilque in sectæ suæ novitatibus inveniant, nisi deceptæ mentis ludibria, plurimos nihilofecius, dum blandum melos occinunt, Syrenum instar incantarunt.

Quid enim in vulgum plausibilis, depravatæ mortalium indoli ^{gr.} & innatæ philautiæ suavius, atque ad fallendum universum aptius, ^{Melos Cal-} quam ex prætensi evangelii placitis denunciare: audite cives: nemo ^{vinificum} deinceps tenebitur Ecclesiæ Romanæ observare jejunia; nemo Mis- sam audire: nemo peccata sacerdoti exponere; nemo vota observa- re. Sacerdotibus & cœnobitis licet inire conjugium: monasteria eorumque bona diripere, Ecclesiarum opes auferre; omnes corporis afflictationes, carnis macerationes, cordis contritiones, abrogatæ sunt. Crede: & res est salva.

Ad quid tantum auri in Ecclesiis, tam splendidus ornatus, tam pingues Ecclesiasticorum redditus, nisi ad saginandos pigros ventres; ad quid perditio hæc? ad quid dies festi, supplicationes, adgenicu-

lationes, peregrinationes, nisi ad turpe otium, & laboris fugam; ad quid tot orationes pro mortuis? jucundius est Maroti & Bezzæ rhythmos suaviter cantiliare. Quid tot Sacramenta? sufficiunt duo.

Sacra-
menta.

Baptismus non est ad salutem necessarius. Nemo illum ex laicis unquam conferre potest. Moriatur infans: quid tum? salvatur in fide parentum & Ecclesiæ. Cœna tantum quater in anno instruatur. Nemo genu flexo illam accipiat. An jejunos illam sumas, an jam ante pastus & potus, parum interest. Aëgris vero nunquam apportetur. Ut Minister Ecclesiæ formetur, non opus tot testimoniis, examinibus, probationibus, manus impositionibus, ordinationibus, approbationibus, missionibus. Etiam cerdones, sartores, lanæ carminatores, rudesque menalcæ repente evaserunt prædicatores. Nempe sicut populus, sic & sacerdos. Qualis religio, tales ministri.

Matrimonium, sicut non est Sacramentum, sic non tam arctum est vinculum. Fornicatur uxor, duc aliam. Non vult te Genevam sequi, dic repudium. Si a te discedat, post annum liber es. Neque polygamia tam peregrinum nomen est, ut concedi non soleat. Ad quid tot matrimonii impedimenta; consanguinitas patrem a filia arcet, fratrem a forore. Quid plura requiris?

Atque hæc sunt pulchra illa documenta, quæ teste Florimundo Ramundo in *Hist. de ortu, progr. & ruina hæres. lib. 7. & 8.* Calvinistæ Genevæ & in Gallia docuerunt & exercuerunt. Quamvis non omnium eadem fuerit sententia: quis enim in tanta sentiendi, & loquendi licentia unitatem exspectet?

Synodi.

Certe in synodo Pictaviensi secunda, anno 1559. complures, tum ministri, tum alii, spectantes abominationem desolationis inter Calvinistas, de reditu ad Ecclesiam Catholicam deliberarunt. Inter eos Veracus Abbas aperte schisma detestatus est. Borderius vero celebris advocatus multis gravibus rationibus cœtui demonstravit, non ita temere suscipiendum ab Ecclesia divortium: turpissimi sacrilegii se reos factos, quod sine legitima vocatione & missione ministerii auctoritatem usurparint. Metuendum sane, ne a Deo, ut olim Core, Dathan, & Abiron, qui munus alienum invaserant, gravissime puniantur. Eadem in aliis quoque eorum synodis sunt agitata. Sed Calvinus Hugonotorum Papa silentium imposuit.

Juven-
tem per-
vertunt.

Ex hujus igitur disciplina, quamvis meliora cernerent, pergebant ministri homines seducere, & proposita molli lataque via ad interitum trahere; pantheræ instar, quæ suavi odore & amœno colo-
re

re dicitur feras allicere, & devorare. Præcipue vero in Academiis & litterarum Gymnasia se insinuabant, optime gnari, nusquam uberioriorem sementem lolii exsurgere, quam ubi teneram in ætatem spargitur, eorum præsertim, qui aliquando aut Ecclesiasticam aut politicam sunt gesturi rempublicam. Hinc id genus heterodoxi Grammatici præceptores se offerebant, & illoto pede etiam in Theologiam involabant, ne quidem Academia Parisiensi ab hac fæce pura. Utque securius laterent, nomina mutabant; quasi novo nomine induto veterem hominem exuerent. Sic tectus Mossionus primus erat Lutetiæ Minister, qui verbo Dei prætenso multos seduxit. O quam vere verus propheta: *falso vaticinantur prophetae in nomina meo; non misit eos, & non præcepi eis, neque locutus sum ad eos.* Jerem. 14.

ARTICULUS X.

Status Ecclesiæ Gallicanæ per Concilia reformatus Sæculo XVI.

Nullo unquam tempore calamitosior erat status Ecclesiæ Gallicanæ, quam sæculo XVI, quo hæreses, seditiones, bellaque assidua, quæ descripsi hætenus, florentissimum Regnum conquassabant, & morum disciplinam Religionemque eversum ibant. Invigilabant tamen quantum ferebat temporum iniquitas, atque pastoralium curam exercebant multi docti ferventesque pro domo Domini Galliæ Præsules, vocatis in subsidium conciliis provincialibus, ut ordinario & opportuno pharmaco Ecclesiæ morbis medeantur.

Horum aliqua celebrata sunt ante Concilium Tridentinum ad restaurandam disciplinam & arcendas irrupentes hæreses: alia vero post illud, circa annum præcipue 1583. quo plerique Archiepiscopi provinciæ suæ Episcopos, suffraganeos suos convocarunt, plurimæque sanctissima Decreta promulgarunt, simili ferme pleraque tenore, ad mentem videlicet Concilii Tridentini & sacrorum canonum, atque antiquiorum synodorum sanctiones concepta; dignæque prorsus, ut in ipsis conciliorum actis legantur extensa, ego pro instituti mei ratione synopsis duntaxat aliquam delibo, & quæ memoratu magis digna sunt visa, recensebo, multa omissurus, ne eadem toties repetantur.

Concilium Avenionense anno 1509.

32. Provinciale hoc fuit Concilium, præside Antonio Flores, Archi-Episcopo Avenionensi celebratum Avenione, urbe celebri ad Rhodanum in Provincia sita, quam cum adjecto comitatu Clemens VI. a Joanna Neapolis Regina, ex familia Andegavensi oriunda, anno 1348. emit, sex Pontificum sæculo XIV. sedem, hodieque a Pontifice per Legatum gubernatam. Editi autem sunt 35. synodales canones; quorum hæc est summa.
1. Revocantur concessiones non residendi in beneficiis Ecclesiarum.
 2. Nemo duo Beneficia habeat alias privandus utroque.
 3. Residentia personalis præcipitur, ita ut nullus ultra 30. dies per annum absit; nisi ab Archi-Episcopo aut ejus Vicario specialem habeat licentiam.
 4. Foundationes, ac proventus capellaniarum scriptæ reponantur apud secretarium curiæ Episcopalis.
 5. Singuli Parochiani diebus Dominicis festisque ad Parochiam accedant, Missam majorem, verbum DEI &c. audituri: sub pœna excommunicationis.
 6. Omnes Clerici horas canonicas in Ecclesia persolventes, aut Sacramenta ministrantes, aut funus comitantes &c. superpellicem cum longis manicis gestent. Illis, quæ manicis carent, sub excommunicationis pœna rejectis.
 7. Nemo urbe excedat, antequam solverit synodaticum, cathedralicum, aliaque jura Episcopalia.
 8. Intra sex dies omnes curati sistantur Episcopo.
 9. Clerici hospitalitatem observent.
 10. Fons Baptifinalis mundus & clausus teneatur.
 11. Curato mundus, tutus & honestus locus detur.
 12. Paramenta sint honesta ac munda.
 13. Excommunicati publice denuntiandi, atque ad Ecclesiæ unitatem reducendi.
 14. Omnium excommunicatorum nomina fiscali aut secretario tradenda.
 15. Quilibet Parochus statuta synodalia habeat.
 16. Nemo fructus beneficii elocet, aut hypothecæ subijciat.
 17. Nemo curam animarum exerceat, nisi legitime fuerit præsentatus.
 18. Nullus clericus ludat taxillis, aleis, aut chartis sub pœna excommunicationis.

19. Neque tabernam accedat, sub eadem pœna.
20. Parochus nomina decedentium, testatorum, hæredum synodo annuatim exhibeat.
21. Omnes concubinæ dimittantur, sub pœna excommunicationis.
22. Concubinarij & tortilegi a Parochis denuntientur fiscali curiæ Episcopalis.
23. Commendatur cura & conservatio Beneficiorum, Ecclesiarum, librorum, ornamentorum.
24. Alieni parochiani ad propriam parochiam remittendi ad Divina & verbum Dei audienda.
25. Etiam Sacramenta confessionis & communionis in eadem percipiant; nisi habeant licentiam.
26. Excommunicatus, si satisfecerit, absolvendus.
27. Rationes foundationum exhibendæ.
28. Prohibentur matrimonia clandestina, sub pœna excommunicationis.
29. Quam etiam incurrunt omnes, qui eadem promovent.
30. Uti etiam, qui Diœcesi aut parochia exiverint ad ea contrahenda.
31. Nullus Sacerdos sæcularis Missam celebret aut confessiones audiat, nisi licentia obtenta.
32. Præscribitur clericis decens habitus.
33. Rectores Ecclesiarum documenta ac monumenta foundationum &c. officariis Episcopi exhibeant.
34. Statuta omnia synodalia observentur.
35. Clero supplicante adjunctæ sunt aliquot modificationes horum statutorum: e. g. dispositio can. 2. de pluralitate Beneficiorum reducitur ad Jus commune: uti etiam can. 3. de residentia. Canon. 16. ita intelligendus, quod libere liceat *arèndare*, seu locare fructus Beneficiorum illis, qui conditionem Ecclesiæ possunt facere meliorem: modo locatio in feudum aut alienationem non transeat. In 25. non derogatur privilegiis.

Conciliabulum Turonense Anno 1510.

Indictum hoc fuit a Ludovico XII. Galliarum Rege Turonibus, 83.
 clarissima in Provincia Aurelianensi ad Ligerim urbe, contra
 Julius II. Pontificem, occasione bellorum Italicorum inter Pontificem &
 Alphonsum Ferrariæ Ducem, a quo Julius ducatum repetebat, quem
 ejus progenitores fiduciario jure a Pontificibus acceperant. Quum
 etenim

etenim Pontifex Alphonsum fidelium communione movisset, omnesque eidem adherentes, aut faventes, & peculiariter omnes in exercitu Gallico militantes, quem Ludovicus Duci auxilio miserat, Rex Episcopis ac Theologis Turonem convocatis, octo capita, quæ ad schisma confluendum vergerent, expendenda proposuit. Et quamvis Galliæ Præsules quæstiones eas odiosas in favorem Regis sui resolverent, visum tamen nomine Ecclesiæ Gallicanæ legatos ad Pontificem prius mittere, qui eum hortarentur ac modeste monerent, ut cœptis desistat, & pacem atque concordiam cum primogenito Ecclesiæ filio ineat. Si nolit, interpellandum de convocando concilio, juxta synodi Basileensis placita. Cum autem ille in bellum rueret, secuta sunt dein illa, quæ tum part. 3. ad Concilium Pisanum & Lateranense V. tum in hac parte Art. I. recensui.

Porro invidiosa illa octo capita versabantur circa jura Pontificis & Regis adversum se invicem. Existantque apud Ludovicum Baillium tom. 2. pag. 456, & 629. Ego illa vel recensere nolo. Melius Orthodoxi omnes eo studia sua intendunt, ut pax conservetur atque firma concordia Patrem inter & Filios, quam ut de supremis eorum juribus odiosa quæstiones moveantur. Hoc certum, nulli Principum bene vertisse bellum, adversus sedem Apostolicam susceptum. Et ipse Rex Ludovicus, licet ingentes retulisset victorias, magnamque Italiæ partem jam occupasset, tota nihilominus excedere Italia debuit, amissis multis subditorum millibus & immensis pecuniis.

Secutum est anno sequente Conciliabulum Pisanum, veluti proles Turonensis, quod part. 3. descripsi. Ejus acta & apologia ab hæreticis & schismaticis fuerunt collecta, atque anno 1612. primum typis data, non adscripto auctoris neque typographi nomine, atque malignis sutelis corrupta.

Concilium Rotomagense anno 1522.

84. **C**oncilium hoc Provinciale celebratum est a Georgio Archiepiscopo & suffraganeis Rothomagi, celeberrima ac primaria Neustriæ seu Normanniæ ad Sequanam urbe. Edita 6. Decreta, & resolutæ 11. quæstiones.

1. Pastores animarum morum integritate, vitæ sanctimonia, & boni nominis fama præluceant.

2. Ut

2. Ut ovibus sedulo invigiletur, curati personaliter resideant. Nec dispensetur, nisi causa legitima ser pto judicetur.
3. Pro Ordinatione aliisque Ecclesiasticis ministeriis nulla pecunia recipiatur.
4. Episcopi executores testamentorum compellant ad implendas ultimas voluntates.
5. Multæ pecuniariæ pro sceleribus taxatæ in curiis Ecclesiasticis in pios usus & eleemosynas convertantur, juxta illud: *facite vobis amicos de mammona iniquitatis.*
6. Ecclesiarum Prælati vestibus honestis induantur, sericis penitus eliminatis, & versicoloribus. Sequuntur undecim quæstiones propositæ.
1. An peccent Canonici confabulantes in choro, aut deambulantes sub Divino servitio, aut qui non interfunt? Respondet Concilium, quod peccent; nisi rationabilis causa, aut impedimentum excuset.
2. An Residentia Canonici in Cathedrali aut Collegiata excuset eum a residentia in suo Beneficio curato? R. Eos a personali residentia excusari, debere tamen aliquibus diebus solennibus suos Parochianos visitare.
3. An valeat consuetudo, qua arctati ad residentiam in Cathedrali die paschæ, dimittunt oves proprias? R. Supponi falsum, quod ita arctentur.
4. An liceat eis aliquid recipere pro receptione Canonicoꝝ de novo venientium? R. videri quod sic. *Verum pro ipsa receptione in Canonicum aliquid petere, aut recipere est simonia, multis Canonibus damnata. Aliud esset, si ex gratitudine aut donatione post receptionem aliquid daretur: aut statutum vigeret, post receptionem consuetam aliquam taxam solvendi, sicut solvantur annatæ.*
5. An Prælati teneantur includere Moniales, extirpare proprietatem Abbatum & Monachorum? Responderunt affirmative. *Videndum, an sint exempti, aut casus excepti.*
6. An valeat consuetudo, ut Monachi lautius vivant, quam contineat eorum regula? R. quod debeant vivere secundum regulam, salvo tamen privilegiis. *Si universalis esset consuetudo legitime præscripta, possent secundum illam vivere. Cum enim valent consuetudo legitime præscripta contra leges, cur non etiam contra regulas?*

Pars VII.

A a a a

7. An

7. An in quolibet monasterio teneantur habere præceptorem ad docendum religiosos juvenes, vel eos mittere ad studium? R. quod sic.
8. An Monachi possint esse compadres, frequentare nuptias, & prætextu officii, a regulis absoluti, passim vagari? R. quod non.
9. An liceat Monasterio aliquid recipere ab ingrediente? & an excuset consuetudo? R. quod possint gratis & sine pacto oblata recipere; non autem exigere. *Pro ipsa receptione vel ingressu nihil possunt petere, bene vero ex aliis pluribus titulis.*
10. An Monachi sine consensu Episcopi possint nova ædificia construere, vel antiqua sumptuosius reparare? R. posse construere & reædificare, non tamen sumptuosiora & ad pompam.
11. An Monachi exempti delinquentes in territorio Episcoporum possint coerceri ab Episcopo vel laico; & an subditi Episcoporum teneantur exire Episcopatum ad agendum contra exemptum coram conservatore? R. quod possint ab Episcopis coarctari, donec requirantur a suis Prælatibus. Et quod non debent exire provinciam pro justitia habenda. *Verum actor se qui debet forum Rei.*

Actum dein de abolendo tertio Ordine S. Francisci, aut reducendo ad unicum conventum; atque de non imprimendis libris, nisi prius a Doctoribus Theologiæ lecti, & ab Episcopo sint approbati, præcipue si fidem aut mores contingunt.

Denique Archiepiscopus Rotomagensis in sua Diœcesi sequentia festa jussit supprimi, non quidem quoad cultum Divinum, sed ita, ut dein mechanici suas operas exercere possint, videlicet festum Cathedræ S. Petri, Inventionis S. Crucis, S. Joan. ante portam Lat. SS. Gervasii & Protasii, S. Eligii, S. Martialis, translationis S. Martini, S. Petri ad Vincula, Inventionis S. Stephani, Fidelium Defunctorum, S. Clementis, S. Thomæ Martyris, Feria 4. post festum Pentecostes.

Concilium Lugdunense anno 1527.

35.

Postquam statuit, liberaliter Regi Francisco subvenire, ut possit filios, in Hispania pro se obsides datos, redimere, damnavit hæresin Lutheranam, atque sub gravibus pœnis prohibet, ne quis eandem regno inferre aut tenere præsumat, neve quispiam aliquid proferat, per quod Christianus populus amoveri possit a fide Catholica,

ca,

ca, a sacramentis sanctæ matris Ecclesiæ sincere credendis, a veneratione intemeratæ Virginis Deiparæ, sanctorum & sanctarum, ab observantia & votis religiosæ disciplinæ, a jejuniis, ab orationibus, & intercessionibus pro defunctis, a præceptis Ecclesiæ. Prohibentur deinde omnes libri Lutheri & sequacium; quia sub dulci, fucato & affectato sermone mellita venena propinant. Denique prohibetur etiam lectio S. Scripturæ in linguam Gallicam a Lutheranis translata; quia ejusmodi lectio rudibus propter eorum imperitiam & temeritatem plus affert periculi ac etiam damni, quam emolumenti: dum litteræ, quæ occidit, inhærentes, a veritate & puritate sensus aberrant facile, atque sic temere proprios conceptus ac privatos spiritus SS. Patrum doctorumque sententiis & interpretationibus anteponunt: ut experientia non raro demonstravit.

Prohibetur igitur graviter, ne librarii id genus libros habeant, aut publice vel occulte venales exponant. Laicis vero, ne de fide, aut articulis damnatis disputent. Sed a pastoribus animarum diligenter instruantur in doctrina Christiana. Si quos autem norunt erroribus implicatos, superiori denuntient, juridice compefcendos & corrigendos.

Adjuncta dein sunt duo decreta ad reformandos mores, ut cultus divinus fervente pietate floreat, vitæ clericalis munditia, honestas, & modestia palam eluceat. Vitia autem, quibus Ecclesiasticus Ordo passim diffamatur, ac traducitur, prorsus reprimantur, illa præsertim, quæ scandali offendiculum figunt in oculis hominum. Itaque pœnis coërceantur negotiatores clerici, concubinarij, omnesque indecore viventes.

Onerosa illa Ecclesiis, laicis vero contemptibilis clericorum, sæpe rudium & egenorum multitudo minuatur. Quare nulli ad sacros ordines admittantur, nisi qui moribus, scientia, ætate, & competente titulo, se dignos probent, præcedente ad hoc diligentis scrutinio. Bona autem in titulum assignata nulla ratione valeant alienari. In concedendis vero litteris Dimissoriis cautela adhibenda, ne passim & indiscrete dentur.

Concilium Bituricense anno 1528.

Provincia hoc Concilium celebratum fuit Biturigibus clara in Provincia Aurelianensi ad Ligerim urbe, Præside Francisco Turonio Archiepiscopo, Aquitanie Primatæ, adversus perversa Lutheri

ri dogmata, atque ad morum reformationem. Promulgata 23. Decreta. Quorum hæc epitome.

1. Lutheri & sequacium dogma, jam pridem a sede Apostolica damnatum, ubi errores necdum sunt noti, generaliter tantum in concionibus reprobetur.
2. Curati infectos illis erroribus, & sortilegos denuntient Episcopo aut ejus Vicario.
3. Ne quis librarius libros infectos imprimat, vendat, aut retineat, sed Ordinario tradat.
4. Libri etiam sacri, in vernaculam translati, non vendantur, nisi ab Ordinario sint recogniti.
5. Quæstores Indulgentias non promulgent, absque facultate Ordinarii; nec quidquam proponant, nisi quod authenticis litteris continetur: nullus incognitus prædicator admittatur, nisi de licentia Ordinarii.
6. Rectores Ecclesiarum Dominicis prædicent præcepta Dei, Evangelium, epistolam illius diei, aut quod confert ad fugam peccatorum, & amorem virtutis. Tripartitum etiam Gersonis versum sermone vulgari declarent.
7. Statuta synodalia in linguam vernaculam vertantur, & populo exponantur.
8. Nemo vagetur per templa sub re Divina.
9. Decretum Concilii Constantiensis de celebrandis tertio quoque anno synodis observetur. Prælati quot annis visitent.
10. Acerrima inquisitio fiat in blasphemos &c.
11. Omnes genua flectant ad elevationem SS. Eucharistiæ.
12. In administratione sacramentorum nihil ridiculi admisceatur. Nec pœnitens nec confessorius pœnitentiam injunctam revelet. Sigillum sanctius custodiatur.
13. Observetur statutum Concilii Constantiensis & Sanctionis Pragmaticæ de residentia Ministrorum Ecclesiæ & præsentia in cultu Divino. Psalmodia lente & devote peragatur.
14. Emendæ (*multæ*) non dentur ad firmam (*non elocentur*) nec jus sigilli Prælatorum.
15. Breviaria, Missalia, alique sacri libri non imprimantur, donec exemplaria ab Ordinario accipiant.
16. Confraternitates non erigantur inconsulto Ordinario. Nec fiant sumptus immoderati. Pecuniæ earum convertantur in pios usus. Contractus ficti & usurarii vitentur.

17. Numerus testorum coërcendus. Standumque in his abrogandis Ordinarii arbitrio.
18. Studiosis non prælegantur libri, revocantes a sacris ceremoniis, & institutis ab Ecclesia approbatis.
19. Parochi visitent quandoque personaliter suas curatias.
20. Dimissoriæ non dentur promovendis, nisi debite examinati fuerint, & inventi idonei, ac fidem fecerint de titulo mensæ. Promoti sine dimissoriis suspenduntur, quamdiu Ordinatio visum fuerit.
21. Non dispensetur a Prælatiis, ut curati relictis ovibus propriis inserviant alienis.
22. Moniales clausuram monasterii servant. Ac per omnia observetur *cap. periculofo unic. de statu regul. in 6.*
23. Religiosi extra claustra sua vagantes ab Ordinariis cogantur redire ad rectam semitam; & claustrum suum.

Addita sunt deinde aliquot Decreta circa Immunitatem Ecclesiasticam ab Officialibus Regis & Judicibus laicis violatam. Statutumque, ut ea super re porrigatur Regi supplicatio. Moderamen etiam adhibitum censuris Ecclesiasticis, præsertim excommunicationi, ut ea non feratur propter rem levioris momenti, neque pro prima contumacia: & in litteris contra participantes datis eximantur uxor, liberi, servi & ancillæ. Potius per viam interditi ab ingressu Ecclesiæ esse procedendum.

Curati resideant, nec dispensetur, nisi causa cognita, & vicariis idoneis substitutis. Ne tam facile cœmeteria polluantur ac profanentur, claudantur muro aut pariete, aut sepe.

Decretum denique, ut intra biennium quatuor decimæ omnium fructuum ab omnibus Ecclesiasticis solvantur pro redemptione filiorum Regis, in Hispania pro patre obsidum; cum protestatione tamen, quod per hujusmodi concessionem Concilium non lit contravenire Conciliorum Canonibus, sacrisque constitutionibus de solutione decimarum: sed solum in casu, a Jure permissio, videlicet in redemptionem captivorum, citra præjudicium alicujus consequentiæ; non intendens libertati Ecclesiasticæ derogare.

Concilium Parisiense anno 1528.

Hoc Concilium dicitur etiam *Senonense*, quia Parisiis celebratum fuit ab Archiepiscopo Senonensi Antonio a Prato S. R. E. Cardinali

87.

dinale, Franciæ Primate & Cancellario. Qui se etiam Germaniæ Primatem scripsit.

Dignissimum plane lectu est hoc Concilium, licet admodum prolixum; quia Novatorum & hæreticorum mores graphice depingit, eorumque errores solidissime confutat. Quare cum doctissimam Polemicæ synopsis contineat, rem non ingratam lectori me facturum credo, si prolixius aliquanto illud exponam.

Et in epistola quidem encyclica ait Cardinalis, frequentem Conciliorum celebrationem agri Dominici præcipuam esse culturam, quæ spinas hæreseos extirpet, atque deformata reformet. Generalia autem non facile posse adunari. Provide itaque a SS. Patribus constitutum, ut Metropolitanæ Provincialia convocent, quibus una cum suis suffraganeis irrepentibus animorum morbis digna cautione medeantur. Quod etsi semper non segniter fuerit observandum, maxime tamen nunc, ubi lethifer morbus corpus depascat, & exitialis quædam animorum pestis immaniter grassetur, tantam enim Lutheri & perditorum quorundam hominum auspiciis luem in Orthodoxam fidem esse profeminatam, ut serpenti contagio ocus opportuno remedio sit occurrendum. Eo namque dementiæ prorupisse perduelles Ecclesiæ, atque in eam pervenisse perfrixtæ frontis impudentiam, ut hæresiarchas a Christiana antiquitate damnatos, SS. Patribus & Conciliorum decretis antepoñant, scripturam depravent, & corruptam atque adulteratam in suam sententiam detorqueant. Ne itaque latius hic cancer serpat, promulgata esse Concilii decreta, quibus exitiale Lutheri & cæterorum id genus hæreticorum virus detegatur.

88.
De hæreticis.

In præfatione ipsius Concilii dicitur, plurimos ab omni ætate insurrexisse hæresiarchas, at de omnibus victricem Christi Ecclesiam gloriose triumphasse. Refuscitari a Luthero istorum hæreses; cum Manichæo everti humani libertatem arbitrii, ac si decepisset nos Veritas, dum ait, nostræ potestatis atque electionis esse, vias nostras bonas vel malas facere. Cum Aërio contemni Ecclesiæ jejunia, corporisque afflictationes, & pro libertate spiritus, carni dominantis, in qua sita sit libertas Christiana, induci carnis licentiam. Cum Vigilantio, altero Epicuro, sacerdotum cœlibatum explodi, quasi nihil sit, quo homines Divina adjuti gratia, distent a porcis. Cum Waldensibus idiotis perturbari hierarchiam Ecclesiæ; tanquam liberum cuique esset publice prædicare verbum DEI. Cum Marsilio Patavino omnem Ecclesiasticam jurisdictionem everti, & in laicos transfundi. Cum Wiclefo in plures damnatas hæreses irruere.

Ex-

Ex his aliorumque veterum hæreticorum virulentis fontibus nauisſe calumnias atque hærefes Lutherum, Melanctonem, Caroladadium, Zwinglium, Oecolampadium, & cæteros hujus execrandæ conjurationis complices. Quasi vero magis sit paucis temerariis errorum factoribus credendum, quam omnibus Doctõribus, sanctis Martyribus, Academiis, Episcopis, summis Pontificibus, Generalibus Conciliis; quo stultius dici nil possit, nec furiosius. Maiorem nullam esse insaniam, quam prædamnatas tot retro sæculis hærefes revocare, atque ex inferis denuo suscitare.

Sed quantumlibet tumultuentur, innumeras insipientium cæcervas in perniciem, atque ad nefariam impietatem technis & fraudibus alliciant, libros sine fine ad firmandam execrabilem hanc sectam conscribant, nugas & calumnias suas composito fucatoque sermone satagant adumbrare, totisque viribus in Ecclesiæ Catholicæ conspirent exitium, inferorum tamen portas nunquam aduersus eandem prævalituras.

Hoc eo jam tempore (quo *Lutheranismus vix decem annos numbrabat*) spectari, dum Lutherani inter se valde dissideant: alii imagines retineant, alii dejiciant: alii baptismum iteratum suscipiant, alii execrentur: alii corporis & sanguinis Christi in Eucharistia præsentiam profiteantur, alii signum tantum aliquod adesse velint. Alii scripturam claram, alii obscuram dicant. Has autem aliasque discrepantias plane indicare, quam a veritate sint alieni. Veritatem siquidem ubique sibi constare, nusquam dissidere; non enim spiritum Dei esse spiritum dissensionis. Lutheranam itaque doctrinam a spiritu mendacii prodire; nempe usque adeo pudendos & execrandos in ea contineri errores, tamque male sibi cohærentes, ut facile detestanda appareat.

Hac doctrina malefana scriptorum Catholicorum libros a Lutheranis corrumpi. Impiis præfationibus, annotationibus margini adjectis, scholiis, indicibus, serpentina malitia limpidissimos fontes infici.

In prima sessione editum fuit Decretum: quo dicitur, insurrexisse nonnullos pseudo-Christos, & pseudo-prophetas; quorum dux & vexillifer Lutherus, hæresiarchas, fastuosos, seditiosos, lutheriana superbia ac rabie lupina erectos, quales Apostolus 1. Tim. 4. ad amussim exprimat, affirmantes, laicos & mulierculas æque ac presbyteros posse absolvere ac consecrare, omnesque Christianos esse sacerdotes; cœlibatum sacerdotum abjiciendum; Monachis

chis & aliis voto obstrictis lasciviendi libertatem indulgendam. Qui sacros canones, Ecclesiæ ceremonias, receptasque laudabiles consuetudines impie derideant; atque ut nihil ad impietatem desit, sacras scripturas corrumpere, & ad suos sensus torquere præsumant, conviciis semper & maledicentiis pleni, aceto ubique & veneno perfusi. Articulos insuper infinitos ab eis disseminari, aut scandalosos, aut temerarios, aut blasphemos, aut piarum aurium offensivos. Ac tandem super exitiali ac pestilenti veneno dogmatum, pleraque alia tam fœda ac male olentia a nauseabundis evomi, ut quasi ex professo habeant, decorem sanctæ matris Ecclesiæ, fœdare, spurcare ac contaminare.

Excommunicat deinde sacra synodus, omnes hæreticos, omnesque universim, qui aliter credunt, aut prædicant, quam Romana credit aut prædicat Ecclesia; quæ etsi diversa nonnunquam edidit decreta, nihil tamen est in tanta decretorum multitudine, quod fidei orthodoxæ adversetur: sed pro conditione temporum ea, quæ ad disciplinam spectant, statuit, quæ conducibilliora sunt visa. Excommunicantur etiam omnes credentes, receptatores, defensores, & fautores hæreticorum: suspecti autem de hæresi, post unam vel alteram correptionem, decernuntur ab omnibus devitandi.

Damnati hæreseos, si eam abjurare noluerint; si laici sunt, statim iudicio sæculari relinquendi sunt: si clerici, præsentē statu sæculari, a suis ordinibus sunt degradandi: & pronuntiandum est, ut eos sæcularis Iudex in suum forum recipiat. Et quia Episcoporum numerus, per sacros Canones ad degradationem requisitus, non facile potest congregari, solus Episcopus, convocatis Abbatibus aliisque Prælatibus, possit tales degradare. Relapsi in hæresin statim iudicio sæculari sunt relinquendi. Relapsi autem censentur, qui in iudicio hæresin prius abjuraverant; licet crimen hæresis non plene fuerit probatum.

Hæreticorum bona, si laici sint, fisco applicentur sæculari, si vero clerici, Ecclesiæ, a qua stipendium acceperunt. Confiscationis autem executio non fiat per Iudicem sæcularem, nisi prius a Iudice Ecclesiastico super crimine sententia sit lata.

Prohibentur deinde privata conventicula, libelli hæreticorum, prædicationes occultæ, aut faciendæ ab eis, qui non sunt legitime missi. *Quomodo enim prædicabunt, nisi mittantur?* Fit denique supplicatio ad Regem, & Pastores animarum atque Inquisitores, ut invigilent. Sequuntur Decreta fidei.

§. 1.

De unitate & infallibilitate Ecclesiæ.

Ecclēsiā ait, esse sponsā Christi, non habentem maculam
(*quoad fidei morumque doctrinam*) non esse proin separandā a
sponso per ullam infidelitatem, sed cum ea futuram usque consum-
mationem sæculi, esse domum DEI, quæ columna est & firmamen-
tum veritatis, bene fundatā supra firmam petram: in quam licet
descendat pluvia, irruant venti, inundent flumina, everti tamen
non posse, neque portas inferi prævalituras adversus eam. Non
enim dormitabit neque dormiet, qui custodit eam: qui dedit quos-
dam quidem apostolos, quosdam autem prophetas, alios vero Evan-
gelistas, alios pastores & Doctores, ad consummationem sanctorum,
in opus ministerii, ad ædificationem corporis Christi: donec occur-
ramus omnes in unitatem fidei, & agnitionis filii Dei, in virum
perfectum, in ætatem plenitudinis Christi: ut jam non simus parvu-
li fluctuantes, & circumferamur omni vento doctrinæ, in nequitia
hominum, in astutia, ad circumventionem erroris: sed maneat no-
biscum in æternum spiritus veritatis. Eam Ecclesiā esse taberna-
culum illud cum hominibus, in quo habitabit cum eis, & ipsi po-
pulus ejus erunt, & ipse Deus cum eis. Extra quam, sicut quon-
dam extra arcam Noë, nemo salvus esse possit, quin insurgentibus
hæresum procellis obruatur. Eam ipsam unam esse domum, in qua
agnus paschalis manducari est jussus, extra quam nulla participatio
mensæ Domini. Eandem unicam domum Rahab, qua conclusi eva-
dant exterminium urbis Jericho: unam igitur, sanctam & infallibi-
lem Ecclesiā, quæ a veritate & orthodoxa fide deviare non po-
test. *Unum corpus, unus spiritus, unus Dominus, una fides.* Ephes. 4.

89.

§. 2.

De visibilitate Ecclesiæ.

IN 2. *Canone* synodus tractat de visibilitate Ecclesiæ. Nam quis,
inquit, contentionis modus, ubi provocatur ad Judicem, qui
nec inveniri, nec inventus internosci possit; si te corripientem fra-
ter tuus non audierit, dic Ecclesiæ, præceptum est Domini. Quid
autem crassius, aut quid inutilius fingi queat, si prorsus occulta sit
Pars VII. B b b b &

90.

& impervestigabilis Ecclesia, cujus antistites monet Apostolus, universo gregi, non utique invisibili, attendere, in quo eos Spiritus S. posuerat Episcopos ad regendam Ecclesiam Dei? An invisibilis illa, a qua pro Petro, dum carcere tenebatur, assidua fiebat oratio, aut in qua Timotheum conversari docet Apostolus. Non igitur fide tantum interna, sed confessione etiam fidei, & visibili sacramentorum participatione constat, semperque constitit Ecclesia. Quisquis igitur invisibilem & incertis sedibus errantem dixerit Ecclesiam, non hæresin tantum dixisse, sed hæresum omnium puteum fodisse judicetur.

§. 3.

De autoritate Conciliorum.

91.

In 3. ait, ad Synagogam olim delatum esse, si quid difficile in lege dubiumque occurrisset, non autem minus adesse Deum Ecclesiæ, in sacris conciliis generalibus congregatæ ac representatæ. His enim conciliis si ea decernendi, quæ ad fidem, extirpationem hæresum, Ecclesiæ reformationem & integritatem morum pertinent, potestas adimatur, nihil certum, nihil stabile futurum esse, nihil denique, quo hæreticus ab orthodoxo internosci possit, cum ille frequenter loquacior, & pervicacior, pluribus (licet perperam intellectis) scripturarum testimoniis falso gloriatur. Nec fuisse, quo veterum quorundam hæreticorum insultus retunderentur, nisi ecclesiastici proceres Apostolorum exemplo concilia celebrassent: quibus si sua non constet autoritas, protinus velut ab inferis suscitari hæreses damnatas, neque defuturos, qui hinc Ario, inde Nestorio, cæterisque id genus pestibus sint subscripturi. Id autem ab Apostolis (quibus Episcopi succedunt) observatum, ut, si ve murmuri Græcorum occurrendum, seu pacanda super legalibus orta seditio, non centurionem, non promiscuam e plebe multitudinem accerlerent, sed præsentem sibi Spiritum S. affirmarent, cujus instinctu, quod justum & æquum esset, sanciretur. Sane si, ubi duo vel tres sunt congregati in nomine Domini, continuo in eorum medio est Dominus, quanto magis ubi summus Pontifex cæterique Primores Ecclesiastici conveniunt, ut hæresibus subinde pullulantibus occurrant, & Domini cum agrum subortis expurgent zizaniis. Sanctam igitur & inviolabilem esse sacrorum conciliorum universalium autoritatem, cui quisquis pertinacius refragatur, eum hostem fidei jure optimo censerì debere.

§. 4.

§. 4.

De Libris Canonicis.

IN quarto canone declaratur, ad Ecclesiam pertinere determinatio-
nem, *quinam sint libri canonici*: asseriturque, summam quidem
esse S. Scripturæ auctoritatem, in qua nihil falsum, nihil otiosum
esse possit, nullum tamen surrexisse hæreticum, qui non suum erro-
rem scriptura tueri conaretur: nullam tam impudentem & absurdam
hæresin, quæ non sacris eloquiis se se jactitet, sed corruptis, & a
genuino sensu depravatis. Imo vero si quis litteræ corticem tantum
suo fretus ingenio percurrat, si penitissimos sensus cum Ecclesiasti-
cis interpretibus non penetret, vix unquam confutaturum hæretico-
rum versutias. Obortis igitur de fide dissidiis, frustra sæpe scriptu-
ram consuli, nisi litem dirimat certa & infallibilis auctoritas Eccle-
siæ, quæ canonicum librum ab apocrypho, catholicum sensum ab
hæretico, germanum ab adulterino discernat. Hac nempe velut in-
ternuntia, Patrum & conciliorum organis, a Spiritu sancto doceri
nos omnia, & suggeri nobis omnia: sine quorum auspiciis eos, qui
sacra scripturæ sensum habere se jactitent, non intelligere, quæ lo-
quuntur, sed videntes non videre, & audientes non audire. In
enumerandis igitur canonicæ scripturæ libris, qui præscriptum Eccle-
siæ usum & auctoritatem non sequitur, sacrum Carthaginense Con-
cilium tertium, Innocentii & Gelasii decreta, & denique definitum
a SS. Patribus librorum catalogum respuit, spretisque orthodoxo-
rum Patrum vestigiis, proprii spiritus judicium sequitur, eum ve-
lut schismaticum, & hæreseon omnium incentorem & fautorem
a tanta temeritate reprimendum: ne porro fodiat sibi cisternas dis-
sipatas, quæ continere non valent aquas.

92.

§. 5.

De Traditionibus.

IN quinto definit, *aliqua firmiter esse credenda, quæ non continentur ex-
presse in S. Scriptura*, atque, pernicioso eos errore laborare,
qui nihil admittendum putant, quod non e scriptura depromp-
tum sit. Multa quippe a Christo ad posteros per manus Apo-
stolorum ore ad os & familiari colloquio esse transmissa: quæ etsi in
S. Scriptura expresse contineri non videantur, inconcussè tamen esse

93.

B b b b 2

te~

tenenda, ut ritum baptismi atque ceremonias, usum genua flectendi & orandi versus Orientem, signandi se sancta cruce, vinum in Sacrificio Missæ miscendi aqua &c. unctionem in Sacramento confirmationis, pluraque id genus, quæ quasi per manus ab Apostolis emanarunt. Ubi scriptum, quod a Christo dictum commemorat Apostolus: *beatius est magis dare quam accipere?* ubi scripta, quæ per dies a resurrectione quadraginta Dominus cum Discipulis, de regno Dei disseruit? quibus in libris S.Scripturæ continetur ipsum illud celeberrimum *Symbolum Apostolorum*? atque alia id genus multa; quæ si scribantur per singula, nec ipsum mundum (*juxta Joannem 21.*) arbitramur posse capere eos, qui scribendi sunt, libros. Hinc Paulum non eas tantum traditiones jussisse observari a Thessalonicensibus, quas per epistolam, sed etiam quas per omnem sermonem didicissent. Neque prætermisisse putandum cætera, quæ circa Eucharistiæ ritum Corinthiis se dispositurum, cum venisset, ultro ipso ponderat. Oportere itaque nos auctoritati Patrum consuetudinique majorum, per tantam annorum seriem protelatæ, credere, eamque, ut antiquitus tradita est, jugi observantia & reverentia custodire. Quam si quis eo prætextu pertinacius rejiciat, quod non legatur in scripturis sacris, ut hæreticum & schismaticum habendum.

§. 6.

De Constitutionibus.

24. **S**extus Canon agit de *Constitutionibus humanis & consuetudinibus*: aitque, cum tanta fuerit Synagogæ majestas, tanta Levitici ordinis auctoritas, ut nolens obedire sacerdotis imperio, qui eo tempore Domino ministrabat, decreto Judicis moreretur, ut hac animadversione tollatur malum de Israël, nullusque deinceps intumesceret superbia, qua fronte hæreticus in eam prorumpat audaciam, ut quidquid scriptura non expressum, sed a sacrosanctis Conciliis & summis Ecclesiæ Pontificibus, statutum sit, ausu temerario respuat, & subsannet? an nescit verba Christi? qui, ne quispiam a præstanda scribis & Phariseis obedientia ob apertam etiam morum impuritatem avocaretur, omnia, inquit Matth. 23, *quæcunque dixerint vobis, servate & facite; secundum autem opera illorum nolite facere.* Et ad suos conversus, quibus suam regendam committebat Ecclesiam: *qui vos audit, inquit Luc. 10, me audit: & qui vos spernit,*
me

me spernit. Atque id optimo quidem jure: nam cum filios patribus, & subditos sublimioribus potestatibus oporteat esse subditos, non solum propter iram, sed etiam propter conscientiam, nec in iis tantum, quæ jure Divino cauta sunt, sed etiam quæ ad familiam aut rempublicam pertinent, quanto magis patribus spiritualibus, & præpositis oportet obedire & subiacere eis, qui pervigilant, tanquam rationem pro animabus nostris reddituri? Quæ omnia cum priscis olim patribus essent persuasissima, non inveniebatur, qui non ultro jussa capefferet, cum Synagogæ primores jejunium aliquod aut dies festos indicerent, vel Apostoli a sanguine, suffocato, & idolothytiis abstinendum esse. Quin Paulus hominem contentiosum, legem illam de velandis mulieribus, non probantem, forte quod ea non initeretur scripturæ, Ecclesiastica consuetudine refellendum censuit, quæ contentiones hujusmodi non admittit. In omnibus igitur, in quibus nihil certi definivit scriptura, mos populi Dei, & instituta majorum pro lege habenda sunt: & sicut prævaricatores Divinarum legum, ita contemptores Ecclesiasticarum consuetudinum coercendi.

§. 7.

De Jejuniis.

IN septimo de *Jejuniis Ecclesiasticis* inquit; cum in omni Ecclesiastica lege honestas quædam & spiritualis profectus elucescat, in indicendis tamen jejuniis insigniter emicare: quibus nihil aptius retundendæ carnis petulantia potuisset institui; cum id genus dæmoniorum jejunio tantum & oratione pellatur. Nec quidquam, exemplo Moïsi (*Exodi* 34.) promovendæ mentis puritati commodius: nec exemplo Ninivitarum, (*Jonæ* 3.) ad impetrandum, aut Deum placandum efficacius ab Ecclesiasticis quondam Præsidibus potuisse ordinari. Unde Apostolos quadragesimale jejunium sanctificasse, quo Christi fideles, non tam Moysem aut Eliam, quam Christum imitati, totius anni decimam persolverent. Quæ vero a Callisto Papa & Martyre in quatuor anni partes discreta sunt jejunia (*distinct.* 76. c. 1.) quarti, quinti, septimi & decimi mensis legem referre ac figuram adimplere: & velut quædam nostri temporis primitias sub illis quatuor anni partibus offerri (*de consecr. dist.* 3. & 5. &c.) ea quidem observantia, ut duodenarius dierum numerus duodecim mensibus respondeat. Nec dissimili religione statuta esse vigiliarum jejunia, quo puriores sacris solennitatibus accedamus.

B b b 3

Nihil

Nihil infuper sanctius, nihil utilius potuisse institui, quo pruriens carnis lascivia frænaretur, quam ut statutis jejuniorum diebus a carnis esu temperemus. Si quis igitur Aërianorum errorem, duodecim ante sæcula jam damnatum, & a Joviniano, Vigilantio, Valdensibus, Wicleffo, Huffitis, & Lutheranis suscitatum, secutus, Ecclesiastica jejunia, & præscriptas a Patribus abstinentias non servaverit, aut non observanda duxerit, eum sacrorum conciliorum auctoritate esse anathema.

§. 8.

De Cœlibatu.

26.

*C*anon octavus Cœlibatum sacerdotum commendat, aitque, non satis esse visum Lutheranae factionis auctoribus, si quis in foribus est, fordescat adhuc, nisi quam plurimos exleges sacerdotes & indisciplinatos Monachos, qui jam dudum impuditiæ fræna laxaverant, in sacrilegos incestus ac nefandas libidines secum præcipitassent. Ut enim, qui lascivia diffuebant, plures haberent sui similes, & coacervata multitudine suam utcumque turpitudinem obumbrarent, in eam prorupisse audaciam, ut sacerdotes Evangelicos nulla cœlibatus lege teneri velint: sed contra totius Ecclesiæ ritum, & præscriptam ab ejus incunabulis consuetudinem, liberas quibuscunque post adeptum sacerdotium affirmant nuptias. Leviticis quidem sacerdotibus licita fuisse conjugia, utpote qui paucis tantum diebus sua vice ministrarent, & ex ea tantum tribu jure successione sacerdotio fungerentur. At sacerdotio Christi, utpote sublimiori & excellentiori, superinductas de jure fuisse nuptias, carere exemplo, & tanquam ab Apostolis interdictum secundo Carthaginensi Concilio prohiberi. Neque potuisse quidquam sanctius institui, quo ministri puriores sacris accedant altaribus, & jugi pene sacramentorum administrationi reddantur aptiores, quam neminem nec ad subdiaconatum quidem admitti, nisi perpetuæ castitatis voto se se adstringeret. Si enim in lege veteri ii tantum sacris panibus vescerentur, qui ab uxoribus mundi erant, si procul a suis domibus habitabant, quibus sua vice sacrificandum erat, ne conjugum forte polluerentur amplexibus, si, quibus orandum, a conjugali commercio ad tempus sit abstinendum, si denique a viduis, quas suis sumptibus alendas Ecclesia quondam admittebat, continentia votum exegerit, jure quidem optimo a summis Pontifici-

scibus, & sanctis Ecclesiæ Conciliis inditum esse, ut qui sacris ultro se se ordinibus manciparent, perpetuo castitatis vinculo necerentur. Nam qui sine uxore est, sollicitus est, quæ Domini sunt, quomodo placeat Deo: qui autem cum uxore est, sollicitus est, quæ sunt mundi, quomodo placeat uxori, & divisus est. 1. Cor. 7. depravari animum & ad terrena dejici per usum matrimonii, amore filiorum avarum & sollicitum reddi. Quisquis igitur contra SS. Conciliorum & Patrum decreta, sacerdotes, diaconos, aut subdiaconos lege cœlibatus non teneri docuerit, aut liberas illis concesserit nuptias, inter hæreticos esse numerandum.

§. 9.

De Votis.

In nono, de votis præsertim monasticis, Concilium Lutheranos reprehendit, quod ea non vanitatis tantum, sed & impietatis acculent, quasi vota ejusmodi libertati Christianæ præjudicium afferant, nec satis in nostra sit potestate jugis illa perpetuaque castitas. Cum tamen nulla sit major libertas, quam cum repressa carnis tyrannide corpus in obsequium Christi trahitur, & spiritus dominatur. Neque quidquam esse, quod non possimus in eo, qui nos confortat: cum non patiat nos tentari supra id, quod possumus, sed faciat cum tentatione proventum. Hinc commendari a Domino eos, qui se ipsos castraverunt propter regnum Dei: atque Apostolum Paulum sæpius ad perpetuæ Virginitatis observantiam instigasse. Cumque Christus aperte suaserit, ut qui vult perfectus esse, abneget semet ipsum, vadat, vendat omnia, & det pauperibus, ad perpetua tum obedientiæ tum paupertatis vota cohortari. Reddenda igitur vota Domino. Si quis secus fecerit aut hæretica pravitae corruptus secus facere licitum esse docuerit, eum velut juris Divini atque naturalis infractorem, & SS. Conciliis injurium condigna animadversione plectendum.

97.

§. 10.

De Sacramentis.

In 10. de septem sacramentis tractat, singulaque a Christo Domino instituta, gratiam digne sumentibus conferre probat, tum ex Scri-

98.

Scripturæ oraculis, tum ex antiquissima Ecclesiæ doctrina, usu & consuetudine. Ac denique concludit, hæreticum esse habendum, qui septem Sacramenta non admittit.

§. II.

De Missa.

IN 11. de *sacrificio Missæ*, quod esu agni paschalis, manna, cæterisque prope omnibus Mosaicæ legis ceremoniis figuratum sit. Neque enim legem esse posse, quæ careat sacrificio ac sacerdotio. Christum, sacerdotem in æternum secundum ordinem Melchisedech sacrificium obtulisse, quod exteriore panis & vini oblatione veteri illi responderet. Quam oblationem in ultima cœna factam fieri iussit ab Apostolis, eorumque successoribus, in sui commemorationem. *Luc. 22.* hoc esse holocaustum, hanc victimam pro peccato, hanc hostiam pacificam, hoc iuge sacrificium, hanc mundam illam oblationem, quam Malachias prædixit, in omni loco offerendam. Nihil igitur in sacrificiis majus esse posse, quam corpus & sanguinem Christi, nullam potiore oblationem. Qua in re cum universali Ecclesiæ ritu consentire tam aperte SS. Patres, Ignatium, Irenæum, Cyprianum, Athanasium, Chrysostomum, ac reliquos posteriores, & Concilia prope innumera; ut, qui contrarium sensisse præsumperit, manifestam hæreseos labem incurrat.

§. 12.

De Purgatorio &c.

99.

IN 12. de *satisfactione, purgatorio, & commemoratione defunctorum* agitur, videlicet, illud imprimis fuisse hætenus observatum eos, qui hæresibus procudendis animum intenderunt, ea sibi dicenda putare, quæ maxime placitura videantur; quo prurientes multitudinis aures demulceant, & a severioribus avertant. Hac ratione Mahometicam quondam pestem invaluisse: hoc aucupio Lutherum plures illaqueare, dum simul cum culpa semper omnem cujusvis poenæ temporalis reatum aboleri contendat: purgatorium tollat, & quo laicos gravius in Clericorum odium exasperaret, sacrificia, oblationes, & omnes id genus pro defunctis orationes, recens

recens esse sacerdotum commentum impudenter asseveret. Prævidisse enim versutum artificem, nihil effrangi plebeculæ fore jucundius, quam si facilissima in cælum prædicetur via. Ne igitur incautus forte quispiam, vasis hujusmodi blanditiis pellectus, errorum scopolis illidatur, sacrum Provinciale Concilium decernit, firmiter tenendum, culpa per pœnitentiam abolita, frequenter superesse temporalis pœnæ reatum, velut superstites quasdam peccati reliquias, quæ per dignos pœnitentiæ fructus veniant expiandæ. Hinc iniquitate & culpa peccati Israëlitiæ plebi murmuranti, ac postea Davidi dimissa, pœnam adhuc temporalem fuisse irrogatam. Superabundantem quidem esse atque exuberantem Christi satisfactionem, per baptismum & pœnitentiam nobis applicatam, non eam tamen semper esse pœnitentiam, ut reatum etiam omnem pœnæ extinguat. Cum autem residuæ ejusmodi pœnæ temporalis, aut venialis tantum peccati reum repente nonnunquam interire contingat, de omni verbo etiam otioso rationem redditurum, nec illi pateat aditus in cœlestem illam Jerusalem, in quam nihil intrat coinquinatum, nec tamen gehennæ subiaceat, quippe qui gratiæ sit particeps, ac pœnæ tantum temporalis debitor, purgari prius debet, de sua semper interim salute securus. Sancta igitur & salubris est cogitatio pro defunctis exorare, ut a peccatis solvantur. Nec abs re ab Apostolis traditum, ut in sanctis mysteriis agatur commemoratio defunctorum. Sciebant enim inde multam utilitatem contingere. Cum igitur tam sanctum Apostolorum institutum ab initio Ecclesiæ ex S. Dionysio (*Eccles. hier. c. 7.*) legamus observatum, ac in Cabilonenſi, pluribusque subin Conciliis promulgatum, quisquis Catharorum, Armenorum, Wicleſſi, Bohemorum, Lutheri, aut Valdensium, exemplo, hos errores cum Concilio Constantienſi non damnarit, hæreticæ pravitatis pœnas incurrat.

§. 13.

De Invocatione sanctorum.

Canon 13. de invocatione sanctorum differit: sicut abyssus abyssum invocatur, & scelus scelus trahit, in eam hæreticos incidisse insaniam, ut qui piis animabus, quæ purgatorio detinentur, suffragia vivorum adimunt, vicissim quoque vivos defraudant auxiliis sanctorum, qui in cœlis sunt: quasi vel preces nostras non audiant, vel nostris calamitatibus non tangantur; aut quasi id Christo Divinæ

Pars VII.

Cccc

que

que clementiæ deroget. Sed quam ista non modo veritati sed etiam scripturæ sint contraria, facile intelligere eum, qui novit, pervium esse beatis illud Divinitatis speculum, in quo, quidquid eorum intersit, illucescat. Adesse etiam nobis Angelos, ut olim Danieli ac Tobiae, qui preces nostras offerant, quorum suffragium imploramus. Deinde qui fieri possit, ut nostris non afficiantur incommodis, quibus tantum gaudium in cælo super uno peccatore poenitentiam agente? Abraham pro salute Sodomorum interpellavit apud Dominum: an nunc, immemor filiorum, non oret pro iis, qui in hoc procelloso mari adhuc constituti diris jactantur mundi fluctibus? hinc illa, quam in symbolo credimus, *communio sanctorum*. Hinc Angelus ille Zachariæ, & Jeremias, jam dudum in sinum Abrahamæ receptus, multum orant pro populo & sancta civitate. Sed neque Divinæ benignitati aliquid decedit, quæ infima per media moderatur & regit. Neque minus est unus mediator Dei & hominum JESUS Christus, si juxta sacram Aurelianensis Concilii aliorumque complurium institutionem litanis ad aliquos sanctorum convertamur, Christo tamen accepta ferantur omnia; per quem omne id genus interveniendi munus, cæteraque in humanum genus beneficia derivantur. Absit igitur, ut apud aliquem tanti sint hæreticorum præstigiæ, ut cum Manichæis, Catharis, Bohemis & Valdenses, beatis illis cælestis aulae proceribus cultum exhiberi non sinat, dicata Martyribus templa subsannet, aut dies festos celebrari vetet.

§. 14.

De sacris imaginibus.

101. In 14. propugnat *venerationem sacrarum Imaginum*, atque: si tam candide quam curiose hæreticus ea loca perlustrasset, quibus scriptura passim ab idolorum & simulacrorum cultu revocat, nequaquam certe tanto strepitu Christianos ab imaginum honore deterreret. Neque enim Catholicus quispiam, dum sanctam Christi veneratur imaginem, aliquod Numen ei subesse putat, aut quasi Deum colit: sed ob recordationem filii Dei, ut in ejus amore incalescat, illumque adoramus, quem imago nobis repræsentat; non majore quidem idololatriæ periculo, quam cum in nomine JESU omne genu flectitur: quem enim vocula auribus insinuat, hunc eundem imago oculis repræsentat. Accedit insuper ex imaginibus idoneum indoctæ plebi rudimentum, ut uno sæpe intuitu plura sibi pro-

proponat ad imitationem virtutum exempla, quam multa librorum lectione comprehenderet. Non abs re igitur Apostoli (Damasceno teste lib. 4.) vivificam crucem & sacras erexerunt imagines, quæ ab initio Ecclesiæ debita semper veneratione sunt cultæ. Quin & ab Augustino moribundis proponi jubentur (*lib. de visit. infirm.*) & a Gregorio M. tum ad Recaredum, tum ad Secundinum missæ leguntur. Et insurgentibus tandem imaginum everforibus Romani Pontifices, Constantinus, Gregorius II. & III. Paulus I. Stephanus III. & Hadrianus I. cum multis aliis sanctis viris, tanta animi constantia resisterunt, ut Iconomachi in septima dein apud Nicæam synodo unanimi Patrum sententia damnarentur. Quisquis igitur de Christi, vel sanctorum imaginibus aliter senserit, is Christo & sanctis injurius pestiferam hæreseos luem se noverit incurrisse.

§. 15.

De libero Arbitrio.

In 15. *liberum arbitrium* asserit, inquiens : etsi nulla sit tam aperta Catholica veritas, nullus tam manifestus S. scripturæ locus, quem non hæretici suis cavillis & tergiversationibus eludant, nulla tamen in re tam impudenter debachari, quam in exterminando profligandoque libero arbitrio. Nihil Christi fidelibus perniciosius potuisse excogitari, quam si vel seducti a Pelagio sine præsidio Divinæ gratiæ omnia sibi tumidius arrogent, vel cum Wicleffo fati committant omnia. Nihil hoc pacto reliquum fore tum Divinis legibus tum humanis : nullum consilii aut electioni, nullum precibus aut objurgationi, cæterisque id genus locum. Nullam denique futuram justitiam, qua aliis pœnæ, aliis præmia sunt constituta, si inevitabili necessitate omnia eveniant. Prodiisse hunc errorem primum apud gentiles, sed mox ab omnibus sapientibus explosum, evidenti experimento humanæ menti se manifestante libertate. Reliquit videlicet Deus hominem in manu sui consilii, apposuitque coram eo ignem & aquam, bonum & malum, ut, ad quodcumque voluerit, porrigat manum suam. Nec abs re beatus ille dicitur, qui potuit transgredi, & non est transgressus, facere mala & non fecit : quod sub eo sit appetitus ejus, & dominetur illius. Et quid in sacris scripturis magis obvium, quam liberum in utramvis partem hominis arbitrium ? neque tamen propterea Divina excluditur gratia : sed voluntas humana misericordiæ

102.

prævenientis auxilio suffulta, & interiori inspirationis afflatu contacta se se convertit ad Deum. Sed neque tanta gratiæ necessitas præjudicat libertati arbitrii, cum illa semper sit præsto, stante Domino ad ostium & pulsante: neque tale sit hujusmodi trahentis Dei auxilium, cui resisti non possit. Quoties enim Dominus voluit congregare filios Jerusalem, sicut gallinæ congregat pullos suos sub alas, & noluerunt? Frustra certe Stephanus Judæos duræ cervicis argueret, qui semper Spiritui S. resisterent. Frustra Paulus Thesalonicensēs admoneret, spiritum ne extinguerent, si Divinis inspirationibus humanæ mentes inevitabiliter raperentur. Trahit quidem Deus, sed in ejus odorem currimus, non vi, non unco raptamur. Prædestinat, eligit, vocat, sed eos demum adultos glorificat, qui in fide & charitate radicati per bona opera certam suam vocationem & electionem fecerint. Et licet attingat a fine usque ad finem fortiter, disponit tamen omnia suaviter. Hanc igitur hæresin, libertatem arbitrii abnegantem, sacra synodus non tam damnat, quippe jam olim ab Ecclesia & SS. Conciliis damnatam, quam communi hominum sensui, & apertis scripturæ testimoniis declarat contrariam.

§. 16.

De Fide & operibus.

103. **U**ltimus Concilii Senonensis Canon est de fide & operibus. Frequens illud est, inquit, apud imprudentes, & qui non tam animi moderatione quam impetu feruntur, ut dum ab altero vitiorum incaute diffugiunt, in alterum prolabantur. Cujus rei Lutherus fidem facit, qui dum operum fiduciam nimis insectatur, nihil tandem operibus reliquum facit, atque ita solius fidei patrocinium suscipit, ut solam agnoscat, opera reiiciat & condemnet. Verum si recte perpendantur, quæ pro fide producit e scripturis testimonia, reliquas virtutes non excludunt. Quæ vero contra opera citat, ea omnia vel ad nimiam in operibus fiduciam, vel ad legales ceremonias pertinent. Fide quidem vivimus, & sine hac est impossibile placere Deo. Si quis nihilominus habeat omnem fidem, ita ut montes transferat, charitatem autem non habuerit, nihil est. Fide justificamur: sed & spe salvi facti sumus. Et dimissa sunt Mariæ Magdalenæ peccata multa, quoniam dilexit multum. Si quis enim diligit me, ait Dominus Joan. 14. sermonem meum servabit, & ad eum veniemus &c. & Paulus 1. Cor. 13. nunc igitur manent fides, spes, & charitas, tria hæc

hæc, major autem horum est caritas, & in justificando potior: quandoquidem fides sine operibus mortua est. At caritas non est otiosa, sed per bona opera satagit, ut certam nostram vocationem & electionem faciat: non enim Auditores legis iusti sunt apud Deum, sed factores legis justificabuntur: dum ille reddet unicuique secundum opera sua, & unusquisque mercedem accipiet secundum laborem suum: cum omnes nos manifestari oporteat ante tribunal Christi, ut referat unusquisque, prout gessit, sive bonum, sive malum. Ubi eos, qui a sinistris erunt, non solum increpabit Dominus, quia non crediderunt, sed quia operibus misericordiae non vacarunt. Eos autem, qui a dextris erunt, commendabit non tam a fide, quam a nobis operibus: opera enim illorum sequuntur illos. Talibus siquidem hostiis promeretur Deus: non quidem absoluta condignitate (neque enim condignæ sunt passionibus huius sæculi ad futuram gloriam, quæ revelabitur in nobis. Rom. 8.) sed merito fundato in gratuita & liberali promissione, qua facta conventionem de denario diurno, conduxit operarios in vineam suam: qua, inquam, qui suffert tentationem, cum probatus fuerit, accipiet coronam vitæ, quam repromisit Deus diligentibus se, & ei, qui fidem servaverit, certaverit bonum certamen, cursum consummaverit, coronam iustitiæ reddet in illa die iustus iudex, qui nos, etsi servos inutiles, sua misericordia dignos facit, ut veniamus in partem sortis sanctorum. Non iustificat igitur sola fides, sed magis caritas, nec quævis opera peccata sunt; sed eatenus adultis ad salutem necessaria, ut meriti quoque rationem non respuant.

His eruditissimis juxta atque fundatissimis 16. Canonibus dogmaticis, (quos utinam legerent, & pacato paulis per animo perpendere Novatores) addidit idem Concilium Senonense 40. decreta morum, ex variis Juris Canonici partibus deprompta.

§. 17.

Decreta Morum.

Eadem Parisiensis synodus Provincialis, Præsede Reverendissimo in Christo Patre ac Domino Archiepiscopo Senonensi, præsentibus Reverendis in Christo Patribus Episcopis ejusdem suffraganeis, videlicet Carnotensi, Parisiensi, Meldensi, Antissiodorensi, Trecentensi, Nivernensi, & Vicario Episcopi Aurelianensis, 40. Decreta ad mores ac disciplinam spectantia adjunxit: quorum hæc est summa.

C c c c 3

1. Oran-

1. Orandum in Ecclesiis pro pace.
2. Pro sacra administratione nihil exigendum.
3. Ordinandus testimonium habeat a Parocho, in quo continentur duo vel tres testes jurati de ætate ac moribus. Tum exploranda scientia.
4. Cum in dedecus Clericalis Ordinis vergat mendicitas, nullus subdiaconus ordinetur, nisi sufficienti titulo Beneficiali, aut patrimoniali provifus.
5. Quamvis Episcopus originis, domicilii, aut Beneficii, sicut Ordinare, sic etiam Dimissorias dare possit, prius tamen inquirat de ætate, moribus, litteratura, titulo; deque iis in litteris fiat mentio.
6. Promoti ad sacerdotium absque legitima ætate, moribus, scientia, suspendantur.
7. Quia nonnulli suæ incapacitatis conscii, examen suorum Episcoporum fugientes, absque litteris dimissorias ad Romanam Curiam se conferunt, ibique ordinantur, etiam extra tempora, & tribus successive diebus, a quibusdam, qui se dicunt Episcopos, potestatem habentes a Papa: talibus Episcopi non permittant executionem suorum Ordinum, nisi visis idoneis litteris de ordinandi potestate a Papa concessa. Ac tum examinentur de ætate, moribus, scientia, titulo. Si deficiant, suspensi declarentur.
8. Ad curam non admittantur, nisi prius rite examinati, licet instituti aut provisi fuerint per sedem Apostolicam.
9. Indigni non admittantur ad Beneficia. Admissi suspendantur, donec se dignos reddant.
10. Invaluit consuetudo irrationabilis in quibusdam Cathedralibus & Collegiatis, ut Canonici per interessentiam unius diei fructus grossos totius anni percipiant. Unde vagandi materia oritur, cultus Divinus minuitur, & officium, propter quod datur Beneficium, omittitur, clericis ignavis tenui pretio conductis, qui Divinum officium, non servatis temporum interstitiis, uno contextu perfunctorie percurrunt. Talis consuetudo tanquam Ecclesiis nociva cassatur & revocatur. Canonici sint ipsi præsentés; & fructus grossi majori ex parte in distributiones quotidianas convertantur.
11. Rectores Ecclesiarum (quorum singularis electa est industria) compellantur personaliter residere; nec dispensetur absque causa probabili. Singulis Dominicis in Parochiis annuntient præcepta Decalogi, & articulos fidei.

12. Moneant frequenter Parochianos, ut diebus Dominicis & Festis Missæ parochiali intersint: atque ut frequenter confiteantur, & communicent, præsertim in festis solennibus, ac tempore periculi mortis. Nec peregrinentur sine litteris testimonialibus sui curati. Attendant diligenter curati, an saltem semel in anno communicent.
13. In Parochiis singulis diebus Divina Officia peragantur. Et univèrsim sacræ fundationes impleantur, & earum litteræ Ordinario exhibeantur. Capellæ de novo non erigantur sine ejusdem licentia.
14. Non licet in Oratoriis privatis Missas celebrare prætextu dispensationis sedis Apostolicæ, nisi litteris dispensationis ab Ordinario recognitis. Neque in Capellis hospitiorum permittantur peregrini Missas audire.
15. Ne populus distrahat a Missa Parochiali, & auditione mandatorum Dei & Ecclesiæ, in Capellis non legantur Missæ, præsertim die Dominica, nisi quæ a fundatore sunt præscriptæ, eæque post Missam Parochialem. Episcopi non facile consecrent altaria portatilia, præsertim pro domibus privatis.
16. Cessent in Ecclesiis omnes profanæ actiones, conversationes, & quæcunque Divinum cultum perturbare queant. Nec fiat deinceps festum fatuorum aut innocentium.
17. Musici cantus sint discreti, moventes cor ad devotionem & compunctionem, rejectis cantilenis publicis & lascivis. Sit igitur psalmodia modesta & devota. Instrumentis etiam musicis nil nisi pudicum & devotum resonet.
18. Psalmodia fiat horis debitis non cursim sed tractim, distincte ac devote. Psallentes talari tunica & superpelliceo sint decenter vestiti. Ad *Gloria Patri &c.* omnes surgant. Ad nomen JESU caput inclinent. Nemo ibidem aliud agat.
19. Qui sub re Divina foris aut in Ecclesia deambulat, aut confabulatur, totius distributionis illius diei fructum amittat. Etiam privatim Officium recitantes, non intra dentes verba detineant, sed distincte pronuntient.
20. Tabula Officiariorum in choro ponenda, nec ante finem Officii discedant. Alias distributione illius diei careant.
21. Canonici admissi statim fructus grossos percipiant, nisi aliud habeat fundatio. Reprobatur autem consuetudo, qua seniores juniorum portionem per tempus aliquod capiunt.

22. Regularis disciplina restauranda, in victu, vestitu, moribus, juxta cujuslibet Religionis institutum.
23. Clerici per decentiam habitus externi internam morum honestatem ostendant.
24. Vestes Clericorum sint talaris, honestæ absque sordibus, & vanitate. Nec comam nec barbam nutriant. Tonfuram gestent. Pannis rubeis & viridibus non utantur.
25. In incessu quoque honestatem exhibeant. In conversatione autem cum laicis tales se exhibeant, ut neque ex nimia familiaritate incurrant contemptum, neque ex fastu judicentur elati. In publico non ludant cum laicis. Ab alearum lusu, aliisque, quæ a forte pendent, omnino abstineant. Procul absint a choreis, histrionum spectaculis &c.
26. Incontinentes, concubinarij, venatores, & sæcularibus negotiis impliciti Clerici pœnis coerceantur.
27. Monasteria, quæ non habent sufficientes redditus ad plures sustentandos, uniantur.
28. Moniales tot suscipiantur, quot sustentari possunt. Sed pro ingressu nihil petatur. Clausura exacte servetur.
29. Visitanda diligenter hospitalia &c.
30. Nulla nova confraternitas erigatur absque consensu Ordinarii. Rationes reddant. Reprobantur juramenta servandi earum statuta; non tamen ea, quæ deponuntur a procuratoribus confraternitatum & Ecclesiarum.
31. Excommunicationes non ferantur, nisi ex gravi causa, eaque cognita secundum formam Juris; neque pro injuriis verbalibus, nisi sint valde atroces.
32. Sæpius visitentur parochiæ, in quibus fama est habitare aliquos hæreticos, & ab incolis juramentum exigatur, an sciant aliquos hæreticos, aut celebrari conventicula. Contra nolentes jurare tanquam suspectos de hæresi canonice agendum.
33. Quia hæreticorum mos est sacram scripturam convellere, ac relicto vero sensu ad suam phantasiam contorquere, doctorum item sacros libros scholiis, annotationibus marginalibus, ac depravatis futeis inficere, sub pœna excommunicationis, ipso facto incurrendæ, prohibetur, ne libri etiam sacri edantur absque speciali Ordinarii permissione. Alibi impressi sub eadem pœna vetantur importari in Provinciam, vendi, aut distrahi.
34. Libri de fide aut moribus tractantes, a 20. annis editi ad Diœcesanum ferantur ad examen.

35. Cum

35. Cum falsi prædicatores & quæstores quandoque subintrent, prohibetur, ne ulli prædicationis officium permittatur, nisi ab Episcopo ejusve Vicario approbatus aut missus fuerit. Prædicetur sincere Evangelium, cum decenti gravitate & modestia, absque vanis, profanis, poeticis, futilibus, ridiculis, aut subtilibus sermocinationibus.
36. Sint prædicatores discreti; innitantur interpretationi S. Patrum. Instruant in præceptis Dei & Ecclesiæ. Vitiorum odium, virtutis amorem instillent, pro scopo habentes honorem Dei & salutem animarum, omni vanitate & ostentatione procul habita. Ne Auditores ad risum concitent. Ne sacerdotali Ordini aut Principibus detrahant.
37. Illi soli Mendicantes habent potestatem absolvendi, qui a suis superioribus electi fuerint idonei, probi, periti, discreti, modesti, atque Ordinario præsentati.
38. Quoniam Abbates quandoque attentant Confirmationis Sacramentum conferre, idque ex consuetudine præscripta ad se pertinere dicunt, consuetudo hujusmodi reprobatur; quia hæc impositio manuum a Christo primo instituta, & ab Apostolis recepta, solis Episcopis (qui Apostolorum sunt successores) reservata est. Si qui sint, qui contendant, hanc potestatem sibi competere ex privilegio, illud exhibeant, cum fuerint requisiti. Idem statuitur de illis, qui calices consecrant.
39. Cum matrimonium, a Deo in paradyso institutum, in lege Evangelica teste Apostolo sit sacramentum, proin magna cum reverentia & devotione suscipiendum, utpote a quo, uti a reliquis sacramentis, gratia confertur: prohibetur in nuptiali benedictione omnis levitas, verba ridicula &c. Sponsi jejuni, contriti, & confessi, de die illud suscipiant. Clandestine vero contrahentes excommunicationi ipso facto subjaceant.
40. Absint ab Ecclesia Dei omnes lascivæ imagines, aut minus modestæ, aut quæ ad devotionem non incitent, aut veritati scripturæ non conveniant. Ne quis posthac miraculum de novo factum prætendat, aut ejus prætextu capellam, aut altare erigat, nisi prius loci Episcopus de negotio quid sentiendum tenendumque sit causa cognita decreverit.

Et quia parum esset jura & statuta condere, nisi essent, qui ea tuerentur & executioni mandarent, ideo Archiepiscopus præcipit ac mandat, ut hæc decreta synodalia a suffraganeis publicentur, & in observationem accuratam deducantur.

Pars VII.

D d d d

§. 18.

§. 18.

Exhortatio Concilii ad Christianos Principes pro
extirpatione hæresum.

105. **N**on sufficere, inquit synodus, hæreses detexisse, sed opus esse Christianorum Principum auxilio, qui zelo zelantes pro domo Domini suppetias ferant. Laborasse olim strenue adversus hæreticos Christianissimos Principes, Constantinum, Valentinianum, Theodosium, Clodoveum, Carolum M. Ludovicum S. Ludovici patrem; gratiam propterea apud Deum, & immortalem nominis famam apud homines consecutos. Principes contra, qui hæresi aut faverunt, aut minus fortiter auctoritatem suam eidem objecerunt, iram Dei vindicem sensisse, in graves ærumnas prolapsos, & miserandum vitæ exitum sortitos. Cujus rei testes sint Licinius, Julianus, Valens, Philippicus, Constantinus V. ejusque filius Leo &c. qui detestandam impietatem consecrati digna suæ perfidiæ reportarint stipendia.

Rogat itaque sacra synodus christianos Principes & in Domino exhortatur, si suæ saluti consulere, si suæ ditionis jura illibata custodire, si in pace & tranquillitate subditas sibi Nationes continere exoptant, potenti brachio fidem Catholicam tueantur, ac ejus hostes viriliter satagant debellare. Id autem factu haud fore difficile, ubi antiqua christianissimorum Principum in hæreticos eorumque libros & fautores edicta instaurabuntur.

Quæ si mature, antequam malum invaluerit, salutari judiciorum severitate executioni demandentur, libros pestiferos, scripta venenata, conciones malefanas, conventicula periculosa, in quibus peregrinus cultus a Christiana & avita pietate degenerans profeminatur, extirpando, atque Religionis sanctæ decus illibatum, florens ac vegetum conservandum fore. Hoc synodi esse desiderium, hanc votorum summam, hanc conatus gloriam.

Et sane, si Gallia hæc synodi vota exaudisset, si initiis fortiter & constanter restitisset, si scintillam extinxisset, nunquam in extremas illas calamitates, quas postea passa est misera, fuisset devoluta.

Concilium Narbonense Ann. 1551.

106. **C**oncilium hoc provinciale celebratum fuit Narbone, antiquissima & celeberrima in Occitania urbe, ab Alexandro Zerbinatis, Juris Professore, Vicario Reverendissimi in Christo Patris Domini Francisci S. R. E. Cardinalis a Pisani, Narbonensis Archiepiscopi & Pri-

Primatis, una cum Vicariis Reverendorum in Christo Patrum Dominorum Suffraganeorum Narbonensis Provinciæ & Archiepiscopatus, videlicet Episcopi Biterrensis, Carcassonenfis, Montispeffulani, Lodovenfis, Uticensis, Agathensis, Nemaufensis, Elestenfis, & S. Pontii, a quibus editi 66 Canones. Quorum hæc synopsis.

Præfatio finem conciliorum indicat, videlicet asserendam fidei doctrinam, restituendamque Ecclesiasticam disciplinam, quam in clero collapsam ingemiscit synodus, aitque, frustra a populis emendationem morum expectari, si ii, qui vitæ inculpata exemplo præluere deberent, sceleribus suis & vitæ malæ exemplo subditis suis sint scandalo. Subjunguntur canones.

1. Tractat de *Fide Catholica*, creditque unam, sanctam, catholicam, & apostolicam Ecclesiam (cujus caput Christus est) sub imperio & autoritate Romani Pontificis; cui omnes parere debent. Subjunguntur reliqui articuli, quos novatores impugnant, uti de septem sacramentis, invocatione sanctorum, purgatorio, libero arbitrio.
2. Pastores exemplo præluceant.
3. Ante ordinationem instituendum scrutinium de ætate, genere, moribus, litteratura, titulo, legitimis natalibus, irregularitate.
4. Prima tonsura exigit septem annos: quatuor Minores 12. Subdiaconatus 18. Diaconatus 20. Presbyteratus 25. (*Tridentinum aliter disposuit.*)
5. Mores sint probi ac integri.
6. Illegitimi non ordinandi.
7. Testimonia bona habeat.
8. Bona ad victum speciatim habeat assignata.
9. Litteratura diligenter examinanda.
10. Corpore vitiatum aut balbutientes non ordinandi.
11. Dimissoriæ non dentur nisi dignis.
12. Hæc dignitas exprimitur in litteris.
13. Clerici peregrini ad sacra non admittantur facienda sine commendatitiis sui Episcopi.
14. Sacerdotes sint sobrii, modesti, casti &c.
15. Tonsuram gerant, barbam radant saltem semel in mense, talari veste incedant.
16. Monachi non nisi proprio habitu prodeant.
17. Tabernas Clericisne frequentent.
18. Alea ne ludant.
19. Ne larvati incedant, nec saltent, histriones vitent.

D d d d 2.

20. Ar-

20. Arma ne gerant, nisi in itinere.
21. Non agant famulos, oeconomicos laicorum, negotiatores &c.
22. Mulierem domi non habeant &c.
23. Filios suos spurios secum non habeant.
24. Clerici a iudice seculari capti, absque populi scandalo ad Iudicem Ecclesiasticum remittantur.
25. Facinorosos in territorio suo ne patiantur.
26. Requisitum ad Beneficium ordinem recipiant. Plura incompatibilia ne habeant.
27. Personaliter resideant, nisi studiis vacent, aut officio apud Episcopum, aut in cathedrali vel collegiata.
28. Absentes cum licentia constituent idoneos vicarios.
29. Cui assignetur congrua.
30. Hospitalitatem erga egenos exercent.
31. Vicarii Episcopo præsintur.
32. Domus Beneficiarii necessariis sit instructa.
33. Baptizatos & mortuos diligenter in libro scribant.
34. Sacram scripturam &c. habeant.
35. Singulis Dominicis Evangelium exponant &c.
36. Diebus Dominicis parochiani Missam audiant.
37. Nullus prædicet, nisi ab Episcopo destinatus.
38. Eucharistia decenter custodiatur cum perpetuo lumine, singulis 15. diebus eam renoveat. Chrysma singulis annis.
39. Sacra vasa & vestimenta sint munda.
40. Parochum reliqui sacerdotes adjuvent.
41. Pro spiritualibus ministeriis nihil exigatur. Salva tamen laudabili consuetudine.
42. In synodo non comparentes puniantur.
43. Præbenda Theologo detur.
44. Beneficiorum rationes reddant.
45. Divino officio in choro diligenter, modeste & devote interfint.
46. Absint ab Ecclesiis spectacula ludicra &c.
47. Uti etiam choreæ, omnisque levitas.
48. Ecclesia sit domus orationis &c.
49. Dies festi religiose colantur. Absit servilis actio, ebrietas, lusus publicus. Officinæ sint clausæ.
50. Die paschæ sacramenta confessionis & communionis a proprio parochio percipiant, nisi ab eo facultatem acceperint. Parochus eos, qui non communicarunt, ad Diœcesanum aut ejus Vicarium deferat,

51. Qui alteri constitetur, parochio fidem faciat.
52. Corporis medicus infirmum moneat, ut animæ medicum advocet.
53. Matrimonio tres denunciationes tribus diebus Dominicis aut festis præmittantur. Nec facile in hoc dispensetur. Peregrini non jungantur. In Ecclesia contrahatur: confessione ante peracta.
54. Ne permittantur cohabitare, de quorum matrimonio non constet.
55. Nullus monachus sit solus in monasterio, nec extra illud vagetur, præsertim indecoro habitu. Moniales non sinantur monasterio egredi.
56. Scholis præficiendi prius offerendi Episcopo.
57. Hæretici, sortilegi a parochis denuntientur ordinario. Parochiani de fide non disputent &c.
58. Quæstores non sinantur aliud prædicare, quam in litteris continetur. Eæque publicentur a parochis non a quæstoribus, qui fabulas solent intermiscere. Litteræ diligenter examinandæ, omnis abusus tollendus.
59. Diocesani diligenter visitent, errata corrigant &c.
60. Contemptores excommunicationis pœnis ac mulctis, hospitali applicandis, coercendi.
61. Dispensationes non sint faciles aut frequentes.
62. Synodi celebrandæ ob causas Ecclesiasticas.
63. Cum, qui servit altari, de altari vivere debeat, decimæ integræ & sine fraude solvendæ sint parochis, a quibus Ecclesiastica sacramenta percipere debent.
64. Pecuniæ in templo collectæ bene applicentur.
65. In singulis Ecclesiis liber habeatur, in quo scribantur res mobiles & immobiles Ecclesiæ, jura item, actiones, redditus. Hic liber catena ferrea affigatur; ejusque exemplar apud Episcopum asservetur. Præterea de contractibus omnibus feudalibus & emphyteuticis duo instrumentis publica conficiantur, quorum alterum parochus habeat, alterum in superiore libro scribatur.
66. Concilium omnia hæc decreta determinationi Ecclesiæ Romanæ subjecit. Nihil autem derogatum vult generalibus aut provincialibus conciliis receptis & usu confirmatis, neque Regis aut Ecclesiæ Gallicanæ juribus, aut prærogativis,

Concilium Viennense Anno 1557.

107.

Celebratum fuit hoc Concilium Provinciale Viennæ Allobrogum, celeberrima olim in Delphinatu civitate, & Romanorum sede primaria, Præside illius Provinciæ Archiepiscopo. Edita 14. Decreta; quorum hæc epitome.

1. Omnes per provinciam diligentius in fide christiana instruantur. Nec præceptores suspectum quid doceant; neque libri periculosi tolerentur.
2. Curati singulis Dominicis populum doceant orationem Dominicam, salutationem angelicam, symbolum Apostolorum, præcepta legis & Ecclesiæ, ac sanctum Evangelium secundum Ecclesiasticas traditiones.
3. Ad prædicandi officium nemo admittatur, nisi nominatim approbatus ab ordinario, ne lupi pro pastoribus recipiantur.
4. Rectores Ecclesiarum singulis Dominicis populum moneant, ut si quos sciant religionis ambiguae ac suspectæ, ipsis denuntient.
5. Parochi diligenter annotent illos, qui non saltem in paschate confessionem auricularem peregerunt, & SS. Eucharistiam sumperunt, aliosque, qui in fide sunt suspecti, atque descriptos ad Vicarium generalem deferant.
6. Diebus festis nullæ instituuntur choreæ, saltationes, ludi, ludicra, sed sancte & pie celebrentur. Multo minus Ecclesiastici ejusmodi vanitatibus intersint.
7. Viri Ecclesiastici tonsura insigniti & decenti habitu incedant.
8. Non indecoros pileos gestent, sed byreta.
9. Neque enses, pugiones, aut alia arma ferant.
10. Cum hominibus suspectis aut depravatis ne contrahant familiaritatem.
11. Monasteria mulierum ne accedant, nisi ex evidenti necessitate, atque cum licentia Vicarii Generalis reverendissimi Episcopi.
12. Moniales non egrediantur, nec alios recipiant.
13. Religiosi non agant patrilios.
14. Provincialia hæc statuta promulgentur, & transgressores corrigantur.

Concilium Rhemense I. Anno 1564.

108.

Provinciale istud concilium celebratum fuit Rhemis, antiquissima ac celeberrima, præsertim a Regia unctione, urbe, ab Archiepiscopo-

episcopo Carolo Cardinale Lotharingo, magno illo in Gallia Ecclesiæ Præsule, ac primo Pari Franciæ.

Præsatus est ille de causa convocandi Concilium, Dei videlicet honore augendo, & collapsæ morum disciplina restauranda. Introducti deinde sunt Archiepiscopus Senonensis & Episcopus Virdunensis, licet non essent de provincia Archiepiscopatus Rhemensis. Dicti Actuarii concilii Nicolaus Brito, & Gentianus Hervetus, celebris ille Conciliorum ex linguis orientalibus verfor, ambo Ecclesiæ Rhemensis canonicæ. Ad initium Concilii Cardinalis ad populum concionem per horam habuit. Erat etiam præsens in concilio Henricus Dux Guisus, Cardinalis nepos, Campaniæ Prorex, cum multis aliis illustribus laicis. Doctor Demochares cum aliis iussus concipere formulam fidei; quam novari sine injuria Tridentini non posse quidam existimabant. Edita dein 19. statuta.

1. Postquam variæ dictæ sunt sententiæ de obligatione residendi, statutum est tandem, ut curiones aut personaliter resideant, aut Beneficium resignent, aut idoneos Vicarios Episcopo præsentent.
2. Curati comparent sibi doctrinam Concilii Tridentini, eamque populo proponant. Singulis Dominicis festisque sermonem ad populum habeant per se, vel si legitime impediti fuerint, per alium idoneum, de Evangelio, Epistola, vel aliis S. Scripturæ doctrinis.
3. Parochi doceant præstantiam, vim, & usum Sacramentorum, atque ad eorum dignam susceptionem invitent suaviter.
4. Impedimentum cognationis spiritualis ultra baptizantem & baptizatum, hujusque patrem & matrem & patrilos se non extendat. Unus autem sit, vel ad summum unus & una, juxta dispositionem Trid.
5. Ab adventu ad Epiphaniam, & in quadragesima ad Octavam paschæ non celebrentur nuptiæ. Præmittatur confessio & communio. Absit omnis levitas.
6. Clericus scandalosus deponendus, aut saltem dandus ei coadjutor. Quia ejus doctrina facile despicitur, cujus vita improbat.
7. Curati a deputatis examinentur. Digniori conferatur Beneficium. Dignior præsentetur. Edat professionem fidei.
8. Non ordinentur, nisi diu multumque probati.
9. Prima tonsura non initientur, nisi Sacramentum Confirmationis susce-

- fufceperint. Nec fori privilegio gaudeat, nifi habeat Beneficium, aut tonsuram & habitum gester, fimulque Ecclefie alicui deferuiat, aut in Seminario Clericorum vel in Univerfitate verfetur.
10. Ne minores Ordines otiofi dicantur ab hæreticis, eorum ufus & functiones reftituantur. Si cœlibes non habeantur, fuffici poterunt conjugati, vitæ probatæ, modo non bigami, qui tonsuram & habitum clericalem geftantes muneribus illis fint idonei.
 11. Ordines minores fufcipientes faltem linguam latinam calleant. Servent interftitia. Suo fungantur munere. Altioribus ordinibus fe dignos exhibeant.
 12. Nullus ordinetur, nifi alicujus Ecclefie ministerio adferibatur. Si locum deferat inconfulto Ordinario, ab exercitio ordinum fufpendatur. Nullus clericus peregrinus fine commendatitiis fui ordinarii ad Divina celebranda admittatur.
 23. Nullus ordinetur Subdiaconus ante 22. ætatis annum, Diaconus ante 23. Presbyter ante 25. neque ullus, nifi habeat Beneficium, quod resignare non poffit, nifi exprefserit, fe ad illius titulum fuiſſe ordinatum. Si ad titulum patrimonii, aut penſionis quis ordinetur, fit illud fufficiens, nec alienari poffit, donec Beneficium acquirat, aut aliunde poffit honeſte vivere. Beneficia ſimplicia, quæ non fufficiunt ſuſtentando clerico, uniantur Parochiæ, ſalvis obſequiis fundatoribus præſtandis, & vocatis iis, quorum intereſt.
 14. Promovendi ad majores ordines, menſe ante ordinationem examinentur de natalibus, ætate, moribus, ſcientia. Presbyteri ſaltem quater in anno celebrent.
 15. Clerici Divinis officiis in Eccleſia, cui ſunt adſcripti, diligenter interſint.
 16. Pro ordinatione nihil licet recipere, ne quidem ſponte oblatum. Notarii vero pro dimiſſoriis aut teſtimonialibus litteris non ultra decimam aurei partem poſſunt accipere.
 17. Clerici habitu, geſtu, inceſſu, ſermone &c. nil niſi modicum, moderatum, grave ac religione plenum præferant. Et quæ in ſacris canonibus de vita & honeſtate clericorum, de luxu, comeſtationibus, choreis, luſibus &c. vitandis continentur, diligenter obſerventur.

18. Decani rurales diligenter invigilent, Archidiaconi visitent, clerici ac totius populi mores & fidem explorent, corrigant, & Episcopo rationem reddant, contenti solito viatico.
19. Sæpe moneant clericos pie vivere, & orationibus instare, hortarique gregem suum ad pœnitentiam, ad decenter reparandas ædes parochiales.

Interfuerunt huic concilio præter Archiepiscopum Rhemensem, Episcopus Sueffionensis, procuratores Capituli &c. ex Diœcesi Laudunensi sede vacante procuratores. Ex Diœcesi Noviodunensi Antonius de Mouchi, Demochares dictus, Doctor Theologus, Canonicus & Vicarius Episcopi, procuratores capitulorum &c. Ex diœcesi Bellovacensi procuratores. Ex Ambianensi pariter Procuratores. Episcopus Catalaunensis, & Sylvanectensis. Ex diœcesi Morinenſi sede vacante procuratores. Præter abbates &c.

Additum fuit decretum, quò matrimonium clandestinum declaratur irritum. Præcipitur trina denuntiatio prævia. Inter raptorem & raptam nullum potest iniri matrimonium, quamdiu rapta est in potestate raptoris. Teneatur hic eam dotare, sive eam duxerit sive non. *Hoc tamen decretum non fuit publicatum.*

Illud adhuc notandum, non parum negotii in hoc concilio facessisse, quod Cameracensis Episcopatus rogante Rege Catholico a Paulo IV. Pontifice in Archiepiscopatum fuerit mutatus, attributis illi suffraganeis Tornacensi, & Attrebatensi Episcopis. Cum enim omnes tres isti Episcopatus ad provinciam Rhemensem spectassent, Archiepiscopo illius subiecti, pariter ad Concilium fuerunt invitati, sed exemptionis factæ allegatione se excusarunt.

Concilium Rothomagensè II. anno 1581.

Provincialis ista synodus celebrata fuit Præsidente Illustrissimo ac Reverendissimo Domino Carolo Borbonio S. R. E. Cardinale, Archiepiscopo Rothomagensi, Normanniæ Primate. Edita 12. Decreta.

1. *De fide & Religione.* Ubi excommunicantur hæretici. Et præcipitur professio fidei promovendis ad sacros ordines, ad Beneficia, & officia Ecclesiastica, Magistris Scholarum, administratoribus parum communitatum.
2. In extenso proponitur formula Professionis fidei, a Pio IV. præscripta ad mentem Tridentini.

Pars VII.

E e e e

3. De

3. *De Cultu Divino.* Examinandi libri sacri, an nihil inspersum a fide alienum. Sciant, Breviarium trium tantum lectionum, a Cardinali S. Crucis compositum, a sede Apostolica fuisse prohibitum. Qui recitare negligit, graviter peccat, & Beneficii fructus pro rata non facit suos: sed eos tanquam injuste perceptos in fabricam aut pauperes erogare tenetur. Per omnes Dominicas moneatur populus, nemini absque licentia Papæ fas esse legere libros hæreticos &c. Confessarii etiam pœnitentes de hoc interrogent. Inquirendum etiam in maleficos, libertinos, Atheistas. Nundinæ arceantur a diebus festis. Uti etiam comestationes, lites, lusus &c. Cesset in Ecclesia omnis strepitus &c.
4. *De Sacramentis.* Curati vim & usum eorum explicent. A Calvinistis baptizati non debent rebaptizari. Infantes quamprimum baptizandi. Non sinant eis imponi nomina paganorum.
5. *De Confirmatione.* Hoc in provincia vix scitur esse Sacramentum. Et pauci de illo suscipiendo sunt solliciti. Quare parochi illud commendent. Episcopi frequentius ad illud conferendum per diœcesin eant. Adulti prius confessi illud suscipiant. Inter confirmatum & patrinum, uti etiam inter hunc & confirmati patrem & matrem contrahitur cognatio spiritualis. Unde nomina libro inferenda.
6. *De sacrificio Missæ.* Sancta sancte tractanda. Absint sordes calicum, corporalium, mapparum &c. Celebraturus, peccati gravis conscius, prius confiteatur. Si desit copia, quamprimum fieri potest. In oratoriis privatis non sinantur celebrare.
7. *De Matrimonio.* Optat synodus, ut in Regno Galliæ promulgatum esset Tridentinum, ut matrimonia clandestina declarare posset irrita, moneantur in concionibus parochiani de hoc decreto. Interim tamen taliter contrahentes excommunicantur: & presbyteri sic conjungentes ipso facto sunt suspensi a Divinis. Banna præmittantur. Si probabilis sit suspicio, matrimonium malitiose impeditum iri, una tantum vel altera fiat denuntiatio, aut saltem coram parcho & duobus vel tribus testibus contrahatur. Ante consummationem tamen in Ecclesia fiant consueta denuntiationes. Omnino tamen aut ex parte remitti a solo Ordinario possunt, non tamen absque legitima causa. Sponsi prius confiteantur & communicent. Temporibus vetitis aut in aliena Ecclesia nuptiæ ne celebrentur. Licet matrimonia libera

libera esse debeant, non tamen facile parochi jungant aliquos invitis parentibus. Concubinarij excommunicandi.

8. *De Episcopis & Capitulis.* Rogat synodus, electiones ad veterem morem Ecclesiasticis a Rege restitui. Rogandus Papa, ne ulli provisio expediatur, priusquam Metropolitanus rescripserit de qualitatibus requisitis. Si provisos Episcopus intra tres menses non consecratur, fructus non faciat suos, sed in pias causas expendat, sicut is, qui non residet. Non recipiatur a capitulo, nisi professionem fidei ediderit, ac decenti habitu appareat; exemplo præluceat, & fiat forma gregis. Omnibus saltem Dominicis festisque celebret; Rei Divinæ in cathedrali frequentissime interlit. Absit luxus, & vanitas. De redditibus Ecclesiæ ne ditent consanguineos. Neminem in sua familia tolerant suspectum de hæresi. Canonici quoque moribus sint integris. Examinentur provisiones; an non simoniacæ &c. Habitum decentem gerant. A fœminis caveant. Luxum proscribant. Spurius non obtineat Beneficium in Ecclesia, in qua pater habet aut habuit. Ad personalem residentiam obligantur, citra justum impedimentum. Nemini cura animarum committatur, nisi 25. annum attigerit. Decani, Præpositi, Archidiaconi, Pœnitentarii sint Doctores Theologiæ aut Juris canonici, aut Licentiati. Archidiaconi quot annis visitent, & diarium visitationis ad Episcopum referant. Primæ partes in cathedrali sint Episcopi. Tempore Missæ majoris capitulum non habeatur. Ad majus altare nemo celebret, nisi Episcopus & canonici. Statuta, bona, privilegia, jura capitulorum Episcopo exhibeantur. Sicut non licet Episcopo res Ecclesiæ alienare sine consensu capituli, sic neque capitulo sine consensu Episcopi aut aliorum superiorum. Alienata restituantur in integrum. In collegiatis etiam una præbenda assignetur Theologo.

9. *De Episcopi officiis.* Ante ordinationem fiant tres denuntiationes sicut ante matrimonium. Præscribuntur varia circa ordinandos faciendæ, circa tempora, locum, cœlibatum, Breviarium, simoniam vitandam. Resignationes in favorem, cum reservatione, conditione, onere &c. non permittendæ absque consensu Papæ; quia de simonia sunt suspectæ.

Ingemiscit synodus simoniæ vitium in Beneficiis Ecclesiasticis valde grassari; privationem Beneficii & censuras decernit. Si Episcopus præsentatum instituere nolit, superior non instituat, nisi cognita

gnita & iudicata causa. Postquam fabricarum Ecclesiæ & hospitalium, in quæ portio pauperum ab Episcopis fuit divisa, regimen Episcopis fuit ablatum, & in laicos translatum, bona ista dilapidantur, & in alios usus distrahuntur. Adhibendum serio remedium. Synodi convocentur Diœcesanæ singulis annis. Curati in illis compareant in superpelliceis, stola, ac toto habitu decente.

Controversias omnes de præcedentia Episcopus componat, appellatione remota. Calendarum antiquissimus est usus & abusus; nihilque aliud significant, quam cleri vocationem ad censuram morum faciendam: tres in anno instituantur in Ecclesia. Absit omnis abusus. Supplicandum Papæ, ut Indulgentiarum concessionem moderetur, quia frequentia vilescunt, & ad quæstum concedi multi sibi persuadent, easque ad enervandam disciplinam tendere.

10. *De Curatorum & aliorum presbyterorum & parochianorum officiis.*

In curatis duo requiruntur, capacitas & potestas: ut scilicet sint digni, & canonicè instituti. Personaliter resideant. Alias fructus non faciunt suos. Concubinas dimittant. Absit forditie, luxus, negotiatio sæcularis, simonia, scandalum. Plurima alia hic providentissime ac sanctissime curatis, & parœciis præscribuntur, quæ in Jure canonico & Concilio Tridentino continentur. Quare optandum esset, ut omnes has sanctiones legerent, & observarent.

11. *De Monasteriis.* Supplicandum Regi, ut electiones secundum morem antiquum restituere aliquando dignetur; & interim intra sex menses juxta concordata, aut ad summum intra novem, teneantur nominati ad Monasteria & Prioratus provisiones a sede apostolica impetrare, aut omni jure excidant, & fructus pietatis operibus Episcopi applicent, donec a Romana sede provisum fuerit. Emittant autem professionem fidei. Plura alia saluberrima decreta de statu Regulari ad mentem Tridentini & SS. Canonum feruntur; præsertim vero adversus abusum, quo in Gallia passim commendatarii, sæculariter viventes, fuerant intrusi, qui Monasteriorum bona dilapidabant, & in usus profanos distrahebant.

12. *De Jurisdictione Ecclesiastica.* Cum & Canonicis & Regiis constitutionibus jurisdictio Ecclesiastica semper sejuncta fuerit a sæculari, in personalibus civilibus, & criminalibus causis, ita, ut a sæcularibus Judicibus Ecclesiastici non debeant compelli ad solvenda debita, nec puniri, si quid animadversione dignum com-

commiserint, sed ad Judices Ecclesiasticos debeant remitti in casibus præscriptis a sacris canonibus, monentur Judices sæculares, ut dictis Canonibus pareant, nec falcem in messem alienam mittant, secus excommunicationis vinculo se noverint subiacere. Sub eadem pœna præcipitur omnibus Ecclesiasticis, ne coram Judicibus laicis litigent, neve voluntarie eorum jurisdictioni se subjiciant in casibus ad jurisdictionem Ecclesiasticam pertinentibus, sive actores sive rei sint.

Lites finiantur compendio præcis dilationibus. Publicatis totum elogis non admittantur amplius recusationes testium. Promotores non debent ferre sententiam excommunicationis, cum sint actores, non Judices. In contumaces non statim post primam citationem ferenda excommunicatio. Non liceat Episcopo sigillum suum pro certo pretio locare. Actuarii curiæ Ecclesiasticæ sint clerici. Absente Officiali testes non examinent. Sportulæ sint moderatæ. Seminaria erigantur ad præscriptum Tridentini. Hæc omnia subjiciuntur judicio sedis Apostolicæ.

Subscripserunt Cardinalis Borbonius, Archiepiscopus Rothomagensis, Episcopus Bajocensis, Sagiensis, Claudius de Saintes Episcopus Ebroicensis, Episcopus Lexoviensis, Procuratores Episcopi Constantiensis, & Ecclesiæ Abrincensis vacantis: Deputati a Capitulis, Abbatibus &c.

Additum fuit de instaurandis scholis decretum, erigendis seminariis &c. Proposita etiam sunt Papæ plura dubia: e. g. quinam ferendi ordo in Conciliis Provincialibus sit observandus? Responsum fuit Roma, primum locum competere Archiepiscopo tanquam Præsidi, alterum Episcopis comprovincialibus secundum antiquitatem consecrationis, non vero dignitatis Ecclesiarum: Canonicos cathedralis præferendos abbatibus, quando capitulariter incedunt: commendatarios post Abbates mitratos locum habere, post hos Dignitates, ac demum Procuratores.

Quæsitum 2. fuit, an exempti teneantur comparere in concilio provinciali, ejusque statuta observare? Responsum fuit, non teneari, nisi qui de jure vel consuetudine interesse debent. Capitula cathedralia specialiter invitanda obligari statutis, qui Episcoporum jurisdictioni subduntur; exemptos etiam in casibus, in quibus a jure communi & Tridentino specialiter Episcopis aut Concilio Provinciali subjiciuntur.

Quæsitum 3. quam vocem habeant in Concilio Abbates, Commandatarii, & Capitulorum deputati? Responsum, eos tantum consultivam habere. Procuratoribus vero Episcoporum absentium posse decisivam concedi.

Quæsitum 4. an supplendæ ceremoniæ baptismi in iis, qui ab hæreticis baptizati ad Ecclesiam redeunt? Responsum, supplendas, præcedente in adultis abjuratone hæresis, & reconciliatione.

Quæsitum 5. cum plures fuerint ordinati ante tempus, a Tridentino definitum, an non liceat cum illis dispensare, & cum aliis, eo quod multæ Ecclesiæ sint absque pastoribus? Responsum: indulgebatur facultas dispensandi cum hætenus promotis: de cætero intellecta necessitate Ecclesiarum aut utilitate, singillatim dispensabitur.

Quæsitum 6. an residentia in Ecclesia Parochiali sit de jure & præcepto Divino, & an ulla causa possit esse canonica, ut omnino quis excusetur a residentia, an tantum ad certum tempus ex causa aliqua particulari? Responsum, fuisse declaratum & amplissime provisum per Concilium Tridentinum: illius decreta observanda.

Quæsitum 7. quid agendum cum canonicis, qui non habent victum sufficientem, si carere debeant Beneficio parochiali; nam si ad hujus residentiam teneantur, cathedrali ministris privari; si vero cogantur parochialem dimittere, in majore parte Cathedralium & collegiatarum præbendam non suffecturam ad victum. Nulla autem esse Beneficia simplicia, quæ uniantur, neque tot præbendas, ut aliquæ possint supprimi, totque sint gravamina & subventiones cleri in regno Galliæ, ut vix possit satisfieri? Responsum, quoad retentionem parochialis cum cathedrali canonicatu pro necessitate & utilitate Ecclesiarum, & regionis, in casibus particularibus providendum fore.

Propositum 8. Cum Tridentinum (S. 24. c. 6.) Episcopis dederit potestatem absolvendi ab hæresi pro foro conscientiæ, Bulla autem eorundem, & Pius IV. & V. eam absolutionem sedi Apostolicæ reserverent, rogant Episcopi, ut dignetur sua sanctitas eis potestatem ex decreto Concilii Tridentini concedere; quia plures potius essent mansuri in hæresi, quam propter eam mittant Romam & interea dum mittitur & expectatur absolutio, varia pericula possint incidere. Responsum, pro necessitate provinciæ concedendam facultatem absolvendi juxta decretum Tridentini, cui magis visum fuerit.

Quæsitum 9. circa clausuram Monialium quid agendum, maxime ubi timetur, ne per eam deterius quid contingat, cum quædam

dam dicant, per foundationem liberum sibi relinqui exitum; aliæ, se non emisisse votum clausuræ, nec ingressuras fuisse, si scivissent obligationem clausuræ; aliæ minitentur, se potius redituras ad sæculum, & parentes nobiles necem Episcopis intendent, si ausi fuerint ingressum prohibere? Responsum, executioni mandanda decreta Concilii Tridentini & Bullas summorum Pontificum, quibus sublata sint omnia privilegia & foundationes.

Supplicatum 10. ut sedes Apostolica, sicut Archiepiscopo Rothomagensi concessit Bullam uniendi cum Archiepiscopatu Canonicatum, ita eandem facultatem ad reliquos etiam provinciæ Episcopatus extendat, ut sic vocem habere possint in capitulo Episcopi, eique præsidere, atque hac ratione reformare, quod alias fieri non posset. Responsum, habitum iri hujus rei rationem, & prout singulis Ecclesiis magis expedire visum fuerit, provisum iri.

Concilium Rhemense II. Anno 1583.

Præsedt huic Concilio Provinciali Ludovicus Guisus S. R. E. 112.
Cardinalis, Archiepiscopus Rhemenfis, primus Par Franciæ, sedis Apostolicæ Legatus natus. Postquam ad congregatos Provinciæ suæ Episcopos finem Concilii exposuit, restitutionem videlicet Ecclesiasticæ disciplinæ, interim, dum amplior Concilii Tridentini promulgatio quotidie speratur & expectatur, plura capitula sunt sancita.

1. Omnibus ad Ordines, Beneficia aut Officia promovendis injungitur professio fidei.
2. Ista exhibetur, prout a Pio IV. præscripta fuit.
3. Commendatur cultus Divinus, oratio devota in templo, reverentia, imaginum honestas.
4. Examinentur Missalia, Breviaria, Ritualia.
5. Dies festos soli Episcopo instituere liceat, eosque etiam exempti servant. Populus Missæ, Concioni, & Vesperis intersit. Diebus paschæ, pentecostes, & natalis Domini nemo absit a parochia, nisi ex justa causa cum licentia parochi. Absint a festis nundinæ, mercatus, auctiones, ludi theatrales.
6. Prohibetur omne genus fortilegiorum.
7. Doceatur populus pie suscipere sacramenta.
8. Commendatur Sacramentum confirmationis.

9. Con:

9. Confessarii medium teneant inter severitatem & lenitatem.
10. Hortatur ad frequentem & devotam Evcharistiæ sumptionem, Missæ celebrationem &c.
11. In matrimonio servantur, quæ Tridentinum statuit.
12. Commendatur usus extremæ unctionis, a Jacobo Apostolo promulgatæ.
13. Omnes Christiani, præsertim laici in communi cœmeterio sepeliantur, non vero in Ecclesia, sine superiorum consensu, quam non concedant sine defectu. Tumuli humo altiores non excitentur. Publici Simoniaci, hæretici, Schismatici, excommunicati, venefici, sortilegi, usurarii, qui sibi manus violentas intulerunt, in duello mortui, qui in paschate Sacramenta non perceperunt, Ecclesiastica careant sepultura. Si tales in cœmeterio sepeliantur, tantum cœmeterium polluitur, si autem in Ecclesia, tam cœmeterium quam Ecclesia censentur polluta.
14. In qualibet Diœcesi erigantur seminaria pro juventute instituenda, ut pii doctique clerici formentur.
15. Clerici bono exemplo præluceant &c. non se addicant domesticæ curæ in domibus laicorum; neque negotiationi profanæ &c.
16. Monasteria reformentur.
17. Canonici sint Doctores aut Licentiati Theologiæ aut Juris canonici, aut saltem competentem scientiam habeant. Tertia pars fructuum in distributiones redigatur.
18. Exponitur munus Episcoporum.
19. Damnatur crimen Simonie, etiam confidentialis circa Beneficia.
20. De usura sic loquitur: cum sacra litteræ excludant eum a Divino tabernaculo, qui pecuniam dederit ad usuram, aperteque nuntient, ut mutuum demus, nihil inde sperantes; quisquis præter sortem præcipuam ex mutuo aliquid amplius exegerit, vel acceperit, cujuscunque generis illud sit, modo pecunia æstimari possit, usurarius esse censetur. Quæ autem per usuram parta sunt, vel accepta, usurarii restituere teneantur. Parræcus in pronao (seu suggestu) singulis diebus Dominicis annuntiet, usurarios esse excommunicationi obnoxios. Clericus usurarius juxta Nicani Concilii sententiam deiciatur a clero.
21. Judices seculares monentur, ne causas ad Ecclesiam pertinentes ad se trahant. Ecclesiastica judicia summarie, quantum fieri potest, tractentur. Nulla accipiantur a partibus munera, qui

qui per annum in censura inforduerit, suspectus sit de hæresi.

22. Episcopi quot annis vel per se vel per vicarium generalem, aut visitatorem diœcesin visitent, ut saltem intra biennium totam absolvant.
23. Singulis annis celebretur synodus Diœcesana, præside Episcopo aut ejus Vicario. Legantur statuta synodalia. Decani rurales rationem reddant. Curati sacro ac decenti habitu compareant. Controversiæ clericorum componantur.
24. Singulis trienniis habeatur Synodus Provincialis. Secluso legitimo impedimento Metropolitanus & Episcopi Suffraganei personaliter interfint.

Hanc synodum approbavit Gregorius XIII. dedit etiam facultatem Cardinali Guisio concilium celebrandi, licet pallium necdum acceperit.

Conventus Melodunensis & Parisiensis.

Sub hæc tempora Episcopi Galliæ Meloduni congregati pro reformanda collapsa disciplina, habitis ad Regem Henricum III. orationibus duo petebant pro sanandis Ecclesiæ Gallicanæ morbis, videlicet promulgationem Concilii Tridentini, quam jam ante in Comitibus Blesensibus Ecclesiasticus Ordo postularat. Altera petitio erat, ut sacræ electiones restituantur.

116.

Respondit Rex, promulgationem Concilii Tridentini iustis ex causis a Carolo fratre non fuisse concessam, nec a modo concedi posse. Jus nominationis ad Archiepiscopatus, Episcopatus, & Abbatias, per concordata a Pontifice Regibus concessum, abdicari a se non posse, curaturum autem, ut digni Ecclesiis Pastores præficiantur, juxta edictum, jam in comitiis Blesensibus editum.

Quam calamitosus autem eo tempore fuerit Ecclesiæ Gallicanæ status, ex Episcoporum orationibus in Conventu Melodunensi habitis constat. Multi Episcopatus Pastoribus erant destituti, plurima Cœnobîa Abbatibus, nulla Divini cultus habita ratione, sacerdotia pessimæ profanis hominibus, quin & mulierculis atque hæreticis detinebantur. Siquidem Beneficia impune vendebantur, Abbatibus

Pars VII.

F f f f

fœmi-

fœminis in dotem assignatæ, post earum obitum inter hæredes dividendæ. Nobiliora & pinguiora Beneficia passim a Rege in commendas laicis data. Annatæ sacerdotum a Rege collectæ. Hæc aliæque Præsules eo in conventu Regi cordate proponebant, & pro remedio supplicarunt.

In gemino dein conventu Parisiensi clerus Gallicanus urgebat executionem Decretorum circa reformationem disciplinæ; & præcipue perorante Archiepiscopo Bituricensi rursus instabat, ut Rex promulgationem Concilii Tridentini permittat, & electio- num Ecclesiasticarum libertatem Ecclesiis restituat, ceu duo ad disciplinam restaurandam maxime necessaria. Rex de Concilii promulgatione se deliberaturum respondit. Mentionem de electionibus commotiori animo accepit, elusitque.

Concilium Burdigalense anno 1583.

III.

Provinciale hoc Concilium celebratum fuit Burdigalæ, celebri ad Garonnam in Aquitania urbe (quam proprium Parlamentum & studiorum Universitas reddit conspicuam) Præsidente Reverendissimo Domino Antonio Lansaco, Archiepiscopo Burdigalensi. Decreta 36. lata: ad eum fere modum, qui in aliis provincialibus Conciliis fuit observatus.

Atque imprimis proposita professio fidei, a Pio IV. præscripta. Cultum dein divinum commendat, eumque precatione & sacrificio constare ait. De officio Divino ab omnibus Beneficiatis & sacris ordinibus inauguratis persolvendo, de Breviariis & Missalibus ordinandis, de Missa devote celebranda; de reverentia templis debita, de festis religiose colendis tractat. Sortilegia & magicas artes proscribit.

Ad sacramenta deinde exponenda progreditur, atque ad ea summa cum veneratione & animi puritate suscipienda hortatur. Baptismum seclusa necessitate in templo conferendum. Patrini admoneantur sui officii. Confirmationis Sacramentum prope intermissum revocetur, cum gratiam & robur suppeditet. Deplorandam discordiam plurimum Sacerdotum, qui vix semel in anno Missam celebrant. Ordinantur circa pœnitentiam, quæ Tridentinum docet, & præscribit. Parochi sint diligentes in conferenda infirmis extrema unctione. Nemo prima tonsura initietur, nisi confirmationis Sa-

cra.

cramentum perceperit, & fidei rudimenta teneat. Nullus ordinetur, nisi examinatus & probatus.

Matrimonia clandestina declarantur non tantum illicita, sed etiam invalida atque irrita. Benedictio nuptialis a proprio parcho fiat, nisi alteri licentiam dederit. Solennes nuptiæ non celebrentur tempore vetito. Cum hæreticis non contrahantur matrimonia. Impedimenta matrimonii recensentur aliqua.

Episcopi ne ditent consanguineos, nisi sint pauperes. Si intra tres menses consecrationem negligant, tenentur fructus perceptos restituere. Si per alios tres menses neglexerint, ipso jure Ecclesiis sunt privati. Vicarius Episcopi sit Sacerdos. Sbppliat synodus Regi per viscera misericordiæ DEI ac per Christi sanguinem, ut facultatem eligendi idoneos pastores Ecclesiæ restituat.

Præcipiuntur deinde pluribus capitulis ea de Canonicis, Parochis, residentia pastorum, prædicatione verbi Divini, vita & moribus clericorum, examine promovendorum ad Beneficia curata, de Seminariis & Monasteriis, quæ Tridentinum ordinavit.

Ingemiscit, calamitosiis his temporibus Ecclesiæ facultates rapinis, direptionibus & injustis usurpationibus, non solum fuisse imminutas, sed omnes ferme absumptas, ac proin severe interdicit, ne modicum, quod superest, alienetur. Nulla prædia cum aliis commutentur, aut in emphyteusin dentur, nisi ab omni tempore fuerint inculta.

Mutuum ex Jure Divino debere esse gratuitum, ac proin titulo mutui nihil prorsus ultra sortem posse exigi. Ne quis frumentum &c. corruptum det, ut purum postea recipiat. Ne quis ob dilatam solutionem carius vendat, quam iusti pretii ratio ferat. Neque ob anticipatam solutionem minoris ematur. Ne carius aliquid vendatur, ut vilius possit redimi. Ne in societate, in qua alter pecuniam confert, alter operam, lucrum aliter dividatur, quam ex æquis partibus. Non fiat pactio, ut fors sit semper salva. Prohibentur quoque annuorum censuum simulati & fictitii contractus: in quibus nulla certa res immobilis, quæ iusto pretio ematur, designetur. Aliaque plura de usuris severe decernuntur.

Nulli post mortem communicetur, cui vivo communicare non licuit. Unde talis arceatur sacra sepultura &c.

G g g

Sa-

Sacrarum litterarum monumentis constare, duplicem a Deo institutam esse potestatem, sæcularem nimirum & Ecclesiasticam. Nec Clerici igitur nec laici mittant falcem in alienam messem. Lites brevi finiantur. Si reus petitionem actoris negaverit, contestationem litis Judex statuatur, ac tempus determinet, intra quod actor suam intentionem, ac postea reus exceptionem formare possit. Si reus in jus vocatus non compareat, citetur secundo peremptorie, si necdum pareat, contumax declaretur, & in pœnam actori solvendam condemnatur. Si actor non comparet, reum comparentem Judex absolvat, & actorem in expensas condemnet. Judex prius omnia juris remedia experiatur, antequam ad excommunicationem descendat.

Multa insuper valde salubriter statuuntur de visitatione, de synodis. In his tractetur primo de cultu DEI; tum de iis, quæ ad officia pastorum spectant.

Cum sine coercitione jurisdictio sit enervis, & leges vilescant, statuuntur pœnæ in transgressores statutorum. Judex tamen de multis pecuniariis nihil in usus suos convertat, sed causæ piæ applicet, parte tamen aliqua accusatoribus relicta.

Submittantur omnia acta judicio sedis Apostolicæ, a qua omnia approbata sunt. Subscripserunt Archiepiscopus Burdigalensis, Episcopi, Agénensis, Engolismensis, Piçaviensis, Santonensis, Sarlatensis, Valatensis, & procurator Ecclesiæ Candomienfis, sede vacante.

Additæ sunt leges Seminariorum, de ædibus, de admittendis, de Primario & Præfests Seminarii, de œconomia, de disciplina, de pietate, obedientia, re litteraria, correctione, ratione promovendi clericos.

Concilium Turonense II. Anno 1583.

113.

FUIT pariter Provinciale, habitum partim Turoni partim Andegavi Præsede Simone a Maille Archiepiscopo Turonensi, 21. Decreta pro reformanda morum disciplina complectens.

Inchoatur synodus gratiis Deo agendis, quod Rex in toto Regno Concilia provincialia celebrari voluerit, ut & hæreses extirpen-

pentur, & morum disciplina, tot seditionum bellorumque incurſibus conquaſſata, reſtauretur. Vota deinde pro Regis conſervatione facit, atque ſub excommunicatione vetat, ne quis vivente Principe auſit de alio regni ſucceſſore conſilium inire, aut maledicta in eum conſpicere. Additque hæc verba: *ſi quis poteſtati Regis, quæ non eſt niſi a Deo, contumaci ac inflato ſpiritu contra auctoritatem & rationem pertinaciter contradicere præſumpſerit, & ejus juſtis imperiis obtemperare noluerit, anathematizetur.* Petit deinde ſynodus a Pontifice, ut Episcopis eorumque Vicariis facultatem concedat abſolvendi ab hæreſi; a Rege vero, ut Tridentinum promulgari, electiones vero Episcoporum & Abbatum liberas eſſe ſinat.

Omnes Beneficiati intra tres menſes a die adeptæ poſſeſſionis in præſentia Episcopi aut Vicarii poſſeſſionem fidei emittant, ac proprio nomine ſubſcribant. Neque licet hoc per procuratorem facere. Laici non diſputent cum hæreticis. Humaniter iſti reducendi. Indulgentiæ nullæ promulgentur abſque conſenſu ordinarii, ſuperſtitio omnis tollatur.

Innovantur Bullæ Pii IV. & V. circa ſimoniam confidentialem; atque Eccleſiam ipſo jure vacare decernitur.

Tum vero de Sacramentis, reliquiis, imaginibus ea decernuntur, quæ tum in ſuperioribus Conciliis, tum præſertim in Tridentino continentur, cujus etiam decretum amplectitur de irritatione matrimonii clandestini. De diſciplina etiam Eccleſiaſtica, de Episcopis, Canonicis, Parochis, Monachis &c. eadem ferme ſtatuta.

Subſcripſerunt Archiepiſcopus Turonenſis, ejuſque ſuffraganei Episcopi, Andegavenſis, Nannetenſis, Leonenſis, Briocenſis, Rhedonenſis, Coriſopitenſis, per procuratorem Dolenſis, Ceno-
manenſis, Maclovienſis, & Trecorenſis Eccleſiæ ſede vacante.

Concilium Bituricenſe II. Anno 1584.

Indixit hoc provinciale Concilium Rignaldus de Beaulne, Patri-
archa & Archiepiſcopus Bituricenſis, Aquitaniæ Primas. 46.

G g g 2

titu-

titulis, quorum singuli complures continent canones, Ecclesiasticæ disciplinæ providetur, ex Tridentino potissimum aliisque synodis jam memoratis desumptos.

In titulo de abusu scripturarum tollendo Can. IV. dicitur: *Sit Index librorum prohibitorum apud actuarium cujuscunque Episcopatus, qui singulis annis exhibeatur Bibliopolis & Typographis, ne per errorem improbatos libros disseminent.*

Episcopi sint executores testamentorum in iis, quæ pertinent ad pias causas.

Qui nihil, nisi quod in scriptura expresse continetur, pro vero tenendum, & traditiones Ecclesiæ quasi inventa humana respueudas esse dixerit, anathema sit.

Notabilis est canon III. titulo de Eucharistia, qui sic habet: *negantes accidentia panis & vini in Sacramento Eucharistiæ sine substantia panis & vini manere, anathemate feriantur, & hæretici censeantur. Et canon III. tituli de Missa: Missa vivis & defunctis prodest: quia æque sunt membra Christi. Quis secus crediderit, anathema sit.*

Item Canon I. tituli de Beneficiis, cujus hæc sunt verba: *Cum Beneficium Ecclesiasticum non otiosum, sed officium suum exequentibus sit constitutum, & propter Officium detur Beneficium, denuntiat hæc synodus omnibus cujuscunque gradus, & conditionis, qui Beneficia Ecclesiastica solius temporalis proventus gratia suscipiunt, eos non facere fructus suos: sed ad restitutionem teneri. Can. 2. vetatur pluralitas. can. 4. ne curata in simplicia convertantur. Can. 6. ne quis consanguineo Beneficium cedat solius consanguinitatis ratione.*

Subscripserunt Archiepiscopus Bituricensis, ejusque suffraganei Episcopi, S. Flori, Cadurcensis, Lemovicensis: Depurati Ecclesiæ Claromontensis, & Castrensis, sede vacante. Procurator Episcopi Ruthenensis, Tutellensis, Albiensis, Mimatenensis, Vabrensis. Confirmatum denique fuit hoc Concilium a Sixto V. sicut priora a Gregorio XIII.

Concilium Aquisense anno 1585.

115.

Celebratum Aquis Sextiis nobili Provinciæ Phocensis civitate, Parlamento & studiorum Universitate inclita, Præside Alexandro Canigiano Archiepiscopo Aquensi, 43. Constitutionum capita ad reformationem pertinentia sancivit. Atque imprimis decrevit, ut a Rege humillimis precibus flagitetur, ut Tridentinum Concilium, quo labenti reipublicæ Christianæ accuratissime subvenitur, promulgari juberet.

Interim vero, dum ea promulgatio expectatur, secundum ejusdem Concilii placita saluberrimæ sanctiones latæ sunt de fide ejusque professione, de institutione catechetica juventutis diebus Dominicis festisque diligenter habenda, de libris vetitis, de Sacramentis in genere & in specie, de cultu festorum, de vita & honestate clericorum; de his, in quibus Episcopus juxta Tridentinum tanquam delegatus sedis Apostolicæ procedere potest aut debet: de visitatione, concione, & verbi Divini prædicatione, de Canonicis, Capitulis, Parochis, residentia, Ecclesiarum cultu, choro, altari, sacristia, cæmeterio, campanis, exequiis, processionibus, indulgentiis, reliquiis, censuris, Beneficiis, Seminariis, Synodis, Vicariis, Foraneis, Monasteriis.

De Baptismo ait, eum ne quidem sub conditione esse conferendum illis, qui ab hæresi Calviniana redeunt, eo quod Calvinistæ publico in cœtu baptizent, debitamque materiam & formam adhibeant: formam autem sub conditione baptizandi introductam esse propter baptismos occultos, de quorum valore dubitari potest.

Confirmationis Sacramentum non impertiendum ante septimum ætatis annum, nisi justa ex causa aliter videatur. Juniores ne sint patrini senioribus. Præcipitur usus Breviarii & Missalis Romani. Renovantur ea, quæ Tridentinum de matrimonio statuit, &c.

Subscripserunt Archiepiscopus Aquensis, Episcopus Aptensis, Vapincensis, Regensis, Cistaricensis, & Vicarius Foro-Julien-sis Episcopi.

Con.

Concilium Tolosanum & Avenionense.

116. Anno 1590. celebratum est Concilium Provinciale Tolosanum Præsidente Francisco de Joyosa S. R. E. Cardinale & Archiepiscopo Tolosano, & anno 1594. Avenionense; in quibus multa decreta sunt condita, sed eadem fere, quæ a superioribus Conciliis, & præsertim a Tridentino sunt sancita. Ne igitur eadem identidem repetamus, lectorem ad Acta Conciliorum remittimus.

Illud notandum; licet Galliæ Reges non permiserint publico aliquo totius Nationis Galliæ decreto Concilium Tridentinum promulgare, per istas tamen Provinciales synodos, in omnibus ferme provinciis habitas, id esse publicatum, dum illius

Decreta tanquam synodalia sua decreta
asseruerunt.



LIBER IV.

De Statu Civili & Ecclesiastico Belgii.

Quoniam nulla majoris momenti Concilia in Belgio usque ad Sæculum XVI. sunt celebrata, vix ullam hætenus illius mentionem feci. Jam vero, ut Sæculi XVI. status luculentius pateat, juvat eundem in hoc Eruditio- nis apparatu ab altioribus principiis repetere.

CAPUT I.

De Statu Belgii.

SUMMARIUM.

ARTICULUS I.

Prænotanda de Regno Lotharico.

- | | |
|--|---|
| 1. Regnum Lotharicum: in Austrasiam & Burgundiam divisum. | atque Sabaudiam, ac magnam Helvetiæ partem. |
| 2. Regnum Burgundiæ in Provinciam, Delphinatum, Ducatum & Comitatum Burgundicum, | 3. Austrasiæ partes. Inter quas Lotharingia, & Belgium. |

ARTICULUS II.

De Belgio usque ad Burgundos.

- | | |
|---|--|
| 4. Brabantiæ & Flandriæ vetustæ adumbratio. | rum uniones. |
| 5. Luxemburgi, Hollandiæ, & Selandiæ, variæque provinciæ. | 6. Namurcum, Frisia, Geldria, Ultrajectum. |

ARTICULUS III.

Sub Burgundis.

- | | |
|--|--|
| 7. Burgundiæ Ducum prima linea, Roberto Fundatore. | Joannis Galliæ Regis filius: Joannes Intrepidus: Philippus Bonus: Carolus Audax. |
| 8. Ex secunda Philippus Audax | |

Part VII.

H h h h

AR-

ARTICULUS IV.

Sub Austriacis ad ann. 1559.

- | | |
|---|---|
| <p>9. Maria nubit Maximiliano. Burgundiæ Ducatus, & Artesia a Ludov. XI. abreptæ. Philippus Archidux. Margaretha & Maria Gubernatrices.</p> <p>10. Carolus V. Gröningam, Ultrajectum, & Geldriam unit</p> | <p>cum reliquis provinciis, Abdicatio.</p> <p>11. Philippus II. pace cum Gallis facta, Belgium ordinat, provincias distribuit; abit in Hispaniam.</p> |
|---|---|

ARTICULUS V.

*Sub Margaritha Parmensi.**§. 1. De Causis tumultuum Belgicorum.*

- | | |
|---|---|
| <p>12. Causa prima, ambitio Procerum. 2. Hispani milites 3. auctus Episcoporum numerus, &</p> | <p>Abbatum querelæ. 4. Inquisitio. 5. Granvellanus.</p> |
|---|---|

§. 2. Has non fuisse causas primarias.

13. Dissertatio de causis seditionum & bellorum.

*§. 3. Principalis malorum causa fuit hæresis.**§. 4. Relatio Historica Actorum sub Margaritha.*

- | | |
|--|--|
| <p>15. Analogia status Belgici cum Gallico.</p> <p>16. Granvellani advocatia, & elogium.</p> <p>17. Regis constantia, & zelus pro Religione.</p> | <p>18. Nobilium conspiratio propter Inquisitionem; edita, consultatio ea super re.</p> <p>19. Geusiorum nomen, origo, & insolentia. <i>Compromissum.</i></p> |
|--|--|

§. 5. Continuatio ejusdem Historiæ.

- | | |
|---|--|
| <p>20. Geusiorum iconomachia, ac barbarus furor; per totum ferme Belgium, nec Margarithæ indulgentia mitigatur.</p> <p>21. Procerum aliquorum conspiratio, ac Geusiorum in Regem conjuratio. Brederodii insolentia postulata. Gubernatricis responsio. Geusii arma expediunt.</p> | <p>Ter vincuntur. Valencenæ a Regis captæ.</p> <p>22. Orangius juramentum fidelitatis detestans Belgio excedit. Brederodii interitus. Hæresis ubique profligatur. Belgium ad Religionem & obedientiam redit.</p> <p>23. Legati Protestantium ex Germania ad Gubernatricem.</p> |
|---|--|

ARTICULUS VI.

Belgium sub Albano.

24. Rex de bello consultat. Illud-
que decernit; Margaritha, quæ
pacem conciliaverat, invita.
Albanus Italicas copias in Bel-
gium ducit.
25. Egmontius & Hornanus capti.
Belgarum nator, Missa Gallia
Regi subsidia. Margaritha Bel-
gio excedit.
26. Albanus novo erecto tribuna-
li severa judicia exercet. Oran-
gium aliosque contumaciæ &
majestatis damnat, Bona fisco
addicit.
27. Orangius armatus in Belgium.
Cæsus Arembergius.
28. Actio in Egmontium & Hor-
nanum. Exceptio. Sententia.
Executio. Elogium. Alii con-
demnati.
29. Albanus in Frisiam. Geusios
profligat. Ingentem novum
Orangii exercitum cunctando
vincit. Vitellii virtus. Hoch-
stratanus occumbit. Alteræ
Gallia Regi missæ suppetiæ.
30. Albanus novo tributo Belgas
irritat. Sed nuntiata ingenti
eluvione, & Brila capta, execu-
tio suspenditur.

Continuatio Historiæ.

31. Orangius occasione novi tri-
buti multos Belgas in suas par-
tes trahit. Brila capta Reipubli-
cæ dat prima initia. Mutata
mox rerum facies. Urbes aut de-
ficiunt, aut expugnantur a Geu-
siis. Albanus plures recipit:
pari utrinque crudelitate.
32. Nardemi excidium. Harleml
cruenta expugnatio.
33. Requesenius in Belgium. Al-
banus in Hispaniam, relinquens
Belgium ubique turbatum, quod
pacatum a Margaritha accepe-
rat. Albani elogium.

ARTICULUS VII.

Belgium sub Requesenio.

34. Middelburgum a Geusis cap-
tum. Victoria Hispanorum.
Seditio militaris. Lugduni ob-
sidio irrita. Altera seditio.
35. Expeditio Selandica. Vitellii
mors, & effigies. Mors Re-
quesenii, & elogium.
36. Senatus arripit regimen, ac
omnia turbantur. Seditio tertia
militaris. Alostum seditiosi ir-
tercipiunt. Conspiratio Bel-
garum in Hispanos. Antverpia
direpta. Hispanorum apud Re-
gem excusatio.

ARTICULUS VIII.

Belgium sub Joanne Austriaco.

37. De illo admittendo consultant ordines. Ipsemet deliberat. Tandem editum ordinum Gandavense acceptat: atque Hispanos milites dimittit. Non tamen sine difficultate. Bruxelas ingreditur.
38. Artibus Orangii versa mox scena, & infidiis appetitus Namurcum fugit. Mutua exprobratio.
39. Orangius Brabantiae conservator dicitur. Miles Hispanus revocatur, cum Alexandro Farnesio. Orangius arces civitatum diruit.
40. Evocatur ab ordinibus Vienna Matthias Archidux. Religiosi exules ob detestatum juramentum adversus Joannem Austriacum.
41. Bellum toto Belgio. Duces utrinque. Victoria Gemblacensis, ejusque fructus. Limburgum præter multas alias urbes expugnatum. Orangius ad mare Batavicum fundaturus imperium, Amstelodamum fraude capit. Pax frustra tentata.
42. Mors Joannis Austriaci, elogium ac vitae series. Obitus Barlamontii.

ARTICULUS IX.

*Belgium sub Alexandro Farnesio.**§. 1. Septennium primum.*

43. Misera Belgii facies. Evocatus Alenfonius & Casimirus. Uterque recedit. Farnesii copiae, & progressus.
44. Wallones a reliquis ordinibus deficient, ac tertiam classem constituunt: dicti malecontenti. Pellunt hæreticos. Farnesii & ordinum contentio, eos ad partes suas reducendi reconciliantur Regi: præsertim audito
- furore hæreticorum Antverpiæ. Fabula Parisina, Trajecti cruenta expugnatio.
45. Colonienfis Conventus Cæsare arbitro. Reservata Regis Ordinum enormia postulata. Terranovæ Legati responsio. Arbitrorum moderatio. Re infecta disceditur. Arschotti reconciliatio.

Continuatio Historica.

46. Frisia & Transsilania per Lalinum Rennebergium Regi conciliata. Occupata Mechlinia. Sed felicem armorum cursum stitit
- stipendiorum inopia. Exteri milites dimissi. Revalescunt federati. Anglicana furia Mechliniæ. Rubasii victoria capto Lanua.
47. Mar-

47. Margaritha a Rege in Belgium missa, ut civilem Præfecturam administraret, militari filio Alexandro relicta. Qui eam divisionem Gubernationis improbat: ac dimissionem petit.

48. Hornamus Comes ob conjunctionem in Alexandrum capite plexus. Victoria Gröningensis, per Martinum Schenchium relata. Lalinus quoque in Frisia res magnas gerit. Plures urbes captæ.

49. Fœderati Regem abdicant, & Alenfonium sibi Principem deligunt. Discedit Matthias. Orangius proscriptus. Ejus urbs Breda ab Altapennio capta.

50. Cum Alenfonius exercitum duceret, actum est de revocando extero milite, consentientibus Wallonibus. Captum Tor-

nacum. Alexandri periculum geminum. Verdugi in Frisia victoria. Aldenarda capta. Reditus exteri militis. Captæ urbes.

51. Alenfonius Principatum firmaturus, fœderatorum suorum urbes invadit, præsertim Antverpiam in fausto eventu. Bironio cæso fugit ex Belgio.

52. Mox captæ a Farnesio Dunquercha, Neoportum, Menina, Dûxmunda, Stenberga, Zutphania, Axella, Ulftum, Aloftum, Gandavum, Brugæ, Ipræ, aliæque urbes. Quibus accessit fausta expeditio Colonensis adversus Gebhardum.

53. Obitus Alenfonii, & elogium. Orangii cades per Girardum. Elogium. Mauritius a fœderatis suffectus sub Holachio. Gallo deferunt Belgium.

§. 2. *Alexandri septennium alterum.*

54. Variæ urbes expugnata. Celebrissima omnium expugnatio Antverpiæ. Pons portentosus. Naves incendiariæ. Clades in ponte misera. Conditiones dedicationis. Accedunt Teneramunda, Bruxellæ, Neomagus, Mechlinia, restituto Archiepiscopo.

55. Taxii victoriæ, Frisia & Geldria per eum ad Regem reductæ. Ostenda frustra tentata, & Lilium. Buscoducum recuperatum. Bomeliana expeditio in summum discrimen exercitum adducit. Per B. V. servatus.

56. Fœderati post evocatos sapius

Germanos & Gallos, Angliam armant. Comes Leicestræ a Regina missus Gubernator dicitur. Farnesius Graviæ & Venlonam expugnat.

57. Colonien sis expeditio ab ipso Alexandro suscepta. Novesium denuo expugnatum & direptum. Sed dum Rhenobergam oppugnare cœpit, in Belgium redire cogitur: in quo Leicestrius Zutphanix imminabat, & Mauritius Nassovius Axellam astu ceperat, Leicestrius ordinibus invissus recedit in Angliam, Matthiæ, Casimiri, & Alenfonii exemplo.

58. Missi

58. Missio Castrensis, Daventria a Stanlæo Anglo Catholico Regi suo reddita. Rolandus exemplum sequitur. Slusa expugnata. Geldria a Patrono Scoto tradi-

ta. Altapernii obitus. Simultas inter Leicestrium & Ordines. Ille Belgium omnino relinquit.

Continuatio Historica.

59. Ingens belli apparatus in Angliam. Prudens Alexandri consilium; sed neglectum. Copiæ Belgicæ pro ea expeditione. Navigia. Ob eventum infausum Alexander in invidiam vocatur. Se purgat.

60. Expeditio tertia Colonienſis, ad Bonnam, a Schenchio abreptam, recuperandam. Taxis obit. Ejus elogium. Bonna recepta.

61. Gertrudisberga occupata. Alexander in Balneum. Mansfeldius in Bomeliam, ubi Hedelam capit, Levianæ legionis perfidia & seditio. Dissolvitur.

Lis de spolio. Hostis liberalitas.

62. Martinus Schenchius Neomagum penetrat. Sed tandem repulsus, aquis haustus est. Ejus effigies. Rhenoberga in Ubiis expugnata. Cum bello Colonienſi finit historiam Strada: ne versam Belgii fortunam debeat scribere.

63. Farnesio in Gallia absente fœderati respirant. Mauritius occupat Bredam, Zutphaniam, Neomagum, Daventriam, Hulſtum, Steinvicum, Covordiam. Alexandri Farnesii obitus, & elogium.

ARTICULUS X.

Belgium sub Mansfeldio, Ernesto, & Fontano.

64. Mansfeldius Gubernator. Nova expeditio in Galliam inutilis. Gertrudisberga ad fœderatos.

65. Ernestus Archidux Gubernator. Pacem offert Batavis. Superbe rejicitur. Gröningam & Hoyum occupant. Res Hispanæ inclinatur. Obitus Ernesti, & elogium.

66. Fontanus Gubernator. Arschotus offensus Belgio excidit. Carolus Mansfeld Petri Ernesti filius a Rudolpho Cæsare expetitus adversus Turcas. Hoyum receptum per Motæum. Verdugimors.

67. Batavorum conatus maritimus in Boreali Oceano. Eluviones. Pacem callide petunt.

68. Fontani militares leges. In Picardiam: Castelletum, Dorlanum, & Cameracum capit. | Mottæus obit. Rosnæus sufficitur. Galli victi. Villarii per-fida cades.

ARTICULUS XI.

Belgium sub Alberto.

69. Albertus Wilhelmum Oran-gii filium ex Hispania adducit. Quem Mauritius frater & Bata-vi patria excludunt. Albertus Gallis eripit Caletum; Gui-nam, Hamam, Ardeam, Bata-vis Hulstium. Rosnai mors.
70. Mauritiæ ad Tornhutum vi-ctoria. Ambianum a Portoca-rero captum astu: ab Henrico receptum. Mauritius complu-res ad Rhenum urbes occupat.
71. Pax Vervina cum Gallis: quibus urbes restitutæ. Con-sultatio de connubio inter Al-bertum & Isabellam: statuitur cum dote Belgii sub certis con-ditionibus. Batavorum obtre-ctationes.
72. Albertus in Hispaniam ad du-cendam sponsam. Andreas Au-striacus interea præfectus Bel-gio. Mendoza armis: qui Rhe-nobergam expugnat. Militem per Rhenanas provincias in hyberna distribuit, non sine querela Germanorum, præser-tim Protestantium apud Cæ-farem.
73. Archiducum adventus. Cer-tamen singulare. Mauritiæ pro-gressus, & victoria ad Neopor-tum, cruenta quidem: quæ ta-men nullum fructum traxit.

CAPUT II.

De Statu Ecclesiastico Belgii in specie.

ARTICULUS I.

De Statu Religionis.

4. Ortus Christianæ Religionis in Belgio. Primi Apostoli & Episcopi. Progressus. Norma-nica persecutio.
5. Tanchelini hæresis, a S. Nor-berto debellata. S. Bernardi zelus Sacrorum Ordinum pro-pagatio. Schisma inter Urba-num VI. & Clementem VII. Belgium scindit. Sed omnia componuntur.

76. Novæ hæreses florentem Religionis statum evertunt, atque omnia miscent. Earum initia. Lanoy Calvinistæ exorcismus.
77. Hæresum progressus, & furor barbarus. Gorcomienfes

Martyres. Multi alii sacerdotes crudeliter necati.

78. Jesuitæ pulsi in exilium. Missionem Batavicam instituunt. Fabula de necando Mauritio, 60. mendaciis contexta, a Costero confutata.

ARTICULUS II.

Status Ecclesiasticus per Concilia ordinatus.

79. Concilium Ultrajectense deliberavit Sæculo VII. sub S. Willibrordo Episcopo, quomodo per insignes Verbi Divini prædicatores finitimis populis annuntiandum sit sanctum Dei Evangelium, & Christiana fides propaganda. Præfens huic Concilio fuit S. Winfridus, Bonifacius postea dictus, Archiepiscopus Moguntinus ac Germaniæ ac Friis Apostolus.
- Sæculo XI, Concilium Diocæ-

sanum *Attrebatense* utilissimam de sacramentis, aliisque mysteriis Religionis doctrinam tradidit.

Alterum *Attrebatense*, & frequentia de monasteriis potissimum, & eorum privilegiis tractarunt. Sæculo autem XVI. tria Concilia Provincialia sunt celebrata, admodum celebria, duo *Cameracensia* & *Mechliniense*, quorum Doctrina & Canones specialem merentur memoriam.

ARTICULUS III.

Concilium Cameracense I.

Edita 22. Capita de doctrina fidei & disciplina Ecclesiastica.

80. De libris vetitis. Lectione Theologica. Scholis. Seminariis. Doctrina & prædicatione verbi Divini. De cultu, ceremoniis, & officio Divino.
81. De ministeriis Ecclesiasticis. De vita & honestate Clericorum. De Examine Episcopo-

rum, & Pastorum. De Residentia Episcoporum aliorumque Pastorum. De Visitatione.

82. De potestate & jurisdictione Ecclesiastica. De Matrimonio. De Decimis, oblationibus, & porione Canonica. De Purgatorio.

83. De

83. De Monasteriis. De Sanctis. | De Indulgentiis. Subscriptio-
De Imaginibus. De Reliquiis. | nes.

ARTICULUS IV.

Concilium Provinciale Mechliniense.

84. Occasio Concilii &c. Tractatum de sacramentis. De ordinandis. De sponfalibus & matrimonio. De officio & cultu Divino. De Imaginibus & Indulgentiis. | rochis & eorum officiis. De vita & honestate Clericorum. De Scholis.
85. De Episcopis & eorum officio. De Ministris Ecclesiæ & Residentia. De Decanis, Pa- | 86. De Unionibus & bonis Ecclesiasticis. De Regularibus. De litteris Apostolicis & Judicibus delegatis. De Usuris. De Visitationibus. Subscriptiones.

ARTICULUS V.

Concilium Cameracense II.

87. Editi Canones de fide, Doctrina. Officio Divino. Festorum cultu. Sacramentorum administratione. | ca. De administratione honorum Ecclesiasticorum. De Clericis in genere. De Episcopis, Capitulis & Canonicis, Parochis.
88. De Baptismo. Confirmatione. Eucharistia. Pœnitentia. Ordine. Matrimonio. Extrema unctione. Observatio de matrimonio clandestino in Belgio. | 90. De Regularibus. De Scholis & Seminariis. De foro, Jurisdictione, & Immunitate Ecclesiastica. De Usuris. De Synodis. Subscriptiones.
89. De sepulturis, Oblationibus, Decimis, & portione Canonici.

ARTICULUS VI.

Dissertatio Juridica de Usuris.

91. Titulo solius mutui aliquid exigere est usura proprie dicta, contra Jus naturale, Divinum, & humanum. Alia est ratio | census Germanici, qui non ex titulo mutui exigitur: sed ex aliis titulis.
Pars VII. | IIII
92. Jus

92. Jus civile moderatum auctarium permittit. Uti etiam Constitutiones Imperii: non tantum post moram, aut pro tempore belli Suecici: prout consuetudo etiam in Germania declarat.

93. Explicatur: quid ejusmodi statutum Principis intendat: confirmaturque per varia Juris exempla.

94. P. Pichleri sententia vindicatur adversus censuras P. Danielis Concina. Cujus admirationibus & exclamationibus respondetur, per multa Juris utriusque exempla.

95. Explicatur uberius doctrina de Jure naturali & Divino: ex

cujus ignorantia videtur labi R. P. Concina. Afferuntur rursus plura Juris utriusque exempla.

96. Causæ ejusmodi statuti permittentis aliquid exigere occasione mutui, & transferentis ejusmodi auctarium.

97. Insinuantur aliquot contractus & tituli, quibus utiliter pecunia ad aliquod lucrum collocari potest. Et quid de rudibus in hac materia sentiendum.

98. Sanctissimi Domini nostri Benedicti XIV. sententia de casibus, quibus purum mutuum, absque auctario, est celebrandum.

C A P U T I.

De Statu Belgii.

A R T I C U L U S I.

Prænotanda de Regno Lotharico.

^{I.}
Lotharicum: **L**Udovicus Pius inter tres filios suos Regnum ita diviserat, ut Lothario Italia, Ludovico Germania, Carolo Calvo Gallia obtingeret. Sed quia Lothario Imperatori minor votis erat Italia, adjectus illi est prælongus terrarum tractus Germaniam inter & Galliam, a mari mediterraneo ad Germanicum usque excurrens, *Regnum Lotharicum* propterea appellatus. Complectabatur id terras, quas hodie Phocensis Provincia, Delphinatus, Sabaudia, Helvetia, Alsatia, Burgundia, Lotharingia, Palatinatus, Ager Trevirensis, Coloniensis, Juliaceus, Clivensis, & Belgium occupant.

Lotha-

Lotharius moriens provincias suas pariter inter tres filios suos ita divisit, ut Ludovico Imperatori Italia obveniret, Lothario *Aufraſia*, complectens Lotharingiam, Alſatiam, Treviros, Palatinatum, Coloniam, Juliacum, Cliviam, & Belgium: Carolo vero *Burgundia*, per Provinciam, Delphinatum, Sabaudiam, Helvetiam, Ducatum & Comitatum Burgundicum extenſa.

Sed neque iſta diviſio diu tenuit; nam tribus iſtis fratribus abſque legitima prole maſcula deſunctis, eorum patrui Ludovicus Germanicus, & Carolus Calvus Regnum Lotharicum inter ſe ita partiti ſunt, ut illi Sabaudia, Helvetia, pars Belgii cum Germanicis provinciis accederent, Carolo vero Provincia, Delphinatus, Burgundia, cum parte Lotharingæ & Belgii.

Neque hæc partiſio ætatem tulit. Siquidem Carolus Calvus Provinciam in Delphinatum clienterali jure poſſidendas dedit Boſoni, affini ſuo, qui eas ſub nomine Regni Arelatenſis occupavit: de quo plura diſſerui *part. 5. ad ſæc. XI. art. 1.*

Paulo poſt Carolo Craſſo regimine moto ſurrexit alterum regnum Burgundicum in Helvetia & Sabaudia, a *Rudolpho* Suevo inchoatum; quod *Transjurænum* dictum eſt. Acceſſit tertium eo in tractu, quem Ducatus & Comitatus Burgundiæ occupat.

Sed & hæc diviſio brevi concidit, toto Regno Burgundico ad Rudolphum II. devoluto; dum Hugo Comes Arelatenſis, perfidus tutor, eidem Regno Aralatenſe ceſſit pro Regno Italiæ. Poſtquam autem Rudolphus III. abſque liberis anno 1032. oblit, Conradus II. Imperator Regnum Arelatenſe ſeu Burgundicum Imperio univit, & Per vicarios gubernavit.

Hi autem Gubernatores provincias ſibi commiſſas, turbatis maxime temporibus, proprias paulatim & hæreditarias fecerunt. Sic ^{2.} *Provincia Phocenſis* ſæculo XI. proprios Comites habuit. Ab his per nuptias ad Berengarios, Barcinonenſes Comites ſæc. XII. tranſlata fuit; ſæc. XIII. per Beatricem, ultimi Barcienſis Comitis filiam, ad Carolum Comitem Andegavenſem, S. Ludovici fratrem, qui ſimul utriusque Siciliæ Rex a Pontifice fuit renunciatus. Sæc. XV. Carolus, ultimus ex media Andegavenſi Domo Ludovicum XI. Galliarum Regem Provinciæ hæredem teſtamento ſcripſit. Qua ratione Francia unita eſt.

Delphinatus pariter primo Regni Lotharici, dein Burgundici atque Arelatenſis pars, ſæc. XI. proprios Comites naſtus eſt. Horum ultimus Humbertus ſæc. XIV. Philippum VI. Valeſium Regem Galliarum

Galliæ heredem dicit, ea conditione, ut quilibet Regum primogenitus *Delfini* titulo insigniatur.

Burgundia. *Burgundia* Regni olim Lotharici portio, in Ducatum deinde & Comitatum divisa est. Ducatum sæc. XI. occuparunt Hugonis Capeti posterius, atque possederunt usque ad medium sæculi XIV. quo Philippus ultimus hujus lineæ Burgundicæ improlis obiit. Devolutus tunc est Ducatus jure materno ad Joannem Galliæ Regem, qui eundem reliquit Philippo Audaci filio suo natum in anno, qui novam, eamque potentissimam Burgundiæ Ducum lineam est auspicatus, per 116. annos a quatuor Ducibus deinceps continuatam, donec anno 1477. cæso Carolo Audace, per Mariam ejus filiam Ducatus Burgundiæ Domui Austriacæ fuit illatus. Sed mox a Ludovico VI. abstractus, & in Galliæ provinciam est redactus. Præcipuæ in ea urbes sunt Divio, Augustodunum, Mutisco, Antissiodorum, Cluniacum, Trevoltium, cum Comitatu Carolesii, & Bressiæ, atque agro Cabillionensi.

Comitatus Burgundiæ pariter sæculo XI. cæptus, a decem Comitibus (inter quos Otto II. Dux Meranensis, per nuptias Comitatum illum assecutus) usque ad annum 1316. possessus. Quo Ducatus Burgundiæ cum Comitatu est unitus per conjugium. Post necem Caroli Audacis hic Comitatus ad Aufriaco transiit, mansitque apud eos usque ad annum 1674. quo Ludovicus XIV. eundem occupavit, & pace Neomageni Galliæ confirmavit. Appellatur vulgo *Franche Comte*, seu liber Comitatus, Ducatu Burgundiæ, Lotharingia, Campania, & Helvetia conclusus. Primariæ illius urbes sunt Dola, Academia a Philippo bono fundata celebris, & *Vesuntio* usque ad pacem Westphalicam libera imperii civitas, Archiepiscopatu, Academia, & parlamento ornata.

Sabaudia.

Ad Regnum Lotharicum, & postea ad Burgundicum & Arelatense Regnum pertinebat etiam *Sabaudia*. Primus illius Comes subintium sæculi XI. fuit Beraldus, cujus Genealogia ad Witekindum M. refertur. Stirps ista per tot jam sæcula propagata hodieum floret, ac præter Sabaudiam magnis in Italia accessionibus aucta est. Amadeus VIII. qui Genevensis Comitatus emit, factus est primus Sabaudiæ Dux anno 1416. a Sigismundo Imperatore, a Conciliabulo Basileensi Papa, a Papa Nicolao V. Cardinalis: a seipso Monachus. Sabaudiæ, quæ est feudum Imperii, urbes potiores sunt Camberium, Ducum olim sedes: Montmelianum insigne olim munimentum, sed a Gallis propugnaculis exutum: Annecium in tra-

ctu

Et Genevensi, nunc Episcopi sedes, postquam Geneva defecit. His accedunt ager Cabellicus, Comitatus Tarentasæ & Maurien-
næ &c. Ducatus iste sæpius a Gallis fuit occupatus, sed semper
iterum restitutus. Qua denique ratione Helvetia, quæ magnam Re-
gni Burgundici partem constituebat, primum ad Imperium, dein ve-
ro in liberam Rempublicam transierit, dictum est supra.

Austrasia, altera Lotharici Regni pars, sicut Burgundia post mortem Lotharii Junioris paulatim in varias minores provincias, eadem occasione, fuit divisa; quia scilicet Gubernatores, ab Imperatoribus præfecti certis ditionibus, eas hæreditarias ac proprias fecerunt. Et quidem Alsatia, Palatinatus, Treviri, Colonia, Juliacum, Clivia, Leodium ad diversos Germaniæ Principes transierunt.

3.
Austrasia.

Lotharingia vero, in qua tempore Merovingicorum Metis erat Regum Austrasiæ sedes, primo ad Duces Mosellanos pervenit, quos inter memorabiles, Albero, qui jam quinto sæculo in eo ad Mosellam tractu confedisse traditur: S. Arnolphus sub Dagoberto I. Major Domus, dein Episcopus Metensis, denique eremita. S. Clodulphus primogenitus ejus filius lineam Ducum superioris Lotharingiæ, Ansegisus vero paternas ad Scaldim ditiones, & in dotem inferiorem Lotharingiam, seu Brabantiam adeptus, lineam alteram propagavit. Gisibertus, Henrici Aucupis gener, inferiorem Lotharingiam cum superiore conjunxit, ab ejus neptotibus rursus divisam.

Anno 1048. Godofredo II. avo Godofredi Bullionii, sola inferior Lotharingia relicta est, superiorem vero Henricus III. Imperator feudali jure concessit Gerhardo Alsatiæ Comiti; a quo virilis Ducum stirps in hodiernum usque diem feliciter est propagata. Et quidem ad annum usque 1430. quo obiit Carolus Audax, primogenita linea continua serie successit. Tum vero gravis agitata est quæstio, an Isabella fratris primogeniti filia, an secundogeniti filius Ducatum obtinere debeat. Nec ferro decidi potuit. Sed pactis nuptialibus tandem sopita est.

Nam Renatus Andegavensis Isabellæ conjugis suæ jura persecuturus Antonium Valdemontium bello primum vicit, verum a Philippo Bono Burgundiæ Duce, ad quem Antonius confugerat, dein victus, captusque Divionem abductus est. Tandem vero pax ita fuit composita, ut Jolantha Renati ex Isabella filia cum Friderico Antonii filio despondeatur, atque liberis, ex eo matrimonio susceptis, omnes ditiones conjungantur. Idque in Renato II. conti-

git, multarum etiam in Gallia ditionum Domino. Verum eundem mox bello appetiit Carolus Audax, potens ille ac formidandus Dux Burgundiæ, totamque ferme Lotharingiam jam occupaverat; cum ab Helvetis ter cæsus occubuit.

Mortuo ann. 1508. Renato in Lotharingia successit filius Antonius, Gallicis partibus magnopere addictus, de cætero acerrimis Religionis vindex. Mortuus anno 1544. Francisco seniori filio Lotharingiam, Nicolao Juniori Ducatum Mercordii reliquit, cujus filiam Henricus III. Galliæ rex uxorem duxit. Franciscus mox defunctus Carolum II. duorum annorum pupillum heredem dixit, sub tutela Christinæ matris & Nicolai Valdemontii patrui educandum; verum Henricus II. Galliæ Rex direptis Meti, Tullo, & Viriduno puerum Parisios abduxit, ubi eum cum Delphino educavit, desponsumque cum Claudia filia sua in Lotharingiam remisit; ubi Academiæ Mussipontanæ fundavit (anno 1573.) tumultibus Hugonoticis in Gallia exortis, Guisiorum suæ stirpis Principum partes strenue promovit; donec post 63. annorum regimen pie obiit (anno 1608.) Et hæc quidem de Lotharico & Austrasiæ regno prænotare placuit. Magnam vero utriusque partem constituebat Belgium; cujus modo status breviter adumbrandus.

ARTICULUS II.

De Statu Belgii antiquo usque ad Burgundiæ Duces.

Belgium, quod septendecim hodiè provinciæ complectitur, sub Romanis olim in *Galliam Belgicam* & *Bataviam* divisum fuerat. Irrumpentibus autem sæculo V. Francis in Galliam, Belgium quoque Merovingicis Regibus parebat. Ad Carolingicos inde translatus, post divisionem Ludovici Pii ad Lotharicum regnum accessit, ac paulo post ad Austrasiam, quæ Lothario II. obvenerat, Gubernatoribus autem paulatim terras illas ut proprias possidentibus enata est tanta provinciarum divisio; cui Normannorum etiam incursiones non levem occasionem dederunt.

4.
Erabantia.

Et Brabantia quidem, quam ad distinctionem Lotharingiæ superioris seu Mosellanæ (de qua paulo ante aliqua memoravimus) *Lotharingiam inferiorem* aut *Mosanam* dixerunt, *Ansegiso* S. Arnulphi Comitis Moselani filio (quod prius insinuatum) uxorio nomine

nomine occupata traditur anno 658. inde ad *Pipinum Heristallum* ejus filium, *Carolus Martellum*, *Pipinum Brevem*, *Carolus M. Ludovicum Pium*, *Lotharium I.* *Lotharium II.* *Carolus Calvus*, ejusque posteros, *Galliæ Reges*, devoluta, ad *Carolus Lotharii III.* fratrem pervenit: hic *Carolus* a Regno *Galliæ* exclusus fuit, quod ab *Ottone III.* *Brabantiam* in feudum accepisset. Ejus vero filius *Otto* ultimus ex *Carolingicis* erat *Dux Brantiæ* seu interioris *Lotharingiæ*: anno 1005. mortuus.

Soror ejus *Gerberga* *Lovanienſi Comiti* nupta hæreditatem præ-tendit, quam tamen ei dubiam fecerunt Imperatores, & Duces ſuperioris *Lotharingiæ*. Ex his poſtremus erat inclitus ille heros *Godofredus IV.* *Bullionius*, qui, poſtquam *Bullionem Eccleſiæ* *Leo-dienſi* vendidit, ſacram in *Palæſtinam* expeditionem ſuſcepit, dictus-que eſt *Rex Jeruſolymæ*, quam expugnaverat. Poſt ejus mortem *Henricus IV.* Imperator *Brabantiam* (quæ ad id uſque tempus *Inferior Lotharingia* fuit appellata) *Henrico Comiti Limburgenſi* tradidit. At *Godofredus Barbatus* Comes *Lovanienſis* jus ſuum armis aſſeruit, ac *Brabantiam* familiæ ſuæ intulit; quæ eandem tenuit uſque ad annum 1355.

Godofredus III. Intans in caſtra delatus, ſuſpenſis ex arbore cunis eum pugnantibus ſubditis ſuis ardorem inſpiravit, ut victoriam reportarent. *Joannes I.* anno 1282. *Limburgum*, ab *Adolpho Comite* emptum, *Brantiæ* adjecit. Poſt mortem *Joannis III.* ejus filia *Antonium Burgundiæ Ducis* fratrem *Brantiæ & Limburgi* hæredem renuntiavit. (anno 1404.)

Flandriam & Artesiam *Carolus Calvus Balduino I.* genero ſuo *Flandria.* propriam fecit anno 858. quindecim dein *Comites* ex *Balduino* deſcendentes utramque poſſederunt. Ex his memorabiles ſunt *Robertus Hieroſolymitanus*, ita appellatus propter expeditionem ſacram, quam cum *Bullionio* 1099. ſuſcepit. *Balduinus VI.* qui *Richildim Hannoniæ* hæredem duxit. *Philippus*, qui neptem ſuam *Philippo II.* *Galliæ Regi* deſpondit cum dote *Arteſiæ*. Soror *Philippi* *Margaretha* *Balduino Hannoniæ Comiti* nupta, *Hannoniam & Namurcum* cum *Flandria* conjunxit.

Ex hoc matrimonio natus eſt *Balduinus IX.* qui voti religione ſe liberaturus anno 1201. expeditionem in *Palæſtinam* adornavit, & ope *Venetorum* *Conſtantinopolin* expugnavit, dictus *Orientis Imperator*; at anno vertente a *Bulgaris* captus, manibus pedibusque abſciſſis atrociffime trucidatus eſt. *Margaretha* ejus filia ſtemma pro-paga-

pagavit. Sed cum nothi cum legitimis filiis vellent succedere, gravissimum inter eos ortum est bellum. Qua occasione Hannonia rursus a Flandria fuit separata. Guido ejus filius Flandriæ Comes bis a Philippo Pulchro captus est. Sed ejus filii in pugna Cortracensi 24000. Gallorum ceciderunt.

Ludovicus Guidonis pronepos, Flandriæ, Niverni, & Retelii Comes; per nuptias cum Margaretha Philippi V. Galliæ Regis filia Comitatum Burgundiæ & Artesiæ in dotem accepit, Mechliniæ vero dominium ab Ecclesia Leodiensi emit. Cæsus est in pugna Cresiaca. Ejus ex filio neptis *Margaretha*, collocata Philippo Audaci Burgundiæ Duci, Flandriam, Nivernum, Retelium, Antverpiam, Mechliniam, cum comitatu Burgundiæ & Artesiæ Domui Burgundiæ intulit. (1369.)

^{5.} *Luxemburgi* Comitatus sæculo X. a Sigfrido cœptus dicitur. Ex ejus successoribus memoriam meretur Henricus III. qui in Imperatorem sub nomine *Henrici VII.* electus fuit: ejus vero filius Joannes Rex Bohemiæ. Is Luxemburgum, in Ducatum erectum, reliquit Wenceslao filio tertio genito: quo defuncto Wenceslaus Imperator illud nepti suæ tradidit; quæ Philippo Bono vendidit, frustra reclamantibus Sigismundi Cæsaris neptibus, quibus jus quæsitum videbatur. Atque hoc pacto etiam Luxemburgicus Ducatus ad familiam Burgundicam transit.

Hollandia & Selandia primus Comes fuisse traditur Theodoricus, a Carolo Calvo sæculo IX. constitutus. Descendentes ex eo Comites 18. continua serie gubernarunt utramque provinciam ultra tria sæcula ad annum nempe ferme 1300. Ex his Florentius III. cum Friderico Barbarossa in Palestinam profectus cum eodem obiit. Florentii IV. filia, Hermannō Comiti Hennebergico nupta, dicitur eodem partu 365. proles effudisse. *Wilhelmus II.* anno 1248. electus Imperator adversus Fridericum II. & Conradum IV. a Frisonibus occisus est: quos filius ejus Florentius V. domuit. Sed tandem milite peremptus est. Cum Joanne ejus filio comitum antiquorum Hollandiæ & Selandiæ familia extincta est.

Jure materno hæreditatem tunc adiit Joannes II. Comes Hannoniæ. Qua occasione tres provinciæ, Hannonia, Hollandia, & Selandia conjunctæ sunt (anno 1300.) quibus accessit Frisia. Has omnes ejusdem neptis *Margaretha* attulit conjugi suo Ludovico Bavaro Imperatori, nec defuit fecundus thalamus, quatuor filiis ex eo matrimonio ortis, nec longam tamen progeniem masculam habituris.

Nam

Nam Ludovicus Romanus, & Otto, elector uterque Brandenburgicus improles obierunt. Wilhelmus V. regimen Hollandiæ &c. adiit vivente adhuc patre. Sed eo morituo Margaretha mater fasces rursus ad se trahere nitebatur. Ortum propterea grave bellum matrem inter & filium: quo victa illa in Angliam profugit.

Wilhelmus V. post sexennium mortuus successorem habuit Wilhelmum VI. filium, qui mente dejectus curatorem vivens habuit, & mortuus hæredem Albertum Bavarum, patrum suum, cui successit filius Wilhelmus VII. Defecit in eo mascula stirps Bavaria. Filiam tamen reliquit Jacobæam. Quæ licet quarto fuerit desponsa, nullam tamen prolem genuit. Quare Philippum Bonum Burgundiæ Ducem Patrualem suum hæredem instituit. Qua ratione etiam Hollandia, Selandia, Hannonia & Frisia in Domum Burgundicam abierunt.

Namurcum, usque ad annum 1191. proprios Comites habuit. 6.
Dein jure materno ad Flandriæ comites transit. Tum rursus sepa- *Namur.*
ratum est. Denique sæculo XV. Philippus ultimus Comes illud eidem Philippo Bono vendidit.

Frisia jam ante Francorum in Galliam adventum Romanorum *Frisia.*
jugum excussit; & ante Carolum M. novem Reges habuit. Inter quos *Adgildus* sæculo VIII. primus christianam Religionem acceptasse traditur. Postquam autem Carolus M. *Radbodum* ultimum Regem throno dejecit, gens illa liberam veluti rempublicam coluit. Vicini Hollandiæ comites multa cum ea bella gesserunt. Tandem cum anno 1287. Frisia aquarum inundatione mergeretur, Florentius V. Hollandiæ Comes propiorem illius partem occupavit: remotiore sub Romano Imperio remanente. Unde divisio in Frisiam Occidentalem & Orientalem. Illius urbs primaria Leowardia, hodie Gubernatoris ex Domo Nassovia sedes, hujus vero Embda.

Geldria jam a sæculo IX. suos Gubernatores habuit, qui paulatim *Geldria.*
increscentes propriam sibi provinciam fecerunt. Primus vero illius Comes fuisse perhibetur Otto Comes Nassoviæ, ab Henrico IV. Imperatore anno 1079. creatus. Adjunxit per nuptias Zutphanæ Comitatum. Octo ex sanguine ipsius successores utramque provinciam ceu Comites possederunt. Nonus vero Reginaldus II Geldriam tanquam Ducatum a Ludovico Bavaro obtinuit. Zutphania vero Comitatus nomen retinuit.

Anno 1372. mascula Nassoviorum Geldriæ ducum stirpe extincta Wilhelmus Dux Juliacensis uxorio nomine Geldrio possessionem

tionem adiit; retinuitque in sua familia usque ad annum 1423. quo Reinaldus IV. improlis obiit. Tum vero materno jure Ducatum obtinuit Arnoldus Egmondanus. Hunc filius Adolphus in carcerem conjecit, & quinque annis in eo detinuit; donec Carolus Audax Dux Burgundiæ anno 1471. vices mutavit, & patre liberato implum filium captivum abduxit. Pater liberatus, filio exhereditato, Carolum liberatorem suum Geldriæ & Zutphanie hæredem instituit. Qua ratione etiam hæ provincie devenerunt ad Burgundos; non tamen adhuc nexu quieto ac stabili. Nam licet Carolus Audax, & post eum Maximilianus Austriacus illius possessionem adierit, Carolus tamen Egmondanus, impii Adolphi filius, magnas eis molestias, quin etiam Carolo V. intulit; disto etiam hærede Duce Clivenfi, ut postea dicitur.

Trajectum.

Ultrajectum circa finem sæculi VII. in Episcopatum erectum; cujus primus Antistes Wilbrordus fuit, qui Frisios convertit. Tantaque deinceps potentia fuit, ut vicinæ etiam provincie Gröninga & Transylvania eidem parerent. Tandem sæc. XVI. omnes tres provincie Carolo V. ultro se dediderunt.

ARTICULUS III.

Schema Belgii sub Burgundis.

De Regno antiquo Burgundico, a Wandalis fundato, uti etiam de posterioribus regnis Burgundicis atque Ducatu gemino, antiquo & recentiore alias dixi. Hic vero de ipsis Ducibus, & Belgio ab ipsis gubernato aliqua juvat subungere.

7. Lineam primam Ducum Burgundiæ auspicatus est *Robertus*, Hungonis Capeti ex filio nepos (anno 1032.) Roberti nepos Henricus Regnum Portugalliæ fundavit. Successerunt complures ex ea familia in Burgundia Duces. Ultimus autem ex ea improlis obiit anno 1361. quo Joannes Galliæ Rex materno jure Burgundiam coronæ univit.

Secunda.

At non diu tenuit ea unio; nam idem Joannes Rex eandem Ducatus nomine in patrimonium tradidit *Philippo Audaci*, filio suo nato minimo. Audacis cognomen accepisse dicitur, quod in pugna Pictaviensi cum patre ab Anglis captus, ultimus in acie perstitisse dicatur. Per nuptias cum Margaretha Flandrica Burgundiæ adjecit, Flandriam, Artesiam, Comitatum Burgundiæ, Antverpiam, Mechliniam, Nivernum, & Retelium. Obiit anno 1404. 44. regiminis.

Joan-

Joannes Intrepidus successit patri ad Nicopolim juvenis captus a Turcis, in Colchidem abductus est; sed a Bajazethe liber rursus dimissus. Quomodo vero propter administrationem regni Galliae tempore Caroli VI. mente capti, Ludovicum Ducem Aurelianensem Regis fratrem publica in platea occiderit, ac postea ipsemet a Delphino Carolo VII. interemptus fuerit, ad sac. XV. narratum est in synopsi Historiae Gallicae. Fratrem habuit Antonium, quem Joanna Brabantina haeremem scripsit Brabantiae & Limburgi. Hujus filius Joannes academiam Lovaniensem fundavit.

Philippus Bonus anno 1419. successit patri Joanni Intepido. In hunc fortuna visa est omnes suos thesauros effundere. A patre accepit utramque Burgundiam, Flandriam, Artesiam, Antverpiam, Mechliniam: a patrueli suo Joanne (quem Academiam Lovaniensem fundasse diximus) & Philippo ejus fratre, cum improles obirent, Brabantiam & Limburgum: a Jacobaeae Hollandica cognata sua Hollandiam, Selandiam, Hannoniam, & Frisiam: ab Elisabetha Luxemburgica per emptionem Ducatum Luxemburgicum: a Philippo ultimo comite pariter emptione Namurcum.

Tantarum autem licet esset provinciarum dominus, ea tamen erat modestia, ut coronam Regiam, quam Fridericus III. Imperator ei obtulerat, constanter recusaret, ea in omnes gratia, ut *Boni* cognomen jure optimo sit meritis. Cum anno 1430. tertiam uxorem duceret Isabellam Lusitaniae Regis filiam, in nuptiarum solennitate instituit ordinem *Aurei Velleris*, hodieum celeberrimum. Post auctam in immensum Domum Burgundicam obiit septuagenarius anno 1467. felicit regiminis 48. Id unum ei culpae datur, quod complures genuerit liberos spurios, quorum duo ad Ultrajectensem Episcopatum erant assumpti.

Ex iusto autem matrimonio prolem suscepit unicam, nempe *Carolus Audacem*, ingentium spirituum Principem, sed arrogantem, ferocem, praecipitem. Belgicis provinciis, a patre acquisitis, adjecit Geldriam & Zutphaniam, qua haereditate qua emptione ab Arnolfo Egmondano acceptas: ut adeo solae adhuc deessent Ultrajectum, Transilvania, & Gröninga; quas postea Carolus V. adjecit.

Quam pater recusavit coronam Regiam, pensavit filius, atque a Friderico III. Imperatore petiit, una cum Vicariatu Imperii. Sed cum timeretur pro sua indole tanta potentia & dignitate abusus in praedivium Imperii & Domus Austriae, Fridericus Imperator, interrupto negotio clam discessit.

K k k k 2

Quam

Quam ob rem iratus Cæsari bellum meditabatur; cui occasio-
nem brevi dedit controversa electio Hermanni Hassii, & Ruperti
Palatini in Archiepiscopum Coloniensem. Illius partes tuebatur Cæ-
sar, hujus Dux Carolus. Qui anno 1475. Hermannum Novesium ob-
fedit. Et quamvis per annum ferme vehemens ac pertinax teneret
obsidio, deditione tamen desperata inglorius abscessit; atque arma in
Lotharingiam & Helvetiam vertit. Sed ter victus & vitam & omnia
perdidit, ut in Historia Helvetica prolixius fuit expositum. Quæ
vero eidem cum Ludovico XI. Galliæ Rege intercesserunt bella &
controversiæ, in Historia Galliæ relata sunt.

Obit anno 1477. ætat. 44. regiminis 10. tres conjuges habuit,
duas ex Gallia, videlicet Caroli VII. & Caroli I. Borbonii filias,
tertiam ex Anglia Ducis Eboracensis filiam. Prima & tertia erant
steriles, ex Borbonia vero suscepit prolem unicam, nempe *Mariam*;
in quam unam tota Domus Burgundica procubuit; sed ingenti Domus
Austriacæ incremento.

ARTICULUS IV.

Res Belgicæ sub Austriacis usque ad mutatio-
nem Religionis.

9:
Maria.

Totius Europæ oculi animique erant intenti, quis Principum *Ma-
riam Burgundicam* tam opimam Sponsam cum tot provinciis in
domum suam esset ducturus. Et quamvis illa ex Francia esset
oriunda, quoad paternam & maternam stirpem, Germanus tamen
præ Gallo placuit; ingemiscente hodiedum Francia, tam opportunam
in immensum crescendi occasionem sibi fuisse præreptam, nec sæcu-
lorum bellis obtineri potuisse, quod unica pactio nuptialis tunc pepe-
risset.

&
Maximilian.

Maximiliano Archiduci, Friderici III. Cæsaris filio, fors illa beata
obtigit; quem Maria paulo post patris mortem anno 1477. elegit con-
jugem; omniaque, quæ pater possederat, Augustissimæ Domui Austria-
cæ inseruit, excepto *Ducatu Burgundiæ*, quem ceu patrimonium Phi-
lippo Audaci, filio natu minimo a Rege Joanne datam, ad coronam
retraxit Ludovicus XI. frustra reposcente Maximiliano.

Neque contentus Ludovicus Burgundiæ Ducatu, *Artesiam* etiam
occupavit. Et quamvis Maximilianus anno 1478. ad Teruannam Gal-
los ingenti prælio vicerit, hærebat nihilominus Artesia in eorum ma-
nibus

nibus donec a Carolo VIII. Ludovici filio anno 1490. fuit restituta.

Quinto concubii anno mortua Maria conjuge Maximilianus tutelam filii *Philippi*, Belgarum Domini, gerebat indignantibus Belgis, qui magnas ei propterea molestias facebant, eo usque, ut eum Brugis captivum detinerent, legesque praescriberent, donec Fredericus Caesar cum exercitu veniens eundem liberaret. Concedens inde in Germaniam Albertum Animosum, Saxoniae Ducem (lineae Albertinae parentem) Belgis praefecit; qui strenue eos in officio continuit, Ubi in compensationem Clivia ipsi promissa fertur in casum, quo Imperio feudum illud aperiretur, una cum Vicariatu Frisiae.

Philippus.

Philippo Austriaco anno 1506. mortuo Belgium nomine Caroli ejus filii primo gubernabat Wilhelmus Crojus; dein vero ab anno 1513. *Margaretha* Maximiliani Imperatoris filia, quae Carolo VIII. quondam erat desponsa, tunc vero Joannis Hispani Principis & Philiberti Sabaudiae Ducis erat vidua. Atque illud gubernationis munus ad mortem usque continuavit, ad annum videlicet 1539.

Margaretha.

Suffecit Carolus V. *Mariam* sororem suam, postquam Ludovicum Hungariae Regem conjugem suum ad Mohazium amiserat. Nec ante gubernationem deposuit, quam frater ejus anno 1556. Belgicas provincias in Philippum filium transtulit, eamque secum in Hispaniam abduxit.

Maria.

Quamvis autem Carolus nullam stabilem in Belgio sedem figeret, per orbem terrarum arma circumferens, Belgis nihilominus erat acceptissimus, tum quod apud eos esset natus & in prima pueritia educatus, moderatoribus usus Crojo & Hadriano Belgis, tum quod officia honorata incolis distribueret. Quomodo autem ad domandam rebellem civitatem Gandavum per mediam Galliam sit profectus, alias diximus.

Auxit insuper suam in Belgio dominationem quatuor provinciis. Nam anno 1521. Gröninga, eo usque libera eidem se subjecit. Anno 1529. Henricus ex domo Boica Ultrajectinus Episcopus, cum a Heldriis premeretur, temporalem jurisdictionem in eum transtulit, reservata sibi Ecclesiastica, & Ecclesiarum proventibus.

10.

Carolus V.

Difficilius multo adjuncta est Geldria; quae quidem (quod supra memini) ab Arnolde Egmondano transcripta fuit Carolo Audaci, & hoc pacto ad hereditatem Burgundicam pertinebat. Sed opposuit se totis viribus tum Adolphus impius Arnoldi filius, tum vero maxi-

Unio.

me Adolphi filius Carolus Egmondanus; qui tum vi tum Geldriorum favore se ipsum in possessionem misit, eamque Gallorum ope 45. annos retinuit, ab anno nempe 1492. ad 1537. quo Wilhelmum Clivia Duce[m] hæredem instituit; qui infextum usque annum possessionem retinuit, ad annum videlicet 1543. quo Carolus V. eum deiecit, ac Geldriam Belgio univit; ut adeo omnes septendecim Germaniæ Inferioris provincias sub imperium suum collectas cerneret.

Cogitabat quidem Carolus omnes istas provincias ita in unum corpus redigere, ut iisdem legibus regerentur; sed quia hoc propter diversas admodum provinciarum consuetudines, leges, & privilegia, arduum omnino atque difficillimum fore facile videbat, id saltem sancivit, ut omnes 17 provinciæ perpetuo unicæ maneant; utque nexus is esset firmior, ac majori potentia fulciretur, sub nomine circuli Burgundici Romano Imperio eas univit.

Abdicatio.

Tandem Carolus V. anno 1555. convocatis Belgii ordinibus Bruxellas, præsentibusque Philippo filio, & Maximiliano nepote, Philiberto Sabaudia Duce, Eleonora Gallia, Maria Hungaria viduis, & Christierna Dani Regis filia Lotharingia Duce, primum Philippum filium Equestri ordini aurei velleris præficit; tum commemoratis expeditionibus & profectionibus, quas susceperat, novem in Germaniam, sex in Hispaniam, septem in Italiam, quatuor in Galliam, decem in Belgium, duas in Angliam, totidem in Africam, mari undecies remenso, ingravescente, inquit, in dies valetudine se factum prostratumque serio admoneri, ut suprema componat, & quam rerum mole[m] sustinere diutius pro dignitate haud possit, mature transferat in Philippum filium ætate ac sapientia tanto oneri parem.

II.

Philippus acceptis a patre cum Burgundiæ comitatu 17. Belgii provinciis, cum Gallis inducias pactus est. Quæ tamen brevi post ruptæ sunt, occasione litis, quæ in Italia inter familiam Caraffarum, & Columnensium exarserat. His per Albanum auxilio fuit Philippus II. illis per Galsium Henricus II. At translato in Belgium graviori bello, Gallisque primum ad S. Quintinum, dein ad Gravelingam acie victis, anno 1559. pax coaluit, Gallis iniquior, qui 198. oppida urbesque cum Pedemontio, quod ab anno 1535. in Gallorum erat potestate, restituere coacti sunt.

Provinciae distributæ.

Hac pace composita Philippus, antequam in Hispaniam abscederet, Belgium ordinavit, novosque provincias Præfectos dedit: Flan-

Flandriæ & Artesiæ Lamoralium Egmontii Comitem; Hollandiæ; Selandiæ & Trajectensi ad Rhenum agro Wilhelmum Orangi Principem; Lucemburgo Ernestum Mansfeldium, qui jam prius eandem gubernaverat; Namurco Carolum Carlamontium, Regierum partium studiosissimum; Limburgo Ost-Frisiæ Comitem; Hannoniæ primo Lanoyum, dein Bergensem ad Zomam Comitem; Frisiæ occidentali & Transisalanæ Ligneum Comitem AreMBERGICUM, præcipuæ in Regem fidei; Geldriæ & Zutphaniæ postea Brimæum Comitem Meganum; Comitatus Burgundico primo Vergium, deinde Orangium, Brabantia soli Margarithæ Regis sorori Alexandri Farnesii matri, quam toti Belgio Gubernatricem præfecerat, parebat. Distributis provinciis rem militarem componere aggressus, equitatui in 14. signa diviso Duces præfecit plerosque, quos nominavi, provinciarum Præfectos, ac insuper Philippum Crojum Arescoti Ducem, Joannem Crojum Reuxii, Heninium Bossuvii, Lalinium Hochstratæ Comites, & Henricum Brederodium e Bataviæ Comitibus. Maris vero Belgici præfecturam cum Regiæ classis imperio commisit Philippo Mommorantio Hornæ Comiti, Philippum vero Staveleum supremum rei tormentariæ Magistrum dixit. Erantque hi omnes, Brederodio excepto, torquati aurei velleris Equites, quorum 51. tunc fuerant. Privatis vero a consiliis Gubernatrici esse voluit Granvellanum Attrebatensem Episcopum, Comitem Barlamontium, ac Viglium Zvichemum.

Postquam autem hæc ita ordinavit, atque sorori Gubernatrici in proventum annum triginta sex aureorum millia attribuit, Gandavi Comititia habuit, in quibus ordines rogant Regem, ut Hispanum militem ex Belgio abducat, nec nisi Belgas præfidiis aut consiliis admoveret. Quorum spem cum Rex fecisset, in Selandiam discedens, e Flissingæ portu secunda navigatione solvit in Hispaniam, anno 1559. nunquam amplius visurus Belgium. Emanuel Philibertus vero, qui per triennium Belgium magna virtutis laude administraverat, in provincias suas nupera pace restitutus, cum Regia sua sponsa, Henrici II. sorore, in Italiam abiit.

ARTICULUS V.

De Statu Belgii sub Margaritha Parmensi ab anno 1559. ad 1565.

Florentissimus erat tempestate Belgii status. Prout enim ea regio fertilitate glebæ, provinciarum amœnitate, urbium frequentia & splendore, fluviorum varietate, commerciorum optima ubertate, ita ingeniorum acri perspicacia, liberalium artium scientiarumque disciplinis præstabat. Lovaniensis Academia omnium nationum erat emporium, ad quod insigni frequentia litterarum alumni confluebant. Bruxella ad regalem magnificentiâ exulta Ducum, Procerum, Nobiliumque sedes. Antverpia, totius orbis mercatu celebris, ditissima Europæ civitas habebatur, ultra centum auri milliones uno anno ibidem commutatione distractis. Artificum autem omnis generis tanta cōpia, ut soli pictores ultra 300. & Aurifabri 124. numerarentur. Mechlinia Archiepiscopali sede, supremo Brabantiae Senatu, Nobiliumque frequentia spectanda. Excel-lens pariter Flandriæ, Hannoniæ aliarumque provinciarum quoad urbes, opes, nobilitatem decus ac præstantia, tranquillitatis internæ jucunditate, omnique rerum affluentia tantopere efflorescens, ut Belgium fortunæ atque felicitatis sedes appellaretur. At digresso in Hispaniam Philippo Rege fatalis nescio quæ Erinnyes felicem illum Belgii statum evertit, & primum tumultibus ac seditionibus, dein aperta rebellione ac bellis, magnitudine & diuturnitate atrocissimis conquassavit, atque in summas calamitates præcipitavit, omni ferme Europa eunte in partes. Juvat tantisper malorum fontes inquirere.

§. I. Dissertatio

De Causis Belgicorum tumultuum.

12.
Ambitio.

Primariam suppeditavit ipsa munerum distributio, a Philippo Rege ante discessum suscepta, dominante inter Proceres ambitione, dum alii se præteritos, alii minora meritis accepisse existimabant. Et quidem Wilhelmus Orangius, primus actor in turbulenta hac scena, altius reliquis investus, universi Belgii Præfecturam ambitiosa spe præoccupaverat. Claritudo generis, Nassoviæ Domus splendor, pares opes, Principatus Arausiensis nulli obnoxius, præter alios in Germania & Belgio dominatus, poten-

potentia magnam Septentrionis partem affinitatibus complexa: ad hæc propriæ laudes, exsomnis animi vigor, consilii supra ætatem maturitas, spectata legationibus æque ac bello virtus, Caroli V. de illo magnis in rebus adhibito liberale iudicium, spes hominis amplas inflaverant.

Aliorum vota designaverant Belgii Gubernatorem Lamoralium Comitem Egmondanum Gavræ Principem, clarum militari scientia virum, rebus bello gestis celebrem, victoriæ ad S. Quintinum & Gravelingam ingens momentum, atque innata comitate populari provinciis gratum. Verum Orangio suspecta religionis fides (quippe ab infantia Lutheri disciplina enutrito) Egmontio Caroli Egmondani, de Geldria cum Carolo V. contententis, Gallisque obnoxii memoria officere visa est. Cum igitur Rex Margaritham sororem suam Octavii Parmensis conjugem prætulisset, utrique fixit aculeum, qui vehementer ussit invidiam, infaustas deinceps averſi animi proles parituram: Sed neque reliquorum Procerum cupiditas satiari poterat; dum plura multo muneribus essent ora hiantia. En primam malorum causam, ambitionem, cupiditatem, invidiam.

Alteram dedit Hispani militis præsentia. Hunc etenim adversum Gallos adductum, finitio bello reduci petiverant Belgæ. Audiit preces Philippus, relictis tamen ad fines tutandos tribus duntaxat millibus, quibus Orangium & Egmontium præfecit. Sed neque hunc manipulum Hispanæ militiæ ferebant Belgæ, atque ne ferrent, Dux ipse Orangius stimulabat, jam tum altius quid animo parturiens.

Tertium fontem adstruunt auctum Episcoporum numerum. Quippe Philippus Rex irrumpenti hæresi firmum aggerem objecturus, quatuor Episcopatibus, qui soli hætenus erant in Belgio, 13. alios *Episcopos* adjecit. Et quidem ex Pauli IV. decreto Episcopatum Cameracensem, hætenus Rhemenſi ſubditum, & Ultrajectensem Colonienſi, mutavit in Archiepiscopatus, quibus adjunxit Mechlinienſem, cui primum dedit locum. Eidem attribuit Episcopatus Antverpienſem, Brugensem, Gandavensem, Ipreſem, Ruremondanum, Buscoducensem: *Cameracensi* vero Attrebatenſem, Tornacensem, Santaumarienſem, Namurcensem: denique Ultrajectenſi Daventrienſem, Gröningenſem, Harlemensem, Leovardienſem, Middelburgenſem. Quibus omnibus civitatibus designati sunt episcopi, pietate & doctrina conspicui.

Pius IV. erectionem illam Episcopatum rursus approbavit, cum ea tamen mutatione, ut dotis constituendæ causa in locum aliquorum

rum Abbatum, quos mori contingeret, sufficerentur Episcopi, nomenque & proventus, aliosque Abbatum honores ita caperent, ut nihil interim de cœnobiorum cultu remitteretur. Hæc autem res, mirum est, quam ingrata acciderit. Querebantur vetetes Episcopi cum Belgici tum finitimi, terminos sibi & proventus accidi, iis, quorum intererat, Romæ non auditis. Nobilitas indigne ferebat, Episcopos Abbatum loco comitia frequentaturos, pro gradu suo potentiores, ideoque de Nobilium non solum auctoritate sed etiam libertate detractum iri. Neque hoc esse e re Principis, ut in Comitibus tantopere dominantur, qui summi Pontificis auctoritatem nutumque sequuntur.

Abbatess.

Sed nullæ quam Abbatum Monachorumque acriores fuerunt querimonie, quia iustiores videbantur: eripi sibi contra omnem vetustatis memoriam jus potestatemque Abbatis eligendi ex suo ordine: non debere hominibus religiosi certum vitæ institutum secutis eos præfici, qui disciplinæ religiøsæ sint ignari. Nimirum ad Episcopos transiuras Abbatum opes auctoritatemque, sollicitudinem vero molestiamque penes Monachorum aliquem futuram. Adhibitos tunc quidem ad ea munera viros doctrina & vita conspicuos, mox e comitatu Principis assentatoribus affleclisque tam ampla sacerdotia prædæ cessura.

Inquisitio.

Quartam, quæ Belgii populos maxime concitarit, originem ad Inquisitionem referunt, adversus hæreses instituendam. Illam jam Carolus V. ut medicinam furenti morbo faceret, petitis Roma fidei censoribus in Belgium introduxerat, additis severis interdictis, septies repetitis. Verum nova illa iudicii facies plus terroris Belgio quam observantiæ attulit. Nam licet alicubi suscepta res est, Brabantini tamen, privilegia sua prætexentes, eandem excusserunt.

Philippus paternas leges novo edicto firmavit, utque servarentur exacte, discedens e Belgio sorori Gubernatrici diligenter commendavit. At illa, cum Provinciarum Præfæctis executionem imperaret, mordicus obstitentes invenit. Evolutaque in vulgus Inquisitionis fama, passim exaudiebantur contumaciter obstrepentium voces; cur rex auxisset tot Episcopos, si propulsaturi religionis injuriam ipsi non erant? At profecto in Conciliis decretum fuisse, ut qui pastores animarum in expurganda inter suos mala hæresum fruge segnius agerent, Episcopali munere exauctorarentur. Curarent igitur Episcopi res suas, aut personam male impositam deponerent; quanquam futurum satius fuisset, si eam non induissent, neque

que tot infularum numero Belgium frustra territaſſent. Floruiſſe jam multis ſæculis apud Belgas religionem, ſola urbanorum magiſtratum opera, ſine ea Pontificiæ ſeveritis pompa, ſine ullis Caroli Cæſaris ediſtis. Quid nova iſta quaſitorum additamenta, & Hiſpanicos timores? Cæpiſſe jam intermitteri commercia regionum, ſublata mercatorum libertate, magno utique impendio Belgarum, ac præcipue Antverpienſium, quorum opes ea negotiatione conſtent. Denique non poſſe Principem, quia in Brabantina privilegia juraverit, inducere novas judiciorum formas.

Cum autem Gubernatrix his nihil mota ediſta Regis urgeret, & rei ad ſupplicium ducerentur, Tridentinumque præterea Concilium promulgaretur in Belgio juiſſu Regis, fremere alicubi palam populum, damnatos e liſtorum manibus abſtrahere, clauſteſtinos in urbe conventus celebrare, deinde in campis; quin & Nobilium plures capita conferre, ſœdus inter ſe icere, libellos partim in vulgus ſpargere, partim Gubernatrici magna caterva offerre, eo tumultu, ut mitigatis dropterea ediſtis, intermitteri oportuerit conatum introducendi Inquiſitionem, ubi ante non fuerat.

Quintam tumultuandi occaſionem ſumpſerunt Belgæ ex *intimo* Granvella, *conſilio*, quod Rex diſcedens ſorori addidit, ad cauſas ſubitas, quas nus.
que ad ſenatum integrum propter varias, quæ incidere poſſent, cauſas referri non expediat, concludendas. Conſtabat iſtud tribus capitibus, Cardinale Granvellano, Comite Barlamontio, & Ulrico Viglio. Ad hos præcipua rerum momenta deferri querebantur Nobiles, ac præcipue per Granvellanum, hominem exterum, & Gubernatricem & Belgium totum impotenter gubernari.

Natus eſt Antonius Perenotus Gravellanus Veſuntione in Comitatu Burgundico, patre Nicolao Granvellæ Domino, magnis pro Carolo V. Cæſare muneribus ſapienter perfuncto. Sub hujus parentis diſciplina, cum excellenti polleret ingenio, magnarumque rerum capaci, facile aſſecutus eſt perfectiſſimam rerum agendarum ſolertiam, adeo, ut ad Rempubicam admotus illico ſe probaverit Carolo Cæſari, pro quo in Tridentino Concilio dixit præſtanti facundia, qua nemini ea ætate concedebat.

Annos non plus 24. natus Attrebatenſis Antiſtes delectus, atque inter ſupremos Imperii Belgique conſiliarios cooptatus, variis legationibus rebusque ex ſententia conſectis tantam apud Cæſarem æſtimationem eſt adeptus, ut is cedens Philippo provincias ſeratur dixiſſe, unum eſſe Granvellanum, cujus opera uti filium in ſummis

quibusque rebus exoptet. Et vero usus est integro, quo in Belgio Philippus substitit, quadriennio, nihil transigens, nisi administro & interprete Granvellano. Quin etiam in Hispaniam abiens Gubernatrici eundem reliquit, præcipuum regiminis instrumentum, quo illa omnia agebat.

Quamvis autem ad declinandam invidiam in eadem urbe imo aula præsens pleraque per epistolas arcanas cum Margaritha conficeret, non ita tamen, uti oculos, ita suspicionem fallere poterat: maxime cum eam acuerrent cum ipsa regiminis indoles, Granvellani ingenio conformata, tum Archiepiscopatus Mechliniensis, cum Belgii Primatis dignitate collatio, tum denique additus honor purpuræ, Regiæ in eum gratiæ locuples argumentum.

Urente igitur Nobilium mentes invidia, sensuque injuriæ, quam a Cardinale se passos arbitrabantur, apud Regem litteris, apud Gubernatricem querelis, ceu superbum infestumque Nobilitati, ac futurum aliquando Belgarum perniciem criminabantur. Populis inuisum jam effecerant, persuaserantque, Episcoporum numerum, edictorum Cæsaris restitutionem, Hispanicam inquirendi de religione severitatem, ab unius esse Granvellani ambitione, qui per eam Belgarum servitutem nescio quod imperium sibi meditaretur.

Et vulgus audiebat, quia oderat; & quidquid asperius Rex moliebatur, eidem administro acceptum ferebat. Optimates vero ceu popularium Patronos & belgiæ libertatis vindices respiciebat, ad omnes eorum nutus intentus.

§. II.

Ostenditur, has non fuisse primarias tumultuum atque defectionis causas.

13.
Dissertatio
de causis.

Non equidem negaverim, has a multis recensitas tumultuum seu occasiones seu causas turbasse Belgarum provincias; id tamen fidentur asserendum existimo, nec unicas fuisse, neque primarias. Altior est fons & origo omnis mali; quæ Germaniam, Galliam, Helvetiam, aliasque per Europam Nationes infelici hoc sæculo XVI. in motus plus quam civiles, bella cruenta, perniciemque populorum concivit, sine qua reliqua haud ita difficulter fuissent composita; certe in tantas seditiones, bella, defectiones, ac provinciarum cala-

calamitate; nunquam excrevissent. Est hæc rerum humanarum in-
doles: quæta semper omnia esse non possunt. Rixantur cum jugo
suo subditi, & vias rimantur omnes, quibus aura liberior adspiret.
Sed severitate clementia temperata reducuntur ad officium. At ve-
ro ubi certa quædam furia assurgit, ruptis repagulis furor in aper-
tum prorumpit, non quieturus, si vires suppetant, donec ima sum-
mis, & sacra omnia profanis misceat.

Nemo quidem ibit inficias, Catholicos etiam Belgas abalie-
nato in Philippum Regem fuisse animo, sed nisi hæresis flammæ
ministrasset, scintillæ illæ extingui poterant; prout extinctæ sunt in
Hispania initio regni Caroli Cæsaris. Juvat alienationem illam al-
tius aliquanto repetere.

Cum Carolus V. sceptrum capefferet, in aula illius domina-
bantur Belgæ, non sine Hispanorum æmulatione & tumultu. Quo
sedato, cum crescentem in dies fortunam ejusdem variæ nationes
sequerentur, gratiam quoque & munera absque discrimine distri-
buit, aditu omnibus facilis, atque versatili ad omnia ingenio exter-
nos mores ita indutus, ut non minus cum Germanis Germanum
ageret, cum Italis Italum, cum Hispanis Hispanum, quam cum
Belgis Belgam. Nec molestum id Belgis visum, qui contendere
cum peregrina Nobilitate referebant ad patriæ decus.

At ubi advenit in Belgium Philippus, Hispanorum Procerum
corona septus, ac domi forisque, ut dicebant, impenetrabilis, esse
& videri omnibus Hispanus: parce loqui, nec nisi Hispanice: publi-
co libenter abstinere: de cultu & vestitu Hispanico nihil immutare.
Quem vivendi agendique modum Belgæ ad contemptum suum per-
tinere arbitrabantur. Confectio dein bello Gallico tanto magis recru-
duit aulæ pugna; quanto sibi majora deberi Belgarum Proceres exi-
stimabant, ob strenuam operam in armis collocatam.

Verum non infrequentes hi aularum fluctus facile subsidissent,
nisi vehemens aliunde turbo undas in æstum concitasset, hæreticis
& de hæresi suspectis, etiam palam frementibus: Hispanos apud
Regem esse omnia. Belgas Hispanorum umbras esse, quæ eos co-
mitentur, & ad eorum nutum moveantur. Quippe gravissima quæ-
que Regem transigere cum Ferdinando Toletano Albæ Duce, cum
Roderico Gomezio, cum Comite Ferdinando, unica illa cohorte inte-
rioris admissionis, Belgas vero magnifice ad consilia adhiberi, ut
acta jam agerent. Talem sui contemptum quousque Belgas patien-
ter laturos? Præteritos plures Nobiles, qui corpora sua pro Rege
hosti

hosti strenue objecissent. Præfecturam Belgii ad sceminam delatam, excluso Orangio & Egmontio, viris toti Hispanicæ monarchiæ regendæ natis.

Hoc nisi Aquilone afflatæ fuissent Belgarum mentes, persuadere mihi nullatenus possem, nationem tam cordatam prudentemque ciendam fuisse in motus adeo vehementes, quos experientia postea demonstravit. Sit enim, quod Philippus Rex, nativitate & indole Hispanus, non illico omnibus Belgis arriserit, aut adblanditus fuerit, sed iis, quibus asseverat, quorumque dotes noverat, consiliis usus fuerit; tamen ubi discessit, omnium provinciarum atque militiæ perfectos Belgas constituit.

Quod autem Margaritham Austriacam, Caroli V. Caesaris, de Belgio tam bene meriti, filiam sororem suam, Ducem Parmensem, in Belgio natam, Belgio præfecerit, nescio, qua ratione Orangius aliquis, de hæresi, quam cum lacte hauserat, suspectus, aut Egmontius, insignis licet, a cognati tamen sanguinis memoria fortassis ab aula timendus, ad injuriam suam referre potuerit: præsertim, cum a quadraginta ferme annis non nisi Principes feminae Belgium summa omnium voluntate tranquilla pace gubernarint. Sed multos nobiles Rex præterit, nullis illos muneribus auxit. Quasi vero, ubi infinita est competitorum multitudo, & officia minore multo numero restricta, quisunque sit ille Princeps, spes omnium implere possit. Conquesti sunt illi, quos inter provincias distribuerat, artibus nimium se constringi limitibus, quid facturos putemus, si plures adhuc in societatem munerum vocasset?

Sed neque, quod militem Hispanum, ad tria duntaxat millia redactum, Rex reliquerit in Belgio, redargui potest. Reliquit ad defendendos fines dubiis illis temporibus. Hoc ægre quis ferre possit, nisi qui patriæ tutelam oderit, & in effranem quidvis audendi licentiam sit projectus? Cum autem, ut apud milites fieri consuevit, ultra disciplinam militarem quidam essent progressi, & querelæ propterea ad regem essent perlatae, hunc etiam qualemcunque manipulum, ne Belgis umbram faceret, revocavit, & Gubernatricem, totumque Belgium solis Belgis reliquit. Quid autem ob hoc in seditiones & tumultus abeant prudentes Belgæ? milium missionem petierunt. Missi sunt. Quamvis Rex multas habuerit causas, quas eventus demonstravit, eosdem retinendi in Belgio.

At novos Episcopatus erexit Rex Catholicus. Hoc enim vero qui improbant, satis produnt, quo spiritu agantur. Pastores timent, ne lupos arceant. Sed hoc pacto antiquiorum Episcopatum, Colonien-

Coloniensis, Leodienſis, Rhemenſis &c. jurisdictio fuit reſtricta, imminuti proventus, Abbatum ac Monaſteriorum jura acciſa. Verum, ſicut utroſque id ægre accepiſſe facile credo, ita cum petente Rege ſummi Pontificis auctoritate, qui Eccleſiarum & bonorum ad eas pertinentium ſupremus eſt adminiſtrator, id factum ſit, cur ex cauſa & neceſſitate publica, ad animarum ſalutem atque ad Religio- nis periclitantis tutelam, id fieri non potuerit, neutiquam video.

Neque verum eſt, rem hanc ad id uſque tempus caruiſſe exemplo. Nam prout Dioceſes olim erant raræ, atque per ampliſſimas provincias extenſæ, ita aucto ſacerdotum ac fidelium numero dividere illas frequenter oportuit, ut plures paſtores præſentes gregem poſſint paſcere, luposque ab ovili Chriſti depellere. Sic Boni- facius ille Germaniæ Apoſtolus auctoritate Gregorii III. & Zachariæ Pontificum tres novos Episcopatus ad reliquos addidit. Quot in Ger- mania Episcopatus novos adjunxerunt Carolus M. Otto M. S. Henri- cus! Tolosanum in Gallia Episcopatum, quod ampliſſime pateret, nequiretque unus paſtor inſpicere ſingulorum vultus, (ut habetur *cap. Salvator 5. extravag. de præb. & dign.*) in quinque Episcopas- les ſedes partitiſus eſt Joannes XXII. nulla habita ratione jaſturæ, quam Narbonenſis, Bituricenſis, Cadurcenſis, & ipſe Tolofanus antiſtes incurrerent. Idem Pontifex Condomii, Vabrinci, & Lom- beriæ in Gallia Abbatibus, Episcopos ſubſtituit.

Unde neque ab hac parte ſumi potuit tumultuandi principium, præſertim cum ea ratio Episcopos in Abbatum, ſiqui forte decede- rent, locum inducendi, uniendique cum illis eorum bona, ob aſſi- duas ad Pontificem & Regem querimonias, pauciſſimis in urbibus ſit inſtituta. Certe in Brabantia, quæ maxime privilegia ſua obji- ciebat, tunc quidem nihil immutatum.

Sed neque *Inquiſitio* primaria erat cauſa, quæ belli fores in Bel- gio aperuerit. Juvat ea de re pauca diſſerere. Pertinet quidem ad Episcopos & ordinarios animarum paſtores Religionis tutelam gerere, eaque diu in Eccleſia ab illis ſolis fuiſt adminiſtrata, ut in vi- tam ac fidem ſubditorum inquirerent, ac ſeveros in hac parte cen- ſores agerent, ne infelix hæreſeos aut doctrinæ minus ſanæ lolium in Eccleſiæ agro alicubi ſuccreſcat.

Poſtea, ſive pluribus curis ſacer is Episcoporum magiſtratus im- plicetur, ſive quod a græge ſuo abeſſe eos interdum contingat, ſive demum, quod eorum aliqui incurioſe id muneris, aut etiam inſcite exer-

exerceant, optimum factu visum sedi Apostolicæ, si extraordinem delegarentur Iudices, doctrina ac pietate præstantes, quibus inquirendi animadvertendique in hæreticos potestas esset. Id ab Innocentio III. cœptum, missio adversus Albigeneses S. Dominico, qui primus munus Inquisitoris summa cum laude gessit.

Exceptus ille mos eodem atque sequentibus sæculis a pluribus Nationibus, creatique in provinciis aliquot fidei censores, qui de religionis injuria legitime cognoscerent. Non tamen perinde ea res ubique valuit. Alio temporarii quæstiores missi ob hæresin repente natam, eaque extincta revocati. Certum alibi tribunal erectum, quo de fide quæstiones perpetuo referrentur. Alibi tota illa iudicii forma rejecta; nec alii præter Episcopos permitti in hæreticos inquire. Quin & Romæ variatum; nam modo per consuetos urbanosque magistratus administrata sunt omnia. Quæstor extra ordinem nullus: modo plures, sed sub unius pluriumve regimine ex purpuratis Patribus; donec Paulus IV. instituto aliquorum ex iis Patribus Collegio rem istam Romæ stabilivit, multis ac pœnis in contumaces sancitis.

Acriores pœnas Imperatores statuerunt. Cum enim facile cernerent, præter Dei cultum, pacis interesse, cujus tutela in Principem est deposita, si religione contineantur populi, eaque periclitante non posse inter fœdas hæresum undas tranquillitati locum esse, quæ in perduellionis reos, eadem in hæreticos, ceu religionis & pacis hostes, decreverunt, ita tamen, ut supplicia non ante sumerentur, quam in Ecclesiastico foro, cujus est de hæresi cognoscere, disceptatum super ea re, nomenque criminis pronuntiatum foret.

Quæ etsi per orthodoxas provincias semper fuerint exercita, nusquam tamen, quam per Hispaniam accuratius acriusque. Exorto autem Lutherano schismate Carolus V. non modo novos illos errores in Comitibus Wormatiensibus assensu omnium Imperii ordinum severe proscripsit, edictisque septies repetitis vetuit, sed insuper fidei censores pro Belgio suo a Pontifice petiit, obtinuitque.

Sed cum plures provinciæ ostreperent, Cæsarque per varia bella distraheretur ad alias curas, eam provinciam Philippo filio demandavit: hic vero forori Gubernatrici. Sed cum hæreticorum ministri pluribus in locis populum commoverent, atque ad seditionem, sacrorumque populationem impellerent, id perpetuo inclamantes, everti Belgarum libertatem, privilegia juraque pessundari, Hispani-

cam

cam induci tyrannidem, mitigata sunt a Gubernatrice Cæsaris edita, eaque in hæreticos animadvertendi ratio.

Propter eandem rationem non ubique publicatum est Tridentinum Concilium, aut ejus canones & decreta recufata. Hæc omnia, quamvis etiam Catholicis quibusdam essent ingrata, tamen scintillæ erant, facile restinguendæ, nisi faces ab hæreticis, quorum multi erant in Belgio, ventilatæ excitassent incendium, nullo deinceps sanguine extinguendum.

Nec Granvellani invidia, & apud Belgas odium eo usque invaluisse, & tam cruentas tragædias excitasset, nisi idem spiritus hæreticus animos orthodoxorum etiam in partes traxisset. Peregrina res minime est, in aliis etiam provinciis ac regnis præfici ministros, populis ingratos, multasque propterea volitare per ora querimonias: an idcirco ad seditiones, bella, rebelliones insurgendum?

Id nempe in Belgio agebant hæretici, cum aperta fronte necdum impune liceret furere, conquestis undeunde causis, aut confictis, aut certe in immensum amplificatis, catholicos in partes suas, tumultuandique voluntatem pertrahebant, ut per violentas populorum seditiones, ac bella cruenta jus civitatis obtinerent. Quod ubi a Philippo Rege Catholico obtinere non poterant, ejus in se potestate ac jure protrito privatam in Rempublicam discesserunt. Hæc nisi causa eos impulisset, cur Granvellano a Rege amoto, & ex toto Belgio ad armatas eorum preces revocato, non acquievisset, & pacem ceu fideles subditi religiosius servassent?

§. III.

Seditionum, bellorum, defectionumque in Belgio princeps causa fuit Hæresis.

Invexerant in Belgium hæresin partim externi mercatores, quorum cum mercibus hæc quoque pestis quandoque navigat, partim legiones Helvetiorum, Germanorumque, quorum opera prioribus bellis uti oportuit, partim exules profugi ex Gallia & Anglia. Lutheranis & Calvinistis accessere Anabaptistæ, ex Westphalia per Frisiam illapsi magno numero.

34

Hac igitur contagione afflati non pauci Belgæ, ut eam vivendi credendique licentiam defenderent, audaciores in dominos facti, in omnem occasionem animum intendebant, qua turbas miscere, liberumque Reipublicæ statum possent inducere. Raro etenim religionem civitates mutant, quin & civilem statum atque politicum invertant. Emotaque sacra hac anchora rutant reliqua.

Est nempe hæresis contumaciæ rudimentum; dumque ex hominum mentibus sensim excutit Dei jugum, detrectare similiter docet humana imperia; atque sub specie Christianæ libertatis in mores vitamque Principum, non surdis ad hoc melos vulgi auribus, assidue atque acerbe declamat. Quo sane fit, ut ejusdem præceptionibus, velut sacris imbuti multitudinis animi, tantum sibi addant de immunitate parendi, quantum Principi detrahunt de auctoritate imperandi.

Infitum est a natura mortalium animis averfari jugum, & ægre dominorum imperia pati: quid facient impulsi quotidianis declamationum flabris? tristi id experientia sentiunt complures per Europam regiones, quas paucorum hominum turbulentis concionibus excitas toties in dominos armavit hæresis, inexplicabili populorum & provinciarum clade. Ut sane nimium quantum constet, non posse absque ingenti rerum publicarum motu religionis cultum antiquari.

Et quamvis ad id usque tempus Catholici multo majorem Belgii partem implerent; cum tamen hi retineri Hispanum militem, augeri Episcoporum numerum, publicari cum Tridentini decretis edicta Cæsaris, imponi fidei quæsitores adverterent, occinentibus palam hæreticis, hæc omnia conspirare in eversionem privilegiorum, atque in perniciem Belgicæ libertatis, facile pertracti sunt ad eorum studia. Quare longa libertate, variis privilegiis accepta, atque sub fæminarum regimine, quadraginta annis continuato, diuturnis præsertim bellis accedentibus, securius usurpata, ferociores Belgæ, hæreticis immisti, iisque impulsoribus contumaces, obsequium Regi negare cœperunt.

Profecto nisi hæresis vexillum rotasset, & tubam inflasset, ad extorquendam fæstarum licentiam, nunquam ad arma rebellionemque fuisset ventum, sed intra querimonias resstetisset, quibus sedandis Rex multa mitigasset: prout factio ipso mitigavit. Heterodoxi præsertim scriptores Philippum II. ceu Principem severum, trucem, fastuosum, imo & atrocem, impotenter dominantem nobis pro-

proponunt, non sine injuria magni Regis. Religionem securam volebat, proscriptam hæresin volebat Rex Catholicus, huc omnia referebantur: huc retentio Hispani militis: huc Episcopatum erectio, absque impendio Nobilitatis & populi facta: huc conatus inquisitionem inducendi; huc studium promulgandi Tridentini canones: huc Granvellani, Præfultis apprimæ catholici, auctoritas: huc edicta adversus hæresin renovata. Tantum autem avitæ religionis conservandæ studium quomodo displicere tantopere poterat mentibus sincere catholicis, ut in seditiones & bella propterea ruerent, abjecto, quod regi debebant, parendi obsequio?

Et quid postulabant Belgæ? avocari Hispanum militem? Avocavit. Removeri a rerum gubernaculo Granvellanum? Removit. Provinciarum præfecturas Belgis distribui? Distribuit. Inquisitionis inducendæ contentionem remitti? Remisit. Albanum a Belgii Præfectura amoveri? Amovit. Decimum nummum ab eo imperatum aboleri? Abolevit. Mitiores Gubernatores mitti? Misit. Cur ergo pergunt tumultuari? cur cessante tumultuandi causa non cessat tumultus? cur in dies crescit? cur in seditiones, in bella, in defectiones abit?

Quid ergo petunt amplius? hæresibus libertatem permitti? hoc unum Rex catholicus noluit. Nullum habere maluisset Belgium, quam hæreticum. En! quo denique recidant tumultuum, bellorumque causæ. Sed quorum erat illa postulatio? Catholicorum? non credo. Cur enim hæresis patrocinium susceperent? Igitur hæreticorum; qui prætextu libertatis multos etiam Catholicos in turbarum societatem impulerunt, nutrita promotaque per concionales ministellos animorum ab Hispanis alienatione.

Et ex quo fonte profluxit primus ille violentus gravissimusque tumultus? illa Ecclesiarum direptio, altarium everasio, imaginum sacrarum disturbatio, per multas urbes grassata? illa sacerdotum proscriptio, bonorum Ecclesiasticorum spoliū, sacrorum omnium profanatio? Nullus adhuc in Belgio fuerat Albanus, dum hæc acta sunt; sub Margaritha Belgii Gubernatrice, mitissima atque sapientissima Principe, ac Matre Belgii sui amantissima, feralis scena instructa est, auctore hæresi.

Cur postea Rex per singulas civitates rebelles bellum circumferre debuit? cur pertinaciter adeo negata deditio? hæresi ista deberi demonstrat historia. Et quo spectabat illa vox Antverpiæ Præfecti hæretici, cum urbem illam post obstinatissimam defensionem

Alexandro Parmensi dedere coactus esset, se totam Hollandiam & Selandiam ad Regem facile reduciturum, modo religionum libertatem concederet? Ecce! cui ulmo adhæsit contumacia. Novimus denique quis actor præcipuus in tota hac scenâ fuerit, Orangius nempe, qui ut ipse in apologia sua anno 1581. testatur, se a puero reformatæ religionis perquam studiosum fuisse: mansisseque animo infixa semper ejus semina, quæ grandiore cum ætate maturuerint: eoque pertinere omnia, quæ fecisset, nempe ut religionem, tot Hispanorum telis impetitam, pro veteri suo cultu tueretur. Verum, quæ hic brevitur attigi, ipsa Belgicorum tumultuum bellorumque ob oculos ponet historia, quam pro instituto in synopsis contraham.

§ IV.

Relatio Historica eorum, quæ sub Margaritha Gubernatrice contigerunt.

PROfecto in Hispaniam Philippo, cum quererentur apud Gubernatorem Belgæ, quod Hispanus miles, quem ceu frænum suæ libertatis respiciebant, intra quadrimestre necdum, prout Rex promiserit, ex Belgio fuerit deductus, missionem illam imperare oportuit, ne ulla genti querimoniarum præbeatur occasio. Quam ob causam intermissa sunt etiam copiarum equestrium auxilia, quæ Philippus, frementibus in Gallia bellis civilibus, Reginae adversum Hugonotos ex Belgio promiserat, Orangio maxime, qui cum Condæo colluisse visus est, obsistente.

15.
Analogia
cum Gallia.

Ubi non inepte conferri possunt hæreticorum utrobique conatus, aulæque utriusque studia; Hugonotorum illuc, hic Geusiorum nomina fortuito nata inter hæreticorum turbas, Condæus cum Orangio, Colinius cum Brederodio, Cardinalis Lotharingus cum Cardinale Granvellano, Medicea cum Farnesia, consimiles Nobilium conspirationes in utrumque Regem, paria utriusque edicta, pares utrobique sacrarum ædium urbiumque direptiones, eandem utrobique turbarum videas causam, hæresin nempe & ambitionem: eo solo discrimine, quod Belgica sit Gallicæ filia.

Nam primas in Belgio turbas excitarunt Calvinistæ Galli, per Tornacum, Insulas Valencenas, aliasque finitimas Galliæ urbes sparsas, ubi primum duo Calviniani ministri palam ad populum de novo Evangelio dixerunt, tracto mox longo per urbes psalmos ad Ma-

Maroti & Bezæ rhythmos canentium syrmate. Et quidem Tornaci tumultum brevi compescebat Montinus urbis Præfectus, exustis hæreticorum libris, captoque Lanoya, concionatorum altero, qui tamen postea catholice vixit, scripsitque. At vero Valencenæ ex cunctatione Marchionis Bergensis audaciores facti hæretici, duos ministros, Impetu in satellites facto, supplicio subtraxerunt, furentium instar magno numero per urbem discurrentes ac minas intentantes. At supplicio de aliquibus sumpto tantisper quieverunt. Eodem tempore ex vicinis Germaniæ provinciis Lutherani & Anabaptistæ in Frisiam luem sparsere, strenue se opponente Arembergio. (anno 1562.)

Quæ res Margaritham permoverunt, instante præsertim Granvellano, ut designati pridem Episcopi in suam quisque sedem quamprimum inducerentur, exemploque ac verbo, qua maxime ratione religio procuratur, commissiis sibi populis adjumento forent. At vehementer obstabant Brabantini, Abbatum causa apud Pontificem & Regem suscepta, & ne Antverpiæ Episcopus constitueretur, obnixæ postulantes.

Accessit Procerum, Orangii, Egmontii, Hornani, Montinii, Bergensis, Hochstratani &c. in Granvellanum, ex invidia & æmulatione concepta indignatio. Mirum, quot machinas conspirationesque adhibuerint, ut virum hunc, sibi infestum, non ab aula modo, sed toto Belgio amoverent. Annuit tandem Rex, ut omnem tumultuandi occasionem præcinderet; & Cardinalem primum in Burgundiam patriam suam, dein Romam ad eligendum Pontificem misit: jussus ibidem orator Regis Hispanas res procurare, & fœdus cum Pontifice Pio V. aliisque Christianis Principibus adversus Turcam inire. Qua in re aliisque omnibus negotiis ita sapientiam, fidem, integritatem Regi probavit, ut multo adhuc profundius in ejus æstimationem sese gratiamque immiserit. Unde Neapolitanus Prorex creatus, Joanni Austriaco vexillum sceptrumque, insignia militaris imperii, a Pontifice submissa, tradidit.

Mortuo Pio V. ad Comitia Romana profectus, auctor fuit, ut Gregorius XIII. eligeretur. Cum quo tamen Pontifice mox gravi controversia de foro competente collisus est. Extraxerant nempe Granvellani Proregis lictores e custodia Archiepiscopi Neapolitani facinorosum hominem, cujus causam sui esse fori asseribat. Archiepiscopus sacris propterea Regiis ministris interdicat. Granvellanus offensus, jussis in carcerem conjici Archiepiscopi famulis, Præsuli ipsi sacros reditus interfecit, ne quidquam minas intentante Nuntio

Apostolico. Admonitus Gregorius iratusque (præsertim quod eodem tempore Castellæ ab ejus consilii Præside Didaco Covaruvia Segoviensi Episcopo similia attentarentur) Granvellano denunciât, nisi acta in Archiepiscopum ejusque famulos designatos rescindat, se eum Cardinalium numero expuncturum. Qua improvisa denuntiatione perculsus, Archiepiscopo ex integro satisfecit, Pontificia exinde jura majori cum reverentia complexus.

Porro cum Regnum quodriennio insigni quidem prudentia, non maxima tamen pudiciæ laude, administrasset, Romam iterum deductus, atque inde post triennium a Rege in Hispaniam evocatus, consilio rerum Italicarum summa cum auctoritate præficitur; sed nec ibi Regni primatibus gratus, quod veteranæ sapientiæ tot annorum experientia solidatæ confisus, ab eorum sententia plerumque non sine crisi acerbiorè dissentiret. Et licet ipsum etiam Regem non nunquam perfringeret, tam altas tamen æstimationis & benevolentia radices in corde Regis fixerat, ut proficiscens ad Lusitanum Regnum capeßendum, moderandæ Hispaniæ curam eidem commiserit, rediensque e Lusitania Madritum triumphans ingressus, unum hunc purpuratum senem sinistro lateri adequitantem habuerit.

Denique tribus post hæc annis reversus Cæsaraugusta Granvellanus, ubi Regis filiam cum Carolo Emanuele Sabaudia Duce matrimonio junxerat, Madriti septuagenarius anno 1586. fato concessit: vir prudentia, usu, consilio, & in Principem fide magnus, invidia, aulaeque factionibus superior. Sed redeundum, unde digressi sumus.

17.
Regis Con-
silia.

Amoto Granvellano, gaudio gestiebat Belgium; Gubernatrix autem ad Religionem, quæ pluribus in locis nutabat, stabiliendam vires intendit, tum suapte propensione, tum Regis mandato, qui cætera omnia post eam habuit. Neque ad solos Belgas ea Religionis cura se extendit, sed Anglis etiam exulibus & in Belgio & Hispania collegia fundavit. In pluribus quoque Belgii urbibus, uti Antverpiæ, Brugis &c. exusti hæretici, quamvis non sine plebejo tumultu.

Qui magis auctus est, ubi Rex Tridentinum Concilium in Belgio promulgari jussit. Sed dum ea cura fervet, dissensio Pontificem inter & regem orta est, quod ille oratori Gallico priorem Romæ locum dederit; Hispano Legato Regis jussu discedente. Cum plausu id nuntium exceperè non modo hæretici universim, sed insuper

Ca-

Catholici quidam in Belgio, ea spe freti, per illud diffiduum studia Regis promulgandi Tridentini remissum iri.

At Philippus, scribens Gubernatrici, dignam Rege Catholico protulit sententiam, ideo revocasse se ab urbe oratorem suum, quod in ea comparere cum dignitate non posset; cæterum, quæ ad publicam Religionis procuracionem, aut ad obsequium vel obedientiam summo Pontifici, sanctæque Romanæ sedi præstandam pertinent, a quibus ne latum quidem unguem res eum ulla dimoverit, se curam demandasse Cardinali Paceco, Hispaniarum apud Pontificem Patrono, cum quo transigere in posterum ea, quæ spectare videbuntur ad sacrorum Antistitem designationem, aliaque religionis firmamenta; in qua strenue propugnanda, sicut etiam in Concilio Tridentino Belgis accurate proponendo, exigendoque, nihil ab ea remitti, quacunque de causa, par esse.

Et vero perspecto Regis animo, nihil illa erat remissura. Sed Senatores opponebant, in Concilii decretis contineri aliqua, quæ cum Regis juribus, & provinciarum privilegiis pugnent. Ac proinde sine eorum capitum exceptione non publicandum in Belgio. At rex ea de re certior a sorore factus rescripsit; sibi non placere in Concilio populis promulgando quidquam excipi, de reliquis Principibus præbeatur imitationis exemplum. Easdem in Hispania difficultates fuisse allatas in medium; quarum nulla ibidem sit ratio habita, sed concilium sine ulla exceptione promulgatum, adhibita tamen perlevi moderatione in ejus usu, ita se velle in Belgio idem fieri: eoque mitti Hispanicæ publicationis exemplum, ut populi sui omnes ad eandem normam revocentur. (anno 1564.) Hæc autem Margaritham exequi conantem, qui motus a sectariis potissimum concitati, exceperint, postea opportunius memorabitur.

Hoc autem anno, præter ea, quæ dixi, hæreticorum & politicorum animos concussit congressus solennis Caroli Galliæ Regis ac matris ejus cum Isabella Philippi conjuge & Albano Duce, Bajonæ in Aquitanicæ finibus celebratus. In hoc enim nescio quæ in se cussa consilia suspicabantur Galliæ & Belgii sectarii eorumque fautores.

Ut autem tumultibus præcaveatur missus post Montinium Comes Egmontius ad Regem in Hispaniam, ut de rebus Belgicis ad eum referat. Acceptus is perhumaniter Regem in eam inflectere partem conatus est, ut ad conciliandam tranquillitatem Belgii de edictis in hæreticos pronuntiatis aliquid remitteret. At is convoca-

to

to Theologorum concilio, eorum in hac re sententiam exquisivit. Responderunt illi, licitum esse Regi pro avertendo majore malo, quod provinciis Belgii immineret, in libero sacrorum cultu populis indulgere.

Ac religionis
zelus,

Negavit Rex, accitos a se fuisse, ut docerent, an permittere id possit, sed an sibi necessario permittendum scriberent. Illis necessitatem nullam videri asseverantibus, Rex in eorum conspectu provocatus in genua coram Christi crucifixi imagine, ego vero, inquit, *Divinam tuam Majestatem oro quæsoque, hanc ut mihi mentem perpetuam velis, ne illorum, qui te respuerint Dominum, uspiam esse me, aut dominum dici acquirescam.*

Atque in hanc sententiam firmatus, in litteris Egmontio tradendis ad sororem Gubernatricem scripsit, dolore se incredibili percussus, audito hæreticorum progressu: certumque ac fixum animo manere, nullam suis in regnis mutationem Religionis se esse passurum, licet propterea millies sibi occumbendum foret. Cum his litteris Egmontium in Belgium remisit, tradito simul ipsius fidei Alexandro Farnesio, ad Margaritham Gubernatricem ipsius matrem perducendo.

Privatis vero ad eandem litteris scripsit, ac præcepit, ut quæsitores causarum fidei (neque enim hoc novum tribunal esse, aut non summopere necessarium) ubique persancte retineantur, omni- que ope a Gubernatrice, ac reliquis provinciarum Præfectis adjuventur. Et quoniam Concilium Tridentinum Belgis jam imperatum esset, superesse, ut ejus decretis, simulque edictis tam Imperatoriis, quam Regiis pareatur. (*anno 1565.*) Hæc litterarum summa, quibus omnes Belgii calamitates Orangius, aliique aut hæretici aut eorum fautores acceptas referre consueverunt: impellente videlicet hæresi supremus hic annus Belgicæ tranquillitatis fuit.

Nam sequentem sesqui millesimum sextum fœdarunt aperta Nobilium conspiratio, vulgi seditio, turbida Primorum consilia, funeralis hæreticorum incurfus, templorumque execranda violatio. Quippe Regium edictum publicarunt quidem Provinciarum Prætores, professi tamen aliqui se impares in tanta edicti severitate continendi populos; quin addiderunt, nolle se suam conferre operam in multis mortalium millibus exurendis.

Brabantia civitates, Lovanium, Bruxellæ, Antverpia, & Buscoducum, provincia capita, habito senatu postulant, ut suorum habeatur ratio privilegiorum, cum quibus ea quæstorum judicia atque edicta

edicta pugnent; a se certe non admitti. Simulque erupit agitata jam dudum conspiratio Nobilium, quibus nullum in Republica munus. Siquidem novem ex illis, dictante Marnixio Adelgundio homine hæretico, Bredæ, Orangii urbe, in novum fœdus conjurant ^{18.} Nobilium conspiratio. adversus execrandam, ut aiebant, Inquisitionis tyranidem. Atque hoc fœdus *compromissum* vocitabant; eique plurimi deinceps nomina dederunt, quos aut furor hæreticus, aut bachandi licentia, aut res domi decocta in tumultus concivit.

Quadringentos fuisse Nobiles constat, præter mercatorum & plebeiorum turbam. Hi ducibus hæreticis, Henrico Brederodio, e præcipua Hollandiæ Nobilitate feroci juvene, Ludovico Nassovio Orangii fratre, Florentio Comite Culemburgio, & Guil. Bergenfi Comite, libellum componunt, in quo Inquisitionis abrogationem postulant; eumque juncta omnium opera Gubernatrici Bruxellis offerre decernunt.

Illa hac de conjuratione admonita Provinciarum Præfectos, & Equites aurei velleris, cum privato concilio in senatum convocat; atque, an conjurati in urbem admittendi, quidque armatis eorum precibus respondendum, sententiam rogat. Crojus Armbergius, Mansfeldius, & Barlamontius negabant eam multitudinem in urbem admittendam: quid enim opus esse 500. hominibus, ut libellus unus offeratur? non eam speciem esse supplicum. Mitterent aliquem omnium nomine. Alioquin portas ocludendas. Orangius vero in graves contra Regem querelas effusus, & alii plerique admittendos censebant omnes, at sine armis.

Gubernatrix altera die rursus eundem senatum colligit, & cum Consiliatio. pridie advertisset magnam in plerisque a Regiis edictis, & præsertim ab Inquisitione aversionem, audivisse se, inquit, esse non paucos, qui Imperatoris Caroli parentis sui edicta carpere palam audeant, uti barbara ac populis non ferenda: hos injuriam facere non modo sapientissimo Principi patriæ amantissimo, sed Equitum collegio, senatorum concilio, imo totius Belgii ordinibus, quorum omnium judicio consensuque eæ leges sint latæ. Cur ergo nunc severitatem Cæsaris accusent? Cur ea damnent, quæ omnium ante suffragiis sint probata? An quia se morbus nunc intenderit, idcirco remittenda sit cura? Neque Inquisitionis tribunal esse recens in Belgio erectum, cum jam sexdecim lapsi sint anni, ex quo illud Carolus Cæsar statuerit. Nihil severitatis habere Ecclesiasticam illam censuram, quod edicta non habeant; imo multo hæc quam illam

severiora esse: ut adeo Rex mirari satis non possit, cur tantopere ab Hispanica Inquisitione sibi timerent Belgæ.

Rogatis inde sententiis aliqui censuebant, nihil immutandum in edictis: leges, antequam ferantur, expendendas: ubi latæ fuerint, tolerandas: nec alia re magis labefactari statum civitatis, quam crebra legum mutatione. Adhæc famæ interesse, nihil cedere postulatis hæreticorum, qui, si prima obtinuerint, finem postulandi nullum sint facturi. At plerique contra differebant. Majus famæ periculum subire Principem, si manere velit legem, cui multitudo non pareat. Nec satis prudenter exigi, quod obtineri non possit. Sapientis esse, leges ad usum accommodare, & pro temporum varietate mitigare, aut abrogare, ut populi contineantur in obsequio. Quod vero ad Inquisitionem attinet, satis apparere, eam nulli hominum ordini acceptam esse. Imo & Episcopos non levi affici injuria, dum religionis causæ, quæ ad eorum forum pertinent, ad hoc peregrinum tribunal revocentur. Posse igitur conjuratis responderi, non esse, quod de Inquisitione laborent; cujus usus alioquin sit intermittendus: edicta vero salubri aliquo temperamento fore mitiganda, & presenti rerum statui adaptanda. Et hæc sententia numero prævaluit. Certe Egmontius negavit, se contra ullum mortaliū pro inquisitione aut edictis pugnaturum.

Eadem adhuc die conjurati numero ducendi Bruxellas ingressi sunt, equis omnes insidentes, gestabantque singuli bina ante ephippium sclopeta. Præibat ductor Brederodius, juxtaque Nassovius, qui ad Orangii ædes diverterunt. Altero die in domum Culembergii a Brederodio convocati conjurationem instaurant. Tum ordine bini & bini in curiam ad Gubernatricem procedunt, cui Brederodius libellum obtulit, in quo abrogatio Inquisitionis & edictorum postulabatur.

Margaritha consideraturam se eorum postulata respondit, & quando non nisi Regis dignitatem, ut præferrent, & patriæ salutem spectarent, haud dubio postulatis satisfacturam. Posterio die libellum eis reddidit, adjecta in margine responsione, qua intermittebdæ Inquisitionis, edictorumque moderandorum, sed Rege ante consulto, spem faciebat.

19:
Censurorum
origo

Excepit eo die in ædibus Culembergiis largo sane convivio conjuratos circiter trecentos Brederodius. Qui cum narraret super mensam, attonita aliquantum ad ingressum tot Nobilium Gubernatrice, Barlamontium adstantem ei dixisse, non esse timendos, quia tantum
sint

sint *Geusii*, hoc est mendici, illi exclamantes repetebant: *vivant Geusii*. Nomenque hoc factioni deinceps adhæsit, ut, sicut in Gallia hæretici vocabantur *Hugonoti*, ita in Belgio *Geusii*.

Denique Brederodius sub finem convivii, mantica more mendicantium collo suspensa, ligneoque poculo vini pleno, manu elato, simul omnibus propinat: respondente convivantium choro: *vivant Geusii*. Inde cyathum & manticam assidenti tradit: sicque per omnes circumdatis, singuli refalutato Brederodio, idem carmen inter compotandum repetunt, conjuratione magis firmata, clavo etiam in parietem a singulis adacto. Supervenientibus dein Oran-gio, Egmontio, & Hornano, atque bibentibus, eadem pro *Geusiis* vota, magnis acclamationibus renovata. Eadem vota pro *Geusiis* ad cœnam, quam in domo Orangii Hornanus ac Broderodius cum pluribus ex conjuratis sumpserant, resonante toto convivio repetita.

Sed necdum nugarum & insolentiarum finis. Sequentibus die- & insolentia. bus, cinericio pauperum habitu induti variam mendicorum supelle-stilem circumferunt per plateas, suspensio ex collo nummo: in cu-jus parte altera cælata erat Regis effigies, cum subscriptione: *fideles Regi*. In altera visebatur mantica, duarum complexu manuum in-tercepta: inscriptis circum his verbis: *usque ad manticam*. Taceo reliqua, viris nobilibus plane indigna. Discedentes deinde explosis extra urbem sclopetis, pars magna cum Brederodio Antverpiam abie-runt: ubi ingenti plausu a populo excepti, inter compotandum pa-tera prægrandi propinata in Belgii libertatem biberunt.

Dum *Geusii* nummo, quem dixi, abusi sunt, Croyus Are-schotus cœlitum Reginæ simulacrum, Hallis in Hannonia devotione ac cultu celeberrimum, metallo imprimi curavit, atque nummis-ma ejusmodi gestavit, sequentibus exemplum multis catholicis. Cumque Pius V. indulgentias gestantibus impertiisset, nummisma-tum sacrorum usus per reliquum etiam orbem Christianum aut ori-ginem, aut celebritatem accepit.

Geusii, Bruxellis digressi, atque per varias provincias dispersi victoriâ & impunitatem religionis ubique prædicantes, ceu vindi-ces libertatis excepti sunt; moxque Belgium hæreticis impletum est. Quare Gubernatrix Comitum Bergensem Hannoniæ Præfectum, & Mommorantium Montinium, alias de integritate ac fide suspectos, in Hispaniam ablegavit, de statu Belgii & Nobilium postulatis Regem edocturos.

Nnnn 2

Sed

Sed donec inde responsum veniret, Geusii gravissimam in Belgio seditionem moverunt. Nam plurimum numero aucti, cum per provincias sparsissent. Inquisitionem cum edictis in hæreticos esse abrogatam, atque Equites aurei velleris eam abrogationem scripto sibi tradidisse, mox ex Germania, Galliaque ministellorum catervæ in Belgium effusæ, concionibus seditiosis publice habitis, in sacras ædes armarunt hæresin, de Hispanorum tyrannide, de corrupta per superstitiones, abusus, novasque humanas inventiones a Pontificiis Religione, de puro sinceroque Evangelio, etiam publice ad populum differentes; atque per provincias, urbes, & oppida, tanquam omissæ orco furia discurrentes.

Atque hoc sane tempus erat, quo miserandum magis nunquam vidit religio in Belgio. Etenim licet Rex rescriberet, Ecclesiasticos quæstiores removeri posse, modo Episcopi in suas sedes ante inducerentur, edictis etiam in hæreticos imponi modum sineret, atque conjuratis veniam concederet; nihilominus hæretici, furiali æstroperciti, late per Belgium vi aperta circumtulere sacrorum vastationes.

§. V.

Continuatio ejusdem Historiæ.

20.
Iconomachia.

Nam postquam Trudoropoli ad duo millia Brederodio duce convenerant, Nassovium cum 12. aliis (quos Apostolos dixere) ad Gubernatricem legarunt, postulaturos, ut Orangius, Regmontius, & Hornanus fœderatorum rebus cum summa auctoritate præficerentur, atque generalis Belgicorum ordinum conventus indiceretur; alioquin extrema denique remedia quærenda. Mox barbara hæreticorum cohors furores immanes per Flandriam circumtulit. Dictu horrendum fœdumque, qua rabie in templa, aras, sacras imagines multis in locis sint debachati.

Illo furiosæ iconomachia nuntio Bruxellas perlato, Gubernatrix ad Egmontium ibidem præsentem conversa, audis, inquit, Comes, quam læta perferuntur e Flandria, provincia tua? an patieris tam immania in Deum scelera impune patrari? ille, primam rationi status curam impedendam respondit. At Margaritha: humanis rebus præferendum Divinum cultum; ita sentire & jubere Regem, cui nihil religione prius. Ad quæ Egmontius ea reposuit, quæ pseudo-

poli.

politicum magis quam Christianum decent. Nec parum ei postea nocuit hæc loquendi cum Gubernatrice temeritas.

Neque Flandria continebatur hæreticorum furor, sed tanquam Furia Belgica procella modo in hanc partem, modo in illam impetu delata stragem ca. inauditam sacris intulit; Antverpiæ præsertim, ubi disturbata supplicatione publica in maximum templum irruunt, execrabili petulantia nefanda quæque patrant flagitia, SS. Eucharistiam ad pedes proiciunt, pyxidem vino implent, & inter blasphema ludibria epotant, Christi crucifixi imaginem deturbant, illæsis utrinque latronibus. Denique paucas intra horas templum vastissimum, septuaginta altaribus, omnique cultu ornatissimum, atque toto orbe celeberrimum ita devastarunt ac polluerunt, ut nihil integrum inviolatumque reliquerint.

Inde sacrilegi prædones, tanquam facinore egregio patrato, vivant *Geusii*, exclamantes, ad alia templa & monasteria versi, violentia, direptione, furoribus omnia complent, fugientibus e claustris Religiosis & sanctimonialibus, ut violentiæ corpora subtrahant. Noctu hæc patrata. Sed impunitate audaciores facti sacrilegi, per tres deinde dies infandam illam sacrorum stragem, ac direptionem continuant. Simulque ea labe ac turbo Brabantinos & Flandros, Hollandos & Selandos, Geldrios & Frisios invasit. Populationem autem istam, totum ferme Belgium pervadentem, attribuunt Geusiorum principibus, præsertim Ludovico Nassovio, Trudoropoli Geusios inter & Galliæ Hugonotos conclusam. Auditasque ferunt voces, eodem Nassovio instigante: Nisi Nobilium fœderatorum securitati caveatur, & liber cuique aditus ad conciones pateat, suæque nemini religio fraudi sit, Gubernatricem suismet oculis inspecturam, templorum, quotquot Bruxellis essent, incendia, sacerdotum cædes, suam ipsius captivitatem.

Tantis undique tumultibus concussa Gubernatrix, cum Bruxellis non amplius securam se crederet (in qua 15000. hæreticorum numerabantur) statuit, clam urbe egredi, & Montes Hannoniæ se transferre. At consilio evulgato, occlusis portis a civibus retenta est: Nec lenitate rem defereret, Flandria, Artesia, & Hannonia potituros Gallos, jam pridem earundem candidatos: reliquis autem provinciis homines non defuturos.

Tot terroribus mota tandem Margaritha, suo nomine securitatem fœderatis asseruit, concionesque audiendi copiam Geusis fecit, iis tamen duntaxat in locis, in quibus ad eam diem fuissent habitæ, modo inermes nec infesti catholicis convenirent. Addiditque, hæc tamdiu permitti, quamdiu Rex assentientibus Belgii ordinibus voluerit permitti. At Orangius Antverpiæ, Hornanus Tornaci, Hochstratanus Mechliniæ, multo plus hæreticis mittebant; reprehensi propterea a Gubernatrice. Trajectenses catholicos a templo, Buscoducentes ipsum Episcopum ab urbe arcebant. Pejora his Amstelodami patrata, instaurata sacrorum vastatione. Adeo nempe hæresis, siue severam ostentes frontem, siue indulgeas, indolis suæ tenax manet, pergitque furere.

Rex sororis litteris de effræni Geusiorum licentia, sacrorumque latrocinio, conjurationibusque Nobilium edoctus, facile advertit, eo jam ventum esse, ut nullus clementiæ locus sit reliquus, sed armis frangendam compescendamque contumacem petulantiam: statuitque, quod Gubernatrix sæpe rogaverat, ipsemet exercitum in Belgium ducere, & illud qua armis qua Regia auctoritate in ordinem reponere: datis etiam ea super re ad Cæsarem, Galliæ Regem, & Imperii Principes litteris. Cæsar & Gallus vetuerunt, ne quisquam ex suis subditis adversus Hispanos in Belgio militet.

Qua re territi Orangius, Egmontius, Hornanus, Hochstratanus &c. conscientia factorum lancinante, *Teneramundæ* clam coeunt, capturi in periculo consilium, quomodo Regi, cum exercitu adventanti, Belgii aditus ocludi possit. Sed cum vires deficerent, in id tandem conventum est, offerendum Belgium Maximiliano Cæsari. Minus id fore in publicum probrosum, magisque tutum in omnem eventum, quam si apertis armis in Regem insurgerent.

Procerum
Conspiratio.

Utque factionem suam augerent, Egmontius Ernestum Mansfeldium veterem suum amicum per litteras sollicitat conqueriturque, quod ab eorum societate modo se seget. Respondit ille, non alia ratione a principio se cum illo aliisque se consensisse, nisi quod visum sibi fuerit, religionis & patriæ interesse, si & Granvellanus Belgio moveretur, & sublata Inquisitione, moderatio aliqua edicta temperet. Quæ cum a Rege tributa sint, nullam superesse causam querelarum,

At

At Geusii, sive Lutherani, sive Calvinistæ, sive Anabaptistæ, ^{Geusii in Re-}
 sive alterius sectæ homines (prout translatitiæ sunt eorum religiones, ^{gem conjue-}
 atque temporibus accommodandæ) in unam modo Confessionem ^{rant.}
 Augustanam compacti, cum Principibus Acatholicis Germaniæ fœ-
 dere inito, habitoque *Breda* coventu, *Egmontium* in commune
 adversus Regem fœdus per litteras sollicitant, præsertim *Orangius*,
Hochstratanus, & *Brederodius*, veteres ejus amici. Verum ille
 negabat, se in fœdus illud contra regem iturum. (Acta hæc sunt
 anno 1566.)

Cum dein *Brederodius* novum libellum querimoniis plenum ad
 Gubernatricem misisset, quod contra datam fidem Religionis exerci-
 tium prohibeat, cum tamen concionum nomine totum id veniat,
 quod ad religionem pertinet; respondit illa, non assequi se, qui-
 nam sint nobiles illi & Belgarum populi, quorum nomine hæc litte-
 ræ mitterentur: cum plerique satisfactum sibi contestentur. Con-
 clusiones a se tantummodo esse permissas, non autem potestatem,
 Consistoria erigendi, creandi magistratus, tributa imperandi, cor-
 rogandique supra vices centena florenorum millia, matrimonia ritu
 hæretico celebrandi, quotidianos cœtus, cœnasque Calvinianas fre-
 quentandi.

Cur fileant, post conventionem initam tam multa perfide ac sa-
 crilege patrata, ejectisque Religiosis inde familiis oc-
 cupata, conciones in novis locis vi armata inductas, urbes atque
 provincias ad seditionem, defectionemque sollicitatas, munitiones
 Regis invasas, ejusdem ministros expulso, ad tympanorum pulsus
 populos in aciem excitos, cœnobîa, ædesque Nobilium igne ferro-
 que vastatas, catholicos omnes, ne quidem se Gubernatrice exce-
 pta, ad cædem designatos, ingentemque Belgio cladem intentatam?

Brederodius hac accepta epistola exercitum Geusiorum *Vianam*
 raduxit, oppidum suum in *Hollandia*, paulo ante munitum; atque
 mutata veste a Geusiana factione *Amstelodamum* admissus, spem
Batavia potiundi confirmasse visus est. *Antverpia* etiam *Bulcodu-*
cum, utrumque *Trajectum*, *Gröninga*, *Tornacum*, *Valencena*,
 aliæque civitates, militibus auctæ, instigantibus hæreticis vim ad-
 versus Regios parabant. Comes *Meganus*, fidus semper Regi a
Bulcoduco per fraudem rejectus a *Bombergio Brederodii* satellite,
Ultrajæcum occupat.

Prima pugna.

Marnixius vero, ex conjuratis unus, tentata frustra Selandia, ad Antverpiam cum Lanoyo Regio duce prælio congressus, victusque est. Prima hæc pugna fuit, cum rebellibus in Belgio commissâ (anno 1567.) in qua periire Geusiorum 1500. capti 300. Fremebant Antverpiæ Calviniani, cum suos cædi viderent; & quia Orangius portas urbis clausas teneri præceperat (sive ne Calviniani auxilio accurrant suis, sive ne Regii victores urbem intrent) movebant tumultum, sed a Catholicis, quibus Lutherani se conjunxerunt, a vi prohibiti.

Valencena capta.

Valencena excluso Regio præsidio vim parat. Quare Norcarinus, pro Marchione Bergenſi, qui adhuc in Hispania cum Montinio detinebatur, Hannonia Præfectus, jussu Gubernatricis, Geusis gemino confictu fufis, Insulis, Armenterio, Tornaco, præsidium imponit. Valencena, hæreticis referta, pertinacius resistens, vi expugnata, atque armis & privilegiis exuta est; tantaque rebelles consternatio corripuit, ut hac una in urbe urbium claves omnium reperire esse dicerentur.

Orangius fugit.

Gubernatrix secundis his progressibus animosior a Proceribus & Magistratibus novum fidelitatis Sacramentum exigit. Jurarunt illico Mansfeldius, Areschotus, Egmontius, Meganus, Barlamontius. Brederodius centuriam Equitum, quam a Rege habebat, dimittere maluit. Recusarunt pariter Hochstratanus, Hornanus, & præsertim Orangius; qui Aibani adventantis metu percussus cum familia Belgio excessit, Dilemburgum gentilitiam Nassoviorum urbem profectus. Dicitur abiens monuisse Egmontium, ut caput procellæ subtrahat. At ille Regis partibus totus applicitus, se hostem est professus omnium, qui Religioni aut Regi se opponerent.

Orangii discessu, & Egmontii declaratione vehementer afflicta est fœderatorum factio. Quippe Ludovicus Nassovius, Culembergensis, & Bergenſis, ejusdem capita, cum Orangio abierant Belgio. Reliqui certatim rogata venia *Compromisso* renuntiant, novoque juramento se Regi obstringunt. Tandem etiam Hornanus, & Hochstratanus juramentum sunt polliciti. Unde querelæ mercatorum & hæreticorum, proditos se desertosque a Nobilitate. Auxit eorum consternationem, fugamque Præconum Trajecti ad Mosam, Buscoduci, Antverpiæ, aliarumque urbium deditio. Restitutus ubique Divinus cultus, ac res catholica. (anno 1567.)

Unus supererat fœderatorum princeps Brederodius; qui jussus Amstelodamo abscedere, hæreticorum favore nixus recusavit. Cum autem

autem audisset circumvolitantes per totum Belgium victores Regis Brederodii exercitus, cædi ubique fugarique Geusios, dilabi aut in gratiam ^{interitus.} redire fœderatos, dedique urbes, eorum denique, qui in Hollandia supererant, militum cladem, tentata frustra reconciliatione, fractus animo, patriam deseruit, ac primum Embdam, Bremam, atque Schovemburgum delatus, mota furili mente, periit ibidem anno sequenti.

Brederodii fugam secuta est universæ Hollandiæ deditio. Via-Hæresis ubi na, ipsius oppidum, mœnibus nudata, Amstelodamum, Lugdunum, que victa. Harlemum, Delphi, ac reliquæ civitates flagitantes præsidium acceperunt, partim a Megano, partim a Norcarmio ducibus. Idem Middelburgi, aliisque in Selandia urbibus. Idem Gröningæ ac Daventriæ, totaque Frisia factum ab Armbergio, provinciæ Præfecto: ut adeo nulla per Belgium urbs, oppidumve, nulla uspiam arx aut pagus fuerit, qui non certatim ejectis hæresum magistris, ac seditionum incensoribus, se Regis arbitrio clementiæque tradiderit.

Gubernatrix igitur ad ruinas reparandas intenta, stipendium, quo miles alatur, multæ loco civibus imperat. Alicubi, Antverpiæ præsertim, comprimendæ in futurum licentiæ arces designat. Sacrarum Imaginum violatores, ac seditionum auctores, quotquot inveniri poterant, quæstionibus habitis convictos supplicio affici, templa refici ex reorum bonis, aut publica civitatum rebellium pecunia, hæreticorum fana destrui mandat, tanta populorum in id festinantium contentione, ut Gandavi unius horæ spatio Lutheranismi templum, sane peramplum, solo æquatum sit. Alias profecto civitates, homines alios dices, qui paucis ante mensibus tanto hæreticorum partes susceperant studio.

Atque in hunc modum incendium illud, populorum offensionibus conceptum, hæreticorum flabellis eventilatum, æmulatione Nobilium enutritum, Geusiorum demum fœdere per Belgium omne seditionibus ac populationibus grassatum, Gubernatrix adeo distraxit, ut religione & obedientia ubique restituta, hæreticis aut pœna coercitis, aut solum vertere coactis, Geusis conjuratis partim in gratiam receptis, partim bonis ac patria exutis, atque ad manticam mendicitatemque redactis, universo demum Belgio pacem tranquillitatemque pristinam reddiderit.

Una res in tanta felicitate Gubernatricem angebat, quod Belgarum plurimos videret, non impetrata præteritorum venia, ac venturi ab Hispania exercitus metu perculsos, alio quotidie commigrare,

23.
Legati pro-
resistantium.

re, ingentique damno civitatum ad finitimos populos opificia & mercaturas, atque adeo lucra transferre.

Venerant in Belgium hoc anno (1567.) Legati Saxonis & Brandenburgici Septemvirum, Wirtembergici Ducis, Hassiæ Landgravi & Marchionis Badensis, a quibus supremam opem imploraverat hæres Belgica. Eorum ad Gubernatricem hæc fuit oratio: Professio nem Augustanam, Evangelio consentaneam, in Inferiore Germania libere complectendam esse: certe suppliciis non vexandam. Proinde a superioris Germaniæ Principibus rogari Gubernatricem, ne populos cætera innoxios divexari hoc nomine, Hispaniceque censura minis ac pœnis plecti patiatur. Responsum; quæ legati de Religione præmiserint; responsione indigna esse. Quæ pro excusanda rebellionem, impiorumque contumacia disseruerint, ostendere, Germaniæ Principes minus fidei habuisse litteris Hispaniarum Regis, ac Belgii Gubernatricis, quam seditiosorum hominum querimoniis, contra quos & expilata & everfa templa, & illata vis magistratibus, & excitati ad arma populi, magnam scilicet innocentiam contestentur. Proinde Gubernatricis nomine illos, a quibus missi essent, monerent, ut regnorum suorum curam Regi permitterent, neve per ea turbulentorum patrocinia turbas in alienis provinciis foverent.

ARTICULUS VI.

Status Belgii sub Duce Albano ab anno 1567.
ad 1573.

Restituta fuerat per Margaritham Eubernatricem Religio, totumque Belgium post fugatos aut subactos rebelles ad pacem compositum; cum immissus a Rege Belgii Gubernator nimia severitate ingentes deinceps calamitates invexit. Quæ res qua ratione contigerit, nunc breviter expediendum.

Rex catholicus alte in animum admiserat non solummodo Belgarum rebellionem, sed vel maxime ea, quæ adversus Religionem, cultumque sacrorum sacrilege patrarent. Unde, Margarithæ etiam hortatu, ipsiusque Pii V. Pontificis, statuit cum armato exercitu in Belgium proficisci, atque provinciarum statum ordinare (nisi, ut quidam volunt, tota hæc professionis scena ad simulationem fuerit composita.)

Ha-

Habito ea super re senato, Rodericus Gomesius a Silva, Ebo-
 li Princeps, intimæ apud Regem admissionis, magnæque in aula
 potentia, iter dissuasit; intempestivum, inquiens, esse, quietos ^{24.} Consultatio
 jam obloquentesque Belgas armis laceffere, simulque finitimos hæ-
 reticos ad opem ferendam irritare. Cavendum eo maxime loco
 belli civilis incendium, ubi prope adsint, qui illud alant. Quan-
 tumcumque ad eam diem peccatum a Belgis, a Regis sorore abun-
 de fuisse correctum: & si quid ultra vincendum, animos esse non
 corpora. At illos non armis, sed beneficiis expugnari. Id vero
 & clementia Principis accomodatus, & Belgarum indoli, de qua
 dictum a Carolo patre, nullos esse populos, (modo paterne habeantur)
 qui servitutis nomen magis execrentur, magis patiantur.

Contra vero Dux Albanus arma & ultionem unicum læsæ reli-
 gioni auctoritatieque Regiæ remedium esse contendebat; cæteris ar-
 tibus ac diuturna facilitate nihil aliud effectum, quam ut Regi obe-
 dientia, rebellibus timor adimeretur. Non tam rogasse quam postu-
 lasse Belgas, ut Hispanus miles Belgio excedat; hunc unicum es-
 se obicem publicæ tranquillitatis. Hoc impetrato num quievisse?
 an potius postulasse audacius ut Granvellanus a Gubernatrice late-
 re & rei publicæ clavo amoveatur? an placatos ea indulgentia?
 quin imo contra auctas sacrorum Antistitum præfecturas, contra
 restituta Cæsaris edicta, Tridentinas sanctiones, Pontificios quæsitores,
 improbis carminibus precibusque ac minis armatis insurrexisse.
 Hic etiam moderatione adhibita a Gubernatrice, quid obtentum,
 nisi ut votorum ubique compotes, obsequium parenti dediscerent,
 atque conjurationes, confederationes, rebelliones, defectionesque
 ubique moliti Divina omnia humanaque confunderent? Præmonstrasse
 profecto Carolum patrem, quid Belgarum ingenio esset accom-
 modatus, dum contumacem patriam armis restituit. Nunc vero
 non unius civitatis, sed provinciarum consensu gravissime peccatum
 in Deum & Regem. Nec quia rebelles in præsentia armorum metu
 conquiescant, minus ferocia animis inesse, resumpturos vires, ubi
 metum ultionis abjecerint; neque enim timorem diuturnum esse
 magistrum officii. Exploratum namque haberi, hæresin nunquam
 bona fide mansuescere. Sic ille pronus semper ad asperiora differebat.
 Atque in ejus sententiam cum Cardinale Spinosa plures ibant.

Rex audito senatu, deliberatum sibi pridem, ait, ire in Bel- Decernitur.
 gum, se tamen haud ante profecturum, quam præmisso cum dele-

Et exercitu Duce, qui affuturi Principis securitati ac majestati consulat. Eumque renunciat ipsum Albanum, veteranum Ducem, multarumque palmarum heroem inclitum, designatis ex Italia præsidiis militibus veteranis, quos tyronibus Hispanis supplet.

Margaritha
invita.

Gubernatrix certior facta de exercitu, ab Albano in Belgium deportando, deducere ab eo armorum apparatu conata est Regem, quæ nulli jam amplius usui, nisi rebus iterum turbandis forent. Belgium magna nunc pace frui, religione & obedientia restituta. Nec militem desse, quò hic status, uti partus sit, conservari queat. Multas jam opificum & mercatorem familias, audito externi militis adventu, alio migrasse, migraturas plures, ubi propius accesserit. Accedere indignationem populorum atque Nobilium. Prospicere se animo civile cruentumque bellum, in multas ætates inexpiabili contumacia continuandum, eaque occasione hæresin rursus instaurandam; rogare proin, ut Rex omisso armorum strepitu pacatus in Belgium veniat, rebusque feliciter compositis sapientia & autoritate perpetuitatem addat.

Copia.

At Rex ad confirmandam non turbandam tranquillitatem venturum militem asserens, ex præsidiis Insubriæ, Neapolis & Sardinia octo peditum, & duo equitum millia Albano attribuit, non magnum quidem exercitum, sed ex veterano bellisque indurato milite compactum, cui præstantes bello duces præfecit. Has copias Albanus per Pœninas Alpes in Allobroges, atque inde per Burgundia comitatum, in Helvetiam, & Lotharingiam in Belgium deduxit; easque Burgundiam transiens (incedente ad latera Gallo milite, ad fines tutandos misso) 400. equitibus Sequanicæ juventutis auxit.

Bruxellas ubi pervenit, Margarithæ Regis litteras obtulit, quibus Albano tribuebatur summa per Belgium armorum præfectura, integra rerum civilium administratione penes Gubernatricem. Remotis dein arbitris ampliorem sibi datam potestatem exhibuit, videlicet arces exstruendi, Magistratus ac Præfectos exauctorandi, præteritorum causas tumultuum cognoscendi, plectendique, atque alia agendi, pro re nata communicanda.

Margaritha laudavit Regis consilium, modo ita tractetur, ut pax adhuc recens, ceu tenera arbuscula non irritetur violentiori cultu. Ad Regem autem scripsit: tantum auctoritatis Albano tributum, existimationi suæ, tantum militum composito provinciarum statui multum officere. Jam enim ex iis, qui aut hospitiolum onere, aut veniæ desperatione, aut calamitatum metu, in Angliam, aliasque

que terras cum pecunia & suppellectili migrarent, numerari centena circiter hominum millia. Una re sustentari adhuc se populos, adventu Regis; quem, si differri contingeret, orare ex animo, ut se, nono jam anno Belgio moderantem, diuturna administratione absolvat. Id vero ut multo ardentius exposceret, Albani mox severitas effecit.

Is etenim praefecturam suam ab animadversione in suspectos aliquos Belgorum Proceres auspicaturus, eosdem Bruxellas ad ordinandam rem publicam evocat. Comparuerunt in ædibus Culeburgi-^{25.} Egmontius & Hornanus, (nam palatium Gubernatrici Albanus reliquerat) Arschotus, capti. Egmontius, Mansfeldius, Armbergius, Barlamontius, ac tandem etiam Hornanus, ab Egmontio inductus. Senatu finito, Egmontium seorsim vocat Albanus, quasi aliquid secreto locuturus. Tum *siste*, inquit, *Egmonti*: *custodiri te Rex jubet; ejusque nomine gladium pone.* Ille circumpiciens, cum armatos centuriones videret, gladium tradidit, addens: *& tamen hoc ferro saepe ego Regis causam non infelicitate defendi.* Nec plura fatus in conclave abductus est. Eodemque tempore Hornanus ab Albani filio, a quo velut honoris causa deducebatur, jussus est posito gladio in potestatem Albani, Rege ita imperante, sese committere. Statimque in aliam ædium partem a centurionibus traductus est: capto pariter Egmontii secretario, & Antverpiensi consule (anno 1567.)

Nuntium hoc Belgæ exceperunt tristi primum silentio, tum Albani artibus nimæque Egmontii fiduciæ irati, per eam Primorum captivitatem Belgium captum dixere, laudantes Orangii, Hochstratani, & aliorum fugam, puos Belgium liberaturos sperarent. Granvellanum vero, cum hæc Romæ audiret, sciscitatum ferunt ex nuntio, an captus quoque esset *Taciturnus* (sic Orangium nominabat) eoque negante, dixisse, uno illo retibus non concluso, nihil ab Albano captum. Excusavit per Balamontium & Mansfeldium apud Gubernatricem hoc factum Albanus, clam ea jussu Regis id esse susceptum, ne qua pars invidiæ in eam redundaret. At illa tristi nuntio percussa, atque Belgio metuens, instantius dimissionem suam a Rege petiit.

Dum sic præludit Albanus, petiit ab eo Carolus Galliæ Rex auxiliares copias adversus Hugonotos, rursus sibi bellum moventes. Gnarus ille Bajonensis colloqui, duo millia peditum Hispanorum, & mille ducentos equites, plerosque ex Artesiæ & Hannoniæ Nobilitate lectos Armbergio commisit, & Marchioni Villerio. Qui

Margaritha
discedit.

26.
Albanus ju-
dicia exer-
cet.

27.
Orangius
armatus in
Belgium.

Caroli copiis juncti, opera in pugnis aliquot egregiæ posita, apace dein inita, ab Albano sunt revocati.

Sub anni 1567. finem Rex forem Belgii gubernatione liberavit, litteris contestatus, dare se id ejusdem precibus, non commodo provinciarum, quas in summis temporum difficultatibus prudenter ac strenue gubernasset. Dicit non potest, quanto animi dolore id Belgæ acceperint, matris amantissimæ jacturam lamentantes, ingentes patriæ calamitates sub novo Gubernatore metuentes. At illa se Belgium fratris clementiæ commendaturam pollicita, translata in Albanum Belgii Præfectura, in Italiam ad Octavium maritum abiit.

Ferdinandus Toletanus Albæ Dux, cum plena jam potestate Gubernator Belgii, exstructa arce Antverpiensi, duodecim virorum consilium instituit, criminibus præcedentium tumultuum sine provocatione cognoscendis, concilium sanguinis vulgo appellatum. Citantur ad istud Guilielmus Nassovius Orangii Princeps, Lalinus Comes Hochstratanus, Florentius Palantius Comes Culeburgicus, Guilielmus Comes Bergensis, Henricus Brederodius, alique e Belgio profugi Dynastæ, ad Regii Procuratoris accusationes audientas seque de objectis criminibus purgandos. Sed illi misso ad Albanum libello negarunt, legitimum id esse tribunal Equitum aurei velleris.

Cum igitur præfixo die non comparerent, Albanus contumaciæ & majestatis reos pronuntiat, adjudicatis fisco eorum bonis. Simul Bredæ, Orangii urbi, præsidium Hispanum imponit, ejusque filium Philippum Wilhelmum, tredecim annos natum e Lovaniensi Academia in Hispaniam mittit. Culeburgii ædes, Geusii nominis natalem domum, funditus exscindi jubet, atque columnæ ibidem erectæ inscribi, ea in area Florentii Palantii ædes solo æquatas esse ob execrandam memoriam repetitæ in illa conjurationis adversus religionem, Ecclesiam Catholicam Romanam, Regiam majestatem ac patrias regiones. Concilium vero duodecim virale plurimos damnavit, quos quæstiores, aut templa aut sacras imagines violasse, aut conciones, confistoria, turbulentosve cœtus habuisse, aut in Regem, sive obscuris Geusiorum nominibus, sive indutis palam armis conjurasse, aut demum iis consilium, operam, aut vires præstitisse, compererant, (anno 1568.)

Orangius hostem jam professus, ratusque Belgas ab Albano irritatos armorum ducem expectare, obtentis a Protæstanticis Imperii Principibus, atque a Condæo Colinioque copiis, rem ita composuit, ut trinis simul in locis Belgium invaderet, & Hochstratano quidem Gallorum

Gallorum Belgarumque exulum Ductori Artesiam designavit, Ludovico & Adolpho fratribus suis Frisiam. Ipse Brabantiam sibi delegit. At Hochstratani a Sanctio Avila acie cæsi sunt. Gallos Cossæus, a Carolo Rege Albani rogatu immissus, vicit: ducibus eorum Parisiis gladio percussis: quod contra Regis mandatum contra Belgii Gubernatorem militassent: reddita sic Albano gratia.

In Frisia Arembergius, ab Hispanis coactus confligere, instaurato Bruti & Tarquinii Aruntis exemplo, mutuis cum Adolpho Nassovio vulneribus concidit, relicta Orangianis victoria. Deploratus summo opere Joannes Arembergius. Erat is ex familia Lignia, Barbanfonii Dominus ante appellatus, quam in Comitibus Arembergii nomen ex dote germanæ uxoris immigraret: belli, si quis alius, fideique præclarus: eoque donatus aurei velleris torque a Carolo V. atque a Philippo filio Frisæ, ac Transiselandiæ præfectus; postremo a Maximiliano Imperatore inter Imperii Principes adlectus. Successit ei in Frisæ præfectura Carolus Brimæus Comes Meganus.

Successus Albanus ira tanta jactura, expeditionem in Frisiam adversus Ludovicum Nassovium adornavit. Antequam tamen illam susceperet, ne quid interea propter nobiles captivos moveretur, legendum Belgis spectaculum dedit. Novem jam mensibus Gandaven-^{28.} Actio in Egmontium & Horna-^{29.} si in carcere custodiebantur Egmontius atque Hornanus: quo tempore Regius Procurator judicalem processum urgebat; quatuor mensibus sibi ad accusationem formandam probandamque expetitis, quinque reis ad defensionem relictis.

Objectum est illis, quod voluerint cum Orangio aliisque Nobilibus, excusso Rege a Belgii dominatu, provincias inter se parti-ri. Eo spectasse conatum ejiciendi Hispani militis ac Granvellani, qui eorum consilia inspexisset. Secretarium Egmontii, fœderis Geusiani socium, ab eo retentum, & ad omnia negotia adhibitum. Geusiis templorum populatoribus Egmontium in Flandria, sua provincia, non obstitisse. Hornanum, Tornaci Præfectum, adversus eos, quos Gubernatrix miserat, cum Geusiis conspirasse. Sacrorum violatores e Tornacensi carcere abire permisisse.

Utrumque vero (præter militis Hispani & Granvellani ejestio-nem) fœderatis, consistorialibus, mercatoribus, patronum se præstis-^{30.} tisse, pollicitos iis operam vitamque. Teneramundæ cum Orangio, Ludovico ejus fratre, Hochstratano, & aliquot fœderatis de aditu in Belgium Regi intercludendo agitasse, ac sæpe hujusmodi conven-^{31.} tibus interfuisse; Magistratibus civitatum, quarum ipsi Gubernato-^{32.} res

res essent, opem in sacrorum violatores poscentibus, eos non tulisse: mandata Gubernatricis adversus hæreticos, contra ipsius Gubernatricis mentem hæreticis explicuisse: templa eisdem ad conciones concessisse, aliaque (quorum plurima adjiciebantur) contraria hominibus, qui provinciarum Præfetti, senatorum intimi, velleris aurei sodales, subditique Hispano Regi essent, admisisse.

Ob quæ legitime objecta probataque (uti conficiebat procurator) ut in majestatis reos pronuntiandam esse sententiam, eosque fortunis & capite plectendos.

Exceptio.

Illi, præfati, nolle sibi fraudi esse, quod, ceu aurei velleris Equites a solo Rege & sodalibus collegis judicandi, in foro sibi non competente judicium subeant, pleraque negarunt, multa interpretabantur, aliqua recte facta asseriebant. Agitatum a se de mutando Principe constanter negarunt. De intercludendo Hispanis aditu in Belgium prolatum aliquid a Ludovico Nassovio in Teneramundano congressu, sed dissentientibus cæteris. Conjuratis, iconomachis, hæreticis a se aliqua permixta, sed necessitate & bono religionis, quam in Flandria 60000. qui armati ad conciones adibant, penitus extinxissent. In Granvellanum se jure commotos, uti provinciis perniciosum &c.

An vero hæc aliaque multa accusationis capita satis diluerint, non est in promptu definire. Populus Egmontium, sibi charissimum, innocentem habuit, Hornanum aliquanto magis gravatum. Hoc certum, eos non raro Gubernatrici se opposuisse, & cum Orangio atque fœderatis Geniis capita contulisse. Utcunque res fuerit, in utrumque, Gandavo Bruxellas advectum, Albanus, delegata sibi peculiari a Rege potestate, quam in torquatos equites exerceret, capitis sententiam Regis nomine tulit. Missusque Rithovius Iprensis Antistes ultimæ necessitatis adjutor.

Sententia.

Sabina, Egmontii conjux supplicem libellum ad Regem misit; in quo in memoriam revocat viri gesta fortia ac labores, quos ab anno ætatis 18. pro Carolo Cæsare, ipsoque Philippo Rege, in Algerianis, Geldricis, Gallicisque bellis, contempta toties morte pertulisset. Clementiam dein Regis obtestatur, ne velit infelicem matrem cum undecim innocentibus liberis, tanta cum jactura atque dedecore, miseram per gentes circumferri, exemplum extremæ calamitatis.

Ipse etiam Egmontius Regi epistolam scripsit, in qua testatum facit, se nunquam alienum a Rege habuisse animum, sed potius vitam centies pro eo fuisse profuturum. Ad preces deinde ultimas descen-

descendit pro conjuge, & liberis undecim; quōs gratiæ Regis & clementiæ commendat. Subscriptit: *Majestatis tuæ humillimus, fidelissimusque atque obsequentissimus subditus ac famulus, mori paratus, Lamoralis Egmontius.*

Uterque vitæ noxis apud Ipreensem per confessionem depositis, Executio. atque ad mortem diligenter præparatus, ferali in pegmate fortiter istum carnificis subiit. Utriusque capita geminis præfixa pilis duas horas spectaculo fuere. Corpora statim avecta in vicina templa, atque postridie cum capitibus ad eorum ditionem delata, catholico more terræ mandata sunt.

Ingens Belgarum odium sibi Albanus concivit, Egmontii præsertim, qui in omnium amoribus erat, cæde: erantque, qui dicerent, ea tunc primum stabilitas fœderatorum partes, præfagirentque, omne brevi Belgium in majores tumultus iturum. Fertur Gallicus legatus ad Regem suum scripsisse; *vidisse se in Bruxellensi foro decussum illum verticem, cujus virtute bis Gallia contremuerit*: clades indigitans illatas Galliæ ad S. Quintinum & Gravelingam: quarum prior mag. Elogium. na ex parte, posterior, quanta erat, Egmontio debebatur.

Decessit annos natus 46. relictis ex Sabina Bavarica, quam Spiræ præsentè Carolo V. duxerat, fæminis octo, maribus tribus. Ex sorore ejus, Comiti Vadamontio nupta, nata est Aloysia, Henrici III. Franciæ Regis uxor. Nobilitas familiæ pervetusta; potentia major, cum Geldriam Egmondani Duces possidebant. Cognomen ab Egmontio, Bataviæ oppido: ex quo Comitis appellationem semper retinuit Lamoralis, licet Gavræ in Flandria esset Princeps, a Carolo V. creatus aurei velleris Eques, a Philippo Flandriæ & Artesiæ præfectus. Vir plane, militia præsertim, magnus. Relicta filiis paterna bona.

Philippus Hornanus, aurei velleris & ipse Eques, 50. ætatis anno obiit. Nec minor ei Nobilitas, ex Gallica Mommorantium stirpe oriundo; cui rebus gestis se parem exhibuit, Præfectura Belgici maris & Prætoriani militis decoratus. Militiæ rudimenta sub Carolo V. posuit; cui ob Hornam, Casarei juris in Geldria oppidum, subiectus erat. Inde Comitum Hornani titulus; quamvis aliorum in Regiis provinciis oppidorum, arciumque potiretur. Desleri haud modice potuisset, si non Egmontius omnium lachrymas consumpsisset.

Damnati pariter majestatis cæsi que 23 alii Nobiles, inter quos Alii damnati. Stralius Antverpiensis consul, & Egmontii secretarius. Capitis etiam damnati Montinius Hornani frater, & Bergensis ad Zomam Marchio, qui in Hispania (quo uterque a Gubernatrice legatus fuerat) jam ante morere obierat. Berga & Montinium fisco addicta.

29.
Albanus in
Frissiam.

His ita peractis cum 12000. peditum & 3000. equitum, Albanus in Frissiam toto impetu raptus, adversus Ludovicum Nassovium, qui victoria ab Arembergio reportata ferox, pari ferme militum numero, cum Hochstratano & Schovemburgio, pedem ibi firmum posuisse est visus. Ubi lepidum illud accidit. Exploratores ab Albano præmissi, audito tympanorum strepitu visisque procul vexillis, festine recurrentes, hostem imminere nuntiant. Instruitur ad pugnam acies. Cum ecce! occurrit nuptialis pompa, qua Nympha rustica, agrestibus magno numero comitantibus in vicinum pagum ducebatur. Illico vertitur in risum pugna. Sponsa præteriens sclopetorum sono salutatur. Inde natum proverbium, ut procuratores, & exploratores, si reditum ad suos paulo meticolosius festinassent, interrogarentur, an sponfam viderint.

Gausios pro-
figat.

At magis serio res mox agi cœpta. Nassoviani castris, situ & opere ad Gemingam præmunitis, se continebant. Sed Albanus eos adortus, & castris exiit, & ingenti prælio fufos ad interneccionem ferme delevit, vindicato abunde Arembergio. Præda copiosa, impedimenta omnia, Nassovii, Hochstratani & Schovenburgii opima suppellex, præter signa complura ac tormenta in Hispanorum manus devenerunt. Minuit tamen victoriæ tantæ lætitiæ legionis Sardiæ furor, quæ, ut vindicaret sociorum nuper iis in locis cæso- rum cladem, multos circum circa pagos, igne supposito, concremarunt. Albanus revocata veterum disciplina Tribunum mutare militiam cœgit, ad gregarii militis conditionem redactum, sed paulo post gradui pristino restitutum. Redacti quoque in ordinem centuriones, subcenturiones, signiferi. Quorum plures militia abire malebant, quam ea affici ignominia. Sed non ideo compensata iactura, quæ ad decies centena florenorum millia ascendisse æstimabatur. Gröningam inde Albanus victor delatus, designatum loci Episcopum, & Meganum pro Arembergio Præfecturam provinciæ accipere iussit.

Novumque
Orangii ex-
ercitum.

Cæso fratris exercitu Orangius cum majori copiarum numero, in Germania a Protestantium Principibus collecto properabat. Erant eo in exercitu viginti octo millia: sexdecim peditum Germanorum millia, equitum octo: equitum Gallorum Belgarumque duo millia, totidem prope peditum. Et Germanis quidem legionibus quadrimestre stipendium sponponderant Septemvir Palatinus, Dux Wirtembergiæ, & Argentoratum. Belgis autem & Gallis tria talerorum millia in singulos menses promisit quidam Hispanus Antverpiæ mercator. Equitatum vero alendum in se susceperant, partim Oran-
gius

gius ac frater, partim ipsi equitum Ductores, Casimirus Palatini filius, Comes Schwarzenburgicus, duo ex Ducibus Saxoniae, Hochstratanus, & Lumejus Comes a Marca, homo Catholico nomini infensissimus barbaro atque impio voto obstrictus ad eorum lanienam.

Cum his copiis & viginti campestribus tormentis Orangius opinione celerius transmissio Rheno ad Mosae ripam haud procul Traiecto castra posuit, ingentique Belgium aut timore aut spe complevit. Albanus, numero licet minore multo instructus, dissimulato metu, augenti hostium vires, conspiracyonem Principum, Daniae quoque & Angliae auxilia, respondit cum Hispanica gravitate, quantumcunque sit illud fœdus, non tamen magnopere esse extimescendum; eo quod contra illud Rex longe majus iniurit; convenisse siquidem cum Hispaniarum Monarcha Reges Neapolis, Siciliæ & Sardiniae, convenisse Insubriae Ducem, Burgundionum & Belgarum Principem: præter Peruvii, Mexici, & Philippinarum Reges.

Major illi a Belgis metus, quibus invisum se sciebat, ne cum Orangio arma conjungant. Movit nihilominus ad Traiectum transitu Mosae hostem prohibiturus. At Orangius celeritate usus fluvium, vado invento, nocte trajecit, atque Albano pugnae copiam obtulit. Verum ille, expetentibus licet prælium Ducibus, providens *Cunctando.* animo, tanto hostium numero haud diu stipendia & alimenta sustentura, quam minimo suorum periculo damnoque agendum ratus, suorum ardorem repressit. Quotidianæ tamen intercesserant velitationes. In una ex istis Vitellius castrorum Præfectus fugatus est, doluitque maxime, quod equa, quam perniciosissimam habebat, esset sauciata. Altera die congressus cum aliquot hostium turmis, 400. eorum interfecit, præter plaustra complura militari suppellectili instructa, 150. equis ad Albanum abactis, *en, inquit, quot equos una mihi equa peperit.*

Idem Vitellius, cum hostis Betam amnem transmitteret, res suas in citeriori ripa copias aggressus, iusto ferme prælio vicit, cæsis duobus eorum millibus, captisque non paucis Nobilibus. Sed Orangio maxime doluit iactura Antonii Lalinii Hochstratani Comitum, qui globo trajectus, paulo post catholicum fidem publice professus, obiit. 150. Orangiani milites cum domo, in quam se constituerant, igne injecto misere exusti sunt. Ex Regiis 80. cecidere. Censebant Duces eo die debellari potuisse, si Albanus cum toto exercitu in hostem movisset.

Et licet ad Quercetum prælio plus quam velitari damnum ut-
cunque compensarit Orangius, Hispanis aliquot fugatis signis, mul-
tisque cæsis, & Hugonotorum etiam accessu auctus esset; quia ta-
men Albanus perpetuo illi ad latus incedebat, nec tamen ad pug-
nam decretoriam adigi poterat, annona deficiente, ac milite, ob
stipendia non persoluta, insurgente, statuit, Condæo bellum in Re-
gem reparanti se adjungere. Verum a Cossæo Galliæ aditu prohi-
bitus, milite partim dimisso, partim in Germaniam reducto, Bel-
garum aliquos metu liberavit, alios spe destituit. Ita nempe Fa-
bius ille cunctando, modico suorum damno ferocientem fregit Han-
nibalem, licet huic quoque Dictatori suus non deesset Magister
Equitum, qui cunctationem incusans prælium deposceret. (anno
1568.)

Missæ Galliis
suppetiæ.

Albanus hoste Belgio ejecto, duo millia equitum, tria peditum,
Ductore Ernesto Mansfeldio, in Galliam adversus Hugonotos mi-
sit, gratiam relaturus Regi Carolo, quod Orangium pro hoste ha-
beret. Erantque suppetiæ istæ pars magna Monconturianæ victo-
riæ. Ipse vero Albanus Bruxellas triumphanti similis ingressus, a
Pio V. Pontifice galero & gladio, auro gemmisque distinctis dona-
tus est. Sed dum trophæum superbum ex ære conflatum sibi in
arce Anverpiensi erexit, Belgis indignationem, Hispanis risum
movit.

30.
Novum tri-
butum irri-
tat Belgas.

Sed nihil æque odium ipsi, ac Hispano nomini universum cumu-
lavit ac novum tributum, ea lege Belgis impositum, ut rerum
mobiliū, quoties venderentur, decima, immobilium vigesima,
omnium vero centesima semel a Belgis penderetur. Sic enim ex-
hausto arario & provinciarum securitati provideri posse. Ordines
eam ob causam Bruxellis coacti, quod ad decimam attinet, repu-
gnabant. interverti eo tributo commercia, præcipuum Belgii ali-
mentum. Pro eadem re sæpius decimam solvendam fore, pro la-
na, pro filio, pro textura, pro tinctura, pro pannis ac tapetibus
venditis: ideoque auctis in immensum rerum necessariarum pretiis,
absterrendos opifices, mercatores, emptoresque, alio potius migra-
turos, cumque extrema perniciæ egestatem provinciis relicturos. Sed
nihil effectum apud armatum, victoremque militem meliorem, quam
Gubernatorem. (anno 1569.)

Cum igitur hinc excusationibus & libellis supplicibus, illinc
edictis & minis diu certatum esset, Albanus contumacioribus ali-
quot

quot civitatibus privilegia ademit, aliis præsidia imposuit, omnibus metum injectit. Quo factum, ut provinciarum pleræque centesimam confererint. Utque promptiores faceret Belgas, recitato publice in foro Antverpiæ maximo Regio diplomate præteritorum veniam & oblivionem promulgavit. Sed tot insertæ erant exceptiones, ut spes & expectationem populorum nullatenus impleret. (anno 1570.)

Decimarum exactionem suspendit deinde nova calamitas. Nam intumescens Oceanus, atque aggeres aut demolitus, aut etiam alibi supergressus, inaudita eluvione contextit aliquot Selandiæ in-Eluvia. sulas, magnam littoralis Hollandiæ partem, totamque ferme Frisiam, strage non fortunarum solummodo lamentabili, sed hominum quoque vel in solo Frisia viginti millium, quos mare accessu recessuque juxta sævum hausit; non alia oculis oblata imagine, quam Noetico diluvio naufragantis terrarum orbis. Suspensa igitur tantisper propter calamitatem istam decimalis tributi exactione, posteaque resumpta nova edictum moderatione temperatum, molliumque Bruxellenfis promulgat Albanus, nihil ultra mutaturus. Sed illi conjunctis adeo studiis repugnarunt, ut clausis officinis intitores, tabernarii, & opifices ab opere cessarint: quorum aliquot præforibus tabernarum suspendi jussit. Jamque miles in armis, lictor cum laqueo præstus erant: cum nuntius de Brila a Geusiis capta, tanquam Deus e machina, funestæ tragiæ nodum ac laqueum repente solvit. Nam perculsus inopinata clade Albanus, omittit tandem odiosam quæstionem, duos ipsos annos non alio fructu agitatum, quam ut aucto Hispanorum odio, provinciarum defectionem traheret: prout modo narratum ibo.

Continuatio

Ejusdem Historiæ:

ORangius ambitiosæ atque hæresi infectæ mentis Princeps, jam tum, cum Philippus Rex, Belgio discessurus, Margaritham fororem Gubernatricem dixerat, spe Belgii Præfecturæ dejectus, imperium quoddam meditari visus est. Pacatis autem rebus id assequi non poterat. Concitavit proin fovitque, tractis in partem primoribus populisque, illas Hispani militis, Granvellani, Episcoporum, Inquisitionis, Concilii Tridentini turbas. Quibus tamen Regis indulgentia compositis, ultra progredi non est ausus, dissimulandi tacendique insignis artifex. Juramento dein fidelitatis a Margaritha exacto,

auditoque Hispani militis adventu, haud dubie non optime sibi conficius in Germaniam secessit, occasionem expectaturus, qua consiliis suis eventum daret.

31.
Orangius
Geusios in
partes trahit,

Et invenit illam, Albano judicia in alienatam Nobilitatem exercente, ubi ipse in reorum numerum relatus, damnatusque, personam quam egerat, posuit, & communem, ut videri voluit, causam cum privata conjunxit, atque arma induit palam: provincias, ubi tanto exercitu armatum se ostenderet, ad se defecturas ratus. Verum, cum illæ quiescerent, victus Albani cunctatione, atque in Germaniam regressus, nihil optatius habuit, quam illam decimarum exactionem, haud ex vano sibi persuadens, licet paucorum Nobilium supplicia non tanti fuissent roboris, ut se civitates sibi conjungerent, tributorum tamen novitatem, tanquam causam omnibus communem plus roboris habituram: atque recenti hoc & communi odio ardesciente tempus adesse opportunum maturandæ rebellionis, fundandique, quem diu moliebatur, dominatum. Imminens igitur occasione, firmatusque occultis plurium civitatum consiliis, ad defectionem jam spectantium, lecto per otium milite, eas Belgio faces intulit, quæ deinceps nullo annorum spatio, nullis concidentium urbium ruinis opprimi, nullisque cruoris fluminibus extinguï possint.

Cœptum est a Batavico mari bellium, quasi jam tum vires suas præferrent. Quum enim Orangius urbem aliquam munitam aut portum primo occupandum duceret, ex quo bellum circumferret, sciretque, Geusios, tam *Urbanos* (qui in urbibus degebant) quam *Sylvæstres*, atque *Aquatiles*, occasionem, qua deficerent, opperiri, cum his ultimis fortunam tentandam ratus, felici rem audacia confecit.

Horum Dux fuit Guilielmus Comes a *Marcha*, Lumæi dominus, juratus religionis hostis, odiumque in Albanum professus, depictis decem in vexillo monetis, ad decimi nummi memoriam invidiamque militibus altius imolantandam. Commilitones illi primi fuerunt *Lancelotus* Brederodii filius nothus, Guilielmus Treslongus &c. quibus mandaverat Oranguis, prædatoris navibus oram Hollandiæ ac Frisiæ infestam haberent. Illi Hispanorum odio & prædarum cupidine; quarum quintam partem Orangio pendebant, piraticam exercebant, donec vi tempestatis in Vornam Hollandiæ insulam appulsi, ac pro mercatoribus habiti, discrimine in audaciam verso, anno

1572. *Brilam* insulæ portum capiunt, eundemque, nulla in res fa-
cras & personas Ecclesiasticas crudelitate omiſſa, communire aggre-
diuntur. Brila capta.

Albanus re nuntiata, timore equidem percussus, sed eo dissimu-
lato, dixisse fertur: *nihil, nihil*: quasi diceret, id nihil esse ducen-
dum. Unde Batavi illum dein versiculum cecinere: *Crevit in im-
mensum, quod fuit ante nihil*. Accurrit quidem cum aliquot signis
comes Bossuvius Hollandiæ Præfetus, sed repulsus est strenue, ali-
quot etiam ejus navibus incensis. Albani vero statûæ ob Brilam
captam conspiciat ad ludibrium naso imposuerunt, ad Germanicam
vocem *Brillen* alludentes.

Ad captæ insulæ famam, mirum profecto, quanta per Belgium Mutata re-
sum facies.
subito mutatio sit facta. Quippe civitatum complures fœderatis
ultra favere, aliquæ etiam invitare, aliæ nec Albanum pati nec a
Rege deficere. Dordracum Hispanis portas occlusit, sparso rumore,
ad decimum nummum exigendum eos venire. Flissinga Hispanum Defectio.
præsidium vi ejecit, Alvaro Paceco Hispano Tribuno suspendio ne-
cato. Moxque, Amstelodamo excepto, omnis ferme Hollandia &
Selandia defecit, atque Lumæio curante Orangio fidem juravit,
hæresi utrobique prædominante.

Tantaque mox hæreticorum multitudo spe prædæ ex Ecclesia-
rum bonis capiendæ confluit, ut quatuor intra menses in portu Flis-
singano 150. navigiorum classis instructa staret, Hispanosque sæpius Initia Rei-
publicæ.
aggressa, superior plerumque evaderet; ut jam tum maritimæ per
Oceanum potentiæ prælusisse videantur. Hæc etenim sunt cunabula
ex tenuibus initiis enatæ potentissimæ per orbem Reipublicæ. Mox
quippe eadem procella Zutphaniam, Transiselandiam, Frisiam, Gel-
driam, rapuit, urbibus partim vi a Comite Bergensi, Orangi affi-
ne captis, partim metu aut sponte deditis. Hoc nempe decimæ pre-
tio emptus est Orangio provinciarum Principatus.

Sed nihil Albanum æque percussit; ac montes Hannoniæ a Ludo-
vico Nassovio ope Gallorum capti, Colinio Carolum Regem urgente,
ut Nassovius in Belgio succurrat. Simulavit id Rex, ut feras in cas-
ses agat & meditatat rebellium Hugonotorum cadem perficiat. Al-
Urbes captæ.
banus Gallorum metu omiſſis maritimis provinciis, filium suum Fe-
dericum ad obsidendos Montes misit. Qui Hangestum, quem Coli-
nius ad solvendam obsidionem cum delecto milite submiserat, acie
profligavit, cæsis Gallorum mille ducentis, captis vero cum ipso
Duce

Duce sexcentis. Hispanorum triginta duntaxat desiderati scribuntur. Fugitivæ Gallorum reliquæ a rusticis trucidatæ sunt.

Orangius, ut fratri Montibus obseffo, succurrat, 6000. equitum, 11000. peditum, transmissis Rheno & Mosa, Ruremundam expugnat. Teneramundam, Mechliniam, aliasque urbes aut deditio-
ne occupat, aut pecuniâ multat. Et profecto miserum, si unquam, ea tempestate Belgium fuit, quatuor hostilibus exercitibus, terra marique pressum. Quum provinciarum maritima Lumæius, Gallis finitima Nassovius, Germanis contermina Bergenfis, media Orangius vexaret, urbes direptas cædibus complerent, nullius ætati pudorique parcerent, in sacra præsertim ac sacerdotes furerent, eosque quæsitis ad ignominiam suppliciiis barbare trucidarent; Lumæio præsertim Geusiorum immanissimo sacerdotum carnificinam ubique instructe, Belgis se in plures ac truculentiores dominos incidisse lamentantibus.

Sed Orangius spreto interim civitatum odio, Brabantiam direptionibus emensus, in Hannoniam properavit, obseffam urbem liberaturus; sed Albani castra ita munita invenit, ut ea perfringere nullatenus posset. Audita subin Parisiensi Hugonotorum cæde, animo consternatus Delphos in Hollandiam, frater Ludovicus urbe dedita Dillenburghum in Germaniam recessit. Albanus vero Montibus receptis, quidquid Orangius in Brabantia & Flandria occupaverat, recuperat majori celeritate quam clementia: oppidorum aliis pecuniâ multatis, aliis licentiæ militum permixtis; quorum furorem Mechlinia elegans & opima civitas tridui populatione pertulit: eo solo relicto solatio, ut prædam, vili pretio a mercatoribus Antverpiensibus emptam, a sacerdote Societatis Jesu ad id persuasis, eodem posset redimere: viginti millibus recuperata suppellectili, quæ centum millibus constaret. Cum autem hæc direptio magnum Albano constaret odium, is causam contulit in Mechliniensium perfidiam, qua paulo ante Regium præsidium recusarint, ut necessitatem se Orangio dedendiposset obtendere.

32.
Harlemi expugatio.

Interea Federicus, patre adhuc severior, Zutphaniam captam direptioni militum pariter permixtis; tantumque reliquis circum provinciis terrorem incussit, ut Bergenfis fuga dilapso, mensis unius spatium omnibus oppidis sit potitus. At vero crudele Harlemi excidium adeo Hollandos irritavit, ut extrema maluerint pati, quam in Albani iussa concedere. Certe Harlemum, rejecta venia ab Federico oblata, religione veteri palam exuta, direptis templis, sacrisque omni-

omnibus contaminatis, octo mensium obsidionem pertulit, ea pertinaci, ut Federicus deditione desperata recessisset, nisi pater significasset, si locum defereret, se, lecto licet decumbentem, in castra venturum, aut certe accersiturum ab Hispania ipsius matrem, quæ filii partes impleret.

Quamvis autem eo convitio accensus juvenis omnes adhiberet machinas, oppidani tamen tanta pertinacia se obfirmabant, ut novis in dies contumeliis Hispanos irritarent. Cum enim isti caput in urbem projecissent cum elogio: *Caput Philippi Coninx, qui liberando Harlemum cum bis mille auxiliariis venit.* Iterumque aliud cum titulo: *Caput Antonii Pictoris, qui Montensem urbem Gallis prodidit:* illi captivis undecim Hispanis obtruncatis, eorum capita dolio inclusa noctu in castra devolvunt, cum inscriptione: *Albano Harlemenses, ne ob decimum nummum, adhuc non solum, bellum persequatur, decem capita persolvunt, ac pro usura dilata solutionis undecimum superaddunt.* Acceperunt impia ludibria, dum sacri operantium vestibus induti aras, in mœnibus erectas, supplicantium more circumeunt, hymnos in despectum concinentes. Mox stramineas sacerdotum, monialium, & Hispanorum icones flagris cadunt, confodiunt, amputatisque capitibus in castra projiciunt.

Sed non impune sacrilegis ludionibus illa fuerunt. Nam ex eo res eorum in pejus ruebant, donec fame consumpti, dedita tandem urbe arbitrio victoris, sensere ultorem Deum, variis suppliciis a Federeco necati, ut vindicaret quatuor Hispanorum millia, in ea obsidione amissa. Harlemenses in usum revocaverant columbarum ministerium, litteras ad Orangium deferentium. Fœminæ non minus ac viri pugnabant. Eodem tempore Sancerra in Gallia expugnata. obsidione & pertinacia in omnibus persimili.

Fatalis etiam hæc obsidio fuit primis sociis, qui Brilam ceperant, nam Lancelotus Brederodius interemptus est, Guilielmus a Marca Lumæi dominus, catholicorum tortor, in exilium actus ab ipso Orangio, quod culpam Harlemensis obsidionis non solutæ in ordines conjiceret, stipendia maligne suppeditantes, atque propterea arma illis minitaretur. Compertus etiam aliquid contra Orangium moliri, libertatis auctorem licentius se efferens. Post quatuor annos adversus Joannem Austriacum arma resumens, victus Gemblacensi pugna, Leodium fugit, ibique interiit, rabidi canis morsu, immanis sacerdotum carnifex.

Compensarunt utique jacturam fœderati navali prælio, quo captus est Bossuivius, Hollandiæ, Selandiæ, & maritimæ Belgarum

oræ præfectus, prætoria ejus navia reliquis disjuncta post diuturnum certamen superata. Sed Hispani vices reddiderunt in Hollandia Australi: ubi expugnatis aliquot oppidis ad Hagam Comitibus ceperunt *Marnixium Aldegundium*, primariæ apud fœderatos existimationis virum, Ducemque præclarum. (anno 1573.)

39. Venerat interea in Belgium a Præfectura Insubria Requesenius, Requesenius. novus Belgii Gubernator, a Rege, severitatem Albani, atque ortas ab ea defectiones fortassis improbane, eidem substitutus. Albanus igitur cum filio, tradita Requesenio gubernatione & exercitu in Hispaniam rediit, Belgium totum turbatum relinquens, quod a Margaritha Parmensi pacatum invenerat. De ejus abitu varius apud Belgas sensus; afferentibus quibusdam (quod de Augusto dictum fertur, aut nasci eum non debuisset, aut non mori) aut advenire non debuisset Albanum in Belgium, aut eo tempore non avocari, quo nulla amplius lenitate O. angii & ordinum Hollandicorum cœpta emolliri poterant: nec ab alio melius curari vulnera, quam qui illa intulit: dato documento, dum Orangium bis vicit bis a provinciis vel cunctando depulit.

Discessus Albani.

Elogium.

Exceptus quidem in Hispania a Rege perhumaniter Albanus, sed postea Uzedom ab aula relegatus, eam tempestatem mira animi æqualitate excepit, major visus dum jaceret, quam dum fortuna favente staret. Crediderim ego, nunquam excidisse eum Regis animo, vi-ri merita æstimantis, sed datum aliquid Belgis, ut punitus videatur. Nam postea Henrico, Lusitanorum Rege mortuo, ad Regnum illud armis capeffendum Albanum elegit, mirantibus pluribus, quod homini, ob sex annorum exilium irritato eam provinciam, quam summi momenti ducebat, demandasset. Imo Albanus ipse dicebat, non sine fastu, admirari se, quod ad Regnum subigendum opus Regi fuerit catenato Duce.

Et implevit spes Regis. Quippe bellum summa fide administravit, Lusitania eidem parva. Sed brevi post (anno 1582.) Ulissipone, alloquio Regis sæpius recreatus, febri obiit, a Ludovico Granatensi, Illustrissimi Prædicatorum ordinis viro toto orbe celeberrimo, pie morientium sacramentis rite munitus (anno ætatis 47.) Vir plane magnus, qui eam, quam a majoribus suis acceperat, militarem gloriam magnis incrementis auxit. Certe Ducum nullus ea tempestate tamdiu tamque variis in locis arma tractavit. Quippe Cæsaris Caroli ejusque filii auspiciis, in Germania, Hungaria, Africa, Italia, Belgio, Lusitania, maximis expeditionibus præfuit, victus nunquam, ubi præfens adfuit; cunctatione plerumque assuetus vincere. Nec minor

ei splendor generis, quippe cujus avus Federicus Ferdinandi catholici consobrinus fuerat: qui & Granatense bellum feliciter confecit, & Navarra Regnum Hispaniæ Regique suo adjecit.

ARTICULUS VII.

Status Belgii sub Præfectura Requesenii ab anno 1574. ad 1576.

Ludovicus Requesenius, magnus Equitum S. Jacobi in Castellæ Provincia commendator, a Mediolanensi ad Belgicam Præfecturam a Rege translatus, quum civili juxta ac militari prudentia esset instructus, mira insuper ingenii facilitate, emendatis Albani vitiis, reducturus Belgium ad pacem sperabatur. Nam & militum licentiam coercuit, & quo magnam apud gentem gratiam iniit, geminam Albani statum sustulit.

Sed Orangium, maritimis provinciis incubantem, ambitionis vela altius jam provexerant, quam ut asperitate aut clementia ad obsequium reduci possent. Quin inspestante in littore Requesenio, navali prælio victor, *Middelburgum* Selandiæ caput, expugnavit. Verum Hispani duce Sanctio Avila vices reddiderunt campestri pugna, cum Ludovico Nassovio ad Mochemum pagum conferta. Adduxerat is e Germania septem millia peditum, quatuor equitum. Hunc exercitum aggressus Avila, totum ferme delevit: cæso etiam ipso ductore Ludovico Nassovio, homine feroci & ex præcipiti impetu bellare solito, ejusque fratre Henrico. Cum quibus cecidit Christophorus Palatini Septemviri filius. Signis, tormentis, castris, omnique præda, paucis desideratis ex suis, victores abunde sunt potiti: præcipuum victoriæ decus singulis nationibus, Hispanis, Italis, & Belgis sibi attribuentibus.

Tam prosperæ victoriæ fructum atrox Hispanorum militum seditio plane perdidit. Stipendia pluribus diu non fuerant persoluta. Hæc implacabiles exposcebant. Cumque tunc solvi non possent, spreto Ducum imperio, quin arma in eos obvertentes, Ducem ex suis creant (quem *Electum* dixerunt) atque partiti inter se belli munia instructo agminibus ne Antverpiam petunt. Requesenius mittit obviam, qui solutionem promitterent. Sed his spretis, P. Trigoso Hispano S. J. placare eos conanti respondent: numeraret prius pecuniam; mox concioni attentos habiturum. Satis jam datum verborum. Ducum arbitrio eundem adversus ignea tormentorum ora, in vulnera & mortes: fossas, si desint

34.
Middelburgum amittit sum.

Victoria Hispanorum.

Seditio militaris.

virgultorum fascēs, suorum aggestu corporum exaquandas. An licere Duci militum animas in boras exposcere, non licere autem militibus a Duce alimenta vitæ exposcere? Ita frementes Antverpiam ad tria millia ingressi sunt; atque ante curiam collecti juramento spondent, Electo se obtemperaturos, nec quieturos, donec stipendia ad assēm usque numerarentur, Requesenio vero denuntiant, nisi ab eo illico solvantur, se sibi arbitrato suo soluturos. Conquisita tandem pecunia placati, liberales se in pauperes, Religiosos, & cives exhibuerunt.

Lugduni ob-
sidio irrita,

Nec tamen fidendum ratus Gubernator, venia data, omnes ad obsidionem Lugduni, ab Albano superiore anno inchoatam, misit, Ductore Valdesio; qui expugnatis hostium munitionibus, & intercluso comœatu, extremam prope necessitatem urbi indixit. At præsidarii deditionem poscenti ferociter respondent: *Alimenta sibi non defutura; donec laevum brachium vestaret: hoc eluvos, dextero ad tuendam libertatem reservato.* Valdesius festinatis per iram accessibus eo devenerat, ut impetu haud dubie capi urbs potuisset, nisi in gratiam Hagensis fœminæ amasiæ suæ rem distulisset, damno nunquam reparando. Nam finitimi populi, ubi Lugdunum propediem dedendum intellexerunt, perfossis fluminum marisque aggeribus, aquarum eluvione vicinos circum campos sepeliunt, & undique armatis navibus adveſti cibaria urbi inferunt. Cumque campeſtre hoc pelagus magis semper magisque intumesceret, Hispani subtracturi se hostili elemento, obsidionem quarto mense protractam deferere coacti sunt, culpa Valdesii Ductoris, amore fœminæ aggressionem differentis. Nec fuga ipsa sine clade fuit: insequente eos in navigiis hoste harpagonibus, uncisque armato, quibus fugientes fauciabat, & in naves suas trahebat. Ubi Ciaconii subcenturionis facinus memoria dignum est. Is uncis in navem pertractus, arrepta securi tres Geusios maculat, reliquisque in aquas defilientibus, navigium frumento onustum ad socios, qualecunque victis solatium, deducit.

Altera sedi-
tio.

Auxerunt calamitatem Hispani milites altera seditione. Quippe spe Lugdunensis prædæ frustrati, stipendiorum loco destinata, Valdesium, ceu dilatæ oppugnationis reum capiunt, & substituto in ejus locum Electo, constrictum Ultrajectum deducunt, aggressique Regiam urbem non ante sedari poterant, quam a Requesenio repræsenterentur stipendia. Sed amissum iterata seditione & Lugdunensi fuga decus repararunt, expugnatis pluribus in Hollandiæ & Geldriæ finibus oppidis & castellis, Auxitque animos Hannibal Comes Altempſius, Pii IV. ex furore nepos, factis sub Carolo & Ferdinando Cæsaribus, atque Philippo Rege

Rege stipendiis in Germania, Italia, Belgio, & Africa, Dux veteranus: qui legionem quatuor millium ex Germania adduxit.

Requesenius his auxiliis recreatus, in Selandiam, quam hostibus a continenti magnam partem exclusis, animadverterat esse per-^{35.} fugio, expeditionem decrevit, terrestri militia Sanctio Avilæ, mari-^{Expeditis} tima Mandragonio, universa vero præfectura Vitellio commissa. Re-^{Selandica,} bus itaque impigre curatis, milites Antverpia solventes secundo Scaldi, Bergas ad Zomam, inde in Tolam insulam, ex hac in Duvellaniam hostili præsidio validam, mare vadofum pedibus tranando pervenerunt, multis aqua haustris, multis hostium armis. Oforius Ulloa cum sua cohorte, ubi terram attigit, videns necessitatem vincendi aut pereundi, superato aggere, pugnaque conferta, victor insula potitur: ac deinde etiam Scaldia, expugnata Zirizæa, insulæ capite. (anno 1575.)

Obiit in ea obsidione Chiapinius Vitellius, Italus, militari do-^{Vitelli} mo natus; quem bellis adversum Turcam jam exercitum Ducem stre-^{mors & cie-} uum, Albanus ceu castrorum præfectum in Belgium secum abdu-^{gium.} xit, magnasque sæpe res per illum gessit. Is, licet obesitate corporis esset prætumidus, singulari tamen agilitate valebat. Cum autem incrementum abdomine adeo, ut fascia e collo suspensa sustinendus venter esset, immodice projectus, videret, se tardiores reddi belli munia, ad quæ omnia referebat, vino sibi interdicto, acum bibere ad finem usque vitæ perseveravit, effecitque, ut deumefcente gravi saburra, laxataque pelle, qua ceu thorace se involvebat, octoginta septem librarum pondo decrevisse compertus uerit. Sed quantum militiæ Italicæ gloriam auxit, tantum pudiciæ famam imminuit.

At majorem Vitellio Belgium mox virum luxit, ipsum videlicet Gubernatorem Ludovicum Requesenium; in quo paterna Zunicæ^{Mors Reque-} senil.^{senil.} omus, & materna Requeseniæ (unde dominatus & nomen) deora collecta sunt. Is in maritimo adversus Ottomanum bello moderator Joanni Austriaco a Philippo datus, Maurico dein bello applicitus, cum belli pacisque artibus præstaret, primum Insubriæ, mox Belgii Præfecturam iniit. Nec infeliciter eam Provinciam gessit, ejus gesta, ad ea, quæ præbant in Belgio, & quæ subsequuta sunt, referre placeat. Nam sapius Victor, pluribus locis ab hoste recuperatis, contractiores multo debilioresque, quam invenerat, hostium vires reliquit; majora acturus, nisi milites, importunius quam iniquius stipendia deposcantes, intra biennium ter aut quater

seditione renovata, viſtorias ipſi ſuas corrupiſſent, & Gubernatoris ſui fatum acceleraſſent. (1574.)

Duo tamen ei vitio data; & quod ad motus ſeditioſorum militum compedeſcendos Belgarum populis arma conceſſerit, ægre in poſterum adimenda: & quod, dum Mediolani Gubernator eſſet, durius & iniquius, quam decebat, & oportebat, ſanctum Carolum Borromæum habuerit. Cæterum, antequam decederet, Barlaumontium nominavit Belgii Gubernatorem, Mansfeldium vero armorum Præſectum, ſed quia, antequam tabulæ ſignarentur, obiit, nulla eorum eſt ratio habita manſitque pro gentis more penes principium ſenatum Belgicæ adminiſtrationis procuratio, quoad Regi videretur.

36.
Senatus ar-
ripit regi-
men.

Neque Rex abs re putavit fore, ſi dilata paulum miſſione novi Gubernatoris, Belgis interea Belgium gubernandum relinqueret, ea duſtus ratione, Belgarum Proceres traditam ſibi Rempublicam curaturos attentius, quamque toties exquiſierant a Rege, medicinam per ſe ipſos adhibituros: præſertim, quod ſenatorum præcipuos, Arſchotum, Mansfeldium, Barlaumontium, Viglium, Religioni ſibi-que addiſtos non ignoraret. Sed eam gubernationem plurimum obuiſſe & Regi & Belgio, ſecuta inde provinciarum pernicies luculente oſtendit.

Seditio mi-
nima.

Nam Orangii occultis artibus inter ſenatores orta diſſenſione, alii Hiſpanienſes, Patriotæ alii dicebantur, plauſibili patriæ libertatis titulo prævalente. Præſertim vero Brabantix & Arteſiæ deputati ab Orangianis corrupti in abdicationem externi militis vehementer laborabant, ut iis dimiſſis, prout ſub Margaritha factum, Belgium pro libidine miſcere poſſent. Hiſpani milites, qui in Scaldis & Duvelandia ad præſidium relictæ fuerant, his auditis, in quartam jam ſeditionem verſi, relictis paucis duntaxat Zirizæ Walonibus, utramque inſulam, tanto labore ac ſanguine nuper occupatam, deſerunt, & in Brabantiam effuſi ſtipendia ferociter poſtulant.

Et annuebant plerique ſenatorum, ut ſolutis ſtipendiis quiete conſulatur. At ubi Brabantix & Arteſiæ deputati, dudum ab Orangio empti, interceſſerunt, inopiam ærarii queſti, Hiſpani Aloſtum intercipiunt (ſuſpenſo extra portas Regio Miniſtro) eam urbem pignoris loco retenturi, donec integra ſtipendia repræſententur. Quo nuntio audito Bruxellenſes in furorem rapti Hiſpanos tota urbe ad necem conquirunt. Senatus vero decreto Hiſpani milites, quæ

Alo-

Alostum invaserant, rebelles, hostesque patriæ ac Regis renunciuntur, ^{Alostum capiunt.} Quo exemplo complures Brabantiae & Flandriae civitates, quod eadem se timere dicerent a Walonibus & Germanis praesidiariis suis, arma induerunt, pari senatus consensu & delegatorum instinctu.

Nihil optatius Orangio, in angustias jam redacto, accidere poterat iis provinciarum militumque turbis; quas ut nutriret, atque in apertum belli incendium inflammaret, crebris ab Hollandia litteris provincias ad libertatem vocat, dominatum sibi asserturus. Neque frustra adhibitæ machinæ. Nam Nobiles complures ac senatores in fœdus petraxit, ab alienato etiam ab Hispanis Areschoto senatus principe. Bruxellenses ad arma clamant. Creatur novus Bruxellarum Gubernator Guil. Hornanus, Hispano nomini apprime infensus. Hujus mandato Mansfeldius, Barlamontius, Viglius, Astonvillus, Delrius, alique senatores, qui Hispanicarum partium habebantur, ex curia in custodiam violente abducuntur. Senatus consultum de Hispanis toto Belgio pellendis conditur. Imperata toti Belgio arma. Implorata Galliae, Angliae, Cliviae auxilia, ac praesentem Turbae. im Orangii. Qui illico milites misit, ad expugnandam Gandavensem arcem, quam Hispani obtinebant, Neoportu maritima Flandriae urbe eidem in pignus data.

Rebus ita praeparatis Procuratores Provinciarum, penes quos, contempto senatu, rerum summa erat, totius Belgii Comitibus Gandaviogunt, fœdusque generale *Gandavense* dictum, percutiunt, 25. capitibus comprehensum. Praecipuum ex iis erat: *ut milites Hispani externae omnes, conjunctis perpetua pace ac fœdere Hollandis Selandisque cum cæteris provinciis, quamprimum Belgio ejicerentur.* (anno 1576.)

His mira omnium conspiratione decretis, ventum ad arma. Olimæus ordinum Ductor acie victus ab Hispanis. Hi Trajecto ad Alostam ejecti, urbem recuperant, loci mulieribus captis, & ante objectis ingredientes. Passa tum quidem ea urbs militarem praestandi licentiam: sed multo magis *Antverpia*. In hanc fœderati Oranien- ^{Antverpia direpta.} nes ultra 20000. armatorum injiciunt. Verum Hispani ad Goco Avila in arcem recepti, inde in urbem tanto impetu procurrunt, ut victores ea sint potiti. Secuta est barbara sane ditissimi Europae porii populatio. Nam quidquid ira & avaritia in summa armorum licentia suggerunt, per cædes ac rapinas patratum, in mercatores maxime praedivites, gemmarios, & opulentos cives. Triduo riosa illa direptio tenuit, coactis miseris hominibus merces suas, omnia, supellestem, & domus ipsas praesenti pecunia redimere;

ut

ut adeo pauperes milites ingressi urbem divitem, pauperem divites reliquerint. Conflagravit præter multas alias ædes curia, prædæ inter victiores & ignes divisa. Ex Hispanis pauci, ex fœderatis militibus 6000. cecidisse memorantur. Captus Egmontius Lamoralii filius, cui, velut futuro cædis paternæ vindici, majorem exercitus partem ordines tradiderant. (anno 1576.)

Ordines provinciarum Gandavi congregati, cum tristem hanc populationem intellexerunt, in ultionem ardentes, festine fœdus ab solvunt, hoc uno læti, quod coacti fecisse viderentur, quod facturi erant: missoque ad Regem, qui exposita Hispanorum militum seditione atque immanitate, fœdus excusarent: quod cum sacri profanique ordines unicum pacandi Belgii superesse remedium unanimi consensu censuerint, non dubitare se, id Majestati suæ pro temporum ratione probatum iri.

Hispanorum
excusatio.

Nec minus de Regis animo solliciti Hispani Duces, ad eum ablegant, qui callida Belgarum consilia, vim Regis Gubernatoribus in senatu illatam, usurpatam a provinciarum procuratoribus administrationem, convocatos contra Regis præceptum ordines, imminentem totius Belgii defectionem ob oculos ponant. Peccasse quidem Hispanorum cohortes, stipendiorum loco Alosto intercepto: eam tamen occasionem induendi in Hispanos arma a nonnullis Belgarum primoribus nimis avide arreptam, & solutis Germanicæ legioni, non autem Hispanis, stipendiis, astu quæsitam. Se tamen non repugnasse, eos hostes judicari. At ubi audierint, istum in Hispanos omnes furiale fœdus evocata iu Belgium Gallicæ Angliæque arma; vim illatam senatoribus, Regi fidis; arma in Hispanos provincialibus imperata, Regis auctoritate abjecta cogi comitia ordinum, totumque Belgium, societate inita cum Orangio Regis, Religionis, ac patriæ hoste, sursum deorsum verti; tum enim vero partes suas existimasse, conjunctis viribus conniti, ne fœderati, ejecta Regis militia, imperium Principis prorsus excuterent.

Populationem Antverpiæ accidisse quidem luctuosam, sed meritam, admissis in eam contra juramenti religionem fœdatorum militibus, & arce ab iisdem jam oppugnari cœpta, quam pauci præfidiarii non potuissent tueri, nisi commilitonibus aliunde advocatis, ino injecta divinitus mente simul accurrentibus. Victoria autem parta, ac urbe capta, contineri non potuisse militem, victoria, ira, & prædæ cupiditate ferocem. Neque direptionem illam tantummodo fuisse Hispanorum facinus, sed Belgas quoque, Italos & Germanos, in partem venisse, quin ipsos etiam victos in prædam fuisse converfos.

ARTI.

ARTICULUS VIII.

Status Belgii sub Joanne Austriaco ab anno 1577.
usque 1578.

Joannes Austriacus Caroli V. filius per Galliam in Belgium venit. eo die, quo direpta est Antverpia, tempore sane minus opportuno. Luxemburgi amica in urbe, incognitus ante, personam posuit; ac Gubernatorem, a Rege missum aperuit: datisque ad Senatum Bruxellensem, & Hispanorum Tribunos litteris, illos de adventu suo certiores facit, his pro imperio mandat, ut armis interrim abstant. Et hi quidem paruerunt: senatores autem delegatique ordinum de admittendo novo Gubernatore dubitarunt: praesertim Orangio, Delphico eorum oraculo, necdum consulto. Cujus audita sententia, Austriacum ne admitterent, neve redemptam sanguine libertatem novo rursus Domino venderent; aut certe Gubernatorem non ante susciperent, quam ejeculis Hispanis, in Gandavensem pacificationem juraret.

37.
De admit-
tendo con-
sultant ordi-
nes.

Senatores posteriorem hanc partem elegerunt. At Austriacus animi dubius ab Octavio Gonzaga, itineris Comite, primum in eam partem inclinabatur, ut Hispanos milites non dimittat. Nam si Orangius (inquiiebat) in consilium adhiberetur, quid aliud suaserum, quam ut Gubernator exarmatus fido praesidio hominum, turbulentorum insidiis pateat, accepturus imperium nunc quidem precarium, sed ad quamvis motae multitudinis auram omnino nullum. Si conditiones superbe praescribant armato, quid facturos inermi?

At Escovedius, alter viae socius, suaserit, ut Hispanos dimittat, & pacem Gandavensem amplectatur, in hanc sententiam; non passuros Belgas in hac temporum acerbitate quemquam gubernationem capeffere, nisi emisso extero milite, & Gandavensi conventionem, ab utroque ordine, sacro & profano, sacramento firmata, prius acceptata. Desperandam in Belgium viam, nisi per hanc semitam. Nihil effectum hastenus cum hac gente armis. Albanum tot victoriis tantaque severitate tremendum, amissis maritimis provinciis, Belgium, quod integrum accepisset, scissum reliquisse: & tamen cum Albano, ejusque successore (cujus non felicior eventus fuerit) plerasque tunc provincias arma gestasse: nunc magnam circum se Belgarum esse solitudinem, nec plures, quam duas provincias, secum facere: reliquas, i vis intentetur, consociatis sacramento animis, condixisse bellum.

Pars. VII.

Rrrr

At.

Atque hoc ipsum esse, quod Orangius quarat ut multas & potentes provincias armorum socias habeat. Eludendam machinatoris astutiam. Primores ipsos festinaturos in obsequium Gubernatoris, ortum in Germania, Principe Belga nati, facilitate amabilis, & rerum gestarum fama incliti. Cedendum igitur tempori, & votis Belgarum tantisper indulgendum. Quod si forte emissis Hispanis instinctu Orangii Belgas subeat clementiæ oblivio, per fidem provincias, & auxilia ex Burgundia & Germania advocata, succurri posse.

Fœdus Gandavense acceptat.

Austriacus, quanquam ægerrime ferret Hispanorum se nudari militia, mitiorem nihilominus hanc amplexus sententiam, respondit ordinibus, se conventioni Gandavensi subscripturum, eo maxime, quod illa nihil videatur habere, quod cum religione aut Regis auctoritate pugnet; inserta hac clausula: *Nos ordinum legati promittimus, hoc fœdus perpetuo retenturos, ad sacrosanctæ nostræ fidei, & Apostolicæ Romanæ Religionis conservationem, ad Gandavensis hujusce pacificationis perfectionem, ad Hispanorum eisque inbærentium ejectionem; obedientia Regiæ Majestati debita interim semper salva.* Rex ipse missam ad se hanc conventionem ubi probavit, subscripsit Austriacus, atque Gubernator Belgii Lovanii publice est promulgatus.

Sed negotium ei non leve fuit cum milite Hispano; cui grave & Regi (ut eventus docuit) perniciosum videbatur, tot arces, urbiumque præsidia, quæ magnis ipsi diuturnisque præliis obtinuerant, Belgarum arbitrio repente permittere. Adhæc multi ex illis uxoribus impliciti liberis aucti, agris ditati, veluti patriam deferere sibi videbantur; amare questi: sic ora cicatricibus intercisa, trunca membris corpora, fractos ac satifcentes artus pro quiete & fomento, tanto gentis dedecore compensari? Quasi miles Hispanus nusquam tolerari queat. Ejici se a confœderatis tanquam perduelles, Regis ac Belgii hostes, cum indelibili nominis Hispani probro. Sed experturum Austriacum ipsumque Regem, quam caro eis statuta sit hæc missio fidi militis. Tradendas nunc tot arces minutasque urbes, tot belli laboribus ac sumptibus partas, in manus instabiles fluctuantium ordinum: Gubernatorem Regis fratrem nudum & inermem objici toties tumultuantium arbitrio. Seram subituram poenitentiam inconsulte dimissi præsidii, quo uno Belgium Regi staret.

Hispanos dimittit.

Sed deliniti tandem a Ducibus exhibitis Regis litteris, cujus, ob frequentes seditiones exacerbati, gratiam promereri possint hoc parandi obsequio; ampliora, quam in Belgio relinquerent, ab eodem recepturi. Traditis igitur in manus ordinum munitionibus, commutatis captivis, acceptisque stipendiis, quæ Gubernator ex propriis supplevit,

plevit, Hispani, Itali, Burgundi, ductore Ernesto Mansfeldio, Belgio exceſſerunt (30000. capita cum mulieribus, liberis, & jumentis numerabantur) quam tristi migrantibus, tam jucundo Belgis ſpectaculo. Per Lotharingiam, Burgundiam, & Sabaudiam in Italiam ingreſſi per Liguriæ montes ſunt diſtributi; ubi rerum inopia, & animi mœrore non pauci obierunt. (anno 1577.)

Exteris emiſſis Austriacus, medius inter Legatum Pontificis, & Ingreſſus. Leodienſem Antiltitem, inſtructo ſane magnifico apparatu, & comitatu omnium ordinum, inter applauſus populorum Bruxellas ingreſſus eſt, incredibili in omnes comitate atque clementia Præſecturam auſpicatus. Sed breviludicra hæc verſa eſt ſcena. Doluitque, ſe præcarium Gubernatorem, ſpe deluſum, proditum, inermem inimicis traditum.

Mali origo rurfus a Geuſiis, & præſertim ab Orangio eorum duce. 38. Etenim is, ubi, miſſis ab Austriaco & ſenatu legatis, exigi a ſe vidit, Artibus ut ediſto Gandavenſi ipſe quoque, Hollandique & Selandi ſubſcribe Orangii. rent, reſpondit, religione impediri fœderatas ſecum provincias, ne de fide Romana retinenda cum aliis conſentirent. Urgente Areſchoto ut commune provinciarum fœdus ratum velit, nudato capite ſubridens, vides, inquit, hoc calvitium? ſcito, me non magis capite, quam corde calvum eſſe. Tum vero ad vulpinas ſuas artes reverſus, ſenatores, Delegatos provinciarum, veteresque amicos ſuos litteris ſollicitat, exprobratque, quod Austriaco recepto, umbratili humanitatis ſpecie circumventi, libertate, quam in manibus jam habuiſſent, dimiſſa compedes ſibi injici ſint paſſi. An non adverterent, quo ſpectant ea blanditiarum officia, popularitas illa, illæ largitiones? an volupe adeo aureis catenis vinciri? an neſcirent, Hiſpanos, quos abiſſe tantopere geſtarent, partim in Luxemburgenſi provincia deliteſcere, partim in Burgundia ſubſtitiffe, partim adverſus Hugonotos militare in Gallia, in iis que locis exſpectare nutum Austriaci in Belgium revolandi? interceptas eſſe ejusdem & Eſcovedi ad Regem litteras, in quibus querelæ adverſus ordines, belli gerendi neceſſitas, & pecuniæ ad eam rem poſtulatatio contineatur.

Quibus ſane hæreticorum artibus ingens mox in Belgio facta eſt verſa mox animorum mutatio. Magna circa Gubernatorem ſolitudo. Quidquid ſcena. ageret, in malignam partem interpretari, beneficia pro aucupiis habere, clam primum, dein palam obloqui, jacere convitia Parum fidentium juramento Austriaci, quo ediſtum perpetuum acceptaſſet. In Hiſpania illum ante juraſſe nihil ſe in Belgio contra Regis conſenſum, reſponſurumque pro re nata, poſterius ſacramentum

Austriacus
Namurcum
fugit.

priori cedere. Non deesse, etiam inter Principes, iudificationis ejusmodi exempla.

Quæ ubi ex animi sententia fluere vidit Orangius, negotium dedisse fertur Marnixio Aldegundio & Hornano, ut Austriacum seu vi seu dolo captum in Selandiam deportent, utpote armorum præsidio & populi benevolentia destitutum. Gubernator his insidiis per plura indicia ad se perlatis, ubi vidit auctoritatem suam quotidie imminui, odium augeri, conspirationes gliscere, atque adeo libertatem suam vitamque non amplius securam esse Bruxellis, clam inde fugiens Namurcum abiit, arcemque occupat, primum illum gubernationis suæ diem sibi gratulatus, prius enim vacuum titulum gessisse. Ociosque suscepti consilii causas per epistolam procuratoribus ordinum significavit, questus de illatis in se suosque contumeliis, insidiisque sibi structis, quas duarum litterarum testimonio confirmavit.

Illi, ut inanes metus ac suspiciones ponat, precantur, ac Bruxellas reverso pollicentur, se in reos insidiarum, si qui sint, diligenter inquisituros. Negat ille, se rediturum, donec Hornanus, multa adversum se impie ingrateque molitus, arma cum Bruxellensi populo non deponeret, & Aldegundius, ad se circumveniendum missus ab Orangio, cum quo colludere videantur, amicitia, illum non cogerent edicto perpetuo stare. In cassum hæc omnia. Libellis minacibus ultro citroque certatum. Cum ordines Deum hominesque testarentur, concordiam a se optari: ob Austriaco belli causas ficto insidiarum metu quæri: ille contra fatis se demonstrasse diceret, quo animo esset erga pacem, qui dimissis Hispanis ac reliqua militia, omnem sibi bellandi viam præclusisset: utrique a se belli, si quod sequeretur, amoliri causas & invidiam conabantur. Nec quidquam ad conciliandos animos valuit Nuntii Apostolici, Episcopi Leodiensis, & Ducis Juliacensis labor, scilicet obseptis jam pridem multorum animis hæresi, refractario ac pertinaci semper malo.

39.
Orangius
conservator
Brabantiae
dictus.

Hæc impellente ordines Orangium Bruxellas evocatum, Ruvarum, seu conservatorem Brabantiae renuntiant. Quod ubi Rex inaudiit, Delegatos ordinum litteris monet, arma deponant, Orangium rejiciant, Edicto perpetuo obtemperent. Cum autem, cuncta moderante Orangio, non nisi querelæ ac minæ redderentur, recrudit bellum, nullo deinceps sanguine restingendum.

Et mirum sane visum, Austriacum non omnia prius, quam bellum, pacis remedia tentasse, ac Belgis indulgisse eo tempore, quo ipse in-

reis

mis ex septemdecim provinciis duas duntaxat, Luxemburgensem & Namurcensem, obsequentes habeat. Sed ubi ille animadvertit, irritam esse indulgentiam ac beneficentiam, Magistratuum auctoritatem in immensum excrescere, suam inani titulo definiri, imo injuriis, atque insidiis perditorum hominum caput suum quotidie patere, Princeps insolens contumeliæ, magnisque assuetus exercitibus imperare, apertum maluit bellum, quam miseram pacem. Quare cum non nisi aliquot Germanorum signa in Belgio fida haberet, revocati ex Gallia aliquot Hispani cum Farnesio. Hispanorum manipuli, ac delectæ non nullæ Wallonum Burgundorumque centuriæ. Quæ tamen omnes copiæ vix quatuor armatorum millia conficiebant, quum tamen Ordines jam tum quindecim millia sub signis haberent. Verum illum redeuntium ex Italia veteranorum militum nuntius magnopere recreavit. Jussi etenim erant a Rege Hispani ex Liguria finibus, quo septem ante menses ex Belgio missi fuerant, Belgium quamprimum duce Alexandro Farnesio repetere, magna Ducum militumque alacritate, adjectis aliis in Italia conscriptis.

Interea Orangius majori multo potestate dominabatur Belgis, Arces diruit. Arces Antverpiæ, Gandavi, Ultrajecti, Insulis, Valencenis, tanto sumptu exstructas, dirui jussit, eoque processit, ut Proceres, quibus invisa atque suspecta erat ejus potentia, de alio Gubernatore eligendo inirent consilium. Ab aliis Angliæ Regina, Dux Alenfonius ab aliis nominabatur. Sed illam rejecere catholici. Hic vero plerisque displicuit ob assiduas inter Belgas & Gallos inimicitias. Unde vota in Archiducem *Matthiam* Rudolphi Cæsaris fratrem versa. Missi oratores, cum quibus juvenis noctu clam Cæsaris fratre Vienna egressus in Brabantiam opinione celerius venit. Ubi variis conditionibus illigatus Gubernator supremus Belgii est renuntiatus, Orangius vero ejus Vicarius. Senatu moti, qui dubiæ in ordines fidei videbantur. Hostes patriæ declarati, quicumque Joannem Austriacum sequerentur. Ipse etiam Austriacus dictus hostis, nocuus Belgio excedat; composito in eam rem juramento, agendi cum eo ut hoste.

Hoc juramentum cum emittere nollent Patres Societatis Jesu Religiosi Antverpiæ, hæreticorum caterva in Collegiam irruens obvia quæque confregit, Patresque domo exturbatos, atque Hollandiorum cimbis impositos avehit: postquam unus ex illis per militares globos regressus, interpide SS. Sacramentum, ne indigne tractetur, e templo ad ociosos detulit. Idem Patres Trajecti, Tornaci, Brugis perpeffi sunt, ob eandem causam exaulare jussi. Habueruntque exilii comites alibi Franciscanæ Familiæ Patres, alibi honestissimos sacerdotes & Pastores

animarum e clero sæculari. Quorū abſceſſu quantum catholica res cecidit, tantum graſſari illico rursus cœpit præcipiti curſu ubique hæreſis, coactis catholicis liberam eidem licentiam permittere. En præcipuum rebellionis fructum.

41.
Bellum.

Duces

Jamque eo proceſſum erat, ut pedem retrahere pars neutra a bello vellet, aut facile poſſet. Præluſum urbium aliquarum arciumque occupatione, levibusque velitationibus, donec ad pugnam *Gemblacensem*, in paucis memorabilem ventum eſt. Austriacus ſub ſignis habebat octodecim millia, Ordines viginti: & quod difficile prælium reddidit, in his ſœderatorum partibus erant veterani duces ac milites Belgæ, jam ſub Caroli V., Albani, aut Requeſenii diſciplina nutriti, atque Hiſpanorum prius focii artis eorum militaris apprime gnari, *Coignius* dux exercitus, *Lalinus*, *Montinius*, *Perenotus Granvellani frater*, *Hornanus*, *Villersius*, *Henninius Boſſuſii comes*, *Egmontis Lamoralii filius*, *Lumæjus a Marcha*, *Marchio Harveus Areſchoti Ducis frater*.

In exercitu Regio eminebat Ductor ipſe ſupremus Gubernator *Joannes Austriacus*, *Alexander Farnexius*, *Erneſtus Manſfeldius*, *Octavius Gonzaga*, *Chriſtophorus Mondragonius* Italus, *Olivera a Coſta*; Hiſpani. Quos duces ſemel memorafſe ſuffecerit; nam per alios diuturnum deinceps bellum geſtum eſt. Austriacus in Regio vexillo ad triumphalem Domini crucem hæc verba ſubjici juſſerat: *In hoc ſigno vici Turcas: in hoc hæreticos vincam.*

Pugna Gemblacensis.

Congreſſus igitur uterque exercitus ad *Gemblacum* (*Sigeberti Gemblacensis patriam*) *Namurcum* inter & *Brabantiam*, conſertaque pugna prorſus memorabilis, eo eventu, ut raro alias a paucioribus, minorique ſactura plus ſanguinis fuſum celeriusque ſit debellatum. Nam equitatus Hiſpanici præcipua opera exercitus ordinum ita fuſu eſt, ut decem peditum millia partim cæſa, partim ſint capta, deſideratis ex Regiis tantummodo novem. Relata hoſtium ſigna 34. tormenta, curruſ, impedimenta fere omnia. Ipſe belli dux *Coignius* in poteſtatem venit cum aliquot Nobilibus. Cæteri cum omni ferme equitatu initio dilapſi, pars *Gemblacum*; plerique *Bruxellas* fugerunt. *Gemblacum* mox captum, ubi ingens hoſtium præda inventa, *Bruxellis* ita trepidatum, ut *Matthias Archidux* cum *Orangio Antverpiam* fugeret. (anno 1578.)

Fructus
victoriæ.

Victoriæ tantæ fructus velociter decerptus; *Lovanium*, *Tillemontium*, *Bincium*, *Boviniacum*, *Sichemium*, *Dieſtemium*, *Levia*, *Nivella*, *Barlamontium*, *Malbodium*, *Bellomontium*, *Cinacum*, ac *Philippopolis* (in reverentiam Philippi Regis ſic appellata, atque ante annos 23. in *Hannonia* adverſus Gallorum incurſiones ædificata, & egregie munita) aliaque oppida qua deditione qua vi occupata. Acceſſit *Limburgi* expugna-

pugnatio cum toto provincia, ad arcendas Germanicas hostium sup-^{Limburgum.} petias peropportuna. Præfidiarii mille dedita urbe ad Regia signa transiere, 15. simul tormenta majora, magnusque belli & annonæ apparatus in manus victoris venit. *Dalbemium* deinde captum, & ob pertinaciam direptum.

Cum sic prospere irent omnia Austriaco, perculsi cum Matthia ordines Orangium incusabant. Sed ille futurorum providus, suum ad ma-^{Amsteloda-} re Batavicum fundabat imperium, inde in Brabantiam, Flandriamque illud explicaturus. Sola hæcenus obstabat *Amstelodamum*, fida Regi civitas, & Religioni addicta. Hanc obsidione cinxit Orangius, & quæ ad Religionem catholicam spectant, omnia pollicitus, deditam accepit. Sed pacto non stetit, inductis enim mox hæreseos ministris, eorumque opera everfis sacris, pulsis sacerdotibus, per hæresin eam sibi adversus Hispanos firmavit, irreparabili deinceps Regis damno.

Opima hac præda per fraudem potitus Orangius, excipiendis numerosis auxiliis Anglicis, Germanicis Gallicisque, a Casimiro Palatino, & duce Alenfonio adducendis intentus, ea donec advenirent, induciarum oblatione Hispanos ludere conatus est. At isti prælio decernere statuunt, antequam ordinum militia tantopere augeatur: præsertim cum & ipsi novas suppetias accepissent, quas *Petrus Toletanus* Proregis Siciliae filius, *Loptus Figueras* Hispanicæ legionis tribunus, & *Alphonfus Leva* filius Navarræ Proregis, cum Gabriele *Sebellonio*, ex Tunetana captivitate a Gregorio XIII. in libertatem asserto, adduxerant: nova etiam pecunia recreati, quam Rex Austriaco, Parmensi, Gonzagæ Magistro equitum, Carolo Mansfeldio, Mondragenio & Verdugo Tribunis in stipendium misit.

Decreta igitur pugna Austriacus in hostem movet, qui haud procul Mechlinia castra posuerat, sub Bossuvio veterano & cauto duce, qui prælium detrectare videbatur. Igitur Regii levibus primum velitationibus fœderatos laceffunt, qui paulatim recedentes velut fugitivi Levan & Toletanum, ultra, quam imperatum fuerat, insequentes ad vera castra pelliciunt; actumque de eis fuisset, nisi Farnesius eos liberaffet, atque ad exercitum reduxisset. Majus illatum dedecus, quod duo isti duces cum suis cohortibus in locum insidiarum sint pertracti, quam tantum, vix 400. utrinque desideratis, æquata propemodum jactura. Fœderati nihilominus victoriam sibi tribuerunt, quod victi non essent.

Cum autem novæ indies copiarum ordinibus ab Anglia, Germania, & Gallia venirent, ab Hispania autem parce pecunia, belli nervus, subministraretur, ad pacem Regis voluntate respexit Austriacus. Sed ordines exercitibus suis, sac fœderatis confisi, difficiles admodum condiciones præ-

Pax frustra tentata.

præscribere; ut videlicet Belgii Præfecturam Archiduci Matthiæ cedat, iis conditionibus, in quas iurati consenserant: ut paci conventisque dux Alenfonius & Calimirus inferantur: ut Limburgi provinciam, & quidquid in Brabantia, Hannoniaque, vi aut deditione Austriacus ceperat, ordinibus traderet.

Et sane Austriacus, etsi conditionum insolentia vehementer offensus, temporum tamen acerbitate pressus, etiam de consilio Farnesii inclinabatur ad eas acceptandas, cum Rege per litteras vix non exoptulans, ab Hispania foveri hanc rebellium audaciam, quod promissam sibi opem sine fine differret, & poscenti pecuniam non nisi verba redderentur; quibus utique bella non gerantur. Aliud insuper Principis animum vehementer afflixit: significata videlicet sibi ab Hispania Regis suspicio, ne frater per has Belgii turbas, & inter tot ejusdem Candidatos, sibi tandem illud paciscatur. Quibus profecto rebus Austriacus tantum animi ^{42.} mororem contraxit, æstuumque intemperiem, ut morbo fatali correptus diem supremum obierit in castris, anno 1578. ætatis 33. Belgicæ gubernationis calamitosæ altero: translata prius in Alexandrum Farnesium Belgii Præfectura, donec alium sufficere Regi placuerit.

Mors Austriaci.

Elogium ac vitæ series.

Sic cecidit virente ætate magnus ille orbis Christiani Heros *Joannes Austriacus*, Caroli V. filius, natus Ratisbonæ, ex Barbara Blombergia, urbis illius cive, forma ac genere Nobili (quamvis aliqui multo illustriorem illi matrem assignent) cujus cantu Carolus, tunc viduus, illectus esse scribitur: Infantem Aloysio Quisiciadæ traditum, ut in Hispaniam delatus educetur, ne tamen cuiquam illius pater innotescat. Morientem haud multo post Cæsarem Philippo filio aperuisse se pueri patrem: atque biennio post ab Aloysio in venatione ad id adornata Regi traditum: qui eundem in aula cum Carolo filio, & Alexandro Farnesio nepote suo educavit, indole præcellenti, forma venusta, ingenio vivaci, comitate, probitate, omnibusque animi corporisque dotibus præstantem. Et licet infans Philippo fratre ad bellum Melitense profecturus Barcinonem jam attigerit, revocatum tamen, illico Vallisoletum ad Regem reversum, illo parendi obsequio ejusdem offensionem lenuisse, nec multo post plane delevisse, cum nova Caroli, Principis Regii, consilia ante alios eidem aperuisset.

Ob id præfectus expeditioni adversum Mauros, belloque feliciter confecto, ac composito sociali fœdere, universæ classi, quæ christianæ Reipublicæ vires ac spem vehebat, imperator impositus, commisso ad Echinadas prælio, victoriam post Ottomannici nominis memoriam longe maximam de communi hoste reportavit. Tum conversis ab Oriente in Africam armis, Tuncetum Libyci maris regiam, Tur-

Turcis defugientibus capit, Biserram vi expugnat, captumque Amidam Regem cum duobus liberis secum trahens, victor in Italiam redit. Inde evocatum in Hispaniam Rex ad Belgii Præfecturam, tunc undique fatiscentem, misit, ea monitione instructum, ut omnis armis provincias quibuscunque conditionibus, salva Religione & obedientia pacaret. Ubi acciderunt ei, quæ ante memoravimus.

Addunt scriptorum plures, Philippum Regem, suspicaci indolis Principem, æstimasse quidem summo opere incomparabiles fratris dotes, tot rebus maximis gestis demonstratas, attamen jam tum ab expeditione Africana, cum Tunetum non solum mœnibus non nudasset, prout ab Hispania imperatum fuerat, sed nova insuper munitione firmasset, præfectoque Serbellonio præsidium reliquisset, visum Regi, nescio quod imperium affectare. Quæ suspicio aucta est, cum Gregorius XIII. instaret, ut Joanni Austriaco ob res præclare in Africa gestas appellatio Tunetani Regis tribuatur. Hac igitur suspicaci mentē imbutus Rex eum misit in Belgium. Et quamvis tot sumptuum pertæsus pacem utique optaret, creditur tamen ex ea etiam ratione parce subministrata pecunia, ne Princeps victoriarum cursu elatus privatam ultra sortem adspiret: maxime ubi plures Belgarum querelæ (Orangio machinante) in Hispaniam perlatae sunt, Austriacum bella quærere: hinc sub insidiarum prætextu Namurcum abiisse, ac maluisse tredecim fidas Regi provincias perdere, quam Belgium in pace gubernare: nempe hominem per victorias meditari & Belgii potiri dominatu, & animo conceptis cum Angliæ Regis nuptiis.

Hæc aliæque Austriaco non erant ignota; qui novis quotidie argumentis notavit suspiciosum in se Regis animum, nullo placabilem obsequio. Atque hinc additum sibi Parmensem arguebat, qui in acta sua intenderet. Ubi vero audivit Escovedi, amicorum intimi, eadem, quem in Hispaniam missum ad belli subsidia conquirenda toties & tam anxie repoposcerat, majoribus in dies oppressus angustiis, ac desertus, ut palam querebatur, a Rege, traditusque hostium ludibrio, ingens animi speique Princeps, ac paterni generis nimium memor, ex mœnore contabuit. Quamvis alii venenum ipsi præbitum existiment.

Hæc ut se habeant, inficias nemo facile iverit, virum fuisse bellatorem ætate majorem. Nec defunt, qui cum Germanico, qui multa in Belgio bella gessit, aut etiam cum patre Carolo eundem comparent; certe ejusdem claritudinem assecuturum, si rerum arbitrium æque apud ipsum fuisset repositum, patrisque annos æquasset. Nec minor ei pietas, quot mensibus bis animæ maculas assueto eluere. Quod tunc præcipue solemne sibi esse voluit, cum expeditio suscipienda, aut præ-

lium conferendum esset, sapienter omnino ratus, constitutum sibi periculorum contemptorem animum, ubi nulla culpa palleceret: neminemque animosius ire in hostem, quam sua fretum conscientia. Atque inde superna virtus, & præliorum felicitas, quibus, antequam miles esset, Imperator præfuit, victor semper, victus certe nunquam.

Exequiæ.

Altero post obitum die disceptatum de funeris pompa inter Tribunos variarum Nationum, quis corpori efferendo præferretur, quod Hispanus Regem, Germanus defuncti patriam, Belga loci prærogativam obtenderet. Farnesius litem diremit, iussis singulis mutatis vicibus, corpus ex castris Namurcum deferre. Moriens Alexandrum nepotem rogavit, ut apud Regem commendet matrem Blombergam ac fratrem uterinum. De duabus filiabus, quas cælebs nactus est, alteram Neapoli, Madriti alteram, ex nobilibus puellis, mentionem nullam intulit. Rex tamen omnibus providit.

Barlamontii obitus.

Ante Austriacum obiit Namurci *Carolus Barlamontius*, ejusdem provinciæ Præfectus, si quis in Belgio, Religionis ac Regis partes, domi æque ac belli strenue constanterque secutus. Qui propterea quatuor filios suos magnis a Rege belli muneribus auctos vidit.

ARTICULUS IX.

Status Belgii sub Alexandro Farnesio ab anno 1578.
ad 1592.

§. I.

Septennium primum.

43.
Misera Belgii facies.

Alexander Farnesius, Octavii Parmæ & Placentiæ Ducis filius, a prima juventute bellis initiatus, dignum se Martis campum in Belgio inveniit. Sub Joanne Austriaco eo missus, omnium expeditionum aut dux aut pars magna fuit. Duæ duntaxat provinciæ Regi Hispaniarum adhærebant, Luxemburgum & Namurcum. Limburgensem sub Austriaco ipse adjecit, parta illa ingenti Gemblacensi victoria. Renuntiatum ab Austriaco moriente Belgii Gubernatorem Rex confirmavit, adjecta etiam Burgundiæ Præfectura.

Et profecto difficilem oppido provinciam & discriminis plenam suscepit, cum quatuordecim provinciæ, adversus Hispanos cum Oranagio consentientes, ingentem pro eo tempore exercitum haberent, ex maximis nationibus, Germanis, Gallis, Anglis, Belgisque conflatum; magnaque etiam Ducum nomina terrori essent, Matthias Archidux Cæsaris frater, Gubernator renunciatus, Joannes Casimirus Palatini

Septem-

Septemviri filius, validis Protestantium Germanorum subsidii stipatus, & Franciscus Hercules Dux Alenfonius, Galliarum Regis frater, paulo ante mortem Austriaci Belgium cum armato exercitu ingressus, glorioso cum titulo *Defensoris Belgarum*; cui viam in Belgium stravit Margaritha soror, Navarri conjux, quæ sub prætextu itineris ad Spadanas aquas, Hannoniæ maxime primores fratri conciliavit, Lalinio evocatus ejus præfecto in Gallicas partes pertracto.

Spem Alenfonii auxit fœderatorum tot inter Duces & Gubernatores discordia. Nam Crojus Areschoti Dux, cum a Rege ad fœderatos defecisset, Flandriæ Præfectura ab iis donatus est. Sed mox Gandavenfes ab eo privilegia repetunt, quibus ob rebellionis crimen a Carolo V. privati fuerant. Negantem in custodiam trahunt, Orangii consilio, dudum Areschoto infensi, eo maxime, quod ejus potissimum opera Matthias Archidux ad provinciarum regimen fuerit evocatus. Inde & Casimirus. Gandavenfes hæretici templis spoliatis, & sacerdotibus urbe ejectis, Casimirum sibi Ducem Præfectumque asciscunt. Qui in partem Belgicæ distributionis venturus mox accurrit, & ex sacerdotiis direptis pecuniam sibi comparat.

At vero Wallones (ii nempe populi, quibus lingua Gallica in usu, uti Artesii, Hannonienses, Namurcenses, Luxemburgici, Limburgenses, ac pars Flandriæ atque Brabantiae) hac re, & aliunde Præfectis suis exauctoratis ab ordinibus reliquis, vehementer offensi, se ex integro ab iis separarunt. Atque Artesii ac Hannonii, uti etiam, qui Flandriam & Brabantiam Gallicam (ita a lingua appellatam) incolunt, quod tertiam factionem conflarent, *Malecontenti* appellati (nam Luxemburgum, Namurcum, & Limburgum Regias partes sequebantur) Alenfonium ex Gallia evocabant: eumque venientem Montibus, primaria Hannoniæ urbe, Lalinus provinciæ Præfectus, & Areschotus, ex Gandavenfi custodia elapsus, magna subjectionis significatione exceperunt.

Farnesius tot inter hostes, qui 42000. pedites, & 17000. equites numerabant, cum ipse nec dimidium haberet, ad Namurcum velut in castris obsessus, se defendebat. Verum ingens ille exercitus, qua discordiis, qualue correptus, re nulla memorabili gesta, recessit, magna populorum querimonia adversus Orangium, qui tantum pecuniæ imperasset ad Hispanos Belgio ejiciendos, qui ne prælio quidem laceffiti fuissent. Cumque tot inter capita, privatum dominatum spectantia, diffidia crescerent, paulatim diffiuebant copiae. Alenfonius, cum *Malecontenti* Wallones nullam terræ partem ei propriam facerent, iisque suspectus esset, inglorius recessit in Galliam prætexto cum An-

glia Regina connubio. Venienti Lutetiam Rex, quo invito discesserat, eam gratiam habuit, ut suppellectilem ipsasque vestes Belgis oppignoratas, pecunia numerata redimeret. Casimirus quoque Palatinus, alter Belgii candidatus, cum stipendia militi non posset pendere, e Belgio abiit, in Angliam profectus, cujus ære militem in Germania conscripserat.

Farnesii co. Farnesius ab utroque hospite liber, auctusque Germanicis copiis, quas Altempius & Polvillerius adduxerant, lustrato exercitu, numeravit 24000. peditum, 7000. equitum. Non igitur amplius hostem expectandum ratus, sed re memorabili Præfecturam auspicaturus, adhibito Ducum consilio, Trajectum ad Mosam, magni in omnem partem momenti urbem, oppugnare decrevit. Ut autem oppugnantes e tergo muniret, atque ex hostico viveret, educto ex angustiis Namurcenibus in Brabantiam exercitu, plura oppida arcesque capit, frequentioribus præliis levioribus partim arte & stratagematis, partem virtute hoste devicto: coactisque equitibus, quos Casimirus in Belgio reliquerat, in Germaniam recedere. (anno 1579.)

44. Tantus armorum progressus, bello usque ad Antverpiæ suburbia Wallones a deportato, Wallonibus incitamento fuit, ut ad Regis obsequium redirent. Nam *Pardiaus Mottaus*, Gravelingæ Gubernator, perspectis Orangii consiliis, per speciem publicæ libertatis, privatæ ejusdem utilitati, firmandæque hæresi intentis, fœderatorum partes reliquit, plures secum ad Regis obedientiam, (prout auctoritate & gratia apud Wallonicam Nobilitatem, militiæ ac Religionis antiquæ perquam tenacem, pollebat) se reduturum Parmensi significavit. Certe, communicato cum Audomarensi Præfecto consilio, Wallones ab Orangio abduxit, quem patria sacra perditum ire, & Belgium hæreticis implere querebatur: effecitque, ut nationis Wallonicæ milites, quinque ferme millia, ab Orangii exercitu secessione facta, Menina aliisque Wallonum urbibus ordinum præsidia ejicerent. Disti proin sunt Wallones (quod supra innui) malecontenti, eorumque legiones, quod catholicæ fidei defensionem sibi asserentes, coronam Marianam collo gestarent, milites *coronarii*, aut etiam *milites a pater noster*. Moxque Wallones, præeuntibus Præfectis catholicis, abdicato cum reliquis ordinibus fœdere, novum inter se condunt, ejectis ex Hannonia & Artesia hæreticis Religionem defendendi.

Studium eos Incredibili studio Farnesius ordinesque certarunt, ut tertiam hanc in partes trahendi. classẽ ad se reducerent, militia, Nobilitate urbibusque validam. Quamquam enim Wallones majorum Religionem & Regis obsequium præferrent, nolebant tamen Farnesio accedere, nisi exteri milites Belgio

gio ejicerentur. Quod cum eis negaturum Alexandrum Orangius crederet, in novas spes surrexit, eos cum reliquis ordinibus rursus unien- di, interpellans etiam Cæsarem, & Wallonum primores pertentans, præsertim Caprium Artesiæ Præfectum. Ordines etiam & Matthias ipse litteris eos monent, minanturque, ne soli publicam causam proderent, & Hispanorum fraudibus circumventos sero se ingemiscant. Suscepisse jam Cæsarem causæ arbitrium; pacem optatam obtenturos, si reliquo Belgarum corpori cohæreant.

Sed oppositos cuniculos egit Parmensis ipseque adeo Rex Philippus, scribens Artesis, rem sibi pergratam fecisse, quod publico edicto hæreticos, seditiososque provincia movissent: nec aliud sibi armato ad eam diem fuisse propositum, quam ut hujusmodi pestem Belgio exigeret, populosque ab Orangio in fraudem inductos Catholicæ Religioni, ac Principi suo, pristinæque tranquillitati restitueret. Grati- am suam se policeri, nihilque dempturum eorum privilegiis; exter- ram etiam militiam se educituram ex provincia, dummodo in dome- stico milite tantum habeant virium, ut adversus Orangium & conju- ratas provincias se tueri possint.

Qua Regis clementia inclinati Wallones, præsertim ubi *Melunio* Vicecomiti Gandavensi, non invito Caprio, Artesiæ Præfecturam, quam ordinum auxilio ante invaserat, confirmavit, & *Montinium* Wal- Agitur de
lonicæ militiæ præfectum conciliavit, de concordia firmanda serio reconcilia-
eegerunt. Indicto igitur conventu, ad quem Regis nomine missus est tione.
Norcarmius Sellii dominus, cum *Maularto* Attrebatensi Antistite; frequenti in hac causâ actore, pro Wallonibus vero *Lalinus Montinius*, malecontentorum Princeps, ac Dux militiæ; *Melunius* Arte- siæ Præfectus, *Mottaus Gravelingæ*, & *Caprius*, Attrebatum Guber- nator. Petierunt isti, ut reliqui etiam Belgii ordines, Antverpiæ con- gregati ab Alexandro invitarentur. Sed cum is non nisi responsum que- rimoniis plenum ab illis accepisset, Wallonum delegati optimo jure reconciliationem sibi assumendam putarunt, relictis pervicaciæ suæ ordinibus reliquis; cum enim provinciæ aliquæ Boreales nuper *Ultrasiedii fœdus* privatim inter se inierint, quo hæresi plena aperta sit por- ta, & quidem inconsultis provinciis reliquis, neminem vitio sibi pos- se vertere, si & ipsi religioni catholicæ consulturi, privatam cum Principe suo reconciliationem ineant, & in id consentiant, quod com- muni omnium ordinum voluntate per *Editum perpetuum Gandaven- se* est constitutum.

Sed quia in edicto illo sancitum fuerat, ut exteri milites dimit- tantur, res ista maximum reconciliationi obicem posuit. Nam id Wal-
lones

iones obnixè postulabant, asserentes, se Wallonica militia patriam adversus quoscunque defensuros, imò etiam bellum, si necesse sit illaturos. Verum magnopere displicebat Farnesio ista conditio dimittendi militis exteri, quo præsente & gloriæ suæ & Regis potentiæ velificare posset. Quia tamen Wallones hoc præcise exigebant, ex Regis tandem voluntate cessit; eo concessionem illam interpretatus, quod tantummodo Wallonum provinciis militem exterum non possit immittere, relicta sibi potestate reliquas provincias adhuc rebelles per illum comescendi.

Eaque absol-
vitur,

Novo igitur conventu, ad Trajectum, quam obsidebat, instituto, res plane transacta est, delegatis, Alexandri popularitate captis, conditionum acerbiter non parum moderantibus, præsertim, ubi Trajecti deditioem viderunt proxime imminere. Atque hoc pacto Parmensis, non modo bollo Dux incomparabilis, sed politicis etiam pacis artibus præclare imbutus, absque sanguine tres Regi provincias, Artesiam, Hannoniam, & Flandriam Gallicanam (Tornaco excepto) adiecit; ex eo etiam summo opere æstimandas, quod Galliæ, cui erant finitimæ, favere alias consuevissent.

Hæretico-
rum furor
Antverpiæ,

Nec parum juvit ad maturandam transactionem tumultus Antverpiæ tempore illo ab hæreticis concitatus, occasione solennis supplicationis, comitante ipso Matthia Archiduce a catholicis instructæ. Nam conglobati Calvinicæ armis accincti incedentibus imprimis viam obstruunt: tum catholicos iter aperire connitentes sclopiis in pectus intentatis, atque etiam explosis, interfectis duobus ex catholicis, agmen dissipant, & plerosque cum Archiduce in templum compellunt, concluduntque, obsidentes armati fores; aliis interim per urbem grassantibus & conclamantibus, pellendos sacrificulos. Tandem Archiduce velut beneficii loco abire permissio, reliqui tamdiu detenti sunt, donec sacerdotum exilium a Magistratu fuerit decretum: mirantibus bonis, tantam Calvinianis in urbe esse potentiam, exulemque clerum, & cum eo proscripam pietatem lamentantibus: offenso imprimis Matthia, qui inane Gubernatoris nomen gerebat. Sed ex Principe, servilis quidem imperii impatiente, privata tamen apud Cæsarem vitæ intolerante, præter querelas nihil expressit injuria.

Egmontii &
Lalinii re-
conciliatio.

Valuit tamen indignum facinus tum ad invidiam ordinibus creandam, qui tanto consensu in Gandavensi fœdere Religioni cavissent; tum ad Wallonum reconciliationem festinandam, ac promovendam. Certe & Comes *Philippus Egmontius*, Lamoralii filius, & Comes ipse *Lalinus*, Hannoniæ & Valencenæ Gubernator, alique primores, re-

lictis

illis ordinum partibus, novo se cum legatis Regiis fœdere, conso-
ciarunt, inserta conditione, de exercitu pro Religione ac Rege, ex
reconciliatis provinciis, post emissionem externorum confiando, ac
Belgii Præfecto non alio, nisi ex Regio sanguine asciscendo. Hoc ad-
ditum volebant, quia conscii, quid adversus Regem moliti fuerint, Hi-
spanos ultores timebant; ne, sicut Albani tempore contigerat, ad pœ-
nam revocarentur. Sicque opus ingens perfectum est, catholicorum
applaudentium lætitia, consternatis hæreticis. (anno 1579.)

Parisiis ea super re ludicrum drama datum, fabula verum Belgii *Fabula Parisi-*
statum exhibente. Vacca pinguis in scenam immissa est; quam duce-
bat Rex Hispaniæ tenui ac laxo filo: quod fractum illico necessebat
Farnesius. Dorso infessam cornibus apprehendebant Belgii ordines
atque ad eam sistendam undique opem implorabant. Dux Alenfonius
in auxilium vocatus, cauda impetu apprehensa, belluam abducere a
Rege nitebatur, intentiore tamen cura, quam auxiliares solent. In-
clinati ad ubera hinc Casimirus, inde Orangius, grandi uterque vase
subiecto eam emulgebant. Cum ecce Parmensi nescio quid objicien-
te, excitata repente vacca, caudam ex Alenfonii manu retrahit. In-
fessores excutit. Calce uno abjicit Casimirum, altero repellit Oran-
gium: atque huic sæpe redeunti cornua obvertit, mulctram lactis
plenam proruit, atque ad Regem saltu se proripit.

Hæc provinciarum accessio dum facta est, armis interea nihil ces-
santibus melior causa promota expugnatione Trajecti ad Mosam, mu-
nita admodum urbis; quæ profecto multo constitit sanguine, etiam
nobili. Defendit illam Tapinus Lotharingus, qui cum Lanua etiam
Rupellam propugnauerat. Rejetti sæpius magna cum clade aggresso-
res; orta que ab iis, ob non soluta stipendia, seditio, oppugnationem
difficillimam reddidit, Alexandro in magnas angustias coniecto, &
propriam suppellectilem oppignorante, ut numerata pecunia seditio-
s placaret.

Tum mutato oppugnationis genere, cum primum non processis-
set, tandem post superatas summas difficultates urbe potitur. Sed nec-
esse fuit se dedunt incolæ fœminæ, quæ virorum instar in mœnibus &
propugnaculis ante pugnaverant, viris permixtæ, per forum, vias &
compita aciem instaurant. Unde Regii milites in rabiem acti, nulli
etati aut sexui parcentes, obvios quosque trucidant. Cædem secuta
urbis direptio ac populatio, quæ plures dies tenuit: donec severo
dicto Parmensis illam repressit: ac præsertim fœminis puerisque jam
antea cautum voluit.

Cecidere in ea obsidione, quæ in quantum mensem protraxit, ex Regiis 2500. milites, 37. centuriones, ac præterea Fabius Farnesius, Alexandri propinquus, Ægidius Barlamontius, Caroli filius, sub quinque Belgii Præfectis legionum Ductor, patris exemplo Regias partes constanter secutus. Alexander res duas in hac obsidione se didicisse fassus est, ut sæpius uteretur fossore quam milite, & nihil aggrediretur, nisi propriis oculis inspecto locorum situ. Capta urbe ipsemet periculose decubuit: unde minus poterat furorem populationis coercere.

45.
Colonienſis
conventus.

Interea, dum hæc Trajecti agebantur, non acri minus sententiarum conflictu in *Colonienſi ſamoſo conventu* certatum est. Nam ordines cernentes, dilapſo Alenſonio & Caſimiro, Wallonibus abruptis, exercitum ſuum, quem tot ſumptibus peraverant, magnopere imminui, Alexandrum autem Farnesium, arte, viribus, & fortuna prævalidum, civitatibus, provinciis & victoriis in dies ferme augeri, atque ad pacem propterea respicientes, Rudolphum Cæsarem arbitrum implorarunt, contestati, sibi nunquam aliam fuisse sententiam, quam ut in Belgio catholica Religio obtineat, & sua Regi constet auctoritas. Nec Regi displicuit, apud animum suum reputanti, ancipitis tardique moliminis fore, si tot provincias & opulentas civitates, populosque, & suo pte ingenio, & diuturno belli usu militares, adhæc finitimorum Principum auxiliis feroces, armorum vi ad officium cogi oporteat; neque ignorans, per ipsas adeo victorias, urbiumque captarum ruinas se ditiones suas ac patrimonium destruere, & brachio velut dextro sinistrum præscindere, arbitrum Cæsarem voluit, misso Coloniam *Terranova* Duce, novennali Sicilia administratione sibi probato.

Regis refer-
vata.

Tria autem sibi reservata Rex voluit, in quæ nulla Mediatori potestas esset: Religionem catholicam, Principis auctoritatem, dimissionem Matthiæ ex Belgio. In quatuor admittendis capitibus conventionis Gandavenſis, cujus confirmationem ordines postulabant, difficile se exhibere legatus jussus est: nempe circa fœdus a provinciis initum: generalem earum conventum: edictorum moderationem & Orangii in Belgio commorationem. Privatis tamen litteris addidit, in quatuor his punctis, si aliter reconciliatio fieri non possit, temperamentum aliquod admitti posse.

Petierant ordines, ut Imperator interim, dum Colonia de pacificatione ageretur, armorum inducias decernat. At vehementer obstitit Farnesius: has esse machinationes Orangii, inquit, qui nunquam pacem sit serio initurus, sed ad lucrandum tempus has inducias peti. Regium exercitum in medio victoriarum cursu florentem metui; ordinum copias plurimum attenuatas languescere. Hinc in-

inducias per ludificationem postulari, ut exercitu reparato, bellum restaurare queant. Wallonica conciliationis negotium nunc serio agi. Ad hoc impediendum, cum alia frustra tentassent, illud ad conventum Coloniensem avocari, ut finem nullum inveniat. Denique delegatos ordinum necdum esse Colonia, imo necdum delectos, nullo igitur jure armorum suspensionem peti.

Datum deinde Colonienſi conventui initium. Aderant Cæsaris nomine Electores Colonienſis & Trevirenſis, Antistes Herbipolenſis, Juliæ Ducis legati, cum Ottone Schwarzenbergio. Regis nomine Terranova legatus, cum tribus conſiliariis, a Parmenſi ex Belgio ſubmiſſis. Ab undecim fœderatis provinciis totidem procuratores miſſi ſunt; quos inter eminebat Philippus Dux Aſſchotus. Acceſſit Roſſanus Nuntius Apoſtolicus. Inſpectis dein ſiduciariis legatorum literis, quibus poteſtatis ſibi commiſſæ fidem facerent, diſceptatio orta eſt, quænam pars prior tranſactionis capita debeat proponere: dicentibus ordinum legatis, audituros ſe, quid Rex à ſubditis poſcat; reſpondente Terranova, ordines interpeſſaſſe Cæſarem, dicerent proin, cur Principi ſuo tantopere obluſcentur, quidque petant. Cæſareis hoc æquius viſum.

Protulerunt igitur 18. capita, adeo ſuperbe compoſita, ut jam Poſtulatæ tum apparuerit, nihil ex eo congreſſu ſperandum. Inituros ſe; inquit ordinum. pacem cum Rege catholico, Principe ac Domino ſuo naturali, modo omnia Matthiæ Archiducis acta, penes quem gubernatio Belgii manſura ſit, rata habeantur: quæcunque urbes, arces, & loca a Joanne Auſtriaco aut Parmenſi Principe capta fuerint, in manus ordinum reſtituantur: reformata religio, ubicunque exerceri cœpta jam fuerit, ſine cujuſquam noxæ exerceatur: decies centena coronatorum millia ſupplendæ pecuniæ in bellis a fœderatis provinciis inſumptæ, ab Rege ordinibus perſolvantur.

Enormia hæc poſtulata concepta ſunt Antverpiæ, cum illic de inſauſta aggreſſione Trajeſtenſi & ſeditione militum nuntiatum fuit. Juiſſi ſunt a Cæſareis æquiora proponere. Terranova vero Regis nomine pollicebatur, Belgium externo milite liberandum, ſenatores & Præfectos non niſi Belgas conſtituendos. Orangii filium libertati reſtituendum, atque Hollandiæ, Selandiæ & Ultrajecti Præfecturis donandum. Religionem catholicam, excluſa omni alia, ubique ſervandam: iudulgendum tamen iis, qui ab ea diſſentirent quadriennium, alio cum fortunis ſuis commigrandi. Regii ſanguinis Principem, qui Belgium gubernet, propediem a Rege ſtatuendum.

Reſponſum
legati.

Ordines, ut palam oſtenderent, quid unice quærant, ad inducias ruriſus converſi ſunt, multa de Parmenſi queſti, quod

armorum pertinacia pacis commercia turbet. Sed respondit Terranova, Farnesium per arma non aliena petere; & armis subigi rebelles posse, & volentes conciliari. Non peti inducias ab ordinibus, ut pacem ineant, sed tractari de pace, ut inducias obtineant. Pene nudos cum bene vestitis de vestimentis velle ludere. Trajectum jactis ultra citraque Mosam pontibus, castellis, & aggeribus clausum undique teneri. Inique peti, tantum spei repente abjici.

Post multam disceptationem Cæsarei pacificatores mediam viam tentarunt, Matthiam Belgii Præfectum non quidem confirmandum, acta tamen illius rata habenda. Urbes aliaque loca Gubernatori tradenda, sed ab eo non nisi Belgis conferenda: qui fidem Regi & ordinibus obligent. Religionem catholicam unice servandam, ut ordines ipsi sint pollitici. Hollandis tamen & Selandis, qui ab ea recesserint, pro temporum necessitate indulgendum, ut impune possint degere, donec aliter super pœnarum moderatione a conventu ordinum, a Rege aut Gubernatore convocando, decretum fuerit.

Re infecta
ascenditur.

Quum autem has conditiones provinciæ rejicerent, quin etiam minitarentur, se abdicato Rege, Alenfonio Belgium potius tradituros, mediatores infra dignitatem suam & Cæsaris majestatem rati, nullo cum fructu Colonia diutius hæere, colloquio, tanto Procerum apparatu agitato, septimo postquam coeptum est mense, finem imposuerunt: culpa infectæ rei a partibus mutuo rejecta: sparsis etiam utrinque libellis. Cæsarei culpam ordinibus imputarunt, quod nunquam legatis suis plenum mandatum dederint; quod magnam temporis partem in induciis poscendis aut Wallonum reconciliatione interturbanda consumpserint, concordiam vero languide & ambigue tractarint; quodque conciliationis capita a Cæsareis conciliatoribus proposita novis identidem tergiversationibus eluserint.

Non tamen nullus omnino fructus conventus fuit. Nam *Areschotus* cum quatuor aliis legatis, sejunctus ab aliis collegis, Antverpiam regressis, Colonia substitit, & conditionibus a Cæsareis propositis ceu æquis subscripsit: Valencenates etiam & Buscoducenses easdem amplexi, cum Rege sunt conciliati (anno 1579.)

Continuatio Historica.

46.
Frisia & Transselandia
ad Regem.

Postquam autem Trajectum fuit expugnatum, plures aliæ civitates, imo integræ provinciæ, uti *Frisia* & *Transselandia* ad Regem redierunt. Nam utriusque provinciæ Gubernator Georgius *Lalinus* Rennebergii comes, haud indecorum sibi ratus, si Wallonicæ Nobilitatis, ac præsertim Lalinii Hannoniæ Præfecti, & Lalinii Montinii, cognatorum exemplo provincias & Principi suo & Victori restitueret, retenta

Præ-

Præfectura, cum annuo reditu 20000. florenorum, ex Regio harum provinciarum patrimonio, ac dignitate Marchionis, rem eo deduxit, ut utraque provincia Regi sacramentum diceret. Mechlinia pariter, victis ab Olivera ordinum copiis, in easdem cum Wallonibus conditiones se dedit.

Et videbatur sane totum Belgium vi aut sponte Regias partes secutum, nisi necessaria pecunia ab Hispania defuisset. Sed Lusitana expeditio & animum Regis, & pecuniam a Belgio abstraxit, utpote ex qua occupata non unius Belgii, sed regnorum plurium pecunia hauriretur. Cum igitur belli nervus deficeret, Farnesius ex summa fortuna in summas difficultates & angustias redactus est. Nam Wallones ex pactis urgebant abitum externi militis: Rexque id ipsum imperaverat. Copiæ exteræ, variis seditionibus motis, detestabant discedere, nisi stipendiis numeratis. Alexander non habebat unde solveret: neque unde novum exercitum conduceret. Milites prædarii, laborantes inopia, late prædas agebant, atque urbium direptionem minabantur.

Quæ sane difficultates non tantum victoriarum cursum abruperant, sed ingentem victoris animum ita dejecerant, ut amare apud Regem questus, se ex Belgio dimitti rogaverit. Verum Rex in statione jussit persistere; missoque pecuniarum subsidio aliquo, Farnesius stipendiorum parte soluta veteranas legiones, Hispanos, Burgundos, Germanos, Italosque ingenti cum mœrore dimisit, abscisso gloriæ campo, paucis Wallonum copiis se coactus credere, & tyronum supplementa, ex eadem gente conscripta, militiæ initiatos imbuere.

Emissio veterano milite federati per Lanuam, militum in Flandria præfectum, capto Egmontio, Ninovam occupant, & per Norritium Anglorum tribunum Mechliniam, mense integro dein direptam, ea crudelitate, ut populatio illa *Anglicana furia* diceretur. Sed brevi in spes novas erectus Alexander vices rependit, conferta per Marchionem *Rubasium* memorabili pugna, in qua præter cæsos captosque quam plurimos Gallos Hugonotos, Dux ipse *Lanua* captus ad Alexandrum Montes adductus est, atque in Limburgensem inde custodiam abductus; homo obnixè hæreticus, multorumque in Gallia & Belgio malorum incenter: hæsitque per quinque annos in ea captivitate, donec cum Egmontio commutatus est. Wallones autem, omnium Belgarum pugnacissimi, ea victoria animati, occupataque Cortrace, erecti, spem de se optimam præbere Farnesio conati sunt, ut ex erui militis dimissi memoriam deponeret facilis. Sed nova rursus voluntas Regis curas ejus animumque distraxit. Namque

Difficultas
od stipendi-
orum inopi-
am.

Exteri mili-
tes dimissi.

Anglicana
furia.

Rubasi vi-
storia.

47.
Margaritha
in Belgium.

Alexander
dissuadet di-
visionem
præfecturæ.

Dimissio-
nem petit.

48.
Hornanus
plexus.

Advenerat interea in Belgium Margaritha, Alexandri mater, re-
sumptura Regis voluntate Belgii Gubernationem, relicta apud filium
sola armorum præfectura. At is, summa veneratione & vere filiali
matre excepta, in Hispaniam rescripsit, ea potestatis divisione nec ma-
tri, nec Regi, nec sibi, nec Belgicis rebus consultum: rogare proin se,
ut sibi, ex Belgio dimisso, Regias manus deosculari liceat. At Rex
ad ea non motus, in sententia perstitit; donec Alexander, certus,
eam dimidiatam Præfecturam publicæ rei noxiam fore, ad Gran-
vellanum, qui omnia in animum Regis potuerat, scripsit; summam
quidem sibi venerationem esse in Margaritham, & summi Cæsaris
filiam, & maximi Regis sororem, & matrem suam amantissimam,
& Belgii jam ante Gubernatricem prudentissimam, Belgis omnino
gratissimam: sed ad præsentem Belgii statum plane non condu-
cere, ut potestas dividatur; licet enim inter matrem & filium per se
ipsos nulla sit futura discordia, Urbanos tamen inter militumque Præ-
fectos non defore varias contentiones. De cætero non videre se, cur
a Rege tali pœna plectatur, ut Gubernatione dejiciatur. Se cum in Bel-
gium venisset, duas duntaxat provincias invenisse, Regi adhærentes,
tertiam suo ductu adjecisse, ac postea, mortua Joanne Austriaco, tres
rursus, inita cum Wallonibus conciliatione Regi comparasse, hisque
Frisiam etiam & Transiselaniam adjunxisse, ut adeo octo omnino pro-
vincias sub Regis imperio habeat, præter complures in Flandria, Bra-
bantia, aliisque provinciis urbes, vel occupatas, aut in fide retentas;
spemque fore præsentissimam, plures adhuc brevi reducendas. Si ta-
men his intra biennium gestis adeo male de publica re sit meritus, ut
adimenda sibi videatur gubernatio, se nullatenus refragari, quo mi-
nus alibi obsequi Regi possit, aut etiam sub matre gregarium in Belgio
militem agere.

Quum dein rumore de Alexandri discessu percrebescente militia
vehementer quereretur, Rex tandem consilio mutato, integram eidem
administrationem persistere voluit, Margaritham nihilo secius in Belgio
manere, ut revertentes ad obsequium Belgæ ad eam, sacram velut ad
aram, possint confugere. At illa triennium Namurci morata, cum
omnia bellum respicerent, impetrata venia in Italiam rediit.

Tumultuari dein rursus miles, ob vetus malum, pecuniæ ino-
piam: urbes aliquæ Nobilesque ad ordines deficere, atque in ipsam etiam
Alexandri vitam conspirare. Hos inter erat Hornanus comes, cum
Chrecquo & Inchio. Sed Montini & Rubasii fide detecta proditione
captus *Hornanus*, judicioque habito, capite plexus est: nulla Belga-
rum commiseratione, quorum ex primoribus multos, dum tumultua-
rius esset Bruxellis Gubernator, in senatu capi, & in custodiam trahi
jusse.

iufferat: superbo ingenio homo & variabili, qui semper alibi esse mallet, quam ubi erat. Bona, fisco debita, ejus sorori capti Egmontii conjugii relicta sunt.

Nec minus sollicitum habebant Parmensem res Frisiam, jam tertium mensem Gröningæ ab Orangianis obfesso *Lalinio Rennebergio*, desertumque se, postquam ad Regias partes transisset, conquerente: præsertim ubi inauduit, Comitem *Holachium* Orangii affinem, novis cum copiis imminere. Licet igitur pecuniæ inopia tot tristibus undique nuntiis occurrere non posset Alexander; ne tamen Rennebergium destituat, & Frisiam ac Transiselandiam rursus amittat, conquesto undecunque ^{Victoris Gröningensis.} *Martino Schenckio* ductore copias misit. Quæ commissa ad *Hartenbergam* in Transiselandia cum *Holachio* pugna, egregiam Victoriæ reportarunt, cæsis 1500. Orangianis, tormentis & impedimentis omnibus in potestatem redactis, ex Regiis 52. tantummodo desideratis. Soluta mox Gröningensi obsidione Rennebergius victricia arma late circumtulit, captis non paucis arcibus, fractoque compluribus secundis præliis Orangii & *Holachii* robore. (anno 1581.)

Hæc, quamquam prospera, Wallooibus movebant invidiam, quasi Alexander misso in Frisiam milite posthaberet eorum provincias, hostium incurfionibus, *Cameraco*, *Tornaco*, *Condæo*, & *Bouchemio* impune prodeuntium, expositas. Quare *Bouchemium*, cui *Vilersius* præfectus erat, per *Mansfeldium*, *Montinium*, *Mottæum*, & *Rubasium* expugnavit, non sine insigni hostium perfidia, qui libertatem abeundi pacti, pulverem nitratum arci lentumque ignem supposuerat. Quo, ^{Urbes capte.} arce salva, centum Domus conflagrarunt. Cum postea inter *Mansfeldium* castrorum Præfectum & *Rubasium* Magistrum equitum magna dissensio ex æmulatione exardesceret, Alexander illi *Nivellam*, huic *Caineracum* expugnandum commisit. Ipse verò cum *Montinio Condæum* recuperavit.

Orangius fœderatorum ordinum potentiam virêsq; tantopere imminui cernens, ut reditum absunderet, eis tandem persuasit facinus execrandum, ut Antverpiæ congregati definirent, Philippum Regem, quod jurata Belgis privilegia non servârit, Principatu Belgii excidisse, ob eamque causam Belgarum populos (ipso Philippo in Belgii inauguratione id permittente) à fide obedientiaque jam liberos, novum sibi Principem, Franciscum Valesium *Alenfonii Ducem* Galliæ Regis fratrem, volentes libentesque deligere. Ad quem invitandum *Aldegundius* cum aliquot Nobilibus ablegatus, haud difficulter persuasit Principi iniquo, & imperii avido, ut se cum instructo exercitu in Belgium venturum promitteret.

49.
Fœderati
Regem abdicant.

Alenfonium
sibi Principem eligunt.

Abit Matthi-
as.

Matthias Archidux, in cujus oculis hæc agebantur, non expectaturus novum Principem, abdicata in eodem ordinum conventu personata quatuor annorum administratione, despectus & abjectus in Germaniam rediit: relicta Alenfonio persona, in eodem turbido Belgii theatro nec diutius nec felicius sustinenda. Edicto ordinum Hagæ comitis promulgato, illico Regia fracta sunt sigilla, dejectæ ejusdem imagines & insignia, erasa nomina; ordipibus Sacramentum dictum. Tum rursus in sacra catholica conversus furor, hæreticis pro effræni licentia omnia miscentibus. Rex vero Orangium ceu perduellem hostemque publicum proscrit: occisoribus ejus 25000. aureorum decreto præmio. Ille vero edita apologia causam suam tueri est conatus. Sed dum Regem Belgio spoliare nitebatur, *Bredam* gentilitiam urbem suam amisit, quam *Altapennius* Barlamontii frater, immisissis uoclu clam militibus in arcem, occupavit, ac militi diripiendam reliquit. Institauratus dein sacer cultus (anno 1581.)

Orangius
proscriptus.

Præda capta

50.

Agitur de
revocando
extero mi-
lite.

Venit interea in Beligium iusto cum exercitu Alenfonius, & liberato ab obsidione Cameraco, variis locis potitus, Farnesio viribus impare prælium detrahente, timebatur majores progressus facturum. Unde, quia Provinciæ Regi addictæ facile videbant, solam Wallonum militiam Gallis & ordinum copiis non posse resistere, optabant jam exterum militem, cujus dimissionem tanto ardore antea postulaverant, revocari. Farnesio nihil erat optatius quam ea gentis persuasio, atque ferum, dum calebat, cudendum ratus, Nobilitatem, quæ sola dissentire videbatur, Egmontii & Hornani exemplum verita, in hanc sententiam perducere laborabat. Aggressus primum Lalinios, Hannoniæ Gubernatorem, & Montinium, dein vero Rubasum. Nec illi, securitate & munerum retentione sibi promissa, obstiterunt. Quin ipsi a Rege petierunt exterorum auxilia. Ausæque sunt hæc studia, ubi Alenfonius ab ordinibus publice inauguratus est Antverpiæ Dux Barbantiæ & Belgii Princeps, advenientibus identidem novis e Gallia & Anglia pro eodem suppetiis.

Tornacum
captum.

Alexandri
periculum

Verdugi
vi Gloria.

Dum autem expectatur responsum Regis, & adventus externi militis, Alexander, ut *Cameracum*, Gallis relictum, compensaret, *Tornacum* obsedit, præmunitam in Flandria urbem, in quam passim hæretici, ex Wallonum provinciis ejecti, tanquam sentinam colluvione confluxerunt. In ea obsidione præsentissimum vitæ discrimen Parmensis subiit, tormenti explosione inter ruinas sepultus, sed saucius rursus egressus tanta vi oppugnationi insitit, ut pertinacia tandem fracta deditam urbem receperit, libertate abeundi hosti concessa. Eodem ferme tempore *Verdugus*. Rennebergio defuncto susceptus Norritium & Nassavium in Frisia magna strage profligat, captis omnibus tormen-

tis

tis ac reliquo belli apparatu. Altapennius vero *Eindoviam* occupavit. (anno 1581.)

Mox *Aldenardæ*, quam ob munitiones a Lanua adjectas Rupellam minorem dixere, atque in expugnabilem putabant, oppugnatio suscep-
ta. At duo in ea pericula Farnesius subiit: primum a seditione Ger-
manæ legionis, quæ stipendia ferociter postulavit. Verum Alexander
stricto gladio in medium strepentium & arma intentantium globum in-
vestus viginti illorum illico suspendi jubet, legione tanto Ducis ani-
mo attonita, nec hiscere ausa. Alterum subiit, cum grandior pila in riculum.
prædentis tentorium projecta mensam subvertit, & aliquot assidentes
prostravit. Nil ille motus eodem loco sterni rursus mensam iussit, re-
jecto securiore, ne hostes gloriarentur, Alexandrum aliquando fugisse. *Aldenardæ*
Expugnata denique hæc Rupella, catholica sacra, quæ diu exulabant, capta.
recepit. Parcitur civitati, Margarithæ matris patriæ: imperata ta-
men multa, inter milites distributa. (anno 1582.)

Advenērunt interim in Belgium 5000. Hispani & 4000. Itali. Illis Adventus ex-
in duas legiones divisus dati Tribuni *Pacius* & *Mendragonius*: his vero teri militis.
Garduinus, & *Camillus* a *Monte*. Accesserunt multi ex Italia Nobiles,
milites honorarii, ut sub Alexandri disciplina bellandi artes addiscerent.
Et opportune venerant eæ copiæ, Alenfonio cum novo exercitu in Bel-
gium movente: Rege Henrico aut dissimulante, aut etiam matris im-
pulsu adjuvante. Alexander Gallos adortus, victosque Gandavum fu-
gat. Ubi Alenfonius Flandriæ comes est renuntiatus. Oppidis inde
ultra citroque captis certatum. Et Regii quidem Liram astu occupa-
runt, opera centurionis Scoti, ad Alexandrum transeuntis: *Cavream* captae urbes.
vero & *Ninovam*, *Egmontii* arces, cum *Cameresio*, *Clusa*, *Stenovico*,
vi expugnant & *Lovanium* obsidione liberant.

Hæc dum prospere a Regiis geruntur, acta est res magna, quæ 51.
Gallorum ordinumque partes magnopere prostravit, Hispanas vero Alenfonii in-
mire erexit. Nam *Alenfonius*, se præter inanes titulos, non aliter ac valio.
olim *Matthiam* Archiducem, ab ordinibus haberi, impotenter ferens,
auctoritatem sibi armis asserturus, Tribunis, qui in Flandriæ urbibus
Gallicis cohortibus præerant, præcepit, ut uno omnes die (hæc erat
16. Januarii, anni 1583.) Flandriam armis occupent, eamque ceu jure
belli captam, Galliæ afferant. Ipse vero Alenfonius Antverpiam
subigendam deligens sibi Gallicas copias in urbem qua astu, qua vi
ducit, cæsisque custodibus, Antverpiam captam inclamant Galli.
Cives, ubi diripi urbem, omniaque per vim agi spectarunt, correp-
tis armis, Gallos ingenti clade prosternunt, 250. Nobilibus interemp-
tis, ex aliis vero 2000. Flandriæ urbes vario eventu attentatæ,
Ostenda, *Brugis*, *Neoborto*, prævalentibus adversum Gallos: sub-
actis contra a Gallis, *Teneramunda*, *Dunquerca*, & *Dixmunda*.

Ex his turbis & Alenfonii cum ordinibus collisione quid commo-
 Clades. di capere possit Farnesius deliberans, tentata frustra cum alterutra par-
 te transactione, diviso bifariam exercitu, simul Dunkerchæ Alenfonii-
 um, & Stenbergæ *Bironium* ejus Ducem aggredi statuit. Hanc expedi-
 tionem ipse suscepit, captisque aliquot in Brabantia arcibus, Bironium
 Stenbergam se recipientem insecutus, pugna aggreditur. Jamque Gal-
 li delibabant victoriam, cum Alexander suos fugientes sistens, victori-
 que magna clade Gallos, Belgasque immistos profligat. Bironii fugam
 & fuga ex Hochstratæ, aliorumque oppidorum deditio secuta est. Alenfonius au-
 Belgio. dita hac clade, & Farnesii Dunquerchæ imminentis festinatione, veri-
 tus Alexandri fortunam opperiri, relicto ibidem Gallico præsidio, clas-
 se consensa in Galliam rediit, quasi cum Rege deliberaturus de re-
 conciliatione cum Belgis.

52. Suscepta mox a Mottæo, Montinio, & Montragonio *Dunquerchæ*
 Urbes capta. oppugnatio: nec ultra sex dies protracta. Nam deditibus se Gallis
 liber concessus abitus. Urbs ipsa clementer habitata. Prolata dein victo-
 ria Alexander *Neoportum*, *Meninam*, *Duxmundam*, *Winocibergam*, *Wur-*
nam recipit. Per Altapennium *Sterbergam*, per Tribunum *Taxium*
Zulphaniam occupat, cæsis non raro Orangianis.

Unum inter hæc ubique prospera exedebat Alexandri mentem,
 quod rei nummaria, cujus supra modum premebatur inopia, videret
 occasiones præsentissimas sibi eripi, & nobilium victoriarum palmas pe-
 ne inter manus confringi. Quare Regi victorias gratulatus, ferme abs-
 que milite & ære partas, Divinæ plane clementiæ miracula, cum ge-
 mitu exhibuit, præter præsidia non ultra sex armatorum millia sibi supe-
 re; sed si mitterentur auxilia, sperare se, intra annum tota Bra-
 bantia potiturum. Rogat itaque Regem, ut liberalitatem suam pro-
 lixius exerat, ut bellum, alias sine fine extrahendum, brevi confectum
 ad vota videre queat. Ettamen, quod mirum, tanta laborans penu-
 ria, Flandriam victoriis excurrit, captis *Rupelmunda*, *Axella*, *Uisto*,
Aoste, *Middelburgo* *Flandriæ*, cum *Wassens* agro: reducta ubique Re-
 ligione exule. (anno 1584.)

Quibus præclare gestis accepit a Rege litteres, quibus eis gratias
 agit ob tot v. etorias, atque significat, peditatum omnem Hispanum,
 absoluto jam Tertiis in insulis bello, mitti a se in Belgium in tres legio-
 nes distributum, ductore Petro Taxio, qui Alexandro scripsit, constare
 eas legiones 5003. militibus. Jussit etiam Rex ex auro classe Indicare
 cens advecto, in arce Mediolanensi decies centena aureorum millia
 depori, per partes in Belgium mittenda. Addit denique, Colonien-
 ses, & Bavarum eorum Antistitem repetitis litteris opem adversus Geb-
 hardum Truchesium implorasse; curaret proin, ne tam justo patrocini-
 o

nio res catholica, & spe sua Bavarus frustratur. Et implevit vota Farnesius, misso ad Ernestum Carolo Lignyo Armbergii comite cum 3000. peditibus, & 500. equitibus, plerisque veteranis, quos novis postea subsidii auxit. Victi hæretici: Gebhardus in Hollandiam profugus: firmata Ernesto dignitas.

His lætus Alexander tres amplas Flandriæ civitates, *Gandavum*, *Brugas*, & *Ipras*, abscisso commeatu fame edomare decrevit. Ac primum *Ipræ* se dediderunt: dein *Brugæ*, quibus ordinum nomine præfectus fuerat Carolus, Croyus Chimaci Princeps, Ducis Areschoti filius, qui superiore anno Regis partes deseruerat. Sed Parmensis patrem dixit Gubernatorem urbis, cui nullum præsidium imposuit, sed *Dannæ* oppido proximo. Reductus Brugenfis Episcopus, qui majorum sacra instauraret. Pertinacius Gandavenfes resistebant, sed interclusis alimentis inedia fracti, Alexandro se permittunt, qui urbi, grandi ære multatæ, & sacra restituere iussæ, validum præsidium imponit, eique Præfectum dat Federicum Perenotum Campinii Dominum, Cardinalis Granvellani fratrem, quem prius Gandavenfes carcere concluderant. (anno 1584.)

Tot calamitatibus arctati residui fœderati Belgæ, missis in Galliam legatis *Alenfonium* revocant, conditionibus multo amplioribus, adeo, *Alenfonis* ut eo absque liberis defuncto, Belgium Gallia Regno se conjuncturos promitterent. Sed altior vis filum huic telæ texendæ præparatum incidit, subito e vivis raptò Alenfonio. Si quis unquam alius, hic certe Princeps variantes rerum humanarum vices expertus est: jam Cal- *Elogium.* vinistarum Dux Catholicus: frater armatus adversus fratrem, subditus in Regem: jam captivus ac longa custodia derentus; nunc Angliam gloriose ingressus ad Regalem thalamum: mox spe delusus. Modo Belgarum Princeps magnifice inauguratus: rursus magna cum ignominia toto Belgio bis ejectus. Jam potentissimi Regni hæres proximus, summo fastigio propediem admoventus, atque a populis adorandus, sed mœre contabescens in flore ætatis vitam turbulentam finiit. Hæc rerum humanarum fides, præsertim ubi ambitio se ipsam torquet, & illud negligitur, quod solum vitam beatam figit.

At non unus Alenfonius ambitionis cupiditatisque triste documentum reliquit; infecutus mox Orangius infelicius finiit, quam luserat, vitæ humanæ tragœdiam. Is jam ante Antverpiæ, ipso Alenfonii natali die, post lætum convivium a *Joannello Jurengio* Cantabro juvene sclopo utramque maxillam sauciatus, tribus post annis Delphis in Hollandia a *Balthasare Girardo* Burgundo, surgens ab epulis fistula in cor explosa peremptus est. Percussor a fuga retractus, & quæstioni subiectus, quo auctore id facinus patraisset, quum Divino tantum instinctu id factum

constanter asseverasset, dire multumque tortus, atque in quatuor partes, lento supplicio dissectus est, militibus, qui Ianienae interfuerant, juvenis (26. annorum erat) animum imperterritum, tormentis omnibus majorem. (anno 1584)

Elogium

Atque hunc finem inquietæ vitæ imposuit Wilhelmus Nassavius, Princeps Orangius (*Auriacum* aut *Arauscanum* alii appellant) anno ætatis 51. belli civilis 16. cujus classicum ipse Belgis cecinerat, ostentato libertatis signo, assumpto hæreticorum patrocinio, Divinæ ac humanæ Majestatis reus: quippe ausus contra Regem suum initio propriis auspiciis arma sumere; post occultis conjurationibus, publicis fœderibus, attractis ad partes magnis Principibus, Belgio ad speciem impositis, sed sibi re ipsa subjectis, scissas astu provincias contra quatuor Regios Belgii Præfectos, pertinaci bello in armis tenere: eo quidem successu, ut ante Farnesii adventum ad duas provincias contraxerit Hispanam potentiam: donec eandem sub Alexandro reslorescentum extimescens, sibi que cavens, gentis credulitatem adeo circumegit, ut publico edicto Regem suo exuerent patrimonio, Gallumque sibi Dominum adoptarent: a quo Hollandiam & Selandiam clienterali jure possidentem, secundum Alenfonii promissionem, habebat Orangius. Unde commisisse bello Galliæ Hispaniæque Regibus has provincias sibi firmandas sperabat: repertique feruntur apud eum nummi, adjectis circum literis: *Nova moneta Comitum Hollandiæ & Selandiæ*, inaugurationis die publicandi. Certe illi sua debet initia nova, eaque potentissima per Europam Respublica, quæstuosius per utrumque orbem commercii in immensum provecta.

Mauritius
sufficiens

sub
Holachio.

Post ejus mortem legati provinciarum, Regi necdum parentium Antverpiæ congregati, communi consilio Mauritium ejus filium, secundo natum (nam Guilielmus primogenitus in Hispania adhuc detinebatur) Hollandiæ, Selandiæ, & Ultrajecti, marisque Belgici Præfectum renuntiaverunt, 19. tunc annos natum, atque in virum ingentem excreturum: dato ei propter ætatem legato Comite *Holachio*; Nivernario Geldriæ administratione commissa, quam Comes Bergensis, Regias partes recens secutus, abdicaverat. Tum in Galliam Legatos ordines mittunt; qui Regi Belgium obtulerunt, eo jure, quo Carolus V. possidentum. Fluctuabat animo Rex, tum quod spes tam vicinæ tamque optimæ prædæ invitaret, tum quod metueret, ne Belgæ rejehti Angliæ Reginæ se dederent. Ex altera parte, turbatis Galliæ rebus novo & ancipiti bello cum Hispano se implicandum videbat. Tandem legatis respondit, Gliscere in Gallia quotidie turbas, iis intentum prohiberi se, ne Regni vires alio distrahat: iis expeditum curas inde suas in finitimos amicosque populos extensurum. Sic legati re infecta post tertium mensem in Belgium reversi sunt.

§. II.

Alexandri Farnesii septennium alterum.

Parmensis interea inaudita fortitudine suas prosequabatur victorias, obsidione præsertim *Antverpiensi*, qua nulla unquam memorabilior. Jacta hic rapidis in fluminibus, castella, frænati amnes, aperti infra undas cuniculi, fluvii aggeribus superfusi, rursusque aggeres fluviis impositi: & quasi modicus videretur unius Antverpiæ obsidendæ labor, eodem tempore urbes prævalidæ sex ac potentissimæ simul omnes obsessæ, simul circumactæ vix anno in potestatem redactæ, *Antverpia, Gandavum, Neomagus, Bruxellæ, Tenerunda, Mechlinia*. Et quidem paucis admodum copiis res tantæ actæ sunt. Nam partem præsidia urbium arciumque distrahebant. Legiones duas Arembergius & Manriquius in agro Colonienti habebant. Pars in Frisia sub Verdugo provinciæ Præfecto, & Tassio ejus Legato, adversus fœderatos militabat. Zutphaniam cum aliquot equitum turmis Appius de Comitibus & Capisuccus percurfabant. Marchio Rubasius cum sua Wallonica Legione fines Artesiæ & Hannoniæ adversus excursiones Gallorum tuebatur. Alexander in Flandria & Brabantia non plures habebat, quam 10000. peditum, & 1700. equites: cum quibus res tantas gessit.

54.

Expugnatio
urbium.

Obsidionem Antverpiensem tam paucis cum copiis suscipi non posse censebant magni Duces, Mansfeldius, Mottaus, Goignius, Licquius, Belgæ; Mondragonius, Billius, Olivera, Pacius, Hispani: Camillus a Monte, & Camillus Capisuccus Itali: cum Georgio Basta, Epirota, qui postea in Hungaria & Transylvania Cæsaris supremus belli Præfectus inclaruit. Sed cedentes auctoritati Alexandri obsidionem inchoarunt; atque ut omnem urbi commeatum abscinderent, ingentem Scaldi pontem, miro artificio operose confectum, imposuerunt, ex quo omnes naves arcerent. Ferturque *Aldegundius* urbis Consul, cum prodigiosum eum pontem absolutum cerneret, dixisse, non humani ingenii inventum tam stupendi operis, supraque fidem fuisse, flumen tam latum tamque profundum mortalibus manibus claudi potuisse, ac Brabantiam cum Flandria per pontem committi.

Præsertim
Antverpiæ

Pontis.

Dici non potest, quanta Antverpienses sint machinati, ut hunc pontem, & inædificata eidem castella subruerent. Inter alia complura novo prorsus invento a *Lambello* homine Italo, qui in urbe agebat, navigia incendiaria, sulphurea peste & pulvere bellico farta atque flammæ ingentes eructantia, fabricata sunt, & ex urbe per Scaldin adversus pontem emissæ: eorum unum, postquam nautæ in scaphas desilierunt, ad pontem dissiliit, horrendo usque adeo fragore, ut ruere cælum, supera inferis misceri viderentur. Nam ejecto inter fulgura & toni.

Naves incendiaræ.

tonitrua, lapidum, catenarum, & globorum nimbo, horrenda strages est edita. Castellum, cui tartarea navis incubuit, partem pontis, milites, duces, tormenta, uno omnia involuta impetu in sublime rapuit, dispersitque quasi ventus folia. Ostingentos milites stygia illa pestis extinxit; plurimos miserandum in modum fauciat.

Clades mi-
sera,

Inter Duces occisos fuit Marchio *Rubasius*, Gubernator Artesiae, & equitum Magister, ob militares virtutes, adductas Wallonum provincias, detectas insidias, Alexandro gratissimus. Obiit pariter Gaspar Roblaeus Billii Dominus, Germanorum legioni praefectus, militari & ipse laude clarissimus. Alexander ipse tartarei ignis vapore prostratus, inter mortuos est habitus. Ubi ex ruinis emerfit, atque strata ubique cadavera, pontem & castella disiecta, miserandamque rerum faciem vidit, indoluit equidem, sed mox animo erectus, ad reparandum pontem se accingit.

Longum foret recensere omnes machinationes Antverpiensium, eruptiones ex urbe, classes Selandicas & Hollandicas in auxilium sub Holachio accurrentes, frequentes conflictus, clades mutuas ingentes, aggeres superatos, rursusque amissos. Sed tandem difficultates omnes evicit Alexandri constantia. Nam Antverpienses legatos ad eum misere, atque inter eos ipsum consulem Aldegundium, qui deditio-nem offerrent, ea tamen lege, ut religioni libertas esset, ut arx nulla urbi imponatur, nec exterum praesidium immittatur. Addiditque Aldegundius, Clavino apprimè addictus, se facile etiam Hollandiam & Selandiam ad obedientiam Regis adducturum, modo Religionis libertas concedatur; manifesto Argumento, quænam tot rebellionum bellorumque princeps causa extiterit.

Verum Rex jam ante Alexandro rescripserat, in omni convention-
tione cum civitatibus hoc primum atque supremum esse debere, ut Religio catholica recipiatur, interdicta omni sectarum professione: relicta duntaxat hæreticis mora, ut res suas domesticas possint componere & emigrare. Satiùs esse, omnia pro Deo profundere, quam ab hac constantia vel minimum desistere. Firmata igitur ab Alexandro, his mandatis instructo, prima de Religione conditio. Iussit Antverpienses templa, quæ everterant, reponere, & ejectas Religiosorum ordinum familias in sua loca & bona accipere. Cumque legati instarent, ut ii solum Religiosi restituantur, qui tempore Caroli V. Antverpiæ habuissent domicilium, Farnesius hæc ad excludendos Societatis Jesu Patres tendere, animadvertens, quorum ipse militiam adversus hæreticos maxime adhibebat, conditionem omnino rejecit, comprehendique omnes voluit. Circa reliqua duo capita sic conventum est: ut Præmensis præsidium ex amicis nationibus secum in urbem addu-

adduceret; & siquidem Hollandi Selandique cum Rege suo reconciliarentur, urbs ab arce & præsidio libera foret.

In reliquis conditionibus ex Regis voluntate liberalis fuit. Data venia: restituta privilegia; hæreticis ad res suas componendas quadriennii mora permiffa: urbi non nisi quater centena florenorum milia pro stipendiis militum imperata; quamvis infinitis sumptibus annalis ea obsidio steterit. Tum dejectis Alenfonii insignibus regia reposita; atque Alexander triumphantis in morem urbem ingressus est, commitantibus Belgis & Germanis. Hispani vero & Itali, Antverpiensibus minus grati, in castris relictæ, in ipso ponte; ab Alexandro constructo, triumphalem pompam victoriæ adornarunt. Ad quos Alexander ac duces egressi, eo ipso in ponte cœnam lautam militibus instruxerunt, iisque ad mensas ministrarunt. Postridie autem pons ille proorsus stupendus sublatus est. (anno 1585.)

Alexander ad ordinandum statum civitatis reversus, Campinium urbi, præsidio Werpium præfecit: Mechliniensem Archiepiscopum ad procuranda sacra, Societatis Jesu Patres ad instituendam litteris & Religione juventutem, clausis hæreticorum gymnasiis, evocavit. Stipendia tum militibus, quamvis defectu pecuniæ non integra, distribuit. Quæ res Wallonibus tumultuandi occasionem præbuit, existimantibus per errorem, se minora Hispanis obtenturos. Hoc tumultu aliorum suplicio sedato arcem, a Margaritha matre designatam, ab Alcano exstructam, ab Orangio dirutam, restauravit, Antverpiensibus non admodum invitis, hospitacionibus militum pertæsis, Et tantæ tunc quidem molis erat expugnare Antverpiam, quam, licet arce munitam, nostris temporibus levi brachio paucos intra dies ad deditiorem compulsum vidimus: captis prius vicinis circum munitionibus.

Interea dum Antverpiana fervet obsidio, complures alias præcëlentes urbes in potestatem catholicæ redegerunt copiæ; atque imprimis *Teneramundam*, jactura tamen Pacii & Taxii Tribunorum: tum *Teneramunda*. Gandavum, unde naves, quibus Alexander egebat, Antverpiam duxerat. Sed Tilinius Lanuæ filius Lilloo (cujus arcem frustra Farnesiani invaserant) egressus, excitato ad Scaldis ripam castello comineatum Gandavum inter & Antverpiam interclusit. Verum is, dum ad evocandum ad Antverpiæ defensionem Holachium properat, a Farnesianis captus est, & in custodiam Tornacensem abductus, magna fœderatorum jactura, & patris Lanuæ, Limburgi adhuc captivi mœrore.

Secuta est mox deditio *Bruxellarum*, fame extorta. Jussi cives *Bruxellæ*. templa reficere, Regii sacelli ornamenta, & pretiosam supellectilem restituere, aut pretium solvere. Hæreticis biennii mora ad emigrandum

dum concessa. Præsidarii (duo circiter erant millia) sacramento adacti, nunquam bellandi adversus Regem. Ordinatus status Ecclesiasticus & Civilis. Postea Alexander huc aulam suam, Belgii Principum & Gubernatorum antiquam sedem, transtulit; postquam eam primum Namurci, dein Montibus in Hannonia, tum Tornaci in Flandria fixerat. Nec mensis abierat, quum *Neomagum*, primaria Geldriae civitas Caroli M. olim sedes, in Regis potestatem venit. Catholici nemque a Meursio Comite Provinciae Praefecto pressi, Altipennium cum copiis Regiis in urbem admiserunt, qui praesidiarios ad deditionem compulsos exarmavit.

Neomagum Accessit sub ipsum finem Antverpiensis obsidionis *Mechlinia*; quam occupatis vicinis munitionibus, obtinuerunt Renthias, Liquius & Mottæus. Urbs arbitrio Parmensis permixta, qui clementer eandem habuit: restituto post longum exilium Archiepiscopo.

Mechlinia. Neque civitates tantum arcesque a Regiis occupatae; in campis Geldria & etiam apertis victricibus signa explicata, maxime in Geldria & Frisia. *55.* Nam imprimis Meursæ Comes recuperando Neomago imminens, a Frisia redu- Nam Verdugo Frisiae Praefecto & Tassio ejus legato victus est fugatusque. *61a per Ta-* Sed major multo pugna ad Armerongam Geldriae pagum commissa est. *xium.* Nam Meursius, auctus *Schenkii* transfugio, & copiis a Villerio, Ultrajecti Praefecto, adductis, Taxium aggressus est. Sed ab eo magna clade affectus Ultrajectum fugit. Cæsi ex hostibus 1400. captus Villerius &c. insigni gloria Tassianæ seu *Taxianæ* Familiae. Sed plures victoriam palmas *Taxius* messuit. Nam etiam Nassavii vicarium in Frisia tanta clade profligavit, ut ex duobus millibus vix decem superessent, qui non aut in acie, aut in fuga cæsi, aut capti fuerint. Quibus ex victoriis, uti Taxio claritudo nominis, ita permagnum Regi emolumentum accrevit, ex omni ferme Frisia submotis hostibus: ut adeo, præter Selandiam, Hollandiam & Ultrajectum, nullam amplius considerati integram haberent provinciam.

Tot tantosque inter armorum progressus non desuerunt catholicis copiis sua in ortunia. Nam Mottæus cum copiis *Ostendam* vi ingressus, quatuor horas locum tenuit. At cum miles ad prædam dilaberetur, & centuriones aliqui suo muneri deessent, non sine clade ab oppidanis ejecti sunt. Sed vices *Buscoduci* foederatis reddita. Eam urbem Holachius cum cohortibus aliquot per astum intraverat: at ejus copiae ad prædam conversa ab Altipennio ad internecionem deleta sunt: urbsque munita Regi servata est. Ostendanae cladi similem passæ sunt Regiae copiae ad *Lilloum*, arce valida, quam Mondragonius olim posuerat, munitam ad Brabantiae oram. Ut ex hac intercluderentur Autverpia obsessæ subsidia, missus est ipse Mondragonius, ut opus suum recuperet. Sed dum lentius agit, immit-

immiffa duo Scotorum millia ex arce erumpunt, Duce Tilinio arcis Præfecto, eumque fugant. Redire quidem parabant ad obfidionem, fed re desperata ab Alexandro revocatus eft. Neque parum negotii eidem hæc arx faceffivit in expugnatione Antverpiæ: ex qua alimenta urbi per Scaldim inferri poterant, donec pons ille portentofus commercium excluſit.

Verum nusquam majores in angustias præſentiusque difcrimen adducti ſunt Hiſpani, quam in *Bomelia Infula*, quam in Geldria efficiunt Moſa & Vahalſ. Siquidem poſt expugnatam Antverpiam tres veteranæ legiones, quæ quinque millibus conſtabant, duce *Bobadilla* in eam Inſulam expeditionem ſuſceperant; cum *Holachius* centum navibus per Moſam adveſtus pluribus in locis aggeres perfodit, ut fluvius excurrere Inſulam inundarit. Hiſpani eluvionem fugitantes in aggeres & editiores colliculos evadunt. At creſcentibus aquis nusquam tuti, & ab armatis hoſtililibus navibus cinſti exitum nullum videbant. Nam *Mansfeldius* cum Buſcoducenſibus navibus accurrens rejeſtus fuerat. Jam & fame & frigore (nam hyems erat) plures enecabantur: illam tot annorum felicem militiam, adempto armorum uſu, ignave finiendam lamentantes. Cum ecce, ubi miles terram ad munimentum fodit, tabulam detegit, Dei Genitricis effigiem referentem. Accurunt contubernales, ſpeque concepta, ſupplices opem implorant, humanis omnibus præſidiis deſtituti. Nec deſuit benigna Mater. Ipſa enim feſta Immaculatæ ejus conceptionis die, undæ glacie congelari cœperunt. Unde *Holachius* cum ſuis navibus, ne glacie conſtringerentur, fugere compulſus eſt. Hiſpani vero, glacie rurfus tepidiore aura diſſoluta, Buſcoducenſibus navibus, prohibente jam nemine, excepti Buſcoducum ſunt reducti. Ubi omni charitate eis ſubventum. Inſtitutaque in beneficii memoriam Immaculatæ conceptionis ſodalitas, per Belgium deinde & Hiſpaniam celebris.

Fœderati, quum in majores ſe in dies anguſtias compingi cerne-
rent, & incaſſum auxilia a Gallia petiſſe, ad Angliæ Reginam legatos mittunt, qui ordinum nomine Belgium eidem offerant, rogentque, ut Gubernatorem mittat. Principatum quidem illa non admittit, milites tamen & Ducem eſt pollicita; & quidem 5000. pedites, 1000. equites: quibus belli tempore ſtipendium ipſa ſolveret, pace compoſita re-
pendendum. Interim in Selandia *Fliffingam* & *Rammecham*, in Hollandia *Brilam*, præcipuos earum provinciarum portus pignoris loco traderent.

Ducem nominavit *Robertum Dudlaum Leiceſtria Comitem*, inti-
mæ apud Reginam admiſſionis virum. Is igitur anno 1585, præmiſſo
copiaſ Norritio & Sidnejo, Belgium magno Nobilium comitatu in-
greſſus,

*Bomeliana
expeditio.*

Calamitas.

*Per B. v.
ſervati.*

*56.
Angli acciti*

gressus, Hagæ, Hollandiæ olim comitum sede, pompa festiva supremus fœderatorum provinciarum Gubernator inauguratus est: Regina se offensam propterea simulante; quod non Gubernatorem sed auxiliares duntaxat copias in Belgium misisset. Sed larva hæc erat, quæ consilii invidiam obtegeret.

Gravia capta, Farnesius, qui jam ferme portum se attigisse crediderat, ubi vidit cum novis rursus fluctibus sibi luctandum, atque post Matthiam & Casimirum, tractasque e Germania copias, post Alenonium, & adductas e Gallia vires, jam etiam cum Anglia confligendum, ut par erat, motus, animum tamen nequaquam despondit, sed ad universum Mosæ Rhenique Belgici tractum spem exporrigens, *Gravia* obsidionem Mansfeldio commisit. Sita est ea urbs ad lævam Mosæ, quæ Brabantiam circumvallat, per se munita, & trajicientibus in Geldriam opportuna. At minime ex voto ibat obsidio. Nam Regii, frequentioribus ad Graviam dimicationibus, jam victores, jam victi, impedire non poterant, quo minus militum & annonæ subsidia inferret Holachius, perforatis aggeribus campos inundans, perque eos cimbis advectus. Igitur Alexander, præsentiam suam videns necessariam, evocato ex Coloniensi agro Altapennio, Bruxellis profectus Graviam, urbem tribus locis aggredi statuit. Sed dum situm lustrat, equus ejus globo e mœnibus emissus prostermitur. Ipse vero in pedes exiliens, suos percussos recreavit. Jam dispositis operibus aggressionem parabant, cum oppidani misso tubicine colloquium exorant, urbemque dedunt. Egressi ex urbe mille præsidarii. Inventa ingens vis armorum, annonæ, ac bellici apparatus. Gubernatorem ob properam deditionem capite plecti jussit Leicestrius (anno 1586.) Eodem die Mansfeldii ductu capta est ad sinistram Mosæ ripam Mega, ad dexteram Batemburgum.

&
Velona.

Farnesius victoriarum cursui insistens ad *Velonam* deinde, præmunitam Geldriæ superioris urbem, exercitum admovit, eamque, strenue licet resistentem, expugnavit: jussam templum restituere, & militi stipendia solvere, cui etiam prædam concessit, ex Schenckii transfugæ, qui urbi præfectus fuerat, rebus collectam: gratulatus Regi, Mosam jam fluere Hispanicam, velut claustro Brabantiam ambientem.

57.
Coloniensis
expeditio.

Neque in Belgio duntaxat Alexander victoricia signa explicaverat, sed in Ubios etiam protendit. Quippe non solum jam ante expulso Truchsesio Ernestum Bavarum in Archiepiscopatum Coloniensem per Arembergium & Manriqueum introduxit, sed postmodum quoque laboranti catholicæ rei succurit. Quippe Meursæ Comes in solennibus nundinis milites, mercatorum habitu teñtos, *Novesium*, urbem præmunitam ac mercatura divitem ad Rhenum introduxerat, quam olim Carolus Audax cum 60000, frustra obsederat. Hæc urbis igitur ab hæ-

reti-

reticis possessa totum agrum Coloniensem infestabat: usque adeo, ut Ernestus Elector summa calamitate pressus, dissimulata persona, Bruxellas ad Parmensem sit profectus, ac supplex ab eo auxilium petierit.

Alexander, quamvis in Belgio magnum superesset bellum, quia tamen res catholica agebatur, neque Belgio expediebat, in Ubiis hæreticos dominari, addixit operam: atque redacta in potestatem Gravæ & Venlonæ, ipsemet eam expeditionem cum selectis copiis suscepit. Ad duo millia hæreticorum urbem propugnabant, accedentibus Novesium duobus civium armatorum millibus; qui pertinaciter, & ad desperationem usque resistebant. Denique expugnata, & a furente milite, frustra inhibentibus Ducibus, direpta est; atque majori ex parte incendio combusta Electori Ernesto restituta: Cuncto Gubernatore, perfido & a Cæsare proscripto, una cum ministro Calviniano e fenestra suspensio. Ejus uxorem, quam ab eximia specie commendabant, ac puellas, in conspectum non admittas, novus Alexander honore habere jussit. Præsidarii 200. trucidati, & totidem armati cives. Atque ita Novesium castigatum est. Una dies vidit urbem florentem viribus & opulentia, hostibus insultantem, altera cædibus ruinisque sepultam. Farnesius vero, in castris Ernestum inter Semptemvirum & Cliviæ Ducem medius, accepta e manu Nuntii Apostolici Divina dape, gemmis radiante gladio & galero margaritis distincto a Sixto V. est donatus, declaratusque Defensor fidei applaudente toto exercitu.

Tum vero ad reliqua Truchsesianæ factionis oppida progressus, *Meursiam*, Alpense castrum, aliaque circum Rhenobergam seu *Rheinbergam* expugnat. Sola hæc urbs, & munitionibus, & præsiidiis valida (nam Schenckius eam cum 2500. militibus defendebat) in Agrippinensium provincia supererat expugnanda. Jamque Alexander eam obsidere cœperat, cum nuntium accipit, post captam in Flan-*Redire eogi-*
tur. *drina Axelam* periclitari *Alostum*, ac præterea ingentes Anglorum copias admoveri obsidendæ *Zutphanæ*. Quare satius esse ratus propria defendere, quam aliena lucrari, excitatis circum Rheinbergam arcibus, ne Coloniensem agrum infestare possit, obsidionem suspendit potius tantisper, quam solvit; atque in Belgium ad extinguendum in propria domo incendium accurrit.

Nam Leicestrius absente in Ubiis Alexandro, occasione utendum ratus, Zutphanæ imminebat. Mauritius vero Nassovius, tantus deinceps belli Imperator, *Axelam* noctu per astum capit, primo hic militiæ rudimento inauguratus ad palmas. Hulstium vero frustra tentavit: accurren-*te* ex Antverpiensi arce Mondragonio. Leicestrius interea ad Zutphaniam exercitum applicat. *Vostius* autem Marchio Alexandri Magister equitum, aureo Vellere nuper donatus,annonam

Par; VII.

X x x x

urbi

Axela.

urbi infert, conferto pertinaci prælio cum Comite *Effexio*, Leiceſtrii Magiſtro equitum. Angli vicinis Zutphanix caſtellis potiuntur. Ubi duorum militum Hiſpani & Angli fortitudo inclaruit. Ille dextera manu abſciſſa, haſtam mutilato brachio alligat, atque cum plures ſternit. Hic vero in propugnaculum aſcenſurus, objectam e muro haſtam manibus prehendi, quam cum alter extorquere niteretur, Anglus elevari ſe cum haſta ſinit, captaque impetu in murum aſſilit, eluſtantibus poſt eum commilitionibus: ſicque captum eſt ab Anglis propugnaculum.

Leiceſtrius
recedit.

Hæc dum geruntur ad Zutphaniam, ordines expeſtabant 4000. equitum peditumque ex Germania. Sed his obviam progreſſus Alexander, conditionibus placatos in patriam remiſit: atque nova rursus cibaria Zutphanix per Vaſtium intulit. His rebus irritati in Leiceſtrium ordines, ſuſpectum eum habere cœperunt, præſertim, cum Præſecturas ſolis ferme Anglis committeret. Igitur ille fœderatis ſe in viſum cernens, in Angliam rediit, velut majoribus cum copiis rediturus. Republica interim ſenatui permiſſa.

Imo ipſum etiam Farnesium, cum, desperata cum Hollandis Se-landisque pace, tantum belli superesse cerneret, Belgicarum turbarum pertæsum videri poterat. Nam in Italiam redeundi copiam a Rege petiit, ea allegata causa, quod patre Octavio & Margaritha matre nuper mortuis, provinciæ propriæ Ducis præſentiam requirant. Reſpondit Rex, Alexandrum Belgio magis, quam Italiæ pacatæ, eſſe neceſſarium: Parmæ & Placentiæ ſe facile cauturum, ne quid detrimenti patiantur. (anno 1586.)

58.
Miſſio Ca-
ſtrenſis.

Igitur Dux Parmenſis bellum Belgicum proſecuturus, ad ſacram etiam militiæ diſciplinam intentus, Caſtrenſem Patrum ſocietatis Jeſu miſſionem inſtituit. Cœpit illam P. Thomas Saillius, a Sigismundo Bathorio Poloniæ Rege miſſus ad Alexandrum, qui eum deinceps ad finem uſque vitæ conſcientiæ moderatorem habuit, ejusque exemplo complures belliduces, ac Proceres aulæ. Quin & per exercitum celebratus (namque ad gregarium quemque pari alacritate ejus charitas porrigebatur) expeti a multis ad hoc miniſterium ceptus eſt. Complures itaque (Albani, Requeſenſis & Auſtriaci exemplo) ad hoc miniſterium Patres evocavit, per legiones ſparſos.

Daventria
recepta.

Proviſis hac ſacra militia Chriſtianæ vitæ ſubſidiis, Alexander annum 1587. initiavit victoriis, nam & arces ad Zutphaniam occupatas fœderatis eripuit, & quod ingens erat momentum, *Daventriam*, Tranſilvaniæ urbem principem, ac poſt Antverpiam & Amſterdamum, emporium totius Belgii ea tempeſtate celeberrimum ac Iſelam. Præerat urbi cum præſidiariis 1400. Anglis ferme atque Hiber-
nis,

nis, Guilielmus Stanlæus, nobilis Anglus, apprime catholicus; qui per Stan-
advocato Taxio Zutphania Gubernatori eandem tradidit, sola, ut
ajebat, conscientia ductus, ut Regi redderetur, quæ sunt Regis, re-
jecto omni traditionis pretio, solam a Deo remunerationem expectans.
Apolo-
giam pro eo scripsit Guilielmus Alanus, edita ad populares suos
epistola, in qua docuit, Stanlæum id jure fecisse, nullius proditoris
reum, quippe qui nulli magistratui fidem obligasset, & obsequi, quod
uni Leicestrio addixerit, obligatione ab eo solutus fuerit. Testes esse
litteras, ab eodem datas, & palam exhibitas. Nec ullis eum largitio-
nibus, aut promissis, proditorum pretiis, adductum fuisse, quin illa
rejecisse, sed conscientia impellente, quod jura omnia exigunt, rem
Domino suo restituisse: naturæ ipsius lege distante, ut cuique suum
tribuatur.

Exemplum Stanlæi secuti sunt ex præfidiariis sexcenti, Angli &
Hiberni, ad Farnesii castra transeuntes. Uxor ejus & liberi ab Angliæ
Regina in carcerem coniecti, bona vero fisco addicta sunt. Haud mul-
to post Rolendus. castello ad Zutphaniam a Leicestrio præ-
fectus, cum 900. præfidiariis ad Alexandrum transit; castellum vero
Taxius ingressus est. Quantam autem hæ res catholicis lætitiæ, tan-
tum discordiarum fomitem Anglos inter & Hollandos attulerunt. Si-
cut enim Angli post præproperam, ut interpretabantur, Graviæ de-
ditionem Hollandis vecordiam dubiamque fidem objecerunt, adeo,
ut Leicestrius dicere auditus sit, nullius se arcis securum, cui An-
glus non præesset, ita nunc Hollandi paria referentes Anglos perfidiæ
arguerunt: querelis in Angliam & inde rursus in Hollandiam revolanti-
bus; ut proin reditus Leicestrii suspensus fuerit, Reginæ voluntate; quæ
tunc tota erat occupata in necanda Maria Stuarta, Scotiæ Regina.

Alexander autem inter hæc Slusas, seu Clausulas, qui est quintus
Flandriæ portus, urbem & situ, & opere, & præsidio numerofo muni-
tissimam, atque undis, paludibus, propugnaculisque circumvallatam,
expugnare decrevit. Et certe vix ullam oppugnationem tam arduam
expertus est. Siquidem adversus omnia elementa depugnandum fuit,
adversus mare, amnes, paludes, limosam & instabilem humum, con-
tra igneos globos, & naves incendiarias: contra Ostendanas, & Selan-
dicas ex opposito portu Flissingano classes. Imponendus ad eas arcendas
latissimo canali pons: expugnandæ complures arces, castella, Insulæ,
præsertim Catlandia: Leicestrius ipse cum novo exercitu ex Anglia ac-
currens arcendus. Adhæc Busco duco aliisque urbibus succurrendum,
quas fœderati, ut Alexandrum a Slusa abstraherent, obsidebant.

Sed omnes istas summas difficultates vicit constantia, mirantibus
ipsis victoribus, petuissæ a 5000. peditibus, & 700. equitibus ex-

X x x x

pugnari

pugnari urbem, tot castellis, insulis, mari septam, tot paludibus aggerumque obicibus, eorumque secturis atque alluvionibus inaccessam, tot auxiliis intra, & extra terra marique accurrentibus fretam. Capta nihilominus est mense altero a tam paucis milite, ad alias etiam urbes distracto; numerum videlicet supplente virtute, ac Ducis artibus. Egressi sunt ex urbe dedita praesidiarii 1300. obsidio autem sustulit ex Slufanis 700. ex Farnesianis vero 250. faucibus aliquanto pluribus. Mottæo brachium pila trajectum; quod deinde abscindi oportuit.

Et Geldria.

Slusam virtuti, *Geldriam* vero, principem cognominis provinciam urbem, felicitati Alexander debuit. Nam *Pattonus Scotus* tribunus pro Schenckio eam administrans, in Leicestrium & Schenckium concepto odio, eandem Altapennio evocato tradit. Angli praesidiarii exarmati. Urbs innoxia servata. Schenchii supellex ampla (in hanc enim potissimum urbem praedas suas & rapinas congefserat) direpta. Wachtendonchæ autem Praefectus, ultionis libidine ob traditam Geldriam, omnes Scotos trucidari iussit. (anno 1587.)

Antapennii obitus.

Urbe tam clara absque sanguine auctus Altapennius, adversus Holachinm, qui *Engelam*, proximam Buscoducum arcem, oppugnabat, progressus, conferto praelio, pila trajectus occubuit. Miles autem Regius continuata pugna, alimenta & praesidium Engelæ intulit: servatisque ordinibus innoxie recesserunt. Delploratus est *Altapennius* a toto exercitu, maxime ab Alexandro, qui tunc Slusam obsidebat, non tantum propter constantem patris ejus Barlamontii totiusque familiae in Regem fidem, sed etiam ob placidas juvenis militares dotes, quem futurum aliquando summum belli Imperatorem animo designaverat; maximis jam rebus gestis clarum. Post Altapennii mortem Holachius, inundatis campis, navibus invehctus, Engela potitus est. Farnesius vero, immissa in Buscoducum annona ac validiore praesidio, Florentio Barlamontio Comiti fratris Altapennii provinciam demandavit, Geldriam ac Rheni ripas curare iussit.

Simultas inter Leicestrium & ordines.

Post jacturam Geldriæ & Slusæ, atque sitarum circum arcium & oppidorum recruduerunt mutuae Leicestrium inter & ordines querelæ, altera parte alteri Reipublicæ male gestæ vulnera imputante. Quare Leicestrius, quod Alenfonius olim Antverpiæ, Lugduni Batavorum tentavit, urbem illam invasurus, eo discrimine, quo Leicestrii conatus ante aggressionem fuerit proditus. Tum enim vero ita tumultus increverat, ut Regina Leicestrium in Angliam revocarit, factum Casimiri, Matthiæ, & Alenfonii, apud ordines expertum. Quippe hi Hispanorum odio perlubenter externi cujusdam Principis potentia & auxiliis bellum gessissent, sed degustata semel liberæ gubernationis dulcedine, præter, nudum Gubernatoris titulum nihil ferme illi relictum vole-

volebant. Unde mutuae sese insectantium querimoniae atque dissidia. Ad Germaniae, Galliae & Angliae haec offensionem pertinebant. Nihilominus tamen Hollandis auxilia mittere pergebant, sive Religionis odio, sive Hispanae potentiae invidia, sive vicini Belgii cupiditate. (anno 1587.)

Continuatio Historica.

Quievit has inter Anglorum ac Hollandorum discordias Alexander, mirantibus multis, quod occasionem otiosus, ut videbatur, sinat elabi. Verum imprimis pacis negotium cum Angliae Regina agitabatur. Dein, cum videret, quantae molis foret, si per Batavas palustres terras, & inundationi pro lubitu obnoxias, bellum oporteret circumducere, per ea dissidia hostium reconciliationem ordinum sperabat. Denique cum pacis consilia frustrarentur, totus erat Farnesius in aparanda classe, quam Philippus Rex in Angliam destinabat. (anno 1588.)

Grandi huic expeditioni is Ducem designabat pro bello in Anglia gerendo Farnesium, rei vero maritimae Marchionem Sanctacrucium. Uterque horum, velut praesagi futurorum, magnopere suadebant, ut ante omnia portus aliquis amplius occupetur. Cum enim Britannicum mare saedis horrendisque tempestatibus sit obnoxium, tutam stationem providendam, in quam classis, maris injuriis substracta, possit recipi. Addebat Alexander, nullum esse in Belgio portum tantae classis Alexandri capacem praeter Flissingam in Selandia. Huc ergo primum vertenda ar-
59.
Apparatus in
Angliam
congluam

ma. Hoc enim portu capto, classem at ergo fore testam, & adversus ventorum furores asylum inventuram. Sperabat enim, Flissinga occupata, se Regi persuasurum, ut ad reliquum Belgii pervincendum adhibeatur classis, unde Anglia Batavorum munimento nudata certius tutiusque adiri, & expugnari possit. Nempe quod saepius petierat a Rege, ut conatum semel omnem perdomandis rebellibus provinciis adhiberet, eum nunc adhibitum, sed in Angliam destinatum, in Belgium retorquere satagebat.

Sed Rex morae impatiens, lentum fore respondit, ejusmodi prius portum quaerere, aut arma per ambages circumducere : Galliam nunc domestico flagrare incendio, silere Turcam, classem incomparabilem paratam; utendum occasione: rei summam petendam, appendices facile secuturas. Jussit proin, ut Alexander selectam in Belgio militiam paratam habeat, atque ut, Sanctacrucio in conspectu Angliae classem continente, ipse milites ratibus impositos confestim transmittat : Sanctacrucii partes fore, trajicientes Belgas sua classe eo usque defendere, dum illos ab hostili classe tutos appulsoque conspiceret.

Conscriptus igitur ex Hispania, Italia, Germania, Belgio, Bur-

X x x x 3

gundia

Copia gundia terrestris exercitus in Belgium missus, quadraginta circiter peditum, & tribus equitum millibus constabat. Pedites in legiones 21. distributi, sub lectissimis tribunis, equites in turmas 22. Ingens insuper Nobilium numerus ex omni natione affluxit, etiam Principum & Ducum, uti Carolus Austriacus Burgaviæ Marchio, Sabaudia, Hetruria, & Aumalia Ducum fratres, Dux Pastrana, multique alii sub Alexandro Farnesio militaturi. Ex hac militia, pro eo tempore numerosa, triginta peditum millia, & mille equites pro expeditione Anglicana selegit. Reliquos pro tutando Belgio reliquit sub Ernesto Mansfeldio, suo interim Vicario, viro tam inter milites Belgas quam Magnates Hispania, & Aurei Velleris Equites omnium antiquissimo, cui, si quid interim humanitus contingeret, substituit comitem Arembergium. (anno 1588.)

Eodem tempore navigia Antverpiæ, Neoporti, Duncherchæ magna celeritate parabantur, excisis in eam rem sylvis Wasiani tractus. Erant onerariæ fere omnes, quibus milites, equi, arma, tormenta, alius, que apparatus bellicus transveheretur. Jamque Neoporti & Duncherchæ milites naves conscenderant, atque signum solvendi in Angliam expectabant; cum auditur tristis nuntius de classe Hispana, quæ in 130. magnis navibus 28000. hominum vehebat, tempestate potissimum disiecta. Qua de calamitate, sane decumana, prolixus disseram, ubi de rebus Hispanicis occurret tractatio.

**Causa ruinae
in Alex.
conjectura.**

Variis rumoribus per Italiam & Hispaniam propter hanc cladem Alexander tractus in invidiam, quasi per retardatam navigationem dedisset causam: si enim exercitum suum mature cum Hispana classe conjunxisset, victoriam in manu procul dubio futuram fuisse. In Hispana praesertim aula palam meabat murmur, Parmensis Ducis potentiam excedere ministri modum: cinctum illum magnis exercitibus veteranis, victoribus, obsequentibus. Hostibus ipsis nihil in eo displicere præter Hispani Gubernatoris nomen. Quod si isti accersendis sibi Dominis, nunc ex Germania, nunc ex Gallia, modo ex Anglia, jam pertasi, oculos in Alexandrum conijciant, eumque ob Belgam matrem, avum Belgam Belgici sanguinis Principem confiderent, quanta eum moderatione futurum, ut oblatum sibi Principatum, quem pro amisso Lusitania Regno computare possit, recusaturum fore? Mature proin ac vivente adhuc Rege (qui tunc æger decubuit) Belgio subtrahendum, ac redigendum in ordinem. Nutrierunt suspensionem istam Angli Hollandique, ut, cum armis non possent, fraudibus eum Belgio depellerent: Parmensem ex composito nihil movisse contra Angliæ Reginam, nec moturum in posterum, ut cum qua tacitis consiliis colludat.

Alexander his rumoribus ad se perscriptis, nihil admodum motus gnarusque, aliqua a magnis mentibus contemptu melius refelli, id solum,

lum, quod diceretur non habuisse promptas expeditioni naves datis ad Regem litteris diluit. Nam & Neoporti & Dunquerchæ paratas stetisse cum exercitu naves: ad nuncium liberi ab hostibus maris quam pri-^{se purgat} mum soluturas. Sic enim divisas fuisse partes inter maritimum Hispanorum & terrestrem Belgarum exercitus, ut hic e portubus non ante solveret, quam ille tutum ab hostibus mare ad ostium usque Thamis præstitisset. Hoc factum nunquam, Anglorum atque Hollandorum classibus ad Dunquercham & Neoportum perstantibus, & in soluturos intentis. Nec debuisse se tantum selectissimorum militum, tot veteranas legiones non ad navalem, sed terrestrem in Anglia pugnam accinctas, fragilibus adeo navibus, non ad pugnam, sed transmittendum, ut imperatum fuisset, præparatis imponere, & certum in discrimen dare. Quæ excusatione plene sibi satisfactum Rex Alexandro rescripsit. (Anno 1588)

Florentissimum, Anglica expeditione incassum tentata, exercitum in Belgio Alexander habuit, sed nescio, quo pacto factum, ut majora cum paucioribus antea copiis gesta sint. Nam Bergam ad Zomam Ren-^{60.} thiacus frustra obsedit, proditione Anglorum & hyemis inclementia ab-^{Expositio} stractus. Felicius cessit Colonienſis expeditio. Nam Martinus Schen-^{tertia Colo-} chius, famosus transſaga, Truchſesianum se militem ferens, & præda-^{nienſis.} torium exercitum circumſerens, subito *Bonnam* Electori dolo eripuit, diripuitque, atque inde Colonienſem tractum magnopere infeſtabat.

Erneſtus ad Alexandrum, a quo jam ante potenter adeo fuerat ad-
jutus, totamque, Novesio expugnato, provinciam præter Rheinber-
gam receperat, rursus confugit, ut Bonnam sibi secundo affereret: alio-
quin se coactum ad vexam redimendam cum grassatore indecore transſi-
gere. Farnesius Belgii catholici interesse ratus, ne provinciæ tam vi-
cinæ Rhenoque hæresis dominetur, misit cum exercitu *Croyum* Chi-
macium Principem Ducis Areschoti filium.

Additus juveni Joannes Baptista *Taxius*, vetus multarum palma-
rum heros; qui, dum Bonnæ situm propius explorat, plumbea ictus
glande cecidit, ingenti totius exercitus ac Alexandri præsertim luctu.
Qui bellicam viri virtutem, multis victoriis celebratam, æstimare opti-
me noverat. Certe & ipse Regis per Belgium partes summa fide, in-
dustria, fortitudine, constantia defenderat, & Illustrissima ejus Familia
de *Taxis* Austriacæ Domui per Germaniam Hispaniamque operam suam
perpetuo addixit. Quin omnis Europa Tassiorum genti nexu parum
debet, quod dispositis certa per intervalla curſorum stationibus, litte-
rarum commercium, ob transmittendi difficultatem sumptusque rarum
antea, publicum obviumque reddiderit.

Tassio Alexander suffecit Verdugum Frisæ Præfectum, qui a Castel-
lis trans Rhenum a Sehenchio exstructis inceptandam oppugnationem
arbi-

Bonna re-
cepta.

arbitratus (quod consilium jam ante Taxius dederat, dissentiente Chi-
macio) iis in potestatem redactis urbi propius vim admovit, eamque
expugnatam Eleſtori reddidit. Præſidium incolumitatem pactum
partim Rheinbergam partim Wachtendoncham abiit. Sed utraque hæc
urbs pariter expugnata fuit; & Wachtendoncha quidem brevi per Er-
neſtum Mansfeldium (anno 1588.) Rheinberga vero ſequenti pri-
mum anno.

61.
Gertrudis-
berga.

Gertrudisbergam inde occupandi opportuna eſt oblata occaſio.
De oppido hoc præmunito vetus fervebat Batavos inter & Brabantinos
controversia, utriſque ad ſuam provinciam illud ſpectare contendenti-
bus: adeo quidem, ut Batavi ad poſſeſſionem retinendam, Brabantini
vero ad recuperandam, Principes Belgii Sacramento adſtringere fue-
rint ſoliti. Hanc urbem præſidio Anglico occupatam Mauritius atque
ordines repetebant. Abnuentes Mauritius obſidet, & expugnare ni-
titur. At Angli irritati ad Præſectum Bredam, & ad Alexandrum Bru-
xellas legatos mittunt, offerentes ei urbem, ſi opem ferat. Conditione
accepta, copias Alexander eo adducit. Verum Mauritius non auſus cum
eo pedem conferre, ſoluta obſidione Dordracum reſeſſit. Urbs vero
Alexandro eſt dedita, qui Regi gratulatus eſt repertam Hollandiæ cla-
vem. Qua haud dubie aperuiſſet ejusdem intima penetralia, niſi mor-
bus, quo jam dudum ex aqua intercute laborare cœperat, accedente
tunc etiam febri, armisque a Philippo Rege in Galliam converſis,
victoriarum curſum ſuſſaminaveſſet.

Alex. in
balneum.

Ad aquas igitur Spadanas apud Tungros ex medicorum conſilio pro-
feſſurus, militiæ per Brabantiam hybernanti Carolum Mansfeldium
præfecit, Heuſdam & vicinias arces juſſum impetere. Ille arcibus qui-
busdam captis copias in *Bomeliam* inſulam tranſfert, ab Hiſpanis, inun-
datione olim obſeſſis, celebrem, ibique expugnata *Hedela*, præſidia-
rios milites inermes dimittit. At Hiſpani indigno ſane facinore egre-
dientes aggrediuntur, omnesque ferme maſſant. Quin *Leve* Tribuni
legio palam in Mansfeldium inſurgit, arma ſeditioſe concutit, obſe-
quium & militiam detreſtat. Re ad Alexandrum delata, veterana hæc

Hedela.
Mansfeld.

Legio ſolu-
ta.

legio, quam prius Mondragonius duxerat, rebus geſtis, armorumque
uſu omnium celeberrima, ejus juſſu diſſoluta eſt, atque milites tum in
præſidia, tum in alias legiones diſperſi, erecta nova ex aliis centuriis le-
gione. Nec quidquam apud Alexandrum valere preces Principum
& Ducum pro legionis, tam bene eo uſque meritiæ, conſervatione in-
terpoſitiæ. Tanti nempe apud eum fuit diſciplinæ militaris vigor.
(anno 1589.)

Et hoc quidem juſtæ animadverſionis exemplum fuit; quod ſequi-
tur vero, & ſocordiæ & liberalitatis hoſtilis argumentum. Cohors Hol-
lan-

Lis de
spolio.

landica ex Bergenſi ad Somam præſidio Thenas oppidum male cuſtoditum applicatis noctu ſcalis occupaverat; prædamque inde divitem aſportavit, cæſis Hiſpanis, qui ſero accurrebant. Sed prædatores iſti abeuntes in centuriam aliam Hiſpanorum incidentes præda ſua ſpoliati ſunt. Orta igitur lite, ad quem præda iſta pertineret, an ad Thenenſes Hiſpanos milites ſpoliatos, an vero ad alios Hiſpanos ſpoliantes ac prædæ poſſeſſores; qui aſſerebant, ſe non ab Hiſpanis Thenenſibus ſed ab Hollandis hoſtibus prædam iſtam extorſiſſe. Lis ad Alexandrum delata, & ab eo generali cauſarum militarium quæſitori delegata fuit. Hic autem, cum pars utraque acriter inſtaret, utriusque indignationem evitandam exiſtimans, ſententiam diſtulit, tacita definitione poſſeſſoribus cauſam adjudicans, præſertim cum ſpaciū jam elapſum fuiſſet 24. horarum, intra quas ablata repte jure belli domino liceat. Majorem liberalitatem Thenenſes ab hoſte experti ſunt. Nam cum Hollandi ciſtam, cui aliquot complicata vexilla incluſa erant, aſportaffent, Bergarum Præfectus ab Hiſpano rogatus, illa remiſit cum cratere & concha argentea.

Circumvolitabat eo tempore cum prædatoriis ſuis hæreticorum cohortibus Schenchius, modo in Belgicum, modo in Colonienſem agrum effuſus. Et in hoc quidem, dum Bliembechæ caſtro, quod Farnesia- ni occupaverant, auxiliaturus accurrit, a Neapolitana legione fugatus eſt: in illo vero Pattonum Chilarcham Scotum, in Friſiam ab Alexandro miſſum, repente aggreſſus vincit fugatque, cæſis non paucis, & impedimentis direptis.

Tum majus quid tentandum exiſtimans noctu cum cohortibus ſuis ^{62.} *Neomagus* penetrat. Quatuor horas ſatum urbis pependerit, ter amiſſo ^{Neomagi} ter recuperato foro. Remittente autem paulatim impetu, Schenchiani ^{Periculum} a præſidiariis & civibus (quin etiam a fœminis puerisque, lapides, ſagittas, & quidquid in manus venerat, jacentibus) viſti, conglobati- que ſe ex urbe evolvunt. Tum vero, cum naves conſcendere contende- rent, maxima iis clades illata eſt, aliis cæſis, aliis ſubmerſis. Inter quos Schenchii etiam fuit eorum Dux *Martinus Schenchius*, homo ferox & inconfans, obitus ſæpius a Rege ad ordines & ab his ad Regia caſtra trengreſſus, prout & pinguior fortuna ſuadebat, rapto ferme vivere aſſuetus. Hinc licet ^{effigies} effigies- trucu entus eſſet in ſuos, plurimi tamen prædarum ſpe ad eum conflu- bant. Laborum mire patiens, equo aſſixus dies noctesque traducere, in equo cibum, in equo ſomnum capere, proriſus in equo habitare aſ- ſuetus: arma nunquam accuratius tractaſſe dicitur, quam effuſe potus ac vino ebrius.

Superfites ejus milites ad *Adolphum Meurfæ* comitem transferunt; qui, ut e vicina Rheinberga Geldriæ urbes, quæ omnes ferme Regiarum erant partium, vexare possit, subsidia eidem inferre parabat, sed dum novum ignivomæ machinæ genus experiri voluit, scintilla in pulveris vasa deliliente, dire ambustus & extinctus est; Hispanorum odio quam damno clarior, majorque ausibus quam felicitate. His Ducibus amissis, altero aqua, igne altero, Rheinbergenfes arcta jam diu obsidione & fame pressi se dedere cogitabant; cum Obersteinus Germanus, & Verius Anglus, quos Schenchio & Meurfio ordines subrogant, Varambonio Geldriæ Præfecto acie victo, alimenta urbi inferunt.

Rhenoberga
capta.

Verum Mansfeldius accepto a Varambono exercitu no visque suppetiis aucto, fame tandem *Rheinbergam* ad deditionem coegit, eamque Ernesto Electori restituit: qui missa ad Farnesium legatione, grates egit, quod ejus beneficio Bonna bis capta, expugnato Novesio, domita ad extremum Rheinberga, reliquisque per Coloniensem tractum arcibus & oppidis Farnesiani militis virtute recuperatis, nunc tandem bello diuturno gloriose finito, Antistitem se & Septem virum agnoscat. (*an.* 1598)

Strada.

Cum hoc bello Colonienfi historiam suam de bello Belgico, gemina decade comprehensam, finit Famianus Strada Romanus; qui ex Farnesianis tabulariis abunde instructus documentis indubiis, non nitidius quam verius multa palam exhibuit, quæ prius in Philippî Regis, Margarithæ, & Alexandri Parmensis, aliorumque litteris abdita latebant. Ex hoc proin elegantissimo scriptore plura desumpsi, ut velut succum ex eo haustum per synopsis lectori offerrem. Et utinam absolvisset opus præcellens, aut saltem ad mortem usque Farnesii, quæ tertio post anno est subsecuta, continuasset.

Verum Famianus Alexandrum suum in apice gloriæ constituere voluit; cum videret, victoriis suis jam Mosam, quanta esset captis circum urbibus castrisque Regi suo fluere, Rhenum aut amicis adjunctum, aut hostibus abstractum, mare receptis in Flandria (præter Ostendicum) portibus omnibus navigationi apertum, Belgium ad extremos usque Frisios & Gröningenses aut domitum, aut Regiis armis secure percurri, solos adhuc Hollandos Selandosque bellum gerere. Sed utrisque frænum injectum, istis a Slusa Flislingæ portui obversa, illis a Gertrudisberga Dordracō cominus infesta: adeoque monstrata in Selandiam via, & Hollandia penetrari cæpta, sperari posse, has quoque Provincias Deo ac Regi suo restitutum iri.

Sed res Hispanæ in Belgio ab eo tempore retrolapsæ spes istas valide concussas everterunt. Causa non una: Hollandia atque Selandia hæreticis ex reliquo Belgio emigrantibus populosa: navigationibus opportuna: commercia Antverpia Amstelodamum translata: populi
ex

exteri in armorum Societatem aſciti ; Mauritius Naſſovius Dux bel-
li callidus, cautus, ac felix. Ex parte altera Philippus Rex Hiſpa-
niæ turbis Galliæ ſe immiſcens Alexandrum copiasque meliores Bel-
gio ſubtraxit, & quod ajunt, dum duos ſimul lepores infequitur, na-
neutrum cepit. Nam & Henricus Borbonius Galliæ Regnum adeptus
eſt : & ipſo in Belgio multa amiſit.

Nam imprimis Mauritius Naſſovius fœderatarum provinciarum
Gubernator, in omnem occaſionem intentus, imminuto per varias
Gallicas expeditiones exercitu Hiſpano, varia in *Gröningenſi* provin-
cia loca munita occupavit, ac dein etiam *Bredam* Naſſoviorum ur-
bem in Brabantia, armatis in navi occultatis, atque noctu in urbem
immiſſis (anno 1590.) anno vero ſequenti *Zutphaniam*, *Neomaſum*,
Davenriam, & *Hulſtum*, partim aſtu, partim vi cepit: uti etiam anno
1592. *Steinvicum* & *Convordiam*. Tantas nempe ſtrages ediderant tum
Hiſpanorum arma diſtracta, tum eorundem ob ſtipendiorum defectum
crebræ ſeditiones.

Alexander autem Farnesius ſaluta obſidione Rothomagenſi, haud
modica paſſus in Gallia, ex quibus tamen feliciter ſe expedivit, dum
in Belgium properat, ortum ibidem incendium reſtinſciturus, mor-
bo contracto, Atrebatii pientiffime obiit, quietiorem, quam in ter-
ris habuit, vitam auſpicaturus. Summus hic belli Imperator, Ale-
xandro cognomini comparandus, vel etiam præferendus, Pauli III.
Pronepos, Caroli V. ex filia, Philippi II. ex ſore ſore ne-
pos, natus fuit Romæ anno 1544. ex Octavio Farnesio, & Margaritha Auſtria-
ca, quæ uno partu Alexandrum & Carolum enixa eſt.

Primam jam ætatem armis imbuir, tota indole in illa abreptus ;
priusque, cum Octavius pater exercitum pro Cæſare inſtrueret, tu-
barum cantum, quam nutricum nœnias audivit. Sexennis inde puer
obſeſſus Parmæ inter muralium tormentorum fragores educatus eſt.
Redintegrata Farnesiorum cum Auſtriacis gratia, Philippo II. avun-
culo traditus, octo ferme annos in Hiſpania cum Carolo Principe
& Joanne Auſtriaco adolevit. Vigefimo ætatis anno nuptias Bruxel-
lis inivit cum Maria Emmanuelis Luſitaniæ Regis ex filio nepte, inge-
nii & ſanctimonix fama inclita. Ex qua plures deinceps liberos ſu-
ſcepit. Sacro ſubin bello ſub Joanne Auſtriaco rebus magnis prælu-
ſit, in Turcas confertos majori animo ac felicitate, quam conſilio
irruens, conjugis ſuæ, ut ajebat, precibus tutus. Deſtinatus po-
ſtea in Belgium ea geſſit, quæ delibavimus. Obit anno 1592. æta-
tis 48. gubernationis 14. Filios reliquit duos Rainutium Parmæ &
Placentiæ Ducem, ex quo deinceps propago generis, & Odoardum
Cardinalem. Cum vita Alexandri Guilielmus Dondinus Bononien-

sis S. J. finit Historiam suam *de Rebus in Gallia gestis ab Alexandro Farnesio*, sermonis nitore, masculo spiritu, & nervis probe compactam. Continuavit eandem Gallucius, sed Strada & Dondino facile palmam cedens.

ARTICULUS X.

Status Belgii sub Mansfeldio, Ernesto, & Fontano.

64.
Mansfeld.
Gubern.

EXTincto haud opportuno sane tempore Farnesio, gemino bello, & Gallico & Belgico perstrepen- te, Belgii Gubernator per Fontanum Comitem a Rege dictus est interim *Petrus Ernestus Mansfeldius*, Luxemburgi Praefectus, jam octogenarius, infraetæ semper in regem fidei, ac propterea ab ipso etiam Alexandro, quoties in Galliam abierat, in Belgio substitutus. *Carolus* ejus filius armorum Praefectus renuntiatus: *Philippus Croyus* Dux Areschotus Flandriae: ejus filius *Carolus Chimacius* Princeps Hannoniae, *Carolus Comes AreMBERGIUS* Geldriae, *Varambonus* Marchio Artesiae, *Barlamontius* Namurci &c.

Nova Expedi-
tio in Gal-
liam.

Gertrudis-
berga ad
Foed.

Suscepta mox jubente Rege nova in Galliam contra Henricum IV. expeditio a Carolo Mansfeldio, Gubernatoris filio. Verum is, expugnata Novioduno, & quibusdam oppidis, cum in Catholico diversarum nationum exercitu orirentur tumultus, pluresque ob non soluta stipendia dilaberentur, in Belgium recessit; ubi Foederati non tantummodo Luxemburgensem & Brabantium agrum sunt populati, sed etiam *Gertrudisbergam* duce Mauritio expugnarunt, frustra ad defensionem urbis accurrente Mansfeldio. (anno 1593.) *Brugas* vero incaustum Hollandi tentarunt, & a tempestatis intemperie ingentem navium, hominum & mercium jacturam passi sunt. Contra vero *Verdugus* complura in Frisia & Gröningensi agro oppida in potestatem Hispanorum redegit.

65.
Ernestus
Guberni.
pacem
offert.

Gröninga
ad foed.

Inter hæc *Ernestus* Archidux Rudolphi Caesaris frater, novus in Belgium Gubernator venit, magna festiva lætitiæ pompa *Bruxellis* exceptus: atque considerans, quam pretiosum Regi bellum per tot jam annos sit gestum, inclinante ab eo tempore, quo arma in Galliam aversa sunt, ad hostes victoria, Belgasque Hispani juris, tot calamitatibus fessos, unice ad pacem aspirare, foederatis ordinibus per legatos pacem obtulit; quam illi superbe rejecerunt. Quin imo, dum de illa tractabatur, *Gröningam* obsidione cinxerunt, eam-

eamque, cum nulla obsessis venirent subsidia, tandem expugnarunt, ea conditione, ut urbs cum ditione adjecta fœderatorum ordinum jure utatur, sumptus pro communi causa ad bellum conferat. Religio sit libera, sic tamen, ut publice sola reformata exerceatur. Gubernatio penes Magistratum maneat, ut antea, ita tamen, ut ordinibus fidem juret, prout aliæ fœderatæ urbes consueverant. Atque his pacis urbs totius Frisiæ nobilissima, quæ propriæ Provinciæ nomen dedit, fœderatis accessit magna Hispanorum jactura; qui ex septentrionalibus provinciis his cladibus ferme erant exclusi. (anno 1594.)

Et profecto undique ad casum inclinabant ea tempestate res Hispanæ; dum potiores eorum vires frustra per Galliam errabant. Fœderati Belgii ordines in dies ferme augebantur. Hispani milites, in Belgio residui, auctoribus Italis ob stipendiorum defectum magnam partem in apertam seditionem commoti, Hollandis atque etiam Galliæ Regi operam suam offerebant. Henricus Galliæ Rex, Ecclesiæ redditus, bellum Hispanis denuntiavit. Hollandi Gallis juncti Luxemburgum, Artesiam, Hannoniam, aliasque provincias infestarunt: & Hoyum munitam Ernesti Leodienfis Antistitis urbem occuparunt. Hoyum.

Quas inter ærumnas Ernestus Gubernator, morbo jam dudum attritus, diem supremum obiit (anno 1595.) ætat. 42. Princeps Austriacæ pietatis, Rudolphi II. Cæsaris frater, ac candore animi vere Germanus. Primam ætatem cum Rudolpho in aula Hispana apud avunculum Philippum Regem transegit. Hungariam inde Austriamque pro eodem fratre, in Bohemia degente, magna clementiæ justitiæque commendatione gubernavit. Postremo ad Belgii Præfecturam translatus, meliori ejusdem statu dignissimus, laceros artus componere Elogium. contendit, majori spe, quam eventus felicitate.

Regimen interim ad Belgii senatum, mox vero ex Regis voluntate ad Petrum Gusmannum Comitem Fontanum delatum est. Quare 66. Fontanus re offensus Dux Areschotus Belgio excessit, ac paulo post Venetiis 66. Fontanus extinguitur est. Carolus vero Mansfeldius, Ernesti post Farnesium 66. Fontanus Gubernatoris filius, a Rudolpho Cæsare expetitus, atque ab eo Prae- Carol. Mansfeld. Carol. Mansfeld. gæ S. R. I. Princeps creatus, Matthiæ Archiducis, Cæsarei contra Turcas Imperatoris, Vicarius est renunciatus: indeque in Hungariam ad expugnandum Strigonium delatus, memorabili prælio cæsis quingente Turcarum millibus, morte sua egregiam victoriam funestavit. Hoyum receptum.

Fontanus, ut sui specimen hostibus daret, Hoyum per Mottæum ejusdem eripuit, sero advolantibus Hollandorum subsidiis. Cæsi etiam a ducentis Hispanis quingenti Hollandi equites, & excussa prædatoribus ampla præda. Discipulam inde militarem, a Farnesii tempore multum

Verdugi
mors.

67.
Batavorum
conatus ma-
xitimus.

Pacem pe-
tunt cal-
lide.

68.
Militares
leges.

multum colapsam reformare aggressus Fontanus, magnam apud Belgas, militum licentia magnopere vexatos, gratiam iniit. Cumque hostes in agrum præsertim Luxenburgensem excurrerent, in eos misit *Verdugum*, veteranum Ducem, a Frisia non sua culpa dejectum; qui Philippum Nassavium, insigni clade multatum, in Selandiam via maritima fugere coëgit: clade tamen & ipse affectus a Bullionio. Nec diu superstes in vivis fuit Verdugus, per omnes militiæ gradus ad summa provectus a Farnesio, meritorum æstimatore æquissimo.

His temporibus Batavi, quæstuosis commerciis belli nervum comparaturi, eumque Hispanis & Lusitanis breviori via prærepturi, ausu inaudito per Borealem Oceanum novum sibi iter in insulas Japoniæ, & Indias Orientales quærebant, jamque, quatuor prægrandibus navibus, duabus Amstelodamo, tertia Flissinga, quarta Enchusa egressi, mare Batavicum, Germanicum, Danicum, Norvegium emensi, Moscoviticum inde transmissuri. Sed, dum densa caligo ipsis cælum eriperet, & undæ inglaciem concretæ transitum negarent, extra naturæ terminos se provectos putabant. Et ne frigore penitus obrigerent, navium unam dissolutam in tugurium compegerunt. Hærebant navigia glacie undique obfessa, ut ea nec antrorsum nec retro movere possent, donec mitiori anni tempestate glacies in aquas soluta reditum in patriam aperuit.

Eluvio.

Majora damna Batavis domi suæ intulit ingens aquarum eluvio, quæ tantam hominum, pecorumque, cum soli vastitate, edidit stragem, ut gens illa omnis ad rem domesticam reparandam a bellicis curis animum averteret, pacemque, quam superiore anno ab Ernesto oblatam rejecerant, ultro peterent, misso ad Fontanum Oratore. Nec abnuvit ille. Sed cum legati Regi cum Mauritio & ordinum delegatis Middelburgii in Selandia convenissent, audierunt, Ordines fœderatos paratos esse ad ineundam cum reliquis Belgii provinciis concordiam, non autem cum Hispano Rege, qui rerum potitus animum læsum ad ultionem esset insenturus, facile perspexerunt legati Regi, non nisi ad faciendum temporis compendium hanc stropham fuisse contextam. Memoria nihilominus proditur vel umbratili hac pacis tractione Batavorum fœderatos, Galliæ Regem, & Angliæ Reginam, quæ pecunia & milite perpetuo illos sustentabant, non leviter fuisse offensos.

Ad belli igitur studia reversus Fontanus, militares imprimis leges sanxit: ne quis in Deum sanctosque convitia jactet. Ne profuturi pudoris foeminæ tolerentur in castris. Nec sacra templa aut cœnobîa diripiantur. Ne viris virginibusque Deo sacratis vis fiat aut injuria. Ne quis privatas injurias singulari certamine ulciscatur. Ne quis

quis militum in castris aut pugna locum, stationem, aut ordinem de-
ferat. Ne ad agendas prædas in hosticum excurratur, nisi facta prius
a centurione, tribuno, aut militiæ præfecto potestate. Ne quem-
quam a se sociis aut mercatoribus per castra commeantem depræden-
tur. Ne quis in expugnatis urbibus oppidive in sœminas, impube-
res, captivos, sacra, sacerdotes grassetur, nisi si qui armatis immisti
pugnarent. Ne in hostes deditis urbibus emissos vim ullam expo-
niant. Qui quampiam ex his legibus violaret, capite lueret.

Quibus probe constitutis, ut Artesia & Hannonia a Gallorum ir-
ruptionibus liberetur, expeditionem in Picardiam Fontanus decre-
vit, atque imprimis *Castelletum* cepit. Tum vero Dorlano copias
admovit; ubi Valentinus *Pardius* Mottæ Dominus castrorum Præ-
fectus, singulari in Regem fide, virtute militari, & collecta usu lon-
go experientia Dux clarissimus, dum urbem recognosceret, sclopo
æstus occubuit, atque in ejus locum suffectus *Rosneus* Gallus, qui ad
Hispanas partes transierat, Dux belli peritissimus. Ad obsidionem
solvendam accurrerunt Galli Duce Villario, confertoque prælio ma-
gna cæde victi prostratique sunt, ipso *Villario*, contra gentium jura,
postquam se jam captivum dedisset, barbære interempto. Victoriâ
Hispanorum secuta est *Dorlani* expugnatio, cæsis in ea tribus, ut
fertur, Gallorum millibus. Nec minus in Zutphaniæ finibus Mon-
dragonius Hollandos vicit, cæsis Philippo & Ernesto Nassaviis, cum
magna cum clade urbe ejecti sunt. (anno 1595.)

Sed multo major Fontano victoria est parva, ubi Cameracum
expugnavit, conditione deditum, ut urbs in Episcopi, arx vero
quam Carolus V. imposuerat in Hispanorum potestatem veniret,
Gallis innoxius abitus permixtus. Atque ita Fontanus Gubernator
inter victorias memorabiles annum transegit, gemino hoste cum medio-
cri militum numero superior, & Gallo & Batavo. Vertente autem
anno Gubernationem Alberto Austriaco cessit: prout mox referam.

ARTICULUS XI.

Status Belgii sub Alberto Austriaco ab anno 1596.
ad 1601.

Albertus, Rudolphi Cæsaris frater, S. R. E. Cardinalis, Archiepi-
scopus Toletanus, & Lusitaniæ Prorex, quam summa laude
ministraverat, a Rege avunculo Philippo II. dictus Gubernator,
Belgii, summis ubique exceptus honoribus, Bruxellas ingressus
est.

69.
Wilhelmus,

est, adducto secum *Philippo Wilhelmi* Orangii filio primogenito, Mauritii fratre, quem ante triginta ferme annos Albanus in Hispaniam miserat. Ubi in libera custodia habitus, atque in libertatem filiorum Dei assertus Catholicam Religionem induit, Catholici Regis subditum professus, atque ab eo aurei Velleris torque donatus, liber remissus est. Verum a fratre jnniore Mauritio paterna hereditate, & ab ordinibus patria fuit exclusus, Hollandiam adire seверо edicto vetitus. Quo etiam Societas Jesu fœderatorum finibus proscrip̃ta est.

Patria exclusus.

Alberti victoria.

Rosnaï mors.

70.
Mauritii
victoria.

Ambianum.

Urbes Rheni
ad fœd.

Albertus novus Gubernator, postquam Batavis frustra pacem obtulit, gemino gravissimo bello implicitus, adversus potiorē hostem prius eundum putavit, atque Gallis *Caletum* urbem portumque, magni in omnem partem momenti, per Rosnaum potissimum eripuit. Cujus appendix fuit *Guina* & *Hana* editio, & quod majus erat, etiam *Ardeæ*, urbis præmuniæ: Rege Henrico, qui Faram interea expugnaverat, sero in auxilium urbis accurrente. Albertus ardore militum, tot victoriis accenso, utendum arbitratu, *Hulstum* Flandriæ Borealis urbem admodum munitam, expugnare decrevit, atque pervictis difficulatibus haud sane levibus, illa potitus est (anno 1596.) ut adeo duos inter potentes hostes intra anni spatium tribus magni momenti urbibus, *Caleto*, *Ardea*, & *Hulsto*, principatus sui initia inaugurarit. Amisit tamen in obsidione *Hulstana* *Rosnaum*, natione Gallum, qui fœderatorum in Gallia partes incenso studio foverat, iisque dissolutis ad Hispanos in Belgium transiit, ubi supremi costorum Præfecti munere perfunctus, res magnas consilio gessit & opera. Res altera, quæ gaudium tot captarum urbium temperavit, fuit clades, a Bironio in *Artesia* finibus *Varambono* illata.

Prospera inter & adversa variavit magis annus sequens; (1597.) nam Mauritius egregiam ab Hispanis victoriam ad *Tornbutum* in Brabantia retulit cæsis cum Duce Varassio bis mille, sexcentis captis. Dolorem lenivit tantisper *Ambianum* Picardiæ caput occupatum. Nam *Portocarrerus* Dorlani Præfectus, vir magnus in pusillo corpore, per exploratores certior factus, portas de die minus solerter, & a civibus solummodo custodiri, stratagemate sapius usurpato milites rustico habitu indutos immisit, levique opere urbe amplissima est potitus. Rex Henricus acerbe ferens tantum detrimenti, Hispanosque facile adeo in Galliæ viscera penetrasse, cum exercitu illico advolavit, urbemque obsidione cinctam, superatis multis magnisque difficultatibus tandem recuperavit.

Mauritius interea, dum Hispana arma in Galliam essent averſa, ut Rheni dominium usumque sibi firmaret, complures urbes, arces, &

& oppida cepit, uti *Rheinbergam*, *Meurſam*, *Grollam*, *Brefortium*, *Enſchedam*, *Ovnaſiam*, *Ordenſaliam*, *Lingam*: totque victoris cumulatus immiſſo in hyberna milite, plauiſibus in cælum elatus Hagam Comitſ ingreſſus eſt. Ne autem tantis progreſſibus porro augerentur Hollandi, de pace cum gallis tractare cœperunt Hiſpani. Utrique Regno hæc erat neceſſaria. Gallia tot jam bellis tamque diuturnis feſſa, ad curanda rei publicæ vulnera quietem poſcebat. Philippus II. deſecta in ſenium ætate, morbisque conſecto corpore, filio, quem unicum habebat, adhuc tenero, relinquere noluit Regnum, cum tribus potentiſſimis hoſtibus graviſſimo bello implicatum.

Igitur Clemens VIII. explorato animo utriusque aulæ, omni ope ſibi connitendum putavit, ut pacem componeret. Et compoſuit per legatum Medicæum feliciter, congreſſu *Vervinii* habito. Reſtituit Hiſpanus, quæ occupaverat, Ardeam Dorlanum, Capellam, Caſtelle-^{71.} tum, Blavetum, & tandem etiam, quamvis ægerrime, Celetum, portum Pax Vervina. in omnem partem Belgio tam opportunum. Cameracum reſtitutum Archiepiſcopo. (anno 1588.) Atque ita Hiſpanus ex toto illo cum Gallis bello nihil retulit, niſi jaſturam ingentium ſumptuum, innume-^{condonatio} rorum militum, ex tot in Belgio urbium; dum fœderati ordines occaſio- nem naſci ſunt, florentem ante bellum Gallicum ſtatum Belgii ever- tendi, nec urbes duntaxat, ſed integras provincias, Friſiam, Gröningam, Tranſilalaniam, Geldriam, Zutphaniam, Rhenique tractum abſtrahendi. Verum non ex eventu metienda ſunt conſilia. Spes Iſabel- læ Philippi filiæ propinqua videbatur. Dein, ut ut cætera ſint fruſtra- ta: hæreſis coërcita, Religio in Gallia conſervata, Rex ipſe armorum catholicorum occasione converſus, fructus utique belli ſunt multo ampliſſimi: Philippo præſertim Regi Catholico, cui nihil in terris Re- ligione erat pretioſius.

Altera res, quæ annum 1598. memorabilem fecit, fuit decretum connubium *Alberti* Archiducis cum *Iſabella Clara Eugenia* Philippi Regis filia, attributo in dotem Belgio. Quæ res in ſenatu a Philippo Rege propoſita, magna contenſione eſt diſceptata. Comes Fontanus, qui Belgium antea feliciter gubernaverat, poſt adventum Alberti in Hiſpaniam revocatus; cenſebat, Belgium ab Hiſpanici Regni corpo-^{Conſultatio} re nunquam ſeparandum: ex illis ſiquidem provinciis campo velut Mar-^{de connu-} tio Martiam Hiſpaniæ pubem ſoboleſcere; in omnem circa partem^{bio.} futuram uſui. Quippe Belgium intra Germaniam, Galliam, & Angliam ſitum, magnam ſemper, ſive ad Religionem defendendam, ſive ad arma propulſanda opportunam Hiſpaniæ allaturum commoditatem. Adhæc multum cum Batavis reſtare belli, cui ſolæ provinciæ obſe-
Pars VII. *Zzz* *quen-*

quentes non sufficiant, Hispaniam autem promptius missuram auxilia, si rem propriam sibi vindicet, quam si alienam persequatur.

Alii vero omnino suadebant, Belgium Regiæ filiæ in dotem tradendum. Vix ullam quippe esse nationem, quæ proprium magis expetat Principem, & flagrantius oderit exteriorum dominatum. Id aperte docuisse lapsa retro tempora, tot tumultibus, defectionibus, cladibus cumulata. 40. jam annis ardere bellum, quod indicum aurum, Regia ætaria, Hispaniam, Italiam, Germaniam, & Europam prope omnem militaribus copiis exhausserit. Id vero incendium excitatum post discessum Principis, cujus in Belgium reditum tot precibus & legationibus exoptarunt. Et quamvis præstantes Gubernatores fuerint impositi, quia tamen versatile gerebant imperium, res in dies ruisse in pejus, abalienatos populorum animos, atque subtractos obsequio. Malis remedium fore, si suus Belgis reddatur Princeps, qui stabilita successione Belgas Belgis Principes generet. Has autem spes in Alberto & Isabella, filia Regis, & sororis filio, esse repositas, ac proin maturandum conjugium, Belgiumque suavissimæ filiæ in dotem assignandum.

Conditiones.

Hæc Regi sententia placuit: his tamen conditionibus restricta: Isabellam collocandam Alberto: dotis nomine attribuendum Belgium, & Comitatum Burgundiæ. Filios ex eo conjugio nascituros, parentibus in utroque Principatu successuros, ita tamen, ut virilis proles præferatur femineæ, & major natu minori. Matrimonium tamen non incant sine consensu Hispani Regis. Si hæredes deficiant, utraque ditio ad Hispanum revolvatur. Belgii Principes subditos suos a navigatione Indica avertant. Sacramento spodeant, se catholicam Religionem constanter professuros, eamque unam exerceri curaturos. Si qua harum conditionum non esset implenda, utraque ditio mox iterum cum Hispaniæ Regno coalescat. Adhæc Burgundiæ Ducis titulum aureique Velleris ordinem Rex sibi suisque successoribus reservavit. Hanc cessionem denique etiam frater Isabellæ Philippus confirmavit.

Batavorum obtusatio.

Igitur Albertus Cardinalis obtenta a summo Pontifice dispensatione in secundo consanguinitatis gradu matrimonium contrahendi, & purpuram deponendi, a Belgii ordinibus, postquam sua ipsi privilegia, & præsertim Brabantinis, confirmavit, juramentum subjectionis & fidelitatis accepit. Fœderati autem ordines, obstinati degustatam semel libertatem nunquam dimmittere, vehementer in has, ut agebant, Hispanas artes invecti sunt: eum Principatum in speciem duntaxat futurum. Isabellam ætate provectam (34. annum agebat,) nullam spem successionis facere; brevi igitur rursus Belgium, totum in-

interea Hispanis obnoxium, ad eosdem revolvendum: se certe suscepit consilium nunquam mutatu-
ros, aut libertatem arreptam cuiquam Principum prodituros. Nec parum rursus molestiæ afferebant prædarii arcis Antverpiensis, ob dilata nimium stipendia tumultuantes.

Albertus autem ad sponsam ducendam in Hispaniam profecturus, ^{72.}
Andream Austriacum Cardinalem Episcopum Constantiensem suo ac ^{Albertus in}
Regis nomine ex Alfatia, quam pro Cæsare moderabatur, evocatum ^{Hispaniam}
Belgio interea præfecit. Tum vero comitantibus eum Philippo Oran- ^{ad. sponsam.}
gio, Barlemontio, Egmontio, Crojo, & Aumalio Hispanicum iter
suscepit. Verum dum per Germaniam illud prosequitur, triste nun-
tium de Philippi II. Hispaniarum Regis morte accepit. (anno 1598.)

^{Andreas}
Mendoza interea, quem Albertus armis præfecerat, ut Rheno ^{Austr.}
potiretur, *Rhenobergam* cum pluribus aliis munitis locis expugnat, ^{Mendoza}
atque copias suas, penuria laborantes, per Cliviam, Westphali- ^{Rhenober-}
& Coloniensem agrum in hyberna distribuit. Quæ res magnam ^{gam capit.}
Hispanis apud Germaniæ Principes & ipsum etiam Cæsarem invidiam
conflavit. Cardinalis quoque Gubernator vehementer improbat. ^{Germanos}
Sed stipendiorum defectus militem modo in seditiones commovebat, ^{vexat.}
modo in amicorum etiam populorum injuriam effundebat. Irritus
tamen fuit Lippiensis & Hoenloënsis, Comitum conatus, quo Rhein-
bergam & Rhesam oppugnare sunt aggressi. Cardinalis autem Andreas
in Bommeliæ expeditionem suscepit arcemque sancti Andreae, a suo
nomine dictam, adversus fœderatorum irruptiones extruxit.

Anno 1599. *Albertus & Isabella Archiduces* (sic enim appellari ^{73.}
voluerunt) ex Hispania in Belgium venere, summa ubique gratula- ^{Archiducum}
tione & honoris significatione excepti; a Justo Lipsio etiam eleganti ^{adventus.}
oratione salutati. Andreas vero Cardinalis ad Episcopatum suum
Constantiensem reversus est. Ludicra tunc inter spectacula, serium ^{Ceratamen.}
etiam actum ferunt, Belgas inter & Gallos, quorum complures Hu-
gonoti Mauritio militabant. Nam *Breutaëus* Normannus Belgas ad
singulare certamen provocaverat. Belgæ 22. adversus 22. Gallos
Ducum venia comparent, ac 16. Gallorum, quos inter ipse Breutaëus,
interemptis, victoriam reportant.

Dum autem Belgæ Principes suos excipiunt, ^{Mauritii}
Mauritius Wach- ^{progressus.}
tendoncham munitum Geldriæ oppidum eisdem eripit, ac mox arcem
Crepicordii, & *S. Andreae*, quam nuper Cardinalis extruxerat; &
ut nihil deesset ad ignominiam, prædarii arcem hanc munitissimam
Mauritio pro pecunia vendiderunt, ac deserto suo Principe ad fœde-
ratos transferunt. Maximam nempe toto hoc bello Hispanorum re-
bus moram & cladem intulit stipendiorum defectus. Qua re irritati
Zzzz 2 milites

milites modo civitates sunt deprædati, modo Duces suos captivos abduxerunt, modo cum hostibus ipsis colluserunt, modo secessione facta urbem aliquam occupatam pignoris veluti loco servabant. Profecto sub initium Principatus Alberti tanta ob eam tumultuanum, transfugientiumque frequentiam erat calamitas, ut pecuniæ defectu, quo consilia videret, non haberet.

Et victoria.

Et quod luctuosissimum erat, Mauritius in Flandriam effusus, oppidis passim direptis, amplam de Alberto victoriam reportat, pluribus catholicorum millibus in acie cæsis, aut captis, quos inter Nobiles Ducesque plurimi. Ad *Neoportum* hæc pugna comissa est, inter maxime memorabiles habita (*anno 1600.*) Nec tamen victori incruenta fuit; quin parem aut etiam majorem fuisse casorum ex fœderatis numerum, aliqui scribunt. Neque præter laudem & famam utilitatis quidquam Mauritio ea victoria attulit. Nam imminuto militum numero Neoportanam obsidionem solvere coactus est, atque in Selandiam ac Hollandiam se recipere.

C A P U T II.

De Statu Ecclesiastico Belgii in specie.

A R T I C U L U S I.

De Statu Religionis in Belgio.

74.

Quamvis ex iis, quæ dicta sunt hætenus, abunde pateat, quam calamitosus fuerit status Belgii, non modo civilis, sed etiam Ecclesiasticus; juvat nihilominus de hoc peculiariter adhuc aliqua annotare.

Ortus Reli-
gionis :
primi Apo-
stoli.

Christiana Religio jam sæculo III. Belgio illata traditur ex vicina Gallia, atque in Cameracensi, Attrebatensi, ac Tornacensi agro profeminata a viris Apostolicis *Piatio*, *Choyfolio*, & *Eugenio*. Sæculo IV. aut incunte V. *Diogenes* Græcus, *Attrebatensis Episcopus*, a Vandalis, qui surgentem religionem excisum ibant, occisus scribitur. Mox quinque diversæ gentes, Romani, Vandali, Gothi, Hunni, & Galli regionem & religionem vastabant. Sæculo VI. S. *Eleutherius* a Felice III. summo Pontifice ordinatus *Tornacensis Episcopus*, rursus collegit dispersas reliquias. Sæculo VII. S. *Amandus* everso Mercurii & Martis idolo Gandavi & reliqua Flandria plura templa & monasteria

Progressus

ria erexit. *S. Eligius* vero, cujus sermones catholici ad populum hodieum exstant, Antverpiam majoremque Brabantiam partem convertit: uti etiam *S. Willebrordus*, cum aliis 12. sanctis viris ex Hibernia adventus, Hollandiam, Selandiam, & Ultrajectum, ac subin etiam Frisiam, accepta potestate a Pipino Brabantiam Duce, qui devicto Radbodo Rege eandem subegerat, sæculo VIII. totum ferme a Normannia vexatus. Belgium erat Christianum, opera præsertim *S. Rumoldi*. Verum florentem Religionem Normanni, adhuc ethnici, in Belgium irrumpentes, sæculo IX. misere devastarunt, donec ab Arnulpho Imperatore ingenti prælio victi, atque ejecti sunt.

Restauratam sæculo X. & XI. Belgicam Ecclesiam, jam non amplius gentiles sed hæretici infestarunt. Horum primus *Tanchelinus* 75. circa annum 1115. Antverpiæ ac vicinis locis venenum effudit, in SS. Sacramenta potissimum grassatus, & quidem more minime Apostolico, sed hæreticis communi, vi nempe armata. Verum Divino Numine evocatus in Belgium *S. Norbertus* hunc Ecclesiæ hostem ita a *S. Norberto* debellavit, ut ne vestigium quidem hæreseos relinqueret. Ex quo debellatus. tempore Illustrissimus Præmonstratensium ordo viris sanctissimis atque doctissimis mire auctus, atque per Belgium propagatus pro Ecclesia Dei firmissimum adversus hæreses & vitia se murum opposuit. Advenit haud multo post in Belgium *S. Bernardus* cum sanctissimi *S. Bernardi* ordinis sui sociis, ut juncta opera cultum Dei, morum probitatem, & zelus. salutem animarum ubique promoveat: ut adeo sæculo XII. & XIII. in toto Belgio ad omne decus floreret Religio, pietas, vitæque disciplina. Cum postea sæculo XIV. perniciosum *Schisma* Ecclesiam *Schisma*, scinderet, omnis pene Flandria in turbas commota est. Nam Philippus Audax, qui Galliam exemplo Clementi VII. adhæserat, omni ope conatus est Flandros ab Urbano VI. abstrahere. At multi ex illis exilium præferabant: & vel maxime Gandavensium constantia enituit. Interea autem *Urbaniani* & *Clementini* (ita enim appellabantur) mutua sacrorum communione abstinebant: donec anno 1398. pax reducta est.

Sæculo dein XV. & dimidio XVI. totum Belgium unius erat labii, unius Religionis, unius fidei, probitare, opulentia, & omni-Hæresis omnia felicitate efflorescens, cum post discessum Philippi II. horrendi-
sane motus, hæresis præsertim omnia miscens, Religionem misere affligerunt; prout ex iis, quæ ex scriptoribus probatis memoravi, est perspicuum.

Cum etenim jam Germania, Gallia, Anglia, Scotia pleno flagret incendio, ex vicinis istis provinciis scintillæ in Belgium ventila-
Z z z z 3
latæ

Lanoyus,

latæ immanes ubique flammas excitarunt. Initium a mercatoribus, militibus, & profugis ex Gallia & Anglia hæreticis. Accitus ex Gallia Tornacum & Valencenas, quas primas flamma corripuit, Matthæus Lanoyus, a puero Genevæ Calvinii disciplina imbutus: qui publice in campis & sylvis ad accurrentes turbas armatas verba faciebat, atque incitatus a novatoribus, ut duas personas, quas pretio induxerant, ut obfessas se simularent, a dæmonio liberet, eo nomine vir sanctus habebatur: donec fraus primum a simulantibus, dein vero ab ipso etiam Lonoyo, postquam ad Ecclesiam rediit, in libro, quem de sua conversione in lucem edidit, toti orbi est patefacta: ut publice manifestum fiat, quibus miraculis hæretici sectas suas propagent.

Concilium Tridentinum interea ex Regis voluntate publicabatur ab Archiepiscopo Cameracensi, quamvis non sine magno populorum motu, majore a Mechliniensi, ab Ultrajectensi vero multo maximo. Editum etiam ab aula decretum adversus sectarios: ut nemo aliam quam Catholicam Religionem exerceat. Qui aliam doceat, aut scriptis asserat, domum commodet, populum commoveat, is capite luat: uti etiam qui pertinaciter in hæresi persistat: aut frequentius ad alios pervertendos disputet.

77.
Progressus.

Cum autem hæ res etiam catholicos in tumultus concitarent, hæretici passim irrumpebant, in tres potissimum sectas divisi. Calvinistæ Flandriam & proximiores Galliarum provincias invaserunt, Lutherani Germaniæ finitimas, Anabaptistæ Hollandiam & Selandiam. Complures civitates omnis colluvies infecit. Quanta autem audacia, quo furore, edictorum contemptu, sacris imaginibus, templis, altaribus, sacerdotibus manus sacrilegas Ipris, Antverpiæ, Bredæ, Buscoduci, Bergis, Gandavi, Aldenardæ, Valencenis, Amstelodami, aliisque in locis injecerint, longum fuerit recensere. Integræ cohortes furoris æstro perciti furiarum instar facibus ac ferro armati discurrebant, & sacra omnia infando sacrilegio contaminabant. Profecto ea fuit sceleris plus quam barbari atrocitas, ut calamus cohorreat scribere, & lectori humanitatis non omnis experti ingratum omnino foret legere. Certe ipsi etiam Protestantici scriptores, uti Petrus Bor, Petrus Hoffius, Emanuel de Metere, & Gerardus Brand, facinus istud enorme detestantur. Quod tamen instigantibus Geusiorum ministris fuit patratum: quodque miserrimum erat, sæpius per provincias instauratum.

Gorcemien-
ses Martyres.

Cum anno 1572. Geusii Gorcomio in Hollandia essent potiti; in homines Ecclesiastici præsertim ordinis truculenta eorum se exeruit rabies. Nam novemdecim illorum, ex quibus undecim Franciscani, carce-

carceris primum squalore verberibusque dire torti, dein in naviculam compacti, atque Gorgomio Brilam devecti, postremo a Comite de *Marcha* ad suspendium damnati, barbaras inter lanienas crudelissime sunt enecati: *Gorgomenses* propterea *Martyres* appellati, utpote unice in odium fidei occisi. Unus tamen ex 19. adhuc juvenis tormentis & spromissis fractus defecit. Eodem furore immanis tyrannus *Schonbofit* in Canonicos Regulares S. Augustini grassatus, plures eorum Aliique interemit: uti etiam Cornelium *Musium* sacerdotem jam septuagena-
 rium, virum virtute & doctrina præstantem, per inaudita tormentorum genera. Eadem laniena per totum ferme Belgium fuit circumlata.

Orangius initio mansuetudinem præferens, a Sacerdotibus abstinebat manus; sed rebus suis magis firmatis larvam posuit, & edictis atrocibus proscriptionibusque Antverpiæ præsertim sæviit, in Minores maxime, & Jesuitas: qui non modo Antverpia, sed insuper Tra-
 jecto, Gröninga, Tornaco, Burgis, Duaco expulsi sunt a Geusis: quod Jesuitæ
 juramentum, adversus Regem & Joannem Austriacum conceptum, nolent emittere. Austaque est persecutio, ubi anno 1579. Hollandi, Selandi, Geldrii, Frisones *Ultrajectinum* inter se *sædus* inierunt.

Nulla tamen persecutione absterri sunt Societatis Patres a *Missio Batavica*. Sed prout jam ante Nicolaus Gaudanus Bergæ ad Zomam, Andreas Boccatus Leovardiæ, Godefridus Lummius Middelburgi, Petrus Canisius, Leonardus Kessellius, Franciscus Costerus, Henricus Dionysius, Joannes Astenfis, Daventriæ, Neomagi, aliisque Transiselandiæ & Geldriæ urbibus Religioni conservandæ, verbi-
 que Divini prædicationi institerant; ita anno 1592. ex voluntate Clementis VIII. *Guilielmus Ieonius*, & *Cornelius Duyssius*, uterque Hollandus, licet claustra omnia essent obfessa, in Hollandiam tandem, ferme penitus jam desolatam, penetrarunt. Et Leonius quidem Dordracum natalem sibi urbem pervenit; inde vero provinciam Ultrajectinam, Transiselandiam, Geldriam percurfabat: Duyssius vero Amstelodamum, Delphos patriam suam, Rotterodamum, Lugdunum, Harlemum, aliasque Hollandiæ civitates zelo Apostolico excolebat.

Cum autem tam amplo agro, spinis & urticis undique horrenti, tam pauci operarii non sufficerent, annuerunt sociis; missique attulerunt suppetias, Joannes *Barghius* Amstelodamensis, Adrianus *Arbo-reus*, pariter Hollandus, & Nicolaus *Rameus*, libris, quibus Calviniani effigiem ad vivum expressit, celebris. Atque his fundamentis erecta est *Missio* Hollandica, uberi postmodum fructu propagata. Nec abstertere poterant viros, pro majore Dei gloria & animarum salute zelantes, diurnæ nocturnæque insidiæ, persecutiones, vincula, carceres, neces.

Fabula de
necando
Mauritio

Ussit invidia generis humani hostem, ejusque mini tros. Quare fabulam adornarunt, artibus suis, hoc est, mendaciis contextam, Petrus Banne, vilissimæ conditionis opifex, postquam sua decoxit, ære alieno pressus, Ipris profugus, atque in Hollandiam delatus, Lugduni asseruisse fertur, se missum ad occidendum Mauritium Comitem. Quæstioni subjectus, quis tanti sceleris sibi auctor fuerit, variato responso alios aliosque nominavit, tandem promissis illectus Oliverium Manaræum Provinciale, virum integerrimum, cujus virtus, fides, & vitæ innocuæ commendatio toti Italiæ Belgioque erat perspecta, cum Rectore Collegii Duacensis inter alios reos egit. Geusii fabulæ successu læti, eam denuntiationem, variis linguis editam per Europam spargunt, atque Societatem ceu sectam sanguinariam maligne traducunt.

Mendaciis
contexta.

Franciscus Costerus, vir doctrina & probitate conspicuus, tantam calumniam non dissimulandam ratus, libro in publicum edito famam Societatis læsam egregie vindicavit, ostensis ad oculum sexaginta apertis mendaciis, quæ Geusiorum accausationi erant inserta, itaque palam convicit, ut ipsi Batavi falsam criminationem agnoscerent, nec Lugdunenses, rei veritate perspecta, adduci possent, ut processum suum judiciale, scriptumque editum defenderent.

Et prefesto adeo inepte tota strophæ erat contexta, ut Costerus evolutam accusantium criminandi libidinem, accusatorum vero innocentiam perspicue ob oculos poneret. Quid insulsus? Banneus in majori hebdomade confessionem paschalem apud Provinciale Duaci deposuit, ejusque Missæ interfuit, atque de Mauritii cæde egit; cum tamen provincialis toto eo tempore diuque antea nec post Duaci fuerit, nec Banneum unquam viderit. Banneus butyrum in Collegium Duacense portare consueverat, eaque occasione a Rectore ad eadem fuit impulsus. Sed Costerus demonstravit, Banneum opificio vieto-rem nunquam butyrum in Collegium detulisse, neque cum Rectore unquam locutum esse, sed eidem prorsus fuisse incognitum. Uxor, Jesuitis familiaris, marito scelus persuasit. Verum uxor Bannei nunquam Jesuitis fuit familiaris, nec iis confessariis usa est, neque conclusiones eorum aut collegium accessit. Dein aperte illa est protestata, sibi nunquam eam rem in mentem venisse, nec unquam cum ullo Jesuita ea de re vel verbum contulisse: nec ullo teste aut indicio probari id poterat. Ejusdem farinæ erant reliqua 57. mendacia ac imposturæ Geusiorum.

ARTICULUS II.

Status Ecclesiasticus per Concilia ordinatus
in Belgio.

Quia ante Philippi II. tempora nulli in Belgio erant Archiepiscopus, sed quatuor tantum Episcopi, qui ad Coloniensem, Leodiensem aut Rbemensem Archidiœceses spectabant, ideo etiam nulla in Belgio celebrata sunt olim Concilia Provincialia, sed Episcopi a Metropolitanis evocati Concilia Archidiœcesis frequentabant. Invenio tamen paucam quædam Diœcesana habita.

Horum omnium primum est *Ultrajectenſe*, autoritate *S. Willebrordi* Episcopi congregatum anno 697. Conclusum in eo, ut egregii ^{79.} Concilium
verbi Dei Prædicatores, qui ex Anglia & Hibernia in eas Germaniæ Inferioris partes advenerant, in finitimas gentiles provincias distribuerentur, ad populos Christiana fide imbuendos. Hos inter fuit *S. Winfridus* sacerdos, qui postquam 13. annos in Ecclesia Trajectensi fuisset Canonicus, Archiepiscopus Moguntinus consecratus est, & *Bonifacius* appellatus. Inde post obitum *S. Willebrordi* rediens, secundus Trajectensis Episcopus fuit ordinatus: ac postquam 16. annos per Frisiam prædicaverat, martyrio cum suis coronatus.

Anno 1025. cum quidam contra SS. Sacramenta varios errores ^{Attrebatensis} spargerent, *Gerardus* Cameracensis & Attrebatensis Episcopus diœ-^{se I.} cefanam synodum Abbatum, Canonicorum, & Parochorum convocavit: atque in ea 17. capita decrevit. In 1. Baptismi Sacramentum, a quibusdam negatum, asseruit. In 2. veram ac realem Christi præsentiam in SS. Altaris Sacramento ex sacra Scriptura, atque miraculis manifestis demonstravit. In 3. templum tanquam Domum Dei commendat. In 4. 5. & 6. de sacro Altari, thimiamate, & campanæ signo tractat. In 7. de sacris Ordinibus, ac clericorum officiis, In 8. de sacra Sepultura. In 9. & 10. de Pœnitentiæ Sacramento In 10. de connubiis. In 11. de cultu Sanctorum. In 12. de pfallendi officio. In 13. de veneratione Dominicæ crucis. In 14. de cultu Imaginum Christi & Sanctorum. In 15. De Ecclesiastico Regimine In 16. de falsa hæreticorum justitia. In 17. fit brevis adhortatio priorumque repetitio.

Atque hæc omnia ex sacra Scriptura & primævæ Ecclesiæ usu adeo luculente ob oculos ponuntur, ut habeant profecto Batavi, a majorum fide devii, quo introspiciant, quam jam ante tot sæcula fuerit Belgarum Religio, cum hodierna ad amissim consentanea.

Pars VII.

A a a a

Ube.

Uberius momenta præcipua Concilii recenserem, nisi ex aliis Conciliis pluries illa attulissim.

Attrebatense
II.

Anno dein 1097. in altera Attrebatensi Synodo varia Monasteriis privilegia confirmata sunt. Idem factum in tertia anno 1098. & quarta 1101. in quinta anno 1128. Monasterium Monialibus male viventibus ademptum traditum est Monachis, assentiente Innocentio II. Summo Pontifice. Sæculo sequente edita sunt gemina statuta synodalia Ecclesiæ Ultrajectensis. In prioribus excommunicantur lædentes libertatem Ecclesiasticam. In posterioribus graviter prohibetur, ne laborantes defectu natalium ad sacros ordines promoveantur.

§. I.

Concilium Cameracense I. anno 1565.

Postquam Episcopatus Cameracensis, ad Rhemensem Archidiœcesin spectans anno 1559. rogatu Philippi II. in Archiepiscopatum erectus est a Paulo IV. *Maximilianus a Bergis*, Archiepiscopus & Dux Cameracensis, S. R. I. Princeps, comes Cameracensi sexto post anno Concilium Provinciale indixit, ad reformandam disciplinam Ecclesiasticam, & stabiliendam doctrinam fidei adversus hæreticos, eo tempore undique circumfremantes. Editæ sunt in hunc finem 22. tituli, in plura capita subdivisi.

In epistola encyclica, qua Archiepiscopus Synodum convocat, refert, quam opportunum remedium morbis attulerint frequentiores synodi, quarum intermissione maxima Ecclesia immineant mala. In ipso dein Concilio laudata Tridentina Synodo, omniumque observationi commendata, emissæ est professio fidei. Tum vero

80.

In 1. Titulo *de libris hæreticorum suspectis & vetitis*, statuitur, ut edictum Caroli V. de non edendis aut importandis libris, quorum catalogus non sit approbatus, observetur. Etiam typographi & librarii quotannis ex formula Tridentini emittant professionem fidei. Libri preicatorii ab omni superstitione purgentur.

In 2. *De lectionibus Theologicis in capitulis & Monasteriis*, præcipit in docendo diligentiam, ut Auditores non tantum doctiores sed etiam probiores evadant.

In 2. *De Scholis*, ait, ex harum neglectu maxima mala fuisse suborta. In urbibus igitur, oppidis & pagis restaurandas scholas, docenda fidei rudimenta. Diebus Dominicis a clericis & ludimagistris gratis instituendam pauperem plebeculam credendi principiis. In scholis auctores probatos prælegendos.

In 4. *De Seminario*, commendatur erectio pro juventute pie & docte instituenda.

In

In 5. *De Doctrina & prædicatione verbi Dei* mandatur, ut Rectores Ecclesiarum festis & dominicis populo verbum Dei pure & fideliter explicant, cum symbolo fidei, decalogo, præceptis Ecclesiæ, usu Sacramentorum, traditionum, ceremoniarum. Hæreticos refellant absque convitiis. Non sinant quem concionari sine mandato ordinarii. Libros habeant legantque probatos.

In 6. *De cultu, ceremoniis & officio Divino* jubetur SS. Evcharistiæ Sacramentum summa veneratione & puritate tractari: esse enim valde præposterum, quod Sacerdotes velint omnem a laicis huic Sacramento reverentiam haberi, ipsi vero non exhibeant. In Missa solenni, quæ ad doctrinam pertinent, uti Epistola, Evangelium, Symbolum, absque organo canantur distincte. Quæ vero ad laudes Divinas spectant, ut Hymni, Gloria in excelsis, Sanctus, cum organis & musica possunt cani. Absit a cantu omnis lascivia, ac levitas, choreis potius quam choro conveniens. Sacræ ceremoniæ pie & sancte observentur. Nullæ vero novæ introducantur absque Episcopi assensu. Omnis vero superstitio aboleatur. Canonici per se ipsos psallant, & sacris operentur pie & devote: alias distributionibus careant. Festi dies religiosius transigantur. Festa aliqua abrogentur.

In 7. *De Ministeriis Ecclesiasticis* decernitur, ut nemo in Ecclesia ministerium accipiat, nisi quem ætas, vita, eruditio commendat. Beneficium tituli non resignetur, nisi de alio sufficiente provideretur. Curati cooperatores non recipiant, nisi ab Episcopo approbatos, uti nec confessarios sæcularium.

In 8. *De vita & honestate Clericorum* præcipitur sobrietas, frugalitas, pudicitia, modestia. Nullam fœminam suspectam domi habeant. Cauponis abstineant; ad æquales haustus non provocent, ebrietatem fugiant. In primitiis choreæ, ludicra &c. absint.

In 9. *De Examine Episcoporum*, decernitur, ut post electionem Episcopi publice denuntiatur, omnibus patere aditum, qui sciant impedimentum aliquod electi, ut libere ac tuto illud denuntient Archiepiscopo, aut vicino Episcopo comprovinciali, quorum est, præsentibus duobus Canonicis Ecclesiæ vacantis, electum examinare de natalium integritate, ætate 30. annorum, vita, moribus, exercitiis, gradu, statu, an Doctor, aut saltem doctus, virtutibus præditus, quas Apostolus in Episcopo requirit, an sex mensium spatio in sacro ordine fuerit constitutus. Quæ omnia fideliter descripta, ac ejusdem Episcopi aut Archiepiscopi manu ac sigillo firmata mittantur ad S. D. Papam, ut sufficienter instructus confirmare electum queat: missa simul Romanam professione fidei & obedientia.

Aaaaa 2

In 16,

In 10. *De Examine Pastorum*, Synodus se refert ad Decreta Concilii Tridentini, præsertim *Seff. 23. cap. 18.*

In 11. *De Residentia Episcoporum & curatorum* rursus districte mandatur observatio eorum, quæ Tridentinum præcipit, ut videlicet Episcopi & curati personaliter resideant, ac per se ipsos ovibus invigilent. Ne igitur ultra trimestre Episcopus in anno sit absens a sua Diœcesi, nisi causis legitimis excusetur, quas exponere Metropolitano debebit. Præsertim non absint tempore Adventus, quadragesimæ, & festis solennioribus: quibus maxime convenit, Episcopos ministerium suum obire in suis Ecclesiis.

In 12. *De Pastorum residentia, & eorum officio*, rursus inculcatur observatio Tridentini, præcipiturque, ut Pastores, qui residere aut nolunt aut non possunt, monitis Patronis, Ecclesias resignent. Per se ipsos doceant, sacrificium offerant, sacramenta ministrent.

82. In 13. *De Visitatione*, se rursus Synodus refert ad decreta Tridentina. Inquiratur diligenter de fide ac moribus, de diligentia in Ministeriis, asservatione Eucharistiæ, sacro oleo, habitu, tonsura, vita clericorum, Ecclesiarum suppellectili, bonis, libris, foundationibus, eleemosynis: publica castigentur publice &c.

In 14. *De Potestate & Jurisdictione Ecclesiastica* asseritur duplex forum Ecclesiasticum, clavium nomine a Christo insinuatum: alterum Sacramenti pœnitentiæ: alterum Jurisdictionis & regiminis externi ad publica delicta corrigenda. Datum in hunc finem a Christo excommunicationis gladium, veluti nervum disciplinæ Ecclesiasticæ. Rogat proin synodus Regem Catholicum, aliosque Dominos temporales ac magistratus, ne illius usum prohibeant aut impedian. Si Judex Ecclesiasticus hac potestate abuteretur, ad superiorem Judicem Ecclesiasticum id deferant: sintque memores pœnarum a sacris canonicis, ne leviter hoc gladio feriant, sed aliis, quantumcunque fieri potest, utantur Juris remediis. Pecuniariæ autem mulctæ piis causis applicentur.

Ut dispendiosæ litium protractioni obvietur, in omnibus actionibus personalibus, ad forum Ecclesiasticum pertinentibus, Judex curet, reum comparare personaliter, atque ad factum suum proprium respondere, non admissio procuratore, nisi de legitimo ipsius Rei impedimento saltem summarie & veri similiter constet. Si reus comparere fateatur debitum, Judex illico solutionem imperet, faciendam intra tempus de stylo vel jure definitum. Si neget per litis contestationem, summarie procedatur. Si vero citatus comparare aut litem contestari nolit, citetur iterum, cum monitione, ut ad libellum actoris re-

responsurus compareat. Si tertio sub pœna confessati citatus non compareat, actor ad probandum admittatur, & reus contumax pro confesso habeatur.

Presbyteri & clerici non assumant officium Notarii, nisi prius ab ordinario examinati & probati fuerint. Episcopi in synodo Diœcesana designent personas idoneas, quibus causæ in partibus a S. Sede delegentur, juxta decretum 10 Tridentini Sess. 25. In cæteris etiam omnibus Synodus Tridentina plene & integre observetur, & auctoritatem inviolabilem habeat, ejusque Decreta omnia, statuta ac definita ab Episcopis publicentur, & in singulis Ecclesiis, & ab omnibus Presbyteris habeantur typis edita.

In 15. *De Matrimonio* ait, fuisse institutum a Deo, antequam peccatum intravit mundum, & a Christo elevatum ad rationem Sacramenti. Filii pietatis in parentes memores eorum consilio matrimonium ineat. Non tamen debent parentes liberos cogere ad hoc vel illud matrimonium. Unde declarent, an libere aut coacte contrahant. Proclamationes præviæ non omittendæ: jurentque contracturi, se nullo, quod sciant, impedimento prohiberi. Sponsalia non in tabernis potoriis aut post computationem contrahantur, sed a sobriis in loco sacro: ac multo magis matrimonium. Ignoti ne temere conjungantur. Qui falso allegato impedimento matrimonium impedit, aut verum sciens reticet, excommunicetur. Si Pastor de impedimento dubitat, ordinarium consulat. Clandestina matrimonia sunt irrita. Reliqua etiam omnia decreta Tridentini circa matrimonia observentur.

In 16. *De Decimis, Oblationibus, & Portione Canonica* statuitur, ut decimæ diligenter solvantur. Oblationes in Ecclesiis factas soli Pastores recipiant, non vero patroni laici. Si Patrono pars debeatur, eidem a Pastore tradatur. Oblationes nullo pacto elocentur. Pastoribus sua congrua assignetur, vel augendo portionem decimalem, vel contributione, vel unione Beneficiorum, vel alia ratione. In eam rem autem, qui decimas percipiunt, contribuant. Si duæ Ecclesiæ propter inopiam uniantur, unus sit utriusque pastor: cui sacellum deligere liceat, admissum tamen ab ordinario. Pro restauratione contribuant decimatores pro rata, nisi instauratio ex antiqua consuetudine ad populum pertineat. Denique hortatur synodus monasteria, ad quæ spectant fere omnia prædia parochiæ, ut pastori inopi succurrant.

In 17. *De Purgatorio* docet, esse locum destinatum earum animarum purgationi, quæ ex hoc sæculo migrant, necdum plene purgatæ, seu ab omnibus pœnis absolutæ, easque precibus, eleemosynis, Missæ sacrificiis, pro benigntate Divinæ clementiæ juvari. Absit

autem omnis superstitio, & turpis quæstus; ne plebi imperitæ imponatur, aut hæreticis calumniæ ansa præbeatur.

83.

In 18. *De Monasteriis virorum & mulierum* commendantur Decreta Tridentini. Servetur disciplina regularis, & collapsa restauretur. Superiores verbo & exemplo præluceant. Sacræ lectionis super mensam usus restituatur. Mensa sit frugalis. Omni familiaritate cum mulieribus abstineant. Clausuram observent. Vota custodiant. Nullus sibi pecunia cibos, potum, aut vestes comparet, sed a communitate omnibus necessaria suppedientur. Pecunia &c. quocunque titulo acquisita tanquam communis superiori tradatur. Pro admissione ad professionem nihil recipiant. Moniales curent, ne puellæ earum convictrices, quas pie instituendas suscipiunt, non nimium curiose, sed modeste sint vestitæ. Novitii bene instruantur, ad quid per professionem se obligaturi sint. Religiosi nunquam foris pernoctent, nisi de consensu superioris. Meminerint superiores, se non esse dominos bonorum monasterii, imo ne fructuum quidem, sed tantum dispensatores; & administratores; neque pro lubitu dispensare posse contra intentionem Ecclesiæ & fundatorum, ditando propinquos, superfluis sumptibus &c.

In 10. *De Sanctis* inquit, Sanctorum cultum & invocationem semper fuisse probatam ab Ecclesiâ; nec destitisse sanctos Patres ob hæreticorum & gentium contumelias Martyribus debitum honorem impendere; sic neque debere pios homines a legitimo cultu & invocatione sanctorum abduci, quidquid adversus Ecclesiam latent hæretici; sanctorum enim precibus nos juvari firmissimis argumentis comprobatum esse. Docendum tamen populum, alium esse cultum, quo Deum, Creatorem, Conservatorem, Largitorem bonorum omnium, Judicem futurum, cui uni reddere rationem debemus, qui solus perdere, solus fervare potest, cui soli sacrificium offertur, solus cultu patriæ colitur. Alium vero ac multo inferiorem esse cultum, quem Sanctis pie deferimus. Et quamvis eos vocemus advocatos & intercessores, nullatenus tamen eo ordine ac loco, quo Christum Dominum nostrum, Advocatum ac Mediatorem, per quem omnia bona habemus, & in cuius meritis infinitis omnis fundatur Sanctorum intercessio, colimus, adoramus & invocamus; Ecclesiam etiam in suis precibus omnia a Deo petere per Christum Dominum nostrum, Sanctum omnium Sanctorum. Patere etiam ex Litanis nostris ingens discrimen, quo Deum & Christum, & quo Sanctos invocamus.

Docendum proin populum, preces quidem Sanctorum admodum utiles ad impetrandam a Deo ex meritis Christi dona temporalia & spiritualia; sed tamen abominandam esse eorum vanitatem, ac superstitionem, qui certo pollicentur, non migraturos ex hac vita sine poenitentia

&

& aliis morientium sacramentis eos, qui hunc illumve ex Divis co-
luerint, aut certas precatiunculas diligenter recitaverint, aut qui
propterea securitatem, certum optatumque eventum promittunt. Il-
lud quoque reprobandum esse, si qui certo numero, præscriptaque
Missarum forma aliqua, aut precum, affirmant, certas designatasque
animas e purgatorio semper liberari,

In 20. *De Imaginibus* ait, Christi ac divorum imagines secun-
dum Synodi VII. traditionem, & Tridentini sanctiones in templis ha-
bendas esse, eisque externa honoris cultusque signa exhibenda, cum
in signis prototypa veneremur. Sed ne quid agatur præpostere, ima-
gines nullas statuendas in templis, nisi Episcopi consensu & iudicio;
si quæ præferant quidquam, quod non deceat, aut prototypo non con-
gruat, amovendas esse. Nullum cultum deferendum imagini propter
materiam, aut formam, sed propter rem significatam, ad quam hic cul-
tus & honos præcipue refertur: & hinc animum orantis aut veneran-
tis in rem signatam referendum, & non in signum, quod nec audit,
nec videt, nec sentit. Imperitiæ plebis causa maxime positas esse ima-
gines, ut illarum aspectu docti & moniti patrocinium Divorum implo-
remus, ut pietas in Christo conservetur, & eorum vitam imitemur. Mi-
raculis nullam esse auctoritatem sine iudicio Ecclesiæ, per Episcopum
declarato.

In 21. *De reliquiis* innovatur Decretum Tridentini de iisdem
venerandis, cum non tantum sint monumenta, quibus Martyrum ac
Divorum memoria renovatur, sed fuerint viva Corporis Christi mem-
bra ac templa Spiritus Sancti, ad æternam gloriam excitanda. Verum
ut omnis tollatur abusus, ne quis novas, aut ignotas reliquias popu-
lo venerandas offerat, nisi prius ab ordinario probatæ fuerint.

In 22. *De Indulgentiis* ait, quia per indiscretas & nimias Indul-
gentias claves Ecclesiæ contemnuntur, & pœnitentialis satisfactio
enervatur, nemini licere novas aut ignotas indulgentias populo com-
mendare, nisi prius ab ordinario visitatæ fuerint & probatæ. Præci-
pitque Parochis, ut populum suum diligenter admoneant, ne circum-
foraneis quibusdam; aut etiam impressis libellis temere fidem adhi-
beant, qui ex levibus, vanis & superstitiosis causis exorbitantes in-
dulgentias pollicentur, cum non nisi ex piis & rationalibus causis
concedi debeant.

Interfuerunt & subscripserunt huic Concilio præter Archiepisco-
pum Cameracensem, Richardotus SS. Theol. Doctor & Episcopus
Attrebatensis, qui pulcherimam in Synodo orationem habuit de ca-
lamitoso temporum statu: Episcopus Audomarensis, Namurcensis,
(Tornacensis Ecclesia vacabat) Præpositi, Decani, & Canonici Ca-
thedra-

thedrales: multi Abbates, & Abbatissarum Procuratores, uti etiam Capitulorum Decani & Procuratores.

§. II.

Concilium Mechliniense anno 1570.

Belgicis turbis jam in apertam erumpentibus, & hæresi in dies magis invalescente, quæsitum fuit a Concilio Provinciali Mechliniensi remedium. Indictum illud fuit a Martino Rythovio Iprensi Episcopo, nomine Antonii Perrenotti Archiepiscopi Mechliniensis, ac Belgii Primatis, qui ob causas memoratas Belgio excésserat, & in Italia tunc versabatur. Et imprimis quidem Præside Rythovio Seniore comprovinciali recipitur a Synodo Concilium Tridentinum plene ac integre, atque omnia statuta, eidem contraria, decernit irrita. Deinde vero pro stabilienda fidei doctrina, & restauranda disciplina statuit canones. Quorum hæc est summa.

I. De Sacramentis.

24.

Ut Anabaptistis, quorum hæresis late serpit, occurratur, ne infantes baptismo subtrahant, Synodus Magistratus locorum hortatur, ne quam obfetricem admittant, nisi a curato loci testimonium catholicæ fidei habeat, juretque, singulis sabbatis se denuntiaturam Pastoripuerperas, quibus adititerit. Curati vero denuntient Episcopo matres, quæ proles suas non fecerint baptizari. Parentes vero curent, ut proles mox baptizentur in parochia. Patrini ad summum sint unus & una. In usum revocetur probatissimus ille mos, ut puerperæ ad purificationem post partum ad Ecclesiam veniant, & benedictionem a sacerdote suscipiant.

Confessarii, quorum confessiones in quadragesima audierunt, nomina annotent. Nec alii ad sacramenta & sepulturam admittantur. Confessarii citra necessitatem non absolvant a casibus Episcopo reservatis, nisi specialem commissionem habeant. Casus autem in provincia Mechliniensi Episcopis reservati sunt: raptus, homicidium, incendium voluntarium, simonia, sodomia, hæresis, incestus, fortilegium, adulterium notorium, injectio manuum in parentes cum læsione, & omnia delicta, quæ excommunicationem majorem a Canone vel ab homine latam habent annexam. Pro notoriis sceleribus penitentia publica in usum revocetur.

II. De Ordinandis.

Nullus ad minores admittatur absque testimonio parochi & magistri scholæ. Ad majores promovendus etiam testimonium habeat de

de præmissis proclamationibus. Ordinandi mature compareant ad examen super ætate, vita, doctrina, natalibus, titulo: qui sit sufficiens, certus, non alienabilis, nisi de novo sufficiente fuerit provi-
sum. Possint tamen Episcopi ob Ecclesiæ necessitatem quosdam ido-
neos sine titulo ordinare, ea tamen conditione, ut de titulo illis
provideant.

III. De Sponsalibus & Matrimonio.

Parochi non jungant coactus vi aut metu. Proclamationes præ-
mittantur in sponsi & sponsæ parochia. Pastores nullum alterius
regniaut regionis, aut vagum & ignotum matrimonio jungant, sine
licentia Episcopi sui in scriptis obtenta. Si aliqui ex legitima &
urgente causa ab Episcopo ad contrahendum tempore interdicto
admittantur, abstineant a nuptiali convivio, choreis, aliisque,
quæ tempori non congruunt.

IV. De Officio & cultu Divino.

Hortatur Synodus ad Officium Divinum statis horis semper
integre, distincte ac devote perfolvendum. Pluraque ex Tridenti-
no statuit de distributionibus quotidianis præsentibus dandis. Pro
præsentibus autem haberi vult omnes in Ecclesiæ negotiis occupa-
tos, ut eos, qui capituli aut fabricæ res tractant, aliosque, qui prop-
ria præbendarum aut dignitatum suarum munera obeunt, aut Epi-
scopis, ordines coferentibus, visitantibus, aut in aliis Episcopatus
negotiis occupatis adsunt, vel aliquo ab eis missi operam impen-
dunt: aut qui sub officio celebrare debent.

Episcopi expurgent, si quid in officiis diœcesanis propriis circa
historias &c. extet minus pium & decens. Absit ab Ecclesia tempo-
re rei Divinæ omnis levitas, profanum commercium, musica lasciva
aut militaris, forensis proclamatio. Tabernæ sint clausæ, & præser-
tim cauponæ. Extra Ecclesiam, & ad Divinum tantum cultum dedi-
cata oratoria, ab Episcopis designanda & visitanda, aut olim ita de-
signata non celebretur Missa. Altaria portatilia, quantum fieri po-
test, abrogentur, consecratis altaribus fixis in locis sacris. Dies fe-
sti religiose transigendi, absque nundinis & mercatu. S. Rumoldus
Martyr Patronus Ecclesiæ Mechliniensis per totam provinciam festi-
ve celebrandus. Præter quadragesimale & quatuor temporum jeju-
nium, etiam vigiliæ eodem consecrentur.

V. De Imaginibus, Indulgentiis &c.

Tollantur e locis sacris omnes imagines procaces, gentilium
fabulas referentes, & quæ ad populi devotionem non faciunt. Ex do-
mibus pariter & hortis Ecclesiasticorum eliminandæ, præsertim la-
scivæ,

scivæ, & pudenda nuditate scandalosæ. Ne circumforaneis quibusdam, aut etiam impressis libellis, qui ex levibus & superstitionis causis, incertisque revelationibus exorbitantes indulgentias pollicentur, fides temere habeatur. Absit procul omnis superstitio. Illum autem rerum usum superstitiosum esse declarat Synodus, qui sine verbo Dei & Ecclesiæ doctrina sit præscriptis aliquibus ritibus & observantiis, quarum rationabilis causa reddi non potest, & fiducia in eis collocatur certi alicujus eventus, qui sine illis ritibus ex sanctorum intercessione non speraretur.

VI. De Episcopis & eorum Officio.

85.

Qui sciunt canonicum impedimentum quodcunque, quare electus, postulatus, aut nominatus ad Ecclesiam vacantem assumi non debeat, id ipsum Metropolitano, vel eo absente seniori suffraganeo denuntient. Qui etiam ex officio inquirent, de vita, moribus, doctrina, ætate, gradu, aliisque præficiendorum qualitatibus, de jure vel consuetudine requisitis. Quæ omnia in instrumentum relata una cum professione fidei ad Papam transmittant. Episcopi sapius in suis Ecclesiis pie & religiose celebrent, & quando per Episcopalia munera licet, Divinis officiis intersint. Et quoniam prædicationis officium Episcopis est proprium, illum tum per se ipsos, tum per alios idoneos exerceant.

Quia autem Episcopi dispensationes, collationes, institutiones, relaxationes, aliasque concessionem facere debent, occasione tamen sigilli varia soleant exigi, Synodus eam consuetudinem abrogat, relicto solum modico stipendio pro officialibus, qui instrumentum confecerunt, aut circa illud fuerunt occupati.

VII. De Ministris Ecclesiæ & Residentia.

Circa examen, delectum, & residentiam personalem Ministrorum Synodus se refert ad Decreta Tridentini, strictamque obligationem imponit, additque, si ultra tres menses, postquam ab ordinario moniti fuerint, personaliter residere neglexerint, aut distulerint, fructibus suarum dignitatum aut beneficiorum privandos. Si vero quis privilegium obtendat, intra tres menses illud Episcopo exhibeat, aut ejus Vicario, ut cognoscat, an ex legitima causa concessum. Secus effectu careat. Regulares ad processiones publicas vocati compareant, & digniorem Cathedrali Capitulo locum concedant. Post Decanum sequatur Archidiaconus, tum reliqui habentes dignitatem, aut personatum, denique reliqui canonici. Ecclesiarum Rectores non admittant vagum & ignotum sacerdotum, sine litteris sacerdotii, commendatiis, & testimonialibus Episcopi vel Vicarii.

VIII.

VIII. De Decanis, Pastoribus, & eorum officiis.

Episcopi Rectoribus Ecclesiarum provideant de congrua. Decani rurales, seu Christianitatum Archipresbyteri resideant intra limites sui Decanatus. Pro traditione novi Chrismatis nihil accipiant. Sumptus tamen propterea factos possunt recipere. Chrisma, & reliqua sacramentalia reverenter ac religiose deferant, ac distribuunt. Cum in quibusdam diœcesibus propter nimiam sacerdotum inopiam servari non possit ex integro dispositio Tridentini circa examen promovendorum, Episcopi se accommodent, quantum possunt. Parochis designentur certæ urbis regiones: habeantque determinatum populum, cui pastoralis cura diligenter invigilent. Catechismus Tridentini in epitomen contractus, & lingua vernacula edendus populo explicetur. Omnes ad aliam parochiam transferentes domicilium testimonium vitæ ac fidei secum ferent. Prohibetur sacerdotibus, ne stipulentur pro legenda Missa, sed sponte oblatum stipendium accipiant. Neque pro exequiis, septenariis, tricenariis, anniversariis, sed peractis officiis demum recipiant.

IX. De vita & honestate Clericorum.

Nullus Clericus barbam nutriat. Corona verticis sit pro gradu ordinis: vestis decora, & talaris in urbe, ruri ad talos promissa. Tabernis, comessatione, mulierum suspecta conversatione & cohabitatione, larvis, choreis &c. omnino abstineant. Per modum provisionis interim, donec a S. Sede declaratio obtenta fuerit, decernitur, ut capitula in suos Clericos jurisdictionem tam in criminalibus quam civilibus concurrentem habeant, ita, ut Episcopum prævenire possint, iis tamen tantum in casibus, in quibus hæctenus eandem habuerunt. Episcopi autem sine scitu deputatorum capituli per solam citationem possunt prævenire & jurisdictionem exercere.

X. De Scholis.

Ab Institutione inchoanda Christiana disciplina. Quare scholæ restituantur. Non tamen novæ instituendæ, nisi de consensu Episcopi. Præficiantur præceptores probati, qui fidei suæ integram professionem fecerint. Prælegatur in schola latina Despauterii Gramatica, in in compendium contracta. Habeantur etiam diligenter a Pastoribus scholæ Dominicales, seu catecheses de fidei christianæ principiis: curentque Episcopi quosdam libellos in hanc rem imprimi. Parentes liberos diligenter ad has institutiones christianas mittant. Nec admittantur ad sacramenta, etiam matrimonii, nisi bene instructi. Magistratus pariter curam conferant, ut parentes liberos ad doctrinam

B b b b b 2

christia-

christianam mittant; cum hæc res maximi sit momenti, & ad restitutionem religionis proximum gradum faciat. Episcopi rationem ineant, qua in singulis diocesisbus erigatur seminarium.

46

XI. De Unionibus, & bonis Ecclesiasticis.

Beneficiorum uniones, & Missarum reductiones absque necessitate fieri non debent. Elocationes bonorum Ecclesiasticorum successores non ligant. Nullæ fiant ultra novem annos sine solennitatibus, quæ de jure requiruntur ad alienationes. Beneficiati redditus suos superiori specificent. Registrum autem unum proventuum in Archivio Ecclesiæ asservetur, alterum Episcopo tradatur. Litteræ originales & instrumenta, quæ vetustate consumuntur, in authenticam formam transmuntur, & tribus clavibus custodiantur in qualibet Ecclesia. Renovations locationum diligenter & authentice annotentur, ne temporum tractu conductores proprietatem prætendant.

XII. De Regularibus.

Religiosorum conventus id sunt in populo christiano, quod arces, militum præsidio bene instructæ in regione, hostium incursionibus exposita. Quare totius populi interest, eorum disciplinam regularem comprimis florere, per accuratam votorum observantiam. Pensiones vitales, aut redditus perpetui nulli permittantur. Hospites juxta regulam excipiantur. Clausura sit exacta. A professione absit omnis simonia. Habitus sit uniformis, quem etiam, dum foras prodeunt, retineant.

XIII. De Litteris Apostolicis & Judicibus Delegatis.

Dispensationes ad Beneficia incompatibilia Episcopis præsententur examinandæ. Nominat Synodus pro singulis Diocesisbus aliquot idoneos viros, quibus, præter ordinarios locorum, causæ Ecclesiasticæ in partibus delegandæ a sua sanctitate committantur. Eorumque nomina propterea Romam mittenda. Si quis ex istis ante proximam Synodum decedat, Episcopus cum concilio capituli alium usque ad Synodum substituatur, idque summo Pontifici significet.

XIV. De Usuris.

Quoniam usura jure Divino & canonico omnibus christianis sub pœna peccati mortalis interdicitur, neque facienda sunt mala, ut eveniant bona, Synodus statuit, ne quis tutor aut curator sub prætextu augmentandi patrimonium pupillorum, pecunias illorum sub certo lucro, singulis annis ultra sortem recipiendo, mutuo dent, retenta facultate repetendæ sortis, quando ad majorem ætatem pervererint, aut alias ad eorum arbitrium, declarando omnes hujusmodi

con-

contractus usurarios, & contra mutuantes, tanquam usurarios ad pœnas juris procedendum.

XV. De Visitationibus.

Caveant Episcopi, ne occasione visitationis cuiquam sint onerosi, sed frugali victu contenti. Decani etiam christianitatis visitent ubique. Subsidia iudicio Episcopi constituentur.

Subscripserunt huic Concilio Martinus Rithovius Episcopus Iprensis Præses; Franciscus Sonnius Episcopus Antverpiensis; Wilhelmus Lindanus Episcopus Ruremondanus; Cornelius Jansenius Episcopus Gandavenfis; Remigius Druitius Episcopus Brugensis; Laurentius Methius Episcopus Buscoducensis; cum Vicario generali Cardinalis Granvellani Archiepiscopi Mechliniensis.

§. III.

Concilium Cameracense II. anno 1586.

Provinciæ Cameracensis Episcopi istud celebrarunt Montibus Hanonix Præsidibus Bonhomio Nuntio Apostolico & Berlaymontio Archiepiscopo Cameracensi, S. R. I. Principe. 24. titulis complures editi canones.

Tit. I. De Fide.

Juxta formulam, a Pio IV. præscriptam, fidei professionem faciant omnes Professores, Concionatores, Confessarii, Ludimagistri, Typographi, Bibliopolæ, redeuntes ad Ecclesiam, Ordinandi, Magistratum adeuntes. Libri censeantur, visitentur. Nullæ imagines insolitæ ponantur in templo: belli injuriis directæ restaurentur. Superstitio & abusus aboleatur.

37.

II. De Doctrina, &c.

Concionatores caveant a narrandis apocryphis historiis. Vitia non homines carpant. Novas indulgentias ne propanant sine decreto Episcopi. Decani christianitatis referant ad Episcopum negligentes. Clerici ipsi diligenter intersint concioni; & aliquoties inter se conveniant, tractaturi de rebus pastoralibus &c.

III. De Officio Divino.

Ubi Cathedralis Ecclesia Romani officii usum suscepit, parochiales etiam Ecclesiæ eundem recipiant. Ubi vero cathedralis retinet usum antiquum, Breviaria repurgentur. Ordinatur deinde Synodus, quæ ad sacrificium Missæ cum decoro celebrandum spectant.

IV. De Fessorum cultu.

Supplicandum Regi pro remedio, ne tempore rei sacræ, etiam post prandium sub vespers fiant lusus, spectacula ludicra, potationes, piscationes, aliaque profana opera. Enumerantur plura alia, diebus festis prohibenda: uti choreæ, mercatus, subhastationes, auctiones, nundinæ.

V. De Sacramentorum Administratione.

Omnes certæ parochiæ sint adscripti, in qua Sacramenta percipiant; quæ administrantur juxta formam in Manuali Diocesano præscriptam. Post sacramentorum administrationem id exigere possunt, quod secundum laudabilem consuetudinem solet pendere. Post acceptum novum oleum, vetus infundatur lampadi, quæ lucet ante venerabile Sacramentum. Tempore pestis aliquot capellani sint expositi.

VI. De Baptismo.

33.

Fons baptismalis singulis annis Sabbato sancto & vigilia Pentecostes mundetur a Sacerdote. Pueri, hæretici, aut de hæresi suspecti, non sint patrini. Non imponantur nomina paganorum, nec eorum, qui ab Ecclesia pro sanctis non coluntur. Baptismus non conferatur conditionate, nisi cum re diligenter examinata dubium relinquitur de valore; secus committitur sacrilegium, & incurritur irregularitas. Infantes vero expositi conditionate sunt baptizandi, licet testimonium baptismi collo appensum habeant. Obstetrices examinentur, & instruuntur, quomodo in casu necessitatis baptismus sit conferendus.

VII. De Confirmatione.

Confirmandi instruuntur de dignitate, vi & effectu hujus Sacramenti: præmittenda confessione, si annos discretionis attigerint: de non iterando ob characterem: patrino: qui sit jam confirmatus, talisque, qui velut patris spiritualis vice in instruendo monendoque fungipossit. Ante septimum vel octavum annum non facile confirmandi.

VIII. De SS. Eucharistia.

Memorat synodus ea, quæ ad reverentem Eucharistiæ asservationem, & ad ægros deportationem spectant. Præcipit duas semper hostias ad ægrum deferri, ne populus in reditu inane vasculum adoret. Populus frequens comitetur. Quare prius signo convocetur. Qui præcepto communionis paschalis non satisfecerant, post Dominicam in albis Episcopo denuntientur. Stannei calices, quoad fieri potest, aboleantur, & saltem cuppa sit argentea.

IX. De

IX. De Pœnitentia.

Sacerdotis duplex potestas, ordinis, & jurisdictionis, ab Episcopo specialiter conferenda cum approbatione ad audiendas confessiones secularium, etiam clericorum. Commutatio votorum, quando est concessa, non fiat in minus bonum, nec in præjudicium tertii. Medici ad ægros vocati, antequam illorum curam suspiciant, eos moneant de advocando Confessario, juxta salutarem constitutionem Innocentii III. in Concilio generali Lateranensi editam. Si æger intra quadriduum non pareat, eum omnino deferant. Confessarii a filiabus confessionis votum castitatis non exigant aut admittant absque Episcopi consilio; & a nimia familiaritate abstineant.

X. De Ordine.

Ordinandi testimonia a Decanis ruralibus subscripta afferant; præmissis proclamationibus. Tituli sint minimum 40. florenorum: quos alienare non possint. Omnes, qui ordinantur, alicui Ecclesiæ adscribantur, suasque functiones obeant.

XI. De Matrimonio.

Matrimonium clandestinum in iis locis, in quibus Concilium Tridentinum est promulgatum, est irritum. Parochus autem proprius est, ubi contrahentes domicilium fixerunt. Unde studiosi non censeantur quoad hunc effectum esse parochiani illius loci, in quo tantum habent quasi domicilium. Ne fideles cum hæreticis nuptias contrahant. Adjunguntur reliqua, in Concilio Tridentino comprehensa de proclamationibus, alienis parochianis, ignotis, sacro tempore, impedimentis, doctrina christiana. libro matrimoniorum &c.

Nota. Sanctissimus Dominus noster Benedictus XIV. declaravit pro Federato Belgio, matrimonia non esse irrita, pro more gentis ibidem inita coram Magistratu seculari, vel Ministro Acatbolico: neque opus esse post conversionem novo consensu coram Parocho catholico: licet forte Tridentinum ibidem sit promulgatum.

XII. De Extrema unctione.

Parochus non exspectet, ut rogetur de hoc Sacramento administrando, sed ipse sæpius visitans ægros, eos ad illud petendum cohortetur. Signo campanæ convocetur populus, ut oret pro ægroto: qui, quantum fieri potest, prius sit confessus, & Eucharistia munitus. Sic enim fiet, ut hoc Sacramentum vim suam & effectum melius operetur. Nec pueris, rationis usum necdum adeptis, nec amentibus & furiosis, qui lucidum circa mortem non habent intervallum, nec iis, qui bene valent, etiam si mortis periculo se brevi exponere debeant, conferendum. Nec sæpius in una ægitudine, etiam ad plures men-

ses

ses perdurante. Si pars ungi solita desit, ungatur proxima. In sacerdote manus in exteriori parte ungendæ.

XIII. De Sepulturis.

39.

Simoniaci publici, usurarii, religiosi proprietarii, hæretici, schismatici, venefici, sortilegi, suicidæ, in duello mortui, in paschate non confessi & communicati, ac postea subita morte præventi, Ecclesiastica careant sepultura. Et, si in templo sepeliantur, templum & cœmeterium, si vero in hoc, istud solummodo polluitur. Sepelientes autem excommunicantur. Aliis nullo iurium prætextu sepulturam pastores negent aut differant. Si quid offertur, fabricæ cedat. Ne fiant tumuli. Cœmeteria claudantur, nec animal a ibi pascantur. Honorarium aut stipendium clero funus comitanti pro more primum post exequias distribuatur.

XIV. De Oblationibus, Decimis & portione Canonica.

Oblationes de altari non tollantur, nisi finito officio. Innovatum decretum de solvendis fideliter & integre decimis. Renitentes ab Episcopo excommunicantur. Jubet synodus pauperibus parochis subveniri: statuitque taxam pro paroco in pago non minus quam 100. florenos, nec plus quam 150. in urbibus non plus quam 200. nec minus quam 150. (*nempe pro ratione illius temporis, quo uno floreno plus emi poterat, quam nunc duobus*) Ad hanc summam concurrant omnes, qui decimas colligunt, sive clerici, sive laici. Super executione autem requiratur Rex Catholicus proposita Ecclesiarum parochialium necessitate.

XV. De Administratione bonorum Ecclesiasticorum.

Cum contingat non raro, obtineri a sede Apostolica delegationem ad interponendum decretum alienandi res Ecclesiasticas, si in evidentem Ecclesiæ utilitatem cedere deprehendatur, Judices delegati examinent dilligenter, quæ in litteris Apostolicis præscribuntur, absque humano respectu. Alienationes autem illegitime factæ declarentur irritæ: uti etiam locationes ad longius tempus factæ, quam sacri canones permittant. Venditiones ob anticipatam solutionem viliori pretio, quam par est, factæ, usuram sapiunt. Terminus locationis agrorum sint novem anni, pratorum sex, decimarum tres. Inventarium bonorum ad ordinarium mittatur. Decernuntur, relato decreto Tridentini S. 22, c. 11. graves pœnæ in violatores jurium Ecclesiasticorum: fitque admonitio ad causarum piarum administratores, ut nihil alienent contra intentionem fundatorum.

XVI. De Clericis in genere.

Meminerint, se in sortem Domini vocatos, abstinentes a negotiationibus profanis, conductione alienorum agrorum quæstus facien-
di

di causa, famulatu dominorum. Privilegium fori observent. Tabernaculas, aleas, choreas etiam privatas evitent. Nec chirurgicam aut medicam artem ad quæstum exerceant. Barba a labio superiore sit præcisa. Tonsuram pro qualitate ordinis & gradus gestent, in sacris constituti, aut Beneficium obtinentes, etiam habitum clericalem decentem. Annulum aureum aut argenteum ne gestent, nisi gradu, dignitate, vel eximia nobilitate sint conspicui. Ne transeant ad aliam Diœcesin absque commendatitiis. Horas canonicas negligentes fructus non faciunt suos.

XVII. De Episcopis.

Verbo & exemplo præluceant. Pauperum & infirmorum curam habeant. Prædicationis officium sibi proprium existiment. Impediti viros doctos deputent. Singulis annis aut saltem bienniis totam diœcesin visitent. Episcopo de vita periclitante a capitulo advocetur vicinus Episcopus, qui vivo & mortuo assistat. Mors omnibus provincialibus Episcopis denuntiatur: qui in suis Cathedralibus solenni Missa eidem parentent: ac publicas preces pro novo promovendo indicant. Idem faciat capitulum Ecclesiæ vacantis per totam diœcesin. Processus super doctrina & moribus noviter electi aut nominati Romam mittatur.

XVIII. De Capitulis & Canonicis.

Qui virtute cujuscunque provisionis admitti petunt, edant professionem fidei. Inquiratur, an Simonia aut alia illicita pactio inter venerit. Examinandæ qualitates. Distributiones inter præsentem attingant tertiam partem fructuum. Pro præsentibus autem habeantur infirmi, confessarii, concionatores, professores actu docentes, & qui in negotiis capituli, fabricæ, aut Episcopi ac diœcesis occupantur. Canonici per vices ad majus altare celebrent. Lectio Theologica in cathedralibus & collegiatis, ubi Clerus est numerosus, habeatur &c.

XIX. De Pastoribus.

Domus Parochiales injuriis collapsæ reparentur. Annotentur qui dominicis & festis ad Missam parochialem non conveniunt, ac multo magis de hæresi suspecti. Decani rurales parochorum omniumque Sacerdotum mores observent, ut in prædicatione verbi Divini, Sacramentorum administratione ac cæteris omnibus suo muneri satisfaciant: districtum suum diligenter quot annis visitent; & si mederi non possunt ipsi, ad ordinarium referant. Parochorum capitula ad minimum bis in anno convocent. In his de morum & abusu correctione, de Tridentini Concilii decretis reformationis, de statutis synodalibus, iisque, quæ ab ordinariis commissa fuerint, tractetur.

Par's VII.

C c c c c

XX.

90.

XX. De Regularibus.

Superiores severitatem mansuetudine temperent. Theologia doceatur. Clausura accurate servetur. Religiosi ad curam expositi non revocentur sine causa. Foundationibus satisfaciant. Quæ contra votum paupertatis irreperunt, abrogent. Victu & vestitu utantur communi. Pluraque alia pro clausuræ & disciplinæ custodia sanciantur, etiam ad sedem Apostolicam deferenda.

XXI. De Scholis & Seminariis.

Nulli libri prælegantur, qui in Indice librorum continentur. Scholæ visitentur. Dominicales quoque pro pueritia in doctrina christiana instituenda frequententur. Quoties autem parochus hoc neglexerit, florenum pro fabrica pendat. Duaci instituatur seminarium clericorum pro tota provincia: cui Rector præficiatur. Exerceantur in Theologia, ceremoniis, cantu Gregoriano, computu Ecclesiastico, concionibus, disputationibus. Sumptus ex Beneficiis detrahantur.

XXII. De foro, jurisdictione & Immunitatione.

Causæ verbales summarie & de plano breviter expediantur absque scripto. Causæ item matrimoniales, Beneficiales, alimentorum, dotis, correctionis, & aliæ similes, quæ accelerationem requirunt, præcis dilacionibus concludantur. Causæ omnes intra biennium absolvantur. Si gravamen per appellationem a definitiva (uti indebitæ incarcerationis) reparari nequit, appellationi ab interlocutoria deferendum. Supplicandum Regi, ut provideat, ne forum Ecclesiasticum & civile se invicem turbent, aut impediunt. Si captus privilegium exemptionis obtendat, teneatur nihilominus comparere coram Iudice, & ei privilegium exhibere, nisi illud sit notorium, aut in Corpore Juris clausum. Ne Iudices laici præcipere audeant, ut Ecclesiastici censuras revocent; neque eo prætextu bona illorum arrestare præsumant. Requisiti sententiæ Ecclesiasticorum exequantur per captionem pignorum &c. Neque impediunt executionem ultimarum voluntatum clericorum. Magistratus sæculares clericorum bonis nullum contributionem aut taxam imponant sine consensu ordinum Ecclesiasticorum.

XXIII. De Usuris.

Eos, qui cum usurariis publicis communicant in Divinis, excommunicationem majorem incurrere, declarat synodus, qui vero in aliis, minorem. Repetit deinde totidem ferme Concilii Mechliniensis verbis, quoties ex mutuo aliquid præter sortem exigitur, aut accipitur, cujuscunque generis illud sit, modo pecunia æstimari possit, usuram committi &c.

XXIV.

XXIV. De Synodis.

Cum Tridentinum exigit, ut singulis triennii Concilium provinciale celebretur, quando Metropolitanus illud indixerit, Episcopi, capitula, alique, quibus de jure vel consuetudine competit, compareant, & quidem per se ipsos, nisi procuratorem mitti necessitas exigit. In iis agatur de extirpandis hæresibus, abusibus, vitiis & excessibus, de reformatandis moribus, componendis controversiis. Prima die fiat solennis processio, convocato toto clero civitatis: tum Missa a Metropolitano, ac sermo: prout etiam sequentibus diebus ab Episcopis. Nemo recedat. Omnes subscribant; & acclamationibus factis, in pacis osculo discedant. Diœcesanæ synodi singulis annis instituantur; & in prima promulgentur decreta concilii Provincialis.

Subscripserunt Nuntius Apostolicus, & Archiepiscopus Cameracensis, simul Concilii Præsides, Episcopus Attrebatensis, & Namurcensis. Procuratores Ecclesiarum Tornacensis, & Audomarensis, se de vacante. Denique Philippus Rex decretum edidit super executione horum statutorum synodaliū.

§ IV.

Dissertatio Juridica de Usuris.

Concilium Mechliniense & Cameracense, ut vidimus, titulo penultimo gravem declarationem edidit de usuris. Verum ea intelligenda videtur de casu, quo lucrum exigitur titulo ipsius mutui, aut tali, qui sit mutuo innatus & intrinsecus. Nam certum omnino est, quod Juri Divino & humano sit contrarium, titulo solius mutui exigere aliquid ultra sortem: cum justitia contractus mutui in hoc versetur, ut tantundem restituatur, quantum fuit acceptum, & per se inordinatum sit, ex re aliena velle lucrari, atque res fructificet domino suo.

Alia longe est ratio census Germanici, qui non ex titulo mutui exigitur & solvitur, sed ex aliis a jure non reprobatis, uti titulo emptio-nis census, reservationis partialis quasi ususfructus &c. vel ex titulo lucri cessantis, damni emergentis aut etiam periculi fortis; propter quas causas census nostros *Interesse* appellamus; denique etiam titulo translati ob bonum publicum a Principe & Republica dominii. Non enim tunc Princeps usuram proprie dictam seu mere lucratoriam ex titulo mutui proveniente, facit licitam, neque permittit titulo solius mutui aliquid exigere ultra sortem, sed occasione mutui bona fide contracti transfert dominium auctarii moderati seu census in mutuantem propter bonum publicum, ut hac ratione succuratur promptius multis indigentibus parata pecunia, atque etiam variis causis piis: cum in Germania non paucae sint Ecclesiae, Monasteria, hospitalia, quæ ferme ex

91.

Usura omni
jure venia.Qualis non
est census
Germanicus.

solis hujusmodi censibus vivunt, & alias ipsis sit prohibitum, ne sæculares negotiationes exerceant. Ac denique, ut consulatur commercii pro ratione dudum in Germania recepta.

92.
Jus civile
moderatum
auctarium
permittit.

Igitur non tantum jus civile in Corpore clausum permittit stipulationem ejusmodi auctarii moderati supra sortem, ut patet ex toto titulo de usuris in Pandectis & Codice; & quidem etiam pro casu, quo nulla culpabilis mora intervenit, *l. 1. ff. de usur.* sed etiam Imperator cum Statibus Imperii anno 1530. in *Reformat. Polit. tit. 26. §. ult.* recensitis pluribus contractibus usurariis, decrevit, ut deinceps non plus quam 5. pro 100. dentur & accipiantur: prout usitatum. Si quid ultra exigatur aut recipiatur, usurarium id esse censendum. Idem decretum per Recessum Imperii *tit. 8. anno 1532. in Comitibus Ratisbonensibus renovatum fuit; & anno 1541. §. 76.*

Et constitu-
tiones Im-
perii.

Rursus anno 1548. in Comitibus Augustanis *Reformat. Polit. tit. 17. §. 8.* statutum fuit, ut, cum census redimibiles ubique in provinciis sint usitati, capitali centum florenorum non plus quam quinque florenorum annui census, prout usitatum, emi possit. Additurque, penes solum venditorem census annui esse potestatem eundem redimendi, non autem penes emptorem. Quam sanctionem consuetudo deinceps in Germania mutavit. Anno 1570. in *R. I. Spirensi §. 83.* jussi sunt Judex & Assessores Camerae Imperialis circa usurarios contractus observare constitutiones Imperii. Cum autem dein Marquardus Episcopus Spirensis, Camerae tunc judex, ejusque assessores, infirmulati, quod mitius contra usurarios agerent, ad Imperii Deputatos Francofurti congregatos anno 1577. scripserunt, lucrum moderatum ex mutuo, quale esset pensio 5. pro 100. ubique usitata, legibus imperii non esse damnatum, responderunt Deputati, sibi non licere hic aliquid statuere, negotium ad Comitibus Imperii referendum, interea vero Camera non judicando inhæreat constitutionibus Imperii.

Anno 1600. in Recessu Deputatorum Imperii ab Imperatore confirmato, cum quaestio proponeretur, an non in contractu mutui certum aliquod auctarium, loco interesse a tempore moræ sit statuendum, §. 139. decretum fuit, ut, si debitor sit in mora restituendi pecuniam mutuum: ab eo tempore (ex præsumptione, quod creditor eo tempore ex pecunia sua 5. pro 100. licito modo habere potuisset) interesse præstare teneatur. Subjungiturque: *Ordinamus igitur ac volumus, ut tale interest esse a tempore moræ præstetur, ac propterea creditori quinque floreni de centenariis solvantur.* Si tamen creditor quinque florenis annuis nollet esse contentus, sed existimet, tam ex lucro cessante quam damno emergente sibi plus deberi, posse eum totum suum interesse deducere, ac desuper judicalem sententiam expectare.

Denique annó 1654. in novissimo Imperii Recessu, postquam in tribus comitiorum Ratisbonensium Collegiis hac super re consultatum fuit, §. 174. decretum est, ut futuri census & interesse, sive ex contractu censuum redimibilia, sive ex contractu mutui oriantur, juxta tenorem constitutionum Imperii, solvantur deinceps infallibiliter singulis annis convento tempore, non tamen in majori quantitate, quam 5. pro 100. & in casu moræ ad solam exhibitionem obligationis per paratam executionem adversus debitorem procedatur.

Ex his imperii constitutionibus Jurisconsulti Germaniæ passim colligunt, etiam in contractu mutui licitum esse quinque pro centum stipulari. Neque verum videtur, quod isti Recessus Imperii solummodo loquantur de debitoribus, qui calamitate belli tricennalis fortunis lapsi sunt. Nam priores constitutiones nullam de hoc mentionem faciunt. Et quamvis in Instrumento Pacis Osnabrugensis, anno 1648. erecto *Art. 8. §. 5.* fuerit conventum de indaganda aliqua ratione, qua persecutiones actionum contra debitores, ob bellicas calamitates fortunis lapsos, aut nimio usurarum cursu aggravatos terminari possint. Sexto tamen post anno in Recessu Imperiali Ratisbonensi §. 174. *cit.* absolute & sine mentione belli calamitatum sancitum fuit, ut futuri census & interesse, etiam ex mutuo, solvantur. Imo in præcedente §. 173. actum fuit de censibus præteritis, necdum solutis; quod fortassis intelligi posset de censuum debitis, belli svecici tempore contractis (quamvis neque in eo fiat aliqua de hoc mentio) in posteriore vero paragrapho 174. aperte Comitia loquuntur de censuum debitis, *infuturum* contrahendis. De debitis censuum autem, jam prius contractis, priore §. 173. longe alia facta est dispositio. Unde dici potest, dictam constitutionem solummodo loqui de debitoribus, qui calamitate belli tricennalis fortunis lapsi sunt.

Sed neque verum videtur, quod constitutiones Imperii tantum loquantur de casu, quo debitor est in mora solvendi tempore convento; nam licet Spirensis Deputatorum conventus anno 1600. statuerit, ut in contractu mutui, quando debitor in mora est restituendi pecuniam mutuat, adjudicentur creditori 5. pro 100. loco interesse, nullus tamen Recessus Imperii mentionem facit de mora, sed simpliciter censum annum ad 5. pro centum reducant.

Additur quidem census quincunces solvendo juxta tenorem constitutionum Imperii; verum hoc ideo videtur addi, ne quis existimet, quincunces usuras proprie dictas, nempe ex solo titulo mutui, factas esse licitas. Ejusmodi enim usuras semper horruit Imperium. Unde caute addidit, quincunces census tanquam *interesse* (hoc est, in quantum interest creditoris pecuniam non fuisse creditam) solven-

dos esse, *ex præsumptione* lucri cessantis aut damni emergentis. Propterea etiam novissimus Imperii Receßus anno 1645. adjunxit; solvends quincunces *juxta tenorem constitutionum*, nempe ex præsumptione, quod interea creditor per pecunias suas tantam quantitatem licite potuisset lucrari.

Atque ita constitutiones Imperii ipse etiam usus & consuetudo Germaniæ declarat. Siquidem quincunces census annui exiguntur & solvuntur, siue dein culpabilis mora in restituendo mutuo sit commissæ, siue non. Imo communiter nullum tempus ad restituendam sortem præfigitur, sed creditor stipulatur censum, donec mutuum restituatur a debitore, vel etiam, donec creditor repetat creditum; ut adeo communiter, nullo certò præfixo tempore, census ex utraque parte pro lubitu sint redimibiles.

Igitur constitutiones Imperii, quas universalis quoque Germaniæ consuetudo declarat, firmatque, concedunt hos census quincunces annuos, detestantur vero puniuntque omnem usuram proprie dictam, hoc est omne auctorium supra sortem, ex solo titulo mutui, aut aliquo, qui per se sit mutuo intrinsecus, proveniens. Sed Imperator cum Ordinibus Imperii ex præsumptione generali lucri cessantis aut damni emergentis jubet solvi interesse, quod respectu centum florenorum creditorum æstimatur ab eodem quinque florenis annuis.

Ex præsumptione igitur generali tanti *interesse* statutam esse legem generalem existimant passim Jurisconsulti Germani de censibus Germanicis, ut videlicet etiam Ecclesiastici alique, qui pecuniis nullam exercent lucrosam negotiationem, sed pecuniam otiosam in ærario relinquerent, possint ad censum annum quinque florenorum pro centenis eandem exponere. Quia lex fundata in præsumptione generali non cessat pro casu particulari, licet pro eo non pugnet ratio particularis. Sic lex irritans matrimonia clandestina, & prohibens ledtionem librorum hæreticorum fundata in præsumptione generali periculorum non cessat etiam pro casu particulari, in quo nullum subest periculum. Quia ratio legis non est præsumptio particularis periculi, sed generalis, seu communiter adesse soliti; quæ ratio legis generalis non cessat.

Et ex hac præsumptione etiam lucri cessantis & damni emergentis, atque æstimatione ejus, quod creditoris interest, Augustissima Imperatrix & Regina nostra Maria Theresia 26. Aprilis anni 1751. saluberrimam legem tulit, qua num 6. decernit, annum interesse non ultra 5. vel ad summum 6. pro 100. æstimandum; & si quis plus stipuletur, usurarium contractum esse. Prohibet etiam sub gravibus pœnis omnes usurarios contractus, quorum multos enumerat, uti anatocismum, pactum antichreticum, contractum Mohatræ, pluresque

que alios, quos omnes tanquam usurarios sapientissime rejecit ac prohibet.

Ipse etiam sanctissimus Dominus noster Benedictus XIV. Romanus Pontifex in litteris encyclicis, anno 1745. ad Episcopos Italiae datis, licet decernat sapientissime, omne lucrum, parvum magnumve sit, quod quis titulo ipsiusmet mutui exigat ultra sortem, esse usurarium, cum natura atque iustitia contractus mutui in eo consistat, ut tantundem reddatur, quantum fuit acceptum; nihilominus tamen addit, per hoc nequaquam negari, posse quandoque una cum mutui contractu quosdam alios titulos, naturæ mutui minime innatos & intrinsecos, concurrere, ex quibus iusta omnino legitimaque causa confurgat, quiddam amplius supra sortem, ex mutuo debitam, exigendi. Atque postea Ipsemet etiam Sanctissimus edicto publico reduxit usuras ad 4. pro 100. circa debita, tempore ultimi belli in statu Ecclesiastico contracta.

Hos autem inter titulos plures non tantum Jurisconsulti sed etiam Theologi in Germania existimant esse legem Principis, aut Reipublicæ, potestatem legislativam habentium, per quam non quidem usuram proprie talem faciat (quod fieri non potest, cum jure naturali & Divino sit prohibita) sed propter bonum publicum auctarii moderati dominium occasione mutui, bona fide contracti, in creditorem transferat, vi dominii alti, quod habet in bona subditorum: tere sicut (ut multa alia exempla præteream) per præscriptionem transfert dominium in possessorem.

Neque dici potest, vix posse concipi, quid intendatur per tales leges. Nam intenditur translatio dominii propter bonum publicum, ex præsumptione lucri cessantis aut damni emergentis. Deinde in quid tendunt leges Digestorum & Codicis, quæ usuras moderatas concedunt, ac solvi jubent, actione etiam data? quale hic medium aptum, per quod incurratur talis obligatio ex iustitia commutativa? quale medium, quando ex contractu intrinsece turpi, de jure invalido, aliquid solutum est, pro casu, quo dantis & accipientis turpitudinem veritatur, e. g. quando de assassinio aut fornicatione pro mercede committenda paciscuntur? quis tunc transfert dominium pecuniæ in accipientem, & quo medio, inducente obligationem ex iustitia commutativa? quod medium aptum transferendi dominium, quando solvitur indebitum? aut quando iudex secundum allegata & probata adjudicat rem Titio, quando re ipsa est. Caji? aut quando filiusfamilias interposita exceptione S. C. M. dominium irrevocabile mutui juxta multos acquirit? utique sola exceptio non est medium aptum acquirendi tale dominium. Quodnam medium, quando filiusfamilias post

93.
Obiectum
statuti.

est
non in
statuti
ad
tunc

post exceptionem nihilominus restituit creditori mutuum? quo medio inducente obligationem ex iustitia commutativa creditor tunc acquirit dominium irrevocabile restitutæ pecuniæ? quodnam medium in Montibus pietatis, præsertim Mixtis?

Denique in ipsa etiam præscriptione quale est medium aptum transferendi dominium? possessio, inquit quidam doctissimus Jurisconsultus Ingolstadiensis. Verum possessio etiam longa ac bona fide continuata plane non est medium translativum domini. Si propterea dicatur, quod legislator effectum transferendi dominium possessioni tribuat: videtur imprimis possessio esse medium prorsus improprium, cui tribuatur virtus transferendi dominium; præsertim tale medium, per quod, ut laudatus auctor exigit, incurratur obligatio ex iustitia commutativa.

Deinde cur non possint alii eodem vel majori jure dicere, medium per quod Princeps potest transferre dominium census Germanici in creditorem, esse solutionem & traditionem pecuniæ, seu census, a debitore factam? certe solutio & traditio est medium multo aptius ad transferendum dominium, quam possessio; ut patet in solutione indebiti, aliisque exemplis, paulo ante allatis.

Cur igitur dici nequeat, posse Principem ex alto, quod habet, dominio, atque ex causa publica, & præsumptione generali lucri cessantis & damni emergentis, occasione mutui transferre in creditorem dominium census quincuncis, immediate quidem per statutum aut legem, mediate vero per solutionem ac traditionem ejusmodi census, a debitore factam? Non enim hoc modo licitam facit usuram stricte acceptam: cum non faciat licitum, ut creditor ex iplomet mutuo aliquid ultra sortem exigit, absque justo titulo extrinseco: sed legem fert, per quam occasione mutui ex causa publica creditori jus tribuit, censum quincuncem exigendi, & debitori obligationem imponit, illum solvendi, simulque per solutionem in creditorem transfert ejusdem dominium. Unde creditor non ex mutuo, seu titulo mutui, sed occasione mutui ex lege, & consuetudine nequæ fundatur in consensu Principis, censum Germanicum exigeret.

94.3
Pichleri sententia vindicatur.
Et hoc solum est re ipsa (abstrahendo a modo loquendi) quod P. Pichler voluit. Non enim voluit, quod Princeps possit condere legem, vi cujus creditor titulo solius mutui possit aliquid ultra sortem exigere; nam hæc esset usura stricte ac proprie dicta, quam jure Divino & naturali reprobata ipsemet Pichlerus asserit. Sed voluit, quod Princeps ex causa publica possit legem ferre, per quam occasione mutui adjudicenter creditori quincunces census tanquam interesse, ita, ut per ipsam legem mediante solutione Princeps dominium

minium census transferat in creditorem. Quos census, ita per statutum Principis creditori attributos, Pichlerus *usuram minus stricte dictam* appellat: quia non exiguntur titulo mutui, sed alio extrinseco, nempe statuto Principis. Sicut propterea auctarium supra fortem, ex titulo lucri cessantis & damni emergentis, appellatur usura minus stricte dicta, nempe *compensatoria*, passim admitti solita, aut ex mora in restituendo mutuo *moratoria* seu *punitoria*.

Quæ sane Pichleri doctrina non merebatur tot acerbis exclamationibus, convitiis, & execrationibus proscindi a R. P. Daniele Concina; qui profecto in suis libris non charitati Christianæ, & zelo secundum scientiam, sed animo suo indulgisse videtur. Verum adversus virulentum hunc scriptorem strenue ac solide propugnavit Pichlerum ejusque sententiam P. Franciscus Xaverius Zech Canonista Ingolstadiensis, Dissertatione secunda *de Rigore moderato*, a folio 90. ubi Discipulum quendam Pichleri cum P. Concina disputantem inducit Juvat brevissime aliqua annotare.

Adversus
Danielem
Con-
cilia.

Principes, ait P. Concina, administratores esse bonorum Principatus, nec posse certa dominia transferre; casuistas & pseudo politicos, ut aures principum demulceant, altum eorum dominium exaggerare. Certe non posse ipsis concedi, ut usuras faciant licitas, utpote jure naturali & Divino prohibitas: cum non possit inferior leges superioris abrogare, aut debilitare. Quid ergo possit altum dominium adversus altissimum, adversus jus Divinum & naturæ? Ignoraverit Deus, quid bono publico Principatum & Regnorum expediat? vel suam de usura naturalem & Divinam legem Principum sapientiæ & directioni subjecerit? an ex hominibus Dii efficiendi? an lex Divina necessaria ab hominibus pendeat? Permisit sane Deus Judæis usuras exigere ab alienigenis: sed an omnia liceant Principibus, quæ Deus ut supremus Dominus operatur? Deus Ægyptiorum bona Hebræis donavit; ergo & Princeps? Polygamiam Deus concessit: ergo concedet & Princeps? ne accessio ad mulierem sit fornicatio, potest Deus efficere: ergo & Princeps?

Neque esse paritatem cum homicidio, potestate publica, vel pro necessaria defensione patrato: illud lege licitum, imo justum: usuram prohibitam, Præscriptionem pariter nulla lege vetitam, bene vero usuram. Futilem proin esse paritatem cum præscriptione, jure gentium introducta: qua negligentia dominorum plectatur. Vanam pariter esse Pichleri distinctionem inter usuram stricte, & minus stricte acceptam: nam sequi, quod Princeps sua lege usuram stricte acceptam faciat licitam. Adoptari a Pichlero damnatas hæreticorum sententias. Pecuniæ sterilitatem semper certam fuisse catholicis: & adversam sententiam hæreseos suspectam. Cur enim alias utroque jure vetita foret pecuniæ locatio?

Pars VII,

D d d d

Fru-

Frustra obtendi utilitatem Reipublicæ: an propterea duas Principes uxores habeat, ne absque liberis moriatur? vanas pariter esse, futiles, absurdas, blasphemias Pichleri hominis mali rationes alias, evitatio nem litium, facilitatem obtinendi mutuum, subsidium ex usuris obveni ens Ecclesiis, personis miserabilibus, tranquillitatem conscientiarum, præsumptionem generalem iusti tituli. Hæc enim Deum facere aut ignorantem, quasi istas rationes non præciverit; aut injustum, eo quod eas non attenderit.

Neque Papam posse hic dispensare, aut declarare, usuram approbatam a Principe esse licitam. Pichlerum sentire contra Concilium Viennense, Patres, Pontifices, Canones; incurrere propositiones damnatas ab Alexandro VII. & Innocentio XI. Interpretationem legum Divinarum, Ecclesiæ ereptam, alto Principum dominio subijcere; inisse foedus cum hæreticis &c.

Ita enim vero modestissimus, jurisque naturæ ac Divini semper tenacissimus hic scriptor proscindit P. Vitum Pichler, virum sane probum; in quo dolus non erat, sincerique ac Germani pectoris, atque de Jurisprudencia non tantum, sed etiam Ecclesia adversus hæreticos publice defensa bene omnino meritum, & quidem post mortem, ubi se defendere non amplius potest.

Verum dedit ille in libris suis tum Juridicis tum Polemicis, quæ sunt Cæsaris, Cæsari, & quæ sunt Dei, Deo. Verum est, asseruit altum Principum dominium; quod habent in res subditorum ad usum publicum, vi cujus urgente necessitate ad salutem publicam bona subditorum in usus publicos possunt convertere. Sed hanc Deo & populo acceperunt potestatem, a quibus constituti sunt, ad gubernandam Rempublicam in communem civium felicitatem. Ipse P. Concina ait, ad altum Principis dominium pertinere, præcipere posse, ut subditus vel invitus domum suam, si id requirat ornatus publicus viarum, aut reficiat aut demoliatur. At vetat jus Divinum & naturale rem alienam contrè stare. An propterea ipse dominium altissimum subiicit alto? an aures Principum demulcet? an leges Divinas it perditum? quid plus est, propter solum ornatum posse ædes civium evertere; an ob publicam utilitatem ac necessitatem modicam pensionem imponere, jam dudum usu introductam ab ipsis civibus? Ait, casuistas exaggerare altum Principum dominium tyrannidis æmulum, ut auram popularem captent. Quis hæc combinet?

Ita est, usura proprie ac simpliciter accepta, hoc est, lucrum præcise ratione mutui exactum, nulla potestas facere potest licitum. Sed hoc P. Pichler nunquam asseruit. Ex alio titulo aliquod auctarium peti posse dixit, uti ex lucro cessante, damno emergente, periculo sortis,

ita-

statuto Principis, ob bonum publicum, volentibus ipsis subditis, concepto. An nihil exigitur ultra sortem a mutuario in Montibus pietatis? & quid contingit in Mixtis? ipse summus Pontifex, sanctissime & sapientissime gubernans Ecclesiam, asserit, posse alios titulos cum mutuo concurrere, a mutuo diversos, ex quibus iuste aliquid ultra sortem possit exigi. Num & hoc damnabis? Nota bene; quod ex alio titulo exigitur, a mutuo extrinseco, non est usura, prout illa malignum quid, & legi Divinæ oppositum sonat. Neque propterea quidquam de jure naturæ mutatur, aut juri humano subicitur. Ecce!

Votum, juramentum &c. jure naturali obligant. Et tamen summus Pontifex in his dispensare potest, imo etiam pater, & maritus illa quandoque irritare. Simonia jure naturali ac Divino est prohibita; & tamen dispensatus Romæ in Dataria aliquid solvit. Bona incerta ex delicto, quo Dominus sciri non potest, jure naturæ distribui debent in causas pias; & tamen quibusdam in provinciis conceditur Bulla compositionis, vi cujus permittuntur possessores, data in usum belli aut alias pias causas modica quantitate, majorem quantitatem retinere. Mutuum jure naturali debet restitui, & tamen S. C. M. inrerposita exceptione filium familias juxta plurimorum sententiam ab hac obligatione absolvit. Indebite solutum ex errore debet restitui; & tamen jura restitutionem remittunt, quando utriusque turpitudine versatur. Res fructuat domino suo, & tamen secundum multorum sententiam leges absolvunt possessionem bonæ fidei a restitutione fructuum rei eveclæ virtualiter tantum extantium.

Contractus pupilli, minoris, prodigi, donatio inter conjuges, renuntiatio paternæ hæreditatis a filia facta, fidejussio mulieris, & quot alia, abstrahendo a jure positivo, valent, & quidem jure naturali; & tamen per leges humanas hæc omnia aut irritantur, aut rescinduntur. Rerum proprietas, supposita divisione, est juris naturalis, cui repugnat retentio rei aliæ; & tamen Princeps per leges præscriptionis agrum Titii transfert in dominium Caji. Pacta & contractus naturaliter obligant; & tamen non solum Princeps eos irritat, aut rescindi frequenter jubet, sed ipsi etiam contrahentes omnem obligationem sibi mutuo possunt remittere. Contractus matrimonii clandestinus ante Concilium Tridentinum valebat jure Divino, ab eo vero est irritatus.

An propterea exclamandum: hoc est, ex hominibus Deos efficere! hoc est, jus Divinum humano, altissimum alto subicere! aures Principum demulcere! legem inferiorem superiori præferre! an Deus ignoravit causas, cur dispensandum in voto? cur relaxandum aut irritandum juramentum? cur pro dispensatione in Dataria aliquid solvendum? cur detinens bona incerta ex delicto partem ex concessione sum-

mi Pontificis retinere possit? An Deus ignoravit causas, cur filius familias mutuum non teneatur restituere? cur indebite solutum in certis circumstantiis non debeat reddi? an ignoravit causas, cur contractus pupilli, minoris, prodigi, consensus uxoris in alienationem fundi dotalis, donatio inter conjuges, renuntiatio filiae, fidejussio mulieris, matrimonium clandestinum, aliaque pacta, jure naturæ valida, valere non debeant? an ignoravit causas, cur res Titii in Cajum per præscriptionem sit transferenda? an ignoravit, quid bono publico Principatuum & Regnorum expediat? vel suam quoad ista omnia Divinam legem humanæ sapientiæ & directioni supposuit? an lex Divina necessaria ab hominibus pendet? quæ lege naturali prohibentur, natura sua sunt mala: quomodo ergo homunculi illa faciant licita? quomodo adversus jus Divinum & naturale altum dominium opponant? vah monstra & portenta doctrinæ!

Fateor candide, quod sentio. Exclamationes istæ & admirationes, aut non sunt viri docti, aut non sinceri. Ecce! Reverende Pater! lex naturæ fertur in objectum suum sub certa ratione specifica; & quamdiu manet ea ratio objecti, nihil potest humana qualiscunque jurisdictio. Non potest sacra potestas facere, ut votum aut juramentum non obliget, sed quia actus voluntatis humanæ eidem sunt subiecti, facere potest per dispensationem aut relaxationem, ut votum aut juramentum non amplius habitualiter perseveret. Unde per se cadit obligatio, radice sublata. Simonia est graviter omni jure prohibita, quatenus est æquiparatio rei temporalis cum spirituali. Si tamen temporale non habeat rationem pretii pro spirituali, sed ex alio titulo detur, potest Dataria ex eo titulo, occasione sacræ dispensationis, pecuniam accipere, & etiam exigere: quia non est simonia ex alio titulo aliquid dare & accipere. Hinc etiam simonia est vendere jura spiritualia; e. g. jus decimandi; si tamen auctoritate summi Pontificis fuerit abstractum & separatum a titulo spirituali, ut adeo evadat jus mere profanum, per contractus & præscriptionem transferri etiam potest in laicos, vendique pro pecunia; quia non amplius est simonia.

Licet bona incerta ex delicto debeant expendi in causas pias, potest tamen summus Pontifex, tanquam supremus earum administrator, ob justas causas possessori aliquid relinquere. Licet in his partibus Ecclesiastici, etiam Religiosi, Principi exactiones præstent ex bonis immobilibus, uti agris, pratis, vineis, sicut laici; tamen superiores Ecclesiastici eisdem imperant, ut insuper quinquennales præstationes eidem pendant, etiam ex pecunia mutuo data. Sicut autem in his casibus Pontifex dominium ex iustis causis transfert, sic Princeps per S. C. M. in filium familias Dominium mutui irrevocabile transfert, eumque ab obligatione restituendi hoc ipso absolvit. Nam pro casu, quo Princeps ex alto

dominio transfert proprietatem irrevocabiliter, nulla datur obligatio naturalis restituendi. Idem contingit in casibus, quibus indebite solutum nec potest repeti, nec debet restitui.

Jus naturæ præcipit, fidem per pacta & contractus valide datam servari. Neque facere potest humana potestas, ut fides valide data non sit servanda; an autem hic vel ille contractus debeat esse validus, an hæc vel illa fides sit valide data, nec ne, jus naturale absolute & positive non decernit, sed Magistratibus humanis decernendum relinquit: qui proin, pro potestate sibi a Deo concessa possunt contractus regulare, & decernere, quid ad valorem contractus requiratur. Sic Concilium Tridentinum ad matrimonii valorem requisivit præsentiam Parochi; ad valorem electionum, & alienationum rerum Ecclesiasticarum certas solennitates requirunt Canones.

Jus civile ad contractum pupilli, minoris & prodigi requirit auctoritatem tutoris & consensum curatorum, & aliquando etiam judicis: ad testamentum septem testes. Quasdam donationes aliosque actus omnino irritat; quin propterea jus naturæ aut Divinum sibi subiiciat, cum pro his casibus nunquam existerit. Sicut etiam pro casu, quo per leges in præscribentem transfert dominium: quamvis enim jus naturæ vetet, rem alienam retinere, tamen post translationem proprietatis non amplius est aliena.

Homicidium injustum, furtum, usura &c. sunt jure naturali, necessario, immutabili, atque indispensabili prohibita, adeo quidem, ut neque Deus ea possit facere licita: potest tamen Deus dare postestatem in vitam hominis, & bona fortunæ; quo casu non est homicidium injustum, furtum, aut usura. Quando igitur Princeps vi alti, quod a Deo & populo accepit, dominii in bona subditorum, occasione mutui, aliquod moderatum auctarium transfert in creditorem, non est usura; quia creditor non exigit illud titulo mutui, sed titulo statuti aut legis, illud sibi attribuentis.

Sed neque ipsa lex usuram tunc facit licitam, ut manifeste patet in casu, quo Deus ipse per legem daret potestatem, ultra sortem aliquid exigendi. e. g. Judæis ab alienigenis. Certe usuram proprie ac stricte acceptam neque Deus potest facere licitam, cum sit intrinsece mala, & consequenter jure naturali necessario & indispensabiliter prohibita. Igitur necesse est dicere, quod Deus, quando Judæis dedit potestatem exigendi aliquid ultra sortem ab alienigenis, non fecerit eis licitam usuram stricte sumptam: sed quod hæc ipsa lex Divina fuerit titulus, vi cujus Judæi poterant auctarium exigere, & proprium facere.

Idem omnino contingit, quando Princeps aut Respublica ob causas publicas subditis dat potestatem aliquod moderatum auctarium

exigendi; non enim facit per hoc licitam usuram, quia non facit, ut ex titulo mutui possit creditor aliquid exigere; sed facit, ut titulo huius ipsius statuti possit exigere: quod non est usura, saltem proprie ac stricte dicta, nec unquam subjacuit juri naturali prohibitivo.

96.

Si igitur quæras, quænam sint causæ ejusmodi statuti aut legis? respondetur, easdem esse, quæ sunt aliarum legum. Nam causa efficiens est ipse legislator, Princeps nempe aut aut Respublica, poliens supremam jurisdictionem & alto Dominio in bona civium ac subditorum, vi cujus illa ob bonum publicum potest ab uno transferre in alterum, ut ex allatis exemplis patet, & ipse P. Concina concedit, quod possit ædes civium demoliri ad ornatum platearum. Causa finalis est bonum publicum civium ac subditorum, quod per censum quincuncem, pro ratione & consuetudine dudum introducta in Germania, hoc modo plurimum promovetur, ad multas necessitates sublevandas; quibus alias nullum vel difficillimum esset remedium. Sicut propter hunc finem instituti sunt Montes pietatis, & sua Sanctitas nuper ob calamitates bellicas census in Italia reduxit ad 4. pro roo.

97.

Causa materialis seu objectum materiale, in quod fertur tale statutum Principis, est præstatio census quincuncis, & translatio illius dominii in collocantem pecuniam ad moderatum lucrum, quod per Statutum ob bonum publicum ipsi adjudicatur; ita quidem, ut etiam actionem pro foro externo pariat, & Magistratus ac Judices illius præstationem urgeant.

Causa formalis seu forma hujus negotii vel est emptio census annui, vi cujus emptor dando centum florenos tanquam pretium emit jus ex venditoris bonis percipiendi annuatim censum quinque florenorum. Et, si census sunt redimibiles, prout ordinarie sunt, tunc, si venditor censum vult redimere, atque ab onere illum præstandi se liberare, ex venditore fit emptor. Nam restituendo pretium centum florenorum, reemit census annuos, seu magis proprie loquendo: emit immunitatem a præstando censu annuo. Nihil autem est novi, quod venditor adstringere possit emptorem ad retrovendum.

Vel etiam est aliquando species quædam contractus societatis, in quo unus pecuniam, alter laborem & industriam confert, lucrum vero est commune utrique: licet forte accipiens pecuniam periculum damni in se suscipiat, vel ex liberalitate, vel ex spe lucris, ex ea pecunia acquirendi, *l. si not 29. §. 1. ff. pro socio.*

Aliqui volunt, quandoque translata in alterum pecuniæ proprietate, reservari ejusdem quasi usumfructum, vel partem illius.

Quam-

Quamvis enim usufructus proprie constituatur in rebus non fungibilibus, seu iis, quæ usu non consumuntur; cum sit jus utenti fruendi re, salva illius substantia. Verum *Senatus censuit*, ut omnium rerum, quas in patrimonio esse constaret, usufructus legari possit, l. 1. ff. de usufr. ear. rer. quæ usus consum. Unde etiam in fungibilibus, uti pecunia, usufructus vel quasi usu fructus constitui potest; præstita tamen cautione, finito quasi usufructu res ejusdem quantitatis & qualitatis restituendi, l. 2. eod.

Vel si etiam contractus mutui celebretur, obligatio aliquid ultra fortem præstandi creditori non oritur ex mutuo, sed vel ex titulo lucri cessantis, aut damni, vel periculi fortis, aut ex statuto Principis, justum aliquem titulum præsumentis, aut, ut quidam volunt, moderatum austarium propter bonum publicum, evitationem litium, & conscientiarum tranquillitatem absolute decernentis.

Effectus denique ejusmodi legis, vel contractus ordinantis, vel ex ratione publica præstationem aliquam moderatam injungentis, est facultas, non ex mutuo, sed ex aliis justis titulis aliquid exigendi, & respondens obligatio illud præstandi, cum translatione domini.

Quamvis autem rudiores non satis discernant inter contractus aliosque titulos, quibus juste ac licite pecunia, quæ omnium ferme rerum, quæ in humano sunt commercio, vice fungitur, ad lucrum collocari possit; nihilominus tamen bona fide meliori, quæ fieri potest modo, eandem intendunt collocare. Mirabaretiam, viros quosdam, in jure civili bene versatos, in eam sententiam propendere, quod ex solo titulo mutui, aut beneficii mutuo intrinseci, liceat moderatum aliquod lucrum, e. g. usuras quincunces exigere.

Usura hæc est proprie dicta, jure naturali, Divino, & humano prohibita: quam sacræ litteræ utriusque testamenti, SS. Patres, Concilia Generalia ac Provincialia, summi Pontifices non tantum in sacris Canonibus, Corpori Juris Canonici insertis, sed etiam in variis aliis Rescriptis toties sunt detestati, uti Gregorius XIII. in rescripto ad Guilielmum Baviaræ Ducem dato; & nuper primum sanctissimus Dominus noster Benedictus XIV. in litteris suis encyclicis, ubi inter alia sapientissime declarat, ad labem usurariam purgandam nullum arcessiri posse subsidium, vel ex eo, quod id lucrum non excedens & nimium, sed moderatum, non magnum, sed exiguum sit: vel ex eo, quod is, a quo id lucrum solius causa mutui deponitur, non pauper sed dives existat, nec datam sibi mutuo summam otiosam, sed ad fortunas suas amplificandas, vel novis coemendis

dis prædiis, vel quæstuosis agitandis negotiis utilissime sit impen-
sus.

Contra mutui liquidem legem, quæ necessario in dati atque red-
diti æqualitate versatur, illum agere, qui plus aliquid, vi mutui
ipsum, cui per æquale jam est satisfactum, exigere adhuc non vere-
tur; proindeque, si acceperit, restituendo obnoxium esse, ex ejus
obligatione justitiæ, quam committativam appellant, & cujus est in
humanis contractibus æqualitatem cujusque propriam & sancte ser-
vare, & non servatum exacte reparare.

§ 2.

Diligenter etiam notandum, quod idem sanctissimus Pontifex
caute monuit, falso sibi quenquam & non nisi temere persuasurum,
reperiri semper & præsto ubique esse, vel una cum mutuo titulos
alios legitimos, vel secluso etiam mutuo contractus alios justos, quo-
rum vel titulorum vel contractuum præsidio, quotiescunque pecu-
nia, frumentum, aliudque id generis alteri cuicunque creditur, to-
ties semper liceat auctarium moderatum, ultra sortem integram
salvamque recipere.

Ita si quis senserit, non modo Divinis documentis, & catho-
licæ Ecclesiæ de usura judicio, sed ipsi etiam humano communi sen-
sui, ac rationi naturali adversaturum. Neminem enim id saltem la-
tere posse, quod multis in casibus teneatur homo simplici ac nudo
mutuo alteri succurrere, ipso præsertim Christo Domino edocente:
volenti mutuari a te ne avertaris: & quod similiter multis in circum-
stantiis, præter unum mutuum, alteri nulli justo contractui locus
esse possit.

Ex quo sane consequitur, quod, ubi tanta est proximi necessitas
atque indigentia, ut alium contractum excludat, nec donatione aut
larga eleemosyna indigentia succurratur, gratis omnino & absque
omni auctario supra sortem mutuum dari debeat, exigente id, quam
proximo debemus, charitate. Neque ad ejusmodi casum tantæ in-
digentia & necessitatis statuta Principum de censu Germanico se ex-
tendunt: neque ego, quæ hætenus dixi, ad ejusmodi casus
ullatenus extensa volo, sed omnia sanctæ Ecclesiæ de Usuris
judicio subjecta.

LIBER V.

Status Ecclesiasticus & Civilis Hispaniæ, Lusitaniæ, Angliæ, Scotiæ & Hiberniæ, sæculo XVI.

S U M M A R I U M.

CAPUT I.

Status Hispaniæ.

ARTICULUS I.

Ferdinandus Catholicus.

- | | |
|---|--|
| <p>1. Bellum Neapolitanum cum Gallis. Gonsalvi M. fortitudo. Galli pulsi.</p> <p>2. Isabellæ mors. Testamentum. Joanna filia hæres Ferdinandus pater administrator Castellæ. Hujus nuptiæ & fœdus cum Gallis, indignante Philippo Austriaco. Dissensiones procerum.</p> <p>3. Conciliata inter focerum & generum gratia. Articuli fœderis. Nova a proceribus jacta discordiarum semina. Adventus Philippi Regis in Hispaniam.</p> <p>4. Ferdinandus pacis amore abdicat Castellæ gubernationem, at-</p> | <p>que in Aragoniam suam discedit, ac inde Neapolim. Philippi I. obitus. Elogium. Liberi.</p> <p>5. Motus ingentes & calamitates Hispaniæ. Procerum varia consilia. Tutela Caroli Regis inter Cæsarem & Ferdinandum litigiosa.</p> <p>6. Post Savonenſe cum Gallo colloquium, Ferdinandus Castellæ administrationem resumit, indignante Cæsare.</p> <p>7. Fœdus in Venetos. Lis de tutela composita. Bellum Italicum a Venetis in Gallos averſum.</p> <p>8. Obitus Ferdinandi. Testamentum, Elogium. Liberi.</p> |
|---|--|

ARTICULUS II.

CAROLUS V.

- | | | | |
|--|------------------|---|----------------|
| <p>9. Ximenes a Ferdinando designatus Hispaniæ administrator. Carolus Hadrianum Belgam ad-</p> | <p>Parſ VII.</p> | <p>jungit. Turbæ inter Hispanos & Belgas.</p> | <p>10. Ca-</p> |
|--|------------------|---|----------------|

E e e e

10. Carolus Hispaniam ingressus
eas componit. Sed eo ad Coro-
nam Cæsaream digresso recru-

descunt. Seditio adversus Bel-
gas. Prælio inito sedata.
11. Adrianus fit Pontifex. Caroli
V. abdicatio, mors, liberi,

ARTICULUS III.

PHILIPPUS II.

12. Philippi II. effigies. Ducit
Mariam Angliæ Reginam.

13. Bellum cum Pontifice & Gal-
lis, in Italia & Belgio. Escuria-
le ædificat.

14. Bellum Belgicum, Granatense,
Africanum cum Dragute pyrata.

15. Carolus Philippi Regis filius,
ferox in patrem, traditur custo-
diæ; in qua moritur. Causæ,

16. Classis in Angliam destinata
miseranda fata. Causæ. Marchio
S. Crucis. Farnesii consilium.
Stanlæi. Regis sententia.

17. Classis apparatus. Mors San-
ctarrucii. Sufficitur Sidonius in-
expertus. Classis ad Plimuthum.
Pugna. Naves incendiariæ.
Tempestates. Naufragium.

18. Reliquiarum reditus. Dam-
num immane. Regis fortitu-
do.

19. Seditio aragonica. Bellum Gal-
licum contra Henricum IV.

20. Obitus Philippi II. Elogium.
Vituperia Protestantium. Ejus
conjuges. Liberi.

ARTICULUS IV.

De Regno Navarra.

21. Origo Regni Suprariæ, &
Navarra.

22. Navarra ad Comites Campa-
niæ, Reges Galliæ, Eboricenses,
Aragonios, Foxenses, Albreta-
nos, Borbonios, per septem fœ-
minas translatus.

23. Ferdinandi Catholici de Na-
varra consilia. Postulata. Bel-
lum Navarraum. Navarra ad
Ferdinandum. Gallorum cona-
tus irritus.

24. Navarra a Francisco I. occu-
pata: mox a Carolo V. recepta.

ARTICULUS V.

Status Ecclesiasticus ordinatus per Concilia in Hispania
Sæc. XVI.

25. Concilium Hispalense An. 1512.

26. Summa 64. Canonum.

27. Constitutiones Didaci de Men-
doza Archiepiscopi Hispalensis,

28. Concilium Toletanum 1565.

29. Decretorum series in tres
actiones divisa.

CAPUT II.

De Regno Lusitaniæ.

ARTICULUS I.

De Lusitania sub Regibus usque ad Sæculum XVI.

- | | |
|--|---|
| <p>30. Henricus Burgundus ab Alphonso Castellæ Rege in dotem accipit Lusitaniam. Ejus filius Alphonſus I. post superatos quinque Saracenorum Reges primus Lusitaniæ Rex. Lisabonam & Eboram occupat. Insignia.</p> <p>31. Sanctius I. Ejus filius Algarbiam: Alphonſus II. Alcaſariam in regno Fessiæ expugnat. Hæc prima Christianorum urbs in Africa. Sanctius II. Regnum cum monasterio commutat. Fleſtii singularis in eum fides in propugnanda Conimbrica.</p> <p>32. Alphonſus III. conjugem repudiat. Interdictum 12. annorum. Dionysius S. Elisabethæ conjux Academiam Conimb. fundat. Aulici perfidia punita. Alphonſi IV. & Petri Crudelis regnum.</p> | <p>33. Ferdinandus Regnum penè evertit bello cum Castellanis, & adulterio. Joannis nothi regnum. Cædit Castellanos. Septa ac Madera capta. Expeditio in Africam infauſta. Filius Regis captus.</p> <p>34. Alphonſus V. tutorem occidit. Cruciatam monetam primus cudit. Tingin capit. Nuptiæ inter Luſitanos & Castellanos frequentia bella pariunt. Joannæ & Iſabellæ de regno contentio.</p> <p>35. Joannis II. Regnum severum. Conſpiratio procerum detecta. Tragœdia. Navigationis Indicæ fundamentum jact, usque ad promontorium Bonæ Spei proſectæ. Præterito filio notho Emmanuelem suum patruelem regni hæredem declarat.</p> |
|--|---|

ARTICULUS II.

De Rebus Lusitaniæ sæculo XVI.

- | | |
|---|---|
| <p>36. Emmanuelis regnum faustissimum. Res bene gesta in Africa-Vascus Gama usque ad Malabarim penetrat. Albuquerqueius Ormum condit. Goam capit: Venetis ægre ferentibus novam navigationem. Alvarus Capralis Brasiliam occupat. Lis Lusitanorum & Castellanorum de navigatio-</p> | <p>ne a Papa decisa. Judæi pulsi. Magnæ spes Emmanuelis Hispaniam cum Lusitania conjungendi frustratæ. Ejus elogium. Lib.</p> <p>37. Joannis III. Regnum. Religionem in India propagat, missis viris apostolicis. Regnum undique pacatum ac felicissimum. Ejus elogium. Liberi.</p> |
|---|---|

Eeeeez

38. Se-

38. Sebastiani nepotis regnum. Ejus virtutes. Indoles. Africana expeditio ei dissuadetur. Tamen eam suscipit. Infeliciter pugnatur. Occiditur. Clades ingens Lusitaniæ.
39. Henricus propatruus, Cardinalis, fit Rex. Regni competitor.

res convocat. Jura septem competitorum.

40. Philippus II. Hispaniæ Lusitaniam conjungit. Impositores quatuor Sebastianum Regem se fingentes, puniti. Antonius nothus debellatur in Lusitania & Azoribus. Status Ecclesiasticus Lusitan.

C A P U T III.

Schema rerum Anglicarum Sæc. XVI.

A R T I C U L U S I.

Status Angliæ Civilis.

41. §. 1. *Regnum Henrici VII.*
§. 2. *Regnum Henrici VIII.*
42. Sex Henrici uxores. Cathari-
næ repudium. Annæ Bolenæ effigies. Uxores casæ. Henrici bella,
ad Europæ æquilibrium intenta.
43. Volfæi effigies. Homo ambi-
tiosus & versatilis in odium Ca-
roli V. tragædiam orditur to-
ti Angliæ fatalem, suadendo
Henrico uxoris repudium. Sed
sibi ipsi laqueum contexuit.
- Mors Henrici misera. Primus Hi-
bernæ se Regem creavit. Ejus
testamentum. Liberi.
- §. 3. *Regnum Edwardi VI. & Mariæ.*
44. Edwardo 16. tutores a patre
attributi. At Semeyrus ejus a-
vunculus totam gubernationem
ad se traxit, & hæresin invexit.

Mox capite plexus, Dudlæi ope-
ra, qui ei surrogatus, Joannam
Grayam, nulum suam throno
imponere nititur. Obiit Edwar-
dus.

45. At major & sanior pars Mari-
am Reginam dicit. Dudlæus cum
Grayâ plestitur. Ope Reginaldi
Poli Angliâ ad Catholicam fidem
reducitur. Obiit Mariæ Regina.

§. 3. *Regnum Elizabethæ.*

46. Cur nuptias cum Philippo II.
Hispaniarum Rege abjecerit: to-
ta vita in Religionem Catholi-
cam, & in Hispanos grassatur,
excitatis & protectis rebellioni-
bus.

47. Plures & magnos procos elu-
dit. Essexii amassii tremendus
casus.

A R T I C U L U S II.

Status Ecclesiasticus Angliæ Sæculo XVI.

48. Origo christianæ fidei in An-
glia. Singularis ejusdem cultus:
perpetuo durans usque ad Hen-

ricum VIII. Ab eo tempore in-
gens & calamitosa mutatio.

§. 1. *Eccle-*

- §. 1. *Ecclesiæ Anglicanæ Status sub Henrico VIII.*
49. Initia Henrici bona, ad Religionis decus. Tum a se ipso descivit. Contraria illius ac Catharinæ Conjugis indoles. Volsæi consiliis, & amoris inania præcipiatus. Accessit Crameri & Leii prævaricatio. Bona Ecclesiarum invadit. Caput Anglicanæ ecclesiæ se dicit.
50. Cromvelli, Carmeri, & Audlæi impius triumviratus. Novum obedientiæ Sacramentum exigit. Fischerus primum lapsus, mox fraude animadversa pœnitens. Thomas Morus deponit officium cancellarii. Uterque in carcerem. Polus in exilium. Exerta tyrannis in Religiosas familias, detrectantes impium juramentum.
51. Thomæ Mori, ac Joannis Fischeri invicta constantia, & gloriosa mors. Clemens VII. & Paulus III. Bullam excommunicationis concipiunt, executionem tamen suspendunt. At ille se ipso non melior leges impias fert in Religiosos. Eos spoliatur. Paulus III. Bullam excommunicationis tandem publicat.
52. Synodum celebrat. Sex canones edit contra Lutheranos & Zwinglianos: illos æque ac Catholicos persequens: nullius religionis. Provincias arma corripientes mendacio dissipat. Cromvelum Vicarium suum Generalem necat.
53. Impium dogma de matrimonio publicat, ut divortium suum a Clivenfi excuset. Immania indicit tributa. Spoliatur omnia Sacra. Ærarium nihilominus vacuum relinquit. Misere perit.
- §. 2. *Status Anglicanæ Ecclesiæ sub Edwardo VI.*
54. Semeyrus tutor Zwinglianus plenam portam hæresi aperit. Fœda religionis imago. Navatores acciti. Conciliabulum impium collectum ex hæreticis. Ejus Canones.
55. Semeyri supplicium, & impiorum mutui in se furores exponuntur. Subita rerum mutatio.
- §. 3. *Status Ecclesiæ Anglicanæ sub Maria.*
56. Restituta Religio. Northumbriæ Dux in morte conversus. Catholici Episcopi ex carceribus liberati. Constitutiones Ecclesiasticæ sancitæ. Supra 30000. hæreticorum expulsa. Ecclesia reconciliata.
57. Regina indicit Parlamentum. Hujus descriptio. Placita de matrimonio Reginæ cum Philippo. Aliquorum Procerum conspiratio.
58. Suffolcii Ducis mirum fatum. & supplicium: uti etiam Gilfordi, & Grayæ ejus uxoris: denique etiam Viati, ac Thomæ Crameri.
59. Hæreticorum fraus probrosa. Nova conspiratio. Elisabetha accusata custodiæ mandatur, plebuntur plures proditores. Im-

postor Edvardum VI. se fingens.

60. Reginae ad Elisabetham hortatio. Hujus juramentum de religione Catholica conservanda. Obitus Mariae.

§. 4. *Status Ecclesiae Anglicanae sub Elisabetha.*

61. Elisabethae artes. Caput Anglicanae Ecclesiae se gerit. Papisia haec novos condit canones; annatas severe exigit. Catholicam Religionem everdit; novamque prorsus inducit. Impium juramentum praescribit.

62. Comitia convocat. Fraude pluralitatem suffragiorum obtinet. In dissentientes tyrannicam persecutionem exercet. Illam acuit Bulla excommunicationis, a Pio V. publicata, & a Greg. XIII. & Sixto V. innovata.

63. Nova ejus secta. Decreta in Catholicos impia, sanguinolenta. Suppliciorum forma ac modus, plus quam barbarus. Unice propter fidem martyrio affecti plurimi.

64. Praestantes viri exulatum abeunt. Eriguntur seminaria. Sectae Anglicanae principales quatuor, Episcopatum, Presbyteria-

norum, Puritanorum, Enthustastarum.

65. Societas JESU in Angliam. Primi Personius & Campianus. Hujus litterae ad senatum Regium; cui ad disputationem se offert. Proditus ab Elioto apostata Londinum abducitur, ubi tortus, publice cum ministellis disputavit, Arundelio converso. Examinatur de variis, suspensio necatur. Ejus libellus de decem rationibus.

66. Joannis Nicolai commenta de proditione. Multi, etiam nobilissimi propterea crudeliter necati. Reliqui in exilium ejiciuntur.

67. Personius in Gallia, Belgio, Hispania, plura pro Anglis eriguntur seminaria. Persecutio propterea in ipsum accenditur. Multi Sacerdotes perempti. Nilominus Elisabetha arguebat alios Principes crudelitatis, quam prorsus immanem in se ipsa amavit: usa Walsinghamo, Cecilio, Topliso &c. suavissimis tortoribus.

68. Tanquam Angliae Papisia omnes fructus primi anni de omnibus Beneficiis exegit. Perit misere. Deploranda Angliae mutatio.

ARTICULUS III.

Differtatio Juridica: an legitimum fuerit Henrici VIII. cum Catharina Matrimonium?

§. 1. *Species facti.*

69. Henricus obtenta dispensatione Pontificia init matrimonium,

illudque consummat. Volsai praevaticatio. Campegius in Angliam, Reginae exceptio contra Judi-

Judices. Causa Romam advocatur. Henricus lite pendente ducit Boleniam. Quæritur, an valide?

§. 2. *Rationes dubitandi Protestantium.*

70. Rationes petuntur ex jure naturali, positivo, a paritate, & gentium horrore.

§. 3. *Rationes decidendi contra Protestantem.*

71. Nulla intercessit affinitas, & si intercessisset, potuit dispensari. Quia nec est impedimentum juris naturalis, nec Divini. Exem.

pla plura dispensationis. Accedit auctoritas, & ratio.

§. 4. *Solvuntur argumenta Protestantium.*

72. Indecentia non assurgit ad legem naturæ. Abominatio aliter intelligenda. Non obstat lex vetus. Disparitas cum consanguinitate. Neque ista dirimit jure naturæ in linea obliqua: imo probabilius neque in linea recta ultra primum gradum. Quid de hoc sentiendum? quid de affinitate in linea recta?

ARTICULUS IV.

De Statu Hiberniæ.

73. Brevis Hiberniæ delineatio. Initium Christianæ fidei. Henricus VIII. turbat. Missio. Constantia Hibernorum. Vim vi repellunt. Elisabetha Hæreticis coloniis insulam replet.

74. Ne bona Ecclesiastica in manus hæreticorum venirent, Nobilibus sunt concessa cum onere alendi clerum. Ultoniensis provincia strenue resistit pluresque

reportat victorias: aliisque provinciis pressis succurrit. Momonia pariter fortiter se defendit; & Connacia. Molossorum de hæreticis victoria.

75. Persecutio immanis. Multigloriosi martyres. Edmundi Donati fortitudo.

76. Concilium Dublinense; ejusque Canones.

CAPUT IV.

Schema rerum Scotiæ Sæc. XVI.

§. 1. *Status politicus.*

77. Delineatio aliqua Scotiæ. Militaris natio. Picti a Scotis superati. Perpetua cum Anglis bella.

78. Baliolus Rex Scotiæ ab Anglis

captus. Brussius Anglos profligat. Baliolorum & Brussiorum familiæ domesticis turbis inter se commissæ, Stuartorum Domui ad Regnum aditum aperiunt.

79. Jaco-

79. Jacobus IV. Ducit Margaretham, sororem Henrici VIII. Angliæ postea Regis.
80. Jacobus V. Ejus filia Maria Stuarta, in cumulum omnium calamitatum genita.
81. Elisabethæ perfidæ artes. Murræo actore tragædiam adornat. Darlæus Mariæ Reginæ despondetur. Victus Murræus in Angliam fugit.
82. Tragædiæ *Protasis*. Cæsus in conspectu Reginæ Riccius ejus secretarius. Murræus Rex declaratus. Darlæus Reginæ conjugii conjurationem detegit, eique conciliatur. Fugit Regina.
83. *Epitaphis* tragædiæ. Murræi fraude Darlæus Rex a Botwelo occisus.
84. *Catastasis*. Proditorum instinctu Regina nubit Botwelo. Mox accusantur cædis Regiæ. Fugit Botwelus in Daniam. Regina in carcerem datur.
85. *Catastrophe*. Reginam throno deiciunt. Jacobum ejus filium Regem declarant, sub tutela & gubernatione Murræi proditoris. Regina ex carcere elapsa in Angliam fugit, Elisabethæ fraudibus invitata.
86. Novæ tragædiæ præludia. Stuarta in Anglia jussu Elisabethæ capitur, & in carcerem conjicitur. Novæ fraudes instruuntur. Murræus cæsus. Furores Elisabethæ. Stuarta accusatur proditoris & insidiarum in caput

Elisabethæ. Damnatur ad mortem. A carnifice perimitur.

§. 2. *Status Ecclesiasticus Scotiae*
Sæc. XVI.

87. Postulata hæreticorum, Reginæ ex Gallia adventanti, porrecta, auctore Knoxio. Arma expediunt. Immaniter in Sacra grassantur: omnia sus deque vertunt.
88. Knoxii incentoris effigies, & Buchanani. Novam sectam condunt: hæc describitur. Multum ab Anglica differt.
89. Personii de Scotia & Anglia convertenda consilia. Quibus initio favebat Jacobus Rex. Sed a Calvinistis captus, & pro libidine versatus, efficere nil poterat.
- §. 3. *Dissertatio Juridica: an Maria Scotiae Regina jure sit occisa?*
90. Duo accusationis capita, quod Darlæum conjugem occiderit, & Elisabethæ insidias struxerit.
91. Vindicatur a prima accusatione, quæ meris assertis ac suspicionibus vanis nititur. Aversus ob eandem Riccii animus plene conciliatus. Fictæ ad Botvelum litteræ. Darlæi, quantum poterat, exequias celebravit.
- Cur Botvelo nupserit: adigentibus nempe accusatoribus & proditoribus. Servi non sunt idonei testes in hac causa.
- Inauditum judicium, Judex, Reus, actor, testis, causa.
- Nullas struxit insidias, dum versabatur in Gallia, Scotia, & Anglia, sed passa est.

CAPUT



CAPUT I.

Status Hispaniæ sæculo XVI.

ARTICULUS I.

Status Hispaniæ sub Ferdinando Catholico.

Ferdinandus devictis in Hispania Mauris, Regnoque eorum Granatensi everſo, ad Neapolitanum Regnum, quod *Fridericus* ejus propinquus, Alphonſi V. nepos, ex partu spurio Neapolita-
 natus poſſidebat, animum adje- cit. Sed quia Galliæ Rex antiqua num
 Domus Andegavenſis in Neapolin jura pariter perſequebatur, ea
 inter utrumque Regem ratio eſt inita, ut Apulia & Aprutium Hi-
 ſpano, reliqua Gallo cederent: gratulante ſibi Alexandro Pontifice,
 quod duos potentiſſimos Europæ Reges clientelari jure ſibi obnoxios bellum.
 naſtus eſſet.

Verum non diu tenuit ea diviſio. Nam Friderico Rege in exi-
 lium ejeſto, incaluit mox æmulas inter gentes ſinium regundorum
 contentio: viſumque utrique, vicini pecus grandius uber habere.
 Neque inter verborum ac juriſſum dimicationes ſtetit æmulatio. Ven-
 tum ad arma ac cruenta bella; eo tandem eventu finita, ut Galli a
Gonſalvo Magno de Corduba pluribus cladibus attriti toto Regno Nea-
 politano pellerentur; firmata Hiſpanis poſſeſſione. Vitare tamen
 per geſta fortia Gonſalvus non potuit, quo minus in aula Hi-
 ſpana pateret invidiæ ac criminationi, atque ipſius adeo Regis ſu-
 ſpicionem & offenſionem incurreret: adempto in poſterum cam-
 po militaris gloriæ.

Ferdinandum Neapoli potitum domeſticus luſtus & dimicatio 2.
 excepiſſet: quippe anno 1504. defunſta *Iſabella* ejus conjux (ætatis *Iſabellæ*
 anno 53.) Regnotum hæredem ſcripſit *Joannam* filiam, unaque mors.
Philippum ejusdem virum, in Belgio tunc commorantes, ea adjecta
 clauſula, ut, ſi *Joanna* non poſſet aut nollet Regni curam ſuſcipe-
 re, ejus loco & nomine Ferdinandus Rex id procuraret, dum Ca-
 rolus nepos 20. annos eſſet natus. Cavit præterea, ne exteri in
 ſenatum legantur, aut urbes vel arces iis crederentur. Diſtum ab
 ordinibus Caſtellæ Sacramentum *Joannæ*, ceu *Reginæ* ſuæ, ac *Phi-*
lippo conjugi, Ferdinando vero tanquam Adminiſtratori.

Pars VII.

FFFFF

Non

Discordia.

Non defuere tamen ex Castellanis Proceribus, quibus ea regni procuratio ad Ferdinandum delata vehementer displicuit, majorem in Philippo Principe & juvene & munifico spem reponentibus, quam in sene suspicaci, callido, & parco. Ipse quoque Philippus indigne tulit, nudum conjugii ac sibi majestatis nomen relinqui, autoritate penes socerum remanente. De Regnis etiam Neapolitano & Granatenfi, conjugii tempore communi sumptu & opera acquisitis disceptatum, an Castellæ, an vero Arragoniæ sint annumeranda. Quo minas autem Joanna in Hispaniam veniret, & ex testamento matris Castellæ regimen susciperet, obstitit mentis debilitas & afflicta valetudo. Philippum vero absque uxore venire Ferdinandus Socrer noluit. Qui acerbius tulit, Philippum ejusque patrem Cæsarem Hagenoæ cum Gallo pepigisse fœdus, atque se infecto de nuptiis Caroli nepotis sui, de Ducatu Mediolanensi aliisque maximis rebus esse transactum.

Itaque Austriacis insensus Ferdinandus, nulla tam arctæ affinitatis ratione habita, ad Galliæ Regem se applicuit, ejusque neptem Germanam Fuxensem conjugem duxit, ea lege, ut, si Ferdinandus ex ea filios susciperet, Regnum Neapolitanum ad eos pertineret. Secus Gallo jus suum in Neapolin salvum maneret. Non modo Austriacis, sed etiam Castellanis res ea magnopere displicuit, in discrimen hoc pacto vocari Monarchiam Hispanicam, ne susceptis ex nova conjugis liberis non sola Neapolis, sed & Arragonia cum Regnis illi innexis avellatur.

Hoc cum Gallo fœdus, ac præsertim cum juvene puella conubium, ceu liberis suis summo opere periculosum tanto tædio Philippus averlabatur, ut datis in Hispaniam litteris Castellanos ad arma secum adversum Ferdinandum jungenda animaret. Nec deerant inter Proceres rerum novarum cupidi, qui eas discordias alerent, ac Philippum ad capeffendum Castellæ regimen e Belgio invitarent. Factionis caput Villenius Dux, Ferdinando alioquin insensus.

3.
Fœdus.

Sed meliorum opera consilioque redintegrata fœderum inter & generum gratia. Nam legati utriusque Salmanticæ in has societatis & concordiæ leges convenerunt: Duo Reges & Regina rerum in Castellæ Regno pari potestate moderatores sunt. Eorum syngraphis ac nomine leges, edicta, diplomata, actaque omnia promulgantur. Cum Philippus & uxor in provinciam venerint, populi eis Sacramentum dicunt tanquam Regibus, Ferdinando tanquam moderatori, Carolo ut Principi ac successori in Regno Castellæ, Legionis ac Granatæ. Regia vestigalia ex æquo utrumque inter Regem dividunt.

duntor: ne exceptis quidem Ordinum Militarium redditibus, quos Pontifex Ferdinando addixerat. Urbium arciumque præfectos uterque communi suffragio legunt. Fœderis hujus defensores implorati Pontifex, Cæsar, Angliæ ac Lusitaniæ Reges.

Verum minime diuturnam eam conventionem sinebant Proceres, qui Philippi aulam versabant, maxime Joannes Emmanuel Toletanus, criminantes tripartitam illam regiminis divisionem: Joannæ ob mentis infirmitatem ad regnandum inepta, ad maritum devolvitur uxorio nomine rerum summam, vecordia esse dotalis Regni consortem pati: nomen Regium commune fore, regimen Ferdinando proprium.

Disputes
Philippo.

His stabellis eventilatæ faces grande Hispaniæ ominabantur incendium. Nam Philippus Salmanticensi transactione potestatem suam accisam ratus, certusque, solus Castellæ habenas capeffere, valida classe, armatis stipata, e Belgio solvens cum conjuge, ventorum vi in Angliam appulsus, magnis honoribus a Rege exceptus est. In Hispaniam inde delatus, armatusque militari velut more incedens vitabat congressum cum Ferdinando focero. Qui cum cerneret, Castellanos Proceres plerosque a se ad Philippum transire, ne bello civili atque domestico Hispania se ipsam laceraret, Castellæ procuratorem deponere statuit. Qua re nuntiata, habitoque gemino utriusque Regis colloquio, non tamen ea, qua personas tam propinquas deceret, familiaritate & amicitia, Ferdinandus, ne quidem visa Joanna filia, quam Philippus ceu mentis impotem, re ipsa zelotypia laborantem, custodiebat, relicta genero Castella in avitum suum Arragoniæ Regnum discessit, ac brevi post inde Neapolim, ubi Gonsalvi auctoritas ipsi non parum erat suspecta: eo maxime, quod revocatus in Hispaniam moras ex moris neceretur.

4.
Abdicatio.

In Castellano autem Regno mox variæ ortæ sunt turbæ, quod Rex Philippus multos Germanos & Belgas adduxisset, eosque ad consilia, officia, ac præfecturas admoveret. Lividis etenim oculis aspicebant Castellani hanc exterorum in aula gratiam, atque ad Ferdinandum, quem velut Arragonium deferuerant, jam velut prognatum ex Castellæ Regibus respicere cœperunt. Verum Philippus Rex facile huic malo parasset remedium, nisi mors nimium matura eundem eripuisset, anno 1506. possessi regni 1. ætatis 28. Corpus ejusdem Joanna conjux diu secum circumvexit, donec Granatæ sepultum est. Certe excellens indoles, eximia totius corporis orisque dignitas, animus ingens ac vere Regius, dotisque præstantes summa omnia promittebant. Molliores illecebras aliqui accusant, ortamque inde Joannæ zelotypiam usque ad mentis infirmitatem:

Obitus Philippi.

quæ aucta est post mortem conjugis, quem efficitim amaverat adeo quidem, ut postea, obsoleta veste induta hominum conspectum fugiens, se ipsam vivam velut sepelierit.

Sex liberos ex ea suscepit: Carolum & Ferdinandum, quantos Imperatores! Eleonoram, primum Emmanueli Lusitanæ Regi, dein Francisco I. Galliæ Regi desponsatam; Isabellam, Christierno Daniæ Regi, Mariam Ludovico II. Hungariæ Regi, & Catharinam Joanni III. Lusitanæ Regi nuptas.

5.
Motus.

Disu incredibile, quanti motus & procellæ post Philippi Regis obitum Castellam & inhærentia eidem regna excaperint. Regni quendam conventum indixerant optimates. Sed nihil in eo actum ex ordine. Privata quemque spes & postulationes in diversa rapiebant. Quidam ad Joannam Reginam rerum molem deferebant, sed facile apparebat, ob invaletudinem & mentis imbecillitatem eam fore imparem. Carolum ejus filium ex Belgio evocari aliqui volebant; sed quis sexennis Principis partes ageret, conveniri non poterat. Alii ad Maximilianum Cæsarem Caroli avum paternum, ad quem tutela jure pertineret, respexerunt. Sed nupero exemplo absterri, exteros horrebant ad clavum rerum admittere. Ad volubile & fluctuans Magnatum arbitrium Rempublicam interim, dum Carolus adolesceret, devolvi, intentis in bonum publicum summo discrimini proximum videbatur. Nec deerant, qui in Ferdinandum, triennem puerum in Hispania natum, & tunc ibidem præsentem oculos reflecterent. Sed quo jure Carolo jus primogenituræ adimi possit, non videbant. Unus supererat Ferdinandus Catholicus, auctoritate, potentia, rerum usu, sagaci in omnes partes animo, ac regno jam feliciter communi cum Isabella conjuge opera per tot annos gesto præcellens. Sed moderatorem juri regni tenacem multi usurpatores reformidabant, multi injuriarum vindicem, atque ultorem desertionis. Plures modestius ejus in Italia absentiam & incertum reditum excusabant.

Nihil in eo conventu præ turbis definiri poterat; quin eos in tumultus ciebatur Hispania, ut armatis undique cohortibus stipati optimates mutuis se se injuriis incurfarent, raperetque quilibet pro potentia & viribus. Ingens profecto rerum confusio, tantaque in publicum calamitas, quantam per plura sæcula non viderat Hispania: quam in immensum auxit annonæ caritas & fames, atque subsecuta inde tetra pestis.

Tutela litigiosa.

Inter ipsum etiam Cæsarem Maximilianum & Ferdinandum Regem non levis fervebat disceptatio, ad quem eorum spectaret Castellæ

stellæ administratio. Præcipua fundamenta, quibus Ferdinandi causa nitebatur, ad tria capita revocantur. Patrem esse Reginæ, ac proinde tutorem legum omnium præscripto. Id ipsum Reginæ filia placere. Ac insuper Isabellæ Reginæ testamento id esse sancitum. Cæsar vero opponebat, Regina valetudine impedita, res in Carolum filium translatas, in cujus tutela nemo potior esset avo paterno. Initio posteriore conjugio Ferdinandum tutelæ jure excidisse, præsertim fide data Isabellæ conjugi cœlibatus perpetui: secus nunquam delegaturam Castellæ procuracionem. Denique non placere Proceribus eum Rectorem. Offerebant autem Cæsarei legati Neapoli præsentés Ferdinando tertiam circiter administrationis & proventuum regionum partem: arces autem omnes Cæsaris nomine & Sacramento pro Carolo tenerentur. Transigi igitur nil poterat, quin Lusitaniæ etiam & Navarræ Reges, Ferdinandi potentiam veriti, Castellanos hortabantur, ne ad Ferdinandum administrationem deferrent.

At ille, compositis Regni Neapolitani rebus, abducto secum Gonsalvo M. quem & Julius Pontifex & Veneti armorum Ducem expetiverant, Savonam ad Ludovicum Galliæ Regem, qui Genuenses domuerat, navigavit. Ubi celebre illud colloquium fuit habitum. Gallus summis honoribus Hispanum excepit, atque arce eidem concessa, ipse in Episcopi ædes divertit. Prima die Regina, Ferdinandus conjux, apud Ludovicum avunculum cœnavit: altero die Gallus cum Rege Gonsalvum ad cœnam invitavit, etiam in hoste virtutem æstimans. Creditur eo in congressu decretum bellum Venetum.

Postquam amplis amicitia signis Regem inter utrumque & Proceres utriusque nationis prolixè certatum est, Ferdinandus Catholicus resumpta navigatione in Hispaniam classē appulit. Reditu autem ejus nuntiato, Castellæ motus quieverunt. Cumque Castellæ Regnum intrasset, toto itinere Episcopi & Proceres salutatum accedebant, quidam metu, alii per adulationem, plerique, ne aliis euntibus ipsi subsisterent, festinatione studentes priores offensas tegere. Miranda sane rerum conversio; quem ante pene ejecerant, absentem respuerant, jam redeuntem obsequiis ac submissione prefare certabant: Toletano præsertim annitente Archi. præfule, Francisco Ximénio, qui Romanæ propterea purpuræ honorem reportavit. Invisit mox Ferdinandus Rex ad Joannam filiam, quæ paterno amplexu mirifice est recreata.

Ferdinandus Castellæ administrator receptus, Anagari Duce, & Administrationem resumit. Lemosii Comite, qui clementiæ Regis contumaciam opponebant, castigatis, Joannem Emanuele, priorum turbarum tubam, Regno

exegit, bonis ejus, quæ ampla a Philippo Rege acceperat, fisco illatis. Tum vero ad curanda Regni vulnera conversus, severitati miscens clementiam, velut aceto oleum, publicam rem in ordinem suum, quoad fieri poterat, reposuit. Illud vitio datum, quod Alphonsum Fonsecam, juvenem præservidum, ac moribus non satis probatis, Compostellanæ Ecclesiæ præfecerit, & quidem, contra canonum placita, in patris locum suffectum.

Bætica Proceres acerbè tulerant, nullam sui rationem a Ferdinando fuisse habitam, cum in Hispaniam rediit: & qui Castellæ Magnates magno redemisset, nihil ipsis, qui neque potentia neque opibus illis concederent, a sene parco esse datum. Præ cæteris tumultum concitavit Ferdinandus Corduba marchio, Gonsalvi M. nepos. Expeditionem itaque militarem in Beticam Rex suscepit atque seditione pacata Cordubam supplicem, bonis privatum in exilium egit, indignante Gonsalvo, nullas preces, nulla Majorum agnatorumque merita habuisse locum. Verum ea severitate opus videbatur Regi, ne indulgentia aliorum confirmetur audacia.

Ferdinandus Rex Catholicus, quasi ex altissima specula in omnes partes prospiciens, universam Christianam rempublicam animo ac providentia complectebatur. Quare Dynastis Hispaniæ qua severitate, qua clementia, ne quid turbarent, constrictis, in Africam etiam adversus Mauros curas extendit, missæque classe jam proprio Marte maris oras eisdem eripuit, jam Lusitanis in eundem finem misit auxilia; utque post fata etiam sua Hispaniæ consulere, Carolum nepotem ex Belgio evocavit, Hispanis moribus imbuendum, exhibendumque populis Principem, quem Regem deinceps suum adorarent. Verum Maximilianus Cæsar, in cujus potestate erat Carolus, infensus haud leviter Ferdinando, quod lite necdum discussa Castellæ procuracionem invaserit, negavit itineris copiam, nisi rerum administratione secum communicata, & regionum vestigalium parte concessa. Quin Gallum a Ferdinando ad se traducere omni ope contendebat, Mediolani confirmatione velut esca oblata.

Jamque Cæsar cum Gallo in fœdus ibat, excluso Ferdinando, cum Pontificis opera quadruplex fœdus Cameraci in Venetos istum est; quod in Germaniæ & Galliæ Historia uberius descripsi. Summa fœderis hæc erat: quatuor sociis bellum commune adversus Venetos esto, donec singuli ereptas sibi urbes & oppida recipiant. Qui prior sua obtinuerit, alios nihilominus socios juvato, donec & ipsi suæ partis & voti sint facti compotes. Controversia inter Cæsarem & Regem Catholicum ne fœdus disturbaret, cautum est, ut

Judi-

7.
Fœdus in
Venetos.

Judices designentur, qui ex æquo & bono eam litem dirimerent, cum primum bello Veneto finis esset impositus. Additum præterea, invitandos, ad commune fœdus Sabaudum, Cypri, a Venetis occupatæ, injecta spe, Ferrariensem, & Mantuanum, ut & ipsi erepta recipiant.

Duo armatorum millia Ferdinandus ex Hispania misit, conjungenda cum tribus millibus Neapoli. Sed Proregis inertia lente resibat. Territi tamen Veneti clade Gerradensi, a Gallis inflicta, Brundisium, Hydruntum, Trantum, Molam, Polignanum continuo dederunt Ferdinando, ne defensione quidem tentata, ut scilicet Ferdinandum conciliarent. Et certe minus ardentem Hispani sociabile illud bellum gesserunt.

Quia autem Hispani aliqui Proceres, Ferdinandi administrationem Castellani Regni, velut nimium severam & avaram accusantes, Cæsarem accersebant, instabat ille, ut lis de Castellæ procuratore secundum fœderis Cameracensis placita per arbitros compromissarios finiatur. Delecti utriusque partis consensu Ludovicus Rex Galliæ & Cardinalis Rothomagensis. Pronuntiarunt illi in hanc sententiam: Castellæ procuratio penes Ferdinandum, dum vixerit, propria esto. Si mascula forte proles ex Germana Regina nascatur, decerta nihilominus in Castellæ Regno successionem Carolo caveto. Populi jurant, Carolum ejus regni hæredem fore. Ferdinandus pariter rectam regni administrationem jurato, plura dein pecuniarum subsidia Cæsar pro se, & pro nepote Carolo pactus est. Aliqua Ferdinandus addixit. Atque hoc pacto tandem lis molesta fuit composita. Alii autem magnates a Ferdinando averſi in Belgium ad Caroli aulam concessere.

Lis de tutela
composita.

Bellum contra Venetos minori ardore ducebatur, quamvis Tarvisinum, Forojulium, & Aquileja ex fœdere Cameracensi expugnandæ superant, Patavinum vero ad Venetos redierat. Julius aperte a fœdere defecit: Gallo offensus, quod Ferrariensem protegeret. Ex quo fonte profluxit ingens illa discordiarum moles, ac magna in Italia mutatio, quam alias descripsi. Aucta est offensio Ludovici, cum Pontifex Neapolitanum Regnum integrum (contra ac Alexander VI. fecerat) Ferdinando ejusque successoribus (etiam in casum, quo ex Germana nullos liberos susciperet) in perpetuum confirmavit, beneficiario jure possidendum.

Italicum
bellum,

Majori se injuria affectum Ludovicus putabat, ubi istum adversum se fœdus Pontificem inter, Ferdinandum, & Venetos intellexit,

lexit, ac bellum sibi inferri vidit, Cardonio Neapolis Prorege supremo Duce designato. Ingens initio Gallis belli fortuna, Ravenensi maxime victoria coronata. At brevi tergum iis vertit, cadente Foxio, victores haud aliter, ac si victi essent, ubique in angustias coniecti, omnia in Italia amiserunt. Quamvis inito deinceps cum Venetis foedere eorum rursus arma per Insubriam sint circumlata. Cæterum Rex Catholicus tempore belli Italici etiam Navarram subegit, pluresque, ut postea dicam, palmas per Africam mesuit. Tandemque meritorum plenus obiit anno 1516 ætat. 63. regni 37. amatorio, ut fertur, poculo ab uxore Germana, ut liberos ex eo susciperet, præbito extinctus. Rex vere Catholicus, Religionis zelo, prudentiæ laude, animique præstantia excellentior omnibus, qui ante eum in Hispania exsisterunt, exhibens virtutis ideam, in quam posteri oculos figant.

8.
bitus Fer-
nandi.

Testamen-
tum.

Testamento Joannam filiam hæredem, Carolum administratorem scripsit. Carolo absente rebus Aragoniis Casaraugustanum Præsulem præfecit, Castellæ vero Franciscum Ximenium, Archiepiscopum Toletanum, Hispaniæ Cardinalem. Ferdinando Archiduci nepoti suo in regno Neapolitano Tarentum aliasque urbes, ac præterea annua quinquaginta aureorum millia legavit, ex ejus provinciæ regis vestigalibus, usque dum in eadem Principatum aliquem a Carolo fratre accipiat. Calabriæ Ducem Friderici expulsi filium, quem hætenus in Hispania custodiverat, libertati reddi voluit, & Principatu provideri.

Elogium.

Hac ultima voluntate concepta omnibus morientium præsidis ad ultimam expeditionem munus dedecit: felicissimus sane Principum, qui Regnum suum per orbem terrarum late extendit. In Europa quidem jure hæreditario solam Aragoniam, cum innexis eidem Regnis, Valentiniæ, Catalauniæ, Balearidum, Siciliæ, & Sardinia possedit. Regnum Castellæ, & adhaerentia eidem Regna, Leonis, Galliciæ, Asturiæ, Biscajæ, Extremaduræ, Andalusæ, & Murcia Isabella conjux eidem attulit. Atque deinceps Ferdinandus & Isabella *Reges Catholici* sunt appellati.

Regnum Granatense, quod ultimum in Hispania habebant, Saracenis eripuit. Neapolitanum pariter Regnum armis sibi asseruit. Adjunxit Regnum Navarræ, & Ruscinonensem comitatum. Adhæc per Columbum & Americum Vesputium in Americam, novum orbem, Hispaniam protendit. Atque, ut a barbaris Mauris Iberia esset secunda, varia in Africa oris munimenta, totidem veluti claustra, expugnavit. Religioni vero ut consuleret, sacram Inquisitionem in-
trodu-

introduxit, Judæorum & Mahometanorum multa millia expulit : *Catholicæ Regis* propterea titulo renovato.

Ex Germana Fuxia secunda conjuge nullos Ferdinandus liberos *Libert.* suscepit : ex Isabella vero prima quinque : Joannem videlicet, cum Margaritha, Maximiliani Cæsaris filia desponsatum, sed matura nimis morte præreptum, nec nisi emortua in matris utero prole sæcundum : & quatuor filias. Quarum prima Isabella, Alphonso Lusitanæ Principi nupta : eoque præcoci morte defuncto, Emmanueli Regi : ex quo Michaellem suscepit, Hispaniarum futurum hæredem, sed altero vitæ anno matris obitum sequentem. Altera Joanna Philippo Archiduci desponsa, Caroli V. & Ferdinandi I. Cæsarem mater. De qua hætenus plura. Tertia Maria eidem Emmanueli, Lusitanæ Regi collocata : ex qua stemma Portugalliæ Regum propagatum. Quarta Catharina primum Arturo, tum ejus fratri Henrico VIII. in calamitatum abyssum data.

ARTICULUS II.

Status Hispaniæ sub Carolo. V.

Ferdinandus Catholicus propensiore animo ferebatur in nepotem Ferdinandum, quem eximia indole florentem in aula sua educabat. Quare testamento anno 1513. scripto eundem Hispaniarum hæredem designabat. Verum perpendens animo, quantum inde turbarum bellorumque immineret, si juniorem fratrem seniori præferret, mutata voluntate testamentum, quod paulo ante meminimus, condidit.

Quamvis autem in isto Joannam filiam hæredem dixisset, Carolum vero administratorem Castellæ, regnorumque eidem inhærentium, quia tamen is in Belgio tunc erat absens, neque ætate tantis rebus matura, Franciscum *Ximenium* eidem Vicarium constituit. Is e Divi Francisci familia, Isabellæ primum conscientiam dirigebat, tum regio consilio adhibitus, mox Archiepiscopus Toletanus, subin Cardinalis, denique Prorex Hispaniæ : vir integritate, fide, religione, prudentia, virtute summus, a Bibliis etiam Complutensibus, magno opere & pretio editis, celeberrimus.

Ad clavum igitur rerum vir tantus admotus, auctoritate & industria sua effecit, ut Hispani, qui in Ferdinandum apud se natum & educatum, cuiusque excellentes dotes in oculis habebant, proniores, Carolum post Joannam matrem Regem suum agnoscerent. Verum

Pars VII.

G g g g g

Caro-

Adrianus.

Carolus *Hadrianum Florentium* Belgam, suum olim moderatorem, Ximenio adjunxit, multosque Belgas in Hispaniam misit. Turbas ea res haud modicas excitavit, dum Hispani Ximenio, Belgæ Hadriano adhererent, & altera gens alteri esset invisa.

10-
Turba.

Sequenti igitur anno 1517. Carolus in Hispaniam profectus motus composuit, circumvectusque per provincias passim civitates & Dynastas in verba jurantes Sacramento adegit. Ximenium vero omni administrationis munere abdicavit. Qui paulo post octogenarius obiit, de religione & virtute optime meritus. Altero post anno (1519.) mortuo Maximiliano Cæsare Carolus a Septemviris suffectus, ad Imperii coronam capeffendam in Germaniam abscessit, relictis haud paucis Hispanis, in seditionem inclinatis: tum quia Ximenio Hadrianus erat subrogatus, exterius indigenæ: tum quia aliis etiam Belgis officia & Præfecturæ erant distributa: tum denique, quia ad iter Germanicum adeo longinquum, sustinendamque pro decore dignitatem Cæsaream, in illis præsertim initiis necesse erat, per magna tributa imposita pecunias colligere. Has autem potissimum colligebant Belgæ, Ceurio maxime, qui civitates inusitatis avaritiæ commentis expilavit.

Seditio.

Ægerrime Hispanos ea res habuit, ipsumque etiam Hadrianum, virum moderatum rectique tenacem. Jamque civitates passim rebellionem spirabant, vim vi repellere armis accinctæ, atque conjuratione publica firmatæ, non quidem in ipsum Regem Carolum, sed tamen in Magistratus, præsertim Belgas ab ipso delectos: nolle se, protestatæ, servitutis turpissimæ compedes diutius perferre, quas avarissimi & iniquissimi homines adolescentis Regis Præsides, nihil tale expectantibus innexuissent. Nec mora: ipsi sibi judices delegerunt, quorum sententiæ etiam Nobiles ac Dynastæ starent.

Composita.

Cæsar cognita tredecim civitatum defectione, & Adriani fuga, salubri consilio duos summæ dignitatis ac virtutis viros regendæ Hispaniæ præficit, Velasum magistrum equitum, & Henricum maris præfectum. Hi coactis undique copis, adversus populares armati procedunt: ventumque ad consuetum, quo provinciales, a Regis victi, ac duces eorum capti, mortis supplicio affecti sunt. Adjuverunt strenue partes Regias confluentes undique Nobiles, quos plebeji tribunali suo subicere conati fuerant. Inita pax, ac seditioni adversus Gallos, qui Navarram invaserant,educti, culpam rebellionis insigni victoria, atque Navarra recuperata, expunxerunt.

Mor-

Mortuo dein Leone X. Pontifice, cum Cardinales in conclavi^{11.} diu certassent, tandem Hadrianum, in Hispania absentem, elegerunt, Adrianus Pa. Cardinale potissimum Medicæo annitente. Carolus V. vero Casar Pa. eo nuntio summopere lætus anno 1521. in Hispaniam rediit, eamque ita pacavit, ut deinceps sub ejus imperio penitus acquiesceret. Quæ vero magnus hic Imperator gessit in Germania, Gallia, Italia, Belgio, Africa, alibi jam memorata sunt (*in Germanicis, Gallicis, Belgicis*) Ejus auspiciis anno 1520. Cortesius Mexicum, & Pizarrus Peruam occupavit.

Anno 1555. Joannam matrem, protracta eo usque misera vita, Abdicatio amisit. Altero post anno Hispaniarum Monarchiam, cum Sardinia, Caroll. Sicilia, Neapoli, Mediolano, Burgundia, septemdecim Belgii provinciiis, atque America in Philippum filium transtulit, Imperium vero cum Austriacis in Germania provinciis Ferdinando fratri reliquit. Tum vero tanto onere levatus expeditior in Hispaniam profectus, in monasterio S. Justii biennio pientissime exacto anno 1558. Mors. postquam sibi ipsi exequias celebravit, obiit, ætatis anno 58, regni Hispanici 40. Ejus elogium vide *part. 3. c. 4. n. 134.*

Ex Isabella conjuge, Emmanuelis Lusitaniæ Regis filia, tres li. Liberi. beros genuit: Philippum, Joannam Lusitaniæ Principi nuptam, & Mariam, Maximiliani II. Casaris conjugem. Margaretham vero, primum Alexandro Medicæo, dein Octavio Farnesio desponsam, & Joannem Austriacum, cœlebs suscepit: illam ex Vangestia, hunc ex Blombergia.

ARTICULUS III.

Status Hispaniæ sub Philippo II.

Magnus hic Monarcha mundo natus est anno 1527. uti similis patri religione, magnanimitate, virtute, ita dissimilis genio, vivendique usu. Carolus erat popularis, atque omnium velut nationum civis, orbem terrarum itineribus & expeditionibus emensus. Philippus severo vultu, gravitate, indole, ac moribus Hispanis, ex alta velut specula in orbem universum prospicebat, eumque eminus moderabatur. Paternis Regnis atque Provinciis Lusitaniam adjecit, cum immensus in Oriente & Occidente protractus, orbem omnem sub unum collecturus imperium videbatur. Id certe dictum verissime, solem illi nunquam occidere.

G g g g 2

Nec

Maria

Nec procul aberat, quin etiam Angliam, Scotiam, & Hiberniam, vastissimo corpori uniret, quintæ velut monarchiæ ideam præferenti. Nam postquam Maria Joannis III. Lusitanæ Regis filia, prima ejus uxor, ex qua Carolum suscepit, anno 1545. defuncta est, alteris nuptiis sibi despondit Mariam Angliæ Reginam anno 1554. Verum cum omnes boni prolem optarent, solita Austriacis regnorum parens fœcunditas regalem thalamum destituit: Maria quarto post anno maturo, heu! nimium fato sublata.

13.
Bellum Ita-
licum

Philippus igitur in Hispaniam reversus, bellum Gallicum est profecutus. Occasionem huic dederant geminæ florentissimæ in Regno Neapolitano familiæ, *Columnnesium* & *Caraffarum*. Nam Paulus IV. ex domo Caraffa anno 1557. anathematis fulmen in Columnneses vibravit. Istorum causam tuebatur Philippus, Pontificis & Caraffarum Henricus II. Rex Galliæ: ille per Albanum, hic per Guisium, celeberrimos ea tempestate Duces. Initium belli in Italia Gallis favit, finis Hispanis. (*vide Gallica.*)

& Gallicum.

At vehementior procella incubuit Belgio, majori pariter Hispanorum fortuna. Nam cæsi ad S. Quintinum & Gravelingam Galli ad pacem respexerunt. Quæ contracta est haud procul Cameraco anno 1559. Philippus pro tribus urbibus restitutis, 198. urbes, oppida aut castella accepit. Quæ omnia in Gallicis & Belgicis rebus uberius narravi. Cum Hispani S. Quintini munimentum oppugnant, Ecclesia & monasterio S. Laurentii in suburbio pro suggestu tormentorum usi sunt. Quam ob causam Philippus haud procul Madrito Scoriaci magnificam S. Laurentio basilicam & monasterium pro 150. Monachis S. Hieronymi ædificavit, *Escuriale* appellatum. Stupendum hoc opus, 22. annis exstructum, viginti, ut fertur, millionum sumptu, 11000. fenestris splendidum, octavum orbis miraculum ab Hispanis censetur. Rex & Regina in eo sua habent conclavia, in Ecclesia vero Monasterii Regale mausolæum subterraneum in facello, quod Pantheon appellant. Instructissima etiam Bibliotheca ibidem visitur. Verum anno 1671. superbum hoc ædificium magnas ruinas incendio accepit: a Carolo II. reparatas.

Escuriale.

13.
Bellum Bel-
gicum.

Facta cum Gallis pace, ordinatisque Belgii rebus, Philippus Rex in Hispaniam abiit. At ingentes mox turbæ Belgium exceperunt, bellumque 90. prope annorum, Hispanis, Germanis, Gallis, Anglis, Scotis, Hibernis, Italis, in partes venientibus. Anno 1579. septem provinciæ fœdus inter se percusserunt, atque ex eo enata est potentissima Batavorum Respublica: quæ tractis ad se

Ant.

Antverpianis commerciis velut Amphitriten sibi desponsasse videtur.
(Vide Belgica.)

Prout autem Rex Philippus postpositis omnibus humanis rationibus Religionem Catholicam in Belgio conservatam voluit, ita etiam in Hispania. Unde cum in *Granatensi* Regno, quod Ferdi-
nandus Catholicus Saracenis eripuerat, adhuc multi essent, qui lingua duntaxat Christum confitebantur, in corde autem Mahometem gerebant absconditum, severas eis leges ac pœnas posuit: quibus irritati anno 1568. a Marochii Rege auxilia petierunt, ac impetrarunt. Verum intra biennium subacti, aut solum vertere, aut veram catholicam Religionem amplecti legesque Ecclesiasticas, pro iis latis, servare coacti sunt.

Nec minus Religionis zelum adversus externos Mahometanos & Africanum, Turcas explicuit. Ferdinandus Catholicus jam anno 1510. Regnum *Tripolitanum* iisdem eripuerat: Carolus V. vero illud Equitum Melitensium tutelæ commisit. Sed anno 1551. Dragutes Turcicus pirata illud occupavit. Philippus II. anno 1560. validam classem misit, 42. navibus, & 18000. hominibus constantem. Verum ea a Mahometanis ita est excepta, ut pauci incolumes redirent. Quum dein anno 1566. Turcæ Melitam obsiderent, Hispani eis vices reddiderunt, 20000. eorum cæsis, quos inter ipse Dragutes pirata, qui multo tempore omnia infesta reddiderat maria.

Has partim clades, partim victorias domesticus dolor excepit. Carolus unicus, quem tunc Philippus habuit, filius ita se gessit, ut pater eum arctæ custodiæ tradiderit, in qua mortuus est. ^{16.} Causa, Carolus, quanto incertior obscuriorque, tanto avidius a scriptoribus investigata. Ferox ac violentum Principi ingenium: idque statim a pueritia observatum. Lenta ferarum palpitantium laniena recreari solitus. Cum eum Carolus avus vidit, ingemuisse dicitur. Pater multis in ea cura nequidquam pertentatis, cum Joanne Austriaco & Alexandro Farnesio illum Complutum misit, ut in illa Academiæ luce, ut corpus cœli mutatione, sic animus nova hominum doctorum consuetudine illustretur. Sed Carolus alibi magis quam alius fuit. Casus auxit intemperiem. Nam e scalis alte prolapsus, læso non leviter cerebro, a medicis prope deponitur: cum allato in morientis cubiculum B. Didaci corpore, vovente Philippo, se apud Pontificem de ejusdem apothefosi enixe acturum, repente convaluit. Sed non ideo mores mutavit. Quo fiebat, ut & pater prædurius illum acciperet, & filius nihil haberet patris aspectu molestius.

Ferox in pa-
trem,

traditur cu-
stodiæ.

Obitus.

Causæ.

16.
Classis invin-
cibilis.

Crevit cum ætate dissidium, cum offensus quotidie magis diffusus que ejus moribus Rex conjugium filiæ Maximiliani Cæsaris, Carolo destinatæ, sine fine differret, eumque ab rerum publicarum cura procul haberet, licet 22. annos jam esset natus. Hinc odium ejus in familiares & continuos patris, a quibus observari se, omniaque ad eum referri putabat: studium contra in eos, quos patri insensos sciret: in Belgas præcipue, quorum legatos, Marchionem Bergensem atque Montinium complexus sollicitè, clam evocare ad se, eorumque causam ardentius tueri ferebatur, quam par erat: pollicitus iis, iturum se in Belgium ad componendos eorum motus. Certe, cum Albanus in Belgium discessurus, Caroli manum osculatum isset, attinuit illum minaci aspectu Princeps, negavitque, alium præter se illuc abiturum: prompto pugione ictum intentans, quem Albanus declinavit. Ex eo tempore decrevit, vel invito patre ire in Belgium, atque inde ad sponsam in Germaniam.

Rem eam Joannes Austriacus sibi a Carolo communicatam ad Regem detulit: qui etiam admonitus a Raymundo de Taxis, regio tabelliariorum cursorumque Præfecto, de fugæ consilio & petitis equis, per omnia urbis templa peces imperavit. Veritus igitur Rex exemplum fugæ, qua Ludovicus a patre Carolo VII. Galliæ Rege in Burgundiam se proripuit, non ultra deliberandum ratus, Epolitano Principe, & Feriano Duce, aliisque duobus comitantibus, profunda nocte conclave filii dormientis ingreditur: ereptoque, qui sub pulvino latebat, gladio, surgere illum confestim jubet: increpitumque quod patrem lenibus toties frustratum remediis ad asperiora compellat, certis hominibus custodiendum tradit. Qua in custodia extinctus est post sex menses, expiatis ante apud confessarium animæ noxis.

Scribunt aliqui exitum ab eo Maurorum tumultum; sollicitatum per Michesum Judæum Turcam, adjutam conjuratorum in Belgio factionem, eaque occasione transmissa ab hæreticis in Hispaniam plura libellorum millia: alii loquuntur amores & familiaritatem nimiam cum Isabella noverca: sponsa illi antea designata, & a patre prærepta: quæ brevi post Carolum obiit. Alii denique, agitatam ab eo de patre necando consilium: atque ob has causas a Patre jussum interfici. Opmerum in Belgio in hanc rem illud Ovidianum tanquam chronosticon applicasse: *filius ante diem patrios inquit in annos.* Quo annus 1568. in quem Caroli obitus incidit, designatur.

Magnum hæc filii fata Regi totique Regno attulerant dolorem: sed non minorem classis stupendæ, in Angliam destinatæ, quam *invincibilem* vocabant, miseranda calamitas. Multa nempe Regis ca-
tholi-

tholici indignationem stimulabant adversus Elisabetham Angliæ Regi-
nam, tanto quidem acriori sensu, quanto magis pro Beneficiis,
proque ipsa vita, quam ei bis terque se dedisse Rex affirmabat, dum
conspirationum insinuatam, e carcere capitalique judicio liberave-
rat, alias super alias accepisse se indefinenter injurias recordabatur.
Viderat statim ab initio Orangium ac Belgarum populos, consilio, *Causa.*
pecunia, milite, ad defectionem ab illa concitatos: Indiarum pro-
vincias a Draco, a Conditio, ab aliis ejus emissariis vexatas ac di-
reptas: regiam pecuniam interversam, ac naves in Anglia retentas:
Antonium pro Rege Lusitaniæ habitum, atque in Hispanos armatum:
Alensonium spe nuptiarum in Angliam allectum, atque inde in Belgium
ad capiendam Brabantia coronam instructum. Susceptum dein, cum
Parmensis plerasque provincias ad obsequium reduxerat, ab Elisabetha
rebellium patrociniū, & tanquam denunciato palam bello, immis-
sum magnis cum exercitibus Leicestrū, ac populos in defectione
contumaciaque firmatos.

Statuit proin Philippus foemina insolentiam compefcere; acce-
dente præsertim adhortatione Sixti Pontificis, ut Rex Catholicus
publicas Religionis injurias ultum iret. Creato in Regis gratiam
Cardinale Guilielmo Alano Anglo, decies centena aureorum millia
soluturum se promisit, quamprimum regius miles pedem in Anglia
posuisset. Rex igitur firmato in bellum animo, ante omnes *Par-*
mensi consilium aperit, eumque terrestris in Anglia belli Ducem su-
preum constituit, addito, qui rem maritimam cum imperio rege-
ret, Alvaro Bassano *sanctæ Crucis Marchione*, cujus in bello Lu *Marchio S.*
sitano res gestæ erant in oculis. Erat enim præfectus oceani, ac *Crucis.*
nuper ad Tercias Insulas navali pugna adversus Antonium Lusitanum,
magnis Gallorum Anglorumque viribus bella reparantem, bis victor.
Huic Rex comparandæ per Hispaniam Lusitaniamque classis, *Par-*
mensi vero cogendi in Belgio exercitus, quem ope Hispanæ classis
in Angliam trajiceret, partes attribuit: silentio, ne consilium ema-
naret, utrique imposito.

Laudavit *Alexander* apprimè consilium, circa modum tamen
tantæ expeditionis Regi expendendum rescripsit: Britannicum mare
fœdis horrendisque tempestatibus obnoxium: cæcisque syrtibus infi-
diosum esse; atque adeo temere in hæc discrimina classē immitti, *Consilium*
si non prius receptus in portum aliquem statuatur: atqui nullum es-
se in regis provinciis tantæ classis capacem, præter *Fussingam*. Huc *Farnesii.*
igitur primum vertenda arma: atque hoc portu in potestatem reda-
cto, adversus tempestatum ventorumque minas, prompto classi
per

perfugio prudenter ac tuto navigandum. Cui deinde sententiæ tanto firmitus inhæsit, quanto post captam Slusam facilius Flissingam expugnatum iri credebat. Rogavit proin Regem, ut spatium ad hoc sibi permittatur, multo quam Slusa celerius se portu illo potiturum. Sperabat nempe, Flissinga recepta se Regi persuasurum, ut ope Hispanæ classis Bataviam prius expugnet: unde Anglia Hollandiæ munimento nudata certius adiri posset. Nempe, quod sæpe incassum petierat a Rege, ut conatum semel omnem perdomando Belgio adhiberet: eum nunc adhibitum, sed in Angliam destinatum, detorquere in Belgium satagebat.

In eandem ferme sententiam ibat Sanctacrucius classis præfectus, videlicet portum prius securum in Hollandia, aut Selandia providendum, ut classis, qua Hispaniæ vires veherentur, testa a tergo foret. Stanlæus Anglus, qui tradita Regi Daventria in Hispaniam abierat, vetus miles consilio adhibitus, censebat, Hiberniam primo petendam. Quindecim annos se ibidem militasse, rerum omnium gnarum. Incolas plerosque Catholicæ Religionis perquam retinentes, Anglorumque imperii pertæfos, facile partibus adjungendos. Si veteranorum sex millia, arma, annona in tres menses sibi tribuantur, se in regias manus insulam adducturum. Habituras in ea Hispanas classes, portuum commoda; alimenta, equites, pedites nunquam sex millibus pauciores, egregie omnes exercitos, atque adversus nationem Anglicam imprimis animatos. Indeque haud opere ipsam Angliam petendam fore.

Platus vero Scotiam primo tentandam dixit. Fermento illam discordiarum agitari; gliscere conspirationes in Elisabetham: multos nobiles occasionem expectare, qua iras suas & consilia in eandem expromant: Regem ipsum Jacobum facile in ultionem matris peremptæ adductum iri: eo dein ex regno terra marique promptum in Angliam iter fore. At Rex moræ omnis impatiens lentum fore negotium duxit, si prius in Batavia, Hibernia, aut Scotia portus esset quærendus. Absque ambagibus recta in Angliam tendendum, Gallos in se ipsos nunc esse armatos, Turcarum vires alio averfas. Non indulgendum hosti spatium, auxilia ex Germania & Septentrione evocandi. Ideoque Farnesium & Sanctacrucium admonuit, ut omni mora abrupta instarent operi, ne nimia circumspectione opportunitatem corrumpant.

Trajectionis autem modum ad Farnesium Rex perscribens, iussit, ut audito, solvi e Lusitania classem, instructum ipse succin-

ctum.

etumque in Belgio exercitum habeat, utque Sanctacrucio in conspectu Angliæ classem continente, ipse milites suos paratis jam ratibus impositos festinato transmitteret. Interim Sanctacrucii partes fore, classe in omnem belli occasionem intenta, trajicientes e Belgio eo usque defendere, dum illos ab hostili, quæ se opponeret, classe tutos appulsoque conspiceret.

Tanti mox ubique delectus fiunt, ut Farnesius 40000. peditum, 3000. equitum haberet in Belgio. Ex his 30000. peditum, & 1800. equitum selegit, secum navigaturos in Angliam. Tota quoque Hispania parandæ classi insudabat. Europa univèrsa in expectationem tanti apparatus erecta. Et sane nec Hispania operosius quidquam in maritimis expeditionibus elaborasse unquam, nec superbius Oceanus vidisse ferebatur. Constabat classis bellicis navibus magnis 137. his impositæ Hispanorum legiones quinque, quæ 18857. militum complectebantur. Adhæc nautæ 7449. Dynastæ Proceresque Hispani 220. milites voluntarii cum famulis ferme 1000. ex Religiosis familiis sacerdotes 669. qui omnes simul 28293. personas conficiebant.

Verum dum undique opus fervet, tristi omine *Sanctacrucius* ex-
tinguitur. Dum enim longo usu edoctus, bellique navalis peritissi-
mus Dux, classem caute & circumspècte instrueret, minus festina-
re visum Rex iratus alloquitur: *male tu quidem pro benevolentia in te mea mihi gratiam rependis.* Quibus verbis animus, tot adversis hostium telis impenetrabilis, istus, mœrore contracto concidit. Alii classis præfecturam ab eo detrectatam scribunt, ac propterea Regis gratia excidisse.

Jam parem orbæ classi gubernatorem nec promptum erat Regi invenire, nec diu per otium quærere permittebat necessitas festinandi. Igitur Alphonsum Peresium Gusmanum *Medinae Sidoniae Ducem*,
Sidonius. militiæ quidem haud ita peritum, sed clarum genere divitiisque præpollentem Rex substituit, classe non aspernante, ferreo Duci aureum substitutum.

Vix ex portu Olisiponenfi classis solverat, cum horribili tempestate jactata, atque dispersa, ægre Corunnæ, Gallaciæ portu, se collegit. Inde meliori vento, sed majori spe inflata classis Armoriæ seu Britannia minoris cornu prætervesta, Anglorum speculatoribus videndam se præbuit. Speciem ingentis urbis oceano inambulantis objectam sibi retulere. Britannicum inde mare ingressa, in conspectum Anglicarum navium venit, quæ tunc se ad *Plimuthum*,
Plimuth. extremæ Angliæ portum, colligebant: ducibus *Hovardo*, & *Draco*.

Censuere plerique Hispani Duces, invadendam illico classem Anglicam: aspirare Austrum, sibi secundum, adversum Anglis. Tam optatam vix amplius occasionem fore. Verum Sidonius mandata Regis opposuit, quibus jubeatur, ut regia classis canalem in-vesta, ulterius in eas fauces tenderet, quibus inter Caletum & Dovernium in angustum fretum se coarctat oceanus: ibique munita contra vim hostium via, Farnesium cum exercitu Belgico exceptum, superato Thamesis ostio, ad Londinum exponat.

Pugna.

Cum igitur a Plimutho descedere classem Hispanam, atque ulterius provehi viderunt Angli, Howardus metu solutus, insequi abeuntes statuit; partitusque cum Draco classem (centum navium erat) Hispanos duabus a Plimutho leucis aggreditur. Sidonius, obversis illico in hostem prorsis, pugnam magno animo capeffit. Nec magnum damnum acceptum est ea die. Sed nocte insequenti ignis Cantabricam navim corripuit. Valdesii vero navigium a Draco captum in Angliam perductum est, delibatae victoriae argumentum. Vices redditae Anglis, uno eorum navigio demerso. Nihilominus, quia Angli multis velocibus erant instructi, quas remis instar equorum velociter movere & invertere poterant, plus damni Hispanis inferebant, qui grandes atque onustas naves agre moliebantur, vento praesertim sibi praerepto. Nempe & militum numero ac robore ingentium machinarum, & tormentorum copia longe praestabat Hispana classis: a Ducis nautarumque experientia, a navium forma, e pugnae loco, sibi iniquo, destituebatur.

Naves incendiariae.

Nec tamen magnum admodum damnum adhuc erat acceptum, cum Sidonius Vectem insulam praetervectus ad Caleti conspectum stetit, jactisque ibidem anchoris, ad Farnesium mittit, qui nuntiaret, ut secum, postridie ante Gravelingam futuro, conjungere Belgicas copias non ultra differat. Respondit ille, moram in se militeque suo, transmissionis ac praelii cupientissimo, nullam fore, modo submotis a Flandriae portibus Anglicis Hollandisque classibus sibi via patefiat. Dumque ille in apparanda expeditione adhuc occupatur, Dracus octo navigia, Hispanorum ictibus jam fatiscientia, nitro, bitumine, sulphureisque ramorum fascibus, aliisque ignis alimentis complet, impositisque nautarum audacissimis concubia nocte ad Hispanam classem propelluntur. Tum vero navibus accensis nautae in scaphas defiliunt: Hispanis vero terrorem ingentem incutiunt, extimantibus, naves esse incendiarias, quales in expugnatione Ant-

ver-

Arpiana magna cum clade experti essent. Tollitur in cælum clamor. Sidonius attolli anchoras jubet : naves in apertum oceanum deduci; fatius habenscum hoste configere, quam sulphureæ pesti naves comburendas oblicere.

Vix anchoras sustulerant, anchorariis aliquarum navium rudentibus præ festinatione præcis, cum crebrescere furialem in modum tempestas cœpit: scindi conflictu nubium, diraque tractim luce conflagrare cælum: sequi intumescens nunc pelagi nunc sub-tempestas. fidentis feræ minæ: navium pleræque longius, quam ad declinandum inane illud formidati incendii terriculum opus erat, in altum abduci ventorum vi: nonnullæ mutuo allisu frangi, & vasto in præceps hiatu forberi: aliæ in Flandricæ oræ vada fyrtesque compelli.

Angli raram dissipatamque mari classē mane conspicati, levibus ipsi navibus eandem adoriuntur. Hispanorum aliqui tamdiu resistunt, dum recrudescens ventorum vis iterum alios alio distraxit. Sidonius, non amplius oblectaturus tempestatum furiis, redeundi, ne omnia perirent, in Hispaniam consilium cepit: collectisque, quantum poterat, dispersæ classis reliquiis, ne se in Caletanti freti angustiis rursus indueret, directis in septentrionalem oceanum pro-18. ris, Angliam, Scotiam, Orcades, Hebrides, Hiberniamque prætervectus cum innumeris difficultatibus est colluctatus. Ad Hiber-reditus. niæ littora decem omnino naves solutis vi tempestatibus compagibus periere: aliis ad Norvegiæ usque littora propulsis.

Tandem Sidonius ad Castellam appulsus cum paucis navibus iisque faucibus, mutilatisque, & velut in magno naufragio collectis male coherentibus tabulis: ut erat animo æger pariter & corpore, dum permisso Regis curationis causa concessit. Ducum præstantissimi perierunt. Navium hominumque amissorum numerum mire aliqui augment, imminuunt alii. Hispani scriptores fatentur, præter onerarias, 32. naves aut captas ab hoste, aut naufragio sepultas: homines ad 10000. partim in pugna cæsos, partim captos ab Anglis aut Hollandis, partim submersos, aut morbo consumptos. Angli vero Hollandique vix 10000. hominum superfuisset, 18000. desideratis: naves 80. amissas scribunt. Pernicies certe stragesque immanis fuit, in Divinorum iudiciorum abyssum referenda.

Ingens tota Hispania luctus. Solus Philippī animus, rebus humanis superior, erectus stabat. Nuntianti decumanam cladem respondisse fertur: *Ego vero Divinæ Majestati ex animo gratias ago, cuius liberali manu tantum* Regis ant- mus.
potentiæ viriumque mihi circumdatum vi-
deo,
 H h h h h 2

deo, ut aliam rursus in mare classem educere non dubie possim. Neque multum referre arbitror, quod aqua decurrens aliquando intercipiatur, dummodo fons, ex quo fluxerit, sit saluus. His dictis calamum refudit, cœptamque epistolam eadem vultus tranquillitate, acsi nihil amisisset, prosequitur: alias quasi joco dixisse memoratur, se non adversus tempestates emisisse classem: altior certe multo fortiorque, dum victus est, quam si vicisset; longeque dissimilis Augusto Cæsari, qui ad nuntium Varianæ cladis, capite parieti impecto, altum ejulasse scribitur.

Felix sane Christiana fortitudo atque magnanimitas; infelix contra Anglia atque Batavia, quod vicerit (si tamen vicit) quod victoria sint abusæ ad stabiliendam hæresin, ac perennem sui ruinam: haud aliter ac Saraceni & Turcæ ingentes adversus Christianos armorum progressus verterunt in æternam suam perniciem. Saginantur destinatæ macello victimæ.

19.
Seditio
Aragonica,

Expeditionem istam navalem haud multo post, anno videlicet 1592. exceperunt tumultus Aragonici. Res ita se habet. Joannes Escovedus Joannem Austriacum, cui a secretis erat, comitatus in Belgium, visus est eundem in ambitiosa & inquieta consilia concitare. Quare ab Austriaco missus in Hispaniam ad petendam pecuniam aliumque belli apparatus, cum justo liberius loqueretur, a sicario peremptus est. Insimulatus cædis auctor *Antonius Perezius*, Regis Philippi secretarius, datur in custodiam, & quæstioni subjicitur. Verum fuga in Aragoniam elapsus, atque Cæsaraugustæ a Regio gubernatore per milites apprehensus, secundum Regis mandatum Madritum remittendus, vi armata multis militum cæsis ac vulneratis, eidem eripitur ab Aragoniis, quiritantibus, sua in hacre privilegia & jurisdictionem lædi: causam ad supremum suum justitiæ tribunal pertinere. Perezius Aragoniorum ope in Galliam evasit. Rex vero misso Castellano exercitu, domitis Aragoniis, multos, inter quos magni procures, & supremus Magistratus, *Aragonum justitia* appellatus, ultimo supplicio affecit: gentisque privilegia circumcidit: sublato etiam tribunali, quod ipsis quoque Regibus jus dicebat. Scribunt plures, Escovedum Regis mandato a Perezio clam esse cæsum: orta autem deinde eum inter & Regem ob Principem Ebolitanam æmulatione tragediam illam in Perezium esse instructam. Quod tamen a tanto Rege videtur valde alienum.

Bellum
Gallicum.

Ante vitæ finem tertium bellum Gallicum Vernina pace absolutum. Nam occiso anno 1589. Henrico III. Regnum Galliæ filiæ suæ Claræ Isabellæ Eugeniæ (cujus mater erat Henrici soror) deberi existi-

existimans, Ligam catholicam pecunia ac milite sustentavit, adversus Henricum IV. qui anno 1593. catholica sacra amplexus, regno firmato, catholico Regi bellum indixit anno 1594. pace Vervina anno 1597. finitum. *Vide Gallica & Belgica.* Quæ porro bella Philippus adversus rebelles Belgas gesserit, dictum est suo loco. Quomodo Lusitaniam, Tunetum, & Philippinas occupavit, dicetur postea.

Anno 1598. ætat. 71. regni 42. obiit Philippus, Rex vere Magnus, ^{29.} nec nomine solummodo, sed re ipsa Catholicus: Religione siquidem ^{Obitus.} nihil prius habuit: ab ipso etiam Clemente VIII. summo Pontifice *Defensor fidei* appellatus; dicere solitus, si proprius suus filius in hæresin inciderit, se ligna comportaturum ad eum comburendum: ^{Elogium.} nunquam passus Divinum honorem, religionis decus, aut sacerdotium impune lædi. Tridentinum Concilium, superatis magnis difficultatibus, toto regno promulgavit. Sacram Inquisitionem potenter coluit defenditque, ejusque ope irrumpentes hæreses, sepositis omnibus humanis rationibus, nullo loco est passus consistere. Justitiæ pariter cultor inflexibilis; nullo hominum respectu habito; injuriarum omnium, nisi sibi illatarum, vindex acerrimus: vasta prorsus mente, & magnanimitate incredibili, nullis rebus secundis elatus, nullis adversus dejectus, sui ipsius possessor immobilis. Hanc mentis infractæ constantiam, uti vita universa, ita ultimus præsertim morbus, vehementi dolore sævus, comprobavit, nullo unquam lanienæ sensu expresso suspirio.

Protestantici scriptores in Magnum hunc Regem, utpote ap- ^{Vituperia} prime Catholicum, calamum, felle amaro tinctum, vehementer ^{Protestan-} accuunt: Hibnerus maxime, qui non tantum summis Pontificibus, ^{tium.} sed aliis etiam magnis Principibus Catholicis, etiam Regibus, etiam Imperatoribus, varia affingit scelera, eosque insulsis & scurrilibus fabellis deridendos conatur proponere. Quasi vero istis scriptoribus solis omnia liceant: aliis vero nec hîscere.

Quatuor conjuges habuit. Ex prima, Maria Joannis III. Lu- ^{Conjuges} staniæ Regis filia, genuit Carolum in carcere dein mortuum: ex secunda, Maria Henrici VIII. Angliæ Regis filia, nullam prolem suscepit. (Falso Hibernus scribit, fuisse patruales) Tertia, quam duxit, Isabella, Henrici II. Galliæ Regis filia, peperit ipsi Claram I. Liberi. fabellam Eugeniam, Alberto Archiduci nuptam, cui Belgium in dotem attulit: & Catharinam, Carolo Emmanueli Sabaudia Duci desponsam. Ex quarta denique, Maximiliani II. Cæsaris filia, suscepit Philippum III. suum in Regno successorem, paternarum virtutum insignem æmulatorem.

Hhhhh 3

ARTI-

ARTICULUS IV

De Regno Navarræ.

21.
OrigoSuprar-
biæ,

Navarræ,

Quamvis in tractatione de rebus Hispaniæ superiorum temporum, etiam de Navarræ regno sæpius sit facta mentio; quia tamen sæculo XVI. magna in eo facta est mutatio, juvat hic peculiariter aliqua de illo annotare. Cum Christiani a Mauris pulsi latebras quærerent, ad Pyræneos montes in quadam Suprarbiæ sylva eremita quidam facellum construxisse fertur, ad quod post ejus mortem multi Christiani religionis causa confluerant. Hi, auditis secundis in Asturia adversus Saracenos progressibus, & sibi aliquid tentandum rati, in unum populum collecti, *Ximenium Garziam*, nobilem Gothum, sibi Regem eligunt. Quia autem hic Ainsæ in Suprarbia, Mauris erepta, sedem vixerat, *Regnum Suprarbiæ* initio dictum est. (anno 730.)

Sanctio Garzia, pronepote Ximenii, anno 832. a Saracenis interfecto, post decennale in Suprarbia interregnum *Ennicus Arista*, Aragoniæ Comes, electus est. Quo pacto *Suprarbia* & *Aragonia* conjunctæ sunt. Ennici nepos *Sanctius Abarca* Saracenis Pampelo nam in Navarra eripuit. Ex quo tempore non amplius *Suprarbiæ*, sed *Navarræ Regnum* aut *Vasconum* est appellatum. Idem Sanctius etiam *primus Aragoniæ Rex* est dictus, cum prius comitum duntaxat nomen præferrent.

Hujus Sanctii Abarca abnepos *Sanctius Major* uxorio nomine etiam Regnum Castiliæ cum Navarra & Aragonia conjunxit, anno 1000. filius ejus primogenitus Garzias in divisione Navarræ regnum accepit. Sed hujus filio a fratre perempto, Regni ordines Sanctium Regem Aragoniæ elegerunt. Quo rursus utrumque Regnum coa-
luit (anno 1067.) Verum non ultra 60. annos hæc unio tenuit; nam Alphonso I. improbi defuncto, Navarræ Regem elegerunt Garziam IV. ex Sanctii Majoris progenie. Hujus nepos *Sanctius VII.* qui prælio ad Ubedam, in quo 200000. Maurorum cæsa dicuntur, interfuit: ultimus is fuit regum indigenarum. Cum enim prolem nullam relinqueret, *Blanca* ejus soror dotale regnum attulit Theobaldo, Campaniæ in Gallia Comiti (1234.)

Dignumque observatu est, septies omnino Navarrae Regnum per feminas Principes ad exterarum familias fuisse translatum: & primo quidem per hanc ipsam *Blancam ad Campaniae Comites*, quos tres regnarunt, Theobaldus I. Blancae filius, Theobaldus II. qui cum S. Ludovico socero suo in Palaestinam profectus in itinere improlis obiit. Successit frater Henricus. Cujus filia *Joanna*, Philippo Pulchro nupta, Navarra ad Reges Galliae detulit (anno 1328.) Quatuor ex illis regnarunt, Philippus Pulcher, & tres ejus filii, Ludovicus Huttinus, Philippus Longus, & Carolus Pulcher, ultimus Capetingae stirpis.

Revolutum tunc est Regnum ad *Joannam Ludovici Huttini* filiam, quam prius duo patrum Philippus & Carolus excluderant. Hæc Philippo *Eboricensi* Regi in Gallia sanguinis Principi nupta, tertiam Regum exterorum stirpem est auspicata (anno 1328.) Comitatum Campaniae vero Philippus Vallesius abstraxit. Tres ex Eboricensibus regnum possederunt, Philippus Joannae maritus; qui ad Algeziram a Mauris occisus, heredem sub tutela matris reliquit Carolum Malum, hoc cognomen animi ferocia & libidinis scditate promeritum. Dignam is vita mortem subiit, lintheo insutus, flammæ correptus, toto corpore ambutus. Successit filius Carolus III. feliciter ac pie a patre degener.

Filia illius *Blanca* ad quartam Domum nempe *Aragonicam* anno 1420. transtulit Regnum, nupta Joanni II. Aragoniae Regi. Qui ex ea duos liberos genuit, Carolum Vianae Principem, & Eleonoram. Carolus jam a Carolo III. avo suo materno successor erat declaratus, ea conditione, ut hereditarius Navarrae deinceps semper appelletur *Vianae Princeps*, sicut in Castilia paulo ante invaluit, ut primogenitus diceretur *Princeps Asturiae*. Mortua anno 1441. Blanca Matre, Carolus Vianae Princeps hereditatem suam maternam, Regnum videlicet Navarrae petiit. Negavit Joannes pater, ad mortem usque suam illud retenturus. Carolus morae ac privatae sortis impatiens, bellum patri movit: verum anno 1451. captus, anno 1461. ante patrem obiit, nulla relicta prole, retinuitque pater Navarra usque ad mortem, quæ contigit anno 1479.

Quamvis autem Joannes filium relinqueret Ferdinandum Catholicum, quia tamen is ex Castiliensi matre natus erat, secunda Joannis conjuge, Navarra eo rejecto *Franciscum Phæbum* Regem declararunt. Descendit is ex avia paterna *Eleonora*, Joannis & Blancae Navarrae Reginae filia: atque inde jus hereditarium. Hæc Eleono-

ra Gastoni Foxio Gallico Comiti nupta, eidem peperit filium, Francisci Phœbi patrem. Atque hac ratione Navarram quintæ externæ familiæ, nempe *Foxiorum*, Eleonora intulit. Verum Phœbus Eleonoræ nepos quarto Regni (quod per Cardinalem Foxium patrum suum administraverat) 16. ætatis anno decessit, 1483.

Tum vero sexta jam vice Regnum Navarræ ad sæminam devolutum est, ad *Catharinam* nempe Francisci Phœbi sororem: quæ nupta *Joanni Albretano*, ad quem Albretum & Bearnia cis Pyrenæos in Gallia spectabat, in *Domum Albretanam* Navarram transtulit. Joannes igitur, uxorio nomine Rex Navarræ, minus gratus erat subditis, quia plures Gallos induxerat, iisque præcipua Regni munera conferebat. Unde provinciales in factiones scissi multum negotii eidem faceſſebant.

Ferdinandus Catholicus vigili oculo in eos tumultus erat intentus, atque Bellomontanæ factioni succumbenti bona in Aragonia attribuit, reservato sibi jure in bona, quæ exules in Navarra relinquere coacti fuerant, ut sic firmum in hoc regno pedem figat: ulterius animo prospiciens, occasionemque rei gerendæ operiens. Hanc ei offerebat bellum Italicum, quod Julius II. cum Ludovico XII. gerebat: in quo Ferdinandus Pontificis partes tuebatur. Joanni vero Albretano Navarræ Regi amicitia cum Gallo exitialis fuit, id qua ratione contigerit, paulo pluribus explicandum venit, ex Joanne Mariana, Historico Hispano.

Cognito Pontifex, Navarræ Regem Ecclesiæ hostibus favere, atque Pisani Conciliabuli Præsules, suos hostes, complecti ex animo, re cum Cardinalium senatu communicata, ad illud extremum atque ultimum decurrit, quod adversus rebelles Principes sanitate desperata remedium usurpati consuevit. Rex & Regina Navarræ anathemate fulminati ditione omni spoliantur, ad communem prædam aliis Principibus invitatis. Suspecta Ferdinandi Regis fraus erat, & paulatim in plures cœpit manare rumor, eo annitente, severam adeo sententiam prodiisse. Conjectura probabilis: quoniam diu penes se id diploma Pontificium occultavit: dum variæ cogitationes ejus subierunt animum, quid fama locutura esset, sanandi Navarræ Regem rationem mitiorem instituere satagit.

Anno igitur 1512. Legatum ad eum mittit, qui officii admodum, ne rationes suas cum Gallo misceat, neve suis & Ecclesiæ hostibus porro faveat, aut per Regnum suum transitum eis permittat. In securitatem rei utriusque Henricum filium in Castellam pi-

Albretanos.

23.
Ferdinandus
di consilia

Postulata.

gnus

gnus mitteret. Postulata hæc Navarrus repulit, Gallico fretus auxilio, si quid incideret adversi. Quin Ferdinando studentibus molestus esse: novos in dies habere delectus: neque cessare, quamvis a Ribera limitis Præfesto monitus. Belli igitur causas quærere visus Ferdinandus, cum filium fidei obsidem dare Joannes recusasset, sex arces pignoris loco ab ea petiit. Durum id quoque Vasconi videbatur, pollicito, absque iis vinculis a Navarra Regno tutos fore fines Hispaniæ. Denunciatum igitur illi: e duobus alterum eligeret: aut a neutra parte staret, sed medium se gereret inter disceptantes: aut si ex iis ditionibus, quæ in Gallia possideret, Regem Gallum juvaret, Navarrae opes in auxilium Hispani socialisque exercitus conferret.

Navarro Ferdinandi felicitas erat suspecta, ne sublato in Italia Gastone Foxio, Germanæ conjugis fratre, regnum Navarrae quasi dotale occuparet. Adversus eas suspiciones Gallus orator, si id contingeret, Galliæ vires universas venturas auxilio polliceri: quin Henrico filio nupturam minorem Ludovici filiam. Inanes pollicitationes, rebus vacuæ, credulum Principem egere præcipientem, ut Hispano deserto se Gallo socium adjungeret.

Ferdinandus igitur delectu in Castella habito idoneum exercitum confavit Albano summo ductore. Utque Aquitaniam, Anglo fœderato adjutore, tutius invaderet, Navarram, in quam oculos maxime direxerat, primo impeti jussit, eo prætextu, ut in Gallia bellaturus, omnia a tergo tuta relinquat, majoremque commeatu opportunitatem habeat: indignante ob eas moras Anglo socio, qui in Aquitania Hispanum expectabat, ut communi ibidem opera adversus Gallum ex condito bellum gereretur.

Ferdinandus, cui meta, ad quam collimabat, erat Navarra, Bellum Navaræ Duci Albano dat in mandatis, ut ante omnia *Pampelonam* Regni *Navaræ* caput invadat, ea capta, prona fore reliqua. Ille nihil cunctatus, collecto exercitu, motisque continuo castris, ad Navarrae fines pervenit. Periculo cognito Joannes Rex Regina uxore cum filio in Bearniam dimissis, Pampelonam tueri constituit. Verum imbecillæ dum essent vires, opinione faciliora omnia Albano exstiterunt. Dedita Pampelona, reliqua protinus secutura sunt visa. Joannes consilii inops Albano nuntiat, facturum se, quæcunque essent imperata. Responsum, expectandum a Ferdinando Rege mandatum.

Missi Legati acerbis conditiones retulerunt: Regnum Navaræ traderet universum, in potestate Ferdinandi futurum.

Navarra ad
Ferdinan-
dum.

dum bellum sociale esset adversus Gallum, & Ecclesiæ dissidia componerentur: ac deinde, quamdiu esset visum. Fidei pignus esset Henricus filius in Castella educandus. Erat iniquum, Regnum & filium postulare: nec ullum tempus restitutioni præfigere. Ergo irritatus ea severitate Navarrus, rebusque in Hispania diffusus, in Galliam per Pyrenæos transcendit. Regis discessu nuntiato, facile tota Navarra se Ferdinando dedit, una duntaxat vel altera arce vim experiri ausa.

Interim ex Gallia missæ copiæ auxiliares Bearniam pervenerunt. Major expectatio famaue, quam successus: Albano Pyrenæos insidente, atque aditum prohibente. Sollicitatus tunc Orseti Marchio Anglorum ductor, ut, via nunc in Aquitaniam aperta, communibus viribus provincia illa invadatur. At ille, sive Gallico auro, ut quidam existimabant, corruptus, sive pertæsus tantæ Hispanorum in Navarra moræ, quam expugnari nolebat, præcise negavit, jam tempus esse negotii perficiendi, autumno præcipiti, militeque suo aëris insolentia acciso. Hispanos non communem sociorum, sed suam privatam agere, de Navarra regno adjiciendo sibi sollicitos; de Aquitania parum curare. Ex actionibus facile de mente cogitari posse. Destinatum sibi, in Angliam regredi, nullo moræ ulterioris pretio, præter inanes sumptus & militum interitum.

Gallorum
conatus.

Interea Navarrus cum justo Gallorum exercitu, superatis vallium faucibus montiumque jugis, in Navarram irrumpens, haud magnum operæ tantæ pretium cepit, cum & Hispanum militem, & montanos homines, frigore & laboribus duratos, obistentes inveniret. Admotis nihilominus ad Pampelonam castris, eandem obsedit, in veteri incolarum fide spei fiduciæque summam constituens: sed irrito conatu in Galliam recedere coactus est, consumpto milite, pecunia, spe.

Is belli Navarrai finis tunc fuit, Ferdinando gloriosus & ap-
prime utilis, cum hac ratione universam Hispaniam in unum corpus colligeret: Joanni vero Albretano prorsus exitialis. Deditæ quæ supererant arces. Pampelona castello munita, adversus externum internumque hostem. Equidem Lautrechius, Aquitaniae Præfectus, novam expeditionem adornabat. At interim anno 1513. Gallus & Hispanus inducias pacti sunt: ille de Mediolanensi Ducatu, hic de Navarra Regno retinendo sollicitus, nulla Joannis Albretani, aliorumque habita ratione. Atque ita regno extorris in Bearnia sua vixit usque ad annum 1516. quo & antiquus & novus Navarra Rex obiit, coram altiori tribunali causam acturi.

Joan-

Joanni in titulum Navarræ Regis successit *Henricus* filius; cuius misertus *Franciscus I.* Rex Galliarum, alioquin *Carolo V.* ob præreptam coronam Cæsaream insensus, cum is in Germaniam abcessisset, & Hispani, Belgarum dominationem non ferentes, varios tumultus cierent, Navarræ Regnum cum ejus capite Pompejopoli seu Pampelona (cujus arcem *Ignatius de Lojola* defenderat) anno 1521. expugnavit, ac *Henrico Albretano* consignavit. Verum eodem adhuc anno *Carolus V.* Gallis ultra Pyrenæos ejectis totum Regnum recuperavit. Atque ab eo tempore Navarræ Regnum Hispanorum Regum provincia fuit.

Dictum autem hoc Navarræ regnum, de quo hætenus egimus, trans Pyrenæos in Hispania situm, deinceps fuit *Navarra superior*, de quo nihil nisi titulum retinuerunt Galli. Ex autem ditiones, quas Albretani in Gallia possidebant, videlicet Albretum, Bearnia, & Eboricensis ditio, *Navarra inferior* sunt appellatæ.

Henricus Albretanus eo, quem dixi modo, spoliatus Regno, anno 1555. defunctus, uxorem habuit *Margaretham*, *Francisci I.* Galliarum Regis sororem, magnam ac liberalem hæreticorum nutricem, quam illi decimam Musam, & quartam Charitem appellarunt. Ex ea *Henricus* unicam filiam *Joannam* genuit, *Antonio Borbonio* nuptam. Quæ illi præter ditiones, a Domo Albretana in Gallia possessas, in dotem attulit titulum in Navarræ regnum. Et hinc *Joanna* ista septima erat fœmina, quæ titulum saltem Navarræ Regni in alienam familiam intulit, nempe *Borbonicam*, in qua hodiedum perseverat.

Porro *Joanna* cum materno lacte hæreseos venenum suxerat, illoque etiam maritum suum *Antonium Borbonium* infecerat. Verum ille, sive perspecta Hugonotorum fucata labe, sive Regni Sardiniae, aut Navarræ recuperandæ spe, abjuratis Calvinii erroribus, Catholicorum adversus Hugonotos partes amplexus, in obsidione Aureliæ anno 1562. lethali vulnere prostratus, atque in urbem expugnatam Helvetiorum humeris portatus, obiit, fide dubia.

Suscepit ex *Joanna* *Henricum IV.* Galliarum postea & Navarræ Regem; quem mater, ex assè Calviniana, eadem hæresi imbuir: quam denique anno 1593. serio ejuravit, Regnumque Franciæ est adeptus, magnus deinceps Religionis defensor. Titulumque (ut etiam omnes ejus successores) *Franciæ & Navarræ Regis* gessit.

ARTICULUS V.

Status Ecclesiasticus ordinatus per Concilia in Hispania sæculo XVI.

Quamvis Ecclesia Hispana sæculo XVI. in communi illa calamitate, regum Catholicorum auctoritate, Episcoporum clerique zelo, atque sacrae inquisitionis vigilantia conservata sit integra, atque in novum etiam orbem in immensum provecta, celebrata nihilominus & hoc sæculo sunt aliqua concilia Provincialia, ad reformandos mores, & disciplinam Ecclesiasticam restaurandam.

§. I.

Concilium Hispalense anno 1512.

25. **C**onvocatum fuit concilium istud Provinciale a Didaco Deza Archiepiscopo Hispalensi Andalusiae Metropolitano. Is in prima sessione orationem ad Episcopos Suffraganeos, Gadicensem, Malacensem, Sylvensem, Canariensem, Marrvecensem, aliosque Prælatos, de synodorum præstantia, in illa maxime verba: *Ubi duo vel tres sunt congregati in nomine meo, ibi sum in medio eorum.* Publicati 64. canones: quorum hæc summa.

I. De Parochorum Officio.

26. 1. Parochi doceant diligenter mysteria fidei, doctrinam sacramentorum, orationes Ecclesiæ. Adfint hæc in templo descripta in tabula.
2. Cum in provincia Hispalensi plures adsint, a Judaismo & Mahometismo conversi, speciali catalogo illos Parochi annotent, & in visitatione de eorum instructione rationem reddant.
3. Commendatur Parochis diligentia in administrandis Sacramentis, reverentia in deferenda ad ægros Eucharistia &c.
4. Medicis sub excommunicatione præcipitur, ut observent Decretalem *cum infirmitas de pœnit. & remiss.* atque ante omnia infirmos moneant de procuranda salute animæ per confessionem &c, alias non amplius accedant. Parochi ad ista invigilent.

II. De

II. De pœnis in criminosos latis.

5. Excommunicatio aliæque pœnæ statuuntur in eos, qui utuntur vaticiniis, magicis artibus, fortilegiis, & maleficiis.
6. Singulis annis publicentur censuræ aliæque pœnæ, peccatis publicis, clandestine contrahentibus, aut in gradu prohibito, statutæ: item in polygamos, concubenarios, usurarios latæ.
7. Urgetur gravibus pœnis præceptum annuæ confessionis & communionis.
8. Statuuntur pœnæ in eos, qui ultra annum perstiterint in excommunicatione contumaces.
9. Executoribus præcipitur, ut diligenter exequantur ultimas voluntates.
10. Commendatur festorum observatio.
11. Statuuntur pœnæ in eos, qui non audiunt Missam majorem, aut non servant jejunia.

III. De Officiis Divinis.

12. In recitatione Divinorum officiorum, ceremoniis, ritibus omnes Ecclesiæ se conforment Metropolitanæ.
13. Commendatur diligentia, devotio, modestia in choro sub horis canonicis. Tempore Missæ Majoris non celebretur alia Missa, nec colligatur eleemosyna.
14. Tempore Interdicti observetur *cap. alma mater de sent. excomm.* in 6. Missæ & Divina officia celebrentur januis clausis; exceptis diebus Nativitatis, Resurrect. Pentecost. Ascens. Corporis Christi cum sua octava. Baptismus omnibus conferatur, item pœnitentia: eucharistia tantum ægrotis. Extrema unctio nulli. Sponsalia permittuntur, non autem matrimonium. Sacra sepultura solis clericis non conjugatis, qui non fuerint violatores Interdicti.
15. Parochi possunt fungi suis officiis etiam sede vacante, & absolvere a casibus reservatis sibi antea concessis, sine nova facultate.
16. In legendis Missis defunctorum voluntas impleatur.
17. Sacerdotes nullum pactum aut conventionem faciant de applicandis Missis, exequiis &c. sed iis peractis detur consueta eleemosyna, ex iustitia debita.
18. Extra Ecclesiam Missa non facile celebranda.

19. Ac proin nullus Sacerdos celebret in portatili, nisi privilegium a Papa obtentum ordinarius examinaverit, an non sit ob- vel subreptitie obtentum.
20. Matrimonia celebrentur in Ecclesia parochiali.
21. Abolentur repræsentationes mysteriorum, Nativitatis, Passionis, Resurrectionis Domini, propter abusum & scandalum infirmorum.
22. Pulsus ad salutationem Angelicam fiat post occasum solis in omnibus Ecclesiis simul, præeunte Ecclesia principali.

IV. De vita & honestate clericorum.

23. De vita & honestate clericorum, præscribitur modestus vestitus, pallium & collare amplum, corona, capillus brevis, barba rasa. Vetantur vestes fericæ, violaceæ, virides, saltus, cantiones profanæ, cauponæ. Nec accedant ad locum, in quo currunt tauri, sub pœna 20 regalium.
24. Clerici in Sacris constituti saltem in Nativitate Domini, Paschate, & Pentecoste confiteantur & communicent. Possunt eligere confessarium, qui potest eos ab omnibus absolvere casibus Episcopalibus, exceptis per saltum ordinatis, aut sine licentia Prælati, violatoribus Ecclesiæ, sortilegis, perjuris &c.
25. A fortiori Sacerdotes possunt eligere confessarium.
26. Concubinas dimittant intra novem dies: alias incarcerentur, & tertiam partem fructuum amittant.
27. Clerici non sint præsentés baptismo, matrimonio, aut exequiis suorum filiorum, filiarum, aut nepotum, nec illos secum ducant: nec legatum aut dominationem faciant ulli mulieri, quam pro concubina habuerant.
28. Clerici se non immisceant negotiationi sæculari aut mercimonio.
29. Parochi quolibet anno mittant ad ordinarium informationem de vita & moribus clericorum suæ Parochiæ.
30. Præcipitur Beneficiatis residentia.
31. Cum plures Religiosi relictis monasteriis habitum clericorum sæcularium induci involent in Beneficia Ecclesiastica, nulli eorum deinceps conferantur: nec admittantur ad celebrationem Missæ, nisi gestent habitum sui ordinis.
32. Quoniam per intercessionem magnatum plures indigni sunt ordinati, deinceps illi, qui intercessionem ejusmodi procurant, ad ordines decernuntur inhabiles. Ordinandi diligenter exami-

nen-

nentur. Nulli dentur Dimissoriales, nisi præsens sit examinatus, nec nisi ad unum tantum ordinem sacrum.

33. Pro ordinibus nihil solvatur, nec pro charta, aut ratione sigilli, vel subscriptionis. Alias restituendum cum altero tanto.

V. De Matrimonio &c.

34. Graviter prohibentur matrimonia clandestina, seu pœnæ communicationis & multa pecuniaria.
35. Peregrini ignoti ne jungantur matrimonio sine facultate ordinarii.
36. Præter censuras statuuntur aliæ pœnæ in contrahentes cum impedimento,
37. Uti etiam in polygamos,
38. Et blasphemos. (*Statuta ab hoc concilio præter ordinarias pœnas canonicas insuper variis criminibus graves multa pecuniaria, quia hæc sæpius magis absterrent terrenos homines, quam spirituales pœnæ*)

VI. De Jurisdictione.

39. Qui ob delicta ad Ecclesias confugiunt, in iis modeste ac reverenter se gerant; cum uxoribus ibi nullam familiaritatem aut commercium exercent. Nec ultra octiduum ibi morentur absque ordinarii licentia.
40. Nullus quæstor aut collector eleemosynarius permittatur ullas bullas, aut indulgentias promulgare, aut ad concionem dicere, nisi exhibitis litteris ipsius Metropolitanæ, quibus iis faciat licentiam. Qui vero pro pecunia certas indulgentias promittunt, incarcerentur, & collecta pecunia sequestro subiciantur: fraudes etiam omnes & imposturæ quæstorum puniantur. (*Ecce! jam ante adventum Protestantium Hispanensis, uti etiam aliæ per orbem provinciæ, improbarunt, graviterque coërcere conatæ sunt abusus ejusmodi quæstorum eleemosynariorum.*)
41. Ad obviandum variis fraudibus, decernit S. Synodus, ut nulla mandata cujusvis, qui se dicunt Judices Apostolicos, aut a Pontifice Romano habere potestatem judicandi, aut Beneficia referendi, conferendi &c. executioni mandentur, nisi ab ordinario litteræ & mandata prius fuerint visa, & examinata.
42. Nullus clericus mittatur in possessionem ullius Beneficii absque mandato ordinarii.

43. Nullus clericus extraneus admittatur ad celebrandum, nisi exhibitis litteris ordinarii.
44. Cum magna confusio oriatur ex nimia multitudo illorum, qui se dicunt Notarios apostolicos, nullus hoc munere fungatur, nisi prius coram ordinario ratione tituli, creationis, & aptitudinis se legitimaverit.

VII. DE VISITATIONE.

45. Singulis annis Episcopi per se ipsos vel alios viros idoneos Diocesis visitent. Servetur *cap. exigit de censibus*. Ultra procurationes consuetas ne admittant munera. Ne hospitentur in domibus secularium. Personaliter Ecclesias adeant.
46. Nemo praefecturam Ecclesiae gerat ultra duos annos. Coram visitatore, clero, & populi primatibus rationes reddant.
47. Fabrica in Ecclesiis nulla suscipiatur absque mandato aut consensu Ordinarii.
48. Nihil solvatur Notario pro libro visitationis absque mandato & taxatione provisoris.
49. Conficiendus liber authenticus omnium bonorum, possessionum, jurium, ad Ecclesias spectantium. Quia saepius instrumenta contractuum, foundationum &c. perierunt.
50. Eucharistia, chryisma, oleum sacrum asserventur loco decenti, & bene custodito. Singulis octiduis renovetur SS. Sacramentum. Corporalia &c. quolibet mense laventur.
51. Ecclesiarum ornamenta ad alienos usus ne extrahantur.
52. Qui rem Ecclesiae alienaverit, eandem restituat, & insuper in quadruplum condemnatur.
53. Ecclesiae ne muniantur instar arcis, castelli, aut munimenti.

VIII. De Immunitate Ecclesiastica.

54. Qui Ecclesiasticum comprehenderit, occupaverit decimas aut alios redditus Ecclesiasticos, vel impediverit, sequestraverit vel aliquo modo violaverit eorum jura, sive ad hoc dederit consilium, auxilium &c. ultra poenas in jure statutas, privetur ingressu Ecclesiae, & si ante praestitam satisfactionem decesserit, privetur Ecclesiastica sepultura. Locus autem, in quem praedicta bona devenerint, Ecclesiastico subjiciantur Interdicto, donec integram praestiterint satisfactionem.
55. Canon ita habet: *Statuimus, ut in posterum nullus Dominus in temporalibus, nec alia persona, cujusvis status aut conditionis existat*

existat, - - - faciat statuta, aut ordinationes, nec ponat edicta, vel prohibitiones, contra libertatem & immunitatem Ecclesiasticam, directe vel indirecte, faciat contribuere, nec solvere impositiones, & vestigalia Ecclesias, & Monasteria, aut personas Ecclesiasticas; quodque super hoc non committant, vel committi permittant fraudem aliquam, ut indirecte compellantur ad contribuendum; alias personæ particulares, quæ fuerint culpabiles in aliquo ex præmissis, volumus & statuimus, ut ipso facto incurrant sententiam excommunicationis. Civitas vero, oppidum, & locus, qui fuerint culpabiles, & in quibus præfati, vel aliqui eorum resederint, subjiciantur Ecclesiastico Interdicto. Quas sententias minime relaxari volumus, donec satisfecerint. Hæc statuta sunt in Hispania tempore Ferdinandi Catholici.

VIII. De Judiciis.

56. Judices Ecclesiastici causas celeriter expediant, mane & vesperi sedendo.
57. In causis levioris momenti non recipiantur scripturæ, sed expediantur breviter & summarie; in aliis vero causis non plures recipiantur a qualibet parte quam duæ. Exceptiones fori declinatoriæ aut aliæ dilatoriæ intra octo dies probentur.
58. Cum causæ matrimoniales sint magni momenti, tractari non debent nisi a peritis SS. Canonum; neque debent subdelegari, sed ab ipsis Judicibus delegatis decidi. Neque receptio & examen testium debet aliis committi.
59. Provisores & Officiales generales non concedant litteras excommunicatorias propter rem levis momenti.
60. Judices nulla recipiant munera, nec retributiones. Alioquin, ultra pœnas a jure statutas, duplo plus restituant, quam acceperunt.
61. Notarii, & alii ministri tribunalium, non plus exigant, aut recipiant, quam jure antiquo & consuetudine est taxatum. Hæc taxa in tabula descripta publice in curia dependeat.
62. Pœnæ in quatuor partes sunt dividendæ. Primæ cedat Fabricæ Ecclesiæ Cathedralis, altera Fabricæ Ecclesiæ, in qua delinquens est Beneficiatus, aut Parochianus; tertia denuntianti, eique, qui causam prosecutus fuerit usque ad sententiam; quarta operibus piis pro judicio Episcopi.
63. Constitutiones istæ synodales in singulis Ecclesiis descriptæ custodiantur.

64. Approbantur & confirmantur Constitutiones, editæ a Cardinale Didaco Hurtado de Mendoza, Archiepiscopo Hispalensi, de celebratione Missarum, & Sacramentorum administratione.

§. 2.

Constitutiones Didaci de Mendoza Archiepiscopi
Hispalensis confirmatæ a Synodo.

27. 1. **M**issa, ubi tres sunt Beneficiati, una dicatur ante solis ortum, ut artifices & mercatores possint accedere, altera circa horam nonam solemnîs. 2. Cantentur horæ modeste ac devote. 3. Aperiantur Ecclesiæ summo mane. 4. Ne pax porrigatur patenis consecratis. 5. Præcipitur nitor corporalium, linteorum, & ornamentorum altaris. 6. In sacrario asservandæ hostiæ rotundæ, singulis 15. diebus renovandæ. 7. Symbolum in Missa cantetur integrum. 8. Clerici intersint Horis & Officio cum superpelliceis, cantent devote &c. 9. Pervigilia in Ecclesiis propter abusum tolluntur. 10. Cum plures clerici indecenti habitu incedunt, cum capillis effusis, barba proluxa, palliis brevibus & apertis, sine biretis, & aliquando cum vestibus sæcularibus, thoracibus sericis, cingulis aureis & argenteis, annulis, calceis rubris; hæc omnia prohibita sunt. 11. Baptismus ordinarie conferatur per immersionem, non vero per aspersionem. 12. Quia aliqui educantur absque patre, matre & consanguineis, & aliquando dubium est, an sint baptizati, cumque scire oporteat ætatem, & an legitimi sint, præcipue vero, si ad ordines vel matrimonium adspirent, unde etiam impedimenta consanguinitatis, affinitatis, cognationis spiritualis, scire oportet &c. ideo præcipitur parochis sub pœna excommunicationis, ut librum baptizatorum intra 30. dies conficiant, in quo scribat baptizans suum nomen, baptizati, parentum, patrinatorum. Patrini non plures admittantur quam quatuor, sub pœna excommunicationis. 13. In denuntiationibus matrimonii ne dispensetur. 14. Missa ante diluculum ne celebretur. 15. Ne assumantur capellani, nisi sint examinati, & approbati. 16. Pluralitas Beneficiorum vetatur. 17. Distributio fiat tantum præsentibus. 18. Unus sacerdos semper sit præsens in loco. 19. Sacrifa omnes Missas, quæ leguntur, annotet. 20. Dum celebratur Missa solennis, sacrum viaticum non deferatur ad agrotum, nisi in casu veræ & certæ necessitatis. 21. In singulis parochiis proftet tabella, in qua scripti sint excommunicati, ac singulis

lis Dominicis eos Parochus ex hac tabella populo publice denun-
tiet. 22. Absolutus ad recidentiam si reincidat, rursus denuntietur.

23. Violantes clausuram Monialium excommunicantur. 24. Ne
quis luctus causa deferat prolixam barbam ultra duos menses: quia
hic mos est Mahometanorum, a quibus discerni non possent ejus-
modi barbati.

§. 3.

Concilium Toletanum anno 1565.

POST absolutam Tridentinam Synodum ex ejusdem præscripto hoc
Provinciale Toletanum Concilium indixit Christophorus Rogius
de Sandoval, Episcopus Cordubensis, senior inter Comprovincia-
les Episcopos, Concilii Præses: qui in prævia oratione ad Patres
afflictum ob irruentes hæreses Ecclesiæ statum describit, ac Tri-
dentinam Synodum laudat, omnesque ad eandem acceptandam ser-
vandamque hortatur. In tres autem *Actiones* tota Decretorum se-
ries dividitur.

28.

Actio prima.

RECITATUR & recipitur Decretum Tridentini, quo præcipitur, ut
Provinciale Concilium singulis trienniis, Diœcesanum vero
quovis anno celebretur. Præmittitur dein professio fidei secun-
dum formulam, qua sancta Romana Ecclesia utitur. Indicuntur
preces & jejunia pro felici progressu & exitu Concilii: atque ut
sententiæ dicantur absque clamore, strepitu, & spiritu contentio-
nis, fit adhortatio.

29.

Actio secunda.

EPISCOPIS præcipitur Residentia in loco Ecclesiæ Cathedralis. Diœ-
cesin quot annis visitent. Mensa eorum sit frugalis, tria vel
quatuor fercula non excedens, supellex modesta, conversatio cum
piis & doctis. Domestici eorum compositi, sæpius SS. Sacramenta
percipiant. Diœcesanam Synodum quovis anno celebrent. Visitan-
tes, præter id, quod jure debetur, nihil accipiant, etiam sponte obla-
tum. Statuta Ecclesiarum in unum volumen colligi curent. Visi-
tatores, fiscales, & provisores seu Vicarios non alios constituent,
quam sacerdotes. Quolibet mense visitent detentos in carcere.

K k k k k 2

Judi-

Judicia Ecclesiastica legitime instituantur. Promotor fiscalis neminem accuset, nisi quem gravat infamia. Pœnæ pecuniariæ in pios usus applicentur. Officia eorum, qui jurisdictioni inserviunt, non vendantur. Officiales diligenter visitentur, & muneris gesti rationem reddant. Clericorum, qui ab intestato decedunt, bona piis usibus addicantur. Pervigilationes nocturnæ in ecclesiis tolluntur: uti etiam mos ille puerilis, festo SS. Innocentium in templo eligendi Episcopum, aliique ludi theatrales, atque spectacula.

Clerici in nullis ludis personam agant. Nunquam larvati incedant. Fœminas vitent. Mensa & supellex sit modesta. Ad Parochias promoveantur per concursum, juxta formam Tridentini. Examinatorum pars tertia sit ex capitulo cathedrali, altera tertia ex Regularibus, tertia ex aliis clericis. Residencia districte parochis accuratis præcipitur. Erigantur ex bonis matricis Ecclesiæ curatiæ, ut populus dispersus sacris interesse possit. Præbenda Canonialis primo vacatura conferatur Theologo, qui doceat. Dignitates omnes conferantur Doctoribus in Theologia aut Jure Canonico, aut Licentiat: uti etiam media saltem pars Canonicatum. Qui post resignationem Beneficii partem fructuum retinet absque permissione Sanctæ Sedis Apostolicæ, vel etiam a sponte dantibus acceperit, eo ipso tam ipse, quam is, qui post resignationem Beneficium consecutus fuerit, tanquam contra suspectos de Simoniaca pactione procedatur ad punitionem secundum canonicas sanctiones.

Actio tertia.

Episcope publicum archivum habeant, cum inventario omnium rerum, jurium, instrumentorum &c. Nec ulla scriptura originalis inde amoveatur. Episcopus quovis biennio hoc archivum visitet. Non ordinentur, nisi idonei, & quibus statim Beneficium conferri possit. Concionatores procul ab omni ostentatione verbum Dei prædicent, scelera increpent, non personas. Parochi per se ipsos vel alios singulis festis paulo post meridiem pueritiam instituant Doctrina Christiana; omnes Ecclesiæ Ministri, qui Missam non celebrarunt, Festis Nativitatis, Cœnæ Domini, Pascatis, Pentecostes, S. Petri, Assumptionis B. V. Mariæ, Patrocinii Ecclesiæ, SS. Eucharistiam sumant ab eo, qui Missam solennem celebrat. Commendatur silentium, modestia, devotio in choro. Tertia pars proventuum ex Beneficiis separetur in distributiones quotidianas. His autem careant, qui serius veniunt, aut ante finem discedunt.

Capitu-

Capitulorum conventus bis tantum in hebdomade habeantur, ne Divina officia negligantur. Qui vocem non habent in capitulo, non admittantur. Quibus cura pastoralis commissa est, non avocentur officio Judicis ordinarii vel delegati universalis appellationum. Laici choro clericorum psallentium abesse jubentur. Ecclesiæ indigentes ex decimis reparentur: salva tamen consuetudine, si populus concurrere soleat.

Clerici ne sint laicorum æconomi, aut in foro civili procuratores, sub pœna suspensionis a Beneficio & officio ad sex menses: nisi pietas aliud exigit. Decernuntur pœnæ in clericos concubinariorum, usque ad privationem Beneficiorum. Nec domi liberos illegitimos habeant, ne præteritæ incontinentiæ memoriam excitent. Quando ordinarius aliquem ab officio vel Beneficio suspendit, non possunt Canonici vel alii ei negotia capituli demandare, vel de mensâ capitulari ei subvenire.

Beneficiati, etiam simplices teneantur tempore quadragesimæ, & quando ob indulgentias est affluxus populi, parochum juvare in audiendis confessionibus. Alioquin ab ordinariis puniantur. Ludimagistri & alii præceptores diligenter instituunt pueritiam doctrina Christiana.

Qui studiorum causa absentes fructus Beneficii volunt percipere, ab Episcopo prius examinentur, an sint idonei: nec ultra annum sint absentes, nisi Episcopus, visis testimoniis, eis tempus proroget.

Quando ex præcepto sacra communio est sumenda, a parocho, aut ab alio ipsius parochi aut ordinarii licentia illam suscipiat. Commendatur majorem in modum clausuræ monialium.

Cum spectacula, in quibus a plebe in foro vel in circo tauri agitari solent, nequaquam sub votum cadere possint, etiam totius populi consensu edita declarantur irrita, eaque deinceps fieri sub excommunicatione prohibetur. Nec ullus clericus id genus spectaculis intersit. Commendatur Seminarii erigendi cura.

Quia ad corrigendos excessus, reformandos mores, ac restaurandam, si collapsa fortasse alicubi sit, Ecclesiasticam disciplinam sacre synodi more majorum atque ex Tridentini præscripto sint instituendæ, designare oportet pro qualibet Diœcesi viros doctos, qui inquirent, quæ correctione indigeant, eaque ad concilium referant. Designati per singulas Diœceses tales inquisitores.

Denique subscripserunt Episcopus Cordubensis Senior, ac Concilii Præses, Episcopus Seguntinus, Segobienſis, Paletinus, Conchenſis,

sis, Oxomenfis, Abbas de Alcala Regali, & Valdesius Cordubensis provisor, Concilii Secretarius.

Henricus Spondanus Apamiensis Episcopus in annalibus suis Ecclesiasticis ad annum 1565. memorat, præter Toletanum, quatuor alia Concilia Provincialia in Hispania fuisse celebrata, videlicet, Salamanticense, Bracarense, Cæsar-Augustanum, & Valentinum; quorum tamen acta juris publici necdum sunt facta. Hinc optandum foret, ut observat Philippus Labbeus, ut revivisceret aliquis Garfias Loaisa, qui Hispanica Concilia a tempore Pelagii Regis, ex Bibliothecis, & Bibliopoliis diligenter educta, publicaret.

C A P U T II.

De Regno Lusitaniæ.

30.

Hispaniæ olim provincia fuit Lusitania; eademque cum illa habuit fata, sub Celtis, Carthaginensibus, Romanis, Vandalis, Gothis, ac Mauris, qui ultimi 400. annis eandem possederunt, quamvis Christiani Legionis Reges sæculo VIII. IX. & X. magnopere sint conati, eandem servituti subtrahere. Felicioribus auspiciis res acta est sæculo XI. quippe Ferdinandus I. Castellæ & Legionis Rex anno 1040. Visum ipsis & Conimbricam eripuit. Cumque multi exteri, Galli præsertim, Christianis venirent auxilio, atque ad urbem Portum navibus exscenderent, tota provincia dici cæpit *Protugallia*.

Henricus
Burgundus.

Hos inter nobiles peregrinos erat *Henricus*, Burgundiæ Ducis frater, Roberti Galliæ Regis pronepos, ac Hugonis Capeti abnepos. Huic Alphonsus VI. Ferdinandi I. quem dixi, filius ob præclaram adversus Mauros navatam operam Theresiam filiam suam, impari quidem thoro natam, sed per subsequens matrimonium natalibus restitutam despondit, cum dote earum urbium, quas in Lusitania a Saracenis vindicaverat. Hispani fiduciario duntaxat jure concessas scribunt, directo dominio penes Legionis Reges remanente. Sed Lusitani id inficiantur, atque ab omni clientelæ nexu jam tum fuisse liberas contendunt.

Atque ex tenuibus istis initiis surrexit regnum in extrema ad occiduas plagas Europa, non quidem admodum spatio amplum, sed soli fertilitate, urbium frequentia, portubus, Tagi, Durii, Guadianæ, Mundæ, Minii, aliorumque fluminum opportunitate, comprimis no-

bile.

bile. Prælongo tractu a Septentrione Gallæciam, ab Ortu Legionem, Castellam, Extremaduram, & Andalusiam attingit, ab Occidente vero & Meridie Oceanum allambit, auspiciis navigationibus in omnes quatuor orbis partes se diffusurum. Quamvis autem de hoc regno in superioribus sparsim sit facta mentio, placet tamen hic schema aliquod colligere.

ARTICULUS I.

De Lusitania sub Regibus usque ad sæculum XVI.

Henricus Burgundus, acceptis in dotem iis Lusitaniæ urbibus, quæ eo usque in Christianorum potestatem venerant, ^{31.} Alphonfus I. nimbrica videlicet, Viseo, Bracara, Portu, Lameca &c. expeditionem sacram post mortem Bullionii in Palæstinam suscepit. Indeque redux obiit anno 1112. Filius ejus *Alphonsus I.* comprimis memorabilis, usque ad annum 1139. Comitis titulo patris exemplo usus, vitricum suum matremque, tumultum molientes, acie victos, carcere coercuit: represso Castellano, qui illis auxilio venerat. Tum vero in Mauros conversus, qui pleraque Lusitaniæ adhuc tenebant, licet non plures, quam 12000. sub signis haberet, quinque eorum Reges, exercitum 40000. militum adducentes, ingenti prælio profligavit (anno 1139.) Rex propterea acclamatus a victore exercitu, a quinque devictis Regibus novi Regni insignia hausit, quinque scutis cæruleo impressis.

Victoriæ.

Anno 1147. ipsam *Oxyssipponem*, urbem Lusitaniæ principem, ope classis in Palæstinam tendentis, Saracenis eripuit, futuram deinceps sedem regiam, ac florentissimum commerciorum emporium: Patriarchatu, Archiepiscopatu, & Academia hodie celebrem (anno 1166.) Accessit *Ebora*; quam per se ipsam conspicuam, Archiepiscopatus deinceps & Academia amplius nobilitavit. Cum autem Pacem Augustam tentaret, a Legionis Rege captus, liberque dimissus sub conditione clientelaris obsequii, anno 1181. Felicius iterum in Mauros irruit, reportata insigni ab Hispalis Rege victoria. Plenusque tandem uti annis ita adoreis obiit anno 1185. ætatis 91. regiminis 73.

Sanctius I. ejus filius anno 1188. rursus auxilio classis cruciatæ *Sanctius I.* in Palæstinam transeuntis *Sylvas* expugnavit, Algarbiæ Regni tunc temporis primariam urbem. Geminæ ejus filiæ, altera nupta Alphonso IX.

Alphonſus
II.
Alcaſaria.

ſo IX. Legionis, altera Henrico I. Caſtellæ Regi, factio propter conſanguinitatis impedimentum Pontificis voluntate divortio, monaſterium ingreſſæ ſunt, Obiit Sanctius anno 1212. æt. 58. regni 26. *Alphonſus II. Craſſus*, propter abdomen ita appellatus, anno 1217. adjuvante Chriſtiana claſſe rurfus e Belgio per fretum Gaditanum in Orientem navigante *Alcaſariam* in Regno Feſſæ expugnavit. Eſtque hæc prima urbs, quam Luſitani occuparunt in Africa, ſemen velut palmarum, in ea orbis parte metendarum. Alphonſus anno 1223. deſunctus ætat. 38. reg. 12. duos reliquit filios; primum *Sanctium II.* qui turbarum pertæſus poſt vigefimum regni annum, abdicata corona terreſtri, monaſterium Toleti ingreſſus eſt, ut cœleſtem ſecuriam inveniret: alterum *Alphonſum III.* quem Luſitani, regnante adhuc Sanctio fratre, quem inertem judicabant, Regem declarari ab Innocentio IV. Lugduni tunc commorante, miſſa legatione petierunt. Verum ut Sanctio Regnum adimeretur, impetrari non potuit. Id ſolummodo conſeſſum eſt, ut Alphonſus ejus nomine, dum viveret, Rempublicam adminiſtraret. Exſtant de hac rei ipſius Innocentii litteræ ad Proceres Luſitaniæ: quæ eſt *capit. grandi 2. de ſupplend. neglig. Prælat. in 6.*

Fleſtii fides.

Verum non omnium Luſitanorum eadem erat mens. Conimbrica præſertim ſe oppoſuit; cujus Gubernator Martinus Fleſtius a multis ſcriptoribus celebratum edidit ſpecimen invictæ fidei; nam urbem ad extremam licet inopiam redaſtam, dedere tamen Alphonſo recuſavit; morte etiam Sanctii, cui fidem juraverat, nunciata. Cogniturus enim veritatem Toletum eundi veniam ab Alphonſo petiit. Dat ille, ſuſpenſa interim oppugnatione. Fleſtius Toletum delatus, aperto Regis deſuncti ſepulchro, Conimbricenſis urbis claves manibus ejus inferit his verbis: quâmdiu Rex vivere te judicavi, extrema omnia ſum perpeſſus. Coriis famem toleravi, ſitim lotio. Alphonſo fratri tuo ne amplius reſiſtant cives, quos hætenus continui, te concedente auctor ero. Rediit Conimbricam, eamque tradidit.

32.
Interdictum.

Alphonſus Mathildem conjugem ſuam repudiavit, duxitque Alphonſi X. Caſtellæ Regis filiam naturalem, cum dote *Algarbiæ*, eos inter prius controverſæ. Monitus ab Alexandro IV. ut ad primum conjugium redeat, ſed parere recuſans diris devovetur, totumque Regnum Interdicto ſubjicitur: quo 12. annos permanſit illigatum. Dum neque Rex mutat, neque Pontifices cedunt, innocente populo Principis ſui improbitatem & contumaciam luente. Scribitur, eum ex priori uxore ſuſcepiffe filium Robertum: ex quo deſcendens Catharina Medicæ Regina Galliæ anno 1580. Luſitaniæ coronam præſtendit.

tendit. Obiit Alphonsus, Algarbia ex Maurorum manibus extracta, anno 1279. æt. 69. reg. 35.

Successit *Dionysius*, ex secunda conjuge susceptus; qui anno 1290. celeberrimam Conimbricæ Academiam fundavit: cives artibus, paganos agricultura, omnes laboribus ita assuefecit, ut toto regno nemo mendicaret. Conjugem habuit *S. Elisabetham*, Petri III. Aragoniæ Regis filiam, pecuniis in rosas, aqua in vinum conversa, sanatis ægris, aliisque prodigiis claram. Aulicus alterum de nimia familiaritate cum ea apud Regem criminabatur. Rex jubet calcario primum ex aula ad se venturum in fornacem calcariam injicere: accusatus missus in via Missam audit: accusator avidus occurrit, correptusque a calcario in fornacem ardentem injicitur. Obiit *Dionysius* optime de regno meritis anno 1325. æt. 64. reg. 46. ex concubina reliquit Sanctium Comitem *Albuquerqueum*: ex legitimo vero thoro ei natus est.

Alphonsus IV. qui anno 1340. pars magna fuit ingentis prælii, ad Tariffam cum Saracenis commissi, quo 200000. Barbarorum cæsa dicuntur. Discordias eum inter & focerum Castellæ regem exortas *S. Elisabetha* mater pacavit. Obiit anno 1357. æt. 67. reg. 32. Multas ei molestias intulit filius *Petrus Crudelis*, qui patre inscio sibi nuptiali fœdere junxit Agnetem de Castro, e gynecæo puel-
lam. Hac patris jussu a sicariis perempta, actus in furorem filius arma in patrem parabat. De cætero cum laude rexit, *Crudelis* cognominatus ob rigorem justitiæ. ubi observatu dignum, tres eodem tempore *Petros* in Lusitania, Castella, & Aragonia regnasse, omnesque tres, ex diversis licet causis, *crudeles* cognominatos. Obiit 1367. æt. 47. reg. 10. Reliquit ex Laurentia concubina *Joannem* nothum, magnam deinceps turbarum sementem:

Ex justo vero matrimonio *Ferdinandum*, qui florentissimum Regnum pene evertit. Nam defuncto Petro Crudeli Castellæ Rege absque legitimis liberis, jure materno Regnum illud ad se pertinere arbitratus, gravissimum bellum gessit cum Castellanis, qui armis & fortuna superiores ipsam etiam Olyssiponem obsederunt. Adhæc *Tellesiam* Acunio marito rapuit, & ex eo adulterio genuit *Beatricem*, quæ *Joanni I.* Castellæ Regi ea conditione nuptui est data, ut liberi ex eo matrimonio nascituri Castellani & Lusitani Regni hæredes essent. Ex quo factum, ut dum *Ferdinandus* hæctenus Castellam sibi vindicasset, deinceps Castellanus vice versa Lusitaniam sit vindicaturus.

Nam Ferdinando (*anno 1383. æt. 44. reg. 16.*) mortuo absque legitimis liberis, Beatrix ejusque maritus Joannes I. Lusitaniam petebant, tum sanguini debitam, tum pactis dotalibus sibi promissam. At totis viribus se opposuerunt Lusitani: Beatricem ex adulterio esse conceptam, ac proin juris hæreditarii incapacem: pactis vero nuptialibus non aliud esse transactum, quam ut liberi ex Beatrice & Joanne nascituri in Lusitania succederent: nullos vero ex eo matrimonio natos esse liberos (uti nec postea nati sunt.) Elegerunt igitur Lusitani sibi Regem *Joannem* Ferdinandi fratrem nothum, ex *Laurentia* concubina a *Petro Crudeli* susceptum. Igitur Castellanus armis jus suum persecuturus, cum exercitu in Lusitaniam irrupit anno 1385. & *Olyssiponem*, at incassum obsedit. Anno vero sequenti memorabili prælio fusus, fugatusque est ex Lusitania. Imo anno 1387. Lusitani Anglis juncti in Castellani Regnum irruentes, eas in angustias Regem conjecerunt, ut anno 1388. abdicatis suis juribus Joannem nothum Lusitaniam Regem agnosceret, pace ea conditione impetrata. Atque hac ratione mutæ vices sunt redhibitæ, *Henricus* nothus Lusitanos a Castellæ throno, & *Joannes* nothus Castellanos a Lusitaniam coronam exclusit.

Atque hoc pacto *Joannes I.* Lusitaniam Regnum adeptus, strenue illud gubernavit. Bello cum Castellanis recrudescente per inducias pacato, in Mauros feliciter arma vertit, eisque anno 1415. *Septam* (*Ceutam*) per filios suos eripuit. Ex his unus *Henricus*, mathematicis disciplinis probe imbutus, ac navigationibus assuetus anno 1420. *Maderam* Insulam in mari Atlantico detexit. Obiit *Joannes I.* anno 1433. æt. 76. reg. 48. Reliquit sex filios, *Eduardum*, *Petrum*, *Henricum*, *Joannem*, *Ferdinandum*, ex justo thoro, ex sequiore *Alphonsum Bragantiæ Ducem*, cujus posterum thronum aliquando conscendent.

Eduardus quinque tantum annos regnavit, calamitatibus uberes. Nam quinque ejus fratres, magno animo Principes, cum Lusitaniam angustiam eorum spes non impleverunt, prolaturi in Africam imperium, cum cruce signatis, quibus *Eugenius IV.* peccatorum veniam concesserat, anno 1437. expeditionem suscipiunt: sed plane infamam. Nam 6000. militum navibus impositis *Septam* appulsi, *Tingim* (*Tanger*) ad fretum *Herculeum* urbem, a qua olim *Fessæ* & *Marocci* regnum *Mauritania Tingitana* est appellatum, oppugnare decernunt. Verum *Phutensis* & *Maroccii* Reges alique *Africani* Principes cum innumerabili Barbarorum multitudine auxilio accurrunt, confertoque prælio Lusitanos ad pacem flagitandam co-

gunt.

Solum
cum Ca-
stellanis.

34.
Septa.

Madera.

Expeditio
Africana
infamata.

gunt. At illi pacem negant, nisi Septa reddita, tota Africa decedatur. Grave id erat, neque in eorum potestate: pollicentur tamen, modo incolumibus abire liceat. Dati obsides, ipse Ferdinandus Princeps, aliique viri primarii. Dimissi reliqui in Lusitaniam redierunt. Rex Eduardus ratas habere eas conditiones noluit; luerent obsides, quæ inconsulto tentassent, & temerarie promississent. Relicti igitur in carcere. In quo Ferdinandus illuvie contabuit anno 1443. sexto captivitatis. Sepulchrum ejus Fessæ loco sublimi monstratur; erectum de gente Christiana trophæum. Adhæc pestis atrox per Lusitaniam grassata ipsum etiam Eduardum corripuit an. 1438. at. 37. reg. 5.

Filium reliquit unicum *Alphonsum V.* sexennem puerum (quem jam antea *Principem Portugallia* appellari voluit) sub tutela matris Eleonoræ. Verum provinciales ea domum remissa, Petrum Alphonfi patrum tutorem constituunt. Qui decem annos eo munere graviter functus, Alphonso, sexdecim tunc annos nato, & Regnum, & filiam suam uxorem tradidit. Sed remotus a gubernaculo, atque Conimbricæ privata vitæ se dedens, malorum hominum suggestionibus a Rege, & cliente, & nepote, & genero, insidias passus, cum Olyssiponem occupaturus militem duceret, certamine commisso interfectus est (anno 1449.) Negata diu mortuo sepultura. Anno sequente pariter Isabella Petri filia, Regis conjux mœnore haud dubie ob necem paternam extincta est. Jacobus Petri filius in prælio captus, Romamque missus, purpura donatus est.

Diuturna in Lusitania pax has turbas excepit; nam Alphon-
sus ætate confirmata sapienter rempublicam gessit: bello postea sus V.
Maurico felicior quam Castellano. Nam cum Calixtus V. ad expeditionem in Turcas adornandam eum esset cohortatus, huic operi immortalis est; malueruntque complures Christiani Principes adversum se ipsos, quam Christianæ fidei hostes, bella gerere. Alphonfus tamen milites, quos ad bellum sacrum conduxerat (cusa tunc etiam primum moneta *cruciata*) in Africam duxit, atque Tin-Tingis, gim, frustra alias tentatam, Saracenis eripuit (anno 1458.)

Gravissimo dein ætate jam devexa bello implicitus cum Castellanis (quod *part. 6.* in Castellanis retuli) nam Joanna ejus soror nupta fuerat Henrico IV. Castellæ Regi. Hoc mortuo ingens de regno contentio. Pepererat Joanna filiam, quæ pariter *Joanna* est dicta: quam multi Henrici Regi, quem impotentem credebant, suppositam existimabant: atque *Isabellam*, ejusdem Henrici sororem

hæredem regni declarabant. Opposuit se pro nepte sua Alphonſus V. Rex Luſitaniæ, belloque Caſtellanis illato viſtus reſceſſit; fruſtraque appellato de auxiliis Ludovico XI. Gallia Rege anno 1480. pacem inſit: qua Caſtellam Iſabellæ & Ferdinando Catholico liberam reliquit, deſponſa tamen Iſabella, eorum primogenita cum Alphonſi ex filio nepote. Qui tamen nono ætatis anno mortuus, ſpes Luſitaniæ deſtituit.

Obiit Alphonſus V. anno poſt pacem initam proximo 1481. æt. 49. reg. 43. præcipua animi pietate, captivis liberandis, qui vincti in Africa detinebantur, magnam veſtigialium partem impendit: manſueta atque pacata præditus indole, aulicorum tamen fluctibus obnoxia.

85.
Joannes
II.

Luſitaniæ regnum *Joannes II.* a morte patris ſuſcepit, ab animi præſtantia & rerum geſtarum gloria cognomento *Magnus*. Graves ſimultates cum Caſtellæ Regibus per totam vitam, quas pater ſimplicius, ipſe callidius eoque implacabilius, exercuit. Odium in Proceres vertit, quos Caſtellæ rebus favere ſuſpicabatur. Judiciorum ſeveritas, in ditionibus etiam Regulorum per liſtores in fontes exercita, adeo multorum animos a Rege alienaverat, ut armis vindicanda privilegia, majorum meritis data, decernerent. Factionis iſtius ſeditioſæ capita erant Ferdinandus Dux Briganſinus, & Jacobus Viſei Dominus, Regii ſanguinis Principes: quos multi ex primariis familiis Proceres, Eccleſiaſtici etiam ordinis, ſequebantur.

Conſpiratio
deſectæ
82.

Atrocis conſpirationis indicium hac occasione factum. Conventus Regni omnino frequentes Rex Eboræ celebrabat. Procerum in iis libertas conſtricta lege. Querebatur *Brigantinus*. Excutiuntur tabulæ, Regumque Diplomata, Brigantinis Ducibus data. Inveniuntur in iis instrumenta ac conſilia, cum Rege Caſtellæ initia, Reipublicæ exitia: atque ad Regem deferuntur. Rex Brigantino amice exprobrat, condonatque. Negat ille facinus. Si falleret, dira caput ſuum imprecatione execratur. Omnia ad ſimulationem compoſita. Animum Ducis non mutat Regis benevolentia; qui teſtes perſidiæ litteras clam habebat. Novo indicio deteguntur vetera conſilia cum Caſtellæ Rege repetita. Conſtringitur vinculis Brigantinus, atque prolatis tabulis majeſtatis damnatus, capitis ſupplicium ſubiit, (anno 1483.) cum ſex aliis nobilibus Luſitanis, confortibus ſcleris. Fratres ac filii Birgantini in Caſtellam fugiunt.

Tragedia.

Sed necdum ſedata perſidia. Licet enim Viſei dux propter ætatem teneram ſit donatus venia, animi tamen conjuratorum nec prio-

priori severitate, nec recenti clementia moventur. Sed clanculum cœtus agentes, temporum conditionem acerbè conqueruntur, feruituti proximam: paucorum dominante potentia, reliquos vulgus esse sine auctoritate. Brigantium, quoniam eam indignitatem ferendam non putasset, capite luisset: ejus exemplum ad singulos posse recidere; cædem cæde expiandam. Rege autem sublato, Regnum Viseo decernunt. At dum tempus rei perficiendæ expectatur, Regi conjuratio detegitur. Impii Regem templo egressum perimere parabant. At ille vitato periculo, Viseum ad se accersitum pugione confodit; illud modo fatus: ito, Brigantino renuntia exitum conjurationis, ab ipso inchoatæ. Erat Viseus 20. annorum juvenis, Emmanuelis, qui postea regnum est adeptus, frater senior: cui Rex omnia perempti fratris bona attribuit. Ex conjuratis aliis nonnulli capti. Eboræ Episcopus cum aliis in Castellam aufugit. Ea merces ac finis tetraë conspirationis. Exules postea ab Emmanuele Rege sunt patriæ & fortunis suis redditi.

Joannes, supplicio de fontibus sumpto, magna cum laude Regnum gessit, ac fundamentum jecit quæstuosis in Indiam navigationibus, itinere usque ad *Promontorium Bonæ Spei* aperto, ut postea ^{Promontorium Bonæ Spei} prolixius memorabitur. Ut tamen Italico bello adversus Franciam se implicaret, nulla Ferdinandi Catholici hortatione adduci poterat, amicitiam a multis annis cum Gallo stabilem excusans. Et erat Pontifici subiratus: a quo impetrare non potuerat, ut Georgium ejus ex impare thoro filium diceret legitimum. Deliberatum siquidem habebat, præteritis legitimis patruelibus, eundem ex assè hæredem scribere. Cum autem facile prospiceret animo, quantos ea res motus esset concitatura, mutata sententia, Emmanuelem patruelem suum, perempti Visei fratrem, testamento designavit, substitutp Georgio filio, si eum contingeret sine prole decedere. Interim vero eundem Emmanueli commendatum Conimbricæ Ducem nominavit.

His ultima voluntate dispositis obiit anno 1495. æt. 40. reg. 14. clementia, pietate, severitate in fontes, ingenio sublimi ac præstanti, tenaci ac fideli memoria, cæteros sua ætate Reges exæquavit, plures etiam superavit. Symbolum ejus erat Pelicanus, sanguine prolescto pullos nutriens, cum Lemate: *Pro lege & grege*. Sacerdotii cultor erat eximius: manus eas veneratus, quæ & absolutionem a peccatis, & Christi corpus sibi impertirent.

ARTICULUS II.

De Rebus Lusitaniæ sæculo XVI.

Joanne II, magno bonorum lustu extincto, aliqua de successio-
ne erat contentio. Alphonsus filius nono ætatis anno decesser-
at quadriennio ante patrem. Georgium superstitem excludebant
natales. Maximilianus Cæsar Emmanuelis patruelis, regnum sibi
deberi putabat. Natus siquidem erat ex Eleonora, Alphonsi V.
sorore natu maxima, Joannis II, amita: Emmanuel vero ex Ferdi-
nando, Alphonsi fratre juniore, Joannis II, patruo. Contendebat
igitur Cæsar, in pari propinquitate priorem spectandam lineam, si-
ve ex fœminea sive ex virili collateralis linea descendat. Se igitur
Eleonoræ senioris filium præhabendum Ferdinandi junioris filio.

Emmanue-
lis re-
gaum.

Emmanuelis causam gentis studia evicerunt, præclaræque do-
tes corporis & animi, quibus nulli ea ætate Principi concedebat.
Igitur Emmanuel proclamatus Rex Lusitaniæ more majorum regni
ordines ad Generalem conventum convocavit: ubi Georgium de-
functi Regis nothum paterno amplexu excepit. Simulque per Lega-
tos Europæ Principibus inaugurationem suam nuntiavit. Judæis ex
Hispania pulsus amplior aliquanto permessa libertas. Decreta in Afri-
cam auxilia, ubi, ut alias memoratum, Joannes I. Septim, Al-
phonsus V. Tingim & Arcillam ad Oceani littora Mauris abstra-
xerant. Menesius Arcillæ Præfectus communicato cum Tingitano
Præfecto consilio, insignem de barbaris victoriam reportavit. *Va-*
scus Gama dein classi a Rege præfectus, Promontorium Bonæ Spei
præterfectus, ipsamque adeo Africam, ad Malabares Calecutum
usque penetravit. Quem postea secutus *Alphonsus Albuquerque*,
qui exstructa in Sinu Persico *Ormo*, anno 1510. *Goam* cepit: fu-
turam sedem Lusitani Proregis: excitatis pluribus variis in locis
munimentis: ut pluribus de rebus Indiæ Orientalis dicitur.

Gama Al-
buquer-
quius.

Ægerrimis equidem oculis hanc Lusitanorum per vastum Ocea-
num navigationem & cum Indis commercandi opportunitatem aspe-
xerunt non tantum Veneti sed etiam Ægyptii: quorum quæstiosa
commercia magnum hac novitate vulnus accipiebant. Quippe eo
usque Ægyptii aromata aliasque merces Indicas per mare rubrum
Alexandriam deportare consueverant: inde vero Veneti per Medi-
ter-

terraneum & Adriaticum eas devexerunt Venetias : ab ea vero ^{Lis de na-} urbe, qua mari qua terra, in omnes Europæ regiones fuerant ^{vigatione} promotæ, ingenti & Alexandrinorum & Venetorum proventu. At vero per Lusitanos commerciorum alveo mutato, facile videbant pristini mercatores, monopolium suum in Lusitaniam transferendum, suæque commercia in immensum minuenda. Quare Veneti, maxime rem suam agi cernentes, non tantum Ægyptios sunt hortati, aliosque Africæ incolas, ut Lusitanis resisterent, sed ipsis quoque Indis metalla subministrarunt, in tormenta adversus Lusitanos, fundenda. Sed omni industria superior erat Lusitanorum constantia.

Qui vasta cogitatione, sub Emmanuale gloriosissimo Rege, omnes orbis partes complexi, non Orientales dundaxat Indias, magnam partem suis usibus servire coëgerunt; sed ad Occiduas etiam solis plagas classe in Americam sub *Alvaro Caprali* emissâ, Brasiliam ^{Capralis.} occuparunt (anno 1500.) Ex qua utraque, & Orientali & Oc- ^{Brasilia.} cidentali fodina, tantæ Portugalliæ sunt opes partæ, ut aurea Emmanuelis tempora dicerent. Ne autem Hispani ac Lusitani novos inventos orbis sibi præriperent, jam ante Alexandri VI. sum- ^{Papæ de} mi Pontificis arbitrio cautum est, ut Hispani 180. graduum itinere ^{cise.} re maritimo ad Occidentales plagas navigarent, Lusitani vero totidem in Orientales: nec alter in alterius tractum irrueret: ac proin pars utraque absque alterius obice intra terminos suos infideles subigeret, & ad Christi jugum suave adduceret. Qua de re Bellarminus lib. 5. de Rom. Pont. cap. 2. ait: *non eo consilio id factum (a Papa) ut Reges isti proficiscerentur ad debellandos Reges infideles novi orbis, & eorum regna occupanda, sed duntaxat, ut adducerentur eo prædicatores fidei Christianæ, ac protegerent ac defenderent, cum ipsos prædicatores, tum Christianos, ob eis conversos. Et simul ut impediret contentiones & bella Principum Christianorum, qui in illis novis regionibus negotiari volebant.*

Quod ut majori utriusque gentis amicitia nexuque propinquitatis eveniret, actum de conjugali fœdere. Emmanuel Rex primo sibi despondit Isabellam, Alphonsi Portugalliæ olim Principis Sponsam, ea tamen lege, ut Judæos ad exemplum Hispaniæ ^{Judæi} Lusitania pelleret. Impuberes igitur iis abrepti christiana fide ^{pulsi.} sunt imbuti, reliquis aut religionem mutare, aut solum vertere jussis. Quo modo alii discesserunt, alii conversi, partim serio, partim ex simulatione,

Ut autem hanc conditionem, vestigalibus suis, ut rebatur, inimicam, iniret, persuasit *Isabella*, Ferdinando Catholico prognata, felix tunc conditio. Nam Joanne ejusdem Regis Catholici filio unico, præmatura morte abrepto, *Isabella* primogenita totius Hispaniæ declarata fuerat hæres. Et fecundum erat Emmanuelis cum *Isabella* matrimonium, nato *Michaële* in spes Hispaniæ & Lusitanæ conjungendæ. Sed Princeps hic bimus obiit, matrem in partu defunctam secutus. Uterque dolor maxime ad Emmanuelem Regem pertinuit, & maritum, & patrem. Hispaniæ jus ad alteram Ferdinandi Catholici filiam Joannam, Philippo Austriaco nuptam, est devolutum, quæ eodem anno (1500.) Carolum peperit, quo Michaël obiit. Necdum tamen Emmanuel Hispaniæ spem posuit: sed *Mariam* duxit anno 1500. ejusdem Ferdinandi Catholici tertiam filiam, prioris suæ uxoris, prius jam cognitæ, sororem, adeoque primo affinitatis gradu sibi conjunctam. Ex qua multa quidem eidem proles: sed multa pariter Philippo Austriaco ex Joanna seniore spes omnes præcidit Lusitanorum.

Spes fra-
stra.

Obitus
Emmanue-
lis.

Obiit Rex Emmanuel anno 1521. æt. 52. reg. 26. postquam Regnum domi compositum atque eximie florens, in Africam, Asiam, & Americam, ingenti terrarum tractu, & opum accessione protendit, Princeps pace & bello summus, ulteriorique ætate multo dignissimus. Thori conjugalis, ferme contra morem illius ætatis Principum, custos erat integerrimus: atque ex primo matrimonio cum *Isabella*, Ferdinandi Catholici filia, in spem utriusque regni, quod dixi, Michaëlem suscepit: ex altera prioris sorore nati sunt ei octo liberi: Joannes III. qui ei successit: *Isabella* Carolo V. Cæsari nupta; (ex qua natus est Philippus II. Hispaniæ Rex, cum jure in Lusitaniam: quam propterea consecutus est postmodum) *Beatrix* Caroli III. Sabaudie Ducis conjux: *Ludovicus* Dux *Pacis Julie* (*Beje*) qui ex concubina genuit Antonium, magnarum postea barbarum fomitem. Ferdinandus & Alphonfus cœlibes obierunt. Henricus Cardinalis Rex aliquando futurus. *Eduardus* Dux *Vimarinus* (*Guimaranes*) ex quo *Maria*, *Alexandro* Farnesio nupta, & *Catharina* Ducis *Brigantini* uxor. Unde utrique prætensio in Lusitaniam, uti postea videbimus.

37.
Joannes
III.

Joannes III. dignus tanto parente filius: major etiam religione: quam per utramque Indiam summo opere promovit, misso ad illas gentes barbaras convertendas S. Francisco Xaverio ejusque sociis, quorum ope innumerabilem hominum multitudinem christiane credendi videndique principiis imbuit: quo pacto plurimas barbaras gen-

gentes devictas in libertatem Piliorum Dei asseruit. Dumque Caro-Religio in In-
lus V. & Franciscus I. ejus coævi, alique per Europam Principes dias.
cruentis inter se bellis, vel nullo vel modico sæpe tantarum concus-
sionum pretio, pertinaciter decertarunt, ipse 35. annis domi in florenti
pace, foris gloriosus, Indiarum opibus, & solatio plenis animarum
spoliis, quiete fruebatur, Lusitania ad felicitatis apicem provecta.
Ejus auspiciis detecta Japonia, multarum deinceps palmarum messis.

Obiit pientissime, uti vixit, anno 1557. æt. 55. reg. 35. Regum
omnium faustissimus; modo numerosior ei proles stirpem in ævum
propagaret. Nam ex Catharina Caroli V. sorere duas tantum pro-
les suscepit, Joannem, & Mariam Philippo II. Hispaniarum Regi nu-
ptam; ex qua Carolus, patris dolor. Joannes ante patrem obiit
anno 1554. relicto tamen ex Joanne uxore, Caroli V. filia, Seba-
stiano, primum post mortem patris, in lucem edito. *Sebastianus* igitur
posthumus, tantas in spes natus, tertio jam vitæ anno Joanni III. ^{38.} Sebastianus.
Avo in Regno successit, sub tutela primæ Catharinæ aviæ paternæ,
quam tamen Henrico Cardinali, defuncti Regis fratri, cedere de-
buit. At Princeps, animo præcellenti, ingenio vivaci, indole opti-
ma, jam decimo quarto ætatis anno Regni habenas ipse moderari
cepit. Eluxit in eo, sub Ecclesiasticorum ferme disciplina educato
(informatore præcipuo Ludovico Gonsalvio, viro integerrimo) spiri-
tus planè igneus, ex lectione expeditionum bellicarum avi sui Ca-
roli V. magis accensus: ingens fidem Christianam apud gentiles pro-
pagandi ardor; diciturque cogitationem suscepisse eundi in Indias,
ut præsens tam sanctum opus efficacius promoveret. Sed satum,
nescio quod, vernantem hunc florem summo omnium dolore, ex-
tinxit, totamque Lusitaniam, florentem adeo hætenus in extremum
luctum, calamitatemque præcipitavit. Ita res habet.

Mahometes, a patruo suo Malucco Regno Fessæ & Marocci de-
turbatus, auxilia a Rege Sebastiano petiit. Qui ardore juventutis
flagrans, optimam occasionem se nactum ratus, & Regem extorrem
reponendi in solium, & Regnum Christi eas inter gentes proferendi,
expeditionem suscipere decrevit. Multi, (præsertim Ecclesiastici)
quos maturius judicium collectaque usu prudentia præ reliquis
commendabat, omnibus rationum momentis dissuadebant: aleam dis-
criminis plenam suscipi: instabilem ac fluxam esse Barbarorum ac-
tionis. ^{Disquisitio ex}
pæcipue Maurorum fidem. Quid? si interim discordes Africæ Prin-
cipes, dum externos venire cernunt, inter se transigant? si undique
collecti insidias gens dolis affueta tendat, viarumque ac locorum
ignaros caudinis veluti furcis concludant? si aperto etiam Marte con-
fligant.

Pars VII.

M m m m m

fligant.

figendum, viarum itineribus lassatis depugnandum cum infinita undique accurrentium Mahometanorum multitudine. Timendum omnino, ne Ferdinandi Principis, a Barbaris circumsepti captique, exemplum innovetur.

Minime autem ab ipso Rege suscipiendam hanc expeditionem, cujus vita vertatur salus Lusitaniæ. Prima cum florere ætate; necdum Regni hærede esse provisum. Quid si, quod Deus avertat: sinister incurreret fortunæ casus? quantæ Regnum florentissimum involuturæ forent ruinæ? Præter Henricum Cardinalem, ætate devexa senem, ipsumque Regem, nullum superesse virilis stirpis; devolvendam Lusitaniam, cum India & Brasilia, ad Principes externos; quanta orbæ gentis calamitate, facile quemvis æstimaturum. Si constitutum Regi, exulem restituere Maurum, mitteret Ducem cum milite, personam suam Regno debitam sacram habeat.

Pugna infelix.

Verum Sebastianus Rex præservidæ indolis, ardorisque innati impetum secutus, spretis prudentiorum consiliis, in suum interitum raptus, cum 15000. armatorum, totius Lusitaniæ viribus, in Africam properat. Mahometes cum totidem ferme copiis ei conjungitur. Maluccus, quamvis æger corpore, aciem ex adverso instruit. 4. Augusti anno 1578. conseritur atrox pugna: secunda initio Lusitanis fortuna, tum vero maxime adversa. Cum enim itinere fessi, & siti aridi adversus quiete refectos, & loci opportunitate munitos, & numero prævalidos, fortius quam prudentius pugnarent Lusitani, fuso primum dextro cornu, tum etiam, desperata victoria, sinistro perrupto, Rex in eo fortissime dimicans, captus, & cum duo milites de captivo certarent, a centurione superveniente acinace, ut fertur, percussus, misere interiit, inspectante Nunnio Mascarenia, qui frustra ad eum defendendum accurrerat. (1578. *at.* 24. *reg.* 21.) Mahometes fuga in paludem illapsus suffocatus est. Maluccus morbo tempore confectus obiit, morte tamen ejus clam habita. Cum Rege Sebastiano tota nobilitas, quæ ex tota Lusitania aderat præcipua, totusque ferme exercitus, aut in acie cecidit, aut captus est, aut fuga periit.

Clades Regis.

Tantam certe cladem a sua origine passa nunquam est Lusitania: florens ante longa pace, divitiis affluens, nobili sanguine præfulgens, Regum indigenarum majestate superba: jam ubique lachrymæ, luctus, ejulatio. Solymæ desolata, mœrore confectæ, ac lamentantis prophetæ species præferri visa. *Henricus Cardinalis* Sebastiani propatruus, Emanuelis filius, Joannis III. frater, unus ex stirpe Regia, 66. annorum senex, supererat. Is in tam tristi rerum facie,

39.
Henricus
Rex.

facie, languente licet atque morbofo effet corpore, regnum afflictum capeffivit. Cernensque, tum ob statum tum ob effcetam ætatem, omnem ftemma propagandi fpem fibi ademptam, ne poft mortem fuam omnia miferentur, omnes Olyffiponem evocavit, qui jus ali- quod in Lufitaniam fibi vindicarent. Septem omnino erant compe- titores. 1. Philippus II. Rex Hifpaniæ, ob matrem fuam Ifabellam Competi- Henrici fororem primogenitam. 2. Emmanuel Philibertus Dux Sa- tores. baudia, ob matrem fuam Beatricem, Henrici fororem fecundo geni- tam. 3. Rainutius Dux Parmenfis Alexandri Farnefii filius, ob ma- trem fuam Mariam, ex Eduardo Duce Vimarino (*Guimaraes*) Hen- ricu fratre natam. 4. Catharina Joanni Duci Brigantino nupta ob patrem fuum Eduardum Henrici fratrem. 5. Antonius, ob patrem fuum Ludovicum, Henrici fratrem; cujus haud dubie jus fuiffet certum, nifi ex concubina fuiffet natus. Et hi quidem omnes ex Rege Emanuele avo defcendebant. Henrici Cardinalis, ultimi Re- gis nepotes aut neptes, excepto Rainutio, qui uno gradu erat re- motior, jus tamen repræfentationis fibi vindicabat.

Sexto loco competiit Catharina Medicæa Regina Galliæ, quæ afferebat, fe folam ex Alphonfo III. per Robertum ejus primogeni- tum legitimis natalibus defcendere. Cum enim idem Alphonfus Mathildem primam uxorem legitimam repudiaret, Dionyfium ex concubina ortum effe, omnesque ejus pofteros Reges, exclufa Roberti legitima ftirpe, per ufurpationem Regnum occupaffe. Septimo de- nique Regni ordines, extincta mafculina ftirpe jus eligendi novum Regem fibi arrogabant.

Si Regni hæreditas ex jure communi Romano judicio familiæ ercifeundæ fuiffet dividenda, duo Henrici nepotes, Philippus II. & Lis de Suc- Philibertus Emmanuel, atque ejusdem Henrici neptis, Catharina cceffione. Brigantina, tunc in vivis exiftentes, fuiffent in capita, & qui- dem foli, nullo ex Thiis fupervivente, tanquam gradu proximi ultimo poffeffori. *Novell. 118. cap. 3. in fin.* Ubi deceditur, quod jus repræfentationis ultra fratrum aut fororum filios & filias non porrigatur. *Et §. 4. Infl. de legit. agnat. fucceff.* ubi habetur, quod, fi frater aut foror defuncti non fint fuperviventes, hæreditatem non in ftirpes, fed in capita effe dividendam, ita, ut nepotes & neptes æquali jure pa- truo & avunculo fuccedant. Hoc autem nufquam invenitur correftum.

Sed quia alia in Regnis individuus eft fuccedendi ratio, exclufa Philiberto, utpote ex fecunda Henrici forore genito, & Rainutio, gradu uno remotiore, ad Philippum II. & Catharinam Brigantinam devoluta eft præcipua controverfia, an videlicet Philippus Henrici

M m m m 2

ex

ex sorore seniore nepos, an vero Catharina ejusdem Henrici ex juniore fratre neptis, potius jus habeat. Philippus jure Senioratus Catharina jure representationis, tanquam representans patrem suum Eduardum Henrici fratrem, causam suam tuebatur. Petita a variis Europæ Academiis responsa, quæ tamen causam magis implicabant. Philippus II. Hispaniarum Rex, negans, juri representationis locum esse, quando soli fratris, ac sororis liberi existant, mortuo anno 1580. Henrico (ætatis 68. regni altero) avunculo suo successit, jure senioratus: non tamen omnino pacifice; nam Regni ordines, ex veteri a Castellanis, omnibusque exteris, æversione, *Antonium* nothum sibi Regem deposcebant: allegantes exemplum Joannis I. ante 100. annos ad coronam promoti, licet pollutis ortus fuisset natalibus.

Verum Philippus; & jure, ut existimabat, & armis omnibus competitoribus potentior, missò cum exercitu Duce Albano in Lusitaniam, altero mense totum Regnum occupavit, accepto a Proceribus ac Provincialibus homagio. Quamvis autem Philippus Rex sollicitè satagebat, gentis studia & amorem demereri, profectus propter in Lusitaniam, atque integro triennio ibidem commoratus, eorum habitum ac mores indutus, monopolium Indici commercii illis relinqueret, atque judicia non nisi Olyssipone exerceret, simulque promitteret, non alium nisi Regii sanguinis Proregem se missurum; nihilominus tamen ad propriæ nationis regem adspirantes, composito duntaxat ad simulationem obsequio parebant: in omnem occasionem intenti, qua votis suis potirentur.

Quare haud pauci faciles aures debant quatuor impostoribus, qui Regem Sebastianum fingeant; primus anno 1585. opificis filius, ad triremes ab Alberto Prorege propterea damnatus. Hunc alter brevi secutus eremite habitu, fune eliso gutture, mendacium luit. Tertius, vilis pariter conditionis homo, anno 1595. ob imposturam periit. Quartus anno 1598. Venetiis Sebastianum mentitus, vultu, voce, statura eidem similis, fatebatur, se in Africano infelici prælio ante annos 20. captum, sed tandem Divina ope liberatum: totque arcana prodidit, ut Lusitani, qui Venetiis versabantur, eum pro vero suo Rege haberent. Sed petente Oratore Hispano a senatu tanquam impostor relegatus, Florentiam abiit: ubi ab Hispanis captus, primò Neapolim, dein in Hispaniam abductus, ad perpetuum carcerem est condemnatus, in quo contabuit anno 1601.

Non parum turbarum impostores isti, attractis ad se Lusitanorum pluribus, concitarunt. Sed multo plus negotii Philippo Regi facie-

49.
Philippus
Rex

Imposto-
res.

Antonius.

faciebat Princeps *Antonius*, quem impari licet thoro natum Lusitani Regem declaraverant. Et armatum se ostentabat: sed ab Albano superatus, atque Lusitania ejectus, in Azores insulas profugit, easque Gallorum ope, quos Strozio Florentino ductore Catharina Regina miserat, propugnare constituit, sed navali prælio a Sanctacrucio Hispanæ classis præfesto victus, inde quoque aufugit (*anno 1583.*) atque in Angliam delatus, novam ab Elisabetha, Hispanis rebus ubique adversa, impetravit. Sed irrito conatu tentavit Lusitaniam (*anno 1589.*) Tandem in Galliam exulatum abiit: ibidemque obiit anno 1595.

Atque hac ratione Lusitania Philippo II. confirmata 60. annis ejus familiæ adhæsit, ad Philippum III. & IV. propagata, ad annum usque 1640. quo Lusitani, excusso Hispanorum Imperio, Regem sibi elegerunt Joannem Ducem Bragantinum, ex Catharina Joannis III. & Henrici neptelegitime descendente: in cujus gloriosa stirpe hodieum Lusitiæ corona floret eximie.

Quamvis autem in Lusitania nulla inveniam celebrata Concilia, Status Eccles. Religio nihilominus in illa apprime in hanc usque diem floret, Re-siaficus. Religio auctoritate, Episcoporum ac totius Cleri vigilantia, & sacræ Inquisitionis, ibidem, uti in Hispania, erectæ, severitate perpetuo conservata. Quomodo autem eadem per utramque Indiam sit propagata, ingenti prorsus Ecclesiæ incremento, ad Sæculum XVII. recensendum referro; cum alias tractatio de rebus Sæculi XVI. in majorem, quam voluerim, molem excreverit. De statu tamen Civili & Ecclesiastico Angliæ & Scotiæ per modum appendicis dissendendum judico, ne rerum schema ad Sæculum usque XVI. deductum, in ultimis Sæculis deficiat. Quamvis in Regnis illis ob perturbationem Reipublicæ, dominantesque hæreses nulla amplius legitima celebrari potuerint Concilia.

C A P U T III.

Schema Rerum Anglicarum sæculo XVI.

Sicut in reliquis Europæ Regnis ingentes Sæculum XVI. mutationes attulit, ita etiam in Anglia, non in civilibus duntaxat rebus, sed quam maxime in Ecclesiasticis, illas primo, has secundo Articulo persequemur.

ARTICULUS I.

Status Angliæ Civilis.

41.

Anglia nuptiali fœdere a Normannis ad Domum Andegavensem translata, ultra 300. annos in eadem gravissimos inter tumultus, quod prioribus sæculis memoratum, est jactata; maxime, postquam Eduardus III. anno 1377. inter tres filios suos hæreditatem ita divisit, ut primus Regnum consequeretur, alter Lancastriæ, tertius Eboraci Dux crearetur. Tres enim hæc familiæ, stirpis ejusdem rami, tam obstinato inter se odio decertarunt, ut altera alteram throno dejiceret, & Anglia frequenti Regum, Regiorumque Principum sanguine redundaret.

§. 1. *Henricus VII.*

Tandem vero *Henricus Ricemondia Comes*, ex familia Tudoria, antea satis obscura, natus, exorsus & ipse Regnum a Principum sanguine, Domum Lancastriensem & Eboracensem, internecinis discordiis jam diu laceratas, in se ipso coadunavit, dum ex matre Lancastrensi descendens, Elisabetham Eboracensem matrimonio sibi junxit. Neque tamen regni securum se credidit, donec anno 1499. Eduardum comitem Warvicensem, ultimum ex Eboracensi stirpe surculum succidit. Nec defuere duo impostores, quorum unus hunc comitem Warvicensem, alter Eduardum IV. Regem simularet, multoque milite in Scotia & Hibernia collecto in Angliam irruerent. Sed prælio victi, alter occisus, alter ad infimam conditionem redactus est.

Postea hic novus ex stirpe Tudoria Rex *Henricus VII.* (Ricemontius antea Comes) tranquilla in pace, ac præcellenti sapientiæ commendatione regnavit, ut adeo Angliæ Salomon, & ipse atque Ludovicus XI. & Ferdinandus Catholicus, cœvi, *tres Magi Occidentales* dicerentur. Extra Angliam bellum unicum, nec magnum nec diuturnum, gessit cum Carolo VIII. Galliæ Rege. Cum enim is Annam Britannam Maximiliani Cæsaris sponsam rapuisset, fœdere cum hoc inuito Picardiam invasit, & Bononiam obsedit. Sed brevi pace composita in Angliam suam recessit. Ibiq; obiit anno 1509. æt 52. reg. 24.

Avus ejus erat Owenus Tudor ex infima Walliæ nobilitate, iis tamen corporis & animi dotibus præditus, ut Catharina, Caroli VI. Galliæ Regis filia, Henrici V. Angliæ Regis vidua, secundis eum nuptiis conjugem adoptaret. Inde familiæ splendor. Nam Edmundus Tudor, his parentibus natus, dictus est Ricmondia Comes, na-
Aus

Stus in conjugium Margaretham ex Lancaſtrenſi Regia Domo, quæ ipſi peperit Henricum VII.

Is ex Elſabetha, Domus Regiæ Eboracenſis hærede, quatuor liberos genuit, 1. Arthuram, cum Catharina Ferdinandi Catholici filia deſponſum, ſed jam 16. ætatis anno mortuum. 2. Henricum VIII. de quo mox plura. 3. Margaritham, Jacobo IV. Scotiæ Regi nuptam. Quo titulo poſtea Anglia Scotiæ juncta eſt. 4. Mariam Ludovici XII. Galliæ Regis conjugem.

§. 2. *Henricus VIII.*

Succeſſit *Henricus VIII.* filius: qui brevi ingentes theſauros pecuniæ, quos pater cum indignatione populi collegerat, luxu per-^{42.} Sex ejus uxores. didit. Sex uxores (ſi tamen omnes uxores) habuit. 1. *Catharinam* res. Ferdinandi Catholici filiam natu minimam, Arthuri fratris primo conjugii anno viduam; quam duxit, quamprimum Regnum adeptus eſt, anno videlicet 1509. eam tamen poſt 20. conjugii annos, poſtquam quinque liberos, tres filios & duas filias, ex ea ſuſceperat, repudiavit, flagranti in Annam Boleam amore inſaniens, id nefando conſilio cauſæ prætexens, matrimonium cum Catharina fuiſſe invalidum, eo quod prius Arthuro fuerit nupta, licet Pontifex Julius II. in eo impedimento diſpenſarit. Catharina anno 1531. repudiata, quinque annos extra aulam ſupervixit.

2. *Annam Bolenam*, propriam, ut plures, etiam Proteſtantes, ſcribunt, filiam, ex uxore Thomæ Boleni, quem in Galliam legatum miſerat, ſuſceptam. Ajuntque, Regi interroganti, quantum foret piaculum, ſi quis poſt matrem cognosceret filiam, quendam ex aulæ paraſitis reſpondiſſe, non majus fore, ac ſi quis poſt gallinam pullum comederet. In Gallia educata corporis proſtituti infamia laborabat. In Angliam redux ſultando primum Regem fascinavit. Dein matris ſuggeſtione, quæ optime Regem noverat, pudicitia ſimulatione omne extra matrimonium carnale commercium negans, nuptias tandem ſacrilegas impetravit anno 1533. Vehementer ſe opoſuerant Eccleſiaſtici & Politici ordinis homines nuptiis, tam adulterinis, & tam imparibus: nec ceſſabant fornicarios ejusdem ſœminæ, adulterinos concubitus proponere. Fruſtra omnia, corde Regis jam ſcſcinato ac dementato. Neque contracto jam adulterino matrimonio exempla evagantis fidei conjugalis, in hac pellice deerant. Quæ tamen omnia Rex amore captus obreſtationes reputabat: donec Bolena Rege inſpectante cuidam nobili, in quodam ſpectaculo ſudanti, ſtrophium projiceret. Tum enim vero Rex iræ æſtuans, ſevera quæſtione habita, Bolenam de pluribus adulteriis, cum

cum Norrifo, Westono, Brereton, Smetono musico, ipsoque ejus fratre Georgio, commissis convictam, securi percuti jussit. Et quidem ipse pater. Annæ Thomas Bollenus, quem Rex ad summas dignitates evehærat, feralem mortis sententiam in filiam ac filium ceu judicii præses ferre debuit. (anno 1536.)

3. *Joannam Semeriam*, sive *Semeyram*, quam altero mox die Reginam dicit. Sed vertente anno in partu obiit. (1537.) 4. *Annam Clivensem*, quam ex Germania adductam, cum ectypon pulchrius esset prototypo, mox repudiavit: Thoma Cromvælle Essexiæ Comitæ, qui has ei nuptias persuaserat, capite plexo (anno 1540.) 5. *Catharinam Howardam*; quam Rex eo prætextu, quod non invenerit virginem, altero anno publice occidi jussit. 6. *Catharinam Parræam*, quæ duos jam ante maritos habuerat, & post Regis mortem quarto nupta est.

Quamvis autem voluptatibus, commensationibus, luxui, crudelitati, totus indulgeret, immani tyrannide sæviret, ac sacra omnia, se caput Ecclesiæ efferens, profanis, ut postea dicitur, misceret, Angliam tamen utcunque in pace continuit, qua metu, qua largitionibus, & Ecclesiasticis spoliis in canum rictus, ne latrarent, ingestis. Abdomen fasciis gestabat adeo enorme, ut pedibus incedere non amplius posset, foresque cubilium ampliari oportuerit.

Ejus bella.

Bella cum externis inchoavit potius, quam gessit. Ut Europæ stateram in æquilibrio conservaret, Carolum V. inter & Franciscum I. medius, id cavebat, ne alterutrius potentia nimium cresceret. Hinc plura adversus Gallos bella orsus, nullum perfecit. Sed ubi Austriacæ vires lancem alteram superabant, ipse, pondere suo substracto, æquilibrium restituere satagebat; perpetuis interim eorum discordiis bellisque tutus; quin imo ab utraque parte summis officiis cultus, ut in armorum societatem pertrahatur.

Et quidem anno 1511. cum Ludovicus XII. potentiam suam per Italiam nimium extendere videretur, cum Julio II. Maximiliano Cæsare, & Ferdinando Catholico, socero suo, sædus adversus eundem iniit, & anno 1513. in Belgio Tervanæ & Tornacum occupavit. Verum cum lances ad æqualitatem erant reductæ, anno 1514. & pacem, & sororem suam Ludovico conjugem dedit. Carolo V. ad Imperium evehto socius accessit adversus Franciscum I. sub initio Regni sui in Italia rursus dominantem; sed ubi eo victo, & capto, atque Gallis Italia ejestis maxima rei gerendæ erat opportunitas, se alteri iterum lanci injecit, ac pondus addidit, ne Caroli V. nimium excrescerent vires.

Anno

Anno 1546. Carolo V. denuo junctus, Franciscum I. in Picardia aggressus est. Sed dum Angli lentam in obsidione Bononiæ moram trahunt, levis omnino expeditionis fructus fuit. Cum Scotiæ etiam Regibus collisus, victoriam retulit: ut suo loco dicitur.

Præcipuum rerum administrum habuit *Thomam Volsæum*, in-^{43.} Volsæus. finitæ ambitionis virum, qui & Regnum & Regem diu impotenter regēbat, ac præcipitabat. Hic novus homo, Ianionis filius, absolutis literarum studiis, statum Ecclesiasticum complexus, sacellanum aulicum agebat: anno 1513. ad Episcopatum Tornacensem in Belgio promotus: sequenti ad Lincolnensem in Angliā: anno 1515. ad Archiepiscopatum Eboracensem. Mox Cardinalis dictus, & Cancellarius Angliæ, ad summum quoque Pontificatum vehementer adspirabat, ac propterea partes Caroli V. adversus Franciscum I. omnibus viribus promovebat: magnis vicissim honoribus ab eo veluti pater cultus.

Verum cum anno 1522. mortuo Leoni X. Hadrianus VI. Caroli quondam Moderator ejusdem commendatione subrogaretur, Volsæus, concepto in Carolum odio, studium omne in Franciscum ejus æmulum convertit, Angliamque in ejus partes inclinavit, frater propterea a Francisco Rege appellatus: omnibusque honorum officiis demulsus, atque, ut odium in Cæsarem omnibus viis expromeret, tragiædiam orsus est toti Angliæ fatalem. Eam nempe Regi cogitationem ingessit, ut factio cum Catharina (Caroli V. matertera) divortio; Margaretham Francisci I. Galliæ Regis sororem ducat. Nam præterquam, quod Catharina Volsæo ac Regi propter modestiam ac probitatem esset invisa, negabat impius Præsul, Henricum bona conscientia in eo conjugio posse persistere. Irritum quippe illud esse, quia in primo affinitatis gradu contractum: effecturum se, ut ipse Pontifex, declarato matrimonii vitio, divortium approbet.

Grata hæc erat Cardinalis oratio auribus Regis, cujus libido in Annam Bolenam jam ardebat. Simulans igitur, se Galliæ Regis sororem ducturum, Volsæo negotium cum Clemente VII. transigendum committit. At cum is negaret, rem tanti momenti tam facile concludi posse, mittique Romam a Rege & Regina Procuratores peteret, qui causam agerent ex juris ordine, Rex causæ diffusus, in Angliâ judicium haberi voluit: cumque alii hac de re multum ubique disceptarent, ipse moræ pertæsus, Alexandri gladio nodum solvendum duxit: atque anno 1531. tanquam in hac causâ competens esset Judex, sententiam divortii pronuntiavit.

Volsæo exedendum erat, quod intriverat. Nam quia promisso, approbationem Romanam se obtenturum, stare non poterat, Regis, quem totum ante possidebat, gratia excidit. Tunc enim vero cernere licuit fluxas rerum humanorum vices, qui 400. hominum, quos inter Comites & Barones, nobili famulatu stipatus incesserat; qui totum Regnum manu sua versaverat; cujus epistolæ hoc turgente typho superbiverant: *Ego & rex meus*; is a summo dignitatis ac potentiae fastigio repente deturbatus, honoribus ac bonis exutus, atque ex aula ad Archiepiscopatum suum Eboracensem relegatus, cum inde ad dicendam causam Londinum citaretur, metu ac mœre in itinere extinctus est. (anno 1530.) Quem ridens fortuna ideo duntaxat altius videtur extulisse, ut lapsu graviore præcipitaret: vere expertum, malum consilium consultori pessimum: ferendum tamen, nisi & Regem & Regnum præcipitasset in ruinam animarum immortalium, nunquam satis deplorandam.

Mors Hen-
rici.

Obiit infelix Rex anno 1547. æt. 56. reg. 38. exclamans in morte; *Amici! omnia perdidimus, Regnum, vitam, animam.* Reliquit tres liberos: Mariam ex Catharina prima ac legitima conjuge, Elisabetham ex Anna Bolena, & Eduardum ex Semeria. His successionem in Regno ita testamento disposuit, ut primo succederet Eduardus, dein Maria, postremo Elisabetha. Cæterum Henricus VIII. primus se Angliæ & Hiberniæ Regem scripsit: cum anteriores Reges tantum Hiberniæ Domini sint appellati, nempe sicut se ipsum caput Ecclesiæ Anglicanæ creavit, absque ullo totius antiquitatis exemplo, ita etiam Regem Hiberniæ.

§. II.

Eduardus VI. & Maria.

44.
Semeyrus.

Natus ex Joanna Semeria (alii *Semeyram* scribunt) decimo ætatis anno successit Patri, quamvis autem 16. tutores ei fuerant attributi a patre, nihilominus tamen *Eduardus Semeyrus, Dux Somerseti* ejus avunculus rerum summam Angliæ Protectoris nomine ad se traxit. Cogitabat is quidem Eduardum Regem nepotem suum cum Maria Scotiæ Regina connubio jungere. Sed illa a Gallis prærepta Francisco II. tunc Delphino nupsit. Nihil perniciosius Regno maligno hoc Protectore, qui & Regem & Regnum penitus in hæresin præcipitavit.

Opposuit

Opposuit se Ducis hujus Somersetani arrogatæ potestati *Joannes Dudlæus*.
Dudlæus Dux Northumbriæ, eo usque, ut iudicio condemnatus anno
 1552. capite minutus fuerit. Igitur Dudlæus in locum Somersetani
 surrogatus Eduardum Regem ita in potestate habuit, ut eidem per-
 suaderet, sorores suas ad Regnum esse inhabiles, utpote primam ex
 incestu, alteram ex adulterio natam: eoque adolescentem adduxit, ut
 fororibus testamento exclusis, *Joannam Grayam*, Henrici VII. ex
 filia proneptem, hæreden scriberet. Hanc vero, ut palam appare-
 ret, quo ejus consilia collimarent, filio suo despondit, anno 1553.

Obit paulo post Eduardus Rex eodem anno, æt. 16. reg. 6. Dud-
 læus mox produxit ejus testamentum, & Joannam proclamavit Regi-
 nam. At major & sanior pars *Mariæ* adhærens, eandem in solio col-
 locavit. Maria igitur, quam matris fata maxime tangebant, ex
 ærumnosa vita, quam hætenus ducebat, & exilio ad regnum eveستا,
 Dudlæum, cum *Joanna Graya* ejusque patre Suffolciæ Duce a Senatu
 tanquam perduelles ad mortis supplicium condemnari permisit. Tum
 ad reparandas Religionis ruinas conversa, ope *Reginaldi Poli* Cardi-
 nalis, totum Regnum ad Catholicam Religionem reduxit: severitate
 etiam in pervicaces exprompta.

45.
 Mariæ.

Erat autem Polus oriundus ex Regia Eboracensi familia; cujus
 avus maternus Georgius Eduardi IV. Regis frater exstitit. Propter
 hanc autem cognationem, quam Domus Tudoria extinctam volebat,
 in exilio usque ad Mariæ Regnum vitam agebat. Nec nullam omnino
 spem habuisse dicitur, ineundi matrimoinum cum Mariæ Regina, ut
 omnia Domus Eboracensis & Tudoriæ jura consolidarentur. Sed Phi-
 lippus II. Caroli V. filius has spes succidit, & Mariam Reginam conju-
 gem est fortitus. (anno 1554.) Verum summo omnium bonorum do-
 lore thoros, tanta expectatione orbem suspendens, remansit sterilis.

Polus.

Quamvis autem pactis nuptialibus conditionem eam Maria appo-
 suerit, ne bellis mariti externis se miscere debeat, anno tamen 1557.
 eidem, in Picardiam irruenti opem tulit: haud exiguo Angliæ damno;
 nam anno sequenti Calæti portum, quem ultra 200. annos possederat,
 amisit, a Francisco Guisio post cladem Sanquintinam expugnatum.
 Dum autem Regiæ copiæ in Galliam erant averſæ, complures Angli,
 Hispanæ nationis odio seditionem concitarunt, auctore Thoma Staf-
 fordæ Duce; qui culpam capite luit.

Verum mox triftior multo turbo Angliam concussit per mortem
 Mariæ Reginæ, anno 1558. summo Religionis, quam plene restitu-
 rat, detrimento, extinctam, æt. 42. reg. 5. arcano Dei judicio ita
 ordinante, ut brevem sæpe bonis, longævam malis vitam indulgeat:

Nnnn n 2

credo,

credo, ut illis cœlum, his terram largiatur: illorum præmium acceleret horum pœnam pro clementia sua retardet.

§. III.

Elisabetha.

Nuptias repudiat.

Post luctuosam Mariæ mortem, mox *Elisabetha*, ejus soror Henrici VIII. ex Anna Bolena filia, non attento natalium vitio throno imponitur. Cui nuptias obtulit Philippus, qui pluries eam morti eripuerat; sed repulsam tulit, ea excusatione prætexta, non posse eam inter & sororis suæ maritum connubium subsistere, nec posse Pontificem ulla dispensatione legitimum reddere. Hac quippe ratione natales suos legitimare nitebatur, quod eam ob causam matrimonium Henrici cum Catharina irritum fuerit. At aliter judicavit non tantum Ecclesia, ejusque supremus Antistes, sed ipse etiam Rex Henricus ante mortem, imo tota Anglia, dum Mariam Elisabethæ prætulerunt in deferendo Regno. Quod nunquam fuissent facturi, si illam illegitime, hanc legitime natam credidissent. Norant quippe, judiciales veteris tabulæ leges christianam non ligare Ecclesiam.

In religionem grassatur.

& Hispanos.

Elisabetha autem odio Romanæ Ecclesiæ, cujus doctrina ipsa ex altero nata judicabatur, immani mox tyrannide in Religionem grassata, novum prorsus & ante eam diem inauditum systema in vexit, retentis antiquis ritibus ac ceremoniis, in multis Calvinum sectabatur: unde ingens religionis confusio, & sectarum colluvies orta est. Verum hæc postea uberius venient describenda; uti etiam, quam inique ac barbære Mariam Scotiæ Reginam, ad quam jure hæreditario Angliæ Regnum pertinebat, per carnificem publico in theatro occiderit, una cum Norfolciæ Duce, ac plurimis Sacerdotibus, immani prorsus laniena. Hispanæ classis historiam supra narraui. Hispaniæ Regem, cui toties vitam conservatam debuit, tota vita est persecuta. Hinc rebelles Belgas omni ope sustentabat: Alenfonium, Casimirum, Leicesterium immisit. Antonium nothum Lusitaniæ throno imponere omni virium contentione laborabat: missis in Americam classibus portus, insulas, provincias Hispanis rapuit, aurum & argentum Indicum intercept; Francisco Draco sæculo invigilante, non ad custodiendos auriferos Hesperidum hortos, sed diripiendos: & ubi ubi se dabat occasio, Hispanos infestavit.

Ut

Ut autem ostenderet, se neminem rebellium prætermittere, quem non contra Principem suum adjuvaret, etiam Hugonotis in Gallia valida misit auxilia, erepto anno 1562. Portu Gratia. Nubere nunquam serio voluit, ut amores suos haberet liberos: quamvis magni proci eam ambirent, Rex Hispaniæ, Rex Sueciæ Ericus XIV. Dux Alenfonius, Joannes Austriacus, Dux Andegavensis, Comes Leicestrius &c. Sed vaga femina omnes delusit. Nemini tamen amores infelicius verterunt, quam Roberto *Comiti Essexio* intimæ admissionis ministro, quo nullus Regiæ potentior, ussit Cecilium aliosque aulicos gratiæ invidia. Ut ergo hunc amasium sterne- rent, expeditionibus longinquis eum præfici curarunt. Ac primo quidem anno 1595. cum classe missus Gades occupavit, sed mox majori cum dedecore rursus amisit æmulatorum fraude. Tum vero Hibernia ei decreta provincia (anno 1599.) ut tumultus ibidem ortos, componeret: redire vetitus, nisi Regiæ mandato. Rediit tamen: & cum eodem in cubili superveniret necdum fucata & compta, tota gratia excidens, primo in carcerem conjectus est, dein capite plexus, idem fatum plures ejus amasios excepit. Hinc negant aliqui, eam septentrionalis Americæ provinciam, quam in Canada ad mare Boreale Angli anno 1585. Elisabethæ auspiciis occuparunt, in ejus honorem bene appellatam esse *Virginiam*.

Obit tandem Elisabetha, quam velut Deam immensis laudibus in cælum tollunt pennæ Protestantium anno 1603. æt. 70. reg. 44. de re Angliæ politica non male merita, de religione autem pessime: uti mox subjiciam.

ARTICULUS II.

Status Angliæ Ecclesiasticus sæculo XVI.

Anglia tot olim Sanctos protulit, aliisque per urbem gentibus dedit Apostolos, ut non tam ab Anglis, Saxoniarum populo, quam ab Angelorum patria nomen traxisse videatur. Plura equidem de illius tam civili quam politico statu in superioribus partibus differui. Aliqua nihilominus hic velut in pugnum constringam, ut ex antithesi luculentius pateat, quantum a se ipsa, infelici religionis mutatione, sæculo XVI. degenerarit.

Velut obscuræ passim sunt primæ rerum origines, ita anceps fer-
vet disceptatio, quo tempore & a quibus primo in Angliam introducta ^{48.} Origo fidei.

N n n n n ;

fit

fit christiana Religio. Alii *Josephum ab Arimathea* primum illius Apostolum faciunt. Alii primum sæculo II. inclinante illuxisse fidei lumen putant per *Fugatium & Damianum*, quos *Lucius* Rex ab *Eleutherio* Papa impetrarat. Cum autem Angli gentiles in Britanniam delati iacta feliciter semina in tenella illa Ecclesia magnam partem suffocassent, *Gregorius M.* sub finem sæculi VI. *Augustinum & Melitum* submisit, ab *Ethelberto* benigne susceptos, qui *Dorovernia* (quæ postea *Cantuarium* dicta est; stabilem eis sedem assignavit, ubi Apostolicis laboribus intenti, multos christianæ vitæ principiis imbutos baptizarunt; atque inter hos ipsum etiam Regem *Ethelbertum*, accedente hortatione uxoris christianæ. Mox igitur delubra in Dei templa conversa, erecta altaria, cultusque sacer institutus: ad quem amplificandum ipse etiam S. *Gregorius* sacra altarium & sacris operantium ornamenta Roma transmisit, cum sanctorum Martyrum reliquiis, religiose aservandis: prout ipse *Pakerus*, licet *Aatholicus*, in *Antiq. Britan. fol. 35.* fatetur. Sed redarguit *Gregorium & Augustinum* tanquam inventores huius cultus. Verum *Pakerum* nervose refutat *Alfordus* in *Annal. Eccles. Anglo-Sax. pag. 121.* ubi erudite ostendit, jam sub finem sæculi II. tempore *Lucii* Regis eos ritus in Anglia obtinuisse.

Singularis
cultus.

Ab eo deinceps tempore summopere vixit cultus is atque Religio, quam hodieum tenet ac profitetur Catholice Ecclesia, cum peculiari in sedem Apostolicam plerorumque Regum observantia; quam plures ad eandem datæ epistolæ hodieum loquuntur, & quidem eo usque, ut Regnum suum eidem vectigale facerent, indisto per singulas domos nummo: continuato usque ad *Henricum VIII.* ut *Polydorus* observat, pio more.

Per plures igitur quam mille annos Christiana Religio, Romano-Catholica, viridi in flore ad singulare Regni decus, & rotius Ecclesiæ ornamentum, bonorumque omnium solatium, jugiter est conservata: ut adeo ad initium sæculi XVI. in Anglia tantum duo quidem essent Archiepiscopatus, *Cantuariensis*, & *Eboracensis*, ea tamen amplitudine, ut illi 23. Episcopatus comprovinciales essent inserti. In quibus 9284. Parochiales Ecclesiæ.

At vero, postquam *Henricus VIII.* sæculo XVI. libidinis indomitæ impetu sacrata matrimonii vincula perfregit, & ab Ecclesiæ unione se separavit, heu! quanta mutatio! sanguineis lachrimis nunquam satis deslenda, squalida, deserta, abjecta jacebat religio, cultoribus vacua; profanata templa, spoliata sacra asceteria, sacerdotes ejecti, cursitabant listores, scatebant ergastula, gemebant catastæ, stridebant catenæ, furebant secures, enses, rotæ, patibula: dira, sæva, bar-

barbara undique tyrannis circumfremuit; ea crudelitate, iisque adinventis novis atque inauditis tormentorum suppliciis, ut pristinae gentilium persecutiones ludus videri potuerint. Juvat pressæ atque depressæ Anglicanæ Ecclesiæ ruinas, atque calamitates tremente horroribus penna breviter describere.

§. I.

Ecclesiæ Anglicanæ status sub Henrico VIII.

Postquam Religio in Anglia millenos & ultra annos ad omnium bonorum solatium ac voluptatem quam spectatissime floruit, unius Principis indomita libido eandem miserrime devastavit. Henricus VIII. is erat, initio Regni non malus; imo etiam bene de Ecclesia meritus. Nam Julii II. quem caput totius Ecclesiæ Christianæ venerabatur, partes secutus, Conciliabulum Pisanum est execratus, & Regni sui Episcopos ad Concilium Lateranense V. dimisit.

Addidit singulare Catholicæ pietatis decus, cum adversus Lutherum, in Germania tunc insipientem, librum de sacramentis scripsit, sacra doctrina & eruditione adeo conspicuum, ut a Leone X. *Defensor Fidei* merito sit appellatus. Verum quanto melior erat, tanto turpius a se ipso descivit, per omnes libidinum spurcicias volutatus. Quippe amores ejus a Catharina conjuge lectissima averterant, tum insatiabilis voluptatum cupiditas, tum morum dissimilitudo, quæ fastidium in dies augebat. Illa ad omnem probitatem prona, humili corporis cultu, modestia, diurnis nocturnisque precibus, jejuniis, frequenti peccatorum expiatione, aliisque virtutum exercitiis præcellebat.

Henricus contra juvenili æstu abreptus, levis, saltator, in libidines effusus, frequens in gynæceo, rarus in templo, contempto conjugali thalamo, nobilium scæminarum pudori passim insidiatus: stupris, lenociniis, adulteriis prostitutus. Volsæus cognito Regis averso a Regina animo, ut Carolo Cæsari Catharinæ nepoti agre faciat, Henrico placeat, Francisci I. res promoveat, Angliæ & Galliæ rationes ac studia jungat, Regem interpellat, irritum esse matrimonium cum Arthuri uxore initum: nefas esse in eo persistere: adesse Francisci I. Galliæ Regis sororem, forma præstantem. Eo conjugio firmandam utriusque Regis amicitiam: Clementem VII. a Carolo Cæsare prædominante in custodia detentum, & filios Francisci, Madriti pro patre obsides, liberatum iri.

Decreta

94.
Initia Hen-
rici bona.

Antichæsiæ

Volsæus.

Amoris in-
fania.

Crammerus.
& Lejus.

Bona Eccle-
siarum.

Caput Ec-
clesiæ.

50.
Triumvira-
tus.

Decreta igitur in Gallias legatio, cujus ipse Volsæus princeps. At vix Caletum pervenerat, cum arcana a Rege mandata accipit, ut cætera quidem exequeretur, de matrimonio autem cum Regis forore ineundo altum sileret. Jam enim Henricus impotenti amore tenebatur Annæ Bolenæ. Quæ matris, Regis indolem optime perno-
scentis, instructione erudita, meretricium animum larva quadam pu-
doris obtegebat, negavitque, se corporis copiam ulli facturam, nisi
conjugali fœdere secum sociato. Repulsa non iram, sed flammam in
Henrico excitavit. Statuit proin secum, ut libidinem expleret,
hanc mulierculam, perruptis omnibus legum Divinarum repagulis,
uxorem ducere. En pulchram Anglicæ reformationis epocham!

Obierat sub id tempus Varanus Cantuariensis Antistes, vir ad-
modum probus; cujus in locum ut Henricus subrogaret hominem sibi
obnoxium, & in vota sua versatilem, designavit *Thomam Gramme-
rum*; cujus religio & disciplina ad mentem Regis erat composita.
Similis farinæ adulator & aulæ parasitus erat *Lejus* Eboracensis Archi-
præsul. His Cleri in Anglia principibus in vota sua iniqua flexis,
cum Pontifex in divortium nollet consentire, 40000 aureorum ob-
tulit, ad obtinendam, ut aiebat, culpæ veniam, supplicans, ut re-
liquam sibi pœnam condonaret, pro ea, quam in Clerum æque ac
laicos summam haberet potestatem. Atque hæc Ecclesiastici ordinis
prævaricatio primam Regi cogitationem injecit, ut Ecclesiæ se An-
glicanæ caput diceret.

Ex his iniquitatis principiis tetriciorem tempestatem prævidens
Thomas Morus, vir integerrimus, post Volsæi casum ad cancella-
rii munus evectus, officium deposuit. Suffectusque est Audlæus,
vilis fortunæ homo, cui ad augendum splendorem monasterium
Iocuples Londini Rex attribuit, Canonicis Regularibus ad alia cœ-
nobita dimissis. Clemens autem VII. sub anathematis pœna vetuit,
ne lite pendente novum iniret conjugium. Sed ille jam datus in
sensum reprobum, ruptis vinculis Bolenam clam uxorem duxit,
nuptiis assistente ante solis ortum Rolando presbytero quodam, mox-
que in gratiam pellicis *Thomam Cromwellum*, Lutheranæ factionis
hominem ac clero infensum, una cum *Crammero & Audlæo* ad re-
rum clavum evexit, ut ex impii hujus triumviratus, ad omne ne-
fas audendum projecti, sententia res publica gubernetur.

Ab his Regi persuasum, ut in comitiis Regni ab omnibus Ecclesiasticis novum sacramentum exigat, quo eandem, quam alias Pontifici Romano, obedientiam sibi jurarent, in causis etiam Ecclesiasticis & spiritualibus. Impulsus omnium primus Joannes *Fischerus* Fischerus. Episcopus Roffensis, summa apud omnes probitatis & eruditionis laude celebratus, deceptus juravit, ea tamen adjecta cautella (*quantum per Dei verbum liceret*). Hac columna concussa reliqui facile sequebantur. Ab eo igitur tempore Henricus caput Anglicanæ Ecclesiæ aperte se extulit, Cromvello homine laico, imo hæretico Viçario suo in spiritualibus generali dicto.

Qui vero hoc portentum probare detestabant, aut conjugium cum Bolenâ recutabant, in carceres sunt detrusi. Quos inter *Fischerus* damnans nuperam suam juramenti facilitatem, & Thomas Morus, cum 200. fratribus Minoribus, duobus ex ordine S. Benedicti, & aliquibus ex clero sæculari. In Comitiis vero anni 1534 perduelles declarati sunt, qui Romani Pontificis primatum jurisdictionis Ecclesiasticæ assererent. Simulque Ecclesiæ Anglicanæ summum & unicum caput Rex declaratur. Cui eo nomine omnium Sacerdotiorum annuatæ ac decimæ essent persolvendæ. Nomen Papæ erasum & in lytaniis impia hæc verba substituta: *Ab Episcopi Romani tyrannide & detestandis enormitatibus libera nos Domine*. Jussi concionatores novam hanc Regis Ecclesiasticam auctoritatem publice ad populum laudare, ac scriptis etiam libris tueri.

Reginaldum Polum, consanguineum suum, Richardi III. Regis ex fratre pronepotem, probum & eruditum in paucis Principem, incaustum impulit, ut sacrilegis suis conatibus pennam commodarer. Quin imò animose se opposuit, editis quatuor libris de unione Ecclesiastica Regi inscriptis. Quibus iram Regis ita in se concivit, ut patriæ proditor, reusque læsæ majestatis sit condemnatus; vita ipsius multis deinceps insidiis appetita: mater, frater, avunculus necati: bona fisco addicta: familia universa illius causa afflicta, ac propemodum deleta. Exertus etiam furor in plurimos Religiosæ vitæ cultores, ex sacris ordinibus, Carthusianorum, S. Brigittæ, S. Francisci. Quos sæva tyrannis martyres fecit, quod impium juramentum reiicerent.

Peculiarem memoriam meretur *Thomas Morus*, Londini no-Morus, 51. bili genere natus, litterarum studiis, omnique virtutum ornatu præcellens. Per diversos munerum gradus ad officium cancellarii totius Regni evectus, singulari illud laude integritatis gessit. Generum suum causam minus probabilem agentem cum a lite nollet desistere

sistere, ex integro condemnavit. Hostibus contra suis, qua potuit, ope adstitit. Accusatus apud Regem, quod a vidua ob evictam causam aureum poculum acceperit, fassus est. At vidua a Rege interrogata respondit, acceptum quidem a Moro craterem, sed vino ex eo hausto, mox sibi fuisse restitutum. Missæ sacrificium nullo unquam die neglexit, etiam vocatus a Rege, respondens nuntio: majori prius Domino inserviendum. Etiam Cancellarii summa dignitate ornatus sacerdotibus ad aram sæpe ministrabat: atque superpelliceo indutus cum parocho in Ecclesia preces decantabat. In supplicationibus crucem præferre solitus. Monitus propterea, id indecorum muneri suo, Regi haud dubie displiciturum, reposuit: obsequium Regi Regum impensum Regi displicere non posse.

Erga pauperes mire erat beneficus, solitus eorum tuguria obire, & elemosynam elargiri. Nec raro mendicos mensæ adhibuit. Personarum miserabilium causas omnino gratis patronus agebat. Quam autem facilis aliis, tam durus sibi, ciliis & flagellis in se ipsum sæviebat. Domus ipsius vitæ christianæ scholam referebat: omnibus domesticis ad modestiam & virtutem compositis: atque vel ipsam corporis refectiorem spiritali lectione condientibus.

Tandem, ubi vidit exorbitantes Regis machinationes, cancellarii munus ultro abdicavit; atque haud multo post, cum non aliud, quam Romanum Pontificem, Ecclesiæ caput assereret, & in divortium cum Regina nollet consentire, captus, & in turrim Londinensem abductus est; familia sua jam ante ad talem casum præparata, dum apparitorem aliquando ad domum suam improvise venire jusserrat. Ad carcerem nemini ex ejus familiæ accessus patuit, nisi Margarethæ, filiæ natæ maximæ. Quæ pio astu ad patrem deerat litteras, in quibus eundem hortatur, ut Regi pareat: non ex animo, sed ut Senatus iis lectis aditum sibi concedat. Quod voluit, obtinuit: multo tempore accessu libero patrem juvit: non minorem ea pietate commendationem promerita, quam scriptis libris latino & græco sermone doctissimis, celebritatem nominis adeptæ.

Incredibile dictu, quot admoti arietes ad columnam hanc convellendam. Fortissimus credebatur uxor Aloysia: quæ in carcerem admissa rogavit conjugem, ne uxorem, liberos, se ipsum perdat. Querit ille, quot vitæ annos sibi spondeat, si in Regis postulata concedat; cumque viginti respondisset, næ tu mea Aloysia, infert Morus, insipida es negotiatrix, quæ viginti annos æternitati præhabendos putas. Ubi femina nihil profecit, vir, politicus melior quam Christianus, assultum tentavit. Postquam is multa argu-
menta

menta attulerat, reposuit Morus, se omnibus bene perpensis mutasse consilium. Legatus victoriæ certus illico recedit ac refert ad Regem. Ille mire latus scriptam exigi a Moro deditionem voluit. Quod ubi legatus exposuit: profecto perperam tu me intellexisti, inquit Morus: constitueram mecum, barbam, quam in carcere prolixam nactus sum, ante mortem abscindere: sed mente mutata, decrevi, ut eundem cum capite istum expectet. Ita nempe genere jocabatur rerum humanarum mortisque contemptor animus.

Irritatus eo joco Rex omnes ei libros, scripta, atramentum, calamos jussit adimi. Quo facto Morus valvas carceris fenestris obduxit, contemplatione rerum Divinarum in tenebris illustrior. Cur id faceret rogatus, cum merces, inquit, sunt elatæ, taberna clauditur. Cum integro jam anno in eo squalore jacuisset, missi ad eum quinque commissarii, ultimam ab eo resolutionem a Rege expectari nuntiant, quid sibi faciendum putet: quidve de Romani Episcopi potestate sentiat? se Regi dudum & voce & scripto respondisse ait. Jam se aliis intentum nolle amplius se liti de Pontificis & Regis potestate immiscere. De cætero, a communione sedis Apostolicæ se nunquam sejunctum iri. Audivisse a teneris, Romani Pontificis potestatem esse laudabilem atque legitimam, humano tamen jure introductam: postquam autem occasione harum controversiarum, in Anglia exortarum, eam causam septem annorum studio penitus inspexisset, deprehendisse se, primatum summi Pontificis, ejusdemque supremam auctoritatem & Jurisdictionem Ecclesiasticam in totum orbem Christianum Divino plane jure niti.

Qua animi sui sententia pronuntiata, Judices eum, rebellem, patriæque proditorem proclamare, ad totam Angliam provocare, atque interrogare, an prudentiorem doctioremque se crederet omnibus Angliæ Episcopis, Prælati, Sacerdotibus, toto cœtu Nobilium, Regni Senatu, Rege, totoque Regno? Morus opposuit omnes antiquitatis Episcopos, Præsules, totam Hispaniam, Lusitaniam, Italiam, Galliam, atque Catholicam Germaniam, atque super omnia Divini verbi oracula, Petrum ejusque successores constituentis Pastorem universalem omnium Christi ovium, cum summa potestate ligandi in terris atque solvendi.

Cum igitur nullis moveri posset machinis, a duodecim viris damnatus est ad mortis supplicium. Cum ex virium infirmitate ferale pegmanon posset scandere, prope adstantem auxilium rogans, amice, inquit, juva: in descensu nemini amplius molestus ero. Sic etiam in morte jocabatur, rebus humanis ac sorte omni superior; atque

securi animo prorsus intrepido percussus est: ab orbe meliore magnis encomiis celebratus.

Fischerus.

Nec minori laude dignus *Joannes Fischerus*, de quo dubitabatur, sanctiorne an doctior esset. Matri Henrici VII. erat a sacris confessionibus, solis meritis ad Episcopatum Roffensem evectus, 30. annos eundem sanctissime rexit, nunquam se adduci passus, ut, pinguiore licet oblato, sponsam suam defereret: libri, qui de sacramentis adversus Lutherum editus, Henrici VIII. nomen præferebat, vel auctor, vel auctori, ut scriberet, auctor. Initio ad evitandas Ecclesiæ Anglicanæ calamitates iuramentum quoddam cum restrictione tamen edidit. Sed mox facti pœnitens, ubi vidit, alio longe sensu accipi, quam ipse cogitaverat, aperte iniquis Henrici conatibus se objecit. Captivus propterea in carcerem Londinum abductus, post 15. mensum squalorem ad ad mortem damnatus, grandævus senex hilari ac hianti ore ad locum supplicii progressus caput securi subiecit: vel ipso etiam sanguine purpuram meritis, quam Paulus III. ei in carcere detento miserat.

52.

Bullæ Pont.

Clemens VII. jam anno 1533. Bullam conceperat, qua matrimonium cum Bolena irritum decernit, atque Catharinam in pristinam conjugii possessionem restitui mandat, addita declaratione, Regem ob inobedientiam & contemptum mandatorum sedis Apostolicæ censuram excommunicationis incurrisse. At cum Henricus magis in Catholicos fureret, bona Ecclesiarum ac monasteriorum diriperet, viros innocuos crudelissima tyrannide necaret, quod eum Ecclesiæ Anglicanæ caput venerari nollent, Paulus III. anno 1535. Carolo Cæsare, & Clero Anglicano urgente, asperiores Bullas edidit: cujus hæc erat inscriptio: *Bulla Pauli Divina providentia Papæ tertii, citatoria Regis Angliæ Henrici & sequacium sub pena excommunicationis, & privationis Regni, ac omnium aliorum bonorum.* Commemorat in ea gravissimas causas, quibus impellatur ad ferendam censuram, nempe tot scelera patrata, tot cædes, adulteria, sacrilegia, hæreses, quodque pro capite se gerat Anglicanæ Ecclesiæ. Rogat, & per omnia sacra obtestatur, ut revertatur ad gremium illius matris, quæ respicientes ultro recipit. Nolentem citat cum complicitibus. Parere recusantem feregno exuit. Loca, in quibus Rex fuerit, subiicit Interdicto. Subditos eximit a juramento fidelitatis, quin eos insurgere in Regem jubet &c.

Uterque tamen Pontifex Bullæ executionem suspendit, ea spe ducti, fore: ut Rex, expleta saltem cum Bolena libidine, seipsum respiciat. Sed magno impetu præceps ruebat infelix Princeps, in dies

dies se ipso deterior, ac truculentior. Ut autem Ecclesiæ caput ^{Leges in} se probaret, suscepta per Leum laicum hominem monasteriorum ^{Religiosos.} visitatione, legem tulit; minores 24. annis e monasteriis exire coguntur. Majoribus exire liberum esto. Exeuntibus habitus & pecunia ab Abbate tribuitur. Virgines sacræ exeuntes sæculari habitu utuntur. Pretiosa quæque Ecclesiarum ornamenta regis quæstionibus traduntur. Nec alio consilio ea instituta est visitatio, nisi ut ^{Spolia.} direptionis, & deprædationis occasionem capteret. Ex his enim spoliis innumeram collegit pecuniam. Religiosorum vero utriusque sexus decies milleni ad sæculum redierunt.

Mortua subin anno 1536. Catharina Regina, Bolena vero adulteri & incestus convicta, ductaque Semeyra, synodum gentis Anglicanæ indixit, in qua rescissis, quæ pro Elisabetha in Mariæ præjudicium decreverat, deliberandum proposuit, quam deinceps Religionis sacrorumque formam tenere oporteret in Anglia. Desinitumque, ut Regis in Ecclesia primatus per omnia salvus maneat. Cromwellus ejus in spiritualibus Vicarius generalis omnibus conciliis & Episcoporum conventibus præsideat; quamvis laicuseffet, & omnis sacræ doctrinæ ignarus. Edirus in eodem Concilio *Libellus sex articulorum.*

In 1. Articulo contra Lutheranos & Zwinglianos decernitur ^{Articuli} transsubstantio. In 2. Contra eosdem, communionem sub una specie ^{contra Lu-} sufficere. In 3. Cœlibatum sacerdotum retinendum. In 4. Vota castitatis ^{theranos.} & cœlibatus, non temere facta, necessario servanda. In 5. Missam non modo Juri Divino esse congruam, sed Missas etiam privatas necessario celebrandas. In 6. Auricularem confessionem necessario retinendam. Qui secus docuerit aut crediderit ceu hæreticum puniendum.

Quamvis autem hæc catholica erant dogmata: Henricus tamen non minus catholicos quam Lutheranos persequabatur. Quare Paulus III. audita ejus contumacia, & quod corpus S. Thomæ Martyris comburi, & cineres in ventum spargi jussisset, suspensam hucusque excommunicationem publicari imperavit anno 1538. At ille non melior, direptionibus rerum Ecclesiasticarum, cædibus, tyrannide immaniter grassari perrexit. Quare populus arma adversus eum corripuit. Lincolnienfis primum provincia, deinde Northumbria, Cumbria, Dunelmenses & Eboracenses, ultra 50000. in aciem eduxerunt, vita pro religione devota. Territus ea multitudine ^{53.} Rex, Norfolkæ & Suffolcæ Ducibus negotium dat, ut quibuscun- ^{Populus} que possent conditionibus tumultum dissipent; nam semel disper- ^{arma cor-} ^{ripit.}

Q o o o o 3

fos

Ios non facile iterum coituros. Colloquio itaque habito nomina Regis promittunt, eum omnia, quæ cum Catholica fide pugnarent, sanctissime emendaturum. Discessum quidem ab armis, sed Rex fide data non stetit, quin imo instaurata tyrannide ferocius quam antea unquam in sacerdotes, Religiosos, Ac Nobiles, quos flagitiis suis adversos putabat, favire perrexit: constituto etiam magno pretio in caput Reginaldi Poli, qui, ut insidias vitaret, e Gallia, Belgio, Leodio Romam profugit, neque ibidem satis tutus.

Sed parum ei videbatur in personas particulares omnis Ordinis fratrum Mendicantium ordines regno ejiceret, omnibus eorum facultatibus fisco illatis. His pulsus in Monasteria Abbatum reversus, nullum iniquitatis atque crudelitatis genus omisit, quo non in eos diripiendo, torquendo, necando sit debachatus. Sed non tantum in catholicos ferociebat, Lutheranos etiam & Zwinglianos permiscuit. Horum unus a Crammero Archiepiscopo Cantuariensi condemnatus, imprimis ad Cromvelum Vicarium generalem, & ab hoc ad Henricum ceu Papam Angliæ appellavit. Ipse etiam Cromvelus, immanis catholicorum tortor, qui tantorum Regi scelerum aut auctor aut adiutor fuit, ad pœnam maturuit; cum enim Regi, qui eum Essexiæ Comitem creaverat, persuasisset, ut Annam Clivensem duceret, Rex illum hæreseos, perduellionis, felonie, repetundarum a Regni Ordinibus damnatum, capite truncari iussit: & Clivensem repudiavit.

De Divor-
tio.

Tributa.

Quod divortium ut excusaret, legem tulit, a comitiis etiam probatam, ut: matrimonium ratum dissolveretur per subsequentem cum altera copulam, conjugali affectu habitam: secus ac alias Juris gnome pronuntiat: *nuptias non concubitus, sed consensus facit.* Legem alteram in Comitibus non rogavit, sed obtrusit, qua novum & inauditum tributum genus, decimam nempe & quindecimam omnium totius Angliæ proventuum exegit: de xenodochiis quoque, Seminariis, Collegiis, Ecclesiis, eorumque censibus plena dispositione sibi attributa. Nihilominus tamen post tantas directiones, prædas, spolia, rapinas, exactiones, & furta sacrilega, ærarium fuit inane & vacuum: prout passim contingit, quando sæculares ex bonis Ecclesiasticis, aut improbis tributis volunt ditescere.

Obit.

In morbum tandem fatalem delapsus de reconciliatione cum Romana Ecclesia cogitavit, satis agnoscens, quam turpiter aberraverit. Eamque rem cum Episcopis nonnullis contulit. Sed prævaluit

luit adulantium turba, verita, ne spolia Ecclesiarum ac monasteriorum restituere cogatur. Ante mortem tamen Ecclesiam, quæ S. Francisci sodalium fuerat, iussit expiari, & in parochiam erigi, Missamque in ea celebrari. Divinissimum Eucharistiæ sacramentum maximo semper cultu est veneratus: illudque sub una specie, surgens e lecto, humique abjectus, singulari cum reverentia suscepit. Litteris & ipse cultus fuit, & litteratos coluit. Episcopos (præter Crammerum, quem, ut libidini suæ inserviat & ambitioni, Cantuariensi sedi præfecit) nominavit neque indoctos neque omnino malos. Sed quorum plures postea sub Eduardo & Elisabetha vincula & carceres pro Religione sunt perpassi. Sed præclaras aliquas dotes libidine, ambitione, avaritia, crudelitate, ac tetro schismate Princeps infelix penitus obscuravit.

§. II.

Ecclesiæ Anglicanæ status sub Eduardo VI.

Extincto in schismate Henrico, tempora meliora sperabat Anglicana Ecclesia, nam ex 16. tutoribus, quos pater filio testamento dederat, plerique erant Catholici. Verum in majores multo calamitates, imo totalem ferme ruinam est prolapsa, Causa exitii *Eduardus Semeyrus* (quidam Semerum, aut Semerium scribunt) Herfordiæ primum Comes, dein Somerseti Dux, Eduardi Regis avunculus, qui non modo hunc nepotem suum Regem Angliæ & Hiberniæ promulgavit, sed etiam *caput Ecclesiæ*, novennem nempe puerum, qui nec se ipsum per ætatem pupillarem regere poterat.

Semeyrus igitur, Zwinglianae factionis homo, ut contutores everteret, solusque gubernandi potestate potiretur, quos hæresi infectos noverat, præcipuis regni provinciis ac dignitatibus auxit, eorumque favore se solum tutorem, ac Regni Protectorem dixit. Universum igitur Regnum ipse solus, & tutor, & Protector, & Propapa, quo volebat, versabat. Hujus igitur hominis potentia Zwingliani ac Lutherani, quos Henricus nunquam toleravit, plenis valvis in Angliam irruerunt, iisque administris hæresis ubique caput in altum extulit, juvante non parum Crammero impio illo ac spurio Cantuariæ Præsule. Catholici vero Sacerdotes severo edicto sunt vetiti, ne ad populum dicerent, aut Catholicæ Ecclesiæ doctrinam proponerent, solis hæreticis permessa concionandi potestate,

54.
Semeyrus
hæreticus.

Ut

Ut autem hæresis citius dilatetur, ademptæ sunt Catholicis scholarum cathedræ, datæ hæreticis; proscripta Theologia Scholastica, exauctorati SS. Patres, sacrorum Bibliorum Codices fœde interpolati. Petri Lombardi, S. Thomæ, Scoti aliorumque libri ignibus exulti. Adempta Catholicis, quæ Henricus reliquerat, templa: ex omnibus suggestis auditus clamor hæreticus; ovisculæ ad lupos accedere coactæ. Missa abrogata. Ecclesiarum thesauri, quibus furor & avaritia ante pepercerat, in fiscum importati. Communio sub utraque specie imperata. Novi Sacramentorum ritus constituti. Hæretici visitatores instituti, qui omnia catholicæ Religionis monumenta, cruces, imagines, aras everterent. Rex puer, ut insanire disceret, traditus præceptoribus hæreticis Richardo Coxo uxorato Sacerdoti apostatæ, & Joanni Checo laico. Et quasi hæ pestes non sufficerent, Crammerus jam palam scorto pro uxore utens, Catechismum, hæresibus scatentem, eidem Regi inscribit. O præclarum custodem ovium! dignum enim vero, qui primam in Anglia Episcopalem sedem occupet!

Sed necdum satis humani generis hostis provisiū sibi putabat. Exciti ex Germania Martinus Bucerus, Petrus Martyr seu Vermilius, Bernardinus Ochinus, tres ex tribus Religiosis ordinibus uxorati apostatæ. Bucerus Cantabrigiensi academix præfectus, Vermilius Oxoniensi. Protector Zwinglium sectabatur, Crammerus Lutherum. Bucerus plus Judæi quam Christiani habere visus, certe in fide protheus. Vermilius aliter verminabat in Anglia, aliter in Germania, aliter in Helvetia. Ochini adeo solida erat doctrina, ut tandem in Arianum evaserit.

Synodus
Impia.

His Doctoribus Anglia ita profecit, ut anno 1547. in synodo collecta novam religionis formam conceperit, ex variis sectarum centonibus confarcatam. Summa canonum venerabilis hujus concilii, ex militaribus hominibus & ministris constati, hæc erat: omnes res Ecclesiasticæ Regis propriæ sunt. Ordinationum & sacramentorum novus ritus esto, abolito veteri. Cruces & imagines, si quæ supersint, tolluntur. Regis insignia surrogantur. Missa abrogatur. Cœna sub utraque specie sumitur. Sacra vulgari lingua peraguntur. Atque, ut desertam etiam a pastoribus proditamque religionem intelligas, abominationes istas Episcopi, ne preventibus suis priventur, subscriptione sua firmarunt. Atque ut per provincias publicentur, imperatum. Versio Bibliorum, quam Henricus VIII. ad ignes damnaverat, a Protectore Semeyro tanquam authentica recepta, ac publice proposita. Sacerdotibus, Episcopis, & Monachis non solum permittæ, sed obtrusæ meretrices.

Reni.

Renitentes in carceres abjecti: suffectique hæretici in eorum sedes. Arma quidem ad arcendam tyranidem variis in provinciis sumptuant Catholici, sed prævaluit furor hæreticus.

Et hætenus quidem Catholicorum corio lufum est. Verum, ut iniquiata res est hæresis, iis sub jugum missis, in se ipsam conversa, proprio ære sanguineas tragœdias instruxit. Erat Eduardo Semeyro Protectori frater *Thomas Semeyrus*, ^{55.} *cujus uxor Catharina Parræa* ^{Pœna Se-} *Henrico VIII. nupta fuerat.* ^{meyri.} Orta igitur inter utriusque fratris uxo res ambitione ac lite de præcedendi jure, Protector fratrem suum Germanum, per ministrum quendam hæreticum perduellionis falso accusatum, capitali supplicio confecit.

Sed & Protector Eduardus tot scelerum reus & furendi & vendi finem facere brevi coactus est. Nam cum Galli Anglos in Picardia, in qua Bononiam habebant, vicissent, Joannes *Dudlæus* Varvicensis comes, ac Dux postea Northumbriæ, Protectorem perfidiæ accusavit. Fugit is assumpto secum Rege in arcem. Sed cum videret, se ab omnibus destitui, illosque etiam, quos promoverat, pedem referre, se dedit, & deposita protectoris dignitate, per *Dudlæum* datus est in custodiam anno 1548. & post quatuor mensium squalorem securi percussus interiit, qui tot alios carceri & securi subjecit.

Sed prout in naturalibus corruptio unius dicitur esse generatio alterius, ita omnino in hac rerum Anglicarum vicissitudine evenisse dicendum est. Interitus Semeyri plurimumque ejusdem factionis promotio fuit *Dudlæi* ad clavum rerum: alio turbine & ipse brevi dejiendus ac periturus. Vanæ profecto sunt artes falsæ politices. Evehunt in altum authorem suum, sed mox casu graviore ruiturum. Joannes *Dudlæus*, hæresi & ipse infectus, ubi Nobiles promissis & ostentatis novis Dynastiis in partes suas pertraxit, Catholicis fidem dedit, splenorem Ecclesiæ veteris a se restitutum iri, si adversus Protectorem sibi assisterent. Verum gubernaculo admotus fidem fefellerit: Semeyro vix melior.

Is advertens, Eduardum Regem morboſo corpore hau diu Regno fruiturum, familiæ illud suæ, præteritis Eduardi sororibus, stabili nexu inferre satagebat. Quare collato cum *Henrico Grayo* *Dudlæo* propinquo suo, Dorcestriæ primum machione, dein Suffolciæ Duce consilio, filium suum *Gilfordum* cum ejusdem filia *Joanna* *Grayæ* (cujus avia paterna erat *Henrici VIII. soror*) despondit, ut ex hoc conjugio Angliæ corona propagaretur. Nec parum huic consilio favebat *Noallius Orator Gallicus*, metuens, ne ad Mariam,

Henrici VII. ex Catharina filiam, Caroli Cæsaris consobrinam, sceptrum devolvatur. Eoque conatus iniquus deductus est, ut Eduardus Rex hanc Joannam Grayam Regni hæredem testamento scriberet. Moritur Eduardus; Graya proclamatur Regina; magnifice Londini excipitur. Ministri hæretici eandem velut Palladem ex suggestibus in cœlum laudibus extollunt. Magni Proceres hanc causam sequuntur, atque ipse etiam Rex Galliæ, quem reddita Bononia sibi arctius Dudlæus adstrinxerat. In Carolo Cæsare parum spei, gravissimo bello a Gallo & Mauritio Saxone tunc oppugnato. Maria deserta, ac ne vitæ quidem secura, celeri fuga se proripit. Jacent jura: triumphat iniquitas.

Verum vacui sunt mortalium conatus adversus æternæ mentis consilia. Versa mox rerum vice Maria a Norfolkici Duce & Suffexiæ Comite proclamatur Regina. Fit ingens ad eam optimatum populorumque confluxus, ea tamen conditione, ne extero nubat, aut præsentem Religionis statum mutet. Cum exercitu recta Londinum pergit. Dudlæus copias suas opponere nititur. Sed ab iis, ad Mariam confluentibus, desertus, magna & ipse acclamatione, festivam lætitiâ præseferens, eandem Reginam salutat, decimo die, postquam Grayam Londini promulgaverat. Londinenses eandem Grayam throno dejectam una cum patre Suffolcio carceri mandant.

§. III.

Status Ecclesiæ Anglicanæ sub Maria.

Dudlæus
conversus.

Maria ad Angliæ solium, omni jure sibi debitum, elevata, Judices, Norfolkio Præsidente, Dudlæum Northumbriæ Ducem perduellionis reum capitis damnarunt. Cui ea in hac vitæ calamitate felicitas obtigit, ut abjectis Zwinglii Calvinique erroribus, Catholicam Religionem publice profiteretur, quam sola stimulante ambitione se reliquisse fassus est, ut hæreticorum prævalentium ope ad Regni gubernationem evehatur. Ita nempe non raro aperiuntur oculi, cum mors illos parat claudere. Damnati cum patre filii; quibus tamen Regina vitæ gratiam fecit. Episcopos, sacerdotes, ac nobiles; sub patre & fratre carceribus conclusos, libertate donavit.

Firmato Regno ad Religionem instaurandam curas convertit. Abdicatus, quem pater fraterque usurpaverant, *Primatus* titulus. Perduellionis sententia, in Cardinalem Polum lata inique ab Henrico, rescissa. Revocatus in Angliam, atque a Julio III. missus Legatus a latere,

latere, supplices Ordines, Regnumque totum a Schismate absolvit, ac Sedi Apostolicæ reconciliavit anno 1554. Missi Romam Oratores, Reginæ ac Ordinum nomine Pontifici obedientiam exhibituri. Laboratum deinde a Polo legato strenue, in cleri populique disciplina pristino nitori restituenda. Reformata Academia, ac reliquæ scholæ: Petro Soto loco Petri Martyris accito Theologo. Reducti antiqui ritus, instituta, consuetudines, synodi, Canones. Episcopi Catholici, tempore Schismatis creati, una cum sex Episcopatibus, ab Henrico VIII. erecti, sunt confirmati. Matrimonia, cum impedimento juris Ecclesiastici contracta, facta dispensatione, validata. Erecta ac restaurata templa, altaria, collegia, cœnobîa.

Quoniam vero haud modica difficultas reconciliationi obijcebatur ab iis, qui bona Ecclesiastica, ab Henrico VIII. abstracta, possidebant, legatus amore pacis & unitatis a pœna & censuris Canonicis in perpetuum eos absolvit. Decimas vero & primitias fructuum; ab Henrico & Eduardo fisco addictas. clero deinceps solvenda decrevit. Gravissimum tributum, ab Eduardo impositum, populo remissum. Atque hæc omnia ut sapienter constituta Paulus IV. rata habuit. Denique omnes exteri, qui nec publicam personam gererent, nec civitate donati essent, ad certum diem pœna gravi proposita Angliam exire iussi. Quo edicto supra 30000. hæreticorum expulsa sunt. Bucerii & Pagii cadavera concremata.

Quibus omnino rebus factum, ut Anglia brevi tempore, a schismate diuturno & hæresibus purgata & pulchre reflorescens, pristinum splendorem recuperarit: haud aliter, ac post tristem longamque hyemem amabili verni temporis jucunditate tellus, atque æther ipse permulcetur. Hymni & cantica ubique personabant, omniaque plausu ac publicis lætitiæ signis animabantur. Coronatio præsertim Reginæ inter festivas acclamationes ab Episcopo Vintoniensi (quem Regni Cancellarium dixit) & aliis sex Episcopis Catholico ritu suscepta, habita ab Episcopo oratione solenni de officio subditorum erga Principem. Diploma mox recitatum, quo præteritorum venia conceditur. Primusque Vintoniensis Episcoporum & Cleri Anglicani nomine ad deferendum obsequium thronum accessit: tum Norfolcius Ducum, Vintoniensis Marchio Marchionum, & Arundelii Comitum nomine: sequentibus reliquis Angliæ Regulis.

Peracto dein Missæ sacrificio a Vintoniensi itum solenni pompa in palatium, ubi Regale convivium erat apparatus: in quo infra Reginam assederunt Elisabetha ejus soror, & Anna Clvensis, ab Henrico VIII. repudiata: & paulo inferius Vintoniensis Episcopus. Sub-

mensa eques armatus pro more ingressus, ad duellum provocavit, si quis Mariam non agnosceret Reginam. Nemine compente, Regina ex poculo aureo haustum ipsi propinavit, ac poculum dono dedit.

57.
Comitia
Regni.

Post expletas coronationis solennitates Regina totius Regni Comitia indixit, *Parlamentum* vocant, in duas *Domus* divisam seu curias, *Superiorem & Inferiorem*. In illa sunt Episcopi, Principes, Duces, Marchiones, Comites, iique, qui antiquiore stemmate sunt illustres (quos *Lordos* aut *Milordos* appellant). Inferiorem Domum constituunt Barones, Equites Nobiles, civitatum & communitatum Syndici, delegati, ac Procuratores (quam etiam *cameram communium* nuncupant). Absque hujus conventus assensu Rex in iis, quæ ad statum Regni pertinent, uti ad condendas leges, ad pacem aut bellum, nihil potest decernere. Indicitur tamen ab ipso, tertio ad minimum quovis anno. Locus consuetus est palatium Regium Westmonasteriense. Præsidet Rex ipse, vel per se, vel per eos, quos ad id deputat, & ea, de quibus consultandum, proponit. Inferior Domus Superiori sententiam suam communicat, ac communibus deinde votis, quod majori parti visum, statuitur. Nullum tamen conclusum fieri potest, nisi a Rege sit approbatum, eoque præsentem promulgatum. Conventus porro iste non modo est supremus Regni Senatus, in quo de legibus, fœderibus, pace, bello, subsidiis Regi conferendis &c. decernitur: sed etiam supremum est Regni tribunal, ad quod ultimæ appellationes deferuntur. Superior Domus his temporibus constat 187. membris: Inferior vero 558. si Domus una dissentit ab altera, deputantur utrinque aliquot, veluti compromissarii. Hæc semel obiter notare placuit ad intelligendam Angliæ historiam. Nam inter Reges & Parlamentum istud sæculo XVII. ingentes actæ sunt tragædiæ. Nunc ad rem,

Placita de
matrimo-
nio Regi-
næ.

Maria Regina in his comitiis inter alia consuluit de eligendo conjuge. Plerisque assentientibus decretum, ut Philippus Hispaniæ Princeps Caroli V. filius ascisceretur. Pactis tamen dotalibus hæc conditiones a Parlamento sunt appositæ: ut Philippus & Maria omnes titulos & administrationes regni communes habeant, sic tamen, ut omnium officiorum distributio sit penes Reginam, eaque solis Anglis committantur. Ne Angliâ bello, inter Cæsarem & Galliæ Regem tunc flagranti, implicetur. Ne exteri ad Reginam aut Regni Senatum admittantur. Ut ex Hispaniis quot annis 30000. scutatorum in Angliam inferantur. Ut primus ex hoc matrimonio natus filius Angliæ Regnum, alter Flandriæ Comitatum obtineat. Socialibus armis

armis Hispania & Anglia Aquitaniæ Principatum vindicent, qui occupatus in Anglorum deinde sit potestate. Multa etiam in his Comitibus de Religione sunt pertractata, atque brevi post executioni mandata.

Quamvis autem connubiales illæ leges, a Parlamento præscriptæ, duriores essent Philippo ac Cæsari parenti, nihilominus tamen ab ipsis & Regina sunt acceptatæ. Missi a Cæsare in Angliam Legati Lamoralis Comes Egmontius, (intelix postea sub Albano victima) Carolus Lalinius, & Joannes Mommorantius: confectumque conjugium, ex quo ingentia bona sperabat Religio: obtinuissetque haud dubie, nisi fuisset sterile.

Proceres aliqui indignati, quod Regina extero Principi esset juncta, tantamque in hæreticos severitatem expromeret, conjurare ^{58.} Conspiratio. cœperunt, libertatis prætextu, quam in exteri Principis manum depositam querebantur, tractis in partem multis in variis Regni provinciis, armatis etiam copiis Reginam aggressi. Principes rebellionis erant, Cortinaus Devonix Comes, cui regii connubii spes facta fuerat, Carreus, Viatus, & Suffolcius. Et Carreus quidem in Cornubia conducens clam milites, re detecta oppressus in Galliam profugit, se ipsum damnans exilio.

Henricus Dudlaeus Suffolciæ Dux in turri Londinensi captivus, audita seditione, morbi curandi prætextu uxoris precibus ad proprias ædes fide data divertere permissus est. At ille perfidiæ dudum assuetus, cum militum manu in Varvicensem Comitatum fugiens, populos ad arma vocat, Joannam filiam Reginam proclamans. Verum a Regiis circumventus, & a suis desertus, unicum in fuga remedium quærit. Omnium igitur inops, dum incertus, quo fugeret, solus errat, in rusticum incidit, quem, ut latebras ad hostes fallendos sibi ostendat, magnis promissis rogat. Rusticus Ducem in arbore annosa & cava abscondit, exili sane domicilio pro viro, cujus amplas spes vix regnum capiebat. Ad eum noctu rusticus cruda aliqua ex villa cibaria deferrebat, quibus miser vitam sustentabat. Dum interea toto regno investigatur, & non pauci equites & pedites arborem illam præteribant. Cum inveniri non posset, edictum promulgatur, quo ei, qui Suffolcium Reginæ stitisset, magna merces promissa: in eos contra, qui illum celassent, gravis pœna constituta. Rusticus igitur sive spe sive metu impulsus, ad Regium præfectum abit & scire se indicat, ubi Suffolcius lateat: qui biduum in rustico deserto, fame cogente ad rustici mapale se interea contulerat. Adjuncti rustico armorum aliquot, cum arborem illam caute, ne præ-

da elabatur, velut indagine cinxissent, vacuum reperiunt. Sed alii interim ad casam delati, captivum abducunt Londinum, ubi perduellionis damnatus capite plexus est. (anno 1554.).

Idem supplicium eandem ob causam subierunt *Gilfordus* Ducis Northumbriæ jam ante cæsi filius, & *Joanna Graya* Suffolci filia, *Gilfordi* uxor: quam bis Reginam proclamaverant. Hujus mortem mire extollunt Protestantes, velut heroidis, quæ sortes humanas infra se haberet. Sed præter planctus, lamenta, & lachrymas, quibus *Gilfordum* maritum cæsum lugebat, & suspiria, quibus ei in altera etiam vita jungi optabat, nihil admodum invenies, quod probaret Heroidem. A solo ingenio & literaturo apud veros aestimatores laudem tulit, græce & latine bene docta.

Plus negotii Reginæ faceſſebat, plusque terroris incuſſit *Thomas Viatus* tertium conjuratorum caput. Is etenim in Cantio aliisque provinciis justo ſeditioſorum exercitu ſub ſigna collecto Roſenſem urbem occupavit. Norſolcium Regium Duſtorem in ſugam avertit; acerbas etiam Reginæ pacis conditiones præſcripſit: ut indigenæ nubat: arcem Londinenſem (hoc eſt Reginam ipſam) ſuæ cuſtodię comittat; Prætorianorum præfeſturam ſibi tradat. Neque hic ſtetit hominis inſolentia: cum copiis ſuis perduellibus ad ipſos Londinimuros accedit. Sed cum portæ, quas illico ſibi apertendas putabat, videret occluſas, adveniente Regio milite concluſus ſe dedit. Carceri primum incluſus, in quatuor dein partes diſſectus eſt.

Acceſſit ſupplicium *Thomæ Crammeri*, pseudo-Archiepiſcopi Cantuarienſis, hominis ex aſſe hæretici; qui ſententiam divortii inter Henricum VIII. & Catharinam Mariæ matrem tulit, & Anglicano ſchiſmati primus oſtium aperuit. Majeſtatis damnatus, atque in carcerem Londinenſem abductus, hæreſin eſeravit. At ubi firmam mortis ſententiam vidit, ira exaſtuans, ne Catholicis converſionis ſuæ ſolatium relinqueret, ruſus a fide deſcivit; atque rogo injeſtus, inter execrationes & blaſphemias turpiſſimam vitam finiit. Dignus enim vero, quem hæretici Martyrologio ſuo velut Sanctum inſcriberent.

59.
Fraus hære-
ticorum.

Sed videamus hæreticorum in Anglia miracula, ac vaticinia, prophetico eorum ſpiritu eruſtata. Zwingliani miniſtri *Elisabetham Croſſam*, 18. annorum puellam, hæreſi ſimul & pretio corruptam, muro quidam Londini includunt, ut per ſiſtulam, ad id aptatam, carmen demurmuraret, quod improbi ſycophantæ ipſi ſuggeſſerant. Advocis peregrinæ ſonum accurrunt cives: urbi ac toti regno perniciem

niciem comminantem audiunt, si nuptias cum Hispano, aut communionem cum Romano Pontifice admittant. Multa item contra Missam ac fidem Catholicam oracula fundebat. Ex conscis vero plures data opera se turbæ ingerebant, & obscuriores spiritus hujus strophas ad seditionem concitandam & Religionem evertendam interpretabantur. Tandem Magistratus ad compescendam multitudinem accedit: audit voces. Fraus latet: donec muro effosso fabula evoluta est. Puella extracta, & examinata totam stropham detexit, ad perpetuam hæreticorum ignominiam. Nempe tales & olim vates prodigiosas Montanus, Marcion, Pelagius, Priscillianus secum circumferebant.

Hæc dum ludicra ab hæreticis instruebantur in Anglia, *Elisabetha*. *Elisabetha*.
betba Reginæ soror, a Viato inter conscios perduellionis nominata, turri Londinensi includitur: inde Richemundam, atque Nolstochium abducta: ne nuptiarum cum Philippo solennitas atque lætitia turbaretur. Joannes Grayus vero Suffolciæ frater idem scelus capite luit. Hopperus autem Episcopus Glocestrensis hæresis condemnatus, exustus est. Thomasonus ob captum Reges occidendi consilium strangulatus. Nova dein iterum conjuratio in Regis & Reginæ, & omnium Hispanorum caput in lucem protracta, & punita est. *Conspiratio*.
 Reginæ vero, cujusdam Hiberni Medici pharmaco usa, nullam deinceps sætus, quem gestare se putaverat, motum sensit. Multæ etiam cruces & Sanctorum imagines Londini dejectæ sunt, ignotis auctoribus.

Demonstrare nempe volebant seditionum & iconomachiae auctores, necdum omnes hæreticos ex Anglia fuisse propulso. Unde plures identidem conjurationes, Lernæa velut excetra renascentes, succreverunt, & juvenis quidam, Eduardo VI. Regi persimilis, in scenam ab iisdem productus, Regem se ferebat, eo fuce simplici plebeculæ illito, Eduardum metu Mariæ, & Northumbrii, Joannam Grayam attollere in solum volentis, fugisse, alium vero mortuum pro ipso fuisse suppositum. Captus impostor, & primum carcere, dein vero, cum insanire pergeret, morte punitus.

Philippus Rex, tot inter turbas Anglia excedens in Belgium, a *Obitus*.
 patre Carolo abdicante Regna Hispanorum accepit. Maria vero Regina morbo contracto, cum vitæ finem imminere adverteret, Elisabetham sororem, quam a patre successioni, a Regni ordinibus approbatæ, destinatam esse norat, e custodia accitam, se e vivis sublata, jussit omne æs alienum e regio patrimonio dissolvere: in religione nihil mutare: nullam hæresin tolerare. Quæ Elisabetha (hætenus

Ænus Catholicam se simulans) jurejurando coram senatu promisit. Eadem die, qua tempore matutino obiit Maria, secutus est sub vesperum Reginaldus Polus Cardinalis, post Varamum, & Crammerum Archiepiscopus Cantuariensis, Religionis in Anglia cum Regina restaurator : quæ, Deo vindicante mortalium scelera, cum illis occidit.

§. III.

Status Ecclesiæ Anglicanæ sub Elisabetha.

60.
Artes.

POST Mariæ obitum, præterita Maria Stuartæ Scotiæ Regina, regnum Angliæ defertur ad Elisabetham, 25. tunc annos natam, litteris politioribus & linguarum Latinæ, Italicæ & Gallicæ peritia instructam, ingenii quoque, ac naturæ dotibus valentem, quas tamen perfidia, crudelitate, hæresi fœde obscuravit. Religionem Catholicam non alia ex ratione abjecit, nisi, ne ipsa a Regno abjiceretur. Quippe a Clemente VII. & Paulo III. nuptiis cum Anna Bolena, ac prole inde suscepta declaratis illegitimis Regnum ad Scotiæ Reginam pertinebat. Id verita mulier, potestatem Romani Pontificis negandam judicavit, patris patrisque exemplo : præsertim ubi a Paulo IV. rigidioris, quam tempora ferebant, disciplinæ Pontifice, cui regni additionem significari curaverat, responsum minus expectatum accepisset. Regnum Angliæ feudum esse Romanæ Ecclesiæ, clientelari obsequio agnitum a superioribus Regibus, non debuisse proin illam, maxime natalium vitio laborantem, absque præscitu Sedis Apostolicæ Regnum capeßere. Diciturque Gallicus Orator Pontificem incitasse, ne mitius responderet; quia Galli Mariam Stuartam, Delphino tunc nuptam, Angliæ Reginam proclamaverant, ac insuper metuebant, ne Elisabetha cum Philippo II. aut Ferdinandi Cæsaris filio jungatur connubio, quod minus e ratione Status sui fore censebant.

Elisabetha igitur Romanæ Ecclesiæ jugum excutere certa, paulatim tamen agendum tata, Catholico ritu a Carleolensi Episcopo inaugurata (anno 1559.) solitum juramentum præstitit, defendendi Catholicam Religionem, & libertatem Ecclesiasticam conservandi. Tum vero usa studio *Roberti Cecilii*, qui Eduardo VI. fuerat a secretis, & Nicolai Baconi J. C. hæretici; pedetentim variis adulari Proceribus, Arundelio Comiti, & Roberto Dudlæo, Northumbriæ Ducis, sub Maria cæsi, filio, spem matrimonii facere, reliquis spes magnas ostentare, plerosque arcanis artibus in retia trahere, permittere

tere primo religionem liberam, tum omnem Jurisdictionem Ecclesiasticam sibi arrogare, novam juramenti formam præscribere, edicta per regnum spargere.

His sibi attribuit summam potestatem visitationis, correctionis, reformandi Clerum, cum omni jure Episcopos creandi, deponendi, synodos convocandi, in iis præsidendi, leges & constitutiones Ecclesiasticas condendi, antiquandi, immutandi, cum omni cognitione, decisione, punitione, errorum, hæresum, abusuum, ac qualiumcunque criminum; denique cum omni facultate substituendi ac delegandi alios, quosunque vellet Judices, etiam laicos in Ecclesiasticis causis ac negotiis, nulla Episcoporum habita ratione, nisi quantum ipsa concederet: ita, ut jurisdictionem & potestatem Episcopalem nullam exercerent, nisi ad beneplacitum Regina, nec aliter nisi per ipsam, & a Regali Majestate derivatam auctoritatem.

Unde supremi Ecclesiæ capitis nomine attribuit sibi in perpetuum primi anni cujuscunque Beneficii integros fructus: omnesque cænobiorum possessiones, a Maria Regina ad sacrosufus restitutas, partim fisco addixit, partim Nobilibus distribuit, ad captandam eorum benevolentiam, eosque aureo hoc hamo, quocunque luberet, trahendos. Vicarios & commissarios pro causis spiritualibus constituit, caso peculiari in eam rem sigillo.

Missæ sacrificium, cum omni sanctissimo ritu sacramenta administrandi sustulit. Catholicis Evangelium prædicandi facultate interdixit. Nova sacra, ceremonias, ritus præscripsit. Vetat, ne Clerus ad synodum ullam aliorum quam Regina litteris aut mandatis conveniat, neve ullum canonem, constitutionem synodalem faciat, vel exequatur, absque expresso ejusdem consensu, sub poena carceris & multæ pro Regina arbitrio imponendæ. Ne quis regno exeat ad ullum concilium, aut conventum. Ne Episcopi ullius nominatione, aut electione, sed sola auctoritate regia creentur. Atque ut hæc omnia certius in praxin irent, juramentum omnibus nuncupandum imposuit. Cujus hæc erat forma:

Ego N. prorsus testificor & declaro in conscientia mea, Reginam esse solam supremam Gubernatricem, & istius Regni Angliæ, & aliorum omnium suæ Majestatis dominiorum, & regionum, non minus in omnibus spiritualibus atque Ecclesiasticis rebus vel causis, quam temporalibus: & quod nemo externus Princeps, persona, Prælatus, status, vel Potentatus, aut factio aut jure habet aliquam jurisdictionem, potestatem, superioritatem, præminentiam vel auctoritatem Ecclesiasticam

Pars VII.

Q q q q q

aut

Caput Anglicanæ Ecclesiæ.

61. Religio eversa.

62.
Comitiis.

aut spiritualem in hoc regno. Ideoque plane renuntio & repudio omnes exterorum jurisdictiones, potestates, superioritates atque auctoritates.

Quum vero ne sic quidem satis omnia, quæ volebat, stabilivisse sibi videretur, Comitii convocanda, ordinumque Regni consensum, sine quo nihil, & cum quo omnia poterat, procurandum sibi censuit. Postquam igitur diligenter providerat, ut ex singulis provinciis & civitatibus, in alteram curiam, quæ Domus Inferior dicitur, ii cooptarentur, quos suis ipsa commodis maxime commodos existimabat, facile obtinuit, ut omnia, quæ proposuit, ab hac comprobarentur. In Superiore autem Domo plerique eam de primatu Ecclesiastico propositionem detestabantur: Episcopi comprimis.

Tyrannis.

At Regina ad solitas suas artes, dolos nempe & simulationes conversa, quum Norforcio Duci, & Arundello Comiti spem nuptiarum fecisset, facile eos ad suas partes pertraxit, ut causam ejus aliis etiam ardentem persuaderent, adeo quidem, ut pars schismatica numero suffragiorum vinceret. Regina voti compos utrumque procum destituit, & in præmium navatæ operæ Arundelium auctoritate, Norfolcium etiam vita privavit. Episcopi in parlamento dissentientes dignitate dejecti. Et qui sacrilegum juramentum detestabant, exauctorati, & relegati, aut in varios carceres coniecti sunt. Melior etiam pars Cleri, variorum ordinum cœnobitæ, Catholici Doctores, Nobiles laici utriusque sexus, in veteri religione constantes, in ergastula aut exilium acti. Cruenta deinde persecutio in sacerdotes, monachos, ac fidei defensores excitata martyrio plurimos cœlo transmisit.

Tyrannidem vehementius accendit Pii V. constitutio, qua post tentata incassum lenia remedia, sacro anathemate percussit Elisabetham (anno 1570) eamque regno privatam declaravit, omnesque ac singulos ejus subditos a juramento fidelitatis absolvit, lata in eos, qui mandatis ejus parerent, excommunicationis sententia. Quam constitutionem Gregorius XIII. & Sixtus V. innovarunt, & confirmarunt.

63.
Sectis.

His auditis Elisabetha immanem in Catholicos lanienam acuit, instititque hæc Angliæ Papissa operi cœpto, in cudendo id genus religionis systemate: quod nec Hussiticum, nec Calvinianum, nec Zwinglianum, nec Lutheranum, nec Anabaptisticum, neque Catholicum esset: ex omnibus tamen aliquid conflaret. Ex Religione Catholica retinuit aliquas ceremonias ritusque externos, ut eo minus offensionis incurrat apud populum, ex maxima parte adhuc Catholicum: qui, dum videbat antiquos ritus, Episcoporum aliorumque Ecclesiasticorum vetera nomina, vestitum a laicis discretum, Christi cruci-

crucifixi Sanctorumque imagines in templis & compitis, organa & cantus, cereos, orationes pro defunctis, more ferme antiquo retineri, die veneris & sabbati a carnibus abstineri, homines cruce signari, sepulturas ritu veteri fieri : vix sentiebat, se paulatim duci in hæresin, quam quoad interna ac doctrinam ex variis hæresiarchis centonis instar consarcinavit. Et, ut facilius haurirent, pœna non levi proposita omnes ad conciones hæreticorum adire compulit. Quam in rem, prout etiam ad confirmandum suum primatum sævissimas leges tulit partim pecuniarias partim capitales.

Qui 16. annos natus Protestantium concionibus ac cultui Divino ^{Decreta.} interesse recusaverit, quot mensibus viginti libras Anglicæ monetæ pro multa pendito. Qui non habet in ære, carcere luito, quod persolvere queat. Multo gravior pœna statuta in eos, qui Missam legerint, aut eidem interfuerint. Nulli scholarium in collegio aditus conceditur, nisi Papæ auctoritatem ejuraverit. Neque suffragii jus habeat, qui hoc non præstiterit. Nullus hæreditatem adeat, nisi juramentum deponat. Qui id recusat, ad perpetuos carceres, omnibus bonis multatus condemnatur. Eadem pœna statuitur in eos, qui negaverint, Reginam esse supremum Anglicanæ Ecclesiæ caput; aut consecrata munuscula, rosaria, lypsana &c. in Angliam importarit : qui Catholicos non detulerit : qui conciliationem cum Romana Ecclesia suaserit, aut obedientiam Papæ præstandam, aut tales non denuntiavit &c.

Leges capitales conceptæ erant in eos, qui dixerint, aut scripserint, Papam esse caput Anglicanæ Ecclesiæ, aut aliquam illi jurisdictionem asserat : ad eum provocat, aut Bullam in Angliam portat : qui tertio monitus, ejus potestatem ejurare, aut Reginæ primatum negare præsumserit : aut eam schismaticam vel hæreticam pronuntiet. Qui personam quamcunque ad Ecclesiæ Romanæ unionem reduxerit : vel ipse reconciliari se passus sit : aut qui alteri persuaserit, Papæ in rebus Ecclesiasticis esse obediendum, vel id sibi persuaderi passus fuerit. Quicunque sacerdos subditum Reginæ absolverit, aut eam potestatem se habere dicat, licet ea non utatur &c.

En leges Anglicanæ tyrannidis, non latas iniquius, quam executioni datas crudelius ! Supplicii autem hæc erat forma. <sup>Supplici
forma.</sup> Damnatus crati supinus impositus ad supplicii locum perductus, & collo in laqueum inserto suspensus patibulo, inciso fune semivivus demittitur. Abscinduntur virilia, aperto ventre intestina extrahuntur, & in ignem projiciuntur. Tandem amputato capite, truncus in quatuor partes disseccatur, eæque celebrioribus urbis locis horribili spectaculo suspenduntur :

duntur : bonis interim omnibus fisco addictis : & , si nobili sint familia , Nobilitatis insignibus detractis . Quæ barbaries favire possit aut propudiosius , aut truculentius ? Hæresis hæc est indoles . Ex usu suo & more agit . Ingeniosa illa , stimulante industriam rabie , in novas & inauditas pœnas , eâ tormenta , fœviendique modos invenit , quos nulla unquam ethnica tyrannis aut barbara crudelitas noverat . Hoc videlicet erat more Apostolico Evangelium prædicare .

Propter
fidem.

Infinitus forem , si omnes lanienas , eorumque , qui eas sustinuerunt , carceres , tormenta , neces , narratione singulatim vellem complecti . Neronis alicujus , Decii , aut Diocletiani tempora rediisse videri poterant , nisi nova tyrannis antiquam illam superasset . Nec in viros duntaxat fœvitum , sed in pueros etiam , puellas , matronasque honestissimas : manifesto argumento , non crimen aliquod læsæ majestatis eos luere (quod Elisabethæ martyrii invidens gloriam , per exterarum aulas spargebat) sed unice propter fidem Catholicam , & unionem cum sede Apostolica , tormentis fuisse subiectos . Quid enim ab innocua illa ætate , quid a sexu imbecilli timendum fuerat Reginæ , tot exercitibus stipatæ , tantaque potentia terra marique obvallatæ , præsertim ubi Scotiæ Reginam jam unguibus tenebat . Sed nec ulla unquam conjuratio aut proditio Catholicorum deprehendi poterat . Sed tota persecutionis causa erat , quod Catholici in fide Christi essent constantes , ac Romanum Pontificem tanquam caput Ecclesiæ in spiritualibus agnoscerent : uti ex eo etiam luculenter patuit , quod carceribus conclusis , aut etiam ad mortem jam eductis libertas fuerit promissa , si fidem catholicam ejurarent , & re ipsa pluribus concessa , ubi tormentis victi ab illa delciverunt .

64.
Exules.

Seminaaria.

Sæviente autem hac persecutione complures viri pii & docti patriam , quam sanare non poterant , reliquerunt , ut eminus opera sua librisque eruditis eandem juvarent . Hos inter *Nicolaus Sanderus* , libro de schismate Anglicano celebris , *Thomas Stapletanus* Doctor Theologus , pluribus monumentis clarus , & *Guilielmus Alanus Copus* , qui propter insignia in Ecclesiam merita postea a Sixto V. purpura donatus est . Hic primo Duaci Anglorum seminarium instituit , sedis Apostolicæ ac piorum hominum , quos Anglorum exulum misratio tangebat , liberalitate . Ex quo plures prodierunt optime instituti sacerdotes . Quum autem Geusii omnia in Belgio miscerent , Rhemos translatum viros insignes produxit . Pontifex insuper Gregorius XIII. Collegium Anglicanum fundavit , pro alenda & instituenda juventute . Quibus in Hispania , postea Belgio , aliisque provinciis plura accesserunt ,
pro

pro natione illa pressa, id genus Collegia, magnorum virorum ac Martyrum seminaria.

Nam ex heroibus istis plures sacerdotio initiati, & sacra doctrina probe imbuti, in Angliam redibant; ac hæreses opugnabant. Hæ tempore Elisabethæ in quatuor potissimum classes, quarum quævis alteram damnabat, erant dissectæ. Prima erat Regiæ religio, seu *Sectæ Anglicanæ*, & quasi nationalis Angliæ, cujus fundamenta Henricus VIII. jecerat: & Elisabetha promovit. Atque hæc Regiam pro Ecclesiæ Anglicanæ capite habuit, retenta tamen Episcoporum dignitate, multisque externis ceremoniis ac ritibus: in reliquis ferme Calvinii dogmata festabatur: eo quod dicerent, Religionem Papisticam nimis pinguem esse, Calvinianam vero nimis macram, se vero mediam, & ex utraque mixtam tenere, atque hoc ipso optimam, quia ex utraque, vitatis extremis vitiosis, optima quæque essent selecta. Ubi tamen illud contigit memorabile, quod, cum Henrico VIII. legem rogante Parlamentum statuisset, ut Episcopus more veteri a tribus Episcopis consecraretur, sollicite indagarint Episcopum Catholicum, qui eos consecraret, interpellato etiam Archiepiscopo Armachano Hiberniæ Metropolitano, qui eo tempore in carcere Londinensi detinebatur: probe gnari, consecrari non posse Episcopum nisi a vero Episcopo.

Altera Sectariorum classis erant *Presbyteriani*, Episcopalis oppositi, quod eos non differre ab aliis dicerent, eo quod in primitiva Ecclesia *Presbyteri* fuerint seniores, quo nomine absque discretione tam Episcopi, quam alii Ministri Ecclesiæ fuerint comprehensi, atque æquales, absque hiærchia Ecclesiastica, qua alii sint majores, alii minores. Adhæc externos ritus Elisabethæ rejiciebant, uti organorum, altarium, certis habitus. Negabantque, posse Prælatum Ecclesiasticum in Comitibus Regni sessionem & votum habere. Dissidebant etiam in doctrina prædestinationis, redemptionis generis humani &c. In Scotia prævalent: in Anglia autem Episcopales.

Tertiam Sectam conficiunt *Puritani* aut *Consistoriales*, qui inhærentes Genevensi Calvini & Bezæ confessioni ad ejus normam omnia exigebant, rejectis ceremoniis ac ritibus Ecclesiæ Anglicanæ, quos supersticiosos, & Papissimum olentes censebant. Et hinc Episcopales vocitabant *Calvinianos Papistas*, aut etiam *Parlamentarios*; quia scilicet Regina legem rogante Parlamentum Episcopalem sectam introduxerat. Tria maxime eorum in Anglia se hujus hæresis efferebant capita: Compingerus, qui pater misericordiæ dici voluit: Ardennus

nus justitiæ & ultionis præconem se ferebat : Harquelotus, qui Christi imaginem se jactabat.

Enthusiastæ.

Quartam constituebant Brownistæ aliique Enthusiastæ, qui familia amoris appellari volebant. Hi omnes mutuo odio & insectatione tanquam hæreticos se se insectabantur. Sæctæ autem istæ in alias rursus sæctas subdivisæ sunt ; & ex iis nata postmodum numerosa novarum colluvies ; quolibet videlicet luxuriante cerebro sacras scripturas pro libidine, & ad phantasticam suam ideam, in mente conceptam, interpretante, & abutente : documento certe dilucido, ad quam confusionem deveniatur, si neglecta Ecclesia ejusque interpretatione cujuslibet arbitrio permittantur Divina oracula.

64.

Societas in Angliam.

Quamvis autem diversæ hæreses religioni, a Regina introductæ se opponerent, ejusque primatum & constitutos ab ea Episcopos, ritusque abjicerent, attamen adversus solam Religionem Catholicam extirpandam tota incubuit. Jamque dudum Martyrum sanguine decolor Thamesis rubore suffusus decurrerat ; cum anno 1580. Societas Jesu suo instituto ad salutem animarum nata, postquam jam multos Anglos in seminariis educatos in patriæ comoda præmiserat, & ipsa in desolatum hoc regnum concedendum sibi putavit. Quamvis minime eam lateret, quanto Elisabethæ sit odio : dum & Turcam sollicitavit, ne ullum huic hominum generi in provinciis suis locum concedat (Gallico tamen oratore ejus conatibus obtinente) & 38. ejusdem professionis viros, in Brasiliam ad Evangelium prædicandum navigantes per suos piratas in mare præcipitavit.

Personius.

Primi ex hac Societate Angliæ Apostoli erant Robertus Personius, & Edmundus Campianus, Angli, a Gregorio XIII. & Præposito suo Generali Mercuriano missi, cum fratre coadjutore Rudolpho Emersono. In itinere Mediolanum delati ostiduo detenti sunt a S. Carolo Borromæo. Geneva transeuntes cum Beza congressi laborabant eum in viam reducere. Audomarum ubi attigerunt, intelligunt, eorum in Angliam trajiciendi consilium per exploratores jam constare in Anglia : portus omnes obsideri : ipsas eorum effigies jam haberi depictas, in certam eos mortem ruere. Cui autem bono Angliæ futurum, ex portu in carcerem, ex hoc ad Curiam raptari ?

Personius re perpenſa, ne omnes in discrimen daret, ipse prior solus, ceu Missionis superior, trajectus aleam tentavit, Campiano Audomari certiora exspectare jussu. Itaque militarem ducem toto corporis habitu præferens Caletum solvit, & cum Dubrim applicuisset, Gubernatorem ultro adit, ac velut diu ante domesticus rogat, ne mercatorem Patricium nomine (Campianum nempe) altera die mor-

retur,

retur, sua enim interesse, ut quamprimum Londini adsit præsens. Quod ipsum Campiano per navem reducem nuntiat. Lond num feliciter delatus mox custodiam adit, in qua Thomas Pondo, a biennio, dum esset in vinculis, Societati auctoratus, detinebatur : a quo Personius Gilberto commendabatur, viro nobili, a Puritanorum secta ad Religionem nostram transgresso.

Supervenit mox, cautius licet Dubrensi portu custodito, Campianus. Campianus cum fratre Emerfono, ingenti Catholicorum lætitia : quibus contestati sunt, se unice propter animarum salutem venisse in Angliam, politico regimini & rationi status se nullatenus immisturos. Inter alia decretum, non licere Catholicis conciones & mysteria hæreticorum frequentare. Postquam dein Campianus in privatis adibus sapius ad Catholicos dixisset, pluriumque nobiles conversiones essent factæ, notitia de eorum adventu in aulam est perlata. Statuunt proin ad vitandas, quæ ubique tendebantur, insidias Londino tantisper discedere. Quod antequam facerent, Campianus ad Regium Senatum litteras dedit, in quibus adventus sui causam exposuit, pluraque diluit, quæ contra Societatem & Anglica seminaria erant sparsa, simulque se offert ad disputationem coram Regina instituendam; tandem rogat, ut sibi munere sacerdotis, ad quod missus esset, liceat fungi.

Multis interea Catholicis nobilibus ad eum confluentibus, vestibus, sapius mutandis, ne agnosceretur, & equis instructus, aliquamdiu exploratores oculos sefellit : donec ab Elioto proditus in manus apparitorum incidit. Hic homo, prius Catholicus, capitalis criminis reus, a Valsinghamo Reginae Secretario vitæ veniam impetraverat, ea conditione, ut Campianum sisteret. Igitur admissus in domum nobilem extra Londinum, in qua Campianus prædicando, confessionibus audiendis, & SS. Evcharistiæ sacramento conferendo occupabatur, hic Judas apparitoribus, qui in propinquo substiterant, indicium fecit. Quin domum irrumpentes, excussis omnibus latebris Campianum tandem deprehenderunt, & captivum perduxerunt Londinum. Proditus.

Ubi immaniter tortus & distentus, nihilominus cum hæreticis disputationem iniit, quatuor continenter diebus, horis ante & pomeridianis, variis ministellis, dum priores lassarentur, recenti robore sibi succedentibus. Quibus omnibus par Campianus, Catholicæ Religionis veritatem tam dilucide ac nervose ob oculos posuit, ut victi recesserint, & Philippus Comes Arundelius, qui præsens aderat, mox fidem Catholicam sit professus, Disputat.

Cum

Cum nec tormenta nec verborum contentiones Athletam vincerent, criminalem ei actionem intenterunt, quod Rhemis ac Romæ de nece Reginæ inferenda conspirarit, ac propterea nunc in Angliam venerit, ut armis Papæ, Hispani, & Florentini viam pareret. Negavit, id facinus sibi unquam in mentem venisse, nulla id ratione nec prudenti conjectura probari posse, non alio fine se missum in Angliam, quam, ut absque omni prodicione & tumultu fidem prædicet, & SS. Sacramenta fidelibus distribuat. Quod exteri quidam Principes arma adversus Angliam parent, id sibi prorsus esse incognitum: nullam certe in eo partem ad se pertinere.

Examinatur.

At frequenter, inquit, vestes commutasti, jam nobilem, jam militem, jam mercatorem mentitus. Quid sacerdoti cum gladio, sericis vestibus, cristato pileo, phalerato equo? nunquid? proditorem tegere volebas? qui male agit, fugit lucem. Respondit Campianus, nullius prodicionis id esse indicium, sed eo solo fine factum, ut saluti animarum vitam suam reservet, exemplo virorum Apostolicorum complurium.

Sed litteras scripsisti, replicant, Thomæ Pondo, quibus asseveras, te in equuleo tortum nihil secretorum, quæ a Papistis audieras, revelasse, nec revelaturum unquam. Quænam hæc alia secreta, nisi prodicionis molitio? Respondit Campianus, hostes quosdam malevolos de se sparsisse, quod in catasta tortus manifestarit secreta, quæ in sacra confessione audierit: scripsisse proin, ad tantum scelus a se amoliendum, nihil eorum a se manifestatum: cum absque gravissima Divinæ ac naturalis legis prævaricatione id fieri non posset.

Instant rursus accusatores, quod jurare noluerit, Reginam caput esse Anglicanæ Ecclesiæ, & interrogatus, quam vim habeat Bulla, a Papa Romano adversus Reginam edita, & utrum excommunicationis sententia sit legitima, nullum responsum dedit. Pauci dies sunt, reposuit Campianus, ex quo Regina ipsa ex me quæsit, an Regiam in se potestatem agnoscam? respondi, agnoscere me illam legitimam Reginam ac Dominam totius Regni. Cumque ulterius quæreret, an Papa a fidelium communione eam separare possit, respondi, me non esse idoneum arbitrum inter suam Majestatem & Pontificem, nec posse de eorum controversiis judicare.

Sed Judices Pharisaïs comparasti, objiciunt, qui occasionem quærebant occidendi Christum, quærendo, an liceat tributum dare Cæsari. Interrogatus, inquit, an Papa Reginam excommunicare possit, & an Bulla illius sit valida, respondi, has esse versutas & Pharisaicas interrogatio:

rogationes, me Reginam agnoscere, ejusque Regiam dignitatem ac potestatem; cæteras quaestiones me scholis ac Theologis relinquere.

Producunt testem Cradocum, qui deposuit, se præsentem in quodam cœtu audivisse sermonem misceri de quodam fœdere, inter Pontificem & ducentos Anglicanos sacerdotes inito pro reducenda in Angliam Religione Pontificia. Interrogavit Campianus, quisnam fuerit ille cœtus: otiosorum fortassis & loquacium hominum in caupona, qui facile effutiunt, quod temere suspicantur, aut garrimenti levitas suggerit, & quodnam piaculum, veram Christi fidem velle introducere; Sed quidquid sit de hoc fœdere, Cradocum probare non posse nec testari, se in eo fuisse comprehensum.

Denique introductus Eliotus proditor, qui testabatur, in ultima sua concione Campianum ingemuisse propter hæreses Angliæ, solatum tamen esse auditores suos Catholicos spe, venturum brevi diem, Catholicis opatum, hæreticis terribilem. Jurejurando asseveravit Campianus, se per eum diem non intellexisse alium, quam ultimum Divini judicii diem. Tum ad Duodecimviros conversus, vestrum jam est, inquit, judicare, num vel suspicio proditiōis subesse possit. Sed cogitate, Divinum Judicem in illa die de vestro judicio districte judicaturum. Suspiciones proditiōis vanæ sunt, præsumptiones profus levissimæ, nullo indicio fundatæ: testes, quamvis nullius fidei atque de jure inhabiles, de nulla proditiōe, aut conspiratione deponunt.

Amore patriæ meæ ductus fidem Christi propagare volui, fa-teor, Missas legi, Sacramenta contuli, confitentes a peccatis absolvi, munere Sacerdotis functus sum. Hoc totum. Si propter Religionem condemnandus sum, en caput meum. Non aliam subesse causam, nostis ipsi Judices; cum toties mihi non vita solummodo, sed etiam libertas spesque magnæ sint oblata, dummodo Catholicam Religionem deferam.

Quamvis autem Campianus se sociosque Sacerdotes strenue defende-^{Condemna-} fenderat, nullumque crimen probari poterat, nihilominus a Duode-^{tur.} cimirili Judicio mortis rei sunt pronuntiati. Dilate tamen aliorum martyrio, duos tantum pro ea vice Campiano adjunxerunt, Rudolphum Servinum, & Alexandrum Briantum, qui paulo ante in Societatem nostram suscepti fuerant: gaudentes & exultantes, quod digni sint habiti, pro nomine Jesu non solum contumeliam, sed etiam mortem pati.

Necatur.

Cum educerentur, innumera confluit multitudo, etiam Catholicorum, qui intrepide acceperunt, & petita benedictione inter lachrymas valedixerunt. Campianus laqueo collo inserto, cum sub furca consistens ad populum inciperet dicere, interpellatus, ut potius scelus fateatur, & Reginam roget veniam, respondit, se nullum adversus Reginam designasse scelus, nisi Religio Catholica habeatur pro scelere. Hanc pro Sacerdotali suo munere ut propagaret, venisse in Angliam patriam suam. Pro hac se mortem animo lubenti oppetere. Hanc solam esse mortis causam, rogat, ut fides sibi habeatur eo in articulo, quo in procinctu stet, ut ad Divinum tribunal sistatur. Pro salute dein Reginae precatus dataque Judicibus venia, furca suspensus est, postea in quatuor partes dissectus, diversis locis publice affixas. (Anno 1581.)

Elogium.

Erat Campianus patria Londinensis; Oxonii litteris severioribus vacans, Diaconum a Ministris ordinari se passus est; ad quod scelus expiandum Anglia egressus, in Duacensi seminario aliquamdiu commoratus, Theologiam didicit. Romam dein profectus in Societatem admissus est anno 1573. In Bohemiam postea amandatus, Philosophiam Pragæ docuit, latinaeque conciones habuit: donec anno 1580. in patriam missus, anno licet unico multa gessit tulitque pro religione & animarum cultu. Inter scripta ejus, quæ multa sunt, & varia, eminet libellus aureus, cujus titulus: *Decem rationes oblatae certaminis in causa fidei redditae Academicis Angliæ*: mole parvus, sed eruditione, eloquentia, ingenii vi, argumentorum pondere, succincto rerum multarum nervo, sane maximus.

Post eum Servinus, & Brianthus, adeo immaniter prius torti atque in equuleo distenti, ut Northonus Præses gloriaretur, se integro pede longiorem Brianthum fecisse, ad idem supplicium raptati, semivivi de furca dejecti, corde adhuc spirantibus evulso, pendendis abscissis, visceribus in ignem coniectis &c. martyrium consummarunt: nullius culpæ rei, nullius convicti aut confessi. Nihilominus hæretici illico ad conflandam invidiam, & suam tegendam tyrannidem athleticque detrahendam martyrii gloriam, per exterarum nationes rumorem sparserunt, Jesuitas non propter Religionem, sed propter prodicionem patriæ & perduellionem fuisse condemnatos.

66.
Nicolai
commenta.

Quamvis autem hic merus esset prætextus ad minuendam crudelitatis ac diræ persecutionis invidiam, occasionem tamen dedit impostura Joannis Nicolai Apostatæ; qui Roma reversus multa de Catholicorum machinationibus, apud Cardinales fabricatis, confinxit.

finxit. Cum autem vidisset, plurimos innocentes hoc suo mendacio acerbissima tormenta mortemque ignominiosam pati, conscientia stimulis impulsus *Cecilium* summum Regni quæstorem, & *Val-singhamum*, qui Reginae a secretis erat, immanes Catholicorum tormentores accedit, fateturque, falsa esse, quæ detulisset. A neutro auditus, arcis Præfecto, & Sacerdoti captivo fraudem suam aperit: atque ex Anglia profugus, Rothomagi in Gallia comprehensus; totam mendaciorum stropham retexuit: hæc præcipue fassus: confitum a se fuisse:

Romæ in Anglorum Seminario consultari, quomodo Regina sit tollenda e medio: Papam, Cardinales, & universum Clerum Catholicum gravissimum scelerum a se accusatos Londini. Catholicæ religionis studium simulatum, cum Protestantium partibus ex animo esset addictus. En Argumentum hæreticæ perfidiæ! quo innumeri mortales, quos innocentia absolverat, ad carceres & furcas iniquissime sunt condemnati: lato etiam a suprema Regni curia edicto sanguineo.

Nam hac causa, nunquam legitime evicta, sed penitus conficta, præter Sacerdotes ac Religiosos innumeros, hac fraude perempti sunt Dux Northumbriæ, Arundeliæ comes, Ducis Norfolciæ filius, Laburnus, Feltonus, Storeus, alique ex nobilissimis familiis, octo Comites, decem Barones, 26. Proceres, plus quam 350. Nobiles, 110 fœminæ, inter quas illustrissimæ matronæ. Florimundus Ræmundus persecutionibus istis cœvus ait, quod si quis omnia quæ in Anglia adversus Catholicos crudeliter acta sunt, recensere velit, vix finem (tantam esse multitudinem) vix fidem (tantam esse atrocitatem) reperturum. Enumerat deinde Londinenses carceres, catholicis congestos, carnificinas, lanienas, equuleos, catastas, instrumenta crudelitatis, immanitate barbara.

Quia vero Regni senatus animadvertit, etiam hic sanguinem Martyrum semen esse Christianorum, tantaque crudelitate multorum ex indigenis, & præsertim apud externos animos offendi, clementia quadam, licet ipsa morte acerbior uti statuit, multis ex carceribus extractis, missisque in exilium. Cum autem navibus essent imponendi; intercessit sævo edicto *Gaspar Hayvodus*, e Societate Jesu, qui ipse etiam erat inter relegatos, omnium nomine palam questus, sine causa, sine crimine, sine judicio, ac plane indemonstratos, se non debere patria eiici: rogatque, ut judicio sistantur, absolvendi, aut aliorum exemplo ad mortem condemnandi.

R r r r 2

Nihil

Nihil profectum. Tanquam perduellionis rei in Galliam sunt deportati, ac plerique Rhemis ab Alano excepti: cui usque in Galliam Valsingamus insidias struxit per suos emissarios, fontes Seminarii Rhemensis veneno conatus inficere.

67.
Personius
erigit Se-
minaria.

Iisdem insidiis homo impius, juratusque Catholicorum hostis, appetiit Robertum Personium, quem cum Campiano in Angliam trajecisse diximus. Is enim perduellionis reus cum publice a Regina fuisset proclamatus, & ubique in eum per exploratores & appatritores inquireretur, ne Catholicis, apud quos diversabatur, calamitatem accerferet, Regno excessit, & fundandis pluribus in locis Anglorum Seminariis operam intendit, ut instituta in iis Catholica juventus, in patriam redux fidem profeminet, vel doctrina ac Sacerdotali obsequio, vel certe martyrio.

Et imprimis Augii in Normannia Guisii liberalitate Seminarium pro Anglis instituit: Rothomagense, & Rhemense auxit. Verum his postea Hugonotorum furore disturbatis, Regem Catholicum permovit, ut Duaci & Audomari Gallicorum loco pro Anglis fundaret collegia, ad submittenda ex iis Angliæ desertæ Sacerdotum subsidia, atque hoc ea liberalitate, ut Audomarense ad centum juvenes aleret. Neque his contentus Personius, Philippum II. Regem & Hispaniæ Magnates eo insuper adduxit, ut in ipsa Hispania, Vallisoleti ac Hispali pro eadem gente seminaria construerent; in quibus alumni quot annis votum renovabant, repetendæ post susceptum sacerdotium patriæ, ejusque juvandæ, & si opus, pro fide fundendi sanguinis. Quapropter magna eos veneratione Hispani sunt prosecuti, velut Martyrii Candidatos.

Et profecto sapientum omnium sensu vel unis his Seminariis statuendis plus Angliæ profuit Personius, quam si ad mortem usque Apostolicis laboribus in eadem desudasset. Neque ignorabat Elisabetha, quantum antidoti adversus hæreseos suæ venenum in his plantariis pararetur; quare non solum severissimis edictis vetuit, ne quis de suis subditis in ejusmodi collegiis viveret, sed per Cecilium & Valsingamum, consueta iniquitatis instrumenta, effecit, ut Personius ab aliquibus Catholicis Angliæ Nobilibus, & ipsis Seminaristis Romanis, conspiratione inita, ad Gregorium XIII. & postea Sixtum V. delatus, calamitatum in Angliam præcipuus incensor diceretur. Tandiu gravius vexatum iri catholicos, quamdiu non ligarentur eidem manus, prohiberetur libros edere, Seminaria moliri, rebus Angliæ se immiscere. Quin rogarunt, ut Societatis hominibus omnis in Angliam aditus prohibeatur. Verum sapientissimos

simos Pontifices facile advertit, quibus auctoribus a credula & improvida juventute ista spargerentur. Effecitque Personius, ut tanto plures ex sociis in Angliam, deinceps mitterentur : per quos magnam partem Ecclesia illa constitit ; ne penitus subverteretur. Hos inter fuere Robertus Sothuellus, & Henricus Walpolus S. J. uterque illustri genere natus. Ille a puella, quam instituerat, proditus, captusque ac tortus est, atque ultra triennium squalidissimo carcere emaciatus anno 1595. majestatis iniquissime damnatus, martyrii lauream est consecutus. Neque enim aliam ob causam quam propter religionem occisus est. Eodem adhuc anno secutus est Walpolus, cum multis aliis, per acerbissima tormentorum genera ad cælum evolantes. In his Thomas Cottamus S. J. in ipso Insulæ ingressu captus a Præfesto, clam Catholico, liber dimissus est : sed cum Præfesto propterea periclitaretur, Cottamus se ultro stitit Judicibus, a quibus atrocissime tortus, ut proditorem & insidias Reginæ structas detegeret, constanter negavit, se ullius proditoris aut insidiarum conscium ; & licet nullum prorsus esset indicium, tamen, quia Elisabetham Ecclesiæ Anglicanæ caput nolebat agnoscere, perduellionis damnatus, in viminea crate per urbem ad Tiburnum raptus : more jam consueto peremptus est. Dumque ad lanienam nudatur, cilicium apparuit, intimo corpori appressum. Non enim crudelissimis equulei tormentis, extrema inedia, & perpetuis duorum annorum carceris ærumnis satiabatur ingens animus, nisi sancto sui ipsius odio seipsum quoque torqueret.

Hossecuti sunt Thomas Mettamus, 17. annorum carcerem, vivum veluti sepulcrum, passus. Joannes Cornelius, Rogerius Filcockius, Franciscus Pagius, cum aliis quam plurimis sacerdotibus ; qui gloriantes pro Christo pati, animo, supra res humanas erecto, plenique solatio in tormenta, & mortem ibant, sugentes mel de petra, oleumque de saxo durissimo. Tantum vero aberat, ut Regina, tot Martyrum sanguine satiaretur, ut lassata tantisper Cecilii, Valsingami, Toplisi, & Jongi, qui præcipui erant crudelitatis administri, sæva tyrannide, exprobrare iis inertiam audita sit, & exclamare : quamdiu nullus sacrificulus ad furcam !

Cæterum Elisabetha, quod in se ipsa probabat, in aliis damnavit : conquesta de Rege Catholico, & Christianissimo, quod ille Geusios in Belgio, hic Hugonotos in Gallia persequeretur ; ac Cardinali Castillonio infami apostatæ, in Anglia Condæi & Hugonotorum causam agentis plus honoris habuit, quam Fenelonio, Regis Oratori. Et cum eadem Parisiensem Calvinistarum intellexisset,

set, graviter offensa crudelitatem Regis accusavit, festucam in oculo alieno redarguens, trabem in suo comprobans. Permisit tamen postea, ut, sacris Catholicis toto Regno severe prohibitis, Gallicus orator iisdem domi suæ interesset. Qua occasione plures sacerdotes Missæ sacrificium offerebant, multitudine Catholica quotidie eo confluente.

68.
Angliæ Pa-
pissæ Anna-
tas exegit.

Duo adhuc annotasse non fuerit supervacuum : primum est, Protestantes non raro de Joanna quadam Papissæ, quamvis mere conficta, varie garrere, & nescio quod monstrum Romanæ Ecclesiæ inde affingere ; cum tamen ipsi *Elisabetham Angliæ Papissam* etiam juramento sint venerati. Alterum est, quod iidem in Pontifices Romanos acerbe invehantur, quod *annatas* exigant : cum eorum Papissæ easdem exegerit, & quidem multo majores, integros nempe de omnibus & singulis Beneficiis redditus primi anni, omnesque cœnobiorum possessiones. Arguunt porro Pontifices, quod quorundam Beneficiorum collationem sibi reservent. Eorum vero Papissæ omnia omnino sibi ac supremæ suæ potestati reservavit : laudibus nihilominus super sydera efferenda. Sed aliud de hac Principe melioris est orbis iudicium. Aliud de se ipsa tulit, ubi sistendam se vidit tribunali vivi DEI. Nam mortem desperationis plenam fuisse Camdenus ipse, Historicus licet hæreticus, satis indicat, narrans, illius clamores ultimos fuisse : *Vae miseræ !* se destitutam desertamque ab omnibus : gulam sibi elidi querentis.

Antithesis
Angliæ.

Et hic fuit lamentabilis Sæculo XVI. Ecclesiæ Anglicanæ status : heu ! quantum mutatus ab illo, qui fuerat quondam ! quid Angliæ olim sanctius ? duo intra sæcula 30. fuere Reges & Reginæ, qui abjecto regno in solitudines evasere : Reges 15. monachos professi : Reginæ 11. moniales : præter martyres, 10. in album sanctorum confessorum inscripti : reliquorum ex omni hominum conditione sanctorum infinitus propemodum numerus. Sed, O Angliæ, Angelorum quondam patria ! quo abiisti ? quomodo obscuratum est aurum, mutatus est color optimus ! dispersi sunt sacerdotes tui lapides sanctuarii : ludibria & verbera experti, insuper & vincula & carceres : lapidati sunt, secti sunt, distenti sunt, tentati sunt, egentes, angustiiati, afflicti : in solitudinibus errantes, in montibus, & speluncis, & in cavernis terræ, testimonio fidei probati : quibus dignus non erat mundus.

Alii vero, qui nutriebantur in croceis, dum lamæ nudaverunt mammas, amplexati sunt stercora. Candidiores erant nive ; sed denigrata est super carbones facies eorum. Erraverunt cæci. Polluti sunt in sanguine. O Angliæ ! prophetæ tui viderunt tibi

falsa

falfa & ſtulta : aperuerunt ſuper te os ſuum : ſibilaverunt, & fremuerunt dentibus : & dixerunt : devorabimus : en iſta eſt dies, quam eſpectabamus : invenimus : vidimus. O vere magna eſt contritio tua ! quis medebitur tui ?

ARTICULUS III.

Differtatio Juridica, an legitimum fuerit Henrici VIII. cum Catharina Matrimonium.

TAm lamentabili, quam hætenus vidimus, mutationi initium dedit Henrici VIII. cum Catharina divortium. Ex eo enim omnis ſecuta deinceps abominatio deſolationis. Operæ igitur pretium fuerit, ea de re prolixius aliquantum in hoc eruditionis apparatu diſſerere.

§. 1. Species facti.

ARthurus Henrici VII. Angliæ Regis primo genitus filius anno 1501. conjugem ſibi elegit Catharinam, Ferdinandi Catholici & Iſabellæ Hiſpaniæ Regum filiam. At is morbo, quo dudum jam laboraverat, quinto conjugii menſe extinctus obiit, anno ætatis 16. conſummato necdum, ut fertur, matrimonio. Henricus VII. pater, virtute, dote, & tanta affinitate motus Catharinam alteri filio ſuo Henrico anno 1504. deſpondet, duodecim tunc annorum adoleſcenti, petenti ac volenti, poſtquam Julius II. Pontifex in impedimento publicæ honeſtatis, & etiam, in caſum ſecutæ copulæ carnalis cum Arthuro, in impedimento affinitatis diſpenſavit. Mortuo ſubſequente patre, Henricus VIII. jam Rex, anno 1509. ipſum matrimonium cum Catharina, fratris ſui relicta vidua, inſiit in facie Eccleſiæ, munitus diſpenſatione Pontificia, Regni optimatibus, Episcopis, totoque ſenatu ac populo approbantibus, contradicente prorsus nemine.

Diſpenſatio.

Ex hoc matrimonio, quod ſummo omnium applauſu celebratum fuerat, nati ſunt deinceps Henrico Regi quinque liberi, tres filii & duæ filiæ. Sed reliquis matura morte abreptis, ſola Maria, anno 1514. nata, ſuperſtes manſit, Walliæ Princeps a patre declarata, ac tanquam legitima regni hæres a præcipuis Europæ Principibus in ſponſam expetita. Adeo nempe nemo per orbem de valore illius matrimonii dubitabat : donec Henricus, in exerrantem
atque

atque indomitam libidinem defluens, conjugem fastidire, formarum venatores oculos alio circumferre, Bolenam, pudicitiae studium mentientem, perditè deperire, de divortio cogitare, ut eam possit ducere.

**Volsæi
prævarica-
tio.**

Volsæus Catharinæ odio ejusque nepotis Caroli Cæsaris matrimonium primus irritum declarat. Sequuntur plures, aulae parasiti, qui non, quod verum, sed quod Principi placitum, loquuntur. Gardinerus J. C. Romam mittitur ad Clementem VII. qui magnis promissis tentatur, ut conjugium, a Julio II. temere approbatum, irritum declaret. Petuntur Judices hujus causæ Volsæus & Campegius; adjecto mendacio, quod Catharina ipsa, vitæ monasticæ studio, divortium expetat, a Pontifice impetrati. Mittitur igitur **Campegius.** Laurentius Campegius Cardinalis in Angliam. Urget Rex cum Volsæo. Deterret Regina cum Cæsare. Pontifex jubet Campegium lente procedere, nihil pronuntiare. Quotamen ob collatum Episcopatum Sarisburiensem propensiore in vota Regis Catharina adversum Judices excipiens, ad summum Pontificem appellat, causam eam non in Anglia judicandam distitans; sed Romæ. Disputatur, respondetur, replicatur: hinc Regis, illinc Reginæ procuratoribus causam agentibus. Quin libris etiam ultro citroque in lucem sparsis certatum.

**Exceptio
Reginæ.**

Cum igitur Campegius quascunque posset, dilationes Pontificis jussu negotio interponeret, ea usus excusatione, in retanti ponderis, in quam oculi universæ Europæ essent conversi, præpropere astu nihil præcipitandum, Pontifex vero Reginæ appellationi deferret, causamque cum Campegio Romam advocaret, Rex quidem indignatus, Theologos tamen suos, & jurisperitos cum Crammero Romam misit: interea tamen tentatis auro pluribus academiis, & per Langæum Gallum, vana alium quorundam theologorum sententiis emptis, cum Romæ lis penderet, libidinis impetientia Bolenæ se conjungit, Rolando presbytero, ut assistat sacrisque operetur, indicto per mendacium, causam Romæ secundum Regis voluntatem fuisse conclusam. Crammerus vero **Regis atten-** divortium cum Catharina, novasque cum Anna nuptias publice **tatum.** postea promulgavit, tanquam necessarias, legitimas, & Regis conscientiae consentaneas.

**Causa Ro-
mam avo-
cata.**

Jam vero quæstio Catholicos inter & Protestantes oritur, an matrimonium cum Catharina fuerit validum, & consequenter divortium irritum, prout defendunt Catholici? an vero matrimonium fuerit irritum, & divortium validum, quod multi ex Protestantibus contendunt.

§. 2.

Rationes Dubitandi Protestantium.

1. **H**enricus Rex matrimonium iniiit cum Catharina Arthuri fra-
tris sui vidua, probabilius ab eo jam cognita. Atqui hoc ^{70.} Ex jure na-
illicitum est atque irritum ipso jure naturali: quod execratur con-
nubia personas inter tam propinquas. Et hinc Deus conjugia in
gradibus prohibitis, Levit. 18. recensitis, contracta (inter quæ etiam
est conjugium cum uxore fratris) vocat abominationes & scelera, a
gentibus commissa. Peccarunt igitur gentiles contra legem naturæ;
nam leges Judiciales positivæ solos Hebræos stringebant, eorumque
profelytos. Rationem addit sacra pagina, *ne reveletur turpitudine per-*
sonæ, gradu tam propinquo conjunctæ. Quo naturalis indecentia,
jure naturæ vetita, insinuatur.

Quam ob causam Joannes Herodem increpuit: *non licet tibi ha-*
bere uxorem fratris tui; manifesto argumento, Herodem peccasse
contra legem naturæ? quia Judicialibus Hebræorum legibus Mosai-
cis, cum esset gentilis, non tenebatur. Imo dici potest, leges ma-
trimoniales, Levit. 18. comprehensas, non esse mere judiciales ac
ceremoniales, sed vere morales, jure naturali obligantes; uti ipsi
quoque Romani Pontifices censebant.

Nam Innocentius III. *cap. litteras 13. de restit. spol.* ait, in gradi-
bus lege Divina prohibitis dispensari non posse. Et *cap. gaudemus 8. de*
divort. asserit, infideles, in secundo vel tertio gradu conjunctos,
non esse separandos post conversionem. Ergo supponit, separandos
esse, si in primo gradu fuerint conjuncti. Hoc autem non alia ex
causa, nisi quod tale conjugium jure naturali sit irritum: nam impe-
dimentis, quæ sunt juris mere Ecclesiastici, infideles non ligantur.
Idem Pontifex *c. de infidelibus 4. de consanguin. & affin.* rescribit, in-
fideles *secundum veteris legis instituta* conjunctos, non esse separan-
dos post conversionem, licet in gradibus a Jure Canonico prohibi-
tis fuerint conjuncti. Ergo supponit, fore separandos, si in gradu
veteri lege prohibito contraxissent: quia scilicet jure naturæ talia
conjugia sunt irrita.

2. Henrici VIII. connubium cum uxore fratris sui, in primo ^{Positivo.}
affinitatis gradu sibi conjuncta, jure etiam positivo Divino erat irri-
tum. Siquidem Levit. 18. v. 16. expressim dicitur: *turpitudinem*
uxoris fratris tui non revelabis; quia turpitudine fratris tui est. Et
Levit. 20. v. 21. *Qui duxerit uxorem fratris sui, rem facit illicitam;*
Pars VII. S s s s s

tam ; turpitudinem fratris sui revelavit. Divino ergo ac naturali jure erat vetitum atque invalidum. Nulla proin ac irrita fuit Julii II. dispensatio ; cum adversus jus Divinum ac naturale nulla humana potestas dispensare possit : imo neque Deus ipse in lege naturali. Cum igitur matrimonium Henrici primum fuerit irritum, salva conscientia persistere in eo non potuit, validumque fuit alterum, cum Anna Bolena initum : consequenter illegitimis orta est Maria natalibus, Elisabetha legitimis.

a pari.

3. Impedimenta matrimonii dirimentia reliqua, Levit. 18. & 20. statuta, sunt juris naturalis, uti matrimonium in primo gradu consanguinitatis lineæ rectæ, puta patris cum filia, aut matris cum filio : imo etiam in secundo & ulterioribus gradibus lineæ rectæ in infinitum, ut avi cum nepte &c. pariter jure naturali sunt irrita matrimonia in primo & secundo gradu consanguinitatis in lineâ collateralî, uti fratris cum sorore, patrui cum nepte. Ergo etiam eodem naturali irritum est matrimonium in gradu primo affinitatis lineæ transversæ, uti cum vidua fratris. Et confirmatur magis ex eo, quod affinitas in primo gradu lineæ rectæ jure naturæ obstet matrimonio e.g. novercæ cum privigno. Ergo etiam in lineâ transversâ.

Gentes.

4. Omnes gentes cultiores ob reverentiam sanguinis ipsa natura abhorrent ab ejusmodi matrimoniis cum personis adeo propinquis, eaque tanquam incestus detestantur. Quod argumento est, ea esse contra rectam rationem ac legem naturalem.

§. 3.

Rationes Decidendi contra Protestantes.

71.
Nulla affini-
tas.

Certum imprimis est, inter Henricum & Catharinam nullum intercessisse impedimentum *consanguinitatis*, quod sit juris naturalis aut Divini ; neque de hoc ullam motam fuisse controversiam. Certum est secundo, neque impedimentum *affinitatis* ullum adfuisse, si matrimonium cum Arthuro non fuit copula carnali consummatum. Atqui non fuit ita consummatum. Quum Arthurus quindecim vix annorum adolescens, corpore morbofo atque infirmo quinque illis mensibus, qui a contracto matrimonio superfuerant, cum morte jam sit colluctatus ; & pater Henricus VII. eos interim separatos custodierit : quia in tam tenera & morbida ætate prolem sanam exspectare non poterat. Adeoque inter Henricum & Catharinam

nam præcise intercessit impedimentum *publicæ honestatis*, ortum ex matrimonio rato: quod manifeste Jure duntaxat Canonico est introductum, ac proin per dispensationem Sedis Apostolicæ auferribile.

Sed demus, matrimonium fuisse consummatum. In qua hypothesi deinceps disputabimus. Nego, impedimentum affinitatis in linea collateralis juri naturali subiacere, etiam in primo gradu. Tum quia hoc evinci nulla solida ratione potest. Tum quia utriusque testamenti pagina contrarium demonstrat. Jacob Patriarcha sanctus duas in uxores sorores, Liam & Rachelem, Labani filias accepit *Gen. 29.* Judas Thamarem viduam primogeniti sui mortui dedit alteri filio suo, & hoc pariter mortuo, tertio filio eam promisit. Neque propterea in scriptura reprehenduntur. Imo Lex Mosæica *Deuter. 25.* universim præcipit, ut frater ducat uxorem fratris sui, si hic sine liberis decesserit, ut suscitet ei semen. Atqui hæc fieri nullatenus potuissent, si uxorem fratris sui defuncti ducere prohibitum foret jure naturali, quod est necessarium, immutabile, & indispensabile, ut part. 2. est demonstratum.

Non fuit irritum jure naturæ.

Sed neque lege Evangelica ejusmodi matrimonium, in primo affinitatis gradu lineæ collateralis contractum, invenitur prohibitum aut irritatum. Et tum doctrina tum praxis Ecclesiæ ostendit oppositum. Nam imprimis Jus Ecclesiasticum *cap. fin. de divor.* statuit, non esse separandum post conversionem, qui antea infidelis conjugium iniit cum sorore uxoris suæ defunctæ: *concedimus, ut matrimonii contractis cum relictis fratrum utantur.* Atqui separandi omnino fuissent, si conjugia ejusmodi jure naturali aut Divino fuissent irrita: nec ullatenus concedi potuisset, ut talibus matrimoniis utantur, cum fuissent fornicarii aut incestuosi concubitus.

Nec possit vo.

Et quoties etiam alias Ecclesia dispensavit in eodem gradu primo affinitatis lineæ transversæ! Emmanuel Rex Lusitaniæ primam conjugem habuit Isabellam Ferdinandi Catholici filiam, atque ex ea suscepit Michaellem filium: ea vero defuncta duxit ejus sororem Mariam, multarum prolium matrem, quæ & stemma Regium in Lusitania propagavit, & summis per Europam Principibus sunt collocatæ. Ex *Isabella* Emmanuelis & Mariæ primogenita, Carolo V. Imperatori nupta, descendunt summi ex Domo Austriaca Imperatores atque Archiduces, Hispaniæ ac Galliæ Reges, cum aliis præcipuis Principum Familiis. Quis adeo impudens & effrons sit, ut dicere sustineat, proles ex eo matrimonio Emmanuelis cum secunda uxore, prioris sorore, esse spurias? aut tot Regales familias ex vitiata stir-

Exempla.

pe fuisse propagatas? Nemo, nemo prudens unquam dubitavit, matrimonium illud, ex dispensatione Alexandri VI. fuisse validum, licet in primo affinitatis gradu contractum, omnesque proles inde natas legitimas.

Similiter Clemens VIII. dispensavit cum Joanne Casimiro Poloniae Rege ad ducendam viduam fratris sui Uladislai. Atque ut alia Magnorum Principum exempla dissimulem, Rainutius II. Farnesius Parmæ & Placentiæ Dux duas sorores ex Familia Estensi uxores habuit, Isabellam & Mariam, Francisci Mutinæ Ducis filias, atque ex utraque liberos genuit. Exemplum patris secutus filius Franciscus, qui Dorotheam Sophiam Palatini Electoris filiam, Odoardi II. fratris sui relictam viduam duxit in uxorem, licet jam Elisabetham, Hispaniæ postea Reginam, Odoardo peperisset.

Auctoritas.

De ipso etiam Henrici VIII. cum Catharina Hispana, fratris sui vidua, contracto matrimonio nemo dubitasset, nisi indomita lascivientis Regis libido sacrata conjugii vincula rumpere attentasset. Sed neque tunc pii ac docti viri dubitarunt. Non dubitarunt summi Pontifices Clemens VII. Paulus III. Pius V. Sixtus V. Clemens VIII. non dubitarunt Episcopi ac Clerus Anglicanus, non dubitavit magnus ille Angliæ Cancellarius Thomas Morus, non dubitarunt celeberrimæ orbis Academiæ, Theologi ac Jureconsulti meliores. Non dubitarunt denique magni Europæ Principes, qui Mariam, ex eo matrimonio natam, in sponsam expetebant. Pauci quidam aut pretio empti, aut promissis illecti, aut Principi suo turpiter adulantes, cum spurio illo Cramero, & ambitionis odliquo æstibus agitato Volsæo, corruptisque quibusdam Cantabrigiensis & Oxoniensis Academiæ Scholaribus, & quos Langæus conduxit, matrimonium improbarunt.

Sed nec ipse Henricus Rex per vicanos & ultra annos, quibus in eo conjugio perstitit, & quinque ex eo liberos suscepit, dubitaverat, donec vincente rationem libidine, fescenninis Bolenæ amoribus amens, ruptis honestatis repagulis præceps raptus est. Tum enim non tam dubitavit, quam dubitare videri volebat, ut quæsito aliquo colore adulterinos complexus obtegeret. Nam quamprimum furialis ille in scortum lascivienti æstus deferbuit, non amplius dubitavit, sed Mariam ex Catharina filiam Elisabethæ prætulit, ac testamento cavet, ut Maria cum tota sua progenie ante Elisabetham in Regno succedat, haud obscuro argumento, quamnam ex illis legitimam judicaret.

Sed neque Proceres, Senatus, populusque Anglicanus dubitabant

bant, dum mortuo Henrico Mariam legitimam Regni hæredem, agnov-
verunt ac receperunt : rejecta Elisæbetha, cujus natales adulterio
pollutos noverant. Quis enim credat, Nationem Anglicanam vo-
luisse, repulsa Henrici VIII. legitima sobole, spuriam, Regni legibus
exclusam, throno intrudere? Alterutram autem spuriam fuisse neces-
se est. Nam si matrimonium Henrici cum Catharina propter affi-
nitatem hujus jure naturæ fuit irritum, Maria ex incestu fuit pro-
gnata. Si autem matrimonium illud valuit, Elisæbetha ex adulterio
concepta ac nata fuit, cum toto eo tempore adhuc Catharina vive-
ret: polygamia autem in lege Evangelica Divino ac naturali lege sit
prohibita ac irrita, negante Deo jus in plura corpora; ac proin con-
cubitus cum Bolena sædissimum fuit adulterium.

Et tale re ipsa fuisse probatum est hætenus, hoc ipso, quod
evidum sit, matrimonium cum Catharina nec juri naturæ nec Di-
vino repugnasse, tum quod ejusmodi lex ostendi ac probari nequeat;
tum quod in utroque testamento exempla eluceant plurima, virum
unum cum duabus successive fororibus, aut sæminam unam cum
duobus successive fratribus fuisse conjunctam; imo in lege veteri
præceptum fuerit, ut frater fratris, absque liberis mortui, relictam
viduam ducat, ac genus propaget. Accedit judicium totius orbis
usque ad nuperum Protestantium adventum. Imo nec ipsi dicere
audebunt, propagatas per Emmanuelem Lusitanæ Regem summas
per Europam familias ex spuria radice fuisse enatas.

Ratio autem magis intrinseca ac naturalis est: quia affines non
sunt consanguinei. Non descendunt ex eadem stirpe, saltem pro-
pinqua. Nulla proin obstat reverentia cognati aut agnati sanguinis.
Neuter alterius est superior. Nulla peculiaris alterutrius subjectio,
quæ natura sua repugnet tam arcto sociali fœderi. Nulla proin ra-
dix, ex qua impedimentum juris naturalis pullulet. Jure igitur so-
lum Ecclesiastico, ex decentia aliqua, quæ tamen ad legem naturæ
non assurgit, introductum est impedimentum affinitatis in linea sal-
tem transversa. Hoc autem impedimentum, sicut Ecclesia statuit
ad quatuor usque gradus, si affinitas oriatur ex copula licita, ad duos
autem, si oriatur ex illicita, ita exigentibus rerum ac personarum cir-
cumstantiis potest illud rursus abrogare, aut in eo cum certis perso-
nis dispensare, sicut in nostro casu cum Henrico & Catharina dispensa-
vit Julius II. summus Ecclesiæ Antistes, cui in persona Petri Chri-
stus claves tradidit, cum potestate solvendi ac ligandi: prout nimirum
ex usu ovium fuerit, quibus pascendis est jure Divino constitutus.

Ratio.

§. 4.

Solvuntur Argumenta Protestantium.

72.

AD 1. Indecentia, quæ ex matrimonio cum fratris vidua resultare censetur contra aliquam verecundiam, nequaquam est tanta, ut legem naturalem prohibentem fundet. Cur enim alias Deus præcepisset in lege veteri, ut frater fratris defuncti viduam ducat, si is sine prole decesserit? Profecto si ex omni decentia aut dedecentia lex naturalis consurgeret, nulla amplius daretur lex mere positiva. Cum enim omnis universim lex debeat esse rationabilis, omnem in decentia aut indecentia aliqua radicari necesse est. Igitur etiam facile concedo, eam esse decentiam, in primo affinitatis gradu conjugium non contrahendi, ut lex positiva rationabilis prohibens, ob illam ferri possit, prout defacto factam novimus: constanter tamen nego, juris naturalis id scitum esse.

Contaminatæ sunt gentes idololatria, sodomia, bestialitate, molitie, fornicatione, incestu cum filio, & filia, adulteriis, e. g. dum fratris adhuc viventis habebant uxorem, uti Herodes Antipas, qui Philippo fratri uxorem rapuerat, increpitus propterea a Joanne. Et hæc scelera, contra jus naturæ patrata, scriptura appellat *abominationes* gentium, quas propterea Deus punivit, ut Chananæos &c. Hinc Levit. 18. v. 24. addit; *nec polluamini in omnibus his, quibus contaminatæ sunt universæ gentes, quas ego ejiciam ante conspectum vestrum.* Hoc certum, inter eas abominationes non comprehendi conjugium, cum fratris, absque liberis defuncti, vidua initum; cum lege id præceptum fuerit.

Non omnes autem gradus Levit. 18. & 20. expressos jure naturali esse prohibitos, habetur ex Tridentino, quod sess. 24. can. 3. ait: si quis dixerit, Ecclesiam non posse in nonnullis eorum, qui Levitico exprimuntur, dispensare, aut constituere, ut plures impediant, esse anathema. Unde quando Innocentius III. *c. litteras cit.* dixit, in gradibus lege Divina prohibitis dispensari non posse, id vel non est intelligendum de omnibus gradibus in Levitico expressis, sed tantum de prohibitis Jure Divino naturali; vel indicat difficultatem in dispensando, quod scilicet non facile, nec absque rationabili causa sit dispensandum. Atque hinc ipse Innocentius *cap. fin. de divor.* ait, non esse post conversionem ad fidem separandum, qui fratris viduam duxerit: imo lex Divina id olim præcepit pro casu, quo

quo frater defunctus nullos ex ea reliquit liberos. Ac proin jure naturæ ejusmodi connubium non potest esse prohibitum, nec abominatio gentium, nec absolute indispensabile.

Quod vero idem Pontifex cap. 8. eod. dicat, in secundo & tertio gradu conjunctos non esse separandos, de primo vero sileat, factum est ideo, quia tantum de illis fuerat interrogatus: *cap. fin.* vero etiam primum expressit. Similiter interrogatus, an infideles, qui contra sacros Canones, non tamen in gradibus lege veteri prohibitis, contraxerant, sint separandi post conversionem, respondit, non esse separandos, quia scilicet impedimentis, quæ jure mere Ecclesiastico sunt introducta, infideles non stringuntur, consequenter eorum matrimonia sunt valida. Ex quo tamen non sequitur, quod si contra instituta veteris legis fuissent inita, hoc ipso fore invalida. Nam Pontifex de hoc casu non fuerat interrogatus, ideoque nihil de eo ibi respondit. Respondit autem, ut dictum cap. fin. ubi de eo fuerat interrogatus.

Ad 2. Si lege veteri standum, Henricus VIII. non tantum poterat, sed etiam debebat Catharinam, fratris sui, absque liberis defuncti, viduam ducere. Quia id Deut. 25. expresse fuit præceptum, & ab Hebræis observatum. Si autem dicat, legem eam in novo testamento esse abolitam, idem ego dico de legibus connubialibus, ceremonialibus & judicialibus, in Levitico contentis. Imo leges illæ Levit. 18. & 20. cit. non loquuntur de casu nostro, in quo frater defunctus nullos reliquit liberos, alias leges Divinæ sibi essent contrariæ, cum, ut toties dictum, pro hoc casu præceptum fuerit conjugium cum fratris defuncti vidua.

Ad summum dici potest, connubium cum fratris vidua in Levitico fuisse prohibitum lege judiciali pro casu, quo frater defunctus reliquit liberos. Dico, *ad summum*; nam dici posset, tantum fuisse prohibitum conjugium cum uxore fratris adhuc viventis. Sicut Levit. 18. v. 18. dicitur: *Sororem uxoris tuæ in pellicatum illius non accipies nec revelabis turpitudinem ejus, adhuc illa vivente.* Nulla igitur ratione Henricus VIII. fundare suam intentionem potuit in lege veteri. Nam certum est, nec jure naturali nec Divino fuisse prohibitum conjugium cum fratris vidua pro casu, quo ille absque liberis fuit defunctus (qui est casus noster) cum tunc positive fuerit præceptum. Certum proin etiam est, tale conjugium non fuisse inter eas abominationes, quibus contra jus naturæ se contaminarunt gentes. Imo casus noster ne quidem in Levitico est comprehensus, ut demonstravi. Vanum igitur & prorsus enerve erat Henrici argumen-

mentum contra valorem sui matrimonii cum Catharina, Arthuri sine liberis defuncti vidua.

Ad 3. Imprimis non est paritas cum matrimonio inter consanguineos inito. Nam reverentia cognati aut agnati sanguinis multo maiorem verecundiam ingerit, quam affinitas. Adeoque licet consanguinitas fundaret legem naturalem, prohibentem matrimonium, non tamen affinitas. Deinde etiam circa gradus consanguinitatis hæc res non est ita expedita, ut supponi possit.

Atque imprimis satis convenit inter DD. matrimonium inter consanguineos secundi, tertii, & ulteriorum graduum lineæ transversæ, spectato jure naturali, non esse irritum. Sic Abraham duxit Saram, suam ex fratre Arano neptim: adeoque in secundo gradu sibi consanguineam. Isaac Rebeccam, suam consobrinam. *Cap. gaudemus 8. de divort.* deciditur, infideles ad fidem conversos, qui in 2. aut 3. gradu consanguinitatis lineæ obliquæ contraxerant, non esse separandos, cum jure canonico non stringantur. Atqui separandi essent, si matrimonium in his gradibus contractum, repugnaret juri naturæ, cui etiam infideles sunt subjecti. Quare Tridentinum *S. 24. c. 5. de ref. matr.* ait, in his gradibus dispensari posse. Et confirmat praxis, qua constat, Pontifices inter Principes passim dispensare in secundo & ulterioribus gradibus. Imo etiam Protestantes in secundo gradu contrahunt. Sic Georgius Ludovicus Rex Angliæ duxit Sophiam patrui sui filiam.

Quin imo probabilius matrimonium neque in primo gradu consanguinitatis in linea obliqua est invalidum spectato jure naturali. Ita enim sentiunt S. Thomas 2. 2. q. 154. a. 9. ad 3. S. Bonaventura in 4. dist. 40. art. un. q. 2. Scotus *ibid. q. un. art. 2.* Cajetanus in c. 18. *Levit.* Navarrus, Conink, Pontius, Palao, cum multis aliis, contra multos. Ratio est: quia lex naturæ irritans non satis probatur. Cum frater & soror ex se non descendant: neuter sit alteri subjectus; adeoque nihil videatur adesse, quod juri naturæ repugnet: instinctus autem ille & horror non videtur esse a jure naturali, sed positivo, & recepta consuetudine.

Certe per fratrum & sororum licita ac valida conjugia genus humanum primitus propagatum fuit per filios & filias Adami. Quod fieri non potuisset, si juri naturali repugnassent. Constat etiam, apud Ægyptios, a rerum naturalium cognitione celebratam gentem, non fuisse inusitata fratrum sororumque connubia; ut refert Diodorus lib. 1. c. 2. Ipse Rex Ptolomæus Philadelphus duxit Arsinoen sororem suam ejusque nuptias velut connubium Jovis cum sorore sua

Junone

Junone celebrat Theocritus. Idem de Assyriis, Persis, & Atheniensibus memoriæ proditur. Et S. Gregorius *ad interrogat. August. c. 6.* testatur, terrena lege a Republica Romana fuisse permissum, ut etiam frater & soror connubio jungerentur. Non potest autem præsumi, naturalem legem apud has gentes, præsertim Græcos & Romanos, usque adeo fuisse incognitam; cum illa apud omnes populos, ratione præditas, luce sua se signet.

Imo ipse Dei populus videtur in hac fuisse persuasione; nam Thamar filia Davidis 2. Reg. 13. violentam oppressionem dissuadens Ammoni fratri suo, *quin potius, aiebat, loquere ad Regem, qui me non negabit tibi*, uxorem utique. Quæ sane verba supponunt, matrimonium inter eos jure naturali potuisse subsistere. Taceo, quosdam cum S. Hieronymo in QQ. Hebraic. in Genes. & Clemente Alexandr. l. 2. Stromat. c. 12. & Cajetano in c. 20. v. 12. Genes. colligere, Sararam verè fuisse & uxorem & sororem Abraham; nam l. c. dicit Abraham ad Achimelech Regem: *Alias autem & vere soror mea est, filia patris mei, & non filia matris meæ, & duxi eam in uxorem.*

Jus etiam civile Romanum satis clare insinuat, matrimonium inter fratrem & sororem non natura, sed lege tantum positiva irritum esse. Nam l. *si stipulor* 35. ff. de V. O. Paulus J. C. assertionem suam, qua dixit, aliud per naturam, aliud per leges fieri non posse, exemplis declaraturus, ait, impossibile per naturam esse, *dare, quod dari non potest*: per leges autem: *Sororem suam nupturam sibi.* Denique Cajetanus *opusc. de matrim. Reg. Angl. & Sylvester V. Papa q. 17.* testantur, a Martino V. aliisque Pontificibus in ea re fuisse dispensatum.

Loquendo jam de consanguinitate in linea recta, videtur probabilius, quod impedimentum matrimonii de jure naturali non extendatur ultra primum gradum. Ita enim cum multis aliis docet S. Thomas 2. 2. q. 154. art. 9. *ad 2.* & in 4. dist. 40. q. un. a. 3. in corp. contra alios, qui volunt impedimentum hoc in linea recta protendi in infinitum; & alios, qui docent, illud ad certos tantum gradus porrigi. Ratio autem est, quia neque ex reverentia debita aut verecundia, vel aliunde sufficienter probari potest, quod spectato solo jure naturali avus non posset ducere neptim.

Neque obstare videtur, quod dicitur l. ult. ff. de ritu nupt. his verbis: *Jure gentium incestum committit, qui ex gradu ascendentium vel descendantium uxorem duxerit.* Nam per jus gentium hic non intelligitur jus naturæ propriè ac stricte dictum, sed tale, quod gentes ex decentia sibi libere per leges constituunt. Quamvis non omnes

gentes ejusmodi jure utantur. Aliqui dicunt, tale matrimonium jure naturali esse illicitum, non tamen invalidum, sicut contractum cum voto simplici castitatis, aut stantibus sponsalibus de futuro cum alia. Verum hoc tantum est extrinsece turpe, ratione voti aut sponsalium. Illud autem, si jure naturæ esset prohibitum, esset contractus intrinsece turpis, adeoque probabilius etiam invalidus. Videtur igitur melius negari, tale matrimonium, spectando præcise jus naturale, esse illicitum.

Sed quid dicendum de matrimonio in primo gradu consanguinitatis in linea recta contracto, e.g. inter patrem & filiam? *Resp.* Quamvis omnium DD. aut ferme omnium sit sententia, tale matrimonium etiam jure naturæ esse illicitum atque invalidum; multi tamen ex illis docent, quod si deficientibus omnibus aliis in mundo hominibus solus superesset pater cum filia, aut mater cum filio, licitum fore inter eos matrimonium, ut conservetur genus humanum, eo quod Deus in tali casu censendus esset dare eis jus in corpora. Quod an cohæreat, aliis judicandum relinquo.

Si tale matrimonium jure naturæ simpliciter prohibetur, tunc prohibetur tanquam intrinsece malum, uti mendacium, odium Dei, furtum, simonia, fornicatio, adulterium &c. Sed quomodo tunc licitum fiet? aut quomodo censendus est Deus concedere id, quod ex se & intrinsece malum est? Cum igitur Deo, qui non tantum rerum omnium, sed etiam personarum ac corporum plenissimus est Dominus, non sit neganda potestas, tradendi patri & filiae jus mutuum in corpora, saltem pro casu, quo soli in mundo existerent, sicut dedit Adamo & Evæ, licet hæc ex illo fuerit producta ac formata.

Existimo, in hac providentia conjugium patris cum filia esse quidem contrarium juri naturali, non quidem secundum se, quatenus esset conjunctio de se & intrinsece turpis (alias neque Deus posset illud concedere) sed quia Deus nunquam dat jus patri in corpus filiae, esset accessus ad non suam, consequenter fornicatio, jure naturæ prohibita, sicut omnis alius accessus ad non suam est fornicatio aut adulterium, intrinsece malum, ac jure naturali gravissime prohibitum. Si autem Deus daret patri potestatem in corpus filiae, sicut in veteri testamento dedit uni viro in plures mulieres, esset accessus ad suam conjugem: consequenter nec fornicatio, nec adulterium. Et eodem modo loquendum de omnibus personis, quibus Deus negavit jus mutuum in corpora.

Verbo:

Verbo: Conjunctio maris & feminae est quoddam genus, quod duas sub se species comprehendit, nempe accessum *ad suam*, & accessum *ad non suam*. Hæc species semper est jure naturæ prohibita, quia est fornicatio vel adulterium, intrinsece mala: illa nunquam. Quia igitur Deus potest facere, ut sit sua, dando jus in corpus, talis conjunctio non subjacere juri naturali. Fere sicut contrectatio rei alienæ, quando Deus non concedit dominium, est furtum, intrinsece malum, adeoque jure naturali prohibitum: pro casu vero, quo Deus dat dominium, facitque, ut sit sua (ut circa vasa Ægyptiorum contigit) non est furtum, sed acceptatio & detentio licita rei, quæ sua facta est. Sic etiam occisio hominis est genus: continens duas species, justam & injustam. Si Deus, qui est dominus vitæ & necis, dat potestatem occidendi, erit semper justa: si negat, semper erit injusta, intrinsece mala ac jure naturali prohibita. Vide hujus apparatus *part. 2. cap. 1. q. 5.* ubi jus naturæ ex instituto examinavi.

A fortiori posset Deus licitum facere matrimonium in primo gradu affinitatis in linea recta, uti inter socerum & nurum, focrum & generum, vitricum & privignam, novercam & privignum, dando illis jus in corpora. Quia probari non potest, ejusmodi conjunctionem esse ita intrinsece malam, ut jure naturali necessario & absolute sit prohibita ac irrita. Et hinc multi DD. cum Cajetano, Sanchez, Pontio, Palao, Gonzalez, Schmier &c. aperte docent, id genus conjugia jure tantum Ecclesiastico esse irrita, in quo tamen dispensari non solet.

Neque obstat, quod dicitur 1. Cor. 5. *auditur inter vos fornicatio, qualis nec inter gentes, ut uxorem patris sui aliquis habeat.* Nam Corinthius iste pro uxore habuit conjugem patris sui adhuc viventis. Et propterea dicitur fornicatio, *qualis nec inter gentes.* Conjugium autem cum patris defuncti relicta inter gentes, uti inter Persas, & ipsos Chananæos, non erat inusitatum. Imo etiam in populo Dei Adonias petiit sibi copulari Abisag Davidis patris sui relictam, 3. Reg. 2.

Atque ex his, quæ propter objectionem tertiam Henricianorum fuerunt allata, confirmatur argumentum, quod multo minus matrimonium, in linea collateralis affinitatis contractum, quale erat Henrici VIII. cum Catharina, fuerit irritum.

Quod spectat ad quartam objectionem, ex hæcenus dictis satis constat, plures gentes id genus matrimonia palam contraxisse: nec morem contrarium apud alias evincere aliud, quam legem positivam prohibentem.

ARTICULUS IV.

De Rebus Hiberniæ sæc. XVI.

73.
Descri-
ptio.

Hibernia, in ultimum Europæ Occidentem projecta Insula, ab Angliæ & Scotiæ continente sejuncta, atque in quatuor provincias divisa, *Ultoniam*, in qua Dunum, Dunghalia, Armachia, Malachia, olim ibidem Archiepiscopo celebris: *Lageniam*, in qua eminet Dublinum, Regni totius caput, Archiepiscopatu, & Academia (quam Eduardus I. anno 1320. inchoaverat) atque insuper Proregis ac Parlamenti sede nobilis. Kilkennia pariter habet Archiepiscopum: *Connaciam*, in qua Killalejum, sedes Episcopalis, Atlona, Gallovæum: & *Momoniam*, ubi Limmericum, post Dublinum præcipua civitas, Cassilia Archiepiscopatu ornata, Watterfordia sedes Episcopalis, uti etiam Corcavia, & Ardatum. Quælibet autem provincia, sicut Anglia & Scotia, in suos comitatus est subdivisa. An autem Hiberni sint Scotorum colonia, an vero hi illorum, utraque natio certat.

Hæc autem Insula, protubus frequens, pastu pecorum, & piscatu dives, ab antiquissimis temporibus suos Regulos seu Dynastas habuit, usque ad annum 1156. quo discordiis bellisque inter se commissi Henrico II. Angliæ Regi occasionem fecerunt invadendi occupandique Hiberniam. Hac igitur ratione juncta Angliæ, in hanc usque diem eisdem Rectores habuit, non quidem nomine Regum, sed *Hiberniæ Dominorum*, usque ad Henricum VIII. qui fastu elatus se ipsum creavit *Hiberniæ Regem*. A quo tempore per Proregem gubernatur: addito Senatu, quem Parlamentum appellant, ad Angliæ morem in superiorem & inferiorem Domum divisum.

Origo fi-
dei.

Christianam Religionem quinto jam sæculo in has terras introduxit S. Patritius Hiberniæ Apostolus, a Cælestino Papa missus. Qui labore & ærumnis tanto deinceps proventu terram illam, idolorum cultricem, in amplam messem fecundavit, ut *Sanctorum Insula* diceretur. Populi ab eo sacro lavaero tincti, ordinati clerici, & Episcopi, Armachana sedes Romani Pontificis auctoritate constituta totius Insulæ Metropolis: sparsa ubique Divini verbi sementis: aspera gentis indoles mansuescens Christi sub jugum missa.

Hos inter cœlestes satus excrevit, floruitque in Hibernia Religio ad sæculum usque XVI. quo Henricus VIII. non solum se primus Hiber-

Hiberniæ Regem dixit, sed etiam caput Anglicanæ & Hibernicæ Ecclesiæ, omnesque, qui novum hoc atque insolens in Ecclesia Dei portentum horrebant, ferro & igni persequeretur. Missi sunt equi-
dem a Paulo III. Pontifice anno 1541. duo ex Societate Jesu eam in Insulam Sacerdotes, Alphonfus Salmeron & Paschasius Broëtus, qui agrum illum, ab apro demolitum, per tempus aliquod magno labore excolebant. Sed quia Anglicana arma undique circumsonabant, redire compulsi sunt.

Eduardus VI. Henrici filius Calvinii hæresi gentem inficere satagebat, missis eo libris ea peste infectis, ac ministris, qui illam spargerent. Maria Eduardi soror Religionem puritati suæ atque nitori restituit. At Elisabetha, Britannicæ Erinnyes, omnem movebat lapidem, ut sicut Angliam præcipitavit, ita Hiberniam quoque animarum cultu spoliaret. Sed spe sua constantiores & catholici dogmatis tenaciores invenit. Quare ad vim conversa, atrocibus edictis tonuit, proscriptionibus ac concussionibus sævit, minas, arma, necesse intentavit: nec tantum intentavit, sed etiam intulit.

Sed fracta non est Catholicorum constantia: vim vi repellebant, Constanti-
ductore Geraldo Comite, imprimis anno 1563. dein anno 1579. Hispanos in auxilium vocarunt: tenuitque bellum usque ad annum 1593. quo victis arma, sed non Religio evelli poterat. Mox iterum, ut a sæva tyrannide se liberarent, ad defensionem sui reversi anno 1598. insignem, (uti sæpius alias) ab Anglis reportarunt victoriam. Anno sequenti vero cum Essexio Comite transegerunt: permixtis antiquis sacris.

Cum igitur Elisabetha cerneret, pristina sacra incolis per vim apertam non posse eripi, ad artes conversa, multas Anglorum colonias misit in Hiberniam, quæ Calvinum implantarent, pulsisque ex Academia Dublinensi Catholicis, qui supererant, Doctoribus, Calvinianos substituit; orthodoxis vero publico Sacrorum cultu interdixit. Quibus sane machinationibus id est consecuta, ut numerosa novorum colonorum, Præfectorum, militum, præconum, mercatorum, artificum, quos contagium habebat infectos, colluvies infunderetur in Insulam; nunquam tamen efficere potuit, ut non ple-
rique ex antiquis indigenis antiqua sacra retinerent.

Porro, ne bona Ecclesiastica omnia aut Calvinianis Episcopis aliisque ministris in prædam cederent, aut regio ærario addiceretur, Nobilibus Catholicis, qui passim ruri ab officiis remoti in arcibus suis degunt, summi Pontificis auctoritate sunt attributa, ea conditione, ut partem ad alendos sacerdotes, qui latere coguntur, impendant.

74.

T t t t t 3

In

Ultonia. In *Ultonia* autem, regione ampla, paludibus ac sylvis referta, Scotia proxima, toto sæculo XVI. Religio conservata est integra, eratque Catholicis aliarum provinciarum, cum persecutio ingrueret, velut asyllum: ex quo non raro, Tirono comite & Odoneallo ductoribus, fuscæ sunt Anglorum copię. Nec impedire poterat aut schisma Henrici VIII. aut Elisabethæ hæresis, quo minus ibi vigeret publicus religionis cultus, aut Beneficia Ecclesiastica summi Pontificis auctoritate conferrentur.

Athletæ. In ea autem provincia tres eminebant singulari pietate & doctrina Episcopi, Raymundus Archiepiscopus Armachanus, qui anno 1590. in prælio Connaciensi occubuit; Redmondus Episcopus Eriensis, qui dum in templo cum aliis Episcopis synodum celebraret, anno 1600. ab irruentibus sicariis est obtruncatus: & Richardus, Celmorienfis Episcopus, ex sacra D. Francisci familia assumptus, carcere Londinensi nobilitatus. Hi cum aliis clericis murum se firmissimum hæresi opposuerunt, tanta constantia, ut Elisabetha toti huius provincię immunitatem a tributis, & liberum Religionis exercitium obtulerit, ea conditione, ne quid Tironus ac focii in aliis regni provinciis molirentur, aut eis præberent auxilium. Sed rejecta conditio. Unde

Victoria. Angli anno 1595. totis viribus in Ultonienses incumbentes, ingenti prælio sunt profligati, caesis eorum 2000, reliquis per fugam dispersis, amissis omnibus impedimentis, machinis, & castrensi apparatu. Anno 1597. in eadem Ultoniensi provincia Hiberni Catholici Anglos hæreticos magna rursus clade multarunt, multis cum Noritio militiæ præfecto caesis ducibus belli. Anglicani exercitus reliquiæ ad templa confugientes, a victoribus vitæ gratiam impetrarunt, ea lege, ut in Angliam reduces nunquam amplius adversus Hibernos arma ferant. Tanta suorum strage fremens Elisabetha, Proregem Brochum vastare provinciam, messemque agrorum jubet exurere. Verum Oneallus, collectis, qua poterat celeritate, copiis, rursus Anglos memorabili prælio fudit.

Momonía. Neque in sua tantummodo provincia se suamque Religionem strenue defenderant Ultonienses, sed aliis etiam ab Anglis pressis incurrerunt, maxime in *Momonía*: quam provinciam magna fortitudine tuebatur *Gerardinus* Comes cum reliqua nobilitate: non una duntaxat ab Anglis relata victoria. Tandem captus, atque ad mortis supplicium damnatus est. Filius vero ejus Jacobus, ut cum propinquo suo, qui interim Principatum possederat, bello committeretur, ex Londinensi carcere callide dimissus est. Nec spes Anglos sua fefellit. Nam Gerardina familia in se ipsam versa, Jacobus in prælio captus

captus & Londinum in carcerem est abductus, Gerardini vero filius veneno perit. At Hiberni se proditos ab Anglis indignati, compluribus rursus cladibus eosdem afficiunt in eadem Momoniensi provincia, Jacobi captivi fratre ad Principatum eveſto.

In Connacia majores hæresis vires nata est. Non desunt tamen Connacia, in hac etiam provincia strenuæ defensionis exempla. Illud singulare, quod Nobilis quidam Catholicus, venationi assuetus, cum die quodam cum 50. circiter canibus molossis in sylvam egrederetur, ab hostili turma invasus, canum suorum, quos incitabat, fideli opera, confusus certamen iniit. Fugiunt hæretici: insequuntur molossi; homines equosque morsibus impetitos laniant; tanta rabie, ut 200. milites hoc canino prælio cecidisse scribantur, præter eos, quos Nobilis ejusque famuli trucidarunt.

Iram hæretici in sacerdotes innocuos verterunt, uti in Anglia 75. & Scotia dira persecutione ac tyrannide in Hibernia quoque atrociter Persecutio. sævientes. Millena præsto sunt exempla. Unum vel alterum afferamus. Traversius Hibernus Theologus, accusatus, quod librum de Primatu Petri ejusque successorum scriperit, ultro passus est, tres monstrans digitos, quibus in illo scribendo usus esset. Ignibus igitur injectus crematus est. Sed tres illi digiti (Sandro teste) comburi non poterant, sed inter flammæ illæsi manerant. Hurlæus a Gregorio XIV. Cassiliensis Archiepiscopus creatus, reversus in patriam comprehensus est, atque immaniter tortus, suspensusque. Magis adhuc barbara crudelitas exprompta est in Ohelium, designatum a Gregorio XIII. Majonensem Episcopum, quod Reginam Ecclesiæ caput nollet agnoscere. Ocreæ oleo, sale, butyro, & pulvere impletæ pedibus inductæ, ac bullienti aquæ impositæ, atque cum cute & carne detractæ nuda ossa reliquerunt. Tandemque post varia tormenta strangulatus est, atque martyrio coronatus.

Idem Pontifex Gregorius XIII. periclitantibus inter tot lupos oviculis, viros de Societate, prout in alias orbis partes, ita etiam in Hiberniam & Angliam destinare, qui missionem sane arduam, & sævientis undique discriminis plenam maximis animis non tantum tunc subierunt, sed per omne deinceps tempus, in hodiernum usque diem continuarunt, licet atrocissimis tormentis torquerentur, lacerarentur, necarentur.

Dum igitur Personius & Campianus in Angliam, Edmundus Donati Donatus, Limerici in Hibernia natus, Societatis sacerdos remissus martyris. cum aliis est in patriam, ut populares suos dire ab Anglis hæreticis vexatos erigeret, ac solaretur. Sed ab hostibus fidei, omnia sagacissime

cissime lustrantibus, continue deprehensus, Limerici in patria sua carcerem invenit. Varie subinde tentata est ejus constantia, opima omnia pollicentibus verborum Ministris, si abjecta Romana fide eorum perfidiæ accederet.

Adversus quæ cum immobilis persisteret Dei servus, eosque erroris coargueret, Corcagiam ad ulteriorem hæreticæ crudelitatis quæstionem pertractus est, ibique variis tormentis & cruciatibus excarnificatus. Sed cum infracta hæc omnia toleraret constantia, perduellionis arcessitus publico damnatur judicio: infamis supplicii hifce publicatis a sanguinario magistratu causis: quod in fidei Romanæ confessione, sub perduellionis pœna a Regina ex Britannia proscriptæ, pertinax constaret: quod ad eandem concives suos qua verbo qua exemplo traducturus venisset in Hiberniam: quod Reginæ Capitis Ecclesiæ Britannicæ titulum impie abrogaret.

Quam nefariam, sibi tamen gloriosissimi triumphi decretoriam, sententiam, magna alacritate gaudique significatione excipiens, astis judicibus gratiis, tanquam reus majestatis ad furcam raptatus, cum aliquamdiu pependisset, vivens adhuc resecto fune in solum præcipitatur, & ex discisso pectore evulsum cor manu carnificis populo ostentatur, mox in igne cum aliis intestinis concremandum: reliquum corpus in quatuor partes dissectum, totidem palis affixum est. (anno 1580.)

Concilium Dublinense anno 1518.

76.

Provinciale hoc concilium convocavit Guil. Rokeby Archiepiscopus Dublinensis; quo Præsidente sanciti sunt 10. Canones.

1. Statuitur, ut Connacienses & Ultonienses Presbyteri non admittantur, nisi judicio ordinarii inveniantur idonei; atque ut ii, qui non solvunt decimas, excommunicentur.
2. Clericos Hiberniæ non solventes procuraciones, & cætera onera Ecclesiis imposita, excommunicatos esse denuntiandos per omnes curatos.
3. Calices stannei post annum sint abrogati; nec tales amodo consecrandi, nisi scyphus saltem sit argenteus.
4. Duo æstimatores constituentur ab Episcopo ad appretianda mortuorum bona. Alias æstimatio facta non valet.
5. Excommunicati sint ipso facto laici, qui non solvunt dimidiam partem obventionum ex domibus, quas habent in cæmeteriis.

6. Status

6. Statuta Synodalia executioni danda per ordinarios & curatos.
7. Locatio bonorum Ecclesiasticorum sine assistentia clericorum est ipso jure nulla.
8. Clericis ludentibus ad pilam pedalem multa pecuniaria injungitur.
9. Imponentes onera laicalia & exactiones plebis Ecclesiæ sint excommunicati, regia potestate excepta.
10. Definit Concilium, omnes procurationes, inter Hibernos ratione visitationis debitas, persolvendas Episcopo, aliisque omnibus, quibus debentur; atque ad id per censuram Ecclesiasticam esse compellendos.

C A P U T IV.

Schema Rerum Scotiæ sæculo XVI.

§. I. —

Status politicus.

Scotia, mari undique circumdata, ea duntaxat parte Australi excepta, qua Angliam contingit, Tavo flumine in duas partes dividitur, septentrionalem, quam olim *Scoti*, & meridionalem, Angliæ obversam, quam *Picti* incolebant. In hac urbes inter eminet *Edenburgum*, sedes olim Regia, arce præmunita & Academia nobilis; & *Glasgowia*, Archiepiscopatu, Academia, & amœnitate sua visenda. A præstantibus etiam Ducibus memorabilis, Hamiltonum & Duglassiorum. In Boreali primas tenent Brechinium, Perthum, Caledonia, a qua mari nomen. Albania ad fontes Tavi Scotorum montensium est patria; quorum in Historia Scotiæ est nomen celebre. Adhæc Aberdonia, Chanoricum, Dornocum &c. Eo pertinent 44. Hebrides Insulæ, versus Occidentem sitæ, quæ proprium habent Episcopum, Glascoviensi subiectum. Orcades Insulæ ad Septentrionem protensæ, plures quam 20. non tamen omnes habitatæ. Suus etiam iis est Episcopus. Denique sex Insulæ Schetlandicæ, 16. Glesfariæ. Ulteriores ad Regem Daniæ pertinent.

77.
Delineatio
Scotiæ.

Regnum hoc, portubus & urbibus frequens, parte Australi aquis stagnantibus & paludibus, boreali montibus horrens, quamvis glebæ fertilitate non sit comparandum Angliæ, ita pecorum pastu, &

Pars VII.

Uuuuu

mili-

militum seſctu præſtat. Quamobrem iſſis Romanis tanto erant ter-
rori, ut Adrianus Imperator ingentem eos inter & Britanniam mu-
rum exſtrueret. Nam perpetuis cum Britonibus bellis erant impliciti:
donec in ſe ipſos colliſi, Scoti Piſtos ſuperarent, & toti regioni no-
men imponerent. (*Sæculo IX.*) Sed non poſtea frequentia cum Anglis
bella ceſſarunt, variante victoria, plerumque tamen magis ad iſtos
inclinante. Quare Scotiæ Reges iſſis ſapius facti ſunt veſtigales,
quin aliqui eorum capti: libertatem tamen rurfus adepti.

Piſci.

Cum anno 1295. *Baliolus* Scotiæ Rex promiſſum homagium
negaret, Eduardus I. acie ſuperatum captumque Londinenſi carceri
incluſit, Scotiamque ſubegit. Verum *Robertus Bruſſius* Rex electus
Anglos ingenti prælio victos ex Scotia rurfus proſligavit; moriens-
que Scotis ſuis id conſilii dediffe fertur, ut frequentibus cum Anglis
bellis ſe exercerent, nunquam tamen totius Regni vires discrimini
offerrent. Orta ſubin inter Bruſſios & Baliolos de Regno conten-
tione Eduardus III. Rex Angliæ Scotiam rurfus occupavit, Davide
Rege Bruſſii filio in carcerem detrufo. (*anno 1346.*)

78.
Balioli &
Bruſſii.

Post *Baliolorum*, & *Bruſſiorum* familias, materno ſanguine an-
tiquis Regibus innexas, ſucceſſit anno 1370. *Stuartorum* Domus: &
quidem primus ex ea Robertus III. cujus mater erat Roberti Bruſſii
filia. Jacobus I. ejus filius, poſtquam diu in Londinenſi carcere de-
lituit, Regnum tandem adeptus, a cognato ſuo aliſque conjuratis
interemptus eſt. Jacobus II. & III. filius ejusdem & nepos, violen-
ta pariter manu perierunt: ille in obſidione Roſburgi ab Anglis, hic
a propriis ſubditis occiſus. (*anno 1488.*)

Stuarti.

Jacobus IV. Margaretham Henrici VII. Angliæ Regis filiam anno
1503. ſibi deſpondit. Quo titulo Jacobus VI. poſt centum annos
thronum Angliæ ſcandet. Cum anno 1513. Henricus VIII. Angliæ
Rex cum Gallis bello eſſet implicitus, Jacobus IV. in Angliam ir-
ruptionem tentavit. Verum cum exercitu in prælio cecidit.

79.
Margaretha.

Jacobus V. biennio ante patris mortem natus, ſub tutela matris
Margarethæ educabatur, donec ad ſecundas illa cum Duglaſſio nuptias
transiit. Anno 1542. cum Henrico VIII. Angliæ Rege bello commiſ-
ſus, cum res non ſuccederent ex voto, eodem anno obiit, æt. 30. reg.
28. Conjuges duas, quamvis Carolus V. ipſi alias offerret, ex Gallia ha-
buit, primo Magdalenam Franciſci I. filiam; poſtea Mariam Claudii
Guiſſi filiam, Franciſci Guiſſi & Caroli Cardinalis Lotharingi ſororem.

80.
Jacobus V.

Ex hac in humanarum calamitatum cumulum nata eſt *Maria*
Stuarta, de qua, utpote Scotiæ hærede, duo magni proci certabant,
Eduar-

Eduardus VI. Rex Angliæ, & Franciscus II. Galliæ Delphinus: cui juncta est anno 1558. Defuncta eodem anno Maria Angliæ Regina, Maria Stuart. Regnum Angliæ, propter aviam paternam, Henrici VIII. sororem, ta. sibi debitum vindicabat. Quare, si ex Francisco II. filium suscepisset, is Galliæ, Angliæ, Hiberniæ, & Scotiæ futurus fuisset hæres. Sed Angli Elisabetham, licet ex adulterio natam, prætulerunt, & Franciscus II. altero conjugii anno mortuus improlis spes omnes abruptit.

Elisabetha probe gnara Mariæ jurium, simulata amicitia, quam 81. etiam legatione & litteris est contestata, re ipsa extremo eam odio Elisabethæ persequatur: ac velut intra siparium latens omnium deinceps tra- perfidæ ar- ges. gædiarum princeps auctor fuit, emissis in theatrum variis actoribus, qui omnia involverent. Atque imprimis adversus Catholicos Principes, ne Mariæ possent assistere, subditos in rebellionem concitavit, in Gallia & Belgio, promota in iis, uti etiam in ipsa Scotia, quantum poterat, hæresi: quam satis noverat, ad regna & provincias in turbas & seditiones commovenda, machinam esse paratam. Quare id quoque sedulo per emissarios suos curabat, ut in Scotia Catholicis amotis, officia publica ac præfecturæ Calvinistis demandentur. Præcipuo vero actore & instrumento usæ est Jacobo Mur- Murraus. rao seu Moraviæ comite, Mariæ fratre spurio.

Cum igitur Maria intelligeret, in Regno suo depressa religione, tumultibus omnia concuti, reliqua Gallia in Scotiam abiit, frustra Elisabetha per classes suas, ut eam interciperet, tendente insidias. In Scotia a Catholicis omni officiorum obsequio excepta, Calvinistas dominantes invenit, & in excidium fidei conjuratos. Factio- nis caput Murraus; ejus & Elisabethæ opera in Regni spem elatus. Maria, ut insolentiam compefceret, potentem aliquem Principem in thori & regiminis communionem asciscendum putavit. Sed veta- bant Regni ordines, ne extero nubat. Igitur Henricum Stuartum Darlaus. Darlaum, Lenoxii Comitis filium, longa agnatione stirpi regię in- nexum, maritum elegit; qui communi cum Regina consilio rem publicam gereret.

Ad offensionem id suam pertinere Murraus existimans, vitæ Viçus Mur- novi Regis insidiatus est clam primo, tum etiam correptis armis raus. aperto bello. Sed acie victus in Angliam, rebellium Scotorum asy- lum profugit. Deliberatum ibidem, quonam potissimum modo Rex & Regina sint dandi in exitium. Placuitque per conjurationes Calvinistarum, & occultas insidias rem tentandam; atque imprimis in- ter ipsum Regem & Reginam seminandas discordias, & fidei violatæ suspi-

82.
Tragedia
initium.

Cæsus Rica
cius.

Murræus
Rex decla-
ratus.

Darlæus pro-
ditionem a-
perit, & con-
ciliatur Re-
ginæ.

Fugit Regi-
na.

suspiciones. Alii apud Regem criminabantur Reginam, ac si omnem gubernationem ad se esset tractura, ipso despecto & abjecto. Alii apud Reginam hoc de Rege enuntiabant.

Præsertim vero Reginam insimulabant nimie cum *Davide Riccio*, Pedemontano, familiaritatis, cujus, viri prudentis, consiliis sæpius usa est; atque eo usque falsis suggestionibus suspicacem Darlæi Regis animum occuparunt, ut post cœnam in aulam conjurati, ejus jussu, cum *Duglassio* Comite *Mortono* aliisque irrumpestes, in Reginæ conspectu Riccium interemerint. Ipsa vero Regina in arctam custodiam est data. Quibus auditis Murræus cum aliis proditoribus illico ex Anglia rediit: atque consilio & auxilio *Knoxii* apostatæ in conventu Calvinistarum Rex Scotiæ est declaratus. Reginam vero capitis condemnari petiit, adulterii cum Riccio commissi falso accusatam. Cum nulla criminis probatio fuerit allata, & ipsa tum dignitas Reginæ & vita integre acta, tum Riccii senectus & corporis deformitas, eandem absolverent. Diplomata non amplius nomine Reginæ, aut utriusque, sed solius Regis Darlæi scribebantur.

Rex, præteritorum pudore suffusus, ad Reginam captam inivit, astorumque veniam rogavit. Illa inter lachrymas & gemitus eidem amice tamen, exprobravit, quod falsis suspicionibus & ambitione ductus, se deserta & abjecta, ad utriusque ac Regni totius conjuratos hostes se contulerit. Meminisset, quod eum præ omnibus aliis a se libere electum, ad suum conjugium, & a privata fortuna ad Regalem dignitatem, rerumque omnium communionem extulerit. Perpenderet sane immane facinus, in conspectu suo in Riccio, Secretario suo, viro innoxio, patratum. Non cessaturos Calvinistas aliosque proditores, donec cum religione regiam etiam familiam excindant; nisi consilio & opera conjuncta impiis ac perfidis machinationibus eant obviam. Quid thori conjugalis & regni consortem, sui tam amantem, uterum gerentem, & partui proximam, tanto odio persequeretur? si Reginæ, si conjugii, animo & corpore ægræ, atque cum extremis calamitatibus luctanti, nollet parcere, parceret saltem proli suæ propriæ, propediem, si per ærumnas matris possit, nascituræ. Rex perfidiæ conscientia attonitus, rei que indignitate motus, rogata iterum culpæ venia, totam proditionis seriem Reginæ aperuit: promissa constantiore in futurum fide.

Rex ea ratione conciliatus, a proditoribus, qui de ejus nece delibabant, tandem impetravit, ut, cum Regina morbo periculoso laboret, proxima saltem nocte Regi permittatur; statuendum die altero, quid porro fieri oporteat. At Regina, custodia amota inter noctis

noctis tenebras clam a conjuge educta, atque, ut furori conjurato-
rum subtrahatur, Dombarium munitam in arcem est deducta. Con-
jurati hoc nuntio accepto, primum indignari ac frendere ob prædam
unguibus ereptam, tum audito, comites Huntleium, Bothwelum,
& Atholum, qui, cum Riccius occideretur, per fenestram evaserant,
cum 5000. militum in auxilium Reginæ imminere, perculsi terrore
in Angliam aufugerunt. Regina vero edito diplomate a crimine cæsi
Riccii Regem absolvit.

At vero, dum aliorum rogatu Murraëm, in gratiam receptum,
bonisque suis & muneribus restitutum, regni arcanis adhibuit, con-
silium eam prudens destituit. Inde enim omnes deinceps calamita-
tes sunt enatæ. Nam Murraës jam sui securus, concepto in Regem
odio, quod, conjuratis desertis, conspiracy in Reginæ, atque ad-
hærentium illi Procerum necem, eidem detexisset, in Regis jam exi-
tium cum aliis proditoribus sua vertit consilia. Id ubi Darlæo subo-
luit, præveniendum ratus, Murraei necem decrevit. Verum is cal-
lidior multo testiorque, licet id consilium Regis rescisset, omnia
tamen familiaritatis obsequia, animo simulato, præsetulit, viperam-
que in corde gerens absconditam morsum tandem lethalem & Regi
& Reginæ defixit.

83.
Murraës in
Darlæum.

Nam imprimis evicit, ut fugitivi proditores, socii sui, gratia
conciliata, revocarentur in Scotiam. Quorum primus dein labor
fuit, novas cum Murraeo prodiones excoquere: ut substructionibus
suis cruentis optatum finem imponerent. Conveniunt *Bothwelum*
comitem, quem consiliis suis hætenus adversum, ac Reginæ fidum
gratumque noverant. Multa de Rege Darlæo questi, Riccii cædis,
omniumque, quas passa esset Regina, molestiarum illum, zelotypia
furentem, auctorem faciunt. Si Regina hoc homine liberaretur, nemi-
ni nupturam, nisi ipsi Bothwelo. Id se effecturos sacramento spondent.

84.
Epithasis
tragœdiæ.

Bothwelus ea spe & ambitione in casses tractus, recipit, ea con-
ditione Regem sua manu periturum. Certam igitur domum, in
quam Regem elicuerant, supposito jam ante sulphure & pulvere py-
rio, accendunt, eumque inter ruinas excussæ in altum domus sepe-
liunt. Bothwelus, tanquam facinoris auctor, a populo comprehen-
ditur, & judicio sistitur. Sed parum erat proditoribus, quierant ju-
dices, hunc condemnare. Ulterior erat meta, ad quam collimabant.
Absolvunt igitur Bothwelum, & ad Reginam, mœrore luctuque ob-
amissum conjugem afflictam; ingressi, tristitiam vultu gestuque præ-
ferentes, patriæ calamitates, turbas, dissensiones nobilium inter se
ipsos, difficultates, quibus viduæ Reginæ sint expositæ, in tam turbi-

Darlæus Rex
occisus.

85.
Catastasis.

U u u u 3

do

de præsertim statu Regni, & ærarii publici penuria, ex ordine proponunt; nihil Regina, nihil Regno conducibilis fore asserentes, quam si nuberet viro toti Scoticæ nationi grato. Talem autem fore *Bothwelum*, præcipua nobilitate ornatum, magnis clientelis succinctum, totius Scotici maris Præfectum: magnis insuper in Regnum & Reginam meritis, atque eximiis corporis animique dotibus præcellentem. Hoc connubiali fœdere Scotiæ turbas tandem finitum iri.

Bothwelus.

Infelix Princeps capta, & quo se verteret, nescia, in eorum tandem, ut quietem regno reduceret, postulata consensit, atque *Bothwelo* juncta est. Vix eam scenam proditores egerant, cum undique populum ad arma vocant in ultionem cædis Regiæ, a *Bothwelo*

Catastrophe.

Reginæ jussu patrata. Immanis parricidii præmium esse matrimonium cum latrone initum. Regina capta, per summam ignominiam jumento imposita *Edenburgum* abducitur, prælato vexillo, in quo peremptus *Rex Darlæus*, ejusque filiolus *Jacobus*, quasi vindictam expetens, visebatur. *Edenburgi* conjurati palatium regium occupant, Reginam vero in domum lictoris abducunt, erecto, quod dixi, præforibus vexillō. Inde in arcem quandam *Murræi* captiva abducta est.

Dubii sycphantæ, quam fabulæ catastrophæ imponerent, consilio habito ex *Elisabethæ* Anglicæ sententia decernunt, Regina ab omni gubernaculo dejecta, *Jacobum* ejus filium Regem promulgandum sub tutela *Murræi* Proregis: ut hac ratione *Jacobus* in hæresi educatus votorum deinceps faceret compotes. *Elisabetha* perfida mulier, licet hæc omnia ex ejus consilio fluerent, dedit tamen ad *Mariam* captam litteras, humanitatis & officii plenas. Indoluit ejus acerbæ sorti: indignata ejus auctoribus. Obtulit auxilia: quin ipsam se ad eam liberandam cum valido exercitu in Scotiam ituram spondidit. Adjecit, nuntium ad se perlatum, necem ei parari, nisi regno se abdicet.

Proditores interea, ut etiam *Bothwelum* caperent, atque interficerent, quaquaversum apparitores ac lictores emisserant. At ille in *Daniam* fuga evaserat. Ubi a *Scotis* mercatoribus proditus, atque parricidii accusatus, in carcerem detrusus est, in quo post decem annos miseram vitam finiit: adhuc paulo ante mortem constanter contestatus coram testibus, necem *Darlæi* Regis ad se & conjuratos, nulla vero ratione ad Reginam pertinere, utpote totius conspirationis penitus ignaram.

Regina in arcta custodia detenta a *Murræo*, impio ac perfido fratre, tunc per violentiam Regni Governatore, ope duorum Comitum

tum ex familia Deglassia die quodam, quo convivium in arce celebrabatur, virili habitu induta elapsa est. Multi ex Nobilibus, præsertim Catholici, cum tota familia Hamiltonia, quæ erat amplissima, ad Reginam conflunt. Murraus cum proditoribus pariter delectus habet. Instruitur utrinque exercitus. Vincitur Regina, & in Angliam ad Elisabetham, quam amicam putabat, fugit. At ubi Carlillam pervenit, jussu Elisabethæ capta, & in custodiam est data: atque inde Boltonam translata. (anno 1569.) Scotorum multi cum Huntlesjo, Crafurto, Argilio, Egiltonio, Comitibus, totaque Domo Hamiltonia, & Ogilbea, rei indignitate commoti, arma corripunt. Verum Elisabetha, a Murræo certior facta, Mariæ Reginæ præcipit, ut scriptis in Scotiam litteris arma ponere jubeat, se propediem ad Regnum suum reverfuram. Quid faceret columba, unguibus accipitris comprehensa? paret. Catholici arma ponunt. Murræus præscriptionibus, direptionibus, cædibus in eos, velut majestatis damnatos, sævit.

Regina in
Angliam
fugit.

Mox capta.

Incredibile dictu, quot deinceps machinæ sint admotæ, ut innocentia damnaretur, ita tamen, ut ex usu & jure actum videretur. Comitum in Scotia & Anglia coacta; Regina adulterii & parricidii accusata. Knoxius & Buchananus apostatæ libros integros adversus illam scripserunt, ut exteris quoque nationibus imponerent. Et quamvis Senatus Anglicanus, perspecta accusationis infirmitate, restituendam censeret, ea conditione, ut juri in Angliæ Regnum renuntiet; Scotos dissidentes in gratiam recipiat; Anglicano Principi nubat. Verum non satis atrox Elisabethæ hæc erat sententia; cum certum haberet, hanc prædam non amplius dimittere. Quin redarguit Murræum & Mortonum, conjuratorum capita, quod causam minus apte instruerent.

Igitur Murræus, cum fabula necdum satis videretur intricata, ad novos dolos conversus, novamque telam texendam arbitratus, *Thomæ Howarto*, Duci Northfolciæ nuptias cum capta Regina proponit, eo pacto omnes turbas iri compositum. In se nihil opis futurum, quo id negotium conficiatur. Dux, nihil fraudis suspicatus, postquam condixit, Murræum veteratorem per epistolam interpellavit, ut conjugii causam urgeat. At ille has litteras Elisabethæ transmissit. Quæ Ducem, quia Catholicus erat, sibi in visus, capitis publice damnavit: prætextu attentati cum Maria capta conjugii; cum tamen manifeste constaret, ex ipsis etiam litteris, totam stropham a Murræo fuisse contextam.

36.

Novæ fraudes pro nova Tragedia.

Verum haud lento pede secuta est cœlestis ultio. Nam Murræus

**Murraus
caesus.**

ræus præcipuus Elifabethæ in sanguineo hoc perfidiæ theatro actor, cum Edenburgum ad Anglicum legatum Regis instar magno cum comitatu pergeret, ab Hamiltono Calvinista, in ædibus latitante, sclopo manuali petitus interiit, hæreticus, vel potius Atheista. Quem tamen Calvinistæ Martyrologio suo & Calendario inferuerunt. Hamiltonus, qui facinus patrarat in vindictam tot ex familia sua a Murrao peremptorum, aut proscriptorum, nusquam inveniri poterat.

Furores.

Ne autem Regina aut alii Catholici in Scotia ex morte hujus proditoris patriæ lætitiā caperent, Elifabetha, misso cum exercitu in Scotiam Sufflexio Comite, obvia omnia devastavit, multis arcibus datis in cineres, iisque præsertim, qui Reginæ adhærebant, spoliatis. Tum vero Mariæ ad speciem oblata est aliqua reconciliatio, ea lege, ut Elifabethæ subjectam se fateatur, magnam Scotiæ partem cum filio suo Jacobo eidem tradat. Cautionem idoneam præstet, nullum externorum Principum imploratum iri: Catholicæ fidei renuntiet, & Anglicanam amplectatur.

**Stuarta accusa
infidiam.**

Ne autem Elifabetha his intolerabilibus licet conditionibus pacem concedat, & Mariam liberam dimittat, hæretici novo commento finxerunt, Scotiæ Reginam Angliæ Reginæ insidiari (nempe ovem lupæ) Licet autem in mulierem, arcta custodia undique circumseptam, nulla ejusmodi cadere potuerit suspicio, nec ullum haberetur indicium, Anglicus tamen Senatus decretum edidit, quo assererat, domi forisque varia cusa esse consilia adversus Elifabetham, & Angliæ tranquillitatem: quicunque talia deinceps attentaverit, eum ad iudices deferendum. Varios etiam in exterarum regiones exploratores Walsinghamus Elifabethæ Secretarius misit. Hos inter erat Gilbertus Giffordus, in Romano & Rhemensi Seminario educatus, ac sacerdos ordinatus: qui, postquam a Religione in Angliā rursus defecit, per imposturas & mendacia varias epistolas impetravit, & ad Walsinghamum detulit.

**Damnata ad
mortem.**

Cum autem nihil ex illis adversus Reginam, quæ omni ferme famulatu spoliata ab uno in alium carcerem abducta fuerat, evinci posset, Elifabetha 48. iudices delegavit, qui eam examinarent. Sed nulla afferri poterat probatio ullius criminis. Nihilominus, postquam infelix Regina 20. annos per varios carceres inter infinitas ærumnas erat traducta, Elifabetha mortis in eam sententiam tulit: eamque per Sarisburium eidem denunciavit. Sed interventu Gallici legati per tres adhuc menses executionem distulit: quod tempus illa diligenti ad mortem præparatione transiegit. Nullus tamen
ad

ad eam sacerdos admissus est. Sacram igitur Evcharistiam, quam secum retinere Romanus Pontifex peculiari privilegio illi concesserat, ex propria manu sumpsit.

Heroica dein fortitudine atque constantia sicut sententiam mortis accepit, ita mortem ipsam sustinuit; ac tertio ictu a carnifice securi percussa, furoris ac inhumaræ tyrannidis victima cecidit *perimitur*. Maria Stuarta, Regis Scotiæ filia, Regis Galliæ conjux, Regis Magnæ Britanniæ mater, Regina ipsa Scotiæ, nulli humanæ in politicis potestati subiecta. (anno 1587. *at. 45. reg. 45.*)

Corpus defunctæ ignobiliter tractatum abjectumque, tempore Jacobi I. ejus filii, Angliæ Regis, Londinum translatum, & erecto mausolæo in capella Regia conditum est, cum hac inscriptione: *Incomparabili Heoidi, Mariæ Stuartæ, Scotorum Reginæ; quæ qua constantia vicennalem carcerem tulit, eadem impiæ securi Regiam cervicem feriendam dedit.*

Mirum videri posset, Scotiam, & præsertim Jacobum Regem, Mariæ filium, tunc jam gubernationi admotum, nihil movisse, ut matrem liberet, aut iniquissimam ejus necem vindicet. Verum consideranti, quod is in minori ætate, plurimos inter Scotiæ tumultus, sub variis tutoribus & curatoribus cum toto Regno fuerit jactatus, & sub Buchananani impliissimi apostatæ disciplina hæresi imbutus, & in manibus hæreticorum, iis totus obnoxius, sit versatus, incredibile non videbitur, eum suggestione eorum nihil admodum movisse. Intellecta tamen matris indigna morte, ultionem parabat, & cum anno sequente Philippus II. Hispaniarum Rex expeditionem in Angliam adornasset, socium eidem Jacobus se addixit. Sed ab Elisabetha, objecta Anglici Regni promissione, suaviter demulsus, omnes suas rationes deinceps cum Anglia conjunxit, donec Elisabetha extincta Magnæ Britanniæ Rex est renunciatus, triplex Regnum, quod nemini ante eum obtigit, jure complexus.

§. 2.

Status Ecclesiasticus Scotiæ sæculo XVI.

Hic quidem tunc erat perturbatus Reipublicæ in Scotia status: 87.

Religionis multo deterior. Anno 1559. antequam Maria Regina e Galliis erat reversa, synodus Episcoporum erat habita, ut postulata tot exortis in Religionem turbis remedium quæreretur: cujus tamen hæretico-acta non amplius existant. Vix autem Regina in Scotiam venerat, cum.

Pars VII.

X x x x x

quum

quum Procerum quidam supplicem libellum, erroribus & calumniis in fidem catholicam plenum, eidem obtulerunt: primos reformationis articulos in eo comprehensos dixerunt: petebantque, ut cultus Divinus lingua vulgari peragatur, utque populo Episcopos & Pastores eligendi fieret potestas: multaue alia extorquere conabantur.

Knoxius infamis apostata turbarum erat auctor, hæresis Calvinianæ fecundus profeminator. Regina non modo negavit postulata, verum etiam *Knoxium*, & alios seditiosos concionales homines ad dicendam causam evocavit. Ac licet Magnatum nonnulli pro eis intercederent, Regina tamen aperte est contestata, effecturam se, ut horum exemplo territi alii a nefariis consiliis & regno perturbando abstinerent.

Arma.

Sed jam profundius malum invaluerat, quam ut facili manu sanari posset. Hæretici, cum Regina non statim insolentibus eorum postulatis annueret, correptis armis tumultuari, vastare cænobia, spoliare templa, Ecclesiasticorum bona diripere, Carthusianorum, Franciscanorum, Carmelitarum monasteria solo æquare; Religiosi, qui barbarorum manus evaserant, ad Reginæ pedes advolvi, justitiam implorare. Sed frustra: *Murræo* (seu *Moravio*) rebellibus se adjungente, & cum exercitu hæretico *Edenburgo* imminente. Qui mox in urbem a civibus, partim hæreticis, partim timore perterritis, admissus pro libidine grassabatur; Episcopi ædibus suis ejecti, bonisque omnibus exuti. Dejectæ confractæque sacræ imagines: hostia Evcharistica patibulo affixa, & scloporum glandibus petita, Catholicorum bona in stipendium militibus data. Sacerdotes immaniter vexati.

88.
Knoxius.

Regina, dum rebellium armis omnia perstreperent, celeriter *Edenburgo* Dombarum fugit. *Knoxius* vero omnia sursum deorsumolvebat. Hic homo (quem *Scotiæ* Apostolum Calvinistæ appellant) teste *Ræmundo*, abjecto cucullo *Genevæ* *Calvino* operam dederat librumque ediderat, quo Anglos ad *Mariæ* Reginæ suæ cædem stimulabat. Una uxore non contentus, thorum paternum polluit, incestu eum noverca commisso; eam ob causam in *Angliam* profugus. Inde reversus tres puellas secum duxit: quibus mox quartam addidit, veneficio incantatam. Dignus enim vero Apostolus tali, quod prædicabat, Evangelio. Ejusdem furfuris erat *Buchananus*, monasterii pariter desertor, *Knoxii* in pervertenda *Scotia* impiger adjutor: litteratura politiore, & poetica maxime imbutus, primo *Murræo*, spurio Reginæ fratri, tum *Jacobo VI.* ejus filio informator

tor datus, occasionem nactus est oportunam, venenum, quo turgebat, exspuendi, & commissos sibi Principes inficiendi.

Hi autem novi Scotiæ Apostoli, adversus Mariam, legitimam Reginam, & Dominam suam rebelles, religionis systema, ab Anglico multum diversum, induxerunt. Dies festos non colunt: eo-que ab Anglis ridentur: Scotos continuo laborare, Anglis tamen multo esse pauperiores. Nullum integrum templum, aut imaginem ullam apud eos reperias. Episcopi nomen quidem & proventus aliquamdiu retinuerunt, donec cum aliis Ministris partiri eos coacti sunt, obistente licet Jacobo VI. Rege, ut umbram saltem pristini splendoris retineat. Quare Episcoporum quidam indignati, in Angliam secesserunt, ubi Episcopi non ita sunt circumscripti. In partem prædæ Episcopalis venit nobilitas, Ordinum (qui spolia erant consortes) accedente consensu.

Novæ
sectæ.

Psalms Scotica lingua demurmurant. Infantes baptizandi ad ministrum in suggestum deferuntur. Matrimonia nullo ritu peragunt. Diebus Dominicis plerique usque ad vesperam cibis abstinent. Die etiam, quo cœnam celebrant, jejuna solent. Panis buccellam autem in illa cœna sibi mutuo porrigunt. Adulteris & Missam audientibus eadem ferme pœna irrogatur. Adulterii autem convicti tribus Dominicis prope suggestum concionatoris in pegmate omnium conspectui expositi collocantur. Ibi nomine expresso a ministro publice rogantur, quam ob causam in eo loco consistent. Tum illi culpam suam fatentur; & delictum narrant, veniamque a populo petunt: quæ ipsis conceditur. Ubi adulterium a ministris ita est vindicatum, civilis quoque magistratus in eos animadvertit.

Quamvis autem Elisabetha Regina Angliæ totum politicum Scotiæ regimen moderabatur, & quo volebat,olvebat, obtinere tamen a Scotis Calvinistis non potuit, ut Anglicam Religionis formam assumerent, Genevensi Calvini & Bezae ritui ac dogmatis potissimum innixi. Atque ita a Calvinianis Ministris nobile hoc regnum, ultra mille annos Catholica Religione florens, missisque ad exterarum Nationes convertendas Apostolis celebratum, totum ferme in hæresin fuit præcipitatum, Boreali ea parte excepta, quam Scoti Montenſes incolunt; quorum multi Catholica sacra constanter in hanc usque diem retinent.

Equidem Robertus Personius agitare consilia cœpit, de Scotia Catholicæ veritati vindicanda. Quod, si succederet, certa spes affulgere videbatur, Angliam quoque ad eam reductum iri. Cum

89.
Personi
consilia.

X x x x z

enim

enim Jacobus VI. Scotiæ Rex, Mariæ Stuartæ filius Elifabethæ cœ-
 libi in Angliæ regno successurus esset (uti postea re ipsa contigit)
 Principe eo in parentum Majorumque fide conservato, ingens
 ostentabatur compendium, Anglos, qui Regis sui religionem eo
 usque sequi solebant (ut in acceptanda religione Henrici VIII. Eduar-
 di VI. Mariæ, & Elifabethæ observatum) hæc Regna ad pristinam
 Ecclesiæ unitatem reducendi.

Jacobus
 seductus.

Augebat eam spem, quod Jacobus Rex juvenis, qui cum la-
 cte materno Catholicam Religionem imbiberat, Calvinismo tinctus
 potius, quam imbutus crederetur, eoque haud operose reconcilian-
 dus avitis sacris. Igitur Personius iis spebus plenus per secretissimos
 internuntios agere cum Rege cœpit; atque ejusdem responsione cle-
 mentissima mire recreatus, re cum Pontifice, & Claudio Aquaviva
 Præposito suo Generali communicat, iter in Scotiam apparavit.
 Quippe jam liberum Patribus in Scotiam accessum, pressisque in An-
 glia Sacerdotibus asyllum apud se concesserat. Verum Calvinistæ, ex-
 ploratoribus ad omnia oculis intenti, spes istas amplissimas in femine
 succiderunt, Rege per immane scelus capto, & in potestatem suam
 redacto, regniq[ue] administratione pro libidine sibi asserta. Vigilat
 nempe generis humani hostis: ne respublica sua detrimentum patia-
 tur: effectumque, ut Maria Regina, Catholicæ Religioni impense
 addicta, per carnificem interempta, triumpharet potestas tenebra-
 rum.

§. 3.

Dissertatio Juridica: an Maria Stuarta Regina Sco- tiæ jure sit occisa.

90.
 Duo capi-
 ta accusa-
 tionis.

Quoniam Protestantici scriptores passim, his etiam nostris tem-
 poribus, Mariam Scotiæ Reginam, velut nefariam, gravium-
 que criminum ream insectantur, ac jure cæsam pronuntiant, operæ
 pretium daxi, brevi dissertatione ejusdem innocentiam vindicare,
 ut palam appareat, quanta rabie hæresis non modo in privatorum
 vitam, sed in coronata etiam Regum capita grassetur.

Ad duo autem capita totam accusationem pertinere video: quod
 & Darlaum conjugem suum occiderit, & Elifabethæ Angliæ Regi-
 næ struxerit insidias. Magnum, fateor, utrumque crimen. Sed
 qui-

quibus testibus, quibusve tabulis id comprobatur? Auspicemur disceptationem a primo. Quibus igitur argumentis accusatores evincunt, occisum a Regina fuisse conjugem?

Jam ab eo tempore, inquit, Regina alieno & hostili animo fuit in Regem conjugem, quo hic Riccium ejus secretarium occidit : tum enim versis in Bothwelum adulterinis amoribus, necem mariti machinari cepit. Testes in hanc rem habentur litteræ, propria Reginæ manu exaratae atque in ejus cistula aurea repertæ. Unde patrata Regis cæde nullum doloris sensum præsetulit, nec mortuum luxit, imo nec decentibus exequiis ei justa persolvit. Imo luctus debiti & consueti loco mox ad nuptias provolvit cum Bothwelo proco, Regis parricida. Additum, haberi testimonia, e servis Bothweli, dum quæstioni subjicerentur, expressa, aliorumque, qui cædis fuissent participes. Ex quibus sane confici, Darlæum Regem a Bothwelo fuisse occisum, si non jussu Reginæ, conscia saltem illa & comprobante.

Verum si fingere & asserere crimina sufficeret, nulla amplius tuta foret in orbe innocentia. Hæc omnia inficiendo eliduntur. Verum equidem est, vehementer doluisse Reginæ, cæsum in suo conspectu Riccium, consiliarium suum in paucis fidum (quem tamen ipsa vita probe astra, ætas senilis, & deformis corporis habitudo ab omni sceleris suspitione absolverant) At optime perspectum erat Reginæ, maritum suum, quem tenero & sincero affectu diligebat, non sua voluntate, sed Murræi testis consiliis aliorumque hæreticorum, qui nihil aliud quærebant, quam Reginam Regemque perdere, in eorum partes fuisse abreptum, juvenili adhuc ætate confirmata necdum prudentia.

Et hinc conjugem, veniam rogantem, amantissime etiam inter lachrymas, amoris testes, excepit, condonata omni, si quæ commissa esset, culpæ venia: quin publice eum excusavit, & a scelere perempti Riccii innocentem pronuntiavit. Cum dein Rex Glasce æger decumberet, Maria illico veredis equis eo delata, omnia amoris conjugalis officia eidem exhibuit. Inde vero Edenburgum eundem comitata, amicissime eidem convixit, facta invicem arcanorum omnium communicatione; nam & Rex aperuit ei omnem conspirationum seriem, magnam propterea incurrens offensionem apud Murræum & complices: Regina vero cum eo communi studio contulit omnes rationes gerendæ Reipublicæ, illamque adversus molitiones seditionum defendendi. Ipse uteris, quem tunc gerebat,

Quod maritum occiderit.

91. Vindicta in suo conspectu.

Vanæ suspiciones.

fatis loquebatur, concepta ex marito prole, Jacobo, totius postea Britanniae Rege.

Si quis vero hæc omnia gratiæ mutuo reconciliatæ officia meram simulationem fuisse diceret, is profecto nescit vitæ humanæ, perfonas inter tam arcto nexu adstrictas, vivendi regulas. Quasi vero dissensiones, quæ conjuges inter facile oriri solent, debeant esse perpetuæ; & ex discordia, aliquando orta, arguere liceat, omnem amicitiam amoremque reconciliatum esse mendacium. Male profecto actum esset de humana republica, si hæc ethica & argutandi ratio vim aliquam obtineret. Dein si Regina maritum peremptum voluit, quid opus tanto strepitu illud perficere publice? cur non secreto? an venenum defuit? an servi, aut famulæ? mille mortis viæ, si personæ tantopere connexæ obstinarint esse nefariæ. Sed quid hæc moror? non assertis, ab hominibus leviculis prolatis, non suspicionibus aut vanis præsumptionibus, nullo fundamento nixis, agenda est hæc causa, ubi de Regio capite decernendum.

Sed fide conjugali fracta, inquiunt, Bothwelo se prostituit, eadem mariti pacta, ut novum hunc procum in thorum conjugalem possit substituere. Ingens profecto crimen, Regiæ impactum majestati? a quibus? a Murræo, Regnum ambiente, & Calvinianis ministellis, Knoxio maxime & Buchanano, ad omne nefas projectis: qui, ut matrem cum prole, quam sub corde gestabat, una opera extinguerent, seditiones movere & gravissima in eam scelera spargere non horrebant. Quo autem teste? nullo. At litteras in cista Regiæ inventas asseritis, ad Bothwelum scriptas. Nempe quas ipsimet cistæ immisistis (Regina capta) perduelles falsarii, sine inscriptione, sine nomine & subscriptione, sine die & consule, sine sigillo. Neque novum hoc erat, ut Murræus cum assensu Regiæ manum imitati litteras confingerent; prout in causa capti Huntlei comitis aperte est demonstratum. Et quid Regina ad Bothwelum scriberet litteras, quem in aula præsentem habebat; epistola est absentis cum absente colloquium. Et quam male undique cohæret fabula! litteræ, a Regina ad Bothwelum datæ, potius in Bothweli scriniis, quam in Regiæ cista deprehendi debuissent. Et quid tandem in illis continebatur litteris? joci amatorii. De insidiis aut conspuratione in Darlæi mortem nec verbum. Denique Regina Deum in testem invocavit, litteras illas nunquam a se fuisse scriptas. Asserit spurius toties perfidiæ reus Murræus quidam; negat Regia Majestas, etiam Sacramento.

At

Fictæ litteræ.

At viro occiso luctu nullo parentavit : negavit exequias. Hæc Regi pa-
enimvero accusatio palam exhibet, quanta sit accusantium proter-
rentavit.
via, ut ea etiam, quæ in solis luce sunt exposita, impudenter ne-
gare non perhorrescant. Vidit tota aula fufas Reginæ lachrymas,
ubi cædis nuntius ad eam est perlatus, audivit gemitus, conditum
ejus jussu balsamo corpus, pollinctum odoribus : præfente Nobilita-
te illatum sepulchro Regio, in quo Majores Reginæ & ipse parens
Jacobus V. erat repositus. Quid ultra poscitis ? an ut crines sibi evellat ?
ut unguibus faciem laceret ? ut furentis instar discurrat ? hæc si fecisset,
diceret malignitas, ideo facta, ut parricidii suspicionem a se amoliat.
Est hæc petulantis linguæ nefaria indoles. Agas hoc, rodit : agas aliud,
carpit : agas quidcunque, maligna interpretatione proscindit : & si
factum non potest, facientis mentem accusat. Si vero non maxi-
ma fortasse pompa corpus est illatum tumulo, minorique, quam
decuisset, Nobilium frequentia, cui, quæso ! id imputandum ?
an Reginæ ; an accusatoribus eorumque symmists ; quid faceret in
urbe hæretica ? ritu Catholico conjugem Catholicum tumulari vo-
luit. Ridenti sibilo explosistis sacras ceremonias. Vix erant, qui
operam commodarent. Jam vero, quod vestra culpa solennitati
defuit, Reginæ impingitis.

Veniamus modo ad criminationem omnium gravissimam, qua ^{Cur Bo-}
cædis patratæ ream Reginam arguunt. Maritum non luxit, ^{velo nu-}
sed mox ad nuptiales lætities conversa, ad pollutum maritali sangui-
ne thalamum mariti latronem admisit. Verum enim vero quinam
sunt illi, qui ita accusant ? illi ipsi sane, qui totam hanc stropham
adornarunt. Post celebratas, quoad in loco hæretico fieri poterat,
mariti exequias, pullata veste induta domi se conclusit, indulgens
luctui. De nuptiis nulla tunc illi cogitatio. Vos accusatores, vos
estis, qui perturbare omnia volentes, hanc scenam adornastis. Vos
Bothwelum spe Regii conjugii proposita ad cædem Darlæi incitastis.
Vos eum ad vestrum tunc judicium delatum absolvistis ; quia nec-
dum satis intricata vobis videbatur tragædia. Parum erat Bothwe-
lum, invisum licet vobis hominem, quia Catholicum, perdere ; ni-
si etiam Reginam cum ipso perderetis.

Hinc instructa nuptiarum catastasis ; ut apud Elisabetham, non
tantum in Anglia, sed in Scotia quoque suo nutu omnia moderantem,
utrumque conjugem patratæ cædis reum possitis agere. Convenistis
Reginam : proposuistis calamitosum Regni statum, in factiones &
turbas scissum : unicum rei publicæ esse remedium, si Bothwelum
in

in thori & throni consortem admitteret: hac conditione regno pacando vestram addixistis operam: minas intentastis, si secus faceret: suastis, impulistis, coëgistis. Quid faceret Regina, quæ in vestram potestatem se videbat redactam; vestris minis perterrita, spebus oblatis impulsæ? Annuit tandem postulatis vestris, reipublicæ quietandæ gratia. Exhibitæ sunt Anglis, quos Elisabetha in hac causâ iudices in Scotiam miserat, Murrai, actoris primarii aliorumque proditorum litteræ, quibus constituebant inter se, cogendam Reginam ad ineundum cum Bothwelo conjugium. Exhibitus contractus nuptialis, vestra manu subscriptus. Bothwelum infontem cædis iterum iterumque pronuntiastis. Ratum habuerunt, quod vos contexuistis matrimonium, Scotiæ Episcopi: quorum tamen maxime fuerat, criminis impedimentum, si quod subversatum fuisset, nuptiis objicere.

Contractæ sunt igitur vobis authoribus & impulsoribus nuptiæ. Attigistis votorum metam. Involuta fati videbatur, quam lussistis, tragœdia, ut diu præmeditatam catastrophem possetis imponere. Collussistis cum Elisabetha. Petistis ab ea iudices. Facti estis accusatores. Actionem criminalem intentastis Reginæ vestræ, proditores perfidi, juriūque naturæ ac gentium prævaricatores improbi. Collusionis cum Bothwelo, & cædis Regiæ dixistis ream. Actionis nefariæ basis esse debebat hoc ipsum, quod obtruseratis, cum Regis parricida, ut loquebamini, conjugium. Argumentum vestrum: de cæde constat: Bothwelus manum, Regina consilium præbuit: connubium quæsitum finis intentus & præmium sceleris. Ecce! machinationum pulchram congeriem, a spiritu ambitionis & hæresis fecundo parente progeneratam!

Servino
sunt ido-
ne testes.

Sed videamus ultimum ad subruendam innocentiam arietem. Servi Bothweli, ad quæstionem vocati, in equuleo & catasta fassi sunt, Reginam cædis conjugalis fuisse participem. Jam non disputo de ancipiti veritatem exprimendi per tormenta remedio: ubi sæpe dolor extorquet, quod conscientia abhorret. Hoc quæro: quinam fuerint iudices, servorum carnificinæ moderatores? jurati hostes Regiæ, illius exitio omni conatu intenti. Hi movebant quæstionis machinas. Hi servorum linguæ imponebant verba, quæ ignobile ac venale hominum genus loqueretur. Hi chartæ commiserunt, quæ perfidia & proditio suggerebant.

Sed unde norant servi Bothweli, Regiæ consilio cædem esse patratam? an Regina ipsis manifestavit? quis credat? Non solent profecto magni Principes arcana sua, summi præsertim momenti, vilium

viliū fervorum, maxime si alieni sint, loquacitati subicere; Privatus paterfamilias id non facit, quid dicam Princeps, cujus ratio status magnam partem constat arcanorum silentio? An Bothwelus Reginae mandatum aut consilium cædis servis enuntiavit? Servi etiam in equuleo torti de hoc nihil. Neque credibile, Bothwelum, qui ob connubii spem Reginam volebat amicissimam, servulis manifestasse consilium Reginae in summum ejusdem præjudicium. Cur non dixisset potius, hanc esse voluntatem (sicut re ipsa erat) Murræi, Mortoni, aliorumque Procernm, qui pro libidine regnum ea tempestate vertebant? Cur in quæstionis hujus negotio omissa sunt nomina ejusdem Murræi, Mortoni, & aliorum, quorum consilio & opera cædes Darlæi fuerat patrata? Denique Bothwelus ipse, qui in Dania exulabat, & decennali carcere erat detentus, constanter asseveravit etiam in ipso mortis articulo, Reginam in cæde Darlæi nullam habuisse partem, eaque prorsus incia fuisse patrata. Quod testimonium viri, eo tempore depositum, quo nec timori nec spei supererat amplius locus, Rex Daniæ Principibus Europæ communicavit.

Volvite, revolvite annales mundi: tale judicium, quod in Scotia adversus Mariam Stuartam Reginam fuit habitum a Calvinistis, nulla unquam vidit ætas, nulla finxit mythologia. Produxit quidem omnibus sæculis mundi hujus instabilis ac perfidi theatrum stupendas tragœdias. Sed huic tot prodictionibus, & iniquis machinationibus involutam invenietis nullam similem.

Taceo, in facie Reginae crudeliter obtruncatum fidissimum ejus Ministrum: Reginam adulterii insinulatam a subditis suis, argumento nullo: confictas in eam rem ab iisdem litteras, & in scrinias Reginae captæ depositas: captam eandem sæpius, & indignissime habitam. Hoc novum atque inauditum, apud politiores præsertim nationes, Reginam, omnium virtutum splendore ornatam, in suo regno, a propriis subditis perduellibus ac perfidis criminaliter accusari de cæde, ab ipsis patrata, sumpto argumento ex connubio, ad quod ipsi coegerunt, productis in caput judicium, Reginae servulis alienis, homunculis vilissimis; & quidem inauditum hoc judicium exerceri in Scotia, a iudice prorsus incompetente, in foro alieno, ab Anglis, quibus tunc nulla in Scotiam jurisdictio, quid dicam in illius Reginae, suprema, abso-

luta, & independente omni potestate imperantem? aut quod tandem jus Angliæ Reginæ in Reginam Scotiæ? Illam huic subiectam novi, quia Stuartæ etiam Angliæ regnum debebatur, hæreditatis titulo, sanguinis proximi impolluti jure: Scotia Elifabethæ nullo modo. Heu! quot insanabiles judicii nullitates! quot inauditæ in uno judicio injustitiæ! judicio? in uno parricidali latrocinio. In privatum civem sic nulla ratione agi poterat, etiam prædonem, etiam latronem. Quid dicam in Reginam? subditi actores; Regina rea! exterus judex! vah portentum! quid magis mirer? An accusatores? An ream? An judicem? An causam?

Sacra apud omnes gentes Regum Majestas est. Vel verbo eos violare immane scelus. Nulli in humanis terrenæ potestati subiecti, soli Deo sui rationem reddunt. Fingite (liberæ enim sunt cogitationes) fingite, Reginam Scotiæ Darlæum, quem ex privata vita extractum ad Regium thorum evexerat, ob Riccii cædem propria manu obtruncasse: conspersas recenti cruore manus coram aspici, fatentem Reginam, commissam a se cædem. Quid hæc omnia ad Reginam Angliæ? Quis eam in hac causa judicem constituit? An se ipsam? Quo jure? Scoti evocarunt: Scoti judices delegatos ab Elifabetha petierunt: Scoti jurisdictionem ei prorogarunt in Reginam Scotiæ. Paradoxam sane jurisprudentiæ synthefin, atque ad eam usque diem inauditam! itane vero? jurisdictionem prorogarunt in Reginam Scotiæ? Nec in se ipsos adversus Reginam suam rebelles prorogare poterant; quomodo adversus Reginam ac Dominam suam?

Male profecto foret provifum humanis per orbem potestatibus, si subditis, qui facile cum jugo suo, etiam miti, rixari solent, illudque conantur excutere, integrum esset, exteros in regnum evocare, qui de summi imperantis capite decernant. Armate hoc gladio subditi insolefcentis tumultuantisque audaciam: quid jam aliud futurum putemus, nisi ut ut civis in Principem insurgat, exteris in regno tribunal erigat, pessundet inviolabile coronæ decus, summam imperantis potestatem precariam faciat, & libidini suæ subiciat, fortunas, caput, vitam Principis pro arbitrio in manu verset; ac denique evertantur penitus regna,
aut

aut nequissimus quisque per prostratum Principem sibi gradum ad solium sternat.

Ut igitur complectar paucis omnia ; si ream speciem, Regina est, nullius terrenæ potestati subiecta : sanctum igitur, illibatam, inviolabile demisso obsequio colatur Majestatis decus. Si accusatores considerem, sunt subditi, sunt proditores, sunt rebelles, sanguinarii, perduelles, sunt læsæ Majestatis rei : caput Reginæ suæ petunt. Venerationis causa humanis etiam legibus cautum est, ne filius in patrem, libertus in patronum, servus aut vasallus in dominum, accusatorem aut testem agat : reclamante etiam ipsa natura : quanto indignius, quanto sceleratius subditus, fide, obsequio, homagio, sacramento subiectus, in Regem, Principem, Dominum, Patronum, imo Patrem omnium impia accusatione grassatur, eumque ad necem deposcit ! an Spartaci illius more agendum ? an Lapitharum in Regno vivimus ? quamvis nulla sit barbaries, quæ non humanius, & in Principes suos reverentius egerit.

Si in iudices oculos conjicio, video illos externos, peregrinos homines, ex Anglia in Scotiam missos ad condemnandam Reginam, quibus nec in privatum Scotiæ civem ulla est jurisdictio, jus aut potestas ; quanto minus in Principem supremam, absolutam, independentem, Monarchicæ Majestatis supereminenti magnitudine in Regno suo fulgentem ! Excepit Regina contra hoc forum, tribunal, judicem, iniquissima, sanguinaria, ac violenta usurpatione obtrusum, contra jura naturæ, gentium, ac humanas orbis universi sanctiones in alieno Regno adversus hujus Reginam nefarie erectum. Heu ! quem mundum essemus habituri, quæ regna, quantam rerum omnium publicarum confusio- nem, invasiones, turbas, tumultus, si hæc agendi ratio locum obtineret.

Denique si causam ipsam inspiciamus. Quam actionem intentatis accusatores ? Quam injuriam vestram persequimini ? An aliquem vestrum Regina læsit ? Altum de hoc silentium. Optima Regina non intulit injurias, sed passa est, magnas, multas. Ex lege Cornelia de Sicariis agunt adversus Reginam mansueti & modesti homines. Cædis patratae arguunt ; ad vindictam publicam agunt : sanguinem pro sanguine repetunt. Huc ergo reci-

dit tota accusatio. Jam demus tantisper, quod a veritate abhorrens, quod fictum, quod nulla ratione probatum: demus inquam, in vindictam publicam obtruncati crudeliter Riccii, viri innocentis, cæsum a Regina Darlæum, qui nullis, nisi a Regina mutuatis, splendebat radiis. Quid hoc pertinet ad Reginam Angliæ? quid aliorum interest, utrum Regina Scotiæ colum, an sceptrum, vel gladium tractet? Si scelera plebsit publica; cur Elisabethæ, cur subditis rationem reddat?

Ecce! pater Elisabethæ duas uxores occidi iussit, inter quas erat mater Elisabethæ; duas repudiavit matrimonio jam consummato; occidit Episcopos, Principes, Duces, nobiles. An exterorum quispiam Principum, an subditi propterea Henricum in jus vocarunt, Elisabetha ipsa quantum sanguinis innocui fudit in Angliā? quis propterea illam actione pulsavit? Vos ipsi accusatores intensis nervis contenditis, ut Regina vestra ob Darlæi cædem vita ipsa spoliatur. Cur illa non potuisset Riccii interfectorem capitali pœnæ subijcere.

Sed nolo argumentum hoc esse meum: quia, jure an injuria cæsus sit Darlæus, non disputo. Vestris duntaxat armis vos petere volui. Sed hoc dixi, dicamque semper, innocens a Darlæi sanguine Regina fuit. Reconciliata cum eo gratia: absolutus a nece Riccii; pignus amoris Jacobus, quem in utero gestabat, utriusque filius. Cum Bothwelo nulla sequior familiaritas: connubium cum eo postea initum, a proceribus obtrusum. Servuli viles nequaquam adversus Reginam testes idonei, eo præsertim modo examini & quæstioni subjecti. Nec etiam quidquam edixerant, quod Reginam collusionis convinceret. Audivisse se ab hero, Parlamenti & Reginæ voluntate cadendum Darlæum. Vel probat hoc aliquid, vel nihil? si nihil: innocens Regina est. Si probat, vos ipsos accusatis cædis reos. Eodem enim sermone & de vobis & de Regina vestra testati sunt. Si dicatis, vos falso esse adjectos, dicam ego meliori jure, aut Bothwelum id nunquam dixisse servis, prout constanter ad mortem usque Reginam innocentem pronuntiavit, vel id simulasse, ut animum servis faciat, vel servos tormentis victos falso Reginæ nomen vestro, qui una cum Bothwelo cædem patratistis, adjunxisse.

Atque

Atque hoc est illud judicium, quod Elisabetha, cum Scotiæ Regina jam in Anglia teneretur captiva, missis delegatis in Scotia haberi voluit, adeo hiulcum, distortumque, ut Delegati, patentibus accusatorum imposturis, ut maxime vellent, ausi non sint mortis sententiam pronuntiare: indignante propterea Elisabetha, & Judicibus ignaviam, Murrao & Mortono actionem male tractatam exprobrante.

Quia tamen deliberatum habebat Mariam perdere, fuscusque De infide colorandæ sententiæ querendus erat, omissa illa de Darlæi cæde is-
actione, undique fatigante. novum ei crimen impexit. Judices itaque datos 34. Fodringamum mittit, ubi Regina detinebatur captiva. Sistitur judicio. Accusationis caput, quod Regiæ Angliæ infidias struxerit, pluraque alia contra ejus regnum sit molita. Probatio inde desumpta, quod post Mariæ mortem Angliæ Regiæ titulum usurparit, Regina Angliæ per Gallias sit promulgata: ad ejus e captivitate liberationem tum intra tum extra Angliam varia sint cusa consilia. Babingtonum id esse confessum. Complures litteras in eam rem scriptas haberi interceptas, argumento non dubio, Elisabethæ vitam perfide fuisse appetitam. Quatuor jam equites fuisse accinctos, ut Elisabethæ cædem ad Mariam perferrent. Hæc probationum summa.

Regina Scotiæ ad hoc judicium citata, imprimis contra forum excepit: se juris supremi Reginam non esse Elisabethæ subditam: judicari proin ab ea aut ejus delegatis non posse: nec Angliæ legibus stringi peregrinam. Repositum: eam jam in Anglia degere, Anglicano proin more vivendum. Adhæc delicto suo forum sortitam, hoc tribunal declinare non posse. Coacta igitur in judicium, ne diffidere causæ suæ videretur, præmissa contra forum protestatione, accusationem tam dilucide diluit, ut facile ejus pateret innocentia, si veritas, si justitia, si æquitas quæreretur.

Infidias Elisabethæ struxit, inquit; At ubi? quando? per quos? an, dum in Gallia vixit, Delphino nupta? Sed brevis ea fuerat commoratio. Indicium infidiarum nullum. Nulla hic accusatio; nisi quod dicant, eo tempore Reginam Angliæ fuisse proclamata. Verum contestatur Regina, id per Henricum II. Regem Galliæ focerum suum fuisse factum. Si proin culpa in

eo sit aliqua, a se alienam esse : se certe nihil esse molitam. Verum permittamus, Mariam iussisse, Angliæ Reginam se promulgari. Fingamus insuper, eam exercitum comparasse, ad occidendum, post Mariæ Angliæ Reginæ mortem, Regnum Angliæ. Quæ in eo culpa ? jure suo egisset. Elisabetha natalium vitio laborabat, nata ex pellice, prout nuper est demonstratum. Maria Scotiæ Regina parentem habuit Jacobum V. Henrici VII. ex rogativa erat proxima hæres Mariæ defunctæ. Si igitur regnum Angliæ petisset, quod sibi debebatur, petisset. Si renitenti Angliæ arma intentasset, suum vindicasset. Quis propterea argueret, in caput Elisabethæ insidias structas. Frequens inter Principes de regnis ac provinciis est contentio, bellum frequens. An idcirco in vitam mutuas tendunt insidias ? Regnum petunt nostri Principes, non caput æmuli. Sed quid ego hæc ? nihil, nihil omnino molita est Maria Stuarta, aut in Elisabetham, aut Angliam, dum juvenili ætate vixit in Gallia.

Sed neque, dum reversa in Scotiam, eandem moderabatur. Toto enim eo tempore tot calamitatibus, tumultibus, seditio-nibus domesticis, erat pressa atque oppressa, a perfidis & impiis Calvinistis, ut Scotiæ Regnum retinere non posset. Quis credat, eam tunc in Angliæ Regnum quidquam machinatum ? Et cur, si in caput Elisabethæ fecisset insidias, prodita ac deserta a suis Scotis, fugisset in Angliam ? Num Elisabethæ tanta fiducia se credidisset, dum via patebat in affinem Galliam ? Magna profecto vis est mentis sibi male consciæ : fugit, quem læsum novit, maxime potentem. Non quero igitur, quidnam molita sit ? quasnam insidias fecerit ? per quos ? quia nullæ fuerunt. Non fecit in Scotia insidias, sed passa est : passa est multas, graves, iniquissimas, afflicta undique Princeps.

Igitur in Anglia insidias contigisse necesse sit. Ita est. Sed quis struxit ? an illa, quæ toto tempore in arcto carcere latebat abdita, an vero illa, quæ carcerem imperavit, omnesque vias rimata est, quibus Reginam innocentem opprimeret ? Rei seriem paucis percipite. Maria a Scotis suis dire vexata, ab Elisabetha, quæ aspitem sinu abscondebat, amicissimis litteris, in quibus eam sororem appellavit, & liberalibus promissis illecta, fugit in

in Angliam velut in asylum. At, nefas; vix fines cum modico famulorum comitatu ingressa, jussu Elisabethæ comprehenditur, in carcerem abducitur, spoliatur famulatu, pecunia, cymellis, suppellectili. Per diversos carceres raptatur, arctissime custoditur, ab Amia Pauleto carceris præfecto inhumane tractatur: denique post 20. annorum carcerem immani scelere obtruncatur.

Deum immortalem! quis alteri struxit insidias? an columba accipitri, agnus lupo, musculus catæ? an illa, quæ nec, si voluisset, potuit, an vero illa, quæ potuit, & voluit? Res ipsa loquitur. Sed litteræ sunt interceptæ. Quis scripsit? an Maria? nequaquam. Quid ergo ad illam? amicus ad amicum scripsit litteras. Ergo inermis armatæ, captiva plena libertate lascivienti, omnium inops potentia, satellitio, opibus, omniumque rerum affluentia terra marique circumvallatæ, fecit insidias. Quæ hæc consecutio? Sed quid continebant eæ litteræ? an Mariam machinationis insidiosæ aut prodicionis alicujus arguunt? nullo modo. In rationem inquiri nuntiant, qua Maria Stuarta ex diuturno & ærumnoso carcere liberari queat. Principes exteros de ea liberanda esse sollicitos. Hoc Babingtonus in equulep falsus est. O nervosum argumentum! habemus scelus. Convicta est Regina. Infidiata est vitæ Elisabethæ.

Intellectin' pulchram argutandi viam? Solliciti fuerunt aliqui, ut Regina e carcere liberetur. Ergo fecit insidias. Ergo in vitam Elisabethæ machinata est. Ergo pereat. Novam profecto jurisprudentiam! inauditam dialecticam! Christiani erant solliciti, ut Petrus liberetur e carcere. Ergo Petrus Herodi struxit insidias. Paulus per fenestram Sporta dimissus est. Ergo machinatus est in mortem Damasci Præsidis. Negat Regina, datas a se vel acceptas de sua liberatione literas: nec ullo indicio id constat. Negat, Babingtonum sibi unquam cognitum, aut consilii quidquam cum illo collatum. Quid ergo ad illam pertinent datæ ad istum litteræ?

Sed liberales simus. Permittamus, factum, quod nunquam factum est. Demus, Mariam, in carcerem iniquissime conjectam & diuturni squaloris pertasam, ad varios scripsisse litteras, rogasse auxilium, implorasse opem, ut tandem ex tot ærumnis liberetur.

Z z z z z 2

beretur, vitamque servet. Concedamus, Catholicos ejusque amicos sollicitatos omni studio contendisse, ut captivam clam e carcere eripiant. Plus dico. Cedamus & illud, externos Principes, ejus precibus motos, vi etiam armata ejus liberationem extorsisse. An propterea Elisabethæ insidias fecisse dicenda foret? jure suo egisset. Necessariam sui defensionem adversus iniquum aggressorem & leges humanæ, & Divinæ, & natura ipsa concedunt. Fugere licuisset, si potuisset; cur facere nequeat, ut possit? Vim injustam etiam vi licet repellere, servata inculpatæ tutelæ moderatione. Non facit insidias, qui se vitamque suam juste defendit. Etiam juste detentus in carcere, fugit, si possit, & ut possit, satagit. An idcirco Principi vel Judici struit insidias? quanto minus Maria, licet opem flagitasset, ut ex injusto carcere liberetur? Licitum sibi putavit Elisabetha, Reginam Scotiæ, in quam jus nullum habebat, insidiarum prætextu occidere. Quid Reginæ Scotiæ licitum fuisset ad avertendas veras insidias, ut vitam servet, jam non est necesse dicere.

Id unum ego probandum assumpsi, nullas à Maria factas Elisabethæ insidias: idque satis evictum existimo. Nihil est machinata, dum vixit in Gallia; nihil, dum in Scotia cum subditis suis luctabatur; nihil, dum contra fidem ab Elisabetha datam, contra jura hospitii, contra naturæ ac gentium jura perfide fuit comprehensa, & in carcere detenta. Nullum indicium, nulla probatio. Litteræ, ab aliis scriptæ, ad eam non pertinent. Nec illæ insidiarum, sed liberationis duntaxat mentionem faciunt. Suspicionibus solummodo & præsumptionibus, iisque levissimis tota accusatio nititur. At scelera non præsumuntur, in tanta præsertim Principe. Male profecto ageretur cum humano genere, si levibus præsumptionibus vita staret. Et hinc leges etiam ad privatum civem capitis condemnandum probationes luce meridiana clariores exigunt.

Ut dicam, quod res est. Satis perspectum Elisabethæ, & senatui Anglicano fuerat, nullas omnino factas insidias, imo nec fieri potuisse. Noverat tamen Mariæ in Regnum Anglicanum jura. Sciebat a Galliæ Rege promulgatam. Hoc urebat. Non satis firmum diadema putavit, quamdiu in vivis esset Stuarta. Et fortasse hanc se ipsa metiens, cogitavit, quid esset factura, si loco

o co Mariæ foret. Hinc omnia perturbanda: Hispano in Belgio & America, Gallo in ipsa Francia quærendus hostis facessendumque negotium. Scoti adversus Reginam suam concitandi. Illa banditiis, promissis, fraudibus in casses trahenda, carceri mancipanda, enecanda. Jura sua perdidērunt miseram Principem. Alienos animi male sibi conscii timores luit. Secura fuisset, si minus juris habuisset.

Plus viginti annis ea lusa tragædia. Involuta fraudibus ac perfidia turbata omnia: nec tamen exitus spectabatur: quia causa nulla sanguinariæ sententiæ inveniebatur. Fingendæ itaque insidiæ, molitiones, machinationes, ut fucus saltem injustitiam summamque iniquitatem obtegeret. Cadere igitur debuit infami carnicis manu Princeps innocua, alieni timoris & ambitionis victima. Decussus coronatus vertex, & purpura Regalis infecta sanguine.

Quantumcunque autem crudelis & sanguinaria fuerit Elisabeta, nunquam tamen ad extremum illud scelus prolapsuram fuisse existimo. nisi ab hæreticis in illud fuisset propulsa. Quum enim illi timerent, ne alterius Mariæ Angliæ Reginæ redirent tempora, & suos & Elisabethæ timores in immensum auxerunt; atque ut sectas suas firma ac stabili sede communirent, bene se meritos putabant, si nescio quas Stuartæ adversus Reginam machinationes confingerent. Qua de causa etiam tot aliæ cædes innumeræ patratae, perduellionis titulo: omnes enim Christi Martyres proditionis & insidiarum rei esse debebant. Quæ tamen omnia non Anglicæ Nationis vitio, utpote nobilis & erectæ, sed hæresis spiritu, optimam etiam gentem depravantis, confecta sunt.


Detestatus est olim orbis Neapolitana theatra, Regio sanguine horrentia. Et tamen Conradinus cum armato exercitu accessit Italiam: hostis erat, dejecturus Carolum Regni ab ipso Pontifice confirmati possessione. Maria Stuarta Regina Scotiæ accessit Angliam non cum armatis copiis, non hostis, non privatura Elisabetham Regno, sed auxiliorum promissis illecta, in locum refugii, fidei Elisabethæ se committens, agnoscens ipsam Reginam, nec jus aliquod in Angliam sibi tribuens, ipsa aut ejus posteritate vivente. Tanta nihilominus excitata tragædia, auctore potissimum hæresi.

Illud sane mirandum , Protestantos scriptores totis in id viribus incumbere , ut Mariam Stuartam Scotiæ Reginam velut adulteram , parricidam , & Elisabethæ insidiatricem , aliisque sceleribus contaminatam , ac carnificis manu dignam proponant , Elisabetham vero velut heroidem incomparabilem , omnique virtutum genere ornatam orbi proponant ; cum tamen ex Elisabetha nullus mortalium , ex Maria vero Stuarta multi ex præcipuis Europæ familiis , inter quos ipse etiam est modernus Augustissimus Imperator , descendant. Neque alio jure hæreditario ii , qui hoc sæculo , quo vivimus , Angliæ clavum tenent , nisi ex Maria Stuarta ad se derivato , niti possint. Si igitur rei veritas & innocentia illius nullo apud Protestantium pennas est loco , respectus tamen tot Principum Catholicorum & A Catholicorum eos coercere deberet , ne stirpem tam vitiosam & abominandam eis obtrudant. Verum istis solis omnia licent.

Catholica fuit Maria , Elisabetha nullius fidei , certe A catholica. Hoc sufficit.







J 767

B. 612a

v. 3.





